

sc.19.pl.4



MAG 343



ILLUSTRISSIMI ET REVERENDISSIMI DOMINI
D. F. JOSEPH-MARIÆ PERRIMEZZI
EX ORDINE MINIMORUM
S. FRANCISCI DE PAULA

S. CONGREGATIONIS INDICIS IN URBE CONSULTORIS,
S. Romanæ & universalis Inquisitionis Qualificatoris, SS. Domini
nostri Prælati Domestici, & Pontificio Solio Episcopi
Assistentis, Sanctæ Oppidenfis Ecclesiæ Episcopi,

IN SACRAM
DE DEO SCIENTIAM

DISSERTATIONES SELECTÆ
HISTORICÆ, DOGMATICÆ, SCHOLASTICÆ.

P A R S P R I M A.

**AD SANCTISSIMUM PATREM,
ET DOMINUM NOSTRUM**

CLEMENTEM XII.

PONT. OPT. MAX.



NEAPOLI MDCCXXX.

Ex Typographia Januarii Mutio Hæredis Michaelis Aloyfii.
Superiorum Permissu.

W. L. S. I.

AD SANCTISSIMUM PATREM
ET DOMINUM NOSTRUM
CLEMENTEM XII.
PONT. OPT. MAX.

A U C T O R



Q UOD hactenus longis votis expectavimus,
& identidem a Deo , summo bonorum
datore , ardentibus , ut prolixis , preci-
bus , expetivimus , id omne in Te uno,
BEATISSIME CLEMENS , felici qui-
dem christianæ rei auspicio , & communi proborum
Hominum gaudio , proximis faustisque diebus , acce-
pisse , gratulamur. Et tantum abest , ut longa men-
sium dilatio lætitiæ nostræ inferat detrimentum , quod

potius , quum expectatio desiderium reddiderit ardentius , & eventus desiderium omni ex parte compleverit , collatum bonum eo reputamus completius , quo longius depoposcimus ; atque illo etiam fruimur suavius , quo avidius concupivimus . At , quum in Te uno nos illud recepisse Deus Optimus Maximus divinæ suæ Providentiæ consilio disposuerit , gaudiis nostris prope in immensum promovendis æque collimant , & quod optatum Pontificem , diu conquestum , habuerimus , & quod habuerimus in Te , ad quem virtutum omnium decora conspirant , & Bonorum omnium vota dirigebantur .

Quæ fuerit ob tantæ rei , de repente quidem , & omnino inopinatam promulgationem , Catholicorum omnium exultatio , id clarius ex Te ipso percipies , quam ipse possim luculentius atque vividius , explicare . Etenim , quum cuique per longa temporum intervalla perspecta fuerit illa tua morum suavitas , affectuum constantia , vitæ innocentia , iudicii probitas , literarum denique , non superficialia , sed intima & penitior , cognitio ; omnes , nemine excepto , confidunt , Te Pontifice , & Principem nos habituros , qui corpora ad naturalis felicitatis mensuram consequendam , juxta politici regiminis regulas , disponat , & Pastorem , qui animas ad supernæ beatitudinis normam , per sacri imperii canones , manuducat . Hoc profecto in Summo Sacerdote cuncti summis laudibus extollunt , si consequantur ; & conjunctis votis exposcunt , dum expectant ; quia scilicet hoc uno , & Principatus jura explentur , & Pontificatus munera comprehenduntur .

Hoc idem obtinuisse jam in Te ipso , **PONTIFEX SANCTISSIME** , absque hæsitacione credimus , immo potius scimus ; quia suadent non solum , sed ad oculum quoque demonstrant , & natalium clari-

tas,

tas, quibus ad commune bonum nascens in primordiis vitæ fulsisti; & Patriæ indoles, ad docendum facta; & domus opulentia, qua ut nullius indiges, ita & plurium consulis indigentia; & munerum denique, quibus omni laude functus, omnium commendationem, immo admirationem, feliciter obtinuisti.

Si sanguinis decora percurram, antiquissimam in Etruria Gentem tuam, æque ac nobilissimam, inveniet quicunque serio observare voluerit, & Viros in bello fortissimos, & in pace prudentes, & in vitæ sanctitate præclaros. Et quem latent in Florentina Republica Corsini Heroes, quibus illa stetit in maximis rerum discriminibus jactata, sive eam consilio, sive fortitudine, adjuvaverint? Armorum Duces hinc eam strenue contra hostes externos defendebant, Senatus Præsides inde inter cives prudentissime regabant; eo quidem perennitatis omine, atque etiam eventu, ut illorum maxime ope libertatem, quam nihil habebat pretiosius, nihilque dulcius, sanctam tectam longo tempore conservaret.

Patriæ postmodum prærogativas recensens, neminem esse judico, quem lateant strenui milites, homines consultissimi, literarum quaruncunque cultores, Pontifices sancti, Viri Principes, a quibus Urbes, plusquam a solo, ab aere, a mæniis, ab ædificiis, decorantur. Et ut cæteros omittam, summos Ecclesiæ Hierarchas commemoro, qui in supremo folio tuo sederunt, & a tua etiam florentissima Patria prodierunt, humana & divina jura supra omnem laudem moderantes. Ex regali Medicæorum stirpe quatuor recolimus, ex Aldobrandinis unum, ex Barberinis alterum, qui non longe a temporibus nostris christianam Rempublicam ea sanctitatis, prudentiæ, ac doctrinæ fama rexerunt, ut Posteris relique-

liquerint optimi regiminis exemplum , & Antecessorum gloriam omni ex parte exæquaverint.

Domus vero tuæ ea est opulentia , ut Ecclesia a Te possit fulcimentum exigere , non autem Tu habeas suppetias ab illa emendicare. Sciunt omnes, qui Te norunt , PATER BEATISSIME , quæ largitate , quæ munificentia , complexus fueris , & illos, quos domi excipiebas , & illos quoque , quibus in Urbe amplissima & indeficienti charitate succurrebas. Quæ ut perficeres , non Ecclesiæ subsidia , sed rei familiaris copia , inexhaustum Tibi censum subministrabat , quo potuisses animo tuo vere regio impar non esse.

Munera denique , quæ obiisti , & pari probitatis ac sapientiæ laude obiisti ; ea sunt , quæ in viventium hominum memoria versantur , sive fidem erga Principem spectent , sive justitiam erga Populos , sive moderationem erga Te ipsum ; quibus ad admirationem Tui omnium mentes , & ad Tui amorem corda omnium , rapuisti. Quis Te unquam vidit in jus dicendo , vel partium studiis addictum , vel propriæ cupiditati consulentem , vel sacrarum Legum integritatem ad Amicorum commoda detorquentem ? Quis Te ullo tempore convenit , & non invenit aut cum doctis hominibus , aut cum doctorum hominum voluminibus , conversantem ? Quis Te denique alloquutus aliquando fuit , & ab ore tuo vel sapientiæ , vel scientiæ , oracula non reportavit ?

Hinc in sententiis , quas promulgabas , incorrupta justitia ; in controversiis , quas componebas , summa æquitas ; a Dissidentibus , vel ab eorum Patronis , quos audire usque ad nauseam consuevisti , inimitabilis alienatio . Apostolici vero Aerarii , cui , Præfeti munus agens , non per paucos annos præfuiisti , ea solertia , eaque munditie , indemnitati consulere conatus

natus es, ut nec Civibus onera imponere, nec a Populis insueta extorquere, ad illius levamentum, opus esset. Quamobrem CLEMENS XI., immortalis memoriæ Pontifex, summus hominum æstimator, ac justissimus remunerator benefactorum, sacra purpura Te exornare, in prima sua promotione, non minus ad tuorum meritorum præmium, quam ad suæ justitiæ laudem, æquissimum judicavit.

Amplissimam tandem dignitatem assequutus, eam meritorum incrementa in illa sustinenda cumulare contendisti, ut Majoribus tuis, eadem dignitate ornatis, quoquo versus æquiparari merereris. Omnibus fere Congregationibus addictus, ut illarum frequentiam nunquam fastidire visus es, ita & in omnibus vota tua eo maturitatis ac sapientiæ judicio proponere consuevisti, ut Collegarum cætera ad tuum accedere non erubescerent. Signaturæ, ut ajunt, Justitiæ Præfecturam gerens, altissimum Tribunal & præsentia, & providentia, & oraculis tuis, omni ex parte decorare, inter alia ornamenta, quibus cuique gentium admirationi eras, eidenque undequaque consulere, contendebas. Innumeras pene protectiones exercens, cuilibet ex illis, non solum voce, & opere, sed etiam ære proprio, prospicere, sic antiquius habuisti, ut & sacri Ordines, & Urbis Ecclesiæ, ad tuum amantissimum confugere patrociniū, contenderent.

Hæc quidem omnia visa sunt, iter Tibi parare PONTIFEX SANCTISSIME, ad supremum Apostolatus fastigium, ad quod votis omnium Electorum feliciter ascendisti. Non enim dubitare fas erat, Cardinalem, tot tantisque virtutibus ornatum, futurum fore Pontificem, qui Christianorum omnium desiderio & expectationi responderet. Immo piaculum quilibet reputans electioni tuæ contradicere, partium
flu-

studiis, si quæ fuissent, undequaque sepositis, in Te unum omnes convenire visi sunt; tanquam in illum, quem Deus Ecclesiæ suæ clavo proponere, non ambiguis quidem indiciis, videbatur. Unde electionem tuam Principes terræ gratissimam habuerunt, Ecclesiæ Proceres acceptissimam, omnes denique Ordines hominum, tanquam a Deo factam, elatis manibus, aperto ore, & corde diffuso, benedicere & exaltare, usquequaque conspiciuntur.

Et rite omnino, quum omnes altissimam spem foveant, Te, qui minora munera laudabiliter gessisti, qui majora supra commendationem explevisti, maximam quoque dignitatem pro sui merito impleturum. Sane fatentur omnes, solum Cardinalem Laurentium Corfinum, qui dissidentes conciliavit animos, qui errantia suffragia congregavit, qui discrepantia consilia composuit, futurum esse illum, qui omnibus erit acceptus, quique omnibus recte imperabit, quia non ex una aut altera gente, non ex hoc vel alio Ordine, non ex illo aut isto sanguine, sed electus fuit ex omnibus. Et quemadmodum omnes, etsi terra marique diffiti; genere, humore, affectu, dissimiles; Patria, Principe, Benefactore, Diversi; in Te convenerunt, ut una voce, unoque voto, in supremum Ecclesiæ Pastorem eligerent: Ita & Tu, felicitati omnium & singulorum providens, neminem facies, vel a Te tristem discedere, vel Tui non confidentem se ostendere, vel non sui voti compotem se divulgare.

Inter spes hæc, dignare, BEATISSIME CLEMENS, ut spes quoque nostra effulgeat; & quanvis in caliginoso loco posita, coram Te tamen, radiis tuis rediviva, clarescat. Dissertationes hæ nostræ, quas in sacram de Deo scientiam, sive pro historia, sive pro dogmate, sive pro re quoque scholastica,

stica, paravimus; & quæ modo publicam aspiciunt lucem, sub tui nominis umbra; nullam sibi promittere audent claritatem, si Tu eas patrocínio tuo, quo nihil clarius, nihil splendidius, honestare dignaberis. Si enim semel universalis Ecclesiæ Magister doctrinam, quam continent, non improbabit; Si Pastorum omnium Princeps Minimi inter Pastores curas non respuet; Si Christianorum Pater, & catholici Orbis Hierarcha, munusculum hoc, in exaltationis suæ anathema, accipiet: Omnes profecto credent, labores nostros, quos Ecclesiæ dedicavimus, eidem Ecclesiæ, non in noxam, nec in dedecus, sed in fulcimentum saltem, atque munimen fore cessuros.

Rem Theologicam non solum a primis ætatis tuæ annis Te feliciter tractasse, verum quoque posteriori ævo in eadem fuisse consultissimum, omnes, qui Te norunt, profecto habent exploratissimum. Et quid indicant melioris notæ Theologi, quibuscum conversari semper in deliciis habuisti, & quorum sortem adeo protegere visus es, ut non destiteris, nisi eos justo præmio videres redimitos? Quid Theologicæ Academiæ, quibus Roma ornatur simul, ac eruditur; unde Scholarum præjudicia deponuntur ab animis illorum, qui candidam facultatem in triviis quoque dehonestare consueverant; quarum nihilominus adeo fortiter tutelam suscepisti, ut & illas, & qui eas frequentabant, nunquam patrocinari desieris? Quid sacræ Congregationes, & Indicis librorum ab Ecclesia prohibitorum, & sanctæ ac universalis Romanæ Inquisitionis contra hæreticam pravitatem; quarum interest, in theologicis præcipue rebus, falsum a vero secernere, hocque asserere, & illud omnino damnare; & in quibus unus ex conscriptis Patribus, nemini quidem secundus, per annos plurimos confedisti?

PAR.I.

b

Hæc

Hæc sane animum nobis dederunt, ut hæc theologicæ Dissertationes edituri; & tui nominis ornamēto decorare, & tuæ doctrinæ præsidio fulcire, & tuæ auctoritatis imperio commendare, auderemus. Quod si easdem in benignissimam tutelam tuam fuscipere non dedignaberis, nec quid amplius nobis erit exspectandum; quum in Te uno habeamus, & Patrem, & Principem, & Doctorem, qui nec munera aspernari, nec labores despici, nec opera detractari, patietur. Perge ergo, SANCTISSIME PATER, humanitate illa tua, qua neminem ad Te accedentem respuisti, iustitia illa, qua nos ipsos aliquando contexisti, amore denique illo, quo complecteris & Ecclesiæ & Scholarum homines, qui pro Ecclesia, & pro Scholis, indefinenter defudant. Sic enim fiet; ut & nos non pigeat ad ulteriora admove-
re manum, & alii quoque contendant politioribus lucubrationibus literarum Rempublicam illustrare. Quod sane erit Pontificatus tui non exiguum ornamētum, usque ad æternitatem, ad majorem tui regiminis gloriam, duraturum.

LEGENTIBUS

PROLOQUIUM.



POST quinque supra quadraginta nostrorum laborum libros, quos usquequomodo sapientia vestra obtulimus corrigendos, et tandem prodeunt in lucem theologica volumina, in quorum emendatione vestram quoque humanitatem ampliori studio imploramus. Satis superque nobis perspecta est diutina illa patientia, qua abortiones, non fetus pauperula mentis nostra, non semel in manus recipere, manibus quoque terere, & oculis perlustrare, dignati essis. Quod nobis incitamento fuit, ut plura semper in dies meditantes, eadem semper, pari vobis placendi aviditate, publici juris faceremus.

Quum igitur non paucos ex libris hisce evulgaverimus, qui vel historiam, vel oratoriam, vel asceticam, vel variam quoque eruditionem, cum moderato quodam critica artis usu, praeferunt; nullum tamen edidimus, qui theologicam constineat facultatem, vel qui ad illam quomodolibet referatur. Quod sane quibusdam admirationi fuit; vel ex eo praesertim, quia in theologicis scholis fere omne tempus, quod in Religione percurrimus, vel dicendo, vel docendo, serentes, pro iisdem saltem debebamus, & maiora, & ampliora volumina evulgare. Accedebat, quod a pluribus putabantur incubrationes huiusmodi jam confecta; tunc quidem temporis, quando in scholis a nobis dictata ab Auditoribus nostris suscipiebantur. Unde minoris erant nobis laboris, si excolenda tantum, non conficienda, ut alia, typis easdem voluissimus tradere, sine ulteriori vel temporis, vel laboris, dispendio.

Et re vera ita esset, si nobis eodem prorsus tenore schedas nostras, quas ad distendendum in scholis composuimus, in publicum evulgare, animus fuisset. At diversam sane faciem praeferunt modo ab ea, quam tempore illo ostendebant; quia tunc Scholasticam summumodo professentes doctrinam, dogma, vel historiam attingere dumtaxat, non proficere, conabamur. Et quum tempus daretur ad docendum praefixum, ac determinatum, incongruum omnino videbatur, terere illud in iis, qua ad institutum nostrum non pertinebant, & abstinere ab illis, quorum summa, ut in aliis scholis in usu est, nobis committebatur.

Modo autem, quia nec legibus tenemur ad hoc vel illo modo scribendum, nec temporis angustiis laboramus, ampliori possumus libertate uti, qua Dissertationes nostras, quo utiliori ducimus instituto, evulgemus. Igitur Scholasticas Controversias omittere non iudicavimus opportunum, nec illas ex professione tractare. Quia innumeri ferme sunt libri, qui easdem ex instituto tractant; ad illos possumus Legentes remittere, si satius velint de iisdem percipere. Et quia fere omnes, qui Theologiam discunt, Scholasticam exoptant; hinc defectuum visum est futurum fuisse opus, si Scholasticas Controversias non contineres. Qua de re principales inter illas agitare non omisimus, brevi quidem calamo, at non ita, ut vel obsecritate, vel defectum, inducere videremur.

Historiam vero ita pertractamus, ut Haesum, & Haresicorum fere omnium, quos potuimus reperire, non superficialiam, sed exactam quoque, juxta moderata Critica leges, exhibeamus. Auctoribus utimur ad probanda, quae asserimus, & antiquis, & recentibus; sed illorum testimonia non tam facimus, ut aliquando, si probabiliora supersunt, eadem respicere formidemus. Sanctos Patres conamur pro viribus vindicare, vel ab erroribus, quos iisdem impingere plerique iudicant, ad Eruditorem famam captandam, conferre; vel ab aliorum interpretationibus, quibus catholicam veritatem cognoscimus deturpari potius, quam propugnari. Facta denique candidiore quo possumus calamo narramus; ita quidem, ut nec Adversarius invidiam, nec nobis odium, consemus.

Dogmata tandem exponimus, defendimus, probamus, & sacram litterarum Oraculis, & Conciliorum, aliquando quoque Pontificum, definitionibus, & Sanctorum Patrum suffragiis, & antiquorum Philosophorum ut plurimum testimonis, & rationum sive naturalium, quando res patitur, sive theologicarum momentis; at methodo utimur saepe sapiens, qua Scholastici vivunt. Et hoc non male factum reputamus; tum quia iustum est, ut in hoc ceteris Differentibus de iisdem rebus conformemur; tum etiam, quia elucidiore pertractatione evadant, & argumenta strictiora consistunt; tum denique, quia hoc praeferre non ad satietatem, sed ad sobrietatem conamur; & ita quidem, ut a vrbis abstinamus, si sine superflua, & si sine non significantia, contemnamus.

Igitur, Legentes discretissimi, ne credatis, nos vel ex illis esse, qui Scholasticam Theologiam ut omnino inutilem respiciunt, immo uti perniciosam quoque blasphemant; nec ex illis, qui eandem ut solam & omnino necessariam proclamant, & tanquam ex tripode proponunt. Nec illis concedimus quod asserant; Scholasticam ad nihil inferuire: Nec istis quod dicunt; Scholasticam dumtaxat satis esse. Etenim deservit Theologo Scholastica ut Regula quadam, qua possit dogmata, sine errandi periculo, defendere, & errores, sine dogmatum praedicio, detegere. Sine illa facillime errat qui vult de Divinis disputare; & cum illa non errat, aut difficillime errat. Loquendi modus, quo utitur, utilior est, quo pressior, ad convincendum pervicaces; verba, si obscura, fieri possunt clariora; si barbara, romana fiant; si non significantia, in significantia commutentur. At hoc non facis, ut debeat Regula illa despici, quam Scholastica proponit, & qua utiliorem in rebus credendis, & disputandis, non habemus.

Nec per hoc tamen Scholastica sufficit; etenim si Regula est, ordinem opus est ut dicat ad rem, qua regulatur. Res, qua regulatur Dogmatica est: oportet ergo Scholasticam cum Dogmatica componere, qui Theologus, & quidem verus, non vero nomine tenuis dumtaxat, esse vult. Certissime nec veteres Heterodoxos, nec recentes, parus Scholasticus confutabit, si iis tantummodo uti velit, qua in Scholis vulgo traduntur. At potest ad alia se convertere; fortassis dicent; & nos respondebimus; quod facillime potest; & ex sua scholastica major prevenit facilitas, & ex hoc Scholastica utilis est. At si se non convertat, ineptum quidam ad Hetericos convincendos se inveniet; & ex hoc Scholastica non sufficit. Quum igitur tempestate nostra, & Sectariorum prope regiones, quas incolimus, habeamus; charitatis christiana urges, ut illos ad catholicam Ecclesiam gremium reducamus. Quos urges, si non in theologia facultate Consultos? At poterunt isti hoc praeferre, si scholasticis tantum questionibus instructi, nihil de dogmaticis controversiis pertractaverint? Nec praeferant, si in Scholastica facultate peregrini, Dogmatica arma, sine militaris Scholastica praeceptis, pertractare voluerint. Bellabunt fortassis, at incassum; aliquando potius armorum defectu, quandoque etiam disciplina causam vel perdere, vel malam reddere, quum optima aliqui sit, Adversariorum oculis videbuntur.

Denique Dissertationes nostras Selectas inscribimus; quia nunquam fuit nobis animus omnia tractare, qua Historia, Dogmatica, & Scholastica, in theologicis comprehendunt; sed ea tantum, qua principaliora, adeoque selectiora, videbantur. Nec enim Tyrone alloquimur, qui terminorum explanatione indigent, & statim, ut ajunt, controversia, sine verborum adjutorio, sunt ignari. Argumenta proponimus, stricto autem calamo; quia illis proponimus, quos scimus, posse eadem ex seipsis dilatare. Responsiones damus, at brevibus verbis, quia illis damus, qui verborum multitudine non egent, ut vim rationis intelligant. Pauca praeiungimus; quia cognitae supponimus res, de quibus agimus, iis, quibuscum loquimur. Igitur brevitatis ratio in scribendo, verborum paucitas in probando, & in respondendo, Dissertationum numerus in differendo, ideo fuerunt a nobis ut plurimum adhibita, quia semper habuimus animum iis loquendi, qui non a limine Theologiam salutassent, sed cum illa consuetudinem, & quidem non brevis-
Ve-

Veritate autem duce, comite ratione, si res sint, qua ad naturalem pertineant scientiam; si vero qua supernaturalem spectent, auctoritate teste, indice Fide, in omnibus, qua pertractabimus, procedemus. Proinde, in nullius Magistri verba jurantes, quod melius videbitur, ex quacunque schola, ex quolibet Magistro, seligere conabimur. Sic fiet, ut non eamus, quod itur, sed quod eundum esse, iudicabimus. Doctorum omnium doctrinam, Scholasticorum omnium scholas, Auctorum omnium libros, magni facimus; sed ex iis illa decerpimus, illa mutuamus, illa quoque aliquando transcribimus, qua instituto nostro aptiora videntur. Si autem cetera respicimus, hoc Discreti Viri, iidemque sapientes nobis visio non vertent; quia eadem cum illis libertate fruimur, illi ut respuant Adversariorum sententias, quia sibi ipsis sunt contraria; nos ut non amplectamur ipsorum opiniones, quia nobis non sunt conformes.

*Ubi tamen Fides loquitur, vel in Supremo Ecclesia Magistro, Romano Pontifice, ex cathedra loquente, vel in Conciliis, legitime congregatis, nos omnino fitemur; scientes, quod supremum rerum iudicium iisdem dedit Deus, & nobis tantum obsequii gloriam reliquit. Unde omnia, & singula, qua scribimus, infallibilibi, atque irreformabili Ecclesia iudicio submitimus; & si qua fortassis inveniantur minus caute, minus tute, minus spectas, ut eadem corrigere, de-
sergere, delere penitus, non dedignentur.*

I N D E X DISSERTATIONUM.

D ^e <i>Atheorum Secta.</i>	fol. 1	D ^e <i>Impugnatio Sententiae Scoti.</i>	88
D ^e <i>Atheorum Error.</i>	5	D ^e <i>Sententia Nominalium circa distinctionem essentia divina ab attributis, & attributorum inter se.</i>	92
D ^e <i>Demonstrabilitate, & Credibilitate, Existentia Dei.</i>	9	D ^e <i>Impugnatio Sententiae Nominalium.</i>	94
D ^e <i>Rationibus a Posteriori, quibus demonstratur, Deum existere.</i>	15	D ^e <i>Sententia Thomistarum circa distinctionem essentia divina ab attributis, & attributorum inter se.</i>	99
D ^e <i>Rationibus quasi a Priori, quibus, Deum esse, demonstratur.</i>	26	D ^e <i>Sententia Thomistarum maiori modo intellecta praefatione.</i>	102
D ^e <i>Atheorum Argumentis, & de Responsis ad illa.</i>	32	D ^e <i>Politheorum Sectis, & contra Dei Unitatem Erroribus.</i>	105
D ^e <i>Diffidio inter Scholasticos, An propositio, Deus est, sit per se nota?</i>	38	D ^e <i>Unitate Dei.</i>	109
D ^e <i>Ignorantia, aut vincibili, aut invincibili, existentia Dei.</i>	44	D ^e <i>Erroribus contra Simpliciter Dei, & de Auctoribus illorum.</i>	115
D ^e <i>Cognoscibilitate Essentia Dei.</i>	51	D ^e <i>Simplicitate Dei.</i>	122
D ^e <i>Constitutiva Essentia divina.</i>	55	D ^e <i>Harresibus contra Dei Bonitatem, & de iis, qui illas commenti sunt.</i>	128
D ^e <i>Constitutiva Divina Natura.</i>	63	D ^e <i>Dei Bonitate & Pulchritudine.</i>	131
D ^e <i>Divinis Attributis, seu Nominibus, vel Perfectionibus.</i>	65	D ^e <i>Delictamentis contra Dei Sanctitatem, & de illorum Auctoribus.</i>	137
D ^e <i>Errore Eunomi circa distinctionem essentia divina ab attributis.</i>	68	D ^e <i>Sanctitate Dei.</i>	140
D ^e <i>Confutatione erroris Eunomi.</i>	71	D ^e <i>Commentis contra Dei Veracitatem, & de Seditantibus illa.</i>	145
D ^e <i>Errore Gilberti Porretani circa distinctionem essentia divina ab attributis, & attributorum ab se invicem.</i>	74	D ^e <i>Dei Veracitate.</i>	148
D ^e <i>Confutatione Erroris Gilberti Porretani.</i>	76	D ^e <i>Erroribus contra Dei Misericordiam, & de docentibus illos.</i>	154
D ^e <i>Errore Gregorii Palama circa distinctionem divina Essentia ab eius operationibus.</i>	80	D ^e <i>Misericordia Dei.</i>	156
D ^e <i>Confutatione Erroris Gregorii Palama.</i>	82	D ^e <i>Hareticorum erroribus contra Iustitiam Dei, & de Theologorum dissidiis circa eandem.</i>	160
D ^e <i>Sententia Scoti circa distinctionem essentia divina ab attributis, & attributorum inter se.</i>	85	D ^e <i>Iustitia Dei.</i>	162

INDEX DISSERTATIONUM.

<p>Dissertatio XXXIX. <i>De Hæresibus contra Immutabilitatem Dei, & de illarum Propugnatoribus.</i> 166 Dissertatio XL. <i>De Immutabilitate Dei.</i> 167 Dissertatio XLI. <i>De Figmentis contra Æternitatem Dei, & de Inventoribus illorum.</i> 172 Dissertatio XLII. <i>De Æternitate Dei.</i> 174 Dissertatio XLIII. <i>De Fabulis contra Dei Immenstatem, & de Venditantibus illas.</i> 181 Dissertatio XLIV. <i>De Immenstatem Dei.</i> 184 Dissertatio XLV. <i>De Mendaciis contra Dei Omnipotentiam, & de Constantibus illa.</i> 193 Dissertatio XLVI. <i>De Omnipotentia Dei.</i> 195 Dissertatio XLVII. <i>De Falsis contra Dei Infinitatem Dogmatibus, & de propugnantis illa.</i> 200 Dissertatio XLVIII. <i>De Infinitate Dei.</i> 202 Dissertatio XLIX. <i>De Perfectione Dei.</i> 205 Dissertatio L. <i>De Ineffabilitate Dei, Et de erroribus contra illam, & de illorum Auctoribus.</i> 208 Dissertatio LI. <i>De naturali Dei ineffabilitate; De Hæresibus contra illam indolis; ac De Hominibus, qui easdem induxerunt.</i> 213 Dissertatio LII. <i>De supernaturali Dei visibilitate, seu de Possibilitate divina Visionis; De erroribus contra ipsam, & de illorum Propugnatoribus.</i> 217 Dissertatio LIII. <i>De Vindictis pro præstis Patribus, præcipue Græcis, ab errore, qui iisdem impingitur, contra possibilitatem intuitiva Dei visionis.</i> 223 Dissertatio LIV. <i>De Demonstrabilitate Possibilitatis Visionis Dei intuitiva; & de Appetitu rationalis Anima ad Deum intuitiva videndum.</i> 227 Dissertatio LV. <i>De Erroribus contra æternalem existentiam intuitiva visionis Dei, & de illis, qui eosdem vel invenerunt, vel propugnantes.</i> 231 Dissertatio LVI. <i>De æternali existentia intuitiva visionis Dei.</i> 240 Dissertatio LVII. <i>De Possibilitate intuitiva Dei visionis in puro homine in corpore, & de ejusdem in aliquo speciali homine æternitate.</i> 246</p>	<p>Dissertatio LVIII. <i>De Hæreticorum erroribus, & de Scholasticorum sententiis, pro Corporei Sensus intuitiva suo modo Visione Dei.</i> 252 Dissertatio LIX. <i>De Fidei dogmate, quod de facto oculus corporeus Deum intuitiva non videat; de Scholasticorum assertione, quod nec possit de quacunque Dei potentia videre; & de peculiaris P. Magnani sententia examine, iudicio, atque censura.</i> 256 Dissertatio LX. <i>De creato, vel creabili, intellectu, cui possit, vel non possit, esse connaturalis Dei visio intuitiva.</i> 266 Dissertatio LXI. <i>De Lumine Gloria, & de mucoribus illius.</i> 271 Dissertatio LXII. <i>De illorum errore, qui Lumen gloria negarunt, & de ejusdem Luminis necessitate.</i> 277 Dissertatio LXIII. <i>De Lumine gloria an sit habituale, an actuale. Quid de facto, quid de possibili? An a Deo distinctum, an indistinctum?</i> 281 Dissertatio LXIV. <i>De quæstis quibusdam, quæ de Lumine gloria per Scholasticos fiunt, ac dirimuntur.</i> 290 Dissertatio LXV. <i>De Specie impressa Dei, deque ejusdem Specie expressa.</i> 293 Dissertatio LXVI. <i>De Primario intuitiva Dei visionis Objectione.</i> 299 Dissertatio LXVII. <i>De Secundario intuitiva Dei visionis Objectione.</i> 306 Dissertatio LXVIII. <i>De Invocatione Sanctorum, & de erroribus contra ipsam, deque illorum Auctoribus, ac Patronis.</i> 315 Dissertatio LXIX. <i>De Visionis æqualitate, & inæqualitate, & de erroribus Hæreticorum, atque Scholasticorum diffidiis, circa eandem.</i> 322 Dissertatio LXX. <i>De Incomprehensibilitate Dei, Deque erroribus contra illam, & circa illam Scholasticorum opinionibus.</i> 331 Dissertatio LXXI. <i>De Errore negantium Deo Scientiam.</i> 338 Dissertatio LXXII. <i>De Scientia, in Deo probanda, ex principiis Fidei, & ex rationum momentis pariter demonstranda.</i> 340 Dissertatio LXXIII. <i>De Ratione petita ex Immaterialitate Dei, ad probandum in Deo esse scientiam, secundum quam explicationem sit efficax, & secundum quam non sit.</i> 344 <p style="text-align: right;">Dis-</p> </p>
--	--

INDEX DISSERTATIONUM.

<p>Dissertatio LXXIV. <i>De essentia divina Scientia.</i> 346 Dissertatio LXXV. <i>De actu primo intelligendi in Deo; de errore illorum, qui ipsam ponebant in Deo realiter ab actu secundo distinctum; & de Scholasticorum dissidio, an, & quomodo in Deo sit admittendus.</i> 350 Dissertatio LXXVI. <i>De Memoria, Habitu intelligentis, Specie intelligibili, & Motione, seu objecti formalis objectiva determinatione, an in Deo sint, & quomodo?</i> 354 Dissertatio LXXVII. <i>De divina Scientia Objectis, ejusque divisionibus.</i> 356 Dissertatio LXXVIII. <i>De Deo, ut est divina scientia objectum.</i> 358 Dissertatio LXXIX. <i>De Possibilibus, ut sunt divina Scientia objectum.</i> 363 Dissertatio LXXX. <i>De Erroribus Impiorum contra Scientiam Dei de objectis contingentibus absolutis.</i> 367 Dissertatio LXXXI. <i>De Scientia Dei circa objecta contingentia absoluta; & de modo conciliandi illam cum humana libertate.</i> 370 Dissertatio LXXXII. <i>De Modo, quo Deus cognoscit futura contingentia absoluta.</i> 374 Dissertatio LXXXIII. <i>De Scientia Dei circa objecta contingentia conditionata necessaria, & disperata.</i> 381 Dissertatio LXXXIV. <i>De Erroribus contra Scientiam Dei circa objecta contingentia conditionata libera.</i> 384 Dissertatio LXXXV. <i>De Scientia Dei circa objecta contingentia conditionata libera.</i> 386 Dissertatio LXXXVI. <i>De modo, quo Deus cognoscit futura contingentia conditionata libera; & de Scientia, qua eandem praevidet.</i> 392 Dissertatio LXXXVII. <i>De Scientia media reflexa.</i> 399 Dissertatio LXXXVIII. <i>De Voluntate, quid sit in Deo, & quomodo? De erroribus contra eandem, & de illorum.</i></p>	<p><i>Anforibus.</i> 401 Dissertatio LXXXIX. <i>De Fide, quae docet; & de naturali Ratione, quae demonstrat, in Deo esse Voluntatem.</i> 403 Dissertatio XC. <i>De duplici Divina Voluntatis objecto, ac de multiplici ejusdem Voluntatis divisione.</i> 405 Dissertatio XCI. <i>De Deliriis contra Dei Libertatem, & de asserentibus illa.</i> 410 Dissertatio XCII. <i>De Libertate, quod sit in Deo, & in quo consistat.</i> 411 Dissertatio XCIII. <i>De Voluntate suspensiva, an possit esse in Deo; & de Libertate exercitii, & specificationis, quales sint in Deo?</i> 419 Dissertatio XCIV. <i>De Providentia, quid sit in Deo? In quo formaliter consistat? Quotuplex sit? Et quomodo ad Praedestinationem se habeat?</i> 421 Dissertatio XCV. <i>De negativis Deo Providentiam, & de Fide, quae docet, & de naturali Ratione, quae ostendit, in Deo Providentiam esse.</i> 423 Dissertatio XCVI. <i>De Praedestinatione ad salutem, de Haeticorum figmentis contra illam.</i> 428 Dissertatio XCVII. <i>De vera Dei voluntate antecedenti dandi omnibus hominibus salutem; & de Acatolicorum insensis contra catholicam veritatem.</i> 433 Dissertatio XCVIII. <i>De Praedestinatione efficaci ad Gloriam, an antecedenter, an consequenter, ad merita fiat? Et de Causis, atque Signis Praedestinationis.</i> 439 Dissertatio XCIX. <i>De Reprobatione, contra Sellariorum dogmaticam asserta, & inter Theologos scholasticos disputata.</i> 452 Dissertatio C. <i>De Reprobatione Particulorum post egressum, e Matris utero morientium sine baptismo; Et de Particulorum sorte, qui in utero Matris moriuntur. Haeticorum error de primis prescribitur; Scholasticorum commentum de postremis confoditur.</i> 457</p>
--	---



IN SACRAM DE DEO SCIENTIAM

DISSERTATIONES SELECTÆ
HISTORICÆ, DOGMATICÆ, SCHOLASTICÆ.

PARS PRIMA.

DISSERTATIO PRIMA

De Atheorum Secta.



ETSI Atheorum errorem, eundemque cunctis deterrimum, in mundo fuisse, Scriptores commemorant; Sectam tamen ex iisdem conflaram, nullibi gentium conflaram apparuisse, feribunt. Et hoc, vel ex eo, quod clanculum studerent, & nullo confesso, insaniam in corde ubiulvere; vel quia hæresim animi potius, qua mentis esse, iudicarent. Hinc quavis plures, qui impium dogma in corde leivabant, adnumerentur; ita tamen parva, origine, vivendi etiam genere, diffini fuerunt, ut neutiquam patres cõdendæ scilicet iudicarentur. Quisque ipsorum ut in pectore suo natum recepit errorem, in eodem quoque retinuit sepulchrum; itaut ibidem cunas repererit, & tumulum. Nemo ex iisdem sectatores secum habuit, nullus post se reliquit; ut pene dici possit, si alii denuo nefario portento ortum non dedissent, cum uno eodendæ Auctore natum, & mortuum quoque fuisse.

Attamen quia eadem cunctis fuit insanienti

PAR. I.

libido, idem insanienti modus; atque eadem quoque omnino insaniam; etsi inter eos in eadem profutenda nullo modo communicarint, in eandem nihilominus non dispari nequitia convenisse, dicendi sunt. Eiusdem porro fuerunt hæresis sectatores, quanvis non fuerint unius Auctoris affectus; ac proinde, etsi non sub uno, Sectam tamen ex pluribus illis constitutam nemo negabit. Satis enim erat, ut in eodem errore amplectendo convenirent; ad hoc ut Sectam, ab errore illo denominatam, constituisse, dicerentur. Et quod eam ab uno non didicerint, nec unum se sequi profiterentur, hoc in causa est, quod a nemine inter illos omnes, denominentur.

Non adeo tamen abditus error fuit, ut non fuerint præstrictæ frontis homines, qui cum manifesto profiteri non erubescerent. In isturum numero ponitur Diagoras Milefius, cognomento *ἄστυς* dictus, quod nullus Deos esse putaret. Testes sunt Suidas in lexico, Cicero lib. 1. de natura Deorum, Plutarchus de placitis Philosophorum, Sextus Empiricus lib. 8. contr. Mathematicos.

A

cos.

cos. Fuit insuper Theodorus Cyrenaicus, qui omnes de Deo opiniones sustulit, referre Laertius in Aristippo, & Cicero laudato loco. Protagoras insuper Abderita, scribunt Laertius in Protagora, Cicero loco etiam citato, & Theodoretus lib. 2. de principiis, quod sine rubore dixerit: *De Diti statueret neque, neque an sint, nec neque sunt enim plurima, quae id scire prohibeant; ut summa eorum inceptando, & brevis hominis vita.* His adnumerantur a D. Cardinali de Aguirre t. 1. theologiae S. Anselmi trac. 2. disp. 12. sect. 1. num. 10. Prodicus Ceus, Eubemerus Thegeates, Celcius, & Epicurus. Insuper Euripides, juxta Eusebium lib. 14. de praeparat. evangel. c. 6., Bion Boristhenes, discipulus Theodori, apud Laertium lib. 4., & Acrotheus illi subnectuntur, seu Thoes, quos ex Theophrasto refert Porphyrius 2. de abstinentia, & Simplicius subseribit in cap. 38. Enchiridii Epicteti. Adjunguntur a Dominico a SS. Trinitate Bibliothecae Theologiae t. 5. p. 1. lib. 4. sect. 3. c. 2. Diogenes Phrygius, Hyppo, alique ex Ellano lib. 2. var. histor. c. 31. Et hi quidem omnes fuerunt Graeci.

Verum de Epicuro, si vera sunt, quae de eo scriptis Plutarchus, lib. 1. de placitis Philosophorum, aliter dicendum est. Non enim Deos esse negavit, sed docuit tantum, omnes Deos humana specie praeditos, nec ea esse res humanae. Accedit Ciceronis testimonium in lib. 1. de natura Deorum, cuius verba haec sunt: *Quae est enim gens, aut quod genus hominum, quod non habeat suae doctrinae anticipationem quandam Deorum, quam appellat Epicurus, id est, anteceptam, animo quandam informationem, &c.* Utitur profecto Tullius Epicuri sententia, ut Deorum existentiam probe adversus Atheos; immerito igitur inter Atheos adnumerat Epicurus. P. Antonius Boucat, Ordinis nostri nuperus eruditus ac subtilis in Theologia Scriptior, haec de Epicuro inquit: *Quamquam Epicurus in sua Physica Deum agnoscere videatur, verius dicam, simulat; non tamen ut reccatorem; cum mundum esse a semetipso affirmet; hinc & ejus existentiam suo systemate impugnat.* Ita Boucat in Theologia Patrum trac. 1. differt. 1. ar. 6. sect. 2. concl. 3. pag. 56. Atamen hac ratione etiam dicimus, Aristotelem negasse Deum, ejusque existentiam improbasse, adeoque inter Atheos esse adnumerandum. Quemadmodum enim ex Epicuri principis deducit Boucat, pariter alii inferunt ex Aristotelis sententia. Verum hoc non est aperte ne-

gare, Deum esse, quod in veris Atheis invenitur. Et haec vel ex ipso Lactantio plenius constat, cum de ira Dei c. 9. de Epicuro scripsit; *qui providentiam sustulit, etiam Deum negavit.* Non igitur aperte inficiatus est, Deum esse; sed, quum voluerit Deum esse, & providum non esse, Deum sibi finxit, qui vere Deus non erat; & hoc de Aristotele pariter, immo de cunctis, qui verum Deum non agnoverunt, dicere non immerito quisque potest.

Post Atheus Graecos ad Latinos deveniamus. Plinius, historica laude celebris, primo loco assignatur, qui lib. 2. c. 7. in dubio posuit, an Numen sit aliquid, & quicquid sit, esse ridiculum, quod illud gerat curam eorum humanarum. Adnumerant pariter Lucianum Aguirre laudatus cit. loc., & Mortier in etymologia sacra, verb. Atheus. Hic profecto Lucianus Numinum cunctorum fuit irrisor; ac proinde, in detestatae impietatis poenam, teste Suida, a canibus disceptus, miserrime perit. Addit Dominicus a SS. Trinitate tom. 5. Theologiae Bibliothecae p. 1. lib. 4. sect. 3. c. 2. Lucretium, in testem advocans Praetolum, verb. Athei; & Silium quandam, cujus meminit Martialis; *nullos esse Deos, inane Caelum, affirmat Silius.*

Post hos, posterorum temporum alios quosdam, Atheismi insinulatores a Scriptioribus, invenimus. Machiavellum scilicet, cum Sectarioribus suis, quibus Lessius de Providentia c. 2. familiare fuisse scribit, *credi Deum ex usu vita esse.* Quod quidem, Aguirre testatur, Aristotelem lib. 12. metaph. tex. 50. de fabulosis Ethnicorum de Deo opinionibus, & Senecam lib. 2. natural. quaest. c. 42. de Jove armato, dixisse. Idem de Machiavello asserit Frassen trac. 1. disp. 1. ar. 1. quaest. 3. Apelles etiam haereticus, qui Deum, quem adorabat, se non agnoscere, effusit, inter Atheos ponitur a Raymundo Pozzio; quod Mortier cit. loc. scribit. Hennius in Theologia dogmatica, &c. trac. de Deo uno disp. 1. qu. 2. idem ait de Andrea Aretino in Italia, de Lucio Vanino in Gallia, de Spinosa in Hollandia. Verum de bis in sequentibus Dissertationibus erit sermo. Quidam alii nuperis temporibus de Deo dubitantes, Cardinali Hosio ep. 109. inter eosdem adscribuntur. Insuper Maldonatus in c. 26. Mart. v. 26. meminit ejusdem perdit hominis, qui ex Calviniano factus Atheus, scripsit librum de atheo nihil credendi, in quo illud unum vocissime dicebat, oportere prius Calvinistam fieri, qui Atheus esse vellet.

Re-

Revera non pauci sunt ex posteriorum temporum hæreticis, qui inter Atheos a clarissimis Scripturibus ponuntur. Præstat audire Aguirre c. l. *Cur vero è Calvinismo sit facilis ad Atheismum transitus, protulit quidam Atheus Metensis, iuridice interrogatus apud Raynandum, theologia naturalis dist. 5. q. 1. ar. 7. Cum enim alte imbibisset virulentum illum errorem de Deo ad peccandum vere & positive novente homines; videretque, quam indignum id Deo vero esset; conclusit apud se, satis esse prorsus Deum negare, quam illum sateri scelorum auctorem; quasi professus legisset illud Lactantii de Divis Gentilium, sistentibus humanam in sacrificiis sanguinem: Præstat nullo habere Deos, quam habere, tam crudeles. Bellarminus in appendice ad lib. de Sum. Pontifice, quæ continet responsionem ad librum quandam anonymum, cujus titulus est, Aviso piacevole dato alla bella Italia, cap. 2. testatur: Itaque mirum Calviniani paulatim Athei fiunt, de religione Jecum, & de controversiis Fidei ludicras declamationes facinus; Latantur enim maleficerius, & exultant in rebus pessimis. Audiantur etiam Mortier allato loco; Et certe ex hæreticis multi Atheismum promoveant, ea ne quidem credentes, qua ipsimet confessi sunt, & dum antiquam religionem non amplectantur, omnem respiciunt. Ipse Calvinus asserit, Deum esse, non posse solida ratione naturali probari; ita patenter adversante Særo Textu, quem se amplecti ore potius, quam corde, proficitur. Calvinus adhaerent Magdeburgenses, Tilmannus, Heribius, & alii similes nostri avi Theomachi insipientes. Ut cæteros mittamus, ex Lyndano referens Frassen, loco pariter adnotato, audiendus est. Sed etiam plures Novatores, & Hæretici nam, ut testatur Lyndanus in suo Dubitatio, dum pravi homines hujus temporis, maxima inconstancia, ex Catholicis fiunt Lutherani, ex Lutheranus Zwingliani, & ex his Calvinista; atque sic singulas Sectas præficiuntur; tandem omnem omnino religionem ejurant, & exnuunt, ac Deum non esse, maxima impietate affirmant.*

Denique primis Ecclesiæ Christi temporibus Christiani omnes a Gentilibus, convicii loco, Athei dicebantur; & hoc, vel ex eo, quod plures Deos aspernantes, Deum quoque, qui unus est, negare eos, credebant; vel quia Deum nostrum, nec Jovem, nec Saturnum, nec Martem, nominantes, Deum absque nomine, ac proinde non Deum, habuisse judicabant. S. Justinus martyr Apologet. 2. Gentilium conviciis hæc reponebat. Vocamur autem Athei, & sane.

PAR. I.

confitemur, talem, qui habeatur, Deorum, nos esse expertes; sed non verissimi illius Dei, &c. Et ulterius. Atheos quidem, & sine Deo, impiosque nos non esse, qui conditorem hujus mundi colimus. Et apud Macri legimus, Aetulum Marticum, de Dei sui nomine interrogatum, respondisse: Qui plures sunt, nominibus discernuntur; qui unus est, non indiget nomine. Et subdit ipse Macri: Cum autem rebus, & personis, ad contradiinctionem nomina imponantur, Deum siquidem non habentem alium præter seipsum, inde nequit nisi ineffabilibus attributis nominari; & sane nulla humana sapientia, ad instar Aetali Martiris, divinitus inspirati, tam recte potuisset affari, qui de Dei sui nomine interrogatus, sic stupende respondit: Qui plures sunt, nominibus discernuntur; qui unus est, non indiget nomine. Hæc Macri in Microlexico, verb. Atheus.

Qui primus impium hoc dogma ab Orco ad mundi lucem prodere ausus fuerit, Protagoras dicitur. Ex Lactantio lib. 2. div. instit. c. 2. habemus: Primus omnium Protagoras exiit tempore Socratis, qui sibi dicebat, non liquere, utrum esset aliqua Divinitas, nec ne. Et quamvis Josephus 2. contra Appionem dicat, Protagoram a principio, non de Deo utunque, sed de Atheniensium, Diis, dubitasse; attamen tractu temporis Deum omnem negasse, testatur Eusebius lib. 14. de demonstr. evangel. c. 6., & Epiphanius in Panario. Execrabile nihilominus portentum adeo eundem Gentem execratæ sunt, ut, eodem Josepho teste, Protagoræ domum, in odium erroris sui, solo exæparint. De Diagora testimonium habemus Athanasii, qui orat. pro Christi; ut citat Dominicus a SS. Trinitate, sed hic liber inter opera Athanasii non invenitur, unde potius dicendum, vel citandum, judicamus, orat. quod Christus sit unus; inquit: Diagora est aperte promulgata sententia, nullum plane extare Deum.

Ultra autem ea, quæ diximus, de nostrorum temporum Novatorum cum Atheis affinitate, hæc subnectimus alia, quæ ex aliis transcriptis Auctoribus. Permultos esse Genevæ Atheos, Lindanus testatur in Dubitatio; plurimos in Anglia asserit Andreas Philopater in responsione ad edictum Elisabethæ; Non paucos in Scotia ostendit Joannes Duræus in consutatione responsionis Guillelmi Vviracheri; quampures in Polonia narrat Stanislaus Refcius in lib. de Atheismis Evangelicis c. 9., cui accinit Vigandus in libello contra Arianos; quod & probant ex libro in Polonia edito

A 2

ab

ab Ochino, in quo in controversiam vocat, *ex Deus aliquis sit adorandus*, & ex libro Cracoviz impresso, cui titulus, *Simonis Religio*, & cuius hæc conclusio est: *ede, bibe, lude*; jam *Deus figmentum* est; ut habemus ex Boverio tom. 1. demonstr. 1. art. 2.; in Germania demum innumeros pene refert Joannes Sturmici in 3. par. Annap. 4. Demum idem Dominicus a SS. Trinitate, loco nuper citato, asserit; apud Calvinistas *vigere Atheismum*, ut testatur Petrus Gregorius Tolofanus tom. 3. comment. artis mirabilis, qui refert librum a Calvinista impressum, *expresse docentem*, nullum dari Deum præter naturam.

Hos omnes satis esse ad Sectam constitutendam nemo negabit. Eri enim sub uno Auctore non militent, pro uno tamen, ut dicebamus, eodemque errore conveniunt; quem etiam scriptis docere non erubescerent, intendunt adeo vulgari, ut ad constituendam Sectam sufficiens esse possit. Possunt etiam addere, quod sub Auctore Protagora militent, quem nuper diximus ex Laetantio, primum omnium divinitatem omnem in mundo negasse. Concedimus quidem occultam esse Sectam, Sectariosque latere; sed illos tantum latitant, qui idem ebibere virus adversantur. Cæterum si forte comperiant corruptos animos, qui sint parati se illis adjungere, statim se iisdem produnt, & majori Sectariorum numero Sectam extollunt. Formidine peccati aliquando se additant, non erroris propagandi libidine; qua utuntur ut plurimum & ut socios sibi addeant, & ut errorem longe lateque diffundant.

An sit autem in mundo natio, vel regio, in qua Atheismus manifeste proficatur, negant omnes de terrarum orbe, qui modo nobis innotebit. Cæterum refert Molina 1. p. quest. 2. ar. 1. *quod hoc*, quem citat Cachecranus Theol. assert. 1. 1. trac. 1. de Deo uno lib. 1. c. 1. §. 5., Brasilienses, ante Lusitanorum in illas oras navigationem, omnimoda Dei ignorantia laborasse. Dominicus a SS. Trinitate loco superius citato hæc reponit; *quod de Aetheis refert Theophrastus, de Callisti Strabo, de Brasiliensibus Molina, nullam scilicet apud hos Dei notionem repertam, falsum esse putant aliqui*. Et P. Joannes Sanguens to. 1. disp. 1. ar. 1. scribit: *Idcirco quod tandem additur de Insulanis illis Americanis, quos creditum fuit nihil inter se loqui, aut etiam cogitare de Deo,*

tanto minoris ponderis est, quanto plures ex adverso adfuit Historici, qui talium & consimilium aggressum incolarum referant ceremonias, & festivitatem, divinum aliquem cultum sapientes. Verum, quum ex Cicerrone 1. de legibus habeamus; *nulla gens est, neque tam immanis, neque tam fera, qua non etiam si ignovet qualem habere Deum debeat, tamen habendum sciat*; & lib. 1. de nat. Deor. *qua gens nunquam fuit, vel est, aut quod genus hominum, quod non habeat, sine doctrina, anticipationem quandam Deorum*? Et quum insuper ab Augustino tom. 9. in trac. 106. in Joann. dicamus; *exceptis paucis, in quibus natura nimium depravata est, universum genus humanum mundi huius fatetur Auctorem*. Hinc facillime adducimur, ut dicamus, nec nationis, nec regionis, nec modo esse, nec unquam fuisse, vitium. Atheismum, sed corrupti animi potius facinus deestabile; præsertim quando non ex sola ignorantia, quam Scholastici negativam dicunt, ortum agnoscunt, sed ex ignorantia potissimum, quam positivam appellant. Sed de his furtim redibit sermo, quando de Dei ignorantia, aut vineibili, aut invincibili disseremus.

Antiquiorem Atheismo quidam dare ortum affectant, dicentes a tempore Enos, filii Seth, mundo innouisse. Etenim Gen. 4. 26., ubi Vulgata nostra legit, *iste cepit invocare nomen Domini*, legunt ipsi; *tunc profanatum fuit invocando nomen Domini*; Vel ut Fagius vertit per paraphrasim; *in diebus ejus inceperunt filii hominum, ut non crearent in nomine Domini*. Atramen hoc est antiquum Hebræorum commentum, quo non Atheismus, sed Polytheismus, probare, a temporibus Enos in mundo incepisse, intendebant. Testimonium habemus Hieronymi in traditionibus hebraeis hæc scribentis: *Plerique Hebræorum arbitrantur, quod tunc primum, id est tempore Enos in nomine Domini, & in similitudine ejus fabricata sint idola*. An autem re vera Polytheismus, seu verius Idolatria, a temporibus Enos, hoc est ante Diluvium, in mundo apparuerit, ex præfatorum verborum intelligentia pender. Hoc profecto, quum sit a nostro instituto alienum, legendum remittimus apud alios, qui rem ex professo tractant; & præcipue apud Peritidius in Dissertationibus in Sac. Scripturam Dissert. 14. sect. 3.

DISSERTATIO II.

De Atheorum Errore.



INFELICISSIMOS Atheismi Se-
cutores in nuper acta Disser-
tatione, historico calamo, enu-
meravimus; Eorundem quo-
que deterrimum dogma in hac
presenti, historica pariter me-
thodo, describimus. Errorem scripsimus,

non Hæresim; etsi enim hæresis error sit in-
tellectus cum pertinacia in voluntate contra
Fidem; debet nihilominus esse, ut vere
sit hæresis, in eo qui Fidem suscepit. Quam
autem Atheismus esse possit, ut re vera
fuit, in illis, qui Fidem nullo tempore sus-
ceperunt; hinc error in hoc sensu, non
hæresis, congruentius appellatur, ut ait
Mortier. In iis autem, qui Fidem aliquan-
do habuerunt, si aliquando Atheismus in-
venitur, non hæresis propriè, sed apo-
stasia potius a Fide, dici debet. Cæterum
ex 6. Thoma 2.2. q. 1.1. ar. 1. ad 2. quæ ad-
modum hæresis, & Secta, possunt pro eo-
dem sumi; sicut hæresis dicitur ab eligendo,
ita Secta a sectando; sicut Isidorus dicit in lib.
Etymol. & ideo hæresis, & secta, idem sunt.
Pariter hæresis, & error, nullam experi-
mentis diversitatem, si dicamus, quod etsi
omnis hæresis sit error, non omnis tamen
error dicendus est hæresis. Atheismum ni-
hilominus, ut paucis rem absolvamus, ve-
re possumus proclamare, & hæresum om-
nium, & errorum quoruncunque, pesti-
mum monstrum, in quo omnium deformi-
tas, impietas, vesaniam, copulantur.

In ipsomet Atheorum nomine ipsorum error
exprimitur. Atheus enim græca vox, ἀθεός,
formatur ab α, alpha, privativo, & θεός,
theos, Deus; & idem est, ac sine Deo.
Unde Atheus ille est, qui nullum esse
Deum credit. Macri adheremus in eo,
quod scribit, Atheistas illos esse, qui om-
nem divinitatem negant, de quibus psal. 10.
Dixit insipiens in corde suo, non est Deus;
& in eodem psalmo Hilarius explicat; in
corde, nam si velis verbis oris hoc eloqui, stul-
tum esse, sicuti est, publici assensus iudicio ar-
guitur. At ab eo dissentimus, quod subdit,
Atheistas etiam esse illos, qui mendacia
numina colunt. Alios postmodum Atheos
recensens, ait: Alii, qui verum Deum ado-
rant, sed superstitioso ritu, ut sunt Hebræi,
& Mahometani; alii denique fœditer credunt,
falsis autem urgent, ut sunt improbi Chri-
stiani.

Porro hoc discurrendi modo semel
admisso, omnes Infideles Athei dicendi
sunt; quod nemo ex Scriptoribus usque mo-
do affirmavit. Immo Peccatores omnes pa-
riter esse Atheos sequeretur; quod quidem
a veritate est alienum. Nec denique ipse
Macri concedimus, quod Atheus ap-
pellatur impius, qui nec credit adesse Deum,
nec spem futura vita habet. Potest enim ali-
quis admittere Deum, & futuram vitam,
cum errore non credere; & quamvis unum
ex altero potissimum inferatur, non per
hoc unum, & eundem errorem esse, di-
cendum est.

Igitur Atheorum error, strictim loquendo,
in eo restringitur solum, ut afferatur,
Deum non esse. Errorem hunc pletique
asserunt moribus utique hominum, ac non
mentibus, adhærere; ac proinde Atheos
quidem practicos, ut dicunt, in mundo esse
concedunt, de speculativis vero dubi-
tant. Franciscus Henno trac. 1. de Deo uno
disp. 1. quæst. 1. hæc scribit: Deum esse,
negant Athei, si Athei dentur speculativi.
Deo speculativi; quia dari practicos, id est
homines, qui non solum ita videntur, ac si vol-
lus esset Deus, nullasque creatura rationalis
post mortem æquis; sed etiam quorum non
tam intellectus, quam vita impia ad Dei exi-
stentiam urgendum impellit; infelix testatur
experientia. Ad Atheos postmodum specu-
lativos deveniens, subdit hæc alia: Tota
ergo difficultas est de Atheis speculativis, seu
de iis, qui vere credant, & arbitrentur, nul-
lum existere Deum; quos reperibiles esse asser-
mant aliqui, negant alii; sed dixerim ego,
verosque conciliabimus, non dari Atheos, id est
homines, qui negent omne Nomen, si ve-
rum, si ve falsum; quia nulla unquam reperta
est ratio adeo barbara, & inculta, ut cultum,
bonorem, aram, aut preces, alicui Numini,
vero, aut fidei, non adhiberet... Dari tamen
Atheos, id est homines, qui verum Nomen cul-
pabiliter ignorantes, falsum sibi fingunt; puta
solem, lunam, serpentem, metallum, aut quid
aliud... Quia tamen similia non sunt nisi spe-
ctrâ Divinitatis, sano sensu dici possunt illa
loco Dei habentes, esse vere Atheos, id est,
sine Deo.

Si hæc Henno concederentur, omnes quidem,
qui in mundo sunt homines, præter Ca-
tholicos, Athei essent omnino dicendi.
Et

Et quidem primo Judæi; erant enim ipsi Deum admittant; non tamen verum Deum agnoscunt; quia quum illum velint infecundum, Deum sibi fingunt diversum ab illo, qui vere unus est in essentia, & in personis trinus. Negantes proinde verum Deum, sunt sine Deo, ac per consequens Athei dicendi. Et quanvis ante Christi adventum Judæi Personarum trinitatem non credidissent, & nihilominus verum Deum adorabant; hoc tamen interest inter antiquos illos, & modernos Hebræos, quod illi si non credebant explicitè, non negabant; & explicitè non credebant, quia præceptum credendi non adhuc fuerat is promulgatum. Isti vero & non credunt, & negant, & præceptum credendi habent; unde vere Deum verum non credunt, qui indivisibiliter est unus, & trinus, qui ut unum credunt, & trinum negant. Gentiles multo magis, quia unum Deum non adorant, nullum Deum admittunt; & ideo sine Deo, & Athei appellandi. De Turcis, aliisque Alcorani Sæctatoribus, dici etiam valet, quia multa Deo impingunt, quæ Deo repugnant, nec pariter verum Deum colere; unde similiter sine Deo, & Athei censendi. Hæretici eodem jure, quia in religione errant; falluntur pariter in Religionis Auctore; quia eidem revelanti non credunt; & quæ credunt, non divina, sed humana fide credunt; ac proinde nec veram fidem habent, nec veram religionem sectantur, nec verum Deum, veræ fidei, & veræ religionis Auctorem credunt.

Hæc omnia si admittantur ab Henno, adiungimus nos etiam illi manus, sed hoc tantum jure, ut reductivè, non autem propriè, dicantur. Utique Infideles omnes per ratiocinia reducuntur ad Atheismum, quem fortassis derectantur in mente, sed postmodum coguntur, ut amplectantur in dogmate. At non est hic Atheorum error, de quo nos in præfationum inquirimus. Proprius quidem, peculiaris, & distinctivus Atheismi hic esse debet, qui in eo solum consistit, ut Deo existentiam neget. Et quidem non prædictè, ut Hennis loquitur, sed speculative; quatenus scilicet intelligat, nullum esse in mundo numen, non causam primam, sed omnia casu, ac fato, regi, atque ab se invicem causas solummodo dependere. Quod hæc sit, non quidem tantum error, sed infamia omnium maxima, quis inficias ibit? Et ea profecto infamia, quæ non tantum Philosophos, sed quoscunque etiam homines dedecet; quo

facto loquebatur Lactantius lib. 7. cap. 9. *qui nullum omnino Deum esse dixerunt, non modo Philosophos, sed ne homines quidemuisse dixerim.* At utinam homines hujuscemodi in mundo non fuissent! Utinam quoque non essent! Et si vere in mundo non sunt, quid quæso illi homines sunt, qui rationes, Deum esse demonstrantes, cavillis suis enervant; qui fallacias oberdunt, ut insaniam suam aliis communicent; qui nec hominum consensui, nec mundi antiquitati, nec naturæ voci, credunt, quod sibi apertissimum esse non sentiunt?

Eo demum deducta est arrogantia multorum, ut typis quoque vulgare pestiferum dogma non pertimuerint. Legitur proinde Atheismus in libris, auditur in circulis, docetur in cubiculis, & quid mirum, si postmodum observatur in moribus? Pallitur proinde Hennis, sua pace dixerimus, scribens; *varios ex antiquis Atheismi accusatos, vel fuisse practicos, vel non fuisse Atheos hoc sensu, quod omnem Divinitatem negarent: Et idem dicendum existimo de famosis quibusdam Atheis, qui ultimis temporibus impetratis sua venenum propinarunt mundo; ut de Andrea, Artino in Italia, de Lucio Vanino in Gallia, de Spinoza in Hollandia, &c.* Revera fuerunt, & sunt quoque inter homines, qui vere Athei speculativi manifestantur; erant non omnibus se prodant, nec quique immanem diffundere audeant errorem. Testes sunt multi, qui ultimo supplicio damnati, nunquam se retractarunt, erant mortem ante oculos habentes. Quinimo ex mortis aspectu obstinatiores se reddentes, dicebant: Si Deus esset, sciret unique nos illum inficiari; ad quid ergo vindictam sceleris nostri a se ipso non facit, sed ab aliis emendicat? Unde Dei longanimitatem, patientiam, & misericordiam, pro rationibus se habere, ad Deum negandum, nobis Deum confitentibus, & colentibus, improperebant.

Hinc proprius Henno ad rem accedere nobis videtur Dominicum a SS. Trinitate bibliot. theolog. t. 5. p. 1. lib. 4. sect. 3. c. 2., qui sic effatur: *Atheismus igitur est nomen græcum, significans falsam & impium illorum persuasionem, qui alienius supremi Nominis existentiam directe negant, dicuntque in corde suo; non est Deus. Dixi directe, ut non comprehenderem quotquot mortaliter peccant, præsertim qui ex contemptu, consuetudine, libertate, ac facilitate tanta; hi enim licet interpretentur, & secundum quandam rationem, dicantur Deo demere suam divinitatem, dum ita se gerunt, perinde ac si penitus non esset, vel non esse,*

sibi

sibi persuaderent Deum; expresse tamen, & direlle, id non affirmant, ut Athei; qui rellé proinde a regie Propheta insipientes per antonomasiam appellatur psal. 13., & 51. Dixit insipientis; vel ut vertunt Hieronymus, & Hieronymus, stultus in corde suo, non est Deus. Exira enim dementia est Deum negare, & plusquam infidelitatis, quia nec opus divina fide, ut cognoscatur, & fiat, Deum esse, sed ad id sufficit lumen ipsum naturale... Ut existimem plures Atheos potius Dei existentiam pra malitia, & quantum ad effectum nolle, quam pra ignorantia, nescire; quod forte per illam particulam, in corde, significare voluit Psalmista latius statim citatis.

Non inficias imus, plures fuisse, & esse, Atheos cordis potius corruptione, quam mentis errore; quod asserit hic Auctor. At non omnes ita fuisse, vel esse, ut credidit Hennus, sustineamus. Ad quid enim demonstrationes ab ipso, & a nobis, & ab omnibus Theologis, Dei existentiam probantes, in medium adducuntur, si Athei, quos ipse speculativos appellat, in mundo non sunt? Immo si semel fuisse conjecturam admittantur, nec fuisse, nec esse, neque esse, posse, speculativos Atheos, dicere oportere. Incassum ergo laboramus contra errorem, qui nec est, nec esse potest; & si ultra contra hypotesin, quem solum fingere possumus, at nullo modo sustinere, dimicemus. Quod autem plures sint Athei voluntarii, quam intellectus, non per hoc fit, quod intellectus quoque non sint. Insipientiores & stulti utriusque generis Athei facillime probantur, practici nimirum, & speculativi, Athei cordis, & Athei mentis; quia nec primi rationis lumine utuntur, & secundi eodem potius abutuntur. Morum corruptio in utrisque potissimum observatur; hoc quidem discrimine, quod in practicis praedit, in speculativis consequitur. Quapropter de omnibus Prophetam dixisse credimus; dixit insipientis in corde suo, non est Deus; & postmodum addidit; corrupti sunt, & abominabiles facti sunt, in studiis suis. Hilarius practicos respiciebat, at non omnes Atheos complectebatur, ut ex illius verbis in psal. 51. clare constat: Fit frequenter, ut nos, cum vereciter ad confessionem Dei cogat, oblectatio tamen vitiorum, Deum non esse persuadeat; & quod contra fidem credimus, id tamen de consilio cordis impii eloquamur.

Plures autem, qui Athei ab Auctoribus scribuntur, non Atheos fuisse, concedimus Henno. Fuerunt liquidem, vel Philosophi, ut eos vocat Domioicus a SS. Trinitate, vel

Deisti, ut eisdem noster P. Magnanus appellat; qui scilicet unum Deum agnoscetes, & colentes, in religionis negotio nullam illius revelationem recipiunt, sed solum naturalem rationem se sequi velle gloriantur. Hi profecto nullam religionem admittunt, nullam Fidem proficiunt, solum rationem sequuntur; ac proinde ab aliis Rationales appellantur. Ex horum numero fuisse Spinosam, & Hobbesium, facillime adducimus ut credamus; & unam quoque nos sint alii praeter hosce, vel in regionibus ipsorum, vel in aliis, quae sunt illis conterminae? Fortassis etiam sunt Politici, vel Libertini, qui religionem indifferentiam admittunt, & unumquemque in sua salvari posse sibi immerito blandiuntur. Nec pariter isti dicendi sunt Athei, quia Deum admittunt, recipiunt quoque Religionem; dicuntque quemlibet modum colendi Deum Deo placere; ac proinde religionis libertatem, ac indifferentiam, amplectendam. Ex horum numero nobis liquido constat esse illos omnes, qui in Heterodoxorum provinciis, nostris quoque temporibus, ut vellem religionem variant, & mutant; prout scilicet rebus suis commodius esse iudicant, Calvianum esse, vel Lutheranum, vel Anabaptistam, vel etiam Judaeum, vel Turcam. Ceterum haec, ut ipsi iactant, non est impingendus Atheorum error; etsi aliquando tractu temporis ad illum devenire posse, non diffiteamur. Atheos nihilominus desistantur, & in eos ita furunt, ut de mundo tollere affectent, quemadmodum illos Deum de mundo deurbasse indignantur.

Operae pretium ducimus causas, Atheismi perustrare, ut immanis erroris origine patefacta, illum homines possint facillius negotio devitare. Causas hasce tradidit pro more recenset noster doctissimus P. Marinus Mercennus in Genes. c. 1. vers. 1. ar. 3., & ab eo refert Dominicus a SS. Trinitate, superius laudatus. Prima causa est ignorantia, quae paulatim evadit in insipientiam mentis, & progreditur demum in cordis satietatem. Ex hoc fonte cuncti rivuli errorum quoruncunque promanant; primus autem inter, ceteros est Atheismus, quo semel admissus, quemlibet portenta intellectus seductus, atque obsecratus credibilia representantur. Secundam causam constituunt peccata & omero & gravitate immania; inter ea vero principem obtinent locum gula, & luxuria, a quibus hebetatur intellectus, & voluntas ipsa corrumpitur. Tertia causa est impiorum hominum

8 *Dissertatio II. De Atheorum Errore.*

minum desiderium, quo volunt Deum non esse, ne sit aliquando suorum scelerum vindex; desiderium postmodum transit in iudicium, quo, sit, ut perdant mentes illud esse iudicent, quod primitus corrupta corda cupiebant. Quarta causa est hominum superbia, qua intendunt Dei consilia suo iudicio metiri; & quum ad hoc perungere nullo modo valeant, Deum non esse pronunciant. Eodem proisus modo, quo cæcus negaret Solem esse, quia Solem non videret; vel surdus sonum, quia ipsum non audiret. Ad quintam causam redeunt impatientiam hominum, eorundemque incredulitatem; quibus ut plurimum indignantur, si statim a Deo quod postulant non assequuntur: Unde Deum negant, quia illos non exaudit, quando preces ad eum fundunt. Ad sextam causam spectat, quod plerique observantes rerum naturalium ordinem, mundum a se regi putant; adeoque supervacaneum Deum, qui res creatas gubernat, existimant. Septima causa consistit in eo, quod plures naturalibus causis res omnes tribuunt, & quodeunque evenit in mundo, ad secundas causas referunt; quapropter nihil de prima curantes, Deum non esse facile sibi persuadent. Octava causa est hæresis, quæ quidem finitima est Atheismo, cum utriusque superbia sit origo. Nona causa est impiorum hominum, & præsertim hæreticorum, nimia consuetudo; qua fit, ut sensum illorum prava dogmata in audientium mentes ferantur, & suo tempore fructus ferant. Causa decima eam complectitur, qui omnia sensibus tribuunt, & præter ea, quæ ipsidem obijciuntur, nihil omnino credunt; ac proinde cuncta, quæ sunt spiritalia, supernaturalia, & divina, existimant chimerica, phantastica, & impossibilia. Undecima causa est illorum, qui comperientes aliquando vi naturalium causarum aliquid fieri, quod antea miraculorum potentia factum credebant; concludunt illico, cætera quoque miracula nuncupata, naturalium agentium viribus fieri posse; proindeque nihil supernaturale, nihil divinum, in mundo esse. Duodecima causa illos decipit, qui malos in hoc mundo bene se habere conspicientes, bonos autem male, inconvulenter concludunt, Deum non esse,

qui iustis præmia, impiis vero pœnas, impartitur. Tertriadecima causa falluntur illi, qui videntes parvum numerum illorum, qui verum Deum colunt, eique servant, scandalum patiuntur; quasi Deus, si esset, majorem colentium numerum ad se trahere deberet; quod quum non faciat, protinus non esse pronunciant. Decima-quarta causa alii insaniunt, putantes, quæcunque sunt vera, mathematicis demonstrationibus probari; ac proinde res etiam supernaturales, morales, & divinas; quod quum non assequantur, quia unumquodque suum probandi peculiarem modum habet, inepte inferunt, vera illa non esse, quia sub mathematicas demonstrationes non cadunt.

Quum autem ex recensitis causis aliquæ speculativum Atheismum respiciant, aliæ practicum; nemo inficias ibit, Atheos speculativos in mundo fuisse, & esse, quia vere sunt in mundo origines, ex quibus error ipsorum inepte promanat. Quanti autem sibi faciendæ rationculæ, quibus præfate causæ adnuntur, ex responsionibus parebit, quas dabimus ad Atheorum sophismata. Interim pro certo remaneat, hunc peculiarem, & proprium esse Atheorum errorem, Deum non esse; quocumque si alii etiam cogulentur, non ex eo provenit, quod Atheismi sint errores, sed illorum potius hominum, qui Atheismum profitentur, & qui non ex aliis erroribus, sed ex solo illo, in quo Atheismus consistit, Athei vocantur. Inter adductas causas aliquæ sunt, quæ providentiam potius Dei, quam existentiam, exturbare adnuntur; atamen dicuntur, quod existentiam quoque negandi sint causæ, quia ex illatione habetur, quod si Deus providus non est, neque est. Ac proinde negantes providentiam Dei, non quidem formaliter, ut Scholastici loquuntur, sed consecutive, Dei etiam existentiam inficiantur. Quod quidem non de sola providentia dicendum, sed de aliis quoque attributis Dei, quibus deimpris, Deus ipse destruitur, atque negatur. Hoc videbitur potissimum in Dissertationibus, quas de unoquoque Attributo divino in sequentibus exhibebimus. Interim hæc de deterriimo, atque nefario, Atheorum errore satia sint dicta.

DISSERTATIO III⁹

De Demonstrabilitate, & Credibilitate, Existentiæ Dei.



SECTARIORUM posterioris ævi Coryphæos, ex una parte, adversarios, hac in Dissertatione, habemus; Lutherum scilicet, & Illyricum, qui de Dei existentia ita demisse

intellexerunt, ut dicerent, sine sacrarum literarum lucerna lucente in caliginoso loco, solo naturali lumine præfulgente, homines nihilo plus, quam pecudes, de Deo scire, deque ejusdem existentia cognoscere. Ex altera postmodum intuemur catholicos quidem Doctores, qui tamen Atheis, aut ut minimum Sectariis, plusquam equo faventes, scripserunt, rationes omnes naturales, quæ ad probandam Dei existentiam afferuntur, probabiles quidem esse, non vero demonstrativas; ac proinde, eisi intra probabilis spheram multæ sint efficacie, non adeo tamen sunt certæ, nec quidem moraliter, ut reddant homines inexcusabiles, si Deum, nec confiteantur, nec venerentur. Et sic docuerunt Petrus Cardinalis de Alliaco, alique perpauci, de quibus ait Du-Hamel lib. 1. differt. 1. c. 2. *contendunt argumenta, quibus Deum existere probari solet, ea duntaxat esse probabilia, nec vim habere demonstrationum.* Demum inter Scholasticos Theologosprehendimus pariter, qui sentiunt, quia Deum esse est quod primo intellectui nostro obijciatur cognoscendum, hoc ipso nequit per aliud nec demonstrari, nec probari. Si enim per aliud probaretur, hoc aliud prius ipso ab intellectu nostro cognitum supponeretur; ac proinde Deum esse non esset quod primo intellectui nostro obijciatur cognoscendum. Et ita docuit Egidius Romanus Cardinalis, & Doctor fundamentalis, teste Du-Hamel, loc. cit., dicente: *Egidius Romanus negat Dei existentiam posse demonstrari, quod ea sit animis nostris ingenuita, & plus satis naturaliter nota.* Ita etiam sentit Henricus in sum. quest. 2. ar. 2., teste Godoy trac. 1. quest. 2. disp. 2. §. 1.

Primi, & secundi, generis Adversarios, communi Theologorum calculo, censura notari, non ignoramus. Etenim S. Thomas lib. 1. contra Genes c. 12. erroneam censet illorum opinionem, qui sentiunt, de-

PAR. I.

monstratione a posteriori Dei existentiam, probari non posse. Ejusdem sunt sententiæ Scotus in 1. dist. 2. quest. 3. Okam dist. 2. quest. 10. lit. O. Aureolus in 2. dist. 2. quest. 2. ar. 6. Bellarminus lib. 4. de Gratia c. 2. Suarez tom. 2. Metaph. disp. 29. sect. 2. num. 6. Apud Cardinalem de Aguirre in Monolog. c. 1. disp. 12. sect. 1. Martinonius tom. 1. in 1. p. disp. 2. sect. 2. num. 4. & 5. putat, fide certum esse, existentiam Dei certo probari posse; ac proinde non dubitat, contrariam opinionem hæreticos nota inurere. Ceteri Auctores, subdit laudatus Cardinalis, ut minimum temerariam existimant, ac nostram, & Anselmi, certam arbitrantur. Et concludit, quod Angelicus Doctor quest. 10. de veritate ar. 12. referens contrariam opinionem, inquit; *esse manifeste falsam, eo quod Philosophi rationibus irrefragabilibus hanc veritatem naturaliter probaverint.* Præter hos afferuntur a Cacherano t. 1. theologiæ assertivæ trac. 1. c. 2. §. 2. Valentia disp. 1. quest. 2. p. 2., eam, asserens erroneam in fide, si non apertam hæresim; Molina quest. 2. ar. 2. eam dicens in fide minus turam; & Bannes 1. p. qu. 2. ar. 2. vocans eam temerariam in fide. Nicolaus Isambertus t. p. q. 2. ar. 2., quem citat Dominicus a SS. Trinitate, hæreticam appellat, sustinens assertionem nostram esse de fide. Cardinalis tamen de Lugo lib. 1. disp. 14. c. 2. cum Gillio, & Vasquez, sustinet, nullam mereri censuram, quia Scripturæ, & Patres, posunt commodè de quavis probatione explicari, quodque asserit de fide esse, nec fir eus de demonstratione intelligamus. Verum hoc ipsum ex ipsismet Scripturis, & Patribus, quos mox afferemus, dilucidabimus.

Inter Scripturas est I. illud Sapient. 13. *Pani autem sunt omnes homines, in quibus non subest scientia Dei; & de his, quæ videntur bona, non poterunt intelligere eam, qui est; neque operibus attendentes, agnoverunt, quis esset artifex.* Et num. 5. *a magnitudine enim speciei, & creatura, cognoscibiliter poterit Creator horum videri.* Quis profecto hic non agnoscat, de rationibus illis Scripturam loqui, quæ Deum ex effectibus inferunt? Et rationes hæcæ nunne omnes de-

B

mon-

monstrationes a posteriori appellamus? Non ergo Scripturæ de quavis probatione, sed de vera demonstratione, loquuntur; alias omnes de Dei existentia demonstrationes, demonstrationes non essent, quod nemo Theologorum, absque temeritatis nota, affirmabit.

- II. Est illud Job 12. 7. *nimirum interroga jumenta, & docebunt te; & volatilia cæli, & indicabunt tibi. Loquere terra, & respondebit tibi; & narrabunt pisces maris. Quis ignorat, quod omnia hæc manus Domini fecerit?* Jumenta, volatilia, & pisces, docent, indicant, & narrant, aut probabiliter, aut certo, Creatorem suum? Non quidem probabiliter, & conjecturaliter, ut ajunt; aliter non asserrentur a Spiritu Sancto in medium ad probandum, quod negari utique posset. Igitur certo; hoc sufficit, ut ex eis non qualibet probationes, sed veras desumamus demonstrationes.

- III. Est illud Apostoli in 1. ad Romanos 19. *Quod notum est Dei, manifestum est in illis. Deus enim illis manifestavit. Invisibilia enim ipsius a creatura mundi, per ea, quæ facta sunt, intellecta conspiciuntur; sempiterna quoque ejus virtus, & divinitas; ita ut sint inexcusabiles. Quia cum cognovissent Deum, non fecit Deum glorificaverunt, aut gratias egerunt; sed evanescerunt in cogitationibus suis; & obscuratum est insipiens cor eorum; dicentes enim se esse sapientes, stulti facti sunt.* Subdit Dominicus a SS. Trinitate, loco superioris adnotato, S. Hieronymum verba illa Apostoli, intellecta conspiciuntur, sic explicare; tam evidentem intellecta sunt, ut conspecta dicantur. Quid amplius ad demonstrationem exigimus, si evidentiam, & certitudinem, possidemus? Immo, si non tantum conspiciuntur, sed ulterius conspiciuntur, eritne locus formidini assensus, quæ a demonstrationis certitudine, & evidentia, omnino expellitur?

- Ad Patres devenimus; & I. asserimus Cyprianum, lib. de Idololatriæ, hæc scribentem: *Deum non posse ignorari.* II. Basilium, in illud Isai. 1. *cognovit vos possessorem suum, & asinus præsepe Domini sui, Israël autem me non cognovit, hæc adnotat; me, inquit, non cognovit, qui calce enarraui innotescere, & per omnem creaturam nulli non palam significor.* III. Athanasium or. 1. contra Idola dicentem; *Deum natura exclamat, ostenditque suum Conditorum.* IV. Nazianzenum or. 2. nimis absurdus, & præposterus est, qui argumentis naturalibus non cedit, & inficiatur esse Deum. Non est quidem absurdus, & præposterus, qui rationibus probabilibus

non cederet; sed qui demonstrativis non præberet assensum; loquuntur ergo Patres, non de argumentis naturalibus, quæ probabilia, sed quæ sunt vere demonstrativa. Et quanvis Athei ab demonstrationibus hisce non convincantur, non ideo demonstrationes non sunt; non enim se tenet difficultas assensus ex demonstrationis defectu, sed ex illorum protervia, & cecitate. Unde adducitur V. loco Augustinus lib. de spiritu, & litera c. 12. a Dominico a SS. Trinitate, qui de Augustini mente sic loquitur: *Quod Athei negent Deum esse, id provenire tantum ex eorum protervia, & cecitate; quod scilicet noluit perpendere vim argumentorum, non autem ex defectu sufficientis demonstrationis.* Quod & similiter de Athanasii, & de Cypriani mente pronunciat.

Antequam ad rationes veniamus, primo loco contra Henricum Gandavensem probare oportet, falsum esse, quod ipse supponit, Deum scilicet ab intellectu nostro primo concipi. Et re vera, ut Theologi communiter docent, in hoc statu objectum proportionatum intellectui nostri est ens concretum qualitate sensibili, cum unius cognitio nostra originem ducat a sensibus. Deus autem est ens spirituale. Non potest ergo primo ab intellectu nostro concipi. Insuper, quod primo ab intellectu nostro cognoscitur, debet, vel per se ipsum, vel per speciem propriam, cum intellectu uniri, ut scilicet cum intellectu ad intellectionem concurrat. Nullo autem ex his modo creato intellectui unitur Deus. Nequit ergo primo ab intellectu creato cognosci Deus; sed debent primo concipi objecta illa, per quorum species Deus secundo cognoscitur. Videatur S. Thomas 1. p. quæst. 12. ar. 4. apud Godoy, laudato loco.

His præmissis, sic modo argumentamur. Quum vere ex una parte Deus, seu Dei existentia, sit naturali lumine a nobis cognoscibilis: Et ex altera parte contra Henricum non sit primo cognoscibilis: Hoc ipso fit evidens, quod sit secundo cognoscibilis; hoc est cognoscibilis per medium aliquod naturale; quod idem est, ac esse demonstrabilem. Unde & potest existentia Dei demonstrari, & expedit etiam demonstrari, contra illos, qui dicunt, nullos olim existisse, immo nec modo existere, veros Atheos, serio scilicet, & ex animo, Dei existentiam denegantes; de quibus in præcedenti Dissertatione verbum fecimus.

Altera via profundissimus Doctor, Pater noster Magnanus contra eisdem argumentatur, cap. 2. Philosophi. sacræ prop. 3. Si per Scri-

Scripturam sacram fideli vis probare Dei excellentiam, jam factum agis: Si vero infidelis, jam principium petis. Fidelis enim, qui concedit Scripturam, etiam concedit Deum: igitur probas Deum illi, qui jam concedit esse. Infidelis vero, qui Deum negat, negat etiam Scripturam; unde questionem sumis pro ratione. Possumus nihilominus, immo debemus, credere, ut in secunda hujusce Dissertationis parte probabimus, & si non possumus supernaturalibus rationibus Dei existentiam probare, quam idcirco naturalibus rationibus demonstramus.

Alii hoc modo altero probant. Causa, quæ necessario requiritur ad alicujus effectus productionem, ex positione talis effectus, est absque dubio demonstrabilis; & hoc quidem tum ex effectuum cum suis causis necessaria connexionem, tum ex mutua illatione, per quam effectus demonstratur per causam demonstratione a priori, & causa per effectum demonstratione a posteriori. Deus autem est causa necessario requisita ad creaturarum productionem, ac proinde in hoc sensu dici potest causa necessaria creaturarum. Ergo demonstrabilis est Deus, seu Dei existentia, ex creaturis. Argumentum theologicum hanc rationem ducunt, quatenus volunt, majorem illius propositionem esse necessariam, & certam lumine naturæ; minorem verò propositionem esse certam, & necessariam lumine fidei: Unde conclusio certa redditur certitudine, quam pariter theologicam appellant.

Denique hoc altero argumento utuntur. Intellectus humanus potest certo, & evidenter cognoscere infallibilem, atque necessariam connexionem inter creaturam, & Deum. Potest ergo ex creatura demonstrare Deum. Quis enim negabit, quod demonstrabilis sit causa ex effectu, quævis est cognoscibilis certo & evidenter infallibilis & necessaria connexio effectus cum sua causa? Si semel enim admittatur demonstratio a posteriori, hæc, & non alia, esse debet; scilicet fundata in necessaria, & infallibili utriusque connexionem, & quod sit ab effectu ad causam certa & evidens argumentatio. Quod vero intellectus humanus possit certo & evidenter cognoscere infallibilem atque necessariam connexionem inter creaturam, & Deum, vel ex eo constare potest, quod in S. Scripturæ auctoritatibus, & SS. Patrum testimoniis, observavimus; vel ex eo, quod in demonstrationibus contra Athesos adduximus.

P. A. R. I.

Interim Adversarii contra nos quoque argumentantur. Et I. ex Scripturis, in quibus videtur aliquando dici, quod hominibus omnis Dei cognitio adimatur; & præsertim Isai. 1. *Israel autem me non cognovit*. II. ex Patribus, & præsertim ex Athanasio ad Serapionem; *Divinitas non demonstratur rationibus; sed fide, & pio cogitata, cum religione*. III. ex rationibus, quarum prima hæc est. Nequit per sibi dissimile cognosci Deus; Creaturæ autem sunt dissimiles Deo: Ergo per ipsas non potest cognosci Deus. Secunda: Vel per creaturas cognoscitur Deus, quatenus creaturæ sunt talia entia, vel quatenus sunt effectus Dei? Si primum? Non habent creaturæ ordinem ad Deum; ergo non potest per ipsas cognosci Deus. Si quatenus sunt effectus Dei? Jam hoc ipso cognoscitur Deus; immo primo cognosci debet Deus, quam creatura, ut ejus effectus cognoscatur: Ergo neque per creaturas, hoc pacto consideratas demonstrabilis est Deus. Tertia: Creaturæ sunt effectus disproportionati ad Deum, quum inter finitum, & infinitum, nulla sit proportio: Ergo per creaturam, tanquam per effectum, non est demonstrabilis Deus. Quarta: Quum creaturæ sint contingentes, non potest per illas demonstrari Deus; quia demonstratio debet ex necessariis procedere. Quinta: Si essent veræ demonstrationes illæ, quæ ex creaturis desumuntur ad probandum existere Deum, necessitarent ad assensum; ad contrarium experimur, quia, hisce non obstantibus demonstrationibus, plerique etiam Philosophi Deum existere negant.

Ad probationem ex Scriptura respondemus, locum illum, & alia similia, intelligi non de existentia, sed de essentia Dei, quæ quidem a nobis naturali lumine attingi non potest. Vel si de existentia, explicari de illa prout est dispositiva ad salutem, ad quam non disponit natura, sed fides; ac proinde non cognitio Dei ut Auctoris naturalis, sed ut Auctoris supernaturalis. Quo pacto intelligitur Apostolus, scribens ad Hebræos 11. 6. *Sine fide autem impossibile est placere Deo, credere enim oportet accedentem ad Deum, quia est*. Vel si mavis, dicas, intelligi de sceleratis hominibus, qui non cognoscunt Deum, non quia non possunt, sed quia nolunt; vel etiam quia Deus in poenam suorum scelerum se illis occultat, & eorum mentes exæcat, ne illum agnoscant. Unde dicitur Isai. 6. 10. *Exæcet cor populi hujus, & aures ejus aggravet, & oculos*

B 2

ejus

ejus claudē, ne forte videat oculis suis, & auribus suis audiat, & corde suo intelligat, & convertatur, & sanetur.

Ad Athanasii auctoritatem dicimus, loqui ipsum de merito, quod nos, Divinitatem credendo, consequi debemus; & quod non consequimur, quoties ipsam demonstratam habemus, bene vero quando ipsam credimus. Petavius ait, Athanasium loqui de demonstratione a priori, non vero de demonstratione a posteriori. At Athanasius aperte loquitur de quavis demonstratione, quum de illa loquatur, quatenus opponitur fidei. Quævis autem demonstratio, si ve a priori, si ve a posteriori, fidei opponitur; in eo quidem, quod demonstratio includit evidentiam, quam fides excludit; quum utraque certitudinem importet.

Ad primam rationem respondemus, Deum, & creaturam, in aliquo esse similes, in ratione scilicet causæ, & effectus. Est enim in entitate infinita sit inter illos distantia, in vi tamen productiva est proportio; quæ quanvis non sit æquata, est tamen talis, ut sufficiat ad hoc, ut per creaturas, tanquam per effectus, possit demonstrari Deus, qui illarum est causa. Ad II. dicimus, per creaturas demonstrari Deum, quatenus creaturæ sunt effectus Dei. Si autem argumentum Adversariorum valeret, omnis demonstratio a posteriori de medio tolleretur. Ratio vero hæc est, quia nos cognoscimus creaturas in se ipsis, ut talia entia, antecedenter ad Deum; quia ipsas oculis nostris expositas habemus; At quia deinde cogitamus, creaturas istas ab aliquo esse productas, inde deum in Dei cognitionem per creaturas ipsas devenimus. Ad III. occurrimus dicendo, improprietatem inter Deum, & Creaturam, se tenere respectu essentiae, non vero existentiae, Dei; quatenus scilicet creaturæ omnes sunt effectus tantum inadequati divinx virtutis, & per consequens infinitæ ab illa distantes; unde per illas in cognitionem divinx essentiae, seu divinx entitatis, devenire non possumus. Habent tamen proportionem Deus, & creaturæ, in ratione causæ, & effectus, quatenus effectus ostendit quidem, quod sit sua causa, sed non manifestat, quid sit; & ideo, quanvis sit inter Deum, & creaturam, infinita distantia, poterit tamen creatura, ut est effectus Dei, ostendere, quod sit Deus, licet manifestare non valeat, quid sit Deus. Quod quidem S. Maximus, martyr, & monachus constantinopolitanus, qui circa medium septimi

seculi floruit, ad rem sic apte confirmat: *conspiciens creatura claram præbet notitiam, quod sit conditor; et non qualis sit.* Sic centur. 3. c. 8. Ad IV. explicamus quid sibi velit, demonstrationem debere ex necessariis procedere: Scilicet non quod sint necessaria in existentia, sed quod sint illa, ex quibus per necessariam, & evidentem consequentiam aliquid possit inferri. Cæterum supposita creaturarum existentia, earundem cum Deo connexio, quæ fundatur a dependentia, quam habent a Deo, non est eis contingens, sed essentialis, & necessaria. Ad V. negamus, demonstrationem necessitare omnem intellectum ad assensum, sed solummodo intellectum, qui sit perspicax, & bene dispositus. Athei autem, vel minus sapiunt; & sunt proinde insipientes, vel nolunt intelligere, ut bene agant. Adeoque defectus non se tenet ex parte demonstrationis, quæ nequeat reportare assensum ab illis, qui eam percipere sciant, & perpendere; sed ex parte illorum, qui, vel sunt hebetes in intelligendo, vel in negando protervi; illa tantum concedentes, quæ volunt, & quæ nolunt, obstinate negantes. Sic profecto fuerunt Philosophi, sic etiam modo sunt, qui demonstrationibus hisce non acquiescunt; sunt nihilum sapientes nomine, re autem Athei.

Devenientes modo ad secundam Dissertationis partem, ad credibilitatem scilicet existentie Dei, quum usque modo de ejusdem demonstrabilitate differuerimus, sic mentem nostram explicamus. Existentia Dei nihil solum potest esse objectum scientiæ, quando demonstratur, sed etiam objectum fidei, quando creditur; adeoque non solum possumus eam rationibus naturalibus demonstrare, sed possumus etiam actu fidei divinæ credere. Sit quidem constans est omnium opinio, quemlibet teneri credere fide divina existentiam Dei, ut gratiæ, & gloriæ, Auctoris; Immo etiam, ut Auctoris naturæ, ubi ejus existentia evidens non apparet, ut docet Hænnus trac. de Deo uno disp. 1. quæst. 6. Num autem possumus quoque fide divina credere Dei existentiam, ut Auctoris naturæ, etiam ut evidenter cognitam? Sunt qui affirmant; & sunt qui negant. Nos cum præfato Henno asserimus, non solum posse, sed teneri etiam quemlibet credere existentiam Dei simpliciter propter divinam revelationem, etiam si existentia illa sit ipsi evidens. Negamus tamen contra ipsum Hænnum, actum, quo quis,

quis, ob revelationem divinam, credit Dei existentiam, sibi aliunde evidentem, non esse, in omni rigore, actum fidei.

Et revera, quum in multis divinæ Scripturæ locis divinæ existentie mentio habeatur, ac fidei quoque, quam habere de ipsa debemus, sequitur, quod non solum possumus eam credere, sed quod etiam debeamus. Gen. 1. dicitur; *in principio creavit Deus celum, & terram.* Exod. 3. *Ego sum, qui sum; qui est, misit me ad vos.* Deuter. 6. *Audi Israel, Dominus Deus noster, Dominus unus est.* Joan. 7. *hæc est vita æterna, ut cognoscant te Deum.* Nulla autem in locis hisce, distinctio invenitur inter eos, qui sciunt, & eos, qui nesciunt, Dei existentiam evidentem cognoscere; nulla differentia manifestatur inter Deum, qui ut supernaturalis Auctor credi debeat, & inter Deum, qui ut Auctor naturalis credi non debeat. Omnes ergo credere Dei existentiam, etiam, ut Auctoris naturalis, adhuc evidentem cognitam, non modo possumus, sed etiam debemus.

Quod manifestius ex Symbolis nostræ fidei redditur. Dicimus enim in Symbolo Apostolorum; *Credo in Deum.* Dicimus in Symbolo Nicæno; *Credo in unum Deum.* Et ne dicamus, credere in Deum, ut in Auctorem supernaturalem, in primo subditur; *Creatorem cali, & terra;* subiungitur in altero; *Pactorem cali, & terra.* Certissime Deus, ut Auctor naturalis est creator, & factor cali, & terræ. Omnes autem, sive sapientes, sive rudes, sive docti, sive ignari, symbolum fidei recitamus, ac profiteamur; unde nulla fieri debet distinctio inter eos, qui Dei existentiam evidentem cognoscunt, & inter illos, qui sic non cognoscunt; ita ut ab his tantum credi debeat, & non ab illis; immo ab illis deo credi etiam possit; quod est ab Adversariis intentum.

Si ad Patres accedimus, occurrit nobis Chrysostomus hom. 2. in Symbol. *Dicite, quod a nobis auditis, Credo in Deum.* ergo ponite in fundamento cordis hanc credulitatem. His etiam omnibus loquebatur Chrysostomus, qui fidei Symbolum recitare tenebantur; his scilicet omnibus, qui Christo nomen dederant, religionemque christianam professabantur in corde, & ore manifestabant. Advenit Cyrillus Hierosolymitanus catechesi 6. de Deo: *Sufficiens nobis ad pietatem erit, hoc solum scire, quod Deum habemus, Deum unum, Deum existentem, & semper existentem.* In quibus verbis scire idem est, ac credere; aliter non esset sufficiens ad pietatem.

tem. Succedit S. Petrus Chrysologus scit. 61.

Qui credit in Deum, dissentire Deum non presumat: Deus quod sit, sufficit scire. En simul conjunguntur credere in Deum, & Deum scire; si enim scire significat credere, jam habemus, quod sufficit credere, quod Deus sit: Si vero fidei importet evidentem cognoscere, jam conjungitur a Chrysologo cum credere, ut dicebamus.

Ad rationes descendimus, quarum I. est. Non possum fide divina cetera mysteria revelata credi, nisi prius eadem fide credatur, exillere Deum, qui illa revelat; aliter credituribus essent certiora mysteria, quæ crederent, quam Deus, qui mysteria revelaret; quum hunc non crederent, illa vero crederent; & credere fide divina sit certius, quam scire. Unde scribat Apostolus, ad Hebr. 1. 6. *credere enim oportet accedentem ad Deum, quia est.* II. Scientia non repugnat cum fide, etiam circa idem obiectum, dummodo non unus sit actus, qui sit scientiæ, & fidei; quod ex Philosophicis supponimus probatum: Ac per consequens, quanvis homo doctus possit Dei existentiam scire per demonstrationem, non per hoc non poterit, aut non tenebitur, etiam credere per fidem. III. Non per hoc, quod Deus in sacra hostia Christi corpus visibiliter alicui ostendat, ut quampluribus Sanctis factum legimus, cessat in isto, aut potentia, aut debitum, reale Christi præsentiam sub speciebus eucharisticis, credendi: Et ratio non est alia, quam quia, semper sensum experimento certius est fidei testimonium. Sic pariter in nostro casu; quia certius est fidei testimonium omnibus, quæ de Dei existentia excogitari poterunt, demonstrationibus, etiam in illis, qui evidenter sciunt Deum esse, remanebit, & potentia, & debitum, Dei existentiam fide divina credendi.

Hæc cum Henno dicta sint. At quæ postmodum ipse asserit in conclusione 2. huiusmodi: *Alius, que quis, ob revelationem divinam, credit Dei existentiam sibi aliunde evidentem, non est, in omni rigore, alius fidei;* approbare omnino non possumus, ut superius dicebamus. Et Ratio nobis est, quia si est actus fidei, & non est fidei humanæ, sequitur, quod sit actus fidei divinæ. Et vel eo magis, quia præsupponitur, ut concedat revelatio, quod quidem sufficit ad hoc, ut in omni rigore actus fidei divinæ dicatur. Si autem præter revelationem ipse ulterius requirit obiectum obscurum, quod dicit non esse in hypothesis, in qua loquimur hoc quidem est replicare voces absque ulla

14 Differtatio III. De Demonst., & Credib., &c.

ulla necessitate; quia hoc ipso, quod ob-
jectum supponitur revelatum, debet esse,
obscurum; non eoim revelatur quod cla-
rum est, sed quod obscurum supponitur.
Et fit, non obstante evidentia demonstra-
tionis, adhuc per ipsum locum habet reve-
latio; nec pariter, illa supposita, obscu-
ritas objecti, quæ in revelatione includi-
tur, est expellenda. Et quemadmodum per
diversitatem actus fit, quod objectum ino-
do sit evidens, & sciatur, modo sit revela-
tum, & credatur; ita pariter per eandem
diversitatem stare potest, quod circa idem
objectum, utideos, & demonstratum, fit
actus scientiæ, & ut obscurum, & revela-
tum, fit actus in omni rigore fidei.

Arguor nihilominus Adversarii I. Ex Apo-
stolo ad Hebræos 11. 1. *Est autem fides spe-
randarum substantia rerum, argumentum non
apparentium*; Deum autem existere non est
quid non apparens, sed est quid evidens,
quarenus est demonstrabile ex dictis. Igitur
non potest dari circa Dei existentiam verus,
& in omni rigore, actus fidei diviniæ.
II. Quod fide credimus, ideo credimus,
quia Deus revelat; sed non possumus cre-
dere, esse Deum, quia Deus revelat; quod
quidem sic probatur: Non potest credi,
Deum revelare, quin prius supponatur
Deum esse; Et eoim non ens, & non exi-
stens, nec loqui potest, nec revelare: Ergo
non possumus credere, esse Deum, quia
Deus revelat. **III.** Dum quis habet beo-
perceptam de existentia Dei demonstratio-
nem, aut remanet certus de veritate exi-
stentiæ, aut non remanet? Si remanet? Ne-
quit igitur eidem denuo assentiri propter
motivum diversum. Si non remanet? Est
contra suppositionem demonstrationis præ-
habitiæ; quam proinde dicere possumus, vel
illum non habuisse, vel eam veram de-
monstrationem non fuisse. **IV.** Ex S. Augu-
stino trac. 40. in Joann. *Quid est fides, nisi
credere, quod non vides?* Et trac. 79. *Hæc est
enim laus fidei, si quod creditur, non videtur.*
Et paulo inferius. *Nescio, utrum credere di-
cendus est quisque, quod videt.* **V.** ex S. Gre-
gorio hom. 26. in evang. *Fides non habet me-
ritum, cui humana ratio præbet experimen-
tum.* Quibus verbis tota machina nostræ
asseritionis dissolvitur.

Ad I. dicimus, sufficere ad actum fidei, quod
objectum suum, ex vi illius medi, cui in-
nititur fides, credenti non appareat; & in
hoc sensu dicitur fides argumentum non-

apparentium. Ex hoc autem non fit, quod
non possit per aliud medium cognosci evi-
denter; quod quidem ex Philosophicis sup-
ponimus, ubi actus fidei, & scientiæ,
compatibiles in eodem intellectu, circa
idem objectum, etsi in diversis actibus, se-
cundum nostra principia, probantur. Ad
II. esto Deus non possit revelare, quod fit,
hoc ipso tamen, quod nos credimus Deum
revelantem, credimus quoque implicite,
Deum existentem. Verum utique est, prius
esse Deum existere, quam Deum reve-
lare; quia existentia præsupponitur ad
revelationem. Per hoc nihilominus, quod
Deus nobis aliquid revelat, primo im-
plicitè revelat, se esse. Unde respectu
nostro non prius concipitur, Deum,
esse, quam revelare, licet respectu sui
ipsius prius sit, quam revelat. Nos ergo
cogovscimus Deum, quia revelat: Igitur
tunc cogovscimus Deum existere, quando
revelat; potest ergo aliquo modo existen-
tiam suam nobis Deus revelare. Ad III. re-
spondemus, remanere certum de Dei exi-
stentiæ per demonstrationem; sed nihilo-
minus posse eidem adhærere per motivum
certius, nempe per revelationem. Certitu-
do enim, quæ ex scientia haberetur, non est
suprema; adeoque illi potest altera major
certitudo superaddi. Ad IV. utique admit-
timus, quod in illo actu, in quo credimus,
non videmus; quia alius est actus fidei, &
alius scientiæ: At negamus, quod per alium
actum credere non possumus, quod vide-
mus. Augustinus de eodem actu est expli-
candus in tribus illis testimoniis, quæ ad-
ducuntur, & quæ ad unum tendunt, Ad
V. ad meritum fidei sufficere intendimus,
quod illius assensus sit ex motivo non evi-
denti, quod quidem in nostra hypothesi lo-
cum habet. Cæterum quod credens ex alia
parte nequeat habere motivum aliud, quod
fit evidens, hoc nec requiritur, nec nemo
potest exigere. Meritum enim non proven-
it, nisi ex actu, & actus est, qui merito-
rius dicitur; adeoque sufficit, si ille sit ex
motivo, quod non fit evidens, & sit a Deo
revelatum. Hoc totum manifestius reddi-
tur ex paritate, quam in probationibus
proposuimus de illo, cui Christus apparet
in hostia consecrata, & tamen credit Chri-
sti realem præsentiam sub speciebus panis,
& fides ejus habet meritum, quanvis ejus
visio habeat experimentum.

15

DISSERTATIO IV.

*De Rationibus a Posteriori, quibus demonstratur,
Deum existere.*



ATIONES a posteriori, quibus instituiamus Dei existentiam, probare, in multiplici differentia consideramus. Vel enim sunt Metaphysicæ, vel sunt Physicæ, vel sunt Mathematicæ, vel sunt Morales, vel denique sunt ex testimoniis petitiæ, aut Sapientum, qui in Gentilitate vixerunt, aut ex omnium hominum, qui quovis tempore terrarum orbem impleverunt, aut ex omnium creaturarum, quæ veritatem prædicant Creatoris sui. Rationes dicimus, quia in rigore logico demonstrationes dicere non possumus, saltem eas, quæ physicæ dicuntur, & morales; ceteri subijungimus, quod iisdem rationibus Dei existentia a posteriori demonstratur; quatenus scilicet, ut ait P. Saguens, *sunt ratiocinationes, quæ vim habeant omni in contrarium dubietati præponderantem, ita quod efficiant hoc pacto assensum probabilissimum.* Quod quidem de demonstrationibus metaphysicis, & mathematicis, dictum nolumus; aliter a nobis in præcedenti Dissertatione positis obstitueremus. Probavimus enim, non probabilitatem, sed demonstrabilitatem, divinæ existentiz, contra illos, qui eam utique probabilem, sed minime demonstrabilem, asseverantur docent. Unde, & ne nubisum pugnemus, & ne veritati adversemur, opus est, ut cum S. Thoma, Scoto, aliisque Theologorum Principibus, saltem metaphysicas, & mathematicas, rationes, quibus a posteriori Dei existentia probatur, demonstrationes appellemus. Sed a metaphysicis demonstrationibus incipiamus.

Prima demonstratio desumitur a motu, & sic a nobis concipitur. Enia, quæ sunt in mundo, moventur; & quidem a seipsis non moventur: Non enim idem potest esse movens, & motum efficiemer. Quod autem moventur est in potentia ad motum, quod movet est in actu. Io eodem secundum idem, actum, & potentiam, reperiri, impleat. Igitur, quod moventur nequit esse movens. Ergo ab alio, a se distincto, movetur; & sic aliud ab alio. In infinitum autem non datur progredi, ex iis, quæ in Philosophicis probavimus. Oportet itcirco

ad primum aliquod movens de venire, quod omne moveat, & ipsum a nemine moveatur. Hoc, & non aliud, erit Deus. Et eo vel magis, quia Dei nomine intelligimus ens perfectissimum; movere autem perfectius est, quam moveri, quia moveri est perfici, movere est perficere. Igitur ens, quod omnia movet, & a nemine movetur, omnia perficit, & a nemine perficitur, ens est perfectissimum, atque adeo Deus.

Ad hanc primam metaphysicam demonstrationem Athei respondere nituntur, dicendo primo, non esse necesse, ut perveniantur ad unum aliquod movens, quod sit primum, adeoque sit Deus. Et hoc asserunt, quia supponunt moventia infinita, quæ alia ab aliis moventur, nec tamen ex illis ullum est primum movens, quia nullum est movens, quod ab alio non sit motum. Dicendo secundo, non constare omnino, ut quicquid movetur, ab alio moveatur; plurima enim sunt, quæ a se ipsis, & sponte, moventur; & hoc quidem in multis motuum generibus, edendi, scilicet, bibendi, crescendi, generandi, cundi, redcundi, &c. Sic profecto sunt omnia animalia, quæ motus habent a se ipsis, aliter spontanei non essent, sed coacti. Multo magis verificatur in hominibus, in quibus etiam actuum liberorum tolleretur libertas, si actus volendi, nolendi, amandi, odio prosequendi, esset ab aliis, & non ab iis, a quibus eliciuntur. Hoc enim non esset amare, odio prosequi, velle, nolle, &c., sed potius induci ad amandum, & ad cætera, quæ sunt in genere actuum liberorum.

At contra primam responsionem sic arguit P. Saguens l. c. quod, etsi fingendo infinitam multitudinem moventium non possemus devenire ad primum ex illis moventibus, quia omnia illa essent moventia, & mota; demonstratio tamen urget, ut deveniamus ad aliquod primum movens immotum, a quo sit tota illa collectio, etsi supponatur infinita, moventium. Igitur adhuc si admittantur, etsi falso, per Atheos, infinita moventia, & mota, semper tamen deveniendum est ad unum, quod sit movens, & non motum; & hoc demonstratio probat,

bat, & Adversarij non solvunt. Cæterum, infinitam illam seriem non esse admittendam, & ex Philosophicis patet, & ex sequentibus quoque patet. Contra secundam responsionem idem P. saguens verbis hisce occurrit: „Ad probandam existentiam primi illius moventis immoti, quod est Deus, omnino sufficit, ut quæcunque alia moventia acceperint ab illo vim suam motivam, quamvis hic, & nunc moverentur jam ista ex se ipsis absque ulla primi moventis coëfficiencia concursiva ad hunc, vel ad illum, motum. Nam modò concedatur dari tale ens, a quo cætera omnia sint, & sine quo nondum essent, & per quod obtinuerint quidquid habent facultatum ac virium; non poterit non in eo esse suprema illa potestas, quæ cum independentia, cum immensitate, cæterisque infinitis attributis, conjuncta est, & ex toto divina est. Igitur animalia, & homines, a Deo moventur, & tamen spontanei sunt illorum, & liberi horum, motus, quia a Deo virtutem se movendi acceperunt, a Deo conservatam agnoscunt, & cum Dei concursu exercitiam retinent.

Secunda demonstratio habetur a ratione causæ efficientis, & sic proponitur. Sunt causæ efficientes, sunt etiam effectus. Idem sui causa esse nequit, nequit etiam esse sui ipsius effectus. Effet enim, & non esset. Nec in productionibus abire possumus in infinitum. Igitur assignare oportebit primam, quæ mediæ sit causa; & mediam, quæ ultimæ. Ultima, & media, assignantur. Ergo assignari debet etiam prima, quæ cum ipsis correlationem dicit. Hoc, & non aliud, erit Deus.

Fingit etiam Atheus, ad hujus rationis vim declinandam, seriem infinitam causarum, a se mutuo dependentium, in qua nec primum, nec supremum, reperiri possit.

Sed contra. Hujusmodi series infinita causarum, quæ mutuum inter se dicunt dependentiam, ultra quod imperceptibilis sanè cognoscitur, inveniunt etiam omni mudo insustitens. Etenim, vel in ipsa possemus aliquando devenire ad duas aliquas causas, quæ sibi invicem mutuo esse darent, vel nunquam ad hæc devenire possemus? Si nunquam? Ergo falso dicitur, quod hujusmodi causæ a se mutuo dependent. Si aliquando ad ipsas devenimus? Ita arguemur contra. Si aliqua causa nequit sibi ipsi dare esse, quoniam pacto poterit dare esse illi, quod sibi tribueret esse? Sane, etsi mutua causalitas in aliquo genere a quibusdam concedatur, in nullo tamen gene-

re a nemine admittitur. Etenim illæ causæ, vel se producerent, quando essent, vel quando non essent? Si quando non essent, non possent; nemo enim potest agere, quum non sit. Si quando essent, neque possent se producere, jam enim essent. Ulterius, etsi aliqui ex Gentilibus Philosophis seriem causarum infinitam admiserint, semper tamen admiserunt cum dependentia ab aliqua causa prima, quæ extra seriem illam a nemine producta supponebatur; quemadmodum ait in præsentis Arsedchin. In catena ferrea ex alto protensa, concipitur series infinita angulorum se mutuo sustentantium; necessario tamen extra illam seriem supponitur aliquod supremum a nemine dependens, a quo angulorum omnium gravitas sustentatur. Sic etiam, etsi admittatur possibilis series infinita causarum, necessario tamen extra illam causam aliquam primam a nemine dependens admitti debet, a qua series illa dependat.

Tertia demonstratio petitur ex differentia inter entia necessaria, & contingentia; & hæc est. Sunt in mundo entia contingentia. Hæc autem, quia talia, possunt esse, & non esse. Et quia omnia entia sunt contingentia, omnia etiam esse possunt, & non esse. Impossibile est autem, quod ea entia, quæ esse possunt, & non esse, semper fuerint. Igitur aliquando non erant. Si aliquando non erant; ergo nec etiam modo sunt. Et probatur hoc. Quod enim non est, non incipit esse, nisi per aliquod, quod sit. Si igitur omnia erant contingentia, non poterit assignari illud primum, per quod esse coeperunt. Ergo si aliquando non fuerunt, nec etiam modo sunt. Hoc autem est falsum. Ergo præter entia contingentia, ens aliquod, quod sit necessarium, debemus admittere; quod quidem, quia necessarium, a semetipso suo necessitatis causam habebit. Hoc, & non aliud, erit Deus.

Atheus delirat, ut demonstrationis hujus vim eludat, dicens, entia contingentia esse infinita, & fuisse ab æterno. Hinc pacto sibi ineptie blanditur, & quod aliqua eorum semper fuerint, & aliqua aliquando erunt; & quemadmodum a præteritis facta sunt præsentia, ita & a præsentibus futura fient.

At deliria hæc sic impugnamus. Collectum omnium entium contingentium a se ipsis non fuit; igitur nec sibi potuit esse causa existendi. Ab alio ergo causata est; ab ente scilicet necessario, quod & sibi, & aliis, sit

sit causa caesendi. Uterius; quia entia ista contingentia virtutem non habent, ut quodlibet ipsum sit productivum cuiuslibet. Potuit homo generare hominem, leo leonem, equus equum; at fuit ne alius sol, qui solem producat, aliud firmamentum, quod firmamentum caesavit, alia luna, quae lunam generavit? Si recurrit ad casum? Et casus iste, quem fingunt, quum fuerit tantae virtutis olim, cur modo patrem non habet vim, ut alium solem, aliud firmamentum, aliam lunam, producat?

Quarta demonstratio accipitur ex maiori, vel minori, perfectione, quae in creatis rebus invenitur; & hoc modo concipitur. Habemus magis, & minus, bonum. Magis autem, & minus, dicuntur secundum quod magis, aut minus, participant de optimo. Ergo dari debet hoc optimum. Ipsum autem optimum in bonitate erit maxime tale. Quod vero est maxime tale in aliquo genere, est causa ceterorum in eodem genere. Ergo si datur hoc maxime tale in bonitate, datur etiam aliquod, quod bonorum omnium sit causa. Hoc, & non aliud, erit Deus.

Atheus quoque insanienis, ad effringendum demonstrationis robur, reponit, Argumentum probare bonitatem in uno genere, non vero in omni genere. Deus autem debet esse optimum quoddam in omni genere.

At volens cecurrit, & fallitur pro arbitrio. Etenim quod dicimus de bono in uno genere, de bono in athero genere propter eandem rationem dici debet; & sic de ceteris bonis in quolibet genere. Demus enim, quod sit optima singulatum in diversis generibus, nimirum in ratione lucis sit sol, in ratione caloris sit ignis, in ratione intellectivi sit Angelus. Haec tamen optima sunt limitata, & finita; bonitatis, quia non habent omnem bonitatem, nec in omni genere, neciam in proprio genere. Igitur facientes comparationem inter haec optima quaeque in proprio genere, necesse est, ut deveniamus ad optimum, quod sit tale in omni genere, ac proinde sit infinitae bonitatis, infinitae perfectionis, infinitae virtutis, in quolibet genere. Hoc quidem perfectissimum in omni genere, erit Deus.

Quinta demonstratio habetur a gubernatione rerum, & haec est. Entia cognitionis capertia etiam aliquando propter aliquem finem operari videntur; semper autem, aut ad summum multoties, sic se gerunt eodem modo, ut optimum consequantur. A casu hoc non provent, sed a huius inten-

P.A.R. I.

tione. Haec vero intentio non reperitur in illis; sunt enim, ut supponimus, cognitionis, adeoque etiam intentionis, capertia. Igitur in alio opus est, ut reperitur. Ergo dari oportebit aliquod intelligens, a quo entia omnia naturalia ad suos quosque fines proprios dirigantur. Hoc autem, & non aliud, erit Deus.

Neque Atheus iterum recurrat ad casum; etenim casus iste, quem fingit Atheus, vel est intelligens, vel non est intelligens? Si intelligens? Differimus in nomine; quia, quem nos sapienter dicimus Deum, ille insulse casum appellat. Si non est intelligens? Non potest praestare quod nos dicimus, a Deo praestari, quia est intelligens. Nec casu operantur entia cognitionis expertia; casus enim nequit efficere, ut semper eodem modo operentur, semper ad eundem finem tendant, semper suo tempore, suo loco, cum suis circumstantiis, aut ut plurimum, effectus suos producant. Sed de hoc iterum inferius redibit sermo.

Haec sunt quinque metaphysicae demonstrationes a posteriori, quibus, quasi quinque davidicis lapidibus, ad Atheismi cervices effringendas, utitur Angelicus Doctor, S. Thomas. Sunt aliae, quae ab aliis Doctoribus adducuntur in medium; sed, vel fere omnes cum hisce coincidunt, vel non, ut haec, sunt efficaces ad demonstrandum. Ex his autem quinque P. Saguens infert nobilissimorum attributorum notitiam, quae Dei characterem efformant. Siquidem ex ipsis evincitur, & Deum esse a se, & omnia esse ab ipso; Deum ex necessitate esse, & esse in omni genere perfectissimum; Omnique Deum sapientissimum in huius mundi regimine, providissimum, atque iustissimum. Quae comprobat cum luculentis S. Athanasii, & Philonis Hebraei, testimoniis. Athanasius enim in libro contra Gentes ait. *Ecquis vero est, qui caelestem orbem intuens, ac Solis, Lunaeque, cursus, & reliquorum sinus, conversionesque, siderum, quae tametsi inter se differant, eundem tamen ordinem, sine ulla varietate, retinent, non statim intelligit, non a se ipsis illa regi, sed esse alterum, qui haec moderetur?* &c. Philo vero in primo de Monarchia inquit. *Si quis in civitatem veniat, legibus optime constitutam, quid aliud suspicabitur, nisi regi ab optimis Magistratibus illam ipsam civitatem? Quamobrem qui in hanc magnam introjerit civitatem, mundum videlicet, ibique contemplatus fuerit montanam, campestremque regionem, animantibus repletam, & stirpibus, ac fluviorum ingentibus, ac torrentibus, pabula item, & recipio-*

C

cipo-

supplicationes meriti, &c. nonne verifimiliter, aut potius necessario, de patre, & conditore, nec non rectore, cogitabit? At ad physicas rationes deveniamus.

Prima physica ratio ad probandum, Deum existere, hæc est. Quemadmodum tu singulis Athec causarum illam seriem infinitam, ita & mundum etiam debes ab æterno fingere. Si mundus autem ab æterno fuisset, æternæ suæ, & venerandæ, antiquitatis clariora deberet testimonia exhibere. Modo vero, si omnes mundi annales consulimus, ultra sex millia circiter annorum, nullam mundi antiquiorem mentionem possumus advenire. Novæ artes, novæ scientiæ, novæ regiones, quæ indies reperiuntur, nonne probant, ab æterno mundum non fuisse? Si cum Nicolao Macchiavellio, improborum Politicorum Principe, ad aquarum eluviones recurras, & ad varia orbis incendia, quibus præteritas, omnia prioris ævi vestigia ante Adamum consumpta fuisse: Si cum aliis dicas, artes, scientias, regiones, quæ modo nobis novæ videntur, renovatas potius esse, quum antiquitus fuerint etiam compertæ, hominum autem incuria perisse: Contra putidum utrumque commentum sic argumentamur. Ex eluvionibus, & incendiis illis, aut homines aliqui superfuerunt, aut nulli? Si aliqui? poterant illi rerum præteritarum memoriam posteris suis tradere. Si nulli? Unde ergo nova hominum series incepta? Dices, de Terra fuisse de novo progenitos, vel ex fortuito atomorum concursu, vel aliter, ut Deucalionis perhibent fabellæ. Expedita responsio! Sed quare modo Terra eandem virtutem homines generandi non habet, itaque et terra oriri homines, quemadmodum plantæ nascuntur, conspiciamus? Quare modo atomorum concursus fortuitus, absque alterius hominis opera, hominem aliquem non producit? Vel si nulli superfuerunt homines, quis tibi relationem hujuscemodi antefactorum tradidit? Athec revelationem ne aliquam ab hominibus illis accepisti? Cæterum profundum Historicorum omnium silentium clamat contra te, quo, velis nolis, fortissime convincendus omnino sis, ante Adamum nullas artes, nullas scientias, nullas regiones, fuisse, quum nulla de his alicubi mentio invenitur.

Secunda ratio physica. Hujusmodi de Dei, vel de Deorum, existentia opinio, vel semper in mundo fuit, vel aliquando non fuit, & statim tempore incepti? Si semper fuit? Non potuit ergo esse, ut tu Athec,

deliras, hominum inventum, ad populi multitudinem Deorum metu refrænanandam, excogitatum. Si aliquando non fuit? Tuum erit certe designare tempus, quo non fuit, & tempus, quo incepti. Quod quum non adsignes, remanet præcul ambiguo, semper in mundo fuisse, adeoque mundo coævam de existentia Dei fidem semper cum hominibus viguisse. Omnis namque, quæ in mundo aliquando incepti, aut artis, aut scientiæ, aut alterius cujuslibet professionis, monumenta, saltem apud Historicos, supersunt. Si dices, hujusmodi monumenta non esse, quia a posterioribus hominibus, ut inventum suum obtegerent, & sustinerent, delata fuerunt; sic in contrarium argumentamur. Hoc quidem inventum non potuit esse apud omnes homines, qui tunc temporis in mundo habitabant. Impossibile namque videtur, ut in hoc unum, & idem, & quidem figmentum, omnes homines conspirarent, nemine discrepante. Quoniam igitur pacto fuit deinde ad omnes homines ita propagatum, ut nec natio, nec cægio, fuerit, quæ Deos non agnoverit? Et si aliqua fuit natio, aut regio, ad quam non pervenit, nonne potuerunt, ac debuerunt, hujusce nationis, aut regionis, homines falsi arguere illorum hominum impudenciam, qui veterum monumenta deleverant, ut novas Deorum opiniones in mundum asportarent?

Tertia ratio physica. Dum omnia, quæ in mundo naturaliter fiunt, tribuis tu Athec casui; cur ergo quando pulcherrimum opus conspicias, statim Artificem ejus investigas? Casus, qui per te potest naturalia quæcumque facere, nonne potuit etiam artificialia? Certe major est labor, peritior industria, ingenium subtilius, in operibus naturæ, quam artis, conspiciendis. Si ergo casui tantam tu das virtutem, ut naturalia quævis efficiat, virtutem etiam artificialia efficiendi denegare non debes. At nullum opus artificiale, etsi informe, & deformi, a casu factum conspiciamus. Cur ergo tot, tantaque pulcherrima, eaque perfecta naturæ opera, a casu facta tu dicis? Undenam tanta casui virtus, eosdem flores, fructus, folia, iidem temporibus in plantis producendi, temporum vicissitudines regulandi, ea, quæ facta sunt, conservandi, convenientes virtutes naturalibus agentibus tribuendi, eadem quoque ad fines suos dirigendi? Ad Naturam consurgas? At si Naturæ nomine chimeram aliquam non intelligis, Deum, vel Dei virtutem, vel Dei artem, debes omnino, ac

necessario cogitare.

Quarta ratio physica. Natura, ad quam Athæe confugis, aut est ratione prædita, aut rationis est experta? Si rationis est experta? Quoniam modo poterit hæc omnia facere, quæ sine ingenio, sine consilio, fieri nullatenus possunt? Et quodnam erit hoc ens in mundo, non intelligens, & producens, & omnia faciens? Si ad cuiuslibet rei, aut instinctum, aut propensionem, aut virtutem, recurris, illamque naturam appellas; supra has omnes naturas, aut dabitur natura superior, quæ illas regular, aut non dabitur? Si dabitur? Hæc est Deus. Si non dabitur? Et quomodo inter se non pugnant, & non destruuntur? Et quare inter se ordinantur, & non confunduntur? Et quoniam pacto in se ipsis perseverant, & non desinunt? Præsertim, cum rationis sint expertes, & consilii incapaces? Si vero natura est ratione prædita? Hæc, & non aliud, erit Deus. Audi opportunè Lactantium, lib. 2. divinarum institutionum cap. 8., hæc eruditè scribentem. *Natura, quæ dicitur, orta esse omnia, si consilium non habet, efficere nihil potest. Si autem efficiendi, aut generandi, potens est, habet ergo consilium; & propterea Deus sit, necesse est. Nec alio nomine appellari potest ea vis, in qua inest, & providentia cogitandi, & solertia, potestasque faciendi. Melius igitur Seneca, omnium Stoicorum acutissimus, qui vidit, nihil aliud esse Naturam, quam Deum. Ergo, inquit, Deum non laudabimus, cui naturalis est virtus, nec illum didicist ex ullis. Immo laudabimus; quævis enim naturalis illi sit, sibi illam dedit, quoniam Deus ipsa natura est. Cum igitur ortum rerum tribus natura, ac detrahitis Deo, in eodem luto hæsitans, versuram solvis. A quo enim fieri mundum nrgas, ab eodem plane fieri, mutato nomine, confiteris. Iterum Lactantium excipe, hæc appositè quoque lib. de ira Dei cap. 10., ac eleganter alloquentem. *Natura, quæ veluti matrem esse verum, putant; si mentem non habet, nihil efficiet unquam, nihil molietur. Ubi enim non est cogitatio, nec motus est ullus, nec efficacia, Si autem consilio suo nititur ad incipiendum aliquid, ratione ad disponendum, arte ad efficiendum, virtute ad consummandum, potestate ad regendum, & contrinendum, cur Natura potius, quam Deus nominetur?**

Quinta ratio physica. Dæmones esse, aut negas Athæe, aut concedis? Si negas? Negare etiam te oportebit, & artem magicam, & occulta cum Dæmonibus pacta, & mirabilia, quæ operantur Energumeni, lo-

P A R. I.

quentes variis linguis, quas nunquam didicerunt, & exercentes vires, quas fortissimi homines superare non possunt. Negare, insuper debebis omnes Spiritus, quos tamen esse ex te temetipso fateri cogeris, quum materialis substantia nequeat cogitationis esse capax, qualis es tu; quique proinde, non ut materialis, sed ut spiritualis, cogitas. Negare pariter adstringeris incantationes, maleficia, sortilegia, quæ nullo modo ad phantasiam, ad imaginationem, ad naturales morbos poteris referre, quum supernaturalem vim præferant, quæ nequeat a naturali agente superari. Si concedis? Si ergo Dæmones sunt, erit etiam Deus. Illationem hanc tibi facimus manifestam. Quid Dæmonum nomine concipias Creaturas spirituales. Quemadmodum igitur creatura spiritualis non implicat, ita nec spiritualis Creator implicabit. Ad perpetuum ignem damnatas. Sed a quo damnatas? a Deo. Jam ergo concedis Deum. Si spirituales sunt; non potuerunt per generationem esse productæ. Creatæ ergo fuerunt. At quis alius præter Deum potuit eas creare? Stat ergo Athæe, ut, si Dæmones concedis, velis nolis, debes bog ipso admittere Deum.

Ad Rationes modo mathematicas devenientes, eas desumimus a doctissimo Patre Merkenno, a quo etiam refert P. Boucat, easque propriis P. Merkenii verbis asserere, consultus iudicamus. Prima Ratio accipitur ab Arithmetica, & in lib. in Gen. rat. 16. pag. 39. edit. Parisien. 1623. sic proponitur.

„ Porro quæcumque sunt, unum desiderant,
„ velut suum principium; quoniam primum
„ ab eo processerunt, in quod nunquam ea
„ rediunt, quæ multitudinem gaudet, nisi
„ ipsa multitudine gradatim exuerent. Exur-
„ ge igitur anima christiana, illamque mys-
„ tificam monadem, unitarum unitatem, sim-
„ plicitatis summitatem, rerumque omnium
„ semen, & centrum, mentis intuitu suscipe;
„ in ea liquidem facile reperies, quæ in uni-
„ tate prædicta, sed & alia plura; hæc enim
„ est unitas, quæ mysticum concentum in
„ mundo producent, eum ita mover, & re-
„ git, ut microcosmi compages exiliendo,
„ veluti tripudiare videatur, hoc concentu
„ stellæ, velut animæ choreas sempiternas
„ ducere, quibus humani corporis consonan-
„ tiæ quo dæmmodo respondere valeant. Hæc
„ est unitas, quæ cyphris omnibus virtutem
„ confert, sine qua quocumque cyphras ap-
„ pueris, v. g. 000000., sicque deinceps
„ in infinitum, nihil prorsus efficiet, nisi
„ præcedat unitas. Quid, obsecro, sunt om-

C 2

„ DCB

„ nes creaturæ, seorsim absque Deo spectatæ Tollis unitatem, tollis & omnia; quam
 „ si restituas, omnia redeunt O quantum est unitatem e rebus tollere, eum nulla sit alia miseria, præter unitatis privationem, nulla felicitas, nisi cum Deo unitatem habere, & unum esse, quæ omnia, prout ad profectum animæ, ac vitam religiose, tranquilleque, degendam attinent. Unde vero putas hæc omnia, unitatem arithmeticam, nisi dependentem ab unitate divina, habere, a qua sunt, quæcumque sunt? Quare nihil penitus excogitari, nihilque subsistere potest, nisi unitatem habuerit. Eapropter Deus, qui est unitas suprema, quibuslibet ita præsens adest, ut sine eo nihil esse, nedum excogitari, possit. Quomodo enim quidquam excogitaris, nisi præsentissimus sis, qui tibi dar unde cogites? „

Ex quibus hæc efformatur pressior, & expeditior, ratio. Sicut se habet unitas ad numerum, ita se habet Deus ad unitatem; sed sine unitate nullus est numerus: Ergo sine Deo nulla est unitas. Examinemus hoc argumentum. Majorem propositionem, cuilibet constare putamus, qui sciat, quod quemadmodum unitas est principium, & finis, totius numeri, ita Deus est principium, & finis, unitatis; sicut sine unitate, omnia nihil sunt, ita sine Deo nihil est unitas; sicut demum unitas est ante, intra, & post numerum, & est a numero independentens, ita Deus est ante, intra, & post unitatem, & est ab unitate independentens. Igitur est verum, quod sicut se habet unitas ad numerum, ita se habet Deus ad unitatem; quæ est major propositio argumenti. Minor propositio sic explicatur, & ostenditur. Si quisvis numerus ab unitate dependet, & a quovis numero est unitas independentis; ergo vere sine unitate nullus est numerus. Consequentiam ita pariter claram reddimus, & firmam. Ita certo numero clauduntur omnia, quæ sunt in mundo, ut Merfennus absque negotio arenas & maris, & totius terræ numeret. In quovis autem numero, sive in toto hoc numero, unitas, quæ inchoat orbis numerum, est creata, & producta. Devenientum est ergo ad unam improductam, & ab omni causa efficiente, nedum composito independentem, & quæ quidem sit a se ipsa. Si ab hac unitate, quæ est a se ipsa, omnis unitas dependet, ergo vere sine Deo nulla est unitas; & quidem eo prorsus modo, quo sine unitate nullus est numerus. Consimilibus verbis argumentum

hoc proponit P. Boucat, ad quem remittitur Lector.

Secunda ratio mathematica petitur ex Geometria, & sic a P. Merfennio concipitur: Etiam ex Geometria probamus, non tantum, quia lineæ omnes, circumferentiam tangentes, æqualiter a centro distant, ut omnes creaturæ a Deo: Non tantum, quia circulus principio, sineque caret, sequens ipso contentus est, cæteris figuris non indigens, omnes comprehendens, atque superans, quæ ratione Deus omnia comprehendit, omniaque termino carens limitat: Non tantum, quia circulus est figura capaxissima omnium, ad cuius perfectionem, alia figura pertingere nequit, sicut nec aliquid æquale Deo esse potest: Sed quia Deus insitit circini videri esse, cuius per in centro positus immutabilis cum sit, alius ad circumferentiam extensus movetur; ita tamen, ut quidquid agit aut describit, pedis fixo acceptum ferat, qui amicitia vinculo per caput connectitur. Nunquid enim a Deo pari ratione dependent omnia, tam ut sint, & fiant, quam ut operentur? Omnes enim creaturas Deus immobilis movet. Igitur circinus ille Deum refert, juxta id, quod in se circinus fixum & immotum habet; creaturæ vero sunt veluti pars mobilis, quæ nisi Deo conjungantur, nihil omnino producere possunt, quod sit perfectum. Hinc quandiu firmissimum divinæ voluntatis pedem sequeretur, nunquam perfectissima Religione Christiana, nunquam a perfectis operibus, recedemus. Ratio autem ex hisce verbis sic componitur.

Quemadmodum inter geometricas figuras circulus est perfectior; & a circulo, qui principium, & finem non habet, omnes lineæ a centro ad circumferentiam proeunduntur; & lineæ omnes æqualiter a centro distantes, omnes circumferentiam tangunt; & figuræ aliæ omnes a circulo comprehenduntur, & superantur, & circulus figuris aliis non indiget: Ita pariter Deus omnia comprehendit, omnia limitat, est terminus careat; omnes ab eo creaturæ distant, & omnes ad eum feruntur; omnes superat, & nemine indiget. Eodem pacto, ac de circulo extenditur paritas de circino; isdemque proprietatibus aptatur, ut super utraque paritate possit brevior, & efficacior ratio erigi; sic nimirum. Ita se habet Deus ad creaturas, ut circulus ad geometricas figuras; sed sine circulo omnes geometricæ figuræ stare non possunt: Ergo sine Deo creaturæ esse nequeunt. Major propositio ex nuper dictis redditur certa,

ta, & evidens. Minor experientia constat. Consequentia ratione legitimæ illationis negari non potest.

Tertia ratio mathematica, a Musica petita, a P. Merfeno his verbis exponitur. „ Verum enim vero nusquam illud contingere arbitror, præsertim si de perfecta harmonia loquamur: Quod scilicet fiat, id in ventu, atque rupium, antrorumque, auctorem referendum est. Fatebitur ergo Atheus, nusquam testudinis sonum, & harmoniam, audiri, quin sit aliquis, qui ratione, atque manu, vel re alia, quæ manus subit vices, illius causa existat. Prima vero omnium, causa est Deus, optimus, maximus.

Quæ quidem ratio methodice sic formatur. Quemadmodum tu Athee quando audis harmoniam, interrogas de pulsante muscum instrumentum, ita pariter quando mundi ordinem conspicis, debes de ordinante cogitare. Et sicut harmoniam nullo pacto tibi suadere vales, casu esse formatam, ita etiam hunc ordinem universi nequaquam debes credere, fortuito esse factum. Ex illo insuper modo, quo causam cogitas soni, quando perfectam audis harmoniam, eodem prorsus causam rerum omnium in mente tua concipere, & in corde adorare debes, quando creaturas vides, adco pulchras, ordinatas, & bene, perfecteque dispositas, quæ ab eadem prima causa pulchritudinem suam, ordinem, dispositionemque cognoscunt; atque insuper illam perfectioni modo representant, quam sonus indices pulsantem testudinem, vel quodlibet aliud organum tangentem. Igitur sic argumentamur. Sicut se habet perfecta harmonia ad Citharædum e. g., ita se habet universus orbis ad Deum. Sed tu, audita perfecta harmonia, illico cogitas de Citharædo. Ergo conspecto universo, statim debes cogitare de Deo.

Quarta ratio, quam eruit a Mechanica, sic a P. Merfeno exhibetur. „ Non tantum scientiis theoreticis ad Deum ascendere possumus, verum etiam ex practicis, inter quas Mechanica non ultimum locum obtinet; quam, si juxta suum omnem ambitum describere velim, nemo est, qui non admiretur; quandoquidem miraculorum instar ea sunt, quæ fabricat; & possumus in eam referre quæcumque rara, atque mirabilia, vulgo nuncupantur. Præsertim vero de machinis agit, cujus causas investigat, & assignat, prout rationalis est; operi autem manum admoveri, quatenus est chirurgica, cui arces iam orationis, quam ædificationis, simileque deserviunt. Illa magna-

riam continet, quæ, vi minima, pondus maximum tollit.

Ex quibus verbis hanc rationem argumentando efformamus. Quando mirabilia Mechanicæ tu, Athee, intueris, non quidem sine admiratione, nec sine curiositate, remanens intuendo; Verum statim de Auctore interrogas, de modo sciscitaris, & admirationem tuam, velis nolis, aut lingua, aut saltem oculis, manifestas. Mundi autem machinam dum spectas, cur a casu factam credis, & non potius, quum sit omni machina mirabilior, de ejus sapientissimo, ac potentissimo, non interrogas Auctorem, illumque non confiteris? Sicut se habet minus ad minorem, ita majus ad majorem; immo multo magis habere se debet, & eo magis, quo majus minori præstat, illudque excedit. Tu autem minora videns, ea non casu facta credis, & majora despicias, quod, te judice, fortuito sint producta? Aut ergo casum in mechanicis comminiscaris oportet; aut, si hoc comminisci, nec vis, nec potes, majori quidem ratione, in mundi machina comminisci non debes.

Sexta Ratio desumitur, post P. Merfenum, a Dominico a SS. Trinitate, loco alibi citato, ab Astronomia, Geographia, Hydrographia, Optica, &c. In Astronomia, quam hic ultimus inadvertenter Astrologiam appellat, quum valde inter se dissent Astronomia, & Astrologia, considerantur motus cælorum, eorumque velocitas, diversitas, ac constantia; astrorum insuper numerus, magnitudo, lux, influxus, &c. denique vicissitudines temporum, illisque annexus ordo, ex quo harmoniam componunt. Hæc, vel in prima productione, vel in perenni conservatione, considerans, Athee, nega, si potes, Auctorem, qui illa efformavit, & qui modo conservat? In Geographia, & in Hydrographia, deprehendis, quod est omnium mirabilis, terram, nupote omnium elementorum gravissimam, debere undequaque aquis obui; & nihilominus contrarium experimur. Cujus est virtus, cujus est potentia, ut illam eo ordine constituerit, & etiam modo ea constantia conservet, quod terra non subiciatur aquis, & animalibus cunctis, præter pisces, & aves, habitationem præbeat, atque descendat? Nequis recurrere ad casum, cujus non est legem aquis imponere, nec transseant fines fuos; cogis ergo ad Deum appellare, illumque nolens etiam confiteri. In Optica demum meditaris Cælorum spatium, quod perlustras, Syderum magnitudinem, quam admiraris, distantiam, quam



neſciſſas, lucem, quam non deprehende-
ras; & illico cognoviſti, non hunc ſolum
mundum a Deo homini præparatum, qui
communis etiam eſt peccoribus; ſed perfe-
ctius habitaculum in cœlis illi promiſſum,
pro illo factum, illumque, poſt brevem
huius vitæ curſum, exſpectare. Alia etiam
in Opſica mirabilia detegis, quæ in viſivæ
potentiæ ſtructurâ comprehenduntur, in
ejus activitate, atque virtute, exercentur,
in ejus demum univerſalitate, ac diverſita-
te, copulantur; quæ, ſi a caſu proveniſſe
dicas, vel oculorum beneficium demere-
ris, vel intellectus, qui quolorum eſt ad
inſtar, beneficio abuteris. Hæc quidem
ratio non indiget, ut exactiori metho-
do exponatur.

Ad Morales Rationes gradum facimus; qua-
rum Prima hæc eſt. Repugnans omnino
eſt, falſitatem aliquam totius bonitatis eſſe
cauſam, & veritatem eſſe cauſam totius
malitiæ. Sic proſecto eſſet, ſi Deus non
eſſet. Et probatur hoc pacto. Hæc de Dei
exiſtentia opinio, quam nos dicimus ſcien-
tiam, ſed ut verbis tuis, Atheæ, loquamur,
voce tenuis opinionem nominamus, quot
bona in hominibus producit? quot virtu-
tes progenerat? quot felicitates apponit?
Quot autem mala in nobis eſſent, ſi huius-
ſcemodi opinio non eſſet? Nulla eſſet in-
ter homines concordia, nulla vivendi ra-
tio, nullus dominandi ordo. Sine juſtitiâ
homines in ſerilitate Feras ipſas ſuperarent;
ſine verecundia ipſemet Bruta in inhone-
ſtate vincerent; ſine pietate ſaxa ipſa in-
duritiæ opprimerent. Si ergo Deus non
eſt, opinio ejus exiſtentia, quam nos habe-
mus, falſa erit; & error tuus erit veritas.
Sicque falſitas noſtra tot, tantumque bo-
norum eſſet cauſa; & veritas tua, negatio
ſcilicet ejus exiſtentia, cauſa eſſet idem-
dem tot, tantorumque malorum. Quod ne-
mo ſanæ mentis homo concedet. Hoc
etiam argumentum late proſequitur P. Mer-
ſennus in Gen. cap. t. rat. 32.

Secunda Ratio moralis eſt, quæ ſequitur. Ho-
minis appetitus rebus diſce, quas oculis vi-
demus, & manibus conſectamus, non ſa-
tiatur; & dum plura homo conſequitur,
majora ſemper appetit. Non eſt autem ra-
tioni congruum, quod Brutorum anima-
lium appetitus ſatiatur, & hominis non
ſatiatur; quia aliter homo cunctis aliis
animantibus inſelictioris eſſet conditionis.
Quis autem concedat, hominem, qui cun-
ctis aliis animantibus ratione præſtat, cun-
ctis aliis viventibus natura excellit, cæce-
ris aliis rebus denique præſtantiorem ſine,

dubii, & excellentiorem, in hoc uno ra-
men iſdem cedere, quod cætera ſatiatur,
ipſe vero, aut in poenam, aut ex natura,
inſatiabilis eſſe debeat? Quod cætera ani-
mantia ſatiatur, experimur quotidiana
nos docent, quum videamus illa, vel cibo,
vel potu, illis apto, ſolummodo ſariari.
Quod vero non ſatiatur homo, quilibet
proprio ſuo experimento docetur; quo ſane
comperit, ſi divitiis coarſcervat, ſi di-
gnitates conſequitur, ſi oblectamentis fru-
itur, nunquam ſibi dicere, ſufficere; ſed ſem-
per plura velle, & ad majora aſpirare. Si
ergo homo, quum ſit inter cætera excel-
lentior, nec pro poena, nec pro natura,
habere debeat, inſatiabilem eſſe; & quum
nullo modo poſſit rebus hiſce ſariari; & de-
beat, ut cætera ſaltem animantia, propor-
tionato bono ſuo frui, & proprio ſibi ob-
jecto ſaturari: Conſequens ſine eſt, illum
tantummodo ſariari fruſtratione Creatoris ſui,
Dei ſui, qui ſolus eſt objectum ſuæ poten-
tiæ proportionatum; ſolus adequat totam
appetitum ſui ſpæram; ſolus denique ſatis-
facit inſatiabili alias deſiderio voluntatis
ſuæ.

Tertia Ratio ſic proponitur. Si civitas eſſe,
non poteſt ſine Rectore; ſi domus eſſe ne-
quit ſine Patre familias, vel qui illius vices
gerat; ſi navis ſine Gubernatore, ſi re-
gnum ſine Rege, ſtare non poſſunt; quo-
modo ſtabit mundus ſine Gubernante, ſine
Providente, ſine Judicante?

Demus tibi, Atheæ, quod tu inſane ſingis,
cætera ſcilicet infra hominem gubernari
a caſu; quod nuſquam tamen tibi conced-
endum exſpectabis; loquamur dumtaxat
de hominibus, in quibus ipſemet tu vides
injuſtitiâ, qua aliquando puniuntur in-
ſources, & præmiis ornantur ſcelertiſſimi.
Unde tu plurimum cunqueris, non eſſe
juſtitiâ, non eſſe Deum. At deſine deli-
rium, & reaſſume ratiocinium. Si in mun-
do non eſt juſtitiâ; ergo eſt Deus. Et ſic
tibi probamus. Quis dicit pro Brutis eſſe
juſtitiâ, & non eſſe pro hominibus? Si
pro hominibus non eſt ab homine; ergo
erit a Deo. Quod ſit pro Brutis, facile co-
gnoſces, ſi advertas, Bruta ab homine ver-
beribus affici, ſi deſiciunt, congruis cibis
nutriti, quando laborant. Hanc ergo ju-
ſtitiâ, quam pro Brutis habet homo, nul-
lus pro hominibus habebit? Videmus pro-
fecto, quod tibi plane concedimus, virtu-
tes aliquando puniri, vitia coronari; vide-
mus, pro bono opere injuriam, pro malo
præmium, ut plurimum, reportari; vide-
mus, ſceleroſos homines regnare, non ſemel,
pru-

probos autem iisdem deservire. Igitur pro hominibus non exercet homo iustitiam. Debet autem pro hominibus exerceri, ne sint homines Brutis deterioris sortis, & status insuper infeliciois. Quod si non exercet homo, Deus exercet. Igitur ex iniustitia, quam inter homines deploramus, tantum abest, ut inferatur, Deum non esse, quod potius, Deum existere, potiori ratione, inferendum esse, iudicemus.

Quarta Ratio in hoc consistit. Credis tu, Athee, Dei existentiam a nobis non efficaciter probari? Noa autem ex adverso cognoscimus, a te improbabilius negari. Ostende, si potes, demonstrationes tuas, quibus ineluctabiliter probes, Deum non esse? Nullas habes; & solummodo rationes tuas: consistunt in eo, quod demonstrationes nostras, aut enervare, aut solvere, aut eludere, tibi ineptissime blandiria. Sed demus, nec rationes nostras, nec tuas, ad propositum intentum adstringere. In hoc sane statu rerum, quis citi prudenter, ac sapienter, qui tibi, aut qui nobis, adhereret? Tibi equidem adhærens, sine ratione adhæret, sine exemplo, & cum summo, & ultimo eternæ fidei salutis discrimine. Nobis autem & sapienter, & prudenter, adhæret. Sapienter quidem, quum pro nobis cognoscat stare tot rationes, a sapientibus viris optime probatas, licet a te insipienter negatas. Prudenter quoque, quum nostitutiorem partem sequamur; quam si vera erit, nostram eternam salutem in tuto ponimus; si non vera, nihil eam sequendo deperdimus. Tu contra in errore tuo si falleris, actum erit de te per totam æternitatem; si non falleris, actum est saltem de te pro hac præsentis vitæ, quam doctæ cogitis inter continuas, atrocesque, de tua perditione, suspiciones; cum periculo etiam imminenti perendi hanc vitam, si error tuus dignoscatur ab illa, qui illum pro debito habent punire; & cum conscientie tuæ continua, pungentique reprehensione, a qua, velis nolis, senties semper clamorem incessantem, perpetuamque criminationem.

Quinta demum Ratio hæc est. Ad tuammet consentientiam te, Athee, advocamus. Etsi enim corde tu dicas, Deum non esse, cor nihilominus tuum quid vere tibi responderit? Nonne continuo tibi vindictam illius suggerit imminere, ejus existentiam insiciaris? Nonne iustitiam proponit, ejus elementum deludis? Fugis tu nihilominus conscientie sonitum; immo furdum te tingit illius clamoribus. At non per hoc sem-

per illa non clamat, & tibi incessanter non prædicat, Deum esse, Deum esse. Minatur tibi continuo poenas, quas secleri tuo puniendo, & præsentia vitæ Judicæ insiungunt, & eternæ vitæ Vindex præparabit. Sensus tibi assentitur, ut in seclerum tuorum cæno pingueas; at ratio contradicit. Rationem tu non audis, sensum, autem pronis auribus accipis. Sed cave, ne tandem ratio taceat, & erit infaustissimum, & irreparabile, tuæ eternæ perditionis argumentum.

Ad testimonia accedimus, & præcipue illorum, qui in Genilitate vixerunt. Cicero lib. i. de legibus ait: *de hominibus nulla gens est, neque tam immansueta, atque tam fera, quæ non etiam si ignoret qualem Deum habere deat, tamen habendum sciat.* Et lib. ii. de Natura Deorum: *horum (Deum esse) nisi cognitum, comprehensumque, animis haberemus, non tam stabilis opinio permansisset, nec confirmaretur diuturnitate temporis; ut usu tum seculis, atque hominibus inveterare potuisset.* Et eodem libro. *Quæ est tum gens, aut quod genus hominum, non habet sine doctrina anticipationem quandam Deorum, quam appellat *μυθολογία* Epicurus, id est, acceptam animo quandam informationem, sine qua nec intelligi quicquam, nec quæri, nec disputari, possit?* Plutarchus lib. contra Colotem cap. 18. inquit: *Peregrinantibus multas occurrerit sine manibus urbes, nunquam tamen exflare urbem, aut oppidum, quibus nullus sit Deus, nulla iuramenta, nulla preces, nulla sacrificia; talem urbem a nemine unquam visam, nec videri posse; potiusque conspiciendam sine sole urbem, quam sine Deo, ac ritigione.* Sextus Empiricus lib. 8. advers. Mathematicos scripsit: *Si non sint Dii, nec religio, quæ est scientia cultus Deorum: Eorum tum, quæ non sunt, cultus esse nequit. Est autem religio? Ergo sunt Dii.* Simplicius in cap. 38. Enchiridionis dicit: *Ubi omnes homines, tam Barbari, quam Græci, tum infans superiori tempore, tum nunc alii aliis rationibus, Deum esse sentiant.* Julianus apud Cyrillum lib. 2. cap. 4. hæc ferebatur: *Cognitionem Dei rem esse, quæ doceri nequeat, sed per se desatur ab hominibus. Omnes tum absque Doctore Deitatem quandam credimus.* Salustius Philosophus lib. de Diis asserit: *Communes notiones eas esse, de quibus interrogati mortales, omnes eadem, & communis voce respondent; velut est, Deum omne bonum esse, pati nihil posse, atque mutari.* Plato lib. 10. de legibus affirmat: *Nullas ab aeternitate usque ad senectutem in tua opinione, quod Dii non sint, perseveravit.* Seneca lib. i.

lib. 1. QQ. natural. docet: *Quis adeo rationis expertus, ut hoc, quo neque formosus quidquam, nec dispositus, nec in proposito consistens, existimet esse fortuitum, & casu volatile, & non a suprema ratione ordinatum?* Trismegistus in Pimandro testatur: *Cum statum absque febre, & dolore, fieri nullus asserere audeat; miram huius mundi constitutionem sine Conditoris constituisse putabimus?* Sapientibus, qui in Gentilitate vixerunt, adiungimus omnium gentium, omnium temporum, omnium locorum, homines, quorum fuit semper, estque in presentiarum, una vox, confors, & constans, Deum scilicet semper fuisse, & esse. Si hoc principium audes negare, Athee, felicet, id, quod omnibus videtur, debet esse verum; non unum, sed multa, cogeris absurda, & inconvenientia, admittere, & propugnare. Pari etiam ratione dices, mel esse amarum, absinthium dulce, lucem obscuram, & alia, quæ communi omnium consensu contraria probantur. Ait autem Cicero, de quo natura consentit, id verum esse necesse est. Natura consentit in eo, in quo omnes consentiunt: Ergo id, in quo omnes consentiunt, debet esse verum. Omnes autem consentiunt in eo, ut Deum existere admittant. Et si de hoc dubitas, audi Arnobium lib. 2. advers. Gentes: *Deum esse omnes naturaliter scimus; & lib. 1. Quisquamne est hominum, qui cum non istius Principis recognitione diem prima nativitatis intraverit, cui non sit ingēnitum, non affixum, imo qui pene in genitalibus matris impressum, non instum esse Regem, ac Deum tunciorum, quacunque sint?* Audi Tertullianum lib. de testimonio Animæ: *Certe prior anima, quam litera, & prior sermo, quam liber, prior sensus, quam stylus, & prior homo ipse, quam Philosophus, & Poeta. Nunquid ergo credendum est, autem literaturam, & divulgationem ejus, multas absque huiusmodi pronuntiationibus vixisse homines?* Et unde hac didicit anima? *Certe, non a Philosophia, non a literis, vel scripturis, nec a disciplina; hæc enim pronuntiat nondum scholis formata, simplex, rudis, impolita, idiota, de compito, de testrino tota: hæc a natura didicit: magistra natura, anima distulit.* Audi, ut ceteros mitamus, Minutium Felicem in Octavio: *Quid quod omnium de isto habeo consensum?* Audio vulgus, cum ad cælum manus tendunt, nihil aliud, quam Deum dicunt: *Et Deus magnus est: Et Deus verus est: Et si Deos dederit. Fulgi iste naturalis sermo est, an Christiani consentientis oratio?* Et qui Jovem Principem volunt, saluntur in nomine, sed de sua potestate conve-

niant. Audio Poetas quoque, unum Patrem, Divum, atque hominum, prædicantes, & talem esse mortalium matrem, qualem parens omnium Deus induxerit.

Firmiores ne rationes sunt tibi, Athee, ad Deum negandum, quam fuerint Augustino, Tertulliano, Cypriano, Hieronymo, Origeni, ex nostris; ex Gentibus vero Platonem, Tullio, Aristoteli, Senecæ, aliisque pluribus, ad concedendum? Vel mentem te habere credis, quæ omnium doctorum memini præferatur? Unde abdita rerum, quæ illi ignorarunt, te jam invenisse glories? Quodcumque dicas, tuam arguet, aut superbiam, aut intantiam. Crescit oratio. Tibi soli, & paucissimis aliis, qui, vel fuerunt, vel sunt, tui similes, secretum impenetrabile constat, quod omnium gentium hominibus fuit omni tempore occultum. Insania tua insania est paucorum, sapientia nostra est hominum omnium sapientia. Audi proinde Augustinum ser. 10. de verbis Domini, *Pauci interveniunt tanta impietatis, ut impleatur in eis, quod scriptum est, dixit stultus in corde suo, non est Deus. Insania ista paucorum est. Sicut enim magna pietas paucorum est: ita & magna impietas ubilominus paucorum est.* Tu autem consultius, sapientius, prudentius, iudicabes, paucis hæc adhzrere, contradicentibus illis omnium gentium hominibus, omnium Sectarum Philosophis, omnium Religionum doctis viris; qui sane te sunt, & tui etiam similibus, doctiores, prudentiores, & probiores? Eliges firma mente, & corde etiam sincero, subseribere paucissimis, qui perditii sunt homines, malis moribus, nullis scientiis, pessimis iudiciis, præditi, quam sequi omnes homines, inter quos sunt, & fuerunt, sapientissimi, atque sanctissimi? Consule Chyffostomum in psal. 13. ad illa verba; *dixit insipiens in corde suo, non est Deus; hæc apposite scribentem: Quomodo omnis lingua Deum nominat?* Palluntur ergo omnes hominum myriades, quæ Deum esse dicunt; & solus insipiens reputat verum dicere, qui solus ita mentitur. Quicunque quidem vel septem testimonia vult in testamentis evertere, per consensum reprobat, & rejicitur: publicam autem mundi linguam solus insipiens vult evertere!

At non soli homines, & omnes homines, omnia etiam animantia, omnia viventia, omnia corpora, omnes substantiæ, omnium demum entia, quæ existunt, concordia voce prædicant existentiam Creatoris sui. Audi Minutium Felicem in Octavio. *Mari autem, lege stringitur ... aspice Oceanum,*

versius reciprocis astibus vide fontes, manant
venis percanibus; fluvios intere, eunt sem-
per exercitis lapsibus; & exclamabis, mira-
biles esse elationes maris, & mirabilem in al-
tis Dominum. Etenim inquire, & interroga,
quis mari arenam, tanquam ultima posuit
mauia, qua usquam transgreditur, &c. Et
alibi. Aptè disposita vella montium, collium
flexa, porrecta camporum, quidve animan-
tium loquar adversus sese tuclam multiformem,
alias armatas cornibus, alias dentibus
septas, & fundatas ungulis, & spicatas acu-
leis, aut pedum celeritate liberas, aut elatio-
ne penuriam. Accipe Augustinum lib. 1. de
gen. ad lit. cap. 11. Pulchrum est cælum, sed
pulchrior est fabricator eai; sed cælum video,
inquis, & illum non video. Oculos enim habes
ad videndum tælum, cor nondum habes ad vi-
dendum fabricatorem cæli. Et lib. 25. de civit.
Dei cap. 8. Surgat Aibens, atque mihi, si pos-
sit, respondeat, quot in corpore humano di-
versi motus, quot nervi, quot ossa, quot ve-
na, quot arteria, quot humores: Explicet,
quomodo solus homo omnia consideret, discer-
nat, iudicet. Quomodo præterita fideli re-
tinet mente, quomodo in intellectu suo omnes
creaturas continet, & in eo totum mundum
depictum habet: Eodem hic Divinitatis insi-
mulator, quis creaturas omnes hominum usibus
subiecit, adeunt alterius Neminis instar esse
videatur. Profecto qui, his perspectis, mundi
pessorem eis supremum agnoscere renuit, aut
insania laborare, aut cecitate maligna deti-
neri, dicendus est. Lege Athanasium lib.
contra Gentes: Necessè est cogitari aliquem,
minimoque percipi Dominum, qui in unum om-
nia ista coegerit, ac devinxerit, atque ad so-
cietatem, & concordiam adduxerit; qui ta-
mensi non videtur oculis, ex ordine tamen,
& dissidentium invicem rerum, ac sibi mul-
tum adversantium colligatione, cognoscitur.
Omnes autem isti, quos retulimus, alique
innumeri, quos superaddere possemus, sive
Philosophorum Principes, sive Catholicorum
Patres, aut omnes impostores fuerunt,
aut omnes indocti. Si alia ab iis, quæ scri-
pserunt, intelligebant, impostores procul

dubio fuerunt; si veram scientiam, quam
tu, Athei, tuique similes, invenisse di-
cunt, non sunt assequuti, fuerunt certissi-
sime indocti, Erubescens profecto, illos
appellare indoctos, quos Doctores agno-
seunt omnes homines, ac venerantur; aut
impostores illos dicere, quos, aut probos,
aut sanctos, universa hominum societas
proclamat. Si autem isti, nec indocti fue-
runt, nec impostores, quid superest, nisi,
ut te solum, tuique similes tantum, indo-
ctos, insanos, deceptos, ac decipientes,
uno ore dicamus? Hoc sane comprobatur
silentium vestrum, hoc confirmat maxime
loquela vestra. Silentium quidem, quo
fatuitatem vestram manifestare erubescitis;
ac proinde dixit insipiens in corde suo, non
est Deus; quia, ut inquit Augustinus in
psal. 13., nemo hoc audeat dicere, etiam si au-
sus sit cogitare. Loquela quoque, qua
vosmet ipsi in repentinis viæ vestræ peri-
culis, instinctu quodam, a natura acce-
pto, & absque deliberatione prævia, Deum
advocantes, implorantes, exorantes, Deum
illum, quem corde negatis, ore enuncia-
tis. Hos sane motus insania vestra cohi-
bere nondum potest; & tametsi fuerint
lacte percepti, educatione firmati, homi-
num societate roborati, nova tamen, &
clariora lumina, quibus mentes vestræ, su-
pra aliorum hominum tenebras, exornan-
tur, & splendent, sensibus quoque ve-
stris rectiorem debent imponere legem,
ne aliquando, ad ineptorum hominum
instar, alloquerentur. Quod quum non
fiat, nobis evidens est argumentum, non
esse lactis, educationis, societatis huma-
næ, opus, quod destruere nullatenus po-
test clarior cognitio, quam vos habere
creditis. At esse potius divinæ veritatis lu-
men, lumen virtutis Dei, signatum in
mentibus, & cordibus nostris, quod ex-
tinguere nemo valet; nisi aliquando Deus,
in pœnam arrogantiae, & pertinaciæ ve-
stræ, ipsemet qui accendit, et
ferat ipsemet, qui donavit



DISSERTATIO V.

De Rationibus quasi a Priori, quibus, Deum esse, demonstratur.



Demonstrationem a priori illam dicunt Logici, ex regulis Aristotelis, quæ est per causas; Demonstrationem a posteriori, quæ est per effectus. Illam, etiam nominant *propter quid*, hanc *quia*. Rationem appellationis ex eo desumunt, quod causa prior est suo effectui, effectus vero posterior sua causa; unde demonstratio, quæ est per causas, est a priori; demonstratio, quæ est per effectus, est a posteriori. Quemadmodum quia *propter quid* ad causas refertur, & *quia* ad effectus; inde est, quod illa, quæ habetur per causas, *propter quid* dicitur; & illa, quæ per effectus, *quia* denominatur. Prioritas autem, vel est realis, in re scilicet, & extra opus intellectus; vel logica, seu metaphysica, videlicet in mente, & per opus intellectus; hinc est, quod vera demonstratio a priori est illa, quæ habetur per causam, quæ est prior suo effectui prioritare reali. Illa vero, quæ habetur per causam, quæ concipitur prior prioritare intentionali, logica, seu metaphysica, non vere a priori, sed *quasi a priori* nominatur. Non intelligimus hic, existentiam Dei a priori demonstrabilem esse reali prioritare; etenim entitas, quæ realem causam habere nequit, nequit etiam per realem causam demonstrari. Ex una parte, si existentia Dei a priori demonstrabilis esset reali prioritare, per realem causam demonstrari deberet; ex altera Deus, utpote ens a se, realem causam non habet. Evidens est ergo, Dei existentiam a priori reali prioritare demonstrari non posse. Prioritatem tamen intentionalem, seu logicam, vel metaphysicam, utique a priori Dei existentiam demonstrabilem est. Quod idem est, ac dicere, dari in Deo prædicatum aliquod, quod aliquo modo prius prædicato suæ existentie possit a nobis concipi; & per hoc prædicatum consequenter possit existentia Dei a nobis demonstrari, tanquam per aliquod prius, non re, sed ratione, seu nostro concipiendi modo. Unde si hoc a priori demonstrabitur, non physica, & reali prioritare, sed tantum logica, & metaphysica demonstrabitur; quod idem est,

ac quasi a priori. Et hoc sibi vult titulus in Dissertatione positus; & hoc etiam, quod nos in ipsa Dissertatione probabimus.

Theologi non obscuri nominis sunt primo; qui docent, per essentiam Dei quasi a priori ejusdem existentiam demonstrari posse. Et hoc ex eo, quia essentia aliquo modo prius existentia concipitur; sique per aliquod, existentia metaphysice prius, existentia ipsa demonstratur. Demonstrationem, quam præ se ferunt, his terminis efformant. Deus est ens summe necessarium. Ergo existit. Antecedens est certum; si enim aliud Dei nomine concipis, Deum non concipis. Consequentiam probant: Nequit esse ens summe necessarium, & actualiter non existere. Ergo si Deus est ens summe necessarium actualiter existit. Probant Antecedens. Si Deus, quum esset ens summe necessarium, non existeret, vel posset, & non posset habere existentiam, vel deberet illam necessario habere. Si posset, & non posset, habere ergo non esset ens summe necessarium, sed contingens. Si deberet illam necessario habere? Quæritur etiam; vel ad hoc, ut existentiam haberet, deberet a se ipso determinari, vel ab alio? Non ab alio; quia aliter ens summe necessarium ab ente contingentem determinaretur. Si a se ipso? Ergo quum potuerit, & debuerit se determinare ad existentiam, jam se determinavit. Ergo jam est. Ergo ens summe necessarium, quia summe necessarium, semper fuit, est, & erit, & quidem semper necessario.

Esti diverso modo a Theologis, qui nobiscum in hoc sentiunt, Dei existentia quasi a priori demonstretur; nobis tamen non est animus, aliorum rationes dejicere, ut nostram convaleamus. Neque enim P. Saguens asserimus, qui, Cartesii demonstrationem impugnans, eo fine se id præstare dicit, ne Athei ex demonstrationis illius inutilitate in suo errore pertinacius confirmetur. Non sunt hæc profecto solæ rationes ad profigandos Atheos, & non possunt certissime omnes ejusdem roboris, & efficacis, esse. Quælibet accipiat in genere suo; & quantum in se habeat vim, non laboremus nos quoque cum Atheis ipsis pro-

puls-

pulsare. Igitur consilium nostrum est, rationes omnes, quibus quasi a priori Theologi, secundum varietatem sententiarum, Dei existentiam demonstrare intendunt, in medium asserre; illisque omnibus, quod est commune inuentum, defendere, & propugnare. Est enim una altera sit efficacior, minus tamen efficaces satius est scire, quam rejicere; illisque expositis, ac potius in tuto positis, quam in aciem vocatis, efficaciori couabimur adhaerere.

Antonius Perez, Societatis Jesu, disp. 1. de Deo cap. 4. putat quasi a priori Dei existentiam demonstrare, per hoc, quod eam probet per aliquod diuinum prædicatum, ut non collectum discursu facto ex creaturis. Duabus proinde demonstrationibus hinc, quas susinet verbis asserimus, rem conficisse, existimat. Primam sic proponit: Nullum bonum est chimæra; sed ens carens omni defectu est bonum: Ergo ens carens omni defectu non est chimæra: Atqui ens potens non existere non caret omni defectu: Ergo ens carens omni defectu non potest non existere: Ergo existit essentialiter. Secundam sic concipit: Non est defectus, non pervenisse aliquid ad hoc, ut non sit chimæra; sed est defectus, non pervenisse ad hoc, ut sit optimum, habens æmulum omnium perfectionum: Ergo optimum non est chimæra. Re vera rationes istæ adeo premunt Archem, ut quanvis aliquando dicat, Deum esse impossibilem, ac fateatur esse existentem; his tamen rationibus pressus, quum nequeat dicere, Deum esse impossibilem, seu chimæram; hoc ipso cogitur asserere, Deum existere. Et quum prædicatum hoc, non esse impossibilem, non esse chimæram, non sit prædicatum ex discursu facto ex creaturis collectum; hoc ipso quod per illud Dei existentia probatur, quasi a priori demonstratur.

Renatus des-Cartes, nostrorum temporum Philosophus, æque ingenio, ac eloquio, acutissimus, meditatione terria, de Deo, quod existat, sic primum a posteriori demonstrat. Est in nobis Idea Dei: Ergo Deus necessario existit. Consequencia probatur. Hæc Idea Dei, quæ in nobis est, non potest esse a nobis. Ergo debet esse necessario a Deo: Ergo si in nobis est Idea Dei, Deus necessario existit. Probatur antecedens ipsismet Cartesi verbis: Quanvis substantia quædam Idea in me sit, ex hoc ipso, quod hinc substantia; non tamen ideo esse Idea substantie infinitæ, quum, si finitur, si non ab aliquo substantia,

PAR. I.

quæ revera esset infinita, procederem. Postmodum probat quasi a priori, more Geometrico, ut ipse dicit, in propositione prima, cui titulus, Dei existentia ex sola ejus naturæ consideratione cognoscitur. Idem est dicere, aliquid in rei alicujus natura, sive conceptu, contineri, ac dicere, id ipsum de ea re esse verum; atqui existentia necessario in Dei conceptu continetur: Ergo verum est de Deo dicere, necessariam existentiam in eo esse, sive ipsum necessario existere. Vel clarius. Id de qualibet re debemus certo affirmare, quod in ejusdem Idea clara cognoscimus; in Idea clara Dei cognoscimus existentiam: Ergo certo de Deo debemus existentiam affirmare. Vel alio modo. Ens perfectissimum venit Dei nomine; hæc enim est Idea Dei. Enti perfectissimo, si non convenit existere, vel non convenit? Si convenit? Habemus intentum: Si non convenit? Non erit amplius ens perfectissimum, sed potius ens imperfectissimum; deficiet enim ei maxima perfectio, immo perfectionum omnium basis, quæ est existentia.

Martinus Esparza, laudati Perez discipulus; ex propositionibus æternæ veritatis existentiam Dei demonstrat quasi a priori quest. 2. de Deo ar. 4. hoc pacto. Dantur veritates aliquæ objectivæ simpliciter necessariæ, & essentialiter invariabiles, & æternæ, quia dantur hujusmodi veritates formales, quæ necessario debent ab objectivis dependere; cujusmodi sunt; quodlibet est, vel non est; impossibile est, idem simul esse, & non esse, &c. Veritas autem objectiva est passio entis realis indistincta realiter ab eodem, ut ex metaphysicis. Ergo si datur a parte rei veritas æterna, necessaria, invariabilis, debet etiam dari entitas æterna, necessaria, invariabilis, in qua talis veritas, tanquam sua passio, fundetur. Datur ergo a parte rei ens simpliciter necessarium, essentialiter invariabile, & æternum; quod est Deus.

Tandem P. Emmanuel Magnanus, Ordinis nostri profundissimus Philosophus, ac Theologus acutissimus, Dei existentiam quasi a priori ex possibilitate entis summe necessariæ demonstrare contendit. Ex eo scilicet, quod non implicet, seu non repugnet, Deum existere, inferri, Deum existentia exercita de facto existere. Esto enim Deus sit non solum ille, cui non repugnat esse, sed ex se sit summum esse; præsuppositive tamen, & virtualiter, in ipso includitur non repugnantia ad esse. Hæc autem non repugnantia

D 2

gnan

quantia est etiam creaturis communis; cum hac tamen differentia, quod in creaturis non est cum summa actualitate conjuncta, quia creaturæ sunt contingentes, in Deo vero est conjuncta cum summa actualitate. Ergo ipsa non repugnantia ad esse est quodammodo prius ipsomet esse: Seu clarius: Potest ipsa non repugnantia quodammodo prius in ipso Deo concipi, quam ipsummet esse concipiatur. Et quoniam hujusmodi demonstrationes, sicuti & cæteræ hujus generis, videntur esse ejusdem per se ipsum, non sunt tamen ejusdem per se ipsum eodem modo cognitum, sed diverso; & quidem hæc ultima, uno conditionato, altero vero modo absoluto; ut in sequentibus clarius patebit. Hæc autem est demonstratio P. Magnani. Deus non repugnat: Ergo existit. Deum non repugnare, seu Deum non esse impossibilem, seu Deum non esse chimeram, etsi supponat a posteriori probatum, non per hoc eredit legibus demonstrationis quasi a priori contravenire. Illationem sic probat. Hæc est differentia inter ens contingens, & necessarium, quod in contingenti ex sui non repugnantia non potest ejus actualitas deduct. Non enim dicere possumus: Alter mundus non repugnat: Ergo existit. In ente vero necessario ex ipsius non repugnantia debemus necessario ejus actualitatem inferre. Unde si non repugnat, debet necessario existere; aliter non esset ens necessarium, & a contingenti, sibi opposito, contradistinctum. Nomine autem Dei ens summe necessarium venit; ergo Deus, quem non repugnet, existit. De hac demonstratione hæc scribit P. Saguens ar. 5. assert. 1. n. 19. *Ubi obiter observatur, divinam existentiam, qua viget loquendo non potest, nisi a posteriori demonstrari, videlicet per illius attributa, aut in se ipsa, aut in creaturis splendens, ubi luminis hac via demonstrari aliquatenus a priori, quatenus concipitur, nonungi ea, qua repugnat jungi: & ideo junctioni prære non repugnantiam junctis. Quare possibilitas, sive non repugnantia entis a se proposita, est veluti quadam, ut aiebam, divina existentia probatio a priori.*

Argumenta, quæ in contrarium proponuntur, primo erunt illa, quæ omnes universim demonstrandi modos impugnant; deinde alia, quæ peculiari demonstratione exagitant. I. Cachernan in theol. assertiva tract. 1. de Deo uno lib. 1. de exist. & essent. Dei cap. 1. §. 2. assertit; *Deum existere nullatenus potest demonstrari a priori.* Hoc deinde explicans, subdit; Dixi nullatenus,

ad excludendam, non solum demonstrationem, quæ est a priori per medium prius physice, sed etiam eam, quæ est per medium prius solum metaphysice. Ultimo loco sic probat: Existentia Dei nullam habet causam, seu rationem, nec physice, nec metaphysice, se priorem; ergo nullatenus potest a priori demonstrari. Pro prima parte antecedens non negatur, pro secunda probatur. Existentia Dei metaphysice est prima perfectio Dei; etgo nullam habet causam metaphysice se priorem. Probatur etiam antecedens. Existentia Dei est ipsamet aseitais Dei; atqui aseitais Dei est prima perfectio Dei, utpote formalissima essentia Dei: ergo existentia Dei metaphysice est prima perfectio Dei. Major est certa, quia aseitais est esse a se; esse a se est existere a se; ergo existentis Dei formalissime est ipsamet aseitais. Minor etiam est evidens, quia constitutum divine essentia per multos, & per ipsum Cachernanum, est aseitais.

Respondemus ad hoc argumentum, primum genuinum, & formalem conceptum aseitais non esse existentiam, sed esse independentiam; & Deum esse a se, quia s nemine dependet, sed a se solo habet quæcumque habet. Et quum inter cæteros modos dependentia adnumeretur quoque dependentia in existendo, quemadmodum adnumeratur dependentia in operando, &c. inde est, quod existentia a se non est formalissime ipsamet aseitais, sed est quædam species aseitais, independentia scilicet in existendo. Et quia magis late patet independentia totalis, quam peculiaris, & talis independentia; propterea existentis, quæ est independentia talis & pertinet, bene inferri potest, & inferitur, ex aseitaitate, quæ est totalis, plena, ac omnimoda independentia. In forma igitur distinguitur major ultimi argumenti: Existentia Dei est ipsamet Aseitais Dei, peculiaris, conceditur; totalis, plena, ac omnimoda, negatur. Distinguitur pariter minor: Aseitais Dei est prima perfectio Dei, utpote formalissima essentia Dei; aseitais plena, omnimoda, ac totalis, conceditur; aseitais talis, scilicet in existendo, ac proinde peculiaris, negatur; & negatur etiam consequentia.

II. Arguunt Adversarii. Nihil potest per se ipsum demonstrari; sed formalissime divina essentia est divina existentia: Ergo nequit existentia Dei, per divinam essentiam demonstrari. Major propositio est innegabilis; quia idem non potest esse prius, & posterius, seipso, non potest, nequa metaphysice.

physice, esse causa sui ipsius; non potest denique esse medium, & esse finis. Minor etiam est certa; quia in Deo non solum existentia non distinguitur realiter ab essentia, ut in creaturis, sed etiam est de essentia ipsiusmet Dei, quod est proprium solius Dei; adeoque divina essentia est formaliter divina existentia. Consequencia ex vi formæ liquet.

Respondemus, quod metaphysice loquentes, ut nos loquimur, idem realiter potest esse diversum intentionaliter; scilicet idem potest diverso modo concipi; ac proinde idem uno modo cognitum potest demonstrari per idem diverso modo conceptum. Existentia in Deo utique est formaliter de essentia Dei; attamen neque in Deo conceptus essentia est idem formalissime, ac conceptus existentia. Unde, quum non idem prædicatum formalissime in Deo sit essentia, & existentia; bene potest per unum demonstrari aliud per demonstrationem quasi a priori. In forma, distinguitur maior; nihilo potest per se ipsum demonstrari, per se ipsum eodem modo cognitum, concedimus; per se ipsum diverso modo cognitum, negamus. Distinguitur etiam minor; Sed formalissime divina essentia est divina existentia; conceptus scilicet essentia est idem formalissime, ac conceptus existentia in Deo; negamus; existentia scilicet in Deo est formaliter de essentia Dei; concedimus. Si autem in minori propositione intelligant Adversarii, quod idem prædicatum formalissime sit essentia, & existentia, in Deo, absolute negamus.

III. Opponunt, Si existentia Dei probari possit quasi a priori, probaretur per aliquid prius ipsa conceptum; sed hoc fieri nequit; ergo non potest sic demonstrari. Probat minor. Hoc aliquid vel conciperetur existens, vel non conciperetur existens? Si conciperetur existens? ergo conciperetur existens Deus, antequam probaretur existens. Si non conciperetur existens? ergo probaretur Deus existens per aliquid, quod non esset existens.

Respondemus, quod illud, quod prius Dei existentia conciperetur, conciperetur existens formaliter, non vero realiter; & ex illius formali existentia inferretur postea Dei realis actualitas. Non est autem mirum, quod ex aliquo prædicato concepto per intellectum, ut existente, & quod ante intellectus opus præscindat, an existat, vel non existat, inferatur existentia realis, & ante intellectus opus, subjecti illius, cui huiusmodi prædicatum convenire concipi-

tur. Unde in forma, distinguitur prima; pars enthymematis; conciperetur existens formaliter, concedimus; realiter negamus. Eodem modo distinguitur consequens, & nihil contra nos.

IV. Opponunt, Nullum prædicatum essentiale potest demonstrari de subiecto a priori; sed existere est prædicatum essentiale Dei; ergo non potest de Deo, nec a priori, nec quasi a priori, demonstrari.

Respondemus primo per instantiam. Intellectivum est prædicatum essentiale in Deo; & tamen aliquid probant in Deo etiam per immateriale: Pariter volitivum est prædicatum essentiale in Deo; & nihilominus sunt, qui illud probant quoque in Deo per intellectivum. Falsa ergo est universaliter maior propositio. Secundo directe distinguitur eadem maior. Primum prædicatum essentiale non potest de subiecto demonstrari a priori, conceditur; non primum prædicatum, esto essentiale, negatur. Existere in Deo est prædicatum essentiale utique, sed non primum; quum antecederet ad ipsum sit ipsa essentia, sit ipsa non repugnantia.

V. Opponunt. Quando ex essentia Dei deducimus illius existentiam, jam in conceptu essentia concipimus existentiam; ergo jam concipimus Deum: Sed hoc ipso quod concipimus Deum, illum concipimus, ut existentem; ergo existentia Dei nullo modo est a priori demonstrabilis, quum hoc pacto videatur, quod sit per se nota. Et Confirmatur; quia existentia Dei est de essentia Dei; ergo nequit a priori demonstrari; essentia enim est indemonstrabilis.

Respondemus, quod etiam de Leone probatur, quod sit animal; & tamen animal Leonis essentiam ingreditur; ut cum dicimus: omne rugitivum est animal; sed omnia Leo est rugitivus: ergo omnis Leo est animal. Quamvis enim existentia sit Deo essentialis, non tamen est explicite, sed implicite; adeoque potest ex essentia explicite inferri. Si dicant, hoc non esse per essentiam demonstrari existentiam, sed potius explicari; sic arguemur contra. Nam etiam risivitas est essentialis homini, non tamen explicite, sed implicite; & per hoc fit, quod per rationalitatem de homine a priori demonstratur. Est utique demonstrari aliquid de alio etiam explicari, ac non est solum explicari; per demonstrationem enim, quæ adhuc est modus sciendi, explicamus, sed non nude, quemadmodum per definitionem explicamus. Ad Confirmationem dicitur, quod aliud est esse

se de essentia; aliud est esse essentiam; ut nuper diximus.

VI. Opponit P. Saguens tom. 1. theol. disp. 1. ar. 6. assert. unica. Quevis demonstratio, ut vere sit talis, procedere debet eo universali modo, ut in omnium mentibus sit ineluctabilis; sic non procedit Cartesii demonstratio: ergo non est vera demonstratio. Probat minorem. Demonstratio Cartesii est ineluctabilis tantum illis mentibus, quæ clare, & distincte percipiunt existentiam actualem comprehendendi in idea Dei; qui non omnes hoc percipiunt: ergo demonstratio Cartesii non est universalis pro omnibus: ergo non est vera demonstratio. Alia argumenta proponi contra hanc eandem Cartesii demonstrationem P. Saguens, qui & ulterius asserit, eam Cartesium a S. Anselmo mutuasse. Laudat nihilominus præstantissimum Philosophum, eam verbi acerrimi Censoris sui, Illustrissimi Huetii, quod eam nova methodo expositam clariorem fecerit, atque præstantiorem.

Respondemus pro Cartesio, non esse opus, ut demonstrationes sint demonstrationes, quod ab omnibus mentibus percipiatur, intelligantur, & admittantur. Sunt enim in mundo mentes, non solum rudes, quæ non intelligunt, sed etiam pertinaces, quæ intelligere nolunt. Et si ex his una, aut altera aliter concipit ideam Dei, non equidem ipsa concipit Deum, sed aliud, quod Deum esse fingit. Omnes quidem mentes, quæ recta ratione discunt, quæ non præcipitanter, obstinate, & pertinaciter considerant, dum Deum percipiunt, omnes perfectiones in Deo debent cognoscere, adeoque existentiam, quæ est omnium perfectionum prima, saltem ordine. Hoc clare, & distincte percipiunt, si clare, & distincte, nostro modo percipiunt Deum; quod si non percipiunt, vel quia nolunt, vel quia nesciunt, non per hoc demonstratio definit esse demonstratio; quod quidem in omnibus demonstrationibus habere locum nemo non videt. Cæterum S. Anselmum, in hujusce demonstrationis inventionem Cartesio prævisse, non est dedecus Cartesio, sed laus; dedecus esset, si non Ecclesiæ Doctor, at aliquis sectæ Minister ante ipsum errorem aliquem prægurasset. Quod Cartesius de S. Anselmo nec verbum faciat, hoc indicat, quod posuit Cartesii mens cum S. Anselmi mente coincidere, at non potuerunt Cartesii oculi cum S. Anselmi operibus se conjungere. Sicut enim facile est, quod ingenia in cogitationibus se uniformem, ita possibile est quoque, quod

singuli homines omnium hominum volumina non evolvant. Alia P. Saguens argumenta contra Cartesii demonstrationem ad trutinam non revocamus; iis enim hanc provinciam relinquimus, qui Cartesii discipuli, & sectatores; ad decus etiam, appellantur.

VII. Opponunt contra P. Magnani Demonstrationem. Per P. Magnanum existentia Dei demonstratur per Dei possibilitatem; sed possibilitas non est causa, neque radix, existentia: ergo nequit per Dei possibilitatem Dei existentia probari. Minor probatur. Idem non est radix, neque causa, sui ipsius; sed ex parte objecti idem est formalissime possibile esse, & esse existens: ergo possibilitas non est causa, neque radix, existentia.

Respondemus, possibilitatem non esse causam, neque radicem, existentia in entibus contingentibus, non vero in entibus necessariis. Possibilitas enim est præcendens a possibilitate entis necessarii, & a possibilitate entis contingentis. Quando vero concretatur in ente necessario, existentiam importat; quam quidem non importat, quando concretatur cum ente contingente; Ex animalitate præcisa a rationalitate, & irrationalitate, non probatur risivitas; at ex animalitate cum rationalitate concretata utrique demonstratur. Unde nemo potest dicere; est animal; ergo est risivum. Bene tamen dicit; est animal rationale; ergo est risivum. Sic pariter in casu nostro; nemo dicit; est possibile; ergo est existens; quia contingens etiam est possibile, & tamen non existit; ut alter mundus. Bene vero dicit; ens necessarium est possibile; ergo est existens; quia non repugnantia ex una parte ad essendum, per possibilitatem importata, & necessitas essendi ex altera parte, hoc ipso, quod ens necessarium non repugnat, omnino faciunt, quod existat. Et tamen possibilitas non est ipsamet existentia, quia aliter ita esset etiam in entibus contingentibus; talis quidem possibilitas, scilicet entis necessarii hoc importat; sed non importat, quia solum possibile, sed quia possibile, & necessarium.

VIII. Arguunt Adversarii, seu potius respondentem impugnando demonstrationes quasi a priori, pro Dei existentia, a nobis in hac Dissertatione propositas. Primo dicunt, per illas probari dumtaxat existentiam formalem Dei, non vero objectivam, & realem; scilicet, quod Deus non possit concipi sine existentia, non autem, quod a parte rei habeat existentiam; quod esset probandum.

bandum. Secundo intendunt, nostras rationes hypothetice, non absolute, procedere; nimirum quod hunc faciant sensum: Ens necessarium si daretur, deberet necessario existere; et non probant absolute, quod detur. Terrio asserunt, quod nos ut plurimum supponimus id, quod debemus probare. Assumimus ens perfectissimum, & ramen hoc ens probare oporteret. Athei enim, qui Deum negant, negant etiam hujus entis perfectissimi ideam. Nos vero hanc ideam non probamus, sed supponimus; quod potissimum contra Cartesium cum P. Saguncis perique inculcant.

Respondemus ad I., majorem utique esse perfectionem existentiam realem, & objectivam, quam formalem tantum. Ergo si hujusmodi enti perfectissimo ideo existentiam vindicamus, quia ens perfectissimum est, debemus etiam eidem existentiam vindicare, quæ sit perfectior, adeoque existentiam in re, realem scilicet, & objectivam. Ulterius, dum dicunt, colligi per demonstrationes nostras existentiam formalem, quærimus, vel hæc formalis existentia potest esse realis, vel non potest esse? Si potest esse realis? Non est assignabile, a quo prohibeatur, ne sit. Si non potest esse realis? ergo non erit existentia formalis, nisi quatenus concipitur chimæra aliqua sub Dei existentis nomine. Concipere autem existentiam, etiam formalem, chimære qua chimære implicat; quia chimæra nec est, nec potest esse. Non implicat vero concipere existentiam saltem formalem Dei. Ergo, si quia chimære implicat existentia formalis, convenire non potest existentia realis, & objectiva; quia Deo existentia formalis non implicat, hoc ipso quod de Deo existentia formalis probatur, probatur etiam realis, & objectiva. Tandem ente illo necessario, cui solum formaliter conveniret existere, posset aliquod ens perfectius cogitari; ens scilicet, cui non solum formaliter, sed etiam realiter, existere conveniret. Ergo hoc ens, & non illud, esset Deus.

Ad II. dicimus, supponere nos existentiam formalem, ex qua postea realem deducimus. Male autem Adversarii rationes nostras explicant dicendo; Ens necessarium, si daretur, esset existens. Quid enim amplius importat *To* existens supra *To* daretur? Si dicis, nihil importare? Ergo non reddatur sensus, quem exponis. Si ais, per *To* daretur importari possibilitatem, seu non repugnantiam, vel existentiam formalem, realem vero per *To* esset existens?

Hoc pariter nos ipsi intendimus, & quidem rationabiliter intendimus, quia possumus ex una existentia alteram inferre; hoc est ex existentia formali, ex possibilitate, ex non repugnantia, deducere existentiam realem, & objectivam. Et hoc pacto hypothetice quidem procedimus, sed absolute inferimus; quod in veris etiam demonstrationibus nemo est, qui reprobet.

Ad III. concedimus, nos supponere quidem existentiam formalem, sed ulterius probare realem, quæ ex illa potest optime, & legitime, inferri. Unde quando nos dicimus: Ens necessarium debet necessario importare existentiam; & Adversarii respondent distinguendo; si detur, concedunt; si non detur, negant; improprie quidem respondent. Dicendum enim, ens necessarium si non detur, hoc ipso ideam entis necessarij destruit. Non possunt proinde hanc distinctionem facere in ente necessario, at ipsum tenentur concedere absolute omni existentia prædictam. Sed ajunt: Dum Athei tenent, Deum chimæram esse, nonne tenent etiam ens necessarium esse chimæram? Ergo bene potest dici; ens necessarium, si detur. At contra, Athei enim hoc dicunt, sed neutquam concipiunt. Lingua quidem effutunt, sed mente non intelligunt, quod effutunt. Ubi enim reparent ipsi prædicata contradictoria in hoc conceptu entis necessarij; & assignent, quænam sint? Forsan prædicatum entis, & prædicatum necessarij? Sed in quo incompatibilia sunt hujusmodi prædicata? Sunt compatible prædicata operationis, & necessariæ; quæ dentur operationes necessariæ, prout a libera contradistinctæ; & repugnantia erunt prædicata entis, & necessarij? Ens profecto non solum a necessario non destruitur, sed concretatur; & concretatur quidem modo perfectiori, & digniori, quia nobilior, & perfectior, est ens necessarium, quam contingens. Ex necessario dicimus quidem in essendo, quatenus non potest non esse; quod Atheis, nec mirum, nec novum videri debet, quum ipsi hoc ens necessarium negantes, admittunt postea mundum ab æterno, & res ex necessitate productas, quæ omnia prædicatum necessarij cum ente important, sed quod ab ipsis est fictum, non vero quod a ratione, a creaturis, ab omnibus hominibus, est concludatur.

Si denique Adversarii nos impellant, dicentes, quod medium, per quod aliquid demonstratur, debet esse aliquo modo prius ipso, quod demonstratur: Nullo autem modo.

modo essentia in Deo est prior existentia, quum essentia Dei sine existentia concipi non possit, & nec quidem per operationem mentis ab ipsa distinguatur: Respondemus illico, quod aut essentia Dei consistit in eo, quod sit ens omnimode perfectissimum, & existentia Dei, quum sit esse perfectissimum in tali genere, hoc est in genere essendi; utrique ex illo universali hoc peculiare colligimus, & inferimus; & dum illud universale concipimus, hoc peculiare confuse quidem, & implicite concipimus, quod postea per demonstrationem

explicite inferimus, & probamus: Aut essentia Dei ponitur in eo, quod sit ens a se; & quum existentia Dei importeret independentiam in tali genere, nempe in genere essendi, bene deduci potest ex asserere, per quam intelligitur independentia plena, totalis, & in omni genere. Et hoc pacto optime constat, quomodo Dei essentia sit prior Dei existentia; prior scilicet per opus mentis eo modo, qui sit satis ad hoc, ut per Dei essentiam Dei existentia quasi a priori demonstretur.

DISSERTATIO VI.

De Atheorum Argumentis, & de Responsis ad illa.



UAE Athei, infano quidem ut consilio, ita & ratiocinio, contra Dei existentiam opponunt, loculentissimo calamo refert, & ad nibulum redigit, præstantissimus P. Mercennus; & eo sane felici auspicio, ut quamplures ex illorum lectione, errorem suum derectantes, ad veritatem redierint. Utinam Deus exiguum hunc laborem nostrum ea plenitudine benedictionis aspicere dignetur, ut aliquando ex Legentibus omnes, si qui sunt, qui insipido hoc errore detinentur, veram sapientiam, quæ in cognitione veri Dei consistit, consequantur! Cæterum sciant isti Divinitatis Censores, seu potius Judices ineptissimi, ut iniquissimi, non ideo Deo detrahendas esse a quoquam perfectiones suas, quia hæc intellectu suo imbecilli, & imperfecto consequi non valeant. Plerumque hoc evenit, vel ex limitatione, vel ex imperfectione, intellectus; aliquando etiam ex pravitate, vel ex superbia, voluntatis; & Deus quoque, in poenam ut plurimum, permittit, illis non esse perspicuas rationes, quas alii clarissima cognitione percipiunt. Ex hoc igitur inferendum purabunt, vel non esse, quum non cognoscunt, vel non ita esse, ut non cognoscunt? Ineptissimus arguendi modus, quem quidem sapientissimus Ecclesie Doctor Augustinus, aut deridere, aut flere, prosequatur! Hæc enim scribebat de dono perseverantiae cap. 14. *Nunquid, inquam, propterea discitur sumus, quod ita esse perspicimus, non ita esse, quoniam cum ita sit*

non possumus invenire? Nunquid ideo negandum est, quod apertum est, quia comprehendere non potest quod occultum est? Ex Atheorum igitur argumentis hic asseremus quædam, quæ nobis visa sunt magis illis placitura; iisdemque opportuna dabimus responsa, si Deus votis nostris arriserit, a quo omne bonum expectamus. Cætera apud laudatum P. Mercennum relata, & soluta, legenda remittimus.

Obijciunt ergo Athei I. Ex Solis, & Lunæ; defectionibus, ex cæterorum astrorum alterationibus, ex corporum coelestium corruptionibus, quas dicunt in cælis aliquando se adnotasse, arguunt, aut non omnipotentem, aut non sapientem, fuisse Austorem, qui illa efformavit. Opera enim illa, quæ sunt cæteris præstantiora, debuisse sine defectu producere; & si quæ potuissent in illis esse mala, debuisse etiam illa, aut propellere, aut impedire. Quocum non fecerit, neque faciat, argumentum est, quod ille, aut non possit, aut nesciat, efficere. Primum indicat, non esse omnipotentem; secundum, non esse sapientem; utrumlibet, non esse Deum.

II. Conceptum entis a se volunt, esse conceptum rei impossibilis; quia impossibilis est res, quæ sibi contulerit suum esse. Hoc autem probant hoc modo. Impossibile est idem posse a se aliquid recipere, & posse sibi aliquid conferre; sic porro esset res quæ sibi contulerit suum esse: ergo impossibilis esset res, quæ sibi contulerit suum esse: Hoc autem in suo conceptu importat ens a se; ergo impossibilis est conceptus ens a se; ergo impossibilis est conceptus ens a se.

entis a se. Major hujus ultimi argumenti sic ostenditur. Conferre importat, quod aliquid habeat, quod confert; recipere dicit, quod aliquid non habeat, quod recipit; atqui habere, & non habere, sunt contradictoria, adeoque impossibilitatem includunt; ergo impossibile est, idem posse a se aliquid recipere, & posse sibi aliquid conferre.

III. Non pauca in rerum natura videmus monstra apparere. Hæc autem, vel Deo sciente, vel Deo nesciente, nascuntur? Si nesciente? Non est Deus, qui non omnia scit. Si sciente? Aut non impedit illa, quia non vult, aut quia non potest? Si quia non potest? Non est Deus, qui non est omnipotens. Si quia non vult? Non est Deus, qui amat in opere suo defectus, & errores; & quum possit illos impedire, non impedit; & quum valeat illos emendare, non emendat; & quum teneatur illos avertere, non avertit.

IV. Si Deus esset, non solum fuisset Auctor, sed etiam esset Conservator operis sui. Conservatorem se esse non ostendit. Ergo nec fuit Auctor. Minorem probant. Ad quid enim vult esse in mundo feras, quæ hominem mundi Principem, ad internecionem offendunt? Quare Principes recti parum regnant, & Tyranni longo imperio extolluntur? Quare impii supra cedros Libani exaltantur, & probi homines terram amplectuntur? Quare viribus hominibus tot filii, quos ipsimet nollent, & regnorum Monarchis aliquando nec unus, a quo reipublicæ felicitas, & populorum pax, atque Principum concordia, dependet? Quare sapientes serviunt, & indolenti dominantur iisdem? Quare denique, quando peccant homines, omnia iisdem cooperantur in bonum; quando vero non peccant, omnia vertuntur in malum?

V. Ens a se est idem ac ens primum; sed quod est ens primum, non est necessario ens primum: ergo quod est ens a se, non est necessario ens a se; sed quod non est necessario ens a se non est Deus: ergo quanvis admitatur ens a se, non per hoc admitendus est Deus. Minor argumenti probatur. Ens primum est primum in comparatione cæterorum; sed quod est primum in comparatione cæterorum, ita est primum, ut potuerit non esse primum: ergo quod est ens primum, ita est primum, ut potuerit non esse primum; atqui quod est ens primum, ut potuerit non esse primum, non est necessario ens primum: ergo quod est ens primum non est necessario

PAR. I.

ens primum. Probatur etiam minor argumenti paritate linearum, in qua sunt plures literæ, quarum prima ita est prima, ut potuerit etiam secunda, vel tertia, vel quarta, vel alia, esse prima; ac proinde prima ita est prima, ut potuerit ipsa non esse prima.

VI. Cuncta, quæ sunt in mundo, vana sunt; quod etiam sacræ literæ perhibent, Eccl. 1. *Ecce universa vanitas.* Sed debentur potius esse bona, si Deus fuisset artifex eorumdem: ergo non Deus, sed casus, illorum omnium fuit operator. Minor probatur. Deus quum sit optimus, omnia, quæ facit, bona debet facere; sed quæ sunt bona, non sunt vana; ergo omnium, quæ sunt in mundo, & quæ non sunt bona, sed vana, artifex non est Deus. Ergo non bene est illorum, quæ sunt in mundo, existentia, Dei existentia demonstratur.

VII. Nequit Dei existentia demonstrari ex entibus productis: ergo nulla est ratio, quæ cogat Atheos ad Deum admittendum. Probatur antecedens. Unum individuum potest producere aliud, & istud potest etiam producere aliud, usque in infinitum; Sed in hoc casu non est necessitas recurrere ad primam causam: ergo non est necessitas ex entibus productis Dei existentiam inferre, qui esset eorumdem causa prima. Probatur minor. Quanvis quodlibet contingens non sit necessarium, tota tamen collectio potest esse necessaria: ergo non est necessitas recurrere ad primam causam. Probatur antecedens. A sensu distributivo ad collectivum non valet consequentia: ergo quanvis quodlibet contingens non sit necessarium, tota tamen collectio potest esse necessaria. Probatur etiam antecedens. Quanvis singuli milites non sint exercitus, singulae oves non sint grex, singuli cives non sint populus; omnes tamen milites faciunt exercitum, omnes oves faciunt gregem, omnes cives constituunt populum: Ergo a sensu distributivo ad collectivum non valet consequentia.

VIII. In tantum nos probamus Dei existentiam ex motu, quia omne, quod movetur, ab alio movetur; sed hoc est falsum: ergo incepta est etiam conclusio. Probatur minor. Potest aliquid moveri a se ipso: ergo falsum est, quod omne, quod movetur, ab alio movetur.

IX. Quanvis admitatur, quod omne, quod movetur, ab alio movetur, non per hoc deveniendum est ad aliquod primum ens, a quo omnia moveantur: ergo non per hoc probatur, quod Deus existat. Probatur

E an-

antecedens. Posset deveniri ad aliqua duo entia, quæ se invicem causarent: ergo non per hoc deveniendum est ad aliquid primum ens, a quo omnia moveantur.

- X. Si darentur infinitæ entium productiones per totam æternitatem ante, & ante, non esset necesse devenire ad ens aliquid ab alio improductum; sed dantur infinitæ istæ productiones: ergo non est necesse devenire ad ens illud improductum. Major propositio negari non potest; quia in illa infinitate productionum nunquam deveniretur ad primum: ergo nunquam deveniretur ad ens illud improductum. Antecedens constat, quia in infinito non est primum. Minor principalis argumenti probatur. Potuerunt dari infinitæ illæ productiones: ergo dantur. Antecedens est certum in sententia illorum, qui docent, mundum potuisse esse ab æterno. Consequencia probatur illa eadem repugnantia, quæ obstat, ne possint dari infinitæ illæ productiones, obstatet quoque, ne dentur; sed nulla repugnantia obstat, ne possint dari: ergo nulla repugnantia obstat, ne dentur.

- XI. Nulla in nobis esse potest idea rei infinitæ: ergo nulla in nobis est idea Dei. Probat antecedens. Idea rei infinitæ est propria facultatis infinitæ; sed facultas nostra finita est: ergo nulla in nobis esse potest idea rei infinitæ. Probat major. Si facultas nostra fingat sibi ideam rei infinitæ, vel concipit rem infinitam, vel non concipit? Si concipit? ergo ad mensuram objecti ipsa etiam cognitio erit infinita. Si non concipit? ergo idea illa rei infinitæ non est vera cognitio, sed chimæra; ac proinde nequit ex chimæra colligere existentiam entis necessarii, & perfectissimi.

- XII. Idea illa Dei, quam nos dicimus esse in omnium mentibus, vel est animis nostris congenita, vel est potius a nobis acquisita? Si est animis nostris congenita? Ergo Deus jam erit per se notus; adeoque a nemine poterit negari, cuius tamen contrarium experimur. Si est a nobis acquisita? Quærent insuper, aut acquisita fuit experientia, aut ratiocinatione? Non experientia, aliter cunctis esset obvia, & manifesta, ac nemo illam posset non advertere. Non ratiocinatione; quia hæc, aut a naturali lumine haberetur, aut ab artificiali discursu. Non a naturali lumine, quia aliter eadem esset apud omnes, etiam rudes, & imperitos. Si ab artificiali discursu? Ergo non est amplius idea, sed est demonstratio, quæ labore indiget, & studio, & tamen non est evidens.

Respondemus ad I. Quum Deus causa sit universalis omnium rerum, non est necesse, ut omnes effectus, quos producit, sibi sint similes in perfectione. Etiam in causis univocis experimur, aliquando Patrem sapientem filium indoctum generare, & deformem natum a pulcherrimo Genitore produci. Quanto magis in causis, quæ univocæ, & particulares, non sunt? Hoc nec minus officit Deo, in quantum est causa prima, & nobilissima in causando; quia ut plurimum defectus illi, quos nos videmus, etsi in rebus particularibus defectus appareant, in universitate tamen rerum, ad quam ordinatur, constituunt potius pulchritudinem, quam deformitatem. Profecto quinam est effectus Dei ad extra, qui suæ omnipotentie, & infinitæ sapientiæ, adequate respondeat? Nec per hoc tantum Deus dicitur omnipotens, & infinitæ sapiens, quia hunc solum mundum creavit, quum alios infinitos posuerit insuper creare. Sicut ergo nihil diviniæ omnipotentie, & sapientiæ, detrahitur, quia unum solum mundum, & non infinitos, creavit; ita nec illud officit, quod in iis, quæ creavit, defectus voluit esse, qui sunt proprii, & convenientes illorum naturæ, & conditionis. Quia enim creaturæ erant, defectibiles esse oportebat; & quia in mundo vicissitudinibus obnoxio comprehendebarur, non conveniebat semper in eodem statu esse, & permanere. Eminent nihilominus Dei infinita potentia, & sapientia, in eo, quod defectus illos, qui sunt naturæ rerum congeniti, universitatis rerum ordini, symmetriæ, & pulchritudini, ordinaverit.

- Ad II. dicitur, quod verus conceptus entis a se non in eo stat, quod sibi esse conferrat, & quod esse a semetipso recipiat; ac potius est in eo, quod suum esse a nemine accipiat, scilicet nec ab alio, nec a se ipso; unde totum suum esse sit simul habuimus, & inacceptum. In hoc autem nulla impossibilitas apparet, quia, quum omnia contingant, quia contingantia, esse recipiant ab alio, & quia sunt entia secundum, nihil habeant ex se ipsis; ipsum quidem, quod est ens primum, esse habere debet ex se ipso, ob necessitatem, quam habet essendi, & ob independentiam, quam habet a quocunque. Certe quidem habere, & non habere, contradictionem important; ac huiusmodi explicatio nimis crassa est, si aliquando a quibusdam adhibeatur. Vera notio entis a se illa est, quam tradidimus; ex se ipso scilicet habere totum

tum

eum suum esse; non a se ipso recipere, sicut nec ab alio. In hoc autem nulla est repugnantia, ut sit, & ex se, seu a se sit; ut diximus. Quod si Athei hoc percipere se posse inficiuntur, non per hoc tamen repugnantiam habebit, ut sit. In Divinis non requiritur, ut assequantur intellectu, quæ de Deo dicuntur; sed sufficit, quod contradictionem non involvant. Aliud enim est querere, quid sint, aliud querere an sint. Hoc secundum nos asserimus, & scimus; de primo asserimus, & credimus. Cæterum Athei quomodo percipere possunt in entibus creatis unum, quod sibi ipsi existentiam tribuerit, & cognoscere non valebunt ens necessarium, quod a semetipso, & ex semetipso, existentiam habeat? Major difficultas est, prædicto cognoscendi unum, quam alterum; & ulterius in uno est repugnantia, quam inferius adducemus; & in altero nullam esse repugnantiam usquemodo probavimus.

Ad III. Deus, quando a principio creavit cælum, & terram, vidit omnia opera sua, quæ fecerat, & erant valde bona; & hoc sufficit, ut dicatur, in operibus suis nullas imperfectiones voluisse, quando illa efformavit. Imperfectio autem illa, quæ est ab ipsa inseparabilis, quia creaturæ sunt, non potuit non inesse illis; & quando ut causæ secundæ operantur, necesse est, ut in iisdem etiam sit, & perseveret. Unde monstra causis secundis attribuantur, non primæ; quæ solummodo operatur in istis, ut operetur quæque secundum suam naturam, & imperfectionem in sua natura contentam. Virtus quidem operativa in naturalibus agentibus a Deo est, & hæc est semper recta, prout a Deo illis concessa, est; infirmitas autem in operando est ab ipsismet naturalibus agentibus, & hæc Deo non tribuitur. Hoc totum illustrat S. Thomas exemplo, quod perit ab homine claudicare; in quo quicquid est gressus, procedit a virtute tibi communicatæ; quicquid vero est claudicationis, provenit ab infirmitate ejusdem. Sic pariter quicquid in causa secundæ, seu in naturali agente, est operativum, promanat a virtute operandi, quam eidem tribuit Deus; quicquid vero est defectus in operando, dependet a creatura, quæ ut talis, aliquando infirma est, defectibilis, & deficiens, in operando. Cæterum hæc etiam monstra universæ pulchritudinem ingrediuntur; & Deus pariter in ipsis potentiam suam, ac sapientiam, ostendit. Audiatur Augusti-

PAR. I.

nus lib. 2. de civit. Dei c. 8. *Sicut ergo non fuit impossibile Deo quas voluit instituire, sic ei non est impossibile, in quidquid voluerit, quas instituit, mutare naturas; unde illorum quoque miraculorum multitudo sitisecit, ique monstra, ostenta, portentosa, prodigia, nuncupantur: quæ recolere, & commemorare si velim, hujus operis quis erit finis? Igitur in monstris adhuc, & est omnipotens Deus, & est sapientissimus, & est providissimus; quum illa, ipso sciente, & volente, contingant.*

Ad IV. Homini innocenti nequitiam ferre nocuissent, si permansisset in innocentia sua. Igitur ferarum immanitas est homini in poenam peccati. Ac per consequens ipsæmet feræ ostendunt Dei justitiam, quando hominibus nocent, & Dei providentiam quoque demonstrant, quando hominibus deserviunt. Non sunt autem feræ primario, & per se, a Deo factæ ad nocendum; per accidens primo sic evaserunt, quando primus homo peccavit; per accidens etiam ita apparent modo, quando fame pressæ querunt escam ad vivendum; per accidens denique sic comperiuntur, quando ab hominibus, aut minis, aut verberibus, irritantur. Principes recti, si cito moriuntur, rectitudinis suæ cito etiam præmium consequuntur; quod quidem non est supplicium morienti, sed retributio. Tyranni in poenam populorum diutius regnant. Impiorum prosperitatem in altero seculo Deus justa punitione prosequetur, quemadmodum proborum hominum æternas condigna remuneratione afficiet. Tandem Deus causarum secundarum, ut est naturæ Auctor, nunquam impedit ordinem, nec cursum avertit. Mulieres, quæ sunt tali temperamento præditæ, secundæ evadunt; quæ alio, sunt steriles; absque eo, quod ipsæ observentur, vel generis, vel fortunæ, vel virtutis, vel dignitatis, excellentia: Nisi aliter Deus ipse, ut supernaturalis Auctor, disponat; & dispositionis suæ, nec rationem homini teneretur reddere, nec audebit ab eo homo ipse perquirere. Sapientes serviunt ad præmium, indocti dominantur, vel ad dedecus, vel ad poenam. Omnia peccantibus aliquando cooperantur in bonum, vel ut peccare desinant, vel ut peccasse desistant. Cæterum, ut scribebat Augustinus in psal. 54. *omnis malus, aut ideo vitiosus, ut corrigatur, aut ideo vitiosus, ut per ipsum bonus exerceatur.* Si vero imperia solvuntur, si Reges moriuntur, si homines etiam sanctissimi diem claudunt extreme;

E 2

mum;

num; hoc non Dei deficientiam, sed omnipotentiam potius, manifestat. Sunt semper in mundo imperia, sunt semper Duces fortissimi, Reges prudentissimi, homines sapientissimi, ac sanctissimi; & ex variatione eorum non diminuitur omnipotentia facientis, sed comprobatur. Multiplicatione hominum si Deus conservat mundum, multiplicatione etiam Ducum exercitus, Regum regna, Sapientum aulas, Sanctorum hominum urbes, incolumes custodit, atque tuetur. En igitur Dei potentia, sapientia, bonitas, in iis quoque, in quibus Athei eas non invenisse, sibi iniuste blandiebantur.

Ad V. Ens a se est primum non solum ordine, sed etiam perfectione; unde sicut non quodlibet ens potuerit esse perfectissimum, ita nec quodlibet ens potuerit esse primum. Exemplum lineæ facit potius pro nobis, quam contra nos. Ideo enim litera illa prima, ita est prima, ut potuerit etiam secunda, tertia, & quarta, esse prima, quia inter illas literas nulla est diversitas in perfectione, quam æqualiter omnes sint literæ; adeoque prima illa litera est tantum prima in ordine, non vero in perfectione. In entibus vero non sic; quia ens primum, quod est ens a se, non solum est primum in ordine, sed etiam in perfectione; ac per consequens ita est primum, ut non potuerit non esse primum; ita est primum, ut nullum aliud præter ipsum potuerit esse primum; ita est primum denique, ut sit perfectum; atqui est perfectissimum super cætera; ergo est primum, hoc est nobilius, excellentius, perfectius cæteris. Adde, quod literæ illæ posteriores a prima, nullam agnoscunt dependentiam; unde si mutentur, possent utique ita mutari, ut ultima evadat prima, & prima sit ultima. At entia omnia a primo illo ente ita dependent, ut non potuerint, nisi ab illo esse, & non possint, nisi ab illo conservari. Et quum hanc dependentiam ens illud primum a cæteris entibus non habeat; inde est, quod ens primum est necessario primum; non solum, quia perfectius supra cætera, sed etiam, quia a cæteris independentens, quum tamen cætera omnia ab illo dependent.

Ad VI. Aliud est esse vana, aliud est non esse bona, & multo magis mala. Vana dicuntur quæ sunt in mundo, & quia hominis appetitum non explent; & quia quod boni habent a se ipsis non habent; & quia quodcumque habent, non semper habebunt. Deus autem est verum, & solum

bonum, quod appetitum hominis expleret; quod bonitatem suam a semetipso habet, quod perfectiones suas semper habebit. Ipse non deficit, non mutatur, non moritur; creatura autem mutationi subjacet, & mortis imperio subiecitur. At non per hoc non est bona, quanvis sit vana; in comparatione scilicet illius summi boni, quod est primum bonum, quod est summum bonum, quod est æternum bonum, Deus autem fecit illas utique bonas, sed non potuit illas ita bonas facere, ut æquales fuerint bonitati suæ; non enim Deus potest facere alium Deum. Et ex hoc est necessitas, ut creature sint vanæ, quia non sunt a se, sed ab alio. Huic autem defectui, ut non potuit Deus occurrere, ut in illo non possent creature existere; aliter essent Deus.

Ad VII. Si quodlibet ens seorsum sumptum est contingens, omnium etiam entium collectio contingens est, non necessaria. Distinguitur tamen propositio, quæ in probationem afferret propositionis, quæ fuit huic nostræ contraria; scilicet; a sensu distributivo ad collectivum non valet consequentia; in iis, quæ conveniunt partibus, ut partibus, concedimus; in iis, quæ conveniunt partibus, ut entibus, negamus. Explicatur distinctio. Sit collectio hominum, quorum quilibet sit rationalis, sit risivus, sit mortalis; non solum quilibet homo dicetur rationalis, risivus, & mortalis, sed tota etiam collectio dicetur rationalis, risiva, & mortalis. Et ratio est, quia esse rationale, esse risivum, esse mortale, non convenit homini, ut parti illius collectionis, sed ut homini. Quia tamen homini, ut parti illius collectionis, convenit esse militem, si collectio illa sit exercitus; esse civem, si collectio illa sit populus, esse membrum, si collectio illa sit corpus mylticum; hinc est, quod toti illi collectioni non convenit esse militem, sed esse exercitum; non convenit esse civem, sed esse populum; non convenit esse membrum, sed esse corpus. Hoc autem, quod est esse contingens, non est prædicatum conveniens enti, ut parti, sed ut enti; unde si singula entia sunt contingencia, omnium entium collectio erit etiam contingens, non necessaria.

Ad VIII. Vel argumentum pugnat contra, quemcumque motum, & responsio continetur in probatione, seu demonstratione illa metaphysica, in qua ostenditur, quod omne quod movetur, ab alio movetur: Vel argumentum loquitur de motu productionis,

nisi,

nis, adeoque intendit, quod aliquid possit causare se ipsum; & sic responderetur probando, nihil se ipsum physice causare posse simpliciter. Quod enim agit physice, antequam agat, jam debet esse in actu physico; tum quia actus secundus consequitur actum primum; tum quia non entis nulla est operatio physica, nihil dat quod non habet, nec potest dare actu esse, nisi illud esse actu possideat. Ex altera parte quod physice producit, non debet esse existens, non debet esse in actu, non debet habere esse, seu existentiam. Idem ergo a se ipso produci, vel causari, idem omnino est, ac idem esse simpliciter, & non esse; & non existere, & non existere; esse actu, & non esse actu. Quod probatur; quia in quantum causans, esset existens, esset actu, esset; in quantum causatum; non esset existens, non esset actu, non esset; ergo jam idem simul simpliciter esset, & simpliciter non esset.

Ad IX. Si idem non potest producere se ipsum, a fortiori non potest producere suam causam; quia sicut, si idem produceret se ipsum præexistens ad se ipsum, ita si produceret suam causam præexistens ad suam causam; unde simul esset prius, & posterius, sua causa in eodem genere, prius in quantum ipsam produceret, posterius in quantum ab ipsa produceretur. Hoc autem repugnat quam maxime, præcipue in genere causæ efficientis, de qua loquimur. Si ergo nequeunt duæ causæ esse invicem causæ, necessario deveniendum ad ens unum, quod sit produciens, & sit improductum, quod sit causans, & sit incausatum, quod sit movens, & sit immotum.

Ad X. In tota illa collectione causarum, quæ faciunt illud infinitum, vel omnes causæ sunt factæ, vel non? Si non? ergo intra totam illam seriem infinitam erit aliqua causa non facta: ergo tota illa collectio non erit facta. Si omnes causæ sunt factæ? Ab alia superiori sunt factæ: ergo jam extra totam illam causarum seriem datur aliqua causa, quæ sit superior. Iterum querimus. Hæc causa, a qua tota causarum series dependet, vel ipsa etiam in suo esse, & operari, actu dependet ab alia causa superiori, ita ut mora moveat, vel sic non dependet? Si non dependet? Ergo erit prima causa, movens omnia, efficiens omnia, ipsa autem immota, & non facta; & hæc est Deus. Si dependet? Iterum de illa queritur pari modo, an ab altera dependat, vel non dependat? Et

inferitur, ut dicebamus. Quia tamen in his causis actu simul existentibus, & sibi essentialiter subordinatis, non potest dari processus in infinitum; deveniendum est necessario ad ultimam, quæ sit Deus. Qui autem docent, mundum potuisse esse æterno, quoad entia successiva, non vero quoad permanentia, hoc asserunt. Entia successiva non sunt omnia simul, sicut sunt permanentia; insuper antiqui Philosophi, & præcipue Aristoteles, qui dicitur, hoc docuisse etiam de facto, non per hoc tamen negavit, mundum a Deo esse factum. Sic testatur Augustinus lib. 11. de civit. Dei cap. 4., asserens, Aristotelem admisisse mundum a Deo factum, sed semper factum, id est sine initio factum. Ergo quavis processus in infinitum admittatur in causis, adhuc admienda est existentia Dei, tanquam primi moventis, & primi omnium rerum principii, a quo omnis illa collectio causarum, licet infinita, dependeat.

Ad XI. Quovis non sit in nobis idea, quæ comprehendat objectum infinitum, potest nihilominus intellectus noster cognitione sua saltem objectum infinitum attingere. Non assequimur cognitione nostra proprietates omnes circuli, trianguli, sphaeræ, &c. & tamen, quis negabit, esse in nobis ideam, seu notionem, circuli, trianguli, sphaeræ, &c.? Mens vero nostra, quavis cotinuatve sit finita, in quantum habeat entitatem finitam; terminatve vero dicitur infinita, quia objectum habet infinitum. Igitur idea, quam nos habemus Dei, non est comprehensiva Dei, est tamen cognitio abstractiva Dei; hoc sufficit, ne sit chimerica, & ut sit sufficiens, ut dicatur idea Dei.

Ad XII. Idea ingenerata Dei, quavis sit in omnibus hominibus, non per hoc omnes homines æqualiter Deum agnoscunt, & colunt. Non tamen, quia non possunt, sed quia nolunt. Possent quidem omnes, si vellent, & attenderent ad conscientiam dictantem, Deum agnoscere, & colere; sed non faciunt, quia nolunt, & quidem ex corruptione cordis, ex obnubilatione mentis, ex pravitate animi. Ab idea autem provenit cognitio quidem Dei, sed confusa, non explicita; & hoc passio in omnibus, etiam rudibus, invenitur, si advertant; quod si non advertant, non est defectus luminis, quod non adsit, sed oculorum, qui non aperiantur. Igitur Idea ingenerata Dei est in omnibus hominibus; Ductiores autem huic ideæ innatæ addunt cognitiones de-

mon;

monstrativas, quibus perfectius Deum cognoscunt; quatenus per demonstrationes clare, & scientifice cognoscunt quem

prius implicite solum, & quodammodo in genere cognoscebant;

DISSERTATIO VII.

De Dissidio inter Scholasticos, An propositio, Deus est, sit per se nota?



Rout diversimode propositio per se nota a Scholasticis explicatur, diversimode pariter propositio, *Deus est*, ab iisdem conceditur, aut negatur, quod sit per se nota.

Unde re vera putamus, quæstionem hanc, in Scholis clamore magno agitatam, vel esse de solo nomine, vel esse de re, cuius significationem, aut non explicant altercantes, ut percipiunt, aut non percipiunt, ut explicant. Nos libentii animo constitueramus, illam nec verbo attingere; ne tempus terere videremur, aut defendendo quod non negatur; aut confutando quod conceditur. Attamen, pro faciliiori Scholastico- rum intelligentia, & ne quererentur Legentes, parcos nos esse in eo, in quo cæteri sunt luculentissimi, instituvimus, porius rem ex aliorum iudiciis exponere, & ex nostro non addere, nisi quæ aptiora videbuntur, & ad ipsorum dissidia componere, & iudicia concordare.

Conveniunt omnes, propositionem per se notam idem esse, ac propositionem per se cognoscibilem; & quamvis nota dicatur, non per hoc debet actu intellectui innotescere; sed sufficit, quod, quantum est ex se, ex sola terminorum apprehensione, apta sit sui notitiam intellectui causare. Nec per hoc, quod dicitur nota, debet necessano includere cognosceniam; unde sit inutilis replicatio terminorum dicere illam notam quoad nos, quia ex suppositione, quod sit nota, nobis cognoscenibus debet esse nota. Hoc ipso enim, quod nota idem est, ac cognoscibilis, importat utique potentiam passivam in ipsa re ad cognosci, quæ quidem, vel est talis, ut de se statim pateat, vel est talis, ut aliqua ulteriori indigeat indagine. Si primum? propositio erit per se nota quoad se tantum; si secundum? erit etiam nota quoad nos. Hoc est, in primo casu erit cognoscibilis statim ex terminis; in secundo casu erit cognoscibilis ex ipsorum terminorum connexionem,

quæ nequit sine ulteriori cognitione evenire.

Explicantes autem propositionem per se notam Scholastici non conveniunt; & inde potissimum eorum altercationes oriuntur.

Reverentiam, si eorum explicationes, pacato animo, & absque præconcepta opinione, considerantur, omnes comperiuntur in idem convenire. Scotus apud Hennum docet, propositionem per se notam esse illam, cuius veritas ex sola terminorum apprehensione evidenter cognoscibilis est sine alio medio a priori. Idem Scotus apud Frassen pariter docet, propositionem per se notam esse illam, in qua prædicatum est de essentia subiecti. S. Thomas apud Paulum Mariam Cauvinum trac. 2. de Deo, & Attributis disp. 1. quæst. 1. §. 1. docet insuper, esse illam, cuius prædicatum includitur in ratione subiecti, vel est de ratione ejus. Idem quoque docet apud Cacheranum trac. 1. de Deo uno c. 1. §. 1. esse illam, quæ dicit immediatam connexionem subiecti cum prædicato. P. Boucat hæc scribit: „ Propositionem aliquam posse esse notam dupliciter, nempe quoad se, & quoad nos. Propositionem esse notam quoad se, est prædicatum esse de essentia subiecti; ut ista, homo est animal rationale . . . Propositionem vero esse per se notam quoad nos, est prima apprehensio, & sine discursus ope, concipere prædicatum convenire subiecto; ut in ista: totum est majus sua parte . . . Gaspar Juenin instit. theol. t. 2. dissert. 1. quæst. 3. scribit; propositionem per se notam esse eam, in qua prædicatum ita immediate connexum est cum subiecto, ut excludat causam naturæ, aut ratione priorem, per quam manifestetur. Nicolaus Girken in summa summæ theologiæ trac. 2. quæst. 1. dub. 1. asserit; Deum existere esse per se notum sapientibus; & illud esse per se notum sapientibus, quod omni intellectui rite disposito innotescit ex sola terminorum significatione. Tandem, ut alios mittamus, hæc transcribimus

bimus ex Du-Hamel. „ An Deum existere,
 „ sit per se notum, quæstio ipsa in verborum
 „ explicatione posita videtur. Quam utique
 „ S. Thomas sic paucis expedit, ut proposi-
 „ tio sit per se nota, vel in se, vel quoad nos.
 „ Illa dicitur propositio per se nota quoad
 „ nos, & simpliciter, cujus veritas, termi-
 „ norum significatione explicata, statim, &
 „ citra discursum, percipitur. Hujus generis
 „ sunt communes illæ notiones Geometricæ,
 „ & Metaphysicæ: ut totum est majus sua
 „ parte, &c. quibus non assentiri non possumus.
 „ Propositio vero est per se nota in se
 „ tantummodo, & secundum quid, cum at-
 „ tributum est de subjecti essentia, neque a
 „ priori, ut loquuntur, demonstrari potest.
 „ Quæ quidem modo omnes fatentur, hanc
 „ propositionem, Deus existit, esse per se
 „ notam. Nam existentia ita ad essentiam
 „ Dei pertinet, ut demonstrari non possit
 „ per aliquid ratione prius, sed tantum ex
 „ effectis, & a posteriori. „

Ex explanationibus hæc, luculenter recitatis,
 apparet, quod omnes in idem fere coinci-
 dunt, unde sic poterunt omnes conciliari,
 ut dicatur, Propositionem per se notam,
 esse illam, in qua prædicatum ita imme-
 diate cum subjecto connectitur, ut exclu-
 dat causam naturæ, seu rationem priorem,
 per quam manifestetur; quæ est explicatio
 Juenin. Dum autem alii explicant, & di-
 cunt; propositionem per se notam esse il-
 lam, cujus prædicatum in subjecti ratione
 clauditur; cujus prædicatum est de intrin-
 seca ratione subjecti; cujus prædicatum ex
 subjecti apprehensione innoscitur; vel alio
 modo ex dictis; omnes huc dicendi, & ex-
 plicandi modus admittimus, si tamen uni-
 cusque ipsorum *To* immediate adjungatur,
 quod fuit in Juenini explicatione positum.
 Quum enim terminus hic *immediate* exclu-
 dat medium quodvis intermedium, per quod
 prædicatum de subjecto manifestetur; si non
 erit immediate de intrinseca ratione ipsius,
 si immediate in subjecti ratione non clau-
 ditur, si immediate, & primum ex subjecti
 apprehensione nunc innoscitur; erunt hæc
 omnia mediate, & secundo; adeoque per
 aliud; sicque non erit amplius propositio
 per se, sed per aliud, nota.

In explicandis etiam speciebus propositionis
 per se notæ, quæ sunt propositio per se nota
 quoad se tantum, & propositio per se
 nota quoad nos etiam, nec Scholastici con-
 veniunt. Hæc ait, ex S. Thoma propo-
 sitionem per se notam secundum se tantum
 esse illam, cujus prædicatum convenit es-
 sentialiter subjecto, sed quid sit subjectum,

quid prædicatum, est nobis ignotum; &
 propositionem per se notam secundum se,
 & quoad nos, esse illam, cujus prædicatum
 convenit essentialiter subjecto, & quid sit
 subjectum, & prædicatum, nobis innotescit.
 Subdit quoque, hanc divisionem, &
 explicationem, a Scoto, & a Scotistis, reji-
 ci; quia esse per se notum non est esse actu
 cognitum, sed cognoscibile, tanquam evi-
 dens ex terminis: ergo si a nobis cognos-
 catur, siue non, dummodo sit cognoscibile,
 quando scilicet, est evidens ex propriis
 terminis, semper est per se notum. Aliter
 tamen propositiones hæc apud Cauvinum
 explicat S. Thomas, & quidem illas asserit
 de Aristotelis mente explicare. Propositio
 scilicet per se nota secundum se, & quoad
 nos, est illa, cujus prædicatum, non solum
 includitur in ratione subjecti, vel est de ra-
 tione ejus, sed etiam termini illius sunt tales,
 quod sunt in notitia omnium; scilicet,
 quod sint cognoscibiles ab omnibus; propo-
 sitio vero per se nota secundum se tantum
 est illa, cujus termini non sunt apud omnes
 noti, hoc est cognoscibiles; unde licet præ-
 dicatum sit de ratione subjecti, tamen quia
 definitio subjecti non est omnibus nota,
 non est necessarium, quod talis propositio
 ab omnibus concedatur; ut ait Cauvinus.
 Sicque si *To* notum explicetur per cognos-
 cibile, ut vere explicari, & intelligi, debet,
 cessat impugnatio Scoti, & viget explicatio
 S. Thomæ. Juenin addit aliam propositionem
 per se notam, quam dicit quoad nos tantum,
 & vult, esse illam, cujus prædicatum
 non est quidem immediate connexum
 cum subjecto, sed tamen ejus veritas ita est
 evidens, ut non indigeat causa, seu medio
 priore, per quod manifestetur; cujusmodi
 est illa: Sol est lucidus. Sed, sua pace, non
 bene: Etenim quando prædicatum non est
 immediate connexum cum subjecto, nequit
 esse propositio per se nota. Per hoc con-
 struitur propositio per se nota, per hæc
 scilicet immediatam connexionem prædi-
 cati cum subjecto. Si ergo in propositione,
 quam vocat per se notam quoad nos tan-
 tum, fatetur, non esse hanc immediatam
 connexionem, quomodo per se nota dicitur?
 Erit quidem propositio evidens ex ter-
 minis, sed non per se nota.

Igitur consequenter ad explicationem propo-
 sitionis per se notæ, quam nuper attulimus,
 dicimus; quod propositio per se nota quoad
 se tantum est illa, in qua est immediata
 connexio prædicati cum subjecto, sed non
 est evidentia talis connexionis; propositio
 vero per se nota quoad se, & quoad nos, est
 illa,

illa, in qua est immediata connexio prædicati cum subiecto, & est evidentia talis connexionis. Unde intelligitur, quod quando dicitur propositio per se nota, *To* per se non opponitur propositioni notæ per accidens, sed propositioni notæ per aliud; itaut idem sit dicere, propositio per se nota, ac propositio non nota per aliud, non vero ac propositio non nota per accidens. Ratio est, quia si propositio per se nota importat immediatam connexionem, quum esset per aliud, esset mediata, non immediata, connexio; per illud scilicet medium, cujus ratione connexio esset mediata; sique *To* per se opponitur *To* per aliud, non vero *To* per accidens, ut dictum est. Hinc etiam habetur diversitas opinionum inter Scholasticos, quæ inter eosdem parit dissidium; quum aliqui rubeantur propositionem, Deus est, esse per se notam, & quoad se, & quoad nos; alii, nec quoad se, nec quoad nos; plures quoad se quidem, non vero quoad nos.

Nos vero coherentem ad ea, quæ diximus, putamus, si quasi a priori potest existentia Dei demonstrari, ut in Dissertatione quinta plurimum demonstrationes quasi a priori retulimus, propositio, Deus est, nullo modo est per se nota, nec quoad se, nec quoad nos. Quod sic suademus. Existentia Dei demonstratur quasi a priori; ergo propositio, Deus est, nullo modo est per se nota. Consequentia probatur. Demonstrari quasi a priori est demonstrari per medium aliquod intrinsecum, sed demonstrari per medium est demonstrari per aliud; ergo si existentia Dei demonstratur quasi a priori, propositio Deus est nullo modo est per se nota. Probat minor. Demonstrari aliquid per medium est non innoscere per se; sed non innoscere per se est demonstrari per aliud; ergo demonstrari per medium est demonstrari per aliud. Vel alio modo. In propositione per se nota prædicatum immediatè connectitur cum subiecto; sed si existentia Dei probatur quasi a priori, non immediatè connectitur cum Deo; ergo si existentia Dei probatur quasi a priori, propositio, Deus est, non est per se nota. Probat minor. Tunc existentia non connectitur immediatè cum Deo, quando connectitur medianter aliquo prædicato intrinseco, quod assumitur ad probandam eam quasi a priori; sed connecti medianter aliquo prædicato non est connecti immediatè; ergo si existentia Dei probatur quasi a priori, propositio, Deus est, non est per se nota.

Hoc idem colligimus ex Theologis, quos in-

hac Dissertatione laudavimus. Nimirum ex Du-Hamel, qui ait: *Propositio vero est per se nota in se tantummodo, & secundum quid, cum attributum est de subiecti essentia, neque a priori, ut loquuntur, demonstrari potest.* Ex Juenin, qui scribit; *cujus prædicatum, & immediatè, & evidentè, connexum est cum subiecto; unde non indiget medio priorè, quo manifestetur, sed sola terminorum penetratione, seu cognitione essentia, tum prædicati, tum subiecti.* Ex Henno, qui asserit; *propositio per se nota excludere debet medium, per quod demonstretur a priori, non tamen a posteriori, prædicatum convincere subiecto.* Ex Frahen, qui inquit; *tertia conditio est, ut non possit demonstrari a priori, prædicatum subiecto convincere; alioquin non esset immediata, nec proinde per se nota, si per aliquod medium prius conceptibile in re, qua cognoscitur, prædicatum, quod de eo affirmatur, ipsi competere.* Non excluditur tamen demonstratio a posteriori, qua intellectus noster veluti manducatur, ut per rei effectus, aut proprietates, deprehendat, prædicatum, quod de ea affirmatur, ipsi per se, & immediatè, competere. Ex Dominico a SS. Trinitate, qui docet; *Cur autem propositio per se nota excludat medium a priori, non excludat a posteriori, ratio est in promptu; quia hoc ipso, quod habet medium a priori, jam prædicatum non immediatè inest subiecto; & sic non erit nota per se, sed per aliud intrinsecè intermedium inter prædicatum, & subiectum. Contra vero medium a posteriori non importat causam intrinsecam, & in essendo, sed extrinsecam, & in cognoscendo, & sic non impedit immediatam connexionem prædicati cum subiecto.* Denique, ut ceteros omittamus, ex Cauvino, qui dicit; *illa propositio est per se nota secundum se, qua quantum est ex se, vel non habet, vel non indiget medio ab extremis distincto, cum sit immediata in materia necessario; unde eo ipso, quod extrema sic immediatè connexa perfectè cognoscuntur, statim apparet immediata eorum connexio, cum non sit assignabile medium impediens evidentem ejus cognitionem, vel necessario conducens ad illam; ut patet ex terminis.*

Attamen P. Magnanus, etsi nobiscum sit, probans Dei existentiam quasi a priori, ut diximus, alia nihilominus via probare aggreditur, propositionem, Deus est, non esse per se notam. Et quidem P. Magnanus ait; sufficere ad probandum, propositionem illam, Deus est, non esse per se notam, conventiones, quas undequaque cum Atheis sustinemus. Si enim existentia taliter de conceptu Dei esset, ut statim Deo ipso cognito, deberet adhuc necessario cognosci existentem,

stent, nullo modo posset Atheus Dei existentiam denegare. Vel enim ipse conciperet Deum, prout Deus esset concipiendus, sicque necessario deberet Deum concipere existentem; si autem conciperet non eo modo, quo Deus est concipiendus; & tunc possemus dicere, vere de conceptu illius Dei, ab ipso apprehensi, existentiam non esse. Atamen nos, non de Deo illo, quem ipse falso concipit, sed de Deo vero loquimur, quem ipse, & nos, proprio modo suo concipere tenemur. Verum hanc Magnani rationem posset eludere Adversarii, dicendo, Magnani argumentum probare tantum, quod propositio, Deus est, non sit per se nota quoad nos, bene vero quoad se. Propositio nanque per se nota, quoad nos est illa, quæ a nemine rationis compote negari potest; ut omne totum est majus sua parte, &c. Propositio vero per se nota quoad se, non quoad nos, negari potest, quatenus licet prædicatum immediate cum subiecto connectatur, nihilominus hæc immediata connexio nobis non est evidens, adeoque negari potest. Per hoc igitur, quod Atheus neget propositionem hanc, Deus existit, non fit, ut non sit propositio per se nota, saltem quoad se, licet non quoad nos.

Alia ratione idem P. Magnani propositio- nem, Deus est, non esse per se notam, nec secundum se, nec secundum nos, probare intendit; et sic hæc, quam subnectimus. Cum dicitur, Deus existit, vel nomine Dei intelligitur Deus realis, vel Deus formalis? Si Deus realis? Ergo propositio est identica; & hunc facit sonum; Deus existens existit. Si Deus formalis? Ergo propositio est falsa; de ratione enim Dei formalis est tantum formalis existentia, non realis. Subdit idem Doctor. Quando dicis, Deus existit, debes etiam probare, nomine Dei venire Deum realem, non formalem solum; quia de ratione Dei realis, non formalis, est realis existentia. Et hoc pacto illa propositio non solum esset per se nota quoad se, verum etiam quoad nos. Quilibet enim cognoscit, de ratione alicujus realis, non tantum Dei, esse existentiam realem. Antequam autem id probes, tantum abest, ut propositio illa per se nota videatur, ut potius probatione indigeat.

Fidissimus P. Magnani sectator, P. Ursaja, ut ejusdem doctrinam tueretur, opponens sibi hoc Adversariorum argumentum; scilicet: Tunc propositio est per se nota, quando prædicatum in subiecti ratione clauditur; sic est propositio, Deus est: ergo est

P. A. L.

per se nota: Probatur minor; nequit apprehendi Deus, quin eodem conceptu, ut ens a se summe necessarium apprehendatur; at in ens summe necessarii apprehensione jam existentia ipsa includitur: ergo nequit apprehendi Deus, quin, ut existens apprehendatur; hoc pacto responderetur: Quod quamvis concedatur, de ratione entis summe necessarii esse includere existentiam, & de ratione Dei esse, esse ens summe necessarium; non per hoc nihilominus dicere cogimur, Deum esse, quia illud ens summe necessarium tu non probas dari, aut supponis, & idem dicis, ac si diceret; si daretur ens necessarium, de ejus ratione esset summa actualitas. Quod autem de facto detur, non probas, quod aliunde deberes ex proposito probare. Sic dum concipis Ircocervum, si conceptibile esse putas, de Ircocervi ratione est, esse identificationem naturarum irci, & cervi; attamen non per hoc probas, quod Ircocervus detur. In forma igitur distinguebat propositionem illam; Nequit apprehendi Deus, quin ens a se summe necessarium apprehendatur, & per hoc importatur, quod hic terminus, Deus, de cujus ratione est, esse ens summe necessarium, actualiter existat, negatur; non importatur, conceditur. Distinguebat pariter propositionem aliam; in apprehensione entis summe necessarii includitur ipsa existentia, eo modo, quo relucet ex termino, Deus, negatur; diverso modo, conceditur. Cum enim apprehensio entis a se realitatem sui ipsius non involvat, nequit etiam in ejusdem apprehensione realis existentia involvi.

At pace dicimus docti viri, P. Ursaja, quem semper in honore habuimus, sua responsio eludit potius vim argumenti, quam solvat. Etenim dum dicit, quod de ratione entis summe necessarii est existentia, vel intelligit existentiam possibilem, vel actualem. Non possibilem; quia hæc est etiam de ratione entis contingentis, quum sit de ratione cujuslibet entis possibili, comprehendentis scilicet necessarium, & contingentem. Existentiam ergo actualem intelligit. Non est igitur opus, quod antecederet probetur, hoc ens necessarium actualiter existere; quum formaliter idem sit dicere, de ratione entis summe necessarii est existentia, ac ens summe necessarium debet existere, & per consequens ens summe necessarium existit. Si dicit ens necessarium debet existere, quando existit; idem de contingentem potest dici. Præterquamquod, si ens necessarium quando existit debet existere: cr-

F

go

go quando non existit, non debet existere: ergo non ens summe necessarium. Paritas Irocervi non est ad rem, quum de ejus ratione non sit existere actualiter, quemadmodum est de ratione entis summe necessarii. Immo paritatem illam sic contra ipsum dirigimus: Quando dicimus; de Irocervi ratione est identificatio naturarum irci, & cervi, statim possumus hanc propositionem efformare: Irocervus est identificatum, quoddam ex natura irci, & cervi: Ita etiam, quando dicimus: de entis summe necessarii ratione est existentia, statim debemus adhuc affirmare: ergo ens summe necessarium, est existens. Melius ergo respondebitur, ex Adversariorum argumento propositionem nostram roborari, non infirmari. Adversarii nanque in proposito argumento ostendunt, Deum esse existentem, quia est ens summe necessarium; esse ens summe necessarium est essentia Dei: ergo probant existentiam per essentiam. Sicque dum volunt probare propositionem, Deus est, esse per se notam, prius probant, notam esse per aliud.

Ut autem videatur, quam parum sibi consent Scholastici, vel in hac questione enucleanda, vel in eadem defendenda, & quantum inter se inaniter opponantur in re aliqui, aut non satis utili, aut non admodum necessaria, asserimus, quas recitant, opiniones, & quam diversimode ab uno, & ab altero, exponantur, observabimus. Cauvinus has discordantes inter se sententias enumerat. Primam sententiam, asserit, negare, propositionem, Deus est, esse per se notam, tam secundum se, quam quoad nos. Pro ea citat Scorum, Ocham, Gabrielem, & alios, quos sequitur Arriaga. Secundam, dicit, concedere, & affirmare, esse per se notam, tam secundum se, quam quoad nos. Pro ea nominat Albertum magnum, S. Bonaventuram, Ægidium, Carrhusiensem, Liranum, Aureolum, Alensem, & alios, quos Vasquez sectatur. Tertiam, vult, affirmare, esse per se notam nobis, non tamen omnibus, sed tantum sapientibus: Pro hac recitat plures, qui asseruntur pro secunda, inter quos Albertum magnum, & insuper Averfam, Joannem a S. Th., & alios. Quartam, dicit, facere distinctionem inter Deum sub conceptu Deitatis, & Deum sub conceptu primæ causæ incausatae; & asserere, quod sub priori conceptu sit per se nota propositio tantum secundum se; posteriori vero etiam quoad nos. Et pro ea asserit Theodorum Smixing. Ultimam tandem vocat communem Thomistarum, & ait, illam asserere,

re, quod sit per se nota secundum se, non tamen nobis Viatoribus. Et pro hac laudat S. Thomam, Capreolum, Ferraram, Cajetanum, Bannez, Zumel, Nazarium, Navarrette, Gonzales, Gonet, Ferre, aliosque Thomistas. Et hic quidem Cauvinus est Thomista ex recentioribus, cui & nos aliquando Veronæ in publicis thesibus opponentes fuimus.

Ex Scotistis vero Hennis dicit, propositionem, Deus est, esse per se notam secundum se; & hanc opinionem esse communem, in utraque schola. Uterius asserit, non esse per se notam quoad nos; & pro ea citat S. Thomam q. 2. ar. 1. & Scorum dist. 2. q. 2. n. 4. & 5. Ex Scotistis etiam Frassen, ait, propositionem, Deus est, esse per se notam; & citat Scorum in 1. dist. 4. q. 2. n. 4., & S. Thomam, cum suis. Subjungit, quatenus concipitur a nobis Viatoribus, non esse per se notam; & laudat Scorum in 1. dist. 2. q. 2. n. 4. & 5.

Ex existeris Cacharanus asserit, Deum existere esse per se notum secundum se. Pro ea citat S. Thomam, & Thomistas, Valentiam, Lugum, Amicum; & dicit esse contra Scorum in 1. dist. 2. q. 2., quem cum Scotistis sequitur Molina, & Arriaga. Subdit, Deum existere sub conceptu aliquo communi, & valde confusi, esse per se notum, etiam, quoad nos; & refert S. Thomam, Joannem a S. Thoma, Silvium, &c. Denique concludit, Deum existere sub conceptu particulari, & proprio, non esse per se notum secundum nos in statu viæ. Et pro ea laudat S. Thomam cum Thomistis, Scorum cum Scotistis, & Recentiores communiter; aitque esse contra Ægidium, Thomam de Argentina, Antisiodorensem, aliosque nonnullos apud Vasquez t. par. disp. 19. c. 1. Ex existeris etiam Juenin testatur, quod conveniunt omnes Theologi, hanc propositionem, Deus est, esse per se notam secundum se; sed non conveniunt, an sit etiam per se nota secundum nos. Thomiste negati-
vam sententiam propugnant, subdit; affirmativam vero plures alii Theologi. Ipse denique in Conclusionem I. asserit; Hæc propositio Deus est, per se nota est, secundum se, & quoad nos; & in II. Conclusionem ait; hæc propositio, Deus est, non eo sensu est per se nota quoad nos, quod ita facile intelligatur, sicut prima metaphysicæ principia. Ex existeris quoque Girkon hæc sola est conclusio contentus; Deum existere, est per se notum Sapientibus. Unde ad nauseam usque comperitur, quam contrarie Doctores Scholarum a suis Affectibus intel-

intelligantur, & pro suis opinionibus afferantur; quam insulse uno, eodemque tempore sub varietate verborum idem affirmetur, & negetur; quam denique inutiliter in his criticis expendis tempus, oleum, & opera, perdantur.

Solus est P. Boucat, qui questionem hanc alia pertractans methodo, eam nobis utilem reddere procuravit. Siquidem comprehendit in ea ingenitum Dei Idem, quam querit utiliter, an in nobis inveniat? Observamus nihilominus, non vocare propositionem per se notam, sed notam; & hæc loquitur: „ Propositionem aliquam posse esse notam dupliciter, nempe quoad se, & quoad nos. Propositionem esse notam, quoad se, est prædicatum esse de essentia subjecti, ut ista: homo est animal rationale; omnes enim conveniunt, animalitatem, & rationalitatem esse de essentia hominis, & ejusdem constituitur naturam. Propositionem vero esse per se notam quoad nos, est prima apprehensione, & sine discursus ope, concipere prædicatum convenire subjecto, ut in ista: totum est majus sua parte; quilibet absque studio, & inquisitione hoc capit, quia inest omnibus primorum principiorum idea ingenita. Theologi docent communiter istam propositionem: Deus est; esse notam quoad se; siquidem existentia ita est de essentia Dei, ut sit suum esse; juxta illud Exodus 3. ego sum, qui sum. Totus igitur difficultatis cardo in eo situs est, an propositio prædicta sit factam aliquo modo, & confuse nota quoad nos; seu an sit nobis ingenita aliqua Dei, ut auctoris naturæ, notio. „ Postmodum duas Conclusiones ponit; in quarum prima asserit; inesse nobis ingenitam aliquam auctoris naturæ notionem; in secunda vero coherentem statuit; istam propositionem, Deus est, esse notam aliquo modo quoad nos. Primam Conclusionem probat auctoritate Sacræ Scripturæ, & Parrum, testimonio Auctorum Paganorum, & ratione; Secundam vero rationibus suadet.

Sacræ Scripturæ loca sunt hæc. Job. 36. 26. Omnes homines vident Deum: Quæ verba ait, non intelligi de visione intuitiva, sed de cognitione abstractiva; quia non omnes homines intuitive vident Deum. Si de abstractiva, neque intelliguntur de hominibus tantum sapientes; quia isti soli non sunt omnes homines; ergo debent intelligi de aliqua Dei cognitione singulari ingenita. Item Psalm. 7. 7. habetur: Signatum est super nos lumen oculis tui Domine. Et Joannis 1. 9. Illuminat omnem hominem venientem in

P. A. I.

hunc mundum. Et ad Romanos 1. 19. Quod natum est Dei, manifestum est in illis. Et hæc etiam verba vult esse intelligenda de cognitione Dei, quam Deus ipse nobis omnibus infundit per signaculum quoddam sue divinitatis animæ nostræ impressum; & tunc quidem, quando animam nostram ad imaginem, & similitudinem suam creavit.

Pareæ sunt, qui sequuntur. Justinus apologia 1. alias 2. Dei appellatio nomen non est, sed rei inenarrabilis natura omnium inculta opinio. Clemens Alexandrinus in admonitione ad Gentes; omnibus inbillatus est quidem divinus sensus, quæ de causa, vel inviti quidem, fatemur, unum esse Deum, ab interitu alienum, & ingenitum. Tertullianus Apolog. 17. Hæc est summa delicti nolle recognoscere quæ ignorare non possunt. Multis ex anima ipsius testimonio comprobamus, quæ licet corporis carcere pressa, licet institutionibus prævis circumscripta, licet libidinis, ac concupiscentiis evigorata, licet falsis Diis exanimata, eam tamen respicit, ut ex crepula, ut ex somno, Deum nominat: hoc solo nomine, quia proprio Dei veri. Et lib. de testimonio animæ c. 3. Magistra natura, anima disciplina circumventura ab adversario, meminit sui aularis; sed qui ejusmodi eruptiones esse, non esse putaverit, doctrinam esse naturæ congenitam, & ingenitam conscientiam: Certe prior natura, quam litera; & prior sermo, quam liber; & prior sensus, quam stylus, & prior homo ipse, quam Philosophus, & Poeta. Origenes libro contra Celsum; Non est mirandum, Deum eorum, quæ per Prophetas, & Servatores, docuit, semina indidisse omnium mortalium animis, ut in divina judicio omnis homo sit inexcusabilis. Ambrosius lib. 2. adv. Gentes; Deum esse omnes naturaliter scimus. Et lib. 1. Quisquam noster est hominum, qui cum non istius Principis cognitione diem primæ natiuitatis intraverit, qui non sit ingenitum, non affixum, imo eum pene in genitalibus matris impressum, non instum esse, Regem, ac Deum emulorum quacunque fecit! Et Hieronymus in c. 1. Epistolæ ad Galatas super illud; Erat lux vera, quæ illuminat omnem hominem; ait; ex quo perspicuum sit naturam omnibus Dei inesse notitiam.

Gentiles Auctores vult esse primo Philosophos, qui referunt, vulgus non Jovem, sed Deum appellare in auxilium suum. Inter ceteros verba Ciceronis lib. 2. de nat. Deor. assert. Ubique gens unquam vel fuit, vel est, aut quod grævis hominum, quod non habeat sine doctrina anticipatorem quandam Deorum, quam Epicurus appellat Prolepsin, id est antecaptam rationem, & animæ præteritam rei quandam informationem, sine qua, nec intelligi quidem,

F 2

quam, nec quæri, nec disputari possit.

Rationes autem sunt. Idea ingenua est, ait, quæ non est facta ex contemplatione effectuum alicujus causæ, nec producta ex præsentia aliquorum objectorum, quæ subjiçuntur sensibus, nec formata ex reminiscentiæ rerum præteritarum, sed quæ est ab instinctu erumpente, aut per primam apprehensionem, aut etiam per aliquam vocem; Hæc autem Idea Dei, quod datur in nobis, supponit ex aliis auctoritatibus probatum; & ulterius exemplo Paganorum confirmat. Experientia enim docet, tum in Paganis, tum in Barbaris, tum etiam in Idiotis, pronuciari has voces, Deus meus, Deus adjutor meus, Deus adjuva me, repentinò impetu naturæ, quæ in necessitatibus divinum advocat auxilium. Unde Minutius Felix in Octavio

scribebat: Audio vulgus, cum ad Cælum manus tendunt, nihil aliud, quam Deum dicunt, & Deus magnus est, & Deus verus est, & si Deus dederit: Fulgi iste naturalis sermo est, an Christiani consentis oratio?

Hæc ex P. Boucar excerptisse sufficiat; cetera qui cupit, apud ipsummet quærat. Hæc quidem nos retulisse contenti sumus, ut videatur, hanc quæstionem, quam Scholastici, ut verbis, ratiunculis, & argutiis, copiosam, ita, & fructu, & utilitate, vacuum, effecere, hunc Patrem, hac aëria via illam transientem, utilem quidem, ac omnibus proficuum, si non etiam necessariam, effecisse. Nos ea, quæ potuimus, breviori via, percurrentes, ab eadem, si Deus faxit, expediti sumus; utinam illo utilitatis fructu, qui respondeat, & temporis, & laboris, & olei, dispendio!

DISSERTATIO VIII.

De Ignorantia, aut vincibili, aut invincibili, existentie Dei.



ON exigitur in quovis homine, qui rationis sit, & capax, & compos, demonstrativa Dei cognitio, sed sufficiens putatur illa, quæ sit maxime probabilis. Ignorantia autem, quæ dicitur invincibilis, illa est, quæ nec naturæ viribus, nec gratiæ auxiliis ordinariis, vinci potest, ac superari; adeoque invincibilis dicitur ad illius discrimen, quæ vincibilis appellatur; quæque, vel naturæ viribus, vel gratiæ ordinariis auxiliis, vinci potest. Unde hæc voluntaria est, aut in se, aut in causa, & per consequens culpabilis, & a peccato non excusans: Illa vero, quia, & in se, & in causa, est omnino involuntaria, ideo est inculpabilis, & ab omni peccato excusans. Ulterius invincibilis ignorantia multipliciter sumi potest: Primo improprie, pro quadam scilicet inadvertentia, seu incogitantiâ, ætuali de existentia Dei, quamvis de eadem habitus habeatur; & hoc modo invincibilis de Deo ignorantia potest utique dari, & sine culpa; non enim continuo Deum existentem cogitare tenemur, saltem ubi nullum urget præceptum; quia si aliunde præceptum urgeret, esset adhuc huiusmodi ignorantia, licet ætualis, culpabilis. Secundo sumitur in habitu; & duplex poni-

tur, positiva scilicet, & negativa. Positiva, quando quis certo credit, vel arbitrat, nullum esse Deum. Negativa vero, quando non cogitat, nec de Dei existentia, nec de non existentia. Primam omnes culpabilem volunt; de secunda lis est inter Theologos.

Theologi quidam citantur a Juenio, sed absque nomine, qui putarunt, posse nonnullos homines per totam vitam invincibiliter Dei existentiam ignorare; fumentes ignorantiam, non tantum pro carentiâ cognitionis demonstrativæ, sed etiam pro carentiâ cognitionis maxime probabilis. Alii etiam ab eodem memorantur, pariter sine nomine, qui dixerunt, ejusmodi ignorantiam per longius aliquod tempus reperiri non posse, sed per breve tantum. Cardinalis autem de Aughirre nominat Molinam, Medinam, Zumel, Arriagam, Izquierdo, qui voluerunt, hominem aliquem inveniri posse, rationis quidem competentem, sed tam hebetem, & rudem, vel sine ulla xiorum doctrina, in sylvis enutritum, ut omnimodam Dei ignorantiam, invincibilem sciat, & ab omni culpa excusantem, & nulla reprehensione dignam, patitur. Alii autem Theologi cum distinctione loquuntur, & dicunt; A nemine, usum rationis habente, posse invincibiliter igno-

ignorari, neque etiam ignorantia negativa, nisi ad summum pro brevi tempore, Deum existere sub conceptu aliquo communis, & valde confuso. Hujus sententiae est Cachernanus, qui pro se adducit Joannem a S. Thoma, Gabrielem a S. Vincentio, Amicum, Victoriam, Granadum, aliosque negantes ignorantiam invincibilem Dei, etiam sub conceptu proprio, saltem respectu alicujus communis, & nationis. Idem Cachernanus asserit, Deum existere sub conceptu aliquo particulari, & proprio, expresse cognito, metaphysice loquendo, posse ignorari invincibiliter ignorantia negativa ab aliquo individuo, si minus a tota aliqua natione, aut communitate hominum; & citat Molinam, Gabrielem, Granadum, Arriagam, aliosque. Tandem idem Cachernanus ait, Deum existere sub conceptu aliquo particulari, & proprio, a nemine habente usum rationis posse invincibiliter ignorari ignorantia positiva, quae scilicet positive quis errat circa Dei existentiam, & positive asserit, Deum non esse; & asserit Gabrielem, & Doctores communiter cum S. Thoma. Denique Dominicus a SS. Trinitate docet primo, nullam reperiri nationem, vel communitatem, apud quam dari contingat ignorantiam invincibilem, sive negativam, sive positivam, de existentia Dei, etiam sub ratione explicita primae causae, primaeque omnium rerum principii; & in hanc conclusionem dicit, omnes Theologos convenire, & Sotum expresse asserere, illam esse certissimam de fide. Secundo non posse dari errorem, seu ignorantiam invincibilem positivam de existentia Dei respectu particularis individui adulti, & rationis urentis. Tertio apud nullum agens morale in nullo tempore, vel instanti, dari posse ignorantiam invincibilem negativam de Deo, saltem sub aliqua ratione confusa, & implicita, seu communi, boni, veri, & ultimi finis. Quarto, etsi pro aliquo temporis differentia possit naturaliter dari ignorantia negativa, seu inadvertentia invincibilis de existentia Dei sub ratione explicita primae causae, respectu adulti, habentis usum rationis, si tamen diu vixerit, moraliter est impossibile, quod etiam Deum sic ignoret.

Nobis autem placet hoc unum asserere, & probare, in quo credimus, omnia contineri; & si quae sunt, quae contineri non possunt, vel in probationibus, vel in responsionibus, invenientur. Afferimus nempe, ne quidem per brevissimum tempus

dari posse in quovis, qui rationis sit capax, & compos, existentiam Dei invincibilem ignorantiam. Et hoc primo ex Scripturis probamus. Dicitur enim Sapientiae 13. 1. *Vani autem sunt omnes homines, in quibus non subest scientia Dei; & de his, qui videntur bona, non poterunt intelligere eum, qui est, neque operibus attendentes, agnoverunt quis esset artifex.* Item ad Romanos 1. 20. *Invisibilia enim ipsius, a creatura mundi, per ea, quae facta sunt, intellecta, conspiciuntur; sempiterna quoque ejus virtus, & divinitas, ita ut sint inexcusabiles.* Adhuc Psalmorum 78. 6. *Effunde iram tuam in Gentes, quae te non noverunt; & in regna, quae nomen tuum non invocaverunt.* Si ergo ex hisce, aliisque, Sacrarum paginarum locis, reprehensibiles, inexcusabiles, vani, dicuntur ii, in quibus non est scientia Dei, consequens est, de Dei existentia invincibilem, seu inculpabilem, ignorantiam in nemine dari posse. Quae enim ratione, & quae iustitiae lege, reprehendi, & condemnari quis posset de ignorantia illius, quem inculpabiliter, & invincibiliter, ignoravit? Psalmo etiam 13. 1. habetur: *Duxit insipiens in corde suo: non est Deus.* Si inculpabiliter ignorat, non est insipiens. Et si negat, negat quod ignorat, & quod adhibita diligentia cognoscere non potest. At Scripturae dicunt cum esse insipientem: ergo est vere culpabilis, & quia ignorat, & quia negat, quum ex ignorantia neget, quae culpa non vacat.

Ex Patribus deinde probatur. I. Tertullianus Apologet. cap. 17. *Et hac est summa delicti voluntatem recognoscere, quem ignorare non possunt.* Idem lib. 1. adv. Marcionem. *Anima a principio conscientia Dei dei est; eadem nec alia, & in Aegyptis, & in Syris, & in Pontis.* Nullam facit hae distinctionem, nec personarum, nec nationum; immo regiones omnes completitur; & animae, quae in quovis humine est, cognitionem implorat. II. Hieronymus ep. 2. ad Nepotianum: *Indus, Persa, Gothus, Aegyptius, Turea, ipsum agnoscunt.* Haec nationes adnumerantur, non nationum sapientes; homines omnes regionum omnium, non Philosophi, advocantur. III. S. Prosper ad Demetriadem. *In pulchritudine Caeli, & terra quondam sunt paginae ad omnium oculos semper potentes, & Auctorem suum nunquam tacentes, quarum praestantissimam doctrinam imitatur Magistorum, & eloquia Scripturarum.* Idem lib. 2. de vocat. Gent. c. 4. *Caelum quippe, ac terra, & mare, omnisque creatura, quae videtur, ac intelligi potest, ad hanc praecipue disposita est humani generis*

neris utilitatem, ut natura rationibus de contemplatione tot specierum, de experimentis tot honorum, de perceptione tot numerum, ad cultum, & dilectionem sui imbueretur. *Audivis, implete omnia Spiritu Dei ? in quo vivimus, movemur, & sumus.* Idem lib. 1. de vocat. Gen. c. 9. *Secundum Scipinram credimus, & possumus confitemur, quod nunquam universitati hominum Providentia divina cura defuerit. Qua licet exceptum sibi Populum specialibus ad pietatem direxerit institutis; nulli tamen nationi hominum bonitatis sua dona subtraxit; ut propheticas voces, & legalia precepta, convincerentur in elementorum obsequiis, ac testimonis, accepisse. Unde & inexcusabiles facti sunt, qui Deos sibi dona fecerant, & qua creata erant ad utendum, venerati sunt ad colendum.* Idem lib. contra Collatorem c. 14. *Trahit ad Deum contemplatio elementorum; omnium, qua in eis sunt, ordinatissima pulchritudo. Invisibilia enim ejus a creatura mundi per ea, qua facta sunt, intellecta conspiciuntur. Trahit veram gestorum cognitionem, & divinorum operum celsitatem; animam audientis inflammant, narrantes laudem Domini, & virtutem ejus. Nulli autem hominum, nullis regionibus, elementa non parent; omnes, & singuli cælum, terram, mare conspiciunt. Inexcusabiles propterea redduntur, & nationes, & homines, si ex illidem non inferunt existentiam Creatoris sui.*

Addimus IV. Gregorium Magnum lib. 17. moral. c. 3. *Eo ipso, quod rationalis est conditus, debet ex ratione colligere eum, qui se condidit, Deum esse. Igitur requiritur rati-
um, ut rationis sit capax, & compos. Ex hæc quidem scribebat S. Doctor exponens illa Job. 36. omnes homines vident eum. Unde subjunxit; quem quidem jam videre, est dominationem illius ratiocinando conspiciere.*
V. Augustinus loquitur lib. 2. de sermone Domini in monte, c. 5. *Nullam esse animam, quantumvis perversam, qua tamen nullo modo ratiocinari potest, in cujus conscientia non loquatur Deus.* Idem lib. 10. Confess. c. 6. *Cælum, & terra, & omnia, qua in eis sunt, ecce undique mihi dicunt, ut te amem; Nec cessant dicere omnibus, ut sint inexcusabiles.* Idem tract. 106. in Joan. *Hæc est vis divinitatis, ut creatura rationali, jam ratione utenti, non omnino, ac penitus, abscondi possit. Omnem animam comprehendit, omnes homines complectitur; hoc solum exigit, ut rationales sint, & ratione utantur.*
VI. Anobis lib. 1. adv. Genes. circa medium. *Quisquam ut est hominum, qui non cum illius Principis notione diem prima nati-*

vitatis intraverit? Cui non sit ingentium, non affixum, immo ipsi pene in genitalibus matris non impressum, non insitum, esse Regem, ac Dominum cunctarum, quæcunque sunt, moderatorem? Igitur illis non inest, qui, vel nati non sunt, vel non sub hujusmodi Rege, Domino, ac moderatore, vivunt. VII. Gregorius Nazianzenus or. 2. de Theologia. *Ratio illa divinitus indita, omnibus, ac primum in peccatoribus nostris condita, cunctisque mortalibus innexa, nos ab his rebus, qua oculis cernuntur, ad Deum subvertit. Nulla ergo facienda est exceptio, si omnibus, si cunctis, mortalibus est indita, & innexa.* VIII. Nysenus lib. de octo Beatitudinibus, ad illa verba: *Beati misericordes, &c. De Nemine Divino notitia, naturaliter quidem insita est omnibus hominibus.* Pariter, si omnibus hominibus, nullus homo excipitur. IX. Ambrosius ad illa verba ad Romanos 1. *Sicut enim in illo, qui credit, justitia Dei revelatur; ita in eo, qui non credit, impietas, & injustitia revelatur.* Ex ipsa enim Cæli fabrica iratus illi videtur Deus. Idcirco enim tam pulchra æstra cendit, ut ex iis quantus, & quam admirabilis Creator eorum est, possit agnoscere, & solus adorari. Per naturalem ergo legem eum facit genus humanum. Potuerunt enim id per legem naturæ apprehendere, fabrica mundi testificante, *Audire solum Deum diligendum, quod Moyses literis tradidit. Sed impii facti sunt non colendo Creatorem; & injustitia in eis apparet, dum videntes dissimulant a veritate, non fatentes unum Deum; quia quod notum est Dei, manifestum est in illis.*

Superadduntur etiam X. Bernardus serm. de conversione ad Clericos c. 2. *Neque sane laborandum est, ut ad vocis hujus perveniantur auditum. Labor est potius aures obturare, ne audias. Nimirum, vox ipsa se offert, ipsa se ingerit, neque pulsare interim cessat ad officia singulorum.* Adhuc nobis proximus est, adhuc loquitur, adhuc Sapientia clamat in plateis. Si ad officia singulorum pulsar; ergo neminem excludit. Si in plateis clamat; ergo universos advocat. Non audit, nisi qui aures obturat. Nec laborat, qui ad vocis hujus auditum vult pervenire. XI. Damascenus lib. 7. Orthodoxæ fidei c. 1. *Notitia Dei omnibus a natura est insita, neque id aliquis ratione potens ignorare potest.* Si omnibus, igitur non aliquibus. Excipitur rati-um qui non est ratione potens. Ergo includuntur omnes, qui sunt rationis capaces, & compositi. XII. Anselmus ad illa Apostoli verba; *quod notum est Dei, manifestum est in illis;* scribit: *Multa sunt, qua de Deo per*

per naturam sciri non possunt, sicut est mysterium Incarnationis, & Passionis, quod latuit Sapientes mundi. Sed hoc naturaliter de eo sciri potest, quod ipse sit Deus; quia omnis creatura ostendit se non esse Deum, sed esse alium, qui eam fecerit, cuius servitio parere necesse sit. Causam subdita deinde prædictorum, ait: *Habent enim, unde noscant eum, scilicet rationem naturalem.* At omnes homines, dummodo rationis sint compotes, & capaces, etiam si sint rudeæ, inculti, in vallibus nati, & in sylvis enutriti, & quidem sine hominum disciplina, & sapientum magisterio, in se ipsis naturalem rationem habent; ut supponimus: Ergo sufficientem causam habent, ut sit in illis manifestum, quod notum est Dei; unde non pariantur, nec pari possint, invincibilem ignorantiam existentie Dei, sed solam vincibilem, voluntariam, & culpabilem.

Probatum etiam Rationibus. I. Nullus homo est adeo rudis, hebes, & ignarus, dummodo rationis sit capax, & compos, cujus animum frequenter non pulset cogitatio, suspicio, aut dubium saltem, de Dei existentia, quam tota rerum universitas clamat, & natura ipsa continuo proponit; sed ad hoc, ut ignorantia invincibilis circa res sciri necessarias detur, nulla debet suspicio, aut cogitatio, aut dubium, esse: ergo nulla de Dei existentia invincibilis ignorantia dari potest. Major propositio negari non potest, non solum ex præmissis auctoritatibus, sed etiam ex experientia, quæ nos docet, ut a quocunque quæratur artifex operis pulcherrimi, quod videt; & ab omnibus investigetur donator munera præstantissimi, quod recipit. Minor etiam est certa; quia, si præcederet suspicio, cogitatio, dubium, ignorantia esset crassa, aliquando affectata, semper voluntaria, nunquam invincibilis, & inculpabilis. Consequentia sequitur. II. Deus omnibus hominibus necessaria subsidia parat, ut suam salutem assequantur; ergo omnibus, & singulis hominibus debet dare sufficiens lumen, ut suam existentiam cognoscant, sine qua salutem consequi non possunt. Nec juvat respondere cum Iezquierdo, Deum omnibus hominibus parare auxilia sufficientia ad salutem, aut proximæ, aut remotæ; & quemadmodum aliqui, ob defectum prædicationis, non habent auxilia, proximæ sufficientia ad assequendam notitiam mysteriorum, quæ credi debent per fidem divinam, & sine qua salus æterna obtineri non potest, ita absurdum non esse, quod aliqui homines nimia rudes auxilia

proximæ sufficientia non habeant ad notitiam existentie Dei assequendam. Non juvat certe sic respondere; quia non potest quis habere remotum auxilium sufficientem ad assequendam fidem divinam, si non habeat proximam ad assequendam notitiam Dei existentis. Hæc autem necessario debet præsupponi, & sine hac nullum aliud auxilium dari potest ad fidem divinam, nec proximum, neque remotum. III. Si potest dari homo in sylvis enutritus, habens invincibilem de Deo ignorantiam, poterit hic idem peccatum aliquod grave, contra legem naturalem committere eadem invincibili ignorantia; hoc autem est absurdum; quia impossibile est peccatum grave, seu lethale, quod non sit offensæ Dei; non potest autem esse offensæ Dei invincibiliter ignorati; nemo nanque dicitur offendere quem profus ignorat: ergo revera homo ille in sylvis enutritus, habens invincibilem de Deo ignorantiam, dari non potest. Nec dicas, in eo statu nullum peccatum fure theologicum, sed philosophicum duntaxat; quod scilicet sit solummodo contra rationem, non autem contra Deum. Ne dicas profecto, etenim Alexander VIII. die 24. augusti anni 1690. hanc propositionem de peccato philosophico proscriptis, atque damnavit: *Peccatum philosophicum, seu morale, est alius humanis disconveniens naturæ rationali, & tællæ rationi: Theologicum vero, & morale, est transgressio liberæ divini legis?* Philosophicum quantumvis grave, in eo, qui Deum vel ignorat, vel de Deo aliter non cogitat, est grave peccatum, sed non est offensæ Dei, neque peccatum mortale dissolvens amicitiam Dei, neque pæna æterna dignum. Unde quis in tali statu posset peccatum gravissimum facere, puta se ipsum occidere, & pœnæ æternæ non subijci; quod ex præfata propositione damnatione non solum, verum etiam ex puri rationis lumine, absurdum quæmaxime sonat.

Dicent fortassis; hæc procedere in eo, qui per longum tempus Deum ignoraret, non vero in eo, qui per brevissimum. At contra argumentamur. In illo brevissimo tempore posset etiam peccatum aliquod committere, & recensita absurda sequerentur. Ulterius. Creatura mundi, nec per brevissimum tempus sui Creatoris existentiam non manifestat. Ergo inexcusabiles sunt quoque qui per brevissimum tempus Deum ignorant. Insuper. Brevissimum illud tempus, vel esset ante rationis diluculum, vel post: Non ante; quis pro illo tempore non

non est questio, quum non sit quis rationis capax. Si post? Vel esset, quia pro illo brevissimo tempore Deus non dedit illi lumen, quod deinde concedit, vel quia ipse non advertit? Si primum? Quare Deus non dedit lumen, quod est pro omni tempore necessarium, pro illo brevissimo tempore, quo ille tenebatur Deum agnoscere? Et si dar postea, quare non dar prius? Quum tam postea, quam antea in eo erat præceptum Deum agnoscendi, & sine illo lumine non poterat Deum agnoscere? Si non advertit ipse? Vel quia non vult, vel quia non potest? Si non vult? Ecce ignorantia culpabilis, & voluntaria, pro illo etiam brevissimo tempore. Si non potest? Ex quare deinde potest, & antea non poterat? Et quare, si deinde non advertit, peccat, & si non advertit antea, non peccat? Et quare cum eodem lumine possunt alii, & ipse non potest?

Subjungitur IV. Ratio. Supponimus, dari non posse ignorantiam invincibilem præceptorum naturæ, aut primo, aut secundo modo; quod quidem est fere omnium communis sententia, saltem illorum primo modo. Hoc supposito inferimus: ergo neque potest dari ignorantia invincibilis Auctoris naturæ. Probatur consequentia. In præceptis naturæ ideo dari non potest ignorantia invincibilis, quia naturalis ratio dicitur, illa esse, aut prohibita, aut præcepta; atqui eodem tempore distare debet, ab aliquo esse, aut prohibita, aut præcepta: ergo eodem tempore, quo ratio naturalis illa dicitur, debet etiam, saltem confuse, hunc proponere, & distare. V. Usus rationis, vel importat in homine, quando ad id temporis pervenit, novam obligationem, quam prius non habebat, vel non importat? Non hoc secundum; aliter frustra usus rationis eidem a Deo daretur; & quum prius, quia nihil cognoscebat, ad nihil fore tenebatur, modo plus noscens, ad nihil etiam tenetur. Si primum? Querimus; vel est brevissimum tempus, in quo in homine hic rationis usus cesset, vel non est? Si est? De illo non loquimur, quia tunc homo non est rationis capax, aut compos. Si non est? Durante ergo pro omni tempore, etiam brevissimo, usu rationis in homine, in eodem durabit quoque pro omni tempore, etiam brevissimo, obligatio, per rationis usum importata. VI. Vel præceptum cognoscendi Deum urget pro omni tempore, etiam brevissimo, & pro omnibus hominibus, qui rationis sint compotes, vel non urget? Si urget?

Ergo omnes homines pro omni tempore, etiam brevissimo, tenentur eum agnoscere, dummodo rationis sint compotes. Si non urget? Non est assignabilis differentia, quare pro tempore A. urget, & non urget pro tempore C.; item quare urget pro Paulo, & non pro Petro, dummodo Petrus, æque ac Paulus, rationis sit compos, & capax. Et fortius, quia pro illo tempore brevissimo nihil deficit, quin agnoscat Deus, quia si aliter essentiale deficeret, essemus extra casum; & in illo homine rudi omoia supponuntur, quæ sunt necessaria ad cognoscendum Deum; quia si non essent, nec etiam casus de illo esset. VII. Nulli hominum, etiam per brevissimum tempus, defunt media, quæ Deus confert, ut adimpleatur præceptum homini impostum, ut eum agnoscat: ergo de nullo hominum dari potest invincibilis ignorantia de Dei existentia, etiam per brevissimum tempus. Probatur antecedens. Illa media, vel sunt idea innata in nobis a natura divinæ existentie, vel creaturarum visibilibus aspectus, vel Dei revelatio, aut inspiratio, vel per se ipsum, vel per alios; sed hæc nulli hominum defunt: ergo nulli hominum defunt media, quæ sunt necessaria ad Deum cognoscendum, etiam per brevissimum tempus. Probatur minor. Natura est eadem in omnibus, & semper; Creatura loquitur omnibus eodem modo, & semper; Deus æqualiter se revelat omnibus; & pro omni tempore: ergo hæc media nulli hominum defunt. VIII. Ille homo rudis, vel teneretur inquirere de Deo, vel non teneretur? Si primum? Ergo non inquirendo peccabit. Si secundum? Vel non teneretur, quia rationis non esset compos, vel quia non haberet, a quo inquireret? De primo non loquimur; quia supponimus, esse compotem. Si non haberet a quo inquireret extra se, haberet intra se; haberet quidem Dei vocem, haberet conscientie linguam, haberet creaturarum sermonem.

Arguunt nihilominus Adversarii I. Per nos Propositio illa, *Deus est*, non est per se nota: ergo dari potest de Dei existentia invincibilis ignorantia. Probatur consequentia. Si non est per se nota, indiget probatione; si indiget probatione, indiget discursu; sed rudes homines, quanvis rationis sint compotes, non sunt tamen capaces discursus: ergo saltem isti habere poterunt invincibilem de Dei existentia ignorantiam. II. Dei existentia sic est difficilis, ut probetur, quod in ea demonstranda multum Theologi, multum Philo-

sophi

sophi laborent, & nihilominus Athei non convincuntur. Ex hoc ergo capite poterit dari de illa aliqua invincibilis ignorantia.

III. Quomodo modum potest dari invincibilis ignorantia de Deo, ut Auctore supernaturali, ita poterit de Deo, ut Auctore naturali; sed primum dari potest: ergo & secundum. IV. Potest dari casus, quod aliquis, vel propter ingentem tarditatem, vel propter pravam educationem, vel propter animam sensibus undequaque immersam, non sit capax faciendi discursum ex creaturis colligentem existentiam Dei: ergo saltem in isto dabitur invincibilis ignorantia existentie Dei. V. Postquam aliquis pervenit ad rationis usum, aliquo saltem temporis spatio eget, ut ex creaturis Creatoris existentiam inferat: ergo pro illo brevissimo tempore eam invincibiliter ignorabit. VI. Propriis viribus non potest homo cognitionem Dei existentis assequi: ergo si ignorabitur, invincibiliter ignorabitur. VII. Potest aliquis invincibiliter carere fide: ergo potest invincibiliter esse sine cognitione Dei existentis. Probatur consequentia: Deus etiam, ut Auctor naturæ non potest cognosci sine fide: ergo si potest quis invincibiliter carere fide, potest etiam invincibiliter esse sine cognitione Dei existentis. VIII. Sunt Athei in mundis ac non essent si cognoscerent Deum existentem: ergo ideo sunt, quia non possunt cognoscere Deum existentem; sed non posse cognoscere Deum existentem, est habere ignorantiam invincibilem de Dei existentia: ergo vere datur de existentia Dei invincibilis ignorantia. IX. De multis locis dicitur, quod nulla sit in illis cognitio Dei: ergo saltem illorum locorum homines invincibiliter Deum ignorant. X. Si pro omni, etiam brevissimo, tempore tenemur Deum non ignorare: ergo tenemur etiam Deum agnoscere: ergo tenemur quoque Deum amare pro omni tempore, etiam brevissimo, etiam pro illo primo instanti physico, quo Deum cognoscimus. Atqui hoc nemo Theologorum docet: ergo nec docenda opinio, ex qua illud inferitur.

Respondemus ad I., quod quanvis existentia Dei nota non sit ex terminis, facillima nihilominus est comparatu, tum ex orbis aspectu, tum ex conscientie testimonio, tum ex naturæ distantie, tum denique ex omnium hominum consensu. Quod Empiricus faiebatur, in 8. commentariorum adversus Mathematicos, ex Aristotele referens; Cum enim contemplati essent Solem quidam interdum circumstantem, nullum vero ordi-

P. A. L.

natum, aliorum syderum motum, arbitrati sunt, esse Deum aliquem, motum, & illius ordinis, principium. Et maximus Tyrius, Philosophus Platonicus, in Dissert. 1., asserit de Nationibus, quæ sunt moribus, vivendi genere, cultu, genio, aliisque admodum diffonæ, & aliquando etiam inter se adversantes; unum habere universum terrarum orbem consensu omnium constitutum legem, & rationem, unum esse Deum, Regem omnium, & parentem.

Ad II. Dicitur, non exigere nos cognitionem demonstrativam de existentia Dei, sed moraliter certam, seu summe probabilem, & non permittentem iudicium prudens, ac non probabile, de opposito; ut in superioribus dictum est. Ratio autem hæc est, quia illa certitudo est sufficiens ad tollendam ignorantiam invincibilem, quæ sufficit, ut sit principium operationis practicæ; atqui ex communi sententia moralis certitudo sufficit ad operationem practicam: ergo moralis certitudo sufficiens est ad tollendam ignorantiam invincibilem; adque non est necesse, ut interveniat cognitio demonstrativa, sed satis est, ut sit moraliter certa.

Ad III. Assignatur disparitas. Ignorantia invincibilis Dei, ut Auctoris supernaturalis, oritur ex defectu prædicationis; quomodo enim credent, si non audierint? Quomodo autem audient sine prædicatione? Verum prædicatio visibilis mundi, naturæ vox, conscientie testimonium, semper sunt in promptu, & auxilia proxime sufficientia semper suppetunt, quod Deus, ut Auctor naturalis, omnibus, & singulis, manifestetur.

Ad IV. Occurrimus dicendo, quod nec ingentii tarditas, nec prava educatio, nec effrenatio in sceleribus, possunt plane disperdere, & tollere mentis vim, esto eam quammaxime debilitent; unde inferri ab aliquo non possit Dei existentia ex creaturis. Si ad peccatum originale recurrant, quum hoc sit in omnibus hominibus, non est ratio, cur ad aliquos se tantum restringant, & non ad omnes dilatentur. Si ad peccatum actuale confugiant, ut vere confugiant, dicendo, quod propter corruptos mores redduntur aliqui incapaces ad Deum cognoscendum; tunc ignorantia non esset invincibilis, sed vere vincibilis, & voluntaria, & culpabilis, licet non in se, tamen in causa.

Ad V. adjungimus, quod nullum temporis requiritur intervallum, ut præfatum discursum faciat quicunque sit rationis capax,

G & com.

50 Dissertatio VIII. De Ignorantia, aut, &c.

& compos. Non enim naturæ liber clausus est alicui; omnibus est parens; ita ut quovis tempore, & quovis etiam temporis momento, in eo libro, singulis aperto, possit quisvis Creatoris sui existentiam legere, & invenire.

Ad VI. Noster intellectus propriis viribus potest aliquod verum cognoscere; maxime autem existentiam Dei, cum qua homo tantam habet connexionem, & proportionem, ut illius ideam in se ipso valeat quovis tempore, si velit, detegere, & reperire. Si conscientie testimonium in nobis ipsis de Dei existentia habemus, aliud non requiritur ad illud percipiendum, nisi ut attendamus. Conscientie autem testimonium de Deo clarum est, creaturarum cum Creatore connexionis argumentum. evidens est, Dei ipsius lumen, quod illuminat omnem hominem venientem in hunc mundum, splendens est; animæ, aut oculos, aut aures, quilibet non impedit, ne videat, aut non audiat; sicque facili negotio Deum existentem percipiet.

Ad VII. Deus utique, ut Auctor gratiæ, cognosci non potest sine fide; at, ut Auctor naturæ cognosci potest. Existencia autem Dei, & credi potest per fidem divinam, & cognosci potest per demonstrationem naturalem; ut in superioribus diximus; hanc tamen differentiam faciunt quidam, ut cognitio Dei, ut Auctoris naturæ, implicita, & confusa, est de fide; cognitio clara, & explicita, est de fide respectu rudiorum, non autem respectu illarum, qui doctrina prævalent, & ingenio. Unde dicunt, quod quanvis non detur ignorantia invincibilis de Deo, ut Auctore naturæ, cognitio tamen perfectissima, & omnibus numeris absoluta, secundum S. Thomam, a rudioribus sine fide haberi non potest; & hinc, ut suppleat quod ex parte deest sufficientis capacitas.

Ad VIII. Athei sunt in mundo, non quia non possunt cognoscere Deum existentem, sed quia nolunt. Hoc autem, quod est

nolle, aliquando provenit ab excæcata mente, aliquando ex depravata voluntate; nunquam vero a deficiente ratione. Si enim vellent, vel creaturas attendere, vel hominibus credere, vel rationes perpendere, utique possent, ut cæteri homines, sapientiores quidem illis, Deum existentem cognoscere, & confiteri. Cæterum, ut Athei culpabiliter negant, ita & isti invincibiliter ignorant.

Ad IX. Distinguit Henno; nulla sit in illis cognitio Dei, distincta, ut est in nobis, transeat; confusa, ac saltem sub ratione alicujus entis, ac regentis supremi, ratione cujus tenebantur inquirere, negat. Hoc sufficit, ut sit in illis Dei ignorantia vincibilis. Alii autem absolute negant, aut esse, aut fuisse, nationes, in quibus nulla fuerit, aut sit, Dei existentis cognitio. Certe Sineses non omnes sunt Athei, sed qui se jactant sapientiores inter illos. Athei autem non sunt qui Deum invincibiliter ignorant, sed qui Deum culpabiliter inficiantur. Populi vero illius vastissimæ regionis Idololatriam sectantur; adeoque Deum ut existentem agnoscunt, etsi falsum adorent. De aliis vero hominibus, qui Americanas incolunt regiones, nihil tale affirmari certo potest a quoquam, an scilicet adorent, vel adoraverint, Numen aliquod, vel ne? Quodcumque de illis refertur, incertum est; si unus, aut alter, affirmat, cæteri negant. At demus fuisse verum; dicemus utique, omnes culpabiliter ignorasse Deum, & nullam in eis fuisse invincibilem de Deo ignorantiam.

Ad X. Tunc Deum cognitum tenemur amare, quando proponitur nobis amandus. Quando vero solum nobis proponitur existens, tunc dumtaxat debemus cognoscere, quod exultat. Potest autem evenire, ut antecederet nobis proponatur Deus, ut existens, quam ut amandus; unde pro illo tempore urget obligatio, ut cognoscatur sua existentia, non autem urget, ut sua bonitas ametur.



DISSERTATIO IX.

De Cognoscibilitate Essentiæ Dei.

DISSERTATIO, quam inscribimus, ex parte Dogmatica est, ex parte vero Scholastica. Dogmatica quidem, quatenus contra duos, inter se oppositos, pugnat errores; quorum

primus tribuitur Pythagoræ, qui putavit, Deum nullo modo, sub aliquo proprio ipsius prædicato, a oobis esse cognoscibilem; alter vero est Eunomii, primum temporum Hæresarchæ, qui commentus est, omois Dei prædicata posse a nobis cognosci, adeoque Deum ipsum comprehendere. Contra huic ultimum errorem, non in hac Dissertatione, sed in altera ex sequentibus, in qua de lococomprehensibilitate Dei tractabitur, pugnabimus; ostendentes, si Deus ipse propitius aderit nobis, nec in oculis, nec in terris, comprehensivam Dei cognitionem habere nos posse. Contra primum verum hic probabimus, Dei essentialiter posse a nobis naturaliter cognosci, & de facto pluribus conceptibus propriis, & distinctis concipi.

Ex hoc emergit Scholastica questio, quæ ex parte Dissertationem componit. Per conceptus proprios, & distinctos non intelliguntur conceptus elari, seu non obsecuti, sed solum non confusi. Potest enim dari casus, in quo aliquod objectum sic cognoscatur, ut per cognitionem distinguamus ipsum ab omoio eo, quod non est ipsum, quanvis in eo non cognoscantur clare prædicata ipsum constituentia. Et hoc pacto objectum ipsum cognoscitur per conceptum proprium, & distinctum, hoc est non confusum. Si vero cognoscantur etiam prædicata clare, quæ ipsum constituunt, cognoscitur objectum per conceptum proprium, & distinctum, hoc est non obsecutum, sed clarum.

In hoc conveniunt Theologi omnes cum S. Thoma, & Scoti, ut asserant, Deum posse a oobis concipi per conceptum proprium, & distinctum, hoc est non confusum; non vero cognoscatur per conceptum proprium, & distinctum, hoc est non obsecutum, sed clarum. In eo autem, quod queritur, an essentia Dei a Viatoribus sit cognoscibilis quidditative, diffidium est inter S. Thomam, & Sentis, Affectas; hi enim affirmant, & illi negant. At nos

PAR. I.

putamus totam questionem in eo esse, ut explicetur terminus ille quidditative; ex diversa namque illius acceptione, & intelligentia, diversitas provenit opinandi, & discutendi. Sentis sumit cognitionem quidditativam pro eo, quod importat cognitionem essentiae divinæ quomodocunque; & sic asserit, oos cognoscere Deum in hac vita quidditative; & in hoc sensu nos quoque convenimus, in quantum cognoscimus, Deum esse ens a se, esse intellectivum, esse radicaliter infinitum, esse perfectissimum. Ex his autem prædicatis unum, aut aliud erit certe divinæ essentiae constitutum. Proindeque illud cognoscens, divinam etiam essentiam quomodocunque cognoscemus. Aliter si Theologi aliquam de divina essentia cognitionem non haberent, frustra divinæ essentiae constitutum inquirerent. S. Thomas vero accipit cognitionem quidditativam per cognitionem essentiae per species proprias, & prout in se; & in hoc sensu ait, oon posse nos in hac vita Deum quidditative cognoscere; cui nos quoque adheremus. Certum enim est, quod oos species Dei proprias, nec immixtionis proprietate, nec representationis, non habemus, & per creaturas, & per creaturarum species, Deum cognoscimus. Itæ autem species creaturarum non sunt proportionatæ ad representandum Deum, ut est in se, quum ad tollat rei sensibilis illum representant.

An autem per cognitionem hanc quidditativam, quam de Deo habemus, possit Deus ipse a nobis definiti? Hoc est alterum diffidium scholasticum inter S. Thomam, & Scotum; siquidem Angelicus Doctor docet, non posse Deum a Viatoribus affirmative cognosci, & definiti, sed tantum negative; Doctor vero subtilis asserit, posse a nobis Viatoribus haberi conceptum Dei quidditativum, & essentialiter; adeoque definiti etiam posse. Sed dissidentes partes possunt etiam in hoc componi, si dicatur, proprie non posse a nobis definiti, quod fit Deus; posse autem aliquo modo, vel ostendendo aliquid, quod est, vel aliquid, quod non est; Et quod in idem venit, aliquid de Deo, vel affirmando, vel negando. De Definitione propria, & rigorosa conveniunt omnes Theologi; quia

G 2

pan

non possumus in statu viæ naturam, & essentiam Dei clare percipere, & explicare. Unde Nazianzenus orat. 40. *Certe hoc Deus est, quod cum dicitur, non potest dici; cum affirmatur, non potest affirmari; cum definitur, definitione crescit; quem omnia uesciunt, & metuendo fiunt.* Et Damascenus lib. 1. de fide cap. 4. *Quod Deus sit, liquido constat; quid autem ratione essentia, naturaque sit, nullo modo cognosci potest.* De Definitione autem larga, ut sic dicamus, quæ est potius explicatio illa, quam Logici descriptionem appellant, pariter Theologi conveniunt; nec S. Thomas opponitur, qui de rigorosa definitione loquitur. Potest enim de Deo dici, quod sit ens a se, quod sit infinitum, quod sit perfectissimum. Quis negabit? Potest etiam dici, quod non sit ab alio, non habeat finem, nullas admittat in se imperfectiones. Quis non concedet?

Hujus generis definitiones plurimas invenimus apud Sanctos Patres non tantum, verum quoque apud Gentiles Philosophos. Plato apud Aleiroom cap. 10. sic definitur; *Præter, immortalis, per se ipsum ad beatitudinem sufficienti essentia sempiterna.* &c. Thales Milesius dicebat; *Eus, quod principio caret, & fine.* Aristoteles hæc scribebat; *Mundi Opifex, summus Rector, immensus motus omnia; cuius sit vim species, valentissimus; si detorem, formosissimus; si vitam, immortalis; si virtutem, praeclarissimus.* M. Tullius Cicero; *Mens quædam libera, & soluta, sacra ab omni concretionem mortali.* &c. Seneca; *totus ratio, quo nihil majus excogitari potest, mens universi, mundi anima.* &c. Ovidius;

*Spiritus intus alit, totosque infusa per artus,
Mens agitat molem, & magno se corpore miscet.*

Ex Patribus audiat Cyprianus lib. de Idololorum vanitate. *Mundi nunc est Rector, qui universa, quæcunque sunt, verbo jubet, ratione disponit, virtute consummat. Hæc nec videti potest, visu clarius est; nec comprehendi, tactu purior est; nec affirmari, sensu major est; & ideo sit cum digne affirmamus, dum inestimabilem dicimus.* Anobius lib. 1. adversus Geotes. *O maxime, o summe rerum invisibilium præceptor! O invisit, & nullis unquam comprehense naturis, cui spirans omnis, intelligensque natura, & habere, & agere unquam desinat gratias; cui tanta conveniat visa genu nixo præcumbere, & continentis precibus supplicare.* Prima enim causa es, locus rerum ac spatio, fundamentum cunctarum quæcunque sunt, infinitus, ingenuus, immortalis, perpetuus, solus, quem

nulla delineat forma corporalis, nulla determinat circumscriptio qualitate, sine situ, sine motu, & habitu, de quo nihil dici, & exprimi potest mortalium figuratione verborum; qui ut intelligaris, tacendum est; atque ut per umbram te possit errans investigare suspicio, nihil est omnino matiusdum. Ambrosius de fide contra Arianos c. 6. Pro capite, pro viribus, pro fide nostra, intueamur, Deus quid sit, & videamus, an ei aliquid possit comparari. Certe hic est, de quo cum dicitur, non potest dici; cum affirmatur, non potest affirmari; cum comparatur, non potest comparari; cum definitur, ipsa sui definitione crescit. Augustinus de Trinitate lib. 5. c. 1. *Intelligamus Deum, si possumus, quantum possumus, sine qualitate bonum, sine quantitate magnum, sine indigentia Creatorem, sine situ præsentem, sine habitu omnia tantumtem, sine loco ubique totum, sine tempore sempiternum, sine ulla sui mutatione mutabilia facientem, nihilque patientem.* Quisquis Deum ita cogitat, est nondum potest invenire quid sit, pie tamen cavet, quantum potest, aliquid de eo sentire, quod non sit.

Ex Doctores etiam posteriorum sæculorum audiat Anselmus in Monologio c. 4. *Est quædam natura, vel substantia, vel essentia, quæ est per se bona, vel magna, & per se est id, quod est, & per quam est quicquid vere, aut bonum, aut magnum aliquid est; & quæ est summum magnum, summumque bonum, summum ens, sive existens, id est summum omnium, quæ sunt.* S. Bernardus lib. 3. de consideratione. c. 11. *Quid est Deus? Quod ad universum spectat, finis; quod ad electionem, salus; quod ad se, ipse vocis. Quid est Deus? Voluntas omnipotens, benevolentissima virtus, lumen æternum, incommutabilis ratio, summa beatitudo, creans mentes ad se participandum, vivificans ad sentiendum, afficiens ad appetendum, dilatans ad sapiendum, implens ad felicitatem, circumdans ad securitatem.* Et c. 12. *Quid est Deus? Non minus pona perversorum, quam humilium gloria. Est enim rationabilis quædam aqutatis directio, inconvertibilis, atque indelinabilis, quippe attingens ubique, cui illa omnis prænotas conturbetur, necesse est.* Et ut cæteros innumeros mutemus, concludimus cum S. Laurencio Justiniano de casto connubio Verbi, & antimat. c. 18. *Quis, nisi, aut elatione tumidus, aut ignorantia cæcus, præsumit intelligere, posse quid sit Deus? Quod autem Deus sit, omnis creatura testatur, ipsa quidem lingua sua fateatur, opus se summi & æterni Dei esse, & dicunt; ipse fecit nos, & non ipsi nos. Est enim Deus natura vox, quæ omnia pul-*
cra

ebra testantur ipsum pulcherrimum, dulcissimum, sublimis altissimum, pura purissimum; unde quemadmodum in patria Deus est speculum, in quo relucet creatura; ita in via creatura sunt speculum, in quo Creator videtur.

Tertium emergit hinc dissidium inter Scholasticos; an scilicet Deus sit primum cognitum creati intellectus? Pro quo supponunt triplicem prioritatem, originis scilicet, seu generationis, perfectionis, & causalitatis seu adæquationis. Conveniunt omnes, Deum esse primum cognitum prioritate perfectionis, & causalitatis; quia est ens omnium perfectissimum, & est omnium prima causa. Remanet autem difficultas de prioritate originis, seu generationis, & reddit hunc sensum: Utrum principium nostræ cognitionis originetur, non solum causaliter, influendo in omnes omnium cognitiones, sed etiam objective, a Deo; ita ut Deus sit primum objectum ab intellectu cognitum, vel ut alii loquuntur, sit objectum primo occurrent in intellectu? Henricus in sum. ar. 2. r. qu. 2., & Baconius in 1. sent. dist. 3. qu. 1. art. 3. tenetur, Deum esse primum cognitum prioritate, quam originis, vel generationis appellant. S. Thomas cum communi Theologorum contrariam propagat sententiam, docens in 1. dist. 3. quæst. 1. art. 3. in corpore; via naturali procedi a creaturis ad Creatorem, via autem fidei procedi e converso. Verum hæc quoque contrariæ sententiæ possunt ad conciliationem trahi, si dicatur, S. Thomæ opinionem intelligi de cognitione apprehensiva; Henrici vero, & Baconii, de cognitione discursiva. Scilicet, ut Deus non sit objectum primo cognitum prioritate originis in cognitione apprehensiva creati intellectus: Sit autem objectum primo cognitum per primum actum discorsus, quem creatus intellectus efformat. Et hoc præcipue in S. Thomæ principiis; quia docet in 1. 2. quæst. 86. ar. 6., quod homo teneretur in primo instanti usus rationis convertere se ad Deum, diligendo eum super omnia; sed non posset in primo illo instanti diligere, nisi per primum actum discorsus cognosceret Deum, saltem sub ratione aliqua confusa; ergo secundum Doctorem Angelicum, quanvis Deus non sit primum cognitum prioritate originis creati intellectus in cognitione, quæ est apprehensio, erit tamen primum cognitum ejusdem in cognitione, quæ est discursus.

Denique quantum proponimus inter Schola-

sticos certamen, quod divinæ essentiæ cognoscibilitatem respiciat. Quanvis omnis cognitio, quam de Deo habemus, possit dici quidditativa largo modo; in quantum scilicet physicam Dei entitatem attingit; strictius tamen cognitio divinæ essentiæ metaphysice consideratæ dicitur cognitio quidditativa; cognitio vero Attributorum simpliciter cognitio Dei nominatur. Hoc posito; Scoto cum suis defendit, quod stricte loquendo omnis essentiæ metaphysicæ cognitio sit quidditativa; cæteri autem Scholastici asserunt, quod cognitio quidditativa est species quædam subalterna cognitionis, ut sic, repræsentantis essentiam Dei metaphysicam; adeoque non omnis essentiæ metaphysicæ cognitio est quidditativa; & sic discurrunt. Omnis cognitio essentiæ metaphysicæ repræsentans dividitur in quidditativam, & abstractivam; abstractiva ea dicitur, quæ res cognita non relucet intellectui eo modo, quo est in se, sed ad modum alterius rei diversæ; sicut quando Angelum ad instar juvenis pulcherrimi concipimus; & hæc cognitio non per speciem propriam, sed per speciem alienam habetur. Quidditativa vero est illa, quæ res cognita eo modo, quo est in se, intellectui relucet; ut cum parietem per propriam ipsius speciem cognoscimus. Ulterius cognitio quidditativa sic explicata subdividitur in quidditativam intuitivam, & quidditativam non intuitivam. Cognitio quidditativa non intuitiva facit quidem relucere rem in intellectu, ut est in se, & non ad instar alterius, sed non repræsentat rem, ut exercere existentem, sed ut mere existentem. Cognitio vero quidditativa intuitiva facit relucere rem, ut exercere existentem eo modo, quo est in se; & sic est cognitio, quam habeo de homine, qui est mihi præsens, & quem actu oculis video. His explicatis, certum est, non posse nos in hac vita Deum naturaliter cognoscere cognitione quidditativa intuitiva; hæc enim est visio Dei, quæ Beatis in Patria a Deo conceditur: Nec etiam cognitione quidditativa non intuitiva; quum Deum non per species proprias, ut in se, est, cognoscamus, ut dictum est. Remanet ergo ut Deum abstractiva cognitione cognoscamus; & sic Scoto secundum substantiam assentimur, at in modo explicandi ab ipso recedimus.

Explicatis, & fere etiam compositis, Scholasticorum dissidiis, hoc ultimo loco illorum errorem profligamus, qui asserbant, Deum nullo modo, sub aliquo proprio ipsius prædicato,

dica'o , a nobis esse cognoscibilem . Apostolus ad Romanos c.2. 10. docet ; *Per ea , quae facta sunt , intellecta conspiciuntur , semper eterna quoque ejus virtus , & divinitas , &c.* En divinitas cognoscibilis , omnipotentia quoque , aliaque pariter Dei attributa ; ac per consequens Deus a nobis cognoscibilis sub aliquo ejus praedicatione . Regius etiam . Psaltes psal. 55. 10. canebat ; *in quacunque die invocaveris te , ecce cognovi , quoniam Deus meus es .* Ubi , vel ex beneficiis a Deo acceptis ejus cognoscebatur omnipotentia , liberalitas , beneficentia , charitas ; vel ex operibus suis ejus cognoscebatur perfectio . Item Joannes epist. 1. c.4. 7. *Et omnis , qui diligit , ex Deo natus est , & cognoscit Deum . Qui non diligit , non novit Deum ; quoniam Deus charitas est .*

Probat etiam ex Patribus ; Theophilo Antiocheno lib.1. ad Autolycum ; *Ut anima , in humana corpore non videtur invisibilis existens , verum ex corporis motu cognoscitur : Sic ut Deus humanis , ut corporeis oculis videri potest ; ceterum ex providentia , qua singula ordinat , suisque operibus aspicitur , & apprehenditur .* Eusebio Caesariense de praeparatione evangelica lib. 3. c.2. *Fide , quam vera , quam simplices , integraque nostra opinionis sunt : Primum enim omnium de Deo opinamur , quod ipse perfectissimus , atque beatissimus sit , sibi , atque ceteris sufficiens : omnium ipse rerum principium , ipse medium , ipse finis ; operibus notissimus , atque manifestissimus ; substantia penitus invisibilis , cui simile nec videre , nec cogitare quicquam possumus .* Nazianzeno orat. 49. *Certe hoc Deus est , quod cum dicitur , non potest dici ; cum asistatur , non potest asistari ; cum definitur , ipsa definitione crescit .* Ei Nysseno orat. 1. *Noli corporeis illum cogitationibus amplecti , aut mente tua circumscribere . Ea est magnitudo , ut comprehendi circumscribiq. nequeat . Magnam cogita , & huic magno plus etiam , atque etiam adde , quam cogitasti , atque ita exple cogitationem tuam . Neque enim , quae infinita sunt , unquam capitis . In quibus locis si comprehendere Deum nobis dicitur impossibile , illum per consequens cognoscere non supponitur impossibile .*

Suffragantur etiam Rationes . I. Cognoscimus multa praedicata Dei , ut Dei ; quae scilicet nulli alteri a Deo convenire possunt , & praescripi praedicatum essentiae ; ut in sequenti Dissertatione videbitur : ergo potest a nobis cognosci Deus sub aliquo proprio ipsius praedicatione . II. Cum Deus a nobis cognoscitur existens , cognoscitur certe sub ratione aliqua ipsi soli , & non alteri

convenienti ; etsi confuse non clare cognoscatur : ergo sub hac ratione , quae quidem est praedicatum proprium Dei , cognoscibilis a nobis est Deus . III. Quia Gentiles Philosophi definierunt Deum , etsi non rigore , sub aliquibus tamen praedicationis , quae Deo , ut Deo , conveniunt ; ut nuper in hac praesenti Dissertatione vidimus : ergo naturaliter sub aliquo praedicatione proprio ipsius a creato intellectu Deus est vere cognoscibilis .

Opponere nihilominus nobis possunt I. ex Scripturis ; Psal. 96. 2. *Nubes , & caligo in circuitu ejus ;* Psal. 17. 12. *Passus tenebras latibulum suum ;* Proverbior. 25. 27. *Qui scrutator est majestatis opprimetur a gloria .* Quibus verbis aperte ostenditur , non posse nos per cognitiones nostras Dei quidditatem attingere . II. Ex Patribus , Dionysio Aitopagnia , vel quocunque alio , qui sit suorum Operum Auctor , lib. 1. de divinis nominibus ; *Deum esse seclusum omni cognitione , & superiorem omni scientia ; quod aliis in locis etiam repetit ;* Zenone , Episcopo Veronensi , ser. 1. de Genesi ; *Ex se est , quod est ; solus sui conscius , quantus est , qualis est ;* Hilario lib. 1. de Trinitate ; *Deus invisibilis , ineffabilis , infinitus , ad quem & eloquendum sermo sileat , & ad investigandum sensus habetetur , & comprehendendum intelligentia carere .* III. Rationibus ; I. Quod est simplex , nullas habens partes , vel secundum se totum , vel secundum nihil , representatur ; Deus est summe simplex , & actus purus , ex una parte ; ex altera non secundum se totum representatur , aliter comprehenderetur : ergo secundum nihil . II. Deus , ex communi omnium , tum Sanctorum Patrum , tum Theologorum , sententia , est ineffabilis ; ergo est incognoscibilis . Consequenter sequitur ; si enim cognosceretur , saltem secundum rationem , illam , secundum quam cognosceretur , etiam nominaretur . III. Dei essentia , vel in se cognoscitur , vel in creaturis ? Si in se ? Ergo intuitiva erit cognitio . Si in creaturis ? Ergo non conceptu proprio cognoscitur .

Respondemus ad Scripturas , & Patres , vel illos loqui de cognitione , quae sit comprehensiva ; vel , si non loquuntur de cognitione , quae sit comprehensiva , loqui de cognitione distincta , & clara , non autem de obscura ; ita ut sit sensus , quod nun possit Deus a nobis cognosci cognitione non obscura , bene autem possit cognosci cognitione non confusa cum creaturis ; per quam scilicet cum creaturis confundatur .

Ad

Ad Rationes, dicimus ad I. distinguendum esse majorem; si simplex sit formaliter simplex, & virtualiter multiplex, propter plura connotata, ad quæ dicitur ordinem, negatur; alias conceditur. Deus licet formalissime sit simplex, propter suam nihilominus infinitatem virtualiter est multiplex, quia ad multa connotata ordinem dicitur. Ad

II. Dicitur, Deum esse adequare ineffabilem, adeoque clare, non autem obscure, esse incognoscibilem. Et quia adequare est ineffabilis, est etiam incomprehensibilis. Ad III. Dicitur, non cognosci Deum in creaturis, sed ex creaturis; & cognosci prout in se est, non autem clare, sed obscure; unde cognitio intuitiva non est.

DISSERTATIO X.

De Constitutivo Essentiæ divinæ.



U^IA multa sunt, immo innumera, Dei prædicata, ex istis unum omnino erit, quod, nostro concipiendi modo, cæterorum sit radix, & quod primo intelligatur constituere Deum in esse Dei; adeoque in quo divina essentia consistat, & quod illius dicatur, sique vere, constitutum. Prædicata, quæ diximus, sunt illa eadem, quæ Attributa Dei nominantur; & quidem, physice loquendo, omnia, quæ in Deo sunt, physicam, realeque, Dei essentiam constituunt; unde in hoc sensu in omnibus simul Dei attributis certum est, Dei essentiam, consistere. At non in hoc sensu præsens instituitur controversia; sed de constitutivo metaphysico procedit; physicum autem constituit omne, quod est in Deo, ut dictum est. Metaphysice igitur loquendo, unum reperire debemus in Deo prædicatum, quod cæterorum omnium intellectiōnem præcedat; quod quidem prædicatum erit illa Dei perfectio, veluti fontalis, ut dicunt, & primordialis, quia Deus in esse Dei constituatur, & per quam distinguatur a quolibet ente, & creatu, & creabili, & ex qua alie perfectiones, veluti quedam proprietates, emanare intelligantur. In hoc quidem constitutivo assignando multæ multorum sunt opiniones, quas usque ad decem enumerat Iezquierdo. Principales autem ad tres, vel quatuor, reducuntur; quarum Prima est asserentium, consistere in omnium Attributorum Dei collectione, quemadmodum de physica essentia diximus. Tribuitur hæc opinio Suarezio, Aegidio, aliisque. Secunda tenet, consistere in Aseitate, vel independentia; in eo scilicet, quod Deus sit ens a se, & ab omni alio independens. Est hæc sententia P. Magnani, P. Lallemandet, Petavii, Contensonii, aliorumque Recentiorum quasi

communis, quos nuperrime P. Saguens, & P. Boucat, sequuti sunt. Tertia existimat, consistere in infinitate radicali, seu infinitate simpliciter; & est quamplurimum, præcipue Scotistarum, quos sequitur ex nostris P. Filoramus. Quarta est Thomistarum, putantium, vel in actuali intellectiōne, consistere, ut defendit Stephanus Spinula, vel in principio proxime intellectivo, ut alii tuerentur. Hæc sunt celebriores hæc insatis ventilata questione inter Scholasticos, opiniones; quæ omnes nos conabimur pro viribus impugnare, ut nostram ultimo loco peculiarem aliam proponentes, illam, quantum Deus dederit, propugnemus.

Dicimus igitur I. Essentiam Dei metaphysice sumptam non consistere in collectione, seu cumulo, omnium Attributorum Dei. Et Probatur I. ex Patribus, Basilio lib. r. contra Eunomium: *Qualitates, & proprietates differentias, quas circa substantiam ratione cogitationis intelligimus*. Si sunt circa substantiam Dei, & quidem metaphysice acceptam; non sunt ergo substantia Dei metaphysice considerata. Nysseno ad Ablabium pag. 93. quem citat Cachernasius: *Dicimus v.g. Deum esse incorruptibile, vel omnipotens, vel quacunque alia, sed reperimus easqueque nominis peculiarium esse significationem, quæ significatio tamen non illud significat, quod natura juxta essentiam est ... eodem modo, si vel contrarium dixerimus*. Et attributa, quæ a ratione essentiae excluduntur; & quidem non alterum, sed omnia; adeoque omnium etiam collectio. Maximo in Panoplia apud Euthymium par. t. cit. 3. *In Deo, bonus, & opifex, & infinitus, & immortalis, & quæ his similia, non dicimus esse differentias essentiam constituentes, sed appellationes quasdam, quibus aliqua nomina, quæ circa ipsam spectantur, participant*. Nil clarius verbis hisce, quibus omnino declaratur, attributa, etsi omnia, divinam

essentiam non ingredi. Sed clariora sunt, quæ sequuntur ex Damasceno lib. 3. de fide c. 4. *Si bonum, si justum, si sapiens, si quidvis aliud, dixeris, non naturam dicis Dei, sed ea, quæ sunt circa naturam.*

Probatur II. Rationibus. I. Per constitutum divinæ essentiae non solum debet Deus distinguui ab omni ente creato, sed etiam a propriis perfectionibus increatis, sed non primariis; hoc non esset, si consisteret in cumulo omnium attributorum Dei; ergo in hoc non consistit. Major est certa ex conceptu ipso constitutivi divinæ essentiae; minor est clara; aliter divina attributa a se ipsis distinguerentur. II. Non est essentia Dei, quod in Deo post aliud concipitur, & fluit ex alio; sic sunt attributa Dei; ergo neque collecta in cumulo sunt constitutum divinæ essentiae. Major patet, quia essentia est illud primum, quod concipitur in re, & ex quo cætera alia promanant; Minor probatur: Illud non concipitur primo in aliqua re, quod ex Logice prædicatur in quale; sic sunt attributa Dei; ergo non sunt illud primum, quod concipitur in Deo; ac per consequens sunt quod in Deo post aliud concipitur, & fluit ex alio. Major ultimi argumenti ex Logice est patens, quia prius est quid rei, quam quale rei; Major etiam est manifesta, quia per attributa Dei non dicitur quid, sed qualis sit Deus. III. Ex prædictis, quæ in Deo sunt, aliquid unum est assignabile adeo excellens, ut, cum fundamento in re, tanquam radix, & origo, perfectionum omnium, quæ sunt in Deo, concipi possit; ergo in hoc erit Dei essentia reponenda, & non in omnium attributorum cumulo, & collectione. Antecedens patebit ex dicendis infra; consequentia sequitur.

Arguunt Doctores, hanc primam opinionem propugnantes, I. Ex SS. Patribus, quorum non pauci asserunt, idem esse attributa, ac essentiam Dei. Sufficiat pro omnibus Hieronymus ep. 148. ad Marcellam; *Divina natura, & Dei sermo, in partes secari non potest, nec locis dividi; sed cum ubique sit, totus ubique est.* Totus igitur Deus constituit divinam naturam: ergo vere divina natura, seu essentia, in collectione omnium attributorum Dei consistit. II. Rationibus; Deus est ens, quo nihil melius excogitari potest; sed hæc definitio verificari nequit, nisi essentia divina in omnium attributorum collectione constituitur: ergo vere per hanc collectionem constituitur. III. Si essentia divina non involvit omnia attributa, attributa erunt præter essentiam;

ergo erunt accidentia: atqui non possunt esse in Deo accidentia: ergo vere attributa omnia Dei essentiam ingrediuntur.

Respondemus ad I. SS. Patres intelligendos esse de essentia physica, non vero metaphysica; & revera essentia physica Dei consistit in omnium attributorum Dei collectione, ut diximus. Immo sunt Theologi, & præcipue Cacharanus, qui probant, ex hoc, non posse consistere essentiam Dei metaphysicam in collectione attributorum, quia hæc collectio essentiam Dei physicam constituit; quum diversificari debeat in Deo, ut ipse ait, essentia physica a metaphysica, & Deus formaliter sumptus a se ipso sumpto materialiter. S. Hieronymus dicitur, quod, vel loquitur de natura Dei physice sumpta; vel potius, quod de Dei immensitate disserit; ut ex ejusdem verbis attentius consideratis innoscitur. Ad II. concedimus majorem, & negamus minorem propositionem; illud enim attributum peculiare cætera attributa contineret, non formaliter, sed radicaliter, & hoc sufficeret, ut per ipsum definiri possit Deus, quo nihil melius excogitari potest. Ad III. Distinguiamus consequens; erunt præter essentiam physicam, negamus; præter essentiam metaphysicam, concedimus; sicque accidentia non erunt.

Dicimus II. In Aseitate, seu Independentia, metaphysicum divinæ essentiae constitutum non consistere. Probatur I. Essentia nequit in relativo consistere, sed debet in prædicato absoluto consistere; sed si in aseitate poneretur, consisteret in relativo; ergo nequit consistere in aseitate. Probatur minor. Aseitas dicit negationem dependentiæ; sed semper remanet investigandum absolutum illud hujus relativi independentis: ergo per aseitatem non explicatur absolutum, sed relativum tantum. II. Nequit essentia consistere in formali negatione; sed sic esset essentia divina, si consisteret in aseitate: ergo in aseitate non consistit. Probatur minor. Consisteret in negatione dependentiæ: ergo consisteret in formali negatione. Et quanvis dicator, hoc negativum voceretur tantummodo esse negativum, propter vocabulorum penuriam, positivum nihilominus importaret; seu melius, explicari per negativum, quanvis ipsum te vera sit positivum. Per hoc tamen argumenti vis non retunditur; formaliter enim aseitas dicit non abalcatem, & ergo formaliter dicit negationem. Immo potius e contra videtur, quod res se habeat, ac Adversarii respondent; etsi enim sit

fit positivum quod dicitur a se, id, quod nihilominus importatur per vocem illam, est negativum; Essentiæ autem non in nomine, sed in eo, quod per nomen importatur, consistere debet: ergo formaliter in negativo consistet. III. Sequeretur, quod Filius non esset Deus, quum non sit a se, sed a Patre; neque Spiritus Sanctus, quum sit a Patre, & Filio. Si Adversarii respondent; Verbum, & Spiritum Sanctum, non esse ab alio, tanquam a causa, sed tanquam a principio; vel non esse ab alio in essentia, sed in relativa perfectione, quæ est ab alio, tanquam a principio, & non a causa: Nec quidem per hanc responsum rationi adæquate occurrunt; quia omne, quod est in Deo, debet rationem constitutivi essentialis participare, sive sit natura, sive sit relatio; & a seitas, quum dicat omnimodam independentiam, debet etiam independentiam importare, & a principio, & a causa. IV. A seitas dicit in Deo solam perfectionem in genere essendi; ergo non est attributum totaliter explicans essentiam Dei, quæ consistit in omni perfectione; atqui sic debet esse prædicatum constitutivum essentiæ divinæ: ergo a seitas non est prædicatum divinæ essentiæ constitutivum. Et quanvis quodcunque attributum, quod est in Deo, sit unum a se; hoc tamen non importatur per a seitatem; quia a seitas ex se tantum dicit independentiam in essendo; adeoque in uno genere tantum; quanvis cætera, quæ sunt in Deo, sint etiam independentia, sed in aliis generibus.

Arguunt Adversarii Lex Scripturæ. Exodi 3. 14. dixit Deus ad Moysen: *Ego sum, qui sum; sic dices filiis Israel: qui est, misit me ad vos.* Atqui hoc, quum sit nomen a Deo ipso sibi interpositum, oportet, ut sit suæ divinæ essentiæ constitutivum, & explicativum. II. ex Patribus, qui hanc confiderationem faciunt, & firmant. Ambrosio in psal. 43. *Non respondit nomen, sed negotium; hoc est rem expressit, non appellationem, dicens: Ego sum, qui sum; quia nihil tam proprium Dei, quam semper esse.* Hilario lib. r. de Trinit. c. 5. *Admiratus sum, tam absolutam significationem, quæ natura divina incomprehensibilem cognitionem aptissimo ad intelligentem humanam sermone loqueretur; non enim aliquid magis proprium Deo, quem esse intelligitur.* Augustino in psal. 74. *Non dixit Dominus sic: Dices filiis Israel, qui est omnipotens, justus, misericors, misit me ad vos; sed, sublati aliis nominibus, ipsum esse vocari voluit; tanquam hoc sit proprium*

PAR. I.

nomen ejus essentiam significans. Bernardo lib. r. de considerat. c. 6. *Si bonum, si magnum, si beatum, si sapientem, vel quidquid tale de Deo dixeris, in hoc verbo insinuat, quod est, est; nempe hoc est ei esse, quod hac omnia esse; si & centum talia addas, non recessisti ab esse; si enī dixeris, nihil addidisti; si non dixeris, nihil minuisse.* III. ex Rationibus. I. Per a seitatem distinguitur Deus ab omni eo, quod non est Deus: ergo a seitas est suæ divinæ essentiæ constitutivum. Probatur antecedens. Per a seitatem distinguitur a creaturis; sed omne aliud, quod non est Deus, est creatura: ergo per a seitatem distinguitur Deus ab omni eo, quod non est Deus. Probatur major. Creaturæ sunt dependentes: ergo per a seitatem distinguitur Deus a creaturis. II. Creatura, ideo est creatura, quia est dependens, non vero quia est finita: ergo Deus ideo est Deus, quia est a se, non quia est infinitus. III. A seitas est primum prædicatum inter omnia alia Dei, excepta ratione entis, quæ in conceptu a seitaris involvitur, & non e contra: ergo ipsa est constitutiva, & distinctiva Dei.

Respondemus ad Scripturas, illas intelligi de perfectione Dei in essendo, in quo Deus utique est perfectissimus; sed ultra hanc perfectionem, Deus habet omnimodam, rationem perfectiorem, seu rationem omnimodæ perfectionis, quæ quidem antecedit in nostro conceptu rationem talis perfectionis. Et quia Moyses non debebat filiis Israel lectionem facere de essentia Dei, sed tantum dicere de Deo id, quod illis poterat notius esse, de illa perfectione loquutus est Deus, quæ, quum sit in genere essendi, notior, & manifestior est hominibus; non per hoc tamen intendit, quod in hac una, & tali perfectione ratio omnis perfectionis, aut contineretur, aut comprehenderetur. Ad Patres eadem adhibenda est responsio; quatenus scilicet dependentes illam perfectionem, quam verbis illis, quibus Deus Moysen alloquebatur, manifestavit, eandem, putaverunt, notiorē esse, propriorem, & pœnitiorē, in Deo, sed tamen respectivē, non absolute; respectu scilicet illarum perfectionum, justitiæ, omnipotentiae, magnitudinis, bonitatis, sapientiae, misericordiae, &c. quæ non sunt in Deo in ratione essendi, sed in ratione operandi. Et quia ratio essendi est prior, ideo illa perfectio-
nis usus est Deus, & illam expenderunt SS. Patres; potius quam alias, quæ in ratione operandi consistunt. Non autem per

H

hoc

hoc est prior ratione omnimodæ perfectionis; quum, etsi sit prior perfectio, semper tamen est talis; adeoque posterior, & descendens, a ratione omnimodæ perfectionis, de qua loquemur inferius. Ad Rationes dicimus ad I. Negativum posse esse utcumque distinctivum, & quidem primo distinctivum, secus vero constitutivum; & quanvis dicatur, primum distinctivum esse ultimum constitutivum, tamen hoc ipsum de positivo intelligitur, non vero de negativo. Homo quanvis a leone distinguatur per hoc, quod leo sit rugivus, & homo non; sicque non rugivitas est primum distinctivum hominis respectu leonis, qui est rugivus; non per hoc tamen est ultimum ejusdem hominis constitutivum, quia hoc positivum distinctivum est, non negativum. Ita pariter; Deus distinguitur a creatura, quia creatura est dependens, Deus non est dependens; *To non dependens* licet sit primum distinctivum. Dei respectu creature, quæ ultimo constituitur, & primo distinguitur, per dependentiam; non per hoc tamen est ejusdem Dei ultimum constitutivum, quatenus non consistit in positivo, sed in negativo. Ad III. negatur, quod a se sit primum prædicatum in Deo. Ex alio enim oritur, in quo nos divinam essentiam metaphysice sumptam constituemus.

Dicimus III. Infinitatem radicalem non esse ultimum divinæ essentiae constitutivum. Probat. Dum dicitur, quod radicalis infinitas ultimo Dei essentiam metaphysice sumptam constituit, ratio formalis essentiae, vel cadit in infinitate, quæ tali, quæ scilicet infinitate, vel in tali infinitate, scilicet radicali? Si primum? Ergo Dei essentia erit communis creaturis; prædicatum enim infinitatis quæ tale, præcendens scilicet a tali, vel tali infinitate, communicabile est creaturis; ut ex Philosophicis supponimus. Si secundum? Ergo coincidit hæc sententia cum illa in conclusione I. jam confutata. Probat. Consequentia hæc. Dicere, quod in infinitate radicali consistat, idem est, ac dicere, quod in omnium Attributorum infinitate consistat; sed in omnium Attributorum infinitate consistere est consistere in omnium Attributorum collectione; ergo coincidit cum sententia in conclusione I. jam confutata. Probat. major. Infinitas radicalis est infinitas in omni genere; ergo est infinitas in omnium genere Attributorum; ergo dicere, quod in infinitate radicali consistat, idem est, ac dicere, quod consistat in

omnium Attributorum collectione. II. Infinitas in Deo oritur ab Aseitate; ergo non est prædicatum divinæ essentiae constitutivum. Probat. antecedens. Ideo Deus est infinitus, quia est illimitatus; ideo autem est illimitatus, quia non habet, qui sibi terminum in perfectione præscribat; ergo id eo illimitatus, quia non est ab alio; ergo, quia est a se; ergo ab aseitate oritur infinitas. Illa ultima causalis probatur. Ens finitum ideo est finitum, quia tantam habet perfectionem, & non majorem; tantam autem, & non majorem, a se non habet, sed ab alio; ab illo scilicet, a quo & perfectionem habet, & limitationem perfectionis; ergo in tantum ens finitum perfectionem habet finitam, quia est ab alio; ergo ens infinitum ideo habet perfectionem infinitam, hoc est nun limitatam, quia non est ab alio; ergo quia est a se. III. Essentia dicit formaliter esse subsistens; sed infinitas dicit modum imbibiturum in omnibus Dei perfectionibus; ergo nequit essentiam Dei metaphysice constituere.

Arguunt I. Infinitas radicalis est prædicatum proprium ipsius Dei, ita ut nullo modo possit alteri convenire; ergo per ipsum distinguitur Deus ab omni alio, quod non est Deus. Consequentia sequitur; antecedens negari non potest; nulla enim datur, vel debilis est, creatura, quæ in omni genere sit infinita. II. Deus ideo est a se, quia est infinitus. Si enim infinitus non esset; ergo finitus; ergo limitatus; ergo ab alio limitatus; ergo non a se; ergo potius aseitas ex infinitate oritur. III. Omne, quod est in Deo, debet esse infinitum; ita ut si infinitum non sit, Deus non sit; ergo signum est, quod in infinitate consistat Divinitas.

Respondemus ad I. existere per essentiam, esse actum purum, esse omnimode immutabilem, esse a se, taliter sunt prædicata propria ipsius Dei, ut nulli alteri possint, præter Deum ipsum, convenire; ergo, ex Adversariorum ratione, non minus in infinitate, quam in adductis aliis attributis, Dei essentia consistit. Aliquid aliud igitur requiritur præter hoc; & est quidem esse primum respectu aliorum attributorum; quod infinitati radicali non convenit. Ad II. dicimus, aseitatem inferri ex infinitate, non a priori, sed a posteriori; a signo scilicet: Attamen infinitas ex aseitate inferitur, quasi a priori. Aque enim dici potest: Deus est a se; ergo est infinitus: Et Deus est infinitus; ergo est a se; sed non eodem modo. Pariter æque dici potest: ho-

mo est discursivus: ergo discurret; & homo discurret: ergo est discursivus; cum hac tamen differentia, quod quando dicimus, homo est discursivus, quia discurret, ex discursu actuali potentiam discurrendi a posteriori deducimus: Quando vero dicimus; homo discurret, quia est discursivus, actualitatem discursus a priori ex potentia discurrendi inferimus. Ita pariter, cum dicimus; homo est rationalis, quia est risivus: homo est risivus, quia est rationalis. Sic etiam, cum dicimus: Deus est a se, quia est infinitus, ex infinitate, a posteriori, deducimus a seitatem. Cum vero dicimus: Deus est infinitus, quia est a se, ex a seitate, quasi a priori, infinitatem inferimus. Ad III. dicitur etiam, quod omne, quod est in Deo debet participare de ratione a seitatis; & tamen per Adversarios a seitas non est divinæ essentiæ constitutum. Ergo non per hoc præcise in infinitate erit essentia Dei, metaphysice accepta, reponenda.

Dicimus IV. Essentiam Dei, metaphysice sumptam, in actuali intellectione non consistere. Probat 1. Intelligere est operari; sed operari supponit esse: ergo intelligere supponit esse jam antecedenter ad intellectionem constitutum: ergo essentia Dei per actuale intellectionem non constituitur. II. Intellectivitas ex S. Thoma, oritur ex immaterialitate: Ideo enim probat, Deum esse intellectivum, quia est immaterialis: ergo intellectio non est primum prædicatum in Deo. III. Intellectio actualis, præcise qua talis, non potest esse propria ipsius Dei; aliter homines, quando actualiter intelligerent, de divinitate participarent: Et ideo, subiungit Stephanus Spinula, quod sit intellectio actualis intima, & perfecta in omni genere: At si hoc est, divinæ essentiæ constitutum potius infinitatem, quam actuale intellectionem, appellat; sique redeunt argumenta contra præcedentem opinionem, jam facta.

Arguunt I. Prædicatum nobilius debet ingredi essentiam Dei; prædicatum nobilius est ratio vitæ: ergo ratio vitæ debet ingredi essentiam Dei: Atqui prædicatum nobilius in ratione vitæ est ratio vitæ intellectualis: ergo ratio vitæ intellectualis, & a fortiori ratio actualis intellectionis, debet ingredi essentiam Dei. II. Deus essentialiter excludit quamlibet potentialitatem: ergo ejus essentiam debet actualis ratio ingredi; sed hæc non debet conjungi, nisi cum prædicato nobilissimo: ergo cum prædicato in-

PAG. I.

tellectionis. III. Nomen Dei, ex libro de divinis nominibus, qui S. Dionysio Areopagita tribuitur, importat intelligentem; non quidem potentialiter: ergo actualiter.

Respondemus primo ad primum, & secundum argumentum, ea procedere non de constitutivo essentiæ, sed de constitutivo naturæ divinæ; vel de constitutivo essentiæ virtualiter, non vero metaphysice, sumpto; ut clarius in sequenti Dissertatione patebit. Secundo distinguitur major primi argumenti; prædicatum nobilius in ratione elsendi, conceditur; in ratione operandi, negatur. Sic pariter distinguitur minor; prædicatum nobilius est ratio vitæ, in ratione operandi, conceditur; in ratione elsendi, negatur; & negatur pariter consequentia. Sic etiam distinguitur consequens secundi argumenti; ejus essentiam debet actualis ratio ingredi, in ratione operationis, negatur; in ratione entitatis, conceditur. Ad III. Concedimus, per nomen Dei importari intellectionem; & ideo sua nature, virtualiter accepta, est actualis intellectio, ut dicemus. Verum alii hoc idem nomen, Deus, aliunde derivant. Audiat Theophilus Antiochenus lib. 1. ad Apolyicum. *Deus nominatur id est divinus, quod eo, quod omnia in suam securitatem collocavit. Idem nomen & a σοφία, id est currenda sortitus est.* Ex etymologia tamen non bene deducitur essentia; homo nanque, ut plerique autumant, dicitur ab humo; quem admodum Adam hebraice dicitur ab adama, quod significat terram rubram: Ergo humus, aut terra rubra, erit hominis essentia? Apagetur.

Dicimus V. Deum in ratione Dei metaphysice constitui per hoc, quod sit in omni genere perfectissimus; adeoque rationem, perfectissimi omniumdam, plenam, & absolutam in omni genere esse ultimum divinæ essentiæ, metaphysice sumptæ, constitutum.

Probat Lex Scripturæ; & quidem Exodi 3. 14. *Ego sum, qui sum*: Ubi Deus nullum sibi attribuit nomen, quia peculiare nomen non poterat omnes ejus perfectiones, in quibus ipse physice consistebat, & in quarum omnium ratione præcisa, & abstracta metaphysice intelligebatur, explicare. Hoc ex Iustino martyre deducimus, si vere illius sit liber Cohortationis ad Græcos, quem citat Du-Hamel, & cuius tamen Bellarminus non meminit. At ergo Iustinus; *Pieri tamen omnino non potest, ut proprium aliquod nomen Deo tribuatur. Propterea quod nomina ad designationem, & distinctionem*

H 2

tigent

tionem subjectarum rerum, qua varia sunt, & multa, imponantur. At Deus opus esse non dicit, ut se aliquo nomine designaret, unus existens. Scilicet, quia unumquodque nomen unam designabat perfectionem; & ideo Deus, qui in omni perfectione est perfectissimus, noluit uno peculiari nomine appellari. Dixit se tantum existentem, ut in una notiori, & principali perfectione se manifestaret. Ergo ex hoc inferimus, quod ratio illa perfectissimi, quæ ex omnibus perfectionibus Dei abstrahitur, & quæ continet plenam omnimodam absolutam in omni genere rationem perfectissimam, est sufficiens ad Dei essentiam, metaphysice acceptam, constituendam.

Probat 2. ex Patribus; Eusebio Cæsariense de præparatione evangelica lib. 8. c. 2. *Primum enim omnium de Deo opinantur, quod ipse perfectissimus, atque beatissimus sit, sibi, atque cæteris, sufficiens, &c.* Ergo ex Eusebio rationem perfectissimam primum in Deo concipimus; non unam, aut alteram peculiarem perfectissimam rationem: ergo omnimodam, plenam, absolutam, in omni genere, ex qua peculiare omnes rationes perfectissimæ emanant. Augustinus lib. 8. de Trinit. c. 3. *Tolle hoc, & illud, & vide ipsum bonum, si potes; ita demum videbis, non in alio bono bonum, sed bonum omnis boni.* Hoc bonum omnis boni est certe perfectio omnis perfectionis, quæ Deum primario constituit. Omne, quod est in Deo, est bonum, & est perfectissimum bonum; sed est tale bonum, talis perfectio, talis ratio perfectissimi; ergo quod constituit ipsum Deum est bonum omnis boni, perfectio omnis perfectionis, ratio perfectissimæ rationum omnium perfectissimarum. Damasceno lib. 1. Fidei c. 32. exponente illud cap. 12. de divinis nominibus, cujus Auctor dicitur S. Dionysius Areopagita: *Ipsa quoque bonitas divinam totam essentiam, quicquid tandem sit, definient, atque cunctantur, & scribent; quemadmodum ait S. Dionysius, primum Dei nomen est bonum. Non enim primum dicendum de Deo est esse, sed ipsum bonum. Sequens vero nomen est Deus.* Si ergo bonitatis nomine perfectio venit, & divina essentia primo in bonitate consistit; quis negabit, in perfectione consistere? Non quidem in hac, vel illa perfectione, nec in omnium perfectionum cumulo, seu collectione, metaphysice loquendo, sed in ratione illa abstracta, & præcisa ab omnibus perfectionibus, quæ dicitur plena, omnimoda, absoluta, in omni genere, & simpliciter, a qua omnes rationes peculiarium

perfectionum fluunt, atque dimanant. Probat 3. modo, & explicatur, conclusio Rationibus 1. Ratio perfectissimi absolute, in omni genere, & simpliciter, omnimoda, & plena, nihil aliud importat, quam rationem illam, a qua perfectiones, quæ in Deo sunt, metaphysice oriuntur; sed hoc ipsum est esse divinæ essentiae, metaphysice sumptæ, constitutum; ergo ratio illa perfectissimi vere divinam essentiam metaphysice constituit. Probat 4. major 1. Nomen rationis perfectissimi absolute in omni genere, &c. venit ratio virtualiter continens perfectiones omnes, seu perfectiones cujuslibet generis, quæ in Deo reperiuntur; & quæ ab ipsis perfectionibus particularibus est præcisa; ergo ratio perfectissimi absolute in omni genere, &c. nil aliud importat, quam rationem illam, a qua perfectiones omnes, quæ in Deo sunt, metaphysice oriuntur. Minor etiam primi argumenti probatur. Ratio perfectissimi absolute in omni genere, &c. quantum nobis licet, continet omnes, quas in Deo cognoscimus perfectiones; & per eandem rationem a perfectionibus creaturarum Deus distinguitur; sed hoc ipsum est esse divinæ essentiae, metaphysice sumptæ, constitutum; ergo ratio perfectissimi absolute, &c. est divinæ essentiae constitutiva. Major est certa; in ratione enim illa, quæ est simpliciter perfectissimi, continentur rationes omnes, quæ sunt perfectissimi secundum quid; si continentur, ab eadem quoque dimanant omnes; & tandem per illam a creaturis, quæ perfectiones quidem continent, sed non perfectissimi rationes, & si perfectissimi, non simpliciter, sed secundum quid, secernuntur. De minori non dubitatur.

Probat 5. adducendo, & explicando discrimen intercedens inter hanc rationem perfectissimam, & rationes alias, in quibus Adversarii essentiam divinam consistere defendunt. Et primo quidem differi a collectione omnium attributorum primæ sententiæ; quatenus hoc nostrum est prædicatum speciale, & præcisi; & licet ab aliquibus sententiam illam ruenibus prædicatum etiam speciale dicatur ratio collectionis prædicatorum omnium; nihilominus ab hoc etiam prædicato ratio perfectissimi differi; quatenus ex eo, quod Deus est ens perfectissimum in omni genere absolute, & plene, sequitur, quod omnia, illa attributa habeat, & per consequens eorundem collectionem; igitur ex ratione perfectissimi speciale prædicatum collectionis

tionis oritur. Differt secundo ab Aseitate; quia hoc, quod est esse a se totum, imbibitur in quovis Dei attributo, propter quod aseitatem a ratione divinæ essentiae Thomistas excludunt; non sic autem ratio perfectissimi plena, & absoluta, ut in tertia probatione dicemus. Ulterius aseitas est talis ratio perfectissimi, ratio scilicet perfectissimi in ratione essendi; quæ quidam est ratio perfectissimi secundum quid, & in aliquo genere; non ergo est ratio perfectissimi plena, & in omni genere. Differt tertio ab infinitate radicali; quia, etiam infinitas est ratio perfectissimi secundum quid, & in aliquo genere. Insuper, non est idem dicere perfectissimum, & infinitum; quatenus in Philosophicis probavimus, dari posse infinitum unum majus altero, etiam in eodem genere; non sic autem admitti potest perfectissimum unum majus altero in eodem genere; ut patet. Quod differat ab intellectioe, non negatur.

Probatur III. In tantum Thomistæ a constitutivo essentiæ divinæ aseitatem excludunt, in quantum aseitas attributa omnia transcendit, & in ipsis imbibitur; æque enim dicitur valere; immensitas Dei est a se; æternitas Dei est a se; sic omnipotentia, misericordia, justitia, &c. sunt omnes a se; sed hæc ratio transcendens in ratione perfectissimi absoluta simpliciter, & in omni genere non reperitur; ergo excludenda non est a constitutivo essentiæ divinæ. Ostenditur minor. Quavis enim omnipotentia in Deo sit perfectissima, sic immensitas, æternitas, justitia, &c. nihilominus neutra ex his est perfectissima simpliciter, & in omni genere; sed in genere tantum potestatis, immensitatis, æternitatis, justitiæ, &c. adeoque secundum quid. Igitur in quovis attributo non reperitur ratio perfectissimi simpliciter absolute plena, & in omni genere, quæ est essentia Dei; sed totum ratio perfectissimi secundum quid, & in aliquo genere, quæ non est essentia Dei. Nec possunt Adversarii id ipsum etiam dicere de aseitate, asserendo omnium, quod etiam omnipotentia habet aseitatem in genere omnipotentia, sic immensitas, sic æternitas, &c. Non possunt quidem dicere; quia hoc, quod est esse a se, non quid diversum dicitur in omnipotentia, ac in immensitate, in æternitate, in misericordia, &c. quia idem, omnium est conceptus objectivus aseitatis; non sic vero in ratione perfectissimi; diversa enim hæc est in omnipotentia, ac

in sapientia, sicut diversa est omnipotentia a sapientia. Unde sequitur, quod in omnipotentia totalis ratio aseitatis imbibitur, non vero totalis ratio perfectissimi.

Probatur IV. ostendendo, tam attributorum collectionem, quam aseitatem, infinitatem radicalem, & actualem intellectioem, in quibus per Adversarios ponitur ratio constitutiva divinæ essentiae, ex hac ratione perfectissimi plena simpliciter in omni genere, tanquam proprietates ab essentia, metaphysice quidem profuere, & emanare. Datur enim in Deo ratio perfectissimi absoluta simpliciter in omni genere; ergo datur in Deo talia, & talis ratio perfectissimi in particulari, & secundum quid sumpta; scilicet aseitatis, infinitatis radicalis, intellectioem actualis, ceterorumque attributorum. Unde secundum hanc rationem possumus Deum definire, eo scilicet modo, quo imperfecte possumus: Est ens perfectissimum in omni genere absolute.

Arguunt Adversarii I. Multi Philosophi admittunt possibilem creaturam perfectissimam; & nos etiam in Philosophia, quum de Infinito ageremus, admisimus; ergo ratio perfectissimi non est tantum propria Dei. Et quum Adversarii oppoerent, creaturam illam esse divinam, nos respondebamus, minime; quia perfectissimum Dei est a se, perfectissimum vero creaturæ est ab alio, scilicet a Deo. En ergo, quod semper ad aseitatem confugimus, quando Deum volumus discernere ab omni eo, quod non est Deus. II. Hæc ratio perfectissimi vocatenus exponitur, quum mente sit inconcepribilis; quid enim aliud præter ceteras perfectiones importat? Si aliud? Hoc aliud ergo continebit ceterorum attributorum perfectiones; ergo darentur multiplicata perfectiones in Deo. Si oibilib? Ergo coincidit cum sententia in prima conclusione refutata. III. Quando dicimus, rationem perfectissimam plenam constituere essentiam Dei, vel formalis ratio essentia cadit supra rationem perfectissimi solam, vel supra plenitudinem? Si primum? Hæc eadem in creaturis est etiam reperibilis. Si secundum? Ergo sententia in prima conclusione confutata resurgit. IV. Ipsi ratio perfectissimi est perfectio; ergo supra ipsam debet assignari alia ratio perfectissimi, ex qua illa oriatur; & supra hanc alia; & sic usque in infinitum. Dicitur enim a nobis, quod hæc ratio perfectissimi plena abstractitur, & præcinditur, ab omnibus perfectionibus Dei; igitur, vel præcinderetur

tur a se ipsa, vel supra ipsam daretur alia ratio perfectissimi, vel ipsa non esset perfectio. V. Si hæc ratio perfectissimi plena præceditur, & abstrahitur; ergo antecederet ad illam intelliguntur alie rationes perfectissimi, a quibus præscinditur, & abstrahitur: ergo non est prima, quæ concipitur in Deo: ergo non potest esse divinæ essentiae constitutiva. VI. Hæc ratio perfectissimi abstracta, & præcisa est quid metaphysicum: ergo non potest constitutive divinam essentiam, nec etiam metaphysicæ. Et ratio est, quia, quanvis dicatur, quod constitutum sit metaphysicum, nihilominus realitas importata per huc constitutum metaphysicum debet esse quid physicum, quia concipitur in Deo physico, & reali, non ideali, logico, & metaphysico. Nulla autem est realitas, quæ correspondeat rationi huic abstractæ, nisi omnes rationes perfectissimi secundum quid, seu peculiare perfectiones, & attributa Dei: ergo vel semper coincidemus cum sententia in prima conclusione confutata, vel nihil dicimus, quod sit vere Dei physici, & realis, sed tantum Dei abstracti, metaphysici, & logici, constitutum.

Respondemus ad I. Philosophos, qui docent possibilem creaturam perfectissimam, eam asserere perfectissimam non in omni genere, non simpliciter, non absolute; sed tantum in aliquo genere, & secundum quid. Sic nos in Philosophicis diximus. Magna autem est differentia inter unam rationem perfectissimam, & inter omnes. Nec per hoc, quod constituitur Deus perfectissimus in omni genere, nequit creatura dici perfectissima in aliquo genere; quia aliter nemo posset dici sapiens, iustus, misericors, quia Deus est iustus, est sapiens, est misericors. Et tamen dicitur, & bene dicitur, quia Deus est perfectissime iustus, sapiens, misericors, non sic tamen sunt homines. Et si aliquis homo possibilis esset perfectissime sapiens, non per hoc esset Deus; quia unam solam rationem perfectissimam haberet, Deus autem omnes; esset enim perfectissime sapiens, non esset tamen perfectissime iustus; misericors, &c.

Ad II. dicimus, rationem perfectissimi physice nil aliud importare, quam rationes perfectissimi attributorum omnium; metaphysice vero rationem illam, quam nobis licet præscindere ab illis omnibus, quæ sunt in Deo, & illam sic concipere, ut ab eadem intelligamus cæteras omnes, quæ sunt in Deo pariter, emanare. Concipies igitur, non unam, aut alteram Dei per-

fectionem, sed omnes; non tamen omnes, ut plures, ac omnes, ut unam; quatenus omnes quidem conveniunt in communi ratione perfectionis, seu perfectissimi. Hæc ratio, sub qua illas omnes concipies, erit ratio perfectissimi plena, absoluta, omnimoda, simpliciter, & in omni genere; & erit per consequens divinæ essentiae, metaphysice sumptæ, constitutiva.

Ad III. dicitur, nec esse solam rationem perfectissimam, nec solam plenitudinem; sed rationem perfectissimam plenam, & plenitudinem rationis perfectissimam. Idem argumentum fieri posset contra essentiam hominis, dicendo; vel consisteret in sola animalitate, vel in sola rationalitate; quomodo tamen in utraque consistat. Nec est novum: in aliis essentiis rerum creaturarum, in quibus duæ rationes essentiam constituunt, una, quæ se habet loco generis, & altera, quæ est loco differentie. Sicque in divina essentia possumus suo modo discurrere; quod scilicet ratio perfectissimi sit loco generis, quia per eam convenit essentia eum cæteris attributis; & ratio plenitudinis sit loco differentie, quia per eam essentia a cæteris attributis differt; quomodo tamen a creaturis per utramque rationem differat, & per rationem eam cum illis conveniat.

Ad IV. occurrit dicendo, rationem perfectissimam esse omnem perfectionem, seu physice loquendo, esse omnes perfectiones, quæ in Deo reperiuntur; metaphysice vera esse rationem abstractam ab his omnibus perfectionibus. Et dum dicitur, num sit perfectio? Respondetur, quod virtualiter est omnis perfectio, formaliter vero est ratio præcisa ab omnibus perfectionibus; quæ quidem physice non dicit peculiarem perfectionem, metaphysice vero importat omnes perfectiones, quatenus omnes concipiuntur, ab ipsa proficere, & emanare, quomodo concipiatur ab ipsis omnibus abstracta, atque præcisa. Et sic patens est constituere peculiare prædicatum in Deo, logice quidem, & metaphysice, non autem physice.

Ad V. dicitur, quod etiam in homine ratio animalitatis, & rationalitatis, abstrahuntur, & præscinduntur, ab operationibus hominis, quæ sunt vel sensum, vel mentis; & etiam operationes istas præsupponuntur ad rationes illas præcisas, & abstractas; & tamen nemo dixit, quod rationes illæ non sint primæ, quæ in homine concipiuntur. Sufficit igitur ad hanc primitivam salvandam, quod sint primæ in ratione

tione prædicat; quatenus constituunt prædicatum illud in Deo, a quo cætera prædicata inferuntur. Nec necessaria est prioritas temporis ad constituendum prædicatum essentiæ, sed satis est prioritas dignitatis, & eminentiæ.

Ad VI. Si quærimus constitutivum metaphysicum essentiæ divinæ, absque dubio loquimur de Deo metaphysice, non physice, considerato. Physice quidem constituunt Deum perfectiones omnes, quæ sunt in Deo; ex his omnibus abstrahitur omnimo-

da ratio perfectissimi, & hæc metaphysice constituit Deum. Non enim hæc ratio perfectissimi plena absoluta in omni genere, &c. est quid chimæricum, quod ab intellectu fingatur, adeoque cum Deo physico, & reali non conformetur. Est quidem quid metaphysicum, quod fundamentum habet in Deo physico, & reali, scilicet omnes perfectiones, quæ in eo sunt; & ex his omnibus abstrahitur, & præscinditur, ut Deum constituat logice, & metaphysice, non autem chimærice.

DISSERTATIO XI.

De Constitutivo Divinæ Naturæ.



distinctionem Theologi faciunt inter divinam essentiam, & divinam naturam in hoc, quod naturæ nomine intelligunt constitutivum virtuale, seu essentiam virtualiter acceptam,

per quod natura divina ab omni alio, quod non est ipsa, virtualiter distinguitur. Pro essentiâ vero intelligunt prædicatum illud, quod est primum in Deo, cæterorum respectu, quæ in Deo etiam reperiuntur, & per quod ab omni, quod non est Deus, distinguitur, vel metaphysice, vel etiam realiter. Vel clarius explicant, dicendo, quod nomine essentiæ veniat esse, nomine naturæ veniat operari. Et ad hoc probandum afferunt S. Thomam, qui 1. par. qu. 39. ar. 2. ad 3. ait: *Essentia ab essendo dicitur... Natura designat principium operandi.* Et quavis Sancti Patres passim sumant essentiam pro natura, & naturam pro essentiâ, & utroque nomine sine distinctione utantur; S. Augustinus tamen distinctionis hujuscæ innuit aliquatenus doctrinam, dum lib. 5. de Trinit. c. 2. scribit: *sicut ab eo, quod est sapere, dicta est sapientia; ab eo, quod est scire, dicta est scientia; ita ab eo, quod est esse, dicta est essentia.* Et pro hac distinctione inter essentiam, & naturam divinam, quam rationis ratiocinatio, cum fundamento scilicet, non rationis ratiocinationis, hoc est absque fundamento, vult esse Cacheranus, stant fere omnes Theologi; & præcipue idemmer Cacheranus trac. 1. de Deo uno c. 2. §. 1. post Lugum lib. 1. disp. 16. c. 5. Cornejum 1. par. qu. 14. contra Salmat. in eundem articulum disp. 4. dub. 1. §. 2. Gabrielem a S. Vincentio 1. par. disp. 14. dub. 9.

Attramen noster P. Saguens t. 1. disp. 2. ar. 3. contra hunc communem intelligendi modum scripsit hæc, quæ sequuntur: „Notandum secundo, nullum habituram esse locum in asserctione sequente subtilitatem illam nimiam, qua nonnulli Theologi Divinitatem considerant aliter in ratione naturæ, & aliter in ratione essentiæ: Unde illi uno, alteroque modo consideratæ unum, alterumque assignant constitutivum; agentes, Divinitatem in ratione essentiæ acceptam, constitui per notionem entis a se; ac tum in ratione naturæ sumptam, esse per divinisimum quoddam intelligere constitutam. Duplicem vero rationem illam fundant in distinctione nescio qua virtuali inter essentiam divinam, & naturam divinam. Ne itaque, quod superfluum fuit, hinc, & inde virtualis illa præsumpta ventiletur distinctio; satis est, si monetur, nolite nos in subtilitatis illius perquisitionem hic ingredi; & ideo velle, quæ dicenda sunt, esse de naturâ divinâ, esse & de essenziâ divinâ, pariter intellecta.”

Ante P. Saguens fuit Stephanus Spinula, qui utriusque constitutivi, essentiæ scilicet, & naturæ divinæ, non admisit distinctionem. Attramen P. Saguens nullis rationibus hoc suum peculiare iudicium probare curavit, hoc solo contentus, quod ipsum dixerit subtile nimium Theologorum cogitatum. Cacheranus vero communem distinctionem tribus rationibus probat, quas hic afferre intendimus, antequam divinæ naturæ constitutivum exprimamus, atque probemus. Prima Cacherani ratio est hæc. Conceptus essentiæ est prior conceptu naturæ, etiam in Deo: ergo conceptus essen-

tiam distinguitur ratione ratiocinata a conceptu naturæ, etiam in Deo. Antecedens probatur. Simpliciter, & secundum se, unicuique rei prius convenit esse, quam operari, vel operari posse; sed conceptus essentiae dicit ordinem ad esse, naturæ vero ad operari: ergo conceptus essentiae est prior conceptu naturæ etiam in Deo. Major est certa; tum quia operari sequitur ad esse; tum etiam quia res quælibet prius est in ordine ad se, quam in ordine ad aliud. Minor etiam nota est ex terminis; quia essentia connotat esse; & natura dicit principium motus, quod operationem appellat. Secunda ratio est, Natura, & essentia, distinguuntur ratione ratiocinata, in creaturis: ergo etiam in Deo. In consequentia nullam vult esse repugnantiam; tum quia distinctio rationis ratiocinatæ nullam ponit in objecto imperfectionem; tum etiam quia esse, & operari, quæ faciunt fundamentum distinguendi in creaturis, reperiuntur etiam in Deo. Antecedens igitur probatur. Eadem res diversimode definitur, ut essentia, & diversimode, ut natura; Anima, ut essentia definitur, actus primus corporis; ut natura, definitur, quæ primo vivimus; & sic de aliis, &c. Tertia ratio est. Iusti per gratiam, & Beati per gloriam, dicuntur participes divinæ naturæ; at non dicuntur eodem modo participes divinæ essentiae: ergo non est idem essentia, & natura. Antecedens probatur. Ideo dicuntur participes divinæ naturæ, & non divinæ essentiae, quia sunt participes Dei potius in operari, quam in esse: ergo quia divina natura dicitur per ordinem ad operari, & divina essentia per ordinem ad esse, & Iusti, & Beati participant operari, & non esse, participes dicuntur divinæ naturæ, & non divinæ essentiae.

Cæterum S. Augustinus lib. de moribus Monachorum c. 2. de nominibus substantiæ, & essentiae, scribebat; *qui hæc nomina non habebant, pro essentia, & substantia naturam vocarent*. Et lib. 12. de civit. Dei c. 2. *novum quidem est, sed jam nostris temporibus usitatum nomen essentia*. Hæc Augustini verba citantur a Cacherano, quanvis in referendis primis dicat, *de moribus Manichæorum*, in tomo primo; quum tamen nec in tomo primo, nec in aliis, hic liber de moribus Manichæorum reperitur, sed tantum de moribus Monachorum, ut nos scripsimus. Idem assert ex Aristotele 3. metaphysicæ c. 4. *translationem autem jam, & omnis omnino substantia natura dicitur*,

Fonsæ exponens nomen illud, substantia, dicit, quod accipitur pro essentia. Attamen ipsemet Cacheranus ait, quod loquitur ibi Aristoteles in communi, & latiori significatione.

Dicimus modo, essentiam Dei virtualiter acceptam, seu naturam Dei, in actuali intellectione consistere; adeoque constitutum divinæ naturæ esse actualem intellectionem. Probatur I. auctoritate S. Maximi, apud Euthimum in panoplia par. 1. tit. 3., qui ait: *Dicimus, Deum esse ipsam per essentiam intelligentiam, & totam intelligentiam solam, atque omni intelligentia præsentior*. Item Origenis lib. 1. Periarcho, seu de Principiis: *Non corpus aliquod, aut in corpore putandus est Deus, sed intellectualis natura, nihil omnino in se ad iunctionis admittens*. Insuper Gregorii Nazianzeni orat. 49. *Est ergo in essentia sua Deus, cuius cognitio vita æterna est*. Nequeunt quidem verba S. Maximi intelligi pro essentia Dei, prout est a natura distincta virtualiter, ex præmissis in hac Dissertatione: ergo accipi debent de natura; adeoque ista in actuali intelligentia consistet. Verba autem Origenis aperte innuunt intellectualem naturam, ac per consequens intellectionem actualem, quæ constituit naturam Dei; ut mox probabimus. Verba demum Nazianzeni intelliguntur de vita, quæ est operatio; in genere autem operationis, & in genere vitæ, nobilior est intellectio, ut modo dixerat: ergo in natura sua Deus est actualis intellectio.

Probatur II. rationibus. I. Natura Dei virtualiter accepta non debet excludere vitam: ergo debet dicere vitam intellectualem, quæ est perfectissima in genere vitæ; Sed non in ratione vitæ intellectualis cum potentia, propter imperfectionem, quam dicit potentia; ergo in ratione vitæ intellectualis in actu: ergo in actuali intellectione consistit divinæ naturæ constitutum. Antecedens est certum; est enim Deus vivens, non sicut Dei Gentium, qui mortui erant. Consequentia prima sequitur; quia aliter in ratione naturæ, Dei natura esset imperfectior natura Angelorum. Aliæ propositiones probatione non indigent.

II. A Patre producitur Verbum, & a Patre, & Filio producitur Spiritus Sanctus; attamen Verbum dicitur genitum, Spiritus Sanctus vero procedens. Sed hoc non aliunde, quam quia dum Verbum per intellectionem procedit, formaliter ipsi intellectio, quæ natura est, communicatur.

Spi-

.Spiritus Sancto vero, quia procedit per voluntatem, formaliter communicatur volitio, quæ non est natura: ergo in actuali intellectiōe Dei natura, seu Dei essentia virtualiter accepta, consistit. Minor patet: quia Theologi docent, communicari immediate & formaliter personæ productæ illud, per quod ipsa persona producit. Unde patet, ab hac virtualitate, excludi voluntatem, & cætera prædicata, quæ ab ipsa intellectiōe distinguuntur; quia per actuale intelligere sufficientissime jam Deus ab omni alio actu cæterorum prædicatorum distinguitur: ergo omne aliud prædicatum virtualiter ab intellectiōe distinctum, erit quid a virtuali natura etiam distinctum.

II. Natura divina, virtualiter ab essentia distincta, debet consistere in operatione divina, & quidem ad intra. Si in operatione divina ad intra, vel in intellectiōe, vel in volitione? Non in volitione: ergo in intellectiōe. Non enim datur in Deo ad intra alia operatio, quam intellectiō, & volitio; quod autem non in volitione consistat, probatur; & quia volitio, quum ad intellectiōnem subsequatur, jam supponit naturam per intellectiōnem constitutam; & quia, quum ex se procedat ex potentia libera, non necessaria, non potest consistere naturam, quæ constituitur per intellectiōnem, quæ procedit ex potentia ex sui ratione necessaria.

Arguunt I. Naturæ ex suo formalissimo conceptu dicit principium operationis, non autem actuale operationem: ergo si Dei natura consistit in intelligere, consistit po-

tius in intellectiōe radicali, ut dicit actum primum, quam in ipso formali actu secundo. Antecedens est certum; quia natura est principium motus, & quietis. II. Actualis intellectiō supponit objectum suum; atqui in Deo non supponit aliquid præter Deum: ergo si supponit objectum suum, supponit ipsum Deum: ergo Deus antecedenter ad intellectiōnem jam supponitur constitutus. III. Nequit esse natura Dei, quæ est natura aliorum entium a Deo; sed actualis intellectiō est essentia cujuscunque Spiritus, saltem per Carcensem: ergo nequit esse natura Dei.

Respondemus ad I. distinguendo antecedens; natura ex suo formalissimo conceptu dicit principium operationis, semper positive, carens actuali operatione, negatur; indifferens ad id, ut sit conjunctum, vel separatum ab actuali operatione, conceditur. Et distinguitur etiam alia pars; non autem actuale operationem, in creaturis, quæ sunt admixtæ potentialitati, conceditur; in Deo, qui est actus purissimus, negatur. Distinctio patet ex rerarum. Ad II. distinguitur pariter consequens; supponit ipsum Deum, in ratione essentia, conceditur; in ratione nature, negatur. Jam Deus supponitur metaphysice constitutus per rationem perfectissimi omnimodum, & plenam in ratione essendi; in ratione autem operandi constituitur virtualiter per actuale intellectiōnem. Ad III. Negamus imaginationem Carcensis, qui pro Spiritus essentia actuale intellectiōnem admittit; ut probatum supponimus ex Philosophici.

DISSERTATIO XII.

De Divinis Attributis, seu Nominibus, vel Perfectionibus.



TSI quibusdam Theologis de schola videatur, idem importare attributum, ac proprietatem, vel passionem, ac pro eodem omnino accipi; nihilominus P. Lallemandet obser-

vat, proprietates, seu passiones esse qualitates quasdam a suo subjecto distinguibiles, quod quidem attributis non convenit. Perfectiones sane sunt Dei attributa Dei, non qualitates a Deo distinguibiles, ut qualitates aliarum subjectis suis distinguuntur; &

PAR. I.

hinc potius attributa, quam proprietates; perfectiones ipsas Theologi appellare consueverunt; quanvis etiam, ut plurimum, ad hoc, ut melius a nobis intelligantur, per modum proprietatum attributa etiam ipsa explicant, & explanent. Cæterum, strictius loquentes, hic attributi nomine non intelligitur, prout ipsum latius sumitur, prædictum quodlibet alteri tributum; qualia sunt omnia, quæ Deo tribuuntur, sive intrinsicè illi conveniant, ut sapientia, omnipotentia, relationes divinæ, &c;

1

sive

sive extrinsece, ut relationes Creatoris, Sanctificatoris, &c., sive per metaphoram, ut ira, dolor, penitentia, &c. Nec intelligitur, prout ipsum strictius accipitur, attributi nomine quolibet perfectio intrinsece quidem Deo conveniens, sed non secundum esse proprium; quales sunt perfectiones creaturarum, quæ simplices appellantur. At potius attributorum nomine intelligimus perfectiones absolutas, quæ secundum suum esse proprium in Deo sunt, & ab ejus essentia tanquam passiones, seu proprietates emanant. Et hoc pacto distinguuntur a relationibus per id, per quod dicuntur absolute; distinguuntur a simplicibus perfectionibus per id, per quod secundum suum esse proprium in Deo sunt, simplices autem perfectiones secundum suum esse proprium in Deo non sunt; distinguuntur tandem quodammodo a propriis, seu passionibus, quoniam ad ipsarum instar concipiuntur, ut dictum est, per id, per quod istæ physice sunt omnes de Dei essentia, non autem proprietates, seu passiones in creatis. Appellantur etiam divina Nomina, ut clare innuit Auctor libri de divinis Nominibus, qui S. Dionysio Areopagite tribuitur; in quo quidem libro non de aliis, quam de divinis attributis, est sermo.

Ut autem hujusmodi Attributa in Deo possimus, vel invenire, vel cognoscere, Theologi docent, petendum hoc esse ex prædicamentorum diversitate, quum intellectus noster potest in Deo concipere, concipiendo ipsum in ordine ad connota diversa. Hoc pacto tot Dei attributa cognoscemus, quot prædicata; & tot prædicata, quot intellectus noster poterit distinguere per ordinem ad connota. Prædicata igitur Dei in ordine ad creaturas possunt ab intellectu creato, vel generice, vel specificè, distinguui. Si specificè distinguuntur, infinita poterunt prædicata distingui, quum species creaturarum possibilitatem finem non habeant. Si distinguuntur generice, Dei prædicata ad quendam finitum numerum reduuntur, ultra quem neque creatus intellectus generice distinguere. Perfectiones autem create, in ordine ad quæ Dei prædicata distinguuntur, ad duo capita reduci possunt, quæ esse scilicet, & ad operari: Sicque quot modis distingui possunt generice esse, & operari creaturarum, tot etiam modis Dei prædicata generice distinguuntur.

Consideremus primo quæ ad esse pertinent: Hæc prædicata, vel respiciunt esse secundum

se, vel esse ad aliud comparative. Primi generis sunt, vel per inclusionem perfectionis, vel per exclusionem imperfectionis. Per inclusionem perfectionis solum, in Deo possumus distinguere infinitatem, & speciositatem prædicamentorum, hoc est inter se proportionem; sicque duo prædicata habentur, seu attributa, infinitas nimirum, & pulchritudo Dei. Per imperfectionis vero exclusionem, vel excludimus contingentiam essendi, & habemus aeternitatem, vel potentialitatem, & habemus rationem actus puri; vel dispositionem ad non esse, & datur incorruptibilitas; vel pluralitatem, & habetur unitas; vel tandem compositionem, & sic omnimoda in Deo simplicitas datur. Quæ autem prædicata ad esse ad aliud comparative spectant, sic distinguuntur. Vel comparisonem facimus ad locum, & habemus immensitatem in qua quum includatur penetrabilitas cum omni corpore, habetur etiam spiritualitas; vel ad tempus, & datur æternitas; vel ad creaturas, quibus est communicabilis, & habetur bonitas; vel ad creaturas, quarum excedit quancunque existentiam, & datur supernaturalitas. Modo explicamus prædicata, seu attributa, quæ respiciunt operari. Vel intelligitur operari ad extra, & habetur omnipotentia, dominium supremum, primas in causando, honorabilitas, adorabilitas, venerabilitas, &c. Vel ad intra; & hoc, vel est per intellectum, & sic datur sapientia, comprehensio, beatitudo, simplex intelligentia, idea, providentia, prædestinatio, &c. Vel est per voluntatem; sicque habentur impeccabilitas, fidelitas, indefectibilitas, liberalitas, sanctitas, amor, fruitio, &c. Hæc autem omnia prædicata Dei generica dicuntur, ut docet P. Magnanus, a quo hos explicandi modos accepimus. Ut autem plenam de Attributis Dei notitiam Legentes assequantur, hæc, quæ sequuntur quæstia proponere, & elucidare, constituimus.

Quæ igitur I. potest; An Attributa Dei sint infinita?

SI de intensiva infinitate sit sermo, certum est, quodlibet attributorum esse in intensione infinitum. In ente enim infinito, nihil, quod sit finitum, aut limitatum, reperiri vult. Verum insuper queri posset; an in sua formali ratione sint infinita, scilicet infinitate entitativa, & radicali? Ad quod etiam affirmative respondetur. Sapientia enim in suo formali conceptu nullam esse sapientie limitationem dicitur ergo in sua

sua propria formali ratione, etiam ab infinitate essentiae praescindendo, est infinita. Si vero sit fermo de extensiva infinitate, dissidium est inter Scholasticos: Nominales etenim volunt, attributa Dei numero esse infinita; sic Ockhamus, Gregorius Ariminensis, Gabriel, &c. Contra hos certat Frassen cum suis Scotistis, alique etiam, asserentes, extensivam infinitatem divinis attributis non convenire. Ex dictis possemus facillime dissidium hoc componere, si dicamus; quod, vel loquuntur de attributis generice sumptis, quae paulo ante enumeravimus, & ista finita sunt; si vero intelligunt attributa Dei specificè considerata, & haec infinita sunt. Et hoc quidem nemo negare potest; quatenus nemo potest non admittere, infinitas esse creaturarum species, quas Deus creare potest, ut supra diximus, & P. Magnus observat. Et licet Frassen loqui videatur de praedicatis Dei specificè sumptis, fallitur nihilominus, quando ait, finitas esse creaturarum species, enumerans tantum actuales, & possibiles non advertens; fallitur etiam enumerans praedicata generica, quae nos enumeravimus, & ea specificè appellans.

R. Saguens probat hac alia via, attributa essentiae divinae numero esse infinita. Essentia enim divina, quum suorum attributorum sit radix, hoc ipso facit, ut attributa divinae essentiae sint numero infinita. Quod sic ostendit. Eo plura sunt attributa divinae essentiae, quo essentia divina est perfectior in ratione radicit suorum attributorum; sed divina essentia est infinita in ratione radicit, non solum quoad intensionem attributorum, sed etiam quoad extensionem; ergo infinita sunt attributa, non tantum in intensione cujushbet attributi, sed etiam in extensione attributorum. Infero ex hoc etiam P. Saguens, quod quodlibet attributum est infinitum, tum intensive, tum extensive: Intensive quidem, quatenus sapientia scilicet habet infinitos gradus sapientiam in Deo; & extensive etiam, quatenus habes infinita objecta, ad quae extenditur; si non actualia, saltem possible.

Queri etiam potest II. An divina Attributa sint de essentia Dei, & quomodo inter se invicem, & de essentia praedicantur?

S.Upponimus hic, quod pro eodem non venit, esse idem cum essentia, esse de essentia, & esse essentiam. Esse idem cum essentia dicit, quod ab essentia non distin-

P. A. L.

guatur; sic unio non distinguitur ab unitis, & per consequens dicitur esse idem cum unitis. Esse de essentia importat peculiariter ad essentiam, & intime pertinere. Esse essentiam dicit, esse ipsammet essentiam. Primo modo habetur identitas negativa, qua duo ideo identificata dicuntur, quia non sunt distincta; ut in unione pater. Secundo modo habetur identitas positiva, qua identificata semper sunt talia. Unio enim est cum extremis identificata, quatenus ab his non est distincta; non est autem positive identificata, quia si sic esset, semper ac essent extrema, deberent esse unita. Dicimus ergo, Dei attributa non solum idem esse cum essentia Dei, sed ulterius esse de essentia Dei; hoc est non solum negative, sed etiam positive identificari cum essentia Dei. Hoc in nostris principis est evidens; quum enim essentia Dei sit ratio perfectissimi in omni genere, quævis ratio perfectissimi in aliquo genere debet cum illa ratione concipi omnimode identificata. Si autem per *To* esse de essentia intelligatur esse de ratione formali alicujus, quemadmodum ait Frassen Thomistas quosdam loqui de attributis divinis; in hoc sensu certum est, quodvis Dei attributum non esse de ratione formali essentiae divinae, sed ad summum de integrali, si physice spectetur, & de virtuali inadequate, si metaphysice: Unde in hoc sensu non dicimus, attributa esse de essentia Dei.

Circa praedicationem vero dicimus, attributa praedicari de Deo in conetere, dicendo nimirum: Deus est sapiens, est justus, est misericors, &c. Non posse autem de se invicem, & de essentia, in abstracto secundum sensum formalem praedicari. Ratio est, quia ratio formalis unius attributi non est ratio formalis alterius; nec ratio formalis unius attributi est ratio formalis essentiae; neque non potest dici: Potentia est sapientia, justitia est misericordia, &c. Possunt tamen praedicari in sensu reali; quatenus realiter sapientia, misericordia, justitia, &c. & cum essentia, & inter se invicem, identificantur. Hoc de attributis absolutis intelligendum est; de attributis vero relativis peculiaria sunt leges, quas alibi expendemus. Tandem possunt abstracta de concretis, & concreta de abstractis, praedicari; ut Deus est justitia, sapientia est misericors, omnipotentia est justa, justitia est Deus, &c.

Præter autem hæc attributa, seu perfectiones Dei jam dictas, aliae etiam perfectiones, quæ sunt perfectiones creaturarum, in Deo

1 2 con-

continentur; Verum; quum de Perfectione Dei dissertationem peculiarem instituerimus, de his agemus. Ulterius circa attributa quaeritur a Theologis, quomodo in Deo contineantur, an formaliter, an eminenti eodem in loco de hoc altero qua-

sio erit sermo. Denique de Attributis controvertitur, quomodo ab essentia divina, & a se invicem, distinguantur? Ex de hoc in sequentibus dissertationibus ad satisfactionem tractabimus.

DISSERTATIO XIII.

De Errore Eunomii circa distinctionem essentiae divinae ab attributis.



Deo Aëtianorum ab Aëtio, & Anomaeorum ab Eunomio, inter se junctae sunt sectae, erroresque commixti, ut nequear plenus de Eunomio haberi sermo, nisi eodem tempore de Aëtio habeatur. Utraque sane, & Aëtii, & Eunomii, secta, Arianæ, insuavis plantæ, ramus fuit infelicissimus; quo quidem pluribus in locis, potissimum in Oriente, longisque temporibus, adeo vexata est Ecclesia, ut usque dum omnino recideretur, innumeras interius, exteriusque acerrimas, pestes fuerit perturbationes, & strummas.

Primo igitur de Aëtio loquamur, posterius de Eunomio, ejusque errore, dicemus. Aëtius in ea Syriæ parte nazale solum habuit, quæ ultra Seleucidem in Ægyptum, & Arabiam, recedit, & quæ Libano, & Antilibano, includitur, quæque Cælesyria nominatur. Prætorii militis filius, aliquando aurifex fuit; postremo, fabrilis artis tædio affectus, Dialecticæ studio totum se dedit. Anno igitur CCCXX. vulgaris æræ, Tyrum se contulit, ibique Paulini, illius Urbis Episcopi, disciplinæ se tradens, sub eo magistro literarum ocia decurrebat. Mortuo autem Paulino, a Tyri urbe per Eulalium expulsus, Anazarbi constitit, inique duorum Luciani Martyris discipulorum conversatione utebatur. Postmodum Antiochiam venit, ubi Leontium cognovit, qui fuit illius civitatis Episcopus, & a quo demum ab illa quoque ejectus est. Inter hæc controversiarum cum Hæreticis se professorem exhibuit; at nihil ex hac professione exigens, unde vivere commodè posset, Medicinæ autem, quæ utilior sibi videbatur, proficere aggressus est. Hæc ex Philollorgio, qui fuit Aëtii discipulus, & asclea, a Ludovico Elia Dupino narratur.

At a S. Gregorio Nysseno deteriora de eo di-

cuntur. Ait etenim, ex vinearum cultore factum fabrum, in judicium fuisse a muliere vocatum, quod aureum monile sibi retinens, deauratum aliud eidem reddidisset. Deinde Lunioni euidam se adjungens, & in ejusdem consorcio vivens, non exiguum auri vim comparavit; unde medicinæ exercendæ initium sumpsit. Denique Aristotelicæ Dialecticæ subtilitatibus imbutus, hæc ad Galli Cæsaris aulam aditum sibi fecit. Tota autem suppellex ejus in Aristotelis Logicæ fallacis consistebat, quum alias sacre Scripturæ, & ecclesiasticæ antiquitatis, ignarus omnino esset. His tamen non obstantibus, Diaconus a Leontio, Antiochiæ Episcopo, fuit ordinatus; a quo etiam fuit depositus. Eudoxius cum tenebat reintegrare, sed Christiani Antiochiæ se opposuerunt, eumque a consilio removerunt. Constantii postmodum Imperatoris jussu relegatus, non multo interjecto tempore, Constantinopolim se coniecit, ubi in Concilio contra semi-Arianos disputavit. At ejus fraudibus, sceleribusque detectis, ab imperiali palatio ejectus, ab Eudoxio etiam, Acacio, aliisque ejus Affectis, anno 360. condemnatus est. Post suam damnationem Mopsuestiæ diversatus aliquantulum, deinde in Phrygiam se recepit. Sub Juliano Apostata Constantinopolim reversus, ubi erat Episcopus Eudoxius, ejus fautor, ab hoc literas obtinuit; quibus Euzojo, Asianorum Episcopo, scribebat, ut cum eo demum ab illa quoque receptus, ejusque damnationis sententiam obliteraret. Quod quum promptè Euzojo non præstisset, Eudoxius omnem movit lapidem, ut Episcopus Constantinopoli ordinaretur. Concilio dehinc novem Episcoporum coacto, Euzojo declaravit Aëtii damnationem nullam, irritamque fuisse. At Joviniano imperante, excrebescens Aëtii flagitiis, ab Eudoxio, aliisque Episcopis derelictus,

Atus, seſſæ ſe caput publicavit, plureſque Episcopos ex ſuis Affectis ordinavit. Tandem, ſub Imperatore Valente, in Lesbos Inſulam ſe recipere coactus eſt; & anno poſtmodum 366. Conſtantinopoli diem obiit ſupremum.

Hæc de Aërio dicta ſint, quæ vel ex Socrate lib. 4. c. 1. apud Naraem ab Alexandro, vel ex Suida apud Baronium, vel ex Nyſſeno apud Döpinum, vel ex aliis apud Berninum, mutuati ſumus. Modo veniamus ad Eunomium. Impius iſte impiſſimi magiſtri Aërii diſcipulus, Villici filius, a Baronio dicitur Galata; æ re vera in pago quodam Cappadociæ natus eſt. Primum Scribæ munus exercuit, deinde grammaticam docuit, poſtmodum Aërii diſciplinæ tutum ſe tradidit. Ab Eudoxio, de quo nuper loqui ſuimus, Diaconus ordinatus, ab eodem quoque in Phrygiam eſt relegatus. Conſtantinopolim veniens anno 359. Cyzicenſis Episcopus ordinatur. Ar a ſuo Populo accusatur, ab ipſomet Eudoxio deponitur, & condemnatur. Hoc teſtatur Theodoretus lib. 3. Hiſtor. eccleſ. c. 29. Verum Socrates lib. 4. c. 12. narrat, quod quum Eudoxius Aërium damnaveſſet, Eunomius, injuriæ Præceptor ſuo factam ægerrime ferens, ſeſe ab Eudoxio ſegregavit. Conſtantinopolim iterum veniens Aërium vidit, & cum eo non paucis tempore diverſens, poſtmodum Chalcedoniam regredi coactus eſt. Ar apud Imperatorem accusatus, in Mauritianiam relegatus venit. Muſſiæ Episcopo fautore, ſunt ab exilio revocatus; at Eudoxio operante iterum ab Imperatore rejicitur. Circa Valentis imperii finem a Modeſto, Prætorii Præfecto, quod Eccleſiam perturbaret, in Inſulam Naxos relegatur. Poſt Valentis mortem Chalcedoniam venit; at a Theodoſio Imperatore depellitur. Ab Hoſtibus captus Cæſaream perducitur; ſed a civibus illius urbis, quod contra S. Baſilium ſuum Episcopum ſcripſiſſet, male habitus, in ſuam patriam redire obtinet. Ubi tandem moritur; non ſolum Catholicis, ſed etiam Hæreticis, inviſus; quorum omnium abominationem, & dicendi inſolentia, & licentia vivendi, & ſcribendi vaſtricie, non ſemel ſibi, ſuiſque Affectis concitaverat.

Aëni ſectatores Aëiani, Eunomii autem Eunomiani, dicti ſunt; at hi ultimi, etiam Anomæi vocabantur, quod ſcilicet Filium Patri *anomoſum*, id eſt diſſimilem, cum Aërio prædicarent. Ex S. Epiphanio hæreſi 76. Theodoro lib. 4. hæreticarum fabularum c. 3. & Auguſtino lib. de Hæreſibus,

Aërii, & Eunomii, hæreſes enumerat Natalis ab Alexandro, poſt quem Dominicus Bernini in ſua hiſtoria illas reſert. Illis relictis, quæ ad noſtrum non faciunt inſtitutum, de illa tantum loqui intendimus hic, quam circa diſtinctionem eſſentiæ ab attributis aſſeruit. De hac Natalis ab Alexandro in ſec. 4. c. 3. ar. 6. ediferens, hæc ait: „Attributa omnia, quæ de Deo prædicantur, velut bonitatem, ſapientiam, potentiam, ac multo magis quæ in Perſonis relativa ſunt, ut innateſcibilitatem in Patre, nullo proſus modo diſcrepare putabar ab eſſentia, ac ne cogitatione quidem. Quia ipſiſmet eſſentiæ notionem eſſe bonitatis notionem, aut ſapientiæ, aut proprietatium cæterarum; præſertim, ut dixi, relaxarum, quæ ſunt perſonales Patris; ut eo ipſo Filium a veræ, propriæque communione. Divinitatis excluderet, quod ingentis notionis careret, quam ipſam volebat eſſe Divinitatem, & eſſentiam. „Igitur æ Aëtiani, & Eunomiani, tota eſſentia Divinitatis conſiſtebat in noſione Ingentis; & hoc, ut excluderent filium, & Spiritum Sanctum, ab eſſentia Divinitatis; quod erat deterrimum Arianorum dogma. Ab hæc autem eſſentia rationem ingentis, ſeu innateſcibilis, quæ ſola in Patre eſt, non diſtinguebant, ne cogitatione quidem; nec pariter attributa, quæ abſoluta dicuntur. Unde concludebant, quod attributa illa, quia ab eſſentia, nec quidem mente diſtinguebantur, & eſſentia in noſione ingentis conſiſtens in ſolo Patre reperiebatur, attributa illa pariter tantum in Patre erant. Et per conſequens non erant in Filio, non erant in Spiritu Sancto, qui diverſam realiter a Patre eſſentiam habebant; ut Arius obloquebatur.

De Aërio, Eunomii magiſtro, loquitur S. Epiphanius hæreſi 76. verbis hiſce, quæ quidem ſunt ipſiſmet Aërii in Capitulis ſuis. *Si ingentis vox Dei eſſentiam minime ſignificat; ſed incomparabile illud nomen humana cogitationis eſt, Deus ob iſtud ingentis commentum, ſis, qui repererint, gratia debitor eſt, cum tanto nomini reſpondentem excellentiam in eſſentia ſua non habeat. Et infra: Si ingentum Deo extrinſecus aſſignatur humana conſideratione; qui aſſignerant, ei ipſi, cui aſſignatur, antecellunt; tum præſtantius, quam pro ejus natura, illi nomen attribuant. Eunomius verb apud S. Gregorium Nyſſenum orat. 12. quæ eſt contra ipſummet Eunomium, hiſ aliis verbis diſſerebat: Non aliud quid eſt vera, quam eſſentia, ne aliqua compoſitio in ſimplici natura intelligatur, in id, quod participat,*

pat, & participatur, notione divisa: Sed idem, quod est vita, est etiam essentia. Sed quomodo orationem ad scopum conclusit? Si quod principio caret significantes, vitam significamus, hanc autem vitam essentiam dicere veritatis sermo compellit, ipsius divina essentia significationem esse incertam. S. Basilus quoque, de utroque, Aetio scilicet, & Eunomio, in libro, quem contra ipsummet Eunomium scripsit, hæc testatur: Omnem distinctionem in sola nominum prolatione consistere, & cum vocibus dissolvere, & evanescere.

Aëtius subtilior quidem in cogitando, Eunomio fuit; at Eunomius fuit in dicendo, Aëtio diffusior, atque facundior. Facundiarum autem procacitatem verborum adjuvans, ea de se ipso prædicabat, quæ infantiæ potius suam, quam doctrinam, audientibus manifestarent. Ausus est enim dicere, verba sunt Theodoretæ lib. 4. hæreticæ fabulæ, nihil se ex rebus divinis ignorare, sed ipsam etiam divinam substantiam exalisse novisse; eandemque de Deo se habere cognitionem, quam de se ipso habeat ipse Deus. Hoc ejus furor percipit, qui sunt execranda illius sælla participes, audient & aperte dicere se ita Deum nosse, ut ipse seipsum. Insuper Socrates lib. 4. c. 17. de eodem Eunomio hæc literis ad posteros demandavit: Ipsius Eunomii verba audiamus. Sic enim loquitur: Deus de sua ipsius essentia nihilo plus intelligit, quam nos; neque ea ipsi magis est cognita, & perspecta, quam nobis. Sed quod nos de ea scimus, idem omnino & ipse scit: ac rursus quod ille novit, idem in nobis vixissimum reperiet. Vasquez credere non potuit, ita fuisse amentem Eunomium, ut diceret, posse scientiam suam cum divina cognitione comparare. Sed auditus Theodoretæ, & Socratis, testimonio, facie sibi persuadebat Vasquez, quod forsitan, illis non lectis, credere non valebat.

Aëtius Technologiam scripsit, ut notat Theodoretus, quam potius dicendam affirmat Theologia: Sophysticam faculem. In ea enim totus erat, ut propositiones erueret, quæ difficultatibus implicatissimæ, audientibus insolubiles apparerent. Ex hoc fine, faciebat, ut omnino Sanctissimæ Trinitatis mysterium apud Credentes destrueret, ejusque fidem deleceret. S. Epiphanius hærese 76. refert Libellum, in quo quadraginta septem propositiones, ambagibus dictis in volutæ, continentur; testatur autem, Aëtium composuisse librum, in quo trecentum aliarum reperiebantur. Eunomius vero majora opera scripsit, sed omnia in perniciem Ecclesiæ, & non in ædificationem. Septem libros Commentariorum in Epi-

stola ad Romanos exaravit; & hujusce operis meminit Socrates in lib. 4. fund. hist. eccles. c. 7. S. Basilus alios Eunomii libros refert, quos ipse confutat in opere, quod contra Eunomium ipsum evulgavit. Eunomius vero pro se ipso apologiam scribens, S. Basilio respondit; at Basilio jam mortuo, S. Gregorius Nyssenus, ejus frater, Basilii, & Ecclesiæ causam suscipiens, Eunomio occurrit. Ex fragmentis autem, quæ apud Basilium, & Nyssenum inveniuntur, clare constat, cujus ingenii, cujus doctrinæ, cujus fidei, Eunomius fuerit. Ingenii scilicet versatilis, & sibi minime constantis. Doctrinæ magnæ in vocibus, in re paucissimæ. Malæ quidem fidei, & omnino ab ipso paratæ ad Religionem everterendam, & Ecclesiam destruendam.

Non alieni a dogmatibus Eunomii mores ejus erant; atque moribus consimiles regulæ, quas in operando, & proponebat, & sequebatur. Rustinus hoc de eo elogium reliquit lib. 1. c. 25. *Vir corpore, & anima, leprosus, & interius, exteriusque morbo regio corruptus.* Baroovius vero ad an. 260. hoc cum characterem exprimere voluit; sed qualis doctrina Eunomius, talis & vita moribus fuit: Quippe discipulus Aëtii, asserentis, absque peccato licere se carnis libidinibus quomodocumque pollueri, sique omni ex parte turpissimus, a quibusnam putandus, se temperasse, impudicitis, quas enseret sibi perpetrare fas esse? Testimonium Epiphanius refert Natalis ab Alexandro, quo ostendat Eunomii turpitudinem, & impetratum. „ Addit S. Epiphanius, nullam apud illos curam, „ sanctitatis fuisse, aut jejuniorum, aut mandatorum Dei, exterarumque rerum, quæ hominibus divino mandato præscriptæ sunt. Cum vero aliquis divinorum præceptorum observantiam ipsis inculcaret, eos respondere solitos: Nihil aliud a nobis, „ flagitare Deum, quam ut cognoscamus ipsum, quemadmodum Christus declaravit his verbis: *Da ipsi, Pater, habere in seipsis vitam, ut cognoscat te solum Deum verum, & quem misisti, Jesum Christum.* Ex hoc tam perditio principiorum moralis christianæ corruptela sequebatur, & flagitii cujuslibet impune perpetrandi licentia; ejus exemplum profert Epiphanius, quod a rebus oculatis acceperat. Scilicet, cum quidam, ob stuprum semine illatum, accusarentur, & ab aliis damnarentur, Eunomium nihil commotum, sed factum istud risu excipientem, dixisse, nullius istud esse momenti; corporis enim hanc esse necessitatem, ad „ functionem, quemadmodum autem non- „ num-

numquam scalpitur.

Lucubrations demum Eunomii perlustramus; præter ea, quæ nuper retulimus. Ex Baronio citato loco habemus: *Quod autem ad Eunomii lucubrations pertinet, non tantum fuerunt impia, sed plane insulsa; utpote hominis dialecticis tantummodo disciplinis exculsi, qui sacras literas leviter attigit. Idem ex Socrate lib. 4. c. 7. refert; Eunomium. Aëtii, cognomento impii, Scribam fuisse; a quo fallaces didicit ratiocinandi modos, qui Sophistarum sunt proprii. Subdens postmodum Socrates: At tamen si sacrarum literarum prope ignarus, imperitusque fuit, neque potuit omnino eas intelligere; tamen verba variare, eademque semper aliter, atque aliter dicere potuit. At quod sibi ad dicendum proponebatur, nunquam attigit, sicut septem. romi ab illo in Apostoli Pauli ad Romanos epistolam tam inepte compositi satis perspicue declarant. Nam, cum multa verba inaniter de ea epistola profuderit; institutum tamen Apostoli animo capere nullo modo valet. Extant alii ejus libri his consimiles; de quibus si cui*

in animo sit periculum facere, in magna verborum copia miram sententiarum inopiam reperiet. Non dissimilia ab iis, quæ Socrates scripsit, ea sunt, quæ Suidas posteritati de Eunomio tradidit.

Denique, quum Eunomius antea Arianus fuisset, anno circiter 360. novam sectam instituit, & suam hæresim disseminavit. Vixit usque ad annum decimum quartum Theodosii senioris. Vivebat quoque tempore illo, quo S. Hieronymus Scriptorum Ecclesiasticorum catalogum scribebat. Idem Theodosius Imperator, latis legibus Anomæorum Sectam coercuit, anno 381., quo etiam tempore Eunomius inter vivos erat. Leges istæ extant in Codice Theodosiano de Hæreticis, lib. 8. 11. 12. 13. & 63., quibus præcipitur, Anomæus nec Ecclesias in Civitatibus habere, nec ceteros ullos agitare, nec Sacerdotes creare; & ut Codices eorum, ut erroribus pleni, ante Auctorum oculos comburerentur; ut refert eodem Natalis ab Alexandro.

DISSERTATIO XIV.

De Confutatione erroris Eunomii.



AD confutandum Eunomii errorem, a quibusdam inquiritur antecedenter, an in Deo notiones diversæ sint admittendæ? Et sensus quaesiti est, utrum nomina omnia, seu attributa, quæ de Deo prædicantur, eandem prorsus notionem habeant, nec ullo pacto discrepent, itaut idem concipiamus mente, cum audimus Deum esse immortalem, ac cum percipimus Deum esse omnipotentem? Sane, quamvis Deus in se ipso sit quid unum, simplex, ac simplicissimus; ipsum tamen mens nostra multiplici notione partietur. Unde primo divinam substantiam concipimus ad instar subjecti attributorum omnium, quæ pariter ad instar proprietatum concipiuntur. Deinde æternitatem, omnipotentiam, bonitatem, justitiam, ac reliqua ejus attributa, & ab invicem, & a substantia sejungimus; mente quidem, eo scilicet modo, quo proprietates inter se, & a proprio subjecto, distinguuntur. Et hoc pacto nemo Catholicorum dubitavit unquam, diversas notiones subjecti vocabulis hæc, justus, omnipotens, bonus, clemens, &c. Nec unquam asseruit, cum Paternita-

tem intelligi, vel animo concipio, vel eo vocabulo exprimo, Divinitatem concipi, ac significari.

Hinc, ut in præterita Dissertatione diximus, Arianorum, & Anomæorum erat impia, & scelerata vox illa, quæ dicebant, nomina omnia, seu attributa, seu prædicata, quibus Divina utcumque declarantur, ipsam significare naturam, & essentiam. Et hoc ideo asseriebant, ut deinde ab attributis ad Personas venientes, quicquid in Personis differentiarum invenirent, in naturam ipsam transferrent. Unde nullam ipsi, nec mentalem quidem, inter essentiam, & attributa, & inter attributa ipsa, distinctionem ponebant. Et quando ipsis opponebatur; Per Scripturas essentiam, & attributa, diversis nominibus exprimi; respondebant illico, sonos quidem diversos, seu diversa nomina, a Scripturis importari, ac significari; ac proinde, non aliam differentiam inter attributa ipsa, ac inter attributa, & essentiam, quam nominis, agnoscebant. Et quia inter Personas reales distinctio admitteretur ab omnibus Catholicis; & ipsi de rebus attributis eodem modo loquebantur, quo de absolutis; unde sicut absoluta, ne quidem-

men-

mente a natura distinguebant, ita etiam relativa pariter non distinguebant; inde sequebatur, quod ponebant distinctionem inter naturam, & naturam, quæ ponebatur inter Personam, & Personam. Et hic erat scopus, quo Arianismi nequissimi Professores collimabant, ut scilicet diversitatem inter personas ponentes, consubstantialitatem omnino denegarent.

- I. Confutatur sic expiatus Eunomii error a S. Basilio lib. 1. ad Eunomium. Essentia, divina respectu Attributorum se habet, quemadmodum se habet corpus respectu proprietatum, quæ de eo prædicantur; sed corpus, quavis prima cogitatione simplex esse videatur, ratio tamen deinde multiplex esse deprehendit: ergo pariter, quavis essentiam divinam nostra mens simplicissimam constituitur, revera tamen multa potest in ea distinguere, quæ non tantum voce, sed ratione quoque distincta esse dicantur. Minor sit clara; etenim in uno corpore varium nos distinguimus colorem, figuram, soliditatem, gravitatem, &c. quæ respectu corporis dici possunt proprietates, quæ de ipso prædicantur. Major autem, non importat omnimodam comparationem, sed aliqualem; & eam quidem, quæ sufficit, ut ad instar corporis, in quo distinguimus ea, quæ non sunt, nisi per mentem distincta, etiam in divina essentia distinguamus attributa, quæ non possunt, nisi ratione scèrni.

- II. Confutatur ab eodem S. Basilio eodem loco. Essentia itidem divina respectu suorum attributorum se habet, sicuti se habet Christus Dominus respectu suarum proprietatum, vel potius functionum, quas adimplevit, vel officiorum, quæ obivit; At Christus Dominus, licet fuerit unus, & idem, in Scripturis tamen legitur, quod multas habuerit proprietates, adimpleverit functiones, obierit officia; ergo pariter essentia divina, quavis simplicissima, multa, immo infinita, habet attributa, quæ non realiter quidem, sed ratione tantum, a se ipsa distinguuntur. Minor declaratur. Christus Dominus in Scripturis se dixit Vitem, Ostillum, Viam, Pastorem, &c., & tamen ipsemet Christus concipi potest, non conceptis his omnibus officiis, quæ obit, saltem explicite; quavis hæc officia non fuerint ab eo realiter distincta. Et hoc quoque patet; quia quando mens nostra cogitat, Christum esse vitem, non cogitat, esse ostillum; & quando concepit, esse viam, non concipit, esse pastorem; & quando intelligit Christum in sua essentia, nihil de

officiis hîc intelligit. Ergo sic pariter de essentia divina, & de ejusdem attributis est discurrendum.

- III. Confutatur a S. Gregorio Nysseno lib. 12. contra Eunomium. Si nomina omnia, quæ de Deo prædicantur, eandem habent notionem, ut idem concipiamus, quando audimus omnipotentem, & quando percipimus immensum; sequeretur, quod cum Deus non minus dicatur Pater, quam immortalis, sicut ab æterno fuit immortalis, ita etiam ab æterno fuerit Pater. At reponebant Eunomiani dicentes, vocabula omnia, quæ ex actione desumpta sunt, esse adventitia, & posteriori quadam ratione affirmari de Deo; velut Opifex, Pater, &c. Sed contra argumentatur: Licet enim ista duo nomina ex operatione petita posterius adveniant, attamen, quum æque de Deo prædicentur, unica nimirum re, & simplicissima, sequitur, quod promissa sit amborum significatio; ac proinde, in sententia Eunomii, poterunt usu ipso confundi, itaut Pater, & Opifex idem omnino significent; sicque nominari vere possit, & Pater lapidis, & Opifex filii. Quæ quidem, quam sint absurda, quis sanæ mentis homo facile non deprehendit?

- IV. Confutatur. Essentia divina eo quia actu idem est cum attributis, ideo ab attributis, per Eunomium, nequidem mente distinguitur; sed animalitas etiam est idem actu cum rationalitate in homine, & sic etiam discurrendo de aliis prædicatis metaphysicis in aliis rebus; ergo nulla inter ea danda est distinctio, nequidem mentalis, contra communem loquendi modum Theologorum, & Philosophorum. Neque Eunomius dicat, inter attributa, & essentiam, divinam dari majorem identitatem, quam inter prædicata metaphysica aliarum rerum; quia identitas positiva nequit suscipere magis, & minus; aut enim est identitas, aut est distinctio. Præterquamquod in nobismetipsis etiam experimur, tantam esse nostræ mentis vim, ut quæ maxime sunt idem, nihilominus ratione dividamus, & a se invicem distinguamus; ut quando concipimus animam sine potentia, potentiam unam sine altera, potentias sine anima, quæ tamen in re sunt maxime idem. Obijciunt Anomæi I. Si Dei attributa essent per mentem diversa, daretur in Deo aliquis compositio; sed omnis compositio a Deo arcenda est; ergo Dei attributa nequidem per mentem diversa sunt. Probat minor. Deus est omnis compositionis expertus; ergo omnis compositio a Deo ar-

ccn-

cenda est . Probatur etiam major primi argumenti . Omnia illa attributa diversa per mentem facerent mentalem compositionem ; ergo daretur in Deo aliquis compositio . Nihil ergo diversum ab essentia significant nomina ipsa omnia , quæ de Divinis enuntiantur , sed tantum nomen , important diversitatem .

II. Si Deus , quatenus finem non habet , est incorruptibilis , & immortalis , quatenus vero principium non habet , est ingenuus ; ergo quatenus non est ingenuus erit genitus , & quatenus non est incorruptibilis erit corruptibilis , & mortalis ; sed quatenus principii est expers non est incorruptibilis , & quatenus finem non habet non est ingenuus ; ergo quatenus principii est expers erit ingenuus simul , & corruptibilis , & quatenus finem non habet incorruptibilis erit simul , & genitus . Hæc autem omnia proveniunt ex diversis ideis , quas nos de divinis attributis formamus : ergo ne talia absurda sequantur , dicendum est , attributa nequidem mente distinguere .

III. Quævis distinctio inter attributa , & essentiam divinam , quavis mentalis , & rationalis , provenit ex errore , & errore continetur ; sed nos quando de Deo loquimur , errorem omnem vitare debemus : ergo nullam distinctionem inter attributa , & divinam essentiam admittere debemus . Probatur major . Ibi est error , ubi concipitur id , quod re vera non est ; sed re vera nulla est distinctio inter attributa , & divinam essentiam : ergo quando concipitur talis distinctio , erratur : ergo ibi est error , ubi talis distinctio continetur .

Respondemus ad I. cum S. Basilio , fore quidem Deum compositum , si diceremus , attributa esse partes divinæ essentiae realiter ab invicem distinctas , & ab ipsa essentia . At hoc nos non asserimus ; sed solum dicimus , diversas de illis notiones habere , seu conceptus . Si dicatur , quod compositio sit unio distinctorum , qualicumque modo distincta sint , sive actu , sive per mentem tantum ; distinguitur hæc propositio : Compositio est unio distinctorum , si illa distincta se invicem excludant , concedi-

tur ; si se invicem includant , negatur . In Deo est compositio distinctorum , quæ se invicem includunt , non quæ se invicem excludunt . Compositio namque dicitur partes , & partes sunt , quæ se mutuo excludunt . In Deo autem nullæ sunt partes ; esto enim unum attributum sine altero concipitur , ipsum tamen non excludit ; & quavis essentia sine attributis cognoscatur , ipsa tamen non excludit , quum realiter omnia sint idem . Hinc mens per varios conceptus suos unam , eandemque rem attingit , sed sub diversis notionibus , quod Nyssenus etiam explicat . Denique , si Deus omnem compositionem excludit , excludit etiam compositionem nominum , quæ Eunomius in ipso ponit . At dicit , nomina esse extra Deum . Sic quoque nos dicimus , conceptus nostros esse extra Deum , ac proinde non facere compositionem , quæ obstat simplicitati Dei .

Ad II. responder Nyssenus , in eo sitam esse captiosam fallaciam Eunomii , quod permisceat hæc duo ; concipi , vel appellari rem aliquam , ac in se , & re ipsa quippiam esse . Unde quando dicit ; Deus quatenus non est ingenuus est genitus , facit transitum ab abstractione mentis ad ipsum subiectum , prout est a parte rei . Cerrum est , quod quando a nobis concipitur Deus , ut immortalis , non concipitur , ut ingenuus : ergo , infert Eunomius , Deus non est ingenuus ; sed transit a mente ad rem ; qui quidem transitus nullo modo fieri debet , & a nullo Logico permittitur .

Ad III. negatur major ; ad cuius probationem dicitur , quod tunc errat intellectus distinguendo unum ab eo , a quo re vera non est distinctum , quando distinctionem facit per affirmationem , seu per operationem intellectus , quæ dicitur iudicium . Si vero faciat distinctionem per operationem , quæ dicitur simplex apprehensio , non errat . Ratio autem est , quia distinctio , quæ fit per simplicem apprehensionem , est mera abstractio , seu præcisio unius ab alio ; abstractionem autem nullum est mendacium ,



DISSERTATIO XV.

*De Errore Gilberti Porretani circa distinctionem
essentiæ divinæ ab attributis, & attri-
butorum ab se invicem.*



Gilbertus Porretanus, natione Gallus, Pictavi ortus est, & Pictavorum Episcopus duodecimo seculo, annu 1141, ordinatus. Præceptores habuit Hilariu Pictavensem, Bernardum Carnotensem, Anselmum, & Radulfum, Laudunenses. Ipse deinde Magister factus, Theologiam Pictavi publice docuit. Subtilis erat, ac sophistici ingeni, quod quidem in philosophicis controversionibus quam maxime acuerat; unde, ut Otto Frisingensis narrat lib. 1. c. 46., consueverat, *ex ingenii subtilis magnitudine, ac rationum acumine, multa, præter communem hominum morem, dicere*. Postquam non solum Pictavi, sed aliis etiam in locis, Philosophiam, & Theologiam, docuerat, ob vitæ integritatem, & christianæ conversationis gravitatem, Episcopus est factus, & Diocesanam Synodum celebravit; in eaque sermonem habens ad Populum, & de SS. Trinitate differens, quasdam protulit propositiones, quæ non solum visæ sunt insolitæ, sed etiam a catholica doctrina alienæ. Ea propter ab Archidiaconis duobus, Arnaldo, & Calone, ad Eugenium III. Romanum Pontificem, delatus est. Senis tunc temporis erat Eugenius, ubi ab Archidiaconis rogatus, ut Gilberti propositiones iusto examini subieceret, eis respondit, examen quidem facturum, sed in Gallia, quo propediem se perventurum sperabat. Interea ad Accusantium partes S. Bernardus accessit, quem Archidiaconi ipsi, in Gallias redeuntes, convenerunt, ipsique narrarunt discrimen, quod, propter Gilberti novitates, rei catholicæ imminerebat. Bernardus, qui nihil habebat antiquius, quam fidei puritatem farram tectam in omnibus fervare, zelo catholicæ religionis impulsus, Eugenium, qui ejus discipulus in percellebat Clavævallensi Monasterio fuerat, convenit, eumque impulit, ut in Gilberti causa Synodum celebraret. S. Bernardi igitur studio, & Accusantium fervore, incensus Eugenius, Parisi Synodum habuit; ad quam citatus Gilbertus, & a multis laceratus, responforum ambiguita-

te, & subtilitate, Adversantium periones elisit. Ampliata deinde causa, & ad majorem Synodum dejecta, Remis iterum coram eodem Pontifice, instatore etiam S. Bernardo, postulatus est. Animadvertens autem Bernardus, plures & Romana Curia, Gilberti fautores esse, Gallicanos Episcopos movit, ut, collatis inter se capitibus fidei, formulam conscriberent quatuor comprehensam capitulis, quæ totidem Gilberti erroribus opponerent. Sed ea re offensi Cardinales, quod ipsis inscientibus decretum id esset, ne rata illa formula haberetur, intercesserunt. Tandem Eugenius eos primitus placare studuit, & mox ad causæ definitionem devenit. In Concilio igitur Remensi damnatus est libellus, in quo Gilberti dogmata conincuntur, ab Eugenio, qui & contra eadem sententiam dixit, Gilberto autem pepercit; quia sæpius in Romani Pontificis, & Ecclesiæ, potestate se fore professus fuerat, & omnia sua Ecclesiæ judicio subjecerat.

Otto autem Frisingensis testatur, quod antequam Gilbertus Parisiis, & Remis, audiretur, Antistodori auditus est. Attamen Natalis ab Alexandro in sec. 12. c. 4. ar. 9. ingenue factur, Synodi Antistodorensis, in Gilberti causa habite, nullam alibi memoriam esse, quam in Othonis Frisingensis historia; & quid in ea actum fuerit, ignotum omnino esse. In Concilio Parisiensi auditus est an. 1147., & in ea testimonium contra ipsum dixerunt Magister Adam de Parvo Ponte, Canonici Ecclesiæ Parisiensis, & Hugo de Campo florido, Cancellarius Regis Christianissimi Ludovici VII. Joscelinus etiam, Episcopus Suffoniensis, eum redarguit, quod in responsis, quæ dabat, profanam verborum novitatem, atque obscuritatem, adhiberet. In Concilio autem Remensi erroris convictus fuit a Godofcalco de Monte S. Elgii, Ordinis Præmonstratensis Abbate, a S. Bernardo Clavævallensi, a Gausfredo de Otatorio Burdigalensi Archipræsule, Hugone Antistodorensi, & Milone Morinensi Episcopis, Sugerio Abbate S. Dionysii. Eugenius librum Gilberti prohibuit, donec eum Ro-

manus

mana Ecclesia correxisset; ut testatur Natalis ab Alexandro, supra laudatus; & Gaufridus, Monachus Clarævallensis, hæc de eodem Gilberto litteris tradidit: *Episcopus Pissavensis, Capitulis singulis libere renuntiavit, hæc eadem verba lacutus: Si vos aliter creditis, & ego; si aliter dicitis, & ego; si aliter scribitis, & ego. Ibidem Dominus Papa, auctoritate apostolica, de offensa totius Ecclesie, qua condemerat, Capitulum ipsa damnavit, districte præcipiens, ne eundem librum legere, vel transcribere etiam sit reprobatum quis auderet, nisi prius cum Romana Ecclesia correxisset. Cumque responderet Episcopus; corrigam ad arbitrium vestrum: Non vobis, ait Pontifex, hæc correctio committetur.*

Invenimus Gilbertus, summi Pontificis definitioni acquiescens, Archidiaconus, qui ipsum antea accusaverant, peramanter in gratiam recepit, & ad Diocesim suam reversus est, in qua usque ad annum 1154. catholicè vixit. S. Bernardus in ea fuit sententia, ut putaverit Gilberti retractationem fuisse suaveram; nec ipsum aliquando in prellinos errores rediisse. Quidam vero de Sectatoribus suis non ita se gesserunt; quem etiam in erroribus fuerint deinde peritiores, quam antea. Hi confutantur a S. Bernardo ser. 80. super Cantica, Canonicorum, & tanquam Hæretici refelluntur. Ultra S. Abbatem Clarævallensem contra Gilbertum scripserunt alii, inter quos non infimum tenet locum Vraterius, Abbas S. Victoris ad muros Parisienses; cujus libri manuscripti extant in Codice regalis Abbatie ejusdem monasterii, sub titulo: *Libri IV. Contra quatuor Labyrinthos Francia; Abolardum, Petrum Lombardum, Petrum Pissavensem, & Gilbertum Porretanum.*

Errores Gilberto objecti, & qui ab Ottone Frisingensi referuntur cap. 50. lib. 1. de gestis Frederici, hi sunt. I. Quod assereret, divinam essentiam non esse Deum II. Quod proprietates personarum non essent ipsæ personæ. III. Quod theologice personæ in nulla prædicarentur propositione. IV. Quod divina natura non esset incarnata. V. Quod meritum humanum attenuando, nullum mereri diceret, præter Christum. VI. Quod Ecclesie sacramenta evacuando, diceret, nullum baptizari, nisi salvandum. At præter hos, scribit Natalis ab Alexandro, palmarem errorem fuisse illum, quo Divinitatem, Deique proprietates, cum absolutas, tum relativas, Deum non esse propugnabat; sed Divinitatem esse for-

PAR. I.

mam, qua Deus est; magnitudinem, qua magnus; bonitatem, qua bonus; paternitatem, qua Pater. Et subdit id constare ex S. Bernardo ser. 80. in Cantica, ubi hæc scribit: *Recedant a nobis, Charrissimi, recedant novelli, non Dialectici, sed Hæretici, qui magnitudinem, qua magnus est Deus, & bonitatem, qua bonus, sed & sapientiam, qua sapiens, & iustitiam, qua iustus, postremo divinitatem, qua Deus est, Deum non esse, impissime disputant. Divinitatem, inquam, Deus est, sed Divinitas non est Deus. Forstane non dignatur Deus esse, qua tanta est, ut faciat Deum. Sed si Deus non est, quid est? Aut enim Deus est, aut aliquid, quod non est Deus, aut nihil. Equidem non dat Deum esse. Sed ne nihilum quidem, ut opinor, dabis, quam usque adeo necessariam Deo esse sateris, ut nam modo absque ea Deus esse non possit, sed ea sit. Quod si aliquid, quod non est Deus: aut minor Deo, aut major, aut par. At quomodo minor qua Deus est? Restat, ut, aut majorem fatearis, aut parem. Sed si major, ipsa est summum bonum, non Deus. Si par, duo sunt summi: bona, non unus. Quod utrumque catholicis refugit sensus. Jam de magnitudine, bonitate, sapientia, iustitiaque, idem per omnia, quod de Divinitate sentimus, nam in Deo sunt, & cum Deo. Nec enim aliunde bonus, quam unde magnus; nec aliunde iustus, & sapiens, quam unde magnus, & bonus; nec aliunde denique simul hæc omnia est, quam unde Deus: Et hæc quoque non nisi se ipsa.*

Eadem referuntur a Gaufrido, Monacho Clarævallensi, in epistola ad Episcopum Albanensem, in qua asserit, in Concilio Remensi productum fuisse hoc capitulum, ex libro Gilberti Porretani excerptum. Cum dicitur Deus, pertinet ad substantiam, non qua est, sed qua est. Quod non alii, atque alii clamantes, Austorem arguerent, & adversus eum adhuc tergiversantem non immerito censerentur; S. Bernardus ad Episcopum ait: *Quid necesse est circa huiusmodi verba diutius immorari? Nam aliunde procedit scandalum huius origo, nisi quod plures credere vos credunt, & docere, quod divina essentia, vel natura, Divinitas ipsa, sapientia, bonitas, magnitudo, non est Deus, sed est forma, qua est Deus. Hoc si creditis, paleam dicite, aut negate. Ausus est dicere: Forma Dei & Divinitas, qua Deus est, ipse non est Deus.* Ex Gilberti libris nihil in medium asseritur, quia, ut asserit Dupinius, prælo nunquam fuerunt traditi; si una excipitur Epistola, quæ super sacratissime Eucharistie Sacramento scripta, a Luca Dachery fuit publici juris facta. Cæterum inter

K 2

Por-

Porretani lucubrationes ponuntur Commentarii super Psalmos, Commentarii super Epistolam S. Pauli Apostoli, Tractatus Theologicus de Trinitate, qui quidem inediti passim in locupletioribus Bibliothecis inveniuntur. Epistola illa Mathæo, Abbat S. Floreni, directæ fuit; in eaque respondit de re, quam in præfens nos non tractamus.

Idemmet Otto Frisingensis lib. 1. de gestis Frederici Imperatoris c. 56., de hoc Gilberti errore sequentia narrat. Gilbertum scilicet in Concilio Remensi fuisse ab Eugenio III. interrogatum, an summam essentiam, quæ tres personas unum Deum profitebatur, crederet esse Deum? Ipsumque respondisse: Non. Et hanc suam responsionem in Concilii acta fuisse investam his verbis: *Episcopus Pictavenus scripsit, & dixit, quod Divina essentia non est Deus. Illa Commentarius enim super Boetium de Trinitate, ubi Auctor theologicæ & naturalibus prædicamentis differens, inter cetera posuit, Substantia, quæ Deus est, iste apposuit, non quæ Deus est; id est, ut non ad substantiam, sed ad substantiam referatur.* Assamen Octonem paulo addiditorem Gilberto fuisse, ex tota ejus narratione fit manifestum; plane enim liquet, quod longa, & subtili narratione, ac disputatione mentem ejus, & sententiam, non explicavit modo, verum quoque rotatus est.

His nihilominus non obstantibus, adhuc circa Gilberti errores Auctores discrepant, & in iisdem referendis non conveniunt. Vasquez enim tuetur, Gilbertum non admisisse distinctionem realem inter essentiam, & at-

tributa, nec inter attributa ipsa, sed solum inter essentiam, & Personas, & in hoc tantummodo errasse. Vasquesii opinioni accedere videtur Frassen tract. 1. disp. 2. ar. 1. quæst. 1. nu. 12. Ex opposito cæteri Theologi docent, non solum quoad Personas, sed etiam quoad attributa, Gilbertum errasse, quod posuerit realem distinctionem, non minus inter essentiam, & personas, quam inter essentiam, & attributa, & inter unum attributum, & aliud; ut ex Bernardi, & Gausfredi, verbis, quæ nuper ad longum reculimus, clare patet.

Ante Gilbertum Porretanum videtur, quod ab aliquo ex Patribus, minus caute loquente temporibus illis, quibus res divinas non sic ventilatæ erant, ut posteriori ævo, Conciliorum definitionibus, Patrum concentrationibus, & Theologorum ratiociniis, magis perspicuæ factæ sunt, reals distinctio inter essentiam, & attributa admixta fuerit. Siquidem Athanagoras, Philosophus Christianus, in Oratione, quam pro Christianis Marco Aurelio, & Lucio Commodio, Imperatoribus, inscripsit, bonitatem dixit in Deo esse qualitatem, & accidens. Etiam Theodorus Mopuestenus in ea fuit sententia, quod attributa realiter ab essentia differrent; ut ex Leone Byzantino lib. 3. contra Nestorium tom. 4. Bibliothecæ SS. Patrum, colligitur. Refert etiam Augustinus Nyphus lib. 12. metaphys. disp. 13. c. 3. quendam Gualterum hanc realem distinctionem admisisse; quod & a Jacobo de Vitriaco apud Frassen citatum confirmatur.

DISSERTATIO XVI.

De Confutatione Erroris Gilberti Porretani.



Ntequam ad erroris confutationem deveniamus, opportunum ducimus probare, re vera Gilbertum in eo versatum fuisse, ut assereret, non solum Personas a natura, sed etiam attributa, atque pariter inter se ipsa, fuisse distincta. Testimonium perspicuum habemus, & luculentissimum S. Bernardi, quo docemur, Gilbertum dixisse, Deum esse justum, esse bonum, esse sanctum, esse Deum, per formas, quæ a se invicem discrepant, & quæ non sunt Deus. Quid clarius, ut dicatur, Gilbertum actu distin-

xisse realiter essentiam ab attributis, & attributa inter se invicem? Verba S. Bernardi recitavimus in præterita Disertatione, & sunt ex sermone 80. in Cantica: *Recedant a nobis, Charissimi, recedant novelli, non dialectici, sed hæretici, qui magnitudinem, quam magnus est Deus, & item bonitatem, quam bonus, sed & sapientiam, quam sapiens, & iustitiam, quam iustus, potremo Divinitatem, quam Deus est, Deum non esse, impissime disputant: Divinitatem, inquam, Deus est; sed Divinitas non est Deus.* Habemus etiam testimonium Gausfredi Clarmavallensis, qui scribit ad Episcopum Albacensem,

nensem; Gilberti equivocationes præclusas fuisse hac una Bernardi interrogatione: *Quid necesse est circa huiusmodi verba duntius immorari? Non aliunde procedit scandalum huius origo, nisi quod plures credere vos credunt, & docere, quod divina essentia, vel natura, divinitas ejus, sapientia, bonitas, magnitudo, non est Deus. Hoc si creditis, palam dicitis, aut negatis; quæ verba etiam retulimus supra. Quibus Bernardi verba Gaufridus hæc addit: Ausus est dicere: Forma Dei est Divinitas, quæ Deus est, & ipsa non est Deus. Opponi solet, quod scribit Otto Frisigenus hist. lib. 2. c. 50., objectum scilicet Porretano fuisse, quod ipse dixerit, divinam essentiam non esse Deum: quod proprietates Personarum non essent ipsa Persona. Pariter quod in Concilio Remensi Eugenio, qui interrogabat; *Anne illam summam essentiam, quæ tres Personas constituit unum Deum, credas esse Deum*, Gilbertus responderit, non esse Deum. At in his omnibus Gilbertus non intelligebat nomine Dei naturam divinam, sed Personas divinas. Et probatur hoc; quia deinde interrogatus Gilbertus de sua responsione, eodem Ottonis teste, respondit, se simpliciter non dixisse, naturam, vel essentiam non esse Deum, sed tantum cum nomine Dei personam significat: At facilius est responsio, quam magis habenda sit fides Bernardo, qui aderat in Concilio Remensi, quam Ottoni, qui ibidem non erat præsens. Præterea Otto fuit Gilberto propensus, & Bernardo infestus; quod ipsemet confessus est in morte, unde, ut testatur Radericus, qui ejus historiæ supplementum confecit, expressè voluit, ut si quid pro sententia Magistri Gilberti dixisse visus esset, quod quæquam (Bernardum intelligi, cui, ut dicitur, subiniquus fuit) posset offendere ad piorum, & docto- rum arbitrium corrigetur.*

- I. Confutatur ex Patribus. Augustinus lib. 15. de Trinitate c. 5. ait: *Deus non percipit sapientiam, quia sit sapiens, sed ipse sapientia est.* S. Gregorius Nazianzenus orat. 2. de pace n. 24. scribit: *Trinitatem esse veram, ac veritatem, & Spiritum veritatis, sanctum, ac sanctitatem ipsam.* S. Anselmus in prologo cap. 18. inquit. *Certe vera est, sapientia est, veritas est, beatitudo est, æternitas est, & omne verum, bonum est. Multa sunt hæc; non potest angelus intellectus meus totum uno simul intueri videre, ut omnibus delectetur.* Ubi clare videmus, attributa prædicari, & de divina essentia, & de se ipsis, in abstracto; sed illa, quorum unum prædicatur de alio in abstracto, sunt idem realiter

ergo attributa cum essentia divina, & inter se ipsa, nulla reali distinctione distinguuntur. Minor propositio sic ostenditur. Intimior est prædicatio in abstracto, quam in concreto; sed huiusmodi non esset, si prædicatio in abstracto realem identitatem non importaret; quia si hanc non importaret, non plus diceret, quam prædicatio in concreto, quæ realem identitatem non dicit. Ergo ad hoc, ut dicamus, ut dici re vera debet, prædicationem in abstracto intimiorem, atque intrinseciorem esse, quam in concreto, dicere omnino debemus, prædicationem in abstracto importare identitatem realem, quam prædicatio in concreto non importat.

- II. Confutatur ex Conciliis. In Toletano XI., & in Florentino generali, definitur; *In divinis omnia esse unum, ubi non obviat relationis oppositio.* Sed inter attributa ipsa, & inter attributa, & essentiam, nulla intercedit relationis oppositio: ergo omnia sunt unum; ergo nulla inter illa est realis distinctio. In Lateranense generali IV., & refertur in cap. firmiter, de summa Trinitate, & Fide catholica, cautum est, *Substantiam divinam esse indivisibilem, utpote omnino simplicem*; Sed simplex omnino non esset, nec esset indivisibilis, si attributis constaret, quæ essent ab ea, & inter se invicem, realiter distincta; ergo attributa, ab essentia divina, & inter se invicem, realiter non distinguuntur. In Remensi I., in quo definitum est expresse contra ipsummet Porretanum, Deum nonnisi sapientia, quæ ipse Deus est, sapientem esse; nec nisi magnitudine, quæ ipse Deus est, esse magnum. Quæ quidem definitio nulla esset, si ejus sapientia, & magnitudo ab essentia distinguerentur. Unde S. Bernardus requisitus, quod scriberet suas propositiones, sicut volebat scribi propositiones Gilberti, inquit: *Scribatu stylo ferreo, in angue adamantino, vel sentipar in silice, quod divina essentia, forma, natura, Dicitas, bonitas, sapientia, virtus, potentia, magnitudo vera Deus est.*

- III. Confutatur Rationibus. I. Si divina essentia realiter entitative a divinis attributis distingueretur, Deus non esset omnino simplex, sed compositus ex essentia, & attributis; at hoc diceret maximam in Deo imperfectionem: ergo divina essentia non distinguitur realiter entitative a divinis attributis. Minor probatur. Si daretur in Deo compositio illa realis entitativa, vel partes essentiales, vel integrales? Si essentiales? Ergo una saltem esset perfecti.

fecibilis; adeoque haberet rationem potentiae in Deo, quod summam importat imperfectionem. Si integrales? Ergo Deus esset aggregatum per accidens, vel continuum quoddam facile divisibile; utrunque autem imperfectio non minor est. Probatur etiam major principalis argumenti. Compositio est distinctorum unio; ergo attributa divina, etsi essent, nec ab invicem, nec ab essentia, realiter separata, immo illi intime conjuncta, si tamen essent realiter ab illa, & inter se distincta, realem absque dubio compositionem facerent; ergo vere Deus non esset omnino simplex, sed compositus, si divina essentia realiter entitative a divinis attributis distingueretur. Unde S. Bernardus lib. 5. de Consideratione inquit: *Nisi omnia unum in Deo, & cum Deo consideres, habebis multiplicem Deum.* Et infra: *Tem non est simplex quod uni fuerit obnoxium forma, quam nec virgo vel uni cognita viro.*

II. Ratio. Si essentia, & attributa non essent idem realiter, sequeretur, essentiam cum attributis esse quid perfectius secundum entitatem, quam solam essentiam; sed hoc est falsum: ergo pariter falsum est, essentiam, & attributa in Deo non esse idem realiter, & entitative. Minor est certa; quia alioquin essentia non esset ens infinitum, non esset ens perfectissimum simpliciter, absolute, & in omni genere; quia non contineret omnem perfectionem. Major probatur. In illo casu essentia importeret solam perfectionem essentiae, & non attributorum, quia attributa, quum essent realiter ab essentia distincta, etiam perfectiones attributorum distinctae essent a perfectione essentiae. Sed major perfectio est perfectio essentiae, & perfectiones attributorum uniae simul, quam sola perfectio essentiae; ergo si essentia, & attributa non essent idem realiter, essentia cum attributis esset quid perfectius secundum entitatem, quam sola essentia.

III. Ratio. In Deo non datur Quaternitas; sed si attributa ab essentia, & ab se invicem, distinguerentur, nedum in Deo esset quaternitas, sicut esset, si Personae realiter distinguerentur ab essentia, sed daretur quoque multiplicitas, immo infinitas in numero; quum attributa sint longe plura, quam quatuor; ergo attributa non sunt ab essentia, & ab se invicem, distincta. Quod in Deo non deus quaternitas, in eodem generali Concilio Lateranensi est definitum. Quod in Deo daretur multiplicitas, immo infinitas in numero, probatur. Ubi-

cunque est distinctio, est etiam multiplicitas, in ea ratione, in qua est distinctio; sed esset realis distinctio inter essentiam, & attributa, & inter attributa ipsa: ergo esset in Deo multiplicitas. Quia autem attributa essent pariter extensive infinita, ut diximus; ergo esset etiam in Deo numerus infinitus, seu infinitas in numero. Quae respiciens S. Bernardus, loco nuper citato, sic Gilbertum fortius premebat: *Multa dicuntur esse in Deo, & quidem sane, catholiceque; sed multa unum: Alioquin, si diversa putamus, non quaternitatem habebis, sed centenitatem.*

IV. Ratio. Omne infinitum identificat sibi omnia, quae ipsi compossibilia sunt; sed essentia divina est infinita, & attributa divina sunt ipsi compossibilia: ergo identificat sibi omnia sua attributa. Major pariter; quia si infinitum non identificaret sibi, quae sibi sunt compossibilia, eadem sibi uniret; si uniret, ex iisdem componeretur, tanquam ex partibus; si componeretur, illae partes, vel essent finitae, vel infinitae? Non finitae; quia infinitum non confurgit ex partibus finitis. Neque infinitae; quia aliter non essent partes; omnis enim pars in ratione, partis est finita, & limitata; quia non importat id, quod involvit altera pars, aliter non esset ab ea diversa. Minor principalis argumenti pro prima parte non negatur; pro secunda vero sic probatur. Attributa affluunt, & perficiunt, essentiam; ergo sunt essentiae compossibilia.

V. Ratio. In nostris principiis essentia divina est ratio perfectissimi omnimoda plena simpliciter, & in omni genere; attributum vero est ratio talis perfectissimi; sed realiter talis ratio perfectissimi non distinguitur ab omni ratione perfectissimi; & omnis ratio perfectissimi non distinguitur a tali, & tali ratione perfectissimi: ergo attributa realiter non distinguuntur a divina essentia, nec divina essentia ab attributis. Major supponitur a nobis antecederet probata; minor sic probatur. Omnis ratio perfectissimi, vel dicit rationem illam talem, a qua distinguitur, vel non dicit? Si non dicit: ergo non est omnis, contra hypotheseos. Si dicit: ergo distingueretur realiter a se ipsa, quod non est dicendum. Et quum attributa identificentur cum essentia, necesse est, ut sint etiam inter se identificata; quia si sunt idem uni tertio, sunt etiam idem inter se.

Opponitur contra dicta I. Idem realiter non continetur in se ipso; sed attributa continentur realiter in essentia divina: ergo realiter

liter ab ea sunt distincta. Major est certa; quia aliter idem esset, & non esset idem; esset idem, ut supponitur, non esset idem, quia est diversum continens a contento. Minor etiam patet; quia ipsam constituunt, afficiunt, perficiunt, &c. II. Quando aliqua sunt eadem realiter, multiplicato uno, multiplicatur etiam aliud; sed multiplicantur attributa: ergo multiplicari etiam debet essentia divina: Atqui hoc implicat: ergo & implicat illud, unde sequitur. III. Perfectibile, & Perfectivum distinguuntur realiter; sed attributa divina sunt perfectiones divinæ essentiae: ergo distinguuntur realiter a divina essentia. IV. Essentia, & attributa, pertinent ad diversa prædicamenta; sed quæ pertinent ad diversa prædicamenta realiter distinguuntur: ergo essentia, & attributa, realiter distinguuntur. V. Deus generat per intellectum, & non generat per voluntatem; spirat autem per voluntatem, & non spirat per intellectum; & neque generat, neque spirat per essentiam: ergo intellectus, voluntas, & personæ, realiter in Deo distinguuntur.

Respondemus ad I. distinguendo majorem; Idem realiter non continetur in se ipso, per veram continentiam, quæ importat realem distinctionem inter continens, & contentum, conceditur; per identificationem realem unius formalitatis cum entitate alterius, negatur: Attributa continentur in essentia divina, per veram continentiam, negatur; per identificationem realem cum entitate essentiae, conceditur. Unde rectius, & verius dicitur, esse attributa in divina essentia, quam in eadem contineri.

Ad II. distinguitur etiam major: Multiplicato uno secundum entitatem realem, etiam aliud multiplicari debet secundum entitatem, conceditur; multiplicato secundum formalitatem, aliud multiplicari debet secundum entitatem, negatur. Attributa,

omnia sunt unum secundum entitatem; multiplicantur vero secundum formalitatem, non secundum realitatem; & entitatem: Unde non sequitur, quod multiplicatis attributis, multiplicari debeat essentia.

Ad III. distinguitur pariter major: Perfectibile, & Perfectivum, distinguuntur realiter, si perfectivum se habeat per modum formæ informantis, vel partis componentis, conceditur; si perfectivum sit tantum formalitas afficiens subiectum per modum proprietatis, & perfectionis intrinsecæ, negatur. Attributa non sunt forma, quæ informant divinam essentiam; neque sunt partes, quæ ipsam component; sunt dumtaxat perfectiones, quæ conceptæ ad instar proprietatum, concipiuntur quoque divinam essentiam afficere, perficere, &c. In primis quidem impartatur realis distinctio, at non in altero.

Ad IV. diversitatem prædicamentorum non esse sufficientem rationem distinctionis in re; quum tota illa sit ex Philosophorum institutione, & dispositione, & maximam partem per solam rationem. Quod vel ex eo patet, quia prædicamenta non sunt res, sed sunt respectus rationis; unde non inducunt distinctionem in re, sed in sola ratione. Quando autem sunt in rebus realiter distinctis, includunt utique realem distinctionem; sed non ratione prædicamenti, at ratione rei, quæ antecederet ad prædicamentum est distincta.

Ad V. dicitur, sufficere ad illa salvanda distinctionem virtuale, quam infra explicabimus. Cæterum identice tam intellectus, quam voluntas, quam essentia, generat, & spirat; quia identice tam intellectus, quam voluntas, & quam essentia, sunt unum, & idem. Formaliter vero non sic; ut in Dissertationibus sequentibus dicemus.



DISSERTATIO XVII.

*De Errore Gregorii Palamæ circa distinctionem
divinæ Essentiæ ab ejus operationibus.*

Gregorius Palama, Monachus primum in monte Atho, alii dicunt in monte sancto, deinde Thessalonicensis Episcopus, Joannis Becci, Constantinopolitani Patriarchæ, acerrimus fuit contradictor, & implacabilis adversarius. Insurgens eorum contra Becci doctrinam, duodecim capita ejusdem impugnavit. Ipse Palama autem postremis temporibus a Bessarione Cardinali confutatus est; & Bessarionis liber Romæ ante paucos annos, cum aliis Græcorum Catholicorum Opusculis, græcè, latineque, in lucem prodierit. At non adeo celebris evasit Palama ob impugnatio- nem catholicæ doctrinæ Becci Patriarchæ, ut non famosiora se fecerit in defensione erroris, quem simul cum quibusdam aliis Monachis propugnavit. Quo quidem facto ostendit, se ita, vel impetræ mentis, vel perverfæ voluntatis, fuisse, ut quemcumque ausus fuerit, & fuerit quoque paratus, & fidei articulum impugnare, & contra fidem errorem patrociorari.

Erroris autem, de quo hic verba facturi sumus, hæc fuit origo. Hæc scilicet quidam Monachi, Demones, ut videtur, illius præligiis, mysticum quid, atque illorum verbo, mirabile, usurpabant, affirmantes, se, ad certum corporis habitum conformatos, mirifica quædam cernere. Etenim si ad pectus admovebatur caput, si ad umbilicum oculus dirigebant, si mentum inclinabant, si palpebras contorquebant, si spiritum supprimere conabantur; illico dicebant, mirabilem se lucem intueri, ac inexhausta voluptate affectos se sentire. Primum stolidi hujus, absurdique commenti patronus insignis fuit Simeon, Monasterii cujusdam Præfectus, magni inter suos nominis, ac novus inter eos Theologus nominatus. Post hunc imperitæ illius factionis protectorem, ac vindictorem se exhibuit Gregorius Palama; qui & insuper asseruit, lumen illud, etiam oculis aspectabile, verum esse, & illud ipsum esse, quo Deus induitur, adeoque Deum ipsum esse. Hæc referuntur a Demetrio Cydonio, libro contra Palamam edito, pagina 408.

Per idem tempus, Aodronico juniore impe-

rante, Barlaamus Constantinopolim venit, latinus, hoc est catholici dogmatis defensor, eruditus quidem, ac vere doctus, qui Palamam, ac totam illam nationem, conturbavit. Omnes scribunt, ex Italia Barlaamum Constantinopolim appulisse; at quidam asserunt ex Peloponneso oriundum fuisse; quamplures vero tueri, auctoritate etiam Synodi, quæ Constantinopoli coacta est, Calabrum fuisse, & ex Calabria Constantinopolim advenerasse. Certe Barlaamus primum Moachismo nomen dedit, deinde in Calabria Hieracenensis Episcopus est ordinatus. Epistolam suam composuit, æque doctas, ac graves, quas pro Latinis contra Græcos scripsit, ac publicavit. Advertit nihilominus harum Epistolarum Editor, duos ejusdem nominis Barlaamos fuisse, qui ambo Episcopi ejusdem urbis fuerunt. Prior autem anno 1303. Hieracensem Cathedralē ascendit, eamque novem annorum spatio occupavit: Posterior vero anno 1342. Episcopus pariter Hieracenensis a Clemente VI. est creatus. Hic ultimus fuit paria Neapolitanus ex Peloponneso fuisse prior fuit Calaber, sed ejus paria ignoratur. Hæc ex Epistolarum Editore. Ex Spondano in Continuatione Annalium Cardinalis Baronii an. 1332. nu. 4. accipimus; & Barlaamus ex Italia (Calabria scilicet, ex qua oriundus erat) Constantinopolim veniens, literis græcis, & Latinorum dogmatibus eruditus, propitium Imperatorem natum, Ecclesiam Constantinopolitanam cepit ignorantia arguere, concilia sibi eo modo populi anam: qui tamen non multo post invidiose, & insidiosè, hæc agere detectus, a plerisque contemnatu est. Ita Gregoras; qui & editit, se contra eum composuisse Dialogum, inscriptum, Florentium, sive de Sapientia. Nempè Gregoras Græcorum erroribus additus, Barlaamum doctrina Romana Ecclesia instructum evagitare gessit: cuius tamen, partes in aliis disputationibus, quæ postea Constantinopoli agitatae sunt, scilicet noscitur, ut dicitur suis locis. Ex Ughelli vero in Italia sacra habemus; Barlaam adlectum fuisse Episcopum anno 1303., & præfuisse annis novem; Ecclesiam suam singularibus beneficiis nobilitasse, & a Roberto, Neapolitani Rege, obtinuisse, ut sibi decimæ Crypte-

rentis

rensis agri restituerentur. Hæc de primo Barlaamo; de secundo vero ait: *Barlaam in Regest. Vatican. Bernardus dicitur de Seminaria, ex Monacho S. Basilii de Capresino Militenfis Diocesis deligitur Hieracensis Episcopus eodem anno 1342. 6. non. octob. ita in eodem Regest. Vatic. epist. 72. fol. 16. p. 2. an. p. Pontif. Clementis. Praefuit ann. 4. Tunc temporis non adhuc Hieracensis Ecclesia. Oppidenfis unita fuerat; quum illa unio fuerit facta an. 1472., & postmodum an. 1536. dissoluta etiam fuerit.*

Quicquid de his sit, quæ ad nos parum, aut nihil attinere, & ea tantum innuimus, ut rationem aliquam amoris, ac gratitudinis, Ecclesiæ, cui famulamur, & Nationi, quam præferimus, redderemus; certum est, quod Petavius ex duobus Barlaamis Calabrum nostrum prædicatorum Episcopatum Austrorem fuisse existimare; posteriorem vero eum vult esse, qui in Græcorum Synodo, Andronico juniore imperante, damnatus fuit. Sed redeamus ad Palamam. Quoad ab eo quærebatur; quodnam esset lumen illud, quo Hæfycasæ, se ad certum illum corporeis habitum conformatos, perfundi gloriabantur? Post multas verborum ambages, respondebat tandem, esse gloriam Deitatis increatam, & eam tamen humano oculo subijci. Quem errorem altero confirmabat, adducto in exemplum lumine Taboris montis, quod increatum fuisse dicebat, & nihilominus affirmabat ab Apostolis corporeis oculis visum. Quumque urgeretur Palama, essentiam Dei oculis corporeis videri non posse, respondebat: Est quidem lumen illud divinum, & increatum, & Deitas a Sanctis nominatur, sed non est substantia Dei, sed operatio, & gratia, & gloria, & splendor ex divina substantia in Sanctos missus. Omnes enim Sancti, tam homines, quam Angeli, vident quidem gloriam Dei temporis expertem; substantiam vero Dei nullus, neque homo, neque Angelus, vidit, aut videre potest. Ita refert David Monachus in Relatione de dissidio Barlaami, & Palamæ, apud Leonem Allatium lib. 11. de perpetua consensione Ecclesiæ occidentalis, & orientalis, c. 17. Addebat Palama, operationem Dei esse quid distinctum realiter ab ejus substantia, ipsique inferius, & ab ea, tanquam a causa, profectum; quod substantia cum rebus creatis communicari nequeat, operationes vero ad creaturas producendas, fovendas, gubernandas, &c. descendant. Operationum autem nomine, non actiones solum, quas Scholastici virtualiter transeuntes vocant,

PAR. I.

ut creationem, conservationem, gubernationemque rerum, sed ipsa etiam attributa, ut bonitatem, sapientiam, &c. intelligebat; ipsasque omnes re ipsa distingui ab essentia, & substantia Dei, affirmabat; atque insuper esse ipsa essentia minores, & inferiores, licet eidem sint coneternæ; sicut splendor a sole emissus non est substantia solis, est comævus illi sit. Unde non absque ratione Demetrius Cydonius lib. adversus Palamam, & Manuel Calecas lib. de essentia, & operatione, adversus eundem, Palamæ obijciunt, quod plures admiserit Deitates, summam unam, & præcipuam, reliquis inferiores; idque variis ejus Operum locis in medium adductis probant.

Contentione tandem protracta ad tertium annum, quum rem ad Patriarcham derulisset Barlaamus, indicta Synodus est anno 1341. & Joanne Patriarcha Præsidente, Andronico Imperatore præsentem, magna Episcoporum frequentia, in templo S. Sophiæ celebrata. In hac Synodo Barlaamus damnatus est; & contra eum decretæ sunt pœnæ, in actis Synodi contra Monachorum insectatores enunciatur. Refert autem Nicephorus Gregoras, de Dogmate in ea Synodo nihil esse actum ob præsentiam imperitæ multitudinis, tum ne Theologiz arcana profanis vulgi auribus ingererentur, tum ne Palama, Barlaamo contra ipsum acriter disputante, blasphemæ doctrinæ palam convinceretur. Mentitur vero est Cantacuzenus lib. 11. hist. c. 40. scribens, Barlaamum veniam ob stulte dicta petisse, & in gratiam cum Palama, & cum Monachis, rediisse. Cantacuzenum qui noverit, Palamitam fuisse, sciet; adeoque fatebitur, non esse in hac historia potius audiendum. Barlaamus certe, Græcorum declinans invidiam, in Italiam rediit. Verum eo recedente, haud extincta est pernix de Taborio lumen, & de distinctione substantiæ, & operationis divinæ, contentio; Palama errorem utrumque pertinaciter ex una parte propugnante, a gentibus vero ex altera contra illum Barlaami discipulis, quos inter Gregorius Acyndinus Monachus principem locum tenebat. Contra hunc Gregorium, altera Synodus Constantinopoli, præsidem eodem Joanne Patriarcha, celebrata est; & in ea iterum damnatus est Barlaamus cum Acyndino, eorumque Sectarioribus. Tetra Synodus coacta dicitur præsidentibus Anna Imperatrice, & filio ejus Joanne Palæologo; in qua Joannes Patriarcha exautoratus fuit, quod Barlaami, & Acyndini, dogmata tueretur. Quum vero istarum Synodo-

L

modo-

82 Dissertatio XVII. De Errore Gregorii, &c.

nodorum decretis plerique ex doctioribus libere contradicerent, ad quartam celebrandam venerunt; in qua non minor, quam in cæteris præcedentibus, confusio, horror, & error. De his omnibus suse agit Cantacuzenus in sua historia.

Cæterum Palamitarum errores scriptis propugnarunt, tum ipse Palama, cujus orationes duas in Dominicam Transfigurationem edidit Combesius in Auctario novissimo Bibliothecæ Græcorum Patrum; tum Isidorus Patriarcha, & Philotheus, ex Monacho Metropolitæ Heracleensis, & Josephus Briennius oratione de Transfiguratione. Ipsos vero ex adverso confutarunt Nicephorus Gregoras, Joannes Cyparissiotus, Demetrius Cydonius, Manuel Calecas, Ordinis Prædicatorum, & alii, quos refert Combesius. Insuper Palamæ, aliorumque Monachorum, falsa dogmata, amplexata est Græca Ecclesia schismatica in Synodo Constantinopolitana, quam nonam Occumenicam appellant. Verba Synodi inveniuntur in Synopsi quadam, græcè editâ Parisiis

pluribus ab hinc annis, & sunt sequentia: *Hæc sancta, & œcumenica Synodus nana habita est Imperatore Andronico Palæologo, & Joanne ejus filio, contra Barlaamum, & Acyndium; hi enim asserabant, alias quidem unam in divina natura distinctionem esse inter substantiam, & operationem; sed idem esse, ac nihil differre; alias vero interesse dicebant, sed substantiam quidem increatam esse, ejus vero substantiales operationes, & naturales, diversas esse concedentes; non tamen increatas, sed creatas.*

Denique a Cardinali de Aguirre in tract. 3. de essentia, & proprietatibus divinis in Monologion S. Anselmi cap. 14. disp. 25. sect. 1. discimus, quod ex patre Lactantius Firmianus, & alii, hunc Palamæ errorem præformaverint, admittentes in Deo quosdam affectus adventitios, ut iræ, & poenitentię, &c. At docet insuper, clarius in eadem opinione fuisse Theodorum Mopsuestenum; de quo in Dissert. XV. verbum fecimus.

DISSERTATIO XVIII.

De Confutatione Erroris Gregorii Palamæ.



DE Errore, quem confutamus, hæc ulterius audire a Spondano, in Continuatione Annalium Cardinalis Baronii, ad annum 1350. n. 21., non inutile judicamus. Cum ea præf-

isset Græcorum inscitia, ut dicerent operationem Dei esse quid a substantia Dei diversum; sicut splendor, & lux solis diversum quid est a substantia solis, & calor ignis a substantia ignis, licet, nec splendor a sole, nec calor ab igne separaretur; Non advertentes, aliud esse substantiam Dei, & aliud operationem, non res, sed sola ratione. Eadem enim res simplicissima, quatenus per se existit, substantia est; quatenus vim agendi habet, potentia est; quatenus productrix effectus, operatio, & energia est, & hæc omnia simul est, propter infinitatem, & immensitatem essentia. Sed hæc reliquimus Theologis. Quod si Philosophi recentiores omnes, quum ii, qui Magnanum, Cassendum, aliosque post Epicurum, Democritum, Empedoclem, & Anaxagoram, sequuntur; tum illi, qui Cartesio adherent; in substantiis etiam creatis, operationes illas indistinctas realiter a substantiis pro-

nunciant; immo & Peripatetici quoque quamplures, præsertim qui Neoterici appellantur, ejusdem sunt sententiæ: Quamvis magis in divina substantia hæc realiter identitas est admittenda, propterea rationes multas, quæ præcipuum in divina, & non in creata, substantia, locum habent; Sed ad Confutationes deveniamus.

1. Confutatur ex Patribus. Augustino lib. 6. de Trinitate c. 1. In illa simplicitate non est aliud sapere, quam esse: Eadem ibi sapientia est, qua essentia. Plane loquitur de operatione, & de substantia; quum aperte loquatur de sapere, & de essentia, vel esse. Gregorio magno lib. 10. moral. c. 20. Deus hoc est, quod habet: Æternitatem quippe habet, sed ipse est æternitatis: lucem habet, sed lux sua ipsa est. Non est ergo in ea aliud esse, & aliud habere. Nulla igitur admittenda est in re distinctio inter esse, & habere, in Deo; quem admodum inter lucem, quam habet, & lucem, quæ est. Dionysio, qui dicitur Auctor libri de divinis nominibus, cap. 5. in fine: Omnia igitur, quæ sunt, secundum unam exceptam ex omnibus unionem, illi tribuenda sunt; quandoquidem ab ipso esse substantificamur.

pro-

progressionem, & bonitatem introans, ac per universa commens, atque ex sese essentia complens omnia, & in omnibus, quae sunt, exultans, prius in se habet omnia, secundum unitam simplicitatis excellentiam, duplicitatem omnem respiciens. Omnia porro eodem modo complectitur, ratione supersimplicitis infinitatis suae, secundum excellentiam simplicitatis, atque ab omnibus singulariter participatur; quemadmodum vox, una cum sit, & eadem, a multis auribus tanquam una participatur. Ubi multa dicuntur, quae innuunt indistinctionem in re, iam inter essentiam, & attributa, quam inter essentiam, & operationes. Boetio lib. de Trinitate: *Hoc verum, in quo nullus est numerus: Nullum in eo aliud, prater id, quod est.* Si in Deo non est aliud, prater id, quod est: ergo in Deo non est aliud operari, non est aliud esse bonum, esse iustum, esse sapientem; adeoque quemadmodum a Deo indistincta sunt attributa, ita & sunt etiam operationes.

II. Confutatur Rationibus. I. Operatio illa Dei, a Dei substantia realiter distincta per Palamam, vel est quid creatum, vel quid increatum? Utrumque repugnat: ergo repugnat operatio Dei a Dei substantia distincta realiter. Major est certa; non enim dari potest medium inter Deum, & creaturam; quia hoc medium, vel esset a se, & esset Deus; vel esset ab alio, & esset creatura. Probat minor. Repugnat, quod sit increatum, quia aliter esset Deus, & sic non unus, sed plures essent Dei. Repugnat, quod sit quid creatum, quia sic esset quid contingens in tempore, adeoque alienum, & extraneum, a Deo; & per consequens operatio illa non posset appellari divina.

II. Vel substantia divina est mutabilis, vel est immutabilis? Non quidem mutabilis, quia aliter, vel Deus non esset a se, vel non esset in omni genere perfectissimus. Si enim mutaretur, vel mutaretur ob intellectus limitationem, vel ob voluntatis inconstantiam; si primum? ergo non omniscius: si secundum? ergo non sanctus. Iterum, si mutaretur, vel mutaretur ab alio, vel a se; si primum? ergo non a se; si secundum? vel mutaretur in melius, vel in peius? Si primum? ergo perfectionis esset capax: si secundum? ergo capax esset imperfectionis: ergo in utroque casu nun esset omnimode perfectissimus. Non etiam immutabilis, quia, quem sua operatio esset realiter ab eo distincta, de novo ei adveniret entitas aliqua realis, operatio scilicet realiter ab eo distincta: ergo per hanc mutaretur.

III. Nomine divinarum operationum, aut PALAM.

lama intelligebat praecise operationes, ut actuales operationes sunt, aut pro ut sunt operandi vires, ac virtutes operatoriae, atque ita proprietates inaccessibiles? Non hoc secundum, quia aliter ejus error idem esset eum errore Gilberti Porretani, ac per consequens remaneret profigatus iis omnibus rationibus, quibus ille fuit confutatus. Si autem primum, quum Palama per operationes divinas pariter intellexerit aliquid vere increatum, vere aeternum, ac vere divinum, ut asserit P. Saguens, nequit hoc ipsum verificari de operatione, ut actualis operatio est; ut de se patet.

IV. Ex Palamæ errore multa alia absurda sequerentur; & quidem primo sequeretur, quod Dei substantia non esset simplex, sed composita, ex se ipsa nimirum, & variis operationibus ab ipsa distinctis, & cum ipsa conjunctis. Sequeretur secundo, quod, aut illae operationes essent substantiae, & darentur plures substantiae in Deo; aut essent accidentia, peripatentico modo intellecta, & Deus esset subiectum accidentium. Sequeretur tertio, quod essent plures Deitates in uno Deo; quatenus Palama operationes illas, non solum increatas dixit, sed etiam Deitates vocavit; cum hac sola differentia, quod nimirum essent Deitates non supereminentes, sed remissae, & infra Deum constitutae. Unde Demetrius Cydonius de Palamitis scribebat: *Adjunt substantiam quidem proprie non dici Deitatem; sed etiam si diceretur Deitas, supereminens dicitur operatio vero proprie est Deitas, & infinites infinites remissa Deitas, id est inferior. Unde cum multa sint, atque innumera operationes Dei increatae, multae quoque Deitates sunt, atque innumera.* Et Palamæ scribentis ad Acyndinum verba referens, idem Demetrius subdit: *Est igitur Deitas remissa donum existentis Deitatis supereminentis; nec tantum Deitas, sed & increata Deitas, & ultra hanc Deitatem est Deus.*

V. Operationes divinae, a quibus vult Palama, distinguere realiter substantiam divinam, aut sunt operationes transeuntes, scilicet extra Deum, ut sunt creatio, conservatio, &c., aut sunt operationes immanentes, quae nimirum sunt intra Deum, nempe intellectio, volitio, &c. Primum non fuerunt aeternae, quia Deus in tempore creavit mundum, & in tempore conservat; de novo divinae substantiae supervenerunt; & quotidie de novo superveniunt, quotiescunque scilicet Deus de novo ex nihilo producit, & conservat; quae omnia infinita continent absurda. Secundae operatio-

L 2 nes

nes important; quod Deus Pater non per se ipsum producit Verbum, nec Pater, & Filius Spiritum Sanctum, sed per aliquid a Divinitate distinctum; & per aliud etiam a Divinitate distinctum Filio, & Spiritui Sancto natura divina communicatur; quæ pariter omnia majora absurda præferunt. Arguunt Palamitæ I. ex Patribus. Cyrillus, Basilus, Nyssenus, Dionysius, Damascenus, alique Patres, de operationibus Dei, ejusque attributis, tanquam de distinctis a divina essentia, multis in locis loquuti sunt. Et præcipue Cyrillus Carechese. 6. ait; *facere efficientia est, natura vero generare*; Chrysostomus hom. 73. in illa verba. Christi apud Joannem; *Philippe qui videt me, videt & Patrem meum*; ait aperte; *Videamus præterea, quidnam Philippus intueri velit, an sapientiam Patris? an vero bonitatem? Minime. Sed hoc ipsum, quid tandem sit Pater, ipsam, inquam, essentiam*; Dionysius, ut putatur, cap. 11. de divinis nominibus; *Quamobrem principaliter, & divine, & causaliter, hoc quod vocatur ipsum esse, ipsam vitam, ipsam divinitatem, dicimus esse nomen omnium superprincipale, & supersubstantialia principium, & causam; participatione vero providas virtutes, quæ ex minime participabili Deo proficiuntur: nempe per se substantia effectiorem, ipsam vitæ effectiorem, ipsam divini effectiorem, quorum participatione pro suo capto quacunque sunt acta, & existentia, & vivencia, & divina sunt, & nominantur*. Igitur in Deo sunt efficientiæ, quæ sunt realiter a divina natura distinctæ. Pariter caput secundum de divinis nominibus sic inscribit; *de unita, & distincta Theologia; quænam sit divina unio, & distinctio?* Atqui unionis nomine intelligit essentiam, quæ est unica: ergo nomine distinctionis intelligit attributa, & operationes, quæ sunt distinctæ.

II. Rationibus. I. Substantia divina imparticipabilis est a creaturis, operationes vero divinæ a creaturis de facto participantur; sed participari, & non participari, non possunt verificari de eodem: ergo verificantur de distinctis: ergo substantia divina, & operationes divinæ, realiter distinguuntur. Major, in qua stat difficultas, probatur. In libro de divinis nominibus c. 5. ut ostendatur, divinam substantiam esse imparticipabilem, dicitur, quod sit substantia supersubstantialis; & de facto substantia creata nihil commune habet cum divina, ut dici possit ab illa participata. Non sic vero operationes divinæ, quia re vera sanctitas, bonitas, sapientia, creatura-

rum, sunt participationes sanctitatis, bonitatis, & sapientie Dei. II. Divina substantia semper fuit, & tamen operationes divinæ, saltem transientes, non semper fuerunt; quia non fuit ab æterno creatio, conservatio, &c. ergo vere divinæ operationes a substantia divina realiter distinguuntur. III. Continere, & contineri, recipere, & recipi, habere, & haberi, realiter inter se distinguuntur; sed continere, recipere, habere, pertinent ad essentiam, contineri, recipi, & haberi, ad actiones Dei: ergo substantia divina, & operationes divinæ, realiter distinguuntur.

Respondemus ad I. Sanctos Patres de distinctione per mentem, & non in re, loquutos vere fuisse; quod præcipue S. Basilus declarat exemplo grani tritici, quod quomodo unum sit, & simplex, diversas notiones recipit, ut fructus, semen, & alimentum dicatur, quæ tamen realiter non distinguuntur. Cyrillus loquitur de distinctione secundum terminum, non vero secundum rem, & substantiam; ut pater de cognitione, & spiratione in Deo, quarum termini, hoc est Filius, & Spiritus Sanctus, realiter distinguuntur, ipsæ autem identificantur; sic pariter de efficientia, & de natura, dicendum est. Chrysostomus sumit attributa secundum sui quandam communicationem in productione rerum creaturarum, & sic ea ab essentia videtur aliquo modo distinguere; non vero sumit secundum se, & ut dicitur, a parte rei. Dionysius per illas providas virtutes non intelligit operationes Dei, sed ideas rerum, quas Deus habuit ab æterno in mente sua, & ad quarum conformitatem sunt posita in tempore quæcunque fiunt; & cum his, quæ fiunt, ideas confundit, & a divina natura distinguere videtur. Iterum Dionysius nomine unionis intelligit divinam essentiam, & attributa absoluta; nomine vero distinctionis perfectiones relativas. Afferimus Cyrillum explicantem seipsum, & dicentem in eadem Carechese 6. *Non enim ideo, quod vocatur bonus, & iustus, & omnipotens, & Sabaoth, varius est, & diversus; sed unus cum sit idemque, innumeras Divinitatis efficientias profundit*.

Ad I. Rationem pariter Respondemus cum P. Saguens verbis hisce: „Negata absolute majori, contendo nihil futibiles esse, „quam quod ait Adversarius, substantiam „divinam participari non posse, participari vero operationes illius posse. Nam si substantia, quæ rebus creatis inest, participans „non est, quomodo non est substantia quæ- „dam

„ dam prima, & increata? Si vero est partici-
 „ cipana, cujus utique erit participans, nisi
 „ substantia: cuiusdam primæ, & increatæ;
 „ quæ est divina substantia? Nec sane aliter
 „ discurrendum est de substantia, quam de
 „ sapientia: sicut enim nisi humana sapien-
 „ tia esset emanatio, & participatio quædam
 „ sapientiam divinam, esset ab illa independens,
 „ & hoc pacto esset supremæ; ita similiter &
 „ substantia suprema esset, quatenus non ab
 „ ulla priori, aut præstantiori per derivatio-
 „ nem ullam prodiret. „ Igitur neque sub-
 „ stantia creaturarum, & creaturarum perfe-
 „ ctiones, a Dei substantia, & attributis, par-
 „ ticipantur. Dionysius explicat pariter seip-
 „ sum, lib. de div. nom. c. 5. §. 4. *Deus enim*
non quovis modo est ens, sed simpliciter, &
infinitè totum esse in se pariter complexus, &
anticipans. Insuper. Rei cujuslibet principium,
ac causa is est, qui præexistit, & causa ipsum
participans. Ulterius. Aut omnem sui parti-
cipationem participans esse.

Ad II. dicitur, quod Creatio, quatenus est
 proprietas nature divinæ, nihil aliud est,
 quam omnipotentia, quæ æterna est, licet
 quatenus connotat effectum creatum, sit in
 tempore; sed sub hoc respectu non consi-
 derabant Palamitæ divinas operationes. Ex
 quanvis creatio consideretur secundum
 actualis operationis rationem, non per hoc
 dicenda est a divina substantia realiter dis-
 tincta, quia divina substantia non semper
 creavit. Etenim si creatio est actus volun-
 tatis Dei, hic actus ab æterno etiam fuit a
 Deo ipso indistinctus realiter; licet in tem-

poris fuerit terminus illius actus ad extra.
 Nec enim Deus aliter, quam volendo, præ-
 cipue ad extra, operatur; & quæ in tem-
 pore vult, & per consequens operatur, ab
 æterno operatus est. Non est ergo ratio,
 cur in Deo admittatur distinctio realis ope-
 rationis ad extra a sua substantia, quia ope-
 ratio transiens non semper fuit; & multo
 magis, quia nec etiam hæc est ratio con-
 vincens, quod admittenda sit distinctio rea-
 liter a substantia creata, ut in Philosophi-
 cis probatur supponimus.

Ad III. dicimus, continere, & contineri, re-
 cipere, & recipi, habere, & haberi, in Deo
 verificari in ratione tantum objectiva, non
 vero in ratione subjectiva. Hoc est, consi-
 derantur, non quatenus sunt talia realiter,
 & vere a parte rei; sed quatenus a mente
 intelliguntur, ut talia, ad instar scilicet il-
 lorum, quæ vere sunt talia. Sicque divina
 substantia consideratur, ut continens, ut
 recipiens, ut habens; attributum, aut ope-
 ratio, concipitur, ut contentum, ut rece-
 ptum, ut habitum. Sed nunquid re vera
 sunt talia? Nequaquam; & hoc ipsum di-
 cere, quod considerantur, ut talia, est di-
 cere, quod re vera non sunt talia. Si ergo
 per mentem considerantur, ut talia, mens
 pariter est, quæ illa distinguit; & quum in
 re talia non sint, in re quoque non sunt dis-
 tincta, sed sunt omnimode identificata.
 Et in hoc sensu loquebatur Bernardus,
 quando dicebat: *Deus non nisi ea magnitudi-*
ne magnus est, quæ est quod ipse.

DISSERTATIO XIX.

*De Sententia Scoti circa distinctionem essentie
 divinæ ab attributis, & attribu-
 torum inter se.*

Distinctio illa, quæ a Scoto, & a
 suis, dicitur media, & quæ in
 Philosophicis inter gradus meta-
 phisicos ponitur, ab iisdem in-
 Theologicis inter essentiam, &
 attributa, & inter unum, & aliud attribu-
 tum, atque insuper inter personalitates, &
 essentiam, pari modo assignatur. Non
 quidem, ut in Philosophicis dicebatur, quæ
 sit distinctio tanquam inter rem, & rem,
 sed inter duas formalitates, quarum una
 a parte rei non sit alia. Non desunt Aucto-
 res graves, qui Scotum intelligant, & ex-

ponant de distinctione reali solum funda-
 mentaliter, qualem ceteri Theologi ad-
 mittunt, & quæ virtualis, seu eminentialis
 ab iisdem appellari solet. Recentiores ta-
 men Scotistæ huic interpretationi non fa-
 vent, sed distinctionem realem, & actualem,
 ac præcedentem omnem mentis operatio-
 nem, inter essentiam, & attributa, & inter
 attributa ipsa, ac pariter inter personalita-
 tes, & essentiam, ex sui Doctoris mente,
 defendunt. Et certe ipsemet Doctor subli-
 lis ita clare seipsum explicat, ut de ejus
 sententia nullus dubitationi relinquatur lo-
 cus.

cus. Sic enim loquitur in 1. dist. 3. quest. 3. *Est erga ibi distinctio tertia, præcedens intellectum omni modo; & est ista, quod sapientia est in re ex natura rei, & bonitas est in re ex natura rei; Sapientia autem in re formaliter non est bonitas in re, &c.* Et clarius in 1. dist. 2. q. 7. n. 41. §. *sed hic*, differens de essentia divina, & eam cum relationibus comparans ait: *Dico sine assertione, & præiudicio sententia meliori, quod ratio, quæ formaliter suppositum est communicabile, & ratio essentia, ut essentia, habent aliquam distinctionem, præcedentem omnem actum intellectus creati.*

Porro nos non negamus, aliquando Scotum hanc suam distinctionem, & virtualem, & rationis, appellasse; unde forsitan quidam occasione insumperunt descendere, quod Scotus solam distinctionem virtualem, seu eminentialem inter divinam prædicata admisit. Sic profecto crediderunt ex discipulis ejus Rubion, & Herrera, ut refert Cardinalis de Aguirre; Ex ceteris vero Suarez, Salas, & Petrus Hurtado, Astamen legantur quæ Scotus ipse subdit illis in locis, in quibus, aut virtualem, aut rationis distinctionem suam appellat. Sunt uno in loco hæc sua verba. *Posse hanc distinctionem appellari rationis, sumpta ratione præquiditate, & distinctione, non vero pro differentia, seu distinctione, formata ab intellectu.* Alio vero in loco sunt hæc alia. *Breviter dico, omitto verba illa de distinctione rationis, & de distinctione virtuali, &c.* Dico, quod in essentia divina ante actum intellectus est entitas A., & est entitas B., & hæc non est formaliter illa: Ita quod intellectus paternus considerans A., & considerans B., habet ex natura rei, unde ista compositio sit vera: A. non est formaliter B.: Et non præcise ex aliquo actu intellectus. Potius ergo apertissimis Scoti testimoniis, quam aliorum tergiversationibus credere nos debemus, ac deserre; & eo magis, quod contra hos paucos stat pro Scoti mente tota fere discipulorum ejus turba, & Theologorum fere omnium multitudo. Quare autem hæc distinctio Scoti dicatur media, non una est Scholasticorum opinio. Putat siquidem Fraffen, qui est Scholasticus Scotista, dici mediam, quia tertium locum obtrinet, utpote media inter realem, & modalem; et sicque inter duas formalitates, seu conceptus obiectivos scorsim conceptibiles; ut ipse ait. Aguirre tamen, postquam retulisset plurimos Scoti Affectas; Mayronem scilicet, Licherum, Aquinum, Vorlongum, Smisingum, Faber, Mallium, Pontium, Meinerum, &c. de isdem inquit,

quod illi omnes distinctionem istam appellant mediam. Subdit nihilominus; „non quia sit media inter distinctionem rationis, quæ dumtaxat intra intellectum est, & realem, quæ est extra intellectum. Quippe evidens est, ipsis etiam Scotistis, inter „duo contradictoria medium vere dari non posse. Si autem esset vere distinctio distinctio aliqua media inter distinctionem rationis, quæ est dumtaxat intra intellectum, & distinctionem realem, quæ est extra intellectum est; vere daretur medium inter duo contradictoria. „ Igitur concludit, quod ideo dicatur media, quia inter distinctionem realem simpliciter dictam, & distinctionem factam ab intellectu, media est formalis ex natura rei; & in hoc sensu participat de reali distinctione, quia est ex natura rei, sicut etiam illa est; quanvis illa sit realis ex natura rei, & hæc sit formalis ex natura rei; & participat etiam de distinctione facta per intellectum, quatenus est formalis, seu est inter formalitates, quæ ut tales ad intellectum spectant. Hæc sunt verba de Aguirre. „ Itaque, ut vitent id absurdum, constituunt duplex genus veræ, & actualis „ distinctionis, seu ex natura rei; & alteram quidem appellant realem ex natura rei; alteram vero formalem ex natura rei, quæ sit media inter realem simpliciter dictam, & factam ab intellectu; itaque duabus interjecta. „

P. Magnus ex hoc præcipue probat, Scoticam Distinctionem esse chimericam, quia est media; & hoc pacto argumentatur. Idcirco realis non suscipit magis, & minus: ergo pari modo distinctio non suscipit magis, & minus; ita scilicet, ut res aliquæ dici possint magis, minuscve distinctæ realiter, aut etiam magis, minusve distinctæ obiective, seu per intellectum, inadæquate concipientem. Et quando hoc ita sit, sequitur, quod impossibile sit, ut reperitur medium inter distingui realiter, & distingui obiective: ergo fictitia est distinctio ex natura rei formalis ante operationem intellectus, ab eaque independens. Huc etiam reducuntur, quæ scribit P. Saguens in Philosophia Magnani Scholastica t. 1. disp. 1. at. 4. assert. unic. ubi ait: *Nulla inter quæcumque assignabilia eorum genera reperitur distinctio, quæ non sit, aut omnino realis, aut omnino mentalis.* Vetum quia P. Saguens nomine distinctionis medix intendit e medio tollere tam formalem Scoticam, quam virtualem, quia utramque mediam nominat; eidem non assentimur. Et ratio nobis est, quia distinctio

atio virtualis proprie non est distinctio, sed fundamentum distinctionis, quæ solum est mentalis; formalis vero Scotica est vere distinctio media inter realem, & mentalem: ergo non est de utraque pari modo discurrendum. Sed de hoc fusius dicemus in Dissert. 12. Una ex rationibus, quibus utitur P. Saguens ad intentum suum probandum, hæc est: *Omnis distinctio qualiumcunque entium, vel est fundata in aliquo reali, vel in nihilo reali ipsorum: ergo omnis distinctio est omnino realis, aut omnino mentalis.* At aliud est dicere, distinctionem esse realem, & distinctionem fundari in aliquo reali. Distinctio pariter, quam dicit omnino mentalem, vel habet fundamentum in re, vel non habet? Si non habet? est distinctio rationis ratiocinantis, adeoque chimerica. Si habet? Ergo non est omnino mentalis. Dicimus tamen, distinctionem mentalem, quæ vocatur distinctio rationis ratiocinata, esse omnino mentalem, sed quoad actum, non vero quoad fundamentum, quod supponitur in re. Denique aliud est in re dari distinctionem, & in re dari fundamentum distinctionis, quo possit mens distinguere, quæ non sunt distincta. Uude quoad distinctionem formalem Scoti ratiocinia P. Saguens probamus, quoad distinctionem vero virtuales, a nobis inferius explicandam, non admittimus.

Cum distinctione Scoti distinctionem, quam admittit Durandus inter essentiam, & attributa, & inter attributa ipsa, confundi, & convenire putavit Vasquez. At non bene; quia Durandus inter essentiam & attributa, & inter attributa ipsa, nullam cognovit distinctionem actualem ex natura rei. Vocat quidem Durandus distinctionem suam actualem, at non dicit absolute realem, ut assererat Porreanus; neque vocat formalem ex natura rei, seu mediam inter realem, & rationis, quam expresse impugnatur appellat tamen eam realem modalem; ut patet ex ipso Durando in 1. dist. 2. q. 2., & dist. 33. q. 1. n. 15. & 27., & dist. 35. quest. 2.; quæ loca citantur ab Aguirre. Nec verum est, quod ab aliquibus Durando opponeretur, opinionem suam convenire cum errore adscripto Abbati Joachimo, & in Concilio Lateranensi IV. sub Innocentio III. damnato. Et ra-

tio est, quia juxta errorem illum multiplex numero essentia in divinis personis, & sola unitas collectiva, ac similitudinaria ponens illam, admittebatur. Quod clare patet ex cap. *demonstramus de summa Trinitate*, & *Fide catholica*; in quo dicitur: *Quævis concedat, quod Pater, & Filius, & Spiritus Sanctus, sint una essentia, una substantia, unaque natura: Verum unitatem ejusmodi non veram, & propriam, sed quasi collectivam, & quasi similitudinariam esse facit: quemadmodum dicuntur multi domini unus populus, & multi fideles una Ecclesia.* At Durandus in tribus personis unicam numero essentiam, substantiam, sive naturam, cum Catholicis omnibus agnoscit, & confitetur. Igitur distinctio, quam ponit Durandus, & a distinctione Scoti aliam omnino esse, & ab errore Joachimo tributo longe quidem distare, dicendum est.

Communis autem Scholasticorum sententia, est, inter prædicata divina absoluta inter se, & inter eadem, & essentiam divinam, nullam esse admittendam distinctionem, non solum actualem realem simpliciter, seu entitatem, sed neque formalem ex natura rei, & modalem. Et pro hac sententia citantur Anselmus in *Monologio* c. 14., & duobus sequentibus, Magister sententiarum in 1. dist. 8. S. Thomas 1. par. q. 13. ar. 4. & 12., de Potentia q. 7. ar. 6. & 1. Contra Gentes cap. 54. & 73. Bachon, qu. 1. ar. 1. concl. 2. Richardus in 1. dist. 2. ar. 1. qu. 2. & 3. quos sequuntur Thomistæ omnes, ac insuper cum Suarez, Vasquez, Molina, Valentia, Turrianus, Neoterici etiam fere omnes. Immo plures sunt, qui Scoticam distinctionem non solum rationibus rejiciunt, sed etiam censuris plane deturpant; siquidem Vasquez, Molina, Ruiz, eam dicunt male sonantem in fide; Zumel asserit, non satis consonare fidei; Bachonius eam vocat contrariam sanctis Patribus; Canariensis, Bannez, & alii ex Thomistis erroneam in fide dicunt. Nos autem a censuris omnino abstinentes, eam pro vixibus conabimur impugnare; ita quidem, ut ex rationibus nostris nullum, nec sententiæ stigma imponatur, nec subtilibus Theologis, qui eam propagant, dedecus accedat.

DISSERTATIO XX.

De Impugnatione Sententiæ Scoti.



ISDEM fere auctoritarum, ac rationum momentis Scoti, ac Durandi, distinctio impugnatur; siquidem utrique convenit, esse distinctionem actua-lem, ante considerationem intellectus nostri; & in eo tantum discrepent, quod illa Scoti appelleretur formalis ex natura rei, illa vero Durandi modalis dicatur. Ceterum conveniunt pariter in hoc, quod contra utramque distinctionem aprari possunt suo modo argumenta, quæ contra Gilbertum Porretanum fecimus in Dissertatione 16. Unde Cardinalis de Aguirre utranque distinctionem impugnans, primam probationem desumit ex Concilio Remensi, & ait: „Ita plane inferri videatur ex disti- utraque sectione, præcedenti adversus errorem Gilberti. Nam omnia argumenta, quibus illum impugnavimus, videntur pariter exurbare distinctionem modalem a Durando traditam inter essentiam, & relationes; sicuti & formalem ex natura rei a Scoto constitutam inter essentiam, & attributa singula, ac relationes cum iis collatas. Quare placet excursu quodam indicare, & aptare huic instituto omnia, aut pleraque ex iis argumentis: etsi forte evasio aliqua esse possit pro Durando, aut Scoto, juxta peculiarem modum dicendi uniuscujusque illam præcludere conabor. Hæc ideo diximus, ut ostendatur, non esse nobis ineundam peculiarem pugnam contra Durandum; quæ omnia, & fere singula argumenta, quæ contra formalem distinctionem Scoti proponuntur, contra modalem quoque Durandi proponi possint. Etsi autem Durandus distinctionem suam non inter attributa, & essentiam, sed inter essentiam, & relationes, ut plerisque placet, admisit; etiam pro hoc solo dicendi modo possunt eadem argumenta adaptari, quanvis hoc luculentius suo loco tractandum referretur, & pro modo argumenta proponantur pro iis, quibus placet, Durandum distinctionem suam etiam pro attributis absolutis admisisse.

I. Ignit impugnatur distinctio Scotica ex Conciliis. Lateranense IV. sub Innocentio III. c. 2. *Una quædam summa res est incomprehensibilis quidem, & inestimabilis di-*

*vina essentia, qua veraciter est Pater, Filius, & Spiritus Sanctus. Remense sub Eugenio III. Credimus, & confitemur simpliciter naturam Divinitatis esse Deum, nec aliquo sensu catholico posse negari, quin Divinitas sit Deus, & Deus Divinitas: Si scilicet dicitur Domini sapientia sapientem, magnitudine magnum, Divinitate Deum esse; & alia hujusmodi, credimus nonnisi ea sapientia, qua est ipse Deus, sapientem esse, &c. Florentinum sess. 18. Joannis ore pro Latinis ad Græcos alloquens, ait: Vos queritis, an idem sit in personis divinis substantia, & persona seu hypostasis; nos vero dicimus, substantiam, & personam, seu hypostasim idem esse re, differre autem nostro intelligendi modo. Ad quæ respondens Marcus Ephesinus pro Græcis dixit: Hæc in parte nulla est discrepantia. Ex primis duobus sic argumentamur. Ubi est identitas ex natura rei, ibi nulla ex natura rei est distinctio; sed inter attributa, & essentiam, & inter attributa ipsa est identitas ex natura rei: ergo nulla ex natura rei est distinctio. Probatur minor: Ubi est unitas in re ibi est identitas ex natura rei; sed inter hæc ex Conciliis illis est unitas in re: ergo est identitas ex natura rei. Major patet, quia unitas importat identitatem, & identitatem unitatem. Minor ex Conciliis ipsis apparet; dicitur enim in Lateranensi; *una summa rei divina essentia; dicitur in Remensi; nonnisi ex unitate unum, qua est ipse.* Ex Florentino vero discursus est evidentior, quia non aliam dicitur dari distinctionem, quam realem, & mentalem; & quæ sunt in Deo idem esse re, differre autem nostro intelligendi modo. Distinctio ergo, vel formalis, vel modalis, vel est nostro intelligendi modo, vel est in re; si in re, non datur; si nostro intelligendi modo, nun est a parte rei.*

II. Impugnatur ex Patribus. Secundum leges Scotice distinctionis essentia, & attributa quanvis possint de se invicem prædicari in concreto, non possunt tamen prædicari in abstracto; scilicet, quanvis dici possit, Deus est magnus, bonus, sanctus; non potest tamen dici Deitas est magnitudo, bonitas est Deitas, &c. Et in primo sensu propositiones sunt veræ, in secundo autem sunt falsæ; ut ex Scottistarum mente docet Jueninus: At secundum modum loquendi

San-

Sanctorum Patrum, & in concreto, & in abstracto essentia, & attributa divina de se invicem prædicantur: ergo Scotice distinctionis leges doctrinæ legibus Sanctorum Patrum adversantur. Ad minoris probationem afferimus testimonia Sanctorum Patrum; scilicet Hilarii lib. 7. & 8. non solum dicit, quod Deus est vivens, sed etiam quod Deus est vita; *Totum quod est, vita est*; Basilii in orat. de Fide apud Euthimium tit. 2. pag. 2. non dicit tantum, quod Pater, & Filius, & Spiritus Sanctus sunt unum bonum, sed etiam, quod sunt una bonitas; Gregorii Nazianzeni or. 13. aperta sunt verba, quibus tres Personæ sanctissimæ Trinitatis dicit, *veritas, & vitam, lumina, & lumen, bona, & bonum, glorias, & gloriam, verum, & veritatem, spiritum veritatis, sancta, & ipsam sanctitatem*; Maximi apud eundem Euthimium tit. 3. *Deus quidem tanquam ipsamet existentia, & ipsamet bonitas, & ipsamet sapientia, vel potius omnibus ipsis præstantior*. At non solum in Patribus predicationes istæ inveniuntur, verum quoque sunt in Scripturis; Joan. 14. *Ego sum via, veritas, & vita*; & Proverbiorum 8. *Ego sapientia habito in consilio*: 1. ad Cor. 1. Paulus scribit, se prædicare *Christum Dei virtutem, & sapientiam*. Quibus omnibus concinit S. Fulgentius in responsionibus ad Ferrandum interrogatione 2. *Christus Deus, Deus fortis sic est Deus, ut ipse sit Divinitas sua, quemadmodum sic est fortis, ut ipse sit virtus sua: sic est magnus ut ipse sit magnitudo sua: sic est sapiens, ut ipse sit sapientia sua*.

- III. Impugnatur Rationibus. I. Ubi est distinctio ante opus mentis, ibi ante opus mentis est pluralitas; sed repugnat in Deo pluralitas ante opus mentis: ergo & distinctio. Minor probatur. Omnimodæ simplicitati repugnat compositio ante opus mentis; sed pluralitas in ente importat compositionem: ergo omnimodæ simplicitati repugnat pluralitas; atque Deus est omnimoda simplicitas: ergo repugnat in Deo pluralitas ante opus mentis. Sed dicent Scotistæ, pluralitatem per modum actus, & potentie compositionem facere; formalitates autem etiam sunt plures, quia, tamen non sunt per modum actus, & potentie, compositionem non faciunt. At contra est. Attributa si realiter plura non sunt, ut actus, & potentia, sunt tamen realiter plura, ut actus, & actus: ergo si compositionem non faciunt, facient saltem aggregationem; ut cumulus lapidum, acervus critici, &c. Ulterius; *Essentia Dei per*

Scotistas de se realiter, & formaliter non est sapientia: ergo de se formaliter est in potentia formali ad sapientiam: ergo ipsa se habet, ut potentia, & sapientia, ut actus ergo facient in Deo compositionem. Tandem; semper verficaretur id, quod Bernardus contra Porretanum dicebat, quod in Deo, saltem formaliter, sed a parte rei, & ante operationem intellectus, non solum esset quaternitas, sed etiam centenitas; centum scilicet formæ, seu attributa, reperirentur.

- II. Deus est perfectissimus, & quidem in omni genere, absolute, & simpliciter: ergo omnes perfectiones suas habere debet perfectioni modo identificatas; sed sic non haberet, si eas haberet formaliter ex natura Dei distinctas: ergo non est dicendum, quod tali modo distinctas illas habeat. Minor subsumpta probatur. Si eas formaliter ex natura rei distinctas haberet, posset excogitari perfectior modus habendi eas: ergo non haberet eas perfectiori modo. Probatur antecedens. Posset excogitari modus, quo illas haberet formaliter ex natura rei identificatas; sed hic est perfectior modus habendi eas: ergo posset excogitari perfectior modus habendi eas. Probatur minor; sicut perfectior est modus habendi eas identificate realiter, quam realiter distinctas; ita est perfectior modus habendi eas formaliter ex natura rei identificatas, quam tali modo distinctas. Et sic in tali casu posset aliquid excogitari, quod esset perfectius Deo. Hoc autem omnino repugnat, quia Deus est omnimode perfectissimus. Unde Bernardus lib. 1. de consideratione cap. 7. scribens quidem ad Eugenium III., sed Gilbertum alloquens, sic arguebat: *Quid est Deus? Quo nihil melius cogitari possit. Si approbas, non oportet asseverari, esse aliquid, quo Deus sit, & quod Deus non sit. Hoc enim sine dubio melius*.

- III. Formalitates illæ per Scotum, & Modi illi per Durandum, ante operationem mentis, & prout distinctæ ex natura rei ab essentia divina, vel sunt divine, vel non sunt? Si sunt divine? Vel sunt tales per se ipsas, vel per aliud ab ipsis ex natura rei distinctum? Si per se ipsas? Et quare pariter ipsamet non sunt modo tales? Si per aliud? Iterum fit interrogatio, & sic proceditur in infinitum. Unde dicendum est, quod si sunt divine, non sunt per aliquid, quod sit ab ipsis ante operationem mentis, & ex natura rei, distinctum. Si autem non sunt divine? Ergo prout sunt ab essentia ex natura rei distinctæ, & qui-

dem ante operationem mentis, non sunt perfectissimæ, non sunt a se, non sunt infinitæ, non sunt increatæ, nullas denique perfectiones habent, quas habere debent, ut divinæ. Hoc autem quis sanæ mentis homo affirmabit? Præsertim sciens, quod in statu illo chimerico, in quo essent formalitates illæ, & modi illi, vere nihil essent, si divinæ non essent. Nihil quidem in re, dicit Scotus, sed essent formalitates; nihil quidem in re, dicit Durandus, sed essent modi. Attamen iterum insurgimus, & dicimus; istæ formalitates quatenus ex natura rei non sunt essentia divina, non sunt divinæ; si non sunt divinæ, aut quid chimericum, aut nihil sunt. Hoc idem dicimus de modis. At dicent, in re sunt ipsammet naturam divinam identice, non autem formaliter. Et nos quoque insistimus; quanvis ut entitates sint divinæ, ut formalitates tamen quid sunt? Esto quod identice sint Deus, formaliter tamen quid sunt? Licet in re sint divina essentia, ex natura rei tamen, prout ab essentia divina distinctæ, quid sunt? aut divinæ, aut chimericæ, aut nihil.

IV. Si Deus a Deitate, & a cæteris attributis, ex natura rei distingueretur, hæc propositio, Deus est Deitas, non esset vera in sensu reali; atqui hoc ipsum contra. Porrethanum in Concilio Remensi damnatum fuit; ergo Deus a Deitate, & a cæteris attributis, ex natura rei non distinguitur. Probarur major. Prædicatum enunciatum de subiecto, prout a subiecto distinguitur, reddit falsam orationem ipsam enunciantem; ergo propositio enuncians, Deum, & Deitatem esse idem simpliciter, & absque restrictione, erit falsa, si desit simplicitas ex natura rei. Probarur antecedens. Prædicatum enunciatum de subiecto, de subiecto enunciat, ut identitatem cum ipso; sed ut supponitur a subiecto distinguitur; ergo prædicatum enunciatum de subiecto, prout a subiecto distinguitur, reddit falsam propositionem, seu orationem ipsam enunciantem. Minor explicatur, & simul probatur. Dum dicitur, Deus est Deitas; supponitur Deitas identificata cum Deo in sensu reali, & antequodcumque opus intellectus; & hoc idem quoque enunciatum: Ex altera vero parte, supposita distinctione Scotica, Deus ex natura rei non est Deitas, quia ex natura rei distinguitur a Deitate; ergo in hoc sensu propositio est falsa. Hoc autem, quod contra Porrethanum in sensu reali damnatum fuit, quare contra Scotum non sit quo-

que damnandum, viderit ipse Scotus.

V. Deus non est aliquid realiter, quod non sit formaliter; sed hoc admissio tota corrumpit Scotica distinctionem formalis ex natura rei; ergo quia illa propositio negati non potest, Scotica distinctio sustineri pariter nequit. Major propositio patet ex Gersonio, in Epistola ad quendam Fratrem Minorem, in qua testatur, anno 1426, a Facultate Parisiensi damnatam fuisse hanc propositionem: Quod aliquid sit Deus realiter, quod non sit formaliter Deus. Minor explicatione, non probatione, indiget. Hoc enim ipso, quod est Deus formaliter ex natura rei totum id, quod est realiter a parte rei, nequit assignari distinctionem formalem ex natura rei, quæ non sit realis a parte rei; ergo quia Deus non est aliquid realiter, quod non sit formaliter, corrumpit distinctionem Scotica formalem ex natura rei. Neque dicant cum Heuno, quod aliter loquendum est de Deo, aliter de essentia divina; quia licet essentia divina, non dicat formaliter sua attributa, Deus tamen illa formaliter importat: Nam contra est; quia quanvis hoc verificari possit de essentia inadæquata, nequit tamen esse verum de essentia adæquata. Essentia enim adæquata, & suum essentiatum, pati omnino ambulanti passu; quare si Deus non est quid realiter, quod non sit formaliter Deus; sic etiam essentia divina adæquate sumpta nec erit quid realiter, quod non sit formaliter essentia divina.

Arguunt Scotistæ I. Intellectus producit Verbum, Voluntas non producit Verbum; ergo Voluntas non est Intellectus; atqui realiter Intellectus producit, Voluntas non producit; ergo realiter Intellectus non est Voluntas; sed non realiter realiter; ergo realiter formaliter. Contradictoria enim sunt producere, & non producere; adeoque de eodem secundum idem nequeunt prædicari; opus est ergo, ut ad ea componenda distinctionem aliquam ex natura rei, si non realem realem, saltem realem formalem, admittamus. II. Omnium oppositionum maxima est contradictoria; sed propter oppositionem relativam, quæ est minor, requiritur distinctio realis; ergo a futiori propter oppositionem contradictoriam, quæ est maxima: Non autem realis realis; ergo realis formalis. III. Attributa divina de se invicem prædicari non possunt; ergo actu distinguuntur. Probarur antecedens. Non enim dici potest, quod essentia sit Paternitas; alioquin dici posset, quod essentia geueret, sicut ge-

nerat

nerat Paternitas; quæ propositio damnata est contra Abbatem Joachimum in Concilio Lateranensi IV. Nec dici potest, quod justitia formaliter sit misericordia; alioquin etiam dici posset, quod Deus per misericordiam puniat, & per justitiam misereatur. IV. Singula attributa magis sunt idem sibi ipsis, quam cæteris attributis: ergo aliquam distinctionem singula habebunt a cæteris, quam non habent a se ipsis; sed hæc distinctio non potest esse, nisi formalis ex natura rei: ergo datur inter attributa distinctio formalis ex natura rei. Probat minor. Non est realis realis, ut patet; non est rationis, quia in his distinctionibus non est una major altera; ergo non potest esse, nisi formalis ex natura rei. V. Quæ formaliter distinguuntur inter se secundum suos conceptus communes, & abstractos, ubicunque reperiuntur, semper retinent eandem distinctionem: ergo quum justitia, & misericordia, secundum suum conceptum communem, abstractum formaliter distinguantur, quatenus justitia formaliter non est misericordia, & misericordia formaliter non est justitia, consequenter etiam contrariæ ad esse divinum distinguuntur formaliter inter se. Sicut quia humanitas, & equinitas ut sic formaliter distinguuntur, inter se, etiam contrariæ ad esse Petri, & ad esse Bucephali, formaliter distinguuntur inter se.

Respondemus ad I. Si ratiocinium valeret, non formalis realis, sed realis realis distinctio, in qua fuit error Gilberti, illo ipso probaretur. Attamen dicitur, quod illa contradictoria in Divinis non sunt contradictoria; quod sic primo suaderetur, quia non sunt de eodem secundum idem, secundum eundem scilicet respectum, sed secundum diversum respectum. Generare enim in Divinis dicitur de intellectu divino sumptum non tantum prout est entitas a parte rei, sed prout est entitas, quæ æquivaleret intellectui creato; non generare vero dicitur de voluntate, non prout est entitas a parte rei, sed prout est entitas æquivalens voluntari creatæ, quæ non generat. Sic ait Iuvenius. Quod est idem, ac dicere, quod entitas voluntatis etiam generat, quia est identificata cum entitate, quæ est intellectus; non tamen secundum formalitatem voluntatis generat, sed intellectus; quia, in creatis videmus, intellectum generare, non voluntatem. Patet secundo, quia nobis est evidens, plura nos de Deo ignorare, quum Deus sit a nobis incomprehensibilis; & per consequens ignorare modum, quo Divina sunt in se ipsis; ex altera parte revelationem habemus, intellectum generare, non voluntatem, & intellectum, & voluntatem, non distinguuntur realiter in Deo: ergo negative saltem habemus enunciata prædicata in Deo contradictoria non esse.

Ad II. eadem prorsus est responsio. Ut magis autem, quæ diximus, clarescant, & ut apertius huic alteri argumento occurratur, subiungimus, argumenta omnia ex contradictoriis petita, fundari supra principium illud: Quæ sunt idem uniterio sunt idem inter se. In tantum enim arguunt distinctionem intellectus a voluntate, dum dicunt, intellectus generat, non voluntas, in quantum principium illud omnino præsupponunt. E.G. intellectus est generans; sed voluntas non est generans: ergo voluntas non est intellectus. En quomodo intellectus, & voluntas non sunt idem inter se, quia nun sunt idem cum tertio, idest cum medio, quod est generans. Illud autem principium physice sumptum, hoc est secundum esse universaliter non est verum; ut fusc probat P. Magnanus, & nos in *Physicis* tradidimus. Unde sequitur, quod neque conclusiones ex ipso physice deductæ universaliter, & simpliciter nobis sint evidentes. Cæterum subdiximus, quod prædicata illa non sunt contradictoria, sed essent, si in creatis reperirentur. Quod apertum in Deo non fuit, a sua infinitate potendum est, quia fit, ut Deus tantæ sit perfectionis, ut ea sibi identificet, quæ alias in creatis essent distincta, & contradictoria.

Ad III. quicquid sit de essentia, & de paternitate, quæ videbuntur in Dissertationibus de Trinitate; dicitur bene quidem affirmari; quando dicimus, misericordia est justitia. Et quando inferunt Adversarii: ergo misericordia punit; hoc etiam nos admittimus in sensu reali. Si vero dicatur: Deus per misericordiam punit; hoc est falsum, & non sequitur ex illa propositione: misericordia est justitia. Et ratio est, quia per justitiam non intelligitur natura divina absolute, & in se sumpta, sed cum hoc addito, prout castigat; & quando dicitur prout, quod est formaliter, non realiter, appellat justitiam solam, non misericordiam. Has autem formalitates quis non videt ope intellectus haberi, non autem in re ex natura rei præsupponi?

Ad IV. major distinctio, quam singula prædicata, seu attributa Dei habent a cæteris,

an a se ipsis, est tantum distinctio rationis, quæ supponit in re fundamentum, seu virtutem, unde etiam dicitur fundamentalis, seu virtualis. At in hoc sensu tantum, quod scilicet attributa habeant hanc distinctionem a cæteris, non habeant tamen a se ipsis. Sapientia enim a se ipsa nullo modo, neque formaliter, neque virtualiter, & ratione, distinguitur, sicut distinguitur virtualiter, & ratione, a cæteris attributis. Cæterum modum loquendi in argumento toleravimus, ut argumento daremus locum; quia aliter hæc major, & minor identitas non datur, quum identitas, ut diximus cum P. Magnano, nullo modo suscipere possit magis, & minus.

Ad V. Rationes communes, & analogæ, ut sunt iustitia, & misericordia, abstractæ a creatis, & increatis, præscindunt a distinctione, & identitate in suis contrahentibus. Et hoc est clarum, quia, quum sint distinctæ in creatis, & quum sint identificate in divinis; hoc ipso, quod a creatis, & a divinis abstrahuntur, nullam retinere debent rationem concretorum, a quibus abstrahuntur; adeoque debent præscindere ab identitate, & distinctione. Quum ergo secundum esse abstractum, & præcisum, nec distinctionem, nec identitatem, dicant, evenit, quod hanc respective di-

cant, quando solummodo concretantur. Scilicet, si contrahantur ad esse creatum, contrahunt distinctionem, quam in creatis inveniunt; si vero contrahantur ad esse increatum, contrahunt identitatem, quam ibidem supponunt; hoc est identificantur in una simplicissima formalitate adæquata, in ipsa nimirum Deitate, in qua nostro intelligendi modo includuntur. Quod hac quoque paritate confirmamus. Etenim de ratione iustitiæ solius abstractæ, & præcisæ, non est, nec quod sit distincta, nec quod sit identificata, cum ea essentia, in qua reperitur; quia quando abstrahitur, abstrahitur ab essentia creatis, in quibus est distincta, & ab essentia increata, in qua est identificata. Et quando postea contrahitur a creatis, contrahitur distincta; quando vero contrahitur ab increata, contrahitur identificata. Ita patet de iustitia respectu misericordiæ dicendum est, ut de iustitia respectu essentię dictum fuit. Quæ quidem omnia concludi possunt cum illo Augustini lib. 6. de Trinitate c. 7., quod Bernardus contra Porretanum usurpabat: *Dens multipliciter dicitur, magnus, bonus; eadem magnitudo ejus est quæ sapientia, & eadem bonitas, quæ sapientia, & magnitudo, & eadem veritas, quæ illa omnia.*

DISSERTATIO XXI.

*De Sententia Nominalium circa distinctionem
essentiæ divinæ ab attributis, &
attributorum inter se.*



Nominales omnes, cum Ochamo in 1. dist. 2. q. 1. Gabriele disp. 2. q. 1. Gregorio Ariminensi dist. 8. q. 2. Majore q. 1. Aureolo dist. 8. par. 3. ar. 6. prop. 2. Porretani errorem declinare volentes, Eumenii delirio visi sunt accessisse. Nullam enim rationis ratiocinatio, inter essentiam, & attributa, atque inter attributa ipsa, distinctionem admittunt, sed sola distinctione rationis ratiocinantis contenti sunt. Quod idem est, ac dicere, essentiam, & attributa divina, esse solum diversa nomina eandem rem, & sub eadem ratione intrinseca, significantia; & solum invicem discrepare per connotationem diversorum effectuum, vel perfectionum, vel imper-

fectionum, creaturarum, cum quibus Deus ab intellectu nostro comparatur. Et quidem nomine comparativo, seu connotativo sic diversimode significatur, quod eadem omnino formaliter etiam simplex essentia divina dicatur misericordia per ordinem ad effectum parcendi, & miserendi; dicatur iustitia per ordinem ad effectum puniendi; dicatur sapientia, bonitas, omnipotentia, per comparationem ad perfectiones creatas operationum sapientiæ, bonitatis morales, & potentie multiplicis creaturarum, quibus Deus infinite supereminet; dicatur denique immortalis, immutabilis, per negationem mutabilitatis, & defectibilitatis, quæ in creaturis reperiuntur. Hoc pacto sententiam Nomina-

lium

lium ad litteram explicat Frassen trac. 1. disp. 2. ar. 1. q. 2.

Cardinalis vero de Aguirre trac. 3. c. 16. Monolog. disp. 31. sec. 1. vocat hanc Nominalium sententiam oppositam utrique sententiae admittentium præcisionem objectivam, & præcisionem formalem, atque illam esse assertivum, omnia prædicationa divina, excepta distinctione reali personarum, solo nomine inter se differre, nec distingui cum fundamento ab intellectu nostro, sed dumtaxat juxta ipsius arbitrium, & merum figmentum. Unde videtur, quod hæc distinctio juxta mentem præfati Auctoris sit potius fictio distinctionis, quam distinctio; immo sit distinctio chimerica; etsi ipsemet relictis verbis superaddat, quæ distinctio rationis ratiocinantis appellari solet in scholis. A Cacherano t. 1. theolog. assertiv. trac. 1. lib. 1. c. 3. §. 4. sic explicatur distinctio Nominalium, quam insuper dicit Eunomii errori accedere. Assertit enim, attributa in Deo non distingui ab invicem, & ab essentia, sola ratione ratiocinante, veluti alii loquuntur, signi ficante, & concipiente; ejus nomine intelligitur distinctio orta præcise ex nostro modo concipiendi, absque ullo fundamento in rebus ipsis. Deinde ait, hanc conclusionem esse contra Aetium, Eunomium, aliosque nonnullos, qui, ut referunt S. Epiphanius hæres. 76., & S. Basiliius lib. contra Eunomium, divina prædicationa permiscere prorsus, & confundentes, volebant omnem illorum distinctionem in sola vocatione consistere. Postmodum subjungit, esse etiam contra Nominales, nullam agnoscentes distinctionem, nisi realem. Unde ex ipsius rhente vere dici potest, quod nulla intersit inter Anomæorum errorem, & sententiam Nominalium, circa distinctionem essentiae divinæ ab attributis, & attributorum inter se, differentia.

At re vera ita non est; quia etsi Anomæi distinctionem vocum, & Nominales distinctionem nominum, in divinis admittunt, Nominales tamen asserunt, huic nominum distinctioni correspondere distinctionem rationis, quam Anomæi non admittunt. Et quavis hæc rationis distinctio, quam Nominales admittunt, sit solius rationis ratiocinantis, non autem rationis ratiocinatæ, ac proinde fictitia, ut diximus, & chimerica; hoc tamen facit, quod ipsorum sententia ad Anomæorum errorem reduci possit, nun vero, quod ipsis terminis eadem sit cum illo. Quemadmodum, quia Scotica distinctio ab illis, qui Scotistæ non

sunt, suis ratiociniis reducitur ad Porretani errorem, non per hoc aliquis dicit, quod vere Scotica sententia sit eadem cum errore illo. Et assignando discrimen, dicitur, quia distinctio Porretani erat realis, illa vero Scoti est realis formalis; quavis deinde rationibus Adversarii probare nitantur, discrimen esse in nomine, & non in re. Ita pariter, quavis ratiociniis Adversarii Nominalium probare intendunt, suam distinctionem esse eandem, cum illa Anomæorum, non per hoc negant discrimen, quod a Nominalibus assignatur; & licet discrimen illud in nomine consistere contendunt, non in re, non per hoc sit, quod illud vere non deus, & Nominalibus non propugnetur, consistere etiam in re, ut de discrimine, quod assignant inter Gilbertii errorem, & suam sententiam, Scotistæ ipsi propugnant.

His tamen non obstantibus, adhuc hæc Nominalium distinctio censuræ afficitur a Theologis. Siquidem Suarez de Trinit. c. 1. n. 1. plusquam falsam appellat; Martinus disp. 3. sect. 5. n. 29. probabiliter tantum dicit; alique tandem apud Ruiz disp. 8. de scientia, & disp. 12. de Trinit. Recupit. lib. 3. de Deo q. 5., & Fassolum 1. p. q. 4. ar. 2. dub. 24., in eam, tanquam absurdam invehuntur. Frassen quoque, loco superius citato, ait, quod, si hæc opinio in re ipsa dissentiat a communi sententia, est plusquam falsa; si vero tantum in modo loquendi, est impertinens, & sine fundamento, & vix permittit nobis uti vocibus aptis ad explicandum mysterium Trinitatis. S. Thomas, etsi non dicat opinionem esse falsam, falsam tamen assertit esse distinctionem; quatenus per illam enunciat, non quod Deus sit ita, sed quod Deus ita intelligatur. En sua verba. 1. p. q. 13. ar. 4. *Ex hoc, quod intellectus in se ipsum reflectitur, sicut intelligit res existentes extra animam, ita intelligit eas esse intellectas. Et sic, sicut est quoddam conceptio intellectus, vel ratio, cui respondet res ipsa, qua est extra animam; ita est quoddam conceptio, vel ratio, cui respondet res intellecta secundum quod hujusmodi, sicut rationis hominis, vel conceptioni hominis respondet res extra animam, rationi vero, vel conceptioni generis, aut speciei respondet solum res intellecta. Non autem est possibile, hujusmodi esse rationes horum nominum, qua de Deo dicuntur, quia sic intellectus non attribueretur Deo ea, secundum quod est in se, sed secundum quod intelligitur, quod patet esse falsum. Eset enim sensus cum diceretur: Deus est bonus; quod Deus sic intelligitur,*

giunt, non autem quod sit.

Putarunt aliqui, S. Anselmum Nominalium distinctioni favisse; afferentes, dixisse Doctorem hunc, quicquid dicitur de summa essentia, nullatenus ab ea differre, nequidem consideratione. At Cardinalis de Aguirre torus est, ut Anselmum liberet ab hac nota; & assert Petavium t. 1. theologicorum dogmatum de Deo lib. 1. c. 11. n. 6., qui asserit, Anselmum excludere solum a predicatis divinis distinctionem illam rationis, ex qua sequitur compositio aliqua metaphysica, aut limitatio essentialis divinarum perfectionum. Neutra autem ex his sequitur ex distinctione rationis cum fundamento inter predicata divina, dummodo illa omnia predicata essentialiter Dei quidditatem constituent. Ergo non excludit distinctionem rationis ratiocinatae, & per consequens distinctionem rationis ratiocinantis non admittit. Subdit idem Cardinalis, quod tam in capite 16., quam in duobus praecedentibus capitulis, S. Anselmus differit de essentia, & attributis, ceterisque predicatis divinis, veluti de pluribus, oio solum pluralitate nominis, sed etiam pluralitate diversarum functionum; quae quidem per se, & ex terminis, important aliam, & aliam rationem formalem, praeter ipsa nomina diversa. Igitur, concludit Aguirre, potius refragarur Anselmus, quam faveat, Nominalium opinioni. Attamen ultra hanc auctoritatem Anselmi, quam assert doctissimus Cardinalis, & germano sensu explicat, alia est, quam in me-

dium ducunt Nominales, ut S. Doctoris patrocinio suam sententiam tueantur. In moologii scilicet capite 25., in quo loquunt: *Summa natura non proprie dicitur iusta, quia habet iustitiam, sed quia existit iustitia.* Quibus verbis intendunt, Anselmum dicere, Deum non tam habere, quam esse, suam omnem perfectionem. Ac proinde inferunt: ergo nec essentia ab attributis, nec attributa ab invicem, ullatenus discrepant. Quicquid ad haec Anselmi verba respondet Frasseo, ea detorquendo ad suam formalem ex oatura rei distinctionem corroborandam, rectius putamus eadem explicari in sensu quidem reali, sed non proinde deveniendum ad formalitates a parte rei, quum sufficiat solum ad intellectuales formalitates recurrere. Certe quidem Deus iustitiam non habet, tanquam contentens, & contentum, quae sunt distincta realiter; sed est iustitia, quum in eo idem omnino in Deo sint Deitas, & iustitia. Et hic est sensus realis, in quo loquitur Anselmus. Sed hoc non officit, quio nos possumus concipere in Deo iustitiam, ut distinctam a natura divina, & eam a oatura divina ratione distinguere; & hoc quidem, quia conceptus iustitiae non idem formaliter importat, ac conceptus Deitatis; non vero ex hoc, quod Deitas, & iustitia, sine formalitates ex natura rei, & ante mentis operationem, distinctae. Uode hoc pacto credimus viodicare Anselmum a Nominalium sententia, absque eo, quod illum faciamus Scotistarum opinioni adhaerere.

DISSERTATIO XXII.

De Impugnatione sententiae Nominalium.



UNUS, aut alter ex Scholasticis Theologis in illa fuit sententia, ut crederet, Nominalium distinctionem in Divinis, in vi. Synodo generali, fuisse proscriptam. Si quidem ibi actio. 11. in epistola Sophronii, quae ibidem actio. 13. approbatur, haec verba adinveniri putant: *Per nostram intelligentiam separari perfectiones divinas, quae in re separabiles non sunt.* Apertius profecto testimonium desiderari non posset, ad probandum, in divinis non solum esse distinctionem nominum, verum quoque rationis, & intelligentiae, inter praedicata absoluta, quae veniunt perfectionum titu-

lo, sive inter se comparata, sive cum praedicatis relativis collata, intelligantur. Et ita credidit Quiros disp. 16. in 1. par. 5. 2. ante 1. sect. Cardinalis tamen de Aguirre hallucinationem detexit, eamque legentibus manifestavit. Air enim, quod verba illa in praelaudata epistola non inveniuntur, sed longe alia, & dissimili sensu sunt ea, quae in eadem leguntur. Sophronius enim in epistola illa professionem suae fidei catholicae circa Trinitatis mysterium exponens, col. 5. haec io eadem scripsit: *Est unus Deus, una Deitas in tribus subsistentiis fulgens; & tres substantiae, & persona in Deitate una cognoscuntur. Propterea perfectus Deus est Pater; perfectus Deus est filius; perfectus*

factus Deus est Spiritus Sanctus: Idcirco quod unam, eandemque singula quaque persona inseparabilem, indiminutam, atque perfectam habet Deitatem. Et juxta quod Deus idem est, id ipsum existit unumquodque, dum seorsim consideratur, ipsa intelligentia quod non separabile separante. Ad quæ inquit Aguirre, his ultimis verbis, doceri solum, personas divinas, quanvis reipsa distinctas, nullam subire divisionem realem, sed mentalem solum, quæ seorsim a nobis consideratur, unaquæque illarum. At hic sensus longissime quidem abest ab illo, quem intendimus in præsentia.

- I. Igitur impugnatur sententia Nominalium ex Scripturis. Joan. 6. 15. *Omnia, quæ Pater habet, mea sunt.* Ubi clare de perfectionibus divinis, tanquam de multis, sermo est. Cohærenter aut hæc verba Concilium Florentinum sess. ult. docet: *Omnia, quæ Patris sunt, ipse Pater unigenito Filio suo gignendo dedit, præter esse Patrem.* Et sess. 17. loquens de essentia, & hypostasis divinis, ait: *Haudquaquam putare debemus, ut re differant: quandoquidem sola ratione, aut intelligentia differre creduntur.* Sess. etiam 18. post medium: *Divina substantia, & persona re quidem sunt idem: secundum autem modum intelligentiæ nostræ, differre videntur.* Sess. 19. ante medium: *Ne tamen re differre, hoc patetis, sed apprehensum tantum, & intelligentia.* Et in fine ejusdem sessionis: *Persona Patris non distinguitur a paternitate, aut a substantia, nisi ratione.* Nec dici potest, quod hæc verba intelligantur, vel de ratione ratiocinantur, vel de prædicatis tantum relativis, non vero de absolutis, vel quod virtuale distinctionem non præferant. Non quidem primum, quia appellando modum intelligentiæ, hoc ipso innuunt distinctionem rationis ratiocinantiæ, quæ differre facit prædicata, non nomina. Non secundum, quia in hoc æque de relativis, ac de absolutis prædicatis, discurrere, ac ratiocinari, debemus. Non tertium, quia omnia illa, quæ præsupponuntur in re, virtuale distinctionem ostendunt.

Aliæ sunt sacrarum Scripturarum auctoritates, quæ hoc ipsum evincunt. Ad Romanos 1. 20. *Invisibilia enim ipsius, a creatura mundi, per ea, quæ facta sunt, intellecta conspiciuntur: sempiterna quoque ejus virtus, & divinitas.* Quibus verbis attributa, operationes, & divina essentia, exprimiuntur, & quidem exprimiuntur vocibus pluralibus, quibus vult Apostolus inducere aliqualem inter ipsa distinctionem. Quod clarius red-

ditur ex eodem Apostolo, qui ad Galat. 3. 16. volens Apostolus idem Paulus unicum tantum exprimere, vocibus in singulari utitur: ergo dum vocibus utitur in plurali, non unicum vult exprimere, sed plura. *Abram dicta sunt promissiones, & semini ejus.* Non dixit: *Et fratribus, quasi in multis; sed quasi in uno; & semini tuo, qui est Christus.* Ubi idem Paulus est textus, & glossa. Vocibus etiam in plurali utitur idem Apostolus ad Roman. 11. 33. *O altitudo divinarum sapientiæ, & scientiæ Dei: quam incomprehensibilia sunt judicia ejus, & investigabiles viæ ejus!* Loquitur hic profecto de divinis attributis, tanquam de multis, & quidem non solo nomine.

- II. Impugnatur ex Conciliis. VI. Synodus aët. 8. ait: *Patrem, Filium, & Spiritum Sanctum, nihil in Incarnatione habere commune, nisi benignissimam misericordiam, & voluntatem.* Etenim Synonyma, quia differunt tantum in nomine, ut gladius, & ensis, si aliquid de uno dicitur, dicitur etiam de alio: ergo quia de attributo uno aliquid dicitur, quod non dicitur de alio, attributa ipsa non differunt tantum in nomine. Similem habent expressionem Concilium Toletanum VI. & XI., dum testantur, Filium assumpsisse humanitatem in eo, quod est proprium Filii, non quod est commune. Trinitati: ergo etiam ex his pari ratiocinio est discurrendum. His adjungimus Concilium Florentinum in locis pluribus, quæ nuper ad probationem ex Scriptura attulimus.

- III. Impugnatur ex Patribus. Basilio lib. 1. adversus Eunomium: *Quinam ergo manifesta insania non sit proprium univulque nomini significatum negari subiectis sed quod ad vim attinet, idem valere invicem affirmare nomina omnia?* Et infra: *Nullum esse nomen, quod totam Dei naturam comprehendat, & quantum satis est, explicet: quare multa esse diversa, quæ singula propriam habent significationem.* Et lib. de recta fide: *Si quis dicat, Deus, non hoc ipsum, quod est Pater, exprimit: Et porro, quod est Pater, dicit hoc, quod est creator: tum illis drest, oportetque addere, bonitatem, sapientiam, virtutem, & cætera, quæ in sacra Scriptura memorantur.* Quibus S. Doctor contra Eunomium probare intendit, notiones naturæ, relationum, & attributorum, non esse eadem omnino, & differre plusquam secundum solum nomen. Augustinus lib. 8. de Trin. c. 2. *Non ce Verbum, quod sapientia; quia Verbum non ad se dicitur, sed tantum relative ad eum, cujus Verbum est, sicut Filius ad Patrem. Sapientia vero, ce,*

quo essentia. Et idem, quia una essentia, una sapientia. Et c. 4. aliud est Deum esse, aliud Patrem esse. Et lib. 7. de Trinit. c. 6. Substantiam Patris ipsum esse Patrem, non quo Pater est, sed quo est. Quum ergo Augustinus hæc non distinguat realiter, dicendum est distinguere ratione, non solo nomine; & quidem ratione, quæ in re fundamentum habeat, non vero, quam pro arbitrio intellectus fingat. Maximus Marius apud Euthymium in Panoplia par. 1. tit. 3. In Deo ens, & bonus, Deus, opifex, supersubstantialis, infinitus, immortalis, & ejusmodi alia, non sunt substantivæ differentia: ne compositum ex his illum esse proficemur. Verum appellationes esse dicimus, quæ nonnulla significant, quæ circa illum considerantur; sed nihil expriment eorum, quæ ad ejus substantiam, & naturam, pertinent. Quadam enim natura divina convenientia significant: non tamen ipsam naturam demonstrant; quod proprium est earum differentiarum, quæ substantivæ, ac rei constituentes sunt. Si igitur attributa Dei divinam naturam non significant, divina natura, secundum nostrum intelligendi modum, a suis attributis differt; nec attributorum nomen, secundum rationem, idem poterit esse significatum. Gregorius Nyssenus plura habet lib. 12. advers. Eunomium, quibus Nominalium sententia evidenter expungitur; sed afferimus tantum illa, quæ scribit lib. 2. de Trinit. ad Eustachium: Cum aliquis uniuscujusque horum nominum, & ipsius nature, circa quam ea nomina intelliguntur, rationem reddit, ac definitionem, non eandem reddit utrorumque rationem. Sed nisi alia, & alia ratio formalis sit in Deo, ac proinde aliqua rationis distinctio, nequeunt hæc Gregorii verba in suo sensu proprio verificari.

- IV. Impugnatur Rationibus. I. Distinctio rationis ratiocinantis, quam Nominales supra distinctionem Anomæorum, quæ in sola nominum diversitate consistebat, se admittere profitentur, nihil re vera importat, præter ipsum nominum diversitatem: ergo non per hanc distinctionem rationis ratiocinantis error Anomæorum, & sententia Nominalium, differtur. Probatur antecedens. Distinctio rationis ratiocinantis, vel consistit in diversitate synonymorum, vel in diversitate secundarum intentionum, subjecti scilicet, prædicati, & medii termini: Primo modo, si dicatur, murus est paries; ensus est gladius; Cephas est Petrus, &c. Secundo modo, quando dicitur: Petrus est Petrus, distinguendo Petrum subjectum a Petro prædicato: Sed

hæc omnis distinctio solum nominum diversitatem importat, ut de se patet: ergo distinctio rationis ratiocinantis nihil re vera importat, præter solum nominum diversitatem: ergo distinctio rationis ratiocinantis, quam supra Anomæorum errorem credunt Nominales proferre ad suam sententiam ab hoc errore vindicandam, nihil efficit, quo minus sententia Nominalium. Anomæorum errori omnino assimiletur.

- II. Nominales, vel fundamentum habent divina attributa distinguendi, vel non habent? Si non habere se dicunt; tot Scripturas manifestas opus est, ut negent, quæ nobis fundamentum exhibent attributa in Deo distinguendi. Si habere fateantur; ergo non rationis ratiocinantis, sed ratiocinatæ potius eorum distinctio erit. Neque dicant fundamentum se habere, & hoc esse diversam attributorum connotationem: Etenim sic contra argumentatur; hæc diversa attributorum connotatio, vel pro arbitrio ab ipsis concipitur, vel cum fundamento in re? Si pro arbitrio: ergo non est diversa attributorum connotatio, sed diversa potius connotatio concipientium attributa. Si cum fundamento in re: ergo erit distinctio rationis ratiocinatæ.

- III. Distinctio entitatis divinæ per ordinem ad operationes puniendi, parcendi, beneficiandi, &c. non officit ex una parte summæ Dei simplicitati, & confert ex altera, ad intelligendas divinas perfectiones modo perfectiori; sed hæc non habetur, nec per solum intellectum, nec per sola nomina, ergo distinctio præfata in Deo est admittenda, & non illa, quæ haberetur per solum intellectum, & per sola nomina. Minor est certa, quia distinctio præfata habet fundamentum in operationibus divinis per ordinem, quem dicit ad illas: ergo non habetur per solum intellectum; ulterius operationes appellant attributa, quarum sunt operationes, non sola nomina attributorum: ergo nec haberetur per sola nomina. Major autem probatur. Tunc officeret simplicitati summæ Dei, quando aliqua ex ea compositio oriretur; sed hæc non oritur, ut ex argumentorum solutione patebit: ergo non officit. Uterius. Sola nominum distinctio non explicat Dei perfectiones perfectiori modo: ergo plusquam nomen debet esse, ut sic explicet.

- IV. Deus, & amplius a nobis laudatur per ampliora attributa, quæ in ipso concipimus, & magis laudatur per unum attributum, quam per aliud, quod pro filio tunc in ipso saltem clare non concipimus; sed hoc

hoc provenire non potest ex sola nominum diversitate: ergo attributorum divinorum distinctio non provenit ex sola nominum diversitate. Major explicatur. Quo majora sunt attributa, quæ in Deo concipiuntur, eo laudabiliorum per illa a nobis reddimus; & quo majores operationes unius attributi videmus, eo magis ipsum laudamus. Quod ipsæmet divinæ Scripturæ testantur, ubi aliquando ejus justitia celebratur, aliquando bonitas, aliquando misericordia; prout sunt actus attributorum, quæ in ipsis commemorantur. Minor autem probatur. Si proveniret ex sola nominum diversitate, vel ex rationis ratiocinantis distinctione, possemus utique laudare justitiam Dei, quia parit, misericordiam, quia punit, bonitatem, quia sapit, sapientiam, quia potest, &c. Sed hoc non est dicendum; ergo nec pariter est dicendum, quod amplior, & major Dei laudatio proveniat, vel ex sola nominum diversitate, vel ex sola rationis ratiocinantis distinctione.

V. Nomina, quæ distinguuntur in Deo, vel connotant solas creatas perfectiones, vel perfectiones etiam divinas? Si perfectiones etiam divinas? Ergo non sunt sola nomina, quæ distinguuntur, sed perfectiones quoque, quæ sub his nominibus comprehenduntur. Si solas creatas perfectiones? Ergo non distinguunt attributa divina, sed attributa creatura. Probatur hæc ultima consequentia. Nomina res illas distinguunt, quas exprimunt; sed exprimunt creatas perfectiones; ergo solas illas distinguunt. Dicere tamen possunt Adversarii, quod nomina exprimunt perfectiones divinas, & connotant perfectiones creatas. At contra arguemur. Vel perfectiones divinas, quæ exprimuntur per nomina, concipiuntur sub ratione illorum nominum, vel non? Si concipiuntur? Ergo non sola nomina, sed etiam perfectiones, distinguuntur. Si non concipiuntur? Ergo illa nomina nihil exprimunt, quia nihil per ipsa concipitur. Uterius. Connotando perfectiones creatas, vel ad eas referunt sola nomina divina, vel perfectiones etiam divinas? Si hoc secundum? Ergo perfectiones divinas distinguuntur. Si primum? Quare potius non referunt nomina ad nomina, & perfectiones ad perfectiones, & referunt nomina ad perfectiones, quod est contra omnem discurrendi methodum, & ordinem?

Arguunt Nominales I. ex Conciliis. In Concilio Remensi Eugenius III. contra Gilbertum Porretanum decrevit, ne aliqua ra-

PAR. I.

tio inter naturam, & personam divideret; sic refertur ab Ortone Frisigensi: ergo essentia nec etiam ratione differt a persona, aliter jam ratio inter naturam, & personam divideret; cujus contrarium Pontifex definivit. In Concilio Lateranensi IV. sub Innocentio III. dicitur summe simplex; non esset summe simplex, si aliqua in eo esset compositio; esset compositio, si esset distinctio; quia compositio est distinctorum unio: ergo, ut sit summa simplicitas, nulla debet esse compositio; ut nulla sit compositio, nulla debet esse distinctio.

II. Ex Patribus. Augustinus lib. 6. de Trinit. c. 7. ait: *Dens multipliciter quidem dicitur magnus, bonus, sapiens, beatus, verus, & quicquid aliud non indigne dici videtur: Sed eadem magnitudo ejus, quæ sapientia, & eadem bonitas, quæ sapientia, & magnitudo.* Ex lib. 15. de Trinit. c. 5. *Bonitas, atque justitia, nunquid inter se in natura Dei, sicut in ejus operibus, distant, tanquam dua diversa sint qualitates Dei, una bonitas, alia justitia? Non utique, sed quæ justitia, ipsa bonitas; & quæ bonitas, ipsa beatitudo.* Ex c. 6. *Neque sicut nos de illo percipimus sapientiam, ita Deus de aliquo; sed sua est ipse sapientia, quia non est aliud sapientia ejus, aliud essentia, cui hoc est esse, quod sapientem esse.* Gregorius Nyssenus lib. ad Ablavium circa finem: *Omnem circa essentiam diversitatem rejicit divina simplex, & variationis infesta, natura.* S. Cyrillus lib. 11. thesauri: *Substantiam Dei seipsa perfectam esse, sed tamen non cogi nunquam accidentium modo concipere, intelligentes autem creationem mundi creatorem Deum fuisse, sed non actum; creato autem mundo actum quoque creatorem esse.* Bernardus lib. 5. de considerat. c. 13. *Vidus sum pretulisse, plura, sed unum est: Unus Deus signatus est pro capto nostro, non pro suo statu. Divisus est hic captus noster, non ille Deus: voces diversa, semita multa; sed unum per eas significatur, unus queritur. Quæ omnia plane demonstrant, omnem, quæ de Deo dicitur, distinctionem, non in Deo, sed in nobis esse; adeoque esse solam rationis ratiocinantis distinctionem, quæ nomina tantum, & non prædicata, faciat esse distincta.*

III. Rationibus. I. Ubi non est unum, & aliud, non potest unum concipi sine alio; sed in re summe simplici, qualis est Deus, non est unum, & aliud: ergo unum non est conceptibile sine alio; ac proinde nihil est in eo distinctum. Hoc, dicit Praffen, esse solemne Nominalium argumentum. II. Quia Deus est summe sanctus, & est sum-

N me

me spiritus; nullum nos fundamentum habemus, quo per intellectum concipiamus Deum, vel peccantem, vel materialem: ergo pariter, quia Deus est summe simplex, nullum nobis erit fundamentum, quo Deum, vel compositum, vel distinctum, etiam per intellectum, cogitemus. III. Si prædicata Dei nos dividimus nostra cogitatione, Deus non erit illud, quo majus cogitari non potest. Et probatur; quia possumus cogitare aliquid, quod neque cogitatione nostra possit dividi; sed hoc esset majus Deo: ergo Deus non erit illud, quo majus cogitari non potest. IV. Distinctio rationis ratiocinantis constituitur per respectum ad connotata extrinseca diversa; sed in Deo hæc sola distinctio reperitur: ergo in Deo sola distinctio rationis ratiocinantis admittenda est. Major explicatur. Cuius est legis Doctor, est Ecclesiæ Præsul, & est regni Gubernator; in hoc casu distinguitur a se ipso sola distinctio rationis ratiocinantis, quia distinctio non sumitur ab ipso Cajo, qui est idem indivisibiliter in se ipso, sed accipitur a connotatione, vel respectu, quem habet ad diversa munera, quæ exerceat. Probatur minor. Quia pari modo, immo a fortiori discurre possumus de essentia divina, quæ simpliciter est essentia Caji; essentia autem divina prout connotat effectus, quos producit, vocatur omnipotentis, homines, quos punit, iustitia, alios, quibus parcit, misericordia; & per consequens pariter essentia divina ab attributis, & attributa inter se, distinguuntur per respectum ad diversa connotata extrinseca.

Respondemus I. ad Concilia. In Remensi Eugenium loqui verbis Gilberti, distinguens inter personam, & naturam, non ratione mathematica, quæ est per opus intellectus, sed ratione theologica, quæ ab ipso dicebatur ante opus intellectus. Unde Otto lib. 1. de gest. Frederici c. 57. de Gilberto ait: *Quod autem inter naturam, & personam, non mathematica abstractione, sed theologica consideratione quovis modo divideret ratio, & ratione, & auctoritate, probare nitetur.* Unde a Pontifice damnata est in Gilberto ratio theologica, quæ per ipsum Gilbertum erat ante opus mentis, non vero ratio mathematica, quæ per ipsum fiebat per opus mentis. Ad Concilium Lateranense dicitur, quod compositio est distinctorum unio, quando distincta veniunt, ut partes ad constituendum aliquod tertium. In casu autem non sunt distincta realiter, licet realiter contineant fundamentum, ut con-

cipiantur distincta. Ut in sequentibus Dissertationibus dicemus.

Respondemus ad Patres. I. Omnes illos a Deo removere velle realem distinctionem inter essentiam, & attributa, & inter attributa, ipsa; quia hæc summe Dei simplicitati opponitur. Si autem nos probamus distinctionem rationis Dei summe simplicitati non ob stare, hoc ipso videbitur, nullum ex adductis Patribus, vel ex adducendis, contra nos, & pro Nominalibus, loqui. II. Est Patres aliquando in Deo distinguant nomina, non autem distinguunt sola nomina, si *T* sola excludant conceptus, quamvis dici possint sola, si *T* sola excludant res. III. Ait Frasen, quod SS. Patres vel loquuntur tantum de denominationibus extrinsecis, scilicet Creatoris, Sancti creatoris, &c. quæ quatenus important actum, non inferunt in Deo novam perfectionem intrinsecam, quam non habuerat ab æterno, sed sunt tantum novæ, & extrinsecus advenientes denominationes: Non vero loquuntur de perfectionibus divinis intrinsecis, quæ perficiunt, & afficiunt essentiam divinam reipsa, & nullo cogitante intellectu. Vel SS. Patres intendunt, quod nominum diversitas non designet in Deo rerum variationem; & quod essentia divina cum suis attributis sit quidem una res actualiter, non vero negant, quod virtualiter sit multiplex, & quod possit pluribus conceptibus cognosci, sicut potest pluribus nominibus designari.

Respondemus ad Rationes. Ad I. distinguendo majorem: Ubi non est unum, & aliud neque realiter actualiter, neque virtualiter, conceditur; actualiter realiter, sed non virtualiter, negatur. Distinguitur pariter minor: Sed in Deo non est unum, & aliud, neque realiter, neque virtualiter, negatur; realiter actualiter tantum, conceditur; & negatur consequentia. Quamvis enim in Deo essentia non sit alia a sapientia, operatio tamen unius est alia ab operatione alterius, seu potius effectus unius est alius ab effectu alterius. Et hoc constituit distinctionem virtuales, seu fundamentum distinctionis, quam postea efformat intellectus, & dicitur distinctio rationis rationeinaræ.

Ad II. Negatur paritas. Et disparitas est, quia potentia ad peccandum debet esse realis, quia est ad peccandum in re; similiter corporeitas ex terminis est quid reale, & non potest esse quid rationis. Unde quævis potentia, vel ad peccatum, vel ad corporeitatem, est impossibilis, ut concipiatur in summa

ma sanctitate, & in summa spiritualitate. Hinc fit, quod quum potentia ad peccandum, potentia ad esse corporeum, sit chimera in Deo, chimera etiam erit distinctio, si respectu talis potentie efformabitur. Non sic vero potentia ad puniendum, & potentia ad parcendum, cujus actus in creatis sunt realiter distincti, & in Deo quanvis non sint realiter distincti, possunt tamen cum fundamento, & non chimericè concipi, ut distincti.

Ad III. negatur assumptum; ad cujus probationem distinguitur major; possumus cogitare aliquid, quod neque cogitatione nostra possit dividi; & hoc est possibile, negatur; & hoc est mere chimericum, & impossibile, conceditur. Hoc ipso enim, quod nos probamus, coherere omnimodam Dei simplicitatem cum fundamento distinctionis, habemus jam in Deo realiter existente summam simplicitatem. Requiere autem in illo majorem simplicitatem, quæ dari

non possit, est fingere Deum chimericum, & impossibilem, non vero Deum verum, & realiter actualiter existentem.

Ad IV. dicitur, essentiam divinam, sive a creato intellectu ad connotata extrinsecam comparatur, sive non, habere semper in sua infinitate aliquid, ratione cujus concipitur sub diversis ideis, & sub distinctis conceptibus intelligatur. Hoc sufficit, ut dicatur, distinctionem, quam in Deo admittimus, & non esse solius rationis ratiocinantis, & non connotare tantum extrinsecam prædicatam. Quæ distinguuntur in Cajo, neque realiter sunt ipsemet Cajus, nec semper sunt in Cajo, nec a Cajo sunt inseparabilia, & sunt semper accidentia, saltem logica, & metaphysica, respectu Caji. In Deo autem non sic; quia omnia attributa Dei realiter sunt ipsemet Deus, sunt semper in Deo, & a Deo sunt semper inseparabilia; nec sunt accidentia, neque logica, neque metaphysica, respectu Dei.

DISSERTATIO XXIII.

*De Sententia Thomistarum circa distinctionem
essentiæ divinæ ab attributis, &
attributorum inter se.*



X probatis usque modo in Dissertationibus præhabitis habemus, attributa inter, & essentiam divinam, atque inter attributa ipsa, realem distinctionem emittativam, quæ contra

Gilbertum Porretanum in Concilio Remensi damnata est, non intercedere. Habemus pariter, nec admittendam esse distinctionem actualem formalem ex natura rei, quam contra Scotistas impugnavimus. Habemus insuper contra Eunomium, & Anomæos, aliquam rationis distinctionem dari debere. Habemus tandem contra Nominales, hanc distinctionem rationis non esse, nec esse posse, rationis, ut dicunt, ratiocinantis. Unde consequitur, inter eadem, dandam esse distinctionem, quam vocant rationis ratiocinantis; quæ scilicet sit cum fundamento in re, ut loquuntur Thomistæ, ratione cujus fundamenti dicatur etiam distinctio virtualis, seu fundamentalis. Siquidem, ut scribit Juvenius ex Thomistarum mente, distinctio rationis ratiocinantis, vel adæquate, vel inadæquate, potest intelligi. Adæquate realis est simul, & mentalis;

PAR. I.

realis secundum fundamentum, mentalis secundum actum: Unde ea, quæ distinctione rationis ratiocinantis distinguuntur fundamentaliter, hoc est virtualiter, ante operationem intellectus distinguuntur, actu vero per solam intellectus operationem. Inadæquate tamen, vel est realis virtualis tantum, vel tantum mentalis. Quamvis re vera, ut putamus, virtualis distinctio improprie dicatur distinctio; non enim est distinctio a parte rei, sed fundamentum, tantum distinctionis, cui intellectus inquitur, ut distinguat.

Subdividunt quoque distinctionem virtuales in virtuales intrinsecas, & virtuales extrinsecas. Ex pariter subdividunt distinctionem rationis ratiocinantis in eam, quæ est ex parte actus tantum, quam Neuterici defendunt, & in eam, quæ est etiam ex parte objecti, quam tuerent Thomistæ. Virtualis intrinseca in eo consistit, quod objectum æquivalentiam habeat, ut distinguatur, non ad alia extra se, sed ad se ipsum. Virtualis vero extrinseca dicitur, quando fundamentum respicit æquivalentiam, quam habet objectum ad alia extra.

N 2

SC.

se, ut distinguatur. Quo pacto virtualis intrinseca tantum in Deo ponitur, non vero in creaturis; nec etiam quoad omnia, quæ in Deo sunt, sed tantum quoad intellectum, & voluntatem, quoad naturam, & personalitates; cuius distinctionis fundamentum, dicunt, tantum in Deo esse, absque respectu ad creaturas; quatenus in Deo Filius, qui a Patre per intellectum procedit, realiter distinguitur a Spiritu Sancto, qui procedit per voluntatem: & hoc pacto habetur æquivalentia inter intellectum, & voluntatem ad duo realiter distincta, quæ sunt in ipsomet Deo; scilicet ad Filium, & Spiritum Sanctum. Quod etiam dicunt de natura, & personalitatibus, in quantum natura divina per hanc æquivalentiam ad Patrem, Filium, & Spiritum Sanctum, ab illisdem quoque distinguitur. Inter cætera vero attributa, & essentialia, vel inter attributa ipsa, in quibus habetur æquivalentia ad creaturas, distinctionem ponunt virtutalem extrinsecam; quemadmodum ponitur inter gradus metaphysicos in rebus creatis. Unde misericordia, & iustitia, quia æquivalentur duabus perfectionibus creatis realiter distinctis, virtualiter extrinsece tantum per ipsos distinguuntur; quemadmodum de animalitate, & rationalitate in homine discurrunt.

Alii autem aliter distinctiones hasce explicant; dicendo scilicet, quod virtualis intrinseca ponatur ad impedienda contradictoria, quæ putant per eam tantum impedi, non vero per virtutalem extrinsecam; quod nihilominus multi non admittunt; quia etiam contradictoria inveniri putant inter ea, inter quæ ipsi virtutalem tantum extrinsecam ponunt. Pro Præcisione vero objectiva Thomistarum, aliqui eam explicant per hoc, quod objectum ex se ipso potest sic præscindi, a quovis intellectu cognoscitur. Hoc tamen alii non admittunt; non enim, dicunt, est hæc exigentia in objecto, quum sit in ipso summa identitas, & tantum in eo sit æquivalentia per respectum ad ea, quibus intellectus, imperfecte cognoscens, illa potest concipere æquivalenter. Unde aliud in objecto non recognoscunt præter æquivalentiam; in re tamen una formalitas peteret, & exigeret cognosci identificata cum altera formalitate; sicut re vera esset, si intellectus esset tantæ perfectionis, ut nequaquam inadæquate cognosceret. Et ob hoc quoque multi, inter quos est P. Magnanus, & plures ex Neuteris, præsertim recentiores, distinctionem, quam ponunt, & inter gradus metaphysi-

cos, & inter essentialia, & attributa, & inter attributa ipsa, nec tantum esse ex parte actus, nec solum ex parte objecti, sed ex parte utriusque; unde illam vocant formalem objectivam. Ex eo nimirum, quia fundamentum habet in objecto, ut ajunt Thomistæ, & ulterius fundamentum habet in intellectu, ut dicunt Neuterici. Fundamentum in intellectu est imperfectio intellectus, inadæquatio cognitionis ipsius, imperfectio ipsius modi cognoscendi, ratione cuius dicunt, divinum intellectum nullatenus posse distinguere, aut præscindere; quicquid in contrarium dicant Durandus, & Henricus, quos ex proposito Becanus impugnat. Fundamentum in objecto est ipsa virtus objecti, ratione cuius, ajunt, objectum esse multipliciter cognoscibile; quæ quidem virtus, vel fundatur in diversis operationibus objecti, vel in diversis relationibus ipsius, vel in alio modo, qui tamen ex parte objecti se teneat. Et sic multi Theologi Societatis Jesu, & præcipue Becanus, qui vocantur Neuterici, fundamentum quoque ex parte objecti requirunt; & multi etiam ex Theologis Thomistis exigunt pariter fundamentum ex parte actus.

Cavinius, recentissimus Thomistæ, referendo sententias diversas Theologorum pro distinctione essentialis divinæ ab attributis, & attributorum inter se, asserit, duas esse sententias extremas, & duas medias. Primam extremam vocat illam Scottistarum, aliam extremam dicit esse illam Nominalium. De prima media scribit, quod condat, esse admittendam aliquam objectivam, non realem formalem, nec pure fundamentalem rationis, sed virtutalem intrinsecam; vel quia æquivaleret distinctioni reali in creaturis; vel quia est principium distinctionis realis in Deo; vel quia una & eadem formalitas exerceret diversa munera, ac si haberet formalem, aut entitativam diversitatem, vel quia convenit illi constitutum distinctionis realis in creaturis, scilicet fundare veritatem contradictionis. Hæc ille; & pro hac sententia citat plures Recentiores apud Godoy; qui quavis discrepent in ea explicanda, conveniunt tamen omnes in asserendo, quod sit necessaria ad salvanda prædicta contradictoria; & quod alii eam extendant ad omnia attributa, quibus, ait, favere Cardinalem Cajetanum. De altera vero sententia media, quam vocat communem Thomistarum, restatur, quod neget omnem actualem, & formalem ante intellectum distinctionem, & admittat tantum inter illam distinctionem, ratio-

rationis ratiocinatz, sive formalem tantum per intellectum, & virtutalem, seu fundamentalem in re, quæ licet in actu formaliter sit una, virtualiter tamen, seu virtute, ob sui eminentiam, & perfectionem, est multiplex. Et pro hac citat ex Thomistis Godoy, Gonet, Ferraram, Joannem a S. Thoma, Bannez, Aravvo, Fetez, Salmaticenses, &c. Ex evisis vero, & præcipue ex Societate, Suarez, Vasquez, Valentiam, Arrubal, Granadum, & alios. Ipse autem Cauvinus concludit pro opinione, quam amplectitur, admittendam esse in Deo aliquam distinctionem objectivam inter divina attributa, itaut, tam in re, quam ab essentia, distinguantur distinctione ratiocinata, seu cum fundamento in re, & consequenter distinctione virtuali, seu fundamentali in re, & formali per intellectum; & probabiliter etiam distinctione aliqua virtuali intrinsicæ, distincta a pure fundamentali; & dicit esse communem Thomistarum.

Cardinalis de Aguirre, diversas referens sententias, pro re, de qua hic agitur, assertit, quosdam existimare, prædicata divina absoluta, tum collata inter se, tum etiam cum relativis, præcindi objective ab intellectu nostro. Et pro hac citat Molinam, Vasquez, Suarez, Granadum, Arrubal, Herizze, Pessantium, Izquierdo, &c. Aliam deinde explicans opinionem, eam dicit, esse frequentem inter Theologos, præsertim Thomistas. & ex opposito docere, inter hujusmodi prædicata divina nullam esse præcisionem objectivam, sed dumtaxat abstractionem formalem penes implicitum, & explicatum, sive penes alias, & alias exprefiones ejusdem formalitatis objectivæ. Et pro hac, ultra Thomistas, citat Huertadum, Oviedum, Arriagam, &c. Exponens quoque distinctiones hæc, docet, distinctionem, quæ innititur alicui fundamento in ipso objecto, esse duplicem, præcisivam, scilicet, & abstractivam. Primam assertit esse illam, in qua intellectus parititur objectum re ipsa indivisum, & unica entitate, constans, in duas formalitates objectivas, & adæquatas, quarum alteram cognoscit, non cognita altera immediate, nec explici-

te, nec implicite, sed solum mediate, & materialiter, quatenus attingit illam entitatem in re existentem. Alteram vero dicit esse illam, qua utitur intellectus, quoties eandem formalitatem objectivam, & indivisam apprehendit, modo in ordine ad unum munus, sive functionem, modo in ordine ad aliud; itaut quando apprehenditur in ordine ad unum illorum, simul apprehendantur reliqua; non quidem explicite, sed implicite tantum, licet immediate, & in confuso.

Tandem, ut Theologos cæteros Scholasticos prætereamus, quorum quot sunt capita, ut fere sunt explanationes diversæ, Cacheranus asserit primo, attributa in Deo distingui ab invicem, & ab essentia, realiter virtualiter; Secundo autem, attributa in Deo distingui ab invicem, & ab essentia, ratione ratiocinata. Pro primo asserto citat Cacheranum, Joannem a S. Thoma, Gabrielem a S. Vincentio, Silvium, Valentiam, Molinam, Arriagam, Lugum, Esparzam, &c. Inter quos tamen, ait, esse diversitatem aliquam, quæ, vel est in nomine, vel in re. In nomine, quia quæ dicitur distinctio virtualis, ab aliis appellatur initiativa, aptitudinalis, fundamentalis, eminentialis. In re, quia Thomistas, dicit, defendere, ea distingui realiter virtualiter, quæ sunt ab intellectu cum fundamento distinguibilia; Lugum velle, ea distingui realiter virtualiter, quæ æquivalent pluribus præsertim actualiter realiter distinctis; Arriagam, tueri, ea distingui realiter virtualiter, quibus conveniunt prædicata, ex se contradictoria, salva reali identitate; Esparzam tenere, quod distinctio virtualis explicata, per solam æquivalentiam ad plura, dicenda sit virtualis extrinseca, quatenus fundamentum, quod præbet intellectus, formandi distinctiunem rationis ratiocinatz, est in extrinsecis connotatis, non in intrinseca entitate rei, cujus prædicata distinguit. Distinctionem vero rationis ratiocinatz, dicit Cacheranus, esse illam, quæ est cum fundamento, sed nun explicat, in quo fundamentum esse debeat, an in re tantum, an in intellectu tantum, an in utroque simul.



DISSERTATIO XXIV.

De Sententiæ Thomistarum saniori modo intellectæ præelectione.

Ambagibus prætermisiss, quas in superiori Dissertatione reulimus, sententiæ Thomistarum, circa distinctionem attributorum ab essentia divina, & inter se invicem, amplectimur. Eam sane intendimus intelligere saniori modo, vel dicentes cum P. Saguent, adesse ex parte Dei veram distinctionem, & ex parte nostri veram distinctionem. Veram distinguibilitatem Theologi dicunt distinctionem virtuales, quæ etiam dicitur fundamentum, distinctionis in re; per quam scilicet explicamus omnia, quæ spectant ad diversos conceptus mentis nostræ de rebus divinis; & per quam insuper nullo modo læditur divina simplicitas, quæ est omnino illibata servanda. Hæc insuper vera distinguibilitas rerum divinarum, quæ ex se ipsis, aut in se ipsis, nullatenus sunt distinctæ, oritur ex immensitate entis divini, quod æquivalens unitate sua multitudini rerum, omnium, etsi omnimode distinctarum, immo quoque præeminet. Vel asserentes cum Juennino, quod distinctio rationis ratiocinatur efficiat, ut etiam ex parte objecti unum ab alio præscindatur, hoc est, sine eo concipiatur; sed non efficit per hoc, ut unum excludat aliud; ac proinde ea, quæ distinguuntur ratione ratiocinata, sese invicem includere implicite, & confuse, quanvis explicite, & distincte sese invicem non includant. Vel denique cum P. Magnano concludentes, quod non solum ad distinctionem rationis ratiocinatur requiratur fundamentum ex parte objecti, unde illa dicatur objectiva, sed quoque fundamentum exigatur ex parte intellectus, unde præter formalis nominetur, & unico nomine formalis objectiva. Fundamentum ex parte objecti est eminentia ejusdem, ut diximus, per quam habetur æquivalentia jam dicta; & Fundamentum ex parte intellectus est ejusdem imperfectio, inadæquatio, limitatio, &c. quam in præterita Dissertatione explicavimus. Hæc virtualis distinctio, quam pro modo virtualem, extrinsecam nominamus, sufficit pro distinctione attributorum ab essentia, & inter se invicem; & de virtuali postea intrin-

seca, si necessaria erit inter attributa relativa, & essentiam, suo loco videbitur.

I. Probatur Thomistarum sententiæ, præfato modo intellectæ, negative, ex impugnatione scilicet cæterarum sententiarum circa distinctionem attributorum ab essentia divina, & inter se invicem. Etenim admitti debet aliqua distinctio inter essentiam, & attributa, & inter attributa ipsa; ut omnes fatentur: Non realis entitativa, ut probavimus contra Porretanum, & Palamam; non realis formalis, ut ostendimus contra Scorum, & Scotistas; non quæ sit tantummodo per nomen diversitatem, ut propugnavimus contra Eunomium, & Anomæos; non quæ sit dumtaxat rationis ratiocinatur, ut contra Nominales argumentati sumus: ergo debet necessario esse distinctio rationis ratiocinatur, quæ scilicet fundamentum habeat in distinguibilitate objecti, & in imperfectione intellectus distinguentis; sed hæc est formalis objectiva, ut ex explicatis constat: ergo distinctio formalis objectiva inter essentiam divinam, & attributa, & inter attributa ipsa, admittenda est.

II. Attributa divina distinguuntur per mentem cum fundamento in re, & in intellectu: ergo distinguuntur ratione ratiocinata, quæ sit formalis objectiva. Probatur antecedens pro prima parte. Attributa divina sunt virtualiter multiplicia: ergo distinguuntur per mentem cum fundamento in re. Probatur antecedens. Attributa divina æquivalent pluribus perfectionibus, quæ actu in creatis distinguuntur: ergo sunt virtualiter multiplicia. Probatur antecedens. Attributa divina ex una parte sunt infinita, ex altera continent perfectiones, quæ in creatis reperiuntur, & continent eminenti modo, scilicet sine imperfectionibus: ergo illis æquivalent, & secundum hanc æquivalentiam possunt inadæquate concipi; & quia continent sine imperfectionibus, & distinctio est imperfectio: ergo continent sine distinctione actuali, & cum virtuali tantum propter æquivalentiam. Probatur etiam primum antecedens pro secunda parte; quia Deus, ut potest perfectissimus in intelligendo non

potest distinguere; ergo non solum ad distinctionem rationis ratiocinæ præsupponi debet fundamentum in re, scilicet eminentia Dei, verum quoque fundamentum in potentia, hoc est imbecillitas intellectus nostri. Quæ omnia perbelle explicantur a S. Gregorio Nysseno contra Eunomium verbis hisce: *Quis ita stupidus est, ut ignoret, divinam quidem naturam, quicquid tandem secundum substantiam est, esse unam, & uniformem, atque compositionis expertem, nec nullo modo in vana quadam compositione spectari? Humanam vero animam humi jacentem, & in terreo desossam corpore, quoniam non potest quæ quaritur liquida perspicere, per multas notiones ad inexplicabilem naturam diverse, ac multipliciter contendere, non una aliqua cogitatione, quod latet, indagantem.*

- III. Attributa divina inter se ipsa, & cum essentia divina, non habent omnimodam identitatem: ergo inter se ipsa, & ab essentia, aliquo modo distinguuntur; non distinguuntur realiter actuali, vel reali formaliter, distinctione; ergo saltem distinctione virtuali, seu eminentiali. Probatur antecedens. Attributa divina inter se, & cum essentia divina, non habent identitatem, quam essentia habet cum se ipsa, & cum se ipso habet quodlibet attributum: ergo non habent omnimodam identitatem. Probatur antecedens. Perfectiorem identitatem quisque concipit, cum audit sapientia est sapientia, iustitia est iustitia, quam cum percipit, sapientia est iustitia, iustitia est sapientia: ergo attributa divina inter se, & cum essentia divina, non habent identitatem, quam essentia habet cum se ipsa, & cum se ipso habet quodlibet attributum. Ad corroboracionem hujus argumenti Cachéranus assertit ex Joanne a S. Thoma doctrinam hanc. Negatio identitatis duplex est; una, que consequitur unitatem; alia, que destruit. Hæc ultima importat distinctionem actualem, illa prima distinctionem virtuale, que compatibilis est cum unitate, & identitate actuali. Si Adversarii dicant, quod ista negatio identitatis, seu non identitas omnimoda, actu est in Deo: ergo distinctio virtualis jam erit actualis. Occurritur facillime dicendo, quod in Deo non est actu distinctio, sed est actu virtus distinctionis; est actu in Deo distinguishibilitas, non autem actu est distinctio. Illa negatio identitatis, seu omnimoda non identitas, facit distinguishibilitatem, quæ est distinctio virtualis, non vero facit distinctionem, quæ est distinctio actualis.

IV. Ex P. Boucax, distinctio actualis, quæ solum habetur per mentem, ea censetur, quæ fit per intellectum limitatum: ergo semper ad hanc distinctionem præsupponendum est fundamentum in limitatione, & imperfectione intellectus nostri. Probatur autem antecedens illud ab eodem P. Boucax verbis hisce: Cum enim intellectus creatus unico conceptu non possit capere, & adquare essentiam divinam, ejusque infinitas perfectiones, eam ipsam dividit in multos conceptus, id est illam concipit modo, ut sapientiam, modo, ut iustitiam, &c. quæ verba clarius ostendunt, fundamentum distinctionis rationis ratiocinæ se tenere, etiam ex parte intellectus. Rursus Juennius clare facit, fundamentum distinctionis, de qua agitur, esse eminentiam Dei, & imbecillitatem intellectus nostri. Ulterius ex Cachéran habemus; rem esse in se ab intellectu distinguishibilem, & esse in intellectu distinctam, est esse in intellectu eo modo, quo est in se in ordine ad intellectum, quanvis non eo modo, quo est in se in ordine ad se. Sed sic cognoscere est imperfectio intellectus; quia perfectissimus intellectus, uti est divinus, debet semper cognoscere rem eo modo, quo est in ordine ad se. Propterea ergo intellectus divinus non potest distinguere, & potest intellectus noster, quia ille concipit res eo modo, quo sunt in se ipsis in ordine ad intellectum cognoscentem. Semper igitur præsupponi debet imperfectio intellectus, ut fundamentum inadæquatum ad distinctionem rationis ratiocinæ, quæ propterea a nobis cum P. Magnano dicitur formalis objectiva.

- V. Attributa Dei sunt in Deo vere realiter secundum proprias rationes formales: ergo vere æquivalent perfectionibus realiter actualiter distinctis; atqui hoc sufficit, ut ea intellectus noster cum fundamento in re distinguat: ergo non est recurrendum ad extrinsecam connotatam, ut intellectus cum fundamento in re distinguat. Probatur minor subsumpta. Perfectiones Dei, etiam si nullæ essent creature, adhuc haberent distinguishibilitatem suam; sed si nullæ essent creature, nullæ essent connotata extrinseca, & essent tantum Dei rationes propriæ formales in se ipsis: ergo hæc sufficerent, ut attributa possent a creabili intellectu distinguui cum fundamento in re, absque recurso ad extrinsecam connotatam. Totam hanc doctrinam explicat mirabiliter S. Tho-

mas io t. dist. 2. q. 1. ar. 2. verbis hisce: *Quidam dicunt, quod ista attributa non differunt, nisi penes connotata in creaturis, quod non potest esse; tum quia causa non habet aliquid ab effectu, sed e contrario. Unde Deus non dicitur sapiens, quia ab eo est sapientia; sed potius res creata dicitur sapiens, in quantum imitatur divinam sapientiam; tum quia ab aeterno, creaturis non existentibus, etiamse nunquam futura fuissent, fuit verum dicere, quod Deus est sapiens, bonus, & huiusmodi; nec idem omnino significatur per unum, & per aliud, sicut idem significatur per nomina synonyma. Etiam dist. eadem ar. 3. Non ex hoc, quod bona facit, vel quia ad modum bonorum se habet, bonus est; sed quia bonus est, ideo bona facit. Unde, si nullam creaturam fecisset, nec facturus esset, ipse in se talis esset, ut posset vere considerari secundum omnes istas conceptiones, quas habet nunc intellectus noster ipsum considerando. Eadem habentur in 1. dist. 22. q. 1. ar. 3., & in t. par. qu. 13. ar. 3., & alibi. Ergo & fundamentum in re, & fundamentum in intellectu præsupponi necessario debet.*

Arguunt Adversarii I. Distinctio, quam propugnamus, ex parte cum Scoticarum distinctione convenit, ex parte cum distinctione Nominalium; sed utraque fuit a nobis superius impugnata: ergo hæc nostra pariter impugnata remanet. Probatur major. I. Distinctio Scoticarum est realis, nostra est realis; Distinctio Nominalium est rationis, nostra est rationis: ergo cum utraque convenit nostra. II. Quæ prædicantur de se invicem non distinguuntur per mentem cum fundamento in re; sed essentia, & attributa, & attributa ipsa, prædicantur de se invicem: ergo oon distinguuntur per mentem cum fundamento in re. Probatur minor. Dicitur enim, essentia est sapientia, sapientia est essentia; bonitas est iustitia, iustitia est bonitas, &c. ergo essentia, & attributa, & attributa ipsa, prædicantur de se invicem. III. Nullum dari potest reale fundamentum distinguendi ea mentaliter, quæ realiter sunt idem; sed essentia, & attributa realiter sunt idem: ergo nullum in his dari potest fundamentum, ut mentaliter distinguantur. Probatur major. Quia aliquid est idem cum se ipso realiter, nullum dari potest realiter fundamentum distinguendi ipsum mentaliter a se ipso: ergo pariter nullum dari potest reale fundamentum distinguendi ea mentaliter, quæ realiter sunt idem. IV. Si distinctio nostra subsisteret, attributa divina respectu Dei non essent attributa; sed

hoc est falsum: ergo insubstans est distinctio nostra. Probatur major. Deus nōo distingue attributa: ergo respectu Dei non essent attributa, sed solum divioa essentia. V. Quæ diversis definitionibus explicantur, distinguuntur plusquam ratione; sed attributa divina diversis definitionibus explicantur: ergo plusquam ratione distinguuntur. Probatur minor. Definitio sapientie nōo est definitio bonitatis, & definitio omnipotentie non est definitio iustitie.

Respondemus ad I. Nostram distinctionem cum distinctione Scoticarum, & cum distinctione Nominalium, convenire in aliquo, & in aliquo ab iisdem disconvenire; unde nec dici potest una, nec altera. Convenit cum illa Scoticarum, quia utraque est realis; discovenit, quia illa est realis formalis, nostra realis virtualis; illa realis actu, nostra realis virtute; illa realis in formalitate, nostra realis in fundamentum. Conveoit cum illa Nominalium, quod utraque est per mentem; discovenit, quia illa nullum præsupponit fundamentum in re, nostra præsupponit; illa est per nomina, nostra fit per conceptus; illa est per connotationem, nostra per eminentiam, & æquipollentiam.

Ad II. dicitur, quod illa non distinguuntur per mentem cum fundamento in re, quæ prædicantur de se invicem, tum in sensu actuali, tum in sensu virtuali, non vero quæ prædicantur in sensu actuali tantum. Essentia autem divina, & attributa, & attributa ipsa prædicantur de se invicem in sensu actuali tantum, non vero in sensu actuali, & virtuali. Et ratio est, quia essentia, & attributa in Deo actu sunt una, virtute autem sunt multiplicia; hinc bene dici potest in sensu actuali, essentia est bonitas, iustitia est misericordia; et in sensu virtuali dici non potest, essentia, prout essentia est bonitas, iustitia, prout iustitia est misericordia. Quom virtualiter unum oon sit aliud, unum in sensu virtuali non potest prædicari de altero. *

Ad III. distinguuntur major: Nullum dari potest reale fundamentum distinguendi ea mentaliter, quæ realiter sunt idem, & virtualiter non sunt multiplicia, conceditur; & quæ virtualiter sunt multiplicia, negatur. Idem a se ipso non datur fundamentum distinguendi, quia cum se ipso est idem, tam realiter actu, quam virtualiter. Secus vero attributa sunt idem cum essentia, & inter se, actualiter, non vero virtualiter; adeoque dari potest fundamentum, multiplicitas scilicet virtualis, ea

per

per mentem distinguendi.

Ad IV. dicit P. Boucat, quod neganda est sequela, & ejus probatio; & ratio est, quia, nemine cogitante, essentia Dei æquivalet omnibus perfectionibus; adeoque, ut ea comprehendat Deus, etiam, ut attributa, non est necesse, ut distinguat. Nos autem concipimus eadem distincta propter intellectus limitationem. Hæc ipse. Sed nos dicimus clarius, Deum concipere distinguibilitatem, & non facere distinctionem; concipere distinguibilitatem, quia concipit eminentiam suæ perfectionis, per quam distinctis creatis perfectionibus æquivalet; non facere vero distinctionem, quia perfectiones suas non per conceptus inadæquatos concipit. Unde Nicolaus Girken asserit, quod nec Deus, nec Beati, distinguunt; quia non concipiunt inadæquate, nec dependent a vocibus, & conceptibus nostris; sed solum vident nos distinguere, & Deo attribuere contradictoria, quæ sint talia non in se, sed respectu ad inadæ-

quatos conceptus nostros.

Ad V. occurrit Du-Hamel distinguendo majorem: Quæ diversis definitionibus explicantur, distinguuntur pluskam ratione sola, & sine fundamento, conceditur; pluskam ratione virtuali, negatur. Res enim a nobis definiuntur, ut a nobis concipiuntur; si explicantur per adæquatas, & integras definitiones, tunc distinguuntur re ipsa; si vero explicantur per inadæquatas definitiones, ut sunt præcisæ ab intellectu, tunc distinguuntur solummodo ratione. Subdit autem ad explicandum quoque, quod intellectus nostri imperfectio sit pariter distinctionis nostræ fundamentum. Nec ramen hinc sequitur falsus esse conceptus illos inadæquatos; quia infinita est Dei amplitudo, quam uno, & eodem conceptu assequi non possumus. Quare plures notionem terminat, & pluribus rebus distinctis æquivalet. En utrunque fundamentum, æquivalentie in objecto, & imperfectio in intellectu.

DISSERTATIO XXV.

De Polytheorum Sectis, & contra Dei Unitatem Erroribus.

DE primo Dei attributo, quod est Unitas, acturi, Polytheismum profligandum suscipimus. Polytheismus etenim est impius, & superstitiosus illorum error, qui

Dei unitatem inficiantur, ac proinde Deorum pluralitatem admittunt, & venerantur. Polytheos vocant plurimi Idololatrias, eo quia Idola, seu numina, ut plurimum colunt, & in Idolorum multitudine Deorum turbam agnoscunt. Hinc apud illos Polytheismus, & Idololatria, idem sonat; at exiguit nihilominus ad Idololatriam proprie sumptam, & quod Deitatis opinio in Idolo constituitur, & affectus adorationis in voluntate adorantis sit, & cultus exterior, consistens in exhibitione signi submissionis, & recognitionis divinitatis in Idolo adorato, manifestetur. Hos tamen omnes Polytheos esse, & Idololatrias, de Gentilibus quidem hominibus concedimus; negamus vero de Hæreticis illis, qui Polythei quidem fuerunt, at non fuerunt Idololatriæ. Proinde primo hac in Dissertatione de Gentilibus Polytheis agemus, qui quidem omnes Idololatriæ fue-

P.A.R. I.

runt; postea loquimur de Hæreticis; qui plures Deos admittentes, idola tamen non adorabant. Unde scripsimus in titulo, de Polytheorum Sectis; quas quidem non tantum consistere inter Gentiles, & Hæreticos, verum quoque inter Hæreticos ipsos, diversas fuisse, ostendimus. Et quia omnium non fuit idem errandi modus, erant omnes contra Dei unitatem fuerint; hinc etiam de illorum omnium erroribus agere nos velle, in eodem titulo præmissimus.

Polytheismi igitur origo in ea mundi ætate, ponenda est, in quo Idololatriæ initium, assignatur. Fuit plurimum opinio, Idololatriam incepisse in prima mundi ætate, tempore scilicet Enos, qui fuit filius Seth, & nepos Adæ. Hujus opinionis fuit Dionysius Carthusianus, sequens historiam scholasticam in cap. 4. Genesios. Lipomano quoque eam firmare intendit Hebræorum lectione, & interpretatione, & S. Hieronymi auctoritate. Denique Theodoretus quæst. 47. in Gen., alique a prædicto Lipomano citati in Catena Gen. 4., eam, sequuntur, ac tuerentur. Movetur ex verbis illis, quæ dicuntur de Enos Gen. 4. 26.

O

Iste

Iste capit invocare nomen Domini; afferentes, vel quod Enos Dei imaginem ritu catholico primus erexit, & exposuit; & ex hoc alij occasione habuerunt formandi idola, & in ipsis Deum, sub sensibili forma, tanquam Dei propria, cognoscendi, & adorandi. Vel quod ceperint invocare ipsum Enos, eique tanquam Deo imaginem extollere, quia Enos religiosus, & pius homo erat; ut Auctores prælaudati scripserunt. Verum hæc putida Hebræorum fabula putanda est; ut eam Hieronymus in traditionibus hebraicis iudicavit, scribens: *Plerique Hebræorum arbitrantur, quod tunc primum, id est tempore Enos, in nomine Domini, & in similitudine ejus, fabricata sint idola.* Et hæc est auctoritas Hieronymi, quam pro se immerito recensiti Auctores tacent. Insuper Hebræi ipsi verba illa; *iste capit invocare nomen Domini*; sic vertunt; *Tunc profanatum fuit invocando nomen Domini*; vel ut Egius per paraphrasin legit; *in diebus istis inceperunt filii hominum, ut non evarent in nomine Domini.*

Attamen Vulgata nostra verba illa ad Enos refert; *iste capit invocare nomen Domini.* Septuaginta sic habent; *hic speravit, invocari nomen Domini.* Hoc Veteres non pauci Scriptores intelligunt, quod Enos tempore filii Seth ceperunt vocari nomine Domini, scilicet vocari filii Dei, vel Domini. Et hi sunt Cyrillus in hunc locum, Theodoretus, Eusebius Emisenus, & hominum omnium antiquior Irenæus lib. 4. c. 30, Aquila pariter vertit; *tunc captum est appellari nomine Domini.* Alii autem verba illa aliter intelligunt, afferentes nimirum, quod Enos tempore homines ceperunt adhibere ritus quosdam, & ceremonias in cultu Dei, & illas omnibus observandas præscripserunt; volentes insuper, quod Enos invenerit hunc peculiarem modum colendi, & invocandi Deum, & aliis præscripserit. Et hæc est communior inter catholicos Scribentes opinio. Quæ quum ita sint, nequit dici, quod tempore Enos Idolatria primum in mundo exordium habuerit. Vel eo magis, quia Scriptura nihil ejusmodi clare asserit, nec de Enos, nec de aliis, qui ante Diluvium vixerunt, fueruntque Seth successores. Enumerat autem sacer Chronista totam fere progeniem ab Adam, usque ad Noë, & nihil de eis, quod idolatriam septiat, enarrat. Immo commendantur potius plerique ob vitæ sanctimoniam, & religionis cultum, ut dicitur de Enos, sicut vidimus; de Enoch pariter, qui fuit filius Jared, & Pater Mathusalem;

de quo præcipue scripsit Apostulus ad Hebræos 9. 5. *Fide Henoch translatus est, ne videret mortem, & non inveniebatur, quæ translatus illum Dominus; ante translationem enim testimonium habuit, placuisse Deo.*

Igitur in antediluvianis hominibus, quantum ad Seth posteritatem spectat, originem idolatriæ non reperimus; sed nec deprehendimus quoque in progenie Cain, Quavis enim Scriptura hos designet nomine filiorum hominum, ad distinctionem posterorum Seth, quos vocat filios Dei; ac proinde fuerint descendentes Cain omni genere criminum famosi; non legimus tamen inter illos idolatriam obtinuisse locum. Cæterum Cain ipse vero Deo sacrificavit, ab eoque credendum est, ritus colendi Deum posteros etiam didicisse. Ad postdiluvianos homines modo venientes; quidam idolatriæ originem repetunt ab Ægyptiis, ad quos eam deportasse dicunt Cham, Noë filium; qui cæli astra, solem, lunam, & stellas, adorabat ipse, & exemplo suofaciebat etiam ab aliis adorari. Alii credunt sumpsisse initium ab Assyriis, ad quos spectant etiam Chaldæi; quia Nembrod, seu Belus, ignem populis suis adorandum proposuit, quem & ipse quoque adorabat. Subdunt, quod Ninus, qui fuit Nembrod filius, idola inventavit, quatenus Patris sui imaginem, post mortem illius, a toto regno adorandam præcepit. Alii denique Ismaelem faciunt primum, idolorum inventorem; voluntque, ludum illum, cui valde adversata est Sara, fuisse idolorum fictionem ex luto, quæ Ismael efformabat, & Isaac adoranda proponebat. Quæ quidem omnia incerta sunt, & non innituntur, quam conjecturis, non autem solidis, aut testimoniis, aut argumentis.

In Scripturis sacris primum idolorum, & idolatriæ, verbum habemus in Gen. 31. 19, ubi dicitur, quod Rachel furata fuerat *idola Patris sui.* At hic memoriam detegimus, non originem. Insuper Josue 24. 2. habemus Thare, qui fuit Abraham Pater, idolatriæ scelere sædaturus. Judith 5. ex oratione Achioris Ammonitiæ discimus, quod ideo Thare, & Abraham egressi sunt de Ur Chaldæorum, ut venirent in Charam, quoniam noluerunt sequi ceremonias Patrum suorum, quæ in multitudine Deorum erant. Igitur ante Thare, & Abraham erant in mundo Politheï, & Idolatriæ. De Nembrod asserit Scriptura, primum fuisse, qui sibi adscripsit regiam potestatem, & Babylonæ regnasse; sed idolatriæ nec ver-

bum

hum fecit. Sapientia 14. 15. tribuitur idololatricæ initium Potenti, cuius filius immatura morte obierat. Sed quis scit, an initium fuerit in solo ejus regno, an vero in toto orbe? Et nec eiam nomen illius indicatur. Diophaues Lucædemonius de quodam Ægyptio hoc idem narrat; at alii non inordinato amoris Patris ad filium, sed potius filii ad Patrem, idololatricæ exordium adscribunt; & non pauci etiam subditorum desiderio erga Principes mortuos tribuere volunt. Hæc de Idololatricæ origine dicta sunt satis, quæ quidem sufficere videntur ad Politheismi iusti cognitionem assequendam. Nunc de illo fusius loquamur.

Gentiles tantam, etiamque sic variam, Deorum turbam admiserunt, ut pene ad usque triginta millia eorum numina Hesiodus, ut Eusebius refert lib. 5. præparat. evangelic. c. 15., enumeraverit. Immo si Augustini testimonium lib. 4. de civit. Dei c. 8. adverimus, non triginta millia modo, sed infinita prope fuisse compertimus. Hoc de omnium fere nationum hominibus verum esse constat; at de Romanis præcipue ea sufficere audire, quæ S. Pontifex Leo magnus ser. 1. in natali sanctorum Apollolorum, Petri, & Pauli, enarrat. *Hæc civitas, Romam intelligit, ignorans sua providentis Auctorem, cum pene omnibus gentibus dominaretur, omnino gentium serviebat erroribus; & magnum sibi videbatur assumpsisse religionem, quia nullam respicebat falsitatem.* In solo etiam Ægypto præter alia, ut diximus, colebant quoque clementia, & Nilum ipsum, cuius aqua fertilis ipsorum regio reddebatur. Quodcumque animal, utile, aut noxium, agnoscerent, colebant ut Deum; & canes scilicet, oves, boves, hircos, mures, ipsum denique crocodilum; ut testatur Plinius lib. 10. c. 18. Multa pariter herbarum genera, inter quæ porrum, cepe, &c. adoratione prosequiebantur; ut asserit Juvenalis lib. 5. satyr. 15.

Quis nescit Volsi Bythinice, qualia demens Ægyptus portenta colat? Crocodilon adorant, & c. Porrum, & cepe nefas violare, ac frangere mofu. O sanctas gentes, quibus hæc nascuntur in hortis Numina . . .

Verum, quanvis Ethnicorum vulgus in tam vasta Deorum multitudine effingenda tam infane deliraret, ii nihilominus, qui cæteris sapientia eminebant, illam serio repudiabant, unum Deum agnoscentes, qui rerum omnium esset supremus Dominus, absolutumque principium. Et licet, ob Plebis timorem, in templis plures Deos vene-

rarentur, in scholis tamen, ob veritatis amorem, unum Deum solummodo docebant. Quod quidem clare constat apud Apologistas nostros, Iustinum martyrem, & philosophum, Athanagoram, Minutium Felicem, Tertullianum, &c. Immo ipsi met Populi, ut Orosius refert lib. 6. hist. e. r. aliquando adhuc, quum nimium, argumentis nostrorum pressos se sentientes, eisdem aliter respondere non poterant, ingenue fatebantur; *se plures Deos sequi, sed sub uno Deo magno ministros venerari.* Ex Augustino pariter lib. 10. contra Faustum habemus, quod unum saltem Deum agnoscentes, eundem cæterorum Deorum Patrem prædicabant; *Pagani multos suos Deos ex una substantia asserunt.* Mittimus Sibylarum oracula, quarum libri, quæ, & quales fuerint, nostrorum temporum Critici certo non constat; sed præterire non possumus ex Græcis Homerum dicentem; *Jupiter omnipotens est primas, & ultimas idem;* & ex Latinis Vergilium lib. 1. Æneid., ubi Jovem ipsum appellat *Divum Patrem, & hominum Regem.* Cæterum in tanta Deorum multitudine Gentiles quoque dicebantur non pauci nullum Deum admittere. At hic erat Vulgi error, qui putabat, omnem submovere Divinitatem, qui multiplicem negabat; ut de Socrate dicitur. Unde antiqui Christianorum Apologistæ, Athanagoras, Iustinus, Minutius, Tertullianus, Iulianus, Arnobius, &c. non tam Atheismum, quam Politheismum, contra Gentiles evertere fortissimis suis Apologiis conati sunt. At hæc sufficit de Politheis Ethnicis dixisse.

Ad Politheos Heterodoxos devenimus, qui a Gentilibus forsitan Deorum multipliciter didicerunt, eademque inter Christianos inducere conati sunt. Primus omnium dicitur Apelles, qui duos Deos sibi finxit, bonum unum, alterum malum; ut refertur Epiphanius hæres. 44., & Augustinus hæres. 23. Postmodum Manicheos fuisse perhibetur, quorum sectæ Princeps Manes fuit, qui Deum quoque bonum unum, & malum alterum admisit; ut Epiphanius hæres. 16., & Theodoretus lib. 1. hæreticarum fabularum c. 18. testantur. Verum, ante hos verosimilius alii erroris hujusce originem tribuunt Cerdoni, qui seculo secundo, Higinii, summi Pontificis, temporibus, floruit. Is fuit Heracleonis hæretici discipulus, & Marcionis hæretici pariter magister; ut Epiphanius in anacephaleosi. Duos esse Deos asserbat, bonum, & malum; bonum dicebat omnibus esse

incognitum, quem & Patrem Jesu, & novi testamenti Auctorem appellabat; malum, vero mundi opificem, scelerum vindicem, eunque crudelem in puniendo; qui & cognitus erat, loquutus fuerat Moysi in lege, Prophetis apparuerat, & sæpe tandem se visibilem præstiterat; ut docent Epiphanius hæres. 41. Philastrius verbo Cerdon; Augustinus hæres. 2. Irenæus lib. adv. hæres. c. 28. Eusebius lib. 4. histor. eccles. c. 10. Manichæis postmodum accesserunt Priscillianistæ in Hispaniis, & in Galliis Albigenses.

Alii alii Politheismi originem inter Christianos reperunt, eam deducentes a Gnosticis, qui primo seculo floruerunt, & a verbo græco *gnosis*, hoc est scientia, Gnosticos, Scientificos nimirum, appellari se gloriabantur. Hæ pestes ex Nicolaitarum, Simonis, Saturnini, Menandri, & Basilidis, putre natæ sunt. Inter plura, quæ comminiscerentur, deliria, primum erat, duos esse Deos; ut narrat Augustinus hæres. 6. Epiphanius hæres. 26, & 24. Alphonsus a Castro de hæres. verbo *Deus*. Post Gnosticos ponunt secundo seculo Valentinum Frebonianum, ex Ægypti quadam ora, de quo Tertullianus lib. 1. in Marcionem c. 5. dixit; *Liberator* (Valentinus) usque ad triginta *Æonum* fatus, tanquam *Æonia* scrofa, examen Divinitatis effudit. Er Cyrillus Hierosolymitanus triginta Deorum Prædicatorem Valentinum appellavit. Æones Deos suos appellabat ex dupli- principio emanatos, profundo scilicet, & silentio, & alias deinde fabulas prosequeretur, ut apud Augustinum, Tertullianum, Irenæum, Theodoretum, aliosque Patres, quisque videre potest. Post Valentinum fuit Cerdo, post Cerdonem, Marcion, ejus discipulus, mus Ponticus, qui Evangelia corruisit, a Tertulliano dictus; post Marcionem Apelles, post Apellem Tatianus, & sic deinceps ad Manetrem usque, a quo Manichæi processerunt.

Hæc nihilominus diversitatibus capia inter Hæreticos recensitos adnotamus, quod Apellejani, seu Apelliani, Deum malum a Deo bono procreatum existimabant; unde videtur, non plures Deos increatos admisisse; Manichæi vero utrumque Deum ingenerum, increatum, æternum, assererant, quorum prior bonus, lucis incorporæ, &

invisibilis auctor dicebatur, posterior vero malus tenebrarum, & spectabilium rerum creator; Epiphanius, & Theodoretus citatis locis testantur. Ex eodem capite a Marcionitis Manichæi differerant, Marcionitæ nanque rerum omnium creationem Deo malo tribuebant, non sic vero Manichæi, ut diximus. Priscillianistæ deum in omnibus se Manichæis adscripserunt. De Cerdone pariter lis est, an Deum malum admisit? Dicitur enim admisisse duplicem Deum, quorum unum dicebat bonum, alterum justum. Unde infert Alphonsus de Castro; si justus, ergo non malus. At Augustinus hæres. 6. testatur, Cerdonem per justum intellexisse sævum, & crudelem; ac proinde Deum malum admisisse, sicut cæteri admisissent, quanvis in nomine variis fuerit. Denique Trithemæ, vel Trithemæ, hæretici, Trinitatis occasione, res Deos inducere; tres scilicet Personas asserentes, esse tres Deos, & personalitate, & natura distinctos; ut refert Theodoretus lib. 1. hæretic. fabul. c. 8. Antiqui Trithemæ, vel Trinitarii, fuerant Ademes, Carystus, & Peraticus Eupharces, cujus Affectus Peratæ dicti sunt. Theodoret. lib. 1. c. 19. Infuper Merangismontæ, hoc est Transvasantes, quia, ut ait Philastrius, *filium* iurare in *Patrem*, ut *vas minus* in *maius*, assererant. Augustinus hæres. 58. Additur Joannes Philopponus, alias Grammaticus, a Nicephoro lib. 18. hist. eccles. c. 47. Adjunguntur Severitæ, seu Theodosiani, ab eodem Nicephoro, & ab Anselmo Clerici quidam in Galliis An Abbas Joachimus etiam, infra videbunt. Quam insaniam postremis deinde temporibus ab orco revocavit Valentinus Gentilis, quem Bellarminus lib. 1. de Christo c. 2., & Peravius t. 1. theologico. dugmat. lib. 2., Calabrum, & Consentinum, dicunt. At solummodo dicunt, & non probant, & ex vulgi fama dicunt; Joseph autem Vallera, amicus noster, in omni genera eruditione clarissimus, in libro, quem pro S. Officii Inquisitione Urbis Neapolis fecit, & prælo mox submittere parat eruditus Nepos, & dicit, & probat, Valentinum, nec Calabrum, nec Consentinum, fuisse. Hujus pessimæ notæ Sectatores usque modum in Polonia, in Transylvania, & alibi quoque, inveniuntur.

DISSERTATIO XXVI.

De Unitate Dei.



Cholaſticorum paucorum fuit olim, parum quidem plauſibilis, opinio Unitatem Dei, probabili tantum ratione ſuaderi poſſe, non vero certa, & evidenti demonſtrari. Pro

ea citantur Guillelmus Ocham, Baſſonius, Gabriel, Major, & Petrus Alliacenſis, alique nonnulli. Communis autem Theologorum ſententia eſt, ſingularitatem divinæ naturæ, ſeu ejusdem immultiplicabilitatem, vel, quod idem eſt, plures, quam unum, dari non poſſe veros Deos, non ſolum eſſe certum ex Fide, verum quoque ex Ratione evidens. Hoc ex Apoſtolo præcipue nobis clarum redditur, ad Romanos c. 1. ſcribente; quod Philoſophi Gentiles inexcusabiles fuerunt, quum idola adorarent, & numina colerent multiplicia. Quare autem inexcusabiles, ſi Dei unitas certo cognoscibilis non erat, & ſolo lumine naturali, abſque lumine Fidei, quo Philoſophi omnino carebant? En Apoſtoli verba: *Quia cum cognoviſſent Deum, non ſicut Deum gloriſicaverunt, aut gratias egerunt; ſcilicet non illi ſoli cultum exhibentes, cui uni ſolummodo debebatur; ſed idolis, numinibus falſis, Diis vaniſſimis, exhibuerunt; ſed evanuerunt in cogitationibus ſuis. Et mutaverunt gloriam incorruptibilis Dei in ſimilitudinem imaginis corruptibilis hominis, & volucrum, & quadrupedum. Ulteriora videbuntur, vel in teſtimoniis Patrum, quæ pro Dei unitate adducemus, vel in rationibus ipsis, quibus illam demonſtrare conabimur.*

Quia autem hic non contra ſolos Gentiles pugnamus; verum quoque contra Hæreticos; hinc eſt quod arma, quæ tractamus, ex parte contra illos, & ex parte adverſus hoſte, ſunt dirigenda. Contra illos erunt rationes naturales, teſtimonia Philoſophorum, proſanæ antiquitatis monumenta; contra hos vero Scripturarum, Patrum, Conciliorum, auctoritates; quibus, ut Fidei chriſtiane hoſtes, non acquieſcunt, ſic ejusdem Profeſſores adherere omnino debent. Utriuſque autem Teſtamenti oraacula in medium afferre oportet; tum quia cum Hæreticis agitur, qui aut unum, aut alterum, negant; tum etiam, ut videatur ſacrarum paginarum concordantia in hoc,

quod eſt præcipuum noſtræ Fidei caput, & Religionis, quam proſitemur, baſes, ac fundamentum.

I. Ergo probatur Dei Unitas ex Scripturis veteris teſtamenti. Deuteronomii 6. 4. *Audi Iſrael, Dominus Deus noſter Dominus unus eſt.* Deuteronomii 4. 39. *Ut ſcires, quoniam Dominus ipſe eſt Deus, & non eſt alius præter eum.* Deuteronomii 32. 39. *Videte, quod Ego ſim ſolus, & non ſit alius Deus præter me: Ego occidam, & ego vivere faciam: percutiam, & ego ſanabo.* 1. Reg. 2. 2. *Non eſt ſauſus, ut eſt Dominus; neque cuius eſt alius extra te, & non eſt fortis ſicut Deus noſter.* 3. Reg. 8. 23. *Domine Deus Iſrael, non eſt ſimilis tui Deus in cælis deſuper, & ſuper terram deoſum; qui cuſtodis poſitum, & miſericordiam ſervis tuis, qui ambulat coram te in toto corde ſuo,* Pſal. 17. 32. *Quoniam quis Deus præter Dominum? Aut quis Deus præter Deum noſtrum?* Pſal. 82. 19. *Et cognoviſti, quia nomen tibi Dominus; tu ſolus Altiffimus in omni terra.* Pſal. 85. 10. *Quoniam magnus es tu, & ſacius mirabilia. Tu es Deus ſolus.* Sapientie 12. 13. *Non enim eſt alius Deus, quam Tu.* Eccleſiaſtici 1. 8. *Unus eſt altiffimus creator omnipotens, & rex potens, & metuendus nimis, ſedens ſuper thronum illius, & Dominus Deus.* Iſaie 44. 6. *Ego primus, & ego noviffimus, & abſque me non eſt Deus.* 45. 5. *Ego Dominus, & non eſt amplius, & extra me non eſt Deus.* Ego Dominus, & non eſt alter. 46. 9. *Ego ſum Deus, & non eſt ultra Deus, nec eſt ſimilis mei.* Oſee 13. 4. *Ego autem Dominus Deus tuus ex terra Aegypti, & Deum abſque me veſtre.* Malachie 2. 10. *Namquid non Deus unus creavit vos?*

Ex Scripturis novi Teſtamenti. Marci 12. 29. *Jeſus autem reſpondit ei: Quia primum omnium mandatum eſt: Audi Iſrael, Dominus Deus tuus, Dominus unus eſt.* Ev. 32. *At illi ſcribo; bene Magiſter in veritate dixiſti, quia unus eſt Deus, & non eſt alius præter eum.* Joannis 17. 3. *Hæc eſt autem vita æterna, ut cognoviſcant te, ſolum Deum verum, & quem miſiſti Jeſum Chriſtum.* 1. Corinth. 8. 4. *Sci-mus, quia vibile eſt idolum in mundo, & quod nullus eſt Deus, niſi unus. Nam; eſi ſunt qui dicantur Dii, ſive in cælo, ſive in terra (ſiquidem ſunt Dii multi, & Domini multi) nobis tamen unus Deus, Pater, ex quo omnia,*

& nos in illum; & unus Dominus Jesus Christus, per quem omnia, & nos per ipsum. Ad Galatas 3. 20. Mediator autem unus non est; Deus autem unus est. Ad Ephesios 4. 5. Unus Dominus, una Fides, unum Baptisma. Unus Deus, & Pater omnium, qui est super omnes, & per omnia, & in omnibus nobis. 1. ad Timotheum 2. 5. Unus enim Deus, unus, & mediator Dei, & hominum, homo Christus Jesus.

Insuper ex Scripturis veteris Testamenti probatur, quam sit falsa, & inanis Deorum multitudo, & Idolorum superfluitas. Exodi 20. 3. *Non habebis Deos alienos coram me.* 22. 20. *Qui immolat Deum occidit, praterquam Domino soli.* Deuteronomii 5. 7. *Non habebis Deos alienos in conspectu meo.* 8. 19. *Sin autem oblitus Domini Dei tui secutus fueris Deos alienos, volucrisque illos, & adoraveris; ecce nunc prae dico tibi, quod omnino disspereas.* 11. 16. *Curate, ne forte decipiatur cor vestrum, & recedatis a Domino, serviatique diis alienis, & adoretis eos.* Josue 23. 7. *Ne postquam intraveritis ad Gentes, qua inter vos futura sunt, juretis in nomine Deorum earum, & serviatis eis, & adoretis illos: sed adbaretis Domino Deo vestro.* Psalm. 80. 10. *Non erit in te Deus recens, neque adorabis Deum alienum.* Plurima alia sunt loca in veteris Testamenti libris, in quibus passim vanitas Idolorum, & Deorum alienorum multitudo, damnamur.

Denique novi Testamenti auctoritatibus probatur contra Tritheitas unitas in natura divina in tribus distinctis personis, ex illo Matth. ultimo, & Marci 16., ubi Christus Apostolos formam baptizandi edocens, inquit; *baptizantes eos in nomine Patris, & Filii, & Spiritus Sancti.* Si divino hoc testimonio uti vult Sabellianus, pro se usurpans singulare verbum in nomine; unde probare possit unam trinomiam personam; ipsi apertissime contradicunt tres personae jam expressae, *Patris scilicet, Filii, & Spiritus Sancti.* Si eodem vult uti Tritheista, accipiens pro se pluralia nomina *Patris, & Filii, & Spiritus Sancti;* unde probet triplicatam in Divinis Personis naturam; obstat ipsi clarissime unitas naturae expressa in nomine, non in nominibus. Catholici autem, per viam veritatis incedentes, per hoc, quod dicitur in nomine, exprimunt unitatem naturae; per illud vero, quod additur, *Patris, & Filii, & Spiritus Sancti,* trinitatem indicant personarum. Insuper assertur Joannis 10. 30., ubi Christus dixit: *Ego & Pater unum sumus.* Quod autem non loquatur de unitate concordiae, ut dicebant Arianæ,

quae de unitate aggregationis, ut volunt Tritheistae, sed de unitate essentiae, & substantiae divinae, ut docent Concilia, & Patres, in solutionibus argumentorum, quae contra nos afferentur, videbimus. Denique est illud aliud pariter S. Joannis epistol. 1. c. 5. *Tres sunt, qui testimonium dant in caelo, Pater, Verbum, & Spiritus Sanctus; & hi tres unum sunt.* Unitate scilicet numerica divinae substantiae, non autem aliter, quam Tritheistae inaniter comminiscuntur, ut in rationibus offendemus.

II. Probatur ex Patribus. Omittuntur consulto testimonia Scriptorum, quae sunt, vel supposititia, vel dubia, & quae ab aliis sine examine adducuntur; nimirum S. Clementis, ut ajunt, in lib. 6. Constit. Apostolic. c. 11. & 14. lib. 8. c. 15. & in Recognitionib. lib. 2. Dionysii Areopagite de divinis nominibus c. 1., & de mystica theologia c. 3. S. Ignatii Martyris Epistolae ad Philippenses, & ad Antiochenos; Prochori de vita S. Joannis c. 1. Justinii Philosophi, & Martyris in Consultatione quorundam Aristotelis dogmatum, & in Expositione Fidei; Theophili Episcopi Antiocheni lib. 3. ad Autolicum. Inconcussae autem sunt auctoritatis, apud Criticos etiam rigidiores, testimonia, quae modo subnectimus; Clementis Alexandrini lib. 5. Stromatum. *Nihil religio nostra habet antiquius, quam Deum unicum natura esse.* Idem habet lib. 1. Pedagogi c. 6. & 8. lib. 3. c. 12. Tertulliani lib. 2. contra Marcionem c. 3. *Deus, si non unus est, non est.* Athanasii contra Marcionem; *Deos multos admittere idem est, ac nullum agnoscere.* Cypriani de Idolorum vanitate; *Unus igitur omnium est Deus.* Neque enim illa sublimitas potest habere consortem, cum sola teneat omnem potestatem. Ad divinum imperium etiam de terris multum exemplum. *Quando unquam regni societas, aut cum fide capis, aut sine errore desis? Minutii Felicis in Octavio; Rex unus apibus, dux unus in gregibus, in armentis rector unus; tu in caelo summam potestatem divide credas, & scindi veri illius, ac divini imperii totam potestatem? Cum palam sit, parentem omnium Deum, nec principium habere, nec terminum.* Hieronymi ad caput 45. Isaiae; *Cum instructus armatura Apostoli, omnes docuerit, non esse alium Deum, nisi unum, qui sit Jacob, & Israel Deus, confundetur Marcion, duos Deos intelligens, unum bonum, & alium justum; alterum invisibilem, alterum visibilem conditorem.* Lactantii Firmiani in lib. Instit., & in lib. de ira Dei c. 11. *Offendimus in Institutionibus nostris, Deos multos esse non posse:*

se i quod divina vis, et potestas, si distribuat in plures, diminui eam necesse sit. Cyrilli Alexandrini contra Julianum lib. 4. & lib. 8. Quod autem unum, & natura vere Deum, visibilium, & invisibilium opificem, & Dominum, confessus fuerit Moyses, & revelaverit nobis, inspicias ibi nullus, Augustini lib. 1. de Trinitate c. 4. Omnes, quos legere potui, qui ante me scripserunt de Trinitate, quia est Deus, divinum librorum veterum, & novorum catholici tractatores, hoc intenderunt secundum Scripturas docere, quod Pater, & Filius, & Spiritus Sanctus, unus, ejusdemque substantia, inseparabili aequalitate, divinitatem insinuant unitatem. Ideoque non sunt tres Dii, sed unus Deus. Petri Chrysologi ser. 57. 59. & 60. Deus unus est, sed Trinitas; Deus solus est, sed non solitarius; Divinitas, nec Trinitate dividitur, nec confunditur unitate.

II. Probatur ex Conciliis. Nicæno I., & Constantinopolitano I., in quibus dicitur in Symbolo, in uno edito, in altero addito; *Credo in unum Deum*. Dicitur pariter; *Creatorum visibilium, & invisibilium*. Quibus verbis damnantur errores illorum Hæreticorum, qui Deum asserabant non omnino creasse; vel unum creasse invisibile, alterum vero visibile. Uterius in Concilio Lateranensi IV. sub Innocentio III., & refertur in cap. *firmiter*, & in cap. *damnamus*, de summa Trinitate, & Fide catholica. Denique in omnibus aliis Conciliis, quum generalibus, tum particularibus, in quibus protestatio Fidei de more præmittitur, quam Patres Synodici proficiuntur, & cuius primus articulus est, Dei unitas.

IV. Probatur Rationibus. I. Si plures essent Dii, deberet quisvis, ab alio independentem, ex sui necessitate, existere; alioquin si dependeret, non esset Deus, sed creatura; ergo quisvis deberet etiam habere perfectionem omnem: ergo quisvis haberet quoque voluntatem liberam, & potentiam ad volendum quodlibet. Hoc stante, querimus: Vel unus Deus posset velle, quod noller alius, vel non posset? Si non posset? Ergo nullus esset summe liber; quisque enim necessitaretur ad volendum, quod Adversarius vellet; sicque unus ab altero dependeret; contra hypotheseos supra factam. Si posset? Ergo eorum aliquis vinceret, & alius vinceretur: Qui autem vinceretur, Deum non esse jam patet. Neque dicant cum Tritheistis, hoc idem de facto jam in tribus Divinis Personis evenire. Necnim, quum in illis tribus Personis, non plures, sed una sit voluntas, nulla erit per consequens inter illas contradictio, nec unus

ab altera dependentia.

II. Nomine Dei venit ens perfectissimum in omni genere; ergo omnes, & quascunque perfectiones habere debet. Huc supposito, sic argumentamur: Perfectiones alterius Dei primus ille Deus, vel contineret, vel non contineret? Si non contineret? Ergo non omnes, & quascunque perfectiones haberet: ergo non esset ens perfectissimum in omni genere; ergo non esset Deus. Si contineret? Vel contineret formaliter, vel eminenter? Si formaliter? Ergo ille alter Deus jam esset cum primo Deo identificatus; perfectiones enim, quæ sunt formaliter in Deo, cum Deo ipso identificantur. Si eminenter? Ergo jam esset ab ipso primo Deo factus; Deus enim continet eminenter perfectiones illarum rerum, quarum est causa.

III. Si Deus necessario existit, & per se est multiplex, existit etiam necessario multiplex; Si existit necessario multiplex, nulla est ratio, cur ad certum aliquem numerum coarctetur. Immo, si semel multiplex dicitur, in infinitum debet esse multiplex; quia numerositas quo major est, eo major etiam est perfectio, adeoque Deo convenientior; & fecunditas ipsa, si est Deo digna, magis gaudet in plures, pluresque Deos multiplicari. Hoc ipso ergo, quod Deus est multiplicabilis, in infinitum multiplicari debet; non enim est major ratio, cur ad hunc numerum, & non ad alium, multiplicetur. Unde Tertullianus lib. 1. contra Marcionem scribat: *Cur non plura, si duo? Quo locupletior credere deberet substantiam Divinitatis, si numerus ei competere?* Si ergo existit duplex, aut multiplex Deus, necessario existit infiniti Dii. Inter hæc igitur standum est, ut, vel unus ponatur Deus, vel infiniti; non infiniti: ergo unus.

IV. Vel perfectio utriusque Dei esset æqualis perfectioni unius Dei, vel major? Minor enim esse non potest. Si major? Ergo neuter ex illis esset Deus; quum non esset ille, quo majus aliquid nec esse, nec intelligi, potest. Si æqualis? Ergo perfectio unius contineretur in alio, & hujus perfectio esset in illo: Ergo invicem sibi dicerent dependentiam; Ergo, aut neuter esset Deus, aut unus ponendus est Deus. Et huc quoque collimat invictum illud Tertulliani argumentum lib. 1. contra Marcionem, quod placet hic referro formalibus ejus verbis. *Deus si non unus est, non est? Quia dignius credimus, non esse quodcumque non ita fuerit, ut esse debeat. Deum autem, ut scias unum, esse debere, quærit, quid sit Deus, & non aliter*

invenies. *Quantum humana conditio de Deo definire potest, id definitio, quod & omnium conscientia agnoscit, Deum summum, magnum, in eternitate constitutum, innatum, infectum, sine initio, sine fine. Qua erit jam conditio ipsius summi, magni, nisi, ut illi nihil adequatur, idest, ut non sit aliud summum, magnum. Quia si fuerit, adequabitur; & si adequabitur, jam non erit summum magnum. Huc utque Tertullianus.*

V. Unus Deus, vel poterat solus mundum creare, & modo potest conservare, vel non poterat, & non potest? Si poterat, & potest? Superfluum est alter Deus. Si non poterat, & non potest? Inanis est primus Deus. Hic namque non est omnipotens, non est infinite providus, sciens, bonus, &c. Unde Laëtantius lib. 1. Institutionum c. 3. *Quid enim multis opus est ad mundi regimen sustinendum? Nisi forte arbitremur, si plures sint, minui habere singulos nervorum, atque virium. Quomodo enim potest Deus, sine quo omnia creantur, & gubernantur? Quomodo etiam erit Deus, a quo plene omnia non creantur, nec gubernantur?*

VI. Deus ille malus, a Marcionitis, Manichæis, aliisque positus, debet esse equalis Deo bono; scilicet debet habere malitiam, parem bonitati illius. Atqui ille est summum bonum: ergo hic debet esse summum malum. Sed ille, quia est summum bonum, nullum includit malum: ergo hic, quia est summum malum, nullum debet includere bonum. Hoc posito, querimus: Deus ille malus, vel viveret, vel non viveret? Si viveret, non esset summe malus, quia haberet vitam, quæ est bonum. Si non viveret, nec producere posset, nec operari, nec nocere; quia nullam haberet cognitionem, nullam electionem, vindictam nullam.

VII. Melior est qui est solus, quam qui habet æqualem; unde ex Plutarcho Pompejus odio prosequatur Cæsarem, quia erat illi secundus; & Cæsar Pompejo indignabatur, quia cum illo non erat solus. Si ergo Deus alium sibi æqualem Deum haberet, non esset melior se ipso, quia non esset solus. Deus autem per Augustinum est ille, *quo melius cogitari non potest*. Ergo ille, quia non esset solus, non esset Deus. Quod ex Tertulliano confirmatur; quia Deus est summum magnum; non est autem summum magnum, quod non est omne magnum; non est vero omne magnum, quod sibi habet æquale aliud magnum, quod dicitur quoque summum. En Tertulliani verba lib. 1. contra Marcionem c. 3. *Cer-*

te quicumque alium Deum induxeris, non alia eum forma poteris tueri Deum, quam, ut illi proprium Divinitatis adscripseris, sicut aeternum, ita & summum magnum: Duo ergo summa magna quomodo consistunt, cum hoc sit summum magnum par non habere; par autem non habere uni competat, in duobus esse nullo modo possit?

VIII. Vel ipsa natura nos docet, Deum esse unum, quum hoc ipsum nos doceat conscientia nostra. Non modo nos, qui, in Christi Fide educati, unum Deum profiteamur, & colimus, verum quoque Gentiles, in periculis positi, ab angustiis pressi, in repentinis casibus constituti, quanvis in erroribus Deorum plurium implicati, non tamen Deos advocant, sed unum tantum, Deum, in auxilium, & in adiutorium. Testatur hoc Tertullianus lib. de testimonio. Animæ; & in Apologético c. 17., *consequuisse scilicet Gentiles dicere; Quod Deus dederit; si Deus voluerit; Deus bonus est; Deus benefact; Deo commendo; Deus reddet, &c.* Unde postmodum exclamat: *O testimonium anima naturaliter christiana! Testatur quoque Laëtantius lib. 2. Instit. c. 2. ex formula jurandi apud Romanos; Nam & cum jurant, & cum optant, & cum gratias agunt, non Jovem, aut multos Deos, sed Deum nominant. Testatur de novo Tertullianus libro citato de testimonio animæ, verbis hisce: Consiste in medio Anima, sed non tam te advoco, quæ scholis formata, bibliothecis exercitata, academicis, & porticibus passa, sapientiam nullas: te simplicem, rudem, impositam, & idioticam compello, qualem habent qui te solam habent, te palam, & tota libertate domi, ac foris, audivimus pronuntiare, quod Deus voluerit.*

Obstant Adversarii 1. Multa Scripturarum sunt loca, in quibus plures Dii recensentur; & præcipue 1. ad Corinthios 8. *Significum sunt Dii multi*; Psalm. 81. & refertur Joannis 10. *Ego dixi Dii esset*; Genesis 1. 1. *In principio creavit Deus; Hebraei legunt, Dii, &c.* 11. Basiliius epistola 149. habet: *Non est itaque Deus numerus unus; non unus numero, ergo plures, & multi sunt numero; hoc est numerice distincti*. III. Deus non potest esse unus unitate transcendentali, neque unus unitate prædicamentali: ergo nullo modo est unus. Probatur antecedens. Non unitate transcendentali, quia hæc consistit in negatione; neque unitate prædicamentali, quia Deus non est sub genere. IV. Ens, & bonum, quo sunt perfectiora, eo debent esse communiora; quum ad perfectionem boni spectet, ut sit communissimum;

nom; sed ens a se est perfectissimum: ergo debet esse communissimum. V. Omnes effectus debent reduci ad aliquam primam causam univocam non factam, sed a se existentem: ergo omnes homines debent reduci ad aliquem primum hominem non factum, & a se existentem: ergo tot dari debent entia non facta, quot dantur species entium factorum. VI. Argumenta, quæ probant Deum esse unum, probant etiam unam esse Personam: Ergo, vel non probant, Deum esse unum tantum, vel non probant Trinitatis esse mysterium. VII. Homo est creatus a Deo; sed non a Deo bono: ergo a Deo malo. Probatur minor. A Deo bono non potest provenire malum; sed homo peccabilis est malum: ergo non est a Deo bono. VIII. Filius Dei vocatur Minister Patris æterni a S. Iustino in Dialogo cum Triphone, & a Tertulliano in lib. contra Praxeam c. 12. Ergo est socius Patris in mundi creatione, & gubernatione: ergo pro utraque non unus est Deus. IX. Deus bonus non potuit creare visibilia; ergo illa creavit Deus malus. Probatur antecedens. Deus bonus non potuit creare Evam, quæ fuit origo malorum omnium, quæ sunt in mundo; sed Eva fuit visibilis: ergo Deus bonus non potuit creare visibilia. X. Lex vetus dicitur mala: ergo qui dedit illam fuit Deus non bonus: ergo Deus malus. Probatur antecedens. Lex vetus dicitur non bona: ergo mala. Probatur antecedens. Ezechielis 2. 25. *Ego dedi eis præcepta non bona*. XI. Qui creat malum non est bonus; sed Deus creat malum: ergo Deus, qui creat malum, non est bonus; ergo est malus. Probatur minor. Amos 3. 6. *Si erit malum in civitate, quod non fecerit Dominus*. XII. Deus, qui punit, non est Deus bonus; sed Deus magna severitate punit: ergo est Deus malus. Minor probatur; quia momentaneum peccatum æterna poena punit.

Respondemus ad I. In sacris libris nomen Dei aliquando tribui Diis falsis; ut in epistola 1. Apostoli ad Corinthios c. 8. *Siquidem sunt Dii multi*; post quæ subjungit; *nobis autem unus est Deus*. Unde Scripturæ loquuntur ex Gentium sensu. Quandoque Dei nomen datur iis, qui specialem habent aliquam cum Deo similitudinem, aut divinæ potestatis participationem; ut habetur in Psalm. 81., & refertur Joannis 10. *Ego dixi Dii estis*. Aliquando etiam secundum hebraicæ lingue expressionem Dei nomen in plurali exprimitur; ut Genesis 1. 1.

P.A.R. I.

בראשית ברא אלהים

Berefti Bera Eloim. In principio creavit Deus. Hebræi dicunt, quod vox *Eloim* est pluralis formæ, & singularis significari; sed falso; datur enim etiam hujus nominis singularis vox, quæ est *Eloha*. Unde aptius Christiani dicunt, per nomen *Eloim* pluralis formæ Trinitatis mysterium exprimi, quod Hebræi inficiantur; & per nomen *Bera* singularis significationis Unitas Dei importatur; quam quidem & Hebræi & Christiani fatentur; quatenus *Eloim*, quod est formæ pluralis, & idem est, ac *Di*, conjungitur cum *Bera*, quod est formæ singularis, & idem est, quod *creavit*: Unde sensus est, quod *Di creavit*; ut ostendatur, per *To Di* venire Personam, unde in plurali exprimitur; per *To Bera* venire naturam divinam, unde in singulari significatur. Hoc fere simili modo, quo signum sanctæ Crucis exprimimus, dicendo: *In nomine Patris, & Filii, & Spiritus Sancti*. Quum enim dicimus, *in nomine*, & non in nominibus, exprimimus unitatem Dei. Dum vero adjungimus, *Patris, & Filii, & Spiritus Sancti*, Trinitatem Personarum significamus.

Ad II. Basilium non accipit *unum numero* negative, ita ut neget pluralitatem, & confortium alterius similis; sed positive, prout dicit aliquod, vel constans ex multis, quæ simul numerata faciunt unum, vel divisibile in multa, quæ sic actu facerent numerum. Quod quidem patet ex verbis ejusdem Basilii, quæ præcedunt illa, quæ nobis objiciuntur. Dicit enim: *Quicquid numero dicitur unum, unum re vera, aut simplex natura non est*: Deum autem simplicem, & incompositum confitentur omnes; non erit ergo Deus numero unus. Et etiam ex verbis, quæ eadem consequuntur: *Omnis numerus ea significat, quæ materiale, & circumscriptam naturam sortita sunt*. Unde inficimus, Deum, melius, & coherentius, ut omnis amphibologie tollatur occasio, unicum appellari, quam unum.

Ad III. Plures Philosophos, ex Aristotelicis etiam, ponere Deum in Prædicamento substantiæ; sicque secunda pars Argumenti non proficit. Nec etiam officit prima pars nobis Defendentibus; quia, etsi unitas transcendentalis in negatione consistat, nullum tamen sequitur inconveniens. Multa enim sunt, quæ de Deo negative dicuntur, secundum nostrum scilicet concipiendi modum.

P

Ad

Ad IV. distinguitur major; ens, & bonum, quo sunt perfectiora, eo debent esse etiam communiora, communicare communicabilitatis, & participabilitatis, conceditur; communitate multiplicabilitatis, negatur; conceditur minor, & eodem modo distinguitur consequens. Bonum utique est communicabile, sed non est proinde multiplicabile; nec est idem, esse communicabile, & esse commune. Communicabilitas in Dei natura admittitur, & ad intra, & ad extra; ex communicabilitate ad intra procedit Verbum, procedit Spiritus Sanctus; ex communicabilitate ad extra creaturae procedunt; non est autem necesse, ut ad extra totum se communiquee, ita ut faciat alium Deum, qui omnino implicat; ut de se patet.

Ad V. negatur major. Implicat namque in terminis, effectum reduci ad primam causam univocam, quae non sit facta, & sit a se ipsa. Et ratio est, quia factum, & non factum, non possunt univoco convenire, ex eo quod infinite distent inter se. Omnes autem effectus sunt facti: ergo repugnat, ut univoco conveniant cum causa non facta. Debent proinde reduci ad primam causam æquivocam, & diversae rationis. Sic respondet ad argumentum Maurus, non infirmis non Societatis Theologus.

Ad VI. negatur antecedens. Ratio est, quia demonstrationes evincunt plane, dari unicam primam rationem omnium rerum, at non probant, quod hæc unica ratio sit in unica tantum Persona, & non in tribus Personis. Ceterum, quum demonstrationes illæ probent, unicam illam rationem, debere esse in omni genere perfectissimam, eo ipso etiam offendunt, debere esse secundissimam; & per consequens debere esse unam in natura, & trinam in personis; ut suo loco videbitur.

Ad VII. dicitur, quod homo peccabilis ex se non est malum, sed est indifferens ad malum, & bonum. Homo enim peccabilis est homo liber; liberitas non est mala in homine, quanvis homo possit ea abuti. Et quantvis prævidisset Deus, hominem peccaturum, per hoc etiam prævidebat multa bona ex hominis peccato eventura. Unde scribebat August. lib. 2. contra Manichæos c. 28. *Quia & de peccato multa bona facere poterat, ordinans eum secundum moderamen iustitiae suae, & quia nihil oberat Deo peccatum ejus; siue non peccaret; mors nulla esset; siue ejus peccavit, alii mortales de ejus peccato corriguntur. Nihil enim sic revocat homines*

a malo, quemadmodum imminetis mortis cogitatio.

Ad VIII. respondent quidam, Filium, ut incarnatum dici ministrum Patris; quia secundum hoc est minor Pater, nec putatur inconveniens, ut illi serviat, sicut ceterae creaturae servant. Ceterum Deus, si utitur ministris in gubernatione mundi, non utitur quidem per indigentiam, sed ad magnificentiam; & ministri ipsi sunt inferiores illo, & nullo modo sunt Dei, ut ipse est Deus. Filius vero secundum se spectatus, non autem, ut incarnatus, est consubstantialis Patri; unde Pater, & Filius sunt unus Deus; & per consequens secundum hanc considerationem non potest esse minister Patris; vel eo magis, quia non procedit a Patre, tanquam a causa, sed tanquam a principio, & nullam ei proinde potest importare dependentiam.

Ad IX. Deus non creavit Evam malam, sed ipsa fecit se malam. Et quemadmodum de homine diximus, quod fuit a Deo creatus indifferens, & liber ad bonum, & malum, ita etiam dicimus de muliere. Quod autem miserit Diabolum, ut tentaret eam, hoc fecit, non ut ejus prævaricatione perderet genus humanum, sed ut probaret obedientiam ejus, & eidem meriti occasionem largiretur. Audiatur Tertull. lib. 2. advers. Marcionem: *Oportebat Deum cognoscere bonum utique, & rationabile oportebat aliquid esse, quod Deum agnosceret: Quid tam dignum prospici posset, quam imago Dei, & similitudo? Et bonum sine dubio, & rationale. Oportebat igitur imaginem, & similitudinem liberi arbitrii, & sua potestatis, institui, in qua hoc ipsum imago, & similitudo Dei deputeretur; arbitrii scilicet libertas, & potestas, in quam rem ea substantia homini accommodata est, qua hujus status esset, ad status Dei; utique liberi, & sua potestatis. Et rursus in eodem loco: Tote ergo libertas arbitrii in utramque partem concessa est illi, ut sui dominus homo constanter occurreret, & bono sponte servando, & malo sponte vitando, quousque & alias possem hominem sub iudicio Dei oportebat iustum illud efficere de arbitrii sui meritis, liberi scilicet. Ceterum, nec boni, nec mali merces jure pensaretur ei, qui aut bonus, aut malus necessitate fuisset inventus, non voluntate. In hoc & lex constituta est, non excludens, sed probans libertatem de obsequio praestando, vel transgressionem sponte committenda; ita in utramque exitum libertas patuit. Augustinus pariter ad hæc conformiter scribebat; Sic enim factus est homo, ut si nolisset, non peccaret. Et de*

de Eva subdit ; immo ipsa ad se Diabolum non admitteret, sic enim facta est, ut si voluisset, non admitteret .

Ad X. Quis sanæ mentis homo asseret, veram Legem fuisse malam, quum Spiritus Sanctus aperte in Psalmo dicat, esse Legem Domini, esse immaculatam, convertem animas, esse testimonium Domini fideles, sapientiam præstans parvulis ? Si autem, dicitur, præcepta legis mosaicæ non esse bona, vel ideo dicitur, quia gratiam non conferebant, sed tantummodo significabant, vel quia non erant perfecta, ad Legem evangelicam comparata .

Ad XI. dicitur, quod Deus est causa, & auctor mali poenæ, non autem mali culpæ. Poena autem, etsi nobis videatur malum, in se ipsa tamen, & in ordinatione Dei, & cum respectu ad bona, quæ producitur, est bonum . Sic hujus objectionis solutionem exhibet Tertullianus, loco nuper citato : Nos autem adhibita distinctione utriusque forme, separatis malis delicti, & malis supplicii, malis culpa, & malis poena, suum cuique parti desuimus authorum : malorum quidem peccati, & culpa, Diabolum; malorum vero supplicii, & poenæ, Deum creatorem; ut illa pars malitia deputetur, illa iustitia, mala condentis iudicia adversus mala delicti. De his ergo Creator proficitur malis, quæ congruunt Iudici, quæ quidem mala sunt, quibus respondentur & ceterum, suo nomine, bona, quæ iusta, & bonorum defensoria, & delictorum inimica, atque in hoc ordine Deo digna .

Ad XII. Severitas, quæ Deus peccata punit, si severitas est, iustissima est, non excedens delictorum exigentiam . Peccatum autem,

quanvis momentaneum, infinitum est, vel ratione persona offensæ, quæ est infinita; vel ratione non retractationis, quæ facit ipsum durare tempore infinito; unde non mirum, si poena æterna a iustissimo Iudice puniatur. Desideret autem Deus honori suo, gloriæ suæ, si peccata non puniret; & si esset in illo defectus huiusmodi, imperfectio sane esset, Deo indigna . Tertullianus in præfatio loco sic ait : Quis boni auctor, nisi qui & exactor ? ... Quis expurgator, nisi qui & punitor ? Si totus Deus bonus est, dum pro bono omnia est . Sic denique omnipotens, qui & iuvandi, & ledendi potens . Minus est tantummodo prodesse, de cuiusmodi quæ fiducia bonum sperem, si hoc solum potest . Quomodo innocentia mercedem sedit, si non & innocentia spectem ? Diffidam necesse est, nec alteram partem remuneretur, utramque non valuit, usque adeo iustitia tiam plenitudo est Divinitatis ipsius exhibens Deum perfectum, & Patrem, & Dominum : seu Patrem, clementia, Dominum, disciplina; Patrem, potestate blanda Numinum, Dominum, severa; Patrem diligendum pie, Dominum timendum necessarie; diligendum, quia malis misericordiam, quem sacrificium; & timendum, quia nolit peccatum; diligendum, quia malis penitentiam peccatoris; quam mortem; & timendum, quia nolit peccatores sui jam non penitentes : Ideo Lex utrumque definit : Diliges Deum, & timebis Deum . Aliud obsecutori propositum, aliud exhorbitatori . Ad omnia tibi occurrit Deus idem percutiens, sed & sanans; morificans, sed & vivificans; condens mala, sed & pacem faciens .

DISSERTATIO XXVII.

*De Erroribus contra Simpliciter Dei,
& de Auctoribus illorum.*



Simplicitas idem sonat, ac non compositio; simplex idem, ac non compositus. Proinde quatuorplex assignatur compositio, totplex etiam, ratione oppositionis, assignari debet simplicitas . Compositio, aut est physica, aut est metaphysica, aut est logica . Physica, aut est intrinseca, aut extrinseca . Compositio physica intrinseca, aut est essentialis, ex materia scilicet, & forma, quæcunque sint istæ; aut integralis, ex partibus nimi-

PAR. I.

rum integrantes; aut, in Aristoteleorum principis, accidentalis, ex subjecto, & accidenti realiter distincto; aut supposititalis, ex natura scilicet, & subsistentia, in hypothesis, quod subsistentia in aliquo positivo physico consistat . Compositio physica extrinseca illa est, per quam res alteri unitur, eum quæ totum aliquid physice constituit; ut anima hominis dicitur extrinsece composita, quia unita corpori, compositum proprie dictum simul eum corpore intrinsece componit; unde respectu totius est

P 2

in-

intrinsicce unita, respectu corporis est unita extrinsicce. Si autem compositio est extrinsicca, vel dicitur ex his, vel dicitur cum his. In prima ita duo ununtur; ut unum se habeat; ut potentia; alterum vero, ut actus: In secunda omnia se habent, ut actus. Compositio metaphysica dicitur esse ex esse; & essentia: Compositio logica dicitur esse ex genere, & differentia.

Quia tamen summa Dei simplicitas includit in se rationem etiam actus; & actus purissimi; inde est, quod Deus non solum est summe simplex; sed est quoque actus purus, atque purissimus. Quod sic explicamus absque verborum ambagibus; & terminorum circuitu: Si quis sapientiam non habet, dicitur habere potentiam ad ipsam habendam; quatenus sapientiam habere potest. Si quis a sui oris initio sapientiam a Deo infusam habuit, dicitur habuisse semper sapientiam, & nunquam potentiam ad eam habendam. Quia tamen ita habuit; ut eam habere non posuerit; ideo sapientia in huiusmodi homine, etsi semper fuerit in actu; non est dicenda tamen actus purus; quatenus poterat ipsam non habere, & per consequens habere potentiam ad illam. Deum vero ita actus purissimum dicimus; ut semper suas perfectiones habuerit actu; & nunquam posuerit actu non habere; unde dicendum est; prorsus Deum in suis perfectionibus excludere omnino, & exclusisse semper, quamlibet potentialitatem; quæ actui purissimo repugnet.

His prælibatis, quæ Dei simplicitatem expriment, & declarant, modo afferimus errores, quos contra tandem sui quique Auctores in medium inducere percontarunt: Physicam compositionem illi omnes in Deo admiserunt, qui ipsum corporeum esse commenti sunt. Hi primo loco fuerunt Gentiles, non solum rudes, sed & sapientes quoque. Unde Cicero in libro academicarum questionum scribebat; *quod nullo corpore sit, id intelligi; quale sit, vix posse*. Ad quæ conformiter Philo in libro de somniis observat; *nonnullos sic ebetes; & obtusos, esse natura, ut Deum sine corpore intelligere nullo modo queant*. Subdit Petavius in libro 2. theologicorum dogmatum c. 1. n. 2. *Quo vitio primum Gentilium plerique laborarunt, qui Deos non solum humana specie, aut certe corporibus præditos finxerunt, sed etiam muta simulacra tanquam Deos venerati sunt*. Gentiles ergo non solum Deos adorarunt corporeos in Jove, Saturno, Marte, Mercurio, Venere, &c., sed in Idolis quoque lapidea, ænea, lignea, numina co-

luerunt. Hoc ex plurimis sacrarum Scripturarum locis est clarum; & præcipue ex capitis 44. & 46. Isaie, & ex Psalmis multis; atque insuper constat ex Christianorum exprobrationibus, & irrisionibus in Echnicos, tanquam in colentes ligna, & saxa. Quas nihilominus Gentiles quidam veluti calumnias Christianorum publicarunt; ut præsertim fecit Julianus Apostata, præter Celsum Epicureum apud Origenem lib. 6. & 7. contra Celsum: Julianus quidem, nostræ christianæ religionis impius, fædusque, desertor, in fragmento, quod inter ejus opera editum est, sic contra nos obloquebatur, & pro suis perorabat: *Nam statuas ipsas, & aram, nec non æterni custodiam ignis, aut uno verbo dicam, cetera omnia id genus, Dionum præstantia signa, Majores nostri constituerunt, non, ut ista Deos esse credamus, sed ut ipsos per illa veneremur*. Cæterum Ambrosius quoque ad psalmum 108. scripsit: *Gentiles liquam adorant, quia Dei imaginem putant*. Et ex responsione cujusdam Idolorum cultoris, quæ habetur in actis Concilii generalis VII. id ipsum quoque pater. Sallustius, Philosophus, in libro de Diis, & mundo, vituperat Egyptios, quia corpora ipsa Deos esse putarent; ut citato loco Petavius refert: Unde patet, quod etsi Gentiles sapientiores aliqui non habuerint idola pro Diis, vulgus nihilominus eadem pro Diis venerabat. Quod quidem perspicuum est, & ex Scripturis recentioribus, & ex illo Apostoli ad Romanos 1. 22. *Et mutaverunt gloriam incorruptibilem Dei in similitudinem imaginis corruptibilis hominis, & volucrum, & quadrupedum, & serpentium; & denique ex ipsismet Gentilibus, qui ea, aut asserendo, aut irridendo narrant; ut ex illo Juvenalis sat. 15. O sanctas Gentes! Quibus hac nascuntur in hortis numina; scilicet porcum, & cæpæ, aliæque plantæ, si quæ sunt illis ignobiliores, & viliores*. Hæ autem plantæ erant numina, quæ venerabatur Ægyptus, & quæ in illius hortis ad adorationem nascebantur.

Præter autem Gentiles, & inter illos præsertim Stoicos, ut refert Sextus Empiricus, & Theodoretus de principiis lib. 2. & 3., fuerunt quoque inter Hebræos Sæstarii quidam, qui dicebantur Sadducei, qui, Arnobio teste lib. 3. contra Gentes, omnem spiritum negabant, ac proinde Deum corporeum esse asserbant. De his scribit Dominicus Macri in hierolexico; *Sadduceus ex Sadduceæ gente, quæ inter Hebræos peculiarem sectam professabatur; significat enim justum ex hebræa voce Sadoth; nam*
Sed-

*Sadducæi iustitiam colere, & legem mosaicam obsequare, gloriabantur, eodemque fide Prophetarum, & reliquis S. Scriptura libris, præter Pentateuchum, non admittebant; ac Angelorum caterorumque Spirituum existentiam, insuper & mortuorum resurrectionem, negabant; ideo Phariseorum adversarii putabantur. In quibus verbis quanvis de Deo peculiaris mentio non fiat, quia tamen Angelos & cæteros Spiritus non admittebant, nec etiam Deum, qui spiritus omnino est, dicendum est admisisse. At clarius hoc habemus ex his, quæ refert P. Boucat Dissert. 3. ar. 2. Ait namque: *Judas tum antiquiores, tum recentiores, Sadducæos ut hæreticos habebant, eo quod Deum crederent corporeum. Philo l. de somno p. 407. sic eos arguit dicendo: Nonnullis sic bebentes & obusos esse natura, ut Deum sine corpore intelligere nullo modo queant. Quæ verba a nobis etiam paulo ante relata sunt.**

Loquamur modo de Christianis, qui in hunc eundem errorem prolapsi sunt. Primus omnium dicitur Melito quidam, Sardicensis, alii dicunt, Sardensis, in Asia Episcopus, temporibus Marci Antonini Veri Imperatoris. Deinde Tertullianus. Postmodum Audius, qui centum & amplius annis post Tertullianum vixit. Successerunt post hos Seleucus, & Hermias, Galatæ, apud Philastrium c. 8., quanvis de his apud Augustinum, in libro de Hæresibus, alium silentium inveniat. His adiunguntur S. Hilarius, & Lactantius Firmianus, & S. Epiphanius. Tandem seculo quarto exeunte in eundem errorem inciderunt quidam Ægypti Monachi, qui & Antropomorphitæ, seu antropomorphitæ, dicti sunt, hoc est humanam figuram Deo affingentes, ut homo ad ejus imaginem corporealem dicitur factus. Sequenti seculo, quinto nimirum, contra hos Antropomorphitas scripsit Flavius Rhegiensis, & seculo decimo Rotherius Monachus, eo quia anno 954. ipsorum error denuo revivixit, calamum iterum admovit. Anno pariter 1728. ab aliis excitatus apparuit; & demum temporibus nostris a Thoma Hobbes, Heterodoxo Anglo; iterum e tenebris revocatus est in lucem; quia impossibile paravit, substantiam aliquam esse, & non esse corpoream. Demum Vorstius, Calvinianus recens, etsi Deum spirituale & incorporeum admittit, in ipso nihilominus duplicem agnoscit compositionem, unam quam dicit ex parte personarum, alteram vero ex parte decretorum liberorum Dei, quæ realiter a Deo vult esse distincta. Verum

quia plures ex antiquis hujuscemodi erroris Auctoribus a Scriptoribus non infimæ notæ vindicantur; congruum judicamus eorum quemlibet ad examen huc advocare, & testimonia, tam pro ipsis, quam contra ipsos, adducere, ut Legentes facilius possint pro unoquoque suum judicium formare.

Melito primo loco expendendum se offert. Illius erroris meminit Gennadius in lib. de dogmatibus c. 4., si ipse genuinus est fœtus, & meminit etiam Origenes apud Theodoretum q. 26. in Exodum. Eum tamen ab hujusmodi erroris labe defendere conatur Sixtus Senensis, asserens, Eusebium, & Hieronymum, in Catalogo de Scriptoribus ecclesiasticis, Melitonem librum asserere, cujus erat argumentum: *De Deo corpore induto*: In quo Melito scripserat de Deo tanquam de Christo, vel tanquam de Verbo jam incarnato. Unde occasione sumperunt, vel parum intelligentes, vel male adversantes, eum erroris hujuscemodi infamulandi. Ad Origenem responder, errore Joannis Pici Interpretis factum, ut visus sit Theodoretus scripsisse illa, quæ Ficus memorat; quum aliud omnino græcæ verba præficerat. A Petavio tamen refutatur Sixtus Senensis, ostendente, Picum omnino recte reddidisse quod in castigatore græco exemplari inveniebatur, quemadmodum legitur in postrema Theodoreti Opera Valefiana editione. Re vera dicendum est, Origenem Melitonis librum non legisse, etsi audierit titulum illius; ex titulo autem deceptum, ut Melitonem erroris hujuscemodi accusaret. Quod si re vera hunc errorem docuisset Melito, tacuisset ne Eusebius lib. 4. hist. c. 26., tacuisset Hieronymus de Scriptoribus ecclesiasticis c. 34. qui Melitonem summis laudibus exornat? Et hi quidem librum Melitonis legerant, quum illius referant synopsin, non vero solum viderant titulum, ut Origenes vidit. Ulterius Theodoretus, qui locum Origenis refert, nullam contra Melitonem censuram profere; quia scilicet erroris, qui ei imputabatur, reum non agnoscebat. Henricus etiam Valefius Melitonem defendit, & ex græco latine reddens titulum libri Melitonis, scribit: *De Incarnatione Dei*. Locum Origenis refertur a Theodoro, sicut refert Catena græca; Catena græca parvi apud Eruditos est momenti, quum illius nesciat ætas, & nativitas. Gennadius vel est suppositus, vel non est omnino verax; ut patet quando plerumque injuste veteres Patres damnant, acuset Arianismi Dio-

Dionysium Alexandrinum, & novitatis Augustinum.

Tertullianus, acris ingenii vir, disertus lingua, calamo acutissimus, accusatur quoque, errorem hunc docuisse in libro contra Praxeam c. 7. in libro de resurrectione carnis c. 6 & in libro 2. contra Marcionem c. 16. Petavius, & Cardinalis de Aguirre, conantur ab hoc errore vindicare Tertullianum, dicendo, illum, quando Deum corporeum affirmavit, corpus pro substantia usurpasse. Du-Hamel sic concludit: Tertullianum vix ab errore defendi posse, si illa ratio spectetur, quæ dicitur positiva, & intrinseca, ex propriis scriptis nimirum petita; vindicari nihilominus posse eo defensionis genere, quod negativum appellant, sua verba scilicet benigne, & in sensu catholico, atque sic etiam Scripturam interpretando. Alphonsus de Castro erroris huiusce primum Auctorem facit Tertullianum, atque: „Hujus hæresis primus, ut existimo, auctor extitit Tertullianus. Quamquam hunc Tertullianum de hac re quodammodo excuset B. Augustinus in lib. de hæresib. c. 86., dicens, non propter hoc dicendum esse hæreticum Tertullianum, quia potuit ita de Deo sentire, ut decreverit esse corpus quoddam, non quidem tale, quod patres habeat, quarum alie majores, alie minores existant, quod etiam loco sit circumscriptum, & certis limitibus conclusum; sed ideo potuit nominare corpus, quia videlicet non est inane, sed est aliquid, qui ubique totus est. Sed re vera nescio, an talis res, quæ patres non habet, congrue & apte possit vocari corpus. Verum B. Augustinus misericordia usus censura excusavit quod potuit. Consideravit namque, nullum esse acerbius & gravius crimen, quod Christiano possit objici, quam crimen hæreseos; ideo anrequam illud alicui impingamus, oportet prius rem anxie examinare, & lapidem ad filium reducere.“

P. Saguens refert primo loco Augustini verba pro Tertulliano; quæ sunt in lib. de Hæresibus hæc. 86. ad Quodvultdeum Diaconum: *Tertullianus ergo, sicut scripta ejus indicant, animam dicit immortalem quidem, sed eum effigiatum corpus esse contendit. Neque hanc tantum, sed etiam Deum corporeum esse dicit, licet non effigiatum. . . . Neque hinc hæreticus creditur falsus: possit enim quoquo modo putari, ipsam naturam substantiamque divinam corpus vocare, quia non est nihil, non est inanitas. . . . Non ergo ideo est Tertullia-*

nus falsus hæreticus, sed quia transiens ad Cætharpyges, quos ante destruxerat, capit etiam secundas nuptias contra apostolicam doctrinam, tanquam supra damnare, &c. Insuper altero in loco, hoc est in libro de Genesi ad litteram lib. 10. c. 25., Augustinus hæc de Tertulliano scribit: *Tertullianus, quia corpus esse animam credidit, non ob aliud, nisi quod cum incorpoream cogitare non potuit, & ideo timuit ne nihil esset, si corpus non esset, nec de Deo valuit aliter sapere.* Hic excusatur ab Augustino Tertullianus alio modo ab illo, quem tenuit prius; scilicet per impotentiam aliter cogitandi; & rursus excusatur ulterius per inconstantiam id cogitandi, quam probat ex Tertulliani dicto: *Omne corpus possibile est.* Ex quibus tandem Augustinus inferit: *Debit ergo mutare sententiam; neque enim arbitror eum ita desipuisse, ut etiam Dei naturam possibilem crederet.* Quibus subdit Saguens: *Quare cum ita non desipuerit, quid aequius quam ut absolvetur, quia si erravit, in errore non perstitit?* His nihilominus verbis contentionem pro Tertulliano dirimere Saguens judicavit: „Et nunc quidem dico, ac fatcor, autoritates istas Tertullianum utrumque habere, pro excusato; sed illius errorem inexcusatum relinquere. Agitur autem non de homine, qui hæc ex parte sit, aut non sit hæreticus, sed de errore, qui pro hæretico sit habendus, vel non habendus. De cætero autem non reddit quemquam hæreticum opinio, sed in opinione contentio, imo nec ipsa contentio, nisi accesserit ecclesiastica declaratio, quæ veterit contentionem, tanquam & veræ fidei, & debite obedientie obversantem. At puto Tertullianum nec in hac opinione contentiosum fuisse, nec ulli declarationi, quæ talem tunc temporis contentionem veterit, restitisse. Sed licet sit homo ab hæresi absolutus, non est eapropter hominis error ab hæresi absolvens, uti neque per autoritates præmissas satis absolvetur.“

P. Boucat vero alia incedit via, præmittens enim articulum 3. in quo quaerit; *utrum Tertullianus crediderit Deum esse corporeum?* hac conclusione respondet: *Conclusio. Tertullianus non credidit Deum esse corporeum.* Quod primo probat ex cap. 20. Apologети Tertulliani, in quo Deum Patrem, Deum Filium, Deum Spiritum Sanctum, dicit esse purum Spiritum. *Hinc ex Deo prolatae dicimus, & prolatione generatur, & ideoque filium Dei, & Deum dictum ex unitate substantia, nam & Deus, Spiritus.* Secundo ex libro contra Praxeam, in quo docet,

docet, Deum esse ubique; si ubique, ergo non corporeus; quod enim est ubique nullis circumscribitur terminis; quod vero est corporeum est circumscriptum & limitatum. *Ante omnia Deus erat solus ipse sibi, & mundus, & locus, & omnia.* Tertio ex libro de baptismo c. 7. asserit Deum esse simplicissimum; implicat autem esse simplicissimum & esse corporeum: *Prob misera inrevelitas, qua denegat Deo proprietates suas simplicitatem, & potestatem.* Quarto ex libro contra Praxeam c. 5., in quo dicit Patrem & esse impassibilem, & esse impassibilem, contra ipsum Praxeam, qui dicebat, esse quidem passibilem, sed non esse impassibilem. *Stulti & in hoc, quid enim compati, quam cum alio pati? Porro, si impassibilis Pater, utique & impassibilis.* Ex quibus locis sic argumetur Boucar: Qui dicit Deum esse spiritum, immensum, simplicem, impassibilem, & impassibilem, non credit Deum esse corporeum; quia corporeum essentialiter est finitum, compositum, patiens, alterabile, circumscriptum, &c. Sed Tertullianus dicit Deum esse spiritum, immensum, simplicem, & omnibus modis impassibilem; ergo Tertullianus non credidit Deum esse corporeum. Ad objectiones postremo deveniens, primo sibi opponit Tertullianum lib. de carne Christi c. 7. dixisse: *Omne quod est, corpus est sui generis; nihil est incorporeale, nisi quod non est.* Secundo, Tertullianum lib. de carne Christi c. 7. nihil agnoscere inter nihil & corpus: *Nihil est incorporeale, nisi quod non est.* Tertio, Tertullianum admisisse membra in Deo lib. 2. contra Marcionem c. 16. nam & dexteram & oculos, & pedes Dei legimus. Quarto Tertullianum agnovisse passiones corporeas in Deo ibidem c. 19. *Hoc itaque omnis providentia Dei censuit quod iam audierat. Bona igitur & severitas, quia iusta; si bonus Iudex, id est iustus; item cetera bona, per quae opus bonum currit bona severitatis, siue ira, siue amulatio, siue savitia.* Quinto, Tertullianum dixisse animam esse corpus, etsi cognoverit esse spiritum; ergo sic pariter potuit de Deo asserere. Sic ait Tertullianus lib. de anim. c. 7., & faretur Augustinus lib. de hæresib. c. 86. Ad quæ respondet, quod verum sit, Tertullianum asseruisse, Deum esse corpus, sed intellexisse corpus sui generis, hoc est, quatenus corpus dicit ens oppositum nihilo. Si aliquando dicit Deum corporeum, intelligendus est de Deo incarnato. Ad secundum, Tertullianus nihil agnoscit inter corpus & nihil, quatenus corpus dicit ens, non vero

quatenus importat corpus quantitativum. Ad tertium, admisit membra non formaliter, sed metaphorice, ut Scripturæ ipsæ admittunt. Ad quartum, admissit passiones non proprie, sed similitudinarie, ut Scripturæ quoque ipsæ loquuntur. Ad quintum negat paritatem, quia Tertullianus credidit animam esse corpoream, non quia est corpus quantum, sed quia est circumscripta, habens passiones corruptorias; unde secundum ipsum non est purus spiritus, ut Deus, qui est incircumscriptus; quod & probat ex lib. 2. contra Marcionem c. 7. His omnibus putamus, sufficienter confutatos remanere Gennadium, ex antiquis, & ex recentioribus Naxalem ab Alexandro, Dupinum, aliosque, qui contra Tertullianum, si non iniquo, non æquo saltem animo, pronunciarunt.

Audius, vel Audæus, vindicatur pariter a P. Boucar auctoritate S. Epiphani, qui fuit Audii cœvus, & qui cum summis laudibus extollit, nec erroris aliquando accusat. Scribit nanque hæresi 70. *Audius e Mesopotamia oriundus, domi clarus imprimis fuit, propter & vite integritatem, & divinæ fidei zelum, & ardorem.* Verum ab aliis, & præcipue a Natali ab Alexandro, dicitur, quod duriori & imperitiori modo, nimiaque pertinacia, locum illum Scripturæ interpretatus est: *Faciamus hominem ad imaginem, & similitudinem nostram;* & hæc verba referenda esse ad corpus affirmabat; & citat S. Epiphanius hæresi 70. Re vera Epiphanius, postquam Audii rectam fidem testatus est, hunc tamen nævum in eo non dissimulavit. Hæc subdit citato loco; *Neque vero ulla in re a recta fide discessit, sed ipse cum suis suæram in omnibus religionem tenuit; quauquam est quiddam perexiguum, in quo paulo perviciacius constitantur.* Beztlius; *Quæcumque ille dicit, plane vera sunt, tametsi nonnulla sententia sui, quæ attem nostra mentis fugiant.* Hoc tamen verum, quod nec Audius, nec Audiani, cum Antropomorphitis adnumerandi sunt; tum quia isti posteriores illis fuerunt, tum quia Audius solum dixit, quod homo secundum corpus sit ad imaginem Dei; apertius, & durius, & iniquius, Antropomorphitæ loquuti sunt; quicquid dicat Theodoretus lib. 4. de hæresibus c. 3., qui errore facti deceptus fuit; & Augustinus de hæresibus c. 50., qui de posterioribus Audianis est intelligendus; quemadmodum Facundus Hermianensis lib. 8. q. 7. Audianos Antropomorphitas appellans.

5. Epiphanius etiam erroris huiusmodi accusat.

cusatur, sed immerito; ipse enim non poterat in se ipso amplecti, quod in Audio reprehenderat. Audiat denuo de Audio scribens citato loco: *Verum est illud, uti dixi paulo darins ac simplicius desuare hominem audere: quoniam in hominis parte sit imaginis illa constituta ratio. Si tamen appellatione partis utendum est, eo quod plerumque quod ad hanc vocem attinet, hominum intelligentia refragari videntur, ac variis questionibus implicari; nam aut aspellabilem Deum facimus ac corporeum, si in corpore nostro corpore; perinde ratione ac figura, istiusmodi imaginem collocandam putamus, aut cum Deo hominem adaequamus, si hac asserere velimus. Sic Epiphanius impugnat in Audio, quod male dicitur ipsum affirmasse. Ulteriora sunt quae sequuntur in eadem haeresi 70. nu. 5. Nec minus & aliorum rejicienda sententia, qui corpus ad imaginem Dei esse factum praedicant: nam qui fieri potest, ut quod aspellabile est, ei simile sit, quod videri non potest? aut corporeum corporis expertis? aut quod contrahi potest ei, quod apprehendi nequit. Præterea nos anteriora dumtaxat oculis nostris cernimus, quæ pone sunt ignoramus. Penes Deum autem neque affectio ulla, neque defectus est; sed nudumque lumen est, nudumque oculus, nudumque gloria. Spiritus enim Deus est, qui omnem spiritum exuperat, & lux luce omni præstantior. Quicquid enim ab ipso conditum est, infra illius decus ac gloriam est, &c. Verum est, quod Joannes Hierosolymitanus dixit, Epiphanium Antropomorphitis adhæsisse, ut narrat Socrates lib. 6. c. 10. Falso autem accusatus Epiphanius in concione, quam habuit Hierosolymis coram Joanne ipso, se optime purgavit; quod refert Augustinus in libris ad Pammachium de erroribus Joannis Hierosolymitani; idem refertur Augustinus epist. 61. Socrates cit. loc. & Sozomenus lib. 8. c. 14. decepti sunt; ut Baronius ad an. 393., strenuus Epiphanius defensor, ostendit.*

S. Hilarius, Pictaviensis Episcopus, Galliarum Ecclesiarum ornamentum, & Arianæ hæreses fulmen omnimode formidandum, accusatus etiam fuit, neceimus profecto qua verisimilitudine, quod Deum esse corporeum, aut crediderit, aut putaverit. Ac hoc omnino a veritate distare cuius compertum fiet, qui leviter etiam ejus scripta perolverit. Nos observantes quæ scripsit in Psal. 118. lit. 10. n. 6. dissemus, eum asseruisse, ideo animam immortalem esse credendam, qua haud dubie ad imaginem Dei facta sit: Primum opus non habet in se assumptæ alicuius naturæ originem; incorporale

est quicquid tam de consilii sententia incubatur; sit enim ad imaginem Dei. Et subdit iterum num. 7. *Divinum in eo, & incorporeale condendum, quod secundum imaginem Dei & similitudinem tum fiebat. Exemplum scilicet quoddam in nobis imaginis Dei est, & similitudinis insutatum. Est igitur in hac rationabili & incorporeali anima nostra substantia, primum quod ad imaginem Dei factum sit, &c.* Et in Psal. 129. n. 6. Ergo ad imaginem Dei homo interior factus est rationalis, mobilis, movens, incorporeus, subtilis, æternus. Quibus verbis ostenditur, doctissimum eundemque sanctissimum, Ecclesiarum Præfulem, nec Deum corporeum, ut aliquibus immerito visum est, nec humanam animam corpoream, ut aliis sine ratione placuit, admisisse. Est enim c. 5. in Matthæum dixerit, nihil est, quod non in substantia sua & creatione corporeum sit; non possunt tamen de Deo hæc verba intelligi, qui non creatur; de anima autem intelliguntur, quatenus corporeæ substantiæ nomine intelligit rem finitam & limitatam; cujusmodi sunt profecto res omnes creatæ, sive corporeæ sint, sive incorporeæ. Unde non immerito Cardinalis de Aguirre reprehendit Claudianum Mamertum, quod tom. 6. magnæ bibliotecæ PP. lib. 3. de statu animæ, asserat, S. Hilarium tradidisse animas hominum corporeas esse; atque, Hilarium solum dixisse, nihil creatum esse incorporeum, quod plures Patres, & præsi Theologi dixerent, facta scilicet cum Deo comparatione, qui summe, & per essentiam incorporeus est, adeoque respectu ipsius cetera omnia, etsi spiritalia, vident ac si incorporea non essent.

Laëtantius Firmianus, ob eloquentiæ laudem, communi voce Cicero Christianus dictus, creditur etiam a paucis hunc in errorem aliquando impegisse. Scribens nimirum de ira Dei, figurat quandam Deo tribuere videtur, ut Peravus putavit, & scripsit. At nos observantes quæ Laëtantius exaravit in libris de origine erroris, adhuc credimus posse illum ab hac fœdissima nota vindicari. In lib. 2. de orig. erroris c. 8. hæc ait: *Solus Deus est, qui factus non est, & idcirco destruere alia potest, ipse destrui non potest; permanebit semper in eo quod fuit; quia non est aliunde generatus, nec ortus, nec novitas ejus ex aliqua alia re pendet, quæ illi mutata dissolvatur. Ex se ipso est, & idem talis est, qualem se esse voluit, impassibilis; immutabilis, incorruptus, beatus, æternus.* Non solum dicitur Deus a se ipso, a nulla scilicet causa efficienti dependens, sed etiam

etiam ex se ipso, a nulla nempe intrinseca causa compositus; adeoque omnino simplex; & quia immutabilis, impassibilis, incorruptibilis, summe etiam simplex, omnino spiritus, & actus purissimus. A Peravio tamen non defenditur Lactantius, sicut vindicatur Hilarius. De Seleuco, & Hermia, Galatin, et si sileat Augustinus, aperta tamen loquitur S. Philastrius, Brixienfis Episcopus in catalogo hæresion, quæ sub Apostolis extiterunt, c. 8. Bibl. VV. PP. t. 4. verbis hisce: *Qua est vanitas Galatarum selenci, & Hermia, qui cum volant Deum esse corporeum, bylen etiam, idest materiam mundi coeternam Deo esse offerunt.* Non fuerunt autem isti recensiti omnes Antropomorphitæ, ut de his ultimis testatur præcipue P. Saguens, dicens, Philastrii verba probare potius illos crude opinatos fuisse rem corpoream esse Deum.

Ad Antropomorphitas modo deveniamus. Antropomorphitæ in rigore fuerunt hæretici illi, qui humani corporis formam Deo tribuerunt. Dicti enim sunt ab *ἀνθρωπος*, idest homo, & *μορφή*, nempe figura, forma, aspectus. Hic error primum auditus est in Ægypto, tempore Theodosii magni Imperatoris, seculo quarto exeunte. Testantur Socrates lib. 6. c. 7., Sozomenus lib. 8. cap. 11., & Cassianus Collatione 10. c. 2. & 5. Quis eorum fuerit vere Antesignanus, Scriptores non enunciant; asserunt tamen a Monachis pluribus errorem fuisse receptum, ac propugnatum. Contra hos voce & scripto pugnavit acerrime Theophilus, Præsul Alexandrinus; & seculo sequenti Faustus Rbergensis. Quod vero seculo decimo contra Antropomorphitas scripserit quoque Rathérius Monachus, ideo fuit, quia, ut ait Cardinalis de Aguirre, teste Gualtero in Chronico, Antropomorphitarum error anno 954. fuit iterum ab aliis renovatus. Et iterum deinde, ut diximus, an. 1128. illum ab orco alii revocarunt; ut testantur Genebrardus in Paschalibus, & Sanderus hæres. 178. Alphonfus de Castro acriter fugillan Bernardum de Lutemburgo, quod scripserit, hæresim Antropomorphitarum cepisse sub Agapeto Papa, & Berengario Imperatore; quando illa versuum primum exordium habuit sub Damaso Pontifice, & Theodosio Imperatore. Verum si Barnardus distinxisset primos Antropomorphitas a secundis, illorumque primum ortum a secundo, non fuisset ab Alphonso reprehensus; etsi Alphonfus Barnardum intellexisset, ut commode & discrete poterat eum

PAR. I.

intelligere, nec pariter illum reprehendisset. Primi igitur Antropomorphitæ fuerunt quarto seculo exeunte, sub Damaso & Theodosio; & contra hos tunc scripsit Theophilus, Cassianus, Faustus, &c. Non tamen constat quod Alphonfus de Castro fidenter asserit, Antropomorphitas a Vadianis, qui fuerunt Audii assellæ, provenisse; quum valde fuerint ab illis isti alii Monachi diversi, diversusque etiam fuerit error utrorumque, ut ex dictis plane constat. Secundi vero Antropomorphitæ fuerunt seculo decimo, & contra hos scripsit Rathérius Monachus, ut dictum est.

Priores Antropomorphitas Cassianus, & Augustinus, primum ab hæresi vindicabant, quanvis illorum errorem acerrime infestarentur. Dicebant namque, quod Monachi illi Ægyptii, diversi sana ab Audians, seu Vadianis, impericia sola, & simplicitate; ac rusticitate, erraverunt. Licet enim fuisset hæresis cum pertinacia conjuncta, quia ramen pertinacia non ex insolentia, & imperinentia hæretica proveniebat, sed ex ingeni tarditate, alioquin cum maxima, sanctimonia conjuncta, non fuerunt obinde ab Ecclesiæ communione separati; ut restat Du-Hamel; quanvis contra eos Theophilus, Patriarcha Alexandrinus, & multi alii, qui tunc eruditione insignes erant, & quorum scriptis ipsorum error profligatus omnino fuit, acerrime pugnaverint. Quod vero Antropomorphitæ non idem fuerint ac Audiani, nec ab his processerint, clarum redditur ex eo, quod Audius, a quo Audiani orti sunt, circa annum 427. accusatus fuit erroris sui; Antropomorphitæ vero circa annum 400. in Ægypto apparuerunt. Si ergo Antropomorphitæ Audianos præcesserunt, non poterant ab illis descendere; & nasci. Error enim Audianorum erat, Dei imaginem, secundum quam homo conditus est, suam esse in corpora; unde plures mitius excusantes errorem dicunt, quod potuit asse, ut eederent Dei imaginem esse corporam, quanvis Deus in se ipso incorporeus sit; ut explicat Juenius p. 1. instit. theol. dissert. 4. q. 1. c. 1. Error vero Antropomorphitarum manifestus erat in Monachis illis, qui palam propugnabant, Deum esse revera corporeum. De errore, & de Auctoribus illius, hæc scripto tradidit Sozomenus hist. lib. 8. c. 11. *Exorta quæstio per Ægyptum movebatur, oportere ne Deum Antropomorphon, hoc est humanæ formæ præditum credere. Hujus autem sententia plurimi erant ex monachis illis commemorantibus, qui*

Q

pra

pra simplicitate sine examine Scripturam sacram accipiebant, & in ea, Dei oculos, & faciem, & manus, & quaecunque alia huiusmodi audire consueverant. Unde clatissime patet, & Audianos, & Antropomorphitas,

diversos fuisse, tum tempore, tum loco, tum haereli; nec unquam ab aliis processisse; quanvis, quod non negamus, proximi uique fuerint, & tempore, & loco, & haereli.

DISSERTATIO XXVIII.

De Simplicitate Dei.



Uſque modo diximus dea physica compositione intelligenda sunt, de quam mox probabimus Deo omnimode repugnare, contra quoscunque illam Deo adscribere quovis

modo conantes. Verum, quia praeter physicam datur etiam metaphysica, & logica compositio, ut diximus, illa nimirum, quae constat ex esse & essentia, haec vero ex genere & differentia; videndum quoque est, an una vel altera ex his in Deo admitti possit. Uterius, quia praeter has intrinsecas compositiones, dantur etiam extrinsecae, quarum una dicitur ex his, altera vero cum his; examinare pariter oportet, an ex his una vel altera in Deo sit admittenda. Et quidem pro metaphysica compositione ex essentia & existentia, dicimus omnino Deo repugnare; quod plane probatum supponimus ex iis, quae diximus contra Gilbertum Porretanum, & Scotum, qui essentiam ab attributis, & attributa ab se invicem, vel realiter realiter, vel realiter formaliter, distinguebant. Si enim haec distinctionem non sustinent, essentia scilicet, & existentia, compositionem neque faciunt; atqui non sustinent distinctionem realem realem, neque realem formalem, neque illam virtuale, quae tota se teneat ex parte objecti, & non sit ex parte intellectus, ut probavimus ergo neque in Deo, compositionem faciunt. Quod vero intellectus eas distinguit, tantum facit, ut in intellectu sit compositio, in quo est distinctio, non vero sit in objecto, in quo nulla est distinctio.

Pro compositione vero logica, quae est ex genere, & differentia, inconveniens non putamus illam ponere in Deo, contra Thomistas, aliosque contrarium sentientes. Et Ratio nobis est, quia haec logica compositio non importat in Deo imperfectionem, sed in nobis potius, seu in nostro imperfecto modo cognoscendi Deum. Uterius, in Philosophicis nos statuimus,

Eas esse univocum, & per consequens genus, respectu entis increati, & creati: ergo jam datur genus: Datur etiam differentia; ratio scilicet perfectissimi plena & simpliciter huius entis: ergo datur, seu concipiuntur, in Deo genus, & differentia. Insuper, diximus etiam in Philosophicis, Deum poni in Praedicamento; sed hoc ipsum est dicere Deum compositum ex genere, & differentia: ergo patet ex hoc potest intellectus in Deo concipere compositionem logicam. Adhuc, quanvis imperfecte, nos quoque Deum aliquo modo definimus, aut saltem describimus; sed in omni definitione, aut descriptione, suo modo poni debent genus, & differentia: ergo etiam in definitione, seu in descriptione, Dei absque repugnantia ponuntur. Denique, non minus ubest pluralitas summæ Dei unitati, quam compositio summæ Dei simplicitati; sed comparatur cum summa Dei unitate pluralitas seu distinctio rationis: ergo comparatur etiam cum summa Dei simplicitate compositio rationis. Neque dicat Iuvenius, disparem esse rationem, quia in compositione importatur potentialitas, quæ summam dicit imperfectiorem: Et eum in pluralitate importatur etiam aggregatio, quæ maximam quoque sonat imperfectiorem. Et sicut aggregatio illa non ubest Dei unitati; quia tantum sit per mentem imperfecte cognoscentem; ita etiam nec obstat potentialitas illa, quæ est quoque per mentem, & per mentis imperfectum cognoscendi modum. Sicut ergo summæ Dei unitati, vel simplicitati, non repugnat, ut sit, nos in re, & multiplex ratio, ita occurrat repugnat, ut ratione in eo concipiatur potentialitas, quæ in re non est.

Petavius contra hæc. I. opposit: Vel hæc compositio Deo convenit reipsa; vel quia natura ejus sic a nobis concipitur? Non reipsa, quia esset summa in Deo imperfectio: Non quia natura ejus sic a nobis concipitur, quia natura ejus est nobis penitus

nus incognita: Nullus autem generis & differentie notionibus potest esse locus, ubi nulla penitus est notio. II. opponit Iuvenius: In Deo non est potentia, & actus; ergo non est compositio logica. Probat antecedens. Quum sit Deus actus purissimus, omnis potentia est ei omnino repugnans. III. idem Iuvenius arguit: Genus, quod in Deo conciperetur, vel esset ens, vel accidens, vel substantia. Nō ens, quia ens includitur in suis differentiis, genus vero non includitur; non accidens, quia hoc repugnat Deo; non denique substantia, quia Deus in predicamento substantie non ponitur. IV. idem Iuvenius obijcit: Multi SS. Patres, præcipue Cyrillus Alexandrinus, Augustinus, & Boetius etiam, a Deo excludunt genus. Cyrillus Dialog. 2. de Trinit. *Genus illud nominare alienum est a recta ratione.* Et lib. 3. Theauri, excludit etiam a Deo differentiam verbi huius: *Videmus id omne, quod differentiam recipit, esse compositum, non simplex: Quare cum simplex, minimeque compositus Deus, omnium confessio, sit; non potest ingentum esse illius differentia.* Augustinus in Confessionum libris veniam a Deo petit, quod eum olim in predicamento substantie collocasset. Boetius de Trinitate, & Unitate Dei, postquam decem predicamenta numeravit, Deum in nullo ex his locum habere concludit huius verbis: *Substantia in illo vere non est, sed ultra substantiam.*

Ad hæc argumenta brevi calamo occurrimus, & quidem ad I. dicimus, quod quum Theologi omnes contendant de Dei essentia, cognoscunt suo modo aliquam Dei differentiam esseoralem, quanvis logice conceptam: Et hanc esse asserunt plures asserunt, alii infinitatem, alii rationem perfectissimam plenam & simpliciter, &c. Quare ergo Petavius dicat, esse penitus nobis incognitam essentiam Dei, quando & ipse pro Dei essentia asseratatem proponit, atque defendit, omnino nos non assequimur: Et hoc vel eo magis, quod nos loquimur non secundum id, quod Deus est in se, sed prout a nobis concipitur: Si ergo a nobis concipitur cum hac essentia, hanc quoque possumus ut ejus essentialem differentiam concipere. Ad II. dicitur, quod potentialitas generis non esset in Deo, sed in ipso conciperetur; & si est imperfectio, est potius in nobis, quam in Deo. Esset quidem imperfectio in Deo, si nos ipsam in Deo perfecto modo cognoscendi cognosceremus; nos vero ipsam co-

P.A.R. I.

gnoscimus nostro imperfecto cognoscendi modo; & per consequens non est potentialitas Dei ut in se est, sed est potentialitas Dei ut a nobis concepti, & quidem imperfecte concepti; quia si perfecte conciperetur, non cum tali potentialitate conciperetur. Ad III. dicitur, quod Deus ponitur in predicamento Substantie, quod probatum supponimus in Philosophicis. Ad IV. concedimus, quod genus in Deo nominare sit alienum a recta, hoc est perfecta, ratione, non vero ab imperfecta; hoc est ab imperfecto modo cognoscendi. Uterius aliud est dicere, quod concipitur genus in Deo, aliud quod Deus omninetur genus: Hoc secundum dicit Cyrillus alienum a recta ratione, non primum. De differentia vero loquitur Cyrillus, quasi re vera sit in Deo talis differentia tanquam ipsi superaddita, non vero quod in ipso quasi differentia cognoscatur. Certe idem Cyrillus lib. 1. theauri dicit: *Frustra igitur contenditis nullo modo aliquid accidere.* Deo posse, cum multa in essentia ejus quasi accidentia esse conspiciantur: Sancti Patres differentiam interdum accidentis nomine designant: En igitur quomodo ait Cyrillus, quod nos possumus quasi differentiam in Deo concipere, quum re vera ut talis in ipso non sit. Ad Boetium tandem & Augustinum dicimus, quod si substantie nomine intelligitur id, quod nullo indigeat, ut existat, certum est, quod nomen substantie Deo & creaturæ univoce non convenit. Sed si nomine substantie intelligamus id, quod nullo inhzet subjecto, neque modus est alicujus rei, nō videmus cur Deum ut substantiam increatam & illimitatam non liceat mente concipere. Sic loquitur Rusticus Diacocon in Dialogo adversus Acephalos: *Per se subsistens cum de Deo dicitur, significat, quod nullius alterius, ad id, ut sit, indiget. Cum vero de creaturis nequaquam; a Creatore cum sumptis. Igitur est unum nomen substantia, non tamen una res: Non est igitur commune genus substantia Deitatis & carnis, sed nomen commune tantummodo; hoc vero genus non est.* Hoc pacto intelligebant substantiam Boetius, & Augustinus; & hoc modo certum est, quod in predicamento substantie Deus non ponitur. Non enim hoc quod est ab altero non dependere ut sit, seu alio non indigere ut sit, substantie creare convenire potest. Cæterum hæc est potius differentia, quam ratio communis substantie.

Pro compositionibus autem extrinsecis dicimus, Deum venire non posse in compositionem,

Q 2

tionem, quæ dicitur ex his; posse autem venire in compositionem, quæ dicitur eum his. Prima pars patet, quia Deo non potest convenire nomen potentie physice, neque nomen actus physici informantis, quia actus informans dependet etiam a potentia, cuius est forma, saltem tanquam a subiecto, vel clarius, saltem in ratione formæ: ergo nullo modo potest Deo convenire compositio extrinseca, quæ dicitur ex his. Compositio vero extrinseca, quæ dicitur cum his, convenit Deo de facto; quia de facto in Incarnationis mysterio ex unione humanæ naturæ cum Persona Divina, resultat compositum, quod est Deus, homo Christus Jesus. Persona autem Verbi non est actus informans humanam naturam, sed actus, per quem natura humanæ terminatur, & per quem ultimo in existendo completur. Completi autem dicit perfectionem, inde Deo competit. Et per hoc clare patet, quare Persona Divina in Incarnatione veniat in compositionem, quæ dicitur eum his, non vero veniat in compositionem, quæ dicitur ex his.

I. Probatur modo ex Scripturis, Deum esse summe simplicem, ac proinde non esse in eo physicam compositionem; esse actum, purissimum, esse spiritum, ac per consequens excludentem rationem omnem corporis, & potentie physice. Joannis 4.24. Spiritus est Deus. 2. ad Corinth. 3. 17. Dominus autem spiritus est. Ad Romanos 1.20. Invisibilia enim ipsius, a creatura mundi, per quæ, quæ facta sunt, intellecta conspiciuntur, 1. ad Timoth. 1. 17. Regi autem seculorum, immortalis, & invisibilis. Actuum 2.2. Factus est repente de cælo sonus, tanquam advenientis spiritus vehementis. Actuum 17.29. Genus ergo cum simus Dei, non debemus asstimare auro, aut argento, aut lapidi, sculptura artis, & cogitationis hominis, divinum esse simile. Hæc omnia probant, Deum non esse corpus, sed spiritum; Deum non esse quid materiale, sed omnino spirituale; Deum non esse compositum, sed summe simplicem.

II. Probatur ex Conciliis. Lateranensi IV. sub Innocentio III., & referri primo in cap. firmiter, de summa Trinitate & Fide catholicæ, verbis illis: In Deo namque esse essentiam, substantiam, seu naturam, simplicem omnino. Et in cap. damnamus sub eodem titulo, illis aliis verbis: Invisibilis sit, atque simplex omnino. Remense sub Eugenio III. in Fidei formula, in qua habetur: Credimus, & confitemur simplicem naturam Divinitatis esse Deum. Toletano XV.

apud Cardialem de Laurea in Epitome Conciliorum: Dei voluntas & natura una est, simplex in tribus Personis; quod præcipue valet contra Vorstium Calvinianum. Denique iudicium universalis Ecclesiæ, quæ semper Antropomorphitas inter Hæreticos adnumeravit.

III. Ex Patribus, primo qui docent, Deum esse actum putum. Justinus Philosophus & Martyr, verbis a Photio observatis, & a Joanne Cyparissota descriptis Decade 10. c.4. Alia quidem potentia sunt, aliquando & alia; Deus autem ut mens perspicax intelligitur semper in energia, id est actu; non enim ex imperfecto ad perfectum procedit, nec aliud ad quiddam præter ipsum actum est ipse per se substantia. Eadem habet Auctor libri de divinis nominibus, qui censetur S. Dionysius Areopagita, c.9., secundum explanationem S. Maximi martiris, ejus interpretis. S. Cyrillus Alexandrinus Dialog. 2. contra Arianos, qui temporaneam Verbi generationem dicebant, ex argumento actus puri eisdem confutans, dicit: Nam quid hoc aliud est, quam conversio, & crassa quidam veluti visio? potentia migrare in actum? S. Gregorius Nyssenus lib. 12. contra Eunomium: Non enim sicut in aliis, quibus inest a natura efficiendi vis, & facultas, alterum potentia consideratur, alterum secundo actus explanationem. S. Basilii lib. 5. contra Eunomium: In simplici, & corporis experte natura, eadem est ratio substantia, & actus. En quomodo per Basilium ratio actus puri convertitur in Deum cum omnimoda sua simplicitate. Secundo ex Patribus, qui asserunt, Deum esse omnimode simplicem. Nazianzenus orat. 3. & 4. An corpus eum esse dices? Quomodo vero modo corpus eris hoc, quod est insubstantiale, interminabile, figura experte, quod nec tangi, nec videri potest? Item: Compositio principium est pugna, pugna autem dissidii, dissidium solutionis, solutio vero prorsus aliena est a Deo, primaque natura? Origenes lib. 1. Periarchon c. 1. Non ergo aut corpus aliquid, aut in corpore esse putandus est Deus, sed intellectualis natura simplex nihil omnino in se adjunctionis admittens, Fulgentius in lib. de Fide ad Petrum c. 3. Deus igitur rerum corporearum atque incorporearum Creator immensus, & primam se nullum esse corpus ostendit, quia quibusdam corporibus vitam non dedit, cum corpora omnia ipse creaverit, ipse autem naturaliter vita est, quia si vita non esset, non viventes corpora ipse non creasset; neque enim facit rem non viventem, nisi res vivens. Augustinus lib. 12. de Trinitate, c.7.

c.7. Turpiter vana cogitatio est, qua opinatur Deum membrorum corporum linea entis defuiri, atque conscribi. Novatianus lib. de Trinit. c.6. Non enim habet diversitatem sui quicquid est simplex. Item Cyrillus in libro contra Antropomorphitas c. 2. Methodius apud Photium, alique videndi apud Petavium, Cardinalem de Aguirre, alioque.

- IV. Ex Philosophis, Oratoribus, & Poetis, Gentilium. Alcinoüs ex Platonis sententia Deum asomaton, hoc est sine corpore, dixit. Plotinus Enneadum lib. 6. c. 4. *Quod enim simplex est ab alio non est; quod autem multiplex est, aut saltem duplex, oportet hoc ex alio procedere.* Simplicius in Commentario ad Epictetum: *Etenim Deus est illud primum, & omnium causa; necesse est autem id, quod primum est, simplicissimum esse; quoniam quicquid ullam compositionem habet, & multitudinem, uno posteriori est.* Maximus Thyrsus disert. 1. ex sententia Platonis distinguens varia entia, quorum alia vocat pure materialia, alia mixta, alia sine materia, hæc de Deo scribit: *Jam vero quamquam illarum omnium parte collocabimus Deum? Num in illa congerit? Ne Deus ipse fuerit. Restat igitur, ut tanquam edita in arce Deum in principe mente ac ratione nostra collocemus.* Cicero lib. de Academic. quest. de Deo scribit: *nullo corpore sit id intelligi, quale sit, vix posse.* Et apud Augustinum, lib. 22. de civit. Dei c. 20. ipsemet Cicero sic Deum definit: *Atens quidam soluta & libera, secreta ab omni concretione mortali, omnia sentiens, & movens.* Vergilius lib. 4. Georgicarum dicit Deum esse ubique, adeoque incorporeum: *Deum naugue iter per omnes & terras, transque maris, cælumque profundum.* Unde Gregorius Nazianzenus, oratione citata, probat pariter Deum esse incorporeum ex ejus immensitate: *Aut enim per vacuum hoc universum grassabitur, & res omnes nobis peribunt: Ut sic Deus contumelia afficiatur, nimirum & qui corpus sit, & ita, qua procreavit, careat: Aut corpus in corporibus erit, id quod fieri non potest: aut implicabitur, aut opponetur, aut quemadmodum liquida invicem miscentur, ita ille alia fecabit, ab aliis fecabitur. Quod ipsi etiam Epicuri atomis magis est absurdum, & anile; sique nobis excides, & corpus non habebit, nec solidi quicquam hac disputatio, qua Deo corpus tribuere conamur.*
- V. Rationibus, primo quod sit actus purus, & deinde quod sit summe simplex. I. Deus ex sua essentia est simpliciter & in omni genere perfectissimus; ergo omnem poten-

tialitatem a se excludit. Probatur consequentia. Tunc aliquam potentialitatem haberet, quando aliquem actum vel non haberet, vel potuisset non habere; sed hoc repugnat rationi perfectissimi summe & omnimode: ergo quia Deus est ex se in omni genere perfectissimus, omnem a se ipso potentialitatem excludit. Probatur minor. Aliquem actum non habere, vel potuisse non habere, est aliquam perfectionem non habere, vel potuisse non habere; sed non habere, vel potuisse non habere aliquam perfectionem, repugnat rationi summe & omnimode perfectissimi: ergo aliquem actum non habere, vel potuisse non habere, repugnat rationi summe & omnimode perfectissimi.

- II. Si Deus non esset actus purus, & potentialitatem aliquam haberet, non esset ens necessarium; sed hoc omnimode Deo repugnat: ergo repugnat Deum non esse actum purum, & potentialitatem in se ipso habere. Probatur major. Si Deus non esset actus purus, & potentialitatem aliquam haberet, potuisset in aliqua perfectione non esse perfectus; sed hoc idem est ac non esse ens summe & omnimode necessarium: ergo si Deus non esset actus purus, & potentialitatem aliquam haberet, non esset ens summe & omnimode necessarium. Probatur minor. Deum posse aliquam perfectionem habere, & non habere, idem est, ac perfectionem illam esse Deo contingentem; sed esse contingens idem est ac non esse summe necessarium: ergo perfectionem aliquam non habere Deum, & potuisse in aliqua perfectione non esse perfectum, idem est ac non esse ens summe & omnimode necessarium.

- III. Potentialitas ista Dei, quando fuit reducita ad actum, aut quando erit ad actum reducenda, vel ab aliquo, vel a se ipso, est reducita, aut erit reducenda? Si a se ipso? Cur non semper actu illam habuit, quum ab altero non dependeat, ut illam habeat? Si ab aliquo? Ergo datur aliquod, a quo Deus dependet, ut perfectiones suas habeat: ergo non est ens a se in omni sua perfectione: ergo non est Deus. Quæ ne sequantur absurda, dicendum est, Deum non solum esse actum, sed esse actum suum proprie suum, quatenus a nullo in quovis genere causæ est dependens, adeoque a nullo accipiens, & nemini debens, id, quod ipse est.

- IV. Et sunt rationes, quæ probant summam Dei simplicitatem. Deus est actus purissimus: ergo est omnis computationis ex-

ergo est summe simplex. Probatur consequentia. Omnis compositio importat potentialitatem: ergo si Deus est actus purus, excludens omnem potentialitatem, est pariter excludens omnem compositionem: ergo est summe simplex. Probatur antecedens. Omnis compositio dicit partes, quæ quidem partes se habere debent ut actus, & potentia; aliter si omnes se haberent ut actus, non esset compositio, sed aggregatio: ergo omnis compositio importat potentialitatem.

V. Probatum Deum non esse corporeum ratione S. Anselmi, quam refert Cardinalis de Aguirre tract. 2. Monolog. cap. 7. disp. 18. sect. 1., & sic proponit: Omne quod est corporeum, sive ex parte sive ex toto, est limitatum, & imperfectum; at Deo repugnat omnis limitatio, & imperfectio: ergo Deo repugnat esse corporeum. Probatum major. Omne quod est corporeum ex toto constat ex partibus, quarum una non est alia, ac proinde caret perfectione alterius partis; adeoque patet, quod sit limitatum, & imperfectum. Omne autem quod est corporeum ex parte, debet habere partem aliam incorpoream, & per consequens præstantiorem altera. Id autem, quod in aliqua sui parte est minus perfectum, jam non est summe perfectum, & illimitatum: ergo est imperfectum, & limitatum.

VI. Deus est ens a se: ergo omnimode debet esse simplex. Probatum consequentia. P. Magnano sic: De ratione entis a se est omnimoda independentia a causis, non modo extrinsecis, verum quoque intrinsecis: ergo a partibus intime constitutivis, & componentibus; ergo quia Deus est ens a se, sequitur esse independentem a causis intrinsecis constitutivis, adeoque sequitur etiam esse omnimode simplicem. Hanc rationem vocat demonstrationem P. Magnanus hic prop. 6. num. 3.

Arguunt contra prædicta I. Genesis 1. dicitur: *Faciamus hominem ad imaginem & similitudinem nostram*: ergo Deus habet aliquam figuram, ad cujus imaginem hominem condidit; sed figura est propria corporis: ergo Deus est corpore humano præditus. II. In multis sacre Scripturæ locis corpora membra Deo tribuuntur: *Oculi ejus in pauperem respiciunt; aures ejus in preces eorum; et si habes brachium sicut Deus; manus tua tetigit me*, &c. Quæ sunt in libris Psalmorum, Job, &c. ergo vere Deus est corporeus, si membra habet corporea. III. Apostolus ad Colossenses scribens, dixit, in Christo habitare omnem plenitudinem Divi-

nitatis corporaliter: ergo Divinitas, si corporaliter habitat, corporalis est. IV. Multæ passionibus in Scripturis tribuuntur Deo, quæ nunnisi corporis potentia convenire possunt; irasci nimirum, dolere, misereri, excitari, dormire, &c. ergo si corporeus sunt potentia in Deo, Deus ipse corporeus est. V. In epistola ad Hebr. c. 10. Deo tribuitur anima; dicitur enim ibi in persona Dei: *Justus autem meus ex fide vivit, quod si se subtraxerit, non placebit anima mea*; sed ubi datur anima, ibi datur compositio: ergo non est Deus summe simplex. VI. Phanasia nostra nullum ens non corporeum imaginari potest: ergo si Deus non est corporeus, nullus erit. VII. Ex rationibus a nobis allatis evincitur Deum corporeas partes non habere; atqui poterit habere partes spirituales: ergo quanvis dicatur Deus incorporeus, adhuc non per hoc dicitur, quod sit summe simplex. VIII. Personæ Divinæ, quum sint plures, facient saltem in Deo compositionem: ergo saltem admitti debet distinctio virtualis intrinseca inter essentiam, & Personalitates, sive relationes; sed hoc ipso divina simplicitas destruitur: ergo Deus aut non est simplex, aut non est trinus. IX. Decreta Dei sunt multa, substantia autem Dei est una; ergo decreta Dei non sunt substantia Dei; ergo sunt accidentia: ergo faciunt in Deo compositionem. X. Originis apud Socratem, & Sozomenum, querebantur, se damnatos fuisse, quod Deum esse incorporeum constanter affirmarent; & hoc quidem in duabus Synodis, quarum una coacta est in Cypro, cui præfuit Epiphanius, & altera Alexandriæ, cui præerat Theophilus: Unde a Theophilo ejecti confugerunt ad Arcadium Imperatorem, & S. Joannis Chrysostomi patrocinium imploraverunt.

Respondemus ad I. omnia responsione Prudenti, qua, sub finem apothecosis, dixit, Deum in Paradiso terrestri, quando Adæ corpus ad sui imaginem & similitudinem creavit, humanum corpus assumpsisse; vel cum Chrysostomo, qui hom. 8. in Gen. scribit, hominem esse Dei imaginem ratione dominii, quo ceteris creaturis præest: unde, post illa verba: *Faciamus hominem ad imaginem & similitudinem nostram*; statim, subjunxit Deus, *ut præstet piscibus maris, & volatilibus celi*: Vel cum Augustino lib. 1. de doctrin. christiana hominem non esse Dei imaginem secundum corpus, sed secundum animam, quæ Deo similis est, in quantum intelligit verum, & bonum amat.

Ad

Ad II. Corporea membra tribuuntur Deo metaphorice, non proprie. Deus etiam in Scripturis sacris dicitur leo, aquila, fons, agricola, &c. Et tamen, quia hæc nomina Deo per similitudinem, non per proprietatem tribuuntur; nemo dixit, Deum esse vere leonem, aquilam, fontem, agricolam, &c. Ita pariter de corporeis membris, quæ Deo tribuuntur, dictandum est. Videatur Augustinus lib. de Gen. contra Manichæos c. 17., & lib. contra Epistolam Fundameoti c. 23., & lib. de essentia Dei; ubi hæc habet: *Ubiqueque autem sacra Scriptura sparsim per divinos libros motum in Deo anima, vel humana membra describit, id est caput, capillos, oculos, &c. itam, furorem, oblivionem, &c. hæc & alia his similia non carnaliter juxta historiam a recte intelligentibus sentienda sunt.*

Ad III. Corporaliter idem est, ac substantialiter; sicut ducet pariter Augustinus ep. 53. Seu idem est, ac non figurat, ut alii explicat. Unde potius ex verbo illo veritas divinx naturæ in Christo inferenda est, quam ejusdem divinx naturæ corporeitas, quam vocam modo suo proprio loquendi qui loquuntur in Schola.

Ad IV. responsio patet ex responsione ad II. Subjungimus tamen ex Gregorio magno in prologo in Cantica: *Humana conversati-nis verba audientes, quasi extra humanitatem esse debemus; ne si humaniter quæ audivimus, capiamus, nihil divinitus de hac sentire possimus.*

Ad V. etiam responsio eadem ac ad II. Ex Hilario nyssilonous in psal. 129. hæc alia subnectimus: *Deus autem, qui & ubique, & in omnibus, &c. totus audit, totus videt, totus efficit, totus incedit. Virtus Dei, quæ indiscrcta est, officiorum & membrorum habet nomina; ut virtus, quæ videt, oculi sunt; virtus, quæ audit, aures sunt; virtus, quæ efficit, manus sunt; virtus, quæ adest, pedes sunt; officiorum diversitates virtutis hujus potestate peragente. Quanto magis hoc ipsum de anima dicendum est, cujus est intelligere, est velle, est amare, &c. Unde quum in Deo veris sunt intelligere, & velle; & in nobis ab anima dependant intelligere, & velle; inde est, quod anima metaphorice etiam dicitur in Deo.*

Ad VI. Phantasia neque concipit substantiam, dicunt Peripatetici; omnia eorum, quæ percipit, accidentia sunt; ergo inferes substantiam non dari? Concipit quoque mens nostra, tenebras ad modum nigri velaminis, virtutes sub corporea imagine, quæ tamen corporeæ non sunt; ut Augustinus obseryat lib. 10. de Geo. ad hier. c. 24. Nunc

est igitur ratio, ut Deus sit corporeus, quod Phantasia nequeat incorporeum imaginari.

Ad VII. negatur ex allatis rationibus non convinci Deum ex partibus spiritualibus non esse compositum; præcipue enim secunda & tertia ratio; immo rationes omnes, quæ probant Deum esse actum purum; evincunt pariter, Deum esse omnimode simplicem. Si omnimode simplex, nec materialiter, nec spiritualiter, est compositus.

Ad VIII. dicitur, quod Personæ Divinx si considerentur secundum esse in, dicunt summam in Deo simplicitatem; si vero spectentur secundum esse ad, dicunt in Deo pluralitatem, seu multitudinem, non vero compositionem: Et quidem hæc pluralitas non est in natura, sed est in suppositis, quæ non sunt componentia realia, quæ concurrant ad alicujus rei compositionem. Immo, ut docet S. Thomas, si considerentur secundum esse ad, destruuntur potius, quam faciunt, compositionem; quia secundum esse ad inter se opponuntur, & in unum coalescere non possunt.

Ad IX. dicitur, quod Decreta Dei sunt multa non ratione principii, sed ratione terminorum; unde Dei unitatem, & simplicitatem, nun destruant. Cæterum si hanc distinctionem actuum intellectus, & voluntatis in creatis politiores Philosophi non admittunt, quanto magis in Divinis nulla esse poterit necessitas, ut eam admittamus? Vorlius autem, quia Peripatetici erant, suo modo discurrerebat; & ob inde, ex malo suo discedendi modo, quos promulgabat errores; proveniebat.

Ad X. dicimus, quod Origenistæ hos historiarum Scriptores in errorem induxerunt. Etenim tunc temporis duæ sectæ in Egypto præsertim reperiebantur; Origenistarum scilicet, & Antropomorphitarum. Antropomorphitæ quoscunque eis contradicerent Origenistæ appellabant Origenistæ ex opposito omnes, qui eis adversabantur, Antropomorphitæ dicebant. Quum ergo Origenistæ ob Origenis errores, quos defendebant, in Synodis illis damnati fuissent, & ob inde ab Antropomorphitis luderentur, quasi ob hoc damnati fuissent, quia Antropomorphitis se opponebant, quod verum non erat; hinc est, quod Origenistæ quærebantur se damnatos, quia Deum assererent non esse corporeum; ut Antropomorphitæ dicebant. Re vera tamen non per hoc, quod recte sentiebant, damnati fuerunt Origenistæ, sed per alia, quæ juxta Origenis mentem male sentiebant, & contra catholicam veritatem proponebantur.

DIS-

DISSERTATIO XXIX.

*De Hæresibus contra Dei Bonitatem, & de iis,
qui illas commenti sunt.*



BONUM, quod a Græcis dicitur, *αγαθόν*, a priscis Philosophis definitur; *εὐαρία ἐστίν*; hoc est, quod omnes appetunt; quam definitionem Aristoteles primo tradidit *Ethic. c. 1.*, & Cicero lib. de fin. usurpavit; ex Philosophorum omnium consensu habens: *Omnēs Philosophi in hoc confenserunt, illud esse bonum, quod ab omnibus expetitur.* Bonitas autem genericè sumpta aliud non dicit, quam convenientiam, & bonum idem est ac conveniens; sicut malum est quod non convenit; ex convenientia enim oritur appetitus; & non appetitur, quod non est conveniens appetenti. Et quia convenientia est vel absoluta, vel respectiva; ideo bonum primo dividitur in absolutum, & respectivum. Bonum absolutum est bonum in se ipso, bonum respectivum est bonum alteri; unde videtur, traditam definitionem bono potius respectivo, quam absoluto, convenire. Bonitatem absolutam dividunt in essentialē, quæ dicit convenientiam, seu conformitatem cum idea, quæ debet naturam ejus constituere; & accidentalem, quæ dicit convenientiam seu conformitatem cum idea, quæ ejus naturam jam constitutam debet perficere. Bonitatem accidentalem subdividunt in physicam, quæ est convenientia seu conformitas cum idea, quæ naturam constitutam perficit physicè, ut calor signum; & in moralem, quæ est convenientia seu conformitas cum idea, quæ naturam constitutam perficit moraliter, ut sanctitas hominem. Bonum absolutum sunt qui confundunt cum perfecto; ita ut nomine boni absoluti velint venire prædicatorum integritatem, quæ perfectionem appetant. Bonitas autem respectiva est convenientia seu conformitas cum voluntate, unde mover ad appetitum sui. Hoc bonum respectivum dividunt in honestum, utile, & delectabile. Honestum Græci antonomastico nomine dicunt *ἀγαθόν*, hoc est, bonum; & est id, quod est appetibile secundum rectam rationem, seu dicit convenientiam cum voluntate secundum rectam rationem; Utile est appetibile propter commodum; & propter hoc dicit etiam cum voluntate convenientiam; De-

lectabile tandem seu jucundum est appetibile propter delectationem; & propter hanc dicit adhuc convenientiam cum voluntate. Tandem aliquod potest esse bonum per essentialē, & est bonum ab alio independens; & bonum per participationem, & est bonum ab alio dependens.

Tanta autem est bonitatis & pulchritudinis connexio, ut apud Græcos idem vocabulum, *εὐκαλόν*, bonum æque ac pulchrum significet; unde sumpserunt aliqui occasionem, ut putarent bonum cum pulcro converti atque confundi. Sed non bene; etenim etsi omne pulchrum sit bonum, non tamen omne bonum est pulchrum; quia plus pulchritudo importat, quam bonitas. Pulchritudo certe importat & dicit bonitatis perfectionem consistentem in quadam convenientia, proportionē, ordine, atque ordinis elegantia. Hæc de corporali pulchritudine intelligenda sunt; at spiritualis pulchritudo non nisi ex corporea explicari recte potest. Pulchritudo autem corporæ, ut eam describit Cicero in 4. Tusculan., est: *Apta figura membrorum cum coloris quadam suavitate; quam definitionem imitatus Augustinus lib. 22. de civit. Dei c. 19. inquit: Omnis corporum pulchritudo est partium congruentia cum quadam coloris suavitate: Ubi autem non est partium congruentia, aut ideo quid offendet, quia partium est; aut ideo, quia nimium est.* S. Thomas 1. par. q. 79. art. 8. tria ad pulchritudinem requirit: *Primo quidem, ait ipse, integritas, seu perfectio; quæ enim dimidiata sunt, hoc ipso turpia sunt; secundo debita proportio, seu consonantia; & iterum claritas; unde quæ habent colorem nitidum pulchra esse dicuntur.* Quæ omnia comprehendens Ambrosius in 2. lib. Hexameron, sub finem dicit: *Ille est enim vera pulchritudo, & in singulis membris esse quod deceat, & in toto; ut in singulis gratia, in omnibus forma convenientis pulchritudo laudetur.* Quemadmodum igitur rerum corporearum pulchritudo consistit in debita habitudine, seu convenienti proportionē, partium inter se, & ad totum, & in congrua superfusione coloris aut luminis partes corporis informantis ac decorantis; sic etiam spiritualium substantiarum, quæ nec partes, nec colorem, nec lucem sensibilem,

bilem, habent; pulcritudo consistit in debita habitudine seu convenienti proportionem prædicatorum inter se, & ad totum, & in congrua eorumdem excellentia, quæ in nobilissima operatione manifestatur. Unde Augustinus virtutem appellavit animæ pulcritudinem epist. 222. *Quid est aliud iustitia, cum in nobis est, vel qualibet virtus, quæ recte sapienterque vivitur, quam interioris hominis pulcritudo?* Multa habent pro hac Dei pulcritudine P. Magnus, Frassen, Cardinalis de Aguirre, alique, ad quos Legentes, qui plura cupiunt, remittimus. Unum tamen hie subiungimus, quod pulcritudo dicit etiam convenientiam cum idea, sed cum idea, quæ reperitur in mente appetentis; unde provenit, quod tam varia sint de pulcritudine hominum iudicia. Æthiopes nigrum colorem candido præferunt, Hispani flavum, rubrum, Galli rubrum candido, Itali candidum omnibus. Bonitas vero dicit convenientiam cum idea ipsius rei, ut est in se; quæ quidem convenientia a pulcritudine, ut dictum est, supponitur. Multoties autem esse potest, quod detur falsum pulcrum; quod est nimirum, cum convenientia cum idea, quæ est in mente apprehendentis, non est secundum veram rationem; adeoque non est convenientia cum vera idea, quæ amabilitatem exigit, sed quia sic ab ipso apprehenditur, & sic etiam ab ipso appetitur. Pulcritudo vera rei spiritualis his non subiacet præiudiciis, quia de ipsa non sensum ope, qui fallendi occasionem sæpissime tribuunt, mens iudicat, sed secundum rationes abstractas, quæ sunt prædicata ipsius.

Contra bonitatem Dei male senserunt Hæretici illi, quos numeravimus, quum de Dei unitate in Dissert. 25. ageremus. Illi nimirum Deum alterum admittentes malum, & errarunt, quia alterum, & errarunt, quia malum, admisserunt. Verum ultra illic dicta, hoc in loco, in quo ex professo de Dei bonitate agimus, commenta illa debemus latiori calamo explanare. Proinde, rem ad alius principium reducentes, dicimus a quibusdam Philosophis gentilibus Dei mali summum Hæreticos primorum temporum desumpsisse. Summum malum non pauci Philosophi admittentes, quod græce dicebant *συνέκλεον*, hoc est malum, merum, ac simplex, occasionem aliis dederunt, ut malum, quod ipsi appellabant summum, alii Deum crederent, & nominarent. Hoc summum malum Platonici asserabant esse communem rerum materiam, quam

quoque volebant æternam, increatam, & divinis operibus immixtam, unde in illis malorum omnium esset tons, & origo. De Platonis hoc testatur Plotinus Edneadis 1. lib. 8. Si Protrepticus est genuinus Iustini martiris fortis, dicere etiam possumus, quod Platoni hoc deliramentum Iustinus tribuat. Alii autem Platonem vindicant, atque defendunt; & quia in disputationibus Eleatæ hospitis ait, materiam ordinatæ compositioni deservire; & quia in Philebo scribit, materiam a Deo derivari, & divinam ac bonam esse, utpote a Deo generatam. Alii autem Philosophi Platonem malum ponentes, aliter illud explicabant. Non enim materiam, sed naturam, esse malam arbitrabantur, quæ quidem natura quum esset æterna per ipsos, ingenua, seu infecta, hoc ipso ex eadem alterum Deum constituere facile videbatur. Et quia dabatur summum bonum, quod est ex se bonum, & a nullo alio bonitatem agnoscens, quam a se ipso; malum pariter summum ex se, malum, & a nullo alio malitiam recipientem, quam a se ipso, affirmabant. Hinc apud Basilium hom. 2. in Hexamer. legimus, *malitiam sui generis*; vel ut vertit aut explicat Eustathius; *malitiam, quæ non ab alio mutuata est substantiam*.

Præter autem Platonem, seu verius Platonicos, errori huic alii asserunt occasionem & originem dedisse Empedoclem, Pythagoram, aliosque Philosophos, antiquos sane, atque gentiles. Asserunt ad hoc probandum S. Thomæ auctoritatem, quæ habetur quest. 3. de creatione art. 6., ubi docet, quosdam veteres Philosophos ita fuisse deceptos ex rerum contrariarum oppositione, ut dicerent, duo esse rerum principia prima, bonum, & malum. Et quidem considerantes primo contraria secundum quod sunt specie diversa, non secundum quod sunt genere similia, constituerunt non unicum principium, a quo omnia dependere, sicut posuissent, si considerassent illa in genere, in quo conveniunt, sed duo principia, a quorum uno dependere illa, quæ cum ipso conformantur, & ab altero alia, quæ ipsi sunt similia; & hæc quæ consideraverunt illa in specie, in qua sunt diversa, & opponuntur. Sic Empedocles dixit prima contraria esse amicitiam, & litem, seu bonum, & malum, quasi duo principia rerum omnium, quæ sunt in mundo. Secundo utrumque contrarium acceperunt æqualiter, & unum alteri non prætulerunt; quod facere debuissent, quia quum opponerentur inter se, esse non poterant nec

eiusdem, nec æqualis perfectionis; & saltem unum habens alterius perfectionis privationem, in hoc esse debbat altero minus perfectum, & alterum per consequens perfectius illo. Cogitantes proinde æqualiter utrumque contrarium, posuerunt bonum, & malum, ut æqualia principia, & prima. Sic Pythagoras voluit duo prima genera rerum esse bonum, & malum; sub bono posuit omnia, quæ putavit esse perfecta, veluti lucem, masculum, quietem, diem, solem, &c. sub malo vero assignavit, quæ censuit esse imperfecta, scilicet tenebras, feminam, motum, noctem, lunam, &c. Tertio denique considerarunt res inter se ipsas, & non in ordine ad commune universi bonum; & considerando illas inter se ipsas, aliquam inveniebant alteri nocivam, aliam respectu alterius imperfectam, unam in computatione aliarum inferioris ordinis & oscuræ; has omnes dicebant esse simpliciter malas secundum earum naturam, ac proinde a primo bono non provenire; quia primum bonum non est causa oîi boni aique perfecti; provenire autem a primo malo, quod dicebant malorum omnium esse originem, fontem, & causam. Sic Hæretici postea, & præcipue Manichei, observantes corruptibilia comparata ad incorruptibilia, testamentum veteris ad novum, esse imperfecta, dixerunt primam originem trahere a primo malo, posteriora vero a primo bono descendere. Et hæc erroris fuisse primam originem asserit Cardinalis de Aguirre propter relatam auctoritatem S. Thomæ.

Diximus oos in Dissertatione 25., inter Hæreticos fuisse primos, qui hæc insanoiam excitarunt, illos, qui Gnostici dicti sunt, Gnostici, hoc est scientes, a verbo græco γνῶσις dicti, sic se nominarunt, ut præclarum scientiam ostenderent, quam sibi immerito vendicabant; erant enim profus indocti in oîibus, & præcipue in divinis dogmatibus insipientes. Uode Ildorus lib. 8. orig. c. 5. scribebat: *Gnostici propter excellentiam scientiam se ita appellare voluerunt, animam naturam Dei esse dicunt, bonum & malum Deum suis dogmatibus fingunt.* Et Augustinus hæres. 6. docet Nicolaum Aortiochenum, unum ex septem primis Diaconis, Gnosticorum fuisse Coryphæum; quod & asseruit Philastrius lib. de hæresib. de Nicolao loquens: *Dicit esse virtutes plurimas, nude & Gnostici, qui scire se aliquid putant, maxime emeruerunt.* Verum de Nicolao isto, a quo Nicolaïtas proveiisse scribitur, alter sentiunt plerique, asserentes

nimirum ipsius nomen Nicolaïtas ad instantiam usurpasse, at ipsum illorum deliramentum non docuisse. Stephanus Gobarus, quem citat Photius codic. 232. laudat pro Nicolai defensione Ignatium martirem, aliosque veteres Scriptores, verbis hæc: *Divinus Ignatius, & Clemens Stromateus, Eusebius Pamphili, Theodoretus Cyri Episcopus, Nicolaïtarum damnant hæresim, sed ipsum Nicolaum talem fuisse negant.* De Clemente Alexandrino lib. 3. Stromat. Nicolaum a calumnia vindicant, scribit Theodoretus lib. 3. hæretic. fabul. *Clemens autem dicit, Nicolaum fuisse ex eorum numero, qui, propter temperantiam, clari, & insignes fuerunt, & liberos suos supernaturalem castitatem docuisse, & filium quidem suum calibem permansisse, filias vero virgines.* Ex quibus pulcre convincuntur, eos falso ex illius appellatione nomen sumpsisse, qui antedictam intemperantiam exerceant. Quod si a Nicolao nec ipsimet Nicolaïtæ, qui ejus nomen præferebant, non proveniunt, multo magis dicendum Gnosticis ab ipso non provenisse; nisi dicamus, a Nicolao, sed a Nicolaïtarum putri, quorum nomine Nicolaum usurpabant, pullulasse. Et sic re vera scripsit S. Augustinus hæres. 6. *Aliqui eos a Nicolaïtis exortos putant, alii a Carpocrate, de quo post loquimur.* Cæterum Irenæus lib. 2. c. 3. a Simoonianis, lib. vero 3. c. 4. a Menandro facit eos descendere; Theodoretus in c. 6. ep. t. ad Timoth. a Simoonianis; Eusebius lib. 4. hist. c. 7. a Carpocrate; Epiphanius hæres. 25. & Theophylactus in c. 6. prioris epistolæ ad Timoth. Nicola, vel Nicolaïtis, exortos fuisse, scribunt.

Inter alia portentosa, quæ Gnostici veodinabant, hoc ultimo loco ponit Augustinus hæres. 6. *Dicunt quoque bonum Deum, & malum Deum, in suis habere dogmatibus.* Ex eo, quod dicatur, Gnosticos ex Nicolaïtarum, Simonis magi, Saturnini, & Basilidis, putri fuisse progemitos, quod & nos quoque diximus in Dissert. 25. & nuper quoque confirmavimus, dicunt insuper plerique Hæreticos hosce, qui Gnosticos præcesserunt, Deum bonum, & Deum malum, admisisse. Sed nobis, peiorius rem considerantibus, viderur, hanc impiam de Deo malo insaniam a nemine tam aperte, quam a Gnosticis, fuisse dictam, ac publicatam. Simonem enim virtutem potius malam, quam Deum, comperimus docuisse; sicque pariter asseruerunt, qui post ipsum fuerunt Menander, Saturnius, & Basilidis. Qui vero Gnosticos sequuti sunt, Valentinus scilicet, Cerdo, Marcio, Apelles, Tatianus, Ma-

Manes, &c. est omnes convenerint in Deorum pluritate asserenda, non omnium essem eadem fuit de Deo malo sententia. Qui famosiore se in hoc propugnando ostenderunt, absque dubio fuerunt Cerdo, Marcio, Apelles, & Manes, a quo Manichæi. Non ergo primus fuit Manes, qui Deum malum asseruit; ut contra Manichæos scribebat Augustinus de hæres. s. 46. *Ista duo principia inter se diversa, eademque interna, & conterna, hoc est, semper fuisse, composuit: Duaeque naturas, atque substantias, Boni scilicet & Mali, sequens aliquos. Manichæi tamen cæteris celebriores appa-*

ruerunt, vel quia doctiores sortiti sunt contradictores, vel quia longiores pugnas intulerunt, vel quia tandem prolixiori tempore durarunt. Qui alibi Manichæi dicebantur, in Hispaniis dicti sunt Priscillianistæ, qui Manichæis in omnibus subscripserunt; ut habetur ex S. Leone Papa ep. 93. & ex Concilio Bracaren. I. Quavis Priscillianistæ de suo addiderint, causam illam primam, malorum omnium effectricem, esse Diabolum; quod Manichæi, vel alii in impio dogmate prædecessores, non asseriebant.

DISSERTATIO XXX.

De Dei Bonitate & Pulcritudine.



De morali Dei bonitate, quæ est sanctitas, hic non loquimur, sed de illa enim peculiaris & fusior in sequentibus erit sermo. Loquimur tamen de physica bonitate, quam ita

Deo convenire probabimus, ut nullo modo Deus esse possit, qui bonus non sit. Ex hoc autem plane sequitur, quod sicut ab ætero, quam a Deo bono, nihil penitus creari possit, ita Deum malum a Deo bono creari nullatenus posse. Quæ quidem duo ultima hic ex occasione tractantur; proprius enim locus, cui ipsorum pertractatio convenit, non hic, sed alibi, est. Deinde de Dei pulcritudine sermonem, pariter instituemus, quæ sequitur ad bonitatem; quam quidem Dei pulcritudinem, non modo ex Patribus, sed ex gentilibus quoque Philosophis, & rationibus insuper, omnibus, qui de ea dubitare ullo modo possint, ostendemus.

- I. Dei bonitas probatur ex Scripturis. Judith 13. 21. *Confitemini illi, quoniam bonus.* Psalm. 105. 1. *Confitemini Domino, quoniam bonus.* Quod pariter habetur Psalm. 106. 1. 135. 1. 117. 1. & 72. 1. *Quam bonus Israel Deus.* Immo Judith 11. 6. dicitur, solum Deum esse bonum. *Quoniam tu solus bonus.* Cui coheret illud Marci 10. 17. & 18. Ubi Christus Dominus cuidam dicenti sibi: *Magister bone,* respondit: *Nemo bonus, nisi unus Deus.* Super quæ verba Augustinus in psal. 117. hæc scribit: *Ita proprium est Deo ut bonus sit, ut a quibusdam compellatur ipse filius Dei, cum audiret Magister bone, ab eo scilicet, qui carnem ejus intuens, & Divini-*

PAR. I.

tatis ejus plenitudinem non intelligens, solum hominem arbitratur, responderet: *Quid me interrogas de bono? Nemo bonus, nisi unus Deus.* Quod quid aliud est dicere, quam si mox vis bonum appellare, intellige & Deum. Illud autem Avtoctoon, seu malum, vel summum malum, quod Hæretici ponebant, sicut in creatum asseriebant, & ex adductis sacre Scripturæ locis eliminatur, ipsorumque assertio falsi convincitur: Si vero creatum intelligebant, ut erat sententia Apellejanorum, & Priscillianistarum, qui pro Deo malo Diabolum sentiebant, his sequentibus sacre Scripturæ auctoritatibus exploditur. Gen. 1. 31. *Vidit Deus cuncta, quæ fecerat, & erant valde bone:* Eccl. 3. 11. *Cuncta fecit bona in tempore suo.* 1. ad Timoth. 4. 4. *Omnis creatura Dei bona est.* Et aliis innumeris, quæ in sacris paginis inveniuntur.

- II. Probatur ex Conciliis. Concilium Constantinopolitanum I., ubi in Symbolo positum est, unicum esse rerum omnium principium, & hoc esse bonum. Lateranense IV. sub Innocentio III., & refert in cap. firmiter de summa Trinitate & Fide catholica. Bracarense I. in Lufitania contra Manichæos, & Priscillianistas hos canones edidit: VII. *Si quis dicit, Diabolum non fuisse prius bonum Angelum a Deo factum, nec Dei opificem fuisse naturam ejus; sed dicit, eum ex ebao, & tenebris, emeruisse, nec aliquem sui habere auctorem, sed ipsum esse principium atque substantiam mali, sicut Manichæus, & Priscillianus, dixerunt, anathema sit.* VIII. *Si quis credit, quæ aliquantas in mundo creaturas Diabolus fecerit, & tonitrua, & fulgura, & tempestates, & siccitates ipsas,*

R 2

Dis.

Diabolus sua iustitiae faciat, sicut Priscillianus dixit, anathema sit. XII. Si quis plasmationem humani corporis Diaboli dicit esse figmentum, & conceptionem in utero matrum, apertis dicit Demonum figurari; propter quod & sursumptionem carnis non credit, sicut Manichaeus, & Priscillianus, dixerunt, anathema sit. XIII. Si quis dicit, creationem universa carnis non opificium Dei, sed malignorum esse Angelorum, sicut Manichaeus, & Priscillianus, dixerunt, anathema sit.

- III. Probatur ex Patribus. Novatianus c. 4. Bonitatis Dei testem mundum ipsum appellat, dicens: *Huius enim Dei bonitatis totus testis est mundus, quem non instituisse, nisi bonus fuisset. Augustinus in psal. 134. Singularitatem divinae bonitatis & praeferre breviter nolo, & commendare congrue non sufficio. Ineffabili dulcedine tenor, cum audio, bonus Dominus. S. Leo Papa ep. 93. ad Turibium c. 8. Fides vera, qua est catholica, omnem creaturam, sive spirituales, sive corporales, bonam conficitur substantiam, & mali nullam esse naturam, quia Deus, qui universorum est conditor, nihil non bonum fecit. Tertullianus lib. 2. contra Marcionem c. 6. bonus natura Deus salus, qui enim quod est sine initia habet, non institutione habet illud, sed natura. Item Augustinus in eundem psal. 134. Omnia bona ipse fecit, ipse est bonus, quem nemo fecit. Ille bono suo bonus est, non alindec participato bono. Non erigit a quo fieret bonus, sed eguerunt illo cetera, ut fierent bona. Idem in epist. 54. Nullius participatione bonus est, quoniam bonum, quo bonum est, ipse sibi est. Idem in lib. contra Julianum c. 8. de Manichaeis agens, haec habet: *Quarunt itaque a nobis, unde sit malum? Respondemus ex bono, sed non summo, & incommutabili bono. Ex bonis igitur inferioribus atque mutabilibus orta sunt mala, quia mala licet intelligamus non esse naturas, sed vitia naturarum, tamen simul intelligimus eo, nisi ex aliquibus & in aliquibus naturis, esse non posse, nec aliquid esse malum, nisi a bonitate defectum. Nec malam voluntatem naturae habere possit, nisi mutabilis esset; mutabilis porro natura non esset, si de nihilo facta non fuisset. Idem de Trinit. lib. 8. c. 3. Bonum hoc, & bonum illud: Tolle hoc & illud, & vide ipsum bonum, si potes: Ita Deum videbis non alio bono bonum, sed bonum amnis boni. Neque enim in his omnibus bonis, vel quae commemoravi, sive alia cernuntur, sive cogitantur, dicere, aliud alio melius, cum vere iudicamus, nisi istis nobis impressa notio boni, secundum quod & probaremus aliquid, & aliud alii praeparemus. Pateat autem, cum alio non**

amantur, nisi quia bona sunt, non amore ipsum bonum, unde bona sunt.

- IV. Probatur ex Philosophis gentilibus. Plato in Timaeo. *Quaramus igitur causam, quae cum impulerit, qui hoc machinatus est, ut originem rerum, & molitionem novam quaereret? Bonitate videlicet praestabat. Hierocles in aurea carmina Pythagorae. Causa molitionis omnium nulla subest alia, rationi consentanea, praeterquam substantiva bonitas. Nam quaecumque alia praeter bonitatem affruntur causa fabricanda huius universitatis, humanis affectionibus potius conveniunt, quam Deo. Proclus in Platonica Theologia observat, primum principium a Platone in Parmenide vocari unum, eo quod ab ipso omnia procedant; in libris autem 6, & 7. de Republica vocari bonum, eo quod omnia ad ipsum redeant, a quo proveniunt. Bonum ergo, ait Proclus, habet vim convertendi ad se omnia secunda; unum vera esse illis dat, & subsistentiam. Synesius orat. 1. de regno. Bonum Deum atque praeferat amnes ubique terrarum populi, tam sapientes, quam imperiti; Idque universi munus consensu, atque una voce, proficuntur. Ceterum ex Platonica Thomasinus apud Du-Hamel asserit, quae vulgo dicuntur mala, non esse mala, sed minora bona; quae ut essent bona, summum bonum efficit. Et multa etiam, quae videntur mala in singulis, universim tamen bona esse. Quod deinde in mala dilabamur, non ex alio, sed a nostra sola libera voluntate provenire. Quod ex Simplicio, in Epictetum scribente, probatur: *Humana autem anima in medio collocata eorum, quae semper in sublimi manent, & eorum, quae semper humi sunt, ob bruta vita cum corpore cagnationem, quaque vitale quoddam vinculum est superiorum, & inferiorum, propter libera voluntatis affectionem, alias his, alias illis, sit similis.**
- V. Rationibus probatur, I. Deus est ens a se: ergo est summum bonum. Probatur consequentia. Quia Deus est ens a se, omnia quod habet, a semetipso habet; si ergo bonitatem non haberet, non hoc esset, quia habere non posset, quum omnia a semetipso habeat: ergo esset, quia habere nollit. Si nollit, vel nollit, quia semetipsum amaret, vel quia semetipsum odio prosequeretur? Non quia odio prosequeretur, quia Deus nequit seipsum non amare. Non quia amaret, quia implicaret amare aliquem, & nolle illi bonum. Igitur si Deus est ens a se, & a semetipso habet omne, quod habet, a semetipso etiam bonitatem habebit, quae est perfectio illius, qui est, & consequitur necessario necessitate, quae ipse necesse.

necessario est.

II. Deus est omnimode & simpliciter perfectissimus: ergo est summum bonum. Probat. consequentia. Bonitas vel est perfectio, vel imperfectio? Si perfectio? Deesse non debet illi, qui non esset perfectissimus, si omnes non haberet perfectiones. Si imperfectio? Ergo alius Deus, qui admittitur bonus, non esset Deus, quia esset bonus, adeoque imperfectus. Aut ergo nullus Deus admittendus est bonus; aut nullus Deus admittendus est malus. Primum non admittitur ab ipsismet Adversariis: ergo concedendum est secundum.

III. Deus est illud, quo melius aliud, & perfectius, nec intelligi potest, nec cogitari; sed si ei bonitas deesset, ipso aliquid melius, & perfectius, cogitaretur; ergo nullo modo potest Deus sine bonitate esse. Probat. minor. Posset cogitari aliquid cum bonitate; sed hoc est melius & perfectius Deo: ergo si Deo bonitas deesset, ipso aliquid melius, & perfectius, cogitaretur, Probat. minor. Melius est, & perfectius, habere bonitatem, quam non habere illam; ergo qui cogitaretur cum bonitate, cogitaretur tanquam aliquid melius, & perfectius, Deo, non habente bonitatem.

IV. Omne ens habere debet perfectionem aliquam, qua in seipso constituitur; sed hæc perfectio est bonitas ipsius rei: ergo omne ens erit bonum; ergo non datur illud summum malum. Probat. hæc ultima consequentia. Implicat ut idem sit bonum & malum; sed quodlibet ens sit bonum; ergo implicat ut sit malum. A fortiori implicat, ut sit summum malum; quia malum, quia summum, debet hoc ipso destruere in se ipso omne bonum; atqui supponitur bonum: ergo non est bonum a summum malo destructum: ergo malum non est summum.

V. Malum vel est culpæ, vel est pœnæ? Malum culpæ absolute, & simpliciter, dicitur malum; ut sunt furtum, homicidium, adulterium, &c. Et horum auctor non est Deus, sed voluntas nostra libera domestica ipsorum causa est; ut dicebat Nyssenus cathed. 5. Quicquid dixerint impie æque, ac impetite, & impudente, Calvinus, & Lutherus, eorumque Sectarii, adscribentes Deo nostrorum scelerum malitiam, contra quos pugnabimus in sequenti Dissertatione. Malum autem pœnæ non est malum, nisi per accidens, & comprehendit calamitates, sive publicas, sive privatas, & Deum habet auctorem, & effectorem, quemadmodum intelligenda sunt illa sacra Scri-

pturæ loca, in quibus dicitur Deus malorum effectus, & causa. Ecclic. 1. 14. *Bona, & mala, vita, & mori, paupertas, & bestias, a Deo sunt.* Amos 3. 6. *Si erit malum in civitate, quod Dominus non fecerit?* Horum autem malorum quum auctor sit Deus, non ex hoc bene inferitur, Deum esse avocacem, hoc est summum malum; quia Deus, qui est summum bonum, illa inferit propter aliquid verum & solidum bonum, quod inde prævidet quomodolibet proveniturum.

VI. Non datur summum falsum; ergo dari non debet summum malum. Probat. consequentia. Æque falsum opponitur vero, ac malum opponitur bono: ergo si non datur summum falsum, neque dabitur summum malum. Probat. antecedens. Æque verum, & bonum, sunt proprietates entis: ergo æque falsum opponitur vero, ac malum opponitur bono. Probat. consequentia. Quia verum est proprietas entis, & opponitur falso, non datur summum falsum: ergo quia etiam bonum est proprietas entis, & opponitur bono, neque dabitur summum malum. Quod autem non datur summum falsum, supponitur certum, ex eo, quia verum est objectum intellectus: ergo quia summum falsum excludit omnem rationem veri, non posset esse objectum intellectus: ergo esset incognoscibile, quod implicat.

VII. Ad hoc ut aliquid sit principium efficiens alterius, debet esse ens; sed implicat ut sit ens, & non sit bonum: ergo implicat summum aliquid malum esse principium efficiens rerum, sive aliquarum, sive omnium. Major est certa; si enim non esset ens, esset nihil; si esset nihil, quomodo ageret? quod nihil est, nihil agit. Uterius, quomodo daret alteri esse, quod non haberet? Minor etiam probatione non indiget; ens enim, & bonum, sunt ad conversionem: Neque dicant, quod hoc verificatur de bono transcendentali; etenim hoc bonum etiam transcendemale excludit a summum malo, quod excludit omnem rationem boni; aliter summum malum non esset. Consequentia sequitur.

VIII. Si hoc summum malum est a Deo creatum: ergo in Deo debuit etiam præconiteri. Implicat autem, ut summum malum præconiteretur in summo bono: ergo implicat a summo bono creari summum malum. Probat. minor subsumpta. Summum bonum excludit omnem rationem mali: ergo implicat summum malum præconiteri in summo bono. Probat. consequen-

ria. Summum bonum præcontinendo summum malum, non solum præcontineret aliquam rationem mali, sed summum malum ergo simul esset summum bonum, & summum malum, in quo est contradictio manifestissima. Neque dicant, præcontineri emmenter; nam in summo malo nulla est ratio boni, ratione cuius verificari possit hæc eminentialis præcontinentia; ut de se patet.

IX. Hoc summum malum haberet irreconciliabilem inimicitiam cum summo bono: ergo inter illa esset continua & implacabilis pugna. Quodnam autem ex illis vinceret, quodnam vinceretur? Si vinceret malum? ergo destrueretur summum bonum? Si vinceret bonum? ergo destrueretur summum malum. Neque dicant, neutrum destruendum, quia utrumque immortalis: ergo immortalis esset inimicitia, immortalis pugna. Quænam autem pugna, & multo magis immortalis, sine victoria? Et effectus saltem ipsorum, qui non sunt immortales, in pugna perirent.

X. Entia, quæ producerentur a summo malo, vel essent ex parte bona, vel totaliter mala? Non totaliter mala, aliter etiam ipsa essent summa mala. Insuper experientia ipsa demonstrat, non esse totaliter mala. Si autem ex parte sunt bona? Quoniam pacto in summo malo potest bonum aliquod præcontineri? Summum malum, aut esset ex parte bonum, adeoque non summum malum; vel confesceret alteri bonitatem, quam ipsum nullo modo haberet. His similia argumenta habent Auctor libri de divinis nominibus, qui creditur Dionysius Areopagita, c. 4., Iustinus, vel quisquis alius est auctor questionum ad Græcos, quæ inter ejus opera recensentur, q. 1. Augustinus lib. 2. de civit. c. 3., lib. de natura boni c. 6., lib. 2. de moribus Manichæorum c. 2., & 3. Athanasius orat. adversus Idola, alique Patres.

Arguunt in contrarium I. Bonum est illud, quod est appetibile, & quidem ab altero, non a se ipso; sed Deus non est appetibilis ab omnibus creatis: ergo neque bonus. Probat minor. Deus non est cognoscibilis ab entibus creatis: ergo neque est appetibilis. Probat alio modo minor. Entia creata solum appetunt creatas perfectiones: ergo non increatas: ergo neque Deum. II. Infinitum bonum debet esse infinite communicabile; sed Deus non est infinite communicabilis: ergo non est infinite bonus. Probat minor. Deus non habet infinitam inclinationem ad se communican-

dum; ergo non est infinite communicabilis. III. Si esset aliquod summum bonum, nullum malum deberet esse in mundo; atqui sunt multa mala in mundo, quum culpe, tum poenæ, quia totus mundus positus est in maligno: ergo non est hoc summum bonum. Sequela probatur. Propter repugnantiam, quum summum bonum habere debet cum summo malo, omne malum debet necessarii, aut destruere, aut impedire: ergo si esset aliquod summum bonum, nullum malum deberet esse in mundo. IV. Si Deus est summum bonum, & illius participatione cuncta sunt bona, a quo ergo sunt mala? Debet igitur poni aliud principium, a quo sunt mala. Hoc aliud principium non potest esse, nisi summum malum: ergo datur hoc summum malum. V. Si Deus est bonus, cur homines perire finit, quum eos possit ab inferis vindicare? Cur hominem condidit, item peccatorum præviderat? Cur ei dat libertatem, quæ præcognoscit ipsum hominem abusurum? Quæ omnia cum summa bonitate conciliari nullatenus possunt. VI. Deo tribuunt malitiam ipsamque Scripturæ divina: ergo vere est malitia in Deo. Antecedens probatur ex illo Jonæ 3. 10. *Panitus Dominum deus malitia, quam dixerat futurum se Ninivitis*: ergo vere tribuunt ipsæque divinæ Scripturæ malitiam Deo. VII. Vindicta provenire non potest a Deo bono: ergo a Deo malo; atqui Deus vindictam in veteri lege præcepit: ergo vere Deus, veteris legis auctor, est malus. VIII. Tribuuntur etiam Deo in Scripturis iniustitia, & ira; sed hæc convenire non possunt Deo bono: ergo Deo malo. Probat major. Deus punit peccatum Parentum in filiis; Exod. 20. 3., & jurat in ira sua; Psal. 94. 8.

Respondemus ad I. Eo modo, quæ ab entibus, creatis cognoscibilis est Deus, eo etiam modo ab iisdem entibus esse appetibilem. Et quia aliquo modo ab entibus creatis cognoscitur; aliquo etiam modo ab entibus creatis appetitur. Entia autem creata cum appetunt creatas perfectiones, appetunt hoc ipso summum bonum, in quo omnes creatæ perfectiones continentur. Unde Augustinus, vel quisquis alius sit auctor libri de diligendo Deo, qui Augustini nomen præferebat, c. 18. inquit: *Si multa, & magna, delectationes sunt in rebus delectabilibus, qualis & quanta est delectatio in illa, quæ fecit omnia delectabilia? Amemus ergo unum bonum, in quo sunt omnia bona, & sufficit. Desidera simplex bonum, quod est omne bonum, & satis est, tibi est quicquid amatis; ibi*

est

est quicquid desideratis.

Ad II. Deum esse utique infinite communicabilem, habere infinitam inclinationem ad se communicandum; attamen illi, cui infinite communicari potest. Extra ipsum Deum non est, cui possit infinite communicari; est autem ad intra; & ad intra infinite communicatur Filio per intellectum, quo generatur, & Spiritui sancto per voluntatem, qua producitur. Hæc infinita communicatio ad intra sufficit, ut Deus vere sit infinite communicabilis, adeoque infinite bonus.

Ad III. Hoc summum bonum est etiam liberum; unde non agere necessarium; & proinde bene potest omnia mala, aut destruere, aut impedire, non autem illa debet necessarium destruere, vel impedire. Cæterum quando mala pœnæ inducit, vel quando permittit mala culpæ, id non sine bonitatis ratione facit; ut Augustinus in Enchiridii c. 26. optime observat: *Melius enim iudicavit de malis bene facere, quam mala nulla esse permittere.*

Ad IV. Mala hoc est peccata, non esse a Deo, sed a nobis effective, a Deo solum permixta; in quantum scilicet nobis libertatem dedit, & nos libertate uti non impedit; hæc autem sunt mala moralia. Physica nulla sunt mala, quoniam omnia, quæ sunt, cuncta sint, omnia sint vera, omnia sint bona. Et quanvis in aliquo deficient, non per hoc fit, quod non sint bona, sed quod non sint in omni genere bona, cuiusmodi solus est Deus.

Ad V. Ad divinam bonitatem quoque attribuitur, ut naturæ quælibet liberæ crearentur, & peccare, si vellent, permitterentur. Unde Augustinus lib. 3. de libero arbitrio c. 5. Evodio, illud ipsum sibi objicienti, respondet: *Neque ab illa creatura, quam profecit Deus, non solum peccaturam, sed etiam in peccandi voluntate mansuram, abstulit bonitate largitatis suæ, ut non eam cederet. Sicut enim melior est vel oberrans equus, quam lapis, propterea non oberrat, quia proprio motu & sensu caret; ita est excellentior creatura, quæ libera voluntate peccat, quam quæ propterea non peccat, quia non habet liberam voluntatem.* Et lib. de vera religione c. 14. *Tales servos suos meliores esse Deus iudicavit, si ei serviant liberaliter. Quod nullo modo fieri posset, si non voluntate, sed necessitate servirent.* Et lib. 2. de libero arbitrio: *Et pœna iniusta esset, & præmiis, si homo voluntatem non haberet liberam. Dedit autem & in supplicio, & in præmio, esse iustitiam; quoniam hoc unum est bonorum, quæ*

sunt a Deo. Ulterius Deus spectatur ut causa generalis, quæ mala etiam in bonum usum convertit; quum sit Deus ita bonus, ut malis quoque utatur bene. Non sic vero est causa particularis, quæ malum committit, quantum potest, arceret debet.

Ad VI. Malitia tribuitur Deo non ut Auctori, qui eam faciat, sed ut Iudici, qui eam puniat. Unde Deus decernit & infligit pœnam, quæ malitiæ debetur, & malitia evadit ejus objectum; non vero malitiam aut committit, aut recipit, & per consequens ipse nunquam est malitiæ subiectum. Tertullianus lib. 2. contra Marcionem hæc scribit apposite. *Dicimus denique malitiam nunc significari, non quæ ad naturam redigatur Creatoris quasi mali, sed quæ ad potestatem quasi Iudicis, secundum quam rancunavit Ego sum, qui rondo mala, & ecce ego emitto in vos mala non peccatoria, sed uboria ita quod iuste destinaverat, non male destinavit, ex iustitia non ex malitia destinavit, sed pœnam ipsam malitiam nominavit ex malo & meritis passionis.*

Ad VII. Deus in veteri lege præcepit vindictam ad correctionem, non ad afflictionem alterius, & ad odium sui; quia aliter in veteri etiam lege non præcepisset dilectionem. Datur etiam iustitia vindicativa, quæ culpas punit, & transgressiones legis vindicat; & virtus est huiusmodi iustitia, & qui eam exercet ad bonum publicum, & non ad privatum odium, meritum, non demeritum, apud Deum consequitur. Tertullianus etiam lib. 2. contra Marcionem est audiendus, de talionis pœna loquens, quæ vindictæ putatur effectus: *Sed quæ potius legis bona defendam, quam quæ barefis ronepuit; ut talionis definitionem, oculum pro oculo, dentem pro dente, & livorem pro livore repetentis? Non enim injuria mutuo exercenda licentiam sapit, sed in totum cobibenda violentia propiciis; ut quia durissimo & infideli in Deum populo longam vel etiam incredibile videretur a Deo expectare defensionem, edicendam posset per Prophetiam, mihi defensionem, & ego defendam, dicit Dominus: interim commissio injuria metui, vicis statim occurrente repastinaretur; & licentia retributionis, prohibitio esset provocationis, ut sit improbitas astuta cessaret; dum secunda permissa, prima terretur; & prima deterrita, nec secunda committitur, quæ & alias facilius timor talionis per eandem saporem passionis.*

Ad VIII. Deus aliquando punit peccata parentum in filiis pœna temporali, aliquando etiam pœna æterna, & nullam in hoc injustitiam, sed summam iustitiam exerceri

Tunc

Tunc poena æterna punit, quando filii parentum culpas imitantur; unde si illis sunt similes in peccato, iustitia est, ut affimulentur etiam in supplicio. Tunc punit poena temporaria, quando punit ad icemum in filio peccatum patris, quia filius est aliquid patris, & hoc facit ad filii emendationem; aliquando etiam ad terrorem, ne patris iniquitatem imitetur. Unde si Exodi 20. 5. dixit Deus: *Ego sum Dominus Deus tuus fortis, zelotes, visitans iniquitatem in filias*: Ezechiel. etiam 18. 14. promissit: *Quod si genuerit filium, qui videns omnia peccata patris sui, quæ fecit, timuerit, & non fecerit simile eis ... iudicia mea fecerit, in præceptis meis ambulaverit, hic non moritur in iniquitate Patris sui, sed vita vivet*. Ira tandem Deo tribuitur ut effectus vindictæ iustæ de peccatis hominum, non vero ut passionis excessus. Vel clarius accipitur pro punitione, quia homines, ut plurimum, quando puniunt, irascuntur: unde in Deo potius est appellatio, quam proprietate. Nec semper in homine ira est culpabilis, sed tantum quando a ratione aberrat. Quando vero, ad instar boni militis, rationis sequitur imperium, virtus est, non culpa, & zelus proprio nomine appellatur.

Pro Pulcritudine Dei, pauca modo subnectimus. Non solum illam agnoverunt Patres, verum quoque Philosophi. Plato in Phædone sub nomine *Sophi pulcri*, in Phædro, in Hippia maiore, atque etiam in Symposio, sub nomine *idea pulcri*, ut observavit Cyrillus lib. 3. in Julianum, & sub metaphora *profundi pulcritudinis pelagi*, divinam pulcritudinem manifestavit. Eadem habuit Plotinus Enneadis 6. lib. 7. c. 32. & 33. Trismegistus, vel quisquis alius sub eius nomine lateat, c. 6. Pimandri, aliique Gentiles. Ex Patribus vero Chrysostomus in psal. 41. *Pulcritudo illius beata, ac ab interiorum expertis natura, res est quadam infinita, & nulla ratione superabilis, quæ omnem excedit rationem, & omnem effugit cogitationem*. Lactantius lib. 6. institut. c. 2. ex solis consideratione divinam pulcritudinem contemplatur. Basiliius hom. 6. in Hexameron. eadem similitudine utitur. Augustinus hom. 38. ex 50. *Si pulcher est mundus, qualis artifex mundi? Et tandem aliorum. Patrum testimoniiis missis, cum eodem Augustino exclamemus lib. 10. confess. c. 27. Sera te amari, pulcritudo tam antiqua; pulcritudo tam nova, sero te amari. Quæ vox semper vivida in cordibus nobis deberet esse, ac ad excitandum nos ad Dei amorem semper incessans.*

Divinæ pariter Scripturæ Dei pulcritudinem ostendunt. Psal. 49. 2. *Ex Sion species decoris ejus*. Cant. 1. 15. *Eecce tu pulcher es, dilecte mi, & decorus*. Sapientiæ 13. 3. *Quorum si specie delectati, Deos putaverunt, sciunt, quanta his dominatur eorum speciosior est*. Ad quæ scribit apposite S. Hilarius lib. 1. de Trinit. *De magnitudine operum, & pulcritudine creaturarum, consequenter generationum conditor conspiciatur ... atque ita pulcherrimus Deus est constituendus, ut neque intra sententiam sit intelligendi, neque extra intelligentiam sentiendi*. Et Auctor libri de divinis nominibus, qui creditur S. Dionysius Arcopagita, c. 4. *Ex hoc pulchro, scilicet Deo, omnibus, quæ sunt, suppetit esse*.

Rationibus etiam Dei pulcritudo probatur. Si enim pulcritudo est bonitatis præstantia, & excellentia, quum, ex probatis, bonitas omnis in Deo reperitur, omnifque etiam bonitatis perfectio, cur pulcritudinem in Deo etiam reperiri dubitabimus? Accedit, quod si pulcritudo deficeret Deo, vel ei deficeret ut perfectio, vel ut imperfectio? Primum non dicunt, qui Deum perfectissimum esse fateantur, & in eo consequenter omnem esse perfectionem. Si dicant vero secundum? Quavis corporalis pulcritudo imperfectionem importet, quatenus corporalis est, non tamen imperfectionem dicit, quatenus est pulcritudo. In Deo autem, non quatenus corporalis est, sed quatenus est pulcritudo, invenitur. Tandem, cum P. Magnano dicimus, quum ad bonitatis mensuram Dei etiam pulcritudo pensanda sit: Si quanta, quæ, & qualis, sit Dei pulcritudo, volumus cognoscere, quæ, quanta, & qualis, sit Dei bonitas, consideremus. Sicut enim est infinita bonitas, sicut per essentiam bonitas, independens bonitas; ita etiam infinitus, suus per essentiam, & independens, bonitatis splendor, qui est pulcritudo. Nec opponatur nobis, quod pulcritudo, quæ Deo tribuitur, sit potius metaphorica; & quod metaphoricè tribuitur non potest esse summum: Etenim non metaphoricè pulcritudinem Deo tribuimus, sed veram; non autem corporalem, bene vero spirituales; quæquid aliter sentiat, atque respondeat Cardinalis de Aguirre. Ad hanc ergo pulcritudinem noliter dirigendus est amor, non vero ad labilem, inconstantem, falsamque, creaturarum, quæ in ipso quoque flore marcescit. Sic profecto Bernardus ser. de miseria humana nos excitat: *Quid ergo quæris extra Deum? Quid desideras præter illum? Quid tibi places sine ipso? Ipse fecit*

fecit omnia, ipse habet omnia, ipse est omnia. Quodcumque bonum cupis, quodcumque pulchrum queris, totum in ipso invenies, & ipsa perfrueris. Et Augustinus c. 31. Soliloquio-

rum: Ecce intus eras, & ego foris, & alibi, te querebam; & in ista formosa, qua fecisti, deformis irrueram.

DISSERTATIO XXXI.

De Deliramentis contra Dei Sanctitatem, & de illorum Auctoribus.



Sanctitas est bonitas moralis, ut in præterita Dissertatione dictum est; & quemadmodum bonitas naturalis posita est in complexo & confluxu prædicatorum essentialium, seu at-

tributorum naturalium, ita bonitas moralis, seu sanctitas, consistit in complexo, & confluxu, seu plenitudine prædicatorum moralium, sive virtutum, quibus perficiuntur vires & facultates naturales in ordine ad operandum. Virtutes autem, quæ in suo conceptu formali imperfectionem important, a Deo sunt relegandæ; eujusmodi sunt primæ virtutes illæ omnes, quæ in alterum, vel superiorem, vel æqualem, tendunt; nempe obedientia, religio, pietas, observantia, devotio, &c. secundæ sunt illæ omnes, quæ recte sunt in passionum, & appetitus sensitivi, motibus edomandis, vel regulandis; nimirum fortitudo, patientia, castitas, temperantia, mansuetudo, humilitas, &c. Hæ quidem omnes virtutes in Deo non sunt, metaphorice, vel saltem eminenter, aut virtualiter. Aliæ vero virtutes, quæ in suo conceptu formali imperfectionem non dicunt, in Deo sunt formaliter; ut sunt iustitia, misericordia, veracitas, &c. Et in his ita consistit sanctitas, ut ipsa non sit unum, proprie attributum, sed, ut P. Magnanus docet c. 16. prop. 5., est multa per modum unius; nimirum est omnes virtutes morales, prout in una conveniunt faciendæ extrema indefectibili rectitudine morali; & ita singulæ seorsim in specie propria sumptæ virtutes sunt sanctitas, non tota, sed partialis.

Sanctum autem multipliciter dicitur. I. dicitur sine tinctura, id est peccato; de qua sanctificatione dixit Apostolus: *Mundemus nos ab omni inquinamento carnis, & spiritus, perficientes sanctificationem in timore Dei.* II. dicitur sine terra; *aym* enim græcè, sanctum est latine; & *aym* idem est ac si-

ne terra; & sic nos sanctificare debemus, omnia terrena uti stercorea arbitantes, ut Christum, summum bonum, lucrificamus, & amore puro in ipsum vivaciter rendamus. III. Idem est sanctum, ac sanguine tinctum. Olim enim hostiæ tingebantur sanguine, & purificabantur, & omnia pene in sanguine mundabantur. IV. dicitur firmum, seu sanctum; & ideo leges dicuntur sanctissimæ, quia firmæ. Insuper Sanctitas tribuitur Deo, hominibus, & locis, sed diversimode, Deus enim est sanctus, sed non est sanctificatus, est autem sanctificans. Homo est sanctificatus, & sanctificans. Locus est sanctificatus, sed non sanctificans. Hinc divina sanctitas a creatura sanctitate in multis differt; I. quia divina sanctitas essentialis est Deo, creata vero est accidentalis creature. II. quia illa est infinita, tam intensive, quam extensive; ista vero finita, & limitata. III. quia nec potest crescere, nec minui, est enim in ipsa omnis plenitudo sanctitatis, & est immutabilis, & indefectibilis; creata vero multis subjacet defectibus, & mutationibus est obnoxia: Et in hoc sensu non solum Deus dicitur Sanctus Sanctorum, sed etiam ab Ecclesia proclamatur: *Tu solus Sanctus, &c.*

Quamvis contra Dei sanctitatem Hæreticos expresse & ex proposito obstruantes non habeamus, multi tamen recensentur, qui ea assueverunt, quæ omnino sanctitatem in Deo maculant, atque derubant. Deus profecto ita suis sanctitatis sue zelosus amans, ut quavis passus fuerit, multas perfectiones suas ab Æthnicis tribui falsis ipsorum Diis, ut Jovi potentiam, Palladi sapientiam, Veneri secunditatem, &c. nunquam tamen permisit, ut Numini alicui sanctitas pro peculiari carattere tribueretur. Hinc Seraphim continuo Deum laudantes encomiis suis, non tam illum extollunt, quia potens, quia sapiens, quia iustus, quam quia sanctus est. Unde inces-

fabili voce proclamant: *Sanctus, Sanctus, Sanctus*. Verum devenimus ad deliramenta, quæ contra Dei sanctitatem, in medium afferre perditæ fidei homines non erubuerunt; & ad illos designandos, qui illorum scribuntur auctores, & publicantur antesignani.

Martinus Becanus in Manuali Controversiarum lib. 3. c. 5. q. 6. tradit, Calvinum ita desipuisse, ut Deum faceret peccati auctorem. Ante Calvinum tamen hanc eandem blasphemiam tribuit Cerdonius, Marcionis, Priscillianistis, Albingensibus, & Florino. Alphonsus a Castro adversus Hæreses, verbo malum & malitia, asserit, Florinum, a quo sectatores ejus dicti sunt Floriani, dixisse, malum esse a Deo, & Deum facere mala. Hic Florinus Commodi Imperatore, & Eleutherio Pontifice, floruit; ipsumque sequutus est Blasius; & contra utrumque, ut refert Eusebius lib. 5. hist. eccl. c. 20., S. Irenæus calumniam invictè traxit. Suscitarunt deinde eundem errorem Seleuciani, & Hermiani, a Seleuco, & Hermia, auctoribus, sic appellati; qui dicebant, malum aliquando a Deo, aliquando a materia, provenire. Novissimis deinde temporibus hanc hæresim Calvinus iterum ab orco revocavit; dicens Deum nobiscum operari mala. Et ultra Calvinum, & Bezam, ejus discipulum, amplexi sunt quoque hanc insaniam Zuinglius, Lutherus, Melancthon, alique hujus furfuris homines, quibus & Libertini, novi hæretici, partim ex Lutheri, partim ex Calvini, fecibus orti, addendi sunt. Calvinus ergo ex Becano l. dicebat: Deum ab æterno non solum præscivisse, & permisisse, sed etiam efficaciter voluisse, ordinasse, prædestinasse, ut Adam peccaret, & totam posteritatem in ruinam secum pertraheret. Secundo, similiter ab æterno voluisse, ordinasse, prædestinasse, ut alia peccata fierent, quæ quotidie ab hominibus fiunt. Tertio, ut hoc decretum executioni mandetur, Deum, quotidie mandare, urgere, impellere Satanam, ut maleficia concipiat, & homines ad peccandum inducat. Quarto, neque his omnibus contentum esse, sed ipsum quoque Deum per se ipsum, oculata quadam vi incitare, movere, & necessitare, homines, ut peccent. Quinto, immo ipsum nobiscum peccata nostra operari, coque magis ipsum, quam nos, quod ipse sit principale agens, & operans, nos mera duntaxat instrumenta. Sexto, simpliciter proinde concedi oportere, Deum esse causam, & auctorem omnium peccatorum; omnia

fieri ipso volente, decernente, prædestinante, jubente, impellente, operante. Hæc ex Becano referimus.

Cardinalis vero Bellarminus tom. 4. Controv. lib. 2. c. 1. aliter rem describit. Principem erroris facit, quem hæreticorum omnium primum fuisse dicit; Simonem magum intelligit; de quo, ait, scripsisse Vincencium Lirinensem in Commonitorio. *Quis autem Simonem magum apostolica distinctione percensum, a quo vetus ille turpitudinum gurgis usque in notissimum Priscillianum continuus & oculenta successione manavit, auctorem malorum, id est seclerum, impietatum, flagitiorumque nostrorum, ausus est dicere creatorem, Deum?* Post Simonem enumerat Cerdonias, Marcionitas, Manichæos, Priscillianistas, Albingenses, qui variis seculis, & diversis locis, floruerunt; quos omnes, subdit, quanvis dicerent, Deum esse causam peccati, non eodem prorsus modo blasphemiam defendisse. Simon non docebat aperte, Deum esse causam peccati, quia volebat, imperabat, aut etiam efficiebat, mala; sed tantum, quia nobis dedit naturam, quæ non potest non peccare. Cerdo, Marcio, Manes, alique, quia duo principia, ut in præterita Dissertatione diximus, admitebant, in unum ex illis, quod alii Deum, malum, alii Diabolum appellabant, peccati etiam causam referebant. Florinum tamen, inquit, fuisse primum, qui aperte Deum, & bonum Deum, peccati fecerit auctorem. Fuit Florinus Montani discipulus, & per hoc novum & impium dogma voluit esse magister, & ex hæretico fieri hæresiarcha. De Seleucianis, & Hermianis, verum est quod Augustinus hæres. 50. scripsit, dixisse, malum aliquando esse a Deo, aliquando a materia; sed quia Augustinus non explicuit, an hæretici isti loquerentur de malo naturali, an vero de malo morali, quod proprie est peccatum, nihil certi potest de his hæreticis definiri.

Addit idem doctissimus Cardinalis, Florino, quem vocat Irenæus plusquam hæreticum, quia hanc blasphemiam primus evomit, Libertinos proximis temporibus successisse. Libertinorum Coriphæi fuerunt Coppinus, & Quintinus, sutores Flandri, contra quos libros scripsit Calvinus. Inter alia ipsorum impia dogmata hæc recenseret: *Quæcunque fieri videntur ab hominibus, sive bona, sive mala illa sint, omnia fieri, non ab hominibus, sed ab illo uno spiritu Dei, qui omnia in omnibus operatur. Peccatum nihil esse, præter inanem & falsam opinionem, cum Deus omnia faciat, qui nihil mali facere potest.* Non de.

debere reprehendi eos, qui occidunt, machantur, furantur; id enim esset Deum reprehendere; & similia. Et licet Calvinus detestetur Libertinos, attamen docet Bellarminus, ex Calvini libris Libertinos hæc deliramenta fuisse ut plurimum mutatos; quatenus eadem docuerunt Zuinglius, Beza, Bucerus, & Petrus martir. Et quia subdit eadem quoque docuisse Lutherum, Melancthonem, aliosque Lutheranos; hinc apte nos diximus nuper ex Calvini, & Lutheri fecibus Libertinos fuisse progenitos. Calvinus tamen firmus in suo errore perseveravit, Lutherus vero, & Melancthon, se retractarunt; unde multi Lutheranorum, præcipue Heshusius, & Castalio, Calvinum in hoc errore acriter impugnarunt.

*Hinc parum refert, an dicatur ab Heterodoxis istis, Deum esse causam peccati, an vero, Deum esse causam adulterii, furti, homicidii, sed non peccati, quia illa, ex eo, quod fiant a Deo, non sunt peccata. Si porro primo loco Libertini illudebant homines, ut illorum invidiam non subirent, in asserenda apertis verbis blasphemiam, quam præferebant quidem corde, & mente, sed non audebant ore proferre. Immo ipsemet Calvinus, modo contra Libertinos disputans, negat Deum esse causam peccati, modo suos edocens discipulos, asserit Deum nos ad peccandum movere; Zuinglius pariter uno in loco dicit, Deum non esse injustum, nec peccare ulla ratione posse; & postea in altero scribit, movere latronem ad occidendum, innocentem etiam, ac imparatum ad mortem, & tamen Deum non peccare. Beza tandem in aphorismo 22. in responsione ad Sebastianum Castalionem, de æterna Dei prædestinatione, inquit: *Sic auctem agit (Deus) per illa instrumenta, ut non tantum sine illa agere, nec tantum moderetur eventum, sed etiam exerceat, impellat, moveat, regat, atque adeo, quod omnium est maximum, etiam ercet, ut per illa agat quod constituit. Quia omnia,**

recte agit Deus, & sine ulla injustitia. Apertissimis tamen verbis loquutus est Zuinglius ser. de providentia c. 6. Quod Deus facit, non est peccatum, quia non est contra legem; illi enim non est lex posita, utpote iusto, nam iustis non ponitur lex, juxta Pauli sententiam. Unum igitur atque idem facinus, puta adulterium, aut homicidium, quantum Dei est auctoris, motoris, ac impulsoris, opus est, crimen non est; quantum autem hominis est, crimen, ac scelus est. Ille enim lege non tenetur, hic autem lege etiam damnatur.

*Verum aliis in locis, his etiam omisiss effugiis, Calvinus aperte asserit, non solum Deum esse peccati auctorem, sed vere, & proprie, peccare. Quum enim dicat, Deum esse causam peculiarem, tum moralem, tum physicam, peccati; intendere ne potest aliud, quam Deum vere, & proprie, peccare? Lib. 2. instit. c. 4. §. 2. inquit: *Omitto hic universalem Dei motionem, unde creantur omnes, ne suscitantur, ita efficientiam quidvis agendo ducunt. De illa speciali actione tantum loquor, qua in unoquoque facinore apparet: Idem ergo facinus Deo, Satana, homini, assignari, videmus non esse absurdum. Immo Bellarminus laudatus c. 6. ex doctrina Zuinglii, Calvini, Bezae, & similium colligit, non tantum Deum peccare; sed etiam, Deum solum vere peccare, non autem homines. Et ratio est, quia homines, quum per istos hæreticos ad peccandum cogantur, vere non peccant, quia non voluntarie agunt. Ut enim ait S. Augustinus lib. de vera religione c. 14. Ita manifestum est, peccatum non esse, quod non est voluntarium, ne nulla hinc Doctorum paucitas, nulla indolentium turba dissidat: Deus vero tantummodo peccat, quia libere agit, libere movet, impellit, cogit, homines, ut furentur, ut occidant, ut fornicentur, &c. Ergo vere ex sententia Zuinglii, Calvini, Bezae, & aliorum, colligitur, Deum solum, non homines, peccare.**



DISSERTATIO XXXII.

De Sanctitate Dei.



Primo probare oportet, Deum esse sanctum; deinde, Deum peccati non esse auctorem. Sicque in duas partes Dissertationem dividimus; in quarum prima asseremus argumenta, & testimonia, pro Dei sanctitate asserenda, & contraria ratiocinia solvemus; in secunda vero probabimus, Deum nec peccare in seipso, nec peccare in aliis, posse; & quæ hæretici nobis opponunt, confutabimus.

I. Probatur ex Scripturis Deum esse sanctum:

Psal. 137. 2. Magnificasti super omne nomen sanctum tuum. Levitici 11. 44. Sancti estote, quoniam ego sanctus sum. Et cap. 10. 16. Eritis mihi sancti, quia sanctus sum ego Dominus. Psal. 110. 9. sanctum, & terribile nomen ejus. ps. 3. & 4. Constituteur nomini tuo magno, quoniam terribile, & sanctum est. Exodi 15. 11. Quis similis tui in fortibus Domine, magnificus in sanctitate, terribilis, atque laudabilis? Lucæ 1. 49. Et sanctum nomen ejus. Joannis 17. 11. Pater sancte, serva eos. Actuum 4. 30. Per nomen sanctum filii tui. Apocalyp. 4. 8. Sanctus, Sanctus, Sanctus, Dominus omnipotens, qui erat, qui est, & qui venturus est.

II. Ex Scripturis Deum esse impeccabilem:

Habacuch. 1. 13. Mundi sunt oculi tui, ne videant malum, & respicere ad iniquitatem non poteris. Psal. 5. 6. Odisti omnes, qui operantur iniquitatem. Psal. 9. 15. Quæretur peccatum illius, & non invenietur. Proverb. 6. 16. Sex sunt, quæ odit Dominus, & septimum detestatur anima ejus, oculos sublimis, animam mendacem, &c.

III. Ex Conciliis: Concilium Vasanse I. c. 2.

& Vasanse II. c. 4. citantur a Cardinali de Lauræa in Epitome Canonum, verbo Sanctus ter replicatus. Sed nos perfrustrantes hæc Concilia apud Bail, & apud Battaglinum, invenimus apud primum: Concilium Vasanse, alias Vasionense, nomine II. re vero ipsa III. tempore Joannis Papa II., sub Consulatu Decii Januarii mense novembris anno 539. celebratum; & in ejus capitulo 4. legimus: *Ut in omnibus Missis, sive Matutinis, sive Quadragesimalibus, vel quæ in Defunctorum commemorationibus sunt, semper Sanctus, Sanctus, Sanctus, dicatur, &c.* Ex hoc Concilium citatur a Cardinali Bellar-

mino in lib. 2. de missa c. 16. In Concilio vero II. Vasanse, celebrato an. 442. & in I. habito an. 377. nihil tale invenitur apud Bail, nec apud Battaglini. Concilium ergo Vasanse, seu Vasionense, saltem III. prædicar, & exaltari in missa præcipit, ac colaudari, ter, ad instar Angelorum in cælo, Dei sanctitatem.

IV. Probatur ex Patribus: Ambrosio lib. 3.

de Spiritu Sancto c. 18. *Nihil enim pretiosius invenimus, quo Deum nominare possimus, nisi ut Sanctum appellemus. Quodlibet aliud inferius est Deo, inferius est Domino. Auctor libri de divinis nominibus, qui creditur S. Dionysius, c. 12. Quoniam omnium Actor, verum omnium plenissimus est, ex una experientia, quæ omnibus antecellit, Sanctus Sanctorum dicitur. Augustinus Soliloquiorum c. 13. Lux, a quo omnis lux, supra quam cæcitas non obumbrat, quam caligo non hebetat, quam tenebra non obscurat, quam nulla obstantia prædicat: Quæ verba de Dei sanctitate ab Auctoribus intelliguntur. Idem Augustinus lib. Meditationum, si ipsius genuinus est fœtus: Amans, nec astutus; zelans, & securus es; pariter se, & non dolens irascitur, & tranquillius es; opera mutat, sed non consilium; recipis quod non invenis, & nunquam amittis; nunquam inopis, & gaudes lucris; nunquam ævans, & usuras exigit; Deus es sine qualitate; & ideo vere, & summe bonus. Quæ bonitas, quum ex virtutibus inferatur, bonitas sane moralis est. Augustinus etiam lib. 1. contra Julianum c. 18. quia Deus non potest in se admittere defectum, arguit, Deum non posse habere peccatum; peccatum enim ex causa deficiente, non efficiente provenit. Nulla natura, in quantum natura est, malum est; sed quia deficit a natura, quæ summum, & incommutabile bonum est. Gregorius Nisæus Carech. c. 1. Cum autem omnia possit Verbi libera voluntas, ea nullam ad malum, propensionem habet; quæ verba manifestissime Dei impeccabilitatem important. S. Bernardus hom. 4. Super Missus est, dicens, merito quidem Gabrielem dixisse Mariæ, quod ex te nascetur Sanctum; quia, non habuit, quo nomine Divinitatem Christi melius exprimeret. Idem de gratia Dei ser. 3. Nemo sanctus, nemo bonus, nemo justus, nisi solus Deus.*

V. Rationibus probatur. I. Lex æterna oritur ex ipsa divina essentia: ergo sanctitas oritur pariter ex ipsa divina essentia: ergo Deus non potest non esse sanctus. Antecedens negari non potest; essentia enim Dei sicut est origo omnis perfectionis naturalis, ita est etiam omnis perfectionis moralis. Prima consequentia sequitur; Constat enim sanctitas in ipsa summa conjunctione Dei cum se ipso, non solum per naturam, sed etiam per amorem; quo fit, ut Deus idcirco dicatur Sanctus, quia amat se ipsum plusquam alia, & quia alia amat in se ipso, propter se ipsum, & per se ipsum. II. Sanctitas creata eo elucet magis, quia omnes suos motus, & affectus ad Deum, tanquam ad rerum omnium finem, dirigit; atqui Deus omnia propter se ipsum operatur; Isaiæ enim 48. *11. Propter me, propter me faciam, ut non blasphemet: gloriam meam alteri non dabo... Ego ipse, ego primus, & ego novissimus: Et Proverb. 16. 4. Univerſa propter se ipsum operatus est Dominus: Ergo vere Deus est Sanctus Sanctorum.* III. Deus est impeccabilis: ergo est sanctus. Consequentia sequitur; quia ex libro de Divinis nominibus sub nomine S. Dionysii c. 12. *Sanctitas est omni seclere libera, & omnino perfecta, omnique ex parte immaculata puritas, Antecedens probatur. Nequit Deus amare malum sub ratione mali, & nequit Deus cognoscere malum sub ratione boni: ergo necessario malum quodvis sub ratione mali cognoscit, & sub ratione mali odio habet; quod est impeccabile esse.* IV. Esse peccabilem est posse a recta ratione desistere; sed ipsemet Deus est recta ratio: ergo si Deus posset a recta ratione desistere, posset a se ipso desciscere; hoc autem est impossibile: ergo illud. Cæterum ex divina impeccabilitate, tanquam a posteriori, probatur Dei sanctitas; ex sanctitate vero, tanquam a priori, probatur Dei impeccabilitas.

Opponunt I. Sanctitas est formaliter in Deo; sed sanctitas consistit in virtutum omnium confluxu: ergo virtutes omnes debent esse in Deo; atqui ex dictis virtutes omnes formaliter in Deo non sunt: ergo neque adæquata sanctitas, seu omnis sanctitas, in Deo formaliter est. II. Deus Exod. 12. 2. voluit, ut Hebræi expoliarent Ægyptios; sed hoc est contra sanctitatem: ergo Deus non est sanctus. Probatur minor. Fraus, & rapina, sunt contra sanctitatem; sed expoliare alterum est fraus, & rapina: ergo expoliare alterum est contra sanctitatem. III. Deus excæcat mentes hominum, ut pec-

cent; sed hoc est velle peccatum: ergo Deus vult peccatum; atqui velle peccatum est incompatible cum sanctitate: ergo si Deus vult peccatum, non est sanctus. Probatur major ex 2. Corinth. 4. *Deus huius seculi excæcavit mentes infidelium:* ergo vere Deus excæcat mentes hominum, ut peccent.

IV. Fornicatio destruit sanctitatem; sed Deus præcipit fornicationem: ergo non est sanctus. Probatur minor: Olee 1. 2. *Vade, sume tibi uxorem fornicationum, & fac tibi filios fornicationum.* V. Qui dat proximam occasionem peccandi proximo suo, non est sanctus; sed Deus dedit proximam occasionem peccandi filiis Israeli. VI. Deus modo eligit, modo reprobat, eundem hominem, hoc est Saulem: ergo, vel eligit, quando debet reprobare; vel reprobat, quando debet eligere; utrumque est contra sanctitatem: ergo Deus non est sanctus.

Respondemus ad I. In Deo non minus sunt virtutes, quæ sunt perfectiones morales, quam sint quoque naturales perfectiones; & tam istæ, quam illæ, invicem miro ordine conveniunt, & in Deo ineffabili perfectione coherent, & identificantur: Unde illa sanctitas in Deo est, seu illæ virtutes in Deo reperiuntur, quæ naturalem imperfectionem non includunt; & hæc sunt quidem virtutes, quæ vere sunt propriæ Dei; atque hæc in Deo sunt formaliter, & in his formalis sanctitas consistit. Aliæ autem satis est, ut in Deo sint virtualiter, vel eminenter, quanvis non sint formaliter; & per hoc nihil divinæ sanctitati, quam Deus formaliter habet, obstat jure merito possunt.

Ad II. Distinguitur major; Voluit Deus, ut Hebræi expoliarent Ægyptios, & in hoc præcepit actum illum, ut fraudem, negatur; præcepit actum illum, ut iustitiam, conceditur; negatur minor, & consequentia. Ægyptii erant debitores Hebræis, quia eis non solverant suorum laborum mercedem; & Deus fecit, ut illa expoliatio solveret. Ægyptii abutebantur auro, & argento, fabricando idola, &que colendo; & Deus illa expoliatio castigavit eos, ab illis auferendo, quod ipsis erat occasio idolatriæ. Ægyptii demum debebant Hebræis civitates, & villas, eorum manibus ædificatas; quid igitur mirum, si pro illis,

vafa aurea, & argentea, reddita sunt? Sic ait Tertullianus lib. 2. aduersus Marcionem: *Reposcant Aegyptii Hebraeis vasa aurea, & argentea, contra Hebraei mutinas petitiones insistant, allegantes sibi quoque eorundem Patrum nomine ex eodem Scriptura instrumento mercedes repositi oportere illius operaria seruitutis per lateritius deductis, pro civitatibus, & villis edificatis.*

Ad III. Verba illa Apostoli duplici modo explicantur ab Irenæo, & ab Augustino; neuter tamen illorum Opponentii faveret. Irenæus lib. 3. adv. hæres. c. 7. verba sic legit, & explicat: *Dns excacavit mentes infidelium huius sæculi; sicque explicatio est per transpositionem.* Augustinus lib. 21. contra Faustum c. 9. per Deum huius sæculi intelligit Diabolum: *Ubi etiam si quis Diabolum intellexerit excacare mentes infidelium, non negamus malos susceptionibus, quibus qui consentiunt, iustitia lumen amittunt, Deo ceteribuscute, quod iustum est.* Cæterum, etsi concedatur, quod Deus excæcet, non tamen id facit positive, sed permissive, & in poenam peccati; ut docet etiam Augustinus cit. loc. c. 2. *Potest etiam talis operatio, qua excacantur mentes infidelium, secundum quandam modum pertinere ad verum Deum, quod non facit malitia, sed iustitia.*

Ad IV. Deus non præcepit Osee, ut duceret sibi uxorem fornicationum, & fornicaretur cum illa; sed tantum, ut assumereet uxorem mulierem, quæ fuerat fornicationum, ut eam ad meliorem vitæ statum reduceret; & in hoc præfigurari voluit vocationem Gentilium faciendam per Christum. Ita habet Augustinus libro 22. contra Faustum c. 31. *Quid enim aduersum clementia veritatis, quid inimicum fidei christiana, si meretricis, relicta fornicatione, in castum conjugium commutetur? Et quid tam incongruum, & alienum a fide Prophetæ, quam si non crederet, omnia peccata impudica dimissa esse in melius commutata? Itaque cum meretricem Prophetæ fecit uxorem, & ad vitam corrigendam mulieri consultum est, & figura sacramentum, de quo mox loquimur, expressum.*

Ad V. Non iussit Deus serpentem æreum, elevati, ut adoraceretur a filiis Israel; sed, ut esset remedium ægrotorum, & hoc, tanquam per fidem in Christum, qui in serpente figurabatur. Ita respondet Tertullianus lib. 2. contra Marcionem: *Non adorabatur ea, neque servietis illi. Serpentes autem anei effigies postea præcepta Moysi a Domino, non ad idololatria titulum pertinebat, sed ad redimendum eos, qui a serpentibus infestabantur.*

Ad VI. Deus eligit, quando vult eligere, & reprobat, quando homo reprobationi se facit obnoxium. Nec in Deo est mutatio ulla, quia semper sua voluntas est constans, & immutabilis, ut approbet, qui facit bonum, & reprobet, qui operatur iniquitatem; quanvis unus, & idem homo ille sit, quia tamen non in eodem statu permanet, ideo ipse mutatur, & modo approbationi, modo reprobationi subjacet. Verba sunt etiam Teetulliani citato loco: *Si vero etiam circa personas, levem vultis intelligi, cum reprobat aliquando probatos, aut improvidum, dum probat quandoque reprobandos, quasi iudicia sua damnet præterita, aut ignoret futura: at qui nihil tam bono & Iudici convenit, quam pro præsentibus meritis, & rejicere, & ad legere.* Ad legitur Saul, sed nondum despector Prophetæ Samuelis: rejicitur Salomon, sed iam a mulieribus alienigenis possessus, & idolis Moabitaram, & Sidosiorum, mancipatus.

Ad alteram modo Dissertationis partem devenientes, Deum nec peccare, nec auctorem esse peccati, probamus I. ex Scripturis. Osee 13. 9. *Perditio tua Israel, tantum modo in me auxilium tuum.* Atqui si Deus esset auctor peccatorum nostrorum, esset etiam auctor peccationis nostræ; ergo non est auctor peccatorum nostrorum. Sapientie 11. 15. *Nihil edisti eorum, qua fecisti:* Atqui Deus dicit Psalm. 118. 163. *Iniquitatem edia habui, & abominatus sum:* ergo Deus non est auctor iniquitatis. Eccles. 15. 21. *nemini mandavit impii agere;* & Jacobi 1. 13. *Dens enim intentator malorum est;* atqui ex Augustino lib. 2. de consensu Evangelistarum c. 3. duplex est genus tentationis, unum ad probandum, alterum ad seducendum; de priori dicitur Genesis 22. 1. *Tentavit Deus Abraham;* de posteriori dicitur Jacobi 1. 13. *Ipse autem neminem tentat:* ego ex Augustino Deus neminem tentat ad seducendum, id est neminem excitat, movet, & ad peccandum impellit. Habac. 1. 13. *Mundi sunt oculi tui, ut videant malum, & respicere ad iniquitatem non poteris.* Ad Romanos 3. 5. *Nunquid iniquus est Deus? Absit, alioquin quomodo iudicabit Deus hunc mundum?* Ad Romanos 9. 14. *Nunquid iniquitas apud Deum? Absit.* 1. Joannis 3. 5. *Peccatum in eo non est.*

II. Ex Conciliis. Africanum II. c. 35. *Aliquos ad malum divina potestate prædestinatos esse, non solum non credimus, sed etiam si sint, qui tantum malum credere velint, cum omni detestatione illis anathema dicimus.* Valentinus, Lothario Imperatore in Galliis celebratum

bratum c. 3. iisdem verbis loquitur, ac Arsuficanum. Bracharense l. c. 7. *Diaboli prius fuerunt Angeli boni facti a Deo, & de se facti sunt mali: ergo pariter homines. Lateranense IV. c. Diaboli suggestione peccavit homo: ergo non Dei impulsu. Moguntinum IV. c. 2. Peccatum actuale non est, nisi voluntarium: ergo quod necessitante Deo committitur, nobis non est peccatum. Tridentinum sess. 6. de justificatione can. 6. Si quis dixerit, non esse in potestate hominis vias suas malas facere, sed mala opera, itans bona, Deum operari, non permittit solum, sed etiam preceptum, & per se, adeo sit proprium eius opus, non minus perditio Juda, quam vocatio Pauli, anathema sit.*

III. Probatur ex Patribus; Irenæo, qui contra hanc hæresim Florini integrum opus scripsit, ut dictum est; Basilio, qui integram homiliam composuit, cui titulum præfecit, quod Deus non est auctor malorum; Augustino, qui tres libros edidit de libero arbitrio, ea de causa, ut Deum peccati auctorem non esse ostenderet. Præter hos autem sunt Chrysostomus hom. 23. in Acta Apostolorum: *Nellus dicat, Deus nobis auctor malorum est.* Prosper in responsione ad Capitula Gallorum c. 14. *Bonarum Deus auctor est, non malorum.* Gregorius lib. 29. moralium c. 11. *Deus auctor est naturæ, non culpæ.* Origenes lib. 4. contra Celsum post medium: *Post hæc pergit Celsus, naturam malorum cognoscere difficile est non philosophantibus, & satis est vulgus doceri, mala non esse a Deo, sed materiam versari circa mala.* Clemens Alexandrinus lib. 1. Stromatum circa medium: *Qui non prohibuit liberam animæ electionem, iuste iudicat, ut vel maxime quidem Deus nobis non sit causa vitii.* Nazianzenus or. 1. in Julianum ante medium: *Qui quibus consiliis non ille quidem ad malum excitatus est (Deus enim nullo modo causa est mali, quippe natura bonus, vitiumque eius est, qui eligit) band tamen ab impetu suo, animique proposito repressus, est.*

IV. Probatur ex Philosophis Gentilibus. Mercurius Trismegistus, vel qui alius latitat sub Auctore Primandrii c. ultimo, in quo legitur: *A Deo factore nihil turpe, nihil malum prædire.* Plato Dialog. 2. de Republica: *Bonarum quidem solus Deus causa est dicendus, malorum autem quamlibet aliam præter Deum, causam querere decet.* Ex infra: *Malorum aliam causam esse Deum, cum bonus sit, refellendum est omnino, nec permittendum hoc quæquam dicere in sua civitate, si bonis iustis legibus civitas debet. Nec insuper quæquam audire, siue sit ille iunior, siue senior,*

siue carminibus hæc inferantur, siue soluta oratione narrentur, tanquam qua neque diem sancta sint, neque aliis milita, nec inter se consona. Maximus Tyrius serm. 25. *Ejus nomen est improbitas, eamque ab eligendis arbitrio nanciscitur, Deo semper extra omnem causam constituto.*

V. Rationibus. I. Peccatum formaliter consistit in privatione bonitatis moralis, & in defectu a recta ratione: ergo non potest esse, nisi a causa deficiente; atqui Deus nequit in agendo deficere; ergo Deus nequit peccare. Si vero Calvinus dicat, peccatum formaliter consistere in entitate positiva, incidit in errorem Manichæorum, admittentium summum, & absolute malum positivum. II. Deus punit peccata hominum: ergo non est ipse auctor peccatorum. Probatur consequentia. Si Deus esset auctor peccatorum, deberet punire se ipsum; hoc facere nequit: ergo si Deus punit peccata, non est auctor peccatorum. Probatur maior. Si Deus esset auctor peccatorum magis peccaret ipse, quam homines peccantes: ergo deberet punire se ipsum. Probatur antecedens. Esset causa principalis peccatorum: ergo magis peccaret ipse, quam homines peccantes. III. Non est peccatum, nisi voluntarium: ergo si Deus esset auctor peccatorum, peccata, quæ nos facimus, & ad quæ per Calvinum a Deo impellimur, Deo essent peccata, & non nobis. Probatur consequentia. Deo essent libera, nobis autem necessaria: ergo Deo essent peccata, & non nobis. Probatur antecedens. Deus posset nos non impellere, ad peccandum, nos vero non possemus a Deo impulsu non peccare: ergo Deo essent libera, nobis autem necessaria. IV. Si Deus mandaret Diabolo, ut ad peccandum induceret hominem, & homini præciperet, ut non peccaret, mandata eius essent contraria; hoc non est dicendum: ergo nec dici debet illud, ex quo sequitur. Immo, quod magis est, præceptum de non peccando non habet effectum, præceptum vero de peccato habere; unde Deus esset promissor ad mala, quam ad bona, & plus deberet malis Angelis, quam bonis, quia illi frequentius exequerebantur eius mandata, inducendo homines ad peccandum, quam illi inducendo eosdem ad operandum bonum. V. quia, ut ait P. Magnanus cap. 16. prop. 8. n. 2., & Bellarminus contra Calvinum t. 4. lib. 2. de missa c. 6., magis etiam peccaret Deus, quam homines; Deus enim duplici titulo peccaret; primo, quia per se formaliter grave ageret incitando in rem-

tur.

turpem, & sic prophetiam haberet ipse turpitudinem sui operis; secundo, quia esset particeps alienæ inhonestatis, immo plusquam particeps, quia esset causa moralis, & auctor ejus principaliter. VI. ratione S. Anselmi in lib. de libero arbitrio c. 8. Homo tunc iuste vult, quando vult, quod vult Deus; tunc iniuste vult, quando vult, quod non vult Deus: ergo si Deus vult, quod homo peccet, vult, quod homo velit id, quod non vult, ut velit; sed in hoc est manifesta contradictio: ergo vere Deus non vult, quod homo peccet. VII. ratione S. Fulgentii lib. r. ad Monimum c. 21. 22. 23. In omni opere Dei, aut eminet iustitia, aut misericordia; sed quod Deus faciat hominem ex iniusto iustum, ostenditur misericordia: ergo in eo, quod faciat ex iusto iniustum debet ostendi, aut misericordia, aut iustitia; neutra ex his: ergo vere non facit. Major patet ex psal. 24. *omnes viæ ejus misericordia, & veritas*; aliarum propositionum negari non possunt. VIII. ratione S. Augustini lib. 83. questionum quest. 3. Homo est deterioris conditionis, si hoc modo fit a Deo, quam si ab alio quocunque sapiente fieret; sed hoc non est dicendum: ergo nec dicendum est, ut hoc modo a Deo fiat. Probat major. A quocunque alio homo fieret, non fieret cum necessitate ad malum operandum: ergo modo est deterioris conditionis, si hoc modo est a Deo factus. Minor patet; quia quodlibet aliud agens non esset sapientius Deo, nec Deo aphantius operis sui. Antecedens est etiam manifestum; quia quodcunque agens non ordinat opus suum ad malum, sed ad bonum: ergo a quocunque humo fieret, non fieret cum necessitate ad malum operandum.

Obstant I. ex Apostolo ad Romanos 9. 21. Deus fecit vasa in contumeliam; aliud vero vas in contumeliam: ergo mala hujusmodi hominum, qui per hæc vasa intelliguntur, sunt a Deo; a Deo enim in contumeliam sunt: ergo ipsorum peccata, propter quæ sunt in contumeliam, sunt a Deo. II. Exodi 4. 21. *Ego indurabo cor Pharaonis*: ergo obliuio Pharaonis erat a Deo: ergo Deus erat causa moralis illius. III. Isaïæ 45. 6. *Ego Dominus, & non est alter; formans lucem, & creans tenebras; faciens pacem, & creans malum: Ego Dominus faciens omnia hæc*: ergo Deus est mali auctor. IV. Ideo operando peccata Deus non esset malus, homo vero sic, quia Deo non est posita lex, homini autem sic; unde in eodem opere homo transgreditur legem, & operatur malum, Deus non transgreditur legem, &

non operatur malum: ergo quanvis Deus operetur peccatum, non per hoc erit malus. V. Deus concurrit ad materiale peccati: ergo est auctor peccati. Probat consequentia. Est enim inseparabile formale peccati a suo materiali: ergo si Deus concurrit ad materiale, concurrit etiam ad formale: ergo est auctor peccati. VI. Quando Deus creavit primum hominem, vel ipsum creavit, ut staret, vel ut caderet, vel in finem incertum. Non hoc ultimum, quia indignum scientia Dei; non primum, quia non stetit: ergo secundum.

Respondemus ad I. Facere in prænotato loco idem importare, ac permittere; Deus enim facit omnia, quantum ad eorum substantiam; quantum vero ad bonitatem, & malitiam, vario modo se habet. Bonitatem facit Deus cum libero illorum arbitrio, quod simul cum Deo operatur: Malitiam autem Deus non operatur, sed solum illorum liberum arbitrium. Deus igitur fecit vasa in contumeliam, non quod ipse fecerit contumeliosum, sed quia postquam Deus fecit vasa, idest homines, quantum ad eorum substantiam, homines ipsi, Deo permitte, lapsi sunt in ignominiam.

Ad II. dicitur, tunc Deum indurare cor Peccatorum, quando illos præ magnitudine suæ bonitatis tolerat, non eos statim puniens, sed expectans ad penitentiam. Peccatores autem, quia hujusmodi bonitate abutuntur, quotidie peiores fiunt, & obduranter. Sic ait Alphonfus a Castro laudato loco. Vel dicitur, quod indurare idem est, ac permittere indurari; ut idem subdit. Vel dicitur, quod indurare est non exhibere speciale auxilium, ad quod Deus non tenetur.

Ad III. Isaïas loquitur de malo pœnæ, non vero de malo culpæ; & malum pœnæ quod faciat Deus, quis inficias ibit? Immo, quia Deus infligit malum pœnæ, argumentum est, quod nec faciat, nec facere faciat, malum culpæ.

Ad IV. quod est effugium Zuinglii, responderet ipsemet Calvinus lib. 3. instit. cap. 23. §. 2., quod quanvis Deo non sit lex posita ab aliquo Superiore, quoniam neminem supra se habet; ipsa tamen bonitas, & natura Dei Deo lex est; unde, si possibile esset, quod ipse operaretur contra suam bonitatem, & naturam, contra legem etiam operaretur.

Ad V. dicitur, Deum non incurare ad materiale peccati, ut aliquorum Calvinianorum effugium est, sed concurrere tantum generali concursu, quatenus materiale peccati est entitas positiva, & Deus ad cujus-

vis entitatis positivæ productionem cōcurrit, & quia entitas positiva nequit, nisi Deo concurrente, produci. Formale autem peccari est defectio, ad quam sola creatura, quæ defectibilis est ex sui natura, sufficit.

Ad VI. Deus utique creavit hominem in finem certum, & bonum; scilicet, ut in eo ostenderet gloriam misericordiæ, & iustitiæ suæ. Prævidit autem Deus, hominem peccaturum, quanvis cum non decreverit, nec voluerit, peccaturum; & prævidit etiam, peccaturum ex se ipso. Sed eodem

tempore, seu instanti rationis, quo prævidit, hominem, quia liber erat creandus, peccaturum ex se ipso, prævidit quoque remedium, quo, ad ostensionem iustitiæ, & misericordiæ divinæ, homo lapsus erigeretur. Sicque finis Dei in creatione primi hominis non fuit lapsus ipsius; sed fuit manifestatio gloriæ, misericordiæ, & iustitiæ suæ, quæ, & in lapsu, & in reparatione, hominis, & etiam in firmitate ipsius, si fuisset, ostendendæ erant ad maiorem gloriam suam.

DISSERTATIO XXXIII.

De Commentis contra Dei Veracitatem, & de Sectantibus illa.



VERITAS a Philosophis tribus intelligitur modis, quos dicunt, terminis in schola propriis, in essendo, in cognoscendo, & in dicendo. Veritas in essendo est proprietates

entis, secundum quam res habet esse fixum, verum, & reale. Veritas in cognoscendo est conformitas cognitionis cum objecto, quam formalem quoque veritatem appellant. Veritas in dicendo, quæ potius dici debet veracitas, est conformitas dictionis cum cognitione. Deum esse verum in essendo concedent ultro illi omnes, qui divinum esse verum, reale, indefectibile, fatentur. Esse verum in cognoscendo admittunt quotquot divinam scientiam, utpote infinitam, objectis esse conformem, eaque, ut sunt in se ipsis cognoscere, non negant. Esse tandem verum, seu veracem, in dicendo, illi tantum inficias ibunt, qui Deum mentiri posse, asserere non verentur. Mentiri autem nil aliud est, quam dicere aliquid scienter aliter, ac sentimus. Ita Augustinus in Enchiridio c. 18., qui ibidem docet, non esse idem mentiri, & falsum dicere: Potest siquidem aliquis dicere falsum absque mendacio, quia nimirum existimat id verum esse, quod dicit, quanvis re vera non sit. Atque ideo, quum non loquatur præter mentem, non mentitur; mentiri enim est contra mentem ire. Contra vero potest aliquis dicere verum, & mentiri; quia videlicet id, quod ipse profert, verum quidem est, ipse tamen existimabat, esse falsum, atque adeo scienter dixit aliter, ac sentiebat. Unde duplex

P.A.R. I.

in verbis distingui potest falsitas, formalis scilicet, & materialis. Falsitas materialis est, quando quis, putans esse verum, quod dicit, decipitur, & decipit; quæ ratione non committitur quidem mendacium, sed forte levitas, & aliquando temeritas in dicendo, quæ aliqualem mendacii notam, & malitiam involvit. Falsitas vero formalis est, quando quis cognoscens falsum esse, quod dicit, illud affirmat, & pro vero venditat; aut cognoscens, esse verum, illud negat; in quo consistit formaliter rati- & malitia mendacii. Non loquimur hic, nec de veritate in essendo, nec de veritate in cognoscendo; at tantum de veritate, seu de veracitate, in dicendo. Pariter, nec verbum facimus de falsitate materiali, quæ defectum scientiæ importat, sed solum de falsitate formali, quæ est proprietas mentis. Denique potest quis mentiri, & per se ipsum, & per alium. Per se ipsum, quando loquitur scienter aliter, ac in mente habet per se ipsum: Per alium, vel illi præcipiendo, ut mentiatur, vel ad id stimulando, & incitando, vel alio quocunque modo.

Deum esse mendacem, non hæresis fuit, sed blasphemia quorundam, qui, vel Deum non assequi mente, vel de Deo obloqui lingua, impio tamen semper animo, affectabant. Primo dicuntur Armeni, ut illis impingit Guido lib. de hæresibus. Armeni isti anno 455., sub Leone magno, florebant; sic dicti, quia in Armenia orti; de quibus ait Richardus Aradekin, quod cum Græci visi sunt respicere in Concilio Florentino, sed postea in errores suos iterum re-

T

lapsi

lappi sunt : At crudus homo fallitur, quia non fuerunt isti Armeni, sed alii, hæretici erism, qui cum Græcis in Florentino Concilio conveniunt, & errores suos detestati sunt. Diversis namque temporibus Armeni dicti sunt hæretici, quanvis non eodem errore a veritatis semita deflexerint; quia tamen ejusdem nationis titulo nominabantur, omnes igitur dicti sunt absque discrimine Armeni. Fuerunt primo Armeni seculo quinto, qui dicuntur esse iidem, ac Jacobitæ, quorum princeps fuit Jacob quidam, Syrus natione, qui Euthychetis, & Dioscori, & Gnaphæi, Petri præterea, & Severi, dogmata apud Syros, & Armenos, magno studio propagavit. De his scribit Nicephorus lib. 18. c. 52. *Jacobus autem Armeniarum quoque sectæ dux fuit. Ea sane hæresis multiplex est, & ut quispiam dicat, hæresum omnium confluentem scintilla. Nam cum Arrii aberrant in eo, quod Deum Verbum naturam mutationi obnoxiam habentem, carnem animæ carentem assumpsisse dicunt. Cum Apollinari autem, quod corpus Domini mentem non habere, eique divinam naturam sufficere, mentisque vim operatricem perficere, dicunt, atque hæreticis multis laudatis, depravatas ipsorum opiniones sibi ipsi arrogant. Magistri bonum illi, quos diximus, fuisse post Jacobum, & Eusebium, & Manducinos. Quibus addit Dominicus Berchini sec. 6. c. 7., quod Jacobitarum hæresis ab aliis Auctoribus hæresis Armenorum fuit dicta. Seculo postmodum septimo alii fuerunt Armeni, Manichæorum hæresim sectantes, cuius caput erat Paulus quidam, a quo dicti sunt Pauliciani. Hoc eodem tempore a Saracenis Armenia subacta, Armeni etiam Saracenorum errores amplexi sunt; contra quos multos canones Synodus Quinisexta, condidit, quos tamen Romana Ecclesia non confirmavit. Tertio deinde, seculo nono, alii fuerunt Armeni Hæretici, de quibus S. Nicæ apud Baronium ad annum 863. nu. 44. in fin., hæc scribit: *Quia ab Armenis præter rationem sunt, & creduntur, hæc sunt: Dicunt divinam naturam esse passibilem, & in Apollinodocitarum hæresim indultis, Trinitatem pati dicunt. Hoc autem, etsi non audent aperte dicere, ita tamen, qua faciunt, hoc declarant. Alios subdit errores, apud Baronium citato loco videndos. Es Armeni isti fuerunt a Nicolao I. Romano Pontifice in duplici Synodo dampnati. Ex his quidem Armenis, ultimo loco notatis, descendebant illi, qui Florentino Concilio interfuerunt; ut temporum ratione ostendit Santagarde, in sua hæresum, & hære-**

ricorum, historia, gallico idiomate scripta, ad seculum decimum, in Armenorum hæresi.

Movebantur Armeni ad dicendum, Deum esse mendacem, ut testatur Guido præfatus, quia Deus dixerat Cain, eum a nullo hominum occidendum; & tamen, ut ipsi dicebant, Cain se ipsum occidit. Igitur Deus mendax est, quia falsum Cain dixit, quod quidem scienter dixit, quia jam falsum esse præcognoscebat. At Alphonsus a Castro credere vix poreit, etsi Guido testetur, in tam gravem errorem lapsos fuisse Armenos, ut Deum mendacem dicerent; præcipue, ut ipse ait, cum Armeni, etsi hæretici sint, Scripturas tamen sacras non rejiciant. Si ergo Scripturas sacras recipiunt, quomodo possunt dicere, Deum esse mendacem, cum ipsa Scriptura toties Deum prædicent veratissimum? Et re vera inter triplicis generis Armenorum hæresis, quas paulo ante indicavimus, illam, de qua loquimur, non invenimus. Et si qui sunt, qui eam Armenis tribuant, ut sunt præfatus Ardekin, alique, omnes tamen ex prædicti Guidonis relatione loquimur.

Secundo loco ponuntur Priscillianistæ, sic dicti a Priscilliano, Episcopo Abulensi in Hispania, qui Deum auctorem esse mendacii, & falsitatis, assererat; ut inde concluderet, licitum esse non solum mentiri, sed etiam mendacium juramento firmare, ut secretum nemini reveletur. Unde illis istud vulgare erat: *Jura, perjura, secretum prodere noli.* Erroris hujus occasione permotus S. Augustinus scripsit librum contra mendacium; ut ipsemet Augustinus fateatur in eodem libro, & in libro retractationum c. 60. Contra Priscillianum, & Priscillianistas, eorundemque errores, scripserunt Augustinus lib. de hæresibus hæres. 70., Orosius in commentario ad S. Augustinum, S. Leo Papa epist. 93. ad Turibium, S. Hieronymus in cap. 40. Danielis, & in epist. ad Cresiphontem contra Pelagianos, in qua vocat Priscillianum Partem Manducati; & Partem Augustinæ hæreses, de Basilidis impietate venientem, asserit habere; & totius orbis austeritate damnatum dicit; quicquid scribat Dupinus, asserens, S. Hieronymum laudasse, immo & ab impostoribus vindicasse, Priscillianum, quia varius erat, laudando modo, modo autem accusando, eundem hominem, quem describebat; quod nefas est de tam sancto, ac maximo Ecclesiæ Doctore cogitare.

Præter hos Hæreticos, ex Catholicis fuerunt aliqui Theologi de schola, qui quanvis con-

concederent, Deum de potentia ordinaria nulla ratione mentiri posse, nec falsum dicere, attamen de potentia absoluta, sive per se, sive per alios, id prestare posse existimaverunt. Ita Gabriel in 3. dist. 12. q. 1. Petrus de Alliaco in 1. q. 12., & Holcot in 2. dist. 5. Nolunt tamen dicere, in hoc casu esse in Deo mendacium, sed falsitatem tantum; quia mendacium significat falsum dictum cum aliqua deordinatione, & mahria morali, quæ in Deo non potest habere locum. Quæ quidem inepta exco- gitatio quanti habenda sit, ex Augustino patet, qui in Enchiridio c. 18. hæc scribit: *Melior est, qui uesciens falsum dicit, quoniam id verum putat, quam qui mentendi animum sciens gerit, nesciens verum esse, quod dicit. Ille namque aliud non habet in animo, aliud in verbo; huic vero quaecumque per se ipsum sit, quod ab eo dicitur, aliud tamen clausum in pectore, aliud in lingua promptum est, quod malum proprium est mentientis.*

Ex occasione potest hic pariter quæri; An licitum sit aliquando mentiri, vel equivo- ce loqui? Et pro hoc Alphonsus a Castro verb. *mendacium*, unam tantum hæresim, ac reperisse testatur, qua dicebatur, lici- tum esse mentiri pro vita hominis salvan- da, aut pro magno beneficio hominibus impendendo. Subjungit deinde: *Nec solum hoc, sed etiam humilitatis causa, ut videlicet virtutes suas mendacia contegat.* Hunc erro- rem docuisse, ait, Joannem Cassianum, sub nomine Abbatis Josephi. Nam Collat. 17. a cap. 15. usque ad cap. 20. primam hujus erroris partem pertractat, & aliquibus Scri- pturæ sacræ auctoritatibus, perperam ra- men intellectus, illam persuadere nititur: A cap. vero 21. usque ad 25. ejusdem Col- lationis secundam hujus erroris partem, pertinacissime tuetur. Sic de Cassiano Al- phonsus a Castro. Verum Priscillianista- rum quoque hæresis fuit, mendacium quod- vis, absque distinctione, licitum asserens, immo & perjurium quoque permittebat. Quod asserit præ alius Naralis ab Alexan- dro in sec. 4. c. 4. ar. 17. verbis hæc: *De- rimo quarto, licitum esse mendacium Priscillia-*

nus asseruit, etiam perjurio junctum. Verum asserit Petavius tom. 1. theolog. dogm. lib. 10. cap. 26., quod ante hos omnes Orige- nes pro mendacio scripserit. *Hujusmodi est illic (Augustini) de mendacio etiam officio- so, immo utili, ac prope necessario, judicium; quod inter venia digna peccata levissimum vi- detur: ac nonnullis etiam licitum, & laudabi- le est habitum, si ad impendentis gravissimi mali, ac peccati, remedium adhibetur, uti Cassiano Coll. 17. c. 8., & ante hunc Origeni in epist. ad Galatas, aliisque pluribus, quos recenset Hentius Cuyckius in consensu notis ad Cassianum.*

Tandem Casuistarum quorundam opinio erat, non mendacium, sed equivocationem, amphibologiam, seu mentalem restrictionem, ut dicunt, aliquando permit- tens; quam quidem opinionem Venerabilis Servus Dei, Innocentius XI. Romanus Pontifex, non tam dignitate, quam vita, sanctissimus, die 2. martii anni 1679. qua- tuor hæc propositionibus comprehensam, proseripxit, atque damnavit. Prima propo- sitio, quæ in ordine est 25. *Cum causa licitum est jurare, sine animo jurandi, sive res sit levis, sive gravis.* Secunda propositio in ordine 26. est: *Si quis, vel solus, vel coram aliis, sive interrogatus, sive propria spon- te, sive recreationis causa, sive quocumque alio sine, jurat, se non fecisse aliquid, quod re vera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, re- vera non mentitur, nec est perjurus.* Tertia propositio in ordine 27. *Causa justa mendi- bis amphibologiis est, quoties id necessarium, vel utile, est ad salutem corporis, honorem, res familiares tuendas, vel ad quolibet alium virtutis altum, itant veritatis occultatio cen- seatur tunc expediens, & studiosa.* Quarta propositio in ordine 28. *Qui mediante commendatione, vel munere, ad magistratum, vel officium publicum, promotus est, poterit cum restrictione mentali prestare juramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.*



DISSERTATIO XXXIV.

De Dei Veracitate.

DEI Veracitatem, tam de ordinaria potentia contra Heterodoxos, quam de absoluta contra Scholasticos, invariabilem semper, ac indefectibilem, hac una in Dissertatione, probamus; in cujus deinde calce contra mendacium quoque, & amphibologias, vel æquivocationes, vel mentales restrictiones, calalum dirigemus. Proinde contra illos omnes, aliter de Dei veracitate sentientes, asserimus, Deum nullo modo, nec de potentia etiam absolutam, posse falli, nec posse fallere, nec posse mentiri; neque per se, neque per alios.

I. Probatum ex Scripturis. Numer. 23. 19. *Non est Deus, quasi homo, ut mentiat: Nec, ut filius hominis, ut mutetur. Dixit ergo, & non faciet id Locutus est, & non implebit id* In quibus verbis adnotare primo convenit, quod Deus non solum mentiri non possit eo mendacio, quod sit peccatum, sed nec etiam possit dicere falsum; alioquin nulla esset ratiocinatio illa, qua utuntur Scripturæ: Deus mentiri non potest: ergo quod promissum implebit; posset enim aliquis dicere: Deum utique non posse mentiri, posse tamen dicere falsum, adeoque non adimplere, quod promissum. Secundo dicitur in verbis illis, non minus repugnare Deo mendacium, ac mutationem; sed nec etiam per potentiam Dei absolutam Deus mutari potest: ergo nec mentiri. Tertio in iisdem verbis comparatur Deus ad hominem secundum repugnantiam mentienti; hæc autem repugnantia non debet intelligi quoad actum, quia fuerunt aliquæ creaturæ, nimirum B. Virgo Maria, & S. Ioannes Baptista, quæ de facto non sunt mentiti: igitur solum hic mentio de repugnantia, quantum ad capacitatem, quia Dei natura non est capax mendacii, sicut est humana natura: Unde per antonomasiam in Scripturis Deus dicitur verax, homo autem mendax; sicut ad Romanos 3. 4. *Est autem Deus verax: s omnis autem homo mendax.* Et Joan. 8. 26. *Qui me misit, verax est.* Lucæ 21. 33. *Cælum, & terra transibunt; verba autem mea non transibunt.* Joannis 14. 6. *Ego sum via, veritas, & vita.* Proverbiorum 12. 22. *Abominatio est Domino labia mendacia: qui autem fideliter agunt, placent ei.* Ad Hebræos 6. 18. *Impossibile est mentiri Deum.*

II. Ex Conciliis. Concilium IV. generale. Calcedonenſe citatur ab Arsedino, in indice dogmatum Hæreticorum, verbo *Deus*, verbis hæc: *Deus est mendax, Auctores Armeni, ut refert Guido lib. de hæresib. Damna- tione diserte ex Conc. IV. gen. Calcedonenſi, & Lateranenſi sub Innocentio III. Concilium Lateranenſe IV. sub Innocentio III. in c. 1. de Summa Trinitate, & fide catholica, definit, Deum esse immutabilem: ergo esse veracem; ex dictis. Concilium Tridentinum sess. 6. cap. 9. Fidei non potest subesse falsum; atqui hoc non aliunde, nisi quia Fidei nostræ est auctor Deus: ergo Deus non potest ullo modo revelare falsum, quod Fidei subeſet, si Deus aliquando revelaret. Mendacium eo est scelestius, quo a digniore homine proferitur; unde Gregorius VII., Romanus Pontifex, lib. 1. ep. 39. scribebat, quod mendacium dictum a Papa est sacrilegium; si igitur a Deo diceretur, esse procul dubio scelestissimum, quod non est omnino admittendum.*

III. Ex Patribus. Auctor libri de divinis nominibus, qui putatur S. Dionysius Areopagita c. 8. *Negatio sui est a veritate prolapsio, est ab eo, quod est, prolapsio; Deus autem ab eo, quod est, prolapsi non potest.* Subdit Frascen; quasi diceret, negationem veritatis esse recessum ab ente; Deus autem ab ente recedere non potest: ergo nec a veritate. Athanasius de incarnatione Verbi: *Abſurdum est dicere, Deum posse mentiri; si enim dixit, quod peccatori sumus, non esset Deus, si non perissemus.* Addit S. Anselmus lib. 1. *Cue Deus homo, c. 2. Non enim sequitur, iustum est mentiri, si Deus vult mentiri; sed potius Deum illum non esse. Nam nequaquam potest velle mentiri voluntas, nisi in qua corrupta est veritas; imo qua descendendo veritatem corrupta est...* Cum ergo dicitur: si Deus vult mentiri; non est aliud, quam si Deus est talis natura, qua vult mentiri; & idcirco non sequitur, iustum esse mendacium; nisi ita intelligatur, sicut de duobus impossibilibus dicimus: quia neque hoc, aut illud est. Chrysostomus hom. 1. in Symbol. *Creditis Deo omnipotenti, quia posse ipsius non potest invenire non posse; tamen alia qua non potest, utpote falli, fallere, mentiri.* Eadem habet lib. 1. de Providentia post medium. S. Ambrosius: *Impossibile istud, non infirmitatis, sed virtutis est, & majesta-*

tis, quia veritas non recipit mendacium, nec Dei virtus levitatis errorem. S. Augustinus lib. 1. de Symbol. ad Caechumenos c. 1. *Deus omnipotens est, & cum sit omnipotens mori non potest, falli non potest, mentiri non potest. Quam multa non potest, & omnipotens est? Et ideo est omnipotens, quia non potest. Nam si mori posset, non esset omnipotens; si mentiri, si falli, si inique agere, non esset omnipotens; quia si hoc in eo esset, non fuisset dignus, qui esset omnipotens.* Ex quibus verbis patet, Augustinum ex omnipotentia Dei colligere, Deum, nec posse falli, nec fallere; atqui Deus etiam per potentiam absolutam non potest non esse omnipotens: ergo neque per potentiam absolutam poterit falli, aut fallere. Bernardus ser. de omnibus Sanctis: *Deus neque falli, neque fallere potest; atqui Deus, nec etiam de potentia absoluta falli potest: ergo nec etiam de potentia absoluta fallere potest.*

IV. Ex Philosophis Gentilibus. Plato, sive Socrates, apud Theodoretum ser. 2. de graecarum affectionum cura, ita de iustis, & iniustis ferri debere iudicium putabat, ut non ex multitudinis ingenio dependere, sed ex solo illius nutu, qui veritas est: *Haud itaque, inquiens, propterea errandum est, Vir optime, quid multi de nobis loquantur, sed quid ille, qui iustos audit, & iniustos, qui & unus, & ipsa veritas est.* Jamblicus in Protreptico c. 7. *Non indiget ad opus persciendum instrumentis, aut locis, sed ubique locorum totius mundi aliquis mentem defixerit, undique similiter tanquam praesentem tangit, apprehenditque veritatem.* Proclo, qui de Veritate in Platonica Philosophia disseruit, per eamque mentes omnes inferiores, quas Deos vocat, menti supremæ colligari docuit, & tandem ipsi uniri, tanquam univerforum bonorum fonti.

V. Ex Rationibus. I. Si Deus quacunque potentia mentiri posset, non esset summa veritas; atqui Deus est summa, & prima veritas: ergo quacunque potentia mentiri non potest. Minor non negatur ab Adversariis, praesertim qui sunt de schola; maior probatur. Si Deus quacunque potentia mentiri posset, maior illo esset veritas, quæ nulla potentia posset a vero aberrare: ergo non esset summa veritas. II. Quia Deus est summa bonitas, nequit etiam per absolutam potentiam peccare, quia Deus est summa veritas, nequit etiam per absolutam potentiam mentiri. Probatur consequentia; sicut enim bonitati opponitur peccatum, ita veritati falsitas, vel mendacium: ergo si unum, etiam alterum. III. Si Deus pec-

absolutam potentiam mentiri posset, destrueretur in Deo infinita auctoritas in dicendo, cui summa fides deberetur; sed hoc non est dicendum: ergo nec illud, ex quo sequitur. Probatur sequela maioris. Si Deus per absolutam potentiam mentiri posset, semper possemus in suis dictis suspicari de mendacio: ergo destrueretur in Deo infinita auctoritas in dicendo, &c. Probatur antecedens. Possemus enim judicare, quod sicut mentitus est in uno casu, ita potest in altero: ergo semper possemus in suis dictis suspicari de mendacio. IV. Si Deus per potentiam aliquam mentiri posset, tota sacra Scriptura, & tota christiana fides, pessum iret; hoc non est asserendum: ergo nec primum, unde inferitur. Probatur sequela maioris. Ideo enim credimus, quia Deus revelat; at, quæ fides illi, qui potest revelare falsum? Et quis scit, num falsum aliquid in Scripturis revelavit? V. Deum, aut falli, aut fallere, importaret in Deo defectum, aut scientiæ, aut bonitatis; sed neuter ex his defectibus est ponendus in Deo: ergo nequit Deus falli, neque fallere. Probatur maior. Falli provenit ex ignorantia: ergo importaret defectum scientiæ: Fallere proveniret ex malitia: ergo importaret defectum bonitatis. VI. Probatur, quod Deus nec etiam mentiri, aut fallere possit, per alios: Eiusdem deformitatis est præcipere malum, ac illud patrare: ergo ejusdem malitiæ fallere per se ipsum, & fallere per alios. Probatur antecedens. Moralis causa censetur ea, cujus imperio delinquitur, & physica, cujus actione delinquitur; sed in utraque equalis est deformitas: ergo ejusdem deformitatis est præcipere malum, ac illud patrare. Unde Ministrorum fallacia Deo tribueretur decipienti, si ministri Deo imperante, mentirentur. VII. Si Deus per ministros suos falleret nos, nulla esset firmus in sacris literis, hominum ministerio scriptis; atqui hoc est destruere verbum Dei scriptum ex omni parte: ergo nec Deus per ministros suos fallere nos potest. VIII. Si ex opposita sententia sacrarum Scripturarum falsitas non sequeretur, ideo esset, quia posset Deus declarare per certos quosdam ministros suos, illos non mentiri; sed hæc ratio nulla est: ergo semper stat absurdum, quod inferebatur. Major est doctrina Adversariorum; minor probatur. Nam si absolute mentiri posset Deus, merito dubitabimus, an in illa declaratione sua mentiat; sicut in simili contra permittentes mendacium argute argumentabatur Augusti-

gultinus lib. contra mendacium c.4. & 18. *Quomodo, inquit, credendum est ei, qui putat quandoque esse mentitum; nam tunc forte mentitur, cum praecepit, ei ut credamus?*

Arguor I. Job 12. 24. *Qui immutat cor Principum populi terra, & decipit eos, ut frustra incedant per invium; & nu.* 25. *Palpabunt quasi in tenebris, & non in luce, & errare eos faciet, quasi ebrios.* Ergo si decipit, fallit; & si errare facit, aut mentitur, aut errat, si non per se, saltem per alios. 2. ad Thesalonicenses 2. 10. *Ideo mittet illis Deus operationem erroris, ut credant mendacio.* Ergo pariter fallit, & mentitur. 3. regum 22. 23. *Dedit Dominus spiritum mendacii in ore omnium Prophetarum tuorum.* Ergo mentitur etiam per alios. Ezechielis 14. 9. *Et Prophetæ cum erraverint, & locutus fuerit verbum: Ego Dominus decepi Prophetam illum.* Ergo Deus est causa deceptionis, erroris, atque mendacii. Jeremias 20. 7. *Seduxisti me Domine, & seductus sum: fortior me fuisti, & invalidius: falsus sum in derisum tota die, omnes subsannant mihi: ergo per se ipsum Deus seducit, decipit, & illudit, Prophetas.*

II. Homines Dei spiritu afflati interdum etiam mentiti sunt. Abraham Gen. 22. ascensus in montem, ut filium suum immolaret, servis suis dixit: *Exspectate hic cum Afino: ego, & puer, illuc usque properantes, postquam adoraverimus, revertemur ad vos.* Quæ promissio falsa, & mendax fuit; quum enim ex præcepto Dei deberet filium suum immolare, non posset absque mendacio asserere, quod Isaac esset cum eo reversurus. Similiter Abraham Gen. 20. Uxori suavit, ut coram Aegyptiis assereret, se ejus esse sororem. Jacob Gen. 27. mentitus fuit, quando Patri dixit: *Ego sum primogenitus tuus Isaac.* Judith etiam in pluribus instinctu Dei mentita est Oloferni. Et Oblectices Aegypti pariter mentitæ sunt Pharaoni, & ministris ejus.

III. Plurimæ prædictiones Prophetarum falsæ fuerunt. Illa Jonæ c. 3. *Adhuc quadraginta dies, & Ninives subvertetur;* quæ tamen non fuit subversa. Illa Isaie 4. Reg. 2. qui Ezechiae Regi dixit: *Moriaris tu, & non revives;* qui tamen supervixit quindecim annis. Illa Dei cum Cain, qui occisus fuit; ut supra ex Armenis dicebamus.

IV. Qui potest æquivoce, & amphibologice, loqui, potest etiam mentiri; Sed Deus, tam per se, quam per alios, amphibologice, & æquivoce potest loqui: ergo & mentiri. Major pater; æquivocatio enim est quædam species mendacii, quia ordinatur ad decipiendum, & ingerendum sensum op-

positum veritati, æque ac mendacium ipsum; & parum refert, quod verba loquentis aliud significant, quam id, quod ipse habet in mente, vel quod aliud ex verbis loquentis percipitur; si in utroque casu par est intentio decipiendi, & deceptionis effectus. Minor probatur. Christus Dominus sæpe verbis æquivocis usus est. Marci 13. de die judicii interrogatus, respondit; *de die illo, vel hora, nemo scit, neque Angeli in celo, neque Filius:* Et tamen ipse illam optime noverat. Joannis 7. Fratribus, seu Cognatis urgentibus, *transi hinc, & vade in Judæam* (Hierosolimam scilicet, quæ Judææ erat metropolis), *ut & discipuli tui videant opera tua, quæ facis;* respondit: *Tempus meum nondum advenit: tempus autem vestrum semper est paratum... Vos ascendite ad diem festum hunc, ego autem non ascendo ad diem festum istum; quia meum tempus nondum impletum est.* Et tamen deinde ascendit: *Ut autem ascenderunt Fratres ejus, tunc & ipse ascendit ad diem festum, non manifeste, sed quasi in occulto; ut dicitur Joannis 7. 10.*

V. Eadem restrictione mentali usus videtur Raphael Angelus Tobie 5., dum rogatus, de qua domo, aut de qua Tribus es tui respondit: *Ego sum Azarias, Anania magni filius.* Et ante, respondens pariter Tobie juniori, dixerat; se esse ex filiis Israel.

VI. Deus etiam, dum io præcipiendo contraria præcipit, videtur velle, aut falsa loqui, aut homines illudere. Quod contraria præcipiat, probatur, & quia antea præceperat Sabbato non esse operandum, & deinde jussit, ut arca testamenti die Sabbati in expugnatione urbis Jericho circumferretur; & quia imitationem Gentium prohibuerat, & postea sacrificia ad morem Idololatrarum præcepit. Num. 21.

Respondemus ad I. in allatis locis Deum seducere, vel decipere, non intelligi active, sed permissive tantum, non inspiciendo, sed permittendo intellectus humani; in tenebris concepti falsitatem, illumque sensu reprobo tradendo; sicut dicitur, Deum indurare voluntatem, non quidem imperiando malitiam, sed non imperiando misericordiam. Cæterum non est novum in Scriptura, præcipere, & permittere, pro eodem sumi; ut præcipere Marci 10. quum Pharisæi Christo dixissent: *Moses permixto libellam repudiare scribere;* Christus respondit: *Ad duritiam cordis vestri scripsit vobis præceptum istud.*

Ad II. aliqui dicunt, Patriarchas illos mendacium dixisse, sed non ex Dei instinctu; ut circa factum Jacobi notavit Scotus in 3. dist.

dist. 31. n. 13. Verum, quia S. Augustinus, & alii Patres, sanctissimos Patriarchas a reatu mendacii eximunt, ideo pro Abrahamo dicimus, verba illa fuisse ab ipso prophético spiritu prolata: *Ego, & Puer, revertemur ad vos*. Sperabat enim, filium suum, post immolationem, & mortem, esse ad vitam revocandum, ut impleretur divina promissio de propagatione seminis ejus. Quod innuit Apostolus ad Hebræos 11. *Fide Abraham obtulit filium Isaac, arbitrans, quod & a mortuis suscitare potens est illum*. Sic ait Augustinus lib. de mendacio c. 1. De altero facto Abrahami idem Augustinus in Quæstionibus sup. Gen. dixit, quod Abraham veritatem voluit celari, & non mendacium proferri. Sara enim vera erat Abraham foror. Quantum ad Jacob dicitur, fuisse Esau, non quantum ad personam, & substantiam, sed quantum ad jus, & dignitatem Primogeniti; quia primogenitura ei debebatur, & ex decreto divino, & ex emptione. Unde appellatus est Esau, non in persona, sed in jure; sicut Joannes dictus est Elias, non in persona, sed in spiritu. Ulterius quia Jacob loquebatur propheticè, & in sensu mystico; ut scilicet designaret, quod minor populus, nempe Gentilium, substituendus erat loco majoris, hoc est Judæorum. Nec tenebatur juxta intentionem Patris respondere, quia loquebatur, ut Propheta, mysteria peragens, & futura sub verborum involucribus prædicans. Judith quoque in verbis, quæ Holoferni dixit, nullum protulit mendacium, sed ad summum aliquibus amphibologus voluit eum decipere; sic quando dixit, quod duceret illum per mediam Hierusalem; nam re vera illum adductura erat per mediam Hierusalem, sed mortuum, non vivum, deferendo caput ejus. Quod si in aliquo verbo fortassis mentis est, non ex eo laudatur, sed ex charitate, & affectu, pro salute populi. Nec Obsterices Ægyptiæ a Deo remuneratæ sunt, quod Pharaoni mentitæ fuerint, sed quod maximam charitatem erga populum suum exercuerint.

Ad III. Prophetie interdum sunt ad comminationem tantum, & sub conditione, quod re vera implendæ sint, si illi, quibus a Deo denuntiantur supplicia, poenitentiam non egerint. Interdum etiam Prophetie sunt, & res prænuntiantur venturæ, secundum ordinem, & dispositionem causarum naturalium, nisi Deus per extraordinariam potentiam talem ordinem suspendat. Ad illud Cain dicitur, quod nunquam Deus dixit, Cain non esse occi-

dendum, sed tantum ultionem sepius de occisore Cain esse dandam. Cæterum, nec Cain occidit seipsum, nec Scriptura manifestat, quis fuerit vir ille, quem Lamech occidit, & quem non novit.

Ad IV. dicitur, Christum noluisse ascendere ad festum manifeste, sed ascendisse in occulto; illud negavit, nec adimplevit; hoc adimplevit, quod non negavit. Fuit nescius diei Judicii in quantum homo, non in quantum Deus. Vel illum nesciebat effectivè, in quantum ab aliis ignorari faciebat. Voce autem amphibologica dupliciter quis uti potest, formaliter scilicet, & materialiter; primo modo, quando quis intendit significare verbis alium sensum verum, diversum tamen ab eo, quem Auditores hic & nunc concipiunt, & significari putant; ita quod nullæ adfint circumstantiæ, ex quibus audiens devenire possit in cognitionem significationis, vel sensus verborum a loquente intenti. Secundo modo, quando videlicet sunt aliquæ circumstantiæ, ex quibus audiens concipere possit, quis sit genuinus sensus verborum a loquente prolatorum, maxime quando audiens est vir prudens, & sagax, licet forte, ob defectum attentionis ad verba loquentis, necnon considerationis illarum circumstantiarum, mentem loquentis, verbis æquivocis expressam, non percipiat. Unde Deus non potest uti verbis æquivocis amphibologia formalis, bene vero materialis; materiali autem usus est in exemplis allatis, non formali.

Ad V. Raphael se, dixit, esse de Filiis Israel, non nativitate, & genere, sed munere, & officio. Et ita pariter se, dixit, esse Azariam, hoc est auxilium Dei, vel gratiam Dei.

Ad VI. Circumferre arcam testamenti non erat opus servile, quod in sabbato prohibebatur, sed sacra quedam cæremonia ad ostensionem virtutis Dei, & ad protectionem populi sui. Sic etiam Christus sabbato curavit Paralyticum, quod non erat pariter opus servile. Tertullianus lib. 2. cont. Marcionem: *Arcam vero circumferre, neque quotidianum opus videri potest, neque humanum, sed & rarum, & sacrosanctum, & ex ipso tunc Dei præcepto atque divinum*. Irenæus lib. 4. advers. hæres. c. 18. *Continere se jubebat eos lex ab omni opere servili, id est, ab omni avaritia, qua per negotiationem, & reliquo alii terreno agitur; anima autem opera, qua sunt per sententiam, & sermones bonos in auxilium eorum, qui proximi sunt, adhortabatur fieri; & propter hoc Dominus ar-*

gue-

gubant eos, qui iniuste exprobrabant, & quia sabbatis curabat; non enim solvabat, sed adimplere legem, summi Sacerdotis opera faciens, propitiatus pro hominibus Deum. Sacrificia tandem præcepit Deus non ad cultum illicitum, vanum, & superstitiosum, cuiusmodi erant sacrificia Idoliolarum; sed ad sanctum finem, qui erat, ut cultus, ei debitus, ab hominibus exhiberetur. Sic quoque Tertullianus, citato loco, respondet.

Denique pro Dissertationis coronide asserimus, nunquam licitum esse mentiri, nec æquivoce loqui, quanvis aliquando sit licitum verum occultare, seu verum tacere, ut ait Augustinus.

I. Probatur ex Scripturis. Psal. 5. 7. *Perdes omnes, qui loquuntur mendacium.* Sapient. 1. 1. *Os, quod mendatur, occidit animam.* Ecclesiastici 7. 14. *Noli velle mentiri omne mendacium.* Ad Ephes. 4. 25. *Deponentes mendacium.* Apocalips. 22. 15. *Faris canes, & venefici, & impudici, & homicidæ, & idoli servientes, & omnes qui amant, & faciunt mendacium.* Sed qui omne genus mendacii prohibuit, nullum permisit: ergo pro nulla re mendacium dicere licet; nec quidem mendacium perniciosum, quod alteri dampnum inferat, nec officiosum, quod alteri prodest, nec jocosum, joci causa dictum, nec necessarium denique cuiusque videatur.

II. Ex Conciliis. Citantur a Card. de Laurea apud Concilium Lateranense III in appendice tit. de usuris c. 1., & habentur in caus. 22. q. 2. c. ne quis arbitretur, hæc verba: *Mendacium dici non potest, etiam pro vitiis alterius.* Et c. cum humilitatis, & c. incaute, eadem caus. & eadem questione: *Mentiri non licet ad cavendam arrogantiam.* Et c. nec artificiose, sub iisdem titulis: *Mentiri nunquam licet.* Concilium Trullanum anno Christi 680. habitum, can. 11. *mentalium restrictionum usum in juramentis damnat: Quid vero de his dicendum, qui ut alios fallant, munitur, vel quacunque verborum arte, se potius, quam alium decipiendo, perjurant?* Dominus namque, qui testis est conscientia, ita hoc accipit, sicut ille, cui iuratur, intelligit. *Hi miseri ben!* Quamvis rei tenentur criminibus? Concilium Constantinense, quod interrogari jubet eos, qui in suspicionem venerint errorum Viclephi, & Hæ: *Utrum credant, quod perjurium scienter commissum, ex officina causa, vel occasione, pro conservatione vite propria*

corporalis, vel alterius, & etiam in favorem Fidei, sit mortale? Concilium Colonienſe an. 1516. in explicatione Decalogi in 8. præcepto: *Certe christiano homini potius expellenda mors fuerit, quam, ut fidem fallat, aut, ut mentiat, vel opud impios etiam pietatis causa; nam sibi quisque dictum putare debet, quod Eccles. 7. scribitur: Noli velle mentiri omni mendacio.*

III. Ex Patribus Basilii in psal. 14. *Consensus firmetur, citra ullam verborum implicationem, ad aliud respiciens ipsam per se veritatem sinesse exprimere simpliciter, & nuda usque assensione.* Lactantius lib. 1. c. 18. est enim nephis, cum, qui veritati studeat, in aliqua re esse fallacem, atque ab ipsa, quam sequitur, veritate discedere. Nec aliquando committet, ut lingua, interpretis animi, a sensu, & cogitatione, discordet. S. Ildorus Hispanensis c. de mendacio, & refertur a Gratiano in can. omne 22. q. 2. *Quacunque arte verbum quisque iuret, Deus tamen, qui conscientia testis est, ita hoc accipit, sicut ille, cui iuratur, intelligit. Dupliciter autem reus sit, qui & nomen Dei in vanum assumit, & proximum dolo caput.* Quæ verba nuper retulimus etiam in probationibus ex Conciliis. Augustinus in lib. de mendacio c. 3. *Ille, qui mentitur, qui aliud habet animo, & aliud verbis, vel quibuslibet significationibus enunciat. Unde etiam duplex cor dicitur esse mentientis, id est duplex cogitatio, una rei ejus, quam veram esse, vel scit, vel putat, & non profert; altera ejus rei, quam pro ista profert, sciens falsam esse, vel putans. Idem in Enchiridio c. 22., & refertur in c. is autem 22. q. 2. Cum verba propterea instituta sunt, non per quæ se invicem homines fallant, sed per quæ quisque in alterius notitiam cogitationem suas proferat: Verbis ergo uti ad fallaciam, non ad quod instituta sunt, peccatum est: Nec ideo nullam mendaciam putandum est non esse peccatum, quia possumus aliquando alicui prodesse mentiendo: Possumus & furando, si pauper, cui palam datur, sentit incommodum, & divos, cui etiam tollitur, non sentit incommodum; nec ideo tale furtum quisquam dixerit, non esse peccatum. Idem in psal. 5. ubi facere videtur contra Cassiani errorem: *Ne quis arbitretur, perfectum, & spiritualem hominem pro ista temporali vita, in cuius morte non occiditur anima, siue sua, siue alterius, debere mentiri; sed quoniam aliud est mentiri, aliud est verum occultare, siquidem aliud est falsum dicere, aliud est verum tacere: Ut si quis forte, vel ad istam visibilem mortem non vult hominem prodesse, paratus esse debet, verum occultare, non falsum dicere; ut neque prodatur, neque**

*mentitur, ne occidat animum suum pro corpore
ulteriori.* Eadem habent S. Thomas 2. 2. q. 110.
ar. 3. Et S. Bonaventura in 3. dist. 38. ar. 1. q. 2.

IV. Ex Rationibus. I. Mendacium est intrinsece malum: ergo non potest dari casus, in quo non sit illicitum. Probatur consequentia. Ex quo mendacium est intrinsece malum, non potest dari casus, in quo non sit illicitum. Probatur antecedens. Ex quo mendacium est intrinsece malum, non potest dari casus, in quo non sit mendacium: ergo non potest dari casus, in quo non sit malum. II. Ex S. Thoma, mendacium est malum ex genere; sed quod est malum ex genere, in nulla circumstantia potest esse licitum: ergo mendacium in omni circumstantia est illicitum. Major est certa; quia mendacium est actus cadens super indebitam materiam: ergo est malum ex genere. Minor etiam patet; quia ad hoc ut aliquid sit bonum, requiritur, quod omnia concurrant recte: ergo quod est malum ex genere, in nulla circumstantia potest esse bonum: ergo in nulla circumstantia potest esse licitum. III. ex S. Bonaventura, loco superius laudato; mendacio ita est essentialiter peccatum, ut ipsum nullo pacto, nullo fine, nulla dispensatione, nec humana, nec divina, possit fieri bene: ergo in omni casu est illicitum, & in nullo permixtum. IV. ex Augustino lib. contr. mendacium c. 19. & lib. de mendaciis c. 20. Mendacium est omne peccatum: ergo semper malum. Non est ergo verum, aliquando esse mentiendum. Et quod non est verum, nemini est omnino suadendum. Quisquis autem esse aliquod genus mendacii, quod peccatum non sit, putaverit, decipiet seipsum turpiter, cum bene sciam se decipere arbitratu aliorum.

Arguunt I. Matth. 6. 18. *Ne videamini hominibus jejunans, sed Patri tuo, qui est in abscondito.* Et n. 3. *Nesciat sinistra tua quid facias dextera tua:* ergo humilitatis causa quandoque possumus mentiri. II. In restrictione mentali proprie non est mendacium: ergo saltem restrictio mentalis non est prohibita. Probatur antecedens. Si enim dicam: nummos non habeo, quos habeo, sed intelligo ut tibi præstem, quod non explico; verum intendo in me ipso: ergo in restrictione mentali non est mendacium. III. Ex duobus malis minus est eligendum: ergo aliquando permittenda sunt mendacia, ut graviora mala evitentur. IV. Mendacium non est talis malitiae, ut in eo non admittatur parvitas matris, quæ in aliis

PAR. I.

peccatis admittitur, exceptis quibusdam, inter quæ mendacium non adnumeratur: ergo saltem mendacium levissimum, sine alterius damno, & cum bono fine dictum, est permittendum.

Respondemus ad I. cum Augustino in lib. de verbis Apostoli: *Cum humilitatis ratio mentiris, si non eras peccator, antequam mentiris, mentiendo efficeris quod vitaras; veritas autem ipsa in te non est, nisi ita te dixeris peccatorem, ut etiam esse cognoscas.* Veritas autem ipsa est, ut qua est dicas. Nam quomodo est humilitas, ubi regnat falsitas? Cæterum verbis illis Christus Domini prohibuit inanis gloriæ appetitum, itaut etiam si opera nostra sint publice facta, non hac intentione fiant, ut videantur; ipsam ramen operum manifestationem non prohibuit, alioquin sibi esset contrarius, qui dixit: *lucet lux vestra coram hominibus, ut videant opera vestra bona, &c.*

Ad II. dicitur, in restrictione mentali esse vere mendacium; verba enim, quæ profertur, non conformantur menti, prout ab audiente intelliguntur, & prout profertur vult, ut ab ipso intelligantur. Eni Augustinus, vel quisquis alius est auctor libri de conflictu vitiorum, & virtutum, c. 19. inter opera Augustini: *Fallacia, atque mendacia, & ipsa nunc dicunt: Fallacia autem fit ingenio, mendacium vero simpliciter verbo. Fallacia igitur dicitur, cum in non danda aliquem illudere queris; quid in petendo moras innectis? Non habeo, quod tibi tribuere possim; etiam utique in corde quid habes, vel quod sibi conserves, vel quod aliis, si voluntas inest, tribuas.* Mendacium dicit: *Omnino quod postulas non habeo; scilicet, non artificioso ingenio, sicut fallacia, sed simplici negationis verbo frustratur poscentem.* Sed veritas ad utraque respondet: Nec artificioso ingenio, nec simplici verbo, oportet decipere quemquam; quia quolibet artis modo mentitur, et, quod mentitur, occidit animum.

Ad III. dicitur, quod non est faciendum malum, ut veniant bona: Non ergo dicendum mendacium, ut aliquod bonum, vel pro nobis, vel pro aliis, consequamur, vel aliquod malum vitemus. Toleratur autem minus malum, sed non eligitur, ut majus vitetur, quando est indispensabile; & nihilominus semper est malum. Cæterum nemo debet mentiri, etiam si quodlibet malum impedire possit; quia mentiri est de se malum, & semper malum.

Ad IV. In iis, quæ sunt intrinsece mala, & sunt prohibita, quia mala, nulla datur parvitas matris (si forte parvitate quis ioc-

V.

tel.

relligat, quæ omni culpa careat; quo sensu neque in his accipi solet, quæ intrinsece mala non sunt; & inter ista menda-

cium adnumeratur, quia est intrinsece malum, & est prohibitum, quia malum, non vero malum, quia prohibitum.

DISSERTATIO XXXV.

De Erroribus contra Dei Misericordiam, & de docentibus illos.



N præcedentibus ex P. Magno diximus; ex divinis attributis alia esse naturalia, alia vero moralia. Attributa naturalia illa esse agnovimus, quæ bonitatem natura-

lem constituunt; moralia vero, quæ faciunt moralem bonitatem. Attributa naturalia ex parte explicavimus, & ex parte explicabimus. Explicavimus unitatem, simplicitatem, bonitatem, pulchritudinem, &c. Explicabimus infinitatem, immensitatem, æternitatem, immutabilitatem, omnipotentiam, ineffabilitatem, &c. Attributa etiam moralia quædam attulimus, quædam afferemus. Attulimus veracitatem, Dei in dictis, & fidelitatem etiam in factis, bonitatem moralem, quæ sanctitas dicitur, immutabilitatem quoque moralem, impeccabilitatem, &c. Afferemus misericordiam, justitiam, &c. Porro attributa moralia sunt virtutes, quæ in Deo a nobis concepiuntur, & ex quibus Dei sanctitas integratur, quæ in omnium virtutum collectione consistit; ut docet P. Magnus c. 16. Philosophiæ sacræ prop. 5. Ubi dicit, quod sanctitas Dei posita est in consuetudine virtutum omnium. Ex Dei sanctitate deinde oritur veritas in dictis, fidelitas in factis, impeccabilitas, & alia hujusmodi, ab eodem P. Magno explicata, citato capite in propositionibus sequentibus.

Virtutes autem, aut essentialiter imperfectionem includunt, aut accidentaliter. De naturali imperfectione loquimur, non de morali. Virtutes, quæ essentialiter imperfectionem includunt, eminenter, & virtualiter, continentur in Deo; virtutes vero, quæ includunt accidentaliter imperfectionem, continentur in Deo formaliter. Et ratio nobis est, quod illæ virtutes, quæ continentur eminenter, & virtualiter, quia imperfectionem essentialiter dicunt, perfectiones appellantur secundum quid; hæc vero virtutes, quæ in Deo sunt formaliter, quia imperfectionem tantum accidentali-

ter important, dicuntur perfectiones simpliciter simplices. Illæ imperfectionem, quam dicunt, dicunt in objecto formali; quæ proinde imperfectio est impræcandibilis, ut ajunt, & inseparabilis ab ipsis. Illæ vero dicunt imperfectionem in materia; quæ proinde imperfectio est separabilis ab ipsis. Ex secundi generis virtutibus est misericordia, quæ licet dicat imperfectionem in misere, quatenus dicit passionem, seu compassionem, non tamen imperfectionem includit essentialiter, sed tantum accidentaliter; quia hæc passio, ut ait prænomi-natus Doctor cap. 18. prop. 1., neque est modus intrinsecus miserendi, neque objectum, neque opus misericordiae, sed solum est quid comitans per accidens, ex quo tamen aptatur esse nomen misericordiae, quasi cor facientis miserum ex aliqua miseria. Non bene proinde sentiunt, qui dicunt, misericordiam in Deo reperiri secundum effectum tantum, non vero secundum affectum; qui quum sit compassionis, Deo indignus putatur ab ipsis. Verum, ipsorum pace, duplex affectus in misericordia considerari potest, & affectus passionis, qui non est de formali, sed de concomitanti, & affectus inclinans ad alienam miseriam sublevandam, qui potest dici affectus beneficentiae. Unde non solum volumus, misericordiam in Deo reperiri secundum effectum, qui est alienæ miseriæ sublevatio, sed etiam secundum affectum beneficentiae, qui est formalis, esse non reperiri secundum affectum passionis, qui est materialis, & comitans. Hic beneficentiæ affectus est maxime Deo proprius, quum ipse, & infinite sit bonus, & infinite sit potens; adeoque maxime sui proprium erit misereri. Affectus autem passionis Deo est indignus, quum ipse ex propria essentia ab omni miseria sit alienus. Quia ergo passio, quæ in nobis conjuncta est cum misericordia, nempe compassio, materialiter tantum se habet ad tiliandem potest esse misericordia in Deo formaliter, absque

absque affectu illo, qui est compassio; quavis non absque affectu beneficentiae, qui est de formali.

Contra divinam misericordiam adnumerare possumus adversarios primo loco Novatianos, qui irreversibile lapsum hominum peccatum praedicabant; quasi quod Deus illud, vel nolisset hominibus condonare, vel non potuisset; utrumque autem in Deo misericordiam destruit. Id probari posset testimonio S. Cypriani lib. de lapsis scribentis: *Cogitanti mihi, & intellexibiliter animo affluanti, quidnam agere deberem de miserandis fratribus, qui vulnerati non propria voluntate, sed diaboli savientis irruptione, adhuc usque, hoc est per longam temporis intervallum agentes, penas darent; ecce ex adverso obortus est alius hostis, & ipsius patrum pietatis adversarius, haereticus Novatianus; qui non tantum, ut in Evangelio significatum est, sicut Sacerdos, vel Levites pacem vulnervat praeiret, sed ingeniosus, ac nova crudelitate, facinoratus potius occideret, adimendo spem salutis, denegando misericordiam Patris, respiciendo poenitentiam fratris.* Et in epist. 57. ejusdem Cypriani ad Cornelium Papam: *Quid ad haec (Novatianus) in perniciem fratrum lingua perserpens, & facinorosa venenata jacula contorquebat, magis durus secularis philosophia praevidet, quam philosophia dominica lenitate pacificus; desertor ecclesiae, misericordia hostis, interfectior poenitentia, desertor charitatis?* Accedit testimonium Eusebii lib. 6. hist. eccles. c. 35. Loquitur ipse de Novato, qui quidem cum Novatiano convenit ad perniciosum schisma constandum, & ad haereseos deterrimam excitandam. Novatus in Africa, Novatianus vero Romae; quavis deinde haeretici, qui Novatiani dicti sunt, non a Novato, sed a Novatiano, nomen traxerint; Eusebius autem, S. Epiphanius, & Theodoretus, utrumque confundunt, & pro uno accipiunt; distinguunt vero S. Cornelius, S. Cyprianus, & S. Pacianus; ut ait Natalis ab Alexandro in sec. 3. c. 3. ar. 4. §. 1. At ergo Eusebius: *Novatus, romana ecclesiae Presbyter, arrogantia quadam, & fastidio contra lapsos elatus, asseruit, non amplius illis (quavis omnia, quae viderentur ad veram poenitentiam, ad conversionem animarum, ad puram denique confessionem spectare, omnino praeferrent) spem ullam salutis omnino reliquam fieri.* Unde propria cuiusdam secta, & erroris eorum, qui praefata quadam mentis insolentia se ipsos κατὰ νόον esse, id est, puros asseruerant, dñx fuit.

P. A. R. I.

Pace tamen illorum, qui hæc scribunt, res aliter se habet. Non enim Novatiani dicebant, lapsos, aliorumque graviorum criminum reos, irreversibiles esse a Deo, sed tantum ab Ecclesia, cui potestatem denegabant atrociora illa crimina dimitteudi; unde, non divinæ misericordiae, sed ecclesiasticæ tantummodo potestati adversabantur. Quod, ut verum ab omnibus agnoscat, testimonia adducimus ineluctabilia. Socrates lib. 4. hist. eccles. c. 23. de Novatiano loquitur verbis hisce: *Deinde omnibus ecclesiis ubique scripsit literas, uti eos, qui simulacris immolassent, minime ad mysteria admitterent, sed hortarentur ad poenitentiam, remissionemque permitterent Deo, qui potest, & habet auctoritatem peccata remittendi.* S. Pacianus, Barcinonensis Episcopus, ep. 3. ad Sympronianum scribit: *Transgressus omnis Novatianorum, quem ad me confertis undique propositionibus destinasti, hoc continet: Quod post baptismum poenitere non liceat, quod mortale peccatum Ecclesiae donare non possit, imò quod ipsa pereat recipiendo peccantes.* S. Augustinus in libro de agone christiano c. 31. *Nec eos audiamus, qui negant, Ecclesiam Deum omnia peccata posse dimittere.* Itaque miserum sibi Petro petram non intelligunt, & nolunt credere datas Ecclesiae claves regni calorem, ipsi eas de manibus amiserunt. Unde recte scripsit Cardinalis Bellarminus t. 3. Controv. lib. 1. de Poenitentia c. 9. *Poenitentiam sacramentum esse, primo negant Montanista, & Novatiani; quamquam il non sacramenti solum rationem, & nomen, sed etiam potestatem reconciliandi peccatores, & omnem omnino ritum ecclesiasticum reconciliationis sustulerunt.* Neque vero, ut nonnulli falso existimant, poenitentiam, & spem veniae a Deo obtinenda, Haeretici supranominati tollebant e medio, sed solum ab Ecclesia solvi, ac reconciliari posse eos, qui post baptismum fuerant relapsi, negabant.

Missis ergo Novatianis, tanquam hæresicos, de qua agimus, omnino innoxii, alius ejusdem originem repetimus a Marcione, ejusque affectu Marcionitis. Isti enim, quum admiserint Deum malum, eumque dixerint scelus vindicem, ac fæda crudelitatis nota eum assererint, hoc ipso convincuntur, in Dei misericordiam insurrexisse. S. Augustinus lib. de hæresib. c. 22. de Marcione asserit: *Marcion quoque, a quo Marcionita sunt, Cerdonis sequens est dogmata de duobus principis: Quatuor Epiphanius, cum tria dicat asseruisse principia, bonum, justum, & primum; Sed Eusebius Synerum quendam, non Marcionem, tria principiorum, al-*

V. 2.

que

que naturarum scribit auctorem. Nomine iusti intelligebant severum, aliter non opposuissent bono; quia, qui bonus est, etiam potest, immo debet, iustus esse. Igitur, si iustus, & non bonus, necessario severus. Si severus, immisericors, & inclementis. En igitur quod revera a Marcione, & Marcionitis, divinæ misericordiæ bellum parabatur. Quod quidem ex Theodoro confirmatur lib. 1. hæreticarum fabularum c. 24. de Marcione loquente: *Alium Creatorem, & iustum, quem & malum nominavit, Si iustus, & malus: ergo immisericors; quia, si misericors, fuisset iustus, & bonus. Origenes quoque, vel quisquis alius sit auctor Dialogi 1. contra Marcionem, qui Origenis nomen præferret: Jam vero, quomodo Rex iste pius sit, religionisque studio flagret, quid aliis, alterum quæpiam Deum superiori memoria ante hunc corda illorum tenuisse, & perfectum fuisse, alterum autem Deum huius cor flectere, ac moderari? Melius enim, ac aliter, quam illi Reges, hic imperat; quæ enim dissipant illi, reficiunt ab isto. Quos odio persecuti sunt illi, amore complectitur iste: Quæ illi sua, ac idola, in honore habuerunt, hæc iste subvertit. Potest ne misericors esse Deus, qui persequitur, qui dissipat, qui odio flagrat? Et cuius odium, & indignationem, semper habet alius Deus, qui sit pius, & misericors?*

Uterius, illi omnes, qui Deum malum esse sinxerunt, omnem virtutem ab illo necesse est, ut removerint; adeoque etiam misericordiam removerunt, quæ inter virtutes adnumeratur. De Marcione asserit

P. Boucat in Dissert. 2. de Unitate Dei, ex Irenæo lib. 1. c. 29., & ex Tertulliano lib. 1. contra Marcionem c. 21. *Dnos admisit Deos; alterum bonum, a quo bona procedebant; alterum vero malum, a quo mala, tam culpa, tum pena, caterique defectus etiam naturales. Si ergo a Deo malo mala omnia culpe procedebant, mala omnia culpe in eo continebantur. Igitur etiam in eo erat immisericordia, & inclementia.*

Manichæi pariter, a Maner descendentes, Deum malum, quem admettebant, malorum omnium auctorem, quæ in mundo fuerant, fuisse, propalabant. Unde ex Augustino lib. de hæres. c. 46., Epiphano hæres. 66., & Theodoro lib. 1. hæreticarum fabularum c. 26. refert P. Boucat laudatus, loco pariter citato: *Manes utique docebat, Deum veteris testamenti esse omnium iuventorem malorum; quinimmo, & malum, qui Ægyptios spoliaverat, Amorrbæos ececrat, Gergos afflixerat, innumeraque alia assulerat mala. En severitatis notas quæ, quantasque effingebant in suo Deo malo, unde ipsum non sine injuria dicerent immisericordem, & inclementem. Et durius est, quod de illis asserit Natalis ab Alexandro sec. 3. c. 3. art. 9. §. 2. *Vetus testamentum rejiciebant Manichæi, Deum, qui per Moysen legem dedit, & in Prophetis locutus est, non esse verum Deum, sed unum ex tenebrarum Principibus, asserentes. Quod, ait, se collegisse ex Augustino in libro de hæresibus, in libris contra Manichæos passim, & in lib. 17. contra Faustum Manichæum c. 3.**

DISSERTATIO XXXVI.

De Dei Misericordia.

I. **P**ROBATUR ex Scripturis Deum esse misericordem, & præcipue ex Psalmis. Psal. 114. 5. *Misericors Dominus, & iustus, & Deus noster misereatur.* Psal. 135.

1. Quoniam in æternum misericordia ejus ubi per totum hæc verba replicatur. Psal. 117. 1. *Quoniam in seculum misericordia ejus.* Psal. 14. 10. *Univerſa via Domini misericordia, & veritas.* Psal. 118. 64. *Misericordia tua Domine plena est terra.* II. ad Corinthios 1. 3. *Pater misericordiarum, & Deus totius consolationis.* Lucæ 1. 78. *Per viscerum misericordia Dei nostri.* Ad Ephesios 2. 4.

Qui dives est in misericordia. Ad Titum 3. 5. *Secundum suam misericordiam salvos nos fecit.* 1. ad Timotheum 1. 13. *Sed misericordiam Dei consecutus sum.* Jacobi 2. 13. *Super exaltat autem misericordia judicium.* Judæ 21. *Expectantes misericordiam Domini nostri Jesu Christi in vitam æternam.*

II. Ex Conciliis. Synodus quædam Mesopotamiæ, coacta ab Archelao, Carcharorum Episcopo, ut testatur Auctor Libelli Synodici, in qua Manetis errores damnati sunt. Natalis ab Alexandro putat, hanc synodum fuisse sanctam, quia nemo illius meminit ex Scripturis antiquis; esse scribant de disputatione ab Archelao præfato habita.

con-

contra Manerem. Sed Alexandri argum-
tum negativum est, & ejus sit roboris,
quando solitarium est, omnes Eruditi no-
runt. Concilium Lateranense III. in appen-
dice par. 50. c. 6. apud Cardinalem de Lau-
rea in Epitome canonum; in quo dicitur:
*Misericordia potius, quam severitas tenenda,
in qualibet causa, etiam Fidei, & superstitionis.*
Si qui vices Dei gerunt misericordiam
debent rigori, & severitati præferre,
quanto magis Deus ipse præferet? Con-
cilium Colonienſe II. p. 7. c. 32. apud eun-
dem Cardinalem: *Deus semper stat ante-
optium, & pulsas conscientiam peccatoris per
internum, & externum verbum, commouens
eum, ut convertatur.* Quæ major, quæ lu-
culentior, quæ expressior, misericordię
exhibitio? Concilium Tridentinum sess. 6.
c. 1. *Deus non deserit iustificatum, nisi prius
ab ipso deseratur.* Denique Concilia omnia,
in quibus Cædo, Marcion, Montanus, &
Manichæi, vel eorum errores, damnati
sunt.

III. Ex Patribus. Ambrosius orat. de obitu
Theodosii, ad illa verba psalmi 114. *Misericors
Dominus, & iustus, & Deus noster mi-
seretur,* ait: *Bis misericordiam, & semel ius-
titiam; in medic iustitia est, & gemino septo
inclusa misericordia.* Augustinus lib. 2. ad
Simplicianum: *Si asperas compassionem, itant
remaneat tranquilla bonitas subveniendi, &
a miseria liberandi, insinuat divina miseri-
cordia qualiscunque cognitio.* Et lib. 1. contra
adversarium Legis, inquit: *Deus zelat sine
amore, irascitur sine perturbatione, miseretur
sine ullo dolore.* Clemens Alexandrinus lib. 2.
Stromatum: *Dedit ergo, cum sit multa mi-
sericordia, iis etiam, qui in fide in aliquod
peccatum incidunt, secundam penitentiam,*
*quam, si quis renatus fuerit post vocationem,
coactus, & callide circumventus, unam adhuc
impunitam accepit penitentiam.* Chry-
sostomus ser. 5. de Penitentia: *O peniten-
tia, qua peccatum, miserante Deo remittis,
& paradysum reſertas: qui contritum sanas
hominem, & tristem exilaras: vitam de in-
venitu revocas, statum reſtauras, honorem re-
novas, fiduciam das, & reſormas vires, gra-
tiamque abundantiorē reſundis.* Et homil.
20. in cap. 2. Matthæi, ad illa verba: *Dimi-
ttite nobis debita nostra: ait: Vidisti certe
cumulum misericordiarum. Post tantorum quippe
ablutionem malorum, & ineffabilem gratia
largitatem, iterum peccantibus dignatur igno-
scere.* Tertullianus lib. de penitentia c. 2.
*Nam Deus post hoc, ac tanta delicta humana
temeritatis a principe generis Adam auspicata,
post condemnatum hominem cum seculi dote,*

*post ejectionem paradiso, mortique subiectum eum
rursus ad suam misericordiam maturavisset,
jam inde in semetipso penitentiam dedecavit,
reſeſſa ſententia iterum priſtinarum, ignoscere
paſſus operi, & imaginis suæ.* Cyprianus de
Lapsis: *Si precem toto corde quis faciat ſi ve-
ris penitentia lamentationibus, & lacrimis,
ingemiscat, ſi ad veniam delicti ſui Dominum
juſtis, & continuis operibus inſeſſas, miſera-
ri ſalium poteſt, qui & miſericordiam ſuam
protulit, dicens: Cum converſus ingemueris,
tunc ſalvaberis, & ſciēs, ubi fueris.*
Et iterum: *Nolo mortem morientis, dicit
Dominus, quantum, ut revertatur, & vi-
vat.* Et Joel Propheta pietatem Domini, Do-
minus ipſo moente, declarat: *Revertimini,*
inquit, ad Dominum Deum veſtrum, quo-
niam miſericors, & pius eſt, & patiens, &
multæ miſerationis; & qui ſententiam ſtētat
adverſus malitias irrogat. Hieronymus in
psal. 102. *Miſericors eſt Dominus, potens in-
dulget nobis.* Et in cap. 2. Joëlis: *Si poſt
penitentiam tantam ubertatem Deus rerum om-
nium pollicetur, quid reſpondebit Novatus, ne-
gans penitentiam, & reſormari poſſe peccato-
res in priſtinum ſtatum, ſi digna fecerint ope-
ra penitentia?* In tantum enim Deus recipit
penitentes, ut vocet eos populum ſuum, & ne-
quaquam aſſerat conſuſendos.

IV. Ex Rationibus. I. Si Deus miſericors non
eſſet, vel hoc eſſet quia nolle, vel quia non
poſſet? Utrumque indignum eſt de Deo
ſentire: ergo vere Deus eſt miſericors. Pro-
bat minor. Si non eſſet miſericors, quia
nolle, hoc eſſet contra bonitatem Dei;
ſi quia non poſſet, hoc eſſet contra omni-
potentiam Dei; ſed indignum eſt de Deo
ſentire, quod ſit contra bonitatem, & om-
nipotentiam ſuam: ergo utrumque indi-
gnum eſt de Deo ſentire. Probat major.
Bonitate, & omnipotentia Dei ſit, ut Deus
inclinetur ad miſeriam noſtram ſublevan-
dam, & quia potens, & quia volens eſt, li-
cet abſque paſſionis, ſeu compaſſionis aſ-
ſeſtu: ergo vere, ſi Deus miſericors non eſ-
ſet, hoc eſſet, aut contra bonitatem Dei,
ſi nolle, aut contra omnipotentiam Dei,
ſi non poſſet.

II. Vel miſericordia eſt conveniens, vel in-
conveniens Deo? Si conveniens: ergo ad-
mittenda eſt in Deo, Si inconveniens? Vel
hoc eſſet, quia ſecum includeret aſſeſtum
compaſſionis, vel quia importaret aſſeſtum
deſormitatis? Hoc ſecundum non dicit
deſormitatem: immo maximam in Deo
perfectionem: ergo per hoc non erit in-
conveniens Deo miſericordia. Illud pri-
mum, quum non ſit formale miſericordię,
ſed

sed tantum comitans, potest a misericordia separari, quin definiatur misericordia esse misericordia, quia habet suum formale, quod est affectus beneficentiae: Ergo quanvis affectus compassionis, qui est Deo inconueniens, non sit in Deo, non per hoc in ipso non erit misericordia.

III. Non solum est in Deo misericordia, hoc est miserandi virtus, sed etiam miseratio, actuale scilicet ipsius exercitium; sed hoc importat, quod in Deo in gradu perfectissimo sit misericordia: ergo vere in Deo est misericordia, & est in gradu omnium perfectissimo. Major patet ex locis Scripturae adductis, in quibus dicitur: *Misericors, & miserator, Dominus*: quibus verbis non solum significatur, quod sit in Deo misericordiae virtus, sed quod etiam in eo sit misericordiae actualis operatio. Minor est certa; quia actus semper dicit majorem perfectionem habitu, etiam in illis, in quibus habitus sine actu potest stare: ergo in illo, in quo non potest stare, saltem nostro intelligendi modo gradum denotat perfectissimum.

IV. Probari potest a posteriori, ab effectibus scilicet ipsius misericordiae, qui fuisse explicantur, & enumerantur, a Consensu in sua theologia mentis, & cordis. Verum ubinam melius, & expressius, quam in sacris literis, opera divinae misericordiae nos unquam possumus adinvenire? Et si praeter illud, alia quaerimus volumina, in quibus eadem legamus, convertamus mentis oculos ad tabulas cordis nostri, in quibus inveniemus opera misericordiae pro salute uniuscujusque nostrum, a Deo nobis largissime exhibita.

V. Misericordia est virtus, & quidem virtus, quae essentialiter non includit imperfectionem, ex dictis in praecedenti Disertatione: ergo necessario debet in Deo esse. Probaturs consequentia. In Deo est omnis virtus, quae essentialiter non includit imperfectionem: ergo debet esse etiam misericordia. Probaturs antecedens. In Deo est sanctitas, ex probatis a nobis; sed sanctitas consistit in confluxu omnium virtutum: ergo in Deo est omnis virtus, quae essentialiter non includit imperfectionem.

VI. Si in Deo non est misericordia, vel ideo hoc asseritur, quia Deus non miseretur illorum, qui misericordiam merentur, vel quia miseretur illorum, qui misericordiam non merentur; sed neutrum ex his divinae misericordiae obstat: ergo propter neutrum ex his dicendum est, in Deo misericordiam non esse. Probaturs minor. In Deo miseri-

cordia est libera, & non necessaria, actus scilicet misericordiae, ex una parte; in nobis vero, quum simus filii irae, nemo est, qui vere dicere possit, quod misericordiam meretur: ergo non per hoc imputandum est Deo, quod Jacob, & non Esau, miseretur. Est etiam dici possit, quod adhuc Esau, & quicumque a Deo damnantur, de misericordia participant; quia non tantum habent poenae, quantum merentur.

Arguunt I. Psal. 32.5. *Misericordia Domini plena est terra*: ergo in terra tantum misericordia Domini commemoratur, ad caelum vero non pervenit. Et quidem hoc innotuit, quod effectus tantum misericordiae, qui sunt in terra, de Deo dicuntur, non vero affectus, qui si esset, urique deberet esse in caelo. II. Augustinus docet, ut a nobis in probationibus ex Patribus dictum est, esse in Deo misericordiam, sicut in ipso est ira: *transiit sine perturbatione, miseretur sine dolore*; Sed ira tantum effective est in Deo, non vero affective: ergo ita pariter misericordia. III. Si Deus esset misericors, omnium misereri deberet; at non omnium miseretur: ergo in Deo non est misericordia. Minor constat, quia alios praedestinat ad gloriam, alios vero reprobat ad gehennam. Major probatur. Aequaliter pro omnibus est in Deo bonitas, & potentia: ergo aequaliter etiam pro omnibus debet esse misericordia, quae in bonitate, & potentia Dei fundatur. IV. In omnibus est miseria: ergo pro omnibus debet esse in Deo misericordia. Consequentia sequitur; quia dicitur misericordia a miseria: ergo pro omnibus, in quibus est miseria, debet esse misericordia. Si autem non est: ergo verum non est misericordia, sed est potius personarum acceptio; atqui Deus personarum non est acceptor: ergo, &c.

Respondemus ad I. eum Augustino in praedictum psalmum 82., & sua verba sunt: *Nam in terra abundat hominis miseria, superabundat Domini misericordia*. At si terra plena est misericordia divina, nunquid ea caelum vacabit, ubi nulla est miseria? Absit; omnia indigent Domino, & misera, & felicia; sine illo miseri non sublevantur, sine illo felices non regitur. Et sic deinceps magis explicando, & confirmando, prosequitur. Igitur ratio formalis misericordiae, quae consistit in affectu beneficentiae, & in caelo, & in terra, omnibus praesto est; Deus enim cuncta creavit, quae sunt in caelo, & in terra; adeoque ipsis omnibus beneficentiae suae affectum impertitur, & secundum varietatem locorum, ac statuum, ejusdem

quo-

quoque effectus diffundit.

Ad II. Dicit Augustinus, esse in Deo misericordiam sine dolore, quemadmodum est ira sine perturbatione; sed non negat, esse in Deo misericordiam sine affectu inclinante ad creaturarum miseriam sublevandam. Dicit utique, quod in ipsa misericordia non est, sed non explicat quid est. Hoc autem quod est non est Deo indignum, immo dignissimum; non est Deo inconueniens, immo convenientissimum; unde non est ratio, cur illud Deo denegemus.

Ad III. Deus utique est misericors, sed etiam, ut super diximus in rationibus, est liber; unde a nemine cogitur, ut omnium æqualiter misereatur. Utique omnium misereatur, quia omnes creat, omnibus auxilia præstat ad salutem necessaria, ac sufficientia, omnes conservat, omnibus dat gratiam, &c. Atamen non omnes salvantur, quia Deus liber est, & quia etiam cum misericordia conjunctam habet justitiam. Unde parcat aliis, & alios punit, nec illi possunt de venia gloriarī, nec illi de supplicio queri. Immo etiam, ut diximus, erga illos, quos punit, misericordiam exercet, quia nunquam eos punit, & quantum justitiæ rigor exigeret, & prout eorum peccata mererentur.

Ad IV. Utiq; in omnibus est miseria, & erga omnes quoque est Dei misericordia, sed non eodem modo exercetur in singulis. Aliorum enim misereretur, eos præservando a malo, quod imminet illis; aliorum, liberando eos a malo, quo in præsens opprimuntur; cæterorum, imminuendo, alleviando, mitigando, iisdem mala, quæ merentur. Quod apposite explicatur a Scotto in 4. dist. 46. q. 2. num. 3. *Et sicut semper habet velle antequam respectu mali crea-*

tura prohibendi, vel tollendi, juxta illud Apostoli 1. ad Tim. 2. Vult omnes homines salvos fieri: sed sicut non habet semper velle, consequens respectu boni, ita nec velle consequens respectu boni imminenti totaliter, vel partialiter. Si primo modo, dicitur misericordia liberans, quæ scilicet excludit omne malum, vel imminens, vel jam præsens, secundo modo dicitur misericordia parcens, vel mitigans, quæ scilicet non totum malum excludit, sed aliquam partem mali debiti illi secundum merita sua. Utrøque autem modo misericordia est in Deo, vel quia subvertit quibusdam omnem miseriam imminentem prohibendo, vel præsentem relevando; aliis autem partem miseriæ debitam dimittendo. Et indicatur etiam a S. Thoma in prima parte 2r. 3., ubi docet, perfectiones, quæ a Deo creatis rebus communicantur, provenire a bonitate, a justitia, a liberalitate, & a misericordia, Dei, sed secundum diversam rationem; scilicet; communicatio perfectionum absolute communicata pertinet ad bonitatem; sed in quantum perfectiones rebus a Deo dantur secundum earum proportionem, pertinet ad justitiam: In quantum vero non tribuit rebus perfectiones propter utilitatem suam, sed solum propter suam bonitatem pertinet ad liberalitatem: In quantum vero perfectiones data rebus a Deo omnem defectum expellunt, pertinent ad misericordiam. Sicut ergo diversa est ratio, sub qua a Deo communicantur rebus omnibus perfectiones, quas singulæ habent; ita etiam diversus est modus, quo creaturæ omnes participant Dei misericordiam, ita ut nulla ex illis vere dici possit, quod, secundum suum salutem modum, a divina misericordia excludatur.



DISSERTATIO XXXVII.

*De Hæreticorum erroribus contra Justitiam
Dei, & de Theologorum dissidiis
circa eandem.*

Iustitia quidem virtus est, sed in duplici consideratione accepta, duplicem virtutis ideam constituit. Primo modo est virtus quædam generalis, altero vero modo est virtus quædam peculiaris. Ut virtus generalis est, complectitur omnes virtutes, adeoque cum sanctitate coincidit; & hinc est, quod Theologi modo gratiam sanctificantem, iustificantem etiam dicunt; modo innocentiam originalem, iustitiam quoque originalem appellant. Ut vero virtus peculiaris est, definitur a Theologis, ac Jurisprudentibus simul, quod sit *constans, & perpetua voluntas jus suum unicuique tribuendi*; vel ab Augustino lib. 9. de civit. Dei c. 21., est *virtus, quæ sua cuique distribuit*. Iustitia primo modo sumpta potius est metaphorica, & translativa iustitiæ; secundo vero modo accepta est propria iustitia. Iustitia enim ex vi nominis æquitatem, seu æqualitatem dicitur; & quia omnis virtus æqualitatem aliquam servat, tum ad regulam rationis, tum ad proprium objectum; inde est, quod iustitiæ nomen ad virtutem omnem significandam translatum est. Propria autem iustitia, quæ specialem virtutem, a virtutibus aliis distinctam, importat, dividitur in generalem, & particularem. Prima est, quæ constituit æqualitatem cum altero in communis; secunda, quæ constituit æqualitatem cum altero in particulari. Ita S. Thomas 2. 2. q. 28. ar. 5., quem affert P. Magnanus c. 18. prop. 4. Generalis iustitia, seu legalis respicit bonum commune, seu jus commune; & quia omnes actus aliarum virtutum possunt ordinari ad bonum commune, & debent esse conformes juri communi; hinc omnes actus aliarum virtutum sibi subordinantur, & obinde generalis dicitur, generalitate objecti, & imperii; quatenus habet pro objecto bonum generale, & exercet in alias virtutes generale imperium; non vero generalitate transcendentis, aut prædicationis, quia nec alias virtutes transcendit, nec de aliis prædicatur, ut est iustitia metaphorice sumpta. Quia autem hoc bonum publicum solet præstari per leges, hinc ju-

stitia generalis dicitur etiam legalis. Particularis vero iustitia respicit bonum particulare, seu jus particulare, & versatur inter particulares, & privatas personas. Iustitia particularis hæc subdividitur in commutativam, & distributivam. Commutativa respicit æqualitatem, & proportionem arithmeticam, quia est unius ad unum, duorum ad duo, trium ad tria. Distributiva respicit æqualitatem geometricam, seu ut dicunt, proportionalem, quia proportionatur merito, & dignitati personarum. Cacheranus aliter has ultimas iustitias explicat, dicendo nimirum, quod iustitia commutativa respiciat ordinem partium, seu privatarum personarum inter se, & involvat pariter rationem commodi, & incommodi; ita ut scilicet quantum quis incommodi, & damni patitur abdicando a se dominium alicujus rei, tantum commodi, & emolumenti percipiat acquirendo dominium rei æquivalentis. Iustitia vero distributiva respiciat ordinem totius ad partes. Præter pariter iustitiam commutativam exponit per redditionem debiti, quod nascitur ex acceptione rei alienæ, ut fit in contractibus, & pactis pro damnis, & injuriis illatis. Iustitiam vero distributivam declarat per redditionem debiti, quod oritur ex officio distribuendi certa quadam proportionem bona communia. Unde per commutativam redditur cuique quantum illi debetur, vel ratione rei acceptæ, vel damni dati, læsionis irrogatæ, &c. & constituit æqualitatem rei ad rem. Per distributivam vero distribuitur cuique communis membro res juxta ejusque statum, conditionem, & proportionem; & constituit æqualitatem proportionis ad proportionem.

Ad Hæreticos modo deveniamus, qui divinæ Iustitiæ bellum, vel apertum, vel clandestinum, intulerunt. Ex Marcionis schola prodierunt Lucanistæ, Cajani, seu Cainani, & Archontici. Lucanistæ ducem sequebantur Lucanum quandam, ab aliis dictum Lucanum, qui Cerdonis fuerat discipulus, & Marcionis sectator. Hic ex Tertulliano duos admittebat Deos, unum justum, alterum

rum verb inſultum, a quibus cuncta procedebant, & bona, & mala. Cajani, ſeu Cajanani, ſic dicti, quod Cain fratricidam adorarent, Marcionis pariter deliria ſequabantur; ac proinde dicebant, Cain, Daſhan, Abiron, Eſau, Sodomitas, cæteroſque populos, qui Deum Judæorum non agnoſcebant, quanvis impij fuiſſent, ſalvos eſſe; Patriarchas vero, Prophetas, & alios juſtos, qui hunc Deum pie coluerant, damnatos omnino fuiſſe; ſicque in Deo injuſtitiā, aut potius tyrannidem, reperiri, in ſalvandis impiis, & in condemnandis juſtis, fabulabantur. Archontici demum, qui pariter provenerunt ex Cerdonis, & Marcionis, ſcholis, calumniabantur Deum creatorem cœli, quod in cœlo magnam exercuiſſet tyrannidem, ex qua diabolus ortus eſt, qui deinde Cain, & Abel, generaverat. Hæc referuntur ex Tertulliano in lib. de Præſcriptionibus Hæreticorum, in lib. de baptiſmo c. 13., ex Epiphanio hæref. 38., & hæref. 40., ex Auguſtino lib. de hæref. c. 18., ex Cardinali Baronio demum ad an. 176. P. Boucar diſp. 2. de unitate Dei; Natali ab Alexandro in hiſtor. eccl. in ſec. 2. diſſert. 2. ar. 1. & ſeqq., aliſque.

Theologorum modo Scholaſticorum diſſidia circa Dei Juſtitiam exponimus. Primo loco Theologi omnes conveniunt, in Deo dari Juſtitiam propriam, & a metaphorica diſtinctam. Quam quidem aſſertionem, inquit Amicus tom. 5. diſp. 11. ſect. 16. n. 213., non poſſe ſine temeritate negari. Nos vero putamus, ſi hæc Juſtitia proprie ſumpta, & a metaphorica diſtincta, conſtituit hoc ſpeciale Juſtitie attributum in Deo, non poſſe, non ſolum ſine temeritate, verum quoque ſine hæreſi, in Deo negari. Quum enim Scripturæ omnes, & Patres, Dei Juſtitiam prædicent, ut in ſequenti Diſſertatione videbitur; de fide profeſſo dicendum eſt, in Deo propriam Juſtitiam eſſe, & non metaphoricam, & impropriam. Si de fide in Deo eſt Juſtitia, ergo qui illam negat eſſe, non ſolum temeritatis, ſed hæreſis quoque nota damnandus eſt. Hanc Juſtitiam propriam, & non metaphoricam, appellant Theologi Juſtitiam generalem, & legalem, diverſam ſanc a Juſtitia particulari, quam, ut diximus, in commutativam, & in diſtributivam, dividunt. Hinc communi conſenſu rejiciunt Javellum, & Buridanum, qui non aliam Juſtitiam generalem agnoſcebant, quam collectionem illam virtutum omnium, quæ Juſtitia etiam nominatur, & quæ cum

P. A. R. I.

ſanctitate confunditur. Igitur in Deo ex communi Theologorum voto eſt Juſtitia propria, a metaphorica diſtincta, quæ eſt Juſtitia generalis, & legalis, a particulari Juſtitia diverſa, & diverſa etiam a Juſtitia, quæ eſt communis virtus, & quæ cum ſanctitate coincidit.

Deveniendopoſtea ad Juſtitiam, quæ dicitur particularis, & quæ eſt, vel commutativa, vel diſtributiva, S. Thomas, S. Bonaventura, Scotus, Alenſis, Molina, Leſſius, Vaſquez, Eſparza, Oviedus, apud Cacheranum, docent, non dari in Deo propriam Juſtitiam commutativam, contra Suarez, Arriagam, Granadum, Tannerum, Franciſcum Lugum, Ruiz, &c. Insuper, non dari in Deo propriam Juſtitiam diſtributivam, defendunt Vaſquez, Henricz, Molina, Joannes Lugus, Amicus, Leſſius, contra Joannem a S. Thoma, & omnes Thomiſtas. Uterius, neque etiam dependenter a promiſſione libera, & pacto ipſius Dei, dari poſſe in Deo obligationem ex particulari rigoroſa Juſtitia, tuctur Cacheranus cum defendentibus Theologis duas primas opinionones, & contra eaſdem impugnantes. Denique, Juſtitiam vindictivam vere, & proprie dari in Deo, ex omnium Theologorum conſenſione idem Cacheranus aſſerit, & defendit. Explicans autem Juſtitiam vindictivam, dicit, eſſe diverſam a Juſtitia particulari, & neque eſſe Juſtitiam commutativam, neque diſtributivam. An vero hæc Juſtitia vindictiva, an potius Juſtitia generalis, quas tantum putat in Deo eſſe, Dei peculiari attributum Juſtitie conſtituant, & an faciant duplex in Deo attributum; rem dicit eſſe parvi momenti, & quæ in quæſtionem de nomine deſignare facile poteſt. Attramen deinde dicit, facere unum attributum, tam Juſtitiam generalem, quam vindictivam, quæ proprie in Deo reperiuntur; quodque etiam nititur rationibus ſuadere.

Fraſſen ex altera parte firmat, Juſtitiam vere, & proprie in Deo eſſe aſſerendam; & hoc reſpicit dogma contra Hæreticos probandum. Juſtitiam vero legalem, & commutativam; non eſſe in Deo ſecundum proprias earum rationes formales; inſuper, Juſtitiam commutativam non eſſe proprie in Deo, diſtributivam poſſe in ipſo revera aſſirmari; quod etiam de Juſtitia vindictiva aſſerendum eſſe, pronunciat. Omnia autem, aſſerit, eſſe de mente Scoti, cujus eſt ſectator, & quidem fideliffimus, ſi dictis ejus credere dignum eſt. Unde, nec

X

qui-

quidem in explicatione terminorum, si cum rigore velimus ipsorum explicationes intelligere, Scholastici conveniunt; quid au-

tem mirum? si deinde nec in sententiis conveniant? Quid a nobis sit statuendum, in sequenti Dissertatione videbitur.

DISSERTATIO XXXVIII.

De Justitia Dei.

I.  Ontra Hæreticos probatur, esse in Deo justitiam propriam, prout a metaphorica distinctam, ex Scripturis. Psal. 47. 12. *Justitia plena est dextera tua.* 97. 9.

Judicabit orbem terrarum in justitia, & populos in aequitate. 118. 137. *Justus es Domine, & rectum judicium tuum.* Jerem. 12. 1. *Justus quidem tu es Domine, si disputem tecum: verumtamen iusta loquar ad te: Quare via impiorum prosperatur?* Joan. 1. epist. 1. 9. *Fidelis Deus, & justus, ut remittat vobis, &c.* Matth. 20. 4. *Ite & vos in vineam meam, & quod justum fuerit, dabo vobis.* 2. ad Timoth. 4. 8. *Reposita est mihi corona justitia, quam reddet mihi in illa die justus Iudex.* Ad Hebræos 6. 10. *Non enim injustus Deus, ut obliviscatur operis vestri, & dilectionis, quam ostendistis in nomine ipsius, qui ministrastis Sanctis, & ministrastis.*

II. Ex Conciliis. Concilium Arausicanum 1. c. 18, & Concilium Tridentinum sess. 6. c. 16, in quibus, postquam multæ Scripturarum auctoritates referuntur, quibus merces bonis operibus in gratia factis reponitur, deoique concluditur his verbis: *Atque ideo bene operantibus usque in finem, & in Deo sperantibus, propounda est vita æterna, & tanquam gratia Filiis Dei per Christum Jesum misericorditer promissa, & tanquam merces, ex ipsius Dei promissione bonis ipsorum operibus, & meritis fideliter reddenda: Hæc est enim illa corona justitia, quam, post suum certamen, & cursum, repositam sibi esse, agebat Apostolus, a justo Iudice sibi reddendam.*

III. Ex Patribus. Tertullianus lib. 2. cont. Marcionem c. 12. *A primordio Creator, tam bonus, quam justus, pariter utrumque processit. Bonitas ejus operata est mundum, justitia modulata est. ... Omnia ut bonitas concepit, ita justitia distinctit.* Augustinus lib. de natur. & grat. c. 2. *Non enim est injustus Deus, qui justos frandet mercede justitia.* Ambrosius 10 psal. 118. ser. 7. *Vult Deus conveniri, ut si quis proposita scētus virtutibus premia, bene-*

certaverit, fructum remunerationis expellet; qui etiam exigit, sicut habet scriptum: Certamen bonum certavi, & reposita est mihi corona justitia. Iterum Augustinus ser. 16. de verb. Apost. c. 2. *In his, quæ jam habemus, laudamus Deum largiorem: In his, quæ nondum habemus, tenemus debitorem. Debitorem enim factus est, non aliquid a nobis accipiendo, sed quod ei placuit promittendo.* Cyprinus lib. de opere, & elemosyna, qui quidem, ipse genuinus est scetus, de homine, qui verus est misericors, ait: *Promeretur Christum Iudicem, Deum sibi computat debitorem.* Chrysostomus hom. 8. 10. Epist. ad Romanos: *Dignum esse debitorem iustis, non vilius verum, sed magnarum, sublimiumque.*

IV. Rationibus. I. Justitia, de qua loquimur, nullam in suo formali conceptu imperfectionem dicit: ergo datur in Deo formaliter. Probatur antecedens. Justitia consideratur, vel quatenus amat quod debitum est, & quod est indebitum odio habet, vel quatenus quod est debitum exigit; sed in quocunque ex his modo consideretur, nullam in suo conceptu formali imperfectionem dicit: ergo justitia nullam in suo conceptu formali imperfectionem importat. II. Ex S. Thoma cit. loc. ar. 6. 10. corp. *justitia generalis est præclarissima virtutum moralium: ergo in Deo est formaliter.* Probatur consequentia. Non esset præclarissima, si in suo formali conceptu imperfectionem diceret; si in suo formali conceptu imperfectionem diceret, non esset in Deo formaliter: ergo quia est præclarissima, in Deo est formaliter. Probatur major. Quia esset alia moralis virtus, quæ in suo formali conceptu imperfectionem non diceret; hæc autem esset præclarior justitia, si hæc diceret: ergo non esset præclarissima. III. Justitia generalis respicit bonum commune; sed Deus respicit quoque commune bonum: ergo in Deo est formaliter generalis justitia. Probatur minor. Deus respicit se ipsum, & omnia operatur propter se, qui est rerum omnium commune bonum, immo omne bonum, & dum
juri

juri suo satisfacit, satisfacit juri, quod omnibus commune est, & quod omnia exigunt: ergo vere Deus respicit commune bonum . IV. Deus ut supremus Legislator, ut Juxta, ut Dominus, creaturas omnes rationales dirigit ad leges implendas, & per praecepta ac imperia ducit personas privatas, ut communitatis jura servent; sed per S. Thomam cir. loc. hoc ipsum est habere legalem justitiam modo excellentissimo: ergo vere Deus habet propriam justitiam, a metaphorica distinctam.

Arguunt I. Justitia supponit debitum, debitum vero connotat Debitorem; sed Deus nullo modo respectu creaturae potest dici debitor: ergo neque justus. II. Per hoc, quod Deus dirigit actus justitiae non potest dici justus: ergo secundum hanc rationem non est in eo justitia. Probatum antecedens. Per hoc, quod Deus dirigit actus Fidei, non potest dici credens: ergo per hoc, quod Deus dirigit actus justitiae, non potest dici justus. III. ex Bernardo ser. r. de Annuntiatione: *Neque talia sunt hominum merita, ut propterea vita aeterna debeatur ex jure, aut Deus injuriam aliquam faceret, nisi eam donaret*: Ergo vero Deus ex justitia non obligatur ad reddendum, ita ut si non reddat, injustus dicatur, & creatura, si non recipiat, vere conquirit de injuria, & de injustitia, possit. IV. Si Deus esset debitor respectu creaturae, creatura esset creditrix respectu Dei; atqui hoc dici non potest: ergo neque primum. Probatum minus. Creditor habet dominium in illud, quod sibi ex jure debetur; sed creatura non potest habere dominium in illud, quod est sub dominio Dei: ergo non potest dici, quod creatura sit creditrix respectu Dei.

Respondemus ad I. Per justitiam, quam Deus habet, non esse debitorem creaturae, sed sui ipsius; & erga seipsum, non erga creaturam, justitiae debitum habere; ut in tertiam rationem dictum est. Non est autem Deo inconveniens, ut sibi debeat, quod debet; sicut non est Principi, qui debitor est sui promissi, non Subdito, cui promissit, sed sibi ipsi, qui promissit. Et multo fortius Deo, qui non solum ex vi promissi, sed etiam ex directionis jure, sibi met obligatur; quatenus, & quod promittit, libere ex sua benignitate promittit, & ad suam gloriam ordinat, quodcumque promittit.

Ad II. negatur paritas. Ratio disparitatis est, quia ideo dirigere actus justitiae est exercere generalem justitiam, quatenus in illa directione justitia generalis invenit suam

P.A.R. I.

rationem formalem, quae est ordinatio ad bonum commune. In directione vero actuum fidei fides non invenit suam rationem formalem, quae est, vel auctoritas, vel veracitas, Dei revelantis.

Ad III. Deus non potest esse debitor creaturae praeter suam voluntatem, potest autem esse juxta suam voluntatem; & sic intelligendus est S. Bernardus, vel quicumque alius Pater, qui conformiter ad ejus verba loquatur. Vere enim Deus promittit mercedem sub conditione operis exercendi a creatura; vere etiam Deus hoc non coacte, sed libere promittit: Unde perficiendo quod promissit, nec suam laedit libertatem, quia libere promissit, & suam quoque exercet justitiam, quia exequitur quod promissit; & eo modo exequitur, quo promissit.

Ad IV. dicunt, quod etiam si creatura aliqua dominium haberet in illud, quod sibi debetur a Deo supponitur, non per hoc tamen tolleretur a Deo alium, ac supremum dominium, quod habet in omnibus, quae facit etiam esse sub creaturarum potestate. Quod exemplificat cum illo, qui a Principe aliquid emit; habet quidem dominium in illud, quod emit; sed non per hoc tollitur Principi dominium altum, & supremum in illud quoque, quod vendit. Et sic dicendo putant, quod non sit inconveniens, si dicatur, quod creatura sit creditrix respectu Dei. Attamen ex sequentibus haec omnia clarius, & penitus, intelliguntur.

Unde ad Theologorum diffidia venientes, dicimus I. non dari in Deo justitiam commutativam. Probatum a P. Magnano. I. Non datur in Deo justitia particularis: ergo neque datur commutativa, quae illius est species. Probatum antecedens. Justitia particularis proprie debet esse ad alterum, qui proprie sit alter, ita ut illi alteri, tum ex debito stricte legali, tum ex applicatione sui domini, tribuat id, ad quod jus habet, estque illi proprium; sed hoc repugnat Deo: ergo non datur in Deo justitia particularis. II. a Cacherano probatur. Justitia commutativa involvit rationem, commodi, & incommodi, ut dictum est, quae in Deo non potest habere locum: ergo vere in Deo non datur justitia commutativa.

Dicimus II. non dari in Deo justitiam distributivam. I. probatur. Justitia distributiva est etiam species justitiae particularis; sed justitia particularis non datur in Deo: ergo non datur in Deo justitia distributiva. II. Deus quando praemiat, & quando punit,

X 2

nit,

nit, non respicit proportionem unius personæ cum alia: ergo non datur in Deo iustitia distributiva. Consequentia sequitur, quia, ex dictis, hæc est notio distributivæ iustitiæ. Antecedens probatur. Deus quando præmiat, & quando punit, attendit præcise ad merita, & ad demerita, cujuslibet personæ secundum se: ergo non respicit proportionem unius personæ cum alia. Antecedens probatur ex illo Apostoli ad Romanos 2. 6. *Reddet unicuique secundum opera ejus*; & ex illo Apocalypsis 18. 7. *Quantum glorificavit se, & in deliciis fuit, tantum dabo illi tormentum, & luctum*. Et sic quemque præmiat, ac punit, ac si ille solus esset ab eo præmiandus, vel puniendus. In bonis autem naturalibus, & supernaturalibus per gratiam, tribuendis, nec eam respicit æqualitatem geometricam, sed, vel regulatur secundum naturam propriam recipientium, si sunt bona naturalia, vel secundum suam misericordiam, & bonitatem, si sunt bona supernaturalia gratiæ. III. Hoc argueret imperfectionem in Deo, si in Deo esset iustitia distributiva, quæ respicit æqualitatem geometricam in divisione honorum communium, & in largitione præmiorum; hoc autem non oebet dici: ergo non datur in Deo iustitia, quæ hanc æqualitatem geometricam respiciat. Probat major. Hoc provenit in Dominis terrenis ex eo, quod ærarium commune, nun sit inexhaustum, & bona sint limitata; hoc autem importaret imperfectionem in Deo: ergo æqualitas illa geometrica diceret imperfectionem in Deo. Hoc luculenter a Cacherano explicatur, quem possunt, si velint, Legentes consulere.

Dicimus III. dari in Deo iustitiam vindicativam a particulari distinctam, atque diversam. Quod sit distincta, & diversa a iustitia particulari hæc iustitia vindicativa, probatur. Quia iustitia vindicativa est iustitia punitiva; sed iustitia punitiva non est iustitia particularis: ergo iustitia vindicativa non est iustitia particularis. Probat minor. Iustitia particularis, vel est commutativa, vel distributiva; sed iustitia punitiva non est commutativa, nec distributiva; ergo iustitia punitiva non est iustitia particularis. Probat minor. Non est iustitia particularis, & rigorosa, nec commutativa, nec distributiva, illa, ex qua non oritur obligatio, & debitum ex iustitia; sed ex iustitia punitiva nun oritur debitum, & obligatio, ex iustitia: ergo iustitia punitiva nec est commutativa, nec distributiva. Probat minor. Supremus saltem Princeps

potest quodvis debitum remittere, potest quamlibet poenam relaxare: ergo ex iustitia punitiva non oritur debitum, & obligatio ex iustitia. Quod Confirmatur quoque, quia iustitia vindicativa respicit bonum commune, particularis autem iustitia bonum particulare: Unde potius iustitia vindicativa reducenda est ad iustitiam generalem, quam ad particularem.

I. Probat modo, dari in Deo iustitiam vindicativam, ex Scripturis 4. Reg. 9. 7. *Et ulciscar sanguinem servorum meorum Prophetarum*. 2. Paralipomenon 6. 23. *Et ulciscaris justum, retribuens ei secundum iustitiam tuam*. Judith 7. 17. *qui ulciscitur nos secundum peccata nostra*. Et 13. 27. *Dens Israel, cui tu testimonium dedisti, quod ulciscatur se de inimicis suis*. Psal. 93. 1. *Dens ultionum Dominus*; *Deus ultionum libere egit*. Isaia 34. 8. *Dies ultionis Domini*. Jeremia 50. 15. *Quoniam ultio Domini est*. Et 51. 6. *Tempus ultionis est a Domino*. Et n. 11. *Ultio Domini est, ultio templi sui*.

II. Ex Partibus. Augustinus in Psal. 58. *Iniquitas omnis parva, magnæque sit, puniatur necesse est, aut ab homine puniente, aut a Deo vindicante*. Tertullianus lib. de Pœnitentia c. 3. *Omnes ergo delicti, seu carne, seu spiritu, seu falso, seu voluntate, commissi, penam per iudicium destinavit*. S. Joannes Chrysostomus hom. 47. ad Populum Antiochenum, si una est ex illis, quæ sunt Chrysostomi genuinæ: *Assistemus tribunali Christi, & omnium erit aeris examinatio*. Si quis vero futurum non credit iudicium, quæ sunt hic videat, in vinculis positos, in metallis, in stereoribus, demonibus obsessos, errantes, incircuibilibus laborantes morbis, cum continua certantes paupertate, in fame viventes, irreparabilibus costrictos luctibus, in captivitate positos. Non enim hi tunc possi essent, nisi & omnes alios, qui talia peccarunt, ultio maneret, atque supplicium. Lactantius lib. 7. divinarum institutionum c. 19. *Hic est liberator, & iudex, & ultor, & rex, & Deus, quem nos Christum vocamus*.

III. Ex Rationibus. I. Ex iustitia vindicativa non sequuntur in Deo absurda, quæ ex commutativa, & distributiva, oriuntur: ergo est in Deo admittenda. Probat antecedens. Iustitia vindicativa nullam inducit obligationem ex particulari rigorosa iustitia, ut dictum est; non velatur inter datum, & acceptum, utile, & noxium, nec importat ullam aliam imperfectionem: ergo nun sequuntur ex illa absurda, quæ ex particulari iustitia oriuntur. II. Iustitia vindicativa respicit ipsum Deum: ergo in Deo

Deo est admittenda. Probatur antecedens. Respicit bonum commune: ergo respicit ipsum Deum. Probatur antecedens. Respicit observantiam legis, quæ est ipsemet Deus, & est bonum communitatis, non alicujus particularis: ergo respicit bonum commune, & ipsum Deum.

Atque contra prædicta. I. Vere Deus juxta meritum inæqualitatem præmiat, & juxta demeritorum proportionem punit: ergo vere in Deo habet locum justitia distributiva. Probatur antecedens. Dicitur enim Matth. 25. *Dedit uni quinque talenta, alii duo, alii unum; unicuique secundum propriam mensuram*: ergo juxta meritum inæqualitatem Deus præmiat, & juxta demeritorum proportionem punit. II. Deus promissit, se daturum mercedem bonis operibus ex conventionem, & pacto oneroso laborandi in vinea sua: ergo ex justitia obligatur ad retributionem. Unde dicitur ad Hebræos 11. Non injustus est Deus, ut obliviscatur operis vestri boni. Et Augustinus lib. 4. contra Julianum c. 3. Deus ipse, quod absit, erit injustus, si ad ejus regnum verus non admitatur justus. III. Justitia vindicativa saltem concomitanter importat obligationem particularis rigorosæ justitiæ, quatenus Juxta, seu vindex ex rigorosa justitia reipublicæ obligatur ad puniendi scelera.

Respondemus ad I. quod quanvis Deus sic præmiat, & sic puniat, quia ita vult; non tamen ad sic præmiandum, vel ad sic puniendum, obligatur Deus ex debito justitiæ. Immo bona naturalia, ceterum est, non dari a Deo præviis meritis, nec etiam bona supernaturalia gratiæ; bona autem supernaturalia gloriæ ex Dei beneplacito sic a Deo dantur, non vero quod Deus ali-

quam obligationem, aut debitum habeat sic dandi. Nec etiam locum habet in Deo pactum erga creaturas, ut mox dicitur.

Ad II. Hanc promissionem Deus fecit sibi, non nobis; & in casu, in quo per impossibile deficeret, sibi esset injustus, nobis autem infidelis, quia fidem frangeret, nec promissis stare. Et ratio est, quia Deus omnia ordinat ad se, non ad nos; & ideo fit sibi debitor, non nobis, quia debitum est, ut sua ordinatio, seu promissio, impleatur. Unde Anselmus in Prosologio c. 10. *Justus es Domine, non quia nobis reddis debitum, sed quia facis quod deest te summum bonum*. Et sic intelligendus est Augustinus lib. 5. Confessionum c. 9. *Dignaris eis, quibus omnia debita dimittis, etiam promissionibus tuis debitor fieri*. Et ser. 16. de verb. Apost. *Tenemus Deum debitorem, debitor enim factus est, non aliquid a nobis accipiendo, sed quod ei placuit promittendo*. Unde infert, Sanctos posse Deo dicere: *Fecimus quod jussisti, fac quod promissisti*.

Ad III. Dicitur, justitiam vindicativam ideo habere obligationem illam, quia est in subiecto dependenti, & subordinato; cæterum ex sua ratione præscindit ab eo, quod habeat, vel non habeat comitem obligationem justitiæ commutativæ. Unde sic ipsa in Deo est, ut per ipsam absolute possit Deus cuique delicto, aut laxiorem, aut duriorem, dare poenam; aut totam exigere satisfactionem, aut partem, aut nullam; vel nullam dare poenam, vel partem, vel totam. Sic enim est liber in puniendo, ut est in condonando; & quemadmodum, si puniat, nulli rationem reddere tenetur vindictæ, sic nulli respondere debet de venia, si condonet.



DISSERTATIO XXXIX.

*De Hæresibus contra Immutabilitatem Dei,
& de illarum Propugnatoribus.*



Mmutabilitas per mutationis negationem explicatur. Mutatio autem est transitus de uno in aliud; & quot sunt termini, a quibus, & ad quos, fit transitus, totidem quoque sunt mutationes. Primo mutatio, vel est extrinseca, vel intrinseca; extrinseca mutatio non in res ipsa, sed in aliera mutationem importat; ut quando paries de non viso fit visus, non mutatur paries, sed oculus. Intrinseca vero mutatio in ipsam rem mutationem infert. Hæc, vel est essentialis, vel accidentalis. Essentialis mutatio est, cum substantia rei mutationi subjacet; sicuti est, vel quando res creatur, aut annihilatur, transendo nimirum de non esse simpliciter ad esse simpliciter, vel de esse simpliciter ad non esse simpliciter; & hæc a quibusdam dicitur mutatio objectiva: Vel quando res gignitur, aut corrumpitur, transendo de non esse secundum quid ad esse secundum quid, vel de esse secundum quid ad non esse secundum quid; & vocatur mutatio subjectiva: Vel quando res aliqua convertitur in alteram, & res ipsa est terminus a quo, vel ad quem conversionis; & mutatio appellatur conversiva. Accidentaliter mutatio, vel est intentionalis; quando scilicet potentia de actu primo transit in actum secundum: Vel est moralis; quando voluntas decreta retrahat, & ova determinat: Vel est localis; quando res de uno in alium locum transit: Vel est deique temporalis; quando res aliquo tandem tempore deficit, & in æternum non perseverat. His duabus ultimis mutationibus immensitas, & æternitas, opponuntur; de quibus in sequentibus Dissertationibus erit sermo. De mutatione extrinseca non loquimur; quanvis enim in Deo reperitur, in ipso tamen non est imperfectio, quum vere in ipso non sit mutatio, sed potius in altero ab ipso. De reliquis ergo mutationibus hoc in loco tractamus, & illas omnes a Deo elongare, tanquam suæ divinæ perfectioni contrarias, omni jure contendimus. Verum qui fuerint ausi eas impingere Deo, primo loco queramus, & quibus modis impium facinus excogitare

potuerint, investigemus.

Hæreticos contra divinam Immutabilitatem primo assignamus Apollinaristas, qui dixerunt, divinam Verbi naturam in carnem Christi corpus fuisse conversam, atque mutaram. Horum Princeps fuit Apollinaris, qui IV. seculo terminante, & V. incunte, floruit; ut habet Sanctissimus Pontifex Leo magnus. ser. 9. in quadrag. Refert etiam Cyrillus Alexandrinus lib. de recta fide ad Theodosium; Gennadius lib. de dogmat., si ipse genuinus est factus, c. 2., Athanasius epistola ad Episcopum; alique Patres passim de eo loquentes. Duo tamen Apollinaris fuerunt, Pater scilicet, & Filius; Pater, Laodiceæ Ecclesiæ Presbyter; Filius ejusdem Ecclesiæ Lector; ainbo tamen hæresis inventores, & Hæreticorum Principes, ac antesignani. Palmæ horum fuit error, naturam hominis in Christo fuisse semiplenam, quod anima careret, cuius vicem gerebat Verbum, quod factum erat caro. Deinde modificans Apollinaris errorem dixit, quod non in totum anima deerat Christo, sed deerat tantum illa, qua rationales sumus, scilicet mens, non deerat autem illa, qua vivimus, & sentimus; & Verbum erat pro rationali anima, seu pro mente, in Christo. Testatur hoc S. Athanasius lib. de incarnatione Christi contra Apollinarem: *Ajunt, loco ejus hominis, qui in nobis interior dicitur, mentem, superiorem in Christo fuisse; insit enim instrumentum cum circumferentia corporis usum fuisse: quippe fieri non potuisset, ut homo perfectus existeret. Ubi cum perfectus homo, ibi & peccatum: duoque perfecti in unum constari non posse.* Divinam tamen substantiam, Verbi fuisse conversam in carnoem, quod dixerit Apollinarista, testantur Gregorius Nyssenus in Opusculo contra Apollinaristas, Ambrosius lib. de Incarnatione c. 6., Facundus Hermianensis lib. 6. pro defensione Syoudi Chalcedonensis, Eulogius Alexandrinus apud Photonium, Codice 230., & Leontius in libro adversus fraudes Apollinaristarum, alique passim.

Secundo loco ponimus Eutychanos, qui divinam naturam, non in humanam, sed utramque in aliquam tertiam conversam fuisse,

com-

commenti sunt: Eutyches, qui V. seculo floruit, horum Hæreticorum fuit antesignanus, quorum error in IV. generali Concilio, Chalcedonensi dicto, damnatus fuit. Eutyches erat Presbyter, & Archimandrita, hoc est Abbas, celeberrimus monasterii Constantinopolis. Ex præpostero zelo, quem habuit adversus Nestorianam hæresim, & ex ejus imperitia, prolapsus est in errorem, de quo loquimur. Testatur hoc S. Leo epist. 13. ad Pulcheriam Augustinam, dicens, Eutychis errorem de imperitia magis, quam de versutia natum; & epist. 15. ait ipsum, nulla maturitate cordis ornasse canonicum senectutis; & epist. 19. cum appellat, *indocilem antiquæ fidei impugnatorem*. Fuit primum a Flaviano, Constantinopolitano Patriarcha damnatus, & postmodum in aliis Conciliis usque ad Constantinopolitanum I. Exorta est hæc hæresis anno 448., sub Leone magno, Romano Pontifice, & Theodosio juniore, ac Valentiniano, Imperatoribus.

Tertio loco ponendi sunt Recentiores quidam, qui Deum quoad voluntatem non immutabilem esse, dixerunt. Commemum hoc tribuitur Vossio recenti Calviniano, qui apud Petavium lib. 3. theologicorum dogmatum c. 2. n. 17. asserit, *Deum quodam in tempore ipsa vult, quæ antea voluit*. Hunc sane hæreticum vocat idem Petavius n. 18. sceleratissimum hominem, quem invicte confutat perspicuis Scripturarum, Patrum, ac Philosophorum testimoniis, & rationum momentis.

Quarto loco addi possunt Hæretici illi, qui dicti sunt Ignoræ, quatenus volebant, ultimum Judicii diem a Filio, etiam ut Deo, ignorari; unde quoad intellectionem in Divinitate Verbi mutationem visi sunt admisisse. Hæreticorum hujuscemodi Auctorem Isidorus lib. 8. etymologiarum c. 5., qui eorum denominationis rationem reddit, dictos scilicet fuisse Ignoræ, eo quod ignorantiam impingebant in Deo, non prodiit. Et Alphonfus a Castro in verbo Deus hæres. 8. testatur, se apud Scriptores alios adinvenire non potuisse.

Theophilus Raynaudus, eruditissimus Societatis Jesu Scriptor, in Theologia naturali disp. 7. q. 1. ar. 5. n. 17. testatur, recentes quosdam Hæreticos denuo Apollinarianarum hæresim nostris temporibus in lucem revocasse. Contra hostes tamen Hæreticos omnes propriis respectivè locis ex proposito pugnabimus; & quidem tractantes de Deo-Homine Christo, seu de Incarnatione, agemus contra Apollinarianos, & Eutychianos; & loquentes de Deo scientes, atque volentes, seu de Scientia, & Voluntate Dei, contra Vossium, & Ignoræ, calumiam quoque admovebimus. Interim hoc in loco, absque eo, quod ad peculiarem aliquam mutationem deveniamus, in genere quancunque intrinsecam mutationem a Deo conabimur amovere; ut inde ex hic habitis possit quoque facilius quævis in periculati mutatio in Deo impuguari.

DISSERTATIO XL.

De Immutabilitate Dei.

I. Robatur ex Scripturis. Numerorum 23. 19. Non est Deus quasi homo, ut mentiat; nec ut filius hominis, ut mutetur. Dixit ergo, & non faciet. Locutus est, & non implebit. 1. Reg. 15. 29. Porro Triumphator in Israel non pariet, & punitudine non flectetur, neque enim homo est, ut agat penitentiam. Psal. 101. 27. & 28. Ipsi peribunt, tu autem permanens. Tu autem, idem ipse es, & anni tui non deficient. Isaïæ 46. 10. Consilium meum stabit, & omnis voluntas mea fiet. Malachiæ 3. 6. Ego Dominus, & non mutator. Jacobi 1. 17. Apud quem non est transmutatio, nec vicissitudinis obumbratio. Sapientie 7. 27. Et cum sit una, omnia potest;

& in se permanens omnia innovat. 1. ad Timotheum 6. 16. Qui solus habet immortalitatem, & lucem inhabitat inaccessibilem.

II. Ex Conciliis. Concilium generale Nicænum I., Ambrosio interprete lib. 5. de fide c. 9., sic decernit: *Eos, qui dicunt: Erat aliquando, aliquando non erat, & erat mutabilis, & convertibilem Filium Dei, hos anathematizat Catholicæ, & Apostolicæ Ecclesiæ*. Ephesinum generale c. 14. *Est enim Deus immobilis, nullique alterationi obnoxius, semper idem, sui que similis, ut scriptum est, manens. Concilia omnia coacta, tum generalia, tum particularia, ad damnandam Apollinarianam hæresim; nimirum Alexandrina Synodus anno 362., in qua præfuit S. Athanasius Synodus*

nodus Romana an. 373. S. Damaso, Romano Pontifice, Præside; Synodus Antiochena an. 378. Concilium Constantinopolitanum I. generale II. celebratum an. 382. in cuius epistola Synodica legitur: Nos præterea doctrinam dominicæ Incarnationis integram, & perfectam tenemus; neque dispensationem carnis Christi, vel animæ, vel mentis expertem, vel imperfectam esse, asserimus: Sed agnoscimus Verbum Dei ante secula, omnino perfectum hominem in novissimis diebus, pro salute nostra factum esse. Concilia pariter celebrata pro damnanda Eutychetis hæresi, sive particularia, sive generalia; Constantinopolitanæ Synodus an. 449. sub Flaviano Præside; & Chalcedonensis generale Concilium IV. in Constitutione, seu definitione fidei, quæ continebat Symbolum Nicænum, & Constantinopolitanum, Epistolæ Syodicas S. Cyrilli, & S. Leonis epistolam, & in qua legebatur: Unum, eundemque Christum, Filium, Dominum, Unigenitum, in duabus naturis inconfuse, immutabiliter, indivise, inseparabiliter, agnosceendum. Demum Concilium Lateranense IV. sub Innocentio III., & refertur io c. firmiter de summa Trinitate, & fide catholica: Unus solus est verus Deus, æternus, & immutabilis.

III. Ex Patribus. Cyrillus Alexandrinus dialog. 1. Deus velut defixus, & stabilis est in bonis propriis, nullum in utraque partem transiitum sustinens: Et est stabilitas illa essentialis, non ex electionis manentis securitatis inventum. Fulgentius lib. de Fide ad Petrum c. 7. Nisi naturaliter incommutabilis esset, nunquam in rebus mutabilibus ordo quidem consilii, ac dispositionis ejus incommutabilis permaneret. Augustinus lib. de natura boni adversus Manichæos c. 19. ex illo Exodi: Ego sum, qui sum: infert: Vere enim ipse, quia incommutabilis est. Idem tract. 4. io 1. Joan. Mutari nescit, nulla ex parte corrumpitur; nec proficit, quia perfectum est; nec deficit, quia æternum est. Idem lib. 2. de libero arbitrio c. 17. Nihil enim accidens in Deo, quia nihil mutabile, aut amissibile. Idem Meditat. 29., si Augustini genuinus est textus: Immutabilis omnia mutans. S. Hilarius, Pictaviensis Episcopus, io psal. 2. De mutatione non novus est, qui origine caret; ipse est, qui quod est, non aliunde est; in se est, ad se est, suus ipse est, & ipse sibi omnia. Chrysostomus explicans verba Psalmi 101. Tu autem idem ipse es, & anni tu non deficiet, scribit: Tu vera immobilem habes naturam, & mutatione præstantiorem. Ambrosius lib. 1. de fide c. 9. Arius dicit mutabilem filium Dei; Quomodo ergo Deus,

si mutabilis; cum ipse dixerit: Ego sum, qui sum? Athanasius orat. 2. contra Arianos: Dominus autem dicit: Ego sum veritas. Si igitur Dominus de se ipso hoc dicit suam immutabilitatem ostendit. S. Gregorius magnus lib. 12. moral. c. 17. Quia in Deo mutabilitas non venit, nulla ejus lumen ambra vicissitudinis intercidit. Idem lib. 18. moral. cap. 28. Ego sum, qui sum, & qui est misit me ad vos. Solus quippe veraciter est, qui solus incommutabiliter permanet. Nam omne, quod modo sit, modo aliter est, juxta non esse est; permanere enim in statu suo non potest, atque aliqua modo ad non esse itur, dum ab eo, quod fuerat semper, aliud per momentum temporis ducitur. Nazianzenus orat. 34. Composita pugna initium est; pugna autem disfidii; disfidium solutionis; solutio porro nulli modo in Deum, ac primam illam naturam cadit. Quocirca nullum disfidium admittendum est, ne salutis consequatur; nec pugna, ne disfidium oriatur; nec compositio, ne pugna existat.

IV. Ex Philosophis Gentilibus. Plato lib. 2. de Republica, apud Eusebium lib. 13. de præparat. evangelicæ. Deum, & quæ Dei sunt, quia quæ optimo sunt in statu, commutari non posse: Sed neque a se ipsa posse mutatum, variatumque ita. Aristoteles lib. 1. de cælo c. 9. tex. 100. Divinum ætne, ac primum, summumque necesse est immutabile. Sallustius lib. de Diis: Communes notiones sunt, quas omnes homines, si interrogati fuerint, confitebuntur; veluti Deum esse bonum, esse passionis expertem, esse immutabilem: Nam omne, quod mutatur, aut in melius, aut in pejus, mutatur; si in pejus, sit deterius; si in melius, principia malum fuit. Hoc idem dilemma usurpavit Plato, & adhibuit Augustinus. Proclus in Commentariis ad Rempublicam Platonis p. 358. Omne enim, quod mutatur, eo, quod mutat, imbecillius est: Quoniam hoc agit, illud patitur. Atqui divinum omne potentissimum est; imbecillitas vero cum sit officio propria materia, præest est a Diis. Idem pag. 357. Quidquid enim e se ipso mutatur, vel in melius, vel in deterius mutatur. Porro in deterius nihil se nunquam sponte sua mutaverit. Nam omne, quod tale aliquod patitur, ex boni incertitia patitur illud videtur. At in melius si quid mutatur, id ante mutationem proprii boni indigens, ejusmodi mutationem eligit. Quare ex ambobus illis, aut minime voluntariam actionem in Deum conferemus, aut bonorum indigentiam. Verum & cognitio penes Deos est præstantissima, & vita sufficiens. Igitur neque bono egent ullos; neque præter voluntatem aliquid patiuntur. Plotinus Ennead. 6. lib. 5. c. 3. Non.

potest autem, Deus, a se ipso desistere. Philolaus Pythagoricus, apud Philonem de mundi opificio p. 23. *Unum esse sempiternum Deum, stabilem, & immobilem, ac sui similem.*

V. Rationibus. I. Ex Dei simplicitate. Quodcumque mutatur, secundum aliquod manet, & secundum aliquod transit; sed ubi realiter distinguuntur aliquod, & aliquod, ibi simplicitas destruitur: ergo si in Deo summa ponenda est, & omnimoda simplicitas, summa etiam, & omnimoda immutabilitas est statuenda. Unde Augustinus lib. 6. de Trinit. cap. 6. *nihil simplex mutabile est.* II. Ex ratione actus puri. Quodcumque mutatur, atque mutaretur, erat in potentia ad id, ad quod posset transit, quando mutatur: ergo non habebat omnimodam rationem actus puri. Probatur consequentia. Ratio actus puri destruitur a potentia ad quemcumque actum; sed in Deo erat potentia ad actum, ad quem transit, quando mutatur: ergo Deus non habebat omnimodam rationem actus puri: ergo si Deus est actus purus, omnimode est immutabilis. III. Ex perfectione Dei. Nequit Deus esse perfectissimus, & esse mutabilis: ergo si Deus est perfectissimus est immutabilis. Probatur antecedens. Quando enim Deus mutatur, vel acquirit aliquam perfectionem de novo, quam prius non habebat, vel perdit aliquam perfectionem, quam prius habebat? Utrunque dicere enti perfectissimo repugnat: ergo nequit Deus esse perfectissimus, & esse mutabilis. Probatur minor. Si acquirit aliquam perfectionem? Ergo prius illam non habebat: ergo non habebat omnem perfectionem: ergo non erat perfectissimus. Si perdit aliquam perfectionem? Ergo deinde illam non habet: ergo non habet omnem perfectionem: ergo non est perfectissimus: ergo utrumque dicere enti perfectissimo repugnat. IV. ex Aseitate. Deus est ens a se: ergo mutari nullo modo potest. Probatur consequentia. Ens a se nullam importat dependentiam in quocunque genere; sed si Deus esset mutabilis, dependeret ab aliquo, aut intrinsece, aut extrinsece: ergo si Deus est ens a se, mutari nullo modo potest. Probatur minor. Dependeret ab illo, a quo, per quem, vel ad quem, mutaretur: ergo dependeret ab aliquo. V. ex Omniscientia Dei. Mutari est proprium illorum, qui omnia, nec bene cognoscunt, nec funditus penetrant; atque Deus unio actu comprehendit omnia: ergo Deus si mutaretur in consiliis, in affectibus, in conceptibus suis, non esset omniscius. V. Lex Sanctitatis Dei. Vo-

P. A. R. I.

luntas, vel in melius decreta sua mutat, ut maiorem sanctitatem acquirat, vel in pejus, ut acquisitam perdat; utrumque divinæ sanctitati repugnat: ergo quia Deus est perfectissime sanctus, est omnino immutabilis in voluntate, & in decretis suis. Probatur minor. Acquirere maiorem sanctitatem acquirentem non supponit sanctissimum; deperdere, non finit esse sanctum: ergo utrumque divinæ sanctitati repugnat. VII. Ex Omnipotentia. Deus est omnipotens: ergo est immutabilis. Probatur consequentia. Quia Deus est omnipotens, nullum ens potest ei resistere; sed si esset mutabilis, ob aliquod contrarium mutaretur: ergo si Deus est omnipotens, est etiam immutabilis. Probatur minor. Mutatio provenit a pugna, pugna ab altercatione, altercation a contrarietate; ergo si Deus esset mutabilis, ob aliquod contrarium mutaretur. VIII. ex Infinitate. Qui non habet nec principium, nec finem, tam in esse, quam in omnibus perfectionibus suis, est omnimode immutabilis; sic est Deus: ergo est omnimode immutabilis. Probatur maior. Non enim mutari potest a non habente ad habentem, nec ab habente ad non habentem, qui non habet principium, nec finem: ergo est omnimode immutabilis.

Obijciunt. I. Sapientia 7. 24. *Omnibus enim mobilibus mobilior est Sapientia*; atque nomine Sapientia intelligitur Deus: ergo Deus omnibus mobilibus est mobilior. II. Genes. 4. 7. tribuitur Deo motus de loco ad locum: *Venite igitur, descendamus, & confundamus ibi linguam eorum.* Insuper Jacobi 4. 8. *Appropinquate Deo, & appropinquabit vobis*; Sed hic motus mobilitatem, adeoque mutabilitatem, importat: ergo Deus est mutabilis. III. Unio hypostatica sicut importat in natura assumpta mutationem, ita etiam importare debet in Verbo assumente: ergo quemadmodum per dictam unionem mutata fuit natura, ita mutatum est Verbum. Probatur antecedens. Sicut natura ex non unita fuit facta unita, ita pariter Verbum fuit unitum ex non unito: ergo quemadmodum natura passa est mutationem, ita & Verbum. IV. Deo tribuuntur denominationes de novo advenientes: ergo indicant in eo mutationem. Probatur antecedens. Sunt denominationes Creatoris, Sanctificatoris, Domini, Conservatoris &c. Unde Deus ex non producente mundum factus est produciens, ex nun sanctificante Magdalenam factus est sanctificans; ergo per has denominationes vere transivit de uno statu ad alium: ergo vere fuit mutatus. V. Motiones animi, quas

Y

Deo

Deo tribuit Scriptura, ire nimirum, doloris, poenitentiae &c. quasque Tertullianus, & Lactantius, proprie, non metaphorice, accipiunt, indicant etiam in Deo mutationem; quæ omnino negari non potest, si motiones illæ proprie accipiuntur. VI. Decreta libera divinæ voluntatis absque divinæ voluntatis mutatione stare non possunt: ergo per hæc saltem Deus esset mutabilis. Probatur antecedens, Isaiæ 38. t. Mutat Deus decreta mortis larum jam contra Ezechiam. Regem. Jonæ 3. 4. contra Ninivitas destructionis urbis Ninive sententiam proclamam retrahat: ergo vere per hujusmodi decreta divina voluntas immutatur. VII. Deus modo amat, quem non amabat prius, modo abominatur illum, quem antea amabat: ergo transit ab amore ad odium, & ab odio ad amorem: ergo vere mutatur. VIII. Deus transit de potentia ad actum: ergo est mutabilis. Probatur antecedens. Ante sex mille annos Deus erat in potentia ad creandum mundum: ergo quando illum creavit, transivit jam de potentia ad actum. Unde dicebat Proclus; Opifex si actu sit opifex, opus etiam actu esse debet; sin est potentia opifex, ad actum redigi debet ab alio, qui sit actu; quod etiam ex Aristotele confirmat.

Respondemus ad I. cum S Bonaventura, & Alexandro de Ales, mobiliter illam intelligi extrinsece, & active, vel, ut alii loquuntur, terminative, & efficienter, non vero formaliter, & subjective. Quod idem est ac dicere; tunc Deum esse efficienter, & active, mobilem, quando movet, & immutat, quæ sunt mobilia, & mutabilia; ipso autem immobili, ac omnino immoto. Et quia Deus majorem habet potentiam ad movendum, quam creaturæ reineant capacitatem, ut moveantur; inde dicitur quod Sapientia, hoc est Deus, sit omnibus mobilibus mobilior; scilicet quod sit fortior ad movendum quæcumque moventur, quam ista sint apta ad motum ipsum ab eo recipiendum.

Ad II. Motus tribuitur Deo a Moyse loquente humano modo, non vero proprie, quasi Deus de loco ad locum vere moveatur, sed solum improprie, & non per se, sed per alium. Alii dicunt, quod Deus in Genesi loquebatur per Angelum, a quo representabatur. Insuper Deus appropinquat nobis, non per præsentiam, quia est ubique per suam immensitatem, sed per donorum largitionem, & præcipue per gratiam justificationis. S. Thomas affert exemplum radii solaris, qui in aulam ingrediens, illam

immutat ex obscura in lucidam, quum tamen ipse nec novam substantiam acquirat, nec in sua priori substantia immutetur. Sic quoque Deus homini peccatori, qui se ad eum convertit, largitur gratiam suæ amicitiae, qua peccator illuminatur, & per hoc ad peccatorem appropinquat, qui prius ad Deum appropinquaverat; tota mutatione se tenente ex parte peccatoris illuminati, non vero ex parte illuminantis Dei.

Ad III. Quando Verbum factum est caro non recepit in se aliquid intrinsece, per quod vere importaretur mutatio, sicut importaretur in humanitate, quæ intrinsece unita fuit Verbo; sed tantum recepit extrinsece, per hoc quod terminavit humanitatem, atrahendo illam ad suam subsistentiam. Unde non sequitur, quod sicut mutata fuit humanitas, ita etiam debuerit mutari Verbum. Si dicatur, quod Verbum fuit intrinsece unitum, sicut fuit intrinsece unita humanitas; conceditur hoc, sed cum hoc discrimine, quod Verbum fuit unitum intrinsece per modum termini, non per modum subjecti; unde Verbum fuit mutatum extrinsece, & non intrinsece.

Ad IV. Denominationes illæ solum extrinsecam denominationem important. Unde non est necesse, ut ad evitandam hanc mutationem intrinsecam recurramus, vel cum Origene ad æternitatem hujus universalitatis, quasi ipsa fuerit ab æterno a Deo creata, vel cum Hermogene ad materiam Deo coæternam. Audiat Augustinus lib. 5. de Trinit. c. 15. Si ergo nummus potest, absque ulla sui mutatione, toties dici relative, ut neque cum incipit dici, neque cum desinit, aliquid in ejus natura, vel forma, qua nummus est, mutationis fiat; quanto facilius de illa incommutabili Dei substantia debemus accipere, ut ita relative dicatur aliquid ad creaturam, ut quantvis temporaliter incipiat dici, non tamen ipsi substantia Dei accidisse aliquid intelligatur, sed illi creaturæ, ad quam dicitur? Audiat etiam Tertullianus contra Hermogenem c. 3. Dei nomen diximus semper fuisse apud semetipsum, & in semetipso, Dominum vero non semper. Diversa enim utriusque conditio. Deus substantia ipsius nomen, id est Divinitatis, Dominus vero non substantia, sed potestatis. Substantiam semper fuisse cum suo nomine, quod est Deus, postea Dominus, accidentis scilicet rei mutata. Aliqui tamen dicunt cum Cardinali Cusano, lib. de docta ignorantia, Deum ab æterno fuisse Creatorem, & Dominum, quia ab æterno vim creandi, & dominandi, habuit; sicut Medicus, apud se habens medendi rationes, Me-

Medicus est ; & dicitur, quanvis actus eadem non exerceat. Unde distinguitur propositio illa : Ex non producente factus est producens, ex non sanctificante factus est sanctificans, per actum, quem semper habuit, conceditur ; per actum, quem non semper habuit, negatur. Deus enim ab aeterno voluit mundi creationem, non pro aeterno, sed pro tempore respondente instanti virtuali aeternitatis, quo revera sum eduxit ex nihilo. Quod quidem confirmatur ab Augustino lib. 2. de civitate Dei c. 17. *In illo autem non alteram precedentem altera subsequens mutavit, aut abstulit, voluntatem; sed una, eademque sempiterna, & immutabili voluntate rei, quas condidit, & ut prius non essent, egit, quando non fuerunt, & ut posteriores essent, quando esse ceperunt.*

Ad V. dicitur, moriones illas non esse proprie in Deo, ut contra communem Sanctorum Patrum sensum arbitrati sunt Lactantius, & Tertullianus, sed esse metaphoricis; hoc est non secundum affectum, sed secundum solum effectum; ac proinde nullam in Deo mutationem importare. Esse autem quoad effectum idem est, ac dicere, quod Deus faciat in creaturis mutationes illas, quas solet facere homo, quando illis passionibus intrinsece perturbatur. Sic homo iratus destruit, ulciscitur, punit. Quando Deus hæc agit in creaturis, Scriptura dicit, quod irascatur; non quantum ad effectum iræ, sed quantum ad effectum ipsius, destructionis scilicet, vindictæ, poenæ. Eodem modo de aliis passionibus discurrendum est, & præsertim de poenitentia, ut explicat Augustinus lib. 2. ad Simplicianum q. 2. Quapropter cum legimus etiam Dominum dicentem: Pœnitet me, consideremus, quid esse soleat. In hominibus opus poenitendi est, cum proculduo reperitur voluntas mutandi, sed in nomine cum dolore animi est; reprobendit enim in se, quod temere fecit. Auferamus ergo ista, quæ de humana infirmitate, atque ignorantia, veniunt, & remaneat solum velle, ut non ita sit aliquid, quemadmodum erat.

Ad VI. Agens liberum esse mutabile, quando eam habet libertatem, quæ cum defectu

conjuncta est; Quando vero agens liberum perfectam, & absolutam habet libertatem, qualis est libertas divina, semper cum suo actu conjuncta est. Unde Deus potuit quidem carere actu ipso, quo voluit creare mundum, sed si actus ille accipitur connotative, non vero entitative; in quantum Deus potuit carere omni eo, quod in ipso non est necessario, adeoque potuit carere decreto libero quoad connotationem, quæ est libera, non quoad entitatem. Creterum decreta illa pro Ezechia, & pro Ninivitis, erant conditionata; in hypothesei scilicet, quod Ezechias, & Ninivites, poenitentiam non egissent.

Ad VII. dicitur, quod mutatio omnis non est in Deo, sed in rebus ipsis. Quando enim dicitur, quod Deus voluntatem mutet, itaut efficiatur levis illis, quibus antea erat lenis, revera Deus non mutatur, quia semper ille stat firmus in sua lege æterna, ita quidem, ut & lenitas sit lex æterna, & ita pariter sit lex æterna. Mutantur quidem homines, & inde est, quod cum quodammodo mutatum dicunt se invenisse, quando illa pati coguntur. Tetra eadem est, tam sanis, quam vertigine capitis afflictiis; primis tamen est immobilis, aliis movetur vertiginoso quidem motu. Sol pariter idem est, sed oculis sanis est delectabilis, male affectis molestus.

Ad VIII. Deus nunquam fuit in potentia ad creandum, mundus tamen fuit in potentia, ut crearetur; & quando creatus fuit, mundus mutatus est, transcendendo de potentia, ad actum, non vero Deus. Deus, quia semper est in actu ad operandum, & quia semper est liber in operibus suis, si non operatur, non est, quia nequit, sed quia non vult. Unde nullam in eo arguit potentiam actus, nullam inducit mutationem. Auctor questionum ad Orthodoxos, inter opera Iustini, q. 113. hæc ad rem nostram docet: *Qua sic agendi potentia prædita sunt, ut naturalis quadam necessitate impellantur ad agendum, minus quodammodo, cum in sola potentia remanent: Cujus autem potentia nulla naturali necessitate continetur, sed in voluntate sola posita est, eam nullatenus immitti.*

DISSERTATIO XLI.

De Figmentis contra Æternitatem Dei, & de Inventoribus illorum.



ANE ex iis, quæ in præterita Dissertatione diximus, evidentiſſime inferitur, Deum eſſe incorruptibilem, immortalẽ, adeoque æternum; ſi enim corruptibilis, & mortalis, & temporaneus, eſſet, hoc ipſo Deus mutaretur, & mutaretur quidem eſſentiali mutatione, quæ eſt circa ſubſtantiam ipſius, & vitam. Ut autem latior de ſua æternitate fiat ſermo, hanc alteram Diſſertationem inſtituimus, in qua de erroribus peculiaribus contra illam agemus; & ſequentem etiam adjungemus, in qua illam Deo pleno jure deberi, contra eandem perturbantes, probabimus.

Æternitatis ideam ex Philoſophicis ſupponimus in Legentibus; adeoque hic tam ultiori explicatione repetere, ſuperfluum judicamus. Illa igitur in præſenti ſuppoſita, dicimus, adeo hominibus fuiſſe omni tempore certum, Deum eſſe æternum, ut nullos, ſive Gẽtiles, ſive Hæreticos, qui contrarium vere ſentirent, vix poſſimus accuſare. Dumtaxat Idololatæ illi excipiendi videntur, qui temporaneos ſibi Deos fingebant, Saturnum quidem ſeniorẽ, reliquos vero juniores; contra quos Tertullianus in libro contra Hermogenem ſic egregie argumentabatur: *Non habet tempus æternitas; omne autem tempus ipſa eſt. Quod fecit, pati non poteſt. Caret ætate, quod non habet naſci. Deus ſi eſt vetus, non erit; ſi eſt novus, non fuit. Novitas initium eſtificationis; vetuſtas finem comminatur. Deus autem tam alienus ab initio, & fine eſt, quam a tempore, arbitrio, & metiore initii, & finis.*

Verum, quia non ſolum catholica Fides docet, Deum eſſe æternum; ſed etiam ſolum ipſum æternum eſſe; ita ut præter ipſum nullum aliud æternum fuerit, vel a parte ante, vel a parte ante ſimul, & a parte poſt, cujuſmodi eſt æternitas Dei, quæ proinde earer principio, & fine; adeo ut Tertullianus laudato loco æternitatem *conſum* Dei appellaverit: Hinc operæ pretium eſſe ducimus, etiam hic illorum errores enumerare, qui aliquid aliud, præter Deum, a parte ante æternum eſſe, ſinſerunt. Hoc enim eſſet quoque figmentum contra Dei æter-

nitatem; quemadmodum contra Dei unitatem eſt commentum alios Deos, ultra Deum noſtrum, ponere.

Primo loco ponitur Ariſtoteles, & cum ipſo etiam Gẽtiles quidam, quinimmo ex iis, qui Chriſto nomen dederunt, Origenes quoque, qui mundum ab æterno a Deo conditum fuiſſe arbitrari ſunt. *Quis non videt*, clare aſſerit Alphonſus de Caſtro, Zamoreſis, Ordinis Minorum regularis obſervantiæ, lib. 10. adverſ. hæref. verh. mundus, hunc errorem ex Ariſtotelis ſchola, produiſſe: Attamen Alphonſus confundit unam cum altera hæreſi, pro una accipiens, & explicans, quæ revera ſunt duæ. Ariſtoteles enim aſſeruit mundum eſſe æternum, non materiam; ſic pariter Origenes de mundo loquutus eſt, non de materia; de qua loquutus eſt Hermogenes, & alii Hæretici, quos Alphonſus commemorat. Et hanc alteram hæreſim hic modo ſecundo loco explicamus.

Secundo igitur loco ponitur Hermogenes, qui hylẽ, ſeu materiam quandam Deo cõternam ſinxit, circa quam Deus ab æterno operatus eſt, & in qua voluit adhuc ſuum dominium exercere; ne ex æternitate aliter exiſtiſſet utioſus, & iners. Hic idem error ab Alphonſo de Caſtro, loco ſuperius citato, tribuitur etiam Seleuco, a quo Seleuciani, & Hermiæ, a quo Hermiani, deſcenderunt; & teſtimonio Auguſtini utitur lib. de hæref. c. 59. Eundem errorem, aſſerit, docuiſſe Albanenſes, & quendam quoque Hermannum Riſſuich, Hollandinum, ut ait; verum poſt pauca docet, quod hi autem, & Albanenſes abſolute dixerunt, *mundum fuiſſe ab æterno*. Unde nemo non videt, quam in hoc eruditus homo parum ſibi conſtans fuerit. Ab aliis hic pariter error tribuitur Manichæis; immo Theodoretus lib. 5. de hæref. c. 6. ſcribit; Socrati, Platoni, aliſque Philoſophis, vere tribui ſine mendacio poſſe.

Tertio loco fuit Vvielephus apud Thomam Vvaldenſem lib. 1. doctri-næ fidei antiquæ c. 8., qui dixit, Creaturas ab æterno habuiſſe aliquid eſſe reale, diſtinctum ab eſſe Dei. Reſertur a Cardinali de Aguirre t. 1. theologiæ S. Anſelmi traſt. 3. cap. 18.

disp. 42. sect. 3. n. 27., qui & subdit verba, quæ sequuntur: Cui errori timeo, ne favent plurimi Auctores Catholici arbitranes, essentias rerum, autem in tempore producantur, habere ex aternitate aliquid esse æternale, quod aliqui nominale, alii quiddam, alii objectum, & diminutum appellant, distinctum ab esse Dei. Post quæ adducit auctoritatem S. Thomæ r. p. q. 61. ar. 2. docentis: Solus Deus est ab æterno; hoc enim fides catholica indubitanter tenet: Et omne contrarium est, sicut hæreticum, reputandum.

Quarto loco fuit Gregorius Palamas, qui lumen quoddam, a Deo diversum, eique coæternum, & minime creatum, posuit, quod ex illius maiestate, veluti radiorum & sole splendor, emicat; & hanc esse Dei gloriam seu regnum illud, quod Scripturæ, & Sancti Patres frequenter celebrant. De hoc Palamitarum errore alibi nos loquuti fuimus; subdiximus hic quæ referuntur a Petavio lib. 3. theologic. dogmat. cap. 5. ex ipso ipsorum Græcorum Synodico: Cum quæsitum esset, uti ex sanctorum auctoritate Patrum approbaretur, lumen illud transfigurationis Domini increatum esse; neque tamen id esse substantiam Dei; universos fere pronuntiatio: Hoc ipsum in quarta Albioue demonstratum fuisse: in qua presentes Ecclesiæ adversarii modo creatum illud, & phantasma, & velementum, & adumbratam speciem perspicue blasphemantes esse dicebant; modo hoc impie protestabantur, increatum esse. & ipsum Dei substantiam. Addit ex Joanne Cantacuzeno in historia sua lib. 2. c. 39. Monachos Palamitas dixisse: Apostolos in monte Thabor corporis oculis divinum, & increatum lumen aspexisse: Et ex Davide Monacho in Annotationibus ad Cantacuzenum, narrat: Divinum quippiam, & increatum lumen illud; quod & Deitas a Sanctis appellatur. Non est tamen substantia Dei, sed operatio, gratia, gloria, splendor a divina substantia in Sanctis missus.

Quinto loco fuit Augustinus Steucus, Eugubinus, qui in Cosmopæja, & in libello de rebus incorporeis, & invisibilibus, putavit, ab æterno lucem quandam extitisse divinam, & incretam, a Dei substantia diversam, ab eaque manantem, quæ Dei sit habitatio, Deique regnum, quod Cælum empyreum vocatur. Huiusmodi lucem illam fuisse, asserit, quam Apostoli in monte Thabor, & Moyses in rubo, perspexerunt. Hæc pariter ex Petavio citato loco referimus, qui & ulterius subdit Eugubini verba in Cosmopæja pag. 29. edit. Gryph. Hoc autem non potest esse creatum.

Nam quod creatum fuit, fuit locus, & tempus, idest, ipse mundus. Deinde, cum illud sit regnum Dei, non videtur fas, regnum Dei non semper fuisse. Est enim cælum empyreum claritas divina, quam semper fuisse cum Deo necesse est. Adquam claritatem admisit Angelos, incredibili humanitate sua, & homines pios: Regnum Dei, est regnum omnium seculorum, aut Psalmus. Semper sol ille lucem æternam suam habuit comitem. Nec potest aliud esse cælum empyreum, idest, ignem, nisi claritas illa, manens a Deo circumquaque, extra mundum, extra rerum creaturam, corruptibiliumque, regnum. Hoc sane Eugubini commentum, ait Petavius, esse proximum insulso, ac stuporis pleno, Palamitarum delirio.

Sexto loco vult ponendum Cardinalis de Aguirre Epicureorum errorem, quem asserit quondammodo institutum a Petro Gassendo rum. 1. Philosophiæ Epicuri, ubi pag. 605. latissime tuerit, spatium imaginariū esse rem quandam æternam, immobitem, incorporeamque, quæ nec sit substantia, nec accidens. Et quod olim, hoc idem tradiderint Epicurei, Conimbricenses testes producit in lib. 4. Physic. c. 5. ar. 2. Hoc autem asserere, ex S. Thoma in 2. ad Annibaldum dist. 37. ar. 1., hæreticum esse, concludit; quia S. Doctor ait: Hæreticum est dicere aliquod ens reale, in quantum tale, non esse a Deo. Attamen quod doctus Cardinalis asserit de Gassendo, P. Saguens r. disp. 6. ar. 2. sui Operis theologici, proferit de Cartesio, & de Sestianis illum, verbis hisce: Tantum obiter dico, trahi persaepe in hanc de materia æterna, & increata opinionem posse, quod multis hac ætate Philosophis Cartesium sectantibus videtur de natura spatii corporea. Sic quippe spatium materia est: Spatium autem & æternum, & increatum est, quia quid privativum est, ut probabitur infra, ubi agitur de immensitate divina.

Idem P. Saguens citato loco asserit, Origenem non admisit mundum æternum, sed materiam, quam posuit Hermogenes; cum hoc ramen discrimine, quod Hermogenes incretam voluit, Origenes vero dixit, a Deo creatam fuisse. Attamen Cardinalis de Aguirre docet, Origenem cum Aristotele, aliisque Gentilibus, mundum ex æterno conditum posuisse; Hermogenem vero materiam quandam admisit Deo coæternam, & non explicat, an creatam, an incretam, admisit. Attamen a Tertuliano lib. contra Hermogenem discimus, fuisse incretam; erroremque suum a Stoicis

cis Hermogenem ipsum accepisse. *A Christianis enim conversus ad Philosophos, de Elefesia in Academiam, & Porticum, inde sumpsit a Stoicis materiam cum Domino ponere, qua & ipsa semper fuerit, neque nata, neque facta, nec initium habens omnino, nec finem, ex qua Dominus omnia postea fecerit.* Cæterum Auctor Opusculi ad Thophilum,

quod legitur in tomo secundo Operum S. Athanasii, lib. 6. col. 430. utriusque dicit anathema, sub his verbis: *Va vobis, qui hanc mundum a semetipso semper coeternum Deo fuisse asseritis; ut a Deo factum esse negatis. Va vobis, qui mundum ex aliqua subiacenti materia factum esse, defenditis.*

DISSERTATIO XLII.

De Æternitate Dei.



RIA debemus in hac Dissertatione firmare; Primum, quod Deus sit æternus; & quod consequenter nequeat esse Deus, qui æternus non sit. Unde insipientie arguuntur Idololatræ illi, qui Deos suos juvenes,

& senes, ac proinde temporales, non æternos, commende sunt: De quibus Tertullianus lib. 1. contra Marcionem festivo dicebat: *Quis Deus novus, nisi falsus? Ne Saturnum quidem tanta hodie antiquitas Deum probavit, quia & illum novitas aliquando produxerit, cum primum consecravit.* Hi præsertim fuere Poetæ, qui Jovem, Deorum, hominumque, Patrem, a Saturno genitum, fabulabantur; Saturnum vero cœli fuisse filium; & cœlum ipsum e terra procreatum, effutiebant. Alterum, quod solus Deus sit æternus. Et hoc præstabitur, sive contra Philosophos illos, qui æternitatem mundo dederunt, sive contra Hæreticos, qui illam, aut materiæ, aut alteri substantiæ, a Deo distinctæ, ex proprio ipsorum cerebro, communicarunt. Tertium tandem, quod examinandum superest, in eo consistit, ut cognoscamus, an vere creatæ substantiæ possit a Deo æternitas a parte ante communicari; quod quidem diffiduum est inter Scholasticos, & discrepantia pariter videtur inter Patres, & Philosophos; quos ut componamus, illam cedabimus inire viam, qua Philosophis accedamus, & a Patribus non elongemur.

- I. Ex Scripturis probatur, quod Deus sit æternus. Psal. 9. 8. *Domini in æternum permanet.* 71. 19. *Nomen maiestatis ejus in æternum.* 102. 17. *Miserecordia autem Domini ab æterno, & usque in æternum.* Proverb. 8. 23. *Ab æterno ordinata sum.* Baruch. 4. 7. *Exacerbasti enim eum, qui fecit vos, Deum æternum, immolantes Daemonibus, & non Deo.* Danielis 13. 42. *Deus æternus, qui abscondi-*

torum es cognitor. Ad Romanos 16. 26. *Præceptum æterni Dei.* Quæ quidem verba, non de sola æternitate a parte post, sed etiam a parte ante, intelliguntur; unde in Deo adæquata æternitas omnino concipiatur.

- II. Ex Conciliis. Concilium Nicenum I. anathematizat eos, qui dicunt, Verbum non fuisse æternum, quia dicendo, non fuisse æternum, hoc ipso dicebant etiam, Verbum non esse Deum, sed esse potius creaturam. Eos autem, qui dicunt, erat, quando non erat, aut non erat, antequam fieret, & quia ex non extantibus factus est, hos anathematizat catholica, & apostolica Ecclesia. Concilium Lateranense IV. sub Innocentio III. & refertur in e. t. de summa Trinitate, & Fide catholica; *Deus unus est, æternus, immensus, omnipotens, immutabilis, &c.* Concilium Remense sub Eugenio III. inter alia Dei attributa recenset etiam æternitatem.

- III. Ex Patribus. Tertullianus lib. 1. contra Marcionem c. 8. *Deus, si est vetus, non erit; si est novus, non fuit; novitas initium testificatur, vetustas finem comminatur. Deus autem tam alienus ab initio, & fine, est, quam a tempore, arbitro, & metatore, initii, & finis.* Nazianzenus orat. 2. de Paschate; *Deus semper est, nam erat, & erit; hinc temporis fluxusque, & caduca natura, segmenta sunt.* Augustinus lib. contra Maximinum: *Non enim aliud anni Dei, & aliud ipse Deus, sed anni Dei æternitas est; æternitas ipsa Dei substantia est, quæ nihil habet mutabile. Idem de natura boni contra Manichæos in principio: Summum bonum, quod superius non est, Deus est; ac per hoc incommutabile bonum est, & ideo vere æternum, & vere immortale.* Idem lib. 12. Confessionum c. 19. *Si modo est idoneus animus discernere quid præcedat æternitate, quid tempore, quid electione, quid origine: Æternitate, sicut Deus omnia; tempore, sicut spūs fructum; electione, seu inten-*

tione, sicut fructus florem; origine, sicut sonus cantum. In his quatuor primum, & ultimum, que commemorati, difficillime intelliguntur; duo media facillime. Nempe rara visio, & nimis ardua, conspiciere, Domine, aternitatem tuam incommutabiliter mutabilia facientem, ac per hoc priorem. Gregorius magnus in illa verba Job: Numerus annorum ejus inextimabilis est; hæc scribit: Dicere utque aternitatem voluit, & ipsam longitudinem aternitatis annos vocavit. Cassianus lib. 5. de Incarnatione c. 8. ad illa verba Exodi 2. Ego sum, qui sum: inquit: admirabili divina natura aternitatem sermonis magnificencia, prædicavit: quia nihil de Deo tam conveniens dici potest, quam, ut semper esse dicatur: quia esse, nec præteriti initium, nec futuri terminum habet. Et ideo aptissime hoc de æterni Dei natura dicitur, quod æternitati optime coaptatur. Gregorius Nyssenus ad orat. 38. n. t. 1. At vero nullus egerit illa, & æterna, & omnia, que sunt, complexa natura, neque in loco est, neque in tempore. Sed ante hæc, & super hæc, inexplicabili quadam ratione, ipsa in se sola fide conspiciunt, neque seculis circumscripta, neque cum temporibus decurrens; sed in se ipsa consistens, & in seipsum fundata, & stabilita; neque cum præterito, neque cum futuro consideratur. S. Ildorus c. 8. in primo Sententiarum: Omnia tempora præcedit divina aternitas, nec in Deo præteritum, præteritum, futurumve, aliquid creditur: sed omnia præsentia in eo dicuntur, quia aternitate sua cuncta complectitur. Alioqui mutabilis est Deus credendus, si ei successiones temporum adscribantur. S. Anselmus in lib. de Incarnatione Verbi c. 8. Deus non est aliud, quam ipsa simpliciter aternitas. Et mox subdit, Dei aternitatem esse quasi punctum simplex, id est sine partibus, & indivisibile. Et in Monologio c. 26. Causam reddens, quare sine principio, & sine fine sit, nec habeat præteritum, & futurum? Ait: quoniam ætas, siue aternitas ejus nihil aliud est, quam ipsa. Et in Prologo: Quomodo nec tu habes partes; nec tua aternitas, quæ tu es, unquam, & nunquam, est pars tua, aut aternitatis tuæ; sed ubique totus es, & aternitas tua tota est semper. S. Petrus Damiani opuscul. 36. c. 15. Ibi sane vera aternitas, vera est immortalitas. Ibi æternum illud hodie, quod nunquam transit, ibi præsens sempiternum, illudque hodiernum, quod tanta jugiter stabilitate defigitur, ut transire nesciat, nec se aliquando in præteritum vertat.

IV. Ex Philosophis Gentilibus. Plato in Timæo; Deum esse ait id, quod semper est, neque ortum habet; eodem semper modo se ha-

bet. Et Proclus, Platonis Commentator, lib. 2. in Tim. p. 71. hoc explicans, scribit, idem esse, ac procul esse ab omni vicissitudine temporis. Idem Plato cit. loc. Erroneum quoddam duci homines in loquenda, qui perites illas temporis, erat, & erit, in æternam substantiam imprudenter transferunt. Dicimus enim de illa, erat, est, & erit: Sed illi re vera solum: Est competit: At erat, & erit, ad generationem, quæ in tempore procedit, referri convenit. Motus enim sunt. Quod autem semper eodem modo se habet immobilitate, neque vetustius, neque recentius esse nunquam oportet: Neque nunc fuisse, neque deinceps fore; ac nihil eorum penitus, quæ generatio iis affinxit, quæ sub sensus feruntur. Verum temporis aternitatem imitantis, & secundum numerum circumvolanti species hæc sunt. Platonis, Platonis doctrinæ primarius sectator Enn. 3. lib. 7. c. 4. Vita sit infinita, eo ipsa, quod tota simul consistit, nihilque amittit; cum nihil præterierit, vel sit futurum. Alioqui jam tota non esset. Plutarchus in lib. 2. Deum definitiens, scripsit, quod æternum est, immutabile, & incorruptum. Et post pauca: Sed est Deus: Si ita loqui fas est; & est in nullo tempore; sed in aternitate immobili, & indeclinabili; cujus nihil est prius, nihil posterius, neque futurum, neque præteritum; ac solum est per se revera ens, quod nec fuit, neque futurum est, neque capit, neque desinitum est. Numenius, Pythagoreæ Philosophiæ Coryphæus, apud Eusebium lib. 1. c. 1. præpar. evang. p. 309. Ens neque erat aliquando, neque erit aliquando; sed est semper in definito tempore, solo nempe præsentis. Hoc igitur præsens tempus si quis æternum appellare velit, me quidem auctore faciet. Et iterum: Et ens æternum est, ac stabile, semper in eodem statu perseverans. Parmenides apud Ammonium in lib. de Interpret. Nihil esse penes Deos, neque præteritum, neque futurum; quod utrumque sit non ens; quoniam alterum non est amplius; alterum nondum est; ac prius mutatum est, posterius natura mutabile est. Eiusmodi autem ita, quæ vere sunt, & mutationem ne cogitatione quidem teus admittunt, impossibile est asserere. Necessè est enim æternis id esse, quod omnino immutabile est, eo quod utrumque mutatur, ut in mutatione perseveret. Quæ in Diis, qui ad entia rationem habent principii, præteritum, futurumve, contemplari non possumus; sed omnia, quæ apud illos sunt, in uno nunc, videlicet æone, stabilita sunt. Quippe temporis mensura una cum universitatis existentia se se produnt, ac sola metuntur illa, quæ vel subsistunt, vel operantur in tempore. Aristoteles lib. 2. de Cælo c. 3. Dei

aliis

allio immortalitas; hoc autem est perpetua vita, ut propterea necesse sit divinum motum sempiternum esse. Thales Milesius, unus ex septem Græciæ Sapienribus, interrogatus, quid esset antiquissimum? Apud Plurarchum in Convivio respondit: Deum esse ortu carentem.

V. Ex Rationibus. I. Melius est existere, quam non existere: ergo melius est existere semper, quam existere aliquando, & aliquando non existere; sed Deo tribuendum est quod est melius: ergo Deo tribuendum est existere, & existere semper. II. Si Deus non fuit ab æterno: ergo fuit in tempore. Tempus autem illud a quo fuit creatum? Vel a Deo, vel ab alio? Si a Deo: ergo fuit subsequens ad ipsum Deum: ergo Deus fuit ante omne tempus: ergo fuit ab æterno. Si ab alio? ergo datur alia prima causa præter Deum: ergo non hic, sed illa, alia prima causa erit Deus. III. Deus est veritas; sed veritas semper fuit, & semper erit: ergo Deus semper fuit, & semper erit: ergo est æternus æternus. Probatur minor. Si veritas aliquando non fuisset, pro illo tempore, in quo non fuisset, verum fuisset dicere: Veritas non est: ergo eo tempore, quo veritas non esset, veritas quoque fuisset: ergo nullum est assignabile tempus, in quo veritas non fuerit: ergo nullum etiam erit assignabile temporis instans, in quo Deus non fuerit. IV. Deus est ens a se: ergo est æternus. Probatur consequentia. Ens a se a nullo dependet, neque in esse, neque in operari: ergo quod est ens a se, semper fuit; sed quod semper fuit est æternum: ergo si Deus est ens a se, est æternus. V. Deus est immutabilis: ergo est æternus. Probatur consequentia. Quod non est æternum mutatur: ergo si Deus est immutabilis, est æternus. Probatur antecedens. Quod non est æternum, transiit de non esse ad esse: ergo mutatur. VI. Deus est perfectissimus in omni genere: ergo est etiam perfectissimus in duratione; sed non esset perfectissimus in duratione, si non esset æternus: ergo Deus si est perfectissimus in omni genere, est æternus. VII. Deus est simpliciter infinitus: ergo debet habere infinitam durationem, tam a parte ante, quam a parte post: ergo est æternus. Probatur consequentia. Si Deus non esset æternus, haberet finitiam, & limitatam durationem; ergo non esset simpliciter, & in omni genere infinitus. VIII. Æternitas est perfectio, & non est cum divinitate incompatibilis: ergo in Deo est admittenda. Nec etiam est impos-

sibilis perfectio; ergo, si ab altero ente haberetur, hoc esset perfectius Deo.

Usque modo probavimus, Deum esse æternum, & primam Dissertationis partem explevimus. Alteram debemus modo conficere, probantes nimirum, solum Deum, esse æternum; & per consequens æternitatem a parte ante adeo propriam fuisse solius Dei, ut omne aliud, præter ipsum, a parte ante fuerit tempore factum, & non fuerit, nec dici possit, ullo modo æternum. Quod & sequentibus quoque auctoritatibus, ac rationum momentis explere conabimur.

I. Probatur ex Scripturis. Gen. 1. 1. *In principio creavit Deus caelum, & terram.* Psal. 89. 2. *Præquam montes fierent, aut formaretur terra, & orbis, a seculo, & usque in seculum, tu es Deus.* Sapientie 1. 14. *Creavit enim, ut essent, omnia.* Ecclesiastici 18. 1. *Qui vivit in æternum, creavit omnia simul.* 2. Machabæorum 1. 24. *Domine Deus omnium creator, terribilis, & fortis, iustus, & misericors, qui solus es bonus rex, & solus præstans, solus iustus, & omnipotens, & æternus.* Joannis 1. 3. *Omnia per ipsum facta sunt, & sine ipso factum est nihil.* Et n. 10. *In mundo erat, & mundus per ipsum factus est.* Jacobi 1. 17. *Omne datum optimum, & omne donum perfectum, desursum est, descendens a Patre luminis, apud quem non est transmutatio, nec vicissitudo obumbratio.*

II. Ex Conciliis. Concilium Nicænum I. a quo traditionem habemus, quod universum Patres ex æternitate Verbi bauerunt argumentum validissimum, quo contra Arianos probarent, Verbum esse Deum. Unde Athanasius in epistola ad Africanos, de Verbo loquens, scribebat: *Habet ille æternitatem. Quæ creata sunt, æterna esse non possunt.* Concilium Lateranense IV. sub Innocentio III., & refertur in c. firmiter, de summa Trinitate, & fide catholica: *Deum, ab initio temporis, universum hoc, quoad omnia creaturarum genera, condidisse.* Concilium Remense sub Eugenio III., in quo definitum est: *Nullam rem adesse Deo, qua sit ab æterno, & qua non sit Deus.* In quadam Synodo Patiensis Stephanus, Parisiensis Episcopus, hos articulos, ex Aristotelis Philosophia desumptos, damnavit. I. *Quod mundus est æternus, quantum ad omnes species in eo contentas.* Et 8. *Quod impossibile est solvere rationes Philosophi de æternitate mundi.* Et 11. *Quod mundus est æternus; quia omne, quod habet naturam, per quam possit esse in futuro toto, habet naturam, per quam potuit esse in toto præterito.* Habetur in Bibliotheca Patrum c. 4. ar. 6. col. 922. & refert Pe-

tavius

tavius t. r. theolog. dogm. lib. 3. c. 6. n. 10.

III. Ex Patribus. Tertullianus lib. contra Hermogenem c. 4. *Quis enim alius Dei censui, quam aeternitas? Quis alius aeternitatis censui, quam semper fuisse, & futurum esse, & hoc praeogratia nullius initii, & nullius finis?* Hoc si Dei esset proprium, solius Dei eris, cuius est propriissimum. Augustinus lib. 12. de Civitate Dei c. 15. *Tempus autem, quoniam mutabilitate transierit, aeternitati inmutabili non potest esse coaeternum. Ac per hoc, etiamsi immortalitas Angelorum non transit in tempore, nec praeterita est, quasi jam non sit; nec futura, quasi nondum sit; tamen eorum motus, quibus tempora peraguntur, ex futuro in praeteritum transiunt. Et idem Creatori, in omni motu dicendum non est, vel fuisse quod jam non sit, vel futurum esse quod nondum sit; coaeterni esse non possunt.* S. Athanasius disp. 2. contra Arianos: *Quamvis Deus possit semper facere; at res creatas aeternas esse non posse. Quippe ex non entibus sunt, & non erant, antequam fierent. Quae autem non sunt, antequam fiant, quomodo poterant cum Deo, qui semper est, existere?* Idem ep. ad Africanos: *Isabet ille vim ereandi, condendi, & aeternitatem, ut sit omnipotens, & immutabilis.* Contra vero qua creata sunt, creare non possunt; quippe qua ipsa, creaturae sunt, neque aeterna esse possunt; quoniam ab initio aliqua incipiunt esse. Neque omnipotentia, neque immutabilia esse valent, nam alterius potestatis coniunguntur, & natura sunt mutabiles. Idem orat. 3. *Proprium est creaturarum, & operum, non esse, antequam fiant, & ex non extantibus subsistere.* S. Cyrillus lib. 12. thesauri: *Quod enim omnino per creationem ad esse perfectum est, non potest intelligi a principio esse.* Basilii lib. 2. contra Eunomium: *Nos autem eiusdem infamia esse putamus, tum creatura aeternitatem adscribere, tum creatura dominum hoc testimonio privare.* Methodius Martyr, antiquissimus sane Scriptor, apud Photium, codice 235. *Impossibile est id, quod initio productionis est circumscriptum, simul cum re, quod finem, ac terminum nullum haberet, sine initio, & termino carere.* Damascenus lib. 1. fidei c. 8. *Creatura, cum voluntatis Dei sit opus, non est Deo coaeterna. Non enim natura fert, ut quod ex nihilo ad esse provectum est, coaeternum sit ei, qui principio caret, esseque semper.* S. Anselmus in Monologio c. 27. *Vel hoc solo veram aeternitatem soli inesse illi substantia, qua sola non facta, sed factrix esse inventa est, aperte percipitur. Quoniam vera aeternitas principi, finisque, meta carere intelligitur. Quod nulli verum a creaturam contingere, eo ipso, quod de nihilo*

P. A. R. I.

facta sunt, convincitur. Idem in Prologo c. 13. Deum alloquens, ait: Ubique, & semper es; quod de Te solo dici potest.

IV. Ex Philosophis Gentilibus. Aristoteles lib. 2. de caelo c. 3. *Dei alio immortalitas: Hoc autem est perpetua vita: ut propterea necessum sit divinitati motum sempiternum esse. Quum ergo creaturae nequeat sempiternum convenire motus, jam ex ipso Aristotele nequit creatura esse aeterna.* Et quod alibi idem Aristoteles coeternum sceleris, ut diximus, docens, mundum esse aeternum; nil mirum; etenim profecto non est sola haec contradictio, quae in libris ejus a quocumque, qui in verbis ejus non jueverit, facili negotio deprehenditur, & invenitur. Hoc autem Iustinus martyr in Confutatione dogmatum Aristotelicorum, confut. 3. t. sic contra eundem Aristotelem prosequitur: *Si id omne, quod sit, antequam fieret, non erat, non igitur aeternum, & principii expertus tempus est. Quare neque motus est aeternus, expertusque principii, cuius numerus est tempus.* Plato quavis dicatur a Proclo, Simplicio, Apulejo, Censorino, Macrobio, S. Augustino, Boetio, &c. quod mundum, admiserit ab aeterno; alii tamen constantissime asserunt, eum admisisse e tempore factum; & sunt Ambrosius, Zacharias Myriellentus, Theophilus, Aricinus, alique, apud Petarium videndi.

V. Ex Rationibus. I. In creatione mundi, vel Deus fuit conditor omnium rerum, vel aliarum conditor, & aliarum inventor? Si primum: ergo fuit etiam conditor materiae. Si secundum: ergo non fuit conditor materiae, sed inventor. Atqui hoc dici nequit. Et probatur. Deus omnia creavit; ego creavit quoque materiam. Insupere si materiam non creasset, nihil omnino creasset, quia omnia ex materia produxisset; hoc autem non est creare, sed est generare: ergo admissa materia, Deus non est creator. Argumentum hoc persequitur S. Petrus Chrysologus ser. 46. *Ubi sunt, qui Deum de materia mundum figurasse conspiciunt? Deus non fuit in caelo, & in terra, non ut inventor, sed ut conditor materiae, ex nihilo cuncta perfecit.* II. Vel Deus potuit sine materia creare mundum, vel non potuit? Si potuit: ergo ita de facto creavit. Si non potuit: ergo non fuit omnipotens in creatione mundi. Et hoc est argumentum Theodoriti lib. 5. haeretic. fabul. *Qui autem creationem cavillantur, & omni ex parte aptum opificium calumniari conantur, caque de causa materia mentionem inducunt, audiant divinae voculae clamantia: Fudit Deus omnia, quae fecerat,*

Z

cerat,

cerat, & erat valde bona. III. Vel Deus fuit agens liberum in creatione mundi, vel agens necessarium? Non necessarium; dicitur enim in Psalmo 113. 3. *Omnia quaecumque voluit, fecit*. Ergo liberum: ergo a nullo dependens in operando. Atqui si materia poneretur, Deus a materia dependeret: ergo non esset agens liberum; immo neque esset agens a se. Est argumentum Tertulliani c. 8. contra Hermogenem: *Deum potius subiecit materia, cum vult eum de materia cuncta fecisse; si enim illa usus est ad opera mundi, jam & materia superior invenitur, qua illi copiam operandi subministravit, & Deus subiectus materia videtur, cuius substantia equit, ut possit uti*. IV. Hæc materia, vel est creata a Deo, vel increata? Si creata: ergo quemadmodum Deus potuit materiam sine altera materia creare, ita potuit res alias creare absque materia. Si innata: ergo ipsa materia est Deus. Non enim est ab alio: ergo a se. Neque a Deo dependet, immo potius Deus dependet ab ipsa: ergo est supra Deum. Sic etiam argumentatur Tertullianus cit. loc. c. 7. V. Materia, vel est spiritalis, vel corporea? Si spiritalis: ergo ex ea produci non poterant res corporeæ. Si corporea: ergo ex ea neque spirituales substantiæ productæ sunt. VI. Materia per Hermogenem erat mala; igitur ex ea, vel omnia, quæ producta sunt, sunt bona, vel omnia mala, vel aliqua bona, & alia mala? Non primum; quia ex malo non produciuntur bonum; neque secundum, neque tertium; quia Deus vidit cuncta, quæ fecerat, & erant valde bona. VI. Si mundus ab æterno fuisset, cur tot rerum inventiones novæ sunt? Cur illius memoria non est, nisi a tempore, quo factus fuit? Non fuerunt ergo ab æterno artifices, non Sapientes, non homines, qui ea fuerint activitate, eo ingenio, ea doctrina, præditi, quibus posterioribus seculis apparuerunt ornatu: ergo non fuit mundus. VII. Lux illa Palamitarum, & Steuchii, vel est creata, vel increata? Non enim ex Augustino datur medium. Etenim lib. 6. de Trinitate c. 6. *Omnis substantia, quæ Deus non est, creatura est; & quæ creatura non est, Deus est*. Et in Psal. 85. *Excepto Deo, quicquid aliud est in natura rerum, factum est a Deo*. Si igitur increata: ergo Deus. Si creata: ergo creatura. VIII. Contra Eonæ, quas Veteres quidam admiserunt, inter quos adnumeratur Gregorius Nyssenus lib. 1. contra Eunomium, argumentatur S. Basilus lib. 2. contra Eunomium, his verbis: *At si secula omnia cum Filii opera sunt, infra*

Divigeniti generationem intelliguntur; & unus est, qui antiquius aliquid substantia Filii quærit. At ex Peravio Eonæ sunt spatia, seu intervalla; non tamen localia, sed ætates, hoc est secula; & ita ab ipso optime confutantur. Spatia autem localia, quæ Gassendo, & Cartesio, tribuuntur, non intelliguntur quidem, ut putavit Aguirre, vel scripsit Saguens, Gassendus enim potest optime intelligi, quod in Dei immensitate spatium constituitur; & Cartesius non de corpore physico, sed de mathematico, loquitur. Unde non sequuntur absurda, quæ prælaudati, & quidem eximii, Scriptores intendebant.

Argumentum I. Deus ab æterno fuit Dominus; ergo ab æterno rem aliquam sibi subiectam habuit, in qua dominium exerceret; hæc non potuit esse nisi materia: ergo vere admittenda est materia Deo cœterna. II. Gen. 1. dicitur: *In principio creavit Deus cælum & terram; terra autem erat inanis, & vana*; vel, ut habet versio antiqua, *quam sequitur Tertullianus: erat invisibilis, & incomposita*. Nominem autem principii, & nomine terræ, dicebat Hermogenes, significari materiam, & per verbum erat importari, illam semper fuisse innatam, & infectam. III. ex Eugubino, qui assert Basilium in homilia 1. in Hexameron dicentem: *Erat ante mundi constitutionem antiquior quidem status supermundani virtutibus congruens, ante tempora æternus, perpetuus, in quo Creator, & Opifex, creaturas absolute lucem intelligibilem eorum beatitudini accommodat, qui amant Dominum, naturas ratione præditas, & invisibiles, & omnem intelligibilem ordinationem, quæcumque mentis nostre captem superant, quorum nec appellationem quidem investigare nos possumus*. Hæc enim invisibilis mundi substantiam complectitur. IV. iterum ex Hermogene, Res non possunt fieri ex nihilo, non possunt fieri ex Deo: ergo necessario factæ sunt ex materia infecta, & increata. Probatur antecedens pro prima parte: Ex nihilo enim nihil fit. Probatur pro secunda: Deus est indivisibilis, & immutabilis: ergo ex ipso nihil fieri potest; aliter divideretur, & mutaretur. V. Si non esset materia, ex qua facta fuissent mala, mala ipsa tribuerentur Deo: ergo, ne hoc sequeretur absurdum, admittenda est materia, ex qua mala ipsa sunt facta. VI. Saltem materia intelligitur in Scripturis sub nomine tenebrarum, quia tenebræ non sunt productæ, & ideo materia dicitur innata. Genesis autem 1. 2. legitur: *Tenebræ erant super faciem abyssi; quia mater-*

materia est invisibilis, quemadmodum sunt tenebræ. Unde postmodum additur: *Et Spiritus Dei ferebatur super aquas; Dixitque Deus, fiat lux, & facta est lux.* Quo indicatur, ex tenebris, seu ex materia innata & invisibili, lucem esse creatam.

Respondemus ad I. Quavis Deus ab æterno fuerit omnipotens, non tamen ab æterno fuit Dominus, ut ait Tertullianus; quavis nos putemus, Tertullianum intelligi debere de dominio in actu secundo, non vero in actu primo, seu de exercitio sui domini, quod ab æterno non habuerit, quavis habuerit dominandi potestatem; ut etiam respondet Cusanus. Replicamus Tertulliani verba contra Hermogenem. c. 3. *Dei nomen dicimus semper fuisse apud semetipsum, & in semetipso, Dominum vero non semper: diversa enim utriusque conditio; Deus substantia eius nomen, id est Divinitatis; Dominus vero non substantia, sed potestatis. Substantiam semper fuisse cum suo nomine, quod est Deus; postea Dominus, accedentis scilicet rei mentio. Nam ex quo esse caperetur, in qua potestas Dei ageret, ex illo, per accessionem potestatis, & factus, & dictus est Dominus.*

Ad II. ait Tertullianus, nec nomine principii, nec nomine terræ in illo loco materiam significari; principium nanque ibi non significat subiectum aliquid, ex quo cælum, & terra condita sint, sed ordinem temporis; id est ante omnia, vel cum primum ad æternarum productionem rerum se contulit Deus, cælum, & terram creavit. Subdit quoque Tertullianus, verbum illud *In principio* idem esse, ac in Filio, seu in Sapientia æterna; quam expositionem amplectuntur S. Hieronymus initio traditionum hebraicarum in Genes., & S. Augustinus ser. t. 4. de diversis c. 2., & lib. t. t. Confession. c. 9. Terræ autem nomine materiam designari fuisse, signum est; quia materia Hermogeniana non poterat esse invisibilis, ut ab ipso dicebatur; quia nihil erat, respectu cuius invisibilis diceretur. Nec poterat esse rudis, & incomposita, hoc est imperfecta; illud enim dicitur rude, & imperfectum, quod factum est, sed non est assequutum ultimam perfectionem; materia autem illa non erat facta. Hæc sunt responsiones, quas ex Tertulliano alii exhibent, & nos quoque cum illis afferimus.

Ad III. dicitur, quod statim ille antiquior mundo, ac rebus omnibus creatis; lux illa, quam arcanam, & inaccessibleem habitat Deus; ipsemet Deus est, qui cælestes

PAR. I.

deinde spiritus, veluti secundam lucem, condidit. Quam lucem quam Basiliius appelleret intelligibilem, etque dicat, congruentem esse illum statum creatis rebus antiquiorem, manifestum est, hunc ipsum statum non putasse corporeum, nec esse aliquid aspectabile, ut Palamita, & Eugubinus, existimabant; neque separatis a sensu, & corpore, mentibus lux ista congruit, quæ oculis cernitur. Iisdem verbis occurrit ad Eugubini imaginationem doctissimus Petavius.

Ad IV. Uique ex nihilo nihil fieri potest creata potentia, quæ est virtutis finitæ, & per consequens supponit semper materiam, circa quam operetur; non vero potentia increata, quæ est omnipotens; & a quocunque, in quocunque genere causæ, independens; unde facit quæcunque vult, ut dicitur in Psalmo: *Omnia quæcunque voluit, fecit;* & ab Apostolo ad Roman. 4. t. 7. *Vocat ea, quæ non sunt, tanquam ea, quæ sunt.* Omnia autem Deus produxit per Verbum suum, per quod, & in quo, rerum omnium ideas ab æterno in se ipso habebat. Unde Joann. t. Omnia per ipsum facta sunt, & sine ipso factum est nihil. Et hæc, ait Tertullianus contr. Hermog. c. 18., est materia, quam debebat præsupponere Hermogenes, ne falleretur, & falleret: *Si necessaria est Deo materia ad opera mundi, ut Hermogenes existimavit, habuit Deus materiam longe nobiliorem, & idoneiorem, non apud Philosophos æstimandam, sed apud Prophetas intelligendam, Sapientiam scilicet suam.* Ex hac facit, faciendo per illam, & faciendo cum illa.

Ad V. Alibi diximus jam, mala pœnæ utique a Deo esse, minime autem mala culpæ, quæ sunt peccata, & quæ proinde non habent causam, nisi deficientem, qualis non potest esse Deus. Unde si materia poneretur, ut esset causa malorum culpæ, horum etiam causa esset Deus. Malum enim culpæ, vel procederet a materia necessario, vel libere, ex parte Dei? Si necessario: ergo Deus ex necessitate faceret provenire malum a materia; Si libere: ergo Deus etiam esset causa mali. Hæc eadem asserit Tertullianus loc. cit. c. 10.

Ad VI. dicitur, quod in historia creationis mundi nulla est mentio materię, nec Hermogenes fingit. Nec potest tenebrarum nomine, nec nomine spiritus, venire; non quidem tenebrarum, nam antequam Scriptura de tenebris loquatur, jam narrat, cælum, & terram, fuisse creata; igitur antequam ad materiam creata. Nec etiam Spiritus;

Z 2

rius;

ritus; nam si spiritus ferebatur super aquas, jam aquæ antecederent ad spiritum præexistebant: ergo aquæ antecederent ad materiam fuerunt pariter creatæ. Sic Tertullianus cit. loc. c. 31. *Saggeſus autem cæli, & terra primo tunc fuerunt tenebra, & abyſſus, & ſpiritus, & aqua. Nam terra quidem ſuberat abyſſus, & tenebra; ſi enim abyſſus infra terram, tenebra autem ſuper abyſſum, ſine dubio, & tenebra, & abyſſus, infra terram; calo vero ſpiritus, & aqua, ſubjacebant. Nanque, ſi aqua ſuper terram, qua eam texerant, ſpiritus autem ſuper aquas, pariter & ſpiritus, & aqua, ſuper terram. Qua vero ſuper terram, ea tunc infra eælum; & ſicut terra abyſſo, & tenebris, ita & eælum ſpiritus, & aquis, incubabat, & compleſcebantur; & ita novum non eſt, ut id ſolum, quod continet, nominetur, qua ſumma: in iſto autem intelligatur, & quod continetur, qua portione.*

Ad Tertiam modo Diſſertationis partem devenientes, dicimus, hæc omnia uſque modo a nobis aſſerta, atque probata, intelligenda eſſe tantum de æternitate, quæ eſt propria Dei, æternitate nimirum neceſſaria, & eſſentiali, & independenti. Ex hac ratione vere dici poteſt, aliquid creatum non ſolum non fuiſſe, verum quoque nec poſuiſſe ab æterno eſſe a Deo creatum. Loquentes vero de æternitate, ut dicitur, contingenti, & gratioſa, cum excluſione termini actualis tantum, non vero potentialis, & cum poſſeſſione eſſendi non omnino perfectæ, ſed admittente ſucceſſionem, ſaltem quoad operationem; dicimus, vere poſuiſſe mundum ab æterno a Deo creari; & hujus ſententiæ eſt S. Thomas cum omnibus ſuis; quicquid in contrarium elamitent Cardinalis de Aguirre, Petavius, alique.

Quæſtio autem eſt inter Scholaſticos, num. fuerit poſſibilis creatura, cui connaturalis fuerit æternitas a parte ante, non vero gratioſa; quæ ſcilicet exegerit ab æterno produci? Ex hoc proſpecto negamus, quicquid alii in contrarium ſentiant. Et ex eo præcipue movemur; I. quia Sancti Patres, Athanaſius, Hieronymus, & Damascenus, alique communiter docent, creationem, productionemque rerum ad extra, fuiſſe opus gratioſum, & meræ voluntatis divinæ; ſic autem non fuiſſet, ſi creatura aliqua ab æterno produci exegiſſet. Quod & probatur; quia ſi illa exegiſſet ab æterno a Deo produci, debuiffet Deus ab æterno illam producere: ergo ſua productio non

fuiſſet opus gratioſum, & meræ voluntatis divinæ. II. Quia non entis nulla eſt exigentia; ſed creatura illa, antequam produceretur, fuiſſet non ens: ergo non poſuiſſet exigere, ut ab æterno produceretur. III. Quia in præſenti hypotheſi, quum Deus creaturam hujusmodi non creaffet, violentiam utique illi intruſiſſet; quod quidem non eſt omnino dicendum. IV. tandem, quia Patres contra Arium Divinitatem Verbi ex æternitate probabant; æternitate nimirum neceſſaria, cujuſmodi eſſet in hac creatura, quatenus eam exigeret; quanvis eſſet ex alia parte dependens.

Dicentes autem, mundum poſuiſſe a Deo ab æterno creari, æternitate non neceſſaria, non naturali, non independenti, ſed contingenti tantum, & gratioſa, nullum ex recensitis abſurdis admittere cogimur. Et quanvis Cardinalis de Aguirre conetur probare, quod hac etiam poſſibili æternitate mundi admiſſa, rationes Patrum contra Arium enervarentur; fatiſ tamen hoc nos non trahit, ut concedamus. Probant enim Patres divinitatem Verbi ex æternitate Verbi; Verbum autem non erat æternum æternitate dependenti, & contingenti, & gratioſa: ergo non ex hac æternitate probant, Verbum eſſe Deum. Unde nullum ſequitur inconveniens, ſi hæc æternitate, quæ non erat propria Verbi, dicamus, aliquam creaturam poſuiſſe eſſe ab æterno a Deo factam.

Cæterum de fide hæc ſunt, & in quæſtione ſunt hæc alia. De Fide ſcilicet; I. quod æternitate neceſſaria, & independenti, nulla creatura ab æterno fuerit, nec potuerit eſſe. II. Quod æternitas, quæ dicitur dependens, nulli creaturæ fuerit a Deo communicata. Quæ vero in quæſtione ſunt; I. An potuerit communicari æternitas naturalis? II. An potuerit communicari æternitas contingens, gratioſa, & dependens? Primum negavimus; Secundum affirmavimus. Et hoc quidem præcipue affirmavimus moti ex illo Auguſtini tra. 25. in Joann. *Quid eſt ergo, quod ait Apoſtollus de Deo: Qui ſolus habet immortalitatem? Niſi quia hoc aperte dixit, ſolus habet immutabilitatem, quia ſolus habet veram æternitatem.* Quæ verba optime cohererent cum modo loquendi P. Magnani, qui diſtinguit æternitatem adequatam ab æternitate inadæquata, quatenus admittit inſinitum clauſum terminis; unde admittit etiam, quod æternitas poſſet dicere inſinitam durationem, ſed non omnem durationem.

Æter-

Æternitas ergo, quæ diceret omnem durationem, esset adæquata, vera, essentialis, necessaria; & hæc est propria Dei. Æternitas vero, quæ dicit infinitam durationem, sed non omnem, esset propria creature,

quia esset inadæquata, dependens, contingens; & secundum Augustinum, non vera, & distinctionem alicuius, quæ esset vera.

DISSERTATIO XLIII.

De Fabulis contra Dei Immensitatem, & de Venditantibus illas.



Immensitas ex vi vocis sonat non mensitas, sicut immensum non mensum, hoc est sine mensura; unde est aliqua species infinitatis, quatenus sicut infinitum est non finitum,

& carens fine, ita immensum est non mensum, & carens mensura. Specialem tamen constituit in Deo infinitatem, quæ dicitur in ordine ad locum, ac per consequens ideam nobis suppetit specialis attributi, quæ Immensitas appellatur. De hac igitur acturi, priusquam deveniamus ad fabulas, quæ contra ipsam fuerunt quovis tempore inventæ, congruum ducimus, prius explicare, in quo ipsamet consistat. Quicquid Scholastici pro hoc asserendo inter se disputent, placet nobis Assertum Cacherani trac. 1. c. 8. §. 1., quo dicimus, Immensitatem Dei formaliter consistere, non in existentia Dei in rebus, nec in ubiuitate, seu locali omnipræsentia, sed in virtuali extensione infinita, seu in extensiva infinitate divinæ substantiæ, exigitiva ubiuitatis, & localis omnipræsentia. Prima pars patet; immensitas enim importat habitudinem ad res consideratas in ratione loci; existentia autem Dei in rebus præcise sumpta, licet importet habitudinem ad res, non vero eam importat ad res consideratas in ratione loci; quum possit aliquid in re aliqua esse, & non esse in ea, tanquam in loco: Quod Peripatetici explicant exemplo formæ, quæ est in materia; accidentium, quæ sunt in subiecto; & rerum cognitarum, quæ sunt in cognoscente. Et S. Thomas prius considerat, utrum Deus sit in omnibus rebus, tanquam aliquod latius patens; & deinde, tanquam aliquod strictius, & contractius, inquit, utrum Deus sit ubique. Secunda pars patet etiam, quia immensitas Dei est prædicatum absolutum Deo intrinsecum, non sic vero omnipræsentia; quum hæc dicat complexum

locati, & loci; unde includit omnia loca, in quibus præsens est Deus: Hæc vero loca sunt extrinseca Deo. Tertia pars tandem sequitur; si enim immensitas Dei debet explicari in ordine ad locum, & non est, ex dictis, actualis præsentia ejusdem, in loco: ergo debet esse talis præsentia fundamentum, seu ratio talis præsentia exigitiva. Hæc autem ratio esse non potest alia, quam virtualis extensio infinita, seu extensiva infinitas divinæ substantia. Quod hoc pacto probatur: Quod enim in rebus corporeis præstat quantitas molis, in rebus spiritualibus præstat quantitas virtutis, seu perfectionis; sed in illis quantitas molis est radix præsentia, & extensionis localis: ergo in istis quantitas virtutis, seu perfectionis erit radix, &c. Quum ergo Deus sit substantia incorporea, & spiritualis, habet hoc ipso pro fundamento, & radice suæ præsentia quantitatem virtutalem, & perfectionem extensivam suæ substantia. Inde Cacheranus deducit, Immensitatem sic explicatam esse in Deo perfectionem simpliciter simplicem; & dum Martinonius hoc negat, Cacheranus ait, quod loquatur ille de Immensitate consistente in ubiuitate, non vero in ubiuitatis ratione fundata.

Ad Fabulatores modo devenimus; & inter illos primo loco recensemus Judæos quosdam, rudes sane, & imperitos, qui, Hieronymo teste in illud Isaie 66. 1. *Calum sedes mea*, putarunt, Hierosolymitano Templo Deum concludi. Cyrillus etiam Alexandrinus lib. 2. contra Julianum ait, Judæos adeo hebetes fuisse, ac rudes omnium rerum, ut Deum crederent Hierosolymitana urbe, ac templo circumscribi, nec usquam alibi residere; quod refert quoque ex Cyrillo Petavius t. 1. lib. 3. theol. dog. c. 8. n. 8. Et ideo dicunt Prophetam, Isaiam dixisse: *Calum sedes mea, terra autem scabellum pedum meorum*, ut hunc errorem a Ju-

a Judæis averteret. Verba Cyrilli sunt: *Oportebat, iis, qui contraſta, & circumſcriptam locis naturam ipſius arbitrabantur, manifeſte declarare, illum ubique eſſe, ac nihil ipſum capere; quilo potius eum omnia pervadere; ac plenum ipſo eſſe cælum, & terram.*

Secundo loco ponimus Philoſophos quosdam Gentiles, qui male de Dei immenſitate intellexerunt. Stoici nimirum, qui divinam ſubſtantiam extra mundum collocarunt, ad hoc, ut Deus, ſicut ſigulus extra rotam, illam torquet immorus, ſic immotus & ipſe mundum moveret. Platonici quoque, qui Deum in mundo tanquam Gubernatorem poſuerunt, qui mundi limites non exiret. De his omnibus Tertullianus in Apologetico ſcribit: *Poſtum extra mundum Stoici, qui ſiguli more extrinſecus torqueat molem, hanc; intra mundum Platonici, qui Gubernatoris exemplo intra illud maneat, quod regat. Ariſtoteles demum, qui Deum ubique per potentiam, non autem per ſubſtantiam, eſſe, exiſtimavit. In cœlo autem velut in arce degere, & inde omnia proſpicere, omnia movere, ſicut ſol omnia luſtrat, & movet abſens. Unde, in libro de mundo ad Alexandrum, Deum cum Rege Perſarum Ariſtoteles conſert; ut, ſicut ille in regia urbe Ecbaranis, aut Suſis, commorans, inde reliquas imperii ſui civitates gubernabat, ita Deus in cœlo manens, inde reliquas mundi regiones moderatur. Et quanvis hic liber a pluribus Ariſtoteſti abjudicaretur, nihilominus lib. r. de cœlo c. g. aliam quoque fabulam contra Dei immenſitatem, Ariſtoteles venditavit; aſſerens nimirum, Deum, omneſque Intelligentias, non intra, ſed extra cælum eſſe; ideſt ſupra ultimi cœli circumſerentiam, quod eſt eſſe extra cælum, non intra cælum.*

Tertio loco conſignantur Gentiles illi populares, qui Deos, quos colebant, finitimis locorum ſpatiis ita concluſerunt, ut ſingulis Diis proprias ſedes assignaverint. Jupiter porro Syderibus dumtaxat præerat, Neptunus aquis, Pluto terræ, & inferis, Vulcanus circa favillas debebat, Junoni licebat tantum per aerem ſpaciari; & quod magis ſtultum, ac ridiculum eſt, quidam ex Gentilibus illis, Oromeſis dictus, viginſiquatuor numina intra unius ovi globulum incluſit; adeo ut eis omnibus Arnobius lepidè quidem, at etiam ſeritè, exprobraverit: *In gyris manſiſt, atque in regulis Dii veſtri: Quinimmo teſtularum, & gyſſi, mentes, ſpiritus, atque anima, Dii veſtri ſunt.*

Quarto loco ſunt vere ponendi Acaſtologi;

Valentiniani nimirum, qui Diis ſuis, quos Eones appellabant, ut diximus, ſeriem, quandam locorum tribuebant. II. Manichæi, qui Deum quanvis infinita mole, non tamen undique putarunt eſſe diſſuſum, ſed tribus quadris infinitum, atque immenſum, & ex uno determinatum eſſe, ſinxerunt; ut habent Auguſtinus, & Titus Boſtrenſis, apud Petavium. III. Tatianus Deo certos terminos, ſeu limites, conſtituit, dum ipſum negavit, materiam, quæ certa res aliqua eſt, permeare. IV. Antropomorphitz, qui quanvis hunc errorem, expreſſe non duquant, ex eo tamen, quod Deum corporeum aſſerebant, conſequenti erat, ut non immenſum crederent. V. Vorſſius Calvinianus, a Martino Becano, a Jacobo Britanniz Rege, & a Theopbilo Raynaudo, lib. de theologia naturali, egregie conſutatus, voluit, non totam rerum univerſitatem a divina ſubſtantia occupari; quam ſolum dixit eſſe in cœlo, alibi autem non eſſe; ut apud Petavium legitur, qui Vorſſii fabulas pueriles nugæ appellat. VI. Etaſmus, eodem Vorſſio teſte, dubitavit, ſi ne Deus in antro Scarabæi, aliis que obſcœrioribus locis; unde pariter ſentire videtur, Deum tantum in cœlo eſſe, quum diſſonum Sux majeltati judicet, in quibusdam ſœdis, obſcuriſque locis eſſe: VII. Auguſtinus Scæuchus, Eugubinus, qui Catholicus eſt religione, profeſſione vero Canonicus Regularis S. Auguſtini, ex iis, qui Salvatoris vocantur, aſſerere non erubuit, Deum omnibus rebus præſentem non eſſe, niſi ſolum cognitione, eſſentia, autem, aut præſentia, eſſe tantum in cœlo; ut apud Petavium, & Cacheranum. Hennus de Deo uno diſp. 3. q. 5. ar. 1. concl. 1. addit pro VIII, loco Socinianus, quod comprobatur ex Crellio lib. de Deo c. 27., ubi ex variis Scripturae textibus probare contendit, Deum per ſubſtantiam Cælum ſolummodo habitare.

Inſimulant plerique non paucos veterum Patrum, & præcipue Clementem Alexandrinum, Juſtinum martyrem, & Philoſophum, ac Laſtantium Firmianum, quod non recte de divina immenſitate ſenſerint. Clemens ſiquidem, qui Stromatum lib. 2. docuit, Deum nullibi ſubſtantia, potentia tamen ubique eſſe. Ex illo enim Jeremæ 23. ſic ſcribit: *Deus appropinquans ego ſum, inquit Dominus; procul quidem ſubſtantia, quomodo cuim quod eſt gentium appropinquaret ingento? Proxime autem eſt poteſtate, quia univerſa ſinu ſuo completitur.* Et in lib. 5. de Stoicis loquens, ait: *illi, Deum omnem*

per-

peruenire substantiam, asserunt; nos autem eum solum dicimus effectorem. Iustinus in responsione ad questionem 11. docet: *Res alias, quæ continere aliquid dicuntur, hoc essentia continere: Solum vero Deum voluntate sua continere hanc rem universitatē. Lactantius tandem in libro de Opificio Dei c. 6. Deum cælo circumscribit. Etenim scribens de mente hominis, & de ejus sede, approbat sententiam illorum, qui sedem ejus in cerebro esse dixerunt; & suæ argumentis probabilibus usi sunt. Oportuisse scilicet, quod totius corporis regimen haberet, potius in summo, tanquam in arce habitare; nec quicquam esse sublimius, quam id, quod universum ratione moderetur: sicut ipse mundi dominus, & rector in summo est. Videtur enim mens, quæ dominatum corporis tenet, in summo capite consistere, tanquam in cælo Deus: Sed quando in aliquo sit cogitatione, commovere ad pedes, & quasi ad secretum aliquod penetrare cedere, ut consilium, tanquam ex thesauris reconditis, eliciat, ac proferat. Ideoque, cum intenti ad cogitandum sumus, & cum mens occupata in altum se abdidit, neque audire quæ circumsonant, neque videre quæ obstant, solemus.*

Excusare tamen, & defendere, possumus non sine ratione hos omnes, si dicamus, non accessisse illos opinioni, seu potius errori, asserentium, Deum esse tantum substantiam in cælo, in aliis vero locis esse tantum operationem; sed docuisse solum, Deum, utpote spiritum, in quocumque loco non esse per substantiam, sed per operationem. Et hic non est error, sed opinio Theologorum, & præcipue S. Thomæ, docentium, omnes spiritus esse in loco, non substantia, sed actione sola. Sic eos pariter benigne interpretatur Petavius; loquens de Clemente, & de Justino; cit. loc. cap. 7. n. 5. Verum neuter illorum eo sensu, quem cum hæresi implicatum ostendimus, Deum ubique esse substantiam negavit: Nempe, ut in certo aliquo, definitoque loco ejus substantia consisteret; in reliquis sola potestate ierisset, & essentia. Itaque sic eorum interpretanda mens est, ut substantiam Dei corporum modo permisceri agnoscat cum rebus a se conditis, communicari-

ve cum iis; sed ita inesse omnibus, ut extra omnia sit. Ex de Lactantio ipso subdii: Sed hæc commodè licet interpretari, ut id solum evertere studeat, quod asserabant Stoici, Dei velut corpus esse mundum, ejusque membra elementa, partesque cæteras universi. Sed Lactantius omittimus, patiamurque cum duobus aliis ad sanam, ac salubrem, de Deo sensum revocari.

Aliter ab aliis defenduntur recensiti Patres; siquidem asserit Du-Hamel lib. 2. c. 3. de Clemente Alexandrino, & de Lactantio, quod affines fuerint errori Vorstii, & Eububini: Attamen ex aliis locis apertioribus eorum sententiam esse emollicendam. Non enim illis fuit aliud propositum, quam Deum in cælo peculiari quadam ratione existere; unde restabant Stoicos, fingentes mundum, tanquam Dei corpus, quem negarent Deum per orbem instar corporis esse divisum. Alii dicunt, Clementem per To procul intellexisse distinctionem substantiæ divinæ, & perfectionem supra substantiam creatam; & per To puretatem intellexisse operationem. Cæterum etiam Auctor libri de divinis nominibus, qui S. Dionysio tribuitur, c. 1. docet: *Deus magnus est, quia omnem infinitatem transiit; parvus, quia per omnia libere graditur.*

Auctor tamen Questionum, & Responsionum, ad Orthodoxos, non est Iustinus, Philosophus, & martyr, ut apud Bellarminum de scriptoribus Ecclesiasticis habetur. In eis enim fit mentio Manichæorum, qui post Iustinum fuerunt; & citantur Origenes, & Irenæus, quibus antiquior fuit absque dubio Iustinus. Pro Lactantio superaddi etiam potest, & pro similitudine, quæ utitur, posse illam in bonum sensum explicari; si nimirum dicatur, quod quemadmodum anima in toto corpore est, quanvis principaliter sit in capite; ita etiam Deus est ubique, & in omnibus locis, quanvis principaliter in cælo esse dicatur. Et quanvis de ipso Petavius scribat, *elegantè oratione prædica, ac ridiculam fabulam ornasse*; postmodum tamen sua verba benigne interpretatur eo prorsus modo, quo nos nuper eadem explicavimus.

DISSERTATIO XLIV.

De Immensitate Dei.



UUM In præterita Dissertatione circa ea, quæ historiam continent, de Dei immensitate, discessimus; in præfenti animus est differere, & de iis, quæ dogmaticam respiciunt partem, & de iis, quæ scholasticam consequuntur. Pro dogmatica contra recentios fabularum venditores Dei immensitatem nostra consuetæ methodo probabimus; Pro scholastica vero ea subijcimus brevi quidem perspicuoque examini, quæ principaliora videbuntur in illis, quorum fusior est apud Theologos ipsos de schola pertractatio.

- I. Igitur probatur Dei Immensitas ex Scripturis. Josue 2. 11. Dominus enim Deus vester, ipse est Deus in caelo sursum, & in terra deorsum. Jeremie 23. 24. Numquid uolum, & terram ego impleo, dicit Dominus? Isaiæ 66. 1. Hæc dicit Dominus: Cælum sedes mea, terra autem scabellum pedum meorum. Baruch 3. 24. O Israel, quam magna est domus Dei, & ingens locus possessionis ejus! Magnus est, & non habet finem, excelsus, & immensus. Psalm. 138. 8. Si ascendero in cælum, tu illic es: Si descendero in infernum, ades. Actuum 17. 27. & 28. quantvis non longe sit ab unoquoque nostrum. In ipso enim vivimus, & movemur, & sumus.
- II. Ex Conciliis. Concilium Lateranense IV. sub Innocentio III., & refertur in e. firmiter, de summa Trinitate, & fide catholica; ubi dicitur: Deus unus est, æternus, immensus, omnipotens, immutabilis, & incomprehensibilis a viatore. Symbolum, quod dicitur Athanasii, cujus doctrina in pluribus Ecclesiæ Conciliis acceptatur; & ab Ecclesiæ ipsa in divino Officio recitatur: Immensus Pater, Immensus Filius, Immensus Spiritus Sanctus; & tamen non tres Immenses, sed unus Immensus.
- III. Ex Patribus. Origenes hom. 12. in Genes. Nonne ubique est Deus? Nomen ipse dixit: Cælum, & terram ego impleo! Clemens Alexandrinus, Origenis Magister, pro immensitate Dei loquitur, & seipsum clarius explicat, si alibi obscurius loquutus est fortassis. Eum itaque ex libro Prædicationum Petri ita describit lib. 6. Stromat. Scitote igitur, unum esse Deum, qui omnium rerum initium est nobilis, ac finem habet in po-

tesinte: quique minime aspersibilis, aspiciat omnia. Non comprehensus, omnia comprehendit: & cum nullius egent, eo indigent omnia, ac per eum existunt. Et lib. 7. ejusdem Operis: Ejusmodi est, cui persuasum est, Deum ubique esse; non autem certis, ac definitis locis esse conclusum: Ut cum se absque eo esse aliquando existimaveris, nosti, & interdum intemperantia se dedat, & libidini. Toto ergo vita tempore festum agentes, ubique, & omni ex parte Deum nescire persuasi, laudantes agros colimus, &c. Arnobius 6. adversus Gentes: Hoc est proprium Deorum, complere omnia vi sua, non partialiter aspicere, sed ubique esse totos: non adesse: non abesse: Non tantum ad Æthiopes pergere, & post dies bisseos privatum ad domicilium redire, Cyprianus trac. 4. de vanitate Idololorum: Deus est totus ubique diffusus. Hilarius lib. 1. de Trinitate: Nullus sine Deo locus est. Omnibus prædictis antiquior Theophilus Antiochenus lib. 2. ad Autolyicum: Dei altissimi, omnipotentis, ac veri Dei proprium hoc sit, non solum ubique esse, sed etiam inueneri omnia, & audire. Athanasius in lib. contra Sabellii gregales: Ne quare loci magnitudinem tamen, ut Dei magnitudinem capere possit. Non enim quod immensum est, in eo est, quod mensura consistat... Ita complet omnia, ut non cum exigua creatura extensus adequetur. Et in epistola ad Serapionem: Ubique est Filius, cum sit in Patre, & Pater in ipso... Creatura vero sunt in locis distinctis: Velut sol, & luna, reliquæque luminaria, in firmamento: In caelo autem Angeli, & homines in terra. Quod si Filius eo quod non est in distinctis locis, sed dum in Patre est, ubique est, & est extra omnia, non est creatura: Consequenter nec Spiritus Sanctus erit creatura, cum non sit in distinctis locis, sed impleat omnia, manens extra omnia. Sic enim scriptum est: Spiritus Domini replevit orbem terrarum. Basiliius t. 1. in initio Evangelii S. Joannis: Neque Pater in loco, neque Filius in circumscripta aliqua, vel definita regione, continetur. Sed immensus est Pater, immensus item Filius. Totum illud quodcumque mente intellexeris, & quocumque spiritum pervaseris; id ipsum reperies Deo plenum, ubique simul extensam Filii hypostasim reperies. Chrysostomus ad verba Psalmi 112. Quis scius Dominus Deus noster, qui in altis habi-

tal, & humilia respicit in caelo, & in terra? scribit: *Ostendens, ubique illum esse, & illic, & hic. Non enim tanquam aliquis in caelo conclusus, eminens videt qua sunt in terra; sed ubique praesens, & omnibus affluens.* Hieronymus in Commentariis in Epistolam ad Ephesios lib. 1. c. 2. v. 3. *Deus ubique est; & totus ubique est. A quo quis potest separari, cum in eo sint omnia?* Ambrosius lib. 1. de fide c. 4. & 8. *Complectens omnia, nusquam ipse confusus; penetrans omnia, nusquam ipse penetrandus: Ubique totus, eodem, quo tempore, vel in caelo, vel in terris, vel in novissimo mari praesens.* Augustinus ep. 7. & epist. 50. *Ergo Deus per cuncta diffusus. Ipse quippe ait per Prophetam: Caelum, & terram ego impleo... Substantialiter Deus ubique diffusus... Unde fatendum est, ubique esse Deum per Divinitatis praesentiam; sed non ubique per inhabitationis gratiam... Ideo enim ubique esse dicitur, quia nulli parti rerum absens est: Ideo totus, quia non parti rerum partem suam praesentem praebebat, & alteri parti alteram partem, aequales aequalibus, minori vero minorem, majorique majorem. Sed non solum universitati creaturae, verum etiam, cuilibet parti ejus totus pariter adest. Idem lib. 5. de Trinit. c. 1. *Deus ubique est sine ullo situ praesens, sine habitu omnia continens, sine loco ubique totus.**

IV. Ex Philosophis Gentilibus. Orpheus, vel ut alii placet, Onomacritus, haec carmina pro Dei immensitate cecinit, quae leguntur apud Cyrillum lib. 1. contra Julianum:

*Ipse in caelo aetherei stabili sedet,
Aureo in solio; terra autem pedibus insistit?
Et manum dexteram ad finem Oceani
Undique extendit. Circum tremunt alti montes,
Et flumina, & profunditas cantus, ac caerulei maris.
Ad quae Cyrillus habet: Significare nullis finibus circumscriptam immortalem illam esse naturam, atque omnia pervadere, & omnia implere. Pythagoras apud Clementem Alexandrinum ait: *Unum esse Deum, eumque non extra hanc universitatem positum; sed totum in ipsa, & in toto circulo.* Pythagorae verba, & mentem explicat Minucius Felix: *Pythagora Deus est animus, per universam rerum naturam commens, & intentus; ex quo etiam animalium omnium vita capiatur; & Salvianus lib. 1. de gubernatione Dei: Pythagoras Philosophus, quem quasi magistrum suum Philosophia ipsa suscepit, de natura, ac beneficiis Dei, differens, sic locutus est: Animus per omnes mundi partes commens, atque diffusus; ex quo omnia, quae nascuntur, animalia vitam capiunt.* Thap.*

P.A.R. 1.

les Milesius, teste Aristotele lib. 1. de anima c. 5. tex. 85. dixit, *Deus plena esse omnia.* Heraclitus, teste eodem Aristotele loc. cit. domum, & caminum, peregrinis hospitibus offerens, isdem dicebat: *Quoniam & hic praesentes adsumus Dei.* Vergilius Geor. 4. *Deum namque ire per omnes terrasque, traiecitque maris, caelumque profundum.* Plotinus Enn. 6. lib. 8. c. 16. *Deum, ait, esse ubique, & nullibi; scilicet, quia loco non contineatur. Et eodem lib. c. 18. Nihil extra illum quari oportere; sed intra ipsum omnia esse, quae sunt post ipsum. Quod enim extra est, ipse Deus existit, comprehensio omnium, & mensura.* Seneca lib. 4. de beneficiis c. 8. *Quocumque te flexeris, ibi illum videbis occurrentem tibi, nihil ab illo vacat, opus suum ipse implet.*

V. Ex Rationibus. I. Immenfitas est infinitas in ordine ad locum, seu infinitas localis; sed Deus est in omni genere infinitus: ergo etiam est infinitus infinitate locali: ergo est immensus. Probatur major. Immenfitas negat finem in extensione per ordinem ad locum, in quantum quod est immensum non commensuratur loco, qui est finitus, sed excedit propter suam infinitatem quemcumque locum: ergo immenfitas est infinitas in ordine ad locum, seu infinitas localis. II. Si Deus non esset immensus, posset aliqua creatura habere perfectionem, quam non haberet Deus: sed hoc repugnat enti perfectissimo simpliciter, & in omni genere: ergo Deus est immensus. Probatur major. Posset a Deo creati aliqua creatura infinita in extensione in loco; quod possibile ex Philosophicis supponimus; sed talis creatura haberet perfectionem infinitatis in extensione in loco, quam non haberet Deus, si non esset immensus: ergo si Deus non esset immensus, creatura haberet perfectionem, quam non haberet Deus. III. Si Deus esset in aliquo loco determinato, vel posset ab illo ad alium transire, vel non posset: Si non posset? Ergo Deus esset moli alligatus, quod libertati divinae repugnat. Si posset? Ergo divina voluntas mutando loca, vel inconstans esset, vel imprudens. Quod sic probatur. Loca absque novo motivo mutare non posset, & si mutaret, imprudenter, vel leviter, mutaret. Hoc posito: Vel in Deo erit novum motivum mutandi locum, vel non erit? Si erit? Ergo Deus non erit omniscius. Si non erit? Ergo Deus erit imprudens. IV. Deus operatur ubique: ergo ubique substantialiter est praesens. Antecedens est certum; quia nullum est

A a

ens,

ens, quod ab eo non conservetur; sed conservare est operari: ergo Deus operatur ubique. Consequenter probatur. In Deo operatio entitativa sumpta est omnino idem cum illius natura: ergo si Deus operatur ubique, ubique etiam substantialiter est præsens. Antecedens est doctrina S. Basilii lib. 5. advers. Eunomium: *In simplici, & corporis experite natura eadem est ratio substantia, & actionis.* V. Deus est substantialiter existens in omnibus temporibus: ergo est substantialiter præsens in omnibus locis. Probatur consequentia, Quia Deus est immutabilis, quia est infinitus, quia est independens, quia est perfectissimus, ideo est etiam æternus, & est substantialiter existens in omnibus temporibus; sed has easdem perfectiones, quas habet per ordinem ad durationem temporis, habet quoque per ordinem ad præsentiam loci: ergo etiam, quia est immutabilis, infinitus, independens, perfectissimus, ideo est immensus, & est substantialiter existens in omnibus locis: ergo si Deus est substantialiter existens in omnibus temporibus, est etiam substantialiter præsens in omnibus locis. VI. Deus est ubique per potentiam: ergo est ubique per substantiam. Antecedens conceditur a Vossio, & Eugubino; consequentia probatur. Per Sanctos Patres eadem est in Deo potentia, & substantia: ergo si Deus est ubique per potentiam, est etiam ubique per substantiam. Probatur antecedens. Fulgentius lib. 2. ad Monimum c. 6. *Quid ergo est, quod implere suam præsentia nequeat, in quo Apostolus universa in oculis, & in terra, visibilia, & invisibilia, consulari pronuntiat?* Auselmus in Monologio c. 12. *Sicut nihil factum est, nisi per creatricem præsentem essentiam; ita nihil viget, nisi per ejusdem servatricem potentiam.* Et in libro de Incarnatione Verbi cap. 4. *Idem est esse Dei, & potestas ejus. Sicut itaque potestas Dei est semper, & ubique; ita quidquid est Deus, ubique, & semper est.* Hugo Victorinus lib. 7. erud. theol. c. 19. *Si autem Dei virtus ubique est, cum alia non sit Dei virtus, quam Deus, coulat, quod nusquam Deus deest ... Deus, qui per semetipsum cuncta propria virtute facit, ubicunque præsens est opere, præsens etiam necesse est, ut sit Deitate.*

Obijciunt I. ex Psalmo 138. *Intellexisti cogitationes meas de longe.* Explicat Eugubinus; de longe, id est de cælo, quod non est a terris remotior locus: ergo Deus per substantiam solummodo existit in cælo, in terra autem non est, nisi vel per potentiam, vel

per operationem. II. Ex Genes. 3. 8. *Et cum audissent vocem Domini Dei deambulantis in paradiso ad auram post meridiem.* Nequit quis ambulare, non transiendo de uno ad alium locum: ergo si Deus deambulabat, transibat de uno ad alium locum: ergo non erat in omni loco. III. Ex Genes. 28. 16. *Cumque evigilasset Jacob de somno, ait: Vere Dominus est in loco isto, & ego nesciebam.* Ex quo loco S. Cyrillus inserit, Jacobo Patriarchæ, aliisque Patriarchis Jacobo antiquioribus, Dei immensitatem fuisse incognitam. IV. Augustinus lib. 83. questionum asserit, *Deum nusquam esse;* & Chrysostomus hom. 5. in epist. ad Colossenses ait: *Deum nullibi esse.* V. Indignum profecto est, atque indecens Deo, ut proxime, & intime, substantiam ejus adsit his rebus, quæ apud nos nascuntur provocant propter fœditates suas. VI. Pluribus sacre Scripturæ locis dicitur, Cælum esse Dei habitationem; ut *Cælum mihi sedes; Cælum Cæli Domino.* Immo communiter homines, quando preces ad Deum effundunt, ad cælum faciunt, oculis, ora convertunt, ibique Deum alloqui demonstrant. VII. Ex Ps. 11. 4. *Excelsus super omnes gentes Dominus: ergo Deus non est intra creaturas, sed supra: ergo non est in terra, ubi sunt creaturæ, sed in cælo, quod est supra creaturas.* VIII. Deus non est extensus: ergo non est in loco: ergo non est ubique. Probatur antecedens. Si esset extensus, contineretur in loco; sed non continetur in loco: ergo non est extensus. Minor probatur ab Augustino lib. 83. questionum, quæll. 20. *In ipso potius sunt omnia, quam ipse alicubi.* IX. Deus est agens nobilissimum: ergo agit in distans: ergo non est necesse, ut sit præsens immediate rebus, quas operatur. X. Sol non est præsens substantialiter in visceribus terræ, & tamen ibi operatur. Christus per sacramenta novæ legis operatur in illorum animabus, quibus non est substantialiter præsens; nam præter eucharistiam, in aliis Sacramentis non est realis ejus præsentia: ergo pariter Deus operatur in his inferioribus terræ partibus, absque eo quod hic sit substantialiter præsens.

Respondendum ad I. Prophetam dixisse illud nostro loquendi modo, non quod vere Deus de longe intelligat, sed quod quasi de longe intelligat, quemadmodum nos intelligimus, quum ipse tamen vere non sit de longe. Alii explicant de longe, hoc est ab æterno; ut scilicet Deus ab æterno cognoverit cogitationes nostras, easque intel-

rellexerit præſentes æternitati ſuæ, quum alias reſpectu noſtrum futuræ eſſent, & præfixo, determinatoque tempore even-
turæ.

Ad II. ſatisfacit Chryſoſtomus homil. 27. in Genef. *Non ambulabat Deus; abſte. Quomodo enim ambularet, qui ubique præſens eſt, & omnia implet?* Alii dicunt apud Hennum, quod dicitur in Paradifo ambulaffe, quia Adamo, & Evæ, viſus eſt in ſpecie corporali ambulantis. Cæterum ubicunque in Scripturis dicitur, Deum ambulare, ascendere, deſcendere, appropinquare, recedere, dicitur per ſimilitudinem ad homines, qui dicuntur ambulare, aſcendere, deſcendere, appropinquare, recedere, quando illa faciunt, quæ efficit Deus per hos ſimilitudinarios motus, quum interim in ſe immotus omnino permaneat.

Ad III. Dicunt quidam, Jacob loquutum fuiſſe de Dei exiſtentia, tanquam in throno, quemadmodum eſt in cælo. Cæterum verba Cyrilli hæc ſunt: *Quo circa beati etiam Patriarchæ, qui recens ab idolorum cultu, & ab errore de pluralitate Deorum, erant abdu-
cti, Deumque naturaliter, ac vero exiſtentem adorare docti erant, non in omni terra, nec in omni loco adeſſe ſibi, opitularique ipſum putabant; puſillam adhuc de Deo cognitionem adepti. Docetur itaque beatus Jacob, peregrinationiſque ſuæ fruſtrum percipit id, quod deerat fidei ſuæ. Didicit enim in omni loco, & in omni regione, divinum adeſſe Numen, atque in cælo quidem habitare; univerſam vero terram amplecti, & orbem terrarum implere.* Subdit ad hæc Cyrilli verba Petavius: *Hanc Cyrillo opinionem obtulit ille. Geneſeos locum, in quo ſit Jacob loquitur: Dominus eſt in loco iſto, & ego nefeiebam, quaſi de ſubſtantiali præſentia Dei ſermo iſte ſit; non autem de peculiari aliqua demonstratione providentia, virtutiſque divine; quales ſunt, quas Græci vocant ἐννοιας; quod multis eſt probabilis, intellexiſſe Jacobum, quamvis ipſum habuerit, aut majores ejus omnes, præſentem Abrahamum, Deum ubique eſſe, nefeſſe.*

Ad IV. Adducti Patres, aliiſque adducendi forſitan, vel loquuntur de præſentia definitiva, quæ eſt propria ſpiritui quidem, ſed ſpiritus creati, qua ita unus ſpiritus eſt in uno loco, ut non ſit in omnibus locis; anima ſcilitet eſt in corpore meo definitiva, ſed non eſt in aliis corporibus: Vel loquuntur de præſentia circumſcriptiva, quæ eſt propria corporum, & per quam corpus variis partibus loci correfpondet. Unde Deus non eſt in loco circumſcripti-

PAR. I.

ve, ut patet, quia non eſt quid materiale; ſed eſt ſpiritus; neque definitive, ut ſunt alii creati ſpiritus, quia eſt totus in toto, & totus in qualibet parte, non unius loci, ſed omnium locorum, propter ſuam infinitam extensionem, quæ eſt immenſitas. Athanaſius adverſus Sabellianos hæc dicit appoſite: *Non cum omnibus extenſus amplect omnia Deus, hoc enim corporeum eſt, ut ſi quis aerem dixerit impleviſſe, quiddam inter cælum, & terram, interjacet.*

Ad V. ait P. Maganus; quemadmodum radios lucis non inſicit lutum, aut ſpiritualem animam non inquinat leproſum corpus, aut mundus corporeus Angelos non ſcedat; ita nec quæcunque turpia, aut ſpurca male afficiunt puriſſimam, & incorpoream Divinitatem. Nec magis indignum videtur Deo, adeſſe his indiſtantes, quæ ſceda, vel ſpurca dicuntur, quam ea ipſa create, & conſervare, iſdemque cooperari. Ex quo redarguimus Eraſmi impietatem, qui dubitavit, ſit ne Deus in antro Scarabæi; ſimul enim dubitare necesse eſt, ſit ne Dei creatura Scarabæus, quod Manichæi negabant. Eodem modo dicitur, ſi opponatur, abſurdum eſſe dicere, Deum præſentem ſubſtantialiter eſſe in Damnatibus, Dæmonibus, &c.

Ad VI. Varias hiæ, & conſimilium S. Scripturæ locis, reſponſiones adhibent ſancti Patres; ſiquidem Juſtinus martyr, vel quiſquis alius eſt auctor queſtionum, & reſponſionum, ad Græcos, q. 5. ait: *Cælum domum, ac ſolium appellari Dei, non quod opus illa Deus ad habitandum, vel ſedendum habeat, ut qui minime circumſcriptus ſit, ac nulla re indigeat; ſed na ad illius ampliſſimam ſubſtantiam, & incorruptam eſſentiam reſpicientes, Deum ipſam, aut honore parem Deo ſuſpicemur.* Athanaſius lib. contra Sabellianos in fin. *Cælum Deo, terram hominibus, iteirto attributum, ait, ut & ſublimitas illius, ac magnificientia, & iſtorum humilitas, ex uſu loquendi ſignificetur.* Chryſoſtomus in Pſal. 112. hanc reddit rationem: *Ut Judæarum aumi idolorum aſſueti cultui, ac Numinum illorum, qua certis addiſta locis erant, paulatim erigerentur ad veri, ac ſupremi notitiam; ideo ſe ad eorum uſum, ceptumque, accommodaſſe Spiritum Sanctum, & in certa, ſed ceſſiſſima omnium ſede collocaſſe Deum.* Theodoretus in pſal. 122. ait: *In Cælis habitari dicit, non veluti loco circumſcriptum, ſed veluti latentem ceſſiſſimis virtutibus, qua Cælos incolunt; nempe, quod illie Pretorium, ac velut Palatium ſuum habeat, in quo verſantur Aula Proceres, & Palatini, hoc eſt Angeli,*

A 2 2 & San-

& *Sanctorum anima*. Alcuinus lib. 1. de Trinit. c. 5. inquit: *Quia major cognitio est in calis illius summa maiestatis, & essentia, in Angelis, vel in Sanctorum animabus, quam in terra habitantibus Sanctis*. Putat etiam Alcuinus; Cælorum nomine significari Sanctos; Quod & docuerant Augustinus, Cyprianus, Ambrosius, & Cyrillus Alexandrinus. Mittimus alias eorundem verborum interpretationes; & monemus, ut videatur Bernardus ser. 1. in psal. 90.

Ad VII. Per verba illa intelligi, quod Deus non comprehenditur, nec circumscribitur a creatura, non vero, quod eicunque creature non sit præsens. Est quidem præsens omnibus creaturis præsentibus, sed est etiam, vel potest esse in infinitis aliis possibilibus; unde in præsentibus est, sed ab iisdem non circumscribitur; ac proinde super omnes illas excelsus iure merito dicitur a Propheta: *Excelsus super omnes gentes Dominus*.

Ad VIII. Distingunt Philosophi extensionem formalem, & extensionem virtutalem; illa convenit corporibus mixtis, quæ partes habent formales; hæc convenit spiritibus, qui partibus virtualibus sunt præditi. Deus, ut spiritus est extensus non formaliter, sed virtualiter; non habet tamen limitatam extensionem, ut habent cæteri spiritus, sed infinitam, & excedentem omnem locum; & proinde dicitur, quod Deus non est in loco, hoc est non circumscriptus, definitus, limitatus, a loco; quia a loco non concluditur, sed potius ille concludit omnem locum.

Ad IX. Unique Deus est agens nobilissimum, sed est agens quoque infinitum, quacunque infinitate, & consequenter infinitate etiam præsentiae. Si ergo cunctis rebus, omnibus locis, est præsens, quomodo potest agere in distant? Magna est, & infinita sua agendi virtus, & quocunque possibili, & ei conveniti modo operari quidem potest; tamen hic modus operandi in distant, etsi sit nobilissimus, non est conveniens ei, qui a nemine, ratione suæ immensitatis, potest esse distant.

Ad X. Assignat disparitatem Jueninus, quod Sol, & Christi humanitas, agant per virtutem a se ipsis distinctam; Dei tamen virtus ab ipsa Dei substantia non distinguitur, unde fieri non potest, quod alicubi operetur, & ibi substantialiter non sit præsens. Aliam nos damus disparitatem, & inter Deum, & solem, & inter Deum, & sacramenta; Sol operatur per particulas igneas in visceribus terræ, quæ quidem

ipsæ igneæ particulae sunt ipsæmet soliquærenus sol, quum sit oceanus ignis, est ignis etiam formaliter: Unde in visceribus terræ & est præsens in virtute, & in operatione, & in substantia. Sacramenta autem non causant gratiam physice, sed moraliter; unde paritas non currit inter ipsa, & Deum, qui physice operatur. Non currit quidem in sententia illorum, qui dicunt, sacramenta moraliter causare gratiam. In sententia autem aliorum, qui docent, sacramenta physice gratiam causare, & modos realiter distinctos a rebus creatis ponunt, valere potest responsio Juenini; quam proinde intactam pro iisdem relinquimus.

Ad Scholasticam modo Dissertationis partem devenientes, quæ discutienda proponuntur, tria sunt; I. Per quid Deus constituitur formaliter in loco? II. An Deus sit substantialiter præsens in spatiis imaginariis? III. Quomodo Deus sit ubique præsens? Pro primo docent Thomistæ, Deum esse formaliter in loco per solam operationem ad extra; adeoque actualem operationem Dei esse evidentem rationem ad probandam ejus Immenstatem. Thomistæ adhaerent Suarez, Molina, Jueninus, alique. Scotistæ vero, & cum his Valentia, Vasquez, Lugus, Amicus, & alii, tunc sur, Deum esse immensum, non sufficienter, seu non eviderter, probari ex actuali operatione Dei præcise; unde Deus non est formaliter in loco per solam operationem ad extra. Pro secundo, sunt, qui asserunt, Deum revera esse in spatiis imaginariis, in illis scilicet spatiis, quæ ultra mundum fingimus, & imaginamur. Alii in oppositum docent, Deum intra universi ambitum ita contineri, ut extra mundum diffusus, & præsens dici non debeat. Alii tandem dicunt, Deum in spatiis imaginariis non esse, posse tamen dici, extra eos ipsam diffundi, nec intra mundi limites arctari. Præsen contendit, Deum in spatio imaginario non esse, nisi negative; in quantum scilicet Deus intra universi ambitum non coarctatur non vero positive, in quantum scilicet Deus non sit per illa spatia diffusus eo modo, quo per universum mundum diffunditur, & præsens est. Hic idem asserit, nomine spatii imaginarii nihil aliud intelligi, quam intervalla quædam vacua, & inania, quæ extra cælos concipimus per modum loci nullo corpore repleti; eo fere modo, quo fingimus ante mundi fabricam fuisse vastitatem quandam inanem, & vacuum in eo-

dem

dem ſpatio, quod nunc occupat mundus. Cacheranus autem nomine ſpatii imaginarii intelligit non aliquod chimericum, & imaginatiſſimum conſtitutum, ſed quia nos illa imaginamur, tanquam poſitiva, quum revera negationes ſint, reales tamen. Unde, ait, diſtingui a ſpatio creatis, non ratione realitatis, ſed ratione poſitivæ entitatis; quatenus ſpatia poſitiva ſunt in ſe poſitivæ entitatis, ſpatia vero imaginaria dicuntur negationem poſitivæ entitatis in ſe, ſeu ſunt negationes poſitivæ entitatis in ſe. Et ſic, inquit, duplex negatio conſiderari poteſt in ſpatio imaginario, altera entitatis poſitivæ in ſe, altera entitatis poſitivæ in ipſo præſentis; prima eſt eſſentialis, immo eſſentia ſpatii imaginarii; ſecunda eſt ipſi accidentalis. Huc uſque Cacheranus. Et in hoc etiam Scholaſtici dividuntur, aliis quidem affirmantibus, aliis vero negantibus, ut diximus. Pro tertio, cum S. Thoma dicitur, rem poſſe eſſe in loco tribus modis; repletive, definitive, circumſcriptive. Primo modo, quando res ita replet locum, ut eo nec ambiatur, nec terminetur. Secundo modo, quando res eſt tota in toto loco, & tota in qualibet parte loci; & ita loco terminatur, ut non ſit extra locum. Tertio modo, quando res ita occupat locum, ut ratione ſuarum partium reſpondeat omnis loci partibus. Quoniam ex his modis Deos ſit in loco, & ubique præſens, quaeritur.

Pro I. Dicimus, Deum eſſe immenſum, non ſufficien-ter, ſeu non eviderit, probari ex actuali ipſius operatione præciſe; adeoque per ſolam operationem ad extra non conſtitui formaliter in loco. Probatur I. Actualis operatio non requirit indiſtanti- am ſuppoſiti, ſed virtutis, ut ſupponimus ex Philoſophis; nec exigit contactum, penetrationis, & ad partes intimas, ſed ſufficit contactus approximationis tantum, & ad partes extimas: Immenſitas autem dicit indiſtanti- am, non ſolum virtutis, ſed etiam ſuppoſiti, & quæcumque contactum ad quæcumque partes: ergo ex ſola actuali operatione præciſe non ſufficien-ter probatur immenſitas in Deo. Neque dicant, in Deo idem eſſe virtutem, & ſubſtantiam; unde, ſi ex actione probatur virtutis indiſtanti- a, ex eadem etiam probatur indiſtanti- a ſubſtantie. Ne dicant quidem; etenim hoc eſſet probare immenſitatem, non per operationem, qua operatio eſt, ſed per operationem, qua infinita eſt. Porro hoc, quod eſt, eſſe in Deo idem ſubſtantiam, & virtutem, non provenit ex conceptu

formali actionis, ſed ex ſumma ſimplicitate, & infinitate, ratione cujus quicquid eſt in Deo, Deus eſt. Et ſic probare Dei immenſitatem ex actione agentis habentis identificatam virtutem, & ſubſtantiam, non eſt probare immenſitatem ex actuali operatione præciſe, ſed ex operatione, & identificatiſſime virtutis cum ſubſtantia, vel potius ex infinitate, quæ talis identificatiſſime eſt radix. Alia argumenta videri poterunt apud Fraſſen, Cacheranum, aliosque.

Opponunt I. Thomiſtæ multa ſacræ Scripturæ loca, quum loquantur de Dei præſentia in rebus, ſemper tam per Dei operationem ad extra exprimunt. II. Multos Sanctos Patres docentes, ideo Deum in ſingulis rebus æqualiter non eſſe, quia in eis æqualiter non operatur. III. Deus non eſt in rebus ratione ſum eſſentia, quia eſſentia eſt ab æterno, Deus autem ubique non eſt ab æterno; nec ratione infinitatis, quia infinitas etiam eſt æterna; nec ratione indiſtantiæ, quia indiſtanti- a, & contactus ſunt idem: ergo quum contactus rei ſpirituſis ſit illius operatio ad extra, Deus erit indiſtans a rebus, & per conſequens illis præſens, prout in eis operatur. Sic arguit Jueninus.

Reſpondemus ad I., & ad II. Quavis per ſacram Scripturam, & per Sanctos Patres, ſubſtantialis Dei præſentia ex ipſius in rebus operatione aliquando inferatur, non eſſe tamen hanc illationem per locum intrinſecum, ſed extrinſecum; quatenus ſcilicet, ut ait Fraſſen, vel non eſt major ratio, quod operetur ubique, quam quod ſit ubique præſens; vel quatenus ſuppoſito, quod conſtet aliunde, quum eſſe præſentem ubicunque operatur, conſequens eſt, ut ſit obique, ſi ubique operatur. Sicque argumentum illud eſt ex concomitantibus, quale eſſet hoc: Deus eſt infinitè potens: ergo eſt infinite ſciens: Non quod ſcientia infinita directe ſequatur ex potentia infinita; ſed quod ſcientia, & potentia divina, quum ſint eſſentia divina perfectiones, ipſique identificatae, ac proinde infinitæ, recte ſequitur, quod ſi potentia divina eſt infinita, etiam ſcientia divina eſt infinita; ſimiliter ratione tertii, id eſt ratione eſſentia divina, in qua utraque convenit. Cæterum ſacra Scriptura, & Sancti Patres, non ſemper efficax proferunt argumentum, ſed etiam interdum probabilè ad veritatem inſinuandam, ut multis exemplis citatus Fraſſen oſtendit. Ad III. reſponſio patet ex iis, quæ dicimus de illo, in quo

quo formaliter immensitas consistat, quod quidem etiam ab aeterno verificatur, quantumvis ab aeterno nulla fuerit actualis operatio.

Du-Hamel has duas contrarias opiniones Thomistarum, & Scotistarum, conciliare conatur, distinguendo nimirum duplicem modum essendi Dei in rebus, & per instantiam scilicet, & per contactum quodammodo, & applicationem. Primo modo una res ibi est, ubi altera, ut si duo corpora penetrarent. Posteriori modo, non solum una res ibi est, ubi altera, sed etiam eam tangit, & illi applicatur. Unde, ait ipse, operatio non est ratio, cur Deus sit in loco per instantiam; est autem ratio, cur Deus sit in rebus per contactum quodammodo, & applicationem. Primam Partem I. probat, quia prius est, rem esse simpliciter, quam operari: ergo ratio cur Deus, aut spiritualis natura, sit in loco, non est operatio; nam operatio sequitur ad esse. II. quia immensitas ex sua formali ratione est diversum pradicatum ab omnipotentia, qua Deus cuncta efficit, & conservat: ergo ratio, quae Deum ubique constituit, non est illius omnipotentia, & operatio. III. quia S. Thomas tres modos distinguit essendi Dei in rebus, per essentiam scilicet, per potentiam, & per praesentiam, seu cognitionem. Si autem potentia, ad quam spectat operatio, esset ratio essendi Dei in rebus per essentiam, frustra duos modos distingueret S. Thomas, per essentiam scilicet, & per potentiam, quum in unum convenirent, & idem esset, Deum rebus adesse per essentiam, ac iis esse per potentiam. Secundam Partem probat etiam I., quia contactus est operatio: ergo ratio essendi per contactum vere est operatio. II. quia spiritus non tangit corpora per propriam substantiam, nam sub ea ratione illa penetrat, & pervadit: ergo ea tangit per operationem. Et concludit deinde, quod plerique duplicem Dei existentiam in loco distinguunt, absolutam scilicet, & relativam. Prima est, qua infinite diffunditur, sique aequam operetur extrinsecus, ubique erat quodammodo. Altera est, per quam connotat loca, in quibus existit; & operatio transiens neque constituit Deum in loco existentia relativa, nam prius concipimus, locum esse a Deo productum, quam Deum huic loco adesse. Non est ergo operatio transiens ratio, quae Deum constituat in loco, quia ratio alicujus rei constitutiva, neque debet praecedere, neque subsequi, ipsam rem. Ratio

autem existentiae absolutae praecedit operationem, ratio vero existentiae relativae in loco operationem subsequitur. Tandem ad Scripturam, & Patres, respondet Du-Hamel, in illis locis existentiam Dei in rebus per contactum, non vero per instantiam, probari per operationem, tanquam a priori; per instantiam vero, tanquam a posteriori.

Pro Secundo dicimus, Deum non solum esse realiter per essentiam, seu substantiam, suam extra mundum in se ipso, seu in spatio increato suae immensitatis; sed etiam esse realiter per essentiam, seu substantiam in spatiis imaginariis. Prima Pars probatur I. ex Scripturis. Job. 11. 8. *Excelsior caelo est, & quid facies? profundior inferno, & nude cognosces?* Job. 22. 12. *An non cogitas, quod Deus excelsior caelo sit, & super stellarum verticem sublimetur?* 3. Regum 8. 27. *Si enim caelum, & soli caelorum te rapere non possunt.* II. ex Patribus. Auctor libri de divinis nominibus, sub nomine S. Dionysii, c. 9. *Deus extrinsecus super omnem magnitudinem funditur, & superexpenditur; & c. 1. eam diem (Divinitatem intelligit) in mundo esse, circa mundum, supra mundum, & supra caelum.* Athanasiorum Legatione pro Christianis: *Mundum ita excedit, ut impleat undequaque quicquid supra ipsum est, nec locum ullum se vacuum relinquat.* Nazianzenus Apologia 1. *Deus in universo est, & supra universum.* Hilarius lib. 1. de Trinit. *Deus mundo inest interior, exedit exterior.* Augustinus ser. 1. de verb. Apostol. *Quis est omnipotens Deus? Quid visus inestimabilis, ineffabilis, incomprehensibilis, ultra omnia, extra omnia, praeter omnia?* Probari etiam potest illis omnibus auctoritatibus, quibus probatur, Deum esse rerum omnium locum; hoc enim nihil aliud est, quam exprimere increatum spatium divinae immensitatis. Tertullianus contra Praxeam c. 5. *Ante omnia erat Deus solus ipse sibi, & mundus, & locus, & omnia.* Theophilus Antiochenus lib. 2. contra christianae religionis calumniatores: *Deus loco non circumscribitur, verum ipse est omnium locus.* Ambrosius lib. 1. advers. Gentes: *Prima causa tu es, locus rerum, ac spatium.* Damasceus 1. de Fide c. 16. *Deum esse incircumscripsum, & non esse in loco, sed ipsum sibi esse locum.* III. Rationibus. I. De facto dici debet, Deum esse, ubicunque aliqua creatura potest esse; sed extra mundum potest esse aliqua creatura: ergo extra mundum de facto est Deus. Minor non negatur; potest enim Deus creare alium

MUN-

mundum. Major probatur. Perfectio est, & necessaria, Deum de facto esse, ubicunque aliqua creatura esse potest; sed perfectio omnis dici debet de Deo: ergo de facto dici debet, Deum esse, ubicunque aliqua creatura potest esse. Probatur major. Ex una parte esset perfectio in Angelo, si de facto esset, ubicunque aliqua creatura esse potest; ex altera parte est perfectio necessaria, quia non respicit terminum contingentem, quum respiciat locationem possibilem creaturæ; quodlibet autem possibile est necessarium. II. Potest Deus creare alium mundum: ergo de facto est extra mundum. Probatur consequentia. Quando alium mundum crearet, non transiret ab hoc loco ad illum, sed in illo supponeretur; ille autem esset extra hunc mundum: ergo si extra hunc mundum potest creare alium mundum, de facto extra hunc mundum existit. III. Deus vere est extra omne tempus creatum: ergo vere est extra omne spatium creatum. Consequentia sequitur. Sicut enim se habet æternitas ad tempus, ita se habet immensitas ad locum: ergo sicut illa debet excedere omnia spatia finita temporis, quia est infinita, ita etiam ista debet excedere omnia spatia finita loci, quia etiam infinita est.

Secunda Pars probatur. I. ex Augustino lib. 11, de Civitate Dei c. 5, ubi manifeste arguitur Adversarios contritis verbis hisce: *An forte substantiam Dei ubique totam a tantis locorum extra mundum spatiis absentem disturi sumus, & in uno tantum, atque in comparatione ipsius infinitatis tam exiguo loco, in quo mundus est, occupatam? Non opinor, eos in hac vaniloquia progressuros.* II. Creatur a Deo alius mundus, a nostro distans, vel Deus esset ibi, vel non esset? Si non esset? Ergo non immensus. Si esset? Querimus iterum, vel esset in spatio illo, quod intercederet, vel non esset? Si non esset? Ergo parceretur divisionem. Si esset? Habemus intentum; illud enim spatium esset imaginarium. III. Spatium imaginarium, vel est occupabile, vel non est? Si est occupabile? Ergo occupatur ab illo, qui omne spatium occupare debet. Si non est occupabile? Ut quid ergo est spatium? IV. Dum dicitur, Deum esse extra mundum, & extra mundum spatia non sunt realia: ergo si est extra mundum, erit in spatiis imaginariis. V. Contraria sententia ideo hoc negat, quia supponit, Deum esse in loco per operationem; atqui hoc demonstravimus esse falsum: ergo falso etiam negat.

Arguunt I. Auctoritates Scripturarum, &

Sanctorum Patrum, pro prima parte allegatæ, possunt intelligi de existentia Dei extra mundum potentiæ, & in actu primo, non vero actuali, & in actu secundo. II. Sancti Patres, qui dicunt, omnia fuisse in Deo tanquam in loco, & Deum in se ipso, intelliguntur de existentia objectiva, non autem reali. III. Deus est modo in spatiis imaginariis, quemadmodum erat, antequam mundum conderet, in hoc spatio, in quo modo est mundus; sed tunc erat in se ipso: ergo etiam modo est in se ipso. Minor probatur a S. Dionysio Carthusio in 1. dist. 37. q. 1. hisce carminibus, quæ refert:

*Hic, ubi tunc esset, cum præter eum nihil esset
Tunc, ubi nunc, in se: Quoniam sibi sufficit ipse.*

IV. Si Deus esset in spatiis imaginariis, vera esset hæc propositio: Deus est alicubi extra mundum; atqui falsa est: ergo non est Deus in spatiis imaginariis. Probatur minor. Alicubi importat locum; extra mundum non est locus: ergo falsa est propositio, qua dicitur; Deus est alicubi extra mundum. V. Deus est in loco, vel per essentiam, vel per potentiam, vel per præsentiam; nullo ex his modo est in spatiis imaginariis: ergo in ipsis non est. Probatur minor. Non est per potentiam, quatenus nihil ibi operatur; non per essentiam, quatenus nihil est ibi, cui sit intime præsens; non per præsentiam, quum nulla res sit ibi, quæ a Deo cognoscatur.

VI. Deum esse in spatiis imaginariis, vel est esse in aliquo, vel in nihilo? Si primum? ergo spatia illa non sunt imaginaria; si secundum? ergo non sunt. VII. Spatia illa sunt omnino chimerica: ergo Deus in illis non existit. Probatur antecedens. Spatia illa non sunt realia: ergo sunt omnino chimerica. Prima consequentia sequitur; Deus enim non inexistit hircocervis. VIII. Si alium mundum Deus crearet, non esset distans ab hoc nostro; quia inter utrumque mundum nullum corpus esset: ergo nihil esset: ergo non esset distans. Entia autem, inter quæ nullum corpus intercipitur, contigua sunt, non distantia.

Respondemus ad I. Auctoritates illas sacram Scripturarum, & Sanctorum Patrum, non posse intelligi de potentiæ Dei existentia extra mundum; tum quia hæc explicatio vim infert expressis illarum verbis; tum etiam quia rationi non congruit. Etenim actu potest Deus alios mundos producere, licet actu non producat, & quidem potest actu proxime, non remote: ergo quævis verba illa intelligi possunt de

potentiali operatione; ut sic dicamus, non intelliguntur tamen de potenciali existentia.

Ad II. Sancti Patres non possunt intelligi de existentia objectiva, & non de reali, saltem quando de Deo loquuntur; quia Deus non tantum est in intellectu, sed etiam in sua reali immensitate, tanquam in spatio sibi accommodato. Patres autem aequaliter loquuntur de Deo, ac de cæteris rebus in ipso locatis. Præterea in illis dicitur expresse locus, non autem dicitur præsentia. Non est igitur ratio, cur restringatur ad præsentiam tantum objectivam, & non ad localem, quam dicatur locus.

Ad III. Deus est utique in se ipso, tanquam in entitate positiva, & nullibi etiam est, tanquam in entitate negativa, a se ipso distincta. Dum autem dicitur, spatium imaginarium esse negationem positivæ entitatis in se, debet intelligi cum connotatione entitatis in ipso possibilis, ut hoc pacto contradistingatur a negatione simpliciter, qualis est, e. g. negatio Anticristi, negatio alterius mundi, &c. quæ se habent, ut purum nihil. Vel dicitur, Deum in spatiis imaginariis existentem in se ipso etiam existere, quia in spatiis illis non est cum habitudine reali, quum præter ipsum nihil aliud reale supponatur: Unde Deus secundum se, & ex vi suæ immensitatis, vere est in illis spatiis, sed absque habitudine coexistentiæ; existit enim, sed non coexistit; quum coexistere importet habitudinem realem ad locum realiter existentem, quam habitudinem non importat existere solum, sed non coexistere.

Ad IV. Dictio alicubi potest accipi, & pro reali, & pro imaginario; primo modo redditur falsa propositio, non autem secundo modo. Est enim in aliquo, non reali, sed imaginario; si esset in reali, non tantum existeret, sed etiam coexisteret; quia autem est in imaginario, existit solum, sed non coexistit.

Ad V. Deus est in spatiis imaginariis per potentiam, per præsentiam, & per essentiam. Est per potentiam, quatenus licet ibi non operetur, potest actu nihilominus operari. Est per præsentiam, sed ex vi suæ dispositionis, non autem cum habitudine coexistentiæ. Est per essentiam, quia actu est proxima causa potens dare esse infinitis mundis.

Ad VI. Deus in nihilo existit, in aliquo coexistit. Unde quando dicitur, Deum non coexistere in aliquo, sed existere in nihilo, non per hoc legitime inferri er-

go non existit. Et quanvis in nihilo extra se ipsum existat, in aliquo tamen existit, existendo in se ipso ratione suæ immensitatis, quæ ad spatia illa extenditur.

Ad VII. Spatia imaginaria non sunt chimærica, etsi non sint realia, in quantum positivam entitatem non important: Unde potest Deus optime in illis existere, absque eo quod hircocervis inexistat.

Ad VIII. Argumentum valet in sententia illorum, qui vacuum in rerum natura omnino negant. Contra illos autem, qui vacuum admittunt, sive parvum de facto, sive magnum de possibili, nullam vim infert. Dicunt enim, quod inter unum, & aliud mundum esset distantia, vacua quidem, sed non plena; quod per ipsos nullam importat repugnantiam.

Pro Tercio tandem Dicimus, Deum esse ubique præsentem, non circumscriptive, non definitive, sed repletive; Et quum sit ubique repletive, hoc ipso esse pariter ubique præsentem per essentiam, per potentiam, & per præsentiam. Prima Pars probatur. Non est quidem Deus in loco circumscriptive, quia partes non habet, quibus diversis loci partibus responderet. Unde Augustinus epist. 57. *Quoniam in eo ipso, quod dicitur Deus ubique diffusus, carnali resistendum est cogitationi, & mens a sensibus corporis avocanda, ne quasi spatiosa magnitudine opinemur, Deum per cuncta diffundi, sicut fumus, aut aer, aut lux ista diffunditur. Omne enim huiusmodi magnitudo minor est in sui parte, quam in toto; sed ita potius sicuti est magna sapientia, etiam in homine, cujus est corpus parvum. Nec etiam est definitive, ut sunt Angeli, & anima rationalis; quia non terminatur a loco, in quo est, sicut terminantur Angeli, & anima rationalis. Idem Augustinus ser. 1. de verbis Apostoli: *Quid est omnipotens Deus, quid, nisi inestimabilis, ineffabilis, incomprehensibilis, ultra omnia, extra omnia, præter omnia* Quod si non est circumscriptive, non est definitive Deus in loco, sequitur, ut sit repletive; scilicet, ut sit totus in toto loco, totus in qualibet parte loci, & totus etiam extra omnem locum; & quidem apud semetipsum, & in semetipso, ubi erat, antequam mundum crearet, existens scilicet, & non coexistens, in spatiis imaginariis. Unde Bernardus lib. 5. de consideratione c. 5. *Alias vero, ubi erat, antequam mundus fieret, ibi est. Non est, quod quæras ultra, ubi erat. Præter ipsum, nihil erat: ergo in se ipso erat.**

Secunda pars probatur etiam. Dei substantia cui-

cuique loco adest; ut contra Vorfium, & Eugubinum, probavimus; adeoque Deus est ubique præfens per effentiam. Deus etiam operatur in quocumque loco reali actu, & actu etiam potest operari in imaginario: ergo patiter Deus est ubique præfens per potentiam. Denique Dei cognitioni omnia sunt manifesta, omnia nuda, omnia aperta; unde fcribit Auguftinus fer. 46. de verbis Domini: *Procedis? Videris.*

Intras? Videris. Lucerna extinguitur? Videris. Cubile ingrederis? Videris. In corde verfaris? Vides etc: ergo etiam Deus est ubique præfens per præfentiam. Præter autem hos modos effendi, est etiam Deus præfens Iuftis per gratiam; & est per hypoftaticam unionem in humanitate, quam Verbum affumpfit in Incarnatione, fpeciali, & miraculofo modo, præfens.

DISSERTATIO XLV.

De Mendaciis contra Dei Omnipotentiam, & de Conflantibus illa.



Potentia, quæ dicitur paffiva, Omnipotentia nomine non venit; ea enim Deo, qui actus est puriffimus, omnino repugnat: Venit autem potentia, quæ dicitur activa; quæ quidem perfectio est, eaque fumma, infinita, omnimoda, & quam proinde Omnipotentiam nominamus. Græci duplici vocabulo exprimunt, quam unico nomine Latini appellant Omnipotentiam; quorum unum effectricem denotat virtutem, aliud vero dominium, & poteftatem. Primum Græci dicunt *δυναμις*; alterum vero *ἐξουσία*. De hoc altero loquutus est Ruffinus in Expositione Symboli, Omnipotentis vocem explicans, & dicens; *quod omnem tenet potentatum*: De illo vero priore Auguftinus lib. 4. de Trinitate c. 7. *Quis est autem omnipotens, nifi qui omnia potest?* Explicat Omnipotentiam S. Thomas per hoc, quod Deus facere poffit omnia poffibilia: Alii, quod in idem recidit, per hoc, quod poffit facere omnia, quæ contradictionem non dicunt: Alii per hoc, quod poffit facere omnia, quæ imperfectionem non continent. Nos ad hærentes iis, quæ in Philofophicis diximus, quum ibi poffibilia explicaverimus ordinate ad Omnipotentiam, tanquam ad rationem a priori, modo eandem explicamus ordinate ad poffibilia, tanquam ad rationem a posteriori. Unde Deus per hoc cognofcitur effe omnipotens a pofteriori, per quod poteft facere omnia, quæ fieri poffunt, quæ imperfectionem in ipfo non dicunt, & quæ in feipfis repugnantiam non important. Per id vero confluitur in effe omnipotentis, per quod prius ratione nollra in effe infiniti cogno-

PAR. I.

ficitur confluitus. Quemadmodum enim operari fequitur ad effe, ita operari infinitum fequitur ad effe infinitum; ut hic explicat S. Thomas r. p. q. 25. ar. 2., & nos latius in probationibus dicemus.

Primo Gentiles contra Dei Omnipotentiam mendacia conflare aufi funt. Et hi quidem non folum Poetæ, verum quoque Philofophi. Horum argumenta referuntur a Plutarcho lib. 1. de Plac. Phil. c. 7., non quidem fumpta ex Euripide, fed ex Plinio lib. 2. c. 7., ut Petavius obfervat lib. 5. theologic. dogmat. c. 5. n. 3. Non fuerunt autem hujus infaniz omnes Ethnici, ut in probationibus videbimus a Philofophis Gentilibus defumptis. Cæterum, quum facerent Deos fingulos fingularum partium orbis Deos, cuique Deo potentiam coarctabant; unde non erat in quolibet ipforum Deo omnipotentia. Denique fatis potentie nec ipfum Jovem refiftere poffe, fabulabantur.

Secundo Hæretici contra Dei Omnipotentiam obloquuti funt. Omnes quidem, qui plures Deos, feu principia, invicem contraria, & coæterna, admiſerunt; & pariter qui mundum, non a Deo, fed ab Angelis, Deo infcio, vel invito, creatum putarunt; contra omnipotentiam fenſiffe, dicendum est. Fuerunt iſti, inter cæteros, Marcion, Manichæi, Marcofii, Colobarfii, Saturniani, &c. de quibus omnibus loquitur Epiphanius lib. 1. Singillatim autem Tertullianus lib. con. Marcionem c. 11. teſtatur, Marcionem *potentatum omnium Deo denegaffe*. Et Auguftinus lib. de fide & Symb. c. 2. t. 3. *Conati funt quidam perfuadere, Deum Patrem non effe omnipotentem; Non quia hoc dicere aufi funt; ſed in ſuis traditionibus hoc ſentire, & credere convincuntur.*

B b

Cum

Cum enim dicunt; esse naturam, quam Deus omnipotens non creaverit, quem pulere ornatum esse concedunt; ita Patrem omnipotentem Deum negant, ut non eum credant, mundum potuisse facere, nisi ad eum fabricandum alia natura, scilicet, quæ iam fuerat, & quam non fecerat, uteretur. Præterea, si unus Deus alium non creavit, nec potest illum annihilare, etsi eum insectum habeat, nec illi dominatur; igitur non est omnipotens respectu saltem alterius Dei, qui ei non subicitur, nec ab eo dependet, ut fucrit, ut sit, & ut conservetur.

Tertio ponuntur Hermogeniani, & Seleuciani, qui materiam illam Deo cœternam, admittentes, ex hac dicebant Deum omnia fecisse; quum ipsis impossibile videretur, aliquid ex nihilo a Deo fieri posse. Testantur Epiphanius, & Augustinus, lib. de hæresibus. De Origene, qui præstare materiam fuit acerrimus propugnator, refert Theophilus Alexandrinus in epistola paschali prima, quod dixerit, tantum posse Deum, quantum ei ad operandum materia ministravit; Et quod insuper negaret, Deum majora potuisse facere, quam fecit.

Quarto assignantur Ariani, qui Deum asserant ita per Verbum, a seipso substantialiter diversum, effecisse omnia, ut sine ipso nihil facere potuerit; unde voluerunt, Filium Dei a Patre fuisse factum, ut instrumentum, quo uteretur ad creandum mundum, eaque omnia, quæ sunt in mundo. Patres proinde contra illos argumentabantur, & præcipue Athanasius lib. 3. contra Arianos: *Qui est omnipotens adiutore, aut instrumento non indiget, quo opera sua moliantur.*

Quinto enumeratur Petrus Abaelardus, qui, teste S. Bernardo epist. 19., plenam potentiam posuit in Patre, aliquam in Filio, in Spiritu Sancto nullam. Et ut testatur etiam Thomas Valdensis in Prol. lib. 1. qui aliquando sensit, id solum posse facere Deum, quod quandoque fecit. Quod & Petavius ex eodem Abaelardo lib. 3. Introduct. c. 5. p. 1114. pariter confirmat. Pro hoc ultimo subscribunt Abaelardo Joannes Vviclephus, Martinus Bucerus, Joannes Calvinus, asserentes, Deum non alia facere posse, quam quæ facit; nec quæ facit, posse omittere. Sed de his inferius sermo erit diffusior.

Sexto subjunguntur Sacramentarii, qui negantes, divina virtute idem corpus in duplici loco esse posse, vel unius substantiæ in alteram conversionem ex vi verborum factam esse possibilem, contra divinam omnipotentiam hoc ipso intellexisse convin-

cuntur. His adjungendi sunt plerique nostrorum temporum Hæretici, qui, ut ait Petavius, divina potentia multa detrahunt, tanquam pugnantia secum, & contradictionem, ut ajunt, habentia; cum revera non solum fieri absolute queant, sed etiam esse facta, divino ex verbo quadam necessitate sit consequens. Idem subdit, inter hos recensendum esse Guillelmum Parisiensem, qui censuit, plures mundos a Deo creati non posse, non quidem ex defectu omnipotentis, sed ipsorum mundorum, qui plures esse non possunt.

Septimo scribuntur Vviclephus, Bucerus, & Calvinus, dicentes quidem, Deum non posse facere alia, quam quæ facit, nec quæ facit, posse omittere; & hoc etiam minime obstante, Deum esse omnipotentem; quod probare nituntur per hoc, quod facere possit, & faciat quæcumque vult. Hæc de Calvino, & Bucero, tradit Estius in 1. dist. 43. §. 1. Attamen Juvenius ait, quod Estii assertum vix conciliari potest cum his, quæ habet Calvinus lib. de vera Ecclesiæ reformandæ ratione; ubi facit, Christum posse mutare panem in corpus suum, licet non mutet; atque: *rerum omnium conversionem fieri posse a Christo, nos quoque fatemur.* Opponitur etiam Calvino, quod asserit lib. 2. Instit. c. 7. §. 1. *Fieri non potest, quod non futurum Scripturæ pronuntiant.* Sed Juvenius occurrit, dicens, hæc verba non in sensu diviso, sed in sensu composito, esse intelligenda. Imputatur adhuc Calvino, quod scribit lib. 3. Instit. c. 23. §. 5. *Commentum absolute potentia, sicut profanum est, ita merito nobis detestabile esse debet.* Sed defenditur pariter a Juvenio, dicente, quod non loquatur Calvinus de omni extraordinaria potentia, at de illa tantum, quæ assignatur in causis, quando quaeritur, quare Deus puniat Reprobos contra meritum; & respondetur, hoc facere per omnipotentiam absolutam. Cæterum Petavius ipse indicat, non esse apud umnes certum, quod Calvinus errori huic ad hæserit, quum, eum adnumerando, scribat, & Calvinus nonnullorum opinio.

Præterea Petavius cit. loc. c. 6. n. 17. ex verbis pariter Calvini probat, nec cum quicquam divinæ Omnipotentie detraxisse, nec de absoluta potentia aliqui Deo indignum publicasse. Et Calvini verba explicans pro utroque, quod illi opponitur, ait: *Non igitur mutationem panis, & vini in corpus, & sanguinem Christi divina posse effici, Calvinus negat; sed ideo non fieri, quod nolit; nollet autem, quia nusquam testata est voluntas.*

voluntas, existimat. Quod illius discipuli minime cogitantes, idem dogma non eo solum inficiantur, quod in Dei verbo non sit expressum; sed quod natura rerum id non patitur, ut in Christi corpus panis substantia vertatur; atque id genus alia mira, & stupenda, quibus rerum naturam everti, ideoque fieri non posse, clamitant.

Octavo tandem loco ponitur Vorstius, inter Calvinianos, ut iniquior, ita etiam imperitior, qui Dei potentiam negavit esse infinitam, quia ad impossibilia non se extendat. Hoc sane delirium videtur Vorstium a Plinio mutuasse, qui lib. 2. c. 7. scribit: Imperfetta vero in homine natura principis solatia, ne Deum quidem posse omnia. Nam neque sibi patet mortem consistere, si velit: quod homini dedit optimum in tantis vitæ paucis: nec mortales aternitate donare, aut revocare defunctos: nec facere, ut qui vixit, non revixerit; qui honores gessit, non gesserit; unumque habere in prateritis jus, nisi oblivioni; atque, ut facitis quoque argumentis societas hac cum Deo copuletur, ut his divina viginti non sint; ac multa similiter efficitur

non posse. Elymas etiam magus hæc eadem, vel his similia, Paulo Apostolo opponebat; ut refert Auctor libri de divinis nominibus, sub nomine S. Dionysii, c. 8., & habetur etiam in 2. ad Timoth. 2. c. 13. Se ipsum negare non potest.

Meminit ulterius Petavius alterius erroris contra divinam omnipotentiam, cujus auctorem facit Platonium illum, qui in Platonis Timæo effutiebatur, Deum majora quidem per se ipsum fecisse, minora autem opera reliquisse Diis inferioribus, ut facerent, atque etiam, ut majora a se ipso facta perpolirent. Ad quem egregie confutandum errorem, profert Augustini verba in serm. 119. de Tempore c. 1. Omnipotens est ad faciendâ majera, & minora. Omnipotens est ad caelestia, & terrestria. Omnipotens est ad faciendâ immortalia, & mortalia. Omnipotens est ad faciendâ spiritalia, & corporalia. Omnipotens est ad faciendâ invisibilia, & visibilia. Magnus in magnis, nec parvus in minimis. Postremo omnipotens est ad faciendâ omnia, quæ facere voluerit.

DISSERTATIO XLVI.

De Omnipotentia Dei.

I. **R**obatur propositio catholica ex Scripturis. Genes. 17. 1. Ego Deus omnipotens. Genes. 18. 14. Nunquid Deo est quidquam difficile? Hebræi legunt: An mirificum erit quidquam a Domino? Numer. 11. 23. Nunquid manus Domini invadita est? Hebræi pariter legunt: abbreviata est? Job. 42. 2. Scio Domine, quia omnia potes. Jeremias 32. 17. Non erit tibi difficile autem verbum. Matthæi 19. 26. Apud homines hoc impossibile est; apud Deum autem omnia possibilia sunt. Marci 14. 36. Abba Pater; omnia tibi possibilia sunt. Lucæ 1. 37. Apud Deum non erit impossibile annu verbum. Quod autem Deus possit facere alia ab iis, quæ vult facere, & actu facit, probatur etiam ex Scripturis. Sapientia 11. & 12. dicitur, Deum potuisse multis modis Aegyptios vexare, & destruere populos, qui promissionis terram habitabant; quæ tamen noluit facere, ut poterat. Isaie 59. 1. Ecce non est abbreviata manus Domini, ut salvare nequeat; neque aggravata est auris ejus, ut non exaudiat; sed iniquitates vestrae dividerunt inter vos, & Deum vestrum, &

P. A. R. 1.

peccata vestra absconderunt faciem ejus a vobis, ut exaudiret. Danielis 3. 17. Ecce enim Deus noster, quem colimus, potest eripere nos de camina ignis ardentis, & de manibus tuis, o rex, liberare. Quod si noluerit, notum sit tibi, rex, quia Deus tuos non colimus, & statuum auream, quam erexit, non aderamus. Subdit Esaias in 1. dist. 43. §. 1. ad illud Isaie; quasi dicat, potest ille salvare, sed propter iniquitates vestras non vult. Subdit ad hoc Danielis: Nimirum hac dicunt, ut certi de potentia, incerti de voluntate, & effectu. 2. Machabeorum 8. 18. Nos autem in omnipotente Deo, qui potest & venientes adversum nos, & universum mundum uno nutu delere, confidimus. Et tamen nec delevis, nec hoc pacto delebit. Matth. 26. 53. An putas, quia non possum rogare Patrem meum, & exhibebit mihi modis plusquam duodecim legiones Angelorum? Christus autem nec Patrem rogavit, nec Pater exhibuit. Matth. 3. 9. Dico vobis, quoniam patens est Deus de lapidibus istis suscitare filios Abrahæ. Et tamen nec suscitavit, nec suscitabit. Matthæi etiam 8. 2. Domine, si vis, potes me munda- re. Et Matth. pariter 9. 28. Credidit, quia

B b 2

hoc

hoc possum facere vobis ? Subdit Eftius : Non ait : quia facturus sum ; nam illud quidem credere debebant , non autem istud .

- II. Ex Conciliis . Nicænum I. , & Constantinopolitanum I. , ubi in Symbolo , quod in uno conditum est , in altero est auctum , dicitur : *Credimus in unum Deum omnipotentem .* Concilium Remense , in quo omnes Abaelardi errores damnati sunt . Concilium Lateranense IV. generale sub Innocentio III. , & refertur in cap. firmiter , de summa Trinitate , & fide catholica . *Deus unus est , aternus , immensus , omnipotens , immutabilis , incomprehensibilis a viatore , &c.* Similiter in Symbolo Apostolorum ; *Credo in Deum Patrem omnipotentem ;* & in Symbolo , quod sub nomine S. Athanasii canit Ecclesia : *Omnipotens Pater , omnipotens Filius , omnipotens Spiritus Sanctus ;* & tamen non tres omnipotentes , sed unus omnipotens .

- III. Ex Patribus . Tertullianus lib. 1. contra Marcionem c. 11. *Nam & Dei hoc est , omnia illius esse , & omnia ad illum pertinere .* Item in lib. de resurrectione carnis cap. 11. *Non alia ratione credendum est , quam ut omnia posse credatur .* Item lib. 1. contra Marcionem c. 10. probat , Idololatrias Deum Judæorum inde iudicasse verum Deum , quod eum noverint , quem omnia posse testantur . Item in lib. de carne Christi c. 3. *Deo nihil impossibile , nisi quod non vult .* Augustinus ser. 139. de tempore c. 2. *Non dico , da mihi Christianum ; da mihi Judæum ; sed , da mihi Paganum , idolorum cultorem , demonum servum , qui non dicat , Deum esse omnipotentem . Negare Christum potest , negare omnipotentem Deum non potest .* Item in libro contra Adversarium legis , & Prophetarum c. 8. *Abfit , ut dicatur , omnipotentem non potuisse facere , nisi unde faceret , inveniret .* Item in ser. 119. de tempore : *Universa creatura ad hoc necessaria est omnipotentia , ut crearetur .* Item in lib. de natura , & gratia c. 7. *Quia Dominus Lazarum suscitavit , sine dubio potuit : Quia vero Judæum non suscitavit , an quid dicendum est , non potuit ? Potuit ergo , sed noluit . Nam si voluisset , etiam hoc potestate fecisset : Item in Enchiridio ad Laurentium c. 95. *Tunc in clarissima luce sapientia videbitur , quod nunc Plerum fides habet , antequam manifesta cognitione videatur , quam certa , & immutabilis , & efficacissima sit voluntas Dei , quam multa possit , & non velit ; nihil autem velit , quod non possit .* Gregorius Nyssenus lib. Catech. p. 478. *Longe est ab opinione , quam de Deo habemus , aliquid ei impossibile esse .* Fulgentius lib. de fide ad Petrum c. 3. *In eo etiam ejus omnipotentia intelligitur , quia om-**

nem creaturam visibilem ; atque invisibilem , idest corporealem , atque spiritualem , de nihilo fecit . S. Bernardus , qui probat etiam , Deum posse facere alia ab iis , quæ vult facere , & actu facit , & posse facere meliora iis , quæ facit ; epist. 190. hæc habet : *Quis negat Omnipotenti ad manum fuisse , & alias modos nostra redemptionis , justificationis , liberationis ? Verum hoc non præjudicat ejus , quam multis elegit , efficaciam .* Athanasius lib. 3. contra Arianos : *Poterat , etsi nunquam advenisset Christus , solummodo loqui Deus , & maledictionem solvere .* Et alii Patres docent pariter , Deum alia ratione , quam per Verbi Incarnationem , potuisse hominem salvare . Ceteros autem prætereuntes , iterum in medium adducimus Augustinum lib. de natura , & gratia contra Pelagianos c. 7. ubi dixerat Pelagius : *Aliud esse querere , an possit aliquid esse , quod ad solam possibilitatem pertinet ; aliud utrumne sit .* Ad quod respondet Augustinus : *Hanc distinctionem verum esse , nemo ambigit . Consequens est enim , ut quod est , esse poterit ; non est autem consequens , ut quod esse potest , etiam sit .*

- IV. Ex Philosophis Gentilibus . Callimachus apud Plutarchum lib. 1. de placitis Philosophorum c. 7. *Si Deum nosci , scito , illum posse omnia facere .* Justinus in lib. de resurrectione , apud Damascenum in Eccl. ait : *Gentes omnes , quæ Idolis credunt , persuasum habere , omnia Deos facere posse ; quemadmodum , & Homerus illorum Poeta dixit : Dii porro omnia possunt , & facile .* Ubi & particulam adjecit , *scilicet* , quæ facile significat , ut magnitudinem ostendat virtutis Dearum . Epicharmus apud Clementem Alexandrinum , lib. 5. Stromatum : *Nil Deum potest latere .* Scire te hoc quidem decet ; ille noster est Inspector . Lucianus in Dialogo , qui titulum habet , *A'vaviv* , in Socratis nomine , & persona , multa diserit de omnipotentia divina , quæ si Athei , atque Heterodoxi , adverterent , in meliorem certo redirent frugem .

- V. Ex Rationibus . I. Ex infinitate . Deus habet essentiam infinitam : ergo habet potentiam infinitam . Probatur consequentia . Essentia infinita dicit infinitatem in quocunque genere : ergo etiam in genere operandi : ergo si Deus habet essentiam infinitam , habet etiam potentiam infinitam . Uterius probatur eadem consequentia . Operari sequitur ad esse : ergo si Deus habet essentiam infinitam , habet etiam potentiam infinitam . Adhuc probatur eadem consequentia ab Eftio : quanto perfectior in unoquoque agente est forma , per quam agit ,

agit, tanto major est ejus potentia in agendo: ergo si Deus habet essentiam infinitam, habet etiam potentiam infinitam.

- II. Ex Aseitate. Deus est ens a se in essendo: ergo etiam in operando; sed si non habere omnipotentiam non esset ens a se in operando: ergo si est ens a se in essendo, & in operando, habet omnipotentiam. Probatur minor subsumpta. Quia Deus est ens a se in operando, non recipit potentiam ab aliquo, sed a se ipso habet; ergo non est qui Deo potentiam limitem; sed non habere potentiam limitatam, est habere potentiam infinitam: ergo si Deus est ens a se in essendo, & in operando, habet potentiam infinitam, adeoque habet omnipotentiam.

- III. Si aliqua Deus facere non posset, vel defectus se teneret ex parte Dei impotentis facere, vel ex parte rerum impossibilem fieri? si hoc secundum? Est potius perfectio omnipotentiae, quod ea non possit facere. Et probatur hoc; quia posse talia facere, est imperfectio, aut naturalis, aut moralis: ergo est potius perfectio omnipotentiae, quod ea non possit facere. Si vero defectus se teneret ex parte Dei impotentis facere? Iterum quaerimus; Vel continet Deus perfectionem illius rei, quam non potest facere, vel non continet? Si non, continet? ergo non est perfectissimus. Si continet? ergo potest illam communicare: ergo potest illam rem facere; ergo nullo modo dicendum est, quod defectus se teneat ex parte Dei impotentis facere.

- IV. Probatur, quod Deus possit facere, quod non facit, & ea, quae facit, omittere. Vis productiva, quae est in Deo, est infinita: ergo exhausti non potest productione finita: ergo praeter ea, quae producit Deus, & quae finita sunt, infinita alia potest facere. Probatur prima consequentia. Si alia non produceret, praeter ea, quae producit, vel esset, quia non posset, vel quia nolle producere? Si quia non posset? ergo virtus ejus non esset infinita. Si quia nolle? ergo semper posset: ergo semper virtus esset infinita, quavis operatio non sit infinita: ergo semper fiat, quod si vis productiva, quae est in Deo, est infinita, exhausti non potest productione finita; & quavis finita producat, non per hoc exhausti virtus infinita produendi; & si haec non producit, nullo modo est, quia non potest, sed tantummodo quia non vult.

- V. Si Deus non posset facere, nisi quae facit: ergo non posset plures, nec alios convertere, justificare, salvare, quam qui conver-

tuntur, justificantur, salvantur. Non potuit ergo Judam praedestinare, nec Adam a transgressione, nec Davidem ab adulterio, nec Petrum a trina negatione, praeservare; nec Pharaonis cor emollire potuit: item nec potest hodie sistere solem, ut diebus Josué; nec obscurare diem, sicut in passione Domini nostri Jesu Christi; nec alia innumera facere, quae in sacris literis leguntur: Haec autem omnia sunt absurda: ergo majus est illud, ex quo sequuntur.

- VI. Si Deus non esset omnipotens ad faciendum alia, praeter illa quae facit, & quae vult, & non etiam quia potest & alia velle, & alia facere, eodem modo essent omnipotentes omnes Beati in Patria, & pariter fuissent omnipotentes omnes homines, si primus homo in statu innocentiae permansisset; hoc non est dicendum: ergo nec illud, ex quo sequitur. Probatur sequela majoris. In illa ratione posset Deus quae vult; sed etiam Beati in Patria possunt omnia, quae volunt, & homines in statu innocentiae potuissent omnia, quae voluissent: ergo stat sequela proposita. Probatur minor. Beati in Patria nihil volunt inordinatum, aut impossibile; sic etiam homines in statu innocentiae: ergo possunt omnia, quae volunt, & potuissent omnia, quae voluissent. Probatur antecedens. Beati in Patria conformant suam voluntatem voluntati Dei; sic etiam faciebant homines. In statu innocentiae, teste S. Augustino lib. 14. de civit. c. 26. Sed hoc ipsum est nihil velle inordinatum, aut impossibile: ergo Beati in Patria nihil volunt inordinatum, aut impossibile; & sic etiam homines in statu innocentiae.

- VII. Admittendum est in Deo plenissime attributum illud, quo tanquam medio usi sunt in argumentationibus suis sancti, ac veteres Patres ad principaliorum haereseum monstra debellanda; sed hoc est Omnipotentia: ergo plenissime admittendum est in Deo attributum omnipotentiae. Probatur minor. Ad debellandos Arianos, qui dicebant, Filium fuisse a Patre factum, ut instrumentum, quo ad cetera producenda ureretur, argumentabantur Patres cum Athanasio lib. 3. cont. Arianos, ex omnipotentia: *Qui omnipotens est, adiutore, aut instrumento non indiget, quo opera sua molietur.* Ad evertendos Marcionitas, & Manichaeos, qui duo principia sibi contraria ponebant, Patres cum Tertulliano lib. 1. contra Marcionem c. 11. ex omnipotentia pariter sic disputabant: Si detur principium mali Deo contrarium, Deus non erit omni-

omnipotens; quia non posset impedire vim, & operationem huius mali principii. Ad impugnandos etiam Origenistas, Hermogenistas, aliosque veteres Sectarios, qui volebant, Deo præexistisse materiam, ex qua mundum crearet, & quæ indiguisset ad creandum; Patres cum Augustino lib. de fide, & symbolo c. 2. ex omnipotentia, etiam sic arguebant: *Patrem omnipotentem Deum negant, ut non cum credant mundum potuisse facere, nisi ad eum fabricandum alia natura, scilicet quæ jam fuerat, & quam non fecerat, uteretur.* Quis ergo omnipotentiam Deo, aut contendet, aut imminuet, aut infirmabit, si per illam errores profligantur, & Dei perfectiones invidiis ratiociniis per majores nostros, constanti, universalique traditione, defenduntur?

VIII. Non est impotentia, aut imperfectio, in lumine, ut non possit fieri tenebræ: ergo non est impotentia, aut imperfectio in Deo, ut non possit esse mendax, peccans, moriens, & alia huiusmodi, quæ imperfectionem, vel naturalem, vel moralem, continentia, a Deo minime fieri possunt. Antecedens probatur. Defectus non est luminis, ut non possit fieri tenebræ, sed est potius abundantia virtutis luminis, ejusque perfectio: ergo non est impotentia, aut imperfectio, in lumine, ut non possit fieri tenebræ, ita in Deo non est impotentia, aut imperfectio, ut non possit esse mendax, peccans, moriens, &c., immo potius est excellentia ipsius potentie, scientie, sanctitatis, veracitatis, & simplicitatis.

Obstant I. Potentia finita producit effectum finitum: ergo infinita potentia debet producere effectum infinitum; atqui nullus infinitus effectus a Deo productus est: ergo potentia Dei non est infinita: ergo in Deo non datur omnipotentia. II. Non est admittenda potentia, quæ sit otiosa; admitteretur, si Deus posset facere alia præter ea, quæ facit: ergo non est dicendum, quod Deus possit alia facere, præter ea, quæ facit. Probatur minor. Illa potentia est otiosa, quæ nunquam reducitur ad actum; sic est in Deo potentia ad facien-

dum alia, præter ea, quæ facit: ergo admitteretur in Deo potentia otiosa. III. Genes. 19. 22. Deus dixit ad Lot: *Festina, & salvere ibi: quia non potero facere quidquam, donec ingrediaris illuc.* Et Matth. 26. 39. Christus Patrem alloquitur: *Pater mi, si possibile est, transeat a me calix iste.* Deus autem ideo dicit, se non posse facere quicquam, quia sic decrevit facere: Et Christus ideo ait, possibile non esse Patri tollere calicem, quia constituit, appropinquare illi calicem mortis: ergo ea tantum Deus facere potest, quæ vult facere, & actu facit. IV. Augustinus in Enchiridio c. 96. asserit: Deum non ob aliud vocari omnipotentem, nisi quia quicquid vult potest. Hieronymus dialog. 1. cont. Pelagianos ait, tantum esse possibile, quod est futurum, verbis hisce: *Qui ergo ajunt, hominem posse esse absque peccato, si velit, non poterunt hoc verum probare, nisi futurum docuerint.* Eadem habentur ex Chrysostomo hom. 6. in Symb. ex Damasceno lib. 1. de orthodoxa fide c. 8. V. Deus nec potest falli, nec fallere, nec ullo modo peccare, non potest se ipsum negare, nec odio habere, non potest crescere, nec decrescere, ambulare, manducare, &c. Non potest esse infelix, non miser, non captivus, non potest facere, ut idem sit ens, & non ens, falsum, & verum, ut homo non sit animal, non potest alium Deum facere, non potest facere seipsum, non potest facere, quod Filius generet, & quod Spiritus Sanctus aliam personam producat: ergo Deus non omnia potest facere. VI. Si Deus potuisset facere meliora iis, quæ fecit, & meliora non fecit, invidus fuit ea non faciendo. Et probatur ex Augustino lib. 4. de Genes. ad litteram c. 16. *Si bona posset facere Deus, nec faceret, magna esset invidentia.* VII. Ex eodem Augustino Deus semper vult, quod est melius; ait enim lib. 9. contra Faustum c. 1. *Verbum potuisse sine nativitate humanam carnem induere, sed melius erat, quod fecit.* VIII. Deus, quum sit optimus debet semper optima facere; bonus erit facit bona, melior meliora, optimus optima. Unde Damascenus lib. 2. de fide orthodoxa c. 9. *necesse est omnia, quæ Dei providentia sunt, secundum rectam rationem, & optima, & Deo decentissima fieri, itant nequeant meliora fieri.* Respondemus ad I. cum S. Thoma 1. p. q. 25. ar. 2. ad 2. proprium esse tantum causarum secundarum, ut sibi respondeant effectus, quos producunt. Deus autem quum non sit agens secundum, non est mirum, si ejus effectus sua potentia semper est minor.

Vel

Vel cum Eſtio cit. loc. Ex potentia infinita ſequi poſſibilitatem effectus infiniti, non vero exiſtentiam; ſequi quidem poſſibilitatem, quum poſſit Deus per infinitam ſuam potentiam producere infinitas perfectiones diſtinctas formaliter hoc ſenſu, quia quodcunque produxerit, ſemper adhuc alias, & plures producere poterit: Non vero exiſtentiam ſequi effectus infiniti, quia pro exiſtentia non ſufficit potentia, ſed requiritur etiam voluntas. Poſſit igitur Deus producere effectus infinitos, ſed non vult; & ideo non producit, nec ſunt producti.

Ad II. dicitur, non eſſe otioſam potentiam, in Deo, quia id dicitur fruſtra, quod non aſſequitur finem, in quem erat deſtinatum; at potentia Dei, quum ſit ejus eſſentia, non eſt medium ad aliquem finem, ſed ipſa rerum omnium eſt finis. Uterius reſpondemus cum Eſtio, poſſe dici otioſam Dei potentiam, quum huiusmodi otium non denotet vitium, ſed tantum operationis negationem; quæ culpari non poſſit in eo, quem nulla neceſſitas juſtitie ad operandum adſtringit.

Ad III. dicimus, non poſuiſſe Deum in ſenſu compoſito, bene vero in ſenſu diſiſo; vel non poſuiſſe ſecundum potentiam ordinariam, vel ordinatam, bene vero ſecundum potentiam abſolutam. Theologi duplicem nanque in Deo potentiam diſtinguunt, abſolutam ſcilicet, & ordinatam. Abſoluta eſt illa, qua Deus poſſit facere omnia, quæ poſſibilia ſunt. Ordinata ab aliquibus dicitur illa, qua Deus poſſit facere ea omnia, quæ decrevit facere; itaut illa ſint mere poſſibilia, hæc vero futura. Alii vero dicunt, quod ordinata ſit illa, per quam Deus poſſit ea facere, quæ non repugnant ſuæ juſtæ providentiæ, & ordini univerſi, quem modo videmus. Abſoluta vero, qua poſſit facere cuncta ſupra etiam hunc ordinem; ut ſcilicet Damnatos liberare, Beatos ſelicitate privare, Dæmones ad poenitentiam advocare, Judam ſalvare, Petrum damnare, Eccleſiam deferere, mundum annihilare, &c. In primo igitur loco Genetiſ Deus loquebatur ſecundum potentiam ordinatam; & ſic pariter in ſecundo loco Marthæ Chriſtus; non vero ſecundum potentiam abſolutam. Unde quum apud Marthæum legitur, *ſi poſſibile eſt*, apud Lucam c. 22. 42. invenitur; *Pater, ſi vis, transfer calicem iſtum a me*.

Ad IV. Auguſtinus intelligit, Deum eſſe om-

nipotentem per hoc, quod poſſit facere, quicquid poſſeſt velle; id eſt quicquid voluntati ejus ſubjectum eſſe poſſeſt; ita videlicet, ut voluntas ejus nunquam impediri, aut fruſtrari, poſſit. Non enim Deus ad operandum neceſſitatur, ſed ideo operatur, quia vult operari. Sic pariter reſpondetur ad Chryſoſtomum, & ad Damascenum. Hieronymus vero dicit, tantum eſſe poſſibile homini, quod eſt futurum, non vero eſſe poſſibile Deo.

Ad V. Illa omnia non poſſunt a Deo fieri, quia contradictionem important, ac repugnantiam, non ſimpliciter, ac ſecurim conſiderata, quum vere competant hominibus, ſed quatenus cum Deo conjunguntur, unde conjunctio redditur impoſſibilis. Uterius aliqua ex illis ſignificant, & important potius paſſivam potentiam, quam activam; aliqua potentiam activam dicunt, ſed imperfectam. Deus vero eſt omnipotens per omnipotentiam perfectiſſimam; ac proinde non eſt per illa, quæ non conſtituunt omnipotentiam, ſed deſtruunt. Srat ergo, ut bene, & rationabiliter dicamus; quia Deus eſt omnipotens, ideo illa non poſſit facere.

Ad VI. negatur ſequela. Ad auctoritatem Auguſtini dicitur, ſententiam illam ex iis eſſe, quas lib. 2. retractationum c. 24. Auguſtinus ſacit, non ſatis eſſe expreſſas a ſe in libro, ex quo deſumptus eſt textus, nobis obſectus.

Ad VII. dicitur, Auguſtinum intelligi de iis, quæ meliora ſunt, non abſolute, & ſimpliciter, ſed tantum comparative. Docet enim, quod melius fuiſſet, Chriſtum naſci, quam non naſci; ut ſcilicet illius carnis veritas ſolidius oſtenderetur, quod melius etiam fuiſſet, Chriſtum naſci ex femina, ne muliebrem ſexum a ſalute repuliſſe videretur. Quæ omnia ſunt per comparationem diſta.

Ad VIII. Determinari non poſſeſt, aliquod Dei opus ad extra, quod ſit optimum, itaut nullum ſit illo melius; quum dentur meliora, & meliora, in infinitum. Ad Damascenum reſpondetur cum diſtinctione: Neceſſe eſt, fieri optima ſecundum modum, conceditur; ſecundum ſubſtantiam, negatur. Quæcunque ergo facit Deus, optime facit; ſcilicet modo optimo operatur: Sed non facit optima, quum libere faciat ea omnia, quæ facit; adeoque a quolibet aſignabili opere independentem.

DISSERTATIO XLVII.

*De Falsis contra Dei Infinitatem Dogmatibus,
& de propugnantibus illa.*



Nfiniti notio, tum illius, quod proprium est Dei, & quod de schola Theologi radicale nominant, & alii etiam dicunt simpliciter, & in omni genere; tum etiam alterius, quod

potest creaturæ, secundum plurium opinionem, convenire, quodque appellant formale, secundum quid, & in aliquo genere; ex Philosophicis supponitur. Supponitur etiam ex Theologicis altera infinitatis divisio, quam Theologi plures facere consueverunt inter infinitatem in essendo, & infinitatem in operando. Hanc ultimam proprio vocabulo nominant Omnipotentiam; & de ea in duabus præteritis Dissertationibus loquuti fuimus. De prima vero in hac, & in sequenti Dissertatione dicturi sumus, omnis ordinantes juxta methodum scribendi, quam usque modo in consimilibus observavimus.

Primo divinæ infinitatis hostes adnumerantur omnes illi Gentiles, qui plures Deos coluerunt; perfectio enim unius Dei ab altero auferebatur; & quum omnes, ut Dii ab ipsis adorarentur, nullus tamen ex illis erat Deus. Quilibet profecto finitus, quia sine perfectionibus cæterorum Deorum; quilibet consequenter non Deus, quia nemo infinitus. Illi etiam Ethnici, qui creatis rebus divinitatem asseruerunt, terræ nimirum, cælo, soli, astris, animalibus, plantis, lignis, faxis, &c. infinitatem a Divinitate sejunxerunt. Quum enim hæc omnia certis finibus coarctarentur, non poterant infinitate gaudere. Illi denique, qui corporeum Deum sibi fingebant, nec poterant infinitum agnoscere, si in quantitate molis, quæ corpori respondebat, illum metiebantur. Et quanvis hæc infinitas, quæ dicitur secundum quantitatem, ad differentiam alterius, quæ est secundum virtutem, in Deo nostro vero non detur, non per hoc est illi imperfectio, quod eam non habet. Illi enim, qui est purissimus spiritus est incompetens, immo repugnans infinitas, quæ est propria corporum. Deo vero corporeo convenire, & proinde imperfectio, seu defectus in illo esset, si eam non haberet.

Secundo Aristoteles a quibusdam accusatur, quod lib. 3. Physicæ. tex. 3. & 15. docuerit, substantiam non posse esse infinitam per se ipsam, sed per quantitatem; ex quo postmodum deduxerunt, ut ait Cardinalis de Aguirre, in Monologio S. Anselmi c. 16. disp. 31. trac. 3. sect. 1., nonnulli Christiani, Deum esse infinitum secundum potentiam, non vero secundum essentiam. Quibus, ut pariter asserit præfatus Cardinalis, videtur subscripsisse Albertus magnus in 1. dist. 43. q. 1. ar. 1.

Tertio loco ponendi sunt alii, qui in eo fuerunt errore, ut insane crederent, Deum, quoad nos infinitum esse, non autem in se ipso. De his loquutus est S. Bonaventura in 1. dist. 43. q. 1. Quid sibi velit hoc esse infinitum quoad alios, non vero quoad se ipsum, apud neminem explicarum invenimus. Quid simile huic Cartesius Sæcutoribus suis vendidit; mundum scilicet non esse infinitum in se ipso, esse autem, quoad nos; quod in idem postea redit, ex ipsius explicatione, ac esse indefinitum. Idem prorsus habet in Continui divisione; asserens scilicet, esse divisibile non in partes infinitas, sed indefinitas; quod pro eodem accipitur, ac dicatur, partes esse quidem finitas, sed a nobis non posse sine comprehendere; sine videlicet divisionis in continuo, sine partium in mundo. Hæc profecto non ab aliis probantur in Cartesio, quam ab Affectibus suis; qui si ea verè intelligant, ut invictè propugnant, nec sine ratione pugnant, nec sine judicio descendunt. Nos autem eo dumtaxat sine naravimus, ut illorum exemplo possit aliqua notitia a Legentibus comparari erroris hujusce, quem referimus. Quod si assimilatio probatur, hoc ipso Deo tollitur infinitas, quæ dicitur non esse in se ipso; & datur tantum nostrum, non quidem perfectum, sed imperfectissimo modo cognoscendi illum. Ac per consequens Deus debet ignorantia nostræ mentis, ut infinitus dicatur a nobis, qualis in se ipso non est. Hæc sane absurda ex recentiori errore dimanant.

Quarto loco adsignatur Calvinianus Vorstius, qui inter cætera, Deo prorsus indignæ, quæ effutire non crubuit, illud quoque

com-

commensus est, quo Deum, & secundum essentiam, & secundum operationem, infinitum esse, negavit. Cardinalis de Aguirre cit. loc. hæc de Vorstio narrat: Denique Vorstius, Calvini Sessor, inter plura indigna Deo, qua tradit, late ostendere conatur, Deum non esse simpliciter infinitum, nec secundum essentiam, neque potes operationem. Insuper Martinus Becanus, quem Cardinalis prælaudatus citat, hæc ait t. p. tract. t. c. 5. Solus Vorstius Calvinista, non minus impie, quam temere, id negat. Sic enim scribit pag. 234. Deus non est actus simpliciter infinitus, neque essendo, neque operando. Et pag. 235. Est quidem Deus purus actus, sed hoc non veritat, quin simul sit in sese finitus. Subdit deinde, Vorstii hæresim novum Atheismum appellans, quinque argumentis quibus eandem scelestissimus Sæctarius nititur probare; & ad eadem responsis convenientibus solerter occurrit Becanus; ut in sequenti Dissertatione videbimus.

Quinto denique loco Sociniani adnumerantur ab Henno tract. de Deo uno disp. 3. q. r. concl. r., qui ait: Est etiam (conclusio) contra Socinianos, qui licet Deum infinitum asserant secundum diversas perfectiones, v. g. secundum potentiam, durationem, sapientiam, &c. negant tamen esse infinitum in essentia. Quæ quidem portenta Sociniani tuentes, & pessime in fide, & male in ratione, se habere, convincuntur. Etenim, si Deus est infinitus in operando, cur deinde fingitur limitatus, & finitus in essendo? Dat fortassis quod non habet? Vel operatur supra id, quod est? Mali igitur Christiani dicendi sunt Sociniani, & pessimi etiam Logici.

Aristoteles respuit infiniti ideam, quam Philosophi veteres habebant, dicentes; infinitum esse illud, extra quod nihil est. Additque aliam ex se ipso ideam, qua putat, infinitum esse, extra quod semper aliquid est. Utrumque infinitati Dei apertissime convenit; Primum enim, quod dicit terminis clarioribus, Deum in sese complecti omnia, proprium est solius Dei. Et hoc dimanat ex omnimoda ratione perfectissi-

mi, quæ in Deo est; ita enim est perfectus, ut nihil extra se relinquat; & ita nihil extra se relinquat, ut omnia in sese contineat. Et hinc est, quod nihil ei potest de novo evenire; quod innuebat Auctor questionum r 23. ad Orthodoxos, sub nomine S. Iustini martyris, & philosophi. Summe perfectum est id, quod nulla in re accessionem, vel incrementum potest accipere. Alterum vero, quod verbis expressioribus importat, infinitum exhauriri dividendo nunquam posse, proprium est etiam solius Dei. Et hoc quoque profluit ex omnimoda perfectione Dei; tot, tantaque nempe perfectiones habet, ut comprehendi, vel mente, vel lingua, vel calamo, nullatenus possit; ac proinde semper remaneat aliquid extra, quod cognosci, dici, aut scribi, non poterit.

Hæc sicut nihil continent, quod sit dogmati contrarium, ita absque fidei discrimine, ut libet disputari possunt in scholis. Cujusmodi pariter sunt alia, quæ Theologi in scholis adhuc inquirent: Unde Dei infinitudo desumatur, an ex aseitate, an ex ratione perfectissimi, an ex aliqua alia ratione, in Deo conceptibili? In quo quidem parum negotii, cognoscimus, habere illos, qui in aliquo istorum divinæ essentiae constitutum reponunt. Etenim exploratum est, ex aseitate desumi, illis, qui per aseitatem Deum metaphysice constituunt; illis vero, qui per plenam perfectissimi rationem considerant essentialiter metaphysice Divinitatem constitutam, certissimum est, ex ratione perfectissimi provenire. Demum An & quomodo probari possit, Deum esse infinitum, in scholis quoque disputatur. Et communi Theologorum calculo firmum nobis est, ratione etiam naturali demonstrari posse, Deum esse infinitum; arque insuper Dei infinitatem sacra auctoritate oobis quoque esse firmatam. Hæc omnia in sequenti Dissertatione videbuntur expressa, non tantum quidem in speculatione, & in verbo, verum, ut sic dicamus, in praxi etiam, & in exemplo.



DISSERTATIO XLVIII.

De Infinitate Dei.

L. **P**robatur ex Scripturis. Job. 11. 7. & seqq. Forſitan veſtigia Dei comprehendēs, & uſque ad perfectum Omnipotentem reperies? Excelsior caelo eſt, & quid facies? Profundior inferno, & unde cognosces? Longior terra meſura ejus, & latior mari. Pſal. 146. 5. Magnus Dominus noſter, & magna virtus ejus, & ſapientia ejus non eſt numerus: Alii legunt: Non eſt finis. Pſal. 95. 3. Annuntiat inter gentes gloriam ejus, in omnibus populis mirabilia ejus. Quoniam magnus Dominus, & laudabilis nimis. Ad quæ verba Auguſtinus in hunc Pſalmum ſubdit: Et ſi ſcita die diceret, Magnus, Magnus, quid magnum diceret? Quoniam magnus Dominus, & laudabilis nimis: Quid enim diſtina eſt lingua parva ad laudandum magnum? Dicendo NEMIS, emiſit vocem, & dedit cogitationi quod ſapiat, tanquam dicas, quod ſonare non poſſum, tu cogitas; & cum cogitaveris, parum erit. Quod cogitatio nullius explicat, lingua alicujus explicat? Magnus enim Dominus, & laudabilis nimis. Jerem. 32. 17. Domine Deus; Ecce tu ſceiſti caelum, & terram in fortitudine tua magna, & in brachiis tuis extentis: non erit tibi difficile omne verbum: Qui facis miſericordiam in millibus, & reddis iniquitatem Patrum in ſinum filiorum eorum poſt eos; Fortiſſime, magne, & potens, Dominus exercituum nomea tibi. Magnus conſilio, & incomprehenſibilis cogitata. Proſerunt quoque teſtimonium Baruch 3. 24. & ſeqq. O Iſrael, quam magna eſt domus Dei, & ingens locus poſſeſſionis ejus! Magnus eſt, & non habet finem; excelsus, & immenſus. Attamen Fraſſen tract. 1. diſp. 3. ar. 2. quæſt. 1. concl. 2. negat, verba illa de Deo eſſe intelligenda; ac potius de loco poſſeſſionis Dei, ideſt de mundo, cujus magnitudo a Propheta exaggeratur. Verum Theodoretus apud Cornelium a lapide in Baruch 3, intelligit quidem de loco, ſed non materiali, ac ſpirituſuali Sanctorum, qui eſt ipſe Deus; non enim, inquit, loquitur de finita aliqua poſſeſſione, ſed de infiniti boni poſſeſſione, quæ eſt ipſe Deus. Uterius Chriſtophorus Gillius lib. 2. tract. 9. de imenſitate Dei c. 16. domum hanc, & locum, imenſitatem, & ubiquitatem Dei interpretatur. Denique Auguſtinus lib. 3.

contr. Maxim. c. ult. ex hoc contra Arianos infer, Dei Filium imenſum eſſe; quia, ut ait Cornelius citatus, eſt argumentum petiſum ab analogia, & proportione; quaſi dicat: Si mundus eſt tantus, & pene immenſus, quantum, quæquam immenſus debet eſſe ipſe mundi Creator, & Dominus.

II. Probatur ex Conciliis. Concilium Lateranenſe IV. ſub Innocentio III. & habetur in cap. firmiter, de ſumma Trinitate, & Fide catholica: Ubi ſtatuitur, certa fide credendum eſſe, Deum eſſe imenſum, eſſe æternum, eſſe incomprehenſibilem, adeoque eſſe infinitum. Concilium etiam Remenſe ſub Eugenio III. inter cætera Dei attributa, de quibus loquitur, aut infinitatem expreſſe nominat, aut certo comprehendit.

III. Probatur ex Patribus. Auctor libri de divinis nominibus, qui dicitur S. Dionyſius Areopagita, c. 9. Omnem naturam ſuperat, omnem infinitatem tranſcendit. Nazianzenus orat. 38. Ubi Deum appellat imenſum, & interminatum eſſentia pelegum. Hilarius in pſalm. 144. Ardens ad id ſenſus noſter eſt, ingenium hebet eſt, ſuum magnificentiæ ingeniū neſcit. Auguſtinus in libro de Speculo, cujus meminit Poſſidius in Indiculo, c. 33. Supra quem nihil, extra quem nihil, ſine quo nihil, ultra quem nihil, infra quem nihil. Deus, ſub quo totum, cum quo totum, in quo totum. Deus, a quo omnia, per quem omnia, in quo omnia, Et ſerm. 2. de verbis Apoſtoli: Inaſtimabilis, ineffabilis, incomprehenſibilis, ultra omnia, extra omnia, præter omnia. Baſilius hom. in princip. Joannis: Inſinitus Pater, inſinitus filius. Nyſſenus orat. 1. in c. 1. Gen. ad illa verba facimus hominem, &c. inquit: Magnum cogita, & huic etiam magno plus adde, quam cogitaſti, atque ita exple cogitationem tuam: neque unquam quæ infinita ſunt, capies. Nec magnitudinem concluditur, nec ſubſtantia exhibetur. Theodoretus in epitome divinatorum decretorum in 1. cap. de Principio: Deum eſſe inſinitum, non circumſcribi poſſe, aut quoad ſubſtantiam, aut quoad potentiam, & ex veteri, & præterea ex novo teſtamento didicimus. Damascenus lib. 1. Fidet c. 12. Totum enim in ſe ipſo comprehendens, habet ipſum eſſe, veluti quoddam pelegum ſubſtantia inſinitum, & interminum, Et cap. 8. Credi-

MASS

mus ergo in unum Deum, unum principium sine principio, increatum, ingentum, omni periculo carentem, immortalem, aeternum, infinitum, inextinguibilem, interminum, infinite potentem.

IV. Probatur ex Philosophis Gentilibus. Plotinus Enneade 6. lib. 4. c. 5. *Ipsa natura infinita est universum, majusque aliquid est, quam ut secundum corpora natura magnitudinem affirmetur.* Parum enim quiddam velle censetur huic Universo tribuere, quatenus videlicet hoc illius ferre valet. Et lib. 7. c. 32. *Magnitudo Dei est, nihil eo potentius esse, nihil aequari posse cum illo. Quomodo enim ex suis aequari illi quis possit, cum nihil possideat idem?* S. Thomas lib. 1. contra Genes c. 43. adnumerat Democritum, & Anaxagoram, pro Dei infinitate scribentes. Simplicius lib. 1. Physicorum, ponit etiam pro eadem Parmenidem, & Melissum, & Xenophanem. Laertius exhibet Anaximenem, qui Deum appellabat *causam infinitam*. Eugubinus de perenni Philosophia lib. 3. c. 7. testatur, Deum a praece Philosophis fuisse communi vocabulo dictum, *ipsum eus, ipsam infinitatem*. Aristoteles adnumeratur a pluri- bus, pro veritate ne, vel potius quia in- ejus verba jurant, ipsi viderint. Hoc certum est, quod Dei infinitatem, ab antiquioribus Philosophis assertam, enarra- vit; & praecipue 1. Physic. c. 3., & 3. Physic. c. 2. & 3. Quid autem vere ipse sen- serit, Cardinalis de Aguirre ait, pro Dei infinitate scripsisse, alii autem negant. No- bis sufficit ad rem nostram consiciendam, testimonium Doctoris Angelici huc addu- cere, quod refert Contesonus lib. 1. Dis- sect. 4. c. 1. sect. 1. *Hinc veritati attestantur antiquissimorum Philosophorum dicta, qui om- nes posuerunt primum rerum principium infi- nitum, quasi ab ipsa veritate coacti.*

V. Probatur Rationibus. I. ex Aseitate: Deus est ens a se: ergo est in omni genere infi- nitus, & in essentia, & in potentia. Pro- batur consequentia. Quod est a se, nun- quam habet a quo limitari possit; ergo quod est a se est in omni genere infinitum. Proba- tur antecedens. Quod est a se non limita- tur ab alio, a quo non dependet; a se ip- so autem limitari non potest; ergo quod est a se, non habet a quo limitari possit. II. ex ratione actus puri. Deus est actus purissimus: ergo est omnimode infinitus. Probatur consequentia. Si Deus non esset omnimode infinitus, haberet aliquid po- tentialitatis; ergo non esset actus purissimus: ergo si est actus purissimus, est omni- mode infinitus. Probatur antecedens. Quod

P. R. I.

est omnimode infinitum, non habet po- tentiam ad aliquem actum: ergo si Deus non esset omnimode infinitus, haberet al- quid potentialitatis. Probatur antecedens. Quod est omnimode infinitum, habet om- ne: ergo nihil potest recipere: ergo non habet potentiam ad aliquem actum. II. Ex ratione perfectissimi absoluta, & in omni genere. Ratio perfectissimi absoluta, & in omni genere, dicit non solum omnes perfectiones, sed etiam eas dicit in modo perfectissimo: ergo dicit infinitatem in omni genere. Probatur consequentia. Ra- tio illa infiniti, quam non haberet, esset perfectio: ergo si nun haberetur, non ha- berentur omnes perfectiones, & modo etiam perfectissimo; atqui habentur ex ra- tione perfectissimi absoluta, & in omni ge- nere: ergo hoc ipso etiam habetur infini- tas in omni genere. IV. ex continentia. Infinitae sunt res, quae in Deo continen- tur: ergo infinitus etiam est ipse Deus, in quo continentur. Antecedens est certum; omnes enim res, siue existentes, siue pos- sibles, quae in Deo continentur, infinitae sunt. Consequentia probatur. Nequit fi- nitum continere infinitum: ergo si Deus infinitas res continet, infinitus est. V. ex infinitate cujuslibet attributi divini. Attri- butum divinum est quasi proprietas divi- nae essentiae; atqui implicat, quod attri- butum, seu proprietas sit infinita, & es- sentia si finita: ergo si infinitum est attri- butum, vel proprietas est infinita, ipsa etiam essentia debet esse infinita. Sed ex probatis omnia attributa, siue extensive, siue intensive, sunt infinita: ergo etiam divina essentia est infinita. VI. Si Deus non est infinitus, non est id, quo nihil me- lius, aut majus, cogitari potest; atqui hoc venit nomine Dei: ergo vere Deus est in- finitus. Probatur major. Posset cogitari majus, & melius Deo id, quod haberet in- finitatem illam, quam Deus non haberet; ergo si Deus non est infinitus, non est id, quo nihil melius, aut majus, cogitari po- test.

Arguit Vorstius I. esse infinitum, & esse hoc aliquid, sunt contradictoria; sed Deus est hoc aliquid, nempe Deus: ergo Deus non potest esse infinitus. II. Nulla creatura est infinita essentialiter; ergo neque Deus. Probatur consequentia. A creaturis enim nos in Dei cognitionem manuducimur: ergo si nulla creatura est infinita essentiali- ter, neque Deus secundum essentiam est infinitus. III. In sacris Scripturis nullum est verbum, quod Dei infinitatem in-

Ce 2

fen-

scientia enunciet; ergo vere Deus in essentia non est infinitus. IV. Si Deus esset infinitus, omnes creaturæ æqualis essent perfectionis; sed hoc est falsum; ergo Deus non est infinitus. Probatur major. Creaturæ sunt aliæ aliis perfectiores, quia propius ad Deum accedunt; sed si Deus esset infinitus, omnes æquali modo a Deo distarent; ergo omnes æqualis essent perfectionis. Probatur minor. Omnes distarent a Deo infinite: ergo omnes æquali modo a Deo distarent. Probatur antecedens. Ab infinito omnia finita infinite distant: ergo si Deus esset infinitus, omnes creaturæ a Deo infinite distarent; ergo omnes æquali modo distarent: ergo omnes æqualis essent perfectionis. V. Substantia Dei videtur ab Angelis: ergo non est infinita. Probatur consequentia. Angelus est substantia finita: ergo si videt Deum, Deus non est infinitus. VI. Potentia Dei non est infinita: ergo neque infinita est essentia Dei. Probatur antecedens. Potentia Dei non extenditur ad impossibilia: ergo non est infinita. VII. Deus non est infinitus in omni genere substantiæ: ergo non est infinitus in essentia. Probatur antecedens, Deus non potest esse infinitus in omni genere substantiæ, si non sit omnis substantia; sed non est omnis substantia: ergo non est infinitus in omni genere substantiæ. Probatur major. Si corpus esset infinitum, cætera corpora excluderet; ergo pariter, si Deus esset infinitus in omni genere substantiæ, omnem substantiam excludit: ergo est omnis substantia. VIII. Quod est infinitum secundum locum, replet omnia loca; & per consequens ab omnibus locis excludit quodvis extensum: ergo si Deus esset infinitus secundum essentiam, nullam secum compararet perfectionem in rebus creatis; atque ideo debet esse essentia omnium rerum creatarum.

Respondemus ad I. negando contradictionem illam, quam sibi Vossius fingit, sed non probat. Immo potius ex eo, quod aliquid sit infinitum secundum essentiam, demonstratur debere esse unum numero, sive prorsus singulare; ut cum de Dei unitate offendimus. Si autem dicatur; per hoc quod Deus sit infinitus, est omnia; per hoc, quod est Deus, aliquid; sed aliquid, & omnia, contradictorie opponuntur: ergo Deus, & infinitus, dicunt contradictionem; Respondetur, Deum esse aliquid, hoc est Deum, formaliter; esse vero omnia, eminenter; Esse autem aliquid formaliter, & omnia eminenter, non

dicunt contradictionem.

Ad II. conceditur antecedens; & negatur consequentia: Ad probationem dicitur, a creaturis nos manducari ad cognitionem existentie Dei, non vero in cognitionem perfectionum Dei. Aliter, quia creatura mutabilis est, dependens est, composita, est, ita etiam Deum deberemus inferre esse mutabilem, esse dependentem, esse compositum. Insania est hoc cogitare, & deterior insania est hoc ipsum dicere.

Ad III. Multa regulimus Scripturarum sacram testimonia, quibus luculenter Dei infinitas probatur; ut in hujusce Dissertationis exordio Legentes observabunt. Ceterum ad inane hoc Vossii argumentum ita occurrit Cardinalis de Aguirre sect. 1. num. 10. *Sed esto nihil in ea haberetur expressum. Quid inde? Nunquid plura alla de divina perfectione non asseruntur indubitanter ab omnibus, aut etiam certo demonstrantur, quæ tamen in Scriptura non leguntur expressæ? In Pessima itaque est illa Calvinianorum collectio; Hoc non dicit Scriptura: ergo non est admittendum. Sic olim Pelagius Hæresiarca apud Augustinum lib. de nat. & grat. c. 39. aiebat: Credamus quod legimus, & quod non legimus, nefas credamus adstruere. Similiter loquebatur etiam Maximus apud eundem Augustinum initio libri primi adversus eundem. Nimium, ubi in Scriptura implicite continetur veritas aliqua, accedente communi Patrum, & Interpretum consensu de illa in sensu proprio, & genuino, credenda est fide divina.*

Ad IV. respondet Becanus, mensuram perfectionis creatæ non sumi a distantia perfectionis divinæ, sed a pluribus, vel paucioribus, gradibus perfectionis, quos unaquæque res a Deo participat. Unde dicit etiam Du-Hamel, res creatas infinite a Deo distare ex parte Dei, secus vero ex parte ipsarum; quum in se ipsis magis, minusve Dei perfectiones exprimant, & quæ majores exprimunt, magis Deo appropinquant. Esto igitur Deus a nobis æqualiter distet, nos tamen non æqualiter ab ipso distamus; quia non æqualiter ipsum exprimimus: Quemadmodum essent respectu numeri infiniti numerus centenarius, & numerus millenarius.

Ad V. dicitur, Angelos videre quidem intuitive essentiam Dei, at non comprehendere illam; & videre etiam intuitive prævio supernaturali auxilio, nec infinito modo videre, quanvis infinitam essentiam videant. Cardinalis de Aguirre ait: *Quod Deus videatur a Beatis, sicut non probat, com-*

comprehensum iri ab iis, ita nec finitum esse, aut cognitione illorum finiri, circumferibere.

Ad VI. Ideo Dei potentia est infinita, quia ad impossibilia non extenditur. Sic enim ait Becanus: *An putet Novator, infinitam fore potentiam, si ad impossibilia se extendere? Immo potentia non esset, si id fieret. Sicut enim scientia non dicitur, nisi respectu scibilium; sic neque potentia, nisi respectu possibiliū. Ex eo ergo censeri debet major, vel minor potentia, quod ad plura, vel pauciora possibilia extenditur. Impossibilia enim non cadunt sub potentiam; & si caderent, impossibilia non essent.*

Ad VII. dicitur, Deum esse omnem substantiam eminenter, non vero formaliter; unde inquit Becanus, neque pugnant hæc duo inter se, *Deus est actu hoc aliquid, & Deus est actu omnia;* nam formaliter est hoc aliquid, eminenter est omnia. Ex eodem quoque subditur, quod illud est infinitum actu in genere entis, quod actu in se con-

tinet omnes perfectiones possibiles in genere entis. Deus, quanvis sit hoc aliquid actu, tamen hoc aliquid actu, quod est Deus, actu continet in se omnes perfectiones possibiles in genere entis. Ergo quanvis Deus sit actu hoc aliquid, simul tamen est etiam infinitus. Paritas corporis non est ad rem, quia corpus infinitum mole sua, & quantitate, reliqua corpora excludit, non autem ens infinite perfectum.

Ad VIII. Nec paritas loci rem conficit; quia est de essentia infiniti secundum locum, extendi omnibus omnino locis cum impenetrabilitate; ac proinde solum ipsum replet omnia loca. Infinitum autem secundum essentiam non habet pro essentiali excludere a rebus a se distinctis perfectiones, quæ illis sunt propriæ; sed sufficit, si eas omnes, nulla exclusâ, in seipso habeat, & contineat, aut formaliter, aut eminenter; ut ait Iuennius.

DISSERTATIO XLIX.

De Perfectione Dei.



UUM essentiale metaphysicum Dei constitutum in ratione perfectissimi plena, absoluta, simpliciter, & in omni genere, nos posuerimus, congruum ducimus de perfectione Dei peculiarem instituere Dissertationem; in qua non solum quid perfectionis nomine veniat, & quales sint perfectiones in Deo ponendæ, & quomodo in Deo contineantur, videbitur, verum quoque omnia exponentur, quæ quomodolibet ad Dei perfectionem, vel ad rationem perfectissimi, Dei constitutivam, pertinere, cognoscuntur. Nullas autem in his explicandis hæreses invenimus propulsandas; quia nullos Adversarios habemus, nisi illos, qui peculiarem aliquam perfectionem Deo denegarunt, & quos usquemodo in præactis Dissertationibus insectari sumus. Proinde, absque eo quod enumeremus, vel errores, vel errorum Auctores, qui contra Dei perfectionem existerint, de ipsa Dei perfectione, non historica, nec dogmatica, sed scholastica sola methodo pertractamus.

Quum Perfecti nomine veniat per S. Thomam 1. p. q. 4. id, cui nihil deest, secundum modum suæ perfectionis; seu id, quod

omnes perfectiones suo esse convenientes habet; hoc ipso videtur, illud perfectius esse, quod ex sui natura plures perfectiones, quam aliud, exigit. Et si aliquid omnes, & quascunque perfectiones suo esse convenientes exigit, hoc ipso erit in quovis genere perfectissimum.

Perfectiones autem in duplici sunt genere; aut sunt perfectiones simpliciter simplices, aut sunt perfectiones secundum quid. Illæ in suo conceptu formali nullam imperfectionem includunt, nec aliam perfectionem excludunt; & hæc a S. Anselmo in Monologio c. 14. dicuntur, quod meliores sunt ipsæ, quam non ipsæ. Et huiusmodi sunt Sapientia, Bonitas, Iustitia, Vita, &c. Perfectiones vero secundum quid, aut in suo conceptu formali imperfectionem aliquam includunt, aut aliquid aliud perfectius excludunt; & istæ ab Anselmo dicuntur, quod non meliores sunt ipsæ, quam non ipsæ. Huiusmodi autem sunt motus, discursus, & omnes creaturarum differentie, sive specificæ, sive numericæ.

Perfectio insuper quævis triplici modo potest in aliquo contineri; formaliter scilicet, eminenter, & virtualiter. Formaliter continetur, quando continetur secundum

dom propriam formam. Hoc pacto rationale est in homine. Eminenter, quando nobiliori modo continetur, quam in subiecto, in quo secundum propriam naturam reperitur. Virtualiter, quando æquivalenter continetur, seu non est ipsa in subiecto, sed alia æquivalens, quæ illius sit causa. Sic planta continetur in semine.

Certum est, in Deo omnes, & quascunque imaginabiles perfectiones esse; nec in hoc aliquis homo est, qui contradicere nobis audeat, nisi illi, qui peculiarem aliquam Deo perfectionem denegant, quos in superioribus profligavimus. Probare proinde hoc idem superfluum putamus; tum quia ex dictis de Constitutivo divinæ essentiae factis probatum remanet; tum etiam quia ex Dissertationibus omnibus huc usque scriptis de peculiaribus Dei perfectionibus est ulterioribus probationibus roboratum. Illa enim eadem, quæ de aliqua peculiari perfectione dicta sunt, de omnibus perfectionibus a fortiori dici possunt. Quinimodo, quum sit Deus id, quo melius nec esse, nec cogitari potest, ex Sanctis Patribus; hoc ipso perfectissimum esse Deum in omni genere, & in omnis perfectionis perfectissimo modo, necesse est, ut fateamur. Cæterum, si a priori loquimur, non est, unde rationem perfectissimi plenam, absolutam, simpliciter, & in omni genere, in Deo probemus; quum essentia nihil habeat ante se. A posteriori autem, probari utique potest, & per rationem entis a se, & per rationem actus puri, & per rationem infinitatis; ut Iuvenius præ cæteris probat.

Ultra autem perfectiones Dei sunt perfectiones creaturarum, & has quoque in Deo contineri certissimum est. Ratio est ex S. Thoma; quia perfectio effectus debet infallibiliter in sua causa effectiva præcontineri; aliter effectus perfectionem illam non a sua causa cognosceret. Et si non a sua causa cognosceret, a quo altero haberet? Et si a sua causa habet, quomodo causa dare potest effectui perfectionem illam, quam ipsa non habet? Igitur si creatura est effectus, ipsiusque causa effectiva est Deus; sequitur evidenter, creaturarum perfectiones in Deo præcontineri. Sed quomodo continentur, non satis apud Scholasticos constat. Nos dicimus, Perfectiones Creaturarum, quæ dicuntur simpliciter simplices, in Deo contineri formaliter; perfectiones vero secundum quid, non esse in Deo formaliter, sed eminenter.

Probatur dictum pro utraque parte. I. In Deo contineri debent perfectiones absque imperfectionibus; sed perfectiones simpliciter simplices imperfectiones admixtas non habent, bene vero perfectiones secundum quid; ergo illæ primæ formaliter in Deo continentur, hoc est secundum suæ vocis proprietatem; aliæ vero eminenter, in quantum secundum perfectiones continentur, non vero secundum imperfectiones; & per consequens in aliqua sublimiori, & superiori ratione. II. Deus non solum omnes perfectiones includit, sed includit etiam eas modo omnibus perfectiori; sed modus perfectior includendi perfectiones simpliciter simplices est formalis, & perfectiones secundum quid, est eminentialis; ergo illas continet formaliter, has vero eminenter. Minor probatur. Illud esse formale, vel est perfectio, & debet contineri in Deo; vel est imperfectio, & non sumus in casu, quum non sint amplius perfectiones simpliciter simplices, sed secundum quid; adeoque debent eminenter, hoc est absque imperfectione, in Deo contineri. III. Non implicat, quod Deus sit formaliter vita, sit formaliter sapientia, sit formaliter bonitas; implicat autem, quod Deus sit formaliter lignum, sit formaliter columna, sit formaliter ignis. Sic autem, esset, si Deus perfectiones secundum quid contineret formaliter: ergo illas formaliter non continet, bene vero eminenter.

Attamen adveniendum hic etiam superest, Deum non ideo eminenter perfectiones creaturarum continere, quia perfectior est illis. Aliiter etiam homo contineret perfectiones lapidis, aut ignis, aut ligni, quia ipsis etiam est perfectior. Sed ideo continet Deus creaturarum perfectiones, quia ipsarum creaturarum est causa; & creaturæ ipsæ sunt ipsiusmet Dei participationes.

Uterius observandum venit, quod perfectiones simpliciter simplices quavis in suo conceptu formali nullam dicant imperfectionem; prout nihilominus sunt contrariæ, & ut dicunt, concretæ, possunt dicere imperfectionem, quam ipsæmet creaturæ dicunt. Sic sunt intellectus, vita, sapientia, & cæteræ perfectiones in homine. Attamen in hoc sensu dicerentur perfectiones secundum quid, & eminenter in Deo continerentur. Et ita intelligendus est P. Magnus cap. 6. prop. 22.

Augustinus lib. 1. de Trinitate c. 1. dicta peripicue explicat, atque confirmat. *Sic intelligamus Deum, si possumus, sine qualitate bonum, sine quantitate magnum, sine indigen-*
tia

sia creatorem, sine situ praesentem, sine habitu omnia continentem, sine loco ubique totum, sine tempore sempiternum, sine ulla sui mutatione mutabilia facientem, nihilque patientem. Quisquit Deum ita cogitat, etsi nondum possit omnino invenire, quid sit, pie tamen cavet, quantum potest, aliquid de eo sentire, quod a se sit. Augustino adiungunt Auctorem libri de divinis nominibus sub nomine S. Dionysii Areopagite, c. 5. In una existentia omnia probat; Bernardum lib. 1. de Consol. 6. suam ipsius esse & omnium esse; At prae omnibus laudandus est Apostolus, qui ad Romanos 11. 36. aperire clamat: In ipso sunt omnia.

Tres insuper afferimus rationes, quibus Auctor praefatus libri de divinis nominibus c. 13. omnimodam, plenam, ac absolutam Dei perfectionem ostendit, atque confirmat. Prima est, quae concipitur ab ipso verbis hinc: *Quod per se perfectus sit, & a se uno modo, aequaliterque definiatur, ac totus per omnia sit perfectissimus.* Quasi dicat: Per se ipsum Deus est perfectus; ab alio non agnoscit perfectionem suam; omnem continet perfectionem; unde vere est totus, & per omnia perfectissimus. Secunda sic ab eodem explicatur: *Quod perfectionem superet, ut qui omnibus antecellat, ac omnem quidem infinitatem determinet, & ultra omnem terminum explicatus sit: Nec ab ulla capiat, aut comprehendatur, sed ad omnia, & ultra omnia pertineat, perpetuis progressionibus, interminatisque actionibus.* Tertia demum ita ab ipso exponitur: *Principium sit, & causa rerum omnium, semperque suis numeris sit absolutus; quodque minui non possit, ut qui omnia in se anticipata habeat, & reducat una, & eadem perpetua, atque cumulata, qua minui non potest, erogatione, qua perfecta omnia, & perficit, & perfectione sua explet.*

Denique ipsimet Gentiles Philosophi hanc Dei perfectionem ferebant. Trinegismus Deum dixit rerum omnium universitatem. Eugubinus lib. 3. perennis Philosophiae c. 8. refert, a Graecis dictum fuisse Deum *πᾶσι*; hoc est *Universum*. Plutarchus meminit in lib. de Oraculorum defectu illius Oraculi, quo dicebatur, *Magens Pen mortuus est.* Lucretius quoque cecinit: *Ipsa sua potens opibus, nihil indiga nostri.* Quae omnia referuntur a Frassen cit. loc. Quae hic etiam, an Deus conceptus simul cum Creaturis sit perfectior se ipso solitarie concepto?

Non est sensus de majori perfectione inextensiva, quae importat maiorem numerum

perfectionum, vel plures ejusdem perfectionis gradus; quum & omnes perfectiones creaturarum, & omnes gradus earundem, in Deo contineantur; ut dictum est. Sed est sensus de majori perfectione extensiva; secundum quam putavit Durandus cum Scholasticis quibuscumque, Deum cum creaturis considerandum esse extensive perfectiorem, quam si ipse solus, & solitarie spectetur. Contrarium vero docet Angelicus Doctor 1. 2. q. 24., & cum ipso Thomistae omnes, immo fere Theologi quoque omnes; quibus & nos quoque subscribimus.

Probatur I. ex Augustino tract. 11. in Joannem: *Si fueris sine Deo, minor eris; si fueris cum Deo, major Deus non erit: Non ex se ille major, sed tu sine illo minor.* Nec confugiant ad majoritatem intensivam, non vero extensivam, quum non debeant S. Doctoris verba ad nostrum librum restringi, quando absolute, & sine ulla restrictione, proferuntur. II. Finitum additum infinito non facit majorem numerum in eodem genere, quia tinitum illud in infinito continetur: ergo perfectiones creaturarum additae perfectionibus Dei infinitis, nullo modo facient majorem numerum perfectionum, nec etiam extensivae. III. Creaturae cum Deo comparatae sunt quasi nihil: Unde dicitur apud Isaiam 40. 17. *Omnes gentes quasi non sint, sic sunt coram eo, & quasi nihilum & inane reputatae sunt ei:* Et in Psalmo 38. 6. *Substantia mea itaque nihilum ante te;* ex accessione autem nihil non crescit esse: ergo ex accessione perfectionum creaturarum non crescit Dei perfectio.

Nec dicant, quod creaturarum perfectiones a Dei perfectionibus numerice distinguantur, adeoque faciunt majorem numerum perfectionum, si uniantur. Etenim ad hoc ut faciant numerum majorem, non debet una contineri sub altera. Perfectiones autem creaturarum sub perfectionibus Dei continentur, quia finitum in infinito continetur; unde si cum perfectionibus Dei uniantur, non facient numerum majorem perfectionum. Quod potissimum patet in tempore, si eternitati addatur, non augeat quidem, nec extendit, eternitatis durationem; & ratio est, quia illae omnes inferiores durationes eminenti modo in eternitate continentur.

Nec pariter opponant cum Frassen, quod perfectiones creaturarum, quum non sine Deo identificatae, debent facere numerum majorem; quia bonum additum bono, si

bi non identificatio realiter, efficit plura bona. Eadem enim semper est responsio; continentia scilicet perfectionum creaturarum in Deo, etsi creaturae cum Deo identificatae non sint. Non identificatio, seu distinctio, utique facit numerum, sed non

facit numerum majorem perfectionum, quia haec jam supponuntur in Deo contentae. Et numerus, quem facit, est numerus rerum, non numerus perfectionum; seu potius est numerus imperfectionum, quae in Deo non continentur.

DISSERTATIO L.

De Ineffabilitate Dei, Et de erroribus contra illam, & de illorum Auctoribus.



POST istam, tantaeque, quae usque modo diximus de divinis Attributis, tandem concludimus, quasi divinorum Attributorum coronide, Deum esse ineffabilem. Deum autem ineffabilem esse non aliud sibi vult, quam talem esse, ac tantam divinae perfectionis magnitudinem, ut nulla possit fandi, seu dicendi, copia satis exprimi. Conceptum hunc ineffabilitatis, ait P. Magnanus, c. 19. Philosophia sacrae prop. 12., tum praese fert vis ipsa nominis, tum docet expresse Leo Papa ser. 11. de Passione: *Cum ipsa materia, ex eo quod est ineffabilis, sancti tribuat facultatem; nec posse deficere, quod dicitur, dum nunquam potest satis esse quod dicitur.*

Deus autem non est ineffabilis respectu sui ipsius; quum enim seipsum perfecte, & comprehensive cognoscat, potest quoque seipsum perfectissime nominare. Nec ita est ineffabilis respectu nostri, quasi nullus de ipso haberi possit sermo, nullumque ipsi nomen a creaturis imponi; hoc enim ipsa meret experientia falsum esse convincit. Difficultas igitur est, an aliqua sint nomina, quae divinam essentiam distincte, essentialiter, & comprehensive, creaturis notificare possint? Adversus ultimum P. Magnanus, conceptum ineffabilitatis non solum ex parte dicentis importare incapacitatem digne dicendi quicquid de Deo dici potest, quatenus importat ex parte ipsius incapacitatem comprehendendi Deum; sed etiam ex parte audientis importare incapacitatem digne concipiendi omnia, quae dici possunt, quatenus etiam ex parte ejus similem importat incapacitatem comprehendendi Deum. Sicque conceptus ineffabilitatis potest dividi in duos; primus, quatenus Deus est ineffabilis active, defectu nimirum dicentis, qui fando satis ipsum ex-

primit; secundus quasi passive, defectu audientis, qui scilicet ex auditu satis intelligat. Unde concludit postmodum laudatus Doctor, quod quanquam per impossibile Deus esset a creato intellectu proprie comprehensibilis, adhuc tamen esset ineffabilis; si necesse est, ut fando ingeneret loquens audienti notitiam Dei propriam, germanam, quidditativam; nimirum in tali hypothese non esset ineffabilis active, esset autem ineffabilis passive; non ex parte dicentis, sed ex parte audientis.

Contra divinam Ineffabilitatem errasse dicimus Aetium, & Eunomium. Quum enim illi naturalem Dei cognitionem comprehensivam ponerent, convincuntur hoc ipso, admisisse, naturaliter posse Deum a nobis nominari, adeoque ineffabilem non esse. De Aetio namque haec S. Epiphanius scribit haes. 76., quod audacissimus sane dicebat: *Deum tam novi, quam me ipsum; immo non tam novi me ipsum, quam Deum.* Alii autem Haeretici, qui intuitivam Dei visionem, non comprehensive, naturalem existimarunt, ut Beguardi, & Beguinae, &c. in hunc errorem non inciderunt; Non per hoc enim quod Deum videbant, Deum quoque comprehendebant; effabilem tamen esse Deum sequitur ex eo, quod sit comprehensibilis, non vero ex eo, quod sit intuitive visibilis. Igitur, quanvis admiserint, Deum posse naturaliter intuitive videri, quia non dixerunt tamen Deum posse comprehendi, non per hoc Deum effabilem a nobis admisisse dicendi sunt.

Augustinus de Roma putavit, Christi animam comprehensive Dei cognitionem habuisse; adeoque consequenter respectu illius dicere debebat, Deum non fuisse ineffabilem. Refert Hennis trae. de Deo uno disp. 3. q. 6. conclus. 1. Sunt pariter quidam Theologi de schola, qui docent, etsi Deus de facto a creatura non comprehendatur, posse

posse tamen comprehendere de potentia Dei absoluta, vel Dei essentiam, vel aliquid ejusdem Dei attributum. Hos pariter, dicendum est, putasse, Deum de potentia absoluta non esse a creatura aliqua possibili ineffabilem. Verum P. Saguens in ea est opinione, ut licet asserat, Deum esse absolute ineffabilem, non ramen putet, ideo esse ineffabilem, quia est incomprehensibilis. Si enim per omnipotentiam absolutam esset comprehensibilis Deus, non per hoc esset quoque effabilis. Unde in Assertionem uniea art. 4. disp. 3. hunc præfixit titulum: *Deus ob suam absolutam incomprehensibilitatem est absolute ineffabilis; quin licet in hunc modum esset comprehensibilis, non ideo tamen esset effabilis.* Sed de hoc sermo erit inferius.

- I. Igitur probatur ex Scripcuris, Deum esse ineffabilem. Genes. 32. 29. *Interrogavit autem Jacob: Dic mihi, quo appellaris nomine?* Respondit: *Car quæris nomen meum, quod est mirabile?* Exod. 3. 14. *Ait Moyses ad Deum: Ecce ego vadum ad filios Israel, & dicam eis: Deus Patrum vestrorum misit me ad vos. Si dixerint mihi: quod est nomen ejus? Quid dicam eis? Dixit Dominus ad Moysen: Ego sum qui sum. At: sic dices Filiis Israel: Qui est misit me ad vos. Dixitque iterum Deus ad Moysen: Hæc dices Filiis Israel: Dominus Deus Patrum vestrorum, Deus Abraham, Deus Isaac, & Deus Jacob, misit me ad vos: Hoc nomen mihi est in æternum, & hæc memoriale meum in generatione, & generationem. Ad quæ verba subdit Philo Judæus: Ego sum qui sum, tanquam si diceret; natura mea est esse, non dici. Proverb. 30. 4. *Quod nomen est ejus, & quod nomen Filii ejus, si noster?* Quasi diceret, Dei nomen, aut nullum esse, aut nobis prorsus esse ignotum.*

- II. Probatur ex Conciliis. Lateranense IV. sub Innocentio III. & habetur in cap. firmiter, de summa Trinitate, & Fide catholica; ubi dicitur *Deus æternus, immensus, omnipotens, immutabilis, incomprehensibilis, & ineffabilis.* Concilium Basileense, priusquam ab Eugenio IV. Ferrariam revocaretur, in quo proscriptum legimus librum, quem Augustinus de Roma, Archiepiscopus Nazarenus, composuerat, quavis ejus nomen, quia ipse se Eclesiæ censuræ supposuerat, expressum non legatur. Inter alias propositiones, quæ in præfatio libro continebantur, hæc, ultimo loco posita, damnata legitur: *Anima Christi Deum videt tam clare, & intense, quam Deus videt se ipsum.* Quæ propositio inirendebat, ut nuper diximus,

P. A. R. P.

Deum ab anima Christi comprehendere; ac proinde ab eadem effabilem esse, si illo organo uteretur, quo non uti vellet Divinitas, eidem animæ hypostathice unita, si per illud solummodo Christi anima, si possibile esset, loqueretur.

- III. Probatur ex Patribus. Justinus Martyr, & Philosophus in apologia posteriori: *Nemo ineffabili Deo nomen potest imponere, quod si quis illum inesse audebit dicere, is intemperanter insanus est.* Irenæus lib. 2. c. 16. *Hæretici si Scripturas cognovissent, & a veritate docti essent, scirent atque, quoniam non sit Deus, quemadmodum homines; & non sint cogitationes ejus, quomodo cogitationes hominum. Multum enim distat omnium Pater ab his, quæ proveniunt hominibus, affectionibus, & passionibus: Et simplex, & non compositus, & similibus membris, & totus ipse sibi in seipso similis, & æqualis est, totus cum sit sensus, & totus spiritus, & totus sensu habilitas, & totus Ennea, & totus ratio, & totus auditus, & totus oculus, & totus inmens, & totus fons omnium bonorum, quemadmodum adest religionis, ac piis dicere de Deo. Est autem & super hæc, & præter hæc, inenarrabilis.* Clemens Alexandrinus lib. 6. Stromatum: *Quantum enim abest homo a Dei potestate, tantum est etiam ejus oratio imbecilla, etiam si non Deus, sed de Deo dicat, & Verbo divino. Est enim imbecilla natura humana oratio, & quæ non possit Deum dicere; non dico nomen, sed Dei vim, & opera.* Nazianzenus or. 40. quæ est oratio in sanctum baptismum: *Ac quidem Deus summum, & ineffabile est, quod nec mente percipi, nec verbis explicari potest, naturam omnem ratione præditam illuminans, hoc in intelligibilibus, quod sol in sensibilibus; eo se magis contemplandum nobis præbens, quo accuratius animo: purgaverimus; eo rursus magis amandum, quo magis contemplati fuerimus; eo denique magis cognoscendum, quo magis amaverimus: Sæpe ipse speculans, & comprehendens, ac perexiguit ab externa diffundens.* Idem in orat. de Fide, quæ est 49. post medium: *Certe hoc est Deus, quod cum dicitur, non potest dici; cum affirmatur, non potest estimari; cum definitur, ipsa definitio crescit.* Citatur etiam hæc verba sub nomine S. Ambrosii de Fide contra Arianos c. 6. a Coccio tom. 1. thesauri catholici lib. 1. ar. 1. Minutius Felix in Octavio: *Hæc non videri potest, visu clarior est; nec comprehendendi, tactu parior est; nec estimari, sensibus major est. Infinitus, immensus, & soli sibi tantus, quantus est, notus.* Nobis vero ad intelligendum pectus angustum est; & ideo sic eum digne estimamus, cum iustissimè abest ei.

B d

ei.

cimus, Eloquar quemadmodum sentio: Magnitudinem Dei qui se putat nosse, minuit; qui non vult minner, non novit, Cyprianus de Idolorum vanitate: Nec nomen Dei quæras, Deus nomen est illi; Illic vocabulis opus est, ubi propriis appellationum insignibus multatudo dirimenda est. Deus, qui solus est, Deus vocabulum totum est. Ergo unus est, & ubique totus diffusus. Augustinus in psal. 89. Deus ineffabilis est, & facillime dicimus, quid non sit, quænam quid sit. Terram cogitas, non est hoc Deus. Mare regitas, non est hoc Deus. Quæris, quid sit? Quod oculus non vidit, nec auris audivit, nec in cor hominis ascendit. Quid quæris, ut ascendat in linguam, quod in cor non ascendit? S. Hilarius lib. 2. de Trinitate: Deus invisibilis, ineffabilis, infinitus, ad quem & eloquendum sermo sileat, & ad investigandum sensus hebetetur, & comprehendendum intelligentia coarctetur.

IV. Probatur ex Philosophis Gentilibus. Platonici Deum dicebant *ἀόρατον*, hoc est, ineffabilem; Unde Maximus Tyrius or. 1. testatur, quod Plato summum illum Deum, quem cognoscebat, non nominabat; Huius nomen neutiquam eloquitur: Et hoc ideo, quia, divinum oculis minime aspersibile; voce inexplicabile. Et orat. 28. asserit, quod Deus dicitur a Platone *ἀόρατον* videri; scilicet, Legislator nomine carens. Plotinus etiam lib. 3. Enneadis 5. c. 13. Deus re ipsa est ineffabilis, neque nomen ullum habet. Quicquid enim dixeris, aliquid tandem dices. Sed enim quod est supra omnia, supraque mentem augustissimam, inter omnia solum est verum, nec ullum aliud ipsum est nomen; neque aliquid est omnium; nec ipse nomen est, quia nihil de ipso dicitur. Strobæus testatur, Mercurium illum dixisse ad Tatiū: Deum cogitare, difficile est; eloqui vero, impossibile. Plato in Timæo: Conditorum, & Parentum, Universitatis huius cum invenire difficile est; tum ubi inveneris, eloqui impossibile. Unde Augustinus lib. 9. de civitate Dei c. 16. scripsit: Deum summum omnium Creatorum, quem nos verum Deum dicimus, sic a Platone predicari asseverat (Plotinus) quod ipse sit solus, qui non possit pennis sermonis humani quævis oratione, vel modice comprehendere.

V. Probatur Rationibus. I. Si Deus esset effabilis, esset nominabilis; sed non est nominabilis: ergo est ineffabilis. Probatur minor. Si Deus esset nominabilis, haberet nomen, quod esset adequatum Deo; sed hoc nomen non habet: ergo non est nominabilis. Probatur minor. Nomen adequatum Deo vel poneret Deus, vel poneret homo? Si poneret Deus? Quis homi-

num, quis Angelorum perciperet? Si poneret homo? Unde tanta capacitas in homine, ut Deo nomen imponeret adequatum, sicut Adam rebus nomina imposuit, quia earum noverat naturas? II. Si Deus esset effabilis, esset comprehensibilis; sed comprehensibilis non est: ergo neque est effabilis. Minor patebit infra in Dissertatione de Incomprehensibilitate Dei. Major probatur. Nequit homo adæquate effari, quod adæquate non comprehendit: ergo si Deus esset effabilis, esset comprehensibilis. Probatur antecedens. Voces exprimunt conceptus, vel primario, vel secundario: ergo quantum concipit intellectus, tantum exprimit lingua: ergo nequit homo adæquate effari, quod adæquate non comprehendit. III. Deus est omnimode, & adæquate perfectissimus: ergo est ineffabilis. Probatur consequentia. Nomen adequatum Dei deberet omnes perfectiones Dei exprimere; sed quomodo sit Deus perfectissimus in omni genere, hoc est impossibile: ergo quia Deus est perfectissimus in omni genere, est etiam ineffabilis. IV. Illud est ineffabile, quod totum, & totaliter nequit sermone enarrari; huiusmodi est Deus: ergo Deus est ineffabilis. Probatur minor. Quodcumque a nobis de Deo dicatur, semper remanet aliquid dicendum; ergo Deus non potest a nobis totus, & totaliter sermone enarrari. Probatur antecedens. Si non remaneret aliquid dicendum, Deus non esset infinitus; atqui est infinitus: ergo quodeunque a nobis de Deo dicatur, semper remanet aliquid dicendum. V. Nomina, quibus Deum nominamus, vel sunt affirmativa, vel negativa; sed nullo ex his potest Deus perfecte nominari: ergo vere Deus est ineffabilis. Minor probatur. Quavis nomina negativa dicantur potius de Deo, quam affirmativa, non tamen exprimunt summam Dei perfectionem, ut in se est: ergo negativa nomina non sunt talia, quibus Deus possit perfecte nominari. Probatur antecedens. Quavis negativa, semper tamen sunt nomina ex hominum institutione imposita, significant semper res finitas, & imperfectas: ergo quavis negativa nomina potius dicantur de Deo, quam affirmativa, non tamen exprimunt summam Dei perfectionem, ut in se est. Quod si hoc verum est de nominibus negativis, quanto magis verum erit de affirmativis? VI. A. P. S. agnoscens. Quavis per impossibile Deus posset ab aliquo comprehendere, nunquam quæ-

men

men posset perfecte nominari : ergo semper esset Deus ineffabilis. Probatur antecedens. Difficilius res dicitur, quam cognoscatur : ergo quavis per impossibile Deus comprehenderetur, non per hoc posset perfecte nominari. Antecedens probat Saguens, & ex Platone in *Timæo* : *Deum intellectu percipere difficile est, eloqui autem impossibile*; & ex Trismegisto in c. 10. *Pimandri*: *Ejus cognitio, divinum silentium est*; & ex S. Gregorio lib. 20. moral. c. 14. *Pene emne, quod de Deo dicitur, eo ipso jam indignum est, quod potuit dici* : nam ejus laudi non sufficit obstupescens conscientia, quomodo sufficit loquens lingua? & denique ratione; quia cognitio illa comprehensiva haberetur per visionem : ergo non posset exprimi per loquutionem. Probatur consequentia. Sicut cognoscens Deum intuitivo non potest loqui de Deo, secundum visionem suam intuitivam, ita & fortius cognoscens Deum comprehensive, nequit de Deo loqui secundum comprehensivam cognitionem suam. Et hoc quidem non solum ex parte audientis, sed etiam ex parte loquentis; tum quia multos videmus, qui sunt celes in discendo, & sunt deinde hebetes in dicendo; tum etiam quia, quavis nos cognoscamus, Deum esse sapientem, omnipotentem, independentem, æternum, infinitum, &c. Quis tamen usquemodo expressit verbis, aut scriptis, divinæ sapientiæ, omnipotentis, independentis, æternitatis, immensitatis, altitudinem, extensionem, durationem, auctoritatem, capacitatem, &c.

Arguunt I. Multa sunt nomina, quæ Deo tribuuntur, & quæ soli Deo competunt : ergo Deus non est ineffabilis. Probatur antecedens. Auctor libri de divinis Nominibus, sub nomine S. Dionysii Areopagitæ, c. 1. Deum vocat Anonymum, & Polynomium; hoc est, sine nomine, & plurium nomen. II. Nomen omnipotentis, infiniti, independentis, perfectissimi, &c. soli Deo convenit : ergo per hæc nomina perfecte nominatur Deus : ergo per hæc nomina est effabilis. III. Ideo per nos non potest Deus nominari, quia non potest Deus comprehendi; sed hæc ratio non est sufficiens : ergo potest Deus nominari. Probatur minor. Substantiam nominamus, & tamen substantiam non concipimus. Spiritus nominamus, & Spiritus non concipimus. Angelos nominamus, & Angelos non concipimus. Ergo quavis non comprehendatur Deus, non per hoc erit innominabilis, & ineffabilis : ergo ratio ex incom-

P. A. R. I.

prehensibilitate petita ad probandum Dei ineffabilitatem, non est sufficiens. IV. Si Beatus audiat hoc nomen Deus a Viatore prolatum, hoc ipso concipit quidditative, & essentialiter Deum : ergo potest Viator designare, aliquod nomen, quo essentia Dei secundum suum conceptum quidditativum exprimitur. V. Deus non est sibi ineffabilis : ergo neque est ineffabilis a nobis. Probatur consequentia. Ex eo, quod Deus non est sibi ineffabilis, habet Deus notitiam verborum, quibus homo posset eum digne nominare, si verba illa sciret; sed Deus potest verba illa homini suggerere : ergo homo per verba illa digne Deum nominaret. VI. Comprehendere Deum est scire nomina, quibus totus, & totaliter enunciat Deus : ergo in hypothesis, in qua Deus comprehenderetur, Deus non esset ineffabilis. Probatur antecedens. Adam ideo res omnes perfecte nominavit, quia per revelationem rerum, omnium naturas perfecte noverat : ergo comprehendere Deum est scire nomina, quibus totus, & totaliter enunciat Deus. VII. 2. Cor. 12. 4. Paulus Apostolus de homine rapto usque ad tertium cælum, ait : *audivit arcana verba, quæ non licet homini loqui*. Non licebat ergo loqui, sed tamen loqui poterat : & hoc non aliunde, quam quia audierat arcana verba : ergo vere ex comprehensibilitate Dei oritur Dei effabilitas. VIII. Chrysostomus orat. 3. de incomp. Dei natura, inquit : *Verbum ipsum ineffabilem, intelligibilem Deum, invisibilem, incomprehensibilem, qui omnem linguam humanam superat facultatem* : Sed potest dari eloquium adeo perfectum, quod omnem linguæ humanæ superet facultatem : ergo potest dari eloquium, per quod Deus perfecte nominetur, adeoque sit Deus effabilis per ipsum.

Respondemus ad I. distinguendo antecedens; & illa nomina adæquant divinam essentiam, negatur; non adæquant, conceditur antecedens; & negatur consequentia. Auctor libri de divinis nominibus, sub nomine S. Dionysii, potius nobis favet, quam obstat. Dicit enim c. 1. quod esto pluribus nominibus vocemus Deum, adhuc tamen sine nomine Deus nobis est. Cardinalis de Aguirre verbis hæc affert, pro nobis, non contra nos, testimonium Dionysii, quem ipse credit Auctorem illum. Dionysius in libro de divinis nominibus c. 1. ex instituto docet, Deum esse ἀνόμωτον, id est, nomine carere, nimirum proprio : Ac præterea, ὀνόμαζοντες, id est, plura nomina ha-

Q. D. 2.

ben-

benientem, *scilicet, impropria.*

Ad II. Distinguitur pariter antecedens; nomen omnipotentis, infiniti, independentis, perfectissimi, &c. est nomen proprium Dei, & adequatum, negatur; & non adequatum, conceditur; & negatur utraque consequentia. Omnia quidem nomina illa simul posita soli Deo conveniunt, solius Dei sunt propria; at tamen Deo non sunt adequata. Hoc sufficit, ut positis etiam omnibus illis nominibus Deus adhuc ineffabilis dicatur.

Ad III. Argumentum supponit, voces significare res, non conceptus; quod in Philosophia rationis falsum probavimus. Ceterum aliquando nos nominamus aliquid, vel quia aliquid ipsius cognoscimus, non omne; vel quia cognoscimus quod non est; vel quia cognoscimus relate ad sua contraria. Sic Angelos nominamus per effectus, quia mitteruntur; *Angelorum enim vocabulum*, ait S. Gregorius homilia 34. in Evangel. ante medium, *est nomen officii, non naturae*; & idem est Angelus, ac missus. Substantiam nominamus per nomen relativum, prout opponitur accidenti, quod stat in alio; & sic de cæteris.

Ad IV. dicitur, Beatorum non cognoscere, quidditative, & intuitive Deum ex vi præcise hujus vocis, *Deus*, sed ex cognitione intentionis hominum, quæ voluerunt, hac voce, *Deus*, divinam essentiam significare. Quemadmodum si nos per enigma loquentes, calamum appellaremus tabulam, qui tabulam audiret, non ideo intelligeret calamum, quia vox tabula de se est significativa calami; sed cognosceret intentionem nostram, quæ per tabulam significare calamum intenderemus; & per hanc cognitionem in calami notitiam deveniret. Idem porro accidit Beato cognoscenti divinam essentiam per hoc nomen, *Deus*. Ceterum nec Beati Deum comprehendunt, nec Viatores; unde æque illis est impossibile Deum nominare.

Ad V. negatur consequentia; ad cujus probationem negatur etiam minor propositio. Et Ratio est, quia illa verborum series esset infinita, & quidem talis infinitudinis, ut illi capiende, & proferende, ait P. Saguens, *impar esset mens etiam infinita hominis in æternitatem perpernas locutura*. Ulterius homo ille, cui infunderetur series illa infinita

ta verborum, haberet ineffabilitatem Dei, non formalem, sed materialem, de qua non loquimur; scilicet loqueretur de Deo, & non intelligeret, quid de Deo loqueretur.

Ad VI. dicitur, quod Adam imposuit nomina apta, & convenientia, & propria, rebus omnibus, non solum, quia noverat naturas rerum, sed etiam, quia sciebat significationem nominum, quæ imponebat; unde facilitas fandi non proveniebat dumtaxat ex perspicuitate cognitionis, sed etiam ex facundia dicendi, nominandi, appellandi, quæ in ipso supponebatur. Quid enim mihi prodest cognoscere naturam canis, & turcica lingua nescire canem nominare, quia Turcarum idioma non calleo?

Ad VII. respondet P. Saguens, quod ex hoc argumento potius confirmatur assertio nostra. Si enim Apostolus non solum vidit, multa divina mysteria, sed etiam auditus verba illorum expressiva, nonne hinc inferret, aliam esse rem, & aliam verborum notitiam; æque propter posse res quidem sciri, verba autem, quibus illa exprimantur, nesciri? At potuisset Apostolus videre mysteria, & non audire arcana illa verba; in quo casu etiam data ad id licentia, non potuisset verbis peraque dignis scribere quod vidisset. Quanto magis autem in comprehensione? Re vera tamen Cornelius a lapide, in illum Apostoli locum, arcana illa vocat ineffabilia, scribens: *Sicque ineffabilia vocat (Paulus Apostolus), tum, quæ fieri prohibitum est, tum quæ fando adæquare, & plene explicare non possumus.*

Ad VIII. negatur minor. Chrysostomus enim intelligendus est de omni eloquio naturæ humanæ, sive existentis, sive possibilis. Et quis alius præter hominem fandi facultatem haberet, ut posset de Deo digne loqui? Non quidem Angelus, qui est spiritus, & linguam non habet, quæ verba proferat, & eloquatur. Non animal irrationale, quod linguam habet, sed fandi facultate caret, sicuti intelligendi non habet potentiam. Remanet ergo, ut solus homo possit Deum nominare adæquate, & de Deo perfecte effari. Atqui ex Chrysostomo Deus est ineffabilis supra omnem linguæ humanæ facultatem, & existentis quidem, & possibilis, ut dictum est; ergo absolute ex Chrysostomo dicendum est, Deum esse ineffabilem.

DISSERTATIO LI.

*De naturali Dei Invisibilitate; De Hæresibus
contra illam inductis; ac De Ho-
minibus, qui easdem in-
duxerunt.*

DE I invisibilitatem inter Dei at-
tributa Theologi enumerant;
quam proinde hac in Disserta-
tione, ac in aliis subsequenti-
bus, pro materię amplitudine,
sumimus petra tractandam. Dei dicimus in-
visibilitatem, quia scilicet naturaliter crea-
tę potentię non est debita, ac proinde in
hoc statu naturaliter Deus dicitur invisibilis.
Naturalem tamen Dei invisibilitatem
cum supernaturali Dei visibilitate colu-
mere, non ambigimus; quatenus Deus, qui
naturaliter est invisibilis, supernaturaliter
visibilis comperitur. Inde est, quod intuiti-
vum Dei visionem, seu, quod idem est,
Dei naturaliter invisibilis supernaturaliter
visibilitatem, hoc in loco, & in sequenti-
bus, explicamus. Non hic tamen loquimur
de materiali visione, quę oculo corporeo
est conveniens; sed de spiritali, quę im-
materiali intellectui est propria; quęque,
ad differentiam abstractivę cognitionis,
quę proprie visio dici non potest, a Theo-
logis definitur, quod sit notitia quiddita-
riva rei habita ex sui specie propria, prout
de præsentī immissa.

Aliquid autem esse intuitive invisibile idem
est, ac secundum propriam essentiam, quę
in se ipso est, & per speciem propriam,
præsentialiter exhibitam, ipsum attingi,
vel exprimi, non posse. Hoc tribus evenit
modis; primo quatenus huiusmodi invi-
sibile nullas ex sua natura valet emittere
species sui proprias quidditativas, ut de
præsentī exhibendas; sicque sunt res natu-
rales, quas non nisi quam per effectus co-
gnoscimus, ut vis magnetica, maris fluxus,
& refluxus, &c. Secundo quatenus licet in-
visibile de se valeat species emittere, non
vult tamen eas exhibere; & hoc pacto, ex-
cep̃o Deo, nullum est in rerum natura.
huiusmodi in visibile, quatenus quodlibet
in ratione objecti intelligibilis necessario
operatur; quum nullum sit ens, quod per-
fectissime cognoscitivę potentię præsens,
possit se ab ejus cognitione eximere. Ter-
tio quatenus huiusmodi invisibile licet sui

species proprias infundat, adeo tamen il-
lustres emittit, ut impar eisdem sustinen-
dis quęvis potentia inveniat; quemad-
modum sol lucifugis dicitur invisibilis,
Deus ergo primo modo non est invisibilis,
aliter impotentia, seu defectus, in ipso es-
set. Secundo modo maxime, quatenus sui
species libere communicat, nec facultas co-
gnoscitiva creata est ulla, quę ejus species
extrahere, vel utcumque extorquere, ipso
non concedente, possit. Tertio tandem
modo est etiam invisibilis; potentia enim
non est, quę ejus species valeat propriis
viribus excipere, vel sustinere, ipso quan-
vis eas ultro exhibente, nisi ipse met poten-
tiam illam adjuvet elevando supra id,
quod naturaliter potest, vel objecti remi-
tendo fulgorem, vel pro raia asserendo
temperamentum; ut P. Magnus differit.

Explicatis modis, quibus Deus est invisibilis
naturaliter, modo enumeramus errores,
qui contra hoc fidei dogma apparuerunt,
illosque referimus, qui eosdem in medium
asserre conati sunt. Primo loco ponitur
Basilides, primorum temporum Hæresiar-
cha, qui, Clemente Alexandrino teste, lib.
5. Stromatum, putavit, a nobis Deum natu-
raliter sciri. Attamen Petavius lib. 7. rheo-
logicorum dogmatum c. 1. n. 4. dubitat, an
Basilides intellexerit claram Dei notitiam,
& ut in se est, naturaliter a nobis posse ha-
beri; an potius scientiam Dei, quam præ
se ferebat, voluerit esse fidem, quę ad sa-
lutem pertinere. Sane Valentinus, alter
prioris ævi hæreticorum antesignanus, cre-
didit, quosdam homines esse naturę ele-
ctos, & fideles, & ad salutem idoneos. Un-
de Basilides, Valentino tempore proximus,
& in errore discipulus, fortassis idem do-
cuit; ac proinde intellexit, Deum natu-
raliter a nobis sciri, non quidem scientia vi-
sionis, at scientia fidei. Sed quicquid de
hoc sit, ad alios Hæreticos accedimus.

Secundo loco ponuntur Aëtius, & Eunomius,
& ipsorum discipuli, Anomæi dicti, vel
etiam Eunomiani. Epiphanius hæret. 76.
hęc de Aëtio licetis mandavit: *Hic enim*

cum

cum suis in eam vultus attentionem incidit, ut supra mortales omnes Deum se non sola fide, sed natura secundum scientiam nosse iudicaret: quemadmodum alicubi supra memini, dicere illos, non simpliciter fidei aliqua notitia Deum sibi esse perspectum: sed perinde ac quispiam cognoscit quidquid oculis cernitur, aut manibus attingitur. Velut si in manus assumat aliquis lapidem, aut lignum, aut materia alterius instrumentum. Ita audacissimus iste dicebat: *Tam Deum novi, quam meipsum: immo non tam novi meipsum, quam Deum.* Aëlii delirium sequutus est Eunomius, discipulus illius; & contra utrumque invicte disputarunt Basilii, Gregorius Nyssenus, & Gregorius Nazianzenus, Chrysostomus, Cyrillus Alexandrinus, Theodoretus, alique.

Tertio loco scribuntur Novatiani, aliqui Novatiano ipso antiquiores, qui Deum putabant corporeo oculo naturaliter videri posse, quod multo magis asserere ienebantur de oculo mentis. S. Irenæus lib. 4. c. 37. testatur; & Novatianus ipse facit lib. de Trinitate, qui inter Tertulliani opera invenitur. Quod autem Augustinus lib. 2. de Trinitate c. 8., & Gregorius Nazianzenus lib. de Fide, testantur, Arianos quosdam sensisse, Dei Filium a nobis naturaliter esse visibilem, ad rem nostram non facit. Ratio est, quia Ariani Verbum non affirmabant Deum, immo dicebant esse creaturam, esse præstantissimam, quæ in propria forma corporea Patribus veteris testamenti apparuerat. Unde coherenter assererebamus quoque, non solis oculis mentis, sed oculis etiam corporis, naturaliter esse visibilem. Quod constat ex disputatione S. Athanasii in Concilio Nicæno. Et inde est, quod Smilgus, & cum eo Frassen, trac. 1. disp. 3. ar. 7. sect. 1. q. 1. advertunt, errorem hunc ad præsentem locum non spectare; ut nos quoque nuper dicebamus.

Quarto loco ponit Frassen cit. loc. Beguinus, & Beguardus, qui in Concilio Viennensi sub Clemente V. damnantur, quod assererent, animas non indigere lumine gloriæ, ipsas elevari ad Deum videndum; & hoc asserit Frassen in Conclusione prima, cui inscribit titulum: *Deus est etiam invisibilis naturaliter ab intellectu creato.* At extra locum hæc scribit eruditus Auctor, quum aliud sit dicere, creatum intellectum esse tantæ activitatis, ut auxilio non egeat ad Deum videndum, unde possibilitas divinæ visionis intellectui tribuatur; & aliud sit dicere, Deum non esse intellectui nostro adeo superiorem, ut ei invisibilis reddatur,

unde possibilitas divinæ visionis ex parte Dei proveniat, & proveniat quidem naturaliter. Hoc alterum in hac Dissertatione pertractamus, de primo in alia Dissertatione agemus, in qua etiam de Beguinis, & de Beguardis, eorumdenque errore latior sermo instituitur.

I. Probatur modo ex Scripturis, Deum esse naturaliter a creato intellectu invisibilem. Exodi 33. 20. *Rursusque ait: Non poteris videre faciem meam: Non enim videbit homo, & vivet.* Isaïa 64. 4. *Oculus non vidit, Deus, absque te, quæ præparasti expectantibus te.* Hoc autem intelligitur de oculo mentis, non de oculo corporis, qui nec cum Deo, nec absque Deo, potest Deum videre; ut inferius dicemus. 1. ad Cor. 13. q. 10. & seqq. *Ex parte enim cognoscimus, & ex parte prophetamus. Cum autem venerit quod perfectum est, evanescit quod ex parte est.* Cum essem parvulus, laquebar ut parvulus, sapiebam ut parvulus, cogitabam ut parvulus. Quando autem factus sum vir, evanesci, quæ erant parvuli. Videmus nunc per speculum in enigmate; tunc autem facie ad faciem. Nunc cognosco ex parte: tunc autem cognoscam, sicut & cognovi sum. 2. ad Cor. 5. 7. *Per fidem enim ambulamus, & non per speciem.* 1. Joannis 3. 2. *Seimus quoniam, cum apparuerit, similes ei erimus: quoniam, videbimus eum sicuti est.* t. ad Timotheum 6. 16. *Quem nullus hominum vidit, sed nos videre potest.* 1. ad Timotheum 1. 17. *Regi seculorum immortalis, invisibilis, soli Deo, honor, & gloria in secula seculorum.*

II. Probatur ex Conciliis. Etsi enim diversa sit hæcæsis Anomæorum ad hæresi Beguinorum, & Beguardorum, ut diximus paulo ante; quanvis aliter intellexisse ostendant Frassen, Cachéranus, & P. Lallemande, & illustrissimus noster P. Palanco, Episcopus Jaccensis, tom. 1. trac. de Deo uno disp. 3. q. 2. n. 1. Attamen Concilium Viennense generale, sub Clemente V. anno 1311., ut refertur in Clementina ad nostrum, de Hæreticis, definitionem suam æque applicabilem edidit ad profligandum utrumque errorem. Error Beguinorum, & Beguardorum, hic est numero quinquies inter octo, quos sustinebamus: *Qualiter intellectualis natura in se ipsa naturaliter est beata, & anima non indiget lumine gloriæ, ipsam elevante, ad Deum videndum, & eo beate fruendum.* Hunc errorem damnat Concilium præsum Viennense, ut legitur in citata Clementina; ex quo satis patet, Deum non esse naturaliter invisibilem, sive talis non intelligatur ex parte potentie, quæ sit ea-

pax

pax ex suis viribus videre Deum, ut intellegebant Beguinae, & Beguardi; sive ex parte objecti, quod sit apertum, proportionatum, manifestum, potentiae, ut sentiebant Anomaei. Adducunt ulterius Concilia omnia contra Pelagianos coacta; quia ut ait Scotus in 4. dist. 49. q. 11., relatus a Cacherano 1.1. theologiae assertivae tract. 1. lib. 2. c.1. §. 4. haeresis Anomaeorum, ponentium, Deum posse natura viribus videri, est maior haeresis Pelagii, ponentis, hominem posse sine gratia, & natura viribus, iustificari. P. Palanco loc. cit. profert etiam Concilium Viennense in Austria, ann. 1166., & Colonienſe, ann. 1260. Attamen nos in Viennensi, quod compemus celebratum, apud Bail, & Battaglinum, ann. 1267., tempore Clementis IV., & in Colonienſi, quod idem Battaglinus coactum dicit ann. 1266., nihil tale vidimus. Et se vera praefata Concilia non poterant id statuere, nec contra Anomaeos, qui jam desistant esse in mundo, nec contra Beguinas, & Beguardos, qui adhuc non inceperant in mundo apparere.

III. Probatur ex Patribus. Nazianzenus orat.

34. Omnis humana, ac terrena scientia nihil supra specula, & aigmata esse a Paulo statuitur; utpote quae in exiguis veritatis simulacris tota consistit. Nyssenus lib. 12. contra Eunomium: Divina substantia, quodcumque tandem est secundum substantiam, una est, simplex est, & univocata, non composita, ac nulla modo in varia quadam compositione spectatur. Humana autem anima humi jactus, & in hac terrena vita defossa, eo quod perspicere non potest videre quod quaerit, multis notionibus, ac variis modis, & multisarum ad ineffabilem illam se naturam intendit, non unaquamque cogitatione quod absconditum est venari stans. Chrysostomus orat. 5. contra Anomaeos, docet, ideo Christum dixisse, se perfecte nosse Patrem, quia a Patre est; subdens verba Joannis 6. 46. Non quia Patrem vidit quisquam, nisi is, qui est a Deo. Ex quibus deinde videtur inferre: Etentum substantia excoelentioris substantiam non potest perfecte scire, quavis medicum discrimen interfit. Origenes lib. 1. Peniarcho c. 1. Si quid enim illud est, quod sentirc, vel intelligere, de Deo poterimus, multis longe modis eum meliorem esse ab eo, quod sensimus, necesse est credi. Sicut enim si videamus aliquem vix posse scintillam luminis, aut brevissima lucerna lumen aspicere; & eum, cujus acies oculorum plus de lumine capere, quam supra diximus, non valet, si velimus de claritate, ac splendore salis edocere: nonne oportebit

nos ei dicere, quia omni hoc lumine, quod videt, ineffabiliter, & inaffimabiliter, melior ac praestantior est solis splendor. Ita mens nostra cum intra carnis, & sanguinis elaustra concluditur, & pro tali materia participatione bebetior, atque obtusior redditur, licet pro comparatione natura corporea longe praecellens habeatur, tamen cum ad incorporea nititur, atque eorum intentionem rimatur, tunc scintilla alienius lucerna vix obtinet locum. Ambrsius lib. de bono mortis c. 11., quem citat Augustinus in 4. contra epistolae duas Pelagianorum c. 11. Nam si solis radios oculi nostri ferre non possunt; & si quis distans e regione solis intendere, accari solere perhibetur. Si creatura creaturam sine fraude, atque offensione sui, non potest intueri: Quomodo potest suae periculo sui vibratentem cernere vultum creatoris aeterni, corporis huius operis exuvii? Denique, ut ceteros praetereamus, ultimo loco producimus, qui erat primo loco exhibendus; Tertullianum scilicet c. 17. Apologetici, haec scribentem: Invisibilis est, etsi videatur: incomprehensibilis est, etsi per gratiam representetur: inaffimabilis, etsi humanis sensibus aspicitur: adeo verus, & tantus est. Ceterum, quod videri communiter, quod comprehendere, quod aspicere potest, minus est oculis, quibus occupatur, & manibus, quibus invenitur. Quod vero impenſum est, soli sibi notum est. Hoc quod est, Deum aspicere facit, dum aspicimus non capis. Ita cum vis magnitudinis, & notum hominibus obicit, & ignotum. Et haec est summa delicti voluntatum cognoscere, quoniam ignorare non possunt.

IV. Probatur ex Philosophis Gentilibus. Plato in Timaeo scripsit: Illum igitur effectorem, & parentem universitatis istius invenire difficile est, & cum invenieris indicare in vulgus, impossibile; Cicero autem legitur indicare in vulgus, nefas: Nazianzenus vero in orat. 34. Platonis dictum corrigi, & ubi Plato dicit, invenire esse difficile; multa magis impossibile esse invenire, quam eloqui, dicit. Sic apud Petavium cit. loc. invenitur. Idem Plato, etiam in Timaeo, docuit, inferiorum Deorum, quos ipse Daemonas appellat, nobis ignotam, atque obscuram generationem non melius innotescere, quam ab ipsis Deorum illis. Quae perpendens Cicero in lib. de Universitate, inquit: Reliquorum autem, quos Graeci *daemones* appellant, nostri, opinor, Lares, si modo hoc recte conversum videri potest, & nosse, & nuntiare ortum eorum, miras est, quam ut profiteri scribere nos audeamus. Credendum nimirum est veteribus, & praesentibus, ut ajunt, viris, qui se progeniem Deorum esse dicebant, ita.

itaque eorum vocabula nobis prodiderunt: Nosse autem generatores suos optime poterant. Ac difficile factum est, a Diis ortis fidei non habere: quanquam nec argumentis, nec rationibus certis eorum oratio confirmetur. Sed quia de suis rebus notis videntur loqui, veteri legi, morique, parvum est. Et Clemens Alexandrinus lib. 5. Stromat. Platonis huiusce dicti mentionem faciens, scripsit: Inquisitionis illius, qua de Deo est, inventionem, esse doctrinam, qua est importata per Filium. Et mox subdit: Si igitur, ut Platoni visum est, vel a Deo, vel ab iis, qui orti sunt a Deo, dumtaxat addisci veritas potest: Merito e divinis literis testimonia seligentes, veritatem ab Dei filio nos doceri gloriamur.

- V. Probatur Rationibus. I. Intellectus nosster in hac vita corpori est alligatus: ergo Deus est ab ipso invisibilis. Probatur consequentia. Ex quo intellectus est corpori alligatus, omnis ejus cognitio dependet a sensibus; sed ex quo dependet a sensibus, Deus est ab ipso invisibilis: ergo ex quo est corpori alligatus, Deus est ab ipso invisibilis. II. Deum in hac vita nonnisi cognoscimus, quam ex effectibus: ergo est a nobis intuitive invisibilis. Probatur consequentia. Cognoscere ex effectibus non est intuitive cognoscere: ergo ex quo Deum ex effectibus cognoscimus, ipsum non intuitive videmus. III. Infinita substantia a potentia finita intuitive videri non potest naturaliter: ergo Deus est a creato intellectu naturaliter invisibilis. Hæc sunt rationes SS. Patrum, prima scilicet, & secunda, S. Gregorii Nazianzeni orat. 34. tertia vero S. Joannis Chrysostomi orat. 5., quibus naturalem Dei invisibilitatem contra Anomæos probant. Modo subiungimus rationes Scholasticorum Theologorum. IV. a Scoto in 4. dist. 49. q. 11. n. 9., & in Quodlibetis q. 14. n. 10. ar. 21. Deus non est naturaliter præsens sub propria ratione cognoscibilis intellectui creato, nec movet ipsum ad cognitionem sui propriam, & immediatam: ergo non est a creato intellectu naturaliter visibilis. Consequentia sequitur: quia cognitio intuitiva objecti requirit, quod objectum sit præsens, & movens potentiam per sui præsentiam ad visionem sui. Antecedens probatur. Deus est objectum voluntarium: ergo non est naturaliter, seu necessario præsens sub propria ratione, nec necessario movet intellectum ad cognitionem sui propriam, & immediatam. Probatur consequentia. Quia Deus est objectum voluntarium, est præsens, quando vult, & mo-

vet libere, quando vult: ergo non necessario movet. V. a S. Thoma 3. contra Gentiles c. 52. Videre Deum, ut est in se, est proprium divinæ naturæ: ergo non potest esse naturale substantiæ creatæ. Antecedens est certum: quia operari secundum propriam formam, est proprium cuiuslibet operantis. Consequentia probatur. Proprium naturæ superioris nequit competere naturæ inferiori, nisi per actionem superioris, cui est proprium: ergo si videre Deum est proprium divinæ naturæ, non potest esse naturale substantiæ creatæ, nisi ex actione Dei elevantis ipsam ad visionem sui. VI. ab eodem cit. loc. Essentia, divina non potest intuitively cognosci ad modum substantiæ creatæ: ergo Deus est a creato intellectu naturaliter invisibilis. Antecedens est certum: quia aliter non cognosceretur per speciem propriam, sed per alienam. Consequentia probatur. Cognosci per speciem alienam non est cognitio intuitiva, sed abstractiva: ergo si Deus non cognoscitur intuitively, quando cognoscitur ad modum substantiæ creatæ, cognoscitur abstractiva: ergo intuitively est semper a creato intellectu naturaliter invisibilis.

Arguunt Anomæi I. Deus ita est actus purus, ut omnino sit simplex, omnino indivisibilis; sed quæ sit simplicia, & indivisibilia, sunt, vel nesciuntur omnino, vel tota, & penitus cognoscuntur: ergo Deus vel nescitur omnino, vel totus, & penitus cognoscitur; sed omnino non nescitur: ergo totus, & penitus cognoscitur. II. Angelus inferior, etsi sit ordinis superioris, nihilominus naturaliter cognoscit Angelum superiorem: ergo creatus intellectus, etsi sit inferioris ordinis, naturaliter etiam videre poterit Deum, qui est ordinis superioris. III. Deus continetur sub objecto creati intellectus; sed quævis potentia naturaliter potest attingere ea omnia, quæ intra latitudinem sunt objecti sui: ergo creatus intellectus naturaliter Deum videbit. IV. Deus intuitively visus est finis naturalis creati intellectus; sed finis naturalis potest naturaliter attingi: ergo Deus potest a creato intellectu intuitively cognosci naturaliter. Probatur minor. Nequit enim intelligi, quod sit finis naturalis, & quod ad ipsum consequendum deficiant media naturalia: ergo finis naturalis potest naturaliter attingi. V. Exhibita a Deo libere præsentia sui, vel intellectus Deum videt, vel non videt? Si videt: ergo non exigitur aliud auxilium supernaturale ad ipsum videntem.

dendum. Si non videt: ergo non est ratio libertas præsentie Dei, quare Deus sit invisibilis a creato intellectu. VI. Dependencia a sensibus convenit tantum intellectui unito corpori, non vero a corpore separato: ergo non est ratio, quare Deus sit a creato intellectu intuitive invisibilis naturaliter.

Respondemus ad I. concedendo majorem, & distinguendo minorem: Quæ sunt simplicia, & indivisibilia, vel nesciuntur omnino, vel tota, & penitus cognoscuntur, si clare cognoscuntur, concedimus; si obscure, negamus. Deus proinde, quum obscure a nobis in via cognoscatur, hinc est, quod non totus a nobis videtur; in Patria vero quando videbitur, clare, & non obscure, cognoscetur quidem totus, sed non totaliter, quia non comprehendetur.

Ad II. dicimus, Angelum superiorem, & Angelum inferiorem, esse in eodem ordine generico, licet sint in diverso ordine specifico per Thomistas: Et per nos etiam esse posse in eodem ordine specifico, quum sint nihilominus in diverso ordine numerico. Unde ambo sunt immateriales, ambo naturales, ambo finiti. Non sic autem Deus, & creatura, qui diversitatem infinitam in quovis ordine dicunt.

Ad III. Quavis Deus, ut ens, & in ratione universalissima, sub objecto creati intellectus continetur; ut ramen est tale ens, supernaturale scilicet, infinitum, perfectissimum, non continetur sub objecto proportionato. Et hinc est, quod creatus intellectus, propter hanc continentiam,

Deum naturaliter abstractivè cognoscit, & inchoationem habet, ut ad Deum supernaturaliter videndum eleveur; sed non ob hoc naturaliter Deum intuitive videt.

Ad IV. respondet Frassen, quod Deus clare visus sit finis naturalis hominis passivæ, non autem activæ; hoc est, quod natura humana per se, & absque aliqua elevatione possit recipere visionem beatificam; non vero quod possit ipsam visionem naturæ viribus producere. Et hanc, dicit, fuisse Scoti mentem q. 1. prologi n. 20. Totum autem reducitur ad hoc, quod homo habere possit naturalem inclinationem ad videndum Deum, non habere autem media naturalia, quibus ex se possit videre Deum.

Ad V. dicitur, quod exhibitæ a Deo præsentia sui libere intellectui creato, tollitur impedimentum, quod se tenet ex parte Dei; non tollitur autem impedimentum, quod se tenet ex parte intellectus, & ideo requiritur ulterius supernaturale auxilium ad Deum videndum. Contra primum impedimentum est error Anomazorum, quem in præsentia impugnamus; contra secundum vero est error Beguinarum, & Begardorum, quem inferius impugnabimus.

Ad VI. ratio petita a dependentia intellectus a sensibus valet contra Anomæos, qui asserbant, etiam in hac vita esse Deum a creato intellectu visibilem. Quod vero Deus ab intellectu quoque a corpore separato sit naturaliter invisibilis, aliæ rationes probant; ut usque modo nos effecisse, putamus.

DISSERTATIO LII.

De supernaturali Dei visibilitate, seu de Possibilitate divinæ Visionis; De erroribus contra ipsam, & de illorum Propugnatoribus.

DRO comperito habemus, non minorem in Deo dicere perfectionem supernaturalem ejus visibilitatem, ac naturalem ejusdem invisibilitatem. Quod sic ostendimus. Supponimus prius, seu melius, explicamus, Deum esse invisibilem duo dicere, unum ex parte Dei; ejus scilicet veritatem, seu essentiam, in ratione ob-

P. A. R. I.

jecti, nullam necessitatem habentem, ut se conspiciendam exhibeat, quum possit ad libitum sui visionem subtrahere. Alterum ex parte intellectus; hujus nimirum incapacitatem, & insufficientiam, ad videndum Deum, nisi a Deo ipso eleveur. Ulterius, Deum esse supernaturaliter visibilem duo dicit etiam, unum ex parte Dei; ejus nempe veritatem, seu essentiam,

E c i n

in objecti ratione potentem se pandere, & ostendere. Alterum ex parte intellectus; capacitatem videlicet sui obediencialem, tum passivam, ut eleveur, tum activam, ut elevatus videat Deum. De duobus modis, qui se tenent ex parte Dei, loquentes, dicimus utroque in Deo importare perfectionem. Et quidem de primo patet; etenim infinitas, & libertas, in Deo perfectiones sunt; sed invisibilitas sui in ejus infinitate, & libertate, fundatur, ut dictum est: ergo invisibilitas sui in Deo est perfectio. Patet pariter de secundo; quum in Deo æque perfectiones sint libertas, & omnipotentia, in quibus sua fundatur visibilitas. Præterea, summa est alicujus objecti perfectio potentiz inferioris vim superare, & simul eandem ad sui perceptionem elevare. Major enim esset solis perfectio, si ulterius noctuæ oculorum ad sui perceptionem elevare posset; ut ait P. Magnanus. Quum ergo in Deo sit perfectio superare vim cujusque intellectivæ potentiz, ob quod dicitur naturaliter invisibilis; sicut in præterita Dissertatione diximus: Perfectio est etiam quamcumque intellectivam potentiam elevare, ob quod dicatur supernaturaliter visibilis; quemadmodum in hac præsentia Dissertatione probamus.

Explicamus modo ex eodem P. Magnano, quomodo Deus, qui est naturaliter invisibilis, reddatur visibilis supernaturaliter; seu quomodo ad sui visionem respectu potentiz videntis concurrat, per quod, absque dubio, visibilis simpliciter exhibetur? Deus ergo duplici modo ad hoc concurrat; concursu scilicet generali, quo ad omnes creaturarum actiones concurrat; & concursu speciali, qui proprius dicitur, & objectivus. Qui quidem objectivus concursus Deo non est repugnans; quum perfectio sit cuilibet objecti, impressa sui specie concurrere ad formandam expressam activam: Deo igitur non est deneganda. Uterius, creata visibilitas hoc jus habet, ut a creata potentia non videatur, nisi dependenter ab ipsomet objective. Hoc autem jus est perfectio simpliciter simplex, quatenus cum majori, vel æquali perfectione esse, non repugnat: Deo igitur est concedenda. Habemus ergo, aliquo peculiari concursu, quicumque sit ille, in ratione objecti ad intuitivam sui visionem Deum concurrere; adeoque suum generalem concursum in ratione primæ causæ non sufficere; tum quia concursus objectivus est proprius objecti, ut objectum est; tum etiam quia ge-

neralis concursus cuilibet visivæ potentiz, alia a Deo videnti, ab ipsomet Deo præstatur: ergo præter hunc quid aliud videnti Deum a Deo ipso præstari debet. Cæterum, quando Deus hoc peculiari modo concurret, non esse necesse, ut generali etiam concursu ad sui visionem concurrat, P. Magnanus docet; & probat, quia specialis concursus generalem concursum æquivalenter continet: ergo non est necesse, ut ultra specialem generalem etiam concursu concurrat. Probat antecedens. Deus quando in causam secundam suo proprio influxu agit, agit etiam, ut causa prima: ergo specialis ille concursus generalem æquivalenter continet. Probat etiam antecedens. Agit enim, ut objectum divinum: ergo ut causa prima. His præhabitis, devenimus ad errores enumerandos contra possibilitatem divinæ visionis, & ad referendos illorum pariter Auctores; quos postmodum omnes, & singulos, impugnabimus.

Primo adumerantur Judæi quidam crassiores, qui crediderunt, impossibilem esse visionem Dei pro homine, non solum in hac vita constituto, sed etiam in altera vita. Refert P. Boucat tract. 2. de invisibilitate, & visibilitate, Dei, differt. 1. Petavius Judæorum hujusmodi crassiorum non meminit, nec erroris eorumdem. Neque Scriptores alii, quos apud nos habemus, de illis, & de errore ipsorum, mentionem faciunt.

Secundo a quibusdam accusantur, a plurimis vero defenduntur, non pauci Patres Græci antiquiores, qui videntur pro possibilitate divinæ visionis non recte sensit. Inter ipsos a dnumerari comperimus Chrysostomum, Gregorium Nyssenum, & Gregorium Nazianzenum, Basilium, Cyrillum Alexandrinum, & Cyrillum Hierosolymitanum, Oecumenium, præcipue autem Theodoretum. De his Petavius t. t. theologic. dogmat. lib. 7. c. 5. hæc scribit: *Sunt aliqui veterum Patrum, qui sic ea de re sunt loenti, ut longe aliter, ac communis habet Christianorum fides, aut senserint re vera, aut justam posteris suspensionem contrarii dogmatis reliquerint. Quoniam non desunt, qui illorum dicta comiter interpretari, ac meliorem in partem flectere, conantur, quod esse difficile ne ipsi quidem negant. Alii vero, plane ut præ se illorum verba ferunt, existimasse eos asserunt; Deum elare, & perspicere, atque ut est in sese, & in substantia, vel essentia sua, non videri a beatis sive Angelis, sive hominibus: Sed cætenus, quoad imbecillitas*

etæa-

creaturarum mentium capere potest; quemadmodum in antiqua lege, immo ante eam, & ab origine prima verum, Patriarcha, ac Prophetæ, Deum etiam facie ad faciem, id est clarissime, intuitu esse dicuntur; cum tamen illius essentiam non viderint. Peculiarem Differentiationem pro illorum verum sanctorum Patrum defensione instituemus, quæ erit proxime sequens, in qua illorum mens examinabitur, & a Catholicorum unanimi sensu nihil omnino distare, conabimur pro viribus probare.

Tertio loco ponuntur Græci subsequenti ævi, qui discretis quidem, & claris verbis intuitivæ visionis Dei possibilitatem negarunt. Testis est luculentissimus Richardus Radulphus, Archiepiscopus Armacanensis, in lib. 14. de Questionibus Armenorum, c. 1. A Græcis hoc impium dogma didicisse Armenos, de quibus mox loquemur, testatur Petavius c. 7. num. 8. verbis hæc: Nec dubium est, quin Armenis Græci auctores illius erroris fuerint, ut & cæterorum fere. Posterioribus deinde temporibus Gregorius Palamas, de quo alibi nos quoque loquuti fuimus, ejusdem erroris vindex, & propugnator acerrimus fuit. Dicebat enim, naturam ipsam Dei, ut in se est, a nemine conspici posse; videre autem Beatos lucem quandam increatam, & oculis visibilem, quasi fulgor a Deo manans esset, similis illi, quem Apostoli in Thabore monte viderunt; & hujus aspectu beatos esse. Quod narrat David Monachus in narratione dissidii Barlaami, & Palamæ, in codice quodam Bibliothecæ Augustæ apud Raderium in notis ad lib. 2. hist. Cæsar. col. 364. Etenim Sancti omnes, tam homines, quam Angeli, gloriam quidem Dei temporis expertem vident, & sempiternam gratiam, ac donum recipiunt: Substantiam autem Dei nemo unquam vidit homo, neque Angelus; neque potest videre. Testis etiam inducitur Catacuzenus in sua historia, lib. 3. c. 14.

Quarto referuntur Armeni asserentes, Beatos non videre essentiam Dei, sed claritatem quandam illius essentia, in qua claritate beatitudo consisteret; ut refert Alphonsus de Castro adversus Hæreses lib. 3. verb. *Beatitudo*. Testatur quoque Richardus Radulphus, Archiepiscopus Armacanensis, loco nuper citato. Lucem hanc, seu claritatem, in qua dicunt Armeni Beatos videre, Deum, Theophaniam appellant. Theophaniam idem sonat apud Græcos, ac apud Latinos Dei apparitio; unde a Græcis dicitur illud festum, quo Christum Magi

PAR. I.

adorarunt, quia tunc apparuit Gentibus; ut ait Mortier in etymologia sacra, verbo Theophanias.

Quinto dicitur, errorem hunc fuisse deinde Petrum Abailardum, qui constanter assererebat, Deum non videri per essentiam a Beatiss. Fuit Petrus natione Gallus, & sub Innocentio II. floruit. Contemptor Antiquorum Patrum doctrinæ, suam solam contra omnes elevabat. Ob hoc in plures lapsus errores; multos excitavit pietate, & sapientia præstantes viros in Ecclesia, ut contra ipsum calamos admovebant. Præcipuus fuit S. Bernardus, qui e suo monasterio exivit, ut contra ipsum pugnaret; ipse autem veritus pugnantem, in aciem non exivit, sed turpiter se abscondit. Refert S. Bernardus in epist. 190. & Alphonsus de Castro loc. cit., & Bernardus de Luxemburgo in Hæreticorum Catalogo; & Guido Carmelita in sua summa de hæresibus. Quanvis S. Bernardus in epist. 188. & 189. in quibus refert errores Abailardi, & Arnaldi, inter cæteros hunc non enumeret; ut observat Praesen.

Sexto Arnaldus de Brixia, natione Italus, Abailardum sectatus est, ac defendit. De hoc Arnaldo hæc scribit cit. loc. Alphonsus de Castro: *Præcipue quidam Italus, Arnaldus Brixienfis, a quo, ut opinor, distat sunt Arnaldistæ hæretici, qui singulis annis Roma in cana Domini excommunicantur, & in cap. excommunicamus, extra de hæreticis*. Docuit proinde, Deum non videri a Beatiss per essentiam suam.

Septimo Almaricus asseruit, Deum non videri ullo pacto in se, sed in suis creaturis. Fuit Almaricus Parisiensis Doctor, qui tempore Innocentii III. floruit, & ab eodem Innocentio in Concilio Lateranensi IV. damnatus fuit. Testatur Alphonsus de Castro loc. cit. verb. *Adam, & Eva hæres. 3.* Almerici erroris mentionem pariter fecerunt Cardinalis de Turrecremata lib. 4. de Ecclesia p. 2. c. 35. Bernardus de Luxemburgo loco nuper citato, Guido Carmelita, alique.

Omnes illos recensitorum errorum Auctores in hoc convenire, ait Alphonsus de Castro, quod omnes asserant, Deum nec etiam a Beatiss ullo pacto videri; quod idem est, ac negare intuitivæ visionis Dei possibilitatem, seu supernaturalem Dei visibilitatem. Quod nos pro more nostro in sequentibus impugnare contendemus, possibilitatem illam probantes auctoritatibus simul, ac rationibus.

I. Probatur ex Scripturis. In sacris Bibliis

E c 2 mul-

multos legimus modos cognoscendi Deum, & inter illos modum quoque intuitivæ Deum videndi deprehendimus. Siquidem primo videtur Deus in suis operationibus, in creaturis scilicet; & hoc habetur Sapientia 13. 5. *A magnitudine enim speciei, & creatura, cognoscibiliter poterit creator bonum videri.* Secundo cognoscitur in aliqua specie corporea, sive hominis, sive columbæ, sive ignis &c.; & hoc legitur Isaia 6. 1. *Vidi Dominum sedentem super solium excelsum, & elevatum.* Tertio attingitur per Fidem; & hoc invenitur in 1. ad Corinth. 13. 12. *Videmus nunc per speculum in enigmate.* Quarto intelligitur per humanitatem assumptam; & hoc continetur in Baruch 3. 38. *Post hæc in terris visus est, & cum hominibus conversatus est.* Hi omnes sunt modi cognoscendi Deum abstractivæ. Modum autem videndi Deum intuitivæ legimus Matth. 5. 8. *Beati mundo corde, quoniam ipsi Deum videbunt.* Matth. 18. 10. *Angeli eorum in caelis semper vident faciem Patris mei, qui in caelis est.* 1. ad Corinth. 13. 12. *Tunc autem facie ad faciem: nunc cognosco ex parte, tunc autem cognoscam, sicut & cognitus sum.* 1. Joannis 3. 2. *Videbitis eum, sicuti est.* Apocalypsis 22. 4. *Et videbunt faciem ejus.* Quod si velint veteris sacrae paginæ testimonia, est illud Davidis Psal. 79. 4. *Offende faciem tuam, & salvi erimus.* Non petiisset sane David, quod impossibile erat, ut donaretur. Salutem autem non posuit in visione alterius rei, quam ipsiusmet Dei. Item Exodi 33. 13. *Si ergo inveniam gratiam in conspectu tuo, offende mihi faciem tuam.* Non reprehendit eum Dominus, quasi rem impossibilem postulasset.

- II. Probatur ex Conciliis. Viennense generale, & refertur in Clementina ad nostrum, de Hæreticis. Florentinum etiam generale in literis unionis, in quibus habetur: *Animas plene purgatas intueri Deum clare, trinum, & unum, sicuti est.* Trideminum pariter generale, sess. 25. de invocatione Sanctorum; & in sess. 5. de peccato originali. Concilium Francofurtense in epistola ad Episcopos Hispaniæ hæc habet: *Predicamus Christum verum Deum, ut ad ejus beatificam visionem pervenire videamur, in qua est vera beatitudo.* Refertur hoc Concilium a Vasquez 1. par. disp. 37. c. 7., & post eum a Caecherano, Frascen, P. Boucar, & aliis. Adducitur quædam decretalis Epistola Evaristi Papæ, quæ dicitur directæ ad Episcopos Africæ; sed quia dubitatur, an sint genuinæ epistolæ veterum Pontificum

usque ad Syricium, probationem hanc non magni facimus. Vere autem Benedictus XII. in sua Extravagan. *Benedictus* adduci potest; in qua habetur: *Definimus, quod secundum Dei ordinationem anima Salarum purgata discedat, ante iudicium generale vident divinam essentiam.*

- III. Probatur ex Patribus. Irenæus lib. 4. c. 37. *Et propter hoc incapabilis, & incomprehensibilis, visibilis se, & comprehensibilis, & capax hominibus præsstat; ut vivificet percipientes, & videntes se.* Quemadmodum enim magnitudo ejus investigabilis est, sic & benignitas ejus inenarrabilis; per quam vitam præsstat iis, qui vident eum. Quoniam vivere sine vita, impossibile est: Subsistentia vita autem de Dei participatione evenit: participatio autem Dei est, videre Deum, & frui benignitate ejus. Homines igitur videbunt Deum, & vivent per visionem, immortales facti, & pertingentes usque ad Deum. Clemens Alexandrinus Stromatum 5. *Perpicuum est enim, nullam unquam vitam suam tempore posse Deum perspicere comprehendere. Qui autem sunt mundo corde, Deum videbunt, postquam extremam perfectionem attigerint.* Epiphanius hæres. 70. *Natura igitur invisibilis est, & ejus comprehendere non potest gloria. Verum cum prodito a se homini apparere voluerit, nihil ejus voluntati refragatur. Deum quidem videre, maxime humanam naturam impossibile est: neque quod visibile est id intueri potest, quod est invisibile. Sed invisibilis Deus per humanitatem, & potentiam suam, id, quod imbecillum est corroborans, id ei dignatur concedere, ut quod est invisibile, videat. Porro cum invisibile illud, & infinitum aspiciat, non, ut in se est, infinitum illud videt; sed quantum ejus, quod imbecillum est, natura capere potest, ita corroborata, ut ad potentis illius potentiam pertinere possit.* Augustinus in epist. 111. ad verba Apostoli; *Regi Seculorum invisibili, incorruptibili, scribit: Incorruptibilis quidem in secula seculorum: invisibilis autem, non in secula seculorum, sed tantum in hoc seculo.* Verum quia nec ista testimonia falsa esse possunt: Beati mundo corde, quoniam ipsi Deum videbunt: Et scimus, quia cum apparerit, similes ei erimus, quoniam videbitis eum, sicuti est: negare non possumus, filios Dei visuros Deum: sed sicut videntur invisibilia, &c. Unde autem invisibilia videntur, nisi oculis cordis? Eadem habet in epist. 112. in lib. 22. de civit. Dei c. 29. in lib. 12. de Genesi ad litteram c. 26. in tract. 21. in Joannem, & alibi. Gregorius magnus in lib. 18. moralium c. 22. *Secundum vero est, quod scire*

re nonnulli, qui Deum dicerent etiam in illa regione beatitudinis in claritate quidem suam conspici, sed in natura minime videri. Quos nimirum minor inquisitionis subtilitas fessellit. Neque enim illi simplici, & incommutabili essentia aliud est claritas, & aliud natura; sed ipsa ei natura sua claritas, ipsa claritas natura est. Quia enim suis dilectoribus hoc Dei sapientia se quandoque ostenderet, ipse pollicetur, dicens: Qui diligit me, diligetur a Patre meo: Et ego diligam eum, & manifestabo me ipsum illi. Ac si patenter dicat: Qui in vestra me cernitis, restat ut in mea me natura videatis. S. Prosper lib. de vita contemplativa c. 4. Quod hic crediderant, ibi videbunt, sui creatoris substantiam mundi cordibus contemplantur. Et c. 17. Tam rerum omnium notitia, quam ipsa Dei substantia plena, & perfecte videbitur, Bernardus ser. 4, in fest. omni. SS. Tripliciter in aeterna illa, & perfecta beatitudine fruamur Deo; videntes eum in omnibus creaturis; habentes eum in nobis ipsis; & quod his in quibus ineffabiliter iuvenimus sit, atque beatius, ipsam quoque cognoscentes Trinitatem in semetipsa, & gloriam illam sine ullo enigmate mundo cordis oculo contemplantur. In hoc enim erit vita aeterna, & perfecta, ut cognoscamus Patrem, & Filium cum Sancto Spiritu, & videamus Deum sicuti est, id est, non modo sicuti inest, nobis videlicet, aut ceteris creaturis, sed sicut est in semetipsa.

IV. Probatur Rationibus theologicis. I. Ex Scripturis, & ex Patribus, Beatitudo in Dei visione consistit; sed haec visio nequit esse cognitio Dei abstractiva: ergo debet esse intuitiva. Probatur minor. Abstractiva Dei cognitio convenit etiam Peccatoribus, & habetur pariter in via; sed Beatitudo non potest Peccatoribus convenire, & nequit haberi in via: ergo Dei visio, in qua Beatitudo consistit, nequit esse cognitio Dei abstractiva. II. Ex Scripturis pariter, & ex Patribus, Beati in Patria vident Deum sicuti est; sed videre Deum sicuti est, est videre Dei essentiam per speciem sui propriam, prout de praesenti immittam: ergo vere ex Scripturis, & ex Patribus, intuitiva Dei visionis possibilitas probatur. Probatur minor. Videre Deum sicuti est, non est videre Deum in specie aliena, in qua non est; non est videre Deum per fidem, quod non est videre, sed credere; non est videre Deum per effectus, in quibus est, sed non sicuti est: ergo est videre essentiam Dei per speciem sui propriam prout de praesenti immittam. III. Dum ab Armeni-

sis dicitur, quod Deus videtur in luce illa, quam Theophaniam appellant, quaerimus, vel lux illa est increata, vel creata? Si creata? Ergo non videtur Deus, nisi abstractively. Si increata? Ergo intuitively videtur Deus; quemadmodum S. Gregorius citato loco arguebat.

Rationes naturales non afferuntur; questio enim est inter Scholasticos, an possibilitas intuitiva Dei visionis possit naturalibus rationibus demonstrari? Pro qua peculiarem instituimus Dissertationem, in qua etiam de appetitu Deum videndi, quem quaerunt, an sit in creatio intellectu, erit sermo. Pariter in objectionibus, quas modo afferemus, non loquimur de Chrysostomo, aliisque Patribus, qui creduntur, de possibilitate intuitiva Dei visionis non bene sensitisse. De his enim peculiare quoque dabimus vindicias in Dissertatione subsequenti.

Obsticiunt I. Armeni ex Scripturis, in quibus multoties Deus dicitur invisibilis: ergo vere Deus in propria sui essentia a nemine videtur, immo nec est visibilis. I. Ex 1. Petri 1. 12. In quibus desiderant Angeli prospicere: Si ergo Angeli prospicere desiderant, non prospiciunt. III. Si allata a nobis Scripturarum testimonia aliquid probarent, probarent etiam Deum in via intuitively fuisse visum; sed hoc dici non potest: ergo nec primum. Probatur sequela; quia non minus in aliis Scripturarum testimoniis conformia, immo eadem pene verba inveniuntur. Dicitur enim Gen. 22. de Jacob, Dominum vidisse facie ad faciem; & Numer. 2. idem de Moyse refertur. Ergo vel illa intelligenda sunt, sicut ista; vel ista, sicut illa; non hoc secundum: ergo primum. IV. ex Hieronymo in 1. Isaia cap., ubi docet, quod nulla creatura Deum videat secundum proprietatem suae naturae; Lieet faciem Domini juxta suam naturam proprietatem nulla videat creatura: ergo Deus non est visibilis intuitively, vel quod idem est, in propria natura. V. ex Ambrosio in Commentariis in Lucam, in quibus haec scribit: Et quid de hominibus loquimur, cum etiam de ipsis coelestibus virtutibus, & potestatibus legerimus? Quia Deum nemo vidit nunquam? Ergo vere ex Ambrosio Deus & ab Angelis, & ab Hominibus, est intuitively invisibilis. VI. Plus distat Deus a Potentia creatura, quam Angelus ab oculo corporeo; sed Angelus ab oculo corporeo nullatenus videri potest, hoc etiam supernaturaliter: ergo neque Deus a creatura potentia. VII. Deus secundum suam essentiam

tiam est simpliciter infinitus; sed simpliciter infinitum nequit intra sphaeram potentiae finitae contineri: ergo Deus non continetur intra sphaeram potentiae creatae cognoscitivae; ergo neque supernaturaliter a potentia creata est intrinsece visibilis. VIII. Potentia cognoscitiva Dei nequit esse minoris perfectionis, quam sit ipsemet Deus: ergo neque divinitus talis potentia potest in creaturis reperiri. Probatur antecedens. Potentia productiva principalis nequit esse minoris perfectionis, quam sit effectus ab eo productus: ergo potentia cognoscitiva principalis nequit esse minoris perfectionis, quam sit objectum ab ipsa cognitum. Probatur consequentia. Potentiam cognoscere objectum intuitivae majorem perfectionem in se dicitur, quam in se dicatur potentia productiva principalis ejusdem objecti: ergo si haec nequit esse suo effectu imperfectior, pariter illa non potest esse imperfectior suo objecto. Antecedens probatur. Perfectior est homo cognoscere potens accidentia materialia, quam sol potens eadem producere: ergo major est perfectio, quod potentia cognoscat intuitivae objectum, quam quod potentia principalis illud producat.

Respondemus ad I. Scripturarum, & Patrum testimonia omnia, quae adducuntur, ad probandam Dei invisibilitatem, vel debere intelligi de visione corporea, vel de intellectuali per naturae vires habita, vel de intellectuali, quae habetur in hac vita, vel denique de comprehensione; ut clarius in sequenti Dissertatione videbitur.

Ad II. Dicitur, quod visio beatifica est etiam desiderium, seu includit in se quoque desiderium, quatenus ea nullum fastidium, nullum tedium, in Beatis ingenerat, sed continuam delectationem producit, & perenne gaudium, absque nausea, & sine stomacho, imperit. Et ita S. Gregorius 18. Moralium c. 28. praefata verba interpretatur.

Ad III. Testimonia Scripturarum de Jacobo, & de Moysse, intelligenda sunt metaphorice, non proprie; quemadmodum sunt intelligenda Scripturarum, & Patrum testimonia, quae a nobis afferuntur ad supernaturalem Dei visibilitatem probandam. Ratio autem quare illa metaphorice intelligi debeant, & haec proprie, habebitur inferius, quando de Dei visione in hac vita erit sermo.

Ad IV. Hieronymus intelligendus est de visione, quae fit per oculus corporis, non vero per oculus mentis. Et ita de sacro

Augustinus ep. 3. Hieronymi verba intellexit: *His verbis vir doctissimus satis ostendit, quid etiam de futuro saeculo senserit, quod ad rem attinet. Quantumlibet enim oculi corporis nostri mutantur in melius, Angelorum oculis aequabuntur. Supponit enim Augustinus, nec etiam ab Angelis videri, quos creditur oculis non esse expertes. Ceterum idem Hieronymus in Commentariis ad c. 6. Isaiae habet: Non solum Patris Divinitatem, sed et Filii quidem, & Spiritus Sancti; (hoc est, ut antea dixerat, nemo vidit unquam) quia una in Trinitate natura est, posse oculos carnis aspicere, sed oculos mentis. Et concludit tandem, quod Dei natura non eternitur, (nempe corporis aspectu, ut ait Peravius) sed videtur ab hominibus, ut voluerit.*

Ad V. Ambrosius loquutus est de comprehensione, non de simplici intuitiva visione; quod quidem ex sequentibus verbis ejusdem ostenditur: *Ideo Deum nemo vidit unquam, quia eam, quae in Deo habitat, plenitudinem Divinitatis, nemo conspexit; nemo mente, aut oculis, comprehendit.*

Ad VI. distinguitur major: Plus distat Deus a Potentia creata, quam Angelus ab oculo corporeo, entitativae, conceditur; obiectivae, negatur. Scilicet quoad entitativam plus distat, sed non quoad proportionem habitudinis potentiae ad objecti sui latitudinem.

Ad VII. negatur minor, si intelligatur de proportionem obiectiva; quia quavis creatus intellectus cum essentia divina, quae est objectum infinitum, nullam habeat proportionem in ratione entitativae, sunt enim in diverso genere, finitum scilicet, & infinitum; habet tamen proportionem in ratione objecti; quia Deus est summe verus, & est summe bonus, & proinde continetur intra latitudinem objecti adequati mentis, & voluntatis creare. Igitur inter objectum, & potentiam sufficit proportio geometrica, & aliqualis in linea praedicamentali; non autem requiritur proportio arithmetica, seu ad aequalitatem in ratione numeri. Inter Deum, & creaturam, haec secunda non reperitur, & illa prima est sufficiens.

Ad VIII. distinguitur antecedens; potentia cognoscitiva Dei nequit esse minoris perfectionis, quam sit ipsemet Deus, si talis potentia sit sua per essentiam cognitio, vel intuitio, qualis est illa Dei, conceditur; si contingenter se habeat, negatur. Vel negatur absolute antecedens; ad cujus probationem negatur prima consequentia; &

ad

ad huius probationem distinguitur antecedens; majorem dicit perfectionem in ratione ordinis, conceditur; intensive, negatur. Explicatur distinctio. Sicut enim accidens supernaturalis, in hypothesi Aristoteleorum, eo quia est in supernaturalis ordine, est quacunq; naturali substantia perfectius; ita cognoscitiva potentia, eo quia vitalis est, est quacunq; po-

tentia productiva non vitali perfectior; quanvis hæc sit nobilissimorum entium productiva, illa vero infimorum entium cognoscitiva. At hæc major perfectio est tantum in ratione ordinis; loquentes in ratione intensivæ perfectionis, perfectior est potentia productiva, quam cognoscitiva; quia illa dat esse effectui, non autem hæc.

DISSERTATIO LIII.

De Vindiciis pro priscis Patribus, præcipue Græcis, ab errore, qui iisdem impingitur, contra possibilitatem intuitivæ Dei visionis.

S Joannes Chrysostomus, unus ex quatuor Græcis Ecclesiæ Doctoribus, Constantinopolitanus Archiepiscopus, ac doctissimus simul & zelantissimus Patriarcha, ille est, qui præ cæteris erroris hujusce insinuat, contra intuitivæ Dei visionis possibilitatem. Proinde eundem ipsum primo loco suscipimus vindicandum a secula, qua inurit, impostura; Et hoc effecturos nos credemus, si Deus propitius nobis fiet, dum probabimus quidem, tantum abesse, ut Doctor iste contra hoc Fidei dogma senserit, quod potius pro eodem scripserit perspicue, & fortiter etiam declamasse, ostendamus. Occasio autem, unde aliquando Chrysostomum, aliosque Græcos Patres, Nazianzenum scilicet, Nysenum, Basilium, Theodoretum, &c. comperimus, durius, quam par erat, loquutos fortassis fuisse contra possibilitatem illam, ea fuit, quæ illos fortissime urgebat, ad Aetium, & Eunomium, illorumque Affectus, Anomæos scilicet, confutandos. In eo enim pugnae æstu potuit verbum a calamo excidere, quo pariem unam profligantes, in aliam etiam irruisse, visi sunt. Et si vere non fuit hæc ratio, unde Patres illi scripserint, quæ ipsis vulgo opponuntur; fuit tamen certissime occasio, ex qua moti sunt Scriptores, ut eadem illis, sine ratione, etsi non sine occasione, opponerent. Quod vero aliquando Chrysostomus, alique, obsecutus loquuti fuerint, utcunque sit, admissio; ad illorum, tamen exactam intelligentiam acquirendam, non est opus nobis, ut ad alios potius, quam ad eosdem

illos; recurramus. Ipsorum verba eorundem exponuntur verbis; sicque abstractus, mens priorum sequentium clariare explicabitur. Contextus proinde adhibebimus, ut enucleemus textus; quod potissimum fiet, illorum verba explicando, vel de comprehensibilitate, vel de corporea visibilitate, vel de intellectuali in hac vita, vel de intellectuali naturali, non supernaturali; unde nullum profecto obstaculum contra supernaturalem Dei visibilitatem poterit quoquo modo evenire.

Hæc sunt testimonia Chrysostomi pro supernaturali intuitiva Dei visibilitate, quæ adducimus primo loco; secundo deinde adducemus testimonia, quæ ab aliis dicuntur eidem Dei visibilitati contraria; & eadem conabimur pro viribus recto, ac germano sensu intelligere, ac propugnare. I. hæc scribit Chrysostomus in Patrenesi 1. ad Theodorum lapsum c. 7., ad verba illa, Matth. 17. *Nonne est nos hic esse. Quid dicemus, quando, regis cubitulis adaperitis, intrare licebit ipsum Regem, non per speculum, nec per ænigma, sed facie ad faciem?* II. in homil. 3. ad Epist. ad Philipenses, ad verba illa Psal. 41. *Quando veniam, & apparebo ante faciem Dei:* ita declamat: *Vide urgentem hominem, vide inflammatum, sciens enim se, cum bine recesserit, Deum esse visurum, non expectat quidem dilationem.* III. in Oratione pro S. Philogone hæc effatur: *Hic quidem nemo Deum vidit, illic autem, qui adsunt, perpetuo vident, quatenus illum videre licet, non solum præsentem, verum, etiam gloria splendore condecorantem.* IV. homilia 15. in Joannem docet, si quando-

cun-

enque ipse scripserit, neminem vidisse Deum, id intelligi velle de eo cognitionis modo, qui soli Verbo Dei convenit, qui quidem est comprehensionis modus. *Quorsum istud? Nemo novit Patrem, nisi Filius; & au omnes in ignorantia versantur? Absit. Sed nimirum nemo novit, ut Filius. Quemadmodum ergo multi illum viderunt, pro eo ac videndi capaces erant, ejus essentiam nemo vidit illorum: Sic multi Deum novimus: Hujus essentiam nemo scit, hoc est, quid tandem ea sit, prater illum solum, qui ab ipso genitus est. Nam cognitionem ibi vocat accuratam contemplationem, & comprehensionem, ac tantam, quantum Filii notitiam habet Pater.*

Modo Chrysostomi testimonia perscrutemur, quibus dicunt intuitivæ Dei visionis possibilitatem negasse. I. in Commentariis ad Evangelium Joannis, ad verba illa Joann. 1. 18. *Deum nemo vidit unquam. Unigenitus Filius, qui est in sinu Patris, ipse enarrauit. hæc habet: Deum, cujusmodi est in se, non solum Propheta, sed nec Angeli viderunt, nec Archangeli. Sed si ipsos interroges, audies nihil tibi quidem de substantia ipsa respondentem: Verum gloriam in excelsis tribuentes Deo, & in terra pacem, in hominibus bonam voluntatem, &c.* Post quæ addit: *Solus ipsum videt Filius, & Spiritus Sanctus. Etenim natura creata omnis qui tandem increatum illum potest videre? Nam si quavisque virtutis corporis expertis, tametsi scella sit, claræ contemplationem capere non possumus: idque sæpe in Angelis ostensum est: multo magis illius ferre non poterimus, quæ & corpore caret, & est increata.* II. in eodem loco subdit: *Quod autem videri ipse nequeat non solum ab hominibus, sed neque ab celestibus virtutibus, Paulus ostendit. Cum eum dixisset: Manifestatum esse illum in carne; subjicit statim: Visum esse Angelis. Itaque Angelis etiam ipsis tunc visus est, quando carnem induebat. Antea vero non sic illum videbant; quoniam ipsis etiam non erat aspellabilis substantia.* III. Ibidem opponens sibi illud Matth. 18. 10. *Angeli eorum semper vident faciem Patris mei, qui in caelis est:* Reponit, non inde sequi, videri essentiam Dei ab Angelis; sed verba illa intelligenda esse, sicut intelliguntur hæc alia Matth. 5. 8. *Beati mundo corde, quoniam ipsi Deum videbunt;* quæ quidem sic esse accipienda tradit, ut per illa concipiamus mentis intuitum, qui ad captum nostrum temperatus est, & notionem Dei, quam habemus. Sic etiam in Angelis accipiendum est: propter puram ipsorum, ac vigilem naturam, nihil ipsos aliud, præterquam Deum, animo unquam videndum sibi proponere. IV. In Orat. 3. con-

tra Anomæos, hæc de Deo loquitur: *Quem nec investigare possunt Angeli, nec scrutari Archangeli, nec videre Seraphim, nec Cherubim percipere, nec videre Principatus, & Potestates, ac Virtutes: Uno verbo, quem nulla creatura intueri potest; sed quem solus Filius, & Spiritus Sanctus cognoscunt.* V. Ibidem de Angelis hæc addit: *Atqui non merum ipsum lumen ininibantur; neque sineam ipsam substantiam. Sed quadam Dei se dimittentis accommodatio fuit id, quod videbatur. Quid est autem accommodatio sui? Quando non ut est Deus apparet; sed ut capere potestis, cui videndi sit facultas, ita seipsum exhibet, pro intuitum imbecillitate visionis exhibitionem exhibens.* VI. in eodem loco docet, Prophetam Isaiam non diversimode vidisse Deum, quando cap. 6. narrat, se Deum in throno apexisse: *Cum Propheta, vidisset Deum, ait, non est suspicandum, illum ab ea visam esse substantiam; sed ipsam potius demissionem ejus, & accommodationem, & eam obscuram, quam celestes illa virtutes aspicere. Non enim tantum intueri possent, quantum Cherubini.*

Respondemus ad I. quod verba illa intelliguntur de incomprehensibilitate Dei, non vero de ejusdem visibilitate intuitiva. Et sic respondent Theologi communiter, inter quos P. Boucat, Juennius, Du Hamel, &c. Attamen Petavius asserit, responsionem hanc non esse ad rem. Ratio ipsius est, quia comprehensio, prout modo a Scholasticis explicatur, erat antiquis Patribus incognita, adeoque non poterant de illa loqui, quando de Dei invisibilitate loquebantur. Verum licet vox hæc comprehensio apud illos non idem significaret, quod modo apud Scholasticos significat, prohibentur nihilominus a Patribus voces, quæ æquivalent significato comprehensionis, prout modo intelligitur. Sicque si non erat apud illos vox comprehensionis, erat tamen significatio illius; ut bene illorum verba perpendenti innotescit. Et hoc sufficit, ut bene possimus præfata de comprehensione, non de intuitiva tantum visione, intelligere.

Ad II. dicitur, quod Chrysostomus scribebat contra Anomæorum errores. Anomæi duos errores proferebantur; quorum unus erat, Deum intuitivè in hac vita videri; alius vero, Deum etiam comprehendere. Contra primum dicit S. Doctor, quod nec etiam Prophetæ viderunt in hac vita, Deum intuitivè, sed solum in similitudinibus; & rationem dat, quia Deus non est descriptibilis. Contra secundum ait, quod

quod Deus a suo solo Unigenito, qui est in sinu Patris, & hæc per ipsum eadem est cognitio, ac per nos est comprehensiva. Unde ait P. Boucar, quod Chrysostomus duplicem distinguit visionem, infinitam, & finitam. Infinita est comprehensiva, quæ est in sinu Patris, & ipsi confubstantialis; & hæc soli Filio convenire, asserit. Finita modo ab ipso vocatur intuitiva, modo imaginaria; intuitivam pro Beatissimis esse scribit, imaginariam pro Viatoribus.

Ad III. eadem est responsio; & subdiximus, quod quando apud Chrysostomum legitur, visionem Sanctorum esse revelationem, vel esse permissionis, intelligitur quod sit per gratiam; & quando dicitur, quod est obscura, intelligendus est de cognitione, quam Sancti habent in terris, non vero in ecclis. Pariter Chrysostomus vocat visionem, quam habent Angeli de Deo, condescensum; & per hunc intelligit visionem finitam; & artemperatam capui intellectus, non vero visionem obscuram, nisi pro Viatoribus tantum. Appellat etiam visionem, quam de Deo possumus habere, imaginationem; sed comparative ad visionem comprehensivam, non vero excludendo intuitionem.

Ad IV. V. & VI. pari modo respondetur; & superaddimus, quod quando dicit S. Doctor, Deum esse inaccessibleem, invisibilem, intelligit, esse incomprehensibilem. Et patet hoc, quia quandoque dicit, esse ineffabilem, quia est invisibilis. Ineffabilis autem ideo est ex dictis, quia est incomprehensibilis; ergo idem est apud ipsum, esse invisibilem, ac esse incomprehensibilem. Et denique quando dicit, quod Verbum fuit visum ab Angelis, quando induit carnem, non autem antea; intelligendus est de comprehensione, quam Angeli non habebant de Deo, quanvis haberent de homine. Cætera apud præfatum P. Boucar legi possunt.

II. Occurrit S. Cyrillus Hierosolymitanus, qui in catechesi 6. exponens verba illa Joannis 1.18. *Deum nemo vidit unquam*; quaerit, cur ergo scribatur, *Angelos videri faciem Patris*? Et respondet: *Videre Angelos Deum, non sicut Deus est, sed quantum capere ipsi possunt*. Et in sequenti catechesi addit: *Qui est ex Deo; ipse vidit Deum*. Cujus faciem Angeli semper vident in talis. Vident autem pro mensura quisque ordinis sui. Cæterum pura, & liquida Patris visio proprie Filio, ac Spiritui Sancto reservatur. Hæc Cyrilli verba ab ipsomet Petavio de compre-

P. A. R. I.

hensione explicantur; unde ait lib. 7. c. 5. *Hæc Cyrilli verba communem ad sensum, & sententiam, hæc invita trahuntur; ut hoc tantum significent, non plene, & ex toto, videri ab Angelis Dei substantiam*. En quomodo Petavius ipse agnoscit, & fateatur, ab antiquis Patribus fuisse cognitam comprehensionem, scilicet id, quod modo nomine comprehensionis venit, etsi apud illos vox hæc comprehensio non illud idem importaret, quod modo apud Scholasticos sonat.

III. Venit S. Gregorius Nyssenus 1.1. orat. 6. de Beatitudinibus, ubi asserere videtur, Dei naturam per se, unum esse, videri non posse; & omnem comprehendendi solertiam effugere; quippe conjugalibus omnibus notitiis inaccessiblei esse. Ad quæ Petavius ait, intelligenda esse de ea cognitione, quam in præfata vita homines consequuntur. Atque ita pariter explicare verba Marth. 5. *Beati mundo corde, quoniam ipsi Deum videbunt*. Scilicet, ut ex operibus confideremus Deum, & eundem intra nos habemus; & hoc pacto eveniet, ut duplici fruamur bono. Cæterum idem Nyssenus lib. 1.2. cont. Eunomium ait: *Non esse in hominum natura vim ad accuratam perceptionem divina substantia. Ac fortasse parum est hoc de sola vi humana pronuntiare; Verum etiam si quis naturam corporis experiret inferiorem, istud dicit, quam ut infinitam naturam capere, & completè cognitione possit, non ille penitus aberrabit*. Hæc autem verba quoniam non percipit, de comprehensione tantum esse, non vero de simplici intuitiva Dei visione, ut ipsomet Petavius fateatur?

IV. Adest S. Gregorius Nazianzenus, qui orat. 34. primo dicit: *Deum animo comprehendere, omnino impossibile esse*; & deinde subjungit: *Atque hæc scio, an hoc quoque sublimioribus illis, & intelligentibus naturis negatum sit; quia quia Deo propius conjuncta sunt, & toto illo splendore illustrantur, perspicuam fortasse notitiam habeant; etsi non penitus: perfectiorem tamen, expressioremque nostra; atque alia itidem aliis aberiorem, aut parciorem, pro ratione ordinis ejusque*. Quibus verbis loqui Nazianzenum de comprehensiva Dei cognitione, ut modo Scholastici eam intelligunt, Petavius quoque concedit. Quam etsi non neget aperte de Angelis, immo etiam dubitet; atamen hoc scribere, ait, Oratorum more, & per figuram, quam Græci dicunt *μικροί*; & est, quando utimur leviori verbo, quam pro rei merito, & dignitate.

V. S. Basilus lib. 1. contra Eunomium docet: *Non solum homines, sed etiam ratione,*

E f

pra-

præditam naturam omnem arbitror, superare comprehensionem illius. Ratione porro præditam dico naturam, quia quidem creata sit. Nam soli Filio corporis est Pater, necnon Spiritui Sancto. Omnes Basilium interpretantur de Dei notitia perfecta, & omnia penetrante, qualis est comprehensio. Et hoc vel maxime, quia subdit de Spiritu Sancto illud 1. Cor. 2. scrutari profunda Dei. En comprehensionis profunditas. Tum etiam, quia paulo inferius dicit, Dei substantiam esse, & in eo, scilicet, nunquam esse, circum assestibilem, præterquam unigenito Filio, & Spiritui Sancto. Quod absque ambiguitate comprehensionem sonat.

VI. S. Cyrillus Alexandrinus 32. Theaur. scribit: Nullam creaturarum rerum intelligentiam divinam substantiam amplecti nullo modo posse: Eo quod omnem superet mentem, & omnem intelligentiam excedat præstans illa, & incorrupta pulchritudo: ut a se ipsa sola id quod est, suapte natura, cognoscatur. Intelligenti pariter Cyrillum de comprehensione Theologi, prout modo illam accipiunt, quemadmodum quoque interpretantur S. Dionysium Areopagitam, quem tenent Auctorem esse libri de divinis nominibus c. 4. ubi ait: ipsum Dei secretum quid sit tandem neminem vidisse, neque porro esse visum; & initio libri: supersubstantialem infinitatem mentibus omnibus superiorem esse; prout quoque cum S. Maximus martyr exponit: Cæsarium Dial. 3. scribentem: Denique secundum naturam ut a Cæribus quidem conspici; ac propterea præteritis penitis suis illos velare faciem suam: quod illam capere nequeant. Ad quæ respondet Petavius: Quæ sic interpretari licet, ut supra demonstravimus: ut de perfectio, & omnia comprehendente, Dei contritu loquantur.

VII. Theodoretus, Episcopus Cyræ, contemporaneus fuit S. Cyrillo Alexandrino, & quandoque contrarius, quia ab initio Nestorii fautor probabatur. Cæterum, deinde Nestorium infestatus, Cyrillo adhæsit, ut ex Concilio Ephesino, & ex Concilio Chalcedonensi, in quo inter Catholicos admixtus apparuit, satis eruditus omnibus innotescit. Hic ergo talia dicit contra possibilitatem intuitivæ Dei visionis, ut Petavius cum excusare diffidat; contra vero P. Boucat totis viribus illum defendit. Opponunt illi, quæ scripsit Dialog. 1. in quo Orthodoxus sic loquitur Eutichiano: Alicui ergo ratiocinatione opus est: divinamque naturam sub aspectum cadere posse dicimus, An non credimus Apostolo, qui dicit, immortalis, invisibilis, soli Deo?

Ad hæc respondens, quod vel Theodoretus loquatur de comprehensiva visione Dei, contra Anomæos; vel de intuitiva, in hac vita, & viribus naturæ acquisita, contra eosdem; vel de eadem intuitiva, per oculum corporeum, qualem se habere Eutichiani iactabant. Eandem responsionem opponunt cæteris Theodoreti verbis, quæ contra catholicum dogma videntur esse. Pro eodem vero Theodoretus afferunt sua verba in Historia sanctorum Patrum, quam ipsemet dicit Religiosam, & præcipue in vita B. Jacobi Anachoretæ; & in vita S. Eusebii; sed multo clarius in cap. 2. epist. ad Ephesios v. 7. ubi explicans verba Apostoli: Ut ostenderet in seculis supervenientibus abundantes divitias gratiæ suæ; hæc scribit: Nunc enim bonorum, quæ speratur magnitudo est quidem omnino ignota fidelibus, fideles autem vident tanquam in speculo, & in enigmate, tunc autem videbunt facie ad faciem: tunc fideles, & infideles videbunt naturam ex nobis assumptam ab omni creatura adorantem, & Sanctos hæc regnantes.

Theodoretus adiunguntur Theodorus Mopsuestenus, Basilii Seleucienfis, Titus Bo-strensis, Anastasius Sinaitæ, Oecumenius, Insuper Auctor Homiliæ de sanctissima Deipara, qui dicitur Athanasius; sed Athanasius revera non est. Item Auctor Dialogorum de sancta Trinitate, qui etiam Athanasio, sed falso, attribuitur. Origenes etiam in libro Periarcho; sed descendit a Petavio, & verborum ambiguitas Rufini flagitio tribuitur. Hi omnes sunt Patres Græci, quorum verba eodem modo possumus interpretari, quo Chrysostomi, & Theodoreti, aliorumque supra recensitorum Patrum testimonia interpretati sumus. Scilicet quod, vel fuerint loquuti de comprehensiva Dei visione, quæ cuicunque præter Deum est incompatibilis; vel de visione intuitiva in hac vita; vel de intuitiva pariter visione naturæ viribus, & sine divino auxilio habita; vel tandem de visione oculi corporei; de qua nos etiam insequentibus loquemur, tum de facto, tum de possibili.

Adiunguntur quoque Patres Latini, & præcipue Hieronymus in commentariis ad cap. 1. Isaie; Ambrosius in commentariis ad Lucam, & alibi; Eucherius Lugdunensis in libro de formula spiritualis intelligentiæ, & in c. 4. in Exodum. Hieronymi, & Ambrosii, verba saniori ratione, in præcedenti Dissertatione explicavimus; & Hieronymum ex Augustino ostendimus,

erro.

errorem, quem insectamur, nullibi prius docuisse. Ambrosium quoque diximus, loquutum fuisse de comprehensiva Dei cognitione, quam omnino creato intellectui negat; tam in commentariis ad Lucam, quam in libro de incarnatione c. 3., vel potius hoc in ultimo loco intellexisse de oculo corporeo, ut legentibus clare paret. Eucherius autem Lugdunensis cit. loc. hæc habet: *Invisibilis est, quia in essentia sua videri omnino non potest, Apostolo attestante, qui ait: Quem nullus hominum vidit; sed nec videre potest. Et in Evangelio; Deum nemo vidit unquam.* At Scripturarum verba, quæ Eucherius usurpat, sic ab Isidoro Hispalensi in libro Originum exponuntur. *Invisibilis, quia nunquam per substantiam suam apparuit mortalium oculis Trinitas, nisi per speciem subiecta creatura, ejusdemque corpo-*

rea. Nam nemo potest ipsam maiestatem essentia videre, & vivere: Sicut dictum est Moyse. Unde & Joannes in Epistola sua dicit: Deum nemo vidit unquam. Res est enim invisibilis, ideoque non oculo, sed corde, querendus est. Denique Petavius affert sequentia Primasii verba, in Scholia ad cap. 13. primæ epistolæ ad Corinthios, per quæ exponuntur verba Apostoli: *Tunc cognoscam, sicut & cognitus sum; & hæc sunt: Cognosciam tunc Deum, & quæ sunt Dei. Tamen in quantum potest de Deo mens humana cognoscere. Nam quis potest Deum, ut est, scire? Attamen ad verba ista subdit Petavius hæc, quæ sequuntur: Verum extra erroris invicem iste est locus; immo vero necessario ita conceptus est: no quis ob Apostoli verba persuaderet sibi, tam perfectam Dei notitiam adepturos homines, quam habet hominum modo Deus.*

DISSERTATIO LIV.

De Demonstrabilitate Possibilitatis Visionis Dei intuitivæ; & de Appetitu rationalis Animæ ad Deum intuitive videndum.



UÆSTIO mere scholastica est, an Possibilitas intuitive visionis Dei possit naturali ratione demonstrari? Et quanvis communiter dicatur, possibilitatem hanc posse naturali

ratione probari, fere tamen omnes defendunt, demonstrari non posse. Ab hac eadem questione dependet, an detur appetitua naturalis in creato intellectu ad Deum videndum? Quod quidem ex mox dictendis parebit. Quod naturali lumine constet, evidenter negative esse possibile creato intellectui visionem Dei; seu, quod idem est, quod nulla appareat evidenti contradictio, quæ evincat impossibilitatem divinæ visionis; in confesso est apud omnes. Solum igitur intelligitur questio de positiva probatione, seu demonstratione; in qua dividuntur in partes Scholastici, quibusdam defendentibus, quod nec demonstrari, nec probari, possit; aliis asserentibus, quod probari quidem possit, non autem demonstrari; & paucia quoque tueribus, quod non solum probari possit, verum quoque demonstrari.

P. Magnanus in numero est posteriorum, per
P. A. R. I.

culari quidem demonstratione probare, intendenda possibilitatem divinæ visionis; quam sic proponit: Naturaliter nobis est evidens, Deum, ut abstractivè cognoscibilem contineri intra spheram objecti specificativi intellectus creati, ut creati; sed etiam naturaliter patet, Deum secundum se esse ab aliqua intellectiva potentia, saltem increata, intuitive visibilem; ergo etiam naturaliter patet, esse a creata mente Deum supernaturaliter intuitive visibilem.

Explicatur hæc ratio. Intra adæquari objecti intellectus creati latitudinem Deus continetur, quantum scilicet ad abstractivam cognitionem spectat; & hoc naturaliter patet; naturaliter enim in ejus cognitionem ex creaturis devenimus. Patet ulterius, Deum secundum essentiam intelligibilem esse, si intellectus inveniat potens ipsum videre, & nisi voluntarie speciem suam quidditativam subtrahat. Sit exemplum in sole. Sol est visibilis, & videretur quidem, si oculus valeret suum jubar sustinere. Quod autem non videatur, non solis, aut oculi est imperfectio. Ita similiter in Deo. Potest nihilominus solis jubar su-

ff 2 sine-

finiri, si temperamentum aliquod sit, quo, vel oculo splendor, vel oculus splendori, proportionetur. Primo modo, si species solis remissior detur. Secundo modo, si visiva potentia perfectior fiat: Sic etiam, temperamentum aliquod reciprocum inter divinum splendorem, & intellectivam potentiam, potest pariter insitui; sicque potentia objecto proportionabitur. Hæc omnia naturaliter sunt evidentiæ; ex quibus ulterius fit evidens, posse Deum a creato intellectu intuitive videri, dato auxilio supernaturali ex parte Dei in intellectu, si Deus suum remittat fulgorem, vel si oculum elevari, vel si partem elevari, & pro rata objectivam speciem remittat.

Offenditur modo, aliam rationem naturalem esse, & esse quoque demonstrationem. Primo verissima est major propositio; nullam enim invincibilem ignorantiam de Deo in via habere possumus, etiam in naturæ viribus sistendo: ergo potest Deus naturaliter a nobis abstractivè videri: ergo naturaliter est evidens nobis, Deum ut abstractivè cognoscibilem contineri intra sphaeram objecti specificativi intellectus creati, ut creati. Verissima etiam est minor; Deus enim secundum se est maximum, & perfectissimum ens: ergo maximum, & perfectissimum verum: ergo maximum, & perfectissimum intelligibile. Omnia ex metaphysicis naturaliter sunt evidentiæ. Consequentia tandem est optime deducta; naturaliter enim cognoscimus, Deum a nobis abstractivè cognitum non esse visum intuitive; quatenus non eadem videtur claritate, qua objectum, aliquod creatum intuitive visum exprimitur; scimus etiam naturali lumine, Deum in se ipso esse intuitive visibilem ab aliqua visiva facultate; ex alia parte naturaliter etiam habemus, nos Deum non videre, non defectu ex parte objecti se tenentis, sed ex parte potentiae; ulterius habemus quoque naturaliter, dari posse proportionem inter potentiam, & objectum illud, quod intra sphaeram ejusdem est potentiae; ergo ex istis præmissis bene naturaliter inferitur, saltem aliquò dato elevativo, Deum esse a nobis intuitive visibilem.

Modo pertractandam suscipimus secundam. Dissertationis partem, examinando communem rationem naturalem, qua Scholastici utuntur, ut probent, possibilitatem intuitivæ visionis Dei esse demonstrabilem. Sic ergo discurrunt: Inest homini naturale desiderium, & innatus appetitus, Deum intuitive conspiciendi; sed natura-

le desiderium, & innatus appetitus, ad aliquod impossibile non potest esse: ergo possibile est homini Deum videre.

Explicatur hæc ratio. Appetitus innatus ab Appetente non distinguitur, sed in ejus enitente consistit, ut ad rem appetitam propensa. Unde nisi alias impediatur, ex suis intrinsicis habet rem appetitam necessario ponere. Hæc autem intrinseca necessitas est tractio, & propensio ad rem, ad quam necessitatur; adeoque metaphorice appetitus dicitur, quatenus per similitudinem ad voluntatis inclinationem, quæ proprie per amoris actum ad objectum amatum, trahitur, & fertur, ita & appetens ad objectum appetitum. Appetitus autem elicitus est quid Appetenti superadditum, quatenus per ipsum appetens non necessitatur, sed ex se est indifferens, quum modo trahatur, modo non, ad objectum suum. Hinc habetur, veram esse minorem propositionem; appetitus enim innatus consistit in appetentis intrinseca necessitate rem appetitam habendi, quando ab aliquo potentiori non impeditur; sed ista necessitas esset realiter impossibilis, si res appetita implicaret: ergo appetitus innatus ad aliquod impossibile non potest esse. Elicitus autem ex objecti cognitione oritur secundum quod in mente relucet; sed objectum impossibile quoad existere potest falso, ut possibile relucere: ergo ex objecti impossibilis cognitione quoad existere potest bene appetitus elicitus ad illud sub ratione falsæ possibilitatis oriri, non sic autem in appetitu innato, ut diximus. In intellectu etiam, & voluntate, sicut & in aliis, ex dictis, appetitus innatus arguitur circa actus illos, quos ex se ipsis necessario ponerent, si aliunde non impedirentur. Appetitus autem, vel est ad finem, & eo habito, quiescit appetens; vel ad medium, & eo habito ulterius appetens progreditur, ut finem acquirat. Hinc major argumenti suadet. Adei in creato intellectu appetitus innatus ad aliquam habendam, alicujus objecti cognitionem, & quidem tanquam ad finem; intellectus enim, si a somno, vel aliunde, non impediatur, non potest ab omni cognitionis actu se cohibere: Igitur ab intrinseco habet appetitum innatum ad aliquem actum, saltem indeterminate; sed hic appetitus intellectus nequit esse ad quancunque objecti creati cognitionem, nec etiam ad abstractivam de Deo: ergo remanet, quod sit ad intuitivam ejus visionem. Minor patet; in quavis enim creati objecti cognitione, etiam in

in abstractiva Dei, intellectus non quiescit: ergo huiusmodi cognitiones non sunt finis sui appetitus. Antecedens etiam est clarum; quia intellectus adaequatam cognitionem objecti non habet, quando ipsum abstractivè, non intuitivè, cognoscit: ergo nequit in ipsa quiescere. Ulterius fit: voluntas bono creato non satiatur, ita nec intellectus.

Refellitur tamen hæc communis ratio. Ratio hæc probare intendit, intuitivam Dei visionem esse finem naturalem hominis; sed hoc est contra omnes Patres, Theologos, & rationes: ergo non est subsistens. Probatur sequela. Dista ratio probat, intellectum creatum intuitivam Dei visionem appetitu innato appetere; sed appetitus innatus appetenti intrinsecus ex necessitate rem appetitam ponit, nisi ab extrinseco impediatur: ergo intellectus creatus, quantum est de se, ex suis intrinsecis intuitivam Dei visionem consequeretur, nisi ab extrinseco impederetur; sed hoc ipsum est talem visionem esse finem hominis naturalem: ergo vere ex illa ratione sequitur, intuitivam Dei visionem esse finem hominis naturalem, quod probare intendit. Probatur minor. Finis naturalis est ille, qui per naturæ vires intrinsecas haberi potest, licet aliunde possit ab extrinseco impedi, ut in lapide centrum appetente: ergo vere idem est, intellectum habere appetitum innatum ad intuitivam Dei visionem, ac Dei visionem intuitivam esse finem naturalem creati intellectus.

Refellitur secundo. Prædicta ratio nititur probare appetitum innatum in intellectu creato, sed non probat: ergo insufficiens est. Probatur antecedens. Appetitus innatus appetenti intrinsecus, nisi ab extrinseco impediatur, necessario ex suis intrinsecis rem appetitam ponit; ut in præfata ratione dicebatur; sed intellectus creatus, quantumvis ab extrinseco non impediatur, ex suis intrinsecis nihilominus Dei visionem ponere non potest: ergo vere ratio illa non probat quod probare intendebat. Probatur minor. Intellectus creatus a nemine impeditur: ergo debet ponere visionem; atqui non ponit: ergo intellectus creatus, quantumvis ab extrinseco non impediatur, ex suis intrinsecis nihilominus Dei visionem ponere non potest. Probatur antecedens. Si impederetur, tale impedimentum quomodo sit extrinsecum, non nisi a Deo, sive immediate, sive mediate, procederet; sed Deus non impedit: ergo intellectus creatus a nemine impedi-

tur. Probatur minor. Hoc impedimentum a Deo proveniens est inassignabile, nisi dicatur, Deum impedire per subtractionem sui concursus; sed Deus suum concursum generalem præbet cuilibet visivæ facultati, ut videat; immo præbet etiam specialem, quatenus se ultro videndum, intuitivè exhibet: ergo vere Deus non impedit.

Refellitur tertio; quia ex suis intrinsecis ponere non potest intuitivam Dei visionem creatus intellectus. Et hoc probatur primo, quia Deus, ut intuitivè visibilis dicitur objectum supernaturale, proindeque excedens vires naturæ creati intellectus. Secundo, quia de facto non est impeditus creatus intellectus, ut probatum est; & tamen de facto intuitivam Dei visionem non ponit ex suis intrinsecis tantum: ergo ideo non ponit, quia ex suis intrinsecis tantum non potest illam ponere.

Arguunt I. eum Illustrissimo P. Palanco ex S. Augustino lib. 13. de Trinit. c. 8. & 9. ubi de vera, & supernaturali beatitudine, quæ consistit in visione Dei, hæc scribit: *Hæc utram capiat humana natura, quam tamen desiderabilem confiteretur, non parva questio est. Sed si fides adsit, nulla questio est. Humanis quippe argumentationibus hæc invenire conantes, vix pauci abundant præditi ingenio, abundantes otio, delirantque subtilissimis, accedunt, ad indagandam solius animæ immortalitatem pervenire potuerunt; qui tamen animæ beatam vitam non invenimus stabilem, id est veram: ergo ex Augustino indemonstrabilis est solus naturæ luminis.* II. Supernaturale in se non est naturaliter cognoscibile, & multo minus est demonstrabile; sed intuitiva Dei visio est quid iam se supernaturale: ergo non est naturaliter cognoscibile, & multo minus est demonstrabile. III. Trinitatis mysterium, nequit naturaliter cognosci; atqui hoc non aliunde, nisi quia de essentia rei supernaturalis est, non posse naturali ratione cognosci: ergo pariter intuitiva Dei visio, quia supernaturalis est, nequit naturaliter cognosci, & demonstrari. IV. Etiam si ex desiderio possit argui cognitio, quia, tamen substantia spiritalis non habet naturale desiderium ad finem ultimum determinare sumptum, hoc est ad possessionem objecti, quod est Deus, in quo cognoscat positam rationem ultimi finis; sed iam habet desiderium ad ultimum finem acceptum indeterminatè, scilicet ad beatitudinem in communi; ex hoc fit, quod quomodo sit desiderium indeterminatum, ita etiam, in-

indeterminata erit cognitio; ac proinde ex desiderio sic indeterminato non poterit argui, & probari, clara, & intuitiva Dei cognitio. V. Possibilitas intuitivæ visionis Dei non est demonstrabilis a priori, neque a posteriori: ergo nullo modo est demonstrabilis. Probatum antecedit. Non a posteriori, quia visio talis nullum habet effectum, per quem demonstretur; neque a priori, quia visio non habet causam naturalem, quæ evidenter cognoscatur, & per quam evidenter etiam deducatur. VI. Visio beata est supernaturalis: ergo non potest cum ipsa habere necessariam connexionem res aliqua naturalis: ergo non potest ipsa per hanc demonstrari. Probatum prima consequentia. Ex eo quod visio beata est supernaturalis, est supra exigentiam cuiuscunque rei naturalis; ex eo quod cum ipsa haberet necessariam connexionem res naturalis, res naturalis importaret exigentiam necessariam alicujus supernaturalis; sed dicit contradictionem exigi a re naturali quod est supra exigentiam cuiuscunque rei naturalis: ergo eandem contradictionem importaret, Dei visionem posse per naturalem medium demonstrari.

Respondemus ad I. Augustinum loqui de comprehensione Dei, non de visione, quum dicat, *utrum capiat humana natura*. Capere non est tantum videre, sed est comprehendere. Uterius; Augustinus illud nec affirmat, nec negat, si aliter, quam de comprehensione Dei intelligatur, sed tantum dicit, in questione esse. Denique, Augustinus asserit, quod antiqui Philosophi non invenerunt, sed non quod invenire non potuerunt.

Ad II. negamus absolute maiorem. Supernaturale enim quod objectivam connexionem habet cum nostro intellectu non repugnat, abstractiva licet cognitione, naturaliter demonstrative cognosci posse; quanvis aliunde de ipsius essentia sit, ut nequeat naturaliter obtineri. Supernaturale porro illud dicitur, quod supra naturæ est; quod scilicet ejus conditioni, vel activitati, non debetur.

Ad III. dicitur, quod ideo Trinitatis mysterium nequit naturaliter cognosci, quia, quum nullam habeat cum rebus naturali-

bua connexionem, nulla etiam habet inter rerum naturæ propria principia, per quæ cognoscatur. Non sic autem est Dei visibilitas, quæ cum rebus naturalibus est connexa non quidem per modum proprietatis debite, sed per modum objecti scilicet cum nostro intellectu; & connexio, quam habet, est sufficiens, ut ex earum speciebus creatus intellectus ad cognitionem producendam dicte visionis habilitetur.

Ad IV. dicitur, quod substantia spiritalia fertur ad id, quod potest explere desiderium ejus; hoc autem nequit esse beatitudo confusa, & indeterminata. Insuper; saltem dicendum est, quod desiderium ultimi finis determinate accepti reperitur in iis, qui cognoscunt, ultimum finem esse Deum cuiuscunque rationalis creaturæ. Hoc autem sufficit, ut per hoc desiderium ostendatur possibilitas intuitivæ visionis Dei; si ex aliquo alio capite non repugnaret hic probandi modus, ut supra vidimus.

Ad V. quanvis nulla res naturalis sit causa, vel effectus, visionis Dei, tamen est cum ipsa naturaliter, & necessario connexa, nempe cum intellectu creato ut sui objectum, ut supra diximus, non vero per modum proprietatis, & ad ipsam ordinem, cum evidentia dicit. Hoc satis est, ut per ipsam possibilitas visionis Dei demonstretur; ut ex demonstratione P. Magnani attentè considerata patet, & ex responsione ad tertium magis constat.

Ad VI. quod est argumentum citati P. Palanco, dicitur, ex ipso probari, visionem Dei intuitivam creato intellectui non esse debitam; at non probari, non esse a nobis naturaliter cognoscibilem, & evidenter demonstrabilem. Illud autem quod est exigere, & esse supra exigentiam, importans utique contradictionem, si in esse entitativo accipiantur; non autem in esse intentionali. Nostra autem demonstratio ostendit, contradictionem, quæ opponitur, etsi in communi demonstratione locum habeat, in ipsa tamen non habere locum. Fusiora scribunt Scholastici, selectiora dicit P. Saguens; nos tantum sufficientia ad discurrendum exaravimus.

DISSERTATIO LV.

De Erroribus contra actualem existentiam intuitivæ visionis Dei, & de illis, qui eosdem vel invenerunt, vel propugnarunt.



Nuitivæ Dei visionis possibilitatis hostes in antea dictis Dissertationibus prosligavimus; in hac præsentii illos recensemus, qui contra ejusdem actualement existentiam pugnarunt, eodendque in sequenti etiam Dissertatione impugnabimus. Catholicum quidem dogma est, Angelos, & Beatos, hoc est in gratia decedentes, & qui purgatione non indigent, Deum ante Judicii diem intuitivè videre. Quicumque contra banc orthodoxam doctrinam senserunt, ab Ecclesiâ extorres censendi sunt, quanvis ipsorum error non eodem modo ab Auctoribus suis exponatur, ac defendatur. Igitur hic errores, qui fuerunt, & qui modo etiam sunt, contra catholicam veritatem, enumeramus; qui eosdem primo invenerunt, & qui postmodum sequuti sunt, adjicimus; & denique illos, qui injustè ejusdem erroris accusantur, defendere quoque pro viribus conabimur.

Primo adnumeratur Cerinthus, qui seculo primo Ecclesiæ erroribus suis deturbavit. Apostolorum doctrinæ se adversarium facere gloriæ studio tractus, multos errores contra catholicam veritatem in christiano populo disseminavit; de quibus loquuntur lato sermone Epiphanius hæres. 28. Philastrius lib. de hæresibus in Cerintho, Theodoretus lib. 2. hæreticar. fabular. c. 5. Augustinus, alique. Inter hos commemorat Eusebius lib. 3. histor. ecclesiast. c. 22. errorem, de quo loquimur, quo scilicet esutiebatur, futurum terrestre Christi regnum post corporum resurrectionem, in quo homines Hierosolymis habitarent, ibique carnis deliciis, & sensus voluptatibus fructuros, per mille annos; unde Millenarii, seu Chiliasæ, hujusmodi errorum sectatores appellati sunt. Eusebius citat Gaii disputationem, & Dionysium Alexandrinum lib. 2. de Promissionibus, qui de hoc errore luculentius differunt. Legem quoque Moysis tempore illo millenario Homines in terris observaturos, somniabat; & cum his hominibus Christum quoque in terris post generalem corporum resurrectionem

regnaturum, dicebat. Hæc de Cerintho narrantur a Natali ab Alexandro bist. eccl. sec. 1. c. 11. ar. 5. Alphonsus de Castro adv. hæres. lib. 3. verb. beatitudo hæres. 2., qui & asserit, non constare, cujus nationis, & patriæ, fuerit.

Secundo ponitur Papias, Hieropolitanus Episcopus in Asia, Auditor Joannis, non Apostoli, & Evangelistæ, ut scribit Alphonsus de Castro loc. cit., sed alterius, qui dictus est senior, ut ait Natalis ab Alexandro sec. 2. hist. eccl. c. 4. ar. 1. Secundo seculo floruit, & scripsit libros quinque, sub titulo, *Expositio sermonum Domini*. In iis asserit, se accepisse Apostolorum dicta ab illis, qui cum Apostolis versati fuerant; & fuisse se discipulum Aristionis, & Joannis Presbyteri. Idem Natalis ibidem dicit: *Hæc fabula de millenario Christi regno auctor fuit*. Et citat Eusebium lib. 5. histor. eccl. c. 33., & Hieronymum in catalogo Scriptorum Ecclesiasticorum in Papiâ. Verba Eusebii hæc sunt. *Alia præterea idem auctor quasi traditione non scripta ad se pervenisse, commoustrat, quæ peregrinas quasdam Servatoris parabolæ, & novas ejus doctrinas, aliæque nonnulla commentitiis fabulis referta, continet*. In quibus asserit, regnum Christi post universa carnis a mortuis resurrectionem, mille annos humano, & corporeo more in terra hac continuatum, & stabilitum fore. Verba autem Hieronymi sunt: *Hæc dicitur mille annorum Judaicam edidisse Pontificis, quem sequuti sunt Irenæus, & Apollinaris, & cæteri, qui post resurrectionem ajunt in carne cum Sanctis Dominum regnaturum*. Igitur, ut clare patet, latum est discrimen inter Cerinthi hæresim, & Papiæ errorem; quia Cerinthus voluit, Sanctos observaturos Moysis legem, & voluptatibus carnalibus satandos per mille annos post generalem resurrectionem: Papias vero admisit quidem, Sanctos cum Christo regnatorios in terris secundum carnem per mille annos, sed non asseruit, regnum illud futurum in deliciis carnis, & in Legalium observatione. Post mille annos, utique dixit, iterum Sanctos abiturus ad Deum intuitivè videndum. Cerinthum sectati sunt

sunt Marcio, Nepos; alique. Papiam vero sunt sequuti Irenæus, Justinus, Tertullianus, Lactantius, alique; ut videre quisque poterit apud Ecclesiasticos Scriptores, & præcipue apud nuperum Nicolaum Nourry in Apparatu ad Bibliothecam maximam veterum Patrum t. 1. differt. 1. quasi per totam, ut de omnibus, & singulis fuso calamo tractat.

Tertio assignatur alius error, a priore quidem distinctus, quo dicitur, Animas Sanctorum usque ad iudicii diem in quibusdam abditis receptaculis servari, in quibus nec Deum videant, nec dici possint beatæ, nisi in spe tantum, non vero in re. Hic error tribuitur a Bellarmino tom. 2. contr. 4. de Ecclesia triumphante lib. 1. de beatitudine, & canonizatione Sanctorum c. 1. ante omnes, Tertulliano, qui lib. 4. in Marcionem scripsit: *Eam regionem, sinum dico Abrahæ, etsi non celestem, sublimiorem tamen inferis, interim refrigerium præbituram animabus Iustorum, donec consummatio rerum resurrectionem omnium, plenitudine mercedis expungat; tunc apparitura celesti promissione, quam Marcion suo vendicat quasi non a Creatore promulgatam.* Eadem quoque scripsisse in libro de anima duobus ultimis capitulis, idem Cardinalis testatur.

Quarto loca scribitur Vigilantius, de quo Hieronymus in libro contra eundem hæc habet: *Ais, vel in sinu Abrahæ, vel in loco refrigerii, vel subter aram Dei animas Apostolorum, & Martyrum, confodisse, nec posse suis tumultis, & ubi valuerint, esse præsentem, senatoria videlicet dignitatis sunt, ut non inter homicidas deterrimo carcere, sed in libera, honestaque custodia, in fortunatorum insulis, & in campis Elysii, resedant.*

Quinto tribuitur hic error Armenis a Guidone in summa de Hæreticis, a Bellarmino, & ab Alphonsio de Castro, locis nuper citatis. Concilium quoque Florentinum indicat in iisdem hunc errorem fuisse, sess. 1. & ex S. Thoma colligitur expresse in opusculo 6. c. 9.

Sexto Lutherus in Prælectionibus in Genesim, sicut citat Fridericus Siaphylus in epitome trimembri Lutheranae Theologiæ par. 2., eidem errori adhaesit. Et Calvinus etiam subscripsit; nam lib. 4. Instit. c. 20. scribit, Sanctos omnes in Paradisi acria residere, ibique usque ad mundi consummationem expectare, & solum Christum Paradisi sanctuarium esse ingressum. Et §. 24. dicit, animas Sanctorum esse nobiscum conjunctas fide, & charitate; ubi au-

tem est fides, non est visio. Et cap. 25. §. 6. ait: *Stultum, & temerarium est inquirere, quo in loco sint animæ Iustorum, & an gloria fruantur, nec ne? Interca cum Scriptura ubique jubeat pendere ab expectatione adventus Christi, & gloriam, & coronam eo usque differat: Contenti simus his finibus divinitus præscriptis, animas piorum militia labore, persanctas in beatam quietem concedere, ubi cum salubri letitia fruitionem promissæ gloria expectant, &c. Lutherum, & Calvinum, sequuntur Sectarii, qui sub eorum nomine militant.*

Septimo recensetur a Bellarmino Cornelius Agrippa, qui in lib. 3. de occulta Philosophia errorem hunc sequutus est.

Octavo tandem erroris huiusce infimulantur Irenæus, Theophylactus, & S. Bernardus, apud Alphonsium de Castro cit. loc. hæres. 6., & præ cæteris omnibus accusatur Joannes XXII. Romanus Pontifex; de quo ait Hadrianus Papa in suo quarto Sententiarum in calce cujusdam questionis de sacramento Confirmationis, ut refert idem Alphonsus: *Novissime fertur de Joanne vigesimo secundo, quod publicè docuit, declaravit, & ab omnibus teneri mandavit, quod anima purgata ante finale iudicium non habet solam, qua est clara, & facialis visio Dei; & Universitatem Parisiensem ad hoc indixisse dicitur, quod nemo in ea poterat gradum in theologia adipisci, nisi primum hunc errorem jurasset se defensorum, & perpetuo ei adhaerurum.*

Verum hic observare oportet, etiam Chiliaistas, seu Millenarios, credidisse, Sanctorum animas non statim post separationem a corporibus suis in Cælum recipi, & Deo clare frui; sed detineri in receptaculis usque ad iudicii diem; & deinde cum corporibus per mille annos in terris cum Christo regnaturas, & post millenarium elapsum in Cælum abituras, ibique Dei intuitiva visione fruaturas. Unde hic novissimus error in hoc, quod respicit, animas in receptaculis, & in sinu Abrahæ detineri, & ante iudicii diem in cælum non intrare, convenit cum errore Millenariorum; disconvenit vero in hoc, quod Millenarii adhuc post iudicium per mille annos Dei visionem discebant, propugnatores vero ultimi erroris hoc non asserunt, sed dicunt post iudicium in cælum abire, & Deo frui. Hinc fit, quod, qui Millenarii dicuntur, adhuc sunt huius ultimi erroris sequaces; qui vero huius ultimi erroris secti sectatores, per hoc solum Millenarii dici non possunt. Sic quidem ait Petavius lib. 7.

theo-

theologic. dogmat. c. 14. n. 4. pro Irenæo: Quapropter cum ad hanc Millenariorum opinionem implicatus Irenæus fuerit, propter animas Sanctorum non statim ab discessu suo e corporibus divino frui conspectu, credidit: Sed interim certo in loco detineri ad resurrectionis usque tempus; quando mille annis in terra degent. Quibus confectis, tam demum ad celestem felicitatem potiundam admittentur.

Etiā observare debemus, ante Benedictum XII., & ante Concilium Florentinum, nihil ab Ecclesia fuisse pro hoc dogmate expresse definitum; unde nihil sanctitati, & doctrinæ Patrum antiquorum derogandum quis putet, si aliter ipsi senserint ab eo, quod modo credimus. Hoc claris verbis advertit Alphonsus de Castro cit. loc. Nec mirari quisquam debet, si tanti viri in tam pestiferum errorem sunt lapsi: quoniam, ut beatus Jacobus Apostolus ait, qui non offendit in verbo, hic perfectus est vir. Admonere tamen hic oportet Lectorem, ne patet hunc errorem aliquid tantorum virorum sanctitati, aut doctrinæ detrabere: Nam cum illo tempore nunquam Ecclesia de hac re quidquam definisset, nec res illa fuisset inquam in questionem vocata, nec tam expressa fuissent sacra Scriptura pro illius definitione testimonia, ut non possent in alium sensum utcumque detorqueri; potuerunt eo tempore alterutram partem citra hæresis notam docere; præsertim, cum non desseet aliqua Scriptura testimonia, quæ illis quodam modo favere viderentur.

Modo tempus est, ut Patres illos, atque Pontifices, qui in iuste erroris huius accussantur, defendamus. Primo opponunt Hilarius, Pictaviensem Episcopum, qui in Psal. 66. scribit: Placebo Domino in regione viventium; animam scilicet suam in requiem beatæ illius resurrectionis sortatus: ergo credidit Hilarius Sanctorum gloriam usque ad generalem resurrectionem differri. Ulterius in Psal. 138. n. 22. ad illa verba: Si descendero in infernum; ades, subdit: Lex necessitatis, ut conspectus corporibus ad inferos animæ descendat, quam descensionem Dominus non recusavit. ergo si per Hilarium animæ Sanctorum post separationem a corporibus suis descendat ad inferos, non volant ad cælum. Denique lib. 1. de Trinit. n. 39. loquens de ultimo iudicio, inquit: Tradet autem Christus Deo Patri regnum, & tunc, postquam regnum Deo tradiderit, Deum videbunt: ergo si post iudicium videbunt Deum animæ, ante iudicium non videbant. At commodissime hæc Hilarii testimonia conformiter ad orthodo-

P. A. R. I.

xam doctrinam explicantur. Et quidem primum intelligitur de resurrectione, non stricte, sed late, sumpta, quæ est gloria animæ; per quam scilicet mortalem vitam relinquentes, ut immortalem, & gloriosam sumant, quasi de morte ad vitam resurgunt. Verum adducamus omnia Hilarii verba, ut mens ejus manifestius elucidetur. Hæc habet cit. loc. Imposuisti homines super capita nostra, transivimus per ignem, & aquam: gloriosas videlicet Martyrum, mortes commemorat, gladii, ignis, profundum: Sed qui transiit per ignem, & aquam, non in his aboletur, sed in aliud per illa transducitur. Convertere, anima mea, in requiem tuam, quia Dominus benefecit tibi. Eripuit animam meam de morte, oculos meos de lacrymis, & pedes meos de lapsu. Bene placebo Domino in regione viventium: animam videlicet suam in requiem beatæ illius resurrectionis sortatus, in qua post mortis istius tempus, omni humanarum calamitatum labe deterfa, non doletur, non fletur, non peccatur, sed vivitur. Introibo in domum tuam in holocaustis. Holocausta sunt integra hostiarum, corpora. Per hæc igitur genera penarum, Martyres in fidei testimonium corpora sua holocausta voverunt; ut in Dei domum, id est in celestis domicilii habitationem, consummatis hostiarum suarum sacrificiis, introeant. Ad Secundum dicitur, quod Hilarius putavit, animas Sanctorum descendere ad inferos, non ut ibi starent usque ad iudicii diem, sed ut vel purgarentur, vel ut Christum imitarentur, qui ad inferos descendit, quæ fuit etiam aliorum Patrum opinio, sed non error. Ad tertium Hilarius loquitur de Justis, non autem de animabus Justorum; hoc est de Justis in corpore, & anima existentibus, qui utique post iudicium videbunt Deum visione completa, & consummata, quæ toti hominibus convenit, etsi antea viderint visione essentiali, quæ etiam solius animæ est propria. Cæterum Hilarius ad explicandam mentem suam hæc scribit in Psal. 64. n. 5. Beati sunt, qui jam a Deo ad habitandum in tabernaculis ejus electi sunt. Io Psal. 119. n. 1. Christi consortium pia mors acquirit. Et num. 4. Adam veniam confessus, glorificatus in Christo est. Et in Psal. 14. n. 5. dicit manifeste, Sanctos in sublimitate Domini cum Angelorum choris requiescere; quod quidem requiescere in sublimitate Domini secundum antiquiores Patres est supremus contemplationis gradus, & ipsa Dei visio intuitiva.

II. Opponitur Ambrosius, qui lib. de bono mortis c. 7. septem gradus, seu ordines

G g I z

lætitæ animæ Sanctorum enumerat, sed nec verbum de intuitiva Dei visione facit: ergo animas Sanctorum intelligit post mortem esse tantum in loco tuto, sed non in cælo, in quo Deum videant. Insuper in eodem libro c. 10. vocat promptuaria habitacula Sanctorum, & asserit in illis carere animas remuneratione, sed illam expectare: ergo non adhuc in cælum sunt receptæ. Tandem ibidem num. 48. ait: *Soluto corpore anima finem vite hujus, adhuc tamen futuri iudicii ambiguo suspenditur: ergo si est in ambiguo iudicii, non est in clara Dei visione.* Verum Ambrosii allata testimonia catholico dogmati non opponuntur, si sano modo intelligantur. In primo testimonio non usurpat nomen intuitivæ visionis Dei, seu vocem, sed rem ipsam intelligit, & exprimit. Etenim dicit, quod animæ Sanctorum sine cunctatione lætentur; si lætantur: ergo gaudent: ubi autem gaudium, ibi visio beata; juxta illud *Matth. 25. t. intra in gaudium Domini tui.* Sancti per ipsum actum lætantur; igitur actu Deum possident. Quod confirmat cum dicit, Sanctos actu possidere hæreditatem, verbis hæc: *Quantum autem ordo exultationis uberrima habet suavitatem, quod ex hoc corruptibilis corporis carcere in lucem, libertatemque pervenerit, & re promissam sibi possideant hæreditatem.* Pro secundo dicitur, quod Ambrosius intelligit pro promptuariis diversas mansiones, de quibus loquitur Christus in Evangelio, quod sint in cælis. Sic se ipsum ibidem Ambrosius explicat: *Ha sunt habitationes, de quibus dicit Dominus Joan. 14. multas mansiones esse apud Patrem suum, quas suis pergens ad Patrem discipulis præparet: igitur diversa promptuaria sunt diversi gradus gloriæ.* Non dicit autem in his promptuariis animas carere remuneratione, sed in habitaculis suis; quod vel intelligitur de Sanctis veteris testamenti, qui in Limbo detinebantur; vel accipitur de corporibus Sanctorum, quæ adhuc in habitaculis suis expectant communem corporum resurrectionem; & usque dum adveniat, carent corpora quidem, non animæ, remuneratione sua; & si animæ carent completa, & consummata remuneratione, quæ etiam in corporum glorificatione consistit. Pro tertio intelligendus est Ambrosius de momento antecedente peculiare iudicium, in quo anima futuram suam sortem nescit, non vero de subsequente. Ipsemet Ambrosius explicat sua verba, asserens c. 12. *Ibi-*

pendit, ut suscipiat pauperes, sicut suscepit & Lazarum, in quo sinu requiescant, qui in hoc seculo gravia, atque aspera pertulerunt... Ibimus ad eos, qui reconducent in regno Dei cum Abraham, Isaac, & Jacob, quoniam, rogati ad carnam non excusaverunt: Ibimus eo, ubi Paradisus est iuventutinis, ubi Adam, qui incidit in latrones, nescit jam vulnera sua flere; ubi & latro ipse regni celestis consortio gratulatur. Ipsemet Ambrosius l. 7. ep. 59. ad Thesi. hæc scribit: Acholus superiorum incolæ, possessor civitatis æternæ, illius Hierusalem, quæ in cælo est, vidit illic urbis ejus mensuram immensam, purum æurum, lapidem pretiosum, lumen sine sole perpetuum, & hæc omnia jamdudum sibi conspecta; sed nunc facie ad faciem. Etiam lib. de bono mortis c. 10. aperte ait, Justos post hanc vitam, videre faciem Dei, quia impedimentum non habent carnis, ne cum videant.

III. Opponitur S. Joannes Chrysostomus, qui hom. de S. Philogonio scribit, alibi esse Angelos, alibi esse Sanctos: *Alibi fidelitatis Prophetarum, alibi Martyrum chori, Apostolorum ordines, cuncti Justorum:* ergo si Angeli sunt in cælo, Justi, quum alibi sint, non sunt in cælo. Rursus hom. 39. in 1. ad Corinth. docet, quod anima non coronabitur, nisi corpus resurgat: *Si enim non resurgit corpus, incoronata manet anima, extra illam beatitudinem, quæ est in cælis:* ergo tantum anima unita corpori videt Deum. Denique hom. 8. in Epist. ad Hebr. dicit, omnes Sanctos eodem tempore coronandos: ergo non coronantur ante diem iudicii. Attamen pro primo Chrysostomus non intelligit diversa loca, sed diversos gloriæ gradus, qui in Evangelio mansiones dicuntur. Pro secundo argumetur Chrysostomus contra illos, qui negant corporum resurrectionem, & ait illud inconveniens sequi, si corpora non resurgunt. Pro tertio intelligendus est de gloria adæquata, scilicet totius hominis, quæ habebitur post iudicium. Hæc autem clariora testimonia Chrysostomi mentem elucidant. Hom. 3. in epist. ad Philipp. *Iusti, sive bles, sive in futuro seculo fuerint, cum Rege sunt; illic tamen magis, & propius, non per ingressum, & fidem, sed facie ad faciem.* Hom. 32. in epist. ad Roman. *Non solum admiremur ipsum, sed & imitemur, ut mereamur, & binc migrantes, Deum ipsum videre, & ineffabilis ipsius gloria participes esse.* Hom. 65. tom. 5. vult, Justos non esse modo lugendos, sicut in antiqua lege, quia modo mors deducit eos ad Christum; Christum autem est in cælo.

IV. Proponitur Augustinus, qui quidem aliquando docuit, Sanctos regnatos cum agno in terris cum spiritualibus deliciis, antequam coronarentur in cælis, ut assertit P. Boucat, & ipsemet fateatur lib. 10. de civit. Dei c. 9. & ser. 259., sed deinde veram sententiam sequutus est. Ex ipso autem opponuntur epist. 14. ad Fortunatum, in qua docet, quod tunc Iusti videbunt Deum, quando crescent usque ad perfectionem Angelorum, quod erit in resurrectione generali. Ulterius, expressius scribit in Enchiridio c. 108. *Tempus, quod inter hominis mortem, & ultimam resurrectionem interpositum est, animas in abditis receptaculis continet.* Et in lib. 8. de civit. Dei c. 9. *Paris civitatis Dei, qua conjungenda immortalibus Angelis, ex mortuibus hominibus congregatur, nunc mortaliter peregrinatur in terris, vel in eis, qui mortem obierunt, secretis animarum receptaculis, sedibusque requiescit.* In quibus locis aperte loquitur de receptaculis animarum ante Iudicii diem. Rursus lib. 12. de Genesi c. 35. docet, animam sanctam post resurrectionem perfectius visuram esse Deum: ergo ante resurrectionem non videt intuitivè. Et ser. 259. vult, Sanctos post resurrectionem, antequam in cælum eant, celebraturos cum Christo sababismus, hoc est regnum mille annorum, in terra. Tandem in Psal. 36. ait: *Post vitam istam nondum eris, ubi erunt Sancti, quibus dicitur: Venite benedicti Patris mei, percipite regnum, quod vobis paratum est ab origine mundi:* ergo ante iudicium Deum non vident. Ad hæc omnia, generaliter dicitur, quod Augustinus illa scripserit, quando in alia erat opinione, quam deinde mutavit. Etenim, ut ait Bellarminus lib. 1. de beatit. Sanctor. c. 5., & cum eo P. Boucat, in Augustini libris quatuor sunt observanda tempora; primum, quo Augustinus Millenarius adhaerebat; secundum, quo admittebat beatitudinem pro animabus Sanctorum, statim habendam, si expiandæ non essent; tertium, quo anceps erat, non circa beatitudinem animarum, sed circa locum beatitudinis, an scilicet esset sinus Abraham, an alius locus; quartum denique, quo plene se determinavit lib. octoginta trium 99. c. 36. n. 1. dicens, animas esse in cælo, & sinum Abraham esse sinum Patris. *Sinus Abraham requies est beatorum pauperum, corona est regnum celorum, in quo post hanc vitam recipiuntur.* Et n. 5. *Sinus Abraham intelligitur secretum Patris, quo post passionem resurgens assumptus est.* Peculiares vero responsiones PAR. I.

legi possunt apud citatos Bellarminum, & P. Boucat. Cæterum ultima Augustini mens legi potest in explicat. Psal. 116. ad illa verba: *Hæc mihi, quia incolatus meus prolongatus est:* ubi ait: *Ibi omnes iusti, & sancti, qui fruantur verbo Dei, sine lesione, sine literis: quod enim nobis per paginam scriptum est, per faciem Dei illi eternum.* Et lib. mediet. c. 22. *Felix anima, qua terreno resoluta corpore, libera cælum petit, secunda est, & tranquilla, non timet hostem, neque mortem: habet enim presentem, eternitque indefinenter pulcherrimum Dominum.* Et lib. 9. Confess. c. 3. n. 6., in quo inquitur de Nembridio mortuo: *Nunc ille vivit, jam non ponit aurem ad os meum, sed spiritale os ad fontem tuum;* Deus meus, & bibit quantum potest sapientiam pro sua aviditate, sine fine felix. Et in lib. de Genesi ad litteram c. 371. n. 66. & 67. expresse ait, Lazarum videre ipsam Dei substantiam.

V. S. Bernardus objicit nobis, qui ser. 3. in festivit. Sanctorum ait: *In illam beatissimam domum, nec sine nobis intrabunt cum corporibus suis, id est, nec Sancti sine plebe, nec Spiritus sine carne.* Rursus ser. 4. de eadem festivit. ait: *Interim sub Christi humanitate feliciter Sancti requiescant, in quem desiderant Angeli prospicere, donec veniat tempus, quando non jam sub altari collocentur, sed exaltentur super altare.* Pariter ser. 2. in eadem festivit. ait: *Jam vero consummato militie tempore gaudium habent Sancti, etiam in spiritu suo, donec advocati dies illa, qua introire mereantur in gaudium Domini sui, gaudium habituri & in ipso corpore.* Denique ser. 3. in eadem festivit. ait: *Advertisti ex illis, qua præcedenti sermone sunt dicta, tres esse Sanctorum statum animarum; primum videlicet, in corpore corruptibili; secundum sine corpore; tertium, in beatitudine consummata. Primum, denique in tabernaculis; secundum, in atriis; tertium, in domo Dei; sed quoniam in atrii defectus est, Beati omnino, qui habitant in domo tuâ Domine, quoniam in domum Domini ibimus:* At pro primo dicitur, quod ibi Bernardus loquatur de beatitudine consummata, & completa; quia subdit: *neque enim præstari deest integram beatitudinem, donec sit homo integer.* Etiam pro secundo hoc idem dicitur; & subditur, quod si vident Christum, jam sunt in cælo, ubi est Christus. Hoc quoque dicitur pro tertio, quod etiam respondetur pro quarto; & dicitur, quod defectus est ratione gloriæ corporis, non ratione gloriæ animæ; illa enim deest, hæc vero non. Verum his clarioribus testimoniis Bernardus mentem suam,

& verba etiam, si quæ sunt obscura, explicat. Ser. 5. in dedicatione Sanctorum: *Omnino nobis felicitatem omnium Sanctorum dicit, & esse, quam celebramus; omnium, inquam, sive celestium, sive terrestrium: Sancti enim Sancti de celo, & Sancti de terra. In eodem loco: Aliud in his sanctitatis genus, & proprio modo honorandum, qui venerunt scilicet ex magna tribulatione, & laverunt stolas suas in sanguine agni; qui post multos agones, jam nunc triumphant in caelis coronati.* Ibidem etiam: *Portio nostra in terra viventium, nec modica sane portio, si tamen, ut decet, memoriam affectio comitetur. Sic, inquam, conversatio nostra in caelis est, verumtamen non sic nostra, sicut illorum; ipsorum enim substantia ibi est, nostra autem desideria; ipsi per præsentiam, nos per memoriam ibi sumus.*

VI. Denique Joannes XXII. opponitur, quem credunt, præcipue qui sunt pontificis infallibilitatis, quando Pontifices ex cathedra definiunt, in materia fidei, & morum, vel aperti, vel occulti, hostes, vel Millenniariorum, vel aliorum errorum, adhæsisse. Joannis igitur Accusatores hæc Joanni opponunt. I. quod Rainaldus ad ann. 1331. n. 44. refert Scriptorem Joanni cœvum, qui narrat, Joannem in tribus Sermonibus suis docuisse, Sanctos in celo nec videre, nec visuros, ante judicii diem, faciem Dei, sed tantum humanitatem Christi. II. Gerardus, Minister Generalis Ordinis Minorum, Parisiis publice defendit Millenniariorum errorem, uti sententiam Joannis Pontificis; unde Philippus Valefius, Galliarum Rex, scripsit ad Joannem, ut sententiam suam retractaret; quod pariter fecit Rex Siciliae; ut narrat Gillius ad ann. 1332., & Spondanus ad ann. 1333. III. Joannes minis, & pœnis coegit Thomam Valefium, Ordinis Prædicatorum, ut doceret opinionem suam, doctrinam Ecclesie contrariam; quod refert Villanus lib. 10. hist. Florentinæ c. ult. & Rainaldus ad ann. 1333. IV. Joannes librum composuit, in quo Millenniariorum errorem docuit, quem tamen, morte præventus, non divulgavit; quod narrat Labbeus tom. 11. Concil. pag. 1617. V. Hadrianus VI., cujus verba supra narravimus, hæc eadem de Joanne aperte testatur. VI. Gersonius ser. de festo Paschæ hæc de Joanne dicit: *Hodie mecum eris in Paradiso: Propter quod insuper apparet falsitas Papa Joannis XXII., quæ damnata fuit cum sono buccinarum totam Regem Philippo, avunculo tuo, per Theologos Parisienses, de visione beata; & credidit potius*

Theologus Parisiensibus; quam Curia. VII. Ochamus, Theologus Minorum, in quodam compendio de opinionibus Joannis XXII. narrat, cum primo stabilitæ sententiæ de dilatione gloriæ animarum sanctorum usque ad judicii diem, libellis, & Constitutionibus; secundo propugnasse Millenniariorum errorem etiam cum pertinacia; tertio voluisse, ut omnes, qui publice docere vellent in Parisiensi Universitate, jurarent, se suam sententiam defensores. VIII. Calvinus lib. 4. Instit. c. 7. n. 28. dicit, quod Joannes XXII. asseruit, animas esse mortales, & simul cum corporibus interire; & postmodum una cum corporibus in judicio resurgere, ut deinde Deum videant. IX. Joannes ipse Philippo Valefio, Galliarum Regi, scripsit, ut nemini permittat, vel Magistro, vel Baccalaureo, Facultatis Parisiensis, docere, animas Sanctorum Deum videre, ante judicii diem. X. In Bibliotheca Vaticana asseruntur Conciones Joannis, in quibus expresse defenditur sententia, de qua loquimur; ut refert Rainaldus ad ann. 1331.

Respondemus ad I. Joannem XXII. catholicam veritatem, quæ suo tempore definita ab Ecclesia non erat, nec assertive, nec definitive, tractasse, sed tantum opinative; nec ut publicus Ecclesie Doctor, ac Magister de ea suis loquutus, sed solum, ut privatus Doctor, & Theologus. Quod quidem præstitit ab anno 1330., qui erat 15. sui pontificatus annus, usque ad annum 1334. quo anno mortuus est. Quo quidem tempore de Sanctorum beatitudine semper in suis Constitutionibus scripsit eo modo, quo scripserant Clemens IV., alique quidam prædecessores. Privariam vero disputasse ad materiam dilucidationem, non vero ad questionis definitionem. Hoc eorum probat Rainaldus ad ann. 1331. n. 45. testimonio Harrii, Germani Theologi, lib. 4. c. ult. hæc scribentis: *Si Sermo Papalis pie, & sane intelligitur, non proprie Sermo, ac definitio, nec determinatio, seu predicatio, sed magis quadam quasi scholastica disputatio, aut disputationum collatio, esse perpenditur.*

Ad II. Impositura fuit Gerardi contra Joannem, a qua se purgavit Joannes ad Philippum, Galliarum Regem, scribens in sua epistola, quam refert Rainaldus ex Codice Vaticano ad ann. 1333. n. 46. Verba epistolæ sunt: *Cum autem hanc questionem B. Augustinus in scriptis suis reputaverit valde dubiam, & circa eam variasse, dicitur, & nunc ipse, sed & multi Doctores alii circa istam materiam variant; propter hoc, ut veritas*

ritas possit melius aperiri, nos interdum in nostris sermonibus mentionem habuimus, non proferendo verbum de nostro capite, sed dicta Scriptura sacra, & Sanctorum, præcipue illorum, quorum Scriptura ab Ecclesia sunt recepta: Multique tam Cardinales, quam alii, coram nobis, & alibi in suis sermonibus, imo publice, Prælati, ac Magistri in Theologia præsentibus, est in Curia pluries questio huiusmodi, ut sic plenius posset inveniri veritas, disputata Et quia, amantissime Fili, scimus, quod in his, vel aliis, ut elucidetur veritas, intendas; rogamus benevolentiam regiam inter per fidem, seu fideles Nuncios, Magistris in Theologia, & Baccalarios, Parisiis legentibus, facias nunciari, quod talibus minis illatis non obstantibus, quilibet dicere, & disputare, & predicare, valeat, quod sibi iuxta doctrinam evangelicam, & apostolicam disputandum videbitur, & etiam predicandum, donec aliud ordinatum per Sedem fuerit Apostolicam, vel etiam declaratum; sic enim ad veritatem questionis prædictæ poterit promptius perveniri, Quam aliena sunt Joannis verba a Gerardi facto, vel testimonio, contra Joannis mentem, & voluntatem!

Reges vero Siciliæ, & Galliæ, quod Joanni scripserunt, facti erroris decepti scripserunt. Non tamen scripserunt, ut falso quidam commoneati sunt, misando eidem rogum, & ignem, nisi sententiam suam retractasset. Philippi epistolam sat est legere, ut in ea nec verbum minarum illarum inveniat. Et Joannes ipse, Philippo rescribens, nec minarum memoriam facit; quam utique fecisset, si sibi eas Philippus direxisset. Nec Philippo par erat, minas contra universalis Ecclesiæ Pontificem, & Regum Patrem, minas, rogum, ignem, in aciem ponere. Quicquid vero Philippus egit in Universitate Parisiensi, ipsa Facultas Parisiensis enunciet; Sic namque Philippum Valesium, Galliarum Regem, sacra Facultas alloquitur: *Attendentes specialiter id, quod ab ore vestro ibidem audivimus, quod nihil in hac materia querebatis, quod tangere posset Sanctissimum Patrem, ac Dominum nostrum, Joannem, Dei providentia, Sacrosancta Romana, & universalis Ecclesia summum Pontificem, cuius sumus devoti servi, & filii; quin immo sicut filius ejus devotissimus honorem suum in his, & aliis relabitis; adversariisque, quod multorum fide dignorum relatione audivimus, quod quicquid in hac materia Spæ Sanctitatis dixit, non asserendo, seu opinando protulit, sed solummodo retinendo. Verba hæc inveniri in exemplari, quod asservatur in Archivis sacre Facul-*

tatis Parisiensis, testatur P. Boucat, Scrip- tor Gallus, nostri Ordinis Minimorum, æque doctus, pius, ac diligens, inter nuperos theologia doctrina consultus, ac historica eruditione præclarus.

Ad III. Joannes Pontifex increpavit Thomam Valesium, Ordinis Prædicatorum, & poenas etiam dedit, quod contrariam opinionem, ante Ecclesiæ definitionem, ut hæreticam censuræ ausus fuerat. Testantur Continuator Chronici Guillelmi Naugii, Rainaldus, alique. Et colligitur quoque ex Epistola Joannis ad Philippum: *Interdum quidem hoc scripserunt, & dixerunt, quod hac questio erat tua; quod tua prædicatione per totum regnum partem illam predicari tanquam veram faceret, & aliam, ut hæreticam reprobari: Multique comminati sunt Religiosis, & Secularibus, sub umbra tui culminis, si partem illam, quod anima separata divinam essentiam non vident, & visionem, quam vocat Apostolus facientem, quod de illa procedit questio, illos capi facerent per inquisitores hæretica pravitatis. Hæc, Fili carissime, licet veritate, ut supponimus, careant, quanquam bene credamus, quod ad hac faciendam, & dissendam, tuam excellentiam duxerint simulandam, ad honorem regium nequaquam pertinere noscuntur. Et quia, amantissime Fili, scimus, quod in his, &c.*

Ad IV. dicimus, quod etiam Joannes, ut particularis, & privatus Theologus, scripserit librum, in quo opinionem more scholastico pertractaverit, non per hoc dicendum est, Millenariorum errorem vel docuisse, vel definisse, neque ut Pontificem ex cathedra loquentem, neque ut Doctorem, assertive, non opinative, scribentem. Cæterum, quum liber iste non appareat, sed ex relatione producat, injustum est, damnare tantum virum ex relationibus aliorum, qui ut plurimum ipsi infestis erant, & adversarii. Et eo magis, quia Pontifex professionem fidei sub vitæ finem edidit, in qua nullus omnino error continetur; unde potius secundum hanc, quam secundum vulgi famam, judicandus est.

Ad V. Hadrianus VI. illa scripsit eo tempore, quo Pontifex non erat, sed erat tantum privatus Theologus, & errore facti tunc temporis deceptus fuit. Sua opera Lovanii edita sunt ann. 1515. Creatus autem est Pontifex ann. 1522. Mortuus est ann. 1523. Addimus, quod illa scribebat, non ex scientia, sed ex vulgi fama; dicit enim; *Fertur*. Denique opinionem hanc, quando Pontifex fuit, cum aliis opinionibus, retractavit; ut testatur P. Boucat.

Ad VI. Gersonius quoque, errore facti de-
tentus, scripsit illa, quæ Joannis famæ ad-
versantur. Quod & ex eo evidenter patet,
quia dicit, Joannem buccinarum sono fuisse
propulsus a Doctoribus Parisiensibus;
quum nos ex adverso nuper retulerimus
reverentiæ sensus, quibus Doctores præ-
fati de Joanne scribebant, aut loquebantur,
ad Philippum Galliarum Regem; asseren-
tes quoque, Joannem, indagandi, inqui-
rendi, & elucidandi veritatem ergo, lo-
quutum fuisse in sermonibus, & in scriptis
suis.

Ad VII. Nullam meretur fidem Ochamus de
Joanne XXII. scribens, quia adhuc Lu-
dovico Bavo, qui Pontificem hunc de-
poni curaverat, & in ejus locum eligi Pe-
trum de Corbario, Antipapam. Offendat
autem Ochamus Constitutionem, quam di-
xit edidisse Joannem pro Millenariorum
errore. Quod quum nec faciat, nec face-
re possit, jure mendacii, & falsitatis argui-
tur. Dicit insuper, Joannem cum perti-
nacia hanc sententiam docuisse; Parisien-
ses Doctores, ut illam docerent, coegisse;
Philippum Regem Joanni poenas minatum
fuisse; quæ omnia, ut ex dictis luculentissi-
me patet, falsa sunt, & putida mendacia.

Ad VIII. Quis cordatus humo crederet Calvi-
ni commentis, quæ contra Pontifices om-
nes insulte, ut audacissime, evomet? Nul-
lus ex tot Joannis adversariis ipsi objecit,
quod animæ immortalitatem negaverit.
Nemo ipsi imposuit, quod resurrectionem
animarum admiserit. Nec unus quidem
eum accusavit facinororum, quæ eidem a
Calvino imponuntur. Signum evidens,
quod omnia sunt conficta, quæ Joanni,
Pontifici doctissimo, ac prudentissimo, a
quibusdam tunc fuerunt objecta, & modo
etiam, pontificiæ dignitatis infamandæ
reliu, obijciuntur.

Ad IX. Falsitas oppositionis evincitur, & ex
litteris, quas Joannes Philippo Regi scripsit,
quas Rainaldus refert, & nos supra recita-
vimus; & ex verbis sacræ Facultatis Pari-
sienfis Regi dictis, quæ nos pariter nuper
enarravimus. Additur, quod Galliarum
Antifires fuerunt a Carolo VII. in Vin-
cennarum castrum convocati, ibique de-
clararunt, coram Paludano, Patriarcha
Hierosolymitano, Joannem XXII. nihil
unquam de Sanctorum animabus publico
diplomate statuisse. Ejusmodi autem testi-
monii publicum instrumentum confectum
est, ut refert Junnius, Scriptor & ipse
Gallus; qui & affectu, ejus authenticum as-
servari apud Patres Dominicanos Parisien-
ses.

Ad X. dicitur, quod in concionibus illis Jo-
annes nec loquitur, ut Pontifex definiendo,
nec ut privatus Doctor asserendo; sed
tantum inquirendo, indagando, opinando,
& effatur; quod tunc temporis licitum
erat, quia adhuc non erat catholica veritas
definita. Hoc habetur ex Villano lib.
11. c. 19. histor. Florentinæ, scribentes,
Joannem XXII., in mortis articulo consti-
tutum, coram Cardinalibus declarasse, in
concionibus suis nunquam intendisse defi-
nire, Sanctorum animas non fruituras vi-
sione Dei ante judicii diem; sed tantum
de illa sententia opinative disputasse; &
si visus fuerat in alteram sententiam pro-
pendere, hoc sibi admodum displicere;
cæterum paratum esse eam suscipere sen-
tentiam, quam Ecclesia definiret. Et hæc
leguntur a Rainaldo ad ann. 1334., & re-
feruntur a Juenio prælaudato.

Rationes nostras modo adjungimus, quibus
probare intendimus Joannis XXII. sincera
fidem, & innocentiam a calumnia, qua
ipsum turere Scriptores adversi com-
nati sunt.

I. Ratio desumitur ex Professionibus Fidei,
quas Joannes misit ad plures catholici or-
bis partes, in quibus declarat, se omnia
profiteri, quæ Clemens IV., & alii sui
Prædecessores, tenuerunt, & docuerunt.
Professiones Fidei Joannes misit ann. 1318.
ad Offimum, Armenorum Regem; refert
Rainaldus ad ann. 1318. n. 10. Aliam ann.
1321. ad ipsos Armenos; idem Rainaldus
ibidem n. 4. Alteram ann. 1323. ad Oro-
slum, Regem Sarviæ; ibidem n. 16. Aliam
ann. 1329. ad Imperatorem Tartarorum;
ibidem n. 98. Alteram ann. 1330. ad uni-
versos Christianos habitantes in montibus
Dealbors; ibidem n. 5. In his commemo-
rantur decreta summorum Pontificum
præcedentium, in quibus præfens beati-
tudo Sanctorum aperte asserit, ut ait ci-
tatus Rainaldus ad ann. 1331. n. 43.

II. Ratio desumitur ex bulla canonizationis
Sanctorum Thomæ de Aquino, Ecclesiæ
Doctoris, Ludovici, Episcopi Tolosani, &
Thomæ, Episcopi Herphordienfis; in qui-
bus dicitur, Sanctos præfatos Deum posside-
re, in celo esse, beatæ æternitatis frui,
facie ad faciem divinam essentiam videre.

III. Ratio habetur ex declaratione fidei suæ,
quam Joannes, coram Cardinalibus, & Præ-
latis, fecit die 3. Decembrii ann. 1334.,
eamque publicis Tabellionibus adstantibus
faciens, publicum voluit esse documentum
illorum, quæ creditur, quæ scriptis, &
quæ operatus est. Hæc sunt verba inter

alia

alia: Ne super iis, quæ de animabus purgatis, separatis a corporibus, an citra resurrectionem corporum, divinam essentiam illa visione videlicet, quam vocat Apostolus facialem, videant, tam per nos, quam per nonnullos alios in præsentia nostra recitando, & allegando sacram Scripturam, ac originalia, & dicta Patrum, vel alias ratiocinando, sapius dicta sunt, aliter, quam per nos dicta, & intellecta fuerunt, & intelligantur, ac dicantur, auribus fidelium valeant inculcari. Ecce quod nostram intentionem, quam cum sancta Ecclesia catholica circa hæc habemus, & habuimus, serie, præsentium, ut sequitur, declaramus. Fateamur siquidem, & credimus, quod anima purgata, separata a corporibus, sunt in celo, eorum regno, & paradiso, & cum Christo in consortio Angelorum, congregata, & vident Deum, ac divinam essentiam facie ad faciem clare, in quantum statum, & conditio comparatur anime separata, &c. Quæ quidem declaratio concordat cum Fidei professione, quam Clemens IV. & Joannes XXI. Græcis præscripserunt; ut testatur Rainaldus ad ann. 1367.

- IV. Ratio invenitur in diplomate Benedicti XII., immediati Joannis XXII. successoris, quod ex MS. Vaticanæ Bibliothecæ descriptis Rainaldus ad ann. 1334., & in eo sic legitur: Cum jamdudum per nonnullos revocaretur in dubium, an anima a corporibus separata, ac peccatis, & penis peccatorum, purgata, ante resurrectionem corporum videant divinam essentiam, illa videlicet visione, quam vocat Apostolus facialem, & super hoc tam in sermonibus, quam in aliis collationibus per felices recordationis Joannem Papam XXII. Prædecessorem nostrum, & plures alios, in ejus præsentia, multa dicta, recitata, scripta, & prædicata fuissent, volens idem Prædecessor verbis, & linguis malignantibus obviare, anno a nativitate Domini 1334. in indictione 2. die 3. mensis januarii S. R. E. Cardinalibus, de quorum numero tunc eramus, multisque Prelatis, & in sacra Theologia Ma-

gistris, aliisque personis, & Tabellionibus publicis, in Consistorio Apostolico, coram eo personaliter constitutis, dixit, asseruit, & protestatus extitit sub hac formula: Ne quis sine stre interpretari possit, nos sensisse aliquid, aut sentire, quod sacra Scriptura obviet, aut Fidei orthodoxæ, dicimus, & protestamur: expresse, quod quicquid in questione, seu materia visionis animarum, videlicet, an anima, a peccatis, & penis peccatorum purgata, videant divinam essentiam illa visione, quam Apostolus vocat facialem; seu de quacunque alia materia, in sermonibus, & collationibus nostris diximus, allegavimus, seu proposuimus, non intendentes aliquid determinare, vel decidere, seu credere, quod esset quovis modo Scriptura sacra obviū, vel contrarium Fidei orthodoxæ; sed illud solum tenere, & credere, quod & Scriptura sacra potest, & poterat, & catholica Fidei convenire; etsi forsitan in prædictis Sermonibus, vel Collationibus, aliqua, qua vel Scriptura sacra, seu Fidei Orthodoxæ, quovis modo esset, vel viderentur obvia, ipsa præter intensionem a nobis fuisse prolata, dicimus, & asserimus, eaque revocamus expresse, non intendentes illis adherere, nec ea in præsentia defendere, nec etiam in futurum.

- V. Ratio accipitur a Scriptoribus Ecclesiasticis, fide dignis, qui tempore illo, quo Joannes vivebat, & regnabat, floruerunt, & qui Joannem ab impostura invictæ vindicant. Ptolomæus Lucensis lib. 24. histor. eccles. c. 42. Joannes Villanus lib. 7. histor. Florentin. c. 19. Guillelmus Nangius, continuator historię Florentinæ, quam fecerat Villanus, ad ann. 1334. Nicolaus Gillus, cujus verba citantur a Scriptore historię Academiæ Parisiensis, Bulleo; Rainaldus pluribus in locis Joannem explicans, vindicans, atque defendens. Apud hos, & apud alios Scriptores, qui plura cupit de Joanne, statim inveniet; nos hæc tantum pro veritate dixisse contenti sumus.



DISSERTATIO LVI.

De actuali existentia intuitivæ visionis Dei.

ERITAS orthodoxa est, Sanctorum animas, nec post iudicii diem expectaturas esse per mille annos, ut Deum intuitivè videant, quod est contra Millenarios; nec modo expectare diem iudicii, ut beata Dei visione fruantur, quod est contra superiores ævi, & nostrorum temporum, Hæreticos; sed si sint sine peccatis, & sine pœnis peccatorum, in purgatorio solvendis, statim in cœlum advolare, ut Deum videant visione illa, quod Apostolus faciale dixit, & nos intuitivam more scholastico nominamus. Hanc catholicam veritatem probamus, & auctoritatum, & rationum momentis, quibus fabulæ Millenariorum repellantur, & Hæreticorum commenta impugnentur. Primo loco asserimus quæ contra Millenarios faciunt, secundo loco quæ sunt contra Hæreticos posteriores, consuetam methodo nostra.

- I. Probatur ex Scripturis. Regnum, quod Millenarii sangebant, erat futurum in terris, seu in hoc mundo; at Joann. 8. 38. Christus dicit: *Regnum meum non est de hoc mundo*. Regnum Millenariorum erat futurum mille tantum annorum; at Scriptura dicit, esse æternum; Lucæ 23. 43. *Ibunt hi in supplicium æternum, iusti autem in vitam æternam*. Millenarii somniabant, regnum Iustorum futurum esse in esca, & potu, & in deliciis carnalibus; at dicitur Matth. 22. 30. *In resurrectione neque nubent, neque nubentur, sed sunt omnes sicut Angeli Dei*; & Joann. 14. 17. *Regnum Dei non est esca, & potus*. Hæc contra Millenarios, contra alios Hæreticos sunt, quæ sequuntur. Lucæ 23. 43. *Hodie mecum eris in Paradiso*. Non loquitur Christus de terrestri paradiso, quia dicit *meum*. Nec bene respondent, qui dicunt verificari *To mecum*, quia Deus est ubique. Etenim quando Christus Latroni paradysum promissit, aliquid novi promissit; non fuisset autem hoc novum, esse cum ipso ut Deo in terrestri paradiso, quia sic etiam cum ipso erat in hoc mundo, adhuc quando latrocinia operabatur. Uterius, etsi vox paradysus in veteri testamento, ut plurimum fumatur pro paradiso loco, in novo tamen sumitur pro paradiso spiritali, & cœlesti; ut pa-

ter 2. ad Cor. 12. & Lucæ 21. Nec etiam bene dicunt alii, loqui de paradiso cœlesti, sed dando post corporum resurrectionem; & *To hodie* referri ad *To dico*, ut sit sensus *Amen dico tibi hodie, mecum eris in paradiso*. At ridicula est hæc expositio; quia *To hodie* Christi responderet *To quando* Latronis; hic enim dixit: *Memento mei, quando veneris in regnum tuum*. Latro vero non loquebatur de tempore post universalem resurrectionem; nec Christus in regnum suum post universalem resurrectionem erat venturus. Matth. 18. 10. *Angeli eorum semper vident faciem Patris mei, qui in cœlis est*. Actuum 7. 59. *Domine Jesu suscipe spiritum meum*. 2. ad Corineth. 5. 1. *Sciimus enim, quoniam, si terrestris domus nostra huius habitationis dissolvatur, quod adificationem ex Deo habemus, domum non manufactam, æternam in cœlis*; ubi domus nostræ huius habitationis est corpus humanum; domus autem non manufacta æterna in cœlis est intuitiva Dei visio; quam dicit Apostolus a nobis habendam post dissolutionem corporis, hoc est domus nostræ huius habitationis. 1. ad Corinth. 13. 12. *Videmus nunc per speculum in ænigmate, tunc autem facie ad faciem*; ergo tunc videbimus facie ad faciem, quando amplius non videbimus in ænigmate; sed post hanc vitam non videbimus in ænigmate; quia nunc sic videmus; ergo, &c. Plura alia, immo pene innumera, Scripturarum testimonia inveniuntur apud Bellarminum, Pecavium, Alphonsum de Castro, citatus, aliosque passim.

- II. Probatur ex Conciliis. Concilium Constantinopolitanum I. posuit in Symbolo; & *regni ejus non erit finis*; contra Apollinaristas, qui regnum mille annorum in terris pro Sanctis admittebant. Lugdunenſe generale in formula fidei, recepta a Latinis, & a Græcis: *Credimus, illorum animas, qui post sacrum baptismum susceptum, nullam omnino peccati maculam habent, vel in suis manentes corporibus, vel eisdem exuta, sunt purgata, mox in cœlum recipi*. Florentinum etiam generale hoc idem statuit in Decreto unionis Latinorum cum Græcis, sess. ultima, in qua legitur: *Desimus, illorum animas, qui post baptismum susceptum, nullam omnino peccati maculam incurrerunt*; illas

illos etiam, quæ post contritionem peccati maculam, vel in suis corporibus, vel eisdem exuta corporibus, prout superius dictum est, sunt purgati, in calum mox recipi, & intueri clarè ipsum Deum trinum & unum, sicuti est; pro meritorum tamen diversitate, aliis alio perfectius. Tridentinum sess. 25. Docentes eos, Sanctos, una cum Christo regnantes, orationes suas pro hominibus Deo offerre ... Illos vero, qui negant, Sanctos æterna felicitate in cælo fruantes, invocandas esse ... impie sentire, &c.

- III. Probatur ex universalis Ecclesiæ Romanis Pontificibus. Innocentius III. in c. apostolicam. extra. De Presbytero non baptizato; Ubi respondens Episcopo Cremonensi, qui apud ipsum quaesierat, an poverit sine baptismo salvari quidam Presbyter non baptizatus, qui jam defunctus erat, respondit: Inquisitioni tuæ respondemus, Presbyterum, quem sine unda baptismatis extremum diem, clausisse significasti, quia in sancta matris Ecclesiæ fide, & Christi nominis confessione perseveravit, ob originali peccato solutum, & celestis patriæ gaudium esse adeptum, asserimus invenisse. Clemens IV. in Fidei professione, quam misit ad Paleologum, Imperatorem Græcorum, ann. 1267., quæ recepta fuit in Concilio Lugdunensi, asserit, animas iustorum frui beatifica visione statim ab eorum a corporibus separatione, si nihil expiandum iisdem superesset. Nicolaus III., & Nicolaus IV. idem dixerunt. Tandem Benedictus XII. in Extravaganti Benedictus Deus, hæc habet: Desinimus, quod secundum communem Dei ordinationem, anima Sanctorum animam, qui de hoc mundo ante Domini nostri Jesu Christi passionem decesserunt, necnon Sanctorum Apostolorum, Martyrum, Confessorum, Virginum, & aliorum fidelium defunctorum, post sacramentum baptismi ab eis susceptum, in quibus nihil purgabile fuit, quando decesserunt, nec erit, quando decedent, etiam in futurum, vel si tunc erit aliquid purgabile in eisdem, tamen post mortem suam purgabant, atque anima puerorum eodem Christi baptismate renatorum, & baptizandorum, cum fuerint baptizati, ante usum liberi arbitrii decedentium, mox post mortem suam, & purgationem præstatam in illis, qui purgatione huiusmodi indigebant, etiam ante resurrectionem suorum corporum, & iudicium generale, post ascensionem Domini nostri Jesu Christi in cælum, fuerint, sunt, & erunt in cælo, calorum regno, & paradiso celesti, cum Christo sanctorum Angelarum consortio aggregata, ac post Christi Jesu passionem, & mortem, viderunt, vident, & videbunt, PAR. I.

divinam essentiam immediate, se bene, & clare, & aperte illis ostendentes; quodque sic videntes eadem divinam essentiam perfruantur; necnon quod tali visione, & fruitione eorum anima, qui jam decesserunt, sunt vere beata, & habent vitam æternam, & requiem, & omnium illorum, qui postea decedent, cum eandem divinam videbunt essentiam, ipsique perfruantur aut iudicium generale, ac quod visio huiusmodi, ejusque fructus altum fidei, & spem in eis evocant, prout fides, & spes proprie theologiae sunt virtutes; quodque postquam inchoata fuerit, vel erit talis intuitiva, & scilicet visio, & fruitio in eisdem, ejusdem visio, & fruitio sine aliqua intermissione, sed evocatione prædicta visionis, & fruitionis continuata existet, & continuabitur usque ad finale iudicium, ex tunc usque in sempiternum. Omnes denique Pontifices, qui Constitutiones, seu Bullas ediderunt in Canonizationibus Sanctorum, qui quidem sunt plurimi; inter illos tamen ponimus tantum, Joannem XXII., & Leonem X. illum quidem, quia non amplius de ejus mente audiatur questio, quum hæc in re, non Adversarium, sed Patronum, addueamus. In Canonizatione S. Thomæ Aquinatis habetur S. Thomam deivisse, triumphatorem mundo in perpetuas æternitates receptum, in patria ejus animam oculum possidere, & celestibus agminibus positum, Deum glorificare. In Canonizatione S. Thomæ, Episcopi Herphordiensis ait: Latentur Cæli sursum, qui hunc Sanctum gloriosum in se suscipiunt ... celestis imperii ipse ineffabili throno gaudet. In Canonizatione S. Ludovici, Episcopi Tolosani inquit: Huic Cæli præstat auspiciam, Cæli civis, ut sibi confirmem, & comparem ad suum hunc consortium admittunt in supernis Christus hunc respicit, idem ipse prandium, & convivium tandem gloriosam resalutem in mortem, qui hic vivens ambulavit in innocentia, in medio domus suæ, ad Deum suum in gaudio contemplandum, facia revelata in suo innocentia est ingressus, Leonem etiam X. adducimus, quia in Canonizatione Sanctorum hic primus omnium Pontificum usus est voce illa, desinimus, quam priores non adhibebant; & usus est ea in canonizatione S. P. Francisci de Paula, ut in bulla ejusdem canonizationis legitur: Decernimus, & desinimus, bona memoria Franciscum de Paula, ejusdem Ordinis Minorum Insistentem, in caelesti Jerusalem, inter Beatorum electos, jam receptum, æternæque gloria condonatum fuisse, ac sanctæ Confessorum catalogo adscribendum fore, ipsumque huiusmodi catalogo in præsentiarum adscribimus, evocamus.

HL tan.

tanquam Sanctum, publice, privètimque, cendum esse, declaramus, atque mandamus.

- IV. Probatum ex Sanctis Patribus, quorum, multos profert P. Boucat, tum ex Græcis, tum ex Latinis, quorum opera non sunt genuina, ac propterea, vel nullius, vel sunt dubiæ, auctoritatis. Illos proinde omittentes, adducimus tantum eos, quorum opera etiam Critici severiores in dubium ponere non audent. S. Basilii homilia in quadraginta Martyres: *Pes non terra occuluit, sed cælum suscepit: aperta sunt vobis paradisi porta.* Nazianzenus orat. 20. quæ est de S. Basilio, in qua dicit, illum esse in cælo, illumque precatur, ut eum quoque post mortem suam in æterna recipi mereatur, ut beatam Trinitatem tecum pariter contemplari valeam. Nyssenus orat. in S. Ephrem: *Tu vero assidens divino altari, vitæque principi, & sacrosancta mater Angelis sacræ fideus Trinitati, omnium nostrum recordare, nobisque peccatorum veniam impetra.* S. Athanasius in vita S. Antonii n. 60. ratam habet Antonii visionem, quam idem narrat, se scilicet vidisse Ammonis Monachi animam in cælum evolantem statim post ejus obitum. S. Epiphanius hæc. 78. *Sancti sunt in bonore, quies ipsarum in gloria. Profecto hinc in perfectione sors ipsorum in beatitudine, in mansionibus sanctis, tripudium cum Angelis, gloria in cælo.* Theodoretus lib. 8. ad Græcos, qui est de Martyribus: *Si Cælum sedes illorum est, qui pie vixerunt, hunc profecto finem cursus sui & Martires jam consentiunt; his enim magis pium est nihil potest.* Eadem dicit Eusebius lib. 4. v. 15. de S. Polycarpo. Et hi omnes Græci Patres sunt; ad Latinos modo devenientes, proferuntur S. Cyprianus lib. de exhortat. martirii: *Quanta est dignitas, & quanta securitas, exire hinc latum, exire inter pressuras, & angustias gloriosum; claudere in memento oculos, quibus homines videbantur, & aperire eosdem statim, ut Deus videatur, & Christus!* Tam velociter migrandi quanta felicitas, ut terris repente subtraharis, ut in regnis caelestibus reponaris! S. Hieronymus epist. ad Marcellam de obitu Lætie: *Nunc pra brevi labore æterna beatitudine fruimur, excipitur Angelorum eboris, Christum sequitur, & dicit, quæcumque audivimus, vidimus in civitate Domini virtutum.* S. Prosper lib. 1. de vita contemplativa c. 1. *Ut omnes Adhærent Christi, qui usque in finem vitæ præsentis divinitus adjuvi suis auxiliis insatiablem resistunt, laboribusque jam peregrinatione transactis regnent felices in Patria; cuius hoc erit tatum premium, ut vita contemplativa simul composita esse inexplē-*

lizer auctorem beatitudinis sua conspiciat, de illo gaudet, de illo, quod speravit, obtineat, & in eo, ad quod sancte vivenda pervenerit, sine fine permoretur. S. Fulgentius ser. de S. Stephano: *Idcirco Adhærent de tabernacula corporis exiens, triumphator migravit in cælum.* Gregorius Papa in psal. 4. penitentialem: *Beatitudo, & gloria corporum ante resurrectionem tribuitur, & corporibus nihilominus ante iudicium conferuntur.*

- V. Ex Rationibus I. Dammati actu puniuntur in inferno: ergo Beati actu Deum vident in paradiso. Consequentia probatur: Non est Deus promior ad puniendum, quam ad remunerandum sit velox: ergo si actu Dammati punit in inferno, actu etiam beatificat Sanctos in paradiso. II. Ante Christi adventum Sancti non invocabantur, modo autem invocantur: ergo etiam ante Christi adventum Sanctorum animæ in paradiso non essent, modo autem sunt. Antecedens est certum; quia Sancti Patres & Græci, & Latini post Christi adventum Sanctos invocandos effectum verbum, tum exemplo, docent. Consequentia, sequitur: quia ex hoc patet, differentem habere statum modo Sanctos ab illo, quem antea habebant; tunc enim erant in sinu Abraham, modo sunt in paradiso in Dei consorcio; unde apud Deum illos adjuvant, qui eos invocant. III. In tantum ante Christi adventum Dammati in inferno puniebantur, & iusti in paradiso Deum non videbant, quia paradisi portæ clausæ erant; sed modo sunt apertæ nobis per Christum; ergo, quom defectus non proveniat ex parte Cæli, quod apertum est, neque ex parte Dei, qui propensior est ad remunerandum, quam ad puniendum, dicendum est, modo nullum esse impedimentum, quo minus iustorum animæ cælum ingrediantur ad Deum intuitivè videndum. IV. Animæ Sanctorum vel habent meritum, ut cælum ingrediantur, & Deum videant, vel non habent? Si non habent; ergo neque habebunt; quia non possunt amplius mereri post separationem a corporibus suis: ergo nunquam cælum ingrediantur. Si habent; cur non modo ingrediantur, quom nullum sit obstaculū, neque ex parte ipsarum, neque ex parte Dei, neque ex parte cæli? V. Post peregrinationem statim perveniunt ad patriam, si nullum sit impedimentum, ut in eam ingrediamur; sed peregrinatio nostra tantum est mortalis hæc vita, non vero vita subsequens: ergo post mortalem hanc vitam in patriam debemus ingredi, si nullum sit impedimentum,

tum, ut supponimus, quod solum esse potest, vel peccatorum, vel poenarum solutio in purgatorio; unde Apostolus ait 2. ad Cor. 5. 6. *Scitetur, quoniam dum sumus in corpore, peregrinamur a Domino, per fidem enim ambulamus, & non per speciem, audemus autem, & bonam voluntatem habemus magis peregrinari a corpore, & praesentis esse ad Dominum.* VI. Operatio, qui operatur, statim debetur merces, & Militi, qui pugnat, & vincit, statim debetur praemium; sed vita nostra est militia super terram, & est labor in terra: ergo animabus Justorum statim post militiam, & post laborem, debetur merces, & corona. Dicitur enim Levitici 19. 13. *Non morabitur apud te opus Mercenarii tui usque mane;* & 2. ad Timothei. 4. 8. *In reliquo reposita est mihi corona justitia, quam reddet mihi iustus Index in illa die, non solum autem mihi, sed & his, qui diligunt adventum ejus.* Et haec est ratio S. Thomae lib. 4. contra Gentes n. 2. VII. Animae non merentur gloriam propter corpora: ergo non debent expectare resurrectionem corporum, ut gloriam consequantur. Probatur antecedens. Animae sunt causae principales meriti, ex S. Thoma loc. cit. ergo non merentur gloriam propter corpora. Consequentia sequitur; quia aliter inconveniens esset, expectare corpora, ut Deum videant, quando ipsae meriti principaliter meruerunt Deum videre. VIII. Animae a corporibus separatae sunt capaces, ut Deum intuitive videant, & sunt quidem capaces, tum physice, tum moraliter: ergo non est eis visio illa retardanda propter corpora. Probatur antecedens. Sunt capaces moraliter, quia habens meritum, & principales fuerunt causae merendi, ut dictum est; sunt capaces physice, quia non habent sensuum impedimentum, quominus Deum intuitive videant. Arguunt Adversarii I. Matthaei 20. 8. *Cum sero autem factum esset, dicit Dominus vinea procuratori suo: Voca Operarios, & redde illis mercedem;* sed pro sero intelligitur iudicium finale: ergo tantum in finali iudicio animabus Justorum dabitur merces. II. In epist. Joann. 3. 2. *Scimus quoniam cum apparuerit, similes ei erimus;* quoniam vidimus eum sicuti est. Verba illa cum apparuerit significant secundum Christi ad ventum: ergo tunc videbimus Deum sicuti est. III. Apocalypsis 6. 9. *Vidi suppositi altare animas interfectorum, propter verbum Dei;* sed per verba suppositi altare intelligitur receptaculum reconditum, in quo animae quiescant, sed in tenebris: ergo Deum non

vident. IV. Apocalypsis 20. 4. *Et vidi sedes, & sederunt super eas, & iudicium datum est illis: Et animas decollatorum propter testimonium Jesu, & propter regnum Dei, & qui non adoraverant bestiam, neque imaginem ejus, nec acceperant characterem ejus in frontibus, aut in manibus suis, & vixerunt, & regnaverunt cum Christo mille annis.* Cateri mortuorum non vixerunt, donec consummentur mille anni. Haec est resurrectio prima. Pluries fit mentio in eodem capite regni mille annorum, quod statuitur iustis cum Christo, antequam ad gloriam in coelum percipiendam perveniant: ergo, inferunt Milenarii, vere hoc regnum mille annorum erit pro iustis cum Christo post universale iudicium. V. Ad Hebraeos 11. 13. dicitur de Sanctis veteris testamenti: *Juxta fidem defuncti sunt omnes isti, non acceptis repositionibus;* & v. 39. asserit iterum: *Et hi omnes testamento fidei probati, non acceperunt repositionem.* Tempore autem, quo Apostolus scribebat, Christus jam ascenderat in coelum: ergo si tempore illo animae Sanctorum expectabant, expectant etiam modo; & si expectabant animae Sanctorum veteris testamenti, expectant etiam animae Sanctorum novi testamenti. VI. Trium priorum Ecclesiae seculorum unanimi traditione docebatur, futurum Christi regnum post universale resurrectionem per mille annos; & Papias tam docebat ex Apostolorum traditione: ergo negari non debet regnum millenarium Sanctorum post iudicii diem. Probatur consequentia. Quia alias sequeretur, per illa tria secula totam Ecclesiam errasse, quod non est dicendum. VII. Ex Origene homilia 7. in Leviticum: *Nondum Sancti receperunt laetitiam suam, ut Apostoli quidem, sed & ipsi expectant, ut ego laetitia eorum particeps sim;* ergo ex Origene animae Sanctorum usque ad iudicii universalis diem Deum intuitive non vident. VIII. Ex Lactantio lib. 7. c. 21. *Nec quisquam putet, animas post mortem protinus iudicari; nam omnes in una, communique custodia detinentur, donec tempus adveniat, quo maximus Index meritum faciat examen.* Quid clarius pro errore, quem impugnamus? IX. Christus non statim post mortem suam ascendit in coelum, sed per dies quadraginta in terra remansit; sed animae Sanctorum debent Christo assimilari: ergo non statim post mortem ad coelum ibunt, sed expectare debent saltem usque ad iudicii diem, quod tempus assimilabitur quadraginta dierum tempori, quo Christus in

terris degit. X. In Judicio erit examen: ergo in Judicio dabuntur præmia Electis, & Reprobis poenæ: ergo usque ad judicium expectare debent. XI. Animæ non debent beatitudinem acquirere sine corporibus, nec sine corporibus poenas lueri: ergo expectare debent universalem resurrectionem. Probatur antecedens. Animæ cum corporibus suis operantur sunt bonum, & malum; sed beatitudo datur propter bona opera, & poenæ dantur propter mala: ergo animæ nec beatæ, nec infelices, esse debent sine corporibus. XII. Dæmones modo non puniuntur, sed reservantur puniendi usque in judicii diem: ergo nec animæ modo puniuntur, nec pariter beatificabuntur. Probatur antecedens. Matthæi 8. 29. Dæmones Christo dicebant: *Venisti huc ante tempus torquere nos*: Et Lucæ 8. 31. *Et rogabat illum, ne imperaret illis, ut in abyssum irent*: ergo si Dæmones modo non puniuntur, neque Dammati torquentur, nec per consequens Sancti vident Deum.

Respondemus ad I. In judicio generali reddendam esse cuilibet mercedem perfectam, & publicæ; in judicio vero peculiari reddi cuilibet mercedem imperfectam, seu incompletam, & privatam. Merces completa, & perfecta, est quæ datur animabus cum corporibus suis, & datur publicæ; incompleta vero merces datur animabus solis, & datur privatim in judicio peculiari. Cæterum parabola illa explicatur a Patribus de vocatione Gentilium ad Fidem Christi, qui vocati ad vespertinam Mosaicæ legis, & venientes receperunt fidem, ac æqualem gratiam cum Judæis. Denique Parabolæ non in omnibus, quæ continent adumbratum, & literaliter explicandæ sunt, ut Chrysostomus quoque observat; quia si sic explicarentur, multa quandoque sequerentur absurda, quæ omnino admitti non possunt.

Ad II. Sensus verborum illorum est; Cum apparuerit Christus, similes ei erimus, tam secundum animam, quam secundum corpus, quod tempore illo corpori Christi glorioso assimilabimur. Unde *To apparuerit* non refertur ad Christum, quasi sit sensus, nos tantum fructuros Deo, quando Christus apparuerit in judicio; sed refertur ad id, quod erimus. Præcedunt enim hæc verba: *Carissimi nunc filii Dei sumus*; & *non dum apparuit quid erimus*; ex quibus sequitur, quod Deum videbimus quidem, quando umbræ in corpore glorioso innotuerit quid erimus; sed non sequitur, quod tunc

tantum incipiemus divino illo conspectu frui. Quod confirmatur ex illo Apostoli ad Philippens. 3. 20. *Unde etiam Salvatorem expectamus Dominum nostrum Jesum, Christum, qui reformabit corpus humilitatis nostræ configuratum corpori claritatis suæ*. Unde intelliguntur de beatitudine completa secundum animam, & corpus, non vero de incompleta secundum animam tantum.

Ad III. Tres sunt Sanctorum expositiones ad illa verba. Prima est Bedæ, conjungentis verba illa *sub altari* cum verbo *interfectorum*, & sensum facientis: *Vidi animas interfectorum sub altari*. Pro altari autem intelligit Christum; & vult significari: Vidi animas interfectorum sub altari, idest sub resurrectione Christi; quemadmodum 2. Machab. 7. dicitur, Machabæos fuisse occisos sub testamento Dei, idest pro testamento Dei. Altera est ejusdem Bedæ, Primasii, & Haymonis, volentium, verba illa *sub altari* conjungi cum *vidi*; & per altare intelligentium secretum intellectualem, unde divinæ laudis thym ama procedat. Tertia est S. Anselmi, Ecclesiæ Doctoris illuminati, qui docet, per altare intelligi Christum; & animas nun esse sub Christo, hoc est Christo eas adumbrante, & impediante, ne videant Deum, ut videtur exposuisse Bernardum; sed quia sunt Christo inferiores loco, & dignitate; & quia sub Christi patrocinio vicerunt; & ideo sunt sub Christo. Cæterum nullo modo per *To sub altari* intelligi potest locus extra cælum; quia c. 7. habetur, animas illas esse amictas stolis albis, esse ante thronum Dei, & servire Deo in templo ejus, hoc est in cælo, die, ac nocte; ut Bellarminus ait.

Ad IV. Resurrectio prima intelligitur a Joanne in Apocalypsi gloria, quam habent animæ in paradiso ante generalem corporum resurrectionem; & dicitur etiam gloria prima, quæ præcedit gloriam secundam, quæ erit animæ, & corporis. Dicitur autem mille annorum, ut significet temporis longitudinem, quod intercedet in animæ gloriam, & corporis resurrectionem. Hoc patet primo, quia in Scripturis *To mille* multoties ostendit longam temporis durationem; ut psal. 144. 8. *quod mandavit in mille generationes*; & psal. 146. 15. *mille anni ante oculos tuos*, &c.; & Deut. 7. 9. & 1. Secundo quia si ad Apostolo ad Coloss. 3. 1. justificatio appellatur resurrectio; *Si confurrexeris cum Christo*, &c. quanto magis pro resurrectione intelligi poterit animæ glorificatio? Igitur re-

resurrectio non intelligitur tantum pro sola generali resurrectione, in quo errarunt Millemarii, sed pro animarum etiam glorificatione; & regnum pariter erit animarum cum Christo videntium Deum.

Ad V. dicitur, Sanctos veteris testamenti non accepisse reprobationes sine Christo, quia dilatae fuerunt usque ad primum Christi adventum, & tunc aperti sunt caeli, & cum Christo triumphantes in caelum ascenderunt; non autem dilatae sunt usque ad iudicii diem, nisi pro consummata glorificatione, quae intelligitur pro illa animarum, & corporis simul; ut ait Augustinus tract. 49. in Joannem. Et Bellarminus subdit lib. 1. de beatitudine Sanctorum c. 3. *Notanda sunt illa verba, ne sine nobis consummarentur, non enim ait, ne sine nobis remunerarentur, sed sine nobis consummatam habeant mercedem.*

Ad VI. Tribus illis prioribus saeculis fuisse Patres, tum Graecos, tum Latinos, qui dogma catholicum contra Chilianes strenue propugnarunt. Et fuerunt quidem Igoatius Martir, Cyprianus, Eusebius, alique multi, ut visum est. Papias autem, ut testatur Eusebius ipse, vir erat pertinacis ingenii, & vanarum traditiones pro apostolicis traditionibus, non quidem praemalicia, sed praesimpliciter, vendicabat. Ceterum sufficiens erat, ut in Petri cathedra firma esset orthodoxa veritas, ne Deum suam reliquisset Ecclesiam diceretur. Ex Petri cathedra nil tale emanavit; nil tale traditum est a Pontificibus, qui illam regebant.

Ad VII. Origenes intelligitur de beatitudine consummata; si quidem ipsemet Origenes lib. contra Celsum docuit, beatitudinem dari Saeculis post exactos labores. Labores autem in morte finem habent: ergo in morte Sanctorum beatitudo danda est Sanctis. Et ita sunt intelligenda verba Apocalypsi. 14. 13. *Amodo jam dicit Spiritus, ut requiescant a laboribus suis: opera enim illorum sequuntur illas.*

Ad VIII. Laetantius intelligitur de generali iudicio, quod quidem non statim est post mortem; & animas destineri in caelo, quasi in custodia, donec sua corpora reassumeant. Ceterum erit fuerint Patres, tum Latini, tum Graeci, qui contra hoc, quod defendimus, scripserunt; non per hoc dicendum est, ut illos efformasse traditionem in Ecclesia, aut in Ecclesia fuisse haeresim amplexos. Non primum, quia defuit unanimis consensus Patrum, & defuit quoque

Ecclesiae definitio, ut dicebamus; & propter hoc etiam quia defuit Ecclesiae definitio in contrarium, illi, qui contrarium docuerunt, haeretici non sunt dicendi, quanvis in errore illo fuerint, contra quem Patres alii pugnarunt.

Ad IX. Christus antequam in caelum ascenderet, etiam Dei visione fruebatur; ergo si currit paritas, etiam animarum videbunt Deum antequam caelum ascendant. Quod si hoc admittunt Adversarii, dicit Bellarminus, non multum de caelo illo corporeo solliciti sumus. Re vera Christus fuit nostrum exemplar in morte, in sepulcro, in resurrectione, in ascensione quantum ad corpus; quia nos etiam morimur, sumus in sepulcro, resurgemus, & cum corporibus nostris in caelum ascendemus. Quod autem anima Christi ad inferos descendit, non dedit nobis in hoc exemplum, quia non debemus nos animas de limbo liberare, ut ipse liberavit.

Ad X. Privata iudicia particularia praecedunt iudicium universale, quod erit publicum; nec ob inde universale illud erit frustraneum, quia ob alios etiam altissimos fines a Deo fiet; scilicet ob suam exercendam iustitiam, & misericordiam, ad satisfactionem Christi, ad laudem bonorum, ad ignominiam malorum, ut totus homo iudicetur, ut praemium, vel poenam recipiat. In iudicio ergo erit examen generale, publicum, & dabitur praemium, & poena, animabus simul cum corporibus.

Ad XI. Anima sine corpore capax est praemii, & poenae; potest ergo sine corpore praemium recipere, & poenam luere, juxta meritum, vel demeritum, quod habet. Saepe est ergo, ut deinde corpus etiam recipiat praemium, vel poenam, quando ipsi fuerit anima unita; ad hoc ut corpus etiam, si operatum est malum, poenam luat, & si fecit bonum, praemium obtineat, eoquo fruatur.

Ad XII. Ex Bellarmino verum est, quod multi Daemones non sunt in abyssum descenderunt, sed in aere sunt caliginis ad exercitationem hominum; at tamen poenas etiam extra inferos luunt, & damni, & sensus; unde scribit Beda in comment. c. 3. epistolae S. Jacobi, quocumque Daemones voluerint suam ubique gehennam circumferre; & S. Augustinus lib. de correptione & gratia c. 10, ac S. Prosper lib. de vita contemplativa, docent, Daemones jam iudicatos, ac miferos esse.

DISSERTATIO LVII.

*De Possibilitate intuitivæ Dei visionis in puro
homine in corpore, & de ejusdem
in aliquo speciali homine
actualitate.*

QUOD in præfenti questione, quæ ut plurimum scholastica, est, a nobis assertur, hoc est: Nullum usquemodo purum hominem in corpore vidisse Deum intuitivè, posse nihilominus videre. Et quidem pro certo habendum est, nullum purum hominem constanter, & permanentè Deum in hac vita intuitivè vidisse; adeoque neminem obtinuisse visionem Dei non interruptam, & perpetuam, quæ est plena, & perfecta felicitatis possessio. Hoc enim nullibi de aliquo homine puro, hoc est non homine-Deo, ut fuit Christus Dominus, in sacris literis reperitur; quibus, quum sit res de facto, quoad hoc præcise standum est. Quod autem dixerunt aliqui solum fuisse, Deum aliquibus veteris testamenti, & novæ legis, Patriarchis, Abraham nimirum, Jacob, Moyse, Isaïa, Job, &c. & novæ legis etiam Sanctis, puta Paulo Apostolo, Stephano protomartiri, Sancto Patri Francisco de Paula, aliisque, sui copiam in hac vita, fecisse, raptum quidem, ac aliquo temporis spatio propemodum brevi, ac interrupto. Hoc potissimum assercbant antiqui Patres quidam contra Arianos dicentes, Dei filium apparuisse in veteri lege Prophetis illis, non Patrem, qui proinde maxime invisibilis dicebatur; & quia Prophetæ Deum se vidisse narrabant, ob hoc Dei filium verum quoque Deum esse, argumentabantur. Unde Cacheranus assertit, aliquos in hac vita vidisse Deum, si Patrum testimoniiis stabinus, problematicum esse; si vero rationibus, negativam patrem sibi apparere probabiliorem. Contra vero P. Palanco inquit, probabilis valde esse, Moysem, & aliquos Patriarchas, Paulumque Apostolum, ex speciali privilegio vidisse transseunt in hac morali vita divinam essentiam; licet probabilè sit etiam oppositum ex sacro textu, & antiquis Patribus. P. Lallemande pariter docet, de lege ordinaria neminem posse videre Deum per essentiam in hac morali vita,

adhuc existentem, posse tamen de potentia Dei absoluta, nec ob hoc præcise causari separationem animæ a corpore; non esse tamen undequaque certum, an quidam in hac vita existentes viderint Deum per essentiam, aramen esse sibi probabilissimum id contigisse, quanvis plures sancti Patres id negare videantur. P. Boucat putat, Moysem, & Paulum vidisse in via oculis mentis intuitivè Deum. P. Sagueny ait, nihil impossibilitatis esse in hoc, quod Deus homini degenti adhuc in hac mortalitatis carne indulgeat sui, etiam in natura propria, visionem, nec tantum momentaneam, sed etiam arbitrarie durationis; autem alicui dederit, abstinere affirmare, vel negare. Denique P. Magnanus constanter, & aperte docet, nullum usquemodo Deum in hac vita intuitivè vidisse, posse nihilominus de potentia Dei absoluta videre, non tantum raptum, sed & constanter, & permanentè; cui nos libenter subscribimus.

- I. Ex Scripturis probatur, Nullum usque modo purum hominem vidisse Deum intuitivè in hac vita. Joannis 6.46. *Non quia Patrem vidit quisquam, nisi is, qui est a Deo, hic vidit Patrem.* Item Joannis 2.16. ubi Joannes Baptista Judæis de Christo testimonium perhibens, inter alia hæc habet: *Et de plenitudine ejus nos omnes accepimus, & gratiam pro gratis; quia lex per Moysen data est, gratia, & veritas per Jesum Christum facta est. Deum nemo vidit unquam: Unigenitus filius, qui est in sinu Patris, ipse enarravit.* Uterius 1.ad Timoth.6.16. *Qui solus habet immortalitatem, & lucem inhabitat inaccessibleem: quem nullus hominum vidit, sed nec videre potest.* Quum igitur Adversarii dicant, saltem Moysen in lege veteri, & in nova Paulum, tanquam Judæorum unum, & Gentilium alterum Magistrum, Deum intuitivè in hac vita vidisse, de Moyse, & de Paulo ex adductis locis contrarium sane colligitur, & convincitur. Item quum in priori loco Christus dicat, neminem ante ipsum vidisse Deum universa.

versali negativa, non est raro, qua Moyses excipiamus. Ulterius quum dicat quod solum illum vidisse Deum, qui ex Patre est: ergo quum in hoc solo casu exceptio a Christo fiat, non est ad alium casum extendenda, in qua talis ratio exceptionis non verificetur. Sicque quum Moyses a Deo non fuerit, Dei neque filius, & unigenitus, sequitur, ipsum non vidisse Deum intuitive. Ex secundo loco patet etiam; ibi enim Christus cum Moyses comparatur, & ratio discriminis in eo potissimum ponitur, quod Christus, quum sit Dei unigenitus, Deum intuitive videri, non sic vero Moyses, per quem sola lex nobis advenit, non gratia, quæ per Jesum Christum data est. Ex tertio loco manifestus convincitur, Paulum non vidisse Deum intuitive. Epistola illa annis tredecim post Pauli rapum scripta fuit, quum scripta fuerit, juxta Baronium, anno Christi 57., rapus vero contigit annis quatuordecim ante epistolam secundam ad Corinthios, ut ibi Paulus scribit c. 12. verbis illis: *Scio hominem ante annos quatuordecim, &c.* Hanc secundam Epistolam ad Corinthios Paulus scripsit anno Christi 58., ut habet idem Baronius; ex quo numero si demas quatuordecim annos, habebis rapum contigisse anno Christi 44. Unde patet, rapum præcessisse annis tredecim Epistolam primam Pauli ad Timotheum: Quum ergo Paulus in hac Epistola dicat, neminem vidisse Deum, immo nec videre posse; sequitur, nec ipsum etiam vidisse. Observantur hæc accurate a P. Magnano c. 17. de Deo invisibili visibili, prop. 6.

- II. Probatur ex Patribus. Auctor libri de celesti hierarchia sub nomine Dionysii Areopagite c. 4. §. 3. *Si quis vero dicat, quibusdam Sanctis immediate Deum ex se apparuisse, discat etiam hoc aperte ex Scripturis sanctis, illud ipsum, quod Dei est occultum, neminem vidisse, immo neque visum esse, sed apparuisse Sanctis Deum ostendentem se, ut eum decebat per visa quadam sacra, & ita, qui ea videbant, congruentia.* Gregorius lib. 4. c. 37. *Non igitur manifeste ipsam faciem Dei videbant Prophetæ, sed dispositiones, & mysteria, per qua inciperet homines videre Deum...* Igitur si neque Moyses vidit Deum, neque Elias, nec Ezechiel, qui multa de celestibus viderunt: ergo, &c. Docent etiam Athanasius, Nazianzenus, alique ab Augustino c. 11. l. 1. laudati, verbis hisce: *Moyse, aliisque Prophetis, Deum apparuisse alicujus conspicabilis materia dispo-*

sitione assumpta, salvo semper sua invisibilitate. Testantur etiam S. Hilarius, Nyssenus, Hieronymus, Bernardus, alique Patres.

- III. Rationibus probatur. I. Sancti Patres, qui Christum præcesserunt, in limbo detinebantur, post mortem, & Deum non videbant intuitive; ergo neque etiam in vita intuitive viderunt. Probatur consequentia. Post mortem non videbant, & in limbo detinebantur, quia non conveniebat membra præcedere caput, & filios ad præprios adire paternam hereditatem ante naturalem filium; sed hæc ratio convincit etiam, ne viderent in vita: ergo si post mortem non viderunt, nec viderunt etiam in vita; immo a fortiori dedecere, quoniam videre Deum intuitive in hac vita, quando non poterat post ipsam ante Christum intueri Deum. II. Ut Deus dispenseret suæ ordinariæ potentiz legibus, debet essetatio urgentissima; sed hæc ratio non erat, ut Deus se præberet videndum aliqui in hac vita: ergo nemo Deum in hac vita intuitive vidit. Major est certa; usus enim potentiz absolute non est in Deo supponendus, nisi in gravissimis casibus, & propter urgentissimas rationes; nec est concedendus, absque apertis Scripturarum verbis, quæ nulla possint commoda explanatione in alium sensum applicari. Minor etiam patet; etsi enim homines illi sanctissimi essent, non erat tamen in eis ratio urgentissima, ut Deum in hac vita intuitive viderent. Consequentia sequitur. III. Apparitiones illæ, quibus dicunt Adversarii Deum ab aliquibus fuisse intuitive visum, possunt commode explicari de imaginariis apparitionibus, non intellectuibus, vel de visione Dei in aliqua specie corpora, & materiali, non in se ipso, & in propria essentia: ergo non per ipsas dicendum est, Deum fuisse aliquando in hac vita ab aliquibus intuitive visum. Antecedens patet; quia Sancti Patres plures, & Scholastici Doctores multi, sic eas explicant. Consequentia sequitur; quia si possunt ita explicari, non est ratio, quæ nos adstringat ad concedendum illis, quibus factæ fuerunt apparitiones illæ, intuitivam Dei visionem, contra, vel saltem supra, ordinariæ divinæ potentiz usum. Obstant Adversarii I. Exodi 33. 11. *Loquebatur autem Dominus ad Moysen facie ad faciem, sicut solet loqui homo ad amicum suum.* Et n. 19. dixit Moyses ad Dominum: *Ostende mihi faciem tuam.* Respondit: *Ego ostendam omne bonum tibi.* Ergo Moyses vidit Deum

Deum facie ad faciem; ergo intuitive vidit, II. Numerorum 12. 6. *Si quis fuerit inter vos Propheta Domini, in visione apparebo ei, vel per somnium loquar ad illum. At non talis servus meus Moyses, qui in omni domo mea fidelissimus est: vere enim ad os loquor ei, & palam, & non per anigmata, & figurat Dominum videt*. Nulla autem esset differentia inter Moysen, & alios Prophetas, si Moyses Deum non vidisset intuitive, ut Prophetæ ceteri non viderunt; & si hi viderunt per anigmata, & figuras, dicendum est, Moysen facie ad faciem vidisse Deum. III. 2. ad Corinth. 12. 3. de semetipso Paulus narrat: *Raptus est usque ad tertium celum, vel in paradisum, auditque arcana verba, qua non licet homini loqui*. Et Actorum 26. 16. Christus ait ad Paulum: *Surge, & sta super pedes tuos; ad hoc enim apparui tibi, ut constituam te ministrum, & testem coram, qua vidisti, & coram, quibus apparebo tibi*; ergo vere Paulus in hac vita Deum intuitive vidit. IV. S. Hilarius lib. 1. de Trin. c. 3. & lib. 8. c. 2. testatur, Moysen, & Isaiam, Deum in hac vita intuitive vidisse. V. S. Augustinus lib. 12. de Genesi ad litteram c. 27. de Moyse hæc scribit: *Concupierat etiam videre Deum, non utique sicut viderat in monte, nec sicut videbat in tabernaculo; sed in ea substantia, qua Deus est, nulla assumpta corporalis creatura, qua mortalis carnis sensibus præsenteatur; neque in spiritibus figuratis similitudinibus corporum, sed per speciem suam, quantum eam capere creatura rationalis, & intellectualis potest, sevocata ab omni corporis sensu, & ab omni significatione anigmata spiritalis*. Subdens, quod quando Deus dixit Moysi, *non poteris videre faciem meam*, loquebatur figuratè ad Ecclesiam, & non ad personam Moysis; & quando dixit, *non videbit me homo, & vivet*, loquebatur de morte non corporali, sed de extasi, & abalienatione a sensibus corporeis. Badem habet Epist. 112. de Moyse, & Paulo. VI. Ambrosius lib. 1. c. 2. sic loquitur de Moyse: *Non in visionem, neque in somnium, sed ore ad os, cum Deo summo locutus; neque in specie, neque per anigmata; sed clara, atque perspicua præsentia divina cognitione dignatus*. VII. S. Thomas 2. 2. q. 174. ar. 4. *Moyse fuit ergo aliis excellentior. Primo quidem quantum ad visionem intellectualem; eo quod vidit ipsam Dei essentiam*. Et q. 175. ar. 3. *Paulus usque ad tertium celum divina virtute raptus Deum per essentiam vidit*. VIII. Saltem de B. Virgine concedi debet, quod Deum in hac vita intuitive viderit;

Et si de Beata Virgine conceditur, eoque nec verbum Scripturæ habent, quanto magis de Moyse, & Paulo, quibus Dei visio a Scripturis ipsis tribuitur?

Respondemus ad I. Verba illa, ostendam omne bonum tibi, intelligi non posse de intuitiva visione Dei, aliter non dixisset Moysi Deus post illa verba, *faciem autem meam videre non poteris*. Intelliguntur autem de signis mirabilibus potentiae, & providentiae Dei, quæ promittebatur Moyses de operaturum in auxilium populi sui. Nec verba illa facie ad faciem, sicut solet loqui homo ad amicum suum; accipiuntur de visione intuitiva Dei; aliter sic etiam essent intelligenda illa alia 1. Deuteronom. 5., quæ sunt verba Israelitarum: *facie ad faciem loquutus est vobis in monte, de medio ignis*; & tamen Israelitæ facie ad faciem Deum non viderunt, ut ipsemet Moyses testatur 1. Deuteronom. 4. *Locutus est Dominus ad vos de medio ignis. Vocem verborum ejus audistis, & formam penitus non vidistis*. Insuper Actorum 7. S. Stephanus testatur, Deum non apparuisse Moysi, sed Angelum, qui Dei nomine loquebatur: *Et expletis annis quadraginta, apparuit illi in deserto montis Sina Angelus in igne flamma rubi*. Intelliguntur igitur de familiari colloquio, quod Deus cum Moyse per Angelum habebat. Ad II. dicitur, hoc esse discrimen inter Moysen, & alios Prophetas, quod aliis loquebatur Deus in somnium obsecrante, & visionibus obscuris suam illis voluntatem aperiebat; Moysi autem loquebatur absque involutis, & ænigmatibus, sed clare suam voluntatem manifestabat. Igitur per illa verba significatur, quod Moyses videbat apertius, & clarius, quam alii Prophetæ, Dei voluntatem, non Dei essentiam.

Ad III. dicimus, Paulum non dixisse, se vidisse, sed se audisse; audire autem non importat visionem, sed revelationem. Ulterius, qui videt Deum intuitive, non ignorat, an viderit in corpore, vel extra corpus; ut patet in Beatis, qui Deum post resurrectionem in corporibus suis viderunt. Intelliguntur igitur illa verba de revelatione mirabilium Dei, quæ facta est Paulo in raptu illo, Deo sic disponente. Ulterius, importatur potius per illa verba visio Christi, quam Dei; Christus enim dixit ei: *Ego sum Jesus, quem tu persiquaris*; & postmodum subdit; *ad hoc enim apparui tibi, ut constituam te ministrum, & testem eorum, qua vidisti, & coram, in quibus apparebo tibi*. Tempore autem illo, quo Jesus Paulo loquebatur, non adhuc raptum ha-

habuerat; unde non poterat esse sermo de Divinitatis visione.

Ad IV. Hilarius, alique Patres, qui, ut dicebamus in Dissertationis initio, ex hoc Filii, qui Prophetis apparuerat, Divinitatem contra Arianos probabant, explicatur, ut eum, aliosque, explicat Petavius lib. 7. theologicorum dogmatum c. 12. n. 2. Sic Hilarius mens potest a nobis accipi, ut non propterea clare, & ut est in se, Isaiam, Moysen, aut quemlibet ceterorum vidisse putet Deum, sed in aliqua specie, & effigie externa ipsam Filii Dei conspectam illis esse personam. Ita enim nihilominus adversus Arianos illius procedet ratio, cum iste ipse, qui in imagine apparuit illa, verus nominetur Deus, & a Patre distinctus, etiam filium Dei vere credi Deum oportere. Hæc Petavius.

Ad V. Augustinus in epistola illa 112. c. 3. & dicit P. Magnanus, quod loquitur dubitantes; addit enim forte. Idem nihilominus Augustinus tract. 5. in Joannem, explicans illum, Deum nemo vidit unquam, dicit expressè, Moysen vidisse per nubem Angelum, & ignem, qui typum Domini gerebant, non præsentiam exhibebant. Ceterum Augustinus lib. 2. retractat. c. 24. loquens de libro de Genesi ad litteram, ait: In quo opere plura quaesita, quam inventa sunt; & eorum, quæ inventa sunt, pauciora firmata. Insuper epist. 142. c. 13. suum dubium facit: *Quid est ergo, quod eum (intelligit Moysen) sic fecit exceptum, nisi forte quia illa contemplatione dignum, etiam tunc habuit Populi sui talem rectorem, & ministrum in tota domo sua fidelem?*

Ad VI. Ambrosii auctoritati aliorum Patrum auctoritas opponi potest, immo ipsiusmet Ambrosii, qui lib. 5. de Fide c. ultimo, aperte negat, Moysen in hac vita, & Paulum, facie ad faciem vidisse Deum, & de utroque ex Scriptura probat, ut ait Eftius in 2. sentent. dist. 9. §. 10. In illo tamen loco, ab Adversariis adducto, ut idem Eftius habet, comparative loquitur Ambrosius, comparando scilicet Moysen cum aliis Prophetis, qui non ita claras, & frequentes Dei visiones habuerunt. Iuvenius intelligit Ambrosium de clara cognitione præsentiae, non per essentiam, sed per signa extrinseca, quæ eam cum certitudine indicarent.

Ad VII. S. Thomas in 1. p. q. 12. ar. 11. ad 2., & in 2. 2. q. 174. ar. 4., & q. 175. ar. 3. 4. & 5. contrarium assertum opponitur ipsius S. Thomas 2. 2. q. 98. ar. 3. afferens in corpore, Angelorum ministerio legem Moysi fuisse datam; & probat hoc ex Divi-

PAR. I.

nysio, quem credit auctorem libri de celesti hierarchia c. 4. §. 3. dicente: *His divinis visis prælati illi Patres nostri ministerio Angelorum initabantur. An non etiam sacram illam legislationem ab ipso Deo fuisse Moysi traditam divina Scriptura tradiderunt?* ... Quinimmo sapienter etiam Theologia docet, eam per Angelos ad nos demansasse. Postmodum respondens S. Thomas ad secundum argumentum, in quo opponebatur, legem a Deo immediate Moysi fuisse datam, juxta illud Exodi 32. in quo dicitur, Deum Moysi facie ad faciem fuisse loquutum, hæc habet: *Quod sicut docet Augustinus 12. in Genesi ad litteram, in Exodo dicitur, loquutus est Dominus Moysi facie ad faciem; & paulo post subditur, ostende mihi gloriam tuam: Sentiebat ergo quod videbat, & quod non videbat, desiderabat: Non ergo videbat Dei essentiam, & ita non immediate a Deo instruebatur. Quod ergo dicitur, quod loquebatur ei facie ad faciem, secundum opinionem populi loquitur Scriptura, qui putat, Moysen ore ad os loqui cum Deo, cum per subiectam creaturam, idest per Angelum, & nubem, ei loqueretur, & appareret; vel per visionem faciei quædam eminentis contemplatio, & familiaris, infra essentia divina visionem, intelligitur.* Hæc S. Thomas, qui & ex S. Dionysio, & ex S. Augustino, probat, Moysen in hac vita Deum intuitive non vidisse. Et quanvis in 2. 2. q. 175. ar. 3. dixerit, essentiam divinam a Paulo fuisse visam; & hoc ipsum ad caput 12. Secundæ ad Corinthios lect. 1. doceat, ubi etiam dicitur, Pauli raptum initio conversionis suæ contigisse; nihilominus ibi loquitur dubitando, & probabiliter; dicit enim, *convenientius dicitur.* Item ratio, quam adducit, non convincit; adducit enim Apostoli verba, quibus dicitur, Apostolum audivisse ineffabilia verba; audire autem non connotat visionem, sed potius revelationem, ut dictum est. Et quum raptus Pauli contigerit anno octavo conversionis ejus, ut offendimus supra; non videtur, qua ratione Angelicus Doctor dicat, initio conversionis contigisse. Tandem censeri potest, quicquid scripserat S. Thomas in prima parte, in prima, secundæ postea reformasse; licet deinde probabiliter in secunda secundæ de ea re iterum fuerit loquutus; ut ait P. Magnanus loc. cit.

Ad VIII. Nulla nobis est quaestio de B. Virgine, Dei Genitrice, Maria; quanvis enim nullus purus homo hoc privilegium habuerit videndi Deum intuitive in hac vi-

ea, ut probavimus, ipsam tamen, propter intimam cum Filio suo, Homine-Deo, conjunctionem, habuisse, pie credimus, & arbitramur. Hinc Rupertus Abbas in illa verba Canticorum 1. 14. *Oculi tui columbarum*, scribit: *Beatam Virginem repletam esse in tertium calum, & vidisse arcana mysteria, qua non licet homini loqui, perfectius, & excellentius, quam Paulum.* S. Antoninus p. 4. tit. 15. c. 17. ait: *In ipso conceptu, vel partu, Virgini datum esse ad hanc, ut videret mysterium huiusmodi, ut in patria.* S. Bonaventura in 3. d. 3. p. 1. ar. 3. q. 5. inquit: *Quod aliis legimus fuisse collatum, non est credendum Virgini fuisse denegatum.* Et S. Thomas 3. p. q. 27. ar. 1. docet: *Rationaliter creditur, quod illa, qua genuit Unigenitum a Patre plenum gratia, & veritatis, pro omnibus aliis maiora privilegia gratia acceperit.* Scimus tamen, Cardinalem de Lauræa, Vasquez, aliosque, hoc privilegium Mariæ non admisisse; at cæteri Theologi communiter concedunt. Congruentius est quidem, & præcipue Virginis dignitati, & pie fidelium devotioni, concedere, quam non admittere. Privilegium Maternitatis Dei, sicut in pluribus aliis ab universali purorum hominum lege Mariam fecit exemptam, ita & in hoc singularem eam effecisse, non est dubitandum. Quod vero pro Moyse, & Paulo Scripturæ aliquæ producantur, quæ pro Maria non adducuntur, non certe ita ineluctabilia, & invicta testimonia illa, comperimus, ut Deiparæ privilegium ponderamus. Hoc sane prævalet cuicumque dubiæ testimonio, quam de aliis quicumque facere possint. Remanet, hoc nihilominus non obstante, quod nullus purus homo viderit Deum intuitive in hac vita, quanvis Maria sola Deum ita vidisset; quemadmodum remanet etiam generalis lex, quod omnes in Adam peccaverint, etsi immaculata semper Virgo nostra permanferit? Non autem toto vitæ suæ tempore Dei visionem Maria habuit, ne, ut ait Cachernus, in pura creatura status Virginitatis cum statu Comprehensibilis confunderetur. Habuit tamen per certa temporis intervalia; nimirum in instanti Incarnationis Christi, non vero ante, nec Christi humanitatem in Dei visione præcederet; quicquid dicat Salazar de Conceptione c. 32. §. 4. defendens, in instanti etiam Conceptionis suæ Beatam Virginem vidisse Deum intuitive. Deinde habuit in Christi Nativitate, Resurrectione, Ascensione, aliisque insignioribus mysteriis, In-

arnationem Filii, & Maternitatem Virginis, consequentibus; ut docet præfatus Cachernus trac. 1. de Deo uno lib. 2. de visione Dei c. 1. §. 7. n. 73. Concludamus ergo pro cæteris, qui Deum non viderunt intuitive in hac vita, & præcipue pro Paulo, cum prælaudato Cardinali de Lauræa in 4. disp. 14. ar. ult. *Dum Pauli locum ad Galat. 3. considero, contremisco. Licet, ait, nos, aut Angelus de Cælo evangelizet vobis, præterquamquod evangelizavimus vobis, anathema sit. Lego autem a Joanne, & Paulo evangelizatum, Deum nemo vidit unquam;* ideo Ecclesiæ iudicium expello, & interim negativa adhareo.

Pro secunda vero Dissertationis Parte, certum est, de potentia Dei ordinaria nullum in hac vita posse Deum intuitive videre; ut patet Exod. 33. 20. *Non videbit me homo, & vivet.* Prima ad Timoth. 6. 16. *Quem nullus hominum vidit, sed nec videre potest.* Adducitur etiam ab Eftio, aliisque Theologis Scholasticis Epistola Decretalis Evangelistæ Papæ, quæ dicitur prima, in qua de Divinitatis luce scribitur, *quam nullus modo nostrum in hoc mortali corpore constitutus potest aliquantulum intueri.* Sed in ea multum non immoramur, scientes apud eruditos nostrorum temporum Criticos, Epistolam illam veterum Pontificum usque ad Siricium pro genuinis non haberi, at supposititias potius collectioni illi ab Isidoro Mercatore fuisse insertas. Tandem Rationes etiam suppetunt; quarum est I. quia in hac vita omnis cognitio nostra ordinaria via pendet a sensibus; Deus vero utpote immaterialis, & spiritualis, improporcionatus est sensibus. II. Status noster secundum præsentem providentiam est status vite, status pugne, status meriti; si autem Deum in hac vita videremus, status esset termini, coronæ, & præmii. III. Noster modus operandi via ordinaria correspondere debet nostro modo essendi; nosse autem modus essendi in hac vita inferior est, adeoque omnino impotens, etiam supposito auxilio, quod esset improporcionatum, ut Deum intuitive videat.

De potentia vero absoluta dicimus, posse purum hominem videre Deum intuitive in hac vita. I. Probat. Nulla est intrinseca repugnantia inter visionem Dei, & statum vitæ mortalem, quæ a Deo superari non possit; ergo potest purus homo de potentia Dei absoluta videre Deum intuitive in hac vita. Probat. antecedens. Hæc enim repugnantia, vel proveniret ex parte animæ, vel ex parte animæ unitæ

cum

eum corpore; vel ex parte animæ unitæ cum corpore mortali, & corruptibili. Non ex parte animæ; quia ipsa separata a corpore Deum intuitive videat. Non ex parte animæ unitæ cum corpore; quia post resurrectionem anima etiam corpori unita Deum intuitive videbit. Non tandem ex parte animæ unitæ cum corpore corruptibili, & mortali; corpus enim ad eliciendam visionem non concurrat, adeoque parum refert, num sit corruptibile, vel incorruptibile, mortale, vel immortale.

II. Humanitas Christi Domini adhuc in corpore mortali Deum vidit; ergo mortalitas corporis, quantum est de se, non habet intrinsecam repugnantiam cum visione Dei. Neque dicant, Christum habuisse hoc propter dignitatem infinitam ob divinam hypostasim. Etenim, ut docet P. Maganus, operari non est substantiæ, sed substantiæ, seu naturæ; & quando dicitur, actiones sunt suppositorum, denominative tantum verificatur. Igitur quavis hypostasis sit radix dignitatis in Christo secundum personam, non est tamen secundum se operativa, aut physice ad operationem dispositiva.

III. Probatur, quod non repugnet raptum non solum, sed nec etiam permanentem, de potentia Dei absoluta purum hominem in corpore videre Deum intuitive. Si enim ad breve aliquod tempus potest intellectus noster elevari, ut Deum intuitive videat, non est ratio, cur nequeat elevari ad longum tempus. Capacitas enim, seu, ut dicunt, potentia obediens, quæ est ipsi intellectui, ei non admittit obstatum mortalitatis, nec ad breve, nec ad longum tempus. Poterit ergo non modo raptim, sed & constanter in hac vita purus homo videre Deum. Non autem toto mortali viæ tempore durante; ne confundatur, ut diximus, viatoris status cum statu comprehensoris. Denique de modo, quo Deum

videret, docet S. Thomas 2.2. q. 175. ar. 4. in corp. *Impossibile est, quod homo in statu via videat Deum per essentiam sine abstractione a sensibus.* Idem tradit 3. contr. Gent. c. 47. Quod & S. Augustinus antea docuerat lib. 12. de Genesi ad litteram c. 29. Unde requirunt extasim, & raptum, hoc est a sensibus abstractionem, ut Deum in se ipso purus homo in corpore intuitive videat.

Opponunt I. ex I. ad Timoth. 1. 17. *Regi scelerum immortalis, & invisibili, soli Deo honor, & gloria;* æqui sancti Patres intelligunt hæc verba pro hac vita; ergo in hac vita nullus purus homo poterit videre Deum. II. In hypothesi a nobis admissa, ille purus homo vel ambularet per fidem, vel non; si non: ergo esset comprehensor. Si per fidem: ergo non posset ullo modo videre. III. Ille purus homo vel peregrinaretur a Domino, ut dicitur 2. ad Cor. 5., vel non peregrinaretur; si primum: ergo non posset videre Deum, ut videtur in patria; si secundum: ergo esset in patria, & non in via.

Respondemus ad I. Deum esse invisibilem in hac vita viribus naturæ; viribus vero gratiæ de potentia ordinaria esse etiam invisibilem, non vero de potentia extraordinaria, & absoluta. Ad II. In hypothesi nostra purus homo ambularet per fidem, & hoc non obstante Deum intuitive videret; tum quia non semper videret, adeoque quando non videret, crederet; nec credere opponeretur vidisse, quatenus scientia, & fides in eodem intellectu de eodem objecto non pugnant: tum etiam quia non videret ratione status, sed vi privilegii, quod haberet, & per quod non perderet, quod ratione status haberet. Ad III. Ille purus homo peregrinaretur, & videret Deum intuitive, ut videtur in Patria, at non semper, ut in Patria etiam videtur, & cuius ratione qui in Patria videt non amplius peregrinatur.



DISSERTATIO LVIII.

*De Hæreticorum erroribus, & de Scholasticorum
sententiis, pro Corporei Sensus intuitiva
suo modo Visione Dei,*



QUAE de Dei visione suo modo a corporeo sensu elicienda dicenda sunt, ex parte dogmaticam tractationem præferunt, ex parte vero scholasticam. Quum enim de fide sit, corporeum sensum de facto non videre. Deum intuitive etiam suo modo, hoc est, ut in se est; quæcunque commenta sunt ab Hæterodoxis contra hoc dogma, errores sunt omnino censendi, ac proinde impugnandi, ut dogmaticam partem adimpleamus. Scholastica vero res est, quæ de possibili, non de facto, asseritur, & controuertitur; num scilicet corporeus sensus possit eleuari ad videndum Deum, ut in se est? Et hoc pariter duplici modo Scholastici pertractant; inquirentes nimirum, num corporeus sensus eleuari possit ad videndum Deum intuitive modo corporeo? Et an possit eleuari ad videndum Deum modo spiritali? Et insuper, an hoc fieri possit potentia ordinaria, an vero absoluta, & extraordinaria? In hac Dissertatione primo enumeramus errores, qui contra partem dogmaticam exorti sunt, cum Auctoribus suis; Secundo referimus, & explanamus opiniones, quæ in parte scholastica circumferuntur, & illos adducimus, qui easdem salua fide defendunt.

Primo loco assignantur Ethnici illi, qui a S. Athanasio oratione contra Idola dicuntur, *irrationabili recordia finxisse, ut rem visibilem Deum corporeo sensu videri.* Et sane, quum Gentiles sua Numina corporea esse crederent, eadem oculis videre corporeis pari insania arbitrabantur. Et si in Idolis diuinitatem, saltem illi, qui de vulgo erant, agnoscebant, multo magis credebant, videre illam quotidie visiva potentia, qua cuncta materialia creata intuebantur.

Secundo loco ponuntur Sadducæi, qui Actuum 23. 8. nullum spiritum admittere, adeoque Deum corporeum esse putabant. Sic enim legitur citato loco *Sadducæi enim dicunt, non esse resurrectionem, neque Angelum, neque Spiritum: Pharisei autem utraque consentiunt.* Quum ergo Deum facerentur,

gundem quoque corporeum assererent; & quum corporeum admitterent, sensu etiam corporeo percipi, ex doctrinæ ipsorum, coherencia, dicere cogerantur. Una enim insania semel admissa, innumeras deinde concedere, qui admittunt illam, adducuntur.

Tertio scribuntur Antropomorphæ, qui, ut in superioribus diximus, Deum quoque corporeum esse, delirabant. Hi hæretici erant, quos impugnauimus, quum Dei spiritualitatem propugnarem. Unde ex eodem capite, ex quo Gentiles, & Sadducæi, Deum corporeo sensu percipi, admittere cogerantur.

Quarto enumerantur, saltem pro Persona, Verbi, Ariani quidam, inter quos erat Maximinus, qui Verbum corporeo sensu attingi existimabant. Eri enim errarent credentes, Verbum non esse Deum, ex consequentia erroris oriebatur, quod dicerent, Verbum corporeis potentis expositum esse. At non per huc, quod ex uno errore alius dimanet, uterque non est dicendus error.

Quinto alii fuerunt, qui fatentes quidem, Deum spirituales esse, post resurrectionem nihilominus putabant, ab oculo glorificato percipiendum. In hoc errore fuit Episcopus quidam anonymus apud Augustinum epist. 117., vocatus autem nomine Seruidici apud Gennadium in catalogo hæreticorum c. 87.

Sexto ejusdem erroris accusantur Celsus apud Origenem, & Vorstius Calvinianus apud Gabrielem a S. Vincentio p. p. disput. 12. dub. 1. n. 138., & apud Cætheranum tract. 1. de Deo uno lib. 2. de visione Dei c. 8. §. 1.

Attamen quia hujusmodi erroris insinuaturs etiam Augustinus, necesse est nobis, ut cum pro veritate defendamus. Quæ Augustino obijciuntur hæc sunt. I. ex lib. 22. de civitate Dei c. 29. ubi concedit, oculos corporeos, ut modo sunt in viatoribus, non visuros Deum, sed asserit, in gloria evasuros acutiores, ut possint Deum intuitive videre. Sic ait n. 3. *Sed utrum videbunt, & per oculos corporis, cum eos apertos habebunt,*

bunt, inde questio est 2 Si enim tantum poterant in corpore spiritualis modo utique etiam ipsi oculi spirituales, quantum possunt isti, quales habemus, procul dubio per eos Deus videri non poterit. Longe itaque alterius erant potentia, si per eos videretur incorporea illa natura, qua oon continetur loco, sed ubique tota est. II. Ibidem asserit, Deum sic ab oculis corporeis videndum, quemadmodum modo vitam hominum, cum quibus vivimus, videmus; ipsos nanque non vivere credimus, sed videmus. Sua verba sunt: Sicut homines, inter quos viventes, morisque vitales exercentes, vivimus; mox, ut aspicimus, non credimus vivere, sed videmus: cum eorum vitam sine corporibus videre nequeamus: quam tamen in eis per corpora remota omni ambiguitate conspiciamus. Ita quædamque spiritualia illa lumina corporum nostrorum circumferemus, incorporeum Deum omnia regentem, etiam per corpora continebimus. III. Ibidem num. 3. asserit, oculos nostros non videre cum majori perspicacitate, ut vident aquilæ, sed videre incorporea; quum tamen aquilæ, etsi perspicacius videant, semper nihilominus vident corpora. Vis itaque præpollentior oculorum erit illorum, non ut aerius videant, quam quidam perhibentur videre serpentes, vel aquilæ; quantalibet enim acrimoniam eternæ eadem quoque, animalia nihil aliud possunt videre, quam corpora; sed ut videant & incorporea. IV. Impugnatur ibidem n. 5. Philosophorum opinionem, quæ res spirituales a corporeis sensibus videri negabat; & ob hoc ait a corporeis oculis videri Deum: Ratiocinatio quippe illa Philosophorum, qua disputant, ita mentis aspectu intelligibilia videri, & sensu corporis sensibilia, idest corporalia, ut nec intelligibilia per corpus, nec corporalia per seipsam mens valeat intueri, si possit nobis esse certissimum, professio certum esset, per oculos corporis etiam spiritualis nullo modo posse videri Deum. Sed istam rationem, & vera ratio, & prophetia irridet auctoritas. V. In epistola 147. c. 20. n. 48, ait expresse: Oculi corporales in resurrectione, mutata corporum qualitate, conspicient divinam essentiam. VI. tandem fer. 277. de S. Vincentio ait, fortem conspiciendum esse Deum oculis in resurrectione. Et lib. 22. de civit. Dei c. 29. n. 6. scribit: Et fortasse ista virum magna cernendi causa fuerit ad horam etiam in mortali isto corpore oculis sancti viri Job, quando ait ad Deum, in obaudiri auris audiebam te prius, nunc autem oculus meus videt te. Et paulo infra: Quamobrem fieri potest, valdeque credibile est, sic nos esse visus.

vos mundana tunc corpora cali novæ, & terra novæ, ut Deum ubique præsentem, & universa etiam corporalia gubernantem videamus. Et post pauca concludit: Ad ergo per illos oculos sic videbitur Deus, ut aliquid habeant in tanta excellentia menti simile, quo & incorporea natura cernatur, &c.

At recte Augustini mentem melius, quam alii assequuntur sunt S. Fulgentius, Episcopus Ruspenlis, & S. Thomas, Doctos Anglicus, fidissimi ejus discipuli, & sectatores. Si autem Fulgentium audiamus, sic loquitur, respondens ad primam Fessandæ questionem: Oculis corporalibus Deus spiritus non videtur; unde quosdam B. Augustinus, qui hoc voluerunt de Christo credere, quod Deum Patrem oculis corporis videret, in epistola, quam ad Italiam scripsit, hec brevi sermone, sufficienti tamen responsione, convincit. Et S. Thomas 1. p. q. 12. ar. 3. docens ex proposito, oculis corporeis non posse videri Deum, in probationem conclusionis suæ asserit auctoritatem S. Augustini ex lib. de videndo Deo ad Paulinam. Sed ipsammet Augustinum audiamus. Ex hoc quidem libro de diligendo Deo, quem licet Bellarminus indubitatum non dicat, quia nec in retractationibus Augustini, nec in indiculo Possidii, illius sit mentio, supposititium tamen esse non asserit, quia pius est, & Augustini ingenio non indignus; ex hoc quidem libro sic Augustini mens explicatur: Deum nemo vidit unquam: vel in hac vita, sicut ipse est, vel in Angelorum vita, sicut visibilia ista, qua corporali visione cernuntur. Si igitur Deus non videtur corporali visione, qua visibilia ista cernuntur, corporeis oculis non videtur. Eadem habet ep. 147. alias 12. c. 9. Insupers anno 408. ex propria sententia scribebat Augustinus in epist. 92. alias 6. ad Italiam viduum, de Deo loquens: Hoc obiectum videre oculis corporis, neque nunc, neque tunc poterit. Eadem habet in epist. 148. ad Fortunatum, Episcopum ann. 415. & in epist. ad Evodium. Multa alia Augustini loca congesti P. Boucat, quibus ejus mens aperitur; & præcipue refert, quod Augustinus adhuc junior adeo oppositam opinionem infestabatur, ut multi, in quos quidam erat Episcopus, ut dictum est a nobis etiam supra, de Augustini scviori impugnandi modo quærentur. Quare ipse, ne chasitatem læderet, ipsorum opinionem cepit modestius ferre, ac temperantius recitare. Ita, tamen, ut semper ostenderet, suam opinionem esse, Deum non posse ab oculo corporeo intuitive videri; & in fine con-

clu-

cluderet, contrariam opinionem nullo modo posse Scripturæ auctoritate probari; ut ipsemet dicit in lib. 22. de civit. Dei c.29. num. 4.

Ex his patet responsio ad illa Augustini testimonia, quæ obiecta sunt; Augustinum scilicet in illis locis dubitanter, obscure, & hæsitando, fuisse loquutum; clare vero suam mentem aperuisse in libro de videndo Deum ad Paulinam, & cp. 10. Insuper lenius contrariam opinionem tractavit, ne charitatem scinderet, nunquam tamen in eam aperte inclinavit. Uterius aliquando loquutus est in hypothæsi, qua oculus materialis evaderet spiritualis, ut aliqui putabant; unde dicebat: *Longe itaque alterius erunt potentia, si per eos videbitur incorporea illa natura.* Patet etiam ex S. Thoma, qui art. 3. ad Augustini argumentum respondens, ait: *Ad secundum dicendum, quod Augustinus loquitur in verbis illis inquirendo, & sub conditione; quod patet ex hoc, quod prae-mittitur, longe itaque potentia alterius erunt, scilicet oculi glorificati, si per eos videbitur incorporea illa natura: Sed postmodum hoc determinat, dicens: Valde credibile est sic nos visuros mundana tunc corpora celi novi, & terra nova, ut Deum ubique presentem, & universa etiam corporalia gubernantem, clarissima perspicuitate videamus, non sicut nunc invisibilia Dei per ea, quæ facta sunt, intellecta conspiciuntur, sed sicut homines, inter quos viventes, motusque vitales excrecentes, vivimus, mox ut aspiciamus, non credimus vivere, sed videmus.* Ex quo patet, quod hoc modo intelligit oculos glorificatos Deum visuros, sicut nunc oculi nostri vident alicujus vitam; vita autem non videtur oculo corporali, sicut per se visibile, sed sicut sensibile per accidentia, quod quidem a sensu non cognoscitur, sed statim cum sensu ab aliqua alia virtute cognoscitiva. Quod autem statim visus corporibus, divina, præsentia ex eis cognoscatur per intellectum, ex duobus contingit, scilicet ex perspicuitate intellectus, & ex resplendentia divina claritatis in corporibus innovatis. Philosophi autem illi non rejiciebantur ab Augustino, quia dicerent, spiritualia a corporalibus non cognosci, sed potius quia assererent, spiritum non posse cognoscere corporalia, ex eo quia a corporalibus tantum cognoscuntur sensibilia; unde propter malam illustrationem ipsorum ratiocinium respuebat; ut optime observat P. Boucat. Ex his dictis opportune responsiones ad omnia ex Augustino obiecta facile efformari possunt.

Veniamus modo ad Scholasticorum sententias referendas, atque elucidandas. Discur-

runt Scholastici omnes de possibili, non autem de facto; quum de facto certum ab omnibus de fide habeatur, sensus corporales Deum intuitive non percipere. De possibili etiam conveniunt, sensus corporales, ut modo sunt, non posse elevari ad Deum intuitive videndum, etiam de potentia Dei absoluta. Est sententia S. Thomæ 1. p. q. 12. ar. 3. & in 4. dist. 49. q. 2. ar. 2., quam Thomistæ omnes sequuntur. Est etiam Scoti, ut eruitur ex iis, quæ habet in 3. dist. 10. q. 9. Ex professione etiam tractant, & docent Suarez lib. 2. de attributis c. 6. Vasquez 1. p. disp. 40. c. 2. Lugus lib. 1. disp. 21. c. 1. Valentia disp. 1. q. 12. p. 8. Arraga disp. 6. sect. 1. n. 2., & novissime Cardinalis de Lauræ in 4. tom. 4. disp. 17. ar. ult. Ex nostris autem P. Palanco tract. de Deo uno disp. 3. q. 1. P. Boucat tract. 2. dissert. 1. ar. 6. Contrariam sententiam, Lugus asserit, immuncum non esse a temeritatis nota, De Quiros disp. 21. sect. 1., & Vasquez loc. cit. errorem manifestum dicunt.

De potentia vero corporea, quæ sit diversa ab illa, quæ de facto dantur, querunt etiam, an sit elevabilis ad videndum aliquid spirituale, & per consequens ad videndum etiam Deum. Citantur pro hac opinione affirmativa Valentia, Arriaga, & de Quiros; At, ut ait Cachernus, Valentia loquitur potius excitando, quam definitendo controversiam; Arriaga affirmat tantum de potentia corporea elevabili ad videndum aliquid spirituale; sed de Deo dubitat: De Quiros loquitur etiam dubitanter, tum propter communem Theologorum sententiam, quæ est in contrarium, tum propter censuram Theologorum Societatis de mandato Præpositi Generalis ejusdem Mutii Vincleschi, quæ legitur apud Cachernum his verbis: *Ha propoitiones deprimentes elevationem gratia divina, & gloria beatifica, ad beatam animantiam, exponunt christianam spem summi boni, æternæ beatitudinis, Indubio Atheis præsertim hominibus; & cum per se absolum sit, amissionem, & adoptionem, qua filii Dei nominantur, & sumus, Paradisumque, quo Beati perfruuntur, posse esse Bonum, & Afforum, si Deus illos ele- vet, sicut elevat beatos, censemus propoitiones illas cum stomacho rejiciendas.* Unde communis opinio etiam stat pro negativa, quam supracitati Theologi defendunt. Denique communiter etiam tradunt, nulatenus dari posse potentiam corpoream, elevabilem ad Dei visionem spiritualement, & intellectivam, aut productam, aut

reci-

recipiendas; quam sententiam citatus Cacheranus dicit esse contra Salas 1. 2. tit. 2. disp. 5. sect. 1. n. 5.

Peculiarem modo P. Magnani sententiam exponentes, cum eodem dicimus, quod ex Philosophicis traditum supponitur, animam realiter a suis potentiis, & potentias ab anima, non distingui. Unde eadem anima est intellectiva, eadem volitiva, eadem memorativa, prout diversa respicit objecta, seu prout diversos ad objecta tendendi modos exercet. Eadem quoque potest aliquo modo dici sensitiva, licet omnino spiritualis sit; quatenus scilicet objecta, sensibilibus percipit, opere nimirum sensuum, quæ reparantur tanquam organa, seu instrumenta, pro suis operationibus. Sicque eadem quatenus per visum operatur, dicitur visiva; eadem quatenus per auditum, auditiva nuncupatur; & sic de cæteris. Hoc autem cum proportionem de anima etiam sensitiva, & materiali proprius est dicendum; quum enim in animalibus præter internum nullus alius sensus per P. Magnanum detur, quia exteriora sunt tantum organa sensuum, non autem veri sensus; hinc est, quod hic sensus internus prout diversissime agit, diversimode etiam appellatur. Illud vero, quod est intueri, quanvis proprie ad visum pertineat, improprie nihilominus ad quameunque aliam potentiam refertur; quatenus intueri idem est, ac alicujus objecti notitiam per speciem propriam, veluti nunc, seu de præsentia, exhibitam, producere; unico verbo; est objectum experimentaliter percipere. Hoc vero suo modo convenit non solum animæ rationali, sed etiam sensitivæ; quatenus etiam est auditiva, olfactiva, &c. non tantum visiva.

Docet etiam P. Magnanus, Deum, eo quia, est ens simpliciter infinitum, esse etiam in unoquoque genere infinite cognoscibile. Unde pervium est, ob suam infinitam cognoscibilitatem, & infinitos cognoscibilitatis modos, habere multa, immo innumera, genera specierum sui; quæ quidem omnes species suo quoque modo sunt propriæ Dei species; proindeque sunt omnes quidditivæ, ac repræsentativæ Dei, in sua ratione singulæ, sicuti est Deus, et si non repræsentent Deum adæquate sicuti est. Clarius se explicat, dicens: Singulæ hujusmodi species in sua ratione Deum repræsentant secundum essendi modos, quibus est, licet non secundum omnes; ac proinde aliquæ ex eis repræsentant secundum plures essendi modos, quibus revera

est, aliæ secundum pauciores, aliæ tantum secundum unum. Hujus rei ratio est, quia per ipsum est possibili præcisa Dei visio intuitiva; ac per consequens possunt esse species quidditivæ, & propriæ Dei, cum sicuti est repræsentantes, quanvis non adæquate, sicuti est repræsentent; ergo etiam potest esse species quidditivæ, restricta tamen ad repræsentandum Deum, sicut ipse est, uno, aut altero, ex his modis, quibus est, & non omnibus. Cur enim limitatio fieri possit ad decem, vel octo modos potius, quam ad duos, vel unum, non est ratio, quæ convincat in contrarium.


Tandem advenit pariter P. Magnanus, animas rationales separatas ex Sapientium judicio non prorsus eundem intelligendi modum habere, quem Angeli habent; quanvis tam illæ, quam hi, immateriales sint, & spirituales. Immo nec Angelos novem ordinum eundem habere intelligendi modum secundum omnes realitates; quum plerique Sapientes judicent, eos saltem per singulis Choris habere suum specificum sibi essendi modum ab aliis diversum; ac proinde diversum etiam ab aliis suum specificum intelligendi modum habere; quum modo essendi naturaliter modum physicum operandi proportionetur. Hæc autem differentia specifica, servata semper proportionem, potest concipi ad eum modum, quo duorum, vel trium pariter externorum sensuum diversimode concipiunt, diversitas specifica consideratur. Exempli gratia, dum longitudinem, aut figuram alicujus corporis percipit tactus, & oculus, oculus attingit esse illius modo valde diverso ab eo, quo attingit manus; quanvis uterque illud percipiat modo corporeo. His suppositis a P. Magnano, querit, num quisvis sensus corporeus elevari possit ad Deum experimentaliter percipiendum, qui dicto sensui per propriam speciem, veluti nunc immisissam, præsentialiter se exhibeat attingendum? Hoc enim est intueri objectum, & per particulam illam, suo modo, sensus est apud eundem P. Magnanum; an sensus corporeus possit elevari ad videndum Deum suo modo, modo scilicet corporeo; quatenus Deus ex suppositis est infinitus, variisque modis intelligibilis. Igitur non intelligit Magnanus de modo spirituali, quem supponimus impossibilem credere; sed de modo corporeo; & in hoc sensu affirmat, posse corporeum sensum elevari, ut suo modo Deum intuitively percipiat. Et hoc ipsum intendit probare quoque ex Augustini, & S. Thomæ, men-

re; ut in sequenti Dissertatione videbitur. Hanc P. Magnani sententiam amplectitur P. Saguens, quam fateur ingenue, nec ab ipso, nec a Magnano demonstrativis argumentis probari, sed tantummodo probabilibus. Unde sicut Magnanus in Philosophia sacra c. 15. prop. 25. n. 18. de hac sua peculiari opinione dicit; quod si tamen cogitatio hac mea Sapientibus displiceret, mallem ab ea discedere; quanquam sane vidi arripisse nonnullis, quibus exposueram, & subdideram ad examen, ut & nunc subdo etiam ad censuram: Ita pariter Saguens de eadem scripsit in t. 2. de Perfectionibus divinis disp. 5. ar. 6. n. 18. quare præstat hanc doctrinam non nisi ut probabilem sustineret, quanquam ob rationes omnes, quas attuli, videatur, valde altum probabilitatis gradum attingere; sicque pertingere cominus ad certitudinem; & ideo vocari saltem possit valde probabilis. Dicitis autem, & cogitatis a P. Magnano addit de suo P. Saguens; quod hac probabilitate supposita, æque probabile rursus est, fructuosum esse hoc privilegio oculos corporeos cuiuslibet corporis gloriosi. Et hujus adjunctionis

sux duplicem assignat rationem; quarum prima est, quia corpus, eo modo, quo fieri poterit, Theologi volunt, quod erit princeps in cælo beatitudinis animæ; beatitudo autem animæ est visio Dei; unde si corpus non participat aliquatenus de visione Dei, non participat de vera beatitudine animæ. Si semel igitur probabitur, quod corpus de visione Dei aliquatenus possit participare, hoc ipso sequitur, quod de facto participet. Altera ratio est, quia beatitudo corporis concipienda est in augmentum beatitudinis animæ; quum ergo beatitudo animæ consistat in visione, ut sit hujus beatitudinis augmentum beatitudo corporis, debet esse augmentum visionis. Probata igitur possibilitate hujus beatitudinis in corpore glorioso per elevationem ad videndum Deum modo corporeo, inferitur statim etiam actualitas; unde totus homo beatus eandem dicatur, quia & anima videt proprie Deum intuitive, & corpore etiam suo modo quidditative videt; ut ait P. Saguens.

DISSERTATIO LIX.

De Fidei dogmate, quod de facto oculus corporeus Deum intuitive non videat; de Scholasticorum assertionem, quod nec possit de quacunque Dei potentia videre; & de peculiari P. Magnani sententiæ examine, judicio, atque censura.

I.  Scripturis probatur, Deum de facto a corporeo sensu intuitive non percipi. Eod. di. 33. 20. Non poteris videre faciem meam: non enim videbit me homo, & vivet.

Joannis 1. 18. Deum nemo vidit unquam. Et Joannis 1. 4. 12. Deum nemo vidit unquam, 1. ad Corinth. 2. 9. Oculis non vidit, nec auris audivit, nec in cor hominis ascendit, quæ præparavit Deus his, qui diligunt illum, 1. ad Timoth. 6. 16. Quem nullus hominum vidit, sed nec videre potest. Quæ quidem loca etsi intelligantur, vel de comprehensiva Dei visione, vel de visione viribus nature producta, vel de visione in hac vita, quemadmodum nos etiam in superioribus intelleximus; nihilominus a sanctis Patri-

bus, Origene præsertim, Athanasio, Nazianzeno, Epiphanio, Ambrosio, Hieronymo, aliisque apud P. Pizzurnum hic, qui Valentiam refert hic etiam disp. a. q. 12., de corporea adhuc Dei visione intelliguntur. Vel ut discucit S. Thomas 1. p. q. 12. præfata loca non probant quidem, Deum esse invisibilem simpliciter, & absolute: ergo probant saltem, eum esse corporeis oculis invisibilem; quod etiam ex S. Ambrosio ser. 8. in Psal. 118. argumentatur Juenius; qui observat ulterius, quod quando Scriptura loquitur de visibilitate Dei, utitur verbis, quæ significant actum mentis, non vero operationem oculi corporei; ut quando dicitur Matth. 5. 8. Beati mundo corde, quoniam ipsi Deum videbunt; & in epist. 1. Joannis 3. 2. Scimus, quoniam

cum

eum apparuerit, *similes ei erimus, quoniam videbimus eum sicuti est*. Immo subdit P. Boudicat, genuinum Scripturæ sensum, & maxime ultimi textus, illum esse, quo dicitur, nullum hominum vidisse Deum oculis corporeis, nec videre posse. Et P. Palanco afferens alia Scripturæ loca, nimirum, ad Romanos 1. 20. *Inuisibilia Dei per ea, quæ facta sunt, &c.*, ad Hebræos 11. 27. *Inuisibilem tanquam videns, sustinuit*; ad Colossenses 1. 13. *Qui est imago Dei invisibilis*; 1. ad Timoth. 1. *Regi seculorum immortalis, & invisibilis*; ait; ex his textibus constare ad minus, Deum esse invisibilem a nobis visione corporea, seu oculis corporis.

- II. Probatur ex Conciliis. Concilium Tridentinum sess. 25. in decreto de sacris imaginibus ait: *Docetur populus, non propter divinitatem figurari, quasi corporis oculis conspici, vel coloribus, aut figuris, exprimi possit*. Item Concilia omnia, quæ contra Ethnicos, & contra Antropomorphitas, docent, Deum non esse corporeum, in catholici hujusce dogmatis probationem afferri commodè possunt; quæ quidem Concilia in superioribus fuerunt a nobis proprio loco relata.

- III. Probatur ex Patribus. Origenes lib. 7. contra Celsum: *Fulso nobis imponit Celsus, dicens; nos sperare oculis corporis Deum esse visuros, & auribus vocem ejus audiaturos*. Athanasius idem assererat contra Arianos dicentes, Patrem tantum esse invisibilem; de Athanasii testimonio loquitur Augustinus ep. 148. scribens: *Equelem Trinitatis visibilitatem Scripturarum sanctarum testimoniis, & diligentia sua disputationis, asseruit; constantissime suadens, Deum non esse visum, nisi assumptione creaturæ secundum Deitatis etiam scientia proprietatem omnino Deum esse invisibilem ... nisi in quantum mente, ac spiritu nosci potest*. Chrysostomus hom. 39. in Genesim: *Ne putes, oculis carnalibus videri dicivam illum, & incorruptibilem substantiam*. Cyrillo Hierosolymitano catechesi 9. *Carnis quidem oculis contemplari Deum impossibile: Quod enim corporis est experti, in carnis oculis eadere nequit*. Hieronymus in cap. 64. Isaïæ: *Nequaquam sermonibus explentur, nec oculo corporis contemplabilis est, sed ab his videtur, de quibus dictum est: Beati mundo corde, quoniam ipsi Deum videbunt*. Et apud Augustinum ep. 111. idem Hieronymus testatur, videre Deum sicuti est in natura sua oculum hominis non posse. In eadem epistola Augustinus affert Ambrosium dicentem:

P.A.R. 1.

Non enim corporalibus, sed spiritualibus oculis Deus videtur. Augustinus ep. 12. explicans illa verba Joannis in ep. 1. 3. 2. *Seimus, quoniam cum apparuerit, similes ei erimus, quoniam videbimus eum sicuti est*, ait: *Inde igitur videbimus, unde similes erimus. Quis autem dementissimus dixerit, corpore nos vel esse, vel futuros esse similes Deo? In interiori igitur homine ista similitudo est*. Idem Augustinus epist. 6. hoc expresse confirmat; loquens enim de luce illa, quæ Deus est, ait: *Hoc oculus videre corporis neque nunc potest, neque tunc poterit*; scilicet in cælo.

- IV. Probatur Rationibus. I. Potentiæ materiales habent solummodo pro adæquato objecto materialia; sed Deus non est materialis; ergo non est intra sphaeram objecti materialium potentialium, non solum proportionati objecti, sed nec etiam specificativi; atqui implicat potentiam quamlibet ferri extra sphaeram objecti sui specificativi; ergo implicat, ut materialis potentia Deum attingat. II. Sensibile possum supra sensorium non facit sensationem; oportet enim, ut sit distantia inter objectum sensibile, & potentiam sensitivam; sed Deus nequit distare a quacunque sensitiva potentia, quia immensus est; ergo a quacunque sensitiva potentia nequit percipi. Hæc ratio saltem pro potentia visiva proponitur a S. Fulgentio in responsione 3. ad Ferrandum, quam accepit a S. Augustino in epist. 6. Ait namque Fulgentius: *Quippe oculi corporis hoc habent, ut non solum corpora videant, sed nec videre possint, cum inter ipso, & ea, quæ vident, spatii ejusdem mediū intervalla fuerint*. Inde est, quod cum alii plurima videant, se ipsos videre non possunt, nec vident in se, cum videant extra se. Quisquis ergo putat, Deum posse oculis corporalibus cerni, prius est, ut cum dicat, ubi ipse oculis corporali spatio separari possit. III. Si a sensu corporeo humano perciperetur Deus, posset etiam a sensu corporeo brutorum attingi; sed hoc indignum est, ut dicatur: ergo & illud, ex quo sequitur. Probatur sequela. Conveniunt enim in sphaera sensus tam potentiæ sensitivæ hominum, quam potentiæ sensitivæ brutorum; ergo conveniunt etiam in objecto. Antecedens patet, quia conveniunt in ratione animalia, de cujus essentia est esse sensitivum. Consequentia sequitur. IV. Per illam potentiam videbimus faciem ad faciem, per quam modo cognoscimus in ænigmate; juxta illud Pauli; *videmus nunc per speculum in ænigmate, tunc autem facie*

K K

ad

ad faciem; sed videre in enigmate pertinet ad intellectum, & non ad oculum corporeum, aut ad aliam corporealem potentiam: ergo videre tunc facie ad faciem poterit tantum intellectus, & non oculus corporeus, aut quævis alia potentia corporealis. V. Si Deus posset ab oculo corporeo videri, videretur de facto ab oculo Christi; atqui hoc falsum est ex Augustino, qui ep. 6. scribit, illos, qui hoc dicunt de Christo, magis desipere, quam qui carnem afferunt conversam iri in substantiam Dei, & hanc futuram esse, quod Deus est; ergo nec etiam ab oculo corporeo videtur. VI. Inter potentiam corporealem, & objectum divinum, scilicet Deum, non solum est impropor- tio entitatis, quia illa est materialis, hoc autem spirituale; non solum est impropor- tio ordinis, quia illa est naturalis, hoc autem supernaturale; sed etiam est impropor- tio operationis, habitudinis, & modi agendi; quum sit Deus omnino extra spheram potentie materialis, impropor- tionatus modo agendi ipsius, & infinite distans a potentia, & ab actu ipsius potentie materialis.

Arguunt I. ex Scripturis. Job 19. 26. *Et in carne mea videbo Deum meum, quem visurus sum ego ipse, & oculi mei conspexerunt Deum.* Job etiam 42. 5. *Auditu auris audivi te, nunc autem oculis meis videt te.* Isaïe 65. *Regem Dominum exercituum vidi oculis meis.* Lucæ 3. 6. *& videbit omnis caro salutare Dei.* Insuper Genesis 15. Abraham, Genesis 32. Jacob, Judicum 13. Manuë, Isaïe 66. t. ipsemet Isaïas, dicuntur oculis corporeis vidisse Deum; unde hic ultimus dixit *Vidi Dominum sedentem super thronum excelsum, & elevatum*, II. ex Patribus. Augustinus etsi de corpore materiali satis in præterita Disertatione explicatus sit, non est tamen expostus de corpore spiritali; de quo loquitur epist. 112. verbis hisce: *De corpore vera spiritali, si Dominus juxerit, opere alio experiemur, quid disputare valeamus.* Hoc aliud opus fuit liber de civitate Dei, in cujus cap. 29. rem non dirimit, sed dubius nascit; immo dixit, *fieri posse, valdeque esse credibile.* III. Rationibus. Potentia cognoscitiva ad cognoscendum ita se habet, sicut se habet potentia activa ad agendum; sed potentia activa potest elevari ad agendum quodlibet: ergo potentia etiam cognoscitiva potest elevari ad cognoscendum quodlibet. IV. Intellectus potest elevari supernaturaliter ad videndum Deum, licet sit ipsi impropor- tionatus: ergo etiam sensus corporeus poterit elevari ad ipsum

suo modo percipiendum. V. Ignis in inferno elevatur ad torquendum animas, quæ sunt spirituales; pariter aqua in sacramento baptismi elevatur ad sanctificationem earundem animarum, non obstante eorum impropor- tione cum effectibus, quos produ- cunt: ergo etiam oculus corporeus, etsi impropor- tionatus cum objecto spiritali, poterit elevari ad illud percipiendum. VI. Major est distantia inter humanum intel- lectum, & Deum, quam inter sensum cor- poreum, & Angelum; sed non obstante distantia illa elevatur humanus intellectus ad videndum intuitivè Deum: ergo nec pariter obstante minori distantia poterit elevari sensus corporeus ad percipiendum Angelum; sed si potest elevari ad per- ciendum Angelum, poterit etiam elevari ad percipiendum Deum: ergo Deum actu percipia.

Respondemus ad I. Scripturas illas intelligen- das esse, vel de visione Dei in aliqua ma- jori spee, & corporea imagine, vel de visione Christi Domini; prom eas sancti Patres communiter explicant, Ex primo il- lud Job intelligunt de Christo, quum Ec- clesia ipsa, verba eadem repens, dicat: *Et in carne mea videbo Deum Salvatorem meum.* Dicit etiam in carne mea, & non cum carne mea, ita ut sit sensus, quod anima dum erit in corpore, seu in carne, post resur- rectionem, etiam videbit Deum. Et sic in- telligit S. Thomas hic art. 3. ad primum. Dicendum, quod cum dicitur, *in carne mea videbo Deum Salvatorem meum*, non intelli- gitur, quod oculo carnis sit Deum visurus; sed quod in carne existens post resurrectionem vi- surus sit Deum. In alio loco loquitur Job de perceptione metaphorica, non vera, & per analogiam quandam ad creaturæ. Il- lud Lucæ manifeste indicat Christum, quod est salutaris Dei, hoc est Salvator noster; & hæc est etiam explicatio Augustini apud P. Boucat. Patriarchæ autem, & Prophe- tæ, qui dicuntur vidisse Deum, vel in- telligendi sunt, quod viderint in somno, vel in vigilia, ut in rapto, visione tamen semper imaginaria, & in similitudine. Hoc patet ex illo Isaïæ, ubi dicitur, quod vide- rit Dominum sedentem; Deus autem non sedet, quum sit spiritus, & sedere pertinet ad corpus. Et ex altero, in quo dicitur Dominus exercituum, & Rex, quia in re- gis similitudine, & exercituum Ducis im- agine illi apparuerat. Quandoque enim etiam Deus apparebat in Angelis, qui assum- pro corpore in ejus persona loquebantur.

Ad

Ad II. dicitur, quod illud Augustini etiam ex superius dictis in præterita Dissertatione remanet explicatum; attamen ad uberiorem explicationem subdimus ex Petavio, quod Augustinus in epist. 6. etiam pro hoc, quod opponitur, sine hæsitatione dixit, nullo modo Deum oculis corporeis videri posse; & contrariam opinionem vocat insipientiam, dementiam, & perversam sententiam. Et contra Episcopum illum scribens, corporis huiusce spiritalis fabulam omnino rejicit; ait autem: *Aut enim istius (corporis) erunt, & non videbunt; aut non erunt istius, si videbunt: quoniam tanta commutatione longe alterius corporis erunt.* Hoc autem deducit quasi inconueniens, non vero dicit ut asserens; ac proinde non est dicendum, quod Augustinus errori illi adhæserit, sed quod potius eidem contradixerit. Unde ait Du Hamel, quod nunquam dubitavit Augustinus, an oculi sint Deum visuri; sed an oculi post resurrectionem in naturam spiritalem transcant, & sic proportionati ad Deum videndum fiant. Et in partem negativam etiam inclinavit, ut ex ejus discipulo huiusmodi ostensum est supra; & in epist. 111. & 112. dicit, tolerabilius dici hoc, quam Deum esse corporeum; quia tolerabilius est circa creaturas, quam circa Creatorem errare. Denique illud ipsum confutat verbis huius: *Advertendum est, ne nil aliud dici videatur, quam corpora non illa mutatione immortalia futura, sed nulla potius futura, & omnino peritura.*

Ad III. negatur paritas; esto enim admittatur, posse quodlibet elevari ad producendum quodlibet, non sequitur tamen quodlibet posse etiam elevari ad quodlibet cognoscendum. Ratio disparitatis est, quia ad illud sufficit, ut sit convenientia in ratione entis, ad hoc autem non sufficit, quia aliter lapis quoque posset elevari ad cognoscendum. Sic respondet Maurus; sed non bene; paritas enim debet esse de potentia, que supponitur verbi, & cognoscitiva, non vero de aliquo, quod nec cognoscitivum, nec vitale est, ut est lapis. Ratio ergo disparitatis est, quod ibi est proportio in entitate, hic vero in ordine; quatenus objecta debent esse ordinata ad suas potentias. Proportio in entitate, saltem in aliqua ratione, in quavis potentia activa reperitur; non vero proportio in ordine in quavis potentia cognoscitiva.

Ad IV. assignatur etiam disparitas, que consistit in eo, quod Deus licet non continetur intra sphaeram objecti proportionati intellectus, continetur nihilominus intra

P.A.R. I.

sphaeram objecti specificativi: Intra sphaeram vero objecti sensus corporei nullo modo continetur, nec ut proportionati, nec ut specificativi.

Ad V. dicitur, quod ignis inferni, & aqua baptismatis, in sententia illorum, qui volunt, aquam physice producere gratiam, & ignem physice torquere damnatos, ideo elevantur, quia non vitaliter agunt; & que non agunt vitali modo, possunt elevari ad objecta, cum quibus nullam habent proportionem. Et ratio est, quia que non agunt vitali modo, sunt tantum causæ instrumentales, & inde non mirum, si a Deo eleventur ad producendum effectus sibi improporcionados. Quæ vero agunt vitali modo sunt causæ principales, & proinde debent movere se ipsas ad suos effectus. Non possunt autem movere se ipsas, si effectus sint extra sphaeram sui adequati, & proportionati objecti. Unde semper oportet, causas illas habere inchoationem ad actus illos, ad quos elevantur; & effectus, qui ex actibus illis dependent, esse adequatum objectum vitalium causarum, quæ elevantur.

Ad VI. Conceditur, maiorem esse distantiam inter intellectum nostrum, & Deum, si sit sermo in ratione entis, quam oculum, & Angelum; si vero sit sermo in ratione ordinis, quem habet potentia ad objectum, major certe est distantia inter oculum, & Angelum, quam inter mentem nostram, & Deum. Etenim mens nostra, quum sit cognoscitiva, & spiritalis, capacitatem habet ad cognoscendum quodlibet cognoscibile, & spirituale; quanvis hoc ab ea in ratione entis infinite distet. Oculus vero, quia est potentia corporea, & materialis non habet capacitatem ad cognoscendum spiritum, & immateriale objectum; unde quanvis inter ipsa infinita non sit distantia in ratione entis, infinita tamen, seu insuperabilis, est distantia in ratione ordinis, & habitudinis.

Ad Secundam modo Dissertationis Partem, devenientes, constanter asserimus, sensum corporeum de facto existentem nec etiam de potentia Dei absolutam elevari posse ad Deum intuitive suo modo percipiendum: Immo nec etiam materialem potentiam ab eis diversam, quæ de facto datur, dari posse, quæ ad Deum intuitive percipiendum sit elevabilis; vel, ut Aristoteles Theologi loquuntur, saltem ad Dei visionem, spirituale, aut producendam, aut in se ipsa recipiendam.

I. Probatur prima Assertionis huiusce pars.

KK 2

Plus

Plus Deus distat ab omnibus objectis sensibilibus, quam unum objectum sensibile ab altero; sed de potentia etiam Dei absoluta implicat sonum e. g. ab oculo videri: ergo magis implicabitur a potentia sensitiva, & corporea videtur Deum. Minor est certa, quia etiam de potentia Dei absoluta implicat, visionem esse auditionem, esse olfactionem, esse gustationem, &c. Major probatur. Illa magis distant, quæ in nulla ratione conveniunt; sed Deus, & objectum sensibile in nulla ratione conveniunt, & unum objectum sensibile convenit in aliqua ratione cum altero: ergo plus distat Deus ab omnibus objectis sensibilibus, quam unum objectum sensibile ab altero. Probatur minor. Magis distant omnino immateriale, ac spirituale, & materiale, ac sensibile, quam unum materiale, & sensibile, ac alterum sensibile, & materiale; sed Deus est omnino immaterialis, & spiritualis, ac proinde in nullo conveniens cum materiali, & sensibili, & sonus est materialis, quemadmodum color, seu coloratum objectum, ac proinde in ratione materialitatis, & sensibilitatis conveniunt: ergo Deus, & objectum sensibile in nulla ratione conveniunt, & unum objectum sensibile convenit cum altero: ergo plus distat Deus ab omnibus objectis sensibilibus, quam unum objectum sensibile ab altero.

II. Probatur. Quemadmodum in actibus vitalibus requiritur determinatum principium, ita requiritur etiam determinata ratio, sub qua tale principium operetur: ergo sicut repugnat de potentia Dei absoluta actus vitalis corporeus sine suo principio proprio, ita repugnat etiam sine sua formali ratione propria; atqui implicat etiam de potentia Dei absoluta, ut verificetur de Deo hæc sua ratio formalis propria: ergo repugnat semper etiam de potentia Dei absoluta, ut Deus a sensu corporeo intuitive percipiatur. Antecedens patet; quia si vitales actus possent causari sub quacunque ratione, possent etiam a quocunque principio produci; hoc non dicitur, nec dici potest: ergo neque illud. Minor subsumpta probatur. Ratio formalis propria actus vitalis corporei semper debet esse materialis, & corporea, Deus autem est immaterialis, & incorporeus: ergo implicat etiam de potentia Dei absoluta, ut verificetur de Deo hæc ratio formalis propria actus vitalis corporei.

III. Probatur. Dei visio est essentialiter in genere vitæ intellectivæ: ergo etiam de

potentia Dei absoluta repugnat, ut sit in genere vitæ sensitivæ. Consequentia sequitur; aliter enim vita sensitiva evaderet vita intellectiva. Antecedens probatur. Deus non potest cognosci, nisi sub ratione veri; sed verum est proprium objectum intellectus: ergo Dei visio est essentialiter in genere vitæ intellectivæ.

Obstant I. Non repugnat materiale agere in spirituale: ergo non repugnat, quod potentia corporea eleveur ad videndum. Deum intuitive. II. Major est sphaera obediæntialis, quam sphaera naturalis cuiuslibet potentia; sed non esset major, nisi in potentia daretur habiudo ad rationes formales extraneas: ergo datur hæc habiudo, per quam potentia e. g. visiva coloratum percipit, ut objectum naturale, sonorum vero ut objectum obediæntiale. III. Non per hoc, quod visio terminaretur e. g. ad sonum, esset auditio; non enim actus potentia specificantur ab objectis, sed a modo tenendi: Sufficit ergo, quod in visione sit modus tendendi diversus a modo tendendi, qui est in auditione; & sic visio licet terminaretur ad sonum, qui est auditionis objectum, quia tamen ad ipsum terminaretur eo modo, quo terminatur ad colorem, inde est quod visio non est auditio. Pari igitur modo erga objectum spirituale discurrendo in potentia materiali, clarum sit, quod possit hæc elevari ad Deum intuitive percipiendum. IV. Potest Deus per potentiam suam absolutam spiritualizare potentiam corpoream, juxta illud Apostoli in 1. ad Cor. 15. 44. *Seminatur corpus animale, surget corpus spiritale*: ergo in huiusmodi hypothese potentia materialis jam posset Deum videre. V. De facto potentia spiritualis attingit objecta materialia: ergo non est major ratio, cur potentia materialis objecta spiritualia attingere non possit. VI. Post resurrectionem oculus corporeus habebit in cælo gloriam animæ: ergo poterit videre Deum intuitive. Probatur antecedens. Per Patres, & Theologos, gloria animæ redundabit in corpus: ergo habebit gloriam animæ. VII. Oculi Beatorum vident corpus Christi in eucharistia; sed Christus in eucharistia stat modo spirituali: ergo possunt attingere spiritualia. VIII. Corpus sensit animam suam spiritualement, quæ operatur in suis patribus: ergo non repugnat, quod materiale percipiat spirituale.

Respondemus ad I. negando paritatem; illa enim agunt instrumentaliter, potentia vero sensitiva deberet agere, ut causa principalis.

cipalis. Et quum sit in actione vitali, petit necessitatio a certo, & determinato principio profluere. Ad hoc idem argumentum nuper respondimus.

Ad II. Conceditur major, & negatur minor, & consequentia. Conceditur quidem major latitudo in potentia obediencia, quam in naturali, sed hæc majoritas attendi non debet per hoc, quod obediencia feratur ad rationes formales extraneas; aliter eadem obediencia sphaera in potentia vitalibus, & in non vitalibus esset; sicque potentia non vitalis ad illud omne esset elevabilis, ad quod est elevabilis vitalis potentia, & e contra. In tantum elevabilitas magis stricta in potentia vitali, quam in non vitali ponitur, & dicitur, ad effectus vitales potentiam non vitalem elevari non posse, in quantum potentia vitalis debet essentialiter operari secundum determinatam virtutem in irrefectam in ordine ad determinatos effectus, adeo affixos tali virtuti intrinsecos, ut a nullo principio hæc virtute intrinseca destituta neque etiam obediencia produci possit; ut Cacheraus docet. Atque dicitur ergo major latitudo per hoc, quod potentia quælibet intra propriam rationem formalem possit aliquid obediencia, quod naturaliter non potest; potest nimirum videre objecta excedentia, vel in modo supernaturalitatis, vel in intensitate, vel in distantia, &c.

Ad III. Modus tendendi debet etiam essentialiter specificari a ratione formali sui objecti; adeoque implicat in terminis, visionem debere elici a potentia visiva, & ferri posse in rationem formalem potentie auditivæ; Et dicere, potentiam visivam non posse elicere auditionem, & tamen posse videre objectum audibile ut tale, est dicere, potentiam visivam esse, & non esse auditivam.

Ad IV. Negatur antecedens; & illud Apostoli explicatur mythice, & non literaliter, ut sancti Patres interpretantur. Et Augustinus, qui de hoc aliquando dubitaverat, ut dicunt, sic demum in lib. I. retract. c. 17. se explicavit: *Quisquis ea sic accipit, ut existimet, ita corpus terrenum, quale nunc habemus, in corpus celeste resurrectione mutari, ut nec membra ista, nec carnis sit futura substantia, procul dubio corrigendus est, commoneatur de corpore Domini, qui post resurrectionem in eisdem membris non solum conspicimus oculis, verum etiam manibus tangendus apparuit, eamque se habere etiam sermone firmavit, dicens: Palpare,*

& videte, quia spiritus carnem, & ossa non habet, sicut me videtis habere.

Ad V. negant paritatem; & ratio disparitatis est apud Theologos Peripateticos, quia objecta materialia possunt aliquatenus spiritualizari ad hoc, ut a potentis spiritualibus percipiuntur; non vero materiales potentie ad hoc, ut spiritualia objecta percipiant. Cæterum proprius ratio assignabitur, si dicatur, objectum intellectus esse omne intelligibile; omne intelligibile esse omne verum; omne verum esse omne ens; quum ergo objecta materialia sint entia, sunt etiam vera, & sunt pariter intelligibilia. Objectum vero corporei sensus est sensibile, non autem intelligibile; igitur omne, quod est tantum intelligibile, & non sensibile, sequitur esse objectum suum; quanvis quod est sensibile, quia, est etiam intelligibile, sit objectum intellectus.

Ad VI. dicitur, quod gloria animæ redundabit quidem in corpus, at non immediate, & per visum Dei intuitivum, bene vero mediate, & per aliquos effectus secundarios, qui convenient corpori; scilicet per claritatem, per agilitatem, per incorruptionem, &c. Ac proinde quanvis oculus corporis videbit Deum in effectibus istis, non per hoc videbit Deum intuitive, immediate, & in se ipso.

Ad VII. Negatur quoque paritas; quanvis enim Christi corpus sub speciebus eucharisticis reperiatur, semper tamen est corpus, ac proinde non mirum, si sit objectum corporei sensus. Quod sit autem definitivum in loco non facit, ut corpus omnino sit corpus, sed tantum ut sit in loco nunc, ut corpus; hoc, quod respicit modum essendi in loco, & non mutationem substantie, potest vincere Deus, sicque Beati videbunt Christi corpus sub speciebus eucharisticis. Quod vero corporeus sensus attingat spirituale objectum, non respicit tantum modum objecti, sed substantiam; quæ impossibile est, ut vocatur, quum aliter importet destructionem sui ipsius, quæ nun importatur a modo. Et ideo non mirum, si Beati vident quod est modo spirituali in loco, & quod tamen est corpus, & non vident quod est omnino spirituale.

Ad VIII. dicimus, corpus percipere animam mediate, & in impressionibus suis, atque in effectibus, quos operatur in eo; non vero immediate; non enim, ut dicunt, anima est per se sensibilis, sed tantum per accidens, hoc est per suos effectus. Sic respondet P. Boucat. Expeditus tamen respon-

spondebitur, si dicatur, corpus non sentire animam, quæ operatur, sed sequi operationem animæ operantis; hoc autem est longe diversum ab eo, quod est corpus attingere animam.

Altera Assertionis pars probanda remanet; scilicet, nec etiam materialem potentiam, diversam ab iis, quæ de facto dantur, dari posse, quæ ad Deum intuitive percipiendum sit elevabilis; vel, ut Theologi Peripatetici loquuntur, saltem ad Dei visionem spirituales, aut producendam, aut in se ipsa recipiendam.

I. Probatur hæc altera pars. Etsi diversa ab iis, quæ de facto dantur, sit potentia corporea possibilis, implicat nihilominus, ut in objectum tendat nisi sub ratione entis materialis materialiter attingibilis; at hoc ipso repugnat, ut Deus sub hac ratione ab ipsa percipiatur: ergo nec etiam materialis potentia diversa ab iis, quæ de facto dantur, dari potest, quæ ad Deum intuitive percipiendum sit elevabilis. Probatur major. Etsi diversa ab iis, quæ de facto dantur, sit potentia corporea possibilis, est nihilominus corporea; hoc ipso quod est corporea debet necessario tendere ad objectum suum sub ratione entis materialis materialiter attingibilis: ergo etsi diversa ab iis, quæ de facto dantur, sit potentia corporea possibilis, implicat nihilominus, ut in objectum tendat, nisi sub ratione entis materialis materialiter attingibilis. Probatur minor. Si sic non deberet tendere, ideo esset, quia sufficeret tendere in objectum suum sub ratione universaliori, quam sit ratio entis materialis; hoc repugnat: ergo hoc ipso, quod est corporea debet necessario tendere ad objectum suum sub ratione entis materialis materialiter attingibilis. Probatur minor; major enim est doctrina Adversariorum. Potentia tendens in objectum sub ratione universaliori, quam sit ratio entis materialis, habet hoc ipso pro objecto objectum potentie intellectivæ; sed hoc repugnat potentie corporeæ: ergo repugnat pariter potentia corporea tendens in objectum, sub ratione universaliori, quam sit ratio entis materialis. Probatur major. Habet pro objecto ens præscindens a materiali, & spirituali; sed hoc est proprium objectum potentie intellectivæ: ergo habet pro objecto objectum potentie intellectivæ.

Respondent Adversarii, Potentiam tendentem in objectum sub ratione universaliori, quam sit ratio entis materialis, posse

esse addictam aliquibus determinatis objectis spiritualibus; sicque non habere ens pro objecto in ea tota latitudine, in qua ipsum habet pro objecto potentia intellectiva.

At sic contra argumentatur. Non est assignabilis ratio communis enti materiali, & spirituali, quæ non se extendat ad omnia spiritualia: ergo nequit illa ratio universalior aliquibus determinatis objectis spiritualibus esse addicta. Probatur antecedens. Ratio communis enti materiali, & spirituali est, vel ratio cognoscibilis, vel ratio veri, vel ratio similis; quæcumque ex his ad omnia spiritualia se extendit: ergo non est assignabilis ratio communis enti materiali, & spirituali, quæ non se extendat ad omnia spiritualia.

Confirmatur hoc ipsum. Potentia potens attingere Deum debet esse potentia potens attingere omne ens: ergo si potentia materialis per illam rationem universalioris attingeret Deum, attingeret omne ens; adeoque haberet pro objecto objectum potentie intellectivæ. Probatur antecedens. Potentia potens attingere continentem, debet posse attingere omne contentum: ergo si potentia illa corporea attingeret Deum, deberet posse attingere omne ens.

II. Probatur eadem pars altera Assertionis. Si daretur talis potentia, daretur actus corporeus essentialiter, & ex sua natura, postulans esse a principio spirituali, ut formaliter spirituali; hic actus repugnat ergo & repugnat potentia illa. Probatur sequela. Quælibet cognitio ex sua natura habere perit pro principio objectum, cuius est cognitio: ergo si daretur talis potentia, daretur actus corporeus essentialiter, & ex sua natura, postulans esse a principio spirituali, ut formaliter spirituali. Probatur antecedens. Objectum enim concurret ad cognitionem; nam ex objecto, & potentia paritur notitia; & quidem objectum concurret, ut est in se, adeoque si in se spirituale est, necesse est etiam, quod ut spirituale concurret. Minor principalis argumenti probatur. Actus pendens a principio spirituali ut formaliter spirituali debet necessario participare a tali principio spiritualitatem; hoc enim est, sub aliqua ratione determinata causam concurrere ad effectum; scilicet talem rationem reducere in effectum.

Dicunt: Speciem materialem posse concurrere loco objecti spiritualis; sicut species spiritualis potest concurrere loco objecti materialis.

At

At arguimus contra. Species spiritualis potest præstare, quod præstat species materialis, quia hac est superior, & perfectior; non vero species materialis potest præstare, quod præstat species spiritualis, quia hac est inferior, & imperfectior. Et sic responderetur apud Augustinum epist. 111. ad objectiones similes, quæ contra dogma etiam catholicum fieri possent.

III. Probatur de visione spirituali, quod implicet, ut producatur a principio materiali, aut ut in materiali potentia recipiatur. Actus vitalis est alligatus vitali principio determinato, & determinato subjecto; nec ad ipsum producendum est elevabile quodcumque principium, nec ad ipsum recipiendum quodcumque subjectum elevari potest; sed visio est actus vitalis alligatus intellectui tanquam proprio principio, & subjecto; ergo non potest alteri communicari. Probatur major. Actus vitalis quum sit essentialiter immanens, essentialiter perit recipi in suo principio; & quum essentialiter requiratur in suo principio virtutem aliquam intrinsecam sibi projectivam, nec virtus eadem possit ab intrinseco convenire diversis principijs, essentialiter postulat esse a principio determinato. Verum est, quod Scotus admittit, actus vitales posse ab extrinseco in potentijs vitalibus produci; tamen aut recipi, ut qualitates mortuas, & ineptas objectum attingere; adeoque licet concedatur in oculo posse recipi visionem spiritualem, negatur tamen oculum per huiusmodi visionem fieri posse videntem. Sicque potissimum hic non agimus contra Scotum quoad productionem, licet agamus quoad receptionem; quatenus probamus, non solum actum vitalem debere elici a principio determinato, sed etiam in determinato subjecto recipi. Aliæ rationes apud Cacharanum, a quo & allatæ desumptæ sunt, videantur.

Ex his primo constat, Potentiam materiale spiritualizari non posse, quanvis potentia naturalis supernaturalizari possit; & ratio est, supernaturalis, & naturale, se habent, ut superius, & inferius, ut includens, & includum: Spirituale vero, & materiale, se habent, ut duo disparata, immo ut excludens, & excludum. II. constat, Potentiam materiale elevari non posse ad attingendum vitaliter spirituale, sicut elevari potest potentia naturalis ad attingendum vitaliter supernaturale; & ratio est, quia spirituale non est intra rationem formalem potentie materialis, sicut est supernaturale intra rationem formalem poten-

tie naturalis. III. Potentiam materiale elevari non posse ad attingendum spirituale vitaliter, sicut elevari potest ad attingendum spirituale non vitaliter; & ratio est, quia ut eleveur primo modo debet elevari secundum specialem virtutem intrinsecam, & intra determinatam rationem formalem, non vero, ut eleveur secundo modo. Hæc tria corollaria per tria distincta asserta a Cacherano citato ponuntur, & probantur; qui etiam responsiones aliquas contra jam dicta asserti solitas proponit, & impugnatur. Ipsum ergo Legentes consulant, si de his instructiones fieri volunt; eidenque debeant quicquid clarioris, & solidioris hac in re, alioqui obscura, & implicata, fortassis a nobis fuit usque modo exscriptum, & reclarum.

Tertiam Dissertationis Partem modo suscipientes, P. Magnani probationes assertivas, ejusdemque solutiones objectionum, quæ contra ipsum fiunt, pro suo peculiari hac in re dicendi modo defendendo, ac propagando; quod quidem præstantes, nihil ex nobis addimus, sed opinionem nec amplectentes, nec impugnantes, in sua relinquimus probabilitate; & Auctoris ingepium admirantes, laudamus patiret rationes, quibus fortiter opinionem utique suam communi vir.

I. Igitur sic probat P. Magnanus. Deus est infinitus, variisque modis cognoscibilis sicut est, licet inadæquare; sed ratione hujus multiplicis in infinitum cognoscibilitatis se accommodat intellectui Angelorum, & Hominum: ergo potest etiam facultatibus materialibus sensitivis se accommodare. Major, & minor, ex superius dictis, probatæ supponuntur; probat igitur tantum consequentiam. Si enim non posset a sensibus percipi, non esset Deus infinitis modis perceptibilis, quod est contra hypotheseum.

II. Probatur. Sicut perfectio est objecti intelligibilis, posse se exhibere ad intelligendum, ita est perfectio objecti materialis, & sensibilis posse se facere percipi: ergo sicut Deus est objectum intelligibile, ita erit objectum visibile ab oculo corporeo. Probatur consequentia. Ideo se potest Deus exhibere ad intelligendum, quia est perfectio objecti intelligibilis hoc, quod est se ad intelligendum præbere; sed non minus est perfectio entis materialis hoc, quod est posse se exhibere ad percipiendum: ergo sicut Deus est objectum intelligibile, ita erit objectum sensibile ab oculo corporeo. Probatur consequentia. Deus continet quæ-

quascunque creatas perfectiones; sed non minus est perfectio intelligibilitas illa rei spiritualis, quam hæc perceptibilitas objecti materialis: ergo sicut illam continet, ita & hanc.

III. Probat. Deus perfectiones creaturarum continet; sed virtutes agendi creaturarum sunt perfectiones ipsarum: ergo ipsas continet: ergo secundum has perfectiones corporeas, quas eminenter continet, poterit se sensibus exhibere. Explicatur argumentum. Deus enim licet sit formaliter incorporeus, corpoream tamen omnem perfectionem, ejusque agendi virtutem, quæ perfectio est, eminenter continet: ergo potest agere in sensus, sicut res corporea ageret; cum hæc nihilominus differentia, quæ sedulo notanda est, quod res corporea ageret secundum modum illum participatum, Deus vero secundum immensum illud exemplar perfectionum, a quo modum suum res corporea participavit; & sic ageret Deus modo proprio, tamen corpore eminenter, & obinde hic agendi modus esset sensui corporeo proportionatus. Exemplo res sit elarior; & si lucem pro exemplo asseramus, fiet clarissima. Hoc quod est lucem agere in potentiam visivam est perfectio lucis; hæc perfectio sunt participata a Deo: ergo est in Deo: ergo Deus secundum hanc perfectionem agendo in potentiam visivam, modo corporeo ageret, quatenus ageret modo lucis: non tamen videretur lux, sed Deus; quia non ageret Deus secundum modum participatum a luce, sed secundum illum, a quo lux modum suum participavit; sique non videretur lux, sed Deus. Sic pariter pro aliis sensibilibus potentiis est discurrendum.

IV. Probat. Potest objectum spirituale a potentia corporea, & materiale attingi: ergo etiam Deus. Probatur antecedens. Si aliqua in contrarium esset ratio, maxime esset, quia potentia materialis extraheretur a sphaera adequata sui objecti; sed hæc ratio nulla est: ergo potest objectum spirituale a potentia corporea, & materiale attingi. Probatur minor. Tunc aliqua potentia dicitur extrahi a sphaera sui objecti, quando ponitur ad operandum diverso modo, ac in se est operativa; ideo enim auditus colorem percipere non potest, quia esset visus, quatenus videret; sed per hoc, quod materialis potentia objectum spirituale attingat, non ponitur ad operandum diverso modo, ac in se est operativa: ergo ratio illa nulla est. Probatur minor. Tunc operaretur diverso modo, ac est in

se operativa, materialis potentia, quando immaterialiter operaretur; sed per hoc, quod attingat objectum spirituale, non sequitur, debere ipsam agere immaterialiter: ergo per hoc, quod materialis potentia objectum spirituale attingat, non ponitur ad operandum diverso modo, ac in se est operativa. Probatur minor. Potest objectum spirituale, sicut divinum, quod modum agendi materialiter continet eminenter, materiali modo, quanvis non immateriali, a corporea potentia percipi: ergo non per hoc, quod attingeret objectum spirituale potentia materialis, sequeretur potentiam materialem agere immaterialiter, & spiritualiter.

V. Probat P. Saguens. Potest oculus corporeus elevari a Deo, ut videat lucem illam inaccessibilem, quæ est ipsemet Deus; sed hoc pacto videret oculus corporeus aliquam lucem quidditative: ergo potest oculus corporeus elevari, ut videat Deum corporeo modo. Minor supponitur ab ipso certa; quia lux illa est ipsemet Deus, est enim lux divina, increata, æterna, &c. unde si illius aliquid videret oculus corporeus, Deum ipsum aliquam quidditative videret. Majorem vero probat. Magna illa distantia inter naturas spirituales, & corporeas, non impedit aliquam actionem, & reactionem illatum: ergo etsi lux illa sit spiritualis, potest nihilominus oculus corporeus elevari a Deo, ut eam videat. Antecedens probat ex animæ, & corporis commercio, in homine, quod consistere, ait, in multa motuum communicatione.

Arguunt I. Non potest vitalis potentia extendi ad objectum, in quo sua formalis ratio non reperitur; sed de facto nulla ratio formalis objectiva reperitur in Deo, quæ sit propria potentie materialis: ergo non potest vitalis potentia corporea extendi ad Deum percipiendum. Major probatur. Potentia vitalis quæ vitalis elicit actus suos intrinsecos cum exigentia ad tales actus eliciendos, & tales actus cum exigentia ad fieri a tali potentia; sed hoc non esset, si in objecto non reperiretur ratio propria illius potentie; ergo non potest potentia vitalis extendi ad objectum, in quo sua formalis ratio objectiva non reperitur. II. Secundum P. Magnani sententiam Christus in Sacramento Eucharistie agit loco panis; id est in ratione agendi exercet potentiam illam, quam exerceret panis, si adesset, in sensus; & tamen non videtur Christus, sed panis: ergo licet Deus ageret secundum modum agendi rerum materialium.

rialium, non per hoc a sensu corporeo attingeretur Deus, sed res potius materialis. III. Admissa hac sententia posset etiam Deus percipi a potentia materiali auditiva, olfactiva, tactiva, gustativa; atqui hoc est repugnans rationi, & fidei; ergo non est sententia ista admitrenda. Probatur minor. Repugnat rationi, quia sic res spirituales, & corporeæ confunderentur; repugnat fidei, quia nimis accederet errori Anthropomorphitarum, qui non admittant in Deo humanam formam, nisi ut posset Deus corporaliter percipi. IV. Omnis actio Dei spiritualis est; ergo semper corporeo sensui improporcionata. Probatur antecedens. Omnis actio Dei est indistincta a Deo; sed Deus est spiritualis; ergo omnis actio Dei spiritualis est. V. Illa actio Dei vel præferret similitudinem, & imaginem Dei percipienti sensui corporeo, vel non? Si primum: ergo Deus perciperetur corporeus: Si secundum: ergo Deus non perciperetur quidditative. VI. Indignum sane esset, quod Deus etiam a potentia gustativa perciperetur; manducaretur enim ab illa, biberetur, &c. Et tamen idem esset dicendum de potentia materiali gustativa, ac de aliis potentiis materialibus dicitur.

Respondet P. Magnanus ad I. mixtendo maiorem, & distinguendo minorem: De facto nulla ratio formalis objectiva reperitur in Deo, quæ sit propria potentie materialis; in Deo quatenus est obiectum spirituale prout spirituale, reduplicative, concedit; in Deo, prout in obiecto spirituali formaliter, æquivalenter autem materiali, negat minorem. Si dicatur; atqui materialitas non potest in obiecto spirituali reperiri, nisi spiritualitas amittatur; distinguit etiam; non potest reperiri formaliter, concedit; æquivalenter, negat.

Ad II. Negat paritatem, & disparitatem per ipsum est, quia Christus agit secundum illum modum agendi, jam a pane participatum; & sic non mirum si panis sentiat: As quando ageret Deus, ageret secundum fontem, & originem, & exemplar, a quo res omnes creatæ suas perfectiones participarunt; & ob inde non perciperentur res materiales creatæ, sed Deus. Vel brevius; Christus agit in Sacramento secundum imaginem modi illius agendi, qui est in Deo; Deus ageret secundum originale, quod non participant creaturæ, quanvis ab eo participant.

Ad III. respondet P. Saguens, sententiam hanc non repugnare, nec rationi, nec si-
PAR. I.

dei; quia removere omnino a Deo omnem formam corpoream, quanvis in Deo admittat tantum modum agendi corporeum, qui Deo negari non potest, nisi dicatur, corpora modum illum agendi non a Deo, sed a semetipsis habuisse. Nec est necesse, ut Deus fiat sonus, fiat odor, fiat cibus, &c. ut a potentiis horum obiectorum percipatur. Sufficit quidem, ut Deus per se ipsum potentias hasce delectet modo illo agendi, quo ab obiectis suis delectantur. Anthropomorphiæ autem nihil de hoc modo agendi cogitarunt; sed putaverunt solum, Deum habuisse corporea membra nostris similia, prout in Scripturis metaphorice Deus aliquando describitur.

Ad IV. Actio illa Dei unique entitative spiritualis omnino esset, sed repræsentative esset corporea, quatenus repræsentaret Deum agentem in sensum, ut agunt res corporeæ; & esset quidem talis repræsentatio, non per formalem continentiam in Deo, sed per æquivalentem, & eminentem; ut dictum est.

Ad V. Præferret similitudinem Dei agentis modo corporeo in sensum; Quanvis enim Deus esset omnino spiritualis, quia tamen ageret modo corporeo, quem eminenter continet, inde est, quod imaginem Dei exhiberet, sed non operantur, ut operarur modo intelligibili respectu intellectus, sed modo sensibili respectu sensus; non quidem modo sensibili a re corporea participato, sed secundum illum primigenium modum, quem in se ipso eminenter continet, & a quo modus ille formalis corporeus participatur est.

Ad VI. patet responsio ex responsione ad III. Non enim fit Deus cibus, quemadmodum non fit Christus re vera panis; sed agit Christus, ut panis, agit Deus in sensum gustus, ut cibus; eum differentia illa pluries hic enunciat.

Hæc quidem P. Magnanus a nemine mutatus est, sed a semetipso excogitavit. An sint autem ita firma, & inconcussa, ut plures asserunt, ipse vero non asseruit, Legentes iudicabunt. Et hoc vel ex eo magis, quod ad maximum opinionis suæ fundamentum posset non incongrue dici, virtutem agendi materialiter contineri quidem in Deo eminenter; at per hoc, quod eminenter continetur, non esse amplius virtutem agendi materialiter. Contingit enim eminenter in Deo est contineri absque imperfectionibus; esse virtutem agendi materialiter est imperfectio; ergo aut eminenter in Deo non reperitur hæc

virtus, si est materialiter agendi; aut materialiter non est agendi, si in Deo eminenter continetur. Ad probationes alias etiam dici potest, quod Deus sit in infinitum perceptibilis, si habet infinita potentia immaterialibus, etiam specificè diversis, aut de facto existentibus, aut possibilibus, percipiatur. Denique in re materiali posse se facere percipi, perfectio est, sed imperfectione admixta; quatenus enim modus agendi est, perfectio est; quatenus vero

talís modus agendi est, imperfectiorem dicit, & quidem essentialiter; unde non debet in Deo reperiri. Hæc quidem dicta sine non ad P. Magnani sententiam infirmamandam, nec confirmandam. Hoc nihilominus certum est, non loqui ipsum in eo sensu, in quo cæteri Theologi hæc in re loquuntur; quatenus omnes loquuntur de modo spiritali, ipse autem de materiali loquatur.

DISSERTATIO IX.

De creato, vel creabili, Intellectu, cui possit, vel non possit, esse connaturalis Dei visio intuitiva,



Disputant acriter Scholastici, num alicui creato, vel creabili, intellectui possit esse Dei visio inquisitiva connaturalis? Et notantur ponuntur verba illa, *creato, vel creabili*, quia duplex difficultas examinanda se offert. Prima est, num de facto sit creata potentia, cui sit connaturalis Dei visio; vel quæ possit per suas intrinsecas vires naturales videre Deum? Et hæc quidem difficultas non est amplius a nobis decidenda, quam jam fuerit in superioribus decisa. Ex eo enim, quod probavimus, Deum esse supernaturaliter visibilem, naturaliter vero invisibilem; jam probatum remanet, nullam reperiri potentiam, quæ ipsum valeat naturaliter videre. Eruitur profecto hæc ex Dei invisibilitate; si enim Deus a creato intellectu naturaliter videretur, vel naturaliter videri posset, jam in hoc ordine universi universaliter, & absolute a quovis creato intellectu naturaliter Deus visibilis non diceretur. Eruitur etiam ex ejusdem visibilitate; quatenus ex eo, quod nos probavimus, possibilem esse intuitivam Dei visionem, jam suppositum, posse quidem ab intellectu videri, si huius temperamentum illud concedatur, confortativum, vel elevativum, quod necessarium esse supponitur. Hoc autem necessarium non esse, si ab intellectu posset naturaliter videri. Igitur de creabili intellectu tantum intelligenda est questio; in qua inquiritur, num possit a Deo creati intellectiva potentia tantæ virtutis, quæ suis naturalibus viribus, absque scilicet su-

pernaturali auxilio, Deum intuitive videat? Quod, ut omni, qua decet, hinc claritate, inde facilitate, exponatur, examinandas prius proponimus duas difficultates, quæ sunt cum hac principali connexæ; & sunt quæ sequuntur. Prima; An intellectui cum lumine gloriæ sit naturale videre Deum? Secunda; An sit possibilis substantia supernaturalis.

Pro I. Difficultate proposita Thomistæ affirmant, cum Cajetano, aliisque; Scotistæ vero negant, cum Maffrio, & cæteris. Nos cum primis sentimus; & Probatur I. Aggregato ex intellectu, & lumine gloriæ naturaliter debetur visio, non supernaturaliter; ergo naturale est intellectui cum lumine gloriæ videre Deum. Probatur antecedens. Si supernaturaliter deberetur visio, alias opus esset elevativo ad intellectum cum lumine supernaturalizandum; sique illi intellectui ulterius supernaturalizato, vel esset naturalis, vel supernaturalis visio? Si hoc secundum; abiremus utique in infinitum: Si primum, habemus intentum. II. Intellectus vel eodem modo se habet cum lumine, ac sine lumine, vel diverso modo, ad operandum? Si eodem modo; ad quid ergo intersevit lumen? ergo sicut intellectus sine lumine est impotens, ita & cum lumine. Si diverso modo; hæc diversitas nequit aliunde peti, quam quia cum lumine est naturaliter potens videre Deum, non sic autem sine lumine. III. Si potentia juxta suas vires operaretur, connaturalis ei esset operatio; sed intellectus elevatus, rotatur, scilicet virtus ex intellectu, & lumine;

con-

conflata, visionis actum juxta suas vires elicit: ergo huic conflato naturale est videre Deum. IV. Ex Maffrio colligitur, totam Thomistarum, & Scotistarum differentiam quoad presens in eo esse, quod Thomistæ putant, luminis ex natura rei convenire, intellectum in supernaturalitatis statu constituere: Scotistæ autem doceant, luminis non ex natura rei, sed ex divina tantum ordinatione competere; atqui falsum est hoc Scotistarum fundamentum: ergo & falsa ipsorum assertio. Probatur minor. Lumen ex sui natura, & intrinsece supernaturale est: ergo ipsi ex natura rei convenit supernaturalizare intellectum. Sequitur consequentia; in tantum enim supernaturalizat, in quantum supernaturale est. Antecedens probatur. Lumen gloriæ ex sui natura intrinsece non est naturale: ergo ex sui natura intrinsece est supernaturale. Probatur antecedens. Lumen gloriæ si naturale esset, neque ex divina ordinatione posset ad aliquid supernaturalizandum elevari; quatenus deberet ipsum prius per aliud supernaturale supernaturalizari, & postea supernaturalizare intellectum: Vel si dicant, quod hoc naturale per se ipsum supernaturalizaretur, absque altero supernaturali superaddito: Ergo etiam intellectus posset per se ipsum absque lumine supernaturalizari. Ulterius sic contra Maffrium argumentamur; ait enim ipse, calorem esse naturalem virtutem calefaciendi, non sic autem luminis supernaturalizandi naturalis virtus est; quia si Deus concursum tolleretur intellectui elevato, non videretur. Contra tamen est. Si Deus concursum tolleretur igni, necetiam ignis uret: ergo dicendum esset, usionem non esse naturalem igni. Si dicat, quod haberet exigentiam ad concursum; dicimus etiam nos, quod intellectus elevatus haberet exigentiam ad videndum, quanvis naturaliter non videretur.

Obijciunt tamen contra Maffrio I. Sequeretur, intellectum ex suis naturalibus videre Deum, si nostra sententia vera esset; hoc autem non est dicendum: ergo neque illud, ex quo sequitur. II. Lumen gloriæ est omnino supernaturale intellectui: ergo etiam visio est omnino supernaturalis eidem intellectui, etiam ut lumine gloriæ elevato. Probatur consequentia. Lumen gloriæ tribuitur intellectui, ut constituatur in actu primo supernaturali ad eliciendam visionem; at quando alicui est supernaturalis actus primus, debet etiam esse

P. R. I.

illi supernaturalis actus secundus: ergo si lumen supernaturale est, supernaturalis etiam est visio. III. Posito lumine gloriæ in intellectu, adhuc obiectum beatificum respectu ejus est supernaturale, ac liberum, & voluntarie movetur: ergo adhuc posito lumine gloriæ in intellectu, non est ipsi naturale videre Deum. IV. Si Cæcus miraculose illuminaretur, illuminatus semper postea supernaturaliter videretur: ergo sic intellectus noster, quia supernaturalizatus a lumine, adhuc cum lumine supernaturaliter videt Deum.

Respondemus ad I. Distinguendo sequelam; sequeretur intellectum elevatum, & supernaturalizatum, ex suis naturalibus videre Deum, conceditur; intellectum non elevatum, & non supernaturalizatum, negatur. Distinguitur eodem modo minor propositio, & negatur consequentia.

Ad II. Negatur consequentia; ad cujus probationem conceditur major, & distinguitur secunda pars minoris, debet esse intellectui supernaturalis actus secundus, illi spectato sine actu primo, conceditur; illi considerato cum actu primo, negatur minor, & consequentia. Soli intellectui spectato sine lumine gloriæ, certum est, quod supernaturalis est visio; si vero spectetur eum lumine gloriæ, quod supernaturale est, eidem dicendum est naturalem esse; & hoc sibi vult, esse intellectum sine actu primo, hoc est sine lumine gloriæ.

Ad III. Conceditur antecedens, & negatur consequentia; ratio pro modo est, quod diversimode accipitur *To naturale*; in presenti autem sumitur, prout opponitur supernaturali, non vero prout opponitur libero, seu voluntario. Sicque obiectum beatificum intellectui elevato naturale est, quatenus non est illi supernaturale; non autem ex altera parte est naturale, quia est liberum, & voluntarium.

Ad IV. Negatur paritas; & ratio disparitatis est, quia cæco est indebita illuminatio, non sic vero intellectui lumen.

Pro II. vero Difficultate, quam proposuimus, multipliciter supernaturalem substantiam Theologi explicant, inquirentes, in quo ipsa consistat. Verum in quocunque consistat, & quomodolibet explicetur, omnimode dicimus, ipsam implicare. Et probatur I. Implicat creatura, quæ non sit a Deo elevabilis; sed talis esset substantia supernaturalis: ergo implicat substantiam supernaturalem. Major probatur. Creatura enim est essentialis potentia obedientialis, ratione cujus redditur a Deo elevabilis.

L I 2

lis:

lis: ergo implicat creatura, quæ non sit a Deo elevabilis. Probatur antecedens. Creatura respicit essentialiter Deum, ut serva Dominum, ut inferior superiorem, hoc ipso quod creatur: ergo creatura est essentialis potentia obedientialis, ratione, cujus redditur a Deo elevabilis. Minor primi argumenti probatur etiam; quia talis substantia non habet ordinem superiorem, ad quem posset elevari: ergo talis substantia supernaturalis non esset a Deo elevabilis. II. Si dabilis esset hujusmodi substantia, jam de facto daretur; sed de facto non datur: ergo dabilis non est. Probatur major. Quia aliter sua accidentia, in Peripateticorum hypothesi, nempe accidentia supernaturalia, essent in statu violento; inherendo scilicet substantiæ naturali non supernaturali. III. Si Deus produxit dispositiones omnes ad hanc substantiam, quare ergo substantiam ipsam non produxit? Non aliunde sane, nisi quia substantia ipsa supernaturalis est improductibilis: ergo vere substantia supernaturalis implicat.

Obstane I. Si prima nostra ratio valeret, æque de substantia, ac de accidentibus supernaturalibus valeret; atqui de accidentibus non valet: ergo neque de substantia. Probatur major. Non minus de substantia, quam de accidentibus debet esse elevabilitas: ergo æque ratio illa de substantia, ac de accidentibus, supernaturalibus valeret. Minor etiam primi argumenti probatur; quia accidentia supernaturalia, qua supernaturalia, elevabilia non sunt. II. Contra secundam nostram rationem dicunt, accidentia illa non esse in statu violento, quia jam inherere; sufficit namque accidentis essentialis inherere, non vero requiritur, quod huic, aut alteri substantiæ, inherereat. III. Contra tertiam rationem ait P. Lallemandet; causas, propter quas Deus substantiam illam non produxit, esse primo, ne substantia talis putaretur independens; secundo, quia Deus vult esse solus supernaturalis; tertio, quia quomodo Deus velit nobis dare beatitudinem in præmium, non ex natura, substantia illa si esset modo producta, ex natura beatitudinem haberet.

Respondemus ad I. Disparem esse rationem de substantia, & accidente supernaturali; accidens enim licet non sit elevabile ut quod, est nihilominus elevabile ut quo; quatenus est ipsamet elevatio, qua substantia naturalis elevatur; & hoc modo accidens supernaturale Deo ut elevanti

subest. Non sic autem substantia supernaturalis, si daretur; quia nec ut quod, nec ut quo, elevabilis esset.

Ad II. dicitur, proprium esse talis accidentis inherere proprio subiecto, licet proprium accidentis ut sic sit inherere alicui subiecto. Quum ergo accidentia supernaturalia sint talia accidentia, suo proprio subiecto inherere deberent. Et hoc patet, quia aliter naturali subiecto naturaliter, non miraculose inhererent, si ad ipsum essentiam sufficeret quomodolibet inherere.

Ad III. dicimus primo contra P. Lallemandet; aut substantia illa deberet revera esse independens, aut non? Si primum; non solum non produceretur, ne putetur independens, sed nec etiam est producibilis, quia independens esset: Si secundum; parum officeret, quod putaretur independens, dummodo non esset; immo quum non esset independens, nunquam sic putari posset. Uterius; aut Deus exigit esse substantiam supernaturalem solum ipsum, & non alium, aut non exigit? Si exigit; ex hoc capite habetur substantiæ supernaturalis creatæ impossibilitas: Si non exigit; magis ad ostensionem suæ omnipotentiam conferret ipsam producere, maxime quum dispositiones ipsi substantiæ convenientes produxerit. Denique contra ultimum ex sequentibus patet responso.

His duabus Difficultatibus expositis, examinationis, atque decisis, a quibus tota principalis controversia dependet, ad ipsam discutiendam accedimus. Dependet sane, nam Adversarii ex possibilitate substantiæ supernaturalis deducunt possibilitatem intellectus, cui sit connaturalis intuitiva Dei visio; modo autem, quum jam probata sit hujusmodi substantiæ impossibilitas, non possunt eam deducere; immo potius nos ex ejusdem impossibilitate arguere possumus hoc modo. Intellectus, cui foret connaturalis intuitiva Dei visio, deberet esse substantia supernaturalis; atqui, ex probatis, substantia supernaturalis implicat: ergo implicat pariter intellectus, cui sit connaturalis intuitiva Dei visio. Major ab ipsis Adversariis ponitur; minor est probata; consequentia sequitur. Ex altera vero difficultate arguunt Adversarii sic. Connaturalis est visio aggregato illi ex intellectu, & lumine; sed aggregatum illud finitæ perfectionis est: ergo Deus poterit creare intellectum tantæ perfectionis, quantum habet aggregatum illud, finitæ scilicet perfectionis; atqui ex

huc,

hoc; quod sit finitæ perfectionis non implicat: ergo sicut non implicat, quod aggregato illi, quod est finitæ perfectionis, sit connaturalis Dei visio intuitiva; ita pariter non implicat intellectus finitæ, & æqualis perfectionis aggregato illi, cui intellectui sit etiam Dei visio intuitiva connaturalis. Sed quanta sit hujus argumenti vanitas, infra videbitur. Interim questionem principalem in duplici sensu agamus; Primo, num possit dari intellectus, cui sit connaturale lumen gloriæ, quo mediante Deum intuitive videat? Secunda, num possit dari intellectus, cui absque lumine gloriæ sit connaturalis intuitiva Dei visio.

Dicimus I. Implicare intellectum, cui sit connaturale lumen gloriæ. Probatur I. Lumen gloriæ, in hypothesi Peripateticorum, est accidens supernaturale absolute, & simpliciter, non respectivo solum, & secundum quid; sed si posset dari intellectus, cui ipsum lumen esset connaturale, non esset sic: ergo habilis non est talis intellectus. Minus patet, quatenus licet lumen gloriæ intellectibus existentibus sit supernaturale, intellectui tamen possibili esset naturale: ergo non esset supernaturale absolute, & simpliciter. Major probatur dupliciter a Cacherano; primo, quia aliter lumen gloriæ non esset supernaturale, sed præternaturale; quemadmodum accidentia propria alicujus naturæ superius naturæ inferiori non dicuntur supernaturalia, sed præternaturalia; accidentia scilicet naturæ viventis comparata ad naturam non viventem. Secundo, quia si supernaturalitas, quæ de facto datur, esset solum respectiva, posset dari alia supernaturalitas, quæ esset absoluta, & hæc esset superior illa; implicat autem supra supernaturale dari aliud supernaturale superius; quia ex hoc sequeretur, quod illud supernaturale inferioris contemptibile esset comparatum ad supernaturale superius; quemadmodum modo naturalia quævis contemptibilia sunt relative ad supernaturalia.

II. Probatur. Si lumen gloriæ posset esse connaturale alicui intellectui, eidem intellectui posset esse connaturalis etiam gratia; hæc nullo modo potest esse connaturalis: ergo neque illud. Major patet; quia Lumen gloriæ, & gratia, sunt ejusdem ordinis; immo lumen dicitur gratia emittens. Minor etiam constat; quia aliter gratia non amplius redderet nos confortes divinæ naturæ, sed illius naturæ creaturæ, cujus esset naturalis proprietas.

III. Probatur. Si daretur intellectus, cui esset connaturale lumen gloriæ, talis intellectus deberet esse substantia supernaturalis; sed ex dictis implicat substantia supernaturalis: ergo pariter intellectus ille. Major est cetera; lumen enim gloriæ, quod est accidens supernaturale, non potest esse naturale substantiæ naturali, sed potius substantiæ supernaturali. Præterquam quod, est essentialiter lumini esse elevativum illius substantiæ, cui inhaeret; respectu autem talis intellectus elevativum non esset; quia si elevativum esset, non esset amplius ipsi connaturale.

Dicimus II. Implicare intellectum, cui sit connaturalis intuitiva Dei visio. Est communissima conclusio, sicut præcedens; eisdemque habet propugnatores, paucissimos impugnatores. I. probatur a Cacherano. Impossibilis est intellectus, cui sit connaturalis cognitio perfectior comprehensione sui; sed visio Dei est perfectior comprehensione sui; sed visio Dei est perfectior comprehensione cuiuscunque creaturæ etiam perfectissimæ: ergo impossibilis est intellectus, cui sit connaturalis Dei visio. Probatur minor. Si comprehensio sui esset perfectior visione Dei, vel esset ratione effectuum, quos produceret; vel ratione objecti, ad quod tenderet; vel ratione sui ipsius, quatenus ipsa comprehensio esset, illa vero simplex visio; atqui nullo ex his capitibus perfectior est: ergo absolute visio Dei est perfectior comprehensione cuiuscunque creaturæ etiam perfectissimæ. Probatur minor. Non ratione sui ipsius, quavis enim comprehensio sit perfectior visione, quando cætera sunt paria, non sic autem quando cætera non sunt paria; aliter comprehensio esset perfectior esset visione Dei. Non ratione objecti, quia objectum visionis Dei nobilior est objecto comprehensionis creaturæ quavis nobilissimæ. Nam denique ratione effectuum; quum visio Dei majorem perfectionem in objecto manifestet, magis expleat intellectum, & intelligendi appetitum, reddat intelligentem impeccabilem, & beatum, quos effectus comprehensio sui non producit. Probatur modo major principalis argumenti. Impossibilis est intellectus, cui sit connaturalis cognitio excedens propriam virtutem cognoscitivam; quum nullæ causæ posset esse naturale operari ultra propriam virtutem; sed habere cognitionem perfectiorem comprehensione sui est habere cognitionem excedentem propriam virtutem cognoscitivam: ergo impossibilis est intellectus, cui sit connaturalis

ralis

ralis cognitio perfectior comprehensione sui. Probatur minor. Comprehensio sui adæquat propriam virtutem cognoscitivam: ergo habere cognitionem perfectiorem comprehensione sui est habere cognitionem excedentem propriam virtutem cognoscitivam. Probatur antecedens. Comprehensio sui adæquat propriam cognoscibilitatem: ergo si hanc adæquat comprehensioni cognoscere objectum suum, quantum est cognoscibile: ergo etiam adæquat propriam cognoscitivitatem. Probatur consequentia. Cognoscitivitas rei non potest esse maior sua cognoscibilitate: ergo si hanc adæquat comprehensio, illam etiam adæquat. Probatur antecedens. Ratio cognoscibilis, seu ratio veri, & ratio entis, convertuntur: ergo si res aliqua magis haberet de cognoscitivitate, quam de cognoscibilitate, magis haberet de ente, quam de vero; hoc implicat, ut manifestum est: ergo & illud, ex quo sequitur.

Dicunt Adversarii, rationem hanc militare etiam I. contra aggregatum ex intellectu, & lumine, cui diximus connaturale esse videre Deum; quum talis visio adhuc comprehensione illius aggregati sit perfectior. II. militare etiam contra naturalem Dei contemplationem, quæ est perfectior comprehensione alicujus Angeli, vel Hominis. III. militare adhuc contra visionem Dei, quæ supponeretur in substantia supernaturali: quatenus hujus etiam comprehensione visio Dei perfectior esset.

At contra primam responsionem sic argumentamur. Loquimur enim nos de creatura operante sine elevatione, adeoque virtutibus propriis; non sic autem est intellectus cum lumine. Contra secundam sic etiam; contemplatio illa naturalis includitur in comprehensione Angeli e. g., quatenus contemplatio illa naturalis est cognitio Dei ex effectibus, quos inter Angelus etiam enumeratur. Contra tertiam quoque hoc modo; ex illo scilicet probari, substantiæ supernaturali, si daretur, esse naturalem, & non naturalem visionem Dei; unde potius ex responsione, vel instantia illa, deducitur specialis ratio implicantis substantiæ supernaturalis.

II. Probatur principalis conclusio. Implicat creatura, cui sit naturalis Dei amicitia: ergo implicat intellectus, cui sit connaturalis Dei visio. Patet consequentia; visionem enim necessario, & essentialiter consequitur perfecta charitas. Antecedens probatur. Quilibet creatura contem-

bilis est respectu Dei, quum respectu Dei sit maxime vilis: ergo non potest ipsi convenire naturalis amicitia cum Deo; amicus enim non potest ab amico jure contemni; & amicitia debet maxime esse inter æquales.

III. Implicat creatura, quæ sit sua natura impeccabilis; sic esset intellectus, cui esset naturalis Dei visio: ergo pariter hic intellectus implicat. Probatur major. Creatura qua creatura dicit necessario defectum, tam moralem, quam naturalem; unde S. Ambrosius ex impeccabilitate deducit Spiritus Sancti divinitatem; quum creatura necessario dicat mutabilitatem, ut ait Gregorius Nyssenus in lib. catechetic. c. 6. *Omne, quod creatione productum est, mutari est affine*. Et Basilii in lib. de Spiritu Sancto, Augustinus in lib. 12. de civit. Dei c. 1. alique apud Peraviu lib. 2. theologicorum dogmatum c. 1. prope finem; qui insuper probat, nullam creaturam possibilem esse sua natura sanctam, quum Deus solus sit talis natura sua. Sic autem esset creatura, quæ foret sua natura impeccabilis: ergo implicat creatura, quæ sit sua natura impeccabilis; quanvis impeccabilis per gratiam esse possit. Si dicant cum P. Lallemandet, peccatum stare posse cum visione Dei; sic in contrarium argumentamur: Visio Dei est certissimum signum Dei amicitie: ergo non potest stare cum Dei inimicitia, quæ est peccatum.

IV. Probatur ratione, quam offert S. Thomas 1. p. q. 12. ar. 2. Implicat intellectus, qui sit ejusdem immaterialitatis cum Deo: ergo implicat intellectus, cui sit connaturalis Dei visio intuitiva. Antecedens est certum; Deus enim est actus purus, adeoque omnem excludens potentialitatem, materialitatem, & compositionem; non sic autem quivis intellectus, etiam angelicus, etiam creabilis. Consequentia probatur. Tres assignantur gradus immaterialitatis; primus est animæ rationalis, quæ licet sit immaterialis quoad substantiam, non sic tamen est quoad modum, quum sit forma corporis. Secundus est angelicæ naturæ, quæ licet a corpore non dependeat, habet nihilominus esse ab essentia, & natura distinctum. Tertius est naturæ divinæ, quæ est actus purissimus, simplicissimus, &c. Modo sic: Inter potentiam intelligentem, & objectum naturaliter cognitum, debet esse proportio quantum ad tres illos immaterialitatis gradus: ergo si implicat intellectus, qui sit ejusdem immaterialitatis cum Deo, implicat etiam intellectus, cui

fit

fit connaturalis Dei visio intuitiva. Probatur antecedens. Quia aliter ita esset proportionatum objectum divinum naturæ divinæ naturaliter intelligenti, ac naturæ creatæ, quæ naturaliter etiam intelligeret; quod implicat. Unde quando modus essendi rei cogniti excedit modum naturæ cognoscentis, cognitio illius rei est supra naturam illius cognoscentis; ut docet Angelicus Doctor; & confirmatur a Serra; nam tunc nec cognitio est in cognoscente secundum modum, & speciem ei connaturalem, neque cognitio est secundum modum propriæ ejus immaterialitatis; ergo supra naturam cognoscentis.

Unicum argumentum, quod obijciunt Adversarii, præter illud de substantia supernaturali, superius discussum, est illud aliud, quod tunc etiam erigimus; nimirum de intellectu æquivalente complexui ex intellectu, & lumine. Ad quod per retoritiones, seu instantias, plures respondemus. Et quidam primo hoc argumentum probaret, dari posse substantiam creatam, quæ sine objecti concursu intelligeret; quia, conflatum ex potentia, & specie est finitum. II. probaretur, dari posse substantiam appetitivam, non intellectivam; quum, conflatum etiam ex hujusmodi potentis sit finitum. III. probaretur, dari posse intellectum creatum, qui naturaliter prophetaret; quia pariter conflatum ex intellectu creato, & lumine prophetiæ est finitum. IV. probaretur, dari posse voluntatem creatam, ad instar voluntatis divinæ, per se ipsam, seu per suam entitatem necessariam libere volentem; quia conflatum ex volun-

tate, & actu libero est finitum.

Igitur, ut directè respondeamus, ait Cacheranus, argumentum ex vi formæ invalidum esse. Et si quandoque entitas simplex æquivaleret conflatu ex duabus; ut patet, dum unus Angelus comprehendit alium Angelum, quem homo non adjutus supernaturali auxilio nequit comprehendere; & ob inde intellectus angelicus in ordine ad comprehensionem alterius Angeli æquivaleret conflatu ex intellectu humano, & supernaturali auxilio; tamen id debet aliunde constare; nec sufficienter probatur ex finitate illius conflatu; ut patet ex instantiis supra factis. Uterius identitas notabiliter mutat rerum essentias; quum major sit perfectio, & longe diversa, habere aliquid per identitatem, quam per physicam unionem. Tandem virtute finita potest dari major, & æqualis in eodem genere, non vero in diverso; uode dato uno conflatu ex intellectu, & lumine potest dari aliud conflatum ex perfectiori intellectu, & perfectiori lumine, non vero intellectus simplex perfectior, quia est in diversis generibus. Dicitur etiam virtutem illius conflatu finitam esse, sed superioris ordinis, respectu virtutis naturalis intellectus; ac proinde quantumcumque hæc augeatur, nunquam potest pervenire ad illius conjuncti perfectionem. Quod probat hoc exemplo. Quavis scilicet Angelus finitæ sit perfectionis, & Deus quacumque materiali natura creata perfectiorem possit producere; non tamen potest facere, materialem naturam angelicam perfectiorem.

DISSERTATIO LXI.

De Lumine Gloriæ, & de muneribus illius.



Præter intellectum, qui est potentia intuitivæ Dei visionis, quavis naturaliter improporionatæ, duo alia requiruntur ad illam, unum ex parte potentis se tenens, & dicitur Lumen gloriæ, alterum se tenens ex parte objecti, & vocatur species. Intuitiva enim visio ex suis intrinsicis duo habet, & quod sit vitalis, & quod sit supernaturalis. Per hoc, quod est vitalis, exigit potentiam vitalem, & objectum; & quia objectum nequit esse intra potentiam, exigit obinde speciem, quæ est objecti vi-

caria: Per hoc autem, quod est supernaturalis, requirit auxilium aliquod supernaturale, & hoc est lumen. De Potentia loquuti fuimus usque modo, de objecto loquimur in sequentibus, modo loquimur de lumine, & postea de specie.

Hoc luminis gloriæ vocabulū, si antiquos Patres perlostrabimus, minime apud illos inveniemus. Fuit namque a Scholasticis Theologis in usu positum potius ex rerum naturalium similitudine, & analogia quadam, ut Petavius loquitur, quam ex liquida divinarum literarum auctoritate. Quemadmodum scilicet absque luce, vel lumine

vifi.

vivifica materialis potentia actus suos exercere non potest, ita etiam intellectiva sine, vel naturali lumine, quando circa naturalia se gerit, vel supernaturali, quando supernaturalia intrinsecus. Et quavis in Psalm. 35. 10. luminis mentio invenitur per illa verba: *Quoniam apud te est fons vite, & in lumine tuo videbimus lumen*: Illud nihilominus lumen de Verbo divino, vel de Christo, Patres communiter interpretantur; ut apud ipsos videre quisque poterit, & præcipue apud Origenem lib. de principiis c. 1., Cyrillum lib. 1. in Joannem c. 8. Augustinum pluribus in locis, & signanter in prædictum psalmum 35., alioque; quasi idem sit ac dicere: In Verbo, & sapientia tua videbimus te Patrem: Non per hoc tamen a Patribus veteribus supernaturalis auxilium negabatur; sed quod nos modo, & antecessores nostri, quingentis ab hinc annis, lumen gloriæ nominant, eandem, vel quasi eandem, significationem retinentes, altero vocabulo appellabant. Lucis nimirum, ut apud Epiphanium hæref. 70., collustrationis, & illuminationis, ut apud Auctorem libri de divinis nominibus, qui tribuitur S. Dionysio Areopagite cap. 1., alioque passim. Hæc de nomine; de significatione autem apud antiquos Patres illud invenitur expressum, quo importatur, esse adiutorium, auxilium, adjuvamentum aliquod, quo naturalis potentia elevebatur ad Deum conspiciendum, & sine quo nemo possit ad intuitivam Dei visionem assurgere.

Quæ quidem apud Augustinum præsertim, legi possunt in epistola 6. *Lux illa Deus est ipse; quoniam Deus lux est, & tenebra in eo non sunt illæ: Sed lux mentium purgarum, non istorum corporis oculorum*. Et in libro Soliloquiorum, si ipsius genuinus est focus, cap. 14. hæc alia inveniuntur: *Videbimus in lumine tuo lumen tuum. Quoniam apud te est fons vite, & in lumine tuo videbimus lumen. Quale autem lumen? Lumen immensum, lumen incorporeum, incorruptibile, incomprehensibile, lumen indeficiens, lumen inextinguibile, lumen inaccessibile, lumen increatum, lumen veridicum, lumen divinum, quod illuminat oculos Angelorum, quod latificat juventutem Sanctorum, quod est lumen luminum, & fons vite: quod est tu Domine Deus meus. Tu es quippe lumen, in cuius lumine videbimus lumen, te scilicet in te, in splendore vultus tui, quando te videbimus facie ad faciem. Quid est videte facie ad faciem, nisi quod ait Apostolus, cognoscere sicut & cognitus sum? Cognoscere veritatem tuam, &*

gloriam tuam, hoc est cognoscere faciem tuam. Cognoscere Patris potentiam, Filii sapientiam, Spiritus Sancti clementiam, ipsius summa Trinitatis unam, & individuum essentiam. De quibus Augustini verbis, aliisque aliorum Patrum, qui de lumine loquuntur, Petavius theologicorum dogmatum lib. 7. c. 8. n. 3. scribit: *Quo circa de illo lucis officio, & usu, qui in Scholis percrebuit, nihil apud antiquos expressum habetur: nisi quod vis quidam naturalis superior, & auxilium, requiri dicitur, quo mens ad tantam contemplationem possit assurgere*.

Scholastici postmodum auxilium illud novo luminis gloriæ vocabulo appellantes, alia eidem munera tribuere, seu melius majori claritate munera ab antiquis auxilio illi tributa, distinguere, & explicare, coeperunt. Hinc primo fuit, quod aliqui dixerunt, lumen esse habituale, & intrinsecum, qualiterque scilicet habituale intellectui inhererentem, & in ipso permanentem; ut communis Scholasticorum Peripateticorum fert opinio. Alii, ut Scotus cum suis, plerique etiam Neuterici, & Nominales, contra Thomistas, putant lumen hoc habituale, quod de facto & ipsi ponunt, suppleri posse per divinam Omnipotentiam per actuale auxilium; quod quidem respicit lumen, non pro ut de facto est, sed pro ut de possibili potest esse. Alii quoque, lique paucissimi, quos inter eminet P. Magnus, lumen volunt esse tantum actuale, & extrinsecum; actualem scilicet Dei motionem intellectum elevanciam, non vero qualiterque illam inhererentem, & permanentem, sed transcurrentem potius. Rursus aliqui putarunt, hoc lumen de facto præstare munus speciei; ut Vasquez, Ovidius, &c. Alii vero magis communiter cum Thomistis contrarium docent. Uterius dixerunt quidam, lumen gloriæ deservire tantum intellectui ad ornatum; quemadmodum caracter animæ impressus in Sacramentis Baptismi, Confirmationis, & Ordinis, in patria ad ornatum animæ permanebat; ut Mayron: Alii voluerunt, munus elevandi, & disponendi intellectum a lumine exercere, non autem concurrendi ad visionem eum ipsomet intellectus; ut Aureolus: Alii denique docuerunt, lumen gloriæ de facto munus principii intellectum elevanciam, & simul cum intellectu effectivæ ad visionem concurrentis præstare; estque communis sententia. Adhuc aliqui existimant, lumen esse visionem a Deo infusam, & in nostro intellectu receptam; alii visionis esse potius activum principium.

pium. Tandem concedentes luminis elevandi munus; hoc ipsum nihilominus explicant diversimode. Concedentes insuper luminis disponendi officium, hoc etiam multis modis exponunt. Quæ omnes ut plurimum scholasticæ quæstiones sunt, & a quibus brevissime hac in Dissertatione nos ipsos expediemus.

Pro I., in quo queritur, an lumen gloriæ sit habituale de facto, an vero actuale? Nihil modo dicimus; sed in aliam differimus Dissertationem hoc examinare; in qua, propter communem Theologorum Scholasticorum sensum, habituale dicendum affirmabimus; posse nihilominus sustineri sententiam luminis actualis, tum de possibili, ut vult Scotus cum Nominalibus, atque pluribus Neotericis; tum quoque de facto; non ut vult Durandus, aut alij; sed ut P. Magnus egregie defendit, ostendimus. Pro II., supposito, quod lumen sit habituale, putamus, de facto non præstare munus speciei, posse autem de possibili; supposito vero, quod lumen sit actuale, in altera Dissertatione dicemus, non formaliter, sed realiter, speciei officium exhibere. Pro III. probabimus, lumen neque tantum ad ornatum intellectui deservire, neque tantum ad elevandum, sed insuper active concurrere ad visionem. Pro IV. Ex his potissimum eruetur, lumen non esse visionem ipsam, sed visionis potius principium. Pro V. tandem germanum modum elevationis, & dispositionis explicandæ in ipso lumine gloriæ explicabimus.

Dicimus ergo I. Lumen gloriæ de facto non præstare munus speciei, posse autem de possibili, de habituâ lumine loquendo. Ita Thomistæ, alijque communiter contra Vasquez, aliosque. Quod de possibili dicitur, supponimus, probari ex eo, quod in sequentibus de specie Dei impressa dicemus. Si enim de possibili non posset munus speciei præstare lumen, vel ideo esset, quia repugnaret speciei impressa creatæ Dei, vel quia repugnaret, hanc speciem identificari cum lumine? Ostendemus infra, ex primo capite non implicare; nec etiam implicat ex secundo; quatenus potest eadem qualitas sub diversâ ratione se tenere ex parte potentiae, & ex parte objecti; potentiam scilicet elevando, & objectum supplendo. Hoc tamen nullatenus a specie expressa præstari potest; quia hæc debet esse producta per intellectionem, adeoque necessario est lumine posterior; lumen enim est qualitas concurrens cum intellectu ad ipsius speciei expressæ pro-

ductionem; ergo nullo modo lumen speciei expressæ munus præstare potest.

I. Probatum modo, quod de facto lumen speciei impressæ munus non præstet, loquendo semper in hypothesei luminis habitualis. Inferius probabimus, non dari speciem impressam Dei a Deo distinctam; sed lumen gloriæ est distinctum a Deo; ergo de facto lumen gloriæ speciei impressæ munus non gerit. II. De facto lumen gloriæ est qualitas per modum habitus; sed omnis qualitas per modum habitus se tenet ex parte potentiae, non autem ex parte objecti; & ex altera parte speciei impressæ se tenet semper ex parte objecti; ergo lumen non præstat munus speciei impressæ. Probatum minor pro prima parte, nam pro secunda liquet. Nullus habitus concursus objectivum de facto præstat; ergo qualitas per modum habitus se tenet ex parte potentiae, & non ex parte objecti. III. Lumen de facto datur ad supplendum id, quod per se ipsum Deus supplere non potest; potest autem Deus per se ipsum supplere munus speciei impressæ, immo de facto supplet; ergo lumen non exercet munus speciei impressæ. Major patet; quia Deus nequit supplere per se ipsum potentiam disproportionatam, & impotentem, saltem in illorum sententia, qui lumen habituale defendunt; potest autem per se ipsum supplere speciem suam.

Arguunt I. Lumen aliquando vocatur ab Angelico Doctore similitudo Dei; quod habet t.p. q. 12. a. 2. ergo exercet munus speciei impressæ, quæ Dei similitudinem præfert. II. Lumen de facto determinat potentiam; sed determinare potentiam pertinet ad speciem impressam; ergo hujusmodi speciei lumen gerit munus. III. Lumen in ratione vocis desumitur ab analogia cum lumine corporeo; sed lumen corporeum se tenet ex parte objecti, adeoque speciei præstat munus; ergo pariter lumen, de quo loquimur.

Respondemus ad I. S. Thomam appellere lumen similitudinem Dei, non repræsentative, sed elictive; quatenus scilicet perducit nos ad videndum Deum, & nos videndo Deum per lumen, Deo similes efficiemur; juxta illud Joannis in t. ep. c. 3. *Similes ei erimus, quia vidimus eum, sicuti est.*

Ad II. distinguimus majorem: Lumen determinat potentiam per modum actus, negatur; per modum habitus, conceditur. Distinguimus eodem modo minorem: Determinare potentiam pertinet ad speciem, per modum actus, conceditur; per modum

M m habi-

habitus, negatur minor, & consequentia. Determinare per modum actus est determinare indifferentiam objecti, ut hic, & nunc percipiat hoc objectum, & non aliud; & hoc pertinet ad speciem. Determinare vero per modum habitus, est supplere deficientiam potentiae, ut percipiat objectum, quod ex se sola spectata percipere non potest; & hoc spectat ad lumen.

Ad III. Concedimus, lumen corporeum se tenere ex parte objecti, & deservire ad reddendum objectum visibile; at negamus, ex huiusmodi analogia lumen gloriæ fuisse dictum lumen. Potius sic appellatum dicitur propter similitudinem cum lumine naturæ, quod ex parte potentiae se tenet, & cum potentia identificatur. Et quanvis, ut supra dicebamus, a similitudine lucis materialis, quæ visivæ potentiae deservit, lumen gloriæ quoddam nominaliter sciamus, improprie nihilominus dicimus fuisse appellationem, quatenus nec luminis naturam explicat, nec illius munera ostendit; etiam in sensu illo, in quo Adversarii loquuntur. Quis enim unquam dixit, lucem esse speciem, & non potius specierum vehiculum; ut ex Philo sophici supponimus, cuique manifestum?

Dicimus II. Lumen gloriæ nec deservire tantum intellectui ad ornatum; nec præcise ad ipsum disponendum; & elevandum; sed etiam ad concurrendum active ad visionem ipsam. Est communis contra Mayronem, Auræolum, aliosque paucos. At priusquam conclusionem probemus, hæc oportet de lumine prænotare. Lumen licet esse elevativum quoddam creati intellectus, confortamentum, munimen, quo mediante intellectus ad actionem supra quamcunque naturalis suæ virtutis sphaeram elevatur, confortatur, munitur; ne illius actionis mirabili excellentia oppressus tanto ponderi succumbat. Ex una parte proportio fieri debet inter creatum intellectum, & Deum intuitivo invisibilem naturaliter; quæ quidem proportio hinc debet se tenere ex parte Dei, remittentis suæ inaccessibleis lucis fulgorem, inde creati intellectus, elevati quidem, & adjuvi, ad Deum ipsum percipiendum. Igitur nec Dei motio sufficit præcise ex parte Dei se tenentis, quia semper intellectus improporcionatus remanebit; nec sufficiens est nostræ elevationis supplementum ex altera parte; quia semper objectum in sua altitudine invisibilitatis persistet.

De modo autem, quo creatus intellectus est a lumine gloriæ elevandus, vel adjuvan-

du, scire oportet; dupliciter posse intellectum pro vitali supernaturali Dei intuitiva visione elicienda a lumine gloriæ confortari; primo, si dicatur, adjuvari, & confortari per ejus meram simul agendi societatem; hoc est, quanvis intellectus operetur quantum potest, hoc ipso tamen, quod operatur solus, nihil operatur; sed si comparabitur cum lumine gloriæ, quanvis hoc præcise agat actione comitante, totum nihilominus operabitur. Explicant rem exemplo manus, quæ trahit grave pondus, & a manu altera adjuvatur. Hæc quidem manus altera nihil virium intrinsecus manui trahenti addit, nihil fortitudinis, nihil interioris virtutis accersit; sed tantum cum societate facit, ut plura facilius perficiant unita, quod dispersa fecissent; quatenus, ut dicitur; virtus unita fortior se ipsa dispersa. Secundo modo, si dicatur, creatum intellectum a lumine sic adjuvari, ut per huiusmodi adjumentum reddatur intellectus secundum se vere potens ad agendum sua naturali activitate vitali, & operandum id, quod alias operari non poterat secundum suam naturalem activitatem secundum se acceptam. Et hoc pacto lumen non solum sociat intellectum, sed confortat; non solum est cum intellectu, sed est etiam in intellectu, & per intellectum ad actum videndi concurret.

Prima Conclusionis pars ex hisce adnotatis liquet; Lumen scilicet intellectui non deservire tantum ad ornatum. Quod enim est ad ornatum præcise, nec interius vires confortat, nec exterius accersit; atqui lumen, ex dictis, & ut mox probabimus, vires intellectus exterius augeat per societatem, & interius roborat per confortamentum, & munimen: ergo non deservit intellectui præcise tantum ad ornatum. Altera vero pars, quod scilicet lumen adjuvare habeat intellectum non per meram agendi societatem, sed ulterius ad ipsum disponendum, & elevandum, & ad concurrendum active ad visionem ipsam; sic probatur a P. Magnano. I. Lumen gloriæ debet confortare, roborare, elevare, intellectum; atqui per hæc voces importatur, & quod vis activa intellectus sit imbecillior, quam oportet, ut per se solum, hoc est naturaliter, Deum intueatur; & importatur etiam, quod eadem vis intellectiva reddatur activa per lumen gloriæ in modo agendi altioris ordinis, quam de se possit, & supra sphaeram suam naturalem; ergo lumen gloriæ non solum adjuvat per meram agendi societatem, sed etiam per dis-

spo-

spositionem, per elevationem, per confortamentum, & per activum concursum ad visionem ipsam.

- II. Probatur ab eodem P. Magnano. Intellectus creatus ex suis intrinsicis est impotens ad Deum intuitivè videndum: ergo ex intrinsicis debet accipere novum quid, quo fiat potens; nec solum consortium luminis gloriæ non confert illi novum quid, quo ex suis intrinsicis fiat potens: ergo solum consortium, seu sola societas luminis gloriæ non sufficit. Probatur minor subsumpta. Sola societas unius agentis non auget, nec mutat, nec reddit efficaciorē virtutē alterius agentis per hoc præcise quod illi sociatur: ergo solum consortium luminis gloriæ non confert intellectui novum quid, quo ex suis intrinsicis fiat potens. Probatur antecedens exemplo jam adducto unius manus alteram adjuvantis; & probatur ulterius ratione. Si enim hoc, quod est sociari esset adjuungere gradum aliquem virtutis propter consortium, sequeretur, quod daretur id, quod dari non supposebatur; supposebatur namque adjuungere vires, sed non augere; unire, sed non intendere; sociare, sed non perficere. Si igitur intellectus secundum se est impotens, & per lumen non redditur potens per societatem solam: ergo sola societas non sufficit luminis, sed requiritur, quod lumen quoque aliquid aliud intellectui conferat, ipsum scilicet confortando, elevando, fulciendo, quæ per meram agendi societatem non importantur.

- III. Probatur. In visione intuitiva Dei non minus lumen sociatur intellectui, quam intellectus sociatur luminis: ergo mutua agendi societas, tam intellectus, quam lumen agunt: ergo si ob societatem intellectus adjuvatur a lumine, etiam ob eandem lumen adjuvabitur ab intellectu: atqui hoc nec ullus dixit, nec dicere quisquam potest: ergo non est sola societas in lumine respectu intellectus. Probatur minor subsumpta. Sicut ob societatem luminis intellectus, qui erat impotens ad operandum supernaturaliter, supernaturaliter operatur; ita ob societatem intellectus lumen, quod nullo pacto poterat operari vitaliter, vitaliter operabitur; atqui hoc nec ullus dixit, nec dicere quisquam potest: ergo nec etiam illud. Probatur minor. Quia aliter lumen esset principium vitæ, & per societatem intellectus fieret vitaliter agens; quod implicat. Quam quidem rationem firmiter reddit P. Magnanus exemplo manus agentis cum ferra, & aliis speculationi-

PAR. I.

bus apud ipsum videndis.

- IV. Probatur. Intellectus indiget lumine, quia est ex se improporcionatus ad videndum Deum, tum ex defectu potentie, tum ex excellentia objecti: ergo sua vitalis activitas suppleri debet per lumen; sed non potest sua vitalis activitas suppleri per meram luminis societatem: ergo sola luminis societas non sufficit in intellectu, ut Deum intuitivè videat. Probatur minor subsumpta. Lumen non est homogeneum cum intellectu activitate: ergo non potest esse supplementum defectus vitalis potentie per solam suam societatem. Patet antecedens; quia lumen non est principium vivens, sicuti est potentia intellectiva: ergo defectus vitalis potentie non potest suppleri per solam societatem luminis, quod non est vivens.

Obijciunt I. Lumen cum intellectu, illique socium, sunt causa totalis visionis: ergo sat est societas in lumine, ut simul cum intellectu visionem producat. Probatur antecedens. Causa totalis est illa, quæ tribuit effectui esse totale, scilicet secundum omnes suas formalitates; sed lumen etsi mere socium, & intellectus, quanvis tantum a lumine sociatum, visionem producant secundum omnes suas formalitates: ergo sunt causa totalis visionis. Probatur minor. Producent vitalitatem, & supernaturalitatem; sed hæc duæ sunt omnes formalitates visionis: ergo producent visionem secundum omnes suas formalitates. Probatur major. Principium vitale producit vitalitatem, principium supernaturale producit supernaturalitatem; sed intellectus est principium vitale, lumen vero est principium supernaturale: ergo lumen, & intellectus, producent vitalitatem, & supernaturalitatem. II. Intellectus, & lumen, sunt causæ partiales visionis, utrumque autem est causa totalis; sed quando concurrunt duæ causæ partiales ad aliquem effectum producendum, sufficit si uniantur, nec requiritur intrinseca adjuvario: ergo sic pariter in intellectu, & lumine, licet vitalitas, & supernaturalitas, nec soli intellectui, nec soli luminis correspondeat, correspondet nihilominus ex utroque aggregato. III. Si addantur spiritus animales visivi oculo corporeo debili, per hanc solam additionem oculus adjuvatur ad videndum; sed hoc est adjuvare per solam societatem agendi, non vero per hoc quod reddant intrinsece potentiorē visivam potentiam, quæ debilis erat: ergo hoc idem est dicendum de intellectu, & lumi-

M m 2 ne,

ne, respectu Dei visionis intuitivæ.

Respondemus ad I. negando semper quod probatur usque ad ultimum argumentum, in quo distinguitur major: Principium vitale producit vitalitatem non supernaturalem, & principium supernaturale producit supernaturalitatem non vitalem, concedimus; secus, negamus majorem. Prædicatum vitalitatis est genericum, & contrahibile a plurimis differentiis, sive in ratione entis, ut quando dividitur in sensitivum, & non sensitivum, sive in ratione ordinis, ut quando dividitur in naturale, & supernaturale, quæ contrahunt vitalitatem infallibiliter. Vitale igitur principium cum aliqua ex his differentiis, quam contraxit, effectui suo vitali non solum vitalitatem confert, sed etiam differentiam illam, quam contraxit, & non indiget, ut hæc ab alio suppleatur. Supernaturalitas quoque non est sui ipsius supernaturalitas, sed alicujus; adeoque necessario supra hoc ipsum cadere debet: ergo ab eo lumine, a quo datur supernaturalitas visionis, dari etiam debet vitalitas supernaturalis, adiuvando scilicet intellectum, confortando, &c., & non solum sociando; & sic etiam ab eo intellectus, a quo visioni tribuitur vitalitas, vitalitas quoque supernaturalis dari debet; quod idem est, ac a lumine intrinsece confortari, & non ut a mero socio comitari.

Ad II. distinguimus majorem: Intellectus, & lumen sunt causæ partiales visionis, remotæ, concedimus; proximæ, negamus. Intellectus cum lumine, quatenus est sui elevativum, est causa proxima, sed inadæquata, quum ulterius requiratur concursus objecti, necessarius simpliciter ad quicumque actum vitalem, ut per ipsum indifferentia potentie tollatur. Igitur intellectus cum lumine est causa proxima, quatenus in genere potentie nihil ipsi deest; sine lumine est causa remota, quia in genere potentie completur per lumen; nec unum tamen sine altero, nec utrumque, sunt causa adæquata, quando non adest concursus objecti. Si autem lumen sit mere socium, intellectus non erit causa partialis proxima, sed tantum remota.

Ad III. Adsignamus disparitatem inter potentiam visivam, & inter potentiam intellectivam; quia potentia visiva debilis sufficiens est per se ad aliqualem visionem cliciendam, non est vero simpliciter impotens ad quicumque visionem. At intellectus est simpliciter impotens ad videndum Deum, adeoque simpliciter adjuvari debet a lumine. Ulterius, spiritus visivi de

novo additi sunt homogenei in entitate, & virtute, ac simul concurrunt in unam facultatem visivam constituendam, non quidem simplicem, sed compositam; unde non mirum, si ad invicem sola societate adjuvantur. Non sic tamen intellectus, & lumen, quia eterogenei sunt; unde quantvis lumen intellectui societur, virtutem intellectus augere non potest, quia vitale non est; & eo magis, quia intellectus, quum sit simplex, per solam additionem non suscipit suæ virtutis incrementum.

Plura colliguntur ex dictis; & quidem I. Lumen gloriæ non esse visionem, sed potius esse principium visionis. Ratio est, quia lumen adjuvat intellectum, elevat, confortat, in ordine ad visionem ipsam, quæ elicitur ab intellectu, lumine adjuro; igitur lumen est quid aliud, quod præsupponitur ad visionem; aliter visio esset ante se ipsam; & daretur visio adjuvans visionem; & visio non esset ab intellectu, sed in intellectu, quia in intellectu est lumen; quæ omnia apertissimam dicunt contradictionem.

II. Colligitur, lumen gloriæ disponere intellectum, adeoque de facto, ut Scholastici Peripatetici loquuntur, exercere munus in intellectu dispositionis materialis, & subiectivæ, tum in ordine ad unionem cum divina essentia, tum in ordine ad receptionem ipsiusmet visionis. Verum Theologi quanvis ex supernaturalitate effectus sufficienter probent necessitatem virtutis supernaturalis in principio; non ita etiam ex supernaturalitate formæ probant sufficienter necessitatem virtutis supernaturalis in subiecto. Hoc enim importaret, quod virtus illa supernaturalis deberet recipi in subiecto per aliam virtutem supernaturalem, & hæc per aliam; & sic daretur processus in infinitum. Probat igitur alio modo, & hic est: Divina essentia sub ratione formæ intelligibilis se habet, ut forma ultima in ordine supernaturali; & visio est forma ultima, & perfectissima in ordine supernaturali: ergo illa, ut intellectui uniatur, supponit in intellectu præviā supernaturalem dispositionem; & hæc, ut in intellectu recipiatur, eandem etiam supponit; hæc autem dispositio non potest esse, nisi lumen: ergo de facto lumen gerit munus materialis, & subiectivæ dispositionis, tum in ordine ad unionem cum divina essentia, tum in ordine ad receptionem visionis. Antecedens est certum; & prima consequentia ostenditur. Non potest enim dici forma ultima, nisi præsup.

supponatur alia forma in eodem ordine; sed utraque forma est ultima in ordine supernaturali: ergo utraque supponit supernaturalem præviã dispositionem. Quod vero hæc non possit esse, nisi lumen, patet apertissime. Ita discurrit Cacheranus contra Scotum, Cardinale de Laurea, Arriagam, Amicum, &c.

- III. Colligitur, lumen gloriæ non solum disponere intellectum, sed etiam elevare. Hoc autem elevare explicatur per translationem, ut sic loquamur, intellectus a naturali statu ad supernaturalem; unde intellectus supernaturalizatus dicitur. Et inde sequitur, quod lumen effective cum intellectu ad visionem concurrat. Intellectus enim creatus est impotens videre Deum.

naturaliter ob inferioritatem modi essendi, & ob insufficientiam virtutis activæ, ex dictis: ergo lumen gloriæ ita debet esse principium elevans, ut elevando tollat insufficientiam virtutis activæ, & per consequens addat aliquid activitatis intellectui ad Deum videndum: ergo jam de facto præstat munus principii elevantis intellectum, & simul cum intellectu effective concurrentis ad visionem. Quod si effective cum intellectu concurrat ad visionem, jam non operatur cum intellectu per meram agendi societatem; sed ulterius præter id, quod est agere cum intellectu, agit etiam in intellectu, agit quoque per intellectum.

DISSERTATIO LXII.

*De illorum errore, qui Lumen gloriæ negarunt,
& de ejusdem Luminis necessitate.*



Glemente V., Pontifice Maximo, apostolicam sedem impiente, seculo xiv. vulgaris æræ corrente, ex Vvaldensium putri Beguardorum, & Beguiñarum hæresis orta est.

Hæresis auctores dicunt Jacobum, qui nominabatur iustus, & Boganatum. Beguardi erant masculi, Beguinæ mulieres, utriusque in nefario dogmate amplexando, ac defendendo, convenientes. Illos eosdem fuisse, ac Fraticellos, Præcolos censet; Sanderus vero Beguardorum sectam ab altera Beguiñarum distinctam ait, hæresis 106. & 162. Suorum nominum ethimon Alphonsus de Castro, verbo *Beitudo*, hæresi 4. exhibet, dicens, Beguardos, & Beguinās, voces esse Germanorum, per quas devoti homines significantur. Subdens, se quoque hodie vidisse in Germania inferiori mulieres sic nominatas Beguinās, quæ in societate vivunt, absque tamen votorum emissionē, & cum discedendi libertate, quandoocumque voluerint. Beguardi autem dicit, quod cænobia habent, & tria vota, sicut cæteri Monachi, solemniter emittunt. At non explicat, quonammodo factum fuerit, ut nomina ista in malam partem devenirent; quum præcipue temporibus illis, & nostris etiam, non devoti homines, sed hypochritæ, sub Beguardorum, & Beguiñarum vocabulo veniant.

Alios refert ex Guidone, in summa de Hæresibus, Beguardos, & Beguinās; sed diversos ab iis fuisse, de quibus hic loquimur, existimat.

Beguardi autem isti, & Beguinæ, inter octo errores, quibus convicti sunt, & propterea in Concilio generali Viennensi damnati, anno 1311. sub præfato Clemente V. hunc numero quinto adnumerabant. *Quod qualibet intellectualis natura in se ipsa naturaliter est beata; quodque anima non indiget lumine gloriæ ipsam elevante ad Deum videndum, & eo beate fruendum.* Refertur in Clementina ad nostrum, de Hæreticis; & ibidem asserit Glosa. Reprehendit Alphonsus de Castro Guidonem, quod in sua hæresum summa nec Beguardorum, & Beguiñarum hujuscemodi, nec illorum erroris, meminisset; quum tamen parum ante ipsum fuerint; quia Concilium Viennense, in quo damnati sunt, quadraginta, aut forte paucioribus, annis, Guidonem præcessit. Asserit quoque contra hunc Beguardorum, & Beguiñarum errorem Auctorem nullum ex professo scripsisse; intelligit de Scriptoris illis, qui eo tempore in Ecclesia florebant, quo præfata hæresis damnata est.

Huic hæresi affinis dicitur opinio Durandi, docentis in 4. dist. 49. q. 12. intellectum habere secundum se sufficientem virtutem ad Deum videndum, quavis in statu unio-

nis cum corpore, propter dependentiam a sensibus, sub quibus Deus non potest cadere, a Dei visione impediatur. Censuratur hæc Durandi opinio ab Isamberto, & a Vasquez; & Molina vero excusatur, sed immerito. Sane Durandus scripsit post Concilium Viennense; unde poterat ex illius definitione discere luminis necessitatem in intellectu, ut Deum intuitive videret. Quapropter Petavius, & Du-Hamel, putant, præfati Concilii damnationi subijci illos, qui nullo ad intuendum Deum, auxilio creatæ menti opus esse, prædicant; quibus verbis non tantum Beguardos, & Beguinus, sed Durandus etiam proculdubio intelligunt; quum scripserit de illo Du-Hamel, in ea Durandum fuisse opinionem, ut negaverit lumen gloriæ ad visionem beatificam esse necessarium; adeo mens vinculis corporis exuta, & in alium statum translata, ubi sensibus non intelligatur, Deum sibi præsentem videre possit.

Catholicum tamen dogma est, auxilium aliquod supernaturale requiri in creato intellectu ad Deum intuitive videndum; unde luminis gloriæ, quod illius auxilii nomine venit, necessitas importatur.

I. Ex Scripturis probatur. Psal. 35. 10. *In lumine tuo videbimus lumen*; & quanvis hæc verba Pares aliquor in alio sensu explicaverint; in eo tamen, de quo nos loquimur, non incongrue explicari posse, & Theologorum omnium auctoritas suadet, & præcedentium verborum intelligentia in eodem psalmo compellit. Dicitur enim n. 9. *Incubiabuntur ab ubertate domus tuæ, & torrente voluptatis tuæ potabis eas*; quibus verbis divinæ gloriæ, & beatitudinis æternæ, clara fit mentio; & insuper numero 10. sequentii: *Apud te est fons vitæ*; & postea, subditur: *Et in lumine tuo videbimus lumen*. Naturalior ergo, & congruentior, dictorum verborum est explicatio, prout illa Theologi explicant; quia contextui magis accedit, & Propetiæ mentem, quæ ex antecedentibus verbis innoscitur, propius manifestat. Insuper Job 36. 32. *In manibus suis abscondit lumen* (legunt alii *lucem*), & præcipit ei, ut rursus adveniat. Annuntiat de ea amico suo, quod possessio ejus sit, & ad eam possit ascendere. Quæ verba a S. Gregorio lib. 27. in Job c. 8. sic explicantur: *Amicus veritatis est rector amator affectionis: unde & ipsa Veritas Discipulis dicit. Vos amici mei estis, si feceritis quæ præcipio vobis. De hac igitur luce æternæ patriæ amico suo Deus annuntiat, quid possessio ejus sit, ut nequaquam infirmitatis suæ fragilitate desperet; sed tanto*

certainus sciat, quia illius lucis claritatem possidebit, quanta nunc visionum pulsantium tebras verius calcet. Isaim 60. 19. Nunc erit tibi amplius sal ad lucendum per diem, & nunc splendor lunæ illuminabit te: Sed erit tibi Dominus in lucem sempiternam, & Deus tuus in gloriam tuam. Ad Romanos 6. 23. Gratia Dei vita æterna. Apocalypsi. 22. 45. Videbunt faciem ejus, & non egebunt lumine læternæ, neque lumine solis, quia Dominus illuminabit eos.

II. Probatur ex Patribus. Epiphanius hæres. 70. n. 7. *Deum videre est impossibile, præsertim natura hominis, neque ei, quod aspellabile est, id quod videri omnino non potest, intueri licet. Verum invisibilis Deus pro sua benignitate, ac potentia, imbecillitatem visus corroborare dignatus est, quod invisibile est cerneret. Patro quod videat id, quod invisibile est, & infinitum, non sit videt, quia infinitum est: Sed quatenus natura ferri ejus quod assequi non potest, adeo valens redditur, ut extentis viribus id facere possit. Irenæus lib. 4. cap. 37. Quæmodum videntes lumen intra lumen sunt, & claritatem ejus percipiunt; sic & qui vident Deum, intra Deum sunt, percipientes ejus claritatem, viviscent autem ejus claritatem percipiunt erga vitam, qui Deum vident. Augustinus lib. de peccatorum meritis c. 19. Verumtamen si percepta baptismate de hac vita emigraverint, soluto vatu, cui originaliter erat obnoxii, persicietur in illo lumine veritatis, quod incommutabiliter manet in æternum, iustificatos præsentia creatoris illuminat. Et tract. 23. in Joannem: Quomodo anima, quæ Deo inferior est id, quod ipsa inferius est corpus, facit vivere, sic eandem animam non facit beate vivere, nisi quod ipsa anima est superius. Et lib. 19. de civitate Dei c. 25. Sicut non est a carne, sed supra carnem, quod facit eam vivere; sic non est ab anima, sed supra animam, quod facit eam beate vivere; quia ut tota carnis anima est, ita beata vita hominis Deus est.*

III. Probatur ex Conciliis. Concilium generale Viennense sub Clemente V. Romano Pontifice damnat Beguardos, & Beguinus, quod lumen gloriæ negaverint; & refertur in cap. ad nostrum Clementinæ de Hæreticis; in quo sic ait Pontifex: *Eos, & Sessam ipsam Beguardorum, & Beguinorum, sacro approbante Concilio, cum præmissis erroribus de lumine gloria, damnamus, & reprobamus. Insuper Concilia omnia, quæ contra Pelagii errores coacta sunt, possunt quoque contra errorem hunc in medium proferri; sicut enim naturæ viribus nequit elici actus meritorius vitæ æternæ; ita a fortiori nequit actus*

actus visionis Dei elici : ergo quemadmodum ad primum requiritur gratia, ita ad secundum requiritur lumen gloriæ; immo multo magis docet Scotus in 4. dist. 49. q. 11., & S. Thomas verbis hæc concludit : *Cum essentia divina naturam suamque creati intellectus excedat, indiget creatus intellectus ad eam intuendum aliquo creato lumine*. Unde non solum Hæreticorum error profligatus remanet, sed etiam Durandi opinio deiecit, atque conueritur.

IV. Probatur ex Philosophis Gentilibus. Afferit Petavius testimonium Plotini, quod singulare vocat, & imprimis commemorandum; atque esse consentaneum cum sacrorum librorum auctoritate, & verbis ipsis, atque sententia, Plotinus igitur Enneadum 5. lib. 3. c. 17, hæc scribit: *Hic verus est anima finis lumen illud attingere; & per ipsum ipsum intueri; non alterius, inquam, lumine conueri, sed per ipsummet, per quod & videt. Per quod enim illuminata est, id ipsum est, quod videre oportet. Neque enim solem per alienum lumen aspiciamus*.

V. Probatur Rationibus. I. Ex una parte creatus intellectus non potest naturaliter videre Deum intuitivè; ex altera parte videt Deum intuitivè in cœlo; quod utrumque in superioribus supponimus probatum: ergo si videt, per aliquod supernaturale auxilium videt; atqui hoc non potest esse, nisi lumen gloriæ; ergo per lumen gloriæ Deum intuitivè videt. II. Non potest creatus intellectus elicere actum fidei supernaturalis in hac vita sine auxilio supernaturali: ergo non potest videre Deum in altera vita intuitivè sine auxilio supernaturali. Antecedens est certum ex definitione Concilii Tridentini sess. 6. can. 2. & 3. aliorumque Conciliorum, Arausicani scilicet, Meleuitani, &c. in causa Pelagianæ hæresis. Consequentia sequitur a fortiori, non solum ratione actus, quum uterque supernaturalis sit, sed etiam ratione objecti, quod in visione clare attingitur, non autem in fide. III. Quodcumque agens ordinis inferioris non potest attingere objectum ordinis superioris, nisi per aliquod, quod sit ejusdem ordinis superioris, elevetur; sed creatus intellectus est ordinis naturalis, adeoque ordinis inferioris, Deus est ordinis supernaturalis, & per consequens superioris: ergo non potest attingere Deum, nisi a Deo per aliquod ordinis supernaturalis elevetur; atqui hoc est lumen gloriæ; ergo per lumen gloriæ elevatur ad Deum intuitivè videndum. IV. Effectus non producitur a causa, in qua

non præcontinetur; sed Dei visio non præcontinetur in potentia intellectiva, abque lumine gloriæ: ergo sine lumine gloriæ a potentia intellectiva non producitur. Probatur minor. Non præcontinetur ob virtutem innatam, ex definitione Concilii Viennensis prælati; nec ob potentiam coördientialem, quia hæc solum importat subjectionem naturalis potentie actioni supernaturalis agentis: ergo non præcontinetur abque lumine gloriæ. V. a S. Thoma q. 12. ar. 5. Essentia divina, quando unitur cum creato intellectu, conjungitur per modum forme intelligibilis; sed forma excedens & in ordine, & in entitate subiectum, uniri debet per præviā dispositionem cum ipso subiecto: ergo hæc dispositio saltem est necessaria; hæc autem non potest esse, nisi lumen gloriæ: ergo lumen gloriæ ad Dei visionem intuitivam est necessarium. VI. Si non daretur lumen gloriæ nulla daretur inæqualitas visionis in Beatis; atqui hoc non est dicendum: ergo necessario dari debet lumen gloriæ. Probatur sequela. Si non daretur lumen gloriæ inæqualitas visionis tantum peti deberet ab inæqualitate intellectuum; sed hoc dici non potest; ergo nulla daretur inæqualitas visionis. Probatur minor; quia vel intellectus essent æquales, vel inæquales; si æquales: ergo æqualis visio; si inæquales: ergo inæqualis visio, & non propter inæqualitatem meritorum supernaturalium, sed naturalium virium intellectuum. Nec recurrere possunt ad manifestationem objecti, factam per speciem impressam, quam de factis Scholastici Peripatetici negant.

Arguunt I. Posito etiam lumine gloriæ remanet eadem distantia inter Deum, & creatum intellectum: ergo lumen ad nihil servit. Probatur antecedens. Admissio etiam lumine gloriæ intellectus remanet finitus, quum Deus sit omnimode infinitus: ergo adhuc remanet eadem distantia. II. Ad hoc, ut potentia percipiat objectum suum, sufficit, ut tollantur obices; sed Deus est objectum intellectivæ potentie: ergo sufficit, ut obices tollantur, unde possit ab intellectiva potentia percipi; non requiritur ergo, ut novum lumen ponatur. III. Lumen vel concurrir ut causa totalis, vel ut partialis, ad visionem Dei intuitivam. Non ut totalis; quia aliter nihil ageret intellectus: Non ut partialis; quia hæc debet esse ejusdem ordinis cum sua comparate, & nihil intrinsicè eidem debet tribuere; lumen autem est diversi ordinis cum intel-

intellectu, quia intellectus est ordinis naturalis, lumen vero supernaturalis; & insuper vim intrinsecam intellectui superaddit. IV. Lumen ex dictis non se tenet ex parte objecti, neque tenere se potest ex parte potentie; ergo ad nihil infervit. Probatur secunda pars antecedens. Lumen non addit novam vitalitatem intellectui; ergo non potest se tenere ex parte potentie. Antecedens patet; quia lumen vitalitatem non habet; & nemo dare potest, quod non habet. V. Lumen requiritur ad videndum aliquid, quod sit per se obscurum; sed Deus est per se lucidus, immo est ipsa lux; ergo ad videndum Deum non est necessarium lumen. VI. Deus quando intuitivè videtur, videtur in se ipso; sed quod videtur in se ipso, non videtur per medium: ergo Deus quando intuitivè videtur, non videtur per medium; atqui hoc medium esset lumen gloriæ; ergo Deus quando intuitivè videtur, non videtur per lumen gloriæ. VII. Ideo creatus intellectus non potest ex se solo elicere actum visionis beatificæ, quia hæc est ordinis supernaturalis; sed etiam lumen est ordinis supernaturalis; ergo neque potest recipere lumen. VIII. Si intellectus creatus eliceret actum visionis Dei per lumen gloriæ, mere passivè se haberet; atqui hoc dici non potest: ergo non est necessarium lumen gloriæ ad elicendum actum visionis Dei.

Respondemus ad I. distinguendo antecedens; remanet eadem distantia, in ratione entitatis, conceditur; in ratione ordinis, negatur. Vel alias, remanet eadem distantia, entitativa, conceditur; objectiva, negatur. Lumen gloriæ nun supplet defectum entitatis, sed defectum ordinis, & defectum habitudinis potentie ad objectum. Quod autem in argumento sit sermo de distantia in ratione entitatis, ex probatione antecedentis innotescit.

Ad II. quod est argumentum Durandi apud Du-Hamel, dicitur, Deum contineri intra objectum specificum intellectus, non vero intra objectum naturale; ad percipiendum objectum naturale, sufficit, ut tollantur obices; non vero ad percipiendum objectum specificum, non naturale.

Ad III. dicitur, totam vitalitatem actus visionis ab intellectu proficisci, totam supernaturalitatem lumine; unde lumen, & intellectus, ut ait Du-Hamel, sunt duæ causæ totales, ubi cum effectu comparantur; sunt autem partiales, & incompletæ, quatenus inter se invicem conferuntur. Vel

ur Scholastici clarius loquuntur, sunt partiales partialitate causæ, nam unum, & integrum constituunt agendi principium; non autem partialitate effectus; totum enim effectum singulæ in suo quoque genere producant. Et licet in visione non duo sint realiter, sed unum, & idem, quod sit vitale, & quod sit supernaturale; nihilominus sunt unum, & idem realiter, non formaliter; diversa enim utriusque ratio est; ut de actu fidei, & charitatis dicitur.

Ad IV. Intellectui deficit quid intrinsecum, non in genere vitalitatis præcise, sed in genere vitalitatis supernaturalis. Sufficit ergo, ut ei superaddatur a lumine supernaturalitas, & sic defectus supplementum habet.

Ad V. Ad videndum aliquid duo requiruntur, unum, quod se teneat ex parte potentie; alterum, quod se teneat ex parte objecti. Si potentia est infirma ad videndum objectum, quanvis objectum sit lucidissimum, ab infirma potentia non videtur. Et si potentia sit perspicax, si objectum sit obscurum, neque videtur. Sic pariter est discurrendum in visione Dei; & dicendum, quod lumen se teneat ex parte potentie, cuius infirmitatem corroborare debet, ac confortare. Unde quanvis Deus sit lucidissimus, adhuc intellectiva potentia eget lumine gloriæ, ut confortetur, & eleveur, ad Deum videndum intuitivè.

Ad VI. Distinguiamus minorem; quando videtur aliquid in seipso, non videtur per medium; per medium, quod se teneat ex parte potentie, negatur; per medium, quod se teneat ex parte objecti, conceditur. Lumen gloriæ, si est medium, est medium, quod se teneat ex parte potentie, quam habet confortare, & elevare; non vero medium, quod se teneat ex parte objecti.

Ad VII. dicitur, magnam esse differentiam inter recipere, & agere; lumen gloriæ, etsi supernaturale, recipitur in intellectu, in sententia illorum, qui illud explicant per qualitatem physicam accidentalem; visio autem supernaturalis producitur ab intellectu. Unde bene potest intellectus in se recipere lumen gloriæ supernaturale, absque eo quod in ipso aliud supernaturale præcedat; non potest autem visionem supernaturalem elicere, nisi per aliud supernaturale adjuvetur. In recipiendo igitur, quia passivè se habet, recipit lumen supernaturale absque alio supernaturali prævio; in producendo vero, quia se habet activè, nequit producere visionem supernaturalem.

pernaturalem; nisi per aliquod supernaturale supernaturalizetur, quod est ipsum gloriæ lumen.

Ad VIII. negatur omnino, intellectum se habere mere passive, producendo visionem Dei intuitivam cum lumine gloriæ. Lumen enim gloriæ nec exinguit lumen in-

tellectus, neque regit, neque immittit; sed augeat, confortat, adjuvat, roborat, elevat. Nec pariter intellectus mere passive se habet ad actum fidei; & tamen ad illum producendum a fidei lumine adjuvatur. Sed de hoc in sequentibus fusius sermo redibit.

DISSERTATIO LXIII.

De Lumine gloriæ an sit habituale, an actuale?

Quid de facto, quid de possibili? An a Deo distinctum, an indistinctum?



LUMEN gloriæ habituale esse ex Viennensis Concilii definitione Scholastici communi fere calculo inferunt; itaque Theologi quidam hoc assertum de fide dicere non dubitaverint; ut apud Suarez lib. 2. de attributis negativis cap. 14. legitur. Alii autem etsi hoc de fide non dicant, oppositum nihilominus, aut erroneum esse, aut temerarium, aut ad summum certe periculosum, & errori proximum, pronuntiant. Hinc Cachernus præ cæteris concludit, nomine luminis gloriæ, quo, juxta definitionem Concilii Viennensis, anima indiget ad Deum videndum, intelligi debere qualitatē per modum habitus, & non per modum actus, nec alio modo explicari posse. Ex probat hoc ipsum; quia lumen hoc, quod ex Concilio requiritur, non se tenet ex parte objecti, sed ex parte potentie, quum non sit objectivale, ut ipse ait, sed formale; ac insuper non est actuale, sed habituale; ergo nomine luminis gloriæ ex Concilio intelligitur qualitas habitualis. Probat primam antecedentis partem. Concilium enim damnavit, quod Beguardi, & Beguinae admitterent, se destituisse, quod Beguardi, & Beguinae negabant; Beguardi, & Beguinae non negabant lumen objectivale, sed formale; quum dicerent, animam ex se ipsa sufficientes vires habere ad Deum videndum, nec elevatione indigere. Probat etiam secundam antecedentis partem; quam nihilominus fateatur, non adeo sufficienter ex Concilii mente constare. Quando operatio est permanens, connaturalis est potentie operari per aliquod habituale, quam per aliquod actuale; sed visio Dei in Patria erit permanens, & perpetua; ergo connatura-

P. A. L.

lius intellectus per aliquod habituale ad ipsam elevabitur. Probat majorem. Connaturalis est potentie elevari per aliquod intrinsecum, quam per aliquod extrinsecum; & connaturalius est operationi, præsertim perpetuæ, & permanenti, habere principium fixum, permanentem, & habituale, quam actuale, & transiens. Confirmat etiam; quia lumen gloriæ succedit luminis fidei; quum ergo lumen fidei sit quid habituale, quid etiam habituale erit lumen gloriæ; immo a fortiori, quum sua operatio sit magis permanens, & perpetua. Confirmat adhuc; quia voluntas in patria elevatur per aliquod habituale ad Deum amandum; ergo etiam intellectus per aliquod habituale elevabitur ad Deum videndum. Sic quia amor visionem prærequirit, ergo pariter principium habituale amoris debet prærequirere principium habituale visionis. Hæc Cachernus tract. 1. lib. 2. de visione Dei c. 3. §. 1.

Verum contra hæc eadem nos sentimus; & l. suis rationibus non obstantibus ex Viennensi Concilio habitualitatem luminis de facto non inferri, putamus. Sæpe namque rationes etsi alligantes suadeant, lumen de facto debere esse habituale, hoc nihilominus ex Concilio non probatur, immo nec probari potest. Si enim per ipsum, ut revera est, id Concilium damnavit, quod Hæretici assererent; quum Hæretici omne lumen negarent, hoc Concilium damnavit; & statuit, aliquod lumen requiri ad intuitivam Dei visionem; non vero determinavit, hoc lumen debere esse habituale, quod utique determinasset, si ita mens ejus fuisset. Immo ex aliquorum sententia duæ quæstiones in Concilio agitantur; una Catholicos inter, & Hæreticos; alia inter Scholasticos. De illa, quæ

N n

in-

inter Catholicos, & Hæreticos, agitabatur, Concilium iudicium suum tulit, contra Hæreticos decernendo, supernaturale elevativum requiri ad Deum videndum, ut Catholicis sentiebant. De illa vero, quæ erat inter Scholasticos, quibusdam asserentibus, hoc elevativum debere esse habituale, aliis vero probantibus, sufficere, si sit actuale, nihil fuit a Concilio decisum; quin potius quæstionem Scholasticorum, disputationi rellequit. Si autem Concilium voluisset, hoc lumen debere esse habituale, quum essent plures, qui dicerent, esse de facto actuale, sicut multi ante Concilium scripserunt, & multi etiam in ipso Concilio sentiebant, quinimmo & multi post Concilium sic etiam arbitrati sunt; utique Concilium, illius elevativi necessitatem determinando, habitualis etiam elevativi necessitatem decrevisset. Quod quum non fecerit, signum est evidens, mentem Concilii solum supernaturale elevativum in intuitiva Dei visione contra Beguârdos, & Beguinas, determinare, non autem vel actuale, vel habituale lumen, debere esse, inter Scholasticos decidere. Igitur ex mente Concilii non probatur, lumen de facto debere habituale esse.

Hinc Jueninus in Institutionibus theologicis par. 1. differt. 4. c. 3. ar. 2. scripsit: „Quænam vero ex iis Scholasticorum sententiis sit verior, nullibi definitum est. Nec potest inferri ex Concilio Viennensi: quippe hoc solum definitum, nempe, intellectum creatum indigere lumine gloriæ, quo ad Deum videndum eleveatur. Elevari autem potest, aut per habitum infusum, aut per actum, seu concursum extraordinarium, quemadmodum per auxilium actuale homo in terris eleveatur ad aliquod opus supernaturale, v. g. ad amandum Deum.“ Et Ludovicus Abelly trac. 2. Medullæ theologicæ c. 6. sect. 4. dixit: „Observandum autem est hic, quod, quavis de fide sit, intellectum creatum indigere aliquo auxilio, seu lumine supernaturali, ad claram Dei visionem elicendam, ut patet ex Concilio Viennensi supra relato: non est tamen expresse definitum, quid proprie sit illud lumen; an sit qualitas habitualis inherens, vel aliquid aliud: quanvis longe probabilius sit id, quod diximus; opus positum licet non sit hærenicum, videatur tamen aliquibus Theologis erroneum, ut docet Isambertus ad qu. 1. 2. disp. 2. ar. 3. Et Du-Hamel lib. 3. de visione Dei differt. 2. cap. 3. docuit: „Quam certum est inter Catholicos, divinum quoddam auxi-

lium, quod supplet naturæ vicem, ad Deum videendum omnino esse necessarium, quod & lumen gloriæ vocitatur; tam illud est incertum, cuiusmodi sit illud auxilium. Videtur enim Scotus, qui paucis ante Concilium Viennense annis obiit, in ea esse opinione, ut lumen gloriæ a visione Dei supernaturali non sejungat. Non est necessarium, inquit, aliquem ponere habitum in patria, creatum in ipsa anima, qui sit principium videndi obiectum, saltem alium, nisi charitatem. Neque ea videtur fuisse mens Concilii Viennensis, ut Scotum damnaret, aut ejus discipulos.“

Secundo, rationes, quas Cacheranus affert, aliæ cum ipso, tanti ponderis non sunt, ut ipsum sic de facto esse, convincant. Sæpius potius congruentiæ quedam, quæ probant convenientiam facti, non autem existentiam ostendunt. Cæterum & propter rationes ipsas, est non admodum efficaces, & multo magis propter unanimem Scholasticorum sensum, de facto congruum est tenere, lumen gloriæ habituale esse; negandum est tamen omnino, ex Concilio Viennensi hoc deduci; negandum quoque, invictis argumentis id ipsum probari; negandum insuper, vel Scripturarum, vel Patrum, testimoniis posse aliquatenus suaderi; sed solis congruentiis quibusdam, & majori Scholasticorum parte consentiente, quanvis plerisque non parvi nominis Theologis dissentientibus, id quoquo modo probari credimus. Et hæc pro eo, quod lumen est de facto, secundum communem Scholasticorum sententiam.

Veniamus modo ad illud, quod de possibili potest esse. Pro quo sciendum est, aliud esse querere, num lumen habituale, & permanens suppleri a Deo possit per lumen actuale, & transiens, a Deo etiam distinctum; aliud esse querere, num lumen habituale, permanens, & intrinsecum, possit a Deo suppleri per lumen actuale transiens, & extrinsecum, intellectui non inherens; tandem aliud esse querere, num lumen illud a Deo ipso per extrinsecam sui assistentiam, qua nimirum creatum intellectum eleveat, & se ipsum intellectui manifestet, sit supplebile. Primum communiter Theologi omnes admittunt, Thomistæ etiam, dummodo auxilium illud, licet actuale, & transiens, sit nihilominus intrinsecum, & intellectui inherens. Secundum Thomistæ negant, Scotistæ affirmant, & Neuterici; unde miramur valde, Thomistarum opinionem appellasse Gonetum.

rum Theologorum omnium communem sententiam; quando Scotistæ, & Neuterici, & aliqui adhuc ex Nominalibus, dicunt, de potentia Dei lumen gloriæ habituale, permanens, & intrinsecum, esse supplebile per auxilium aliquod actuale, transiens, & extrinsecum, adeoque intellectui non inhærens. Tertium denique à fortiori Thomistæ negant, Scotistis fere omnibus admittentibus, aliisque etiam ex Neutericiis, & ex Nominalibus, docentibus, lumen gloriæ supplebile esse à Deo per extrinsecam sui assistentiam. His positis.

Dicimus nos, lumen gloriæ habituale, & intrinsecum, posse per Dei potentiam suppleri per auxilium actuale, & transiens, etiam extrinsecum, & non inhærens intellectui; posse item suppleri per extrinsecam Dei assistentiam: Tres habet partes Conclusio.

Probat quoad primam partem auctoritate S. Thomæ 2.2. q. 175. ar. 3. ad 3. *Divina essentia videri non potest, nisi per lumen gloriæ ab intellectu creato, quod tamen dupli-ter participari potest, uno modo per modum forme informantis, & sic Beatos facit Sanctos in patria; alio modo per modum cuiusdam passionis transiens, & hoc modo lumen illud fuit in Paulo, quando raptem fuit, &c.* Idem habet S. Doctor q. 10. de veritate ar. 2. Unde patet, quod si quis in hac via Deum videret, per hoc lumen actuale transiens videret; quemadmodum qui dicunt, Moysen, & Paulum, in hac via Deum vidisse, per hoc lumen actuale, & transiens vidisse etiam ajunt, & S. Thomas de Paulo loquitur: In patria vero quanvis de facto per lumen habituale videant, posse nihilominus per lumen actuale videre, dicitur; quod & ratione etiam suadetur: Quum enim ceteræ qualitates supernaturales per actualia auxilia suppleri possint, per modum dispositionum se habentia: ergo & pari ratione sic poterit etiam suppleri lumen. Quod alie qualitates possint, evidenter patet in Peccatore, qui absque habitu gratiæ justificantis, & per consequens absque habitu charitatis, actus charitatis elicit; patet etiam in Cathecumeno, qui absque habitu fidei actum adhuc elicit fidei supernaturalis. Sicut ergo Deus per actuale auxilium habitum charitatis, & fidei supplere potest, ita & poterit luminis gloriæ habitum supplere per actuale lumen, & transiens.

Probat quoad secundam partem auctoritate etiam S. Thomæ in 4. dist. 49. q. 2. ar. 7. *Miraculose fieri potest divina virtute, quod*

P. A. R. I.

aliquis intellectu tractat, non habent, nisi dispositiones vias, elevetur ad videndum Deum per essentiam. Gonetus respondet, ænem S. Doctoris esse, quod possit intellectus elevari sine lumine per modum qualitatæ permanentis, sed non transcurrentis. At contra suum Interpretem stat ipsamet interpretatio; quum S. Thomas dicat, hominem per dispositionem viæ non posse intelligere aliquid, nisi dependenter a phantasmatis; unde non est elevabilis in eo statu ad visionem per dispositionem aliquam sibi inhærentem. Ratione adhuc probatur. Per auxilium nanque extrinsecum possunt tria specialia luminis munera suppleri: ergo & poterit ipsum lumen. Antecedens probatur. Tria specialia munera luminis sunt, esse dispositionem, esse principium elevativum intellectus, & esse principium efficiens visionem; Deus potest supplere munus dispositionis, sicut etiam potest in genere causæ efficiens supplere causalitatem materiale, ita & in eodem genere poterit dispositionem materiale; æqualiter nanque omnem materiale dispositionem, & omnem materiale causam, Deus continet, & æqualiter etiam ad genus causæ materialis pertinet materialis dispositio, & materialis causalitas. Potest etiam supplere munus principii elevantis intellectum, quia sicut per auxilium extrinsecum elevat sacramenta ad producendam gratiam, ita poterit quoque elevare intellectum ad producendam visionem. Nec obstat, quod visio sit intrinseca intellectui, adeoque debeat per auxilium intrinsecum intellectus elevari: Non obstat sane, quia ad hoc sufficit, ut virtus elevata sit intrinseca, non autem requiritur, ut sit intrinseca virtus elevans. Potest tandem Deus supplere munus principii efficientis visionem; quia lumen efficiendo visionem non videt, adeoque visionem non efficit efficientia vitali; Deus per auxilium extrinsecum supplere potest quamlibet efficientiam non viralem. Tandem quum non afferatur specialis repugnantia, non est ratio, cur non possit Deus, per aliquod extrinsecum facere illud idem, quod per aliquod intrinsecum potest; quum maxime possit per aliquod actuale illud idem, quod potest facere per habituale. Deus etiam in operationibus ad extra est perfectissime liber, non solum in substantia, sed etiam in modo; adeoque modus omnis ad extra operandi, repugnantiam non dicens, Deo denegandus non est.

Probat quoad tertiam partem. Si quæ im-

N u 2 plican-

implicantia esset; vel se teneret ex parte luminis, per divinam omnipotentiam insupplebilis, vel ex parte intellectus, essentialiter lumen distinctum exigentis? Aique neutrum dici potest: ergo nulla est implicancia. Probat minor. Si implicancia se teneret ex parte intellectus, ideo esset, quia quum intellectus esset intrinsece impotens, intrinsece deberet etiam adjuvari; aique per divinam omnipotentiam etiam intrinsece adjuvatur: ergo implicancia non se tenet ex parte intellectus. Probat minor. Si non posset per divinam omnipotentiam intrinsece intellectus adjuvari, ideo esset, quia sic deberet intrinsece omnipotentia divina intellectum creatum informare, quod repugnat; sed hoc non est necesse: ergo per divinam omnipotentiam etiam intellectus potest intrinsece adjuvari. Probat minor. Potest intellectus intrinsece adjuvari ab aliquo extrinseco: ergo adhuc, ut intellectus a divina omnipotentia adjuvetur, non est necesse, ut divina omnipotentia intellectum informet. Probat antecedens. Potest intellectus elevari intrinsece per virtutem non intrinsecam recipiam: ergo potest intrinsece adjuvari ab aliquo extrinseco. Probat antecedens. Potest intellectus elevari intrinsece per virtutem non ab intrinseco convenientem; immo de facto sic elevaritur: ergo potest elevari intrinsece per virtutem non intrinsecam receptam; adeoque quemadmodum intellectus sufficienter concurrat ad visionem per virtutem ab intrinseco convenientem, licet per virtutem ab intrinseco convenientem non elevetur; ita etiam sufficienter concurreret per virtutem intrinsecam, licet pariter per virtutem intrinsecam non elevaretur. Causa enim vitalis non solum debet operari per virtutem intrinsecam, verum etiam per virtutem convenientem ab intrinseco; sicut ergo stat, intellectum operari per virtutem convenientem ab intrinseco, licet per virtutem convenientem ab intrinseco non elevetur; ita etiam stat, operari per virtutem intrinsecam, quanvis per virtutem intrinsecam non elevetur. Præterquamquod aliud est, ut monuimus, virtutem elevari non esse intrinsecam, aliud non esse intrinsecam virtutem elevatam. Ad hoc, ut quis ab intrinseco dicatur operari: sufficit, ut per virtutem elevatam intrinsecam operetur; quanvis virtus elevari non sit intrinseca. Probat modo, quod implicancia non se teneat ex parte luminis; omnis enim effectus luminis in

ordine ad visionem est effectus non vitalis, saltem ut quod, quemadmodum Thomistæ etiam concedunt; Deus autem effectum omnem non vitalem supplere potest, tam mediate, mediante scilicet alia causa creata, quam immediate, hoc est per se ipsum.

Hæc omnia de possibili dicta sunt usque modo; ad præsens videre remanet, quid sit dicendum de lententia illorum, qui putant hoc idem de facto; lumen gloriæ scilicet esse extrinsecum, actuale, & a Deo indistinctum. Pro quo scire oportet, dissentire Scholasticos circa modum, quo intellectus e sua naturali efficientia extrahatur, & in supernaturalem per lumen elevans, & concurrens ad visionem, ponatur. Quanvis enim admittant, intellectum a lumine non solum agendi societatem recipere, sed etiam auxilium aliquod, quo fiat ipse, prout ipse, potens ponere supernaturalem actum vitalem intuitivæ Dei visionis; discrepant nihilominus de modo, quo auxilium hoc a lumine intellectui præstetur, & ab intellectu recipiatur. Aliqui enim dicunt, intellectum in se passivè supernaturalem aliquam perfectionem recipere, lumen scilicet supernaturale; hoc lumen vero ita susceptum intellectui adjici, tanquam aliquid ejus, & intellectum insuper ex luminis conjunctione fieri virtutis activæ supernaturalis, quæ propria est luminis, & tandem ab eo elevari, quatenus in ejus virtute aliquo modo proxime potest videre Deum, quem sola sua virtute non poterat, nisi removere.

Refellitur hic dicendi modus. Sic enim sequeretur, visionem non vere ab intellectu procedere, sed tantum denominative, quatenus vis activa luminis, quomodolibet intellectui addicatur, nunquam erit vis activa intellectus, nisi per attributionem, & simplicem denominationem; sicut per conjunctionem animæ rationalis totus homo intellectus dicitur, etiam ipsa materia, quanvis propriæ intellectus sit solius animæ prædicatum; sic vis illa activa luminis physice, & propriæ semper erit luminis, sed, ex modo jam dicto, ab hac virtute visio procedit: ergo tantum denominative ab intellectu procedit. Patet hic discursus; nulla enim physica conjunctio, nec quanvis alia attributio, realem unius in aliud potest facere conversionem; sicut quando aquæ adjungitur calor, si in ipsa agar, denominative tantum dicitur, aquam agere, propriè nihilominus, & vere ignis particulæ, in aqua existentes, sunt, quæ agunt.

Se.

Secundo, potentia remota, & incompleta non minus est in lumine, quam in intellectu, quum sicut intellectui supernaturalitas, ita lumini vitalitas desit: ergo si ideo intellectus agit in virtute luminis, quia lumen ei vim suam supernaturalem præbet, etiam lumen agit in virtute intellectus, quia etiam ipse lumini suam virtutem accommodat; sed hoc non sonat, lumen ab intellectu adjuvari, & confortari: ergo neque etiam intellectum a lumine adjuvari, nisi tantum per mutuam agendi meram societatem.

Secundo rectius alii discurrunt, dicentes, ad modum, quo passiva potentia ad recipiendum elevatur, explicari etiam modum, quo activa elevatur ad agendum. Elevatio passivæ potentie obedientialis ad recipiendum per dispositionem aliquam præviam supernaturalem non fit; aliter in infinitum abiremus: Sic & elevatio activæ potentie ad agendum. Fit autem potentie passivæ obedientialis ad recipiendum elevatio per hoc præcise, quod ipsi forma, aut quasi forma, supernaturalis a Deo infunditur, quæ quidem secundum se est quedam extrema naturæ perfectio, eique congruentissima, sed longe superans jura ejus omnia. Dicitur, quod potentia illa passiva obediat, seu sit obedientialis, per hoc, quod a Deo supremo infundente perfectionem illam recipit, ad quam jus aliquod exigentis non habebat, neque positivam aliquam dispositionem, cui postea Deus illam præstando se ipsum accommodaret. Quinimo e contra supremus infundens Deus omnem ejus dispositionem, & exigentiam ante occupat, exigendo ulterius, ac velut suaviter imperando, ut passiva illa potentia recipiendo obediat. Similiter sic dicitur elevari potentiam activam ad agendum, per hoc scilicet, quod Deus illi tribuat specialem, ac prævium concursum, immo influxum, immo impulsum, cui ipsa agendo obsequatur. Sensus omnino sunt, ac verba etiam, P. Magnani. Hic autem concursus ille non est, qui connaturaliter ab ipsa vi agentis completa exigitur, sed major, scilicet ad aliquod majus efficiendum, quod illa secundum se efficere possuisset, ideoque ipsa exigentia non posterior, sicut naturalis concursus generalis, sed prior, & hac ratione actio ab activa potentia exhibitā obedientialiter propria est concursus naturæ agentis cum Deo impellente, seu vim ejus activam elevante, per impulsum potius, quam per concursum mere concomitantem. Hinc differen-

tia inter ea, quæ naturaliter exiguntur, & ea, quæ non; quia ipsis quasi obsequens Deus dat concursum, qui ideo posterior dicitur, & omnem sui exigentiam qualitatem nunquam excedit: In his vero non sequitur actio Dei activam naturæ vim, velut exigentem, sed præit; eaque ultra ipsius metas, ac supra quam ferat activitatis ejus propria sphaera, impetu velut impresso, attollit. Natura autem succedit actione sua, miraturque elevari ad agendum id, quod nec agere postulabat, nec poterat; ut P. Magnanus semper loquitur.

Ex his congruentior inferitur explicandus modus, quo creatus intellectus per lumen gloriæ ad Deum intuendum elevetur, actuali scilicet divino auxilio per modum concursus specialis, quinimmo influxus, & etiam impulsus. Est exemplum in naturalibus, quod ad dictorum intelligentiam maxime confert. Impulsus est quando lapis a projiciente determinatur ad motum sursum, ipsum, concepta determinatione dicta, efficit, licet ad eum non inclinet, sed repugnantiam habeat. Sic pariter Deus erit causa principaliter agens illo suo impresso impulsu determinante, & elevante, qui totus a Deo est, nec per hoc causa vitalis instrumentum dicitur, sicut nec causa instrumentum secundæ dicitur. Ulterius hoc modo facultas naturalis erit causa principaliter agens, sed impresso sibi divinitas impetu aucta, & elevata, ac agens activitate, quæ tota ipsius est; quemadmodum, proportionem servata, prajiciens lapidem est causa principaliter agens, & similiter lapis ipse projectus.

Hinc tria oriuntur convenientie capita, quæ pariter P. Magnanus recenset. Primum est; species impressa Dei, prout a Deo est, est ejus actio, & prout est in intellectu, cui imprimitur, est ejus passio. Patet hoc; videre enim tum oculi corporei, tum mentis, est quoddam pati: ergo hoc ipso supponitur actio objecti facientis se videre. Istud autem pati est pati ab objecto, imprimente sui characterem, quæ est propria ejus actio: Unde nostrum mirum esse debet, quod ita pati ab objecto sit a Deo juvari, immo elevari ad ejus perceptionem; scilicet, eo enim objecti influxu, impossibile redditur, perceptionem ejus esse propriæ potentie effectum, ut media actione objecti in potentiam fieri solet. Secundum convenientie caput est, quod prajiciens nihil aliud in lapide sua motione facit, præter id, quod est motum producere; ita objectum illa sua propria actione, quam poten-

tiam

tine imprimit, nihil aliud in ea facit, quam motum intentionalem, qui quatenus est motio passiva, se tenet ex parte potentiae, & dicitur hanc ab objecto moveri; quatenus autem est motio activa, ex parte objecti se tenet, & objectum dicitur potentiam movere. Tertium, & ultimum convenientiae caput est, quod sicut impressione motus sursum semel a projiciente facta, licet ibi cesset influxus illius determinatio, tamen ex prima determinatione facta motus durat, & urget motum sursum, primo motu exigente secundum, & sic deinceps, donec a contrario opposita determinatio, priorem extinguens, inducatur; sic de motu intentionali potentiae ab objecto impressio discurrendum est. Attamen si desineret hujusmodi influxus objecti, seu ejus actio objectiva in potentiam, licet potentiae experimentis illud actio duraret, dicenda nihilominus intuitiva perceptio non esset, sed tantum abstractiva; esset enim objecti non ut de praesenti se exhibentis.

Pergit P. Magnanus ad sententiam suam explicandam, atque suadendam; pro qua ait, lumen gloriae non consistere formaliter in aliqua qualitate habituali, realiter a Deo distincta, & intellectui permanenter infusa, sed solum in ipsamet divina essentia, non praesente generali concursu, sed speciali influxum, seu impulsu, modo supra explicato. Vel clarius, lumen gloriae consistere in quodam actuali auxilio, se tenente ex parte Dei objecti visibilis; hoc autem actuale auxilium est ipsamet divina essentia, se ipsam manifestans, & se ipsa creatum intellectum elevans. Sic sentit de facto P. Magnanus, & cum ipso aliquot etiam Scholastici de possibili; contra communem Scholasticorum turbam.

Probat suam Conclusionem Magnanus I. Nec ex fide, nec ex ratione colligitur, lumen gloriae de facto in qualitate consistere; ergo non est dicendum, in qualitate illa consistere. Probat antecedens. Viennense Concilium non nisi elevativum aliquod ad intuitivam Dei visionem requiri definit; num autem hoc sit de genere qualitatis, vel actualis auxilii, de fide tenendum esse, non deducitur; ut & nos in superioribus ostendimus. Neque Scriptura docet, praesertim quia in quocunque hoc lumen consistat, semper anima nostra est impotens ex suis viribus videre Deum; quia semper intelligitur improporcionata ad habendum sive hoc, sive illud, quo proportionetur.

II. Probat P. Magnanus. Nullum munus exercet in intellectu lumen habituale, quod non possit Deus exercere: ergo frustra multiplicatur haec entitas. Probat antecedens. Munus principale luminis habitualis est, ipsum deferre Beatis ad visionem recipiendam, quod dicunt, a Deo nullatenus exerceri posse. Ita quamplures Theologi dicentes, lumen proxime subiectum esse, in quo visio recipitur; idem praevia dispositio in ipso intellectu, ita quod sit ratio recipiendi, non subiectum recipiens; vel quod aggregatum ex utroque, lumine scilicet, & intellectu, sit adaequatum subiectum visionis recipiendum; atqui hoc falsum est: ergo quodcunque munus exercet lumen, potest exercere Deus. Probat minorem. Intellectio est actus vitalis, naturalis sua immanens in potentia vitali; sed lumen vitale non est: ergo nequit esse proximum, & immediatum subiectum visionis recipiendum. Item, si per impossibile lumen extra subiectum conservaretur, posset in se immediate recipere, & sublevari, visionem; sicut quantitas, supposito quod sit distincta, & a materia separabilis, quum sit ratio recipiendi, & sublevari, accidentia, dum per se existeret separata, ea reciperet, ac sublevarer; unde sicut illa in hac hypothesis primo, & per se immediate colorata diceretur; ita etiam lumen primo, & per se beatum esset. Ulterius neque est praevia dispositio ad supernaturalem visionem recipiendam; nam, quum ipsum quoque sit supernaturale, aliam peteret dispositionem; & sic usque in infinitum. Tandem, neque ut sit subiectum parziale visionis; tum quia nequit una forma immediate recipi in duobus subiectis realiter distinctis, sed unius actus per se est una potentia per se; tum etiam, quia de ratione actus vitalis est, tantum in illo principio recipi, a quo fuit productus; sed visio nec quidem partialiter fuit producta a lumine, sed tantum ab intellectu elevato per lumen; ergo, &c. Si dicant, lumen habituale necessarium esse ad hoc, ut divina essentia, ad instar speciei intelligibilis, uniat cum intellectu; eo quia, quando elevatur ad formam, quae supernaturam est, debet per supernaturalem dispositionem elevari; si hoc dicant, processum etiam in infinitum ponent. Item non est major ratio, cur haec conjunctio fiat a lumine habituali, & non ab actuali auxilio, ut dictum est.

Arguunt I. Visio est supernaturalis intrinsece; ergo debet esse a principio habente super-

naturalitatem intrinsecam; sed non potest principium habere supernaturalitatem intrinsecam, nisi lumen sit inherens: ergo lumen debet esse inherens. II. Per inherentiam luminis habetur unio virtutis intellectus, & luminis: ergo deficiente inherencia, deficit unio: ergo minuitur virtus; quemadmodum enim virtus unita erexit, ita & divisa decrevit. III. Per extrinsecam omnipotentiam assistentiam intellectus non fit ex impotente potens: ergo non potest extrinseca omnipotentiam assistentia supplere luminis munera. Probatur antecedens. Remanet intellectus, ut erat antea: ergo non fit ex impotente potens. Probatur antecedens. Non recipit in se intellectus ullam agendi virtutem: ergo remanet, ut erat antea. IV. Visio per principia sibi connaturalia haberi debet: ergo lumen debet esse habituale. Probatur consequentia. Concursus supernaturalis nec visioni, nec statui beatifico, potest esse connaturalis: ergo lumen, nisi sit habituale, nequit visionis connaturale principium esse. Probatur antecedens. Elevatio causæ per modum concursus non potest esse, nisi causæ instrumentalis; sed concursus, quando elevatur instrumentum, sicut non est connaturalis illi, sic nec operationi factæ per ipsum, potest esse connaturalis: ergo concursus supernaturalis nec visioni, nec statui beatifico, potest esse connaturalis. Probatur major. Principium agendi connaturale causæ principali ex sua natura debet esse permanens; sed concursus ille ex sua natura talis non est: ergo elevatio causæ per modum concursus non potest esse, nisi causæ instrumentalis. V. Lumen habituale est respectu intellectus simpliciter necessarium: ergo non potest suppleri per actuale auxilium. Probatur antecedens. Principium elevans intellectum non potest esse increatum, sed creatum; atqui solum habituale est creatum: ergo lumen habituale est simpliciter necessarium. Probatur major. Huiusmodi principium debet inherere potentie, sicut impetus lapidis inheret projecto; sed Deus, quamvis inteme præfens, adhuc tamen ei inherere non potest: ergo principium elevans non potest esse increatum, sed creatum. Probatur major. Ex Concilio anima indiget lumine elevante ad videndum Deum; sed principium elevans ad fruendum, & videndum Deum, est inherens: ergo huiusmodi principium debet inherere potentie. Probatur minor. Principium elevans voluntatem ad

amandum Deum in hac vita ex Concilio Tridentino est aliquid nobis inherens; sed est idem principium nos elevans ad amandum in via, ac fruendum in patria: ergo sicut hle est nobis inherens, ita & in patria. VI. ex Suarez. Concilium distincte duos errores damnat; unum, qui hæretici dicebant, quamlibet naturalem creaturam rationalem in se ipsa naturaliter esse beatam; alterum, quo asseriebant, animam lumine eam elevante non indigere; Quamvis ergo in damnatione primi erroris solum aliquod elevativum exprimitur; ex damnatione tamen secundi constat, hoc debere esse habituale, non actuale auxilium; nam actuale auxilium non est elevativum, sed actualia elevatio.

Respondemus ad I. per instantiam primo: Visio est supernaturalis intrinsece non solum, sed etiam essentialiter, & per supernaturalitatem identificatam: ergo intellectus debet habere supernaturalitatem non solum intrinsecam, sed etiam essentialem, & identificatam. Secundo directe: Non omnia visiois prædicata debere intellectui correspondere, sed solum suo adæquato principio. Ad hoc sufficit, ut visio procedat a principio vitali, & supernaturali, intrinsece ab utroque respective. Potest etiam dici, supernaturalitatem in intellectu elevato per lumen non inherens, esse intrinsecam, non formaliter, sed æquivalenter; quatenus auxilium illud gereret vicem luminis inherens intrinsece.

Ad II. dicitur, quod tunc diminuitur virtus non unita, quando deficit unio constitutiva virtutis, vel quando non remanet supplementum talis unionis. Attamen in re nostra, & supplementum remanet, & unio illa intrinseca non est constitutiva. Non enim est unio intellectus, & luminis, quæ visionem producit, sed intellectus ex una parte, & lumen ex altera; & quamvis unio desit, remanet tamen auxilium actuale, quod supplet.

Ad III. dicitur, intellectum per lumen non debere fieri ex impotente potentem, loquendo de totali potentia, non de partiali; sic autem redditur sufficientissime per extrinsecam omnipotentiam assistentiam, a qua virtutem partialem recipit intellectus, & per consequens non remanet, ut erat antea.

Ad IV. respondet Maftrius, connaturalitatem status beatifico perire, quod actus secundus proportionetur cum primo, non inadæquato, & partiali, ut est in casu intellectus creatus consideratus in ratione poten-

tis vitalis naturalis, sed cum adæquato, & totali, consistere in aggregatio ex potentia, & objecto. Unde quia intellectus per specialem objecti concursum satis intelligitur adæquatus, & totalis, inde bene actus secundus cum primo proportionatur. Item petere, ut Deus concurret cum virtute nativæ intellectus ad visionem, non quidem completa, & proxima, sed remota, & obediuntiali, ideoque cum ea est specialiter concurrere, iodebito quidem concursu, & supra naturæ intellectus exigentiam. Hoc supposito, negat Mästius consequentiam, Ad probationem antecedentis, quia ille concursus est naturalis, tam visioni, ad quam producendam est omnino proportionatus, quam statui beatifico, qui petit, ut Deus specialiter concurret, & debite ad operationem naturales vires excedere. Ad probationem negat ultimam majorem, & ad ejus probationem concedit assumptum de principio iotranscæ, negat de extrinseco, quod potest esse proprium alicujus actus, absque eo, quod sit permanens, uti est actuale auxilium supernaturale excitans ad operationem supernaturalem potentiam naturalem.

At P. Magnanus alio modo juxta sua principia respondet. Si conaturalitas sumatur in ordine ad intellectum, æque naturaliter operabitur per lumen habituale, & actuale; quia ipsi non minus est naturalis visio, postea habituali lumine, vel actuale. Quod debeat lumen habituali visio, non facit, illam debere intellectui jure proximo, & immediato, sed solum remoto, quod ad eam habeat ipsum lumen habituale; hoc tamen strictius habet actuale, quia magis necessario importat Dei visionem, quam illud habituale; adeo ut intellectus cum actuali auxilio nequeat Dei visionem frustrari, qua bene potentia cum habituali privari potest, ob rationes supra passim allatas. Facit tamen, ut æque saltem operetur intellectus conaturaliter per modum causæ secundæ cum lumine actuali, quam habituali. Si autem conaturalitas in ordine ad visionem spectetur, multo minus argumentum urget, quia modus agendi maxime conaturalis oculo corporeo est, non per speciem habitualem, sed per actualem objecti visibilis concursum, ut in aliis similibus est videre. Si tandem de permanencia luminis agitur, velut ad conaturalitatem requisita, nec militat argumentum, & omni oque permanens habituale ex instituto Dei volentis illud signare, hoc est definiretque imprimè,

re, perit durare, quam actuale; quia non est taliter permanens habituale ex suo proprio jure ad propriam conservationem habito; secus Deus absque sui conservatione ipsam destruere non posset: Sed tale est ex instituto ipsius Dei, illud conservare volentis; adeoque tota permanencia luminis habitualis refuoditur ad aliquem actualem influxum conservativum, qui actio est; ergo non magis permanencia luminis habitualis fundare potest conaturalitatem in modo operandi, quam luminis actualis; quum æque ex Dei instituto possit utrumque esse permanens. Hæc Magnanus. Ex his patet, quomodo respondendum sit in summa ad argumentum.

Si dicant: Concursus specialis habitualis Dei non potest dari sine actu visionis; sed iste concursus non est conaturalis intellectui creato: ergo nulla responsio. Si hoc dicant, Magaoanistæ respondent distinguendo minorem; quum æque ex Dei intellectu sumpto secundum suas vires, concedunt; oam sic æque est illi supernaturalis iste concursus, ac est visio, & lumen habituale: Non est conaturalis intellectui sumpto in statu beatifico, negat minorem, & consequentiam. Immo retorquet argumentum de lumine habituali, quod non potest dari sine actu visionis, loquendo secundum illam potentiam, secundum quam datum fuit; & quia potest divini visio impediri; tunc enim Deus secundum altiore potestatem operaretur: ergo sicuti infallibilis connexio luminis cum visione circa eandem potentiam illius conaturalitatem oam impedit, ita & de lumine actuali dicendum est.

Si urgeant adhuc: Concursus specialis Dei quum non possit esse sine visione, non potest esse proprium conaturale illius: ergo neque respectu intellectus, citi elevat. Probatur antecedens. Principium, quod non præcedit effectum, non potest esse conaturale illius productivum; sed ita est concursus specialis illius: ergo, &c. Si hoc ulterius dicat, respondet pariter Magaoanistæ negando antecedens; ad cuius probationem distinguunt majorem: Principium silem prioritatem naturæ, quod non præcedit effectum, non potest esse conaturale illius productivum, concedunt; quod non præcedit prioritatem temporis, negant. Responsionis veritas patet in Verbo æterno, quod conaturaliter procedit a Patre æterno, & tamen Pater nec prioritatem temporis, nec prioritatem naturæ, dicit respectu filii, sed solum prioritatem.

ria-

ritatem originis. Igitur non est verum, universaliter, & secundum omnem prioritatem, quod principium, quod non præcedit effectum, non possit esse connaturale ipsius productivum.

Ad V. negatur semper quod probatur, ad ultimum usque argumentum, quod est tertium, in quo major propositio est vera, si intelligatur de intima conjunctione principii elevativi cum potentia elevata; falsa tamen est, si de vera inhærentia intelligatur. Hæc nanque inhærentia, quum per Adversarios importet dependere in conservari ab intellectu, nequit de ipsomet habituali lumine verificari; quia quum hoc sit divinitus animæ infusum, non autem ex ea genitum, adhæret tantum illi, sicut anima rationalis corpori, modo suo, ergo sicut non dependet in fieri, & in conservari ab ea, ita nec rigorose potest illi inhære. Ad probationes alias negatur etiam semper quod probatur, ad ultimam usque majorem, ad quam respondetur dicendo, etiam per Adversarios posse actuale auxilium elevare voluntatem, quatenus per ipsos ad infusionem habitus charitatis requiritur tanquam proxima dispositio actus illius, qui quum non produceretur ab alio habitu antecedenter infuso, sequitur produci per adjutorium actualis influxus. Ad minorem dicitur, etsi idem habitus charitatis, qui est in via, in nobis maneat in patria, nos non per intellectum ad Deum amandum moveri, alias ejus intuitio ad nihil juvaret.

Ad VI. respondetur, quod si Concilium ibi duos errores distinctos damnaret, uti Suarez putat, sequeretur, solum intellectum humanum lumine habituali indigere, quia Concilium loquitur tantum de anima, quæ cæteris intellectivis ab homine non inest, & tamen per Suarezium hujus tantum sit

mentio a Concilio; quando loquitur de lumine. Contra igitur illos duos errores non divisim Concilium loquitur, aut unum in duobus refert, & damnat, ob necessitatem unius ab altero sequelam. Si enim intellectus potest Deum naturaliter videre, sequitur ad hoc, supernaturali alio adjutorio non indigere. Id autem, quod addebatur, actuale auxilium non esse elevativum, sed ipsam actualem elevationem, nihil refert; etenim in primis sacramenta supernaturaliter elevantur ad causandam gratiam, non per habitum intrinsecum, sed per extrinsecam actualis auxilii existentiam. Secundo per multos alios, & specialiter per Scotistas, creatus intellectus elevari potest per solum actuale auxilium, habitualis luminis vim supplens. Tertio ita de facto putant, intellectum, & voluntatem, ad actum credendi, & sperandi, elevari, quando ultimo ad fidei, & spei, habitus se disponunt. Quarto tandem in Aristoteleorum hypothetici forma substantialis est principium completivum materiæ ad aliquam speciem physicam, & tamen est ipsissima, actualis completio.

Hæc ex P. Magnano dicta sint; quæ quidem, si de extrinsecis probationibus fiat ratio, de Theologorum scilicet auctoritate, opposita illius opinioni sententia est probabilior; si autem de intrinsecis rationibus, ipsemet Masters ex Adversariis faretur, Magnani sententiam, quam ante ipsum Vasquez tuebatur, esse probabiliorē. Cæterum ex ipsa sententia Scotistarum, qui de possibili totum illud asserunt, & defendunt, quod Magnanus, & Vasquez, de facto propugnant; poterunt ulteriora argumenta desumi, quæ magis possint hoc ipsum de facto confirmare. Nos interim res in eo statu, in quo sunt, relinquentes ad alia properamus.



DISSERTATIO LXIV.

*De Quæsitis quibusdam, quæ de Lumine gloriæ
per Scholasticos sunt, ac dirimuntur.*

*Quæritur I. An Lumen gloriæ sit tota ratio
agendi, respectu visionis Dei
intuitivæ?*



Homistæ affirmant, Neuteri-
ci negant. Scutus in uirumque
partem adducitur. Certum
est, lumen esse causam tota-
lem visionis totalitate effe-
ctus; quia, quom effectus in-

divisibilis sit, indivisibilis enim est visio,
si semel a lumine procedit, totus procedit
ab ipso; ut in superioribus nun semel in-
dicavimus. Dubitatur autem de totalitate
causæ; si enim lumen erit causa totalis
visionis totalitate causæ, hoc ipso respec-
tu visionis erit tota ratio agendi. Inter
extremas sententias Thomistarum, & Neu-
tericorum, mediam quandam viam incunt
alii, quos inter est Cachernus, dicentes;
lumen, si comparatur ad intellectum secun-
dum se, huc est ad intellectum non eleva-
tum, posse dici totam rationem agendi; si
vero comparatur ad intellectum elevatum,
totam rationem agendi dici non posse; &
hoc pacto contrarias opiniones conciliari
posse existimant. Hi omnes tamen de ha-
bituali lumine loquuntur.

Placet nobis hæc ultima opinio, & placent
etiam rationes, quibus eam Cachernus
probat. Rationes probantes, lumen non
esse totam rationem agendi comparatum
ad intellectum ut elevatum, hæc sunt. I.
quia intellectus elevatus est principium
proportionatum visionis, licet non adæ-
quatum: ergo non est lumen tota ratio
agendi. Antecedens patet; quia intellectus
per lumen proportionatur, quando a lu-
mine elevatur; & huc sibi vult elevari, ut
diximus. Consequentia sequitur; tota enim
ratio agendi in aliquo nullam relinquit, &
supponit proximam, & proportionatam
activitatem in alio. II. quia intellectus
vere influit active in visionem, sed nun-
influxit secundum se, & ab elevatione præ-
cisus: ergo influit active ut elevatus: ergo
non totus influxus tribuendus est lumini.
Major si negetur, ex Tridentino probatur,
vulente, intellectum non se habere mere
passive ad visionem. Si distinguitur, hoc

est, remote, concedendo illam, proxime,
negando; impugnatur etiam distinctio:
Elio enim intellectus non elevatus influat
remote, elevatus nihilominus influit pro-
xime.

Rationes vero probantes, lumen esse totam
rationem agendi comparatum ad intelle-
ctum non elevatum, sunt quæ sequuntur.
I. quia intellectus non elevatus nullam ha-
bet activitatem proximam, & immediatam
respectu visionis; aliter enim eodem modo
se haberet intellectus respectu visionis su-
pernaturalis, & respectu cujusvisque na-
turalis cognitionis: ergo lumen compara-
tum ad intellectum non elevatum est tota
ratio agendi proxime. Hæc consequentia
a citato Auctore suadetur verbis hæc;
Quando respectu alicujus effectus duo ita
se habent, ut uno posito, nulla prorsus
punatur activitas, altero posito, resultat
sufficiens, & totalis activitas, necesse est,
ut hoc alterum sit tota ratio agendi, & non
solum agat per se, sed etiam det agere illi
alteri; sic se habent intellectus non eleva-
tus, & lumen respectu visionis: ergo lu-
men comparatum ad intellectum non ele-
vatum est tota ratio agendi, ex eo quod in-
tellectus non elevatus nullam habeat acti-
vitatem proximam, & immediatam respec-
tu visionis. II. Lumen non solum agit
per se ipsum, sed est ratio, cur intellectus
agat; quatenus non solum præstat munus
principii efficientis visionem, sed etiam
principii elevantis intellectum ad eandem
efficientiam: ergo lumen comparatum ad
intellectum secundum se, respectu cujus
præstat munus principii elevantis, est to-
ta ratio agendi; & per consequens non
solum ei tribuenda est activitas, quam exer-
cet per se, sed etiam activitas, quam exer-
cet ipsemet intellectus.

Obstant contra primam Conclusionis partem
I. Si intellectus partialiter concurreret ad
visionem, partialiter beatificaret se ipsum;
hoc est absurdum: ergo & illud, ex quo
sequitur. II. Si intellectus per suam poten-
tiam naturalem concurreret ad videndum
Deum, haberet potentiam naturalem vi-
dendi Deum; hæc autem habere non po-
test, quia nulla potentia naturalis essetiam
par-

partialiter, ad aliquid supernaturale. III. Omnia prædicata visionis sunt supernaturalia: ergo non est prædicatum in visione, quod intellectui correspondeat. IV. contra secundam Conclusionis partem. Nec etiam lumen se solo potest producere visionem; atqui per hoc intellectus non dicitur tota ratio agendi respectu visionis; ergo quod intellectus non possit se solo producere visionem, non est ratio cur lumen dicatur tota ratio agendi. V. Activitas intellectus est vitalitas; vitalitas nequit tribui lumini, quod vitale non est: ergo lumen non est tota ratio agendi, nec etiam respectu intellectus non elevati. VI. Præscindendo a lumine, vel est activitas aliqua proxima in intellectu, vel non est? Si primum: ergo lumen non est tota ratio agendi. Si secundum: ergo intellectus mere passivè se habet.

Respondemus ad I. Concedendo de intellectu elevato, negando autem de intellectu non elevato, de quo nos loquimur. Intellectus porro nunquam beatificat se ipsum objectivè, hoc est ut objectum beatificum; beatificat autem effectivè, hoc est ut principium concurrentis ad suam beatitudinem; sed sic concurrit ut elevatus.

Ad II. negatur sequela, loquendo semper de potentia elevata, non vero de non elevata; & ratio est, quia potentia illa, quum supponatur elevata, non est dicenda naturalis, sed supernaturalis.

Ad III. dicitur, esse prædicata in visione abstracta a supernaturalitate, & contracta a supernaturalitate; contracta physice, abstracta metaphysice; prout contracta intellectui non correspondent, prout abstracta correspondent. Vel alio modo, & ad posita principia conformius; omnia prædicata visionis, etsi supernaturalia, correspondent intellectui elevato, quanvis non respondeant intellectui non elevato.

Ad IV. Dispar est ratio de intellectu, & lumine; lumen enim solum indiget intellectu consortio, ratione concursus præcisè, quem debet exercere in visionem; intellectus vero indiget lumine, non solum ratione concursus, sed etiam ratione elevationis, & proportionis, quam debet a lumine recipere. Indigere primo modo non facit, quod concussus indigenti tribuatur activitas aliqua proxima, & immediata; bene vero indigere secundo modo.

Ad V. dicitur, quod activitas intellectus est vitalitas elevata, & supernaturalizata, quam potest tribui lumini, non ut constituen-

tiat vitalitatem, sed ut eam elevanti, & proportionanti ad visionem. Lumen non esse vitale probat solum, lumen non constituit vitalitatem; sed non probat, non elevare, non proportionare quod est vitale ad visionem. Dicit etiam potest, lumen esse vitale ut quo, non ut quod; adeoque concurrere vitaliter ut quo; quum sit id, quo vitalitas fit apta concurrere.

Ad VI. responderi auctor citatus, intellectum ut elevatum habere activitatem proximam, distinctam ab activitate luminis; quia intellectus elevatus, & lumen, concurrunt ut duæ causæ partiales omnino proportionatæ; nec intellectus elevatus indiget lumine in ordine ad se, sed solum in ordine ad effectum; ratione scilicet concursus, quem debet lumen in effectum, exercere, & eo modo, quo lumen etiam intellectu indiget. Intellectus vero secundum se nullam habet activitatem proximam, & secundum se præcisè nihil omnino agit; at non propterea eodem modo se habet, ut aqua calida ad calefactionem, vel ut aer illuminatus ad illuminationem; quia in aqua, & in aere, præcisè nulla supponitur virtus, nec proxima, nec remota, ad calefaciendum, vel ad illuminandum; ac proinde neque illa ut calida, neque hic ut illuminatus, possunt dici causæ proximæ suorum effectuum. Unde deducit Auctor, lumen, & intellectum, in ordine ad visionem, nec se habere, ut se habet aqua, & calor, in ordine ad calefactionem, nec ut duo trahentes navem, in ordine ad tractionem. Ratione primi eluduntur argumenta probantia, intellectum mere passivè se habere; ratione secundi eluduntur etiam argumenta probantia, concursum partialem, quem intellectus impendit visioni, esse immediatè, & proximè ab ipsis naturalibus viribus, & ab innata activitate. Hinc est, quod lumen est tota ratio agendi, prout elevat, & prout efficit; non vero præcisè prout efficit visionem; ac per consequens dicitur tota ratio agendi proximè, sed non totum principium agens proximè; quia ut principium agens proximè sumitur ut exercens munus principii efficientis visionem, & comparatur ad intellectum elevatum; quia ratione exercet activitatem partialem tantum, & non totalem. Hæc Cachernas, cuius non tantum opinionem, sed etiam modum ipsam defendendi, amplexati fuimus; quia non tantum opinio, sed & modus ipse placuit.

Quæritur II. An lumen, an vero intellectus, sit causa principalis visionis?

Respondemus, lumen esse causam principalem visionis. Probat. Lumen non est causa instrumentalis visionis: ergo est causa principalis. Probat. antecedens. Causa instrumentalis est imperfectior suo effectu, & ideo agit in virtute causæ principalis, hoc est in virtute causæ perfectioris; sed lumen est qualitas visionis perfectior: ergo non est causa instrumentalis. Probat. minor. Tum quia de ratione omnium habituum infusorum est, esse suis actibus perfectiores, quam non possint a suis actibus causari, & potius assimilari; tum etiam quia lumen gloriæ habet magis immediatam participationem ordinis divini, quam visio, & ad plura se extendit, quam ipsamet visio; neque enim beatus semper actu videt ea omnia, quæ ex vi luminis gloriæ videre potest. Denique veritas hujus responsionis patebit magis ex probatione sequentis, quia si intellectus est causa principalis visionis, multo magis erit lumen; quum lumen respectu visionis majorem habeat proportionem, quam intellectus; quia lumen tribuit intellectui esse proportionatum visioni, quando ipsum intellectum elevat.

Respondemus etiam, intellectum esse causam principalem visionis. Probat. Intellectus elevatus, ex dictis supra, concurret ad visionem proximè & immediate per virtutem sibi convenientem ab intrinseco: ergo est causa principalis visionis. Probat. consequentia. Instrumentalis causa non producit effectum proximè, sed tantum aliquam præviā dispositionem, vel si producit, non producit per virtutem intrinsecam, sed extrinsecam, aut ab extrinseco provenientem; primo modo operantur instrumenta naturalia; secundo modo instrumenta obedientialia; medio modo instrumenta artificialia; sed intellectus ex dictis non operatur aliquo ex his modis: ergo nullo modo operatur ut causa instrumentalis: ergo operatur ut causa principalis.

Obijciunt contra primam responsionem I. Saltem ratione vitalitatis visio erit perfectior lumine gloriæ; hoc sufficit, ut lumen gloriæ non dicatur causa principalis, sed instrumentalis, ipsius visionis. II. Non currit eadem ratio in intellectu, & in lumine, respectu visionis: ergo non per hoc, quod intellectus dicitur causa principalis visionis, ita etiam dicendum est lumen. Proba-

tur antecedens. Intellectus denominatur videns, non autem lumen. Etiam, intellectus est qui concurret ad visionem ut quod, lumen vero concurret ut quo: ergo non currit eadem ratio in intellectu, & in lumine, respectu visionis. III. contra secundam responsionem. Esse causam principalem, & esse elevatum, sunt inter se pugnantia: ergo si intellectus est elevatus, non est causa principalis visionis. Probat. antecedens. Elevari est primum causæ instrumentalis; ergo pugnant inter se, esse intellectum causam principalem, & esse elevatum. IV. Visio est perfectior intellectus: ergo intellectus non est causa principalis visionis. Probat. antecedens. In visione est ratio supernaturalitatis, quæ non est in intellectu: ergo saltem in ratione supernaturalitatis visio est perfectior intellectus.

Respondemus ad I. quod lumen gloriæ etiam est vitale, licet sit vitale ut quo, non ut quod, ut dictum est. Non est tamen universaliter verum, quodlibet accidens vitale esse perfectius quocunque accidente non vitale; quia aliter sequeretur, cognitionem falsam, odium Dei, desperationem salutis, quæ sunt accidentia vitalia, esse perfectiora lumine gloriæ, quod non est vitale; quod dicendum non est.

Ad II. dicitur, Deum esse causam principalem visionis creatæ, & tamen non dici videntem visione creatâ. Igitur non est verum, quod ad rationem causæ principalis talis denominatio requiratur. Ulterius, lumen prout exercet munus principii elevantis, concurret ad visionem ut quod; prout exercet munus principii efficientis visionem, concurret ad visionem ut quod.

Ad III. Hæc est differentia inter causam principalem, & instrumentalem, quando elevantur, quod causa instrumentalis elevatur secundum actionem, non secundum virtutem, quam nec habet, nec habere potest; causa vero principalis elevatur secundum virtutem, quam habet, sed improprietate. Ita elevatur intellectus ad visionem producendam; unde elevatur ut causa, non instrumentalis, sed principalis.

Ad IV. negatur antecedens; ad ejus probationem distinguitur secunda pars antecedentis; quæ non est in intellectu non elevato, conceditur; in intellectu elevato, negatur antecedens, & consequentia. Unde nec etiam in ratione supernaturalitatis visio est perfectior intellectu elevato; & ratio est, quia intellectus elevatus jam supernaturalizatus est.

Que-

*Quæritur III. An intellectus, & lumen, æquæ
ad visionem concurrant?*

VAsquez hic q. 43. c. 3. putat, intellectum tantummodo concurrere effective ad visionis vitalitatem, non vero ad supernaturalitatem. Et quia quæviscunque duæ causæ ad eundem effectum concurrunt, effectus secundum unam rationem uni, secundum alteram rationem alteri causæ assimilari debet; inde est, quod, quum in lumine vitalitas, & supernaturalitas repariantur, vitalitas intellectui vitali principio, supernaturalitas lumini principio supernaturali, respondere debet. Contra ipsum tamen stat communis opinio, volens, intellectum non minus ad vitalitatem, quam ad supernaturalitatem visionis, active concurrere. In visione enim supernaturalitas, & vitalitas, nec realiter, nec formaliter, distinguuntur. Si ergo intellectus ad unam concurrat, debet etiam concurrere ad alteram. De lumine etiam communiter dicitur, active ad visionem concurrere, contra Ochamum, aliosque contrarium putantes. Responsio patet ex dictis.

*Quæritur IV. An lumen gloria sit potentia,
vel habitus?*

PUtant quidam esse potentiam; & probabant. I. quia lumen est tota ratio agendi: ergo est potentia non habitus. II. quia lumen non dat faciliter, sed simpliciter posse; sed dare simpliciter posse est pro-

prium potentie, habitus autem est dare, faciliter posse: ergo lumen non est habitus, sed potentia. III. quia actus visionis Dei est supernaturalis: ergo exigit potentiam supernaturalem; atqui intellectus est potentia naturalis: ergo tantum lumen erit potentia supernaturalis.

Communis tamen sententia est, lumen esse habitum, & non potentiam. Et probatur I. quia potentia debet esse indifferens ad operandum, saltem male, vel bene; sic autem non est lumen: ergo non est potentia, sed habitus. Est tamen cæteris habitibus perfectior, sed non gratia; ratio est, quia, lumen habet actum perfectissimum, scilicet Dei visionem, in qua essentialis beatitudo consistit; non est autem habitus gratia perfectior, quia gratia est principium, & radix, a qua omnes virtutes infusæ dependent.

Ad Rationes in contrarium adductas dicitur, primam non ob stare, quia lumen est tota ratio agendi proxime, sed non remote; nec officere secundam, quia potentia dat simpliciter posse, & proxime, & remote; non sic autem est lumen, ut dictum est. Nec vim facit tertia ratio, quia intellectus non elevatus est potentia naturalis, intellectus vero elevatus est potentia supernaturalis; & quavis eleve tur per lumen, actus supernaturalis sufficit, quod procedat a potentia supernaturali, non autem requirit, quod procedat a potentia naturaliter supernaturali.

DISSERTATIO LXV.

*De Specie impressa Dei, deque ejusdem
Specie expressa.*



UUM ex dictis duo ad intuitivam Dei visionem requirantur, unum nimirum ex parte potentie se tenens, alterum, vero ex parte objecti; & quum in præteritis Dissertationibus

loquuti fuerimus sufficientissime de primo, quod est lumen gloriæ; remanet modo in hac præfenti Dissertatione, ut de altero, quod est species, loquamur. Et quia species duplex est, impressa nimirum, & expressa; illa, quæ immutatur ab objecto cum sui similitudine; hæc, quæ formatur a potentia cum similitudine pariter objecti; hinc

in hac Dissertatione de utraque ageres, proposuimus. De specie impressa primo controversia est inter Scholasticos, utrum Deus ipsemet sit species sui impressa, an, vero, quemadmodum cætera objecta faciunt, speciem impressam, a se ipso distinctam, in potentiam immittat? Primo ponimus sententiam P. Magnani dicentis, idem esse realiter speciem Dei impressam, & lumen gloriæ, quavis formaliter distinguantur. Hoc est, eandem illam actionem Dei gerere munus luminis, & speciei. Deus enim se ipso elevat intellectum creaturæ, & se ipsum creatio intellectui elevato manifestat.

nifestat, eadem simplicissima, & indivisibili actione; at prout elevat, gerit munus luminis; prout se manifestat, gerit munus speciei. Unde Magnanus de facto, & de possibili ponit speciem impressam a Deo ipso indistinctam, quemadmodum a Deo ipso indistinctum aserit lumen. Secundo subjungimus sententiam aliorum, qui docent, de facto divinam essentiam uniri intellectui beato uti speciem intelligibilem, adeoque Deum de facto per propriam essentiam immediate, & sine ulla specie creata. Ita Thomistae defendunt, alique Scholastici communiter; at via alia procedentes ab illa, per quam P. Magnanus incedit; etenim Auctores isti defendunt, Deum per se ipsum gerere munus speciei, non autem esse speciem formaliter, esto virtualiter sit talis: At P. Magnanus suetur, impropiam esse Theologorum illorum locutionem, qui dicunt, Deum gerere munus speciei; quum Deus ipse formaliter, non virtualiter sit species, a semetipso indistincta; ut infra videbimus. Terrio illorum opinionem subnectimus, qui hoc impossibile dicunt, volentes, Deum de facto per speciem impressam creatam a creato intellectu intuitivo cognosci, quum etiam a lumine sit distincta. Hujus opinionis est Aureolus in 4. dist. 49. q. 5. a Mauro relatus. Quarto adjuvamus Thomistarum etiam opinionem, hanc speciem creatam a Deo distinctam, tam de facto, quam de possibili, rejicientem. Quinto tandem Suarez, ceterorumque Neuterorum sententiam ponimus, hanc speciem creatam de facto repulsantem, sed admittentem de possibili; quos omnes praeter Scotus cum suis, aliisque passim recentioribus Scholasticis, qui Aristotelis doctrinam sequuntur.

In tanta opinionum varietate, has conclusiones proponimus nos defendendas. I. Sententiam P. Magnani in hypothesei facta non improbavimus. II. In communi hypothesei speciem impressam a Deo indistinctam de facto recludimus. III. Speciem impressam, a Deo distinctam de facto rejicimus, de possibili tamen defendimus.

I. Pro sententia P. Magnani, supponere oportet cum illo, creatum intellectum, etiam habituali lumine perfusum, absque Dei objectivo speciali concursu, Deum intueri non posse. Hic autem concursus a specie aliqua creata praestari non potest, immo nec etiam ab ipso Deo, praecise operante in ratione potentiae, & causae, bene vero a divina essentia, ut vere omnipotente,

& libera. Supponendum est adhuc; contingens esse intellectui creato hoc, quod est actu intelligere; non enim est sua visio per essentiam; proindeque indigere ipsum determinativo suae indifferentiae ad operandum, vel saltem ex potente intelligere ad fieri actu intelligentem. Hoc autem determinativum esse species ipsas impressas, hoc est objecta ipsa agentia, quando adsunt, in potentias, vel alia illorum vice agentia, quando ipsa in potentis non sunt, ex Philosophicis est certum. His suppositis pergit Magnanus quasdam Angelici Doctoris auctoritates asserre, & Thomistarum sensum explicare, tanquam addid, quod ipse probare intendit, non parum conferentia. Igitur S. Thomas 1. p. q. 12. ar. 2. in corp. ait: *Divina essentia movetur intellectu creato, ut intellectum in potentia per se ipsam faciat intellectum in actu.* Et ar. 5. in corpore habet: *Cum aliquis intellectus creatus videt Deum per essentiam, ipsa essentia Dei sit forma intelligibilis intellectui.* Tota autem Thomistarum schola consensit in hoc, ut divinam essentiam intellectui conjungi dicat, & ex ea conjunctione eandem essentiam, quae de se solum erat intelligibilis, fieri actu intellectam; ipsamque facultatem intellectivam fieri actu intelligentem, quae prius solum erat in potentia. His suppositis.

Probat suam Conclusionem Doctor, profundissimus Magnanus hac ratione. Concursus objectivus in intellectu, quo Deus facit se videri, est ad visionem ipsius Dei simpliciter necessarius; Sed hujusmodi concursus, seu Dei operatio, idem est cum illa conjunctione divinae essentiae per modum speciei intelligibilis, quam S. Thomas ponit: ergo talis conjunctio est ad intuitivam Dei visionem simpliciter necessaria; atqui conjunctio per operationem objectivam, sive mediatam, sive immediatam, non minus in Deo, quam in ceteris objectis, proportionem servata, est species impressa: ergo species impressa Dei est ad ejus visionem intuitivam adeo necessaria, ut impossibile sit potentiae sine illa Deum intuitivum videre. Hoc est argumentum Magnani; examinentur propositiones. Major est certissima; quia si objectum non concurret in ratione objecti, potentia non operatur; ex objecto enim, & potentia gignitur potentia. Minor negari non potest; etenim evidens est, eam conjunctionem non esse per modum informationis, quasi per eam divina essentia vere intellectum informet, & acuet, sicut materiam actuat for.

forma in ordine ad faciendum cum ipsa, unum per se: Nec etiam est conjunctio per modum hypostasis, ut patet: Neque per modum configuratis, quia creatura cum Deo continuum facere non potest: ergo erit conjunctio per modum obiectivæ operationis; quum alius conjunctionis modus non reperitur, itaut per eam divina essentia in intellectu operetur, sicut in sensu sensibilis, vel intelligibilis agunt in intellectu, dum illis junguntur, ut faciant se sentiri, vel intelligi; sed horum conjunctio est concursus obiectivus: ergo, &c. Minor subsumpta etiam patet; sicut enim visibilium, vel audibilium, operatio mediata in oculos, & aures, mediante scilicet hinc luce reflexa, inde aere verberato, est eorum species impressa oculis, & auribus; item tactibilium, saporabilium, & odorabilium, operatio immediata in organa ipsis convenientia, est eorum species impressa iisdem organis; ita mediata, vel immediata, Dei operatio obiectiva in intellectu est ejusdem Dei species eidem intellectui impressa. Ratio est, quia deus Dei specie impressa non debemus loqui, nisi per analogiam ad aliorum obiectorum species: Sic ergo de ipsa discurrere, & ratiocinari debemus, sicut de aliis discurrimus, & ratiocinamur. Unde, ait Magnanus, non bene dici a Theologis quibusdam, Deum gerere munus speciei impressæ intelligibilis; non enim gerit munus alicujus obiecti quicquid formaliter est tale; sic non gerit munus obiectum ipsum, quia illud formaliter est tale. Dicitur autem, unum exercere munus alterius, quando est virtualiter illud; sed Deus pro intuitiva sui visione in intellectu est formalissime species intelligibilis: Et probatur hoc; quia continet Deus in tali casu formaliter prædicata metaphysica speciei intelligibilis, quæ sunt actu determinare potentiam, & simul cum illa actu ad visionem concurrere: ergo Deus est formaliter species intelligibilis actu, ergo non solum de possibili, sed de facto etiam datat species impressa Dei, adeo necessaria, ut sine ipsa Deus percipi non possit.

Arguunt contra P. Magnani sententiam. Si Deus esset de facto species intelligibilis, esset formaliter creatura; hoc non potest dici: ergo neque illud. Probatur sequela. Si Deus esset formaliter creatura; daretur limitatio perfectionis in divina natura; sed hoc ipsum esset, si esset formaliter species intelligibilis suæmet divinæ essentia: ergo si Deus esset de facto species intelligibilis,

esset formaliter creatura. Probatur minor. Ideo limitatur perfectio in creatura, quia est ab alio; sed species impressa divinæ essentia esset ab ipsamet divina essentia: ergo si Deus esset formaliter species impressa intelligibilis, perfectio in Deo limitaretur.

Respondet P. Magnanus distinguendo hanc ultimam majorem; quia est ab alio, formaliter, negat; efficienter, subdistinguit; quia est ab alio, quod est distinctum secundum essentiam, & naturam, concedit; quod non est tali modo distinctum, negat majorem. Ad minorem negat suppositum; species enim illa esset realiter divinæ essentia identificata; seu esset ipsamet divina essentia, ut actu intellectum determinans. Igitur non esset ab essentia divina dependens, ut argumentum supponit; nam dicta species essentiam non habet ab ipsa divina essentia ante opus mentis distinctam. Limitatio ergo formalis a propria rei entitate habetur, efficiens vero ab agente, quod est realiter distinctum ab effectu; alias nulla esset dependentia, quia nemo dependet a se ipso. Ista autem species impressa, indistincta realiter a Deo, immo ipsamet Deus, quanvis sit limitata formaliter, non est tamen efficienter, & per consequens non est dependens.

II. Pro sententia Thomistarum, docentium, divinam essentiam posse creato intellectui uniri per modum speciei intelligibilis, seu speciei impressæ; immo sic de facto uniri; & de facto per consequens munus gerere speciei impressæ, ita cum illis probamus. I. Auctoritatibus S. Thomæ locis superius citatis; & insuper contra Gentes c. 51., & de Veritate q. 8. ar. 1., ut apud Serram legitur. II. rationibus; quarum prima est. Deus est per propriam essentiam intelligibilis: ergo potest esse per propriam essentiam principium visionis. Antecedens constat, quia divina essentia est prima veritas, adeoque perfectissima intelligibilis; tum etiam quia Deus est intelligibilis a semetipso per propriam essentiam: ergo etiam a creato intellectu. Consequentia pariter illa sequitur; esse enim principium visionis est esse intelligibile in actu secundo, seu esse habere exercitium intelligibilitatis. Secunda ratio est; Divina essentia habet omnia requisita, ut sit species intelligibilis creati intellectus: ergo de facto ita illi unitur. Probatur antecedens. Tria sunt requisita illa; quorum primum est, ut sit actu per suam essentiam intelligibilis; & hoc de divina essentia verificatur, ut probatum est:

Sc-

Secundum, ut sit intellectui intime unita secundum suam entitatem; & hoc, verificatur de Dei essentia etiam, ut poise immensatur. Terrium, quod sit suum esse, quod de Deo verificari, nemo ambigit. Tertia tandem, ratio ex convenientia desumitur: Objecto enim proportionatum, & indistanti connaturalius est esse principium propriæ visionis immediate, quam mediate; atqui Deus respectu intellectus elevati est objectum proportionatum, & indistanti: ergo connaturalius est esse principium propriæ visionis immediate, absque eo quod species creata distincta, superflua quidem, ponatur. Major est certissima; species enim non ponitur, nisi vel propter absentiam, vel propter objecti improportionem.

Arguunt I. Species intelligibilis debet intellectui inhaerere; sed implicat, divinam essentiam creato intellectui inhaerere: ergo implicat, divinam essentiam esse speciem intelligibilem, & impressam. **II.** In omni unione modus aliquis resultat, vi cuius extrema dicuntur unita, vel saltem tertium aliquid ex unitis compositum; sed ex intellectu, & divina essentia, nec modus ille, nec tertium hoc compositum resultat: ergo Divina essentia non unitur creato intellectui per modum speciei intelligibilis, & impressæ. **III.** Deus non potest uniri per modum formæ physice cum creatura: ergo neque etiam per modum formæ intelligibilis. Consequentia sequitur; quia hæc unio est imperfectior unione physica: ergo si non potest unione physica uniri, neque poterit uniri per modum formæ intelligibilis. **IV.** Si Deus uniretur intellectui creato per modum formæ intelligibilis, necessario, non libere, concurreret ad sui visionem; sed hoc nun est dicendum: ergo vere modo illi non unitur. Probatur sequela. Quemadmodum respectu propriæ cognitionis sui ipsius Deus necessario concurrat, ita respectu visionis aliorum pari modo concurreret; quia eodem modo uniretur. **V.** Convenientius est, Deum agere per causas secundas, quam per se ipsum: ergo Deus est objectum intelligibile per speciem impressam distinctam. Probatur antecedens. Quia magis hoc convenit dignitati, majestati, & independentiæ Dei.

Respondent Thomistæ ad I. non esse de ratione speciei, ut species est, inhaerere; aliter essentia divina respectu intellectus divini non esset species, quia illi nun inhaereret; sed esse tantum de ratione speciei inhaerere, ut qualitas est, vel ut est forma accidentalis, quæ est qualitas ab ipsa specie præ-

scindibilis, & separabilis.

Ad II. dicitur ex unione physica resultare aliquid tertium, non veru ex unione intentionali; quia per intentionalem unionem intellectus sit tantum res intellecta mediante specie; adeoque tertium quid ex illis non resultat. Cæterum modi illi, resultantes ex unionibus physicis, nec quidem a Peripateticis ipsis omnibus admittuntur; & Thomistæ communiter quoque farentur.

Ad III. negatur, esse imperfectiorem unionem intentionalem unione physica; & si adducatur textus Averrois, quo dicitur, ut intellectu, & re intellecta, fieri magis unum, quam ex materia, & forma; subditur, illud magis unum explicari per hoc, ut intellectus intentionaliter fiat res intellecta, ut dictum est; quod non evenit in materia, & forma physica; neque enim materia sit physice forma, neque e contra; & quanvis ex his duabus compositum fiat.

Ad IV. dicitur, intelligibilitatem immediatam non ideo esse necessariam, quia est immediata, sed quia est ad intra in Deo, & Deus ad intra semper necessario operatur; & adhuc, quia intellectus increatus est semper necessario in actu secundo intellectiōis ipsius divinæ essentiae; ad extra autem operatur libere: Er intellectus creatus non est in actu secundo visionis Dei; hinc est, quod respectu intellectus creati intelligibilitas divinæ essentiae immediata est, sed non est necessaria.

Ad V. respondent, connaturalius Deum agere per causas secundas, vel quando agit ut causa universalis, non vero quando agit ut causa particularis; vel quando huiusmodi causæ requiruntur per se primo, non quando requiruntur in subsidium, & ut gerant vicem alterius; quia ratione ad visionem requiritur species, ut gerat vicem ipsius Dei. Deus ergo in visione agit ut causa particularis, quia concurrat ut causa objectiva; hinc est, quod connaturalius est agere per se ipsum, quam per alium ab ipso. Ulterius species creata non requiritur per se primo ad intellectiōem, sed in subsidium absentie, vel in supplementum materialitatis objecti; quæ quum in Deo non verificentur, connaturalius erit, ipsum sine tali distincta specie a creato intellectu insitutive cognosci.

III. Pro sententia Scotistarum, & Neuterico- rum, docentium, speciem impressam Dei, a Deo distinctam, de possibili non repugnare; præmittimus, de abstractiva cognitione Dei nemini dubium esse, quod datur species impressa a Deo distincta. vel

vel nomine abstractivæ cognitionis venit notitia obscura, & confusa, vel venit notitia quidditativa clara, & distincta; si primum, jam patet, cognitionem hanc nullius objecti, etsi chimerici, in hypothesi illorum, qui ipsum admittunt, dari posse, sine propria talis objecti specie impressa intelligibili determinativa indifferentiæ intellectus, propria quidem, saltem representationis proprietate. Si vero loquimur de abstractiva cognitione, & simul quidditativa, clara, & distincta, quæ ab intuitiva, ea dictis, distinguitur, quatenus abstractiva ab omni actuali objecti existentia, saltem tanquam a ratione movendi, abstrahit, & præcindit; intuitiva vero etiam actualis objecti existentiam ut rationem motricem respicit, qua fit, ut abstractiva dicatur cognitio objecti scilicet per speciem, propriam, sed non ut de præsentia habitam; intuitiva vero per speciem propriam reduplicative, ut de præsentia scilicet immixtam. Si igitur de hac abstractiva fit sermo, patet etiam de facto dari. De facto enim saltem Angeli naturalem divinæ essentiae cognitionem habere possunt per prædicata quidditativa, fecerantia Deum a quocunque alio, qui non est Deus. Et licet hæc abstractiva sit, clara nihiloominus est: ergo jam datur species impressa intelligibilis divinæ essentiae pro abstractiva sui cognitione. Hæc igitur pro abstractiva Dei cognitione supponatur, ut certa; quia tamen major est difficultas, immo maxima, de intuitiva cognitione, saltem de possibili, ad hoc probandum devenimus.

- I. Probatur possibilitas speciei impressæ a Deo distinctæ in intuitiva ejus visione ab intellectu creato. Datur species expressa, & verbum mentis, in intuitiva Dei visione: ergo speciem impressam intelligibilem pro eadem dari non repugnat. Examinemus argumentum. Consequentia legitime sequitur. Ideo enim Adversarii speciem impressam intelligibilem negant, quia Deo est improporcionata, ejus deberet esse representatio, & virtualis similitudo; sed hoc non impedit, quin dicta species expressa detur: ergo nec impedit, quin dari possit impressa. De antecedenti loquimur mox, in hujus Dissertationis fine, ubi rationibus, & auctoritatibus, ostendimus speciem expressam dictam non implicare. Igitur pro modo facta erit, ipsam supponere, & ex ipsius suppositione, impressæ possibilitatem deducere. II. probatur speciei impressæ possibilitas ea non repugnantia; quæ patebit solutione argu-

P. A. L.

mentorum, quæ a Thomistis afferri solent. Arguunt proinde I. Species debet coæquari objecto; at nulla datur species impressa, coæquabilis Deo: ergo nulla species impressa Dei est possibilis. Probatur minor. Si species creata Deo æquabilis esset, finitum infinito æquaretur; hoc non: ergo neque illud. Probatur sequela. Deberet illa species representare Deum infinitum, ipsa aliunde finita esset; vel si infinita dicitur, erit error pejor priore: ergo finitum infinito æquaretur. II. Si species impressa Dei esset possibilis, sequeretur, posset Deum ut trinum, & unum naturaliter elare, & distincte cognosci; hoc non: ergo nec illud, ex quo sequitur. Probatur sequela. Talis species esset distincta, & perfecta similitudo Dei, ut est in se ipso quidditativa; quia pro intuitiva sui cognitione daretur; sed Deus est in se ipso trinus, & unus: ergo hoc modo, trinum scilicet, & unum, Deum representaret hujusmodi species; atqui Angelus naturali virtute, posset dictam speciem cognoscere, quia, quid creatum esset: ergo Angelus naturaliter elare, & distincte Deum ut trinum, & unum cerneret.

Respondemus ad I. distinguendo sequelam, finitum infinito æquatur, entitative, negamus; representative, concedimus. At insurgunt statim Adversarii, & arguunt sic: Nec infinitum est a finito representabile: ergo, nulla responsio. Probatur antecedens. Licet species entitatem objecti continere non debeat, ipsam tamen, quantæ, & qualis sit, representare deberet: ergo licet species in ratione entitatis non debeat coæquari objecto, debet nihiloominus in ratione taleitatis; sed ratio taleitatis appellat finitudinem, vel infinitudinem: ergo finitudinis, vel infinitudinis proportio debet inter speciem, & objectum intercedere: ergo finitum ab infinito representabile nun est. At respondemus etiam ad hoc argumentum; & primo per instantiam: Si valeret Adversarium ratio, æqualis deberet esse taleitatis objecti, & speciei; sicque species magis limitata non posset representare objectum minus limitatum in perfectione; atqui hoc potest: ergo sicut unum finitum potest aliud finitum, sed in perfectione majus, representare; ita poterit finitum representare infinitum. Si enim ibi ratio taleitatis non obstat, nec etiam hic obstat; & si hic, etiam ibi. Directe tamen dicitur, quod in representatione non exigitur, quod objectum contineatur, sed sufficit,

P p

ficit,

hæc, quod repræsentetur; continentia, exigit æqualitatem, non autem repræsentatio; quæ satis est, si objectum exhibeat in imagine, quamvis objecto non æquetur in originalis perfectione.

Ad II. Distinguitur minor subsumpta; esset dicta species quid creatum, & quid superioris ordinis ad capacitatem, quam habet Angelus, proindeque illi supernaturalis; conceditur; esset quid creatum, & ejusdem ordinis, videlicet inferioris, ut est Angelus, & per consequens ei naturalis; negatur. Secundo concedi potest minor subsumpta, at negatur consequentia. Licet enim Angelus naturali lumine dictam speciem cognosceret, non tamen divinam essentiam videret. Hæc species non haberet formaliter repræsentare Deum, sed efficienter; unde in ipsa visa non posset videri Dei repræsentatio, sed tantum possibilitas divinæ repræsentationis. Argumenta alia in contrarium proposita, apud Mastrium soluta inveniri quisquis voluerit.

Ad speciem expressam intuitivæ Dei visionis modo devenientes, quum usque modo de impressa tantum scripsimus, primo loco observandum cadit, inter Aristoteles esse, qui speciem expressam, seu verbum mentis, tanquam terminum per intellectionem productum, adeoque realiter ab intellectione distinctum, in quavis cognitione ejuscunque objecti, admittunt. Alii vero in intellectione ipsa reponunt, appellantes eandem speciem expressam, atque verbum; intellectionem nihilominus ab intellectu realiter distinguunt. In utraque opinione species expressa est objecti similitudo; at tamen in prima vocatur similitudo in qua, estque quedam imago, in qua intellectus videt omne id, quod antea vidit in ejusdem, ut sic dicamus, originali; quemadmodum quis quum viderit Cæsarem, eundem postea in sua imagine pictum videt. In secunda vero opinione vocatur similitudo qua, quatenus est ratio exprimendi, & repræsentandi, objectum, non autem est ipsa formalis expressio, & repræsentatio. In utroque dicendi modo species hæc est de genere qualitatis, adeoque semper realiter ab intellectu distincta. Alii autem extra Aristotelis scholam, quos inter est P. Magnanus, quem & nos in Philosophicis de Corpore animato sequuti fuimus; non de genere qualitatis, sed de genere actionis, speciem expressam volunt; dicentes, esse ipsammet intellectionem, & hanc non esse accidens, realiter ab intellectu distinctum, sed esse ipsum-

met intellectum actu intelligentem. In hac hypothese necessario in intuitiva Dei visione species expressa intervenire debet; sicut enim est impossibile, Deum cognosci, & in intellectu Dei cognitionem non esse; ita est impossibile, in eodem intellectu non esse ejusdem Dei speciem expressam, quæ in eadem cognitione consistit. Evidens est ergo, speciem expressam per modum actionis in intuitiva Dei visione, quatenus ab hac realiter non distinguitur, necessario intervenire. In hypothese autem Aristoteleorum, loquentes de secundo opinandi modo, dicimus idem, quod in præcedenti hypothese diximus; quatenus siue ibi verbum est cognitio, ita & hic; quod autem ibi cognitio sit indistincta, hic vero distincta, nihil ad rem facit, quum sufficiat, cognitionem esse, & in ipsa speciem expressam consistere. In altero autem opinandi modo, qui verbum ab intellectione distinctum ponit, dicimus etiam, non implicare, in intuitiva Dei visione verbum, hoc modo sumptum, intervenire. Et quidem nostrum est ex debito hoc probare; quatenus ideo paulo ante speciem impressam creatam, a Deo realiter distinctam, posuimus de possibili, quia speciem expressam hoc modo acceptam, supposuimus.

I. Probatur. Generaliter de quacunque specie expressa loquitur Augustinus de Trinitate c. 10. circa finem, & c. 11. in principio; ubi asserens, cognitionem esse similitudinem rei cognitæ, insert deinde: *In quantum Deum novimus, similes sumus, sed non ad æqualitatem similes, quia non tantum ipsum novimus, quantum ipse est.* Loquitur etiam Anselmus in Monologio c. 21. ubi ait: *nulla ratione negari posse, cum mens rationalis se ipsam cogitando intelligit, ipsius imaginem nasci in sua cognitione; immo ipsam cognitionem sui esse imaginem ad sui similitudinem.* Loquitur tandem experientia; dum enim intelligimus, in nobis similitudinem objecti, etiam absentis, experimur; quia præsens objectum actu habemus, ipsumque intentionaliter attingimus.

II. Probatur de illo peculiari dicendi modo. De ratione enim inirrefræcta intellectionis est esse actum vitalem, & vitalium perfectissimum: ergo de sua essentia est, recipi in eodem principio, a quo productum fuit; sed quod producit, & est vitale, verbum dicitur, seu species expressa, non vero modus, & actio: ergo si intellectio est actio, præter ipsam dari debet verbum, seu species expressa.

III. Pro-

III. Probatur; quatenus per Adversarios ideo implicat hoc verbum, quia esset similitudo Dei, ipsiusque representativum; nulum autem creatum potest Deum repræsentare: ergo, &c. Atqui hoc non obstat jam datæ visio, quæ quidem Deum repræsentat, & ulterius creata est: ergo sicut hoc non implicat in visione, ita nec implicabit in specie expressa. Sicut igitur nos possibilitatem speciei impressæ, realiter a Deo distinctæ, probavimus ex specie expressa; ita & hanc ex ipsamet Dei visione probamus, quæ a nemine negari potest. Quomodo autem sit intelligenda proportio inter speciem, & objectum, requisita, jam quomodo de specie impressa ageremus, in solutionibus argumentorum explicavimus. Thomistæ autem, quia hanc speciem expressam negant, poterunt cum P. Magnano convenire, in quantum hic non distinguit speciem expressam ab intellectu; & sic nobiscum, si cum Magnani hypothese loquimur, conveniunt; si vero in altera hypothese discurremus, a nobis illico disconveniunt.

Arguunt I. Deus est actus purissimus: ergo nullo modo videri potest per similitudinem creatam, quæ est tota potentialis. Probatur consequentia. Debet nanque proportionari objectum sui ipsius expressioni: ergo si Deus est actus purissimus, nequit per aliquid potentiale repræsentari. II. Species expressa debet repræsentare

re objectum in esse intentionali secundum omnem perfectionem, quam objectum habet in esse reali; sed nulla species creata exprimeret valere divinam essentiam secundum omnem sui realem perfectionem: ergo non datur species expressa in intuitiva Dei visione.

Respondemus ad I. primo per instantiam: ergo etiam est impossibilis visio Dei intuitiva; ratio est, quia etiam in visione exprimitur similitudo Dei, qui est objectum ipsius. Directe autem dicitur, proportionem debere esse non in entitate, sed in proportionem; ut pluries fuit dictum.

Ad II. negamus majorem; quia si hoc esset, omnis cognitio esset comprehensiva, de cujus ratione est, ut suæ representationi tota objecti representabilitas correspondeat. Secundo retorquetur argumentum; sicut enim species expressa debet repræsentare objectum in esse intentionali secundum omnem sui perfectionem in esse reali; ita illa notitia, quæ est per modum actionis; atqui nulla species creata potest divinam essentiam exprimeret secundum omnem sui realem perfectionem: ergo nulla intellectio poterit per modum actionis: ergo sicut per Adversarios species expressa implicat, ita & intellectio per modum actionis repugnat. Hoc autem nec ab ipsis dicitur, vel admittitur. Falsa igitur est major propositio.

DISSERTATIO LXVI.

De Primario intuitivæ Dei visionis Objecto.



Ivinæ visionis objectum duplex Theologi distinguunt, primum scilicet, & secundarium. Nomine primarii veniunt ea omnia, quæ formaliter sunt in Deo; essentia videlicet, attributa, & Personæ; & hoc pariter objectum increatum nominatur. Nomine vero secundarii, quod & creatum dicitur, veniunt ea, quæ in Deo sunt eminenter; creaturæ nimirum, sive possibiles, sive existentes. De primo objecto in hac Dissertatione agimus, acturi in sequenti de altero. Quod communiter de hoc primario objecto quaeritur a Theologis est, num de facto Beati videant ea omnia, quæ sunt in Deo, videndo Deum; & de possibili, an possint videre essentiam sine attri-

P.A.R. I.

butis, essentiam sine Personis, unam Personam sine altera, unum attributum sine alio? Vel alio modo, an dari possit visio Dei intuitiva præcisiva? Pro qua

Scire oportet, tantum abesse, ut visioni intuitivæ repugnet esse præcisivam, quod potius ita essentialiter ipsi conveniat, ut non possit intuitiva esse, nisi sit præcisiva. Etenim, vel accipimus visionem intuitivam ut ab abstractiva, vel ut a comprehensiva, distinctam: Ut ab abstractiva distincta importat speciem propriam prout de præsentis immisam, ut dictum est, quam abstractiva non dicit. Hanc tamen speciem propriam prout de præsentis immisam importat etiam comprehensiva: igitur si in hoc intuitiva cognitio, & cognitio comprehensiva conveniunt, in quo alio

P p 2 dif.

different? Differunt certe in hoc, quod comprehensiva nullatenus esse potest præcisiua, intuitiua autem præcisiua esse debet, ut a comprehensiva distinguatur. Per intuitivam enim totum objectum intuemur, sed non totaliter; hoc est objectum non cognoscimus secundum illud omne, quod in ipso est cognoscibile: Per comprehensivam vero totum objectum intuemur, & totaliter; ipsum scilicet secundum illud omne, quod in ipso est cognoscibile, cognoscentes. Unde comprehendentem nihil latet, intuentem vero latet aliquid: Quid autem sibi vult latere aliquid, quam non videre omne? Et non videre omne idem est, ac præscindere ab aliquo. Verum est ergo cognitionem intuitivam, prout a comprehensiva distinctam, debere esse necessario præcisiuam; unde fit, ut omnis cognitio comprehensiva sit intuitiva, quatenus est per speciem propriam; prout de præseni immisiam; non vero omnis cognitio intuitiva est comprehensiva, quatenus toti cognoscibilitati objecti non adequatur, ac per consequens ab aliqua cognoscibilitate præscindit.

Verum est nihilominus, hoc, quod in intuitiva latet, respicere non extensionem objecti, sed intensionem. Qui enim intuitivè Deum videt, videt omnia attributa, quæ in Deo sunt, adeoque extensive videt omnia; sed non videt omnia attributa secundum illos omnes gradus, secundum quos ipsa sunt cognoscibilia; inde intensive semper aliquid latet. Hoc autem est de facto; unde de facto datur visio intuitiva præcisiua quoad intensionem cognitionis. Quod vero de possibili quaeritur, hoc est; utrum per divinam potentiam possit etiam dari quoad extensionem; unde possit essentia videri, attributis non visis, unum attributum, non viso altero, essentia sine Personis, Persona una sine alia? Hoc supposito & adnotato, non repugnare scilicet conceptui intuitivæ visionis esse præcisiuam; quicquid postea sit de respectu, in quo præcisiua fit, aut non fit; sufficit pro modo, quod cognitioni intuitivæ præcisio non repugnet, immo aliqua essentialiter conviciat.

Dicimus modo, Beatos de facto videre omnia, quæ sunt in Deo formaliter; de possibili autem posse videre essentiam sine attributis, unum attributum sine aliis, essentiam sine Personis, unam Personam sine alia; adeoque de possibili præscindere non quoad intensionem, sic enim de facto præscindunt, sed quoad extensionem, secun-

dum quam de facto non præscindunt. Prima Conclusio Pars

- I. Probatur ex Scripturis. Psal. 47. 9. *Sicut audivimus, sic vidimus in civitate Domini.* 1. ad Corinth. c. 13. 10. *Cum autem venerit quod perfectum est, evanescit quod ex parte est.* Et n. 12. *Nunc cognosco ex parte; tunc autem cognoscam, sicut & cognitus sum.* 1. Joannis 3. 2. *Quoniam videbimus, eum, sicuti est.* Ex his quidem Scripturarum testimonis luculenter patet, Beatos de facto videre omnia, quæ sunt formaliter in Deo; adeoque de facto visionem Dei intuitivam non esse præcisiuam quoad extensionem, licet sit talis quoad intensionem. Si enim Beati non viderent omnia, quæ sunt in Deo formaliter, non viderent, sicut audierunt; non cognoscerent, sicut & cogniti sunt; non viderent Deum, sicuti est; quæ omnia sunt contra intelligentiam obviæ Scripturarum, quas adduximus.
- II. Probatur ex Conciliis. Concilium Florentinum sessio ultima in Decreto de Purgatorio definit, Animas Sanctorum intueri Deum ipsum trinum, & unum, sicuti est; igitur ex Concilio omnia videntur, quæ in Deo sunt formaliter, ab animabus Sanctorum. Concilium Constantiense sess. 9. in abjuratone Hieronymi de Praga, decrevit: *Beatos in Paradiso non retinere fidem; igitur de iis, quæ formaliter sunt in Deo, & non vident, retinebunt fidem; non enim potest dici, de iisdem non habere nec visionem, nec fidem.* Concilium Vicenense, quod refertur in cap. ad nostrum, Clementina de *Hæreticis*, determinat contra Beguardos, & Beguinas, Beatitudinem secundum omnem gradum perfectionis acquiri non posse in hoc mundo: ergo in altero mundo, in paradiso scilicet, acquiritur; sed nisi videantur ea, quæ sunt formaliter in Deo, non est beatitudo secundum omnem gradum perfectionis: ergo ad hoc, ut Beati in paradiso habeant perfectam beatitudinem, debent saltem videre ea omnia, quæ sunt formaliter in Deo.
- III. Probatur ex Patribus. Augustinus lib. 2. de civitate Dei c. 21. *Quid videbimus, nisi Deum, & omnia illa, quæ nunc non videmus, credentes autem pro modulo capacitatis humane longe minus, quam sunt, atque incomparabilia cogitamus?* Etiam lib. 11. de civitate Dei c. 29. *Illi quippe Angeli sancti non per verba sonantia Deum discent, sed per ipsam præsentiam immutabilis veritatis; hoc est Verbum ejus unigenitum, & ipsum Verbum, & Patrem, & eorum Spiritum Sanctum eandem esse inseparabilem Trinitatem; singulari-*
que

que in ea Personas esse unam substantiam. Gregorius magnus lib. 30. moralium c. 5. *Aperite tunc videbimus, quomodo & unum indivisibiliter tria sit, & indivisibiliter tria unum.* Bernardus ser. 6. in festo omnium Sanctorum. *Offendit nobis filius, ut pollicitus est, semetipsum, non in forma servi, sed in forma Dei. Offendit etiam nobis Patrem, & Spiritum Sanctum, sine qua nimirum visione nil fuisset. Nam hac est vita eterna, ut cognoscamus Patrem verum Deum & quem misit Jesum Christum, & in eis quod non est dubium, etiam Spiritum utriusque.* Eadem Bernardus habet lib. 1. de Consideratione ad Eugenium c. 8.

IV. Probatur rationibus. I. Visio beatifica est merces fidei nostræ: ergo illa eadem per ipsam videbimus in Patria, quæ hic in via nobis revelantur per fidem; atqui per fidem nobis hic revelantur omnia, quæ pertinent ad divinam essentiam, attributa, & Personas: ergo hæc omnia etiam in Patria videbimus. II. Beati non viderent Deum clare, & distincte, nisi in Deo viderent omnia, quæ in Deo formaliter sunt; sed Beati vident Deum clare, & distincte: ergo vident in Deo omnia, quæ in Deo formaliter sunt. Probatur major. Etsi Beati non videndo Deum clare, & distincte, viderent clare, & distincte aliquid Dei, non tamen viderent Deum ipsum clare, & distincte; & probatur hoc; quia nomine Dei ipsius veniunt omnia, quæ in Deo formaliter sunt. III. Visio intuitiva Dei dicitur visio facialis; 1. ad Corinth. c. 13. 12. *tunc autem facie ad faciem*; cognitio autem facialis debet distinguere in facie quod cognoscit, individualem formam, lineamentum, dispositionem partium, colorem, gratiam, &c. Non autem omnia, quæ in Deo formaliter sunt, omnimode cognosci debent, secundum omnes scilicet gradus cognoscibilitatis, quos habent; aliter comprehenderentur: Igitur per cognitionem intuitivam de facto omnia, quæ sunt in Deo formaliter, cognoscuntur extensive, sed non intensive; hoc est non secundum omnes respectus, habitudines, & perfectionis gradus intensive, quam continent.

Arguunt contra dicta a nobis Ockamus, Paludanus, Gothofredus, Henricus, Ferrariensis, Victorius, alique, putantes, de facto non omnia, quæ sunt formaliter in Deo, a Beatis intuitive videri; quorum, nihilominus sententiam ex Scholasticis non unus vel temeritatis, vel suspitionis in fide, vel erroris nota inurit. At quicquid sit de censura, sic argumentantur I. Ex dictis

a nobis attributa, quæ formaliter in Deo sunt, sunt numero infinita; sed ad cognoscendum quæ infinita sunt clare, & distincte, requiritur infinita virtus: ergo Beati non vident omnia attributa, quæ formaliter sunt in Deo. II. Omnes Ideas possibiliū, & actus liberi divinæ voluntatis, formaliter sunt in Deo; sed hæc omnia, creatus intellectus videre non potest: ergo non vident omnia, quæ in Deo sunt formaliter. Probatur minor. Si illa omnia creatus intellectus videret, creaturas omnes possibiles clare cognosceret; Sed creaturæ omnes possibiles sunt infinitæ: ergo creatus intellectus clare, & distincte cognosceret infinitum. III. Cognoscendo omnia attributa, cognosceret Beatus omnia prædicata quidditativa divinæ essentiae, & quæ habent modum proprietatis: ergo haberet virtutalem demonstrationem Dei; sed hoc est comprehendere ipsum Deum: ergo illa non cognoscit. Probatur minor a S. Thoma 1. p. q. 12. ar. 7. *Si hoc quod est triangulum habere tres angulos... aliquis sciat per demonstrationem, comprehendit illud.* IV. Divina essentia est objectum primum divinæ visionis, Personæ vero secundarium: ergo sola divina essentia a Beatis intuitive videtur. Probatur antecedens. Essentia est ratio cognoscendi Personas: ergo divina essentia est objectum primum, Personæ secundarium. Prima consequentia probatur etiam. Objectum primum videri potest sine secundario: ergo divina essentia, si est objectum primum, sola videtur a Beatis intuitive.

Respondemus ad I. Attributa divina in ratione objecti terminativi esse quidem numero infinita, in ratione autem objecti motivi esse quid unum simplicissimum. Siquidem sola divina essentia est, quæ per se immediate concursum objectivum præstat, adeoque est species universalissima, tum seipsam, tum cætera Dei prædicata, representans; sicque objectum motivum visionis est unicum, & simplicissimum. Cognitio autem infinitatur ex infinitate objecti motivi, non terminativi; ut infra dicitur clarius.

Ad II. dicitur, Ideas illas, ac actus liberos, diversos esse respectus divinæ essentiae, & divinæ voluntatis: Sufficit ergo, ut Beatus videat divinam essentiam, & divinam voluntatem. Quod vero has non videat secundum omnes respectus, quos habent, facit, ut ipsas non comprehendat, non vero, quod intuitive non videat. Et non comprehendit quidem, quum non videat om-

om-

omnia intensiue, licet videatur extensiue.

Ad III. dicimus, ad comprehensionem non sufficere, cognoscere omnia prædicata, quidditatiua, & proprietates, sed requiri etiam, hæc omnia cognoscere, quantum cognoscibilia sunt. Exemplum trianguli non est ad rem; quanvis enim hic comprehendatur, quando per demonstrationem scitur, ut ait S. Thomas; hoc tamen ideo evenit, quia amplius non est cognoscibilis. Deus vero, quia amplius, & in infinitum, est cognoscibilis, per hoc solum, quod omnia sua prædicata quidditatiua, & quæ se habent per modum proprietatum, cognoscantur, non comprehenduntur.

Ad IV. respondemus dicendo, Personas comparatas ad objectum proprie secundarium, nempe ad creaturas, esse objectum primum intuitivæ Dei visionis. Sunt enim in Deo, non sunt extra Deum; & sunt formaliter in Deo, & sunt identificatæ cum ipsa essentia, quæ est objectum absque dubio primum; igitur & ipsæ sunt primum objectum, quanvis ratione imperfectionis intellectus nostri modo concipiantur post essentiam.

Secunda Conclusionis Pars modo I. probatur universaliter, quod scilicet per potentiam Dei videri possit essentia sine Personis, & Persona una sine alia, essentia sine attributis, & attributum unum sine altero. Cognitio intuitiva non repugnat, ut ex suo genere sit præcisiva; ut in Dissertationis exordio adnotavimus; aequi essentia divina potest præcindi ab attributis, & Personis, & una Persona ab alia est realiter distincta, & unum attributum ab altero etiam præcindi potest; ut nos quoque superius diximus, atque probavimus: ergo cognitio intuitiva potest esse præcisiva divinæ essentia ab attributis, attributi unius ab alio, divinæ essentia a Personis, & unius Personæ etiam ab alia. Neque Adversarii dicant, cognitionem intuitivam esse præcisivam intensivæ, non extensivæ; nam ex eo, quod de facto debeat esse intensivæ præcisiva nos deducimus, posse, saltem per divinam potentiam esse extensivæ præcisivam de possibili. Etenim intuitivæ visioni vel repugnat omnis præcisio, vel nulla; omnis non repugnat, ut dictum est: ergo nulla. Probatur assumptum. Quemadmodum intuitive videtur omnipotentia, absque eo, quod videantur omnes gradus omnipotentia; ita intuitive videri poterit Deus, absque eo, quod videantur omnes perfectiones Dei; & sicut sufficit ad intuitionem omnipotentia; ut illi gradus,

qui cognoscuntur, sint de conceptu formali ipsius, & videantur clare, per speciem propriam, prout de præsentī immisam; ita etiam sufficit ad intuitionem Dei, ut perfectiones, quæ cognoscuntur, sint de ipsius conceptu formali, & essentiali; unde semper in visione importatur essentia, & quod hæc videatur clare, & per speciem propriam, prout de præsentī immisam.

II. Probatur de essentia sine attributis. Non minus gradus intensivi omnipotentia; e. g. sunt in Deo formaliter, quam sint in Deo formaliter ipsa omnia attributa; sed de facto videtur Deus non secundum omnes gradus omnipotentia; ergo de possibili videri potest non secundum omnia attributa. Probatur major. Licet gradus illi non sint in Deo ut formaliter distincti, sed aut virtualiter, aut eminenter, non minus tamen integritas illa, aut eminentialis, aut virtualis, est in Deo formaliter secundum intensivam cujuslibet attributi, quam sit integritas entitativa spectata secundum perfectionem omnium collectionem: ergo non minus gradus intensivi omnipotentia; sunt in Deo formaliter, quam sint in Deo formaliter ipsa omnia attributa. Probatur antecedens. Sicut si ex infinitis Dei attributis unum detrahas, omnipotentiam, scilicet, non erit amplius Deus perfectus in omni genere entis; ita si ex infinitis gradibus omnipotentia; unum demas, non erit Deus perfectus in genere omnipotentia; ergo sicut non esset Deus, si non haberet omnia attributa, ita non esset Deus, si non haberet omnes omnipotentia; gradus: ergo non minus est de Dei essentia, integritas intensiva unius attributi, quam sit integritas extensiva attributorum omnium.

III. Probatur de attributo uno sine altero. Videtur de facto attributum unum sine ipsius perfectione intensiva: ergo videri potest sine etiam ipsius perfectione extensiva; hoc est attributum unum sine alio. Probatur consequentia. Majorem identitatem, & indivisibilitatem, si dici potest, habet unum attributum cum tota sua perfectione intensiva, & homogenea, quam habeat cum perfectione extensiva, & heterogenea alterius attributi: ergo si sine illa videtur, poterit etiam videri sine illa.

IV. Probatur de essentia sine Personis. Non minus oportet, visionem essentia; adæquare secundum omnia, quæ sunt formaliter idem cum illa, quam communicationem physicam realem ejusdem essentia; adæquare secundum omnia, quæ sunt formaliter idem

idem cum ea; sed hoc secundum non est necessarium: ergo neque primum. Pater major; communicatio enim, qua Pater divinam essentiam filio communicat ad intrinsecum; item communicatio, qua Verbi hypostasis totam Trinitatem humanitati conjungit; non minus immediate, & realiter attingit divinam essentiam, quam visio ipsa attingat; ergo, &c. Minor est de fide; licet enim essentia sit idem realiter cum Paternitate, nihilominus Paternitas Filio non communicatur, bene vero essentia; item quavis hypostasis sit idem cum essentia, & hæc idem cum Paternitate, & Spiritatione passiva, ad has tamen immediate humanitas non terminatur. Neque dicant cum Suatio, disparitatem esse inter communicationem, & visionem, ut patet in duobus relative oppositis, in Paternitate scilicet, & Filiatione; hæc si referantur ad communicationem, separari debent, quum non possint eidem Personæ convenire respectu ejusdem; si autem ad visionem referantur, debent conjungi, quum non possit una sine altera distincte cognosci; relativa enim sunt simul natura, & cognitione. Ne dicant hoc; quia si hæc disparitas valeret, probaret solum, non posse unam Personam clare videri sine sua correlativa, bene vero sine alia, quæ ei correlativa non sit: Sic vel non possit videri paternitas in Patre sine filiatione, nec filiatione in Filio sine paternitate; posset tamen videri sine spiritatione passiva, quæ est correlativa solius Spiritus Sancti; item, posset quoque videri absolutum sine alio, essentia scilicet sine Personis.

V. Demum probatur de una Persona sine altera. Tota ratio Adversariorum est, quia relativa sunt simul natura, & cognitione; atqui hæc ratio nulla est; ergo, &c. Probatur minor. Est enim ratio illa valeret de relativis reduplicative sumptis, non tamen valet de relativis specificative acceptis; quavis scilicet Pater ut Pater non possit videri sine Filio, non sic tamen, quod Pater in ratione personæ non possit sine Filio videri; tanto magis, quod insensentia Adversariorum, hoc est Thomistarum, Pater in ratione personæ non constituitur per paternitatem, ut exercentem formaliter munus relationis. Item, quavis relativa sint simul natura, & cognitione, non tamen debent esse simul cognitione ejusdem rationis; sicque videri posset Pater cognitione intuitiva, & Filius cognitione abstractiva; quemadmodum creatura, & Creator, sunt relativa,

adeoque simul cognitione, & tamen de facto creatura cognoscitur cognitione intuitiva, Creator abstractiva; idem dicendum est de status, vel de imagine, Capi, aut Cæsaris, respectu originalis sui absentis; & de aliis ejusdem generis. Potest etiam probari argumento supra facto; quia de facto Filius terminat unionem hypostaticam, quam non terminat Pater, neque Spiritus Sanctus. Neque dicant cum Amico, disparitatem esse, quia omnis communicatio fit ad exigentiam subjecti; unde, quum humana natura non sit capax plurium suppositorum, hæc natura divina sit eadem cum paternitate, & spiritatione passiva, non tamen humanæ naturæ perfectiores alie conjunguntur. Intellectus vero est capax visionis essentiae, & Personarum. Ne quidem dicant hoc, quia ex disparitate adducta sequeretur, non solum Beatos debere videre quæ sunt formaliter, sed etiam quæ sunt virtualiter, & eminenter, in Deo; horum enim etiam est capax visio, & non est unde possit limitari. Sequeretur etiam, visionem esse omnino æqualem in Beatis, quæ est Juviniani hæresis, de qua inferius sermo erit; quum, æqualiter omnes intellectus sint capaces ejusdem visionis. Si dicant visionem limitari a divina voluntate, aliqua tantum manifestant; & non alia; sic etiam dicimus nos, limitari ex libera merione divinæ essentiae, determinantis in ratione speciei intelligibilis intellectum creatum ad visionem, vel tantum sui ipsius, vel unius attributi sine altero, vel unius Personæ, & non alterius. Unde ex hoc capite, ex libertate nimirum Dei, qua agit ad extra, habemus aliud fundamentum, quo omnes, & singulas propositæ conclusionis partes probemus. Scitis pariter hanc eandem conclusionem probant ex ipsorum distinctione formali ex natura rei; at nos in hoc conclusionem amplectimur, at rationem, non admittimus.

Arguunt Lex dictis a nobis in prima Dissertationis parte, ad hoc, ut videatur clare, & distincte Deus, debent videri omnia, quæ sunt formaliter in Deo; sed impossibile est, ut deus visio intuitiva, per quam clare, & distincte Deus non videatur; ergo impossibile est, ut deus visio intuitiva, per quam non videantur omnia, quæ sunt formaliter in Deo. II. Cognitio intuitiva dum tendit in objectum per speciem propriam, tendit hoc ipso in objectum ut est in se; atqui implicat, cognitionem, tendentem in objectum ut est in se, esse præ-

cisivam; ergo implicat; cognitionem intuitivam esse præcisivam. III. Si unum attributum posset sine alio videri, sequeretur, visionem, qua omnia attributa de facto videntur, esse infinitam; hoc non potest dici: ergo neque illud. Probaturs sequela. Eo enim ipso, quod visio non repræsentat necessario, & ex suo conceptu omnia attributa, consequens est, ut quæ repræsentat plura, sit perfectior, adeoque, quod sit infinita, si infinita attributa repræsentet. IV. Nullum objectum abstractum est intuitibile; sed omne objectum præcisum est abstractum; ergo nullum objectum præcisum est intuitibile. V. Omnis visio intuitiva est quidditativa; sed omnis visio quidditativa est adæquata; ergo omnis visio intuitiva debet esse etiam adæquata. VI. Si unum attributum posset sine alio videri, vel essentia sine attributis, posset etiam videri sapientia sine immanentia, vel essentia sine parieter immanentia; hoc repugnat: ergo & illud. Probaturs minor. Immanentia ea est, qua Deus est ubique; sed cognitio, quæ habetur de objecto abstracto ab ejus præsentia non est intuitiva: ergo repugnat. VII. Quamvis essentia communicetur sine personalitate, tamen communicatur sic, quia sic est communicabilis, quum incommunicabilis sit personalitas; neque tamen sine personalitate videri, quia sic non est visibilis, quum non solum ipsa, verum etiam personalitas sit visibilis. VIII. Visio fertur in objectum, ut est in se ipso, non ut est in intellectu alicujus: ergo quamvis essentia virtualiter distinguitur ab attributis, & attributum unum ab altero in intellectu alicujus, quia tamen in ipsomet Deo summam habent identitatem, hinc est, quod secundum identitatem, quam habent in se, non vero secundum distinctionem, quam habent in intellectu, videri debent: ergo videri non possunt intuitive per præcisionem. IX. Cognitio intuitiva debet esse cognitio beatifica; sed cognitio præcisiva non potest esse cognitio beatifica: ergo cognitio præcisiva nequit esse intuitiva. X. Joannis 8. 9. *Qui videt me*, verba sunt Christi Domini, *videt & Patrem meum*; quæ verba non solum procedunt de potentia ordinaria, sed etiam de absoluta, quum de absoluta adhuc vim habeat ratio, quæ ibi a Christo assignatur, dum ait: *Quia ego in Patre, & Pater in me est*. Si ergo Verbum ideo videtur in Patre, quia est in Patre; quum sit impossibile Verbum non esse in Patre, impossibile est etiam, Ver-

bum non videri in Patre. XI. Intellectus noster ob imperfectionem, & defectum, distinguit, & præscindit, dum est corpori alligatus in via: ergo quando est in patria non amplius distinguit, nec præscindit. XII. ex Augustino in lib. quæstionum novi testamenti q. 43. *Per id, quod unum in substantia sunt, qui unum vident, ambos videt*: Et ex Nazianzeno or. 49. *Qui videt me, videt & Patrem; non immerito, quia unitate substantia, & majestate divinitatis unum sunt*.

Respondemus ad I. in illo casu videri elare, & distincte aliquid Dei, non autem videri elare, & distincte Deum; quod quidem implicat de facto, ut ibi insinuabatur, non autem de possibili. Unde distinguitur major, ut videatur elare, & distincte Deus ut Deus, conceditur; Deus, hoc est aliquid Dei, negatur; sic pariter distinguitur minor; per quam non videatur clare, & distincte Deus ut Deus, negatur; aliquid Dei, conceditur; & negatur consequentia. Ad II. distinguitur major; tendit in objectum ut est in se, sive adæquare, sive inadæquare, conceditur; semper adæquare, negatur. Distinguitur etiam minor; implicat, cognitionem tendentem in objectum ut est in se adæquare esse præcisivam, conceditur; inadæquare, negatur. Tandem distinguitur consequens; implicat, cognitionem intuitivam esse præcisivam adæquatam, conceditur; inadæquatam, negatur. Objectum igitur ut est in se, vel sumitur adæquate, prout scilicet importat omnia, & quæcumque sibi identificata & conjuncta; vel inadæquate, prout solum importat sua prædicata formaliter constitutiva. Cognitio tendens in ipsum utroque modo, intuitiva est, quia utroque modo in ipsum tendit ut est in se; sed primo modo est intuitiva adæquate, secundo modo est intuitiva inadæquate.

Ad III. negatur sequela; ad probationem retorquetur argumentum: Quo perfectius est objectum, perfectior etiam est cognitio: ergo dum objectum est infinitum, visio etiam erit infinita. Directe distinguitur propositio illa; adeoque infinita, si sit infinitum modo, conceditur; si sit finito modo, negatur. Utrique infinita videntur, sed modo finito, licet semper perfectiori.

Ad IV. distinguitur major; nullum objectum abstractum a proprietatibus est intuitibile, negatur; nullum objectum abstractum a substantia est intuitibile, conceditur. Natura divina præcisa ab attributis, est abstracta a proprietatibus, non a substantia Dei;

& at-

& attributum unum præcisum ab altero, est abstractum a proprietate, non a substantia.

Ad V. Conceditur major, & negatur minor. Visio enim intuitiva eo modo est quiddiativa, quo est intuitiva; si est intuitiva, unius prædicati, erit quiddiativa unius; si intuitiva totius objecti, erit quiddiativa totius. Igitur dari potest visio intuitiva, quæ non sit quiddiativa, respectu eorum, respectu quorum non est intuitiva; non autem respectu eorum, respectu quorum, est intuitiva.

Ad VI. dicitur, præsentiam Dei necessariam ad ejus intuitivam visionem non esse solam præsentiam per immensitatem, & per generalem illapsum, cujusmodi cuilibet creaturæ est præsens; sed esse præsentiam objectivam per voluntariam, & immediatam conjunctionem ejus essentiae intellectui, per quam ita illi unitur in ratione speciei intelligibilis, ut sit proxime paratus cum eo concurrere ad sui visionem immediatam. Ad hanc autem præsentiam non requiritur, nostrum intellectum videre Deum, ubique præsentem per immensitatem, sed solum illi assistentem per modum objecti; quam præsentiam, etsi per impossibile, Deus immensus nun esset, posset tamen, nostro intellectui concedere.

Ad VII. dicitur, quod ratio illa probat, solam essentiam videri posse cum personalitate, licet cum personalitate communicari non possit, non autem probat, ita debere necessario videri. Nos enim non desumimus paritatem a præcisâ incommunicabilitate personalitatis, quum sic probari non posset ejusdem inviolabilitas, quia ipsa personalitas est visibilis; sed dicimus, quod sicut distinctio virtualis, non obstante identitate essentiae cum personalitate, facit, quod essentia communicetur, & personalitas non communicetur; ita etiam eadem faciet, quod essentia videatur, & personalitas non videatur; licet aliunde ex alio capite personalitas esset videri possit, & communicari non possit.

Ad VIII. distinguitur antecedens: Visio fertur in objectum ut est in se ipso, sive adæquate, sive inadæquate, conceditur, adæquate, negatur. Etiam objectum est in intellectu, ut est in se ipso, sed vel est inadæquate, vel est adæquate; & quanvis in se ipso sit sepe adæquate secundum rationem entitatis, non est tamen semper adæquate secundum rationem objecti. Immo si semper objectum videri deberet ut est in se ipso, deberet etiam comprehendi, quia in se ipso

P.A.R. I.

est totus, & totaliter cognoscibilis; hoc autem Adversarii non dicunt.

Ad IX. dicitur, aliquos esse, qui dicunt, in illa hypothese hanc visionem intuitivam, præcisivam fore beatificam, alios vero esse, qui sentiunt, beatificam non fore; asserentes, non implicare cognitionem intuitivam, quæ non sit beatifica. Scotus utique docet, visionem illam possibilem præcisivam intuitivam fore etiam beatificam; & licet Thomistæ ad cognitionem beatificam requirant visionem attributorum, & personalitatum, Scotus nihilominus ait, sufficere visionem divinæ essentiae, quæ est principale objectum beatus.

Ad X. responderetur, verba illa Christi Domini intelligi de visione ænigmatica per fidem. De fide enim Patris, ut ait Cacheranus, petebat Philippus instrui verbis illis: *Ostende nobis Patrem*. Alioquin incongrue Christus respondisset: *Quomodo tu dicis, ostende nobis Patrem? Non credis, quia ego in Patre, & Pater in me est*. Et sic deinde intelligenda sunt verba, quæ sequuntur: *Philippe, qui videt me, videt & Patrem meum*. Si enim in superioribus loquebatur de fide; unde dicebat, *non credis*; sic in sequentibus non loquebatur de visione.

Ad XI. non possunt argumentum illud opponere Thomistæ, qui distinctionem suam virtualem non fundant in intellectus imperfectione. Attamen quicunque sint, qui illud opponant, dicimus, quod in illa hypothese relinquatur intellectus in suis naturalibus viribus pro illis, quæ non videt; & sicut nos diximus, quod intellectus illa, quæ non videt intuitive, videt in illo casu abstractivè; ita pariter dicimus, quod videndo intuitive non distinguit, videndo abstractivè distinguit. Cæterum non semper distinctio provenit ex imperfectione intellectus, aliquando provenit etiam ex secunditate ejusdem.

Ad XII. Augustinus, & Nazianzenus, etsi loqui videantur de visione faciali, non loquuntur tamen de visione faciali inadæquate, sed adæquate. Verum quod attinet ad Augustinum, liber ille adductus, quæstionum veteris, & novi testamenti, non est genuinus Augustini scriptus, sed omnino adulterinus; immo nec etiam est hominis catholici, sed alicujus prorsus hæretici. Multa enim continet indigna, impia, ridicula, & præcipue quæstione secunda ait, mundum factum esse propter Diaboli præsumptionem; quæst. 13. parvulos filios, qui una cum parentibus perierunt in subversione Sodomæ, liberos esse a gehenna,

Q9

henna, & per hoc peccatum originis negant; quæst. 31. mundum non esse creatum ad imaginem Dei; & alia multa, quæ videri possunt apud Bellarminum de Scri-

ptoribus Ecclesiasticis sec. 4. in Augustino; Oudinum, eodem loco, Cave, aliosque de Ecclesiasticis Scriptoribus, secundum verioris, & exactioris criticæ leges, agentes.

DISSERTATIO LXVII.

De Secundario intuitivæ Dei visionis Objecto.



Creaturæ, quæ constituunt secundarium intuitivæ Dei visionis objectum, vel accipiuntur secundum esse eminentiale, quod in Deo habent, & a Deo non distinguuntur; vel sumuntur secundum esse formale, quod habent in se ipsis, & sic a Deo distinguuntur. De utraque acceptione loquutus est S. Anselmus in Monologio c. 33. *In se ipsis, de creaturis loquitur, sunt essentia mutabilis, secundum mutabilem rationem creatam; in ipsa vero sunt ipsa prima essentia.* Creaturæ secundum esse formale possunt quoque cognosci, vel in proprio genere, vel in Verbo. In proprio genere cognoscuntur secundum proprium esse formale, & per species proprias. In Verbo cognoscuntur, quando cognoscuntur in Deo; nomine enim Verbi in hoc venit Deus, & dicuntur cognosci in Verbo per appropriationem, quatenus ea, quæ ad cognitionem spectant, quanvis toti Trinitati communia sint, Verbo tamen, procedenti per cognitionem, appropriantur. Ulterius in Verbo dupliciter cognosci possunt, aut causaliter, aut formaliter; primo modo videntur in Verbo tanquam in causâ; nunc nimirum, quando propter visionem Deus quasdam species infundit, quibus res creatæ cernuntur; unde talis cognitio a visione ipsa sit distincta: Secundo modo est, quando videntur per ipsammet Dei visionem; unde dicuntur cognosci ex vi visionis formaliter, ad differentiam alterius cognitionis, per quam cognoscuntur actibus distinctis a visione. Cognitio causalis vocatur vespertina, cognitio formalis dicitur matutina; eo quia hæc sit clarior, illa vero obscurior. Unde Augustinus lib. 11. de civitate Dei c. 7. *Cognitio creatura in se ipsa decoloratur est, ut ita dicam, quam cum in Dei sapientia cognoscitur, velut in aere, qua facta est; unde vespertina congruentius, quam nox dici potest.*

Beatos cognoscere aliquas creaturas in Verbo, est sententia S. Thomæ 1. p. q. 12. ar. 8. & 9. Scoti etiam q. 3. prologi, & S. Bonaventuræ in 3. diff. 14. ar. 2. q. 1., quam sententiam sequuntur omnes Thomistæ, Scotistæ, & Neuterici, contra Nominales, qui asserunt, non posse creaturas in Verbo, nisi causaliter, cognosci.

I. Probatur communis hæc sententia. Omnes enim dicunt, creaturas esse objectum secundarium divinæ visionis; sed non essent objectum secundarium, si creaturæ aliquæ formaliter in Verbo non viderentur; ergo dicendum est, quod creaturæ aliquæ formaliter in Verbo videantur. Probatur minor. Dum enim formaliter in Verbo non viderentur, per alium actum, attingerentur, ac per divinam visionem; quatenus viderentur in Verbo causaliter; ergo non essent objectum divinæ visionis secundarium. Probatur consequentia. Essent objectum primum cognitionis illius distinctæ a visione; ergo non essent objectum secundarium divinæ visionis.

II. Probatur. Deus videt creaturas omnes formaliter in se ipso: ergo non est dissonum, quod aliquæ creaturæ formaliter etiam in Deo videantur a Beatis. Probatur consequentia. Non est repugnantia ex parte creaturarum, quod ita videri possint; nec ex parte Beatorum, quod sic eas videant; ergo si a Deo videntur in se ipso, etiam a Beatis aliquæ videntur in Deo. Probatur antecedens pro utraque parte. Si esset implicantia ex parte creaturarum, neque etiam a Deo possent in se ipso videri; sed a Deo videntur in se ipso; ergo non est implicantia ex parte creaturarum. Etiam, si esset repugnantia ex parte Beatorum, ideo esset, quia viderent in Deo omnes creaturas; sed omnes non vident, ac tantummodo aliquæ; ergo non est repugnantia ex parte Beatorum. Unde S. Bernardus lib. 5. de consideratione c. 1. utramque cognitionem viz, & pa-

& patriæ, sic distinguit, quod in via Viatores Deum intelligent per creaturas; in patriâ vero Beati Deum videant per se ipsum, & in Deo videant creaturas.

- III. Probatur. Intellectui creato non repugnat cognoscere in causâ aliquem effectum; neque ex tali cognitione debet infinitum crescere perfectio actus attingentis causam, quatenus non attingeret in causâ suos omnes effectus: Tanto magis quod cognoscere causaliter creaturas in Verbo non est proprie cognoscere illas in Verbo, sed est cognoscere illas cum Verbo; ut bene advertit Henricus, quem affert Cachernus. Quod autem ex non repugnantia inferatur actualitas, inde est, quia quum ex una parte in Beatis non sint multiplicandi actus sine necessitate; & ex altera, visio sit perfectissima; videtur, quod ipsi non sit deneganda perfectio attingendi per se ipsam formaliter creaturas aliquas, si talis perfectionis ipsi sit capax, absque eo, quod tot actus multiplicentur, & visio perfectione aliqua sibi conveniente careat.

Quod autem Beati etiam causaliter videant in Verbo creaturas, actibus nimirum a visione distinctis, ad statum nihilominus beatificum consequentibus, qui a Beatis etiam dependenter a speciebus quibusdam, illustrationibus, & revelationibus divinis, a Deo præstatis, vel per specierum infusionem intellectualium, vel per earundem excitationem, vel per divinam essentiam immediate objectorum species proprias supplementem, elicendi sunt; est sententia Nominalium omnium, aliquorum etiam Thomistarum, Scotistarum, & Neutericozum, licet non omnium. Hoc quidem a quibusdam dicitur, videre creaturas in Verbo causaliter, hoc est ex vi visionis causaliter; ab aliis vero dicitur, videre, seu cognoscere creaturas extra Verbum; quum per hoc tantum in Verbo cognoscantur, quæ formaliter in eodem videntur; ab aliis dicitur cognoscere creaturas cum Verbo, ut iniquimus etiam nuper cum Cachernano. Sed quicquid sit de hac explanationis varietate, seu potius de hoc modo loquendi diversis; sentimus nos, Beatos nec omnes creaturas formaliter in Verbo videre, ut modo probavimus, nec omnes in Verbo cognoscere causaliter, ut paulo ante probavimus; hæcque est media via inter sententias alias, quæ extreme sunt.

- I. Probatur, Beatos non omnes creaturas formaliter in Verbo videre. Multa sunt, quæ

Beati progressu temporis vident; sed hæc videri non possunt per visionem, quæ Deus videtur; ergo non videntur in Verbo formaliter. Probatur minor. Visio, quæ Deus videtur, est omnino indivisibilis, & invariabilis; sed talis non esset, si per eam viderentur, quæ Beati progressu temporis vident; ergo quæ Beati progressu temporis vident, videri non possunt per visionem, quæ Deus videtur.

- II. Multa sunt Redemptoris mysteria, quæ successu temporis Angelis innoverunt; ergo ea non videntur formaliter in Verbo. Probatur antecedens. Matthæi 24. 36. dicitur: *De die autem illa, & hora, nemo scit, neque Angeli celorum*; ergo iudicii dies, quando erit, Angelis non innotebit; & quemadmodum hoc non innouit, ita & potuerunt alia non innotebere a principio, quæ postea tractu temporis innoverunt; ergo multa sunt Redemptoris mysteria, quæ successu temporis Angelis innoverunt.

- III. Angeli vident seipsos in se: ergo non omnia vident formaliter in Verbo. Probatur antecedens. Angeli sunt sibi intime præsentēs: ergo non possunt non videre seipsos in se. Et quemadmodum vident seipsos in se, ita etiam naturarum ideas, & essentias, in seipsis vident. Et ratio est, quia, ut ait Du Hamel, videre res in Verbo spectat ad beatitudinem; videre autem res in seipsis est dos naturæ spiritalis. Ac proinde, ut idem concludit, omnia illa, quæ spectant ad statum beatificum, seu ad statum intrinsecum Beatorum, videntur in Verbo formaliter, & visa fuerunt jam ab initio felicitatis suæ, & quasi per eandem speciem, & uno obtutus. Ea vero, quæ pertinent ad ornatum potius, quam ad statum ipsius beatitudinis, nec simul, nec formaliter, in Verbo videntur, sed visio Dei est causa, cur illa conspiciantur.

Arguunt I. contra primam Conclusionis partem. Nequeunt obiectum supernaturale, & obiectum naturale, eodem actu attingi; sed Deus est obiectum supernaturale, creaturæ obiectum naturale: ergo nequeunt eodem intuitiva Dei visionis actu cognosci. II. Nequit una, & eadem cognitio esse simul intuitiva, & abstractiva; sed cognitio, quæ videretur Deus, esset intuitiva, illa vero, quæ cognosceretur creaturæ, præteritæ, possibiles, esset abstractiva: ergo nequit utrumque obiectum eadem cognitione videri. III. Quum Verbum cuncta repræsentet, non est specialis ratio, cur aliqua in ipso videantur, & non omnia. Unde

Gregorius hom. 40. & Bernardus ser. de triplici genere bonorum, docent; nihil esse, quod lateat Beatos, quidque videre, quum possint. Hæc sunt Gregorii verba: *Qui Creatoris sui claritatem vident, nihil in creatura agitur, quod videre non possunt.* Bernardi autem sunt hæc alia: *Qua est ista copia, ubi nihil, quod notis, sit, totum sit, quod velis: Quod si nihil deest nobis, aliquid autem nos latuerit, nunquid ergo gloria consummata? Ideo nihil latebit nos, & erit sapientia, qua curiositas hominis satietur.* O Sapientia, qua tunc omnia, qua in celo, & in terra sunt, perfectissime cognoscemus, in ipso fonte sapientia rerum omnium cognitionem bibentes. IV. contra secundam Conclusionis partem. Divina visio variatur ex variatione objecti primarii ipsius, non autem ex variatione objecti secundarii; sed creaturæ sunt secundarium divinæ visionis objectum: ergo ex cognitione nova ipsarum non variatur divina visio; ac per consequens esse potest, quod ipsæ successu temporis cognoscantur, & tamen videantur in Verbo formaliter.

Respondemus ad I. distinguendo majorem. Nequeunt objectum supernaturale, & objectum naturale, eodem actu attingi; si loquamur de objecto motivo, concedimus; si loquamur de objecto terminativo, negamus. Vel alio modo distinguimus; si objectum naturale naturali modo attingitur, concedimus; si supernaturali modo cognoscitur, negamus. Igitur creaturæ, quanvis sint objectum naturale, tamen supernaturali modo cognoscuntur, quando videntur in Verbo formaliter. Etiam non sunt objectum motivum illius visionis, sed terminativum tantum; unde si per hoc evaderet visio simul naturalis, & supernaturalis, terminative dumtaxat esset, in se vero absolute est supernaturalis, quia utrumque objectum modo, & medio, supernaturali attingit.

Ad II. distinguimus majorem: Nequit una, & eadem cognitio esse simul intuitiva, & abstractiva, respectu diversorum objectorum, negamus; respectu ejusdem objecti, subdistinguiamus; si per idem medium cognoscitur, concedimus; si per diversum medium, negamus. Ulterius, retorqueri potest utrumque argumentum, dicendo nimirum, ex illis sequi, neque Deum posse unico actu seipsum, & creaturas, cognoscere; quia etiam in cognitione Dei objectum supernaturale est Deus ipse, & objectum naturale sunt creaturæ.

Ad III. dicitur, non omnes creaturas videre

Beatos formaliter in Verbo; & hoc provenire tum ex parte luminis, quod finitum, & limitatum est, tum ex parte libertatis objecti divini; quod, quum non sit necessarium, sed liberum, & libere moveat, ideo facit, ut hæ creaturæ, & non aliæ, pro suo libito, in ipso videantur. Auctoritates Gregorii, & Bernardi, modo debito intelligendæ sunt; aliter ex ipsi sequeretur, Beatos Deum comprehendere, quod nec ipsi intenderunt dicere, nec dici a quocunque potest. Igitur explicantur per hoc, quod Beati videant in Deo omnia, quæ pertinent ad eorum statum, ac perfectam beatitudinem; & videant etiam res singulas, sed pro mensura luminis gloriæ, quod ipsis datur; modo jam dicto.

Ad IV. dicitur, ex varietate objecti secundarii cognitionem variari semper entitative, & intrinsicè, quanvis specificative non varietur. Solum enim ab objecto primario specificative dependet; adeoque hoc invariato, nec etiam ipsa specificative mutatur. Entitative vero, & intrinsicè, tum a primario, tum a secundario, dependet; & per consequens uno ex his variato, ipsa quoque, entitative saltem, & intrinsicè, ut varietur, necesse est.

Remanet modo, ut agamus de creaturis, quæ de facto in Verbo, aut formaliter, aut causaliter, cognoscuntur; decernendo nimirum, quales, & quænam sint, quæ videntur formaliter, & quæ causaliter. Et imprimis certum est contra Durandum; de facto Beatos creaturas omnes clare, & distincte non videre, ex vi visionis, aut formaliter, aut causaliter; bene vero confuse, & in communi; ut communis Theologorum fere omnium fert sententia. Etenim si hoc vix de possibili probari potest; quia igitur ratione poterit de facto asseri? Et hoc vel eo magis, quod ex Auctore libri de ecclesiastica Hierarchia, sub nomine S. Dionysii Areopagite, c. 7. Angelis inferiorea a superioribus illuminantur; quod pluribus in locis repetit S. Thomas. Non est autem opus hujusmodi illuminatione, si creaturæ omnes distincte cognoscerentur. Et si Sancti Patres quidam, quos adducit Cardinalis de Laurea in 4. t. 4. disp. 19. ar. 9. afferunt, Beatos omnes omnia videre, quæ Deus potest extra se facere; nihilominus hoc, vel intelligitur æquivalenter, quum videant Deum, qui creaturis omnibus æquivaler; ut explicat S. Bonaventura; vel accipitur, ut videant illa omnia non distincte, & clare, sed confuse, & in communi; ut nos etiam dicebamus.

Pri-

Primo igitur dicimus, Beatos de facto formaliter in Verbo videre ex mysteriis gratiæ ea omnia, quæ hic in via crediderunt; Gratiam scilicet, habitus infusus, unionem hypostaticam, Sacramenta, Maternitatem Virginis, & alia objecta creata fidei, excepto Iudicii die. I. Scripturæ hoc manifestant. Psal. 47. 9. *Sicut audivimus, sic vidimus in civitate Domini virtutum, in civitate Dei nostri*. 1. ad Corinth. 13. 12. *Videmus nunc per speculum in enigmate; tunc autem facie ad faciem*. II. Patres confirmant. Augustinus lib. 14. de Trinitate c. 2. *Neque enim, fides jam erit, qua credantur, qua non videntur, sed spes, qua videntur, qua credebantur*. Paulinus Nolanus episcopus. 12. ad Severum, Prosper Aquitanus de viâ contemplativa lib. 1. c. 4. III. Rationes evincunt; quia, quum in patria satiari debeat omnis rationalis appetitus Beatorum, juxta illud Davidis in psal. 16. 15. *tunc satiabor, cum apparuerit gloria tua*; si Beati non viderent ibi, quæ hic crediderunt, ipsorum appetitus non satiaretur. Intelligimus autem quæ hic crediderunt, vel actû, ut fuerunt adulti, vel habitu, ut fuerunt infantes. Item quum crediderunt implicite, & quæ explicitè; aliter non omnes Beati veteris testamenti viderent Trinitatem, quia illam tunc temporis implicite credebant. Tandem præcipua mysteria intelligimus, nam de minus præcipuis, de cæteris nimirum, & omnibus objectis creatis fidei, figuris scilicet, Prophetiis, Symbolis, Scripturæ sensibus mysticis, Ecclesiæ, & Conciliorum, definitionibus, non est certum, an omnia a Beatis videantur; quum aliqui affirmant, aliqui negent. *De dit autem illis, ut dictum est, & dicitur Matth. 24. 36. & hæc, nemo scit, neque Angeli colorum, nisi solus Pater*; quod & similiter habetur Marci 13. 32.

Secundo dicimus, Beatos de facto formaliter in Verbo videre ex rebus naturalibus species omnium rerum constituentium hoc universum, non autem omnium specierum individua omnia, licet videant aliqua magis insignia: Item videre res aliquas mere possibiles, præsertim illas, quæ in naturalis virtute agentium naturalium continentur. I. Patres testantur. Augustinus lib. de triplici habitaculo c. ult., de quo quidem libro Bellarminus non asserit esse fictitium, & adulterinum: *Tunc abdita creaturarum, & ipsius inferni, videntur Deum, videbimus*. Bernardus de triplici genere bonorum: *O Sapientia, quæ tunc omnia, quæ in celo, & quæ in terra sunt, perfectissime co-*

gnoscemus, in ipso fonte sapientiæ æternæ omnium cognitionem bibentes. II. Rationes corroborant; quia non poterit Deus videri ut Creator, nisi in Deo videatur ratio Creatoris; ratio Creatoris nequit videri, nisi videantur res creatæ, saltem quoad genera, & species. Non enim videbitur ut Creator quomodocumque, sed ut Creator mundi; necesse est igitur, ut distinguantur species, & genera, quæ hunc mundum constituunt. Videbuntur etiam aliqua eximia individua, ad quæ extendi potest appetitus Beatorum; non autem illa ita vilia, ad quæ non extenditur. Unde fit, quod non omnia cognoscant; immo ad hoc, ut deur inæqualitas aliqua etiam quoad extensionem inter Beatos, dicendum est etiam, quod quum omnes Beati videant æqualiter species, & genera creaturarum, differunt postea in individuorum visione. Item ex hac inæqualitate fit, quod aliqua mere possibilia videantur; quum enim Beatus magis penetret virtutes causarum, quam aliter, & hæc major penetratio causæ ex genere suo importet cognitionem plurium effectuum, etiam mere possibilibus, quum ad hos etiam causa dicat habitudinem; inde est, quod ex majori penetratione plura, vel pauciora possibilia, opus est, ut in causis etiam creatis a Beatis videantur.

Tertio dicimus, Beatos etiam de facto formaliter videre in Verbo ex futuris contingentibus; & severis eorum, ea, quæ ad proprium ipsorum statum pertinent; & ea, quæ ad proprium ipsorum statum pertinent, non beatitudinis initio, sed successu temporis, ex vi visionis casualiter videre. I. Concilia decernunt. Concilium Senonense in decreto fidei definiuit: *Beatis peritum esse omnis forme Divinitatis speculum, in quo quicquid de ea interfuit, illucescat*. II. Rationes comprobant: Beati vident quicquid rationabiliter videre desiderant; sed rationabiliter desiderant videre ea omnia, quæ ad proprium statum spectant, nimirum ad propriarum actionum exercitium, ad propriæ personæ dignitatem, ad propriæ conditionis officium: ergo hæc ipsa vident. Illa vero, quæ non beatitudinis initio, sed temporis decursu ad proprium statum pertinebant, visione casualiter in Verbo videbunt, quia videbunt cognitione a visione distincta. Non enim est necesse, ut quilibet Sanctus suæ beatitudinis initio videat omnes preces sibi fundendas, omnes honores sibi præstandos, omnes devotos sibi adscribendos; aliter viderent etiam illos,

los, qui tempore Antichristi erunt, ipsorumque preces, & honores, sicque iudicii diem scirent; quod est contra superius dicta. Hic esset locus, in quo esset agendum de invocatione Sanctorum; sed ad sequentem Dissertationem agere transmittimus. Interim quæ superius de secundario divinæ visionis objecto absolvamus.

Quæri I. potest hic, quam sit causa efficiens proxima, cur Beatus in Verbo formaliter has creaturas videat, & non illas?

Molina cum aliis putat, esse lumen gloriæ intensius, Suarez cum Amico, aliisque, tener, esse lumen gloriæ heterogeneum. Scotus defendit, esse divinam essentiam unientem se intellectui, ut harum potius, quam illarum, creaturarum representativam. Quod non proveniat ex lumine intensiori probatur hoc modo: Lumen intensius quantum est de se ad intensiorem visionem solummodo conducit; sed visio Dei ex eo præcise, quod sit intensior, non attingit per se loquendo plures creaturas: ergo ex eo præcise, quod lumen sit intensius non habetur per se loquendo visio plurium creaturarum. Quod vero non proveniat ex lumine heterogeneo, patet etiam; quavis enim de possibili hoc lumen heterogeneum non repugnet, non tamen debet de facto admitti sine necessitate; sicut enim sine necessitate non sunt multiplicandæ entitates, ita etiam sine necessitate nec sunt entitates diversificandæ. Supposito modo, quod nec etiam provenire possit ab intellectu creato, quia hic habet eandem, immo maiorem indifferentiam, & homogeneitatem, quam lumen in ordine ad cognoscendam quamlibet creaturam; tum etiam quia, ut infra dicitur, ipse intellectus nihil confert ad visionis inæqualitatem, restat, ut vera sit sententia Scoti, causam illam in divinam essentiam refundens. Non enim respectu visionis datur alia causa efficiens proxima, præter lumen elevans, intellectum elevatum, & divinam essentiam. Ac si in contrarium dicatur, divinam essentiam posse considerari, ut exercentem munus speciei, & medii quo, & ut exercentem munus objecti cogniti, & medii in quo. Primo modo bene explicatur, cur Beatus directe, & immediate cognoscat has potius, quam illas creaturas, sed non cur eas formaliter in Verbo cognoscat. Quando enim divina essentia se habet ut medium quo, cognoscitur res Verbo, sed non in Verbo. Secundo modo nequit divina essentia in-

cognitionem plurium creaturarum conducere, nisi sit magis in se cognita; non potest autem esse magis in se cognita, nisi ratione luminis: Semper ergo recurrendum est ad lumen. Si hoc quidem dicatur, illi eo urgebimus, dicendo, divinam essentiam posse cognosci magis in se, vel intensive, vel extensive. Intensive, si unum prædicatum magis, & magis penetretur; & hoc provenit a lumine intensiori: Extensive, si cognoscantur majores, & majores respectus, quos idem prædicatum dicit; & hoc non provenit a majore luminis intensione, quum possit divina essentia, sub eodem lumine, etiam in ratione causæ, se præbere magis, vel minus extensive cognoscendam. Major cognitio creaturarum, seu cognitio plurium creaturarum, in divina essentia, ut in causa, non infert, nisi maiorem ipsius cognitionem extensivam; & quum hæc non inferat maiorem luminis intensiorem, sequitur, quod nec etiam ab illa inferatur.

Quæri II. potest, an possit divina essentia videri, nullatenus creaturis attactis?

Respondemus affirmative, afferentes, de potentia Dei absolutâ videri posse essentiam divinam nullatenus attactis creaturis, nec distincte, & in particulari, nec confuse, & in communi. De prima responsionis parte conveniunt fere omnes, & probatur sic: Potest, ex dictis, divina essentia videri, absque eo, quod aliqua creatura in particulari, & distincte attingatur: ergo potest etiam videri, absque eo, quod omnes in particulari, & distincte attingantur. Probatur consequentia. Divina essentia non dicit maiorem connexionem cum una creatura, quam cum alia; nec est ulla ratio, quæ probet, cur debeat necessario una creatura videri potius, quam altera; ergo si videri potest divina essentia, aliqua creatura in particulari non cognita, poterit etiam videri nullis creaturis in particulari cognitis. De secunda responsionis parte diffidius est inter illos, qui visionem præcisivam ponunt, & illos, qui negant. Nos, quia cum Scotistis illam de possibili contra Thomistas affirmavimus, sic etiam cum Scotistis sentimus in hac, quæ ab illa dependet. Et probatur hoc pacto. Potest divina essentia videri, solum attingendo prædicata formalissime ipsius constitutivæ; sed inter hæc prædicata nullus respectus ad creaturas habetur: ergo potest etiam videri divina essentia non attactis creaturis, nec etiam confuse, & in communi. Sequi-

quieur consequentia; quia Adversarii in tantum volunt, divinam essentiam videri non posse, creaturis non tactis, saltem, confuse, & in communi, in quantum dicunt, videri non posse divinam essentiam, non visis omnipotentia, & omniscentia, & aliis prædicatis respicientibus creaturas. Major autem ex dictis de visionis præcisi-va patet; & minor ex dictis etiam de constitutivo formali divinæ essentiae constat.

Quæri III. potest, an possit divina essentia videri attingendo simul distincte, & in particulari, omnes omnino creaturas?

Theologi, qui negativam sustinent partem, multas coegerunt implicantias, quarum ratioe merito sibi videtur id cogere. Thomistæ primo dicunt, implicare omnium possibilem cognitionem in Verbo, quia talis cognitio esset comprehensiva Dei. Secundo Lugus, & Monceus, ajunt, repugnare, quia talis cognitio directè ad seipsam terminaret; nulla autem cognitio potest directè ad seipsam terminare. Tercio Amicus inquit, implicare, quia talis cognitio esset actu infinita; nulla autem creatura cognitio actu infinita potest esse. Quarto Arrubal putat repugnare, quia cognitio illa esset de objecto indeterminato; nulla tamen cognitio de objecto indeterminato esse potest. Hæc autem repugnantia, quas Theologi isti afferunt, nihil faciunt, quo minus magnus, & multos etiam patronos habeat sententia affirmans. Defeoditur enim a Scoto, & a Scotistis omnibus, ab Arriaga, Oviedo, aliisque recentioribus Numericis. Magister Sententiarum, Albertus magnus, aliquæ antiquiores Theologi, qui docuerunt, animam Christi de facto creare omnia scire, quæ Deus scit, eandem tenere sententiam, videtur. Duraodus, Bassioius, Goffredus, volentes, Deum, vel de potentia ordinaria, vel de absoluta, videri non posse, quin omnia possiblea cognoscatur, a fortiori eandem docere, creduntur.

Nos affirmativæ parti accedimus, & ut eam probemus, congruum ducimus, examinare prius Adversariorum fundamenta. Examinamus ergo primum, quod est Thomistarum, quo intendunt, ex cognitione omnium possibilem in Verbo sequi comprehensionem Dei; quatenus omnia possiblea nequeunt clare, & distincte cognosci, hoc est, secundum omnes rationes, respectus, circumstantias, & modos, secundum quos sunt producibilia, nisi cognoscatur causa

ipsorum, quantum in ratione causæ, seu in ratione productivæ, est cognoscibilis. Sic autem causam cognosci est comprehendendi; comprehenderetur igitur Deus ut causa possibilem, hoc est comprehenderetur omnipotentia, si omnia possiblea clare, & distincte in Deo cognoscereotur. Comprehensa omnipotentia, poterit etiam Deus quoad cætera prædicata comprehendendi, quatenus omnia realiter sunt unum, & idem; tanto magis, quod Deus non minus in omnibus, quam in quovis suo prædicato, est incomprehensibilis. Confirmant hoc paritate causæ productivæ omnium possibilem; sicut enim virtus activa non habet activitatem excedentem producibilitatem omnium suorum effectuum, ita nec habet cognoscibilitatem excedentem cognoscibilitatem omnium suorum effectuum: ergo quemadmodum qui activitatem haberet correspondentem producibilitati omnium producibilium, haberet hoc ipso activitatem eadem causæ productivæ omnium possibilem; ita qui sua cognitione, adæquaret cognoscibilitatem omnium possibilem, adæquaret hoc ipso cognoscibilitatem causæ productivæ eorumdem, sique illam comprehenderet.

I. Probari insusistentia hujus fundamenti. Incomprehensibilitas alicujus objecti, quum sit maxima ejusdem objecti perfectio, ex eo potissimum peri debet, quod in objecto ipso est primum, & perfectissimum: ergo male desumitur incomprehensibilitas Dei ex creaturis possibleibus, quæ sunt quid secundarium in Deo, & minus perfectum. **II.** Adhuc si ex his peri deberet, non sequeretur, cognitio omnibus possibleibus comprehendendi Deum, quia stat, Deum non comprehendendi per hoc, quod omnes creaturæ possiblees, vel visionibus distinctis in Deo cognoscantur, vel cognoscantur in se ipsis, seu in proprio genere, & extra Verbum, etiam clare, & distincte: ergo statibit etiam, Deum non comprehendendi per hoc, quod in ipso eodem visionis actu omnes creaturæ possiblees formaliter cognoscantur. Prima pars antecessoris patet, quia Deus est impossibile, ut comprehendatur, possibile est autem, ut omnia possiblea visionibus distinctis cognoscantur. Consequentia, quæ ex hac parte tosetur, probatur etiam; quia in tantum ex cognitione possibilem per visiones distinctas non sequitur comprehensio Dei, in quantum possibleibus adhuc omnibus cognitio, semper tamen restat aliquid Dei, quod non cognoscitur; sed non

non minus possibilia cognoscuntur omnia, si per visiones distinctas cognoscantur, quam si per eandem: ergo si in uno casu remanet aliquid Dei, quod non cognoscitur, remanet etiam in secundo. Probatur modo secunda pars antecedentis; quia non est necessarium, Deum cognosci, quando cognoscitur extra Deum alia ab ipso; tum etiam, quia cognoscibilitas omnium possibilem in se ipsis minor est cognoscibilitate Dei. Consequentia, quæ ex hac parte deducitur, probatur etiam; si enim sequitur comprehensio ex cognitione omnium creaturarum in divina essentia, quia perfecte terminus adæquatus attingitur virtutis activæ, & omnipotentis Dei, quum hic etiam attingatur cognoscendo omnes creaturas in ipsis, ex hac etiam cognitione sequetur comprehensio Dei; sed ex hac non sequitur; ergo neque ex illa. III. Argumentum Adversariorum, totumque ipsorum fundamentum, locum vere habet in causa univoca, quæ vere suis omnibus effectibus adæquatur, non autem in æquivoca, quæ suos omnes effectus excedit. Igitur, quum omnipotentia sit causa æquivoca respectu possibilem omnium, non univoca, quanvis cognosceretur secundum id, secundum quod effectibus possibilem adæquatur, quia tamen non cognosceretur secundum id, secundum quod omnes effectus possibiles excedit; inde sequitur, ex cognitione omnium suorum effectuum ipsam non comprehendi.

Obstant nihilominus Thomistæ I. Quanvis quando effectus cognoscuntur in ipsis, licet omnes cognoscantur, non comprehendatur causa eminentialis ipsorum, quando tamen cognoscuntur in ipsa causa eminentiali, quia nihil de ipsius eminentia remanet cognoscibile, quod alias remanet in primo casu, opus est, ut ipsa causa comprehendatur. **II.** Quanvis distinctæ, & diversæ visiones omnium possibilem non repugnent, repugnat tamen, huiusmodi visiones omnes simul haberi; ergo ex illa possibilitate non colligitur possibilitas visionis, de qua loquimur. **III.** Quando possibilia cognoscuntur in ipsis, materialiter tantum cognoscitur terminus adæquatus omnipotentis Dei; inde non mirum, si ipsa non comprehenditur: Secus vero quando cognoscuntur in causa, quia tunc formaliter cognoscitur terminus adæquatus omnipotentis, adeoque necesse est, ut omnipotentia comprehendatur.

Respondemus ad I. distinguendo propositionem illam; quæ loquitur omnes effectus causæ

eminentialis cognoscuntur in ipsa causa, nihil de ipsius eminentia remanet cognoscibile, extensive, conceditur; intensive, negatur. Effectus enim omnes adæquant extensionem causæ æquivocæ, non intentionem. Si dicant: ergo saltem omnipotentia extensive comprehenditur; Terminis abutuntur, si hoc dicant; implicat enim, esse comprehensionem, & non esse utroque modo, extensive scilicet, & intensive. **Ad II.** Hoc ipso quod unum non implicat, neque alterum repugnat; non enim possibilia habent essentialium successionem in cognosci, aliter neque ab intellectu divino possent cognosci simul. Si implicantiam petant ex infinitate actuum, vel ex infinitate omnes actus, nulla est per nos huiusmodi implicancia, quia in Philosophicis possibilitatem infiniti cathecorematice, si-ve in extensione, si-ve in intentione, admittimus.

Ad III. Quanvis cognoscatur terminus materialiter, non formaliter: ergo saltem ex hoc fiet, quod omnipotentia reddatur comprehensibilis, licet non sit comprehensa. Non minus autem repugnat, omnipotentiam posse comprehendi, seu esse comprehensibilem, quam comprehendi, seu esse comprehensam. Si enim per Adversarios termino adæquatur virtus, cognito termino formaliter, hoc ipso virtus comprehenditur; cognito autem termino materialiter, silem remanet virtus proxime comprehensibilis.

Secundum fundamentum ex eo Adversarii deducunt, quod repugnet, cognitionem terminari ad se ipsam. Etenim inter illa omnia possibilia continetur etiam visio illa omnia possibilia attingens; adeoque visio esset objectum ejusdem visionis. Hoc repugnat, quum objectum debeat præcedere cognitionem; est enim aliquo modo causa cognitionis. Sicut ergo implicat, visionem esse causam sui ipsius, & esse se ipsa priorem; ita etiam implicat, cognitionem esse sui ipsius objectum, quum sic esset sui ipsius causa, & se ipsa prior.

Inanitas quoque huius fundamenti ostenditur I. Licet prioritas objecti respectu cognitionis verificetur de objecto motivo, non verificatur tamen de objecto terminativo. Objectum enim terminativum quum non concurret ad visionem, nec per ipsum, nec per speciem a se causatam, non videtur, quomodo possit causa visionis dici. Visio ergo omnium possibilem terminaretur etiam ad seipsam, tanquam ad objectum pure terminativum, non vero motivum;

vum; quia sic solummodo est divina essentia, in qua possibilia ipsa cognoscuntur.

II. Non repugnat cognitio, quæ ad seipsam terminatur confuse, & implicite, eujusmodi esset hæc: Omnis cognitio est vitalis, quum intra To omnis ipsa etiam contineatur; adeoque est necesse, ut ipsa etiam, confuse saltem, & implicite, cognoscatur: ergo nec repugnat cognitio, quæ terminatur ad seipsam elare, & distincte; Causari autem ab objecto, esse posterius ipso, esse ipsius imaginem, ad ipsum referri, & similia, non minus de cognitione confusa, quam de clara, verificari debent. Si igitur, his non obstantibus, poterit cognitio confusa ad se ipsam terminari, poterit etiam elare. III. Quia sequeretur, nullam creaturam rationalem posse comprehendere se ipsam, immo nec aliam a se ipsa; quum enim cognitio, quæ creaturæ potest seipsam comprehendere, debeat attingere omnes actus hujusmodi creaturæ, debeat etiam ipsam comprehensionem attingere. Etiam, quum Angelus inferior possit cognoscere, saltem imperfecte, actus Angeli superioris, Angelus superior, comprehendendo Angelum inferiorem, debeat etiam actus suos attingere, qui ab actibus Angeli inferioris attinguntur; sicque attingere suam etiam comprehensionem. Lugus concedit, nullam creaturam naturaliter, vel se ipsam, vel aliam ab ipsa, posse comprehendere; sed argumentum, ut patens est, procedit etiam supernaturaliter: Stante nimirum Adversariorum doctrina sequitur, nec supernaturaliter, neque naturaliter, creaturam posse seipsam comprehendere, vel aliam a seipsa; ut ex terminis est evidens.

Obijciunt I. Objectum terminativum, si non debet esse prius cognitione, saltem non debet esse posterius, & debet etiam esse a cognitione distinctum, quum ad ipsum debeat terminari cognitio; nequit autem cognitio terminari ad aliquid posterius, vel ad se ipsam. In casu objectum terminativum, vel esset indistinctum a cognitione, quia esset ipsamet cognitio, ut patet, vel esset posterius ad cognitionem, quia cognitio illa haberet etiam pro objecto terminativo omnes cognitiones possibiles reflexas, & reflexibiles supra se, quæ omnes sunt posteriores se ipsa. II. Objectum terminativum potest etiam dici causa cognitionis, & præcipue in casu sic dici potest; per hoc, quod Deus concurrens ad causandam ipsius cognitionem, ipsam contineat. III. Hujusmodi cognitio, vel

esset directa, vel reflexa? Non directa, quia per ipsam Beatus propriam cognitionem attingeret, quod cognitionis reflexæ convenit: Non reflexa, quia reflexa supponit directam, adeoque supponeret seipsam, si esset reflexa supra seipsam. Quum ergo nec directa, nec reflexa esse possit, sequitur, quod nullatenus possit esse.

Respondemus ad I. cognitionem illam, quum terminetur ad possibilia, & possibilia sint ab æterno, ipsa vero in tempore, non terminari hoc ipso ad aliquid posterius se ipsa. Falsum etiam est, non posse terminari ad se ipsam; ut ex secunda probatione optime liquet.

Ad II. potest etiam dici creatura causa sui ipsius, quum Deus, creaturam produens, creaturam ipsam contineat. Sufficit, ut distinctio fiat inter id quod est creatura eminenter, hoc est in Deo, & id, quod est creatura formaliter, id est in se ipsa; & sic bene intelligitur, quod dicimus, & cognoscitur etiam, nullam esse implicantiam in eo, quod affirmamus.

Ad III. Equivalenter, seu eminenter cognitio illa dici potest tum directa, tum reflexa, respectu sui; æquivalenter quidem directa, quia ipsam Beatus videt eodem modo, quo cæteras creaturas videt; reflexa, quia eminenter præstat id, quod distinctus actus reflexivus supra seipsam præstaret. Absolute autem melius dicitur reflexa respectu sui, quia seipsam cognoscit; & quando dicitur, cognitionem reflexam debere supponere directam, procedit, quando directa est objectum motivum reflexæ. Etiam quando dicitur, cognitionem reflexam debere habere pro objecto primario cognitionem directam, procedit de cognitione pure reflexa, cujus scilicet primum munus sit reflexere. Non sic autem est cognitio, de qua nos in præsentia loquimur.

Tertium Adversariorum fundamentum est, quod visio omnia possibilia attingens clara, & distincte, deberet esse actu infinita; sic autem esse non potest: Unde aliqui Thomistæ ex hoc probant, non solum omnia possibilia non posse in Verbo cognosci, sed nec etiam extra Verbum, nimirum in seipsis, & in proprio genere, quatenus sic etiam sunt infinita.

Levitas hujus fundamenti I. probatur; quia adhuc, quod talis cognitio deberet esse actu infinita, tamen non implicaret; quod & nos tradidimus in Philosophicis. II. Non requiritur, quod hæc visio debeat esse actu infinita; etenim non esset infinita talis visio, quia attingit creaturas in di-

na essentia; sic enim ex dictis actu attinguntur: neque quia attingit creaturas infinitas; quum etiam Adversarii doceant, Christum de facto visione creata finita infinita futura in Verbo videre: neque quia attingit creaturas omnes; si enim per impossibile omnes creaturæ possibiles tantum essent mille, & aliquis videret mille creaturas, & sua visio non esset infinita; ulterius, si ex omnibus creaturis demantur mille, quæ non videantur, visio secundum Adversarios esset infinita, & tamen non esset omnium creaturarum: Non est autem aliud caput, ex quo sit infinita ex parte creaturarum: ergo &c. III. Non est infinita visio attingens totum increatum objectum infinitum: ergo neque erit infinita visio attingens totum creatum objectum infinitum. Antecedens ex dictis constat, quum videantur in Deo infinita prædicta formalia, & tamen visio non est infinita. Consequentia sequitur; quia infinitas objecti increati major est infinitate objecti creati: Etenim sicut visio objecti creati infiniti excedi non potest, ita visio objecti creati infiniti excedi neque etiam potest; quum non sit dabilis visio, quæ tendat in objectum majus. Tandem si illa exprimit distincte essentias, hæc exprimit distincte Deum; utrobique igitur ratio est eadem.

Arguunt sic. Non solum talis visio esset infinita extrinsece, & terminative, sed etiam intrinsece, & entitative; quia quemadmodum actio productiva omnium possibilium est intrinsece, & entitative infinita, ita etiam actio expressiva, seu cognoscitiva omnium possibilium debet taliter infinita esse; & quidem sicut actio illa importat virtutem intrinsece, & entitative infinitam in ratione productivi, ita etiam actio hæc debet importare eandem virtutem in ratione cognoscitivi.

Respondemus, disparitatem esse, quia virtus productiva debet continere virtutem, & perfectionem suorum effectuum; non sic vero virtus cognoscitiva, quæ tantum se habet in ordine ad objecta per modum puræ attentionis, seu tendentis, nec debet objectis perfectionem tribuere. Cæterum hoc argumentum multipliciter retorqueri potest, tum respectu illius, qui cognoscit objectum infinitum, & ipsum producere non potest; tum respectu Dei, qui possibilis unico actu cognoscit, & tamen successive debet producere, & alia hujusmodi. Quatum Adversariorum fundamentum ac-

cipitur ex eo, quod talis cognitio esset de objecto indeterminato. Sed falsum est hoc fundamentum; non enim creaturæ omnes possibiles objectum sunt indeterminatum, ut Adversarii dicunt, sed determinatum, ut nos probamus; etenim intantum essent objectum indeterminatum, in quantum non haberent determinatam perfectionem, quia quacumque creatura perfecta, seu perfectione assignata, posset assignari creatura perfectior, seu perfectio major; sed primo hoc non probat, creaturas possibiles habere perfectionem indeterminatam, sed potius interminatam, adeoque esse objectum interminatum, non indeterminatum; esse autem interminatum, est esse infinitum; sicque ad fundamentum supra rejectum redimus. Secundo, quanvis creaturæ possibiles, si successive considerentur, sint objectum indeterminatum, collective autem sumptæ, ut sumi debent, quando omnes simul cognoscuntur, objectum interminatum quidem sunt, sed determinatum. Tertio omnia possibilia sunt objectum determinatum respectu cognitionis divinæ; ergo etiam respectu cognitionis Beatorum. Neque dicas, disparitatem esse, quia cognitio divina non debet sumere suam perfectionem ab objecto, sicut sumere debet cognitio creata: Ne dicas hoc; quia cognitio creata ab objecto motivo sumit potius perfectionem, quam ab objecto terminativo; & si adhuc ab hoc sumere deberet, non videtur implicatio in eo, quod desumeret determinatam perfectionem ab objecto indeterminatæ perfectionis.

Arguunt: Esse quidem objectum illud interminatum, sed indeterminatum syncategorematice; esse autem sic interminatum est idem omnino, ac esse indeterminatum; quum infinitum syncategorematicum sit proprie indeterminatum: ergo ex eo, quod objectum illud sit interminatum, non fit, quod non sit etiam indeterminatum.

Respondemus, objectum illud non cognosci successive, ut dictum est, adeoque non esse amplius infinitum syncategorematicum, sed categorematicum, & per consequens non esse interminatum syncategorematice, sed categorematice; sicque nullatenus esse indeterminatum. Qui plura de his cupit scire, Cacheranum, de iisdem fusc, & subtiliter scribentem, consulat, a quo etiam nos dicta sumpsisse, non diffitemur.

DISSERTATIO LXVIII.

*De Invocatione Sanctorum, & de erroribus
contra ipsam, deque illorum Auctoribus,
ac Patronis.*



Aliud est differere de Sancto-
rum adoratione, aliud de in-
vocatione Sanctorum; si-
quidem duo distincta sunt
dogmata, Sanctos colere, &
Sanctos invocare. Alibi de

primo dogmate sermonem instituemus;
hic tantum de altero loquimur, tanquam
de eo, quod cum iis, quae a nobis dicta
sunt nuper, intimam habet conjunctio-
nem. Quum enim heterodoxi homines
ex eo potissimum Sanctorum invocatione
impugnent, quod ineptissime credant,
Sanctos in caelo nescire, quae nos lo-
quimur in terris, & operamur; nos jam
ostendimus in praeterita dissertatione, &
quod Sancti videant, & audiant, quae nos
hic operamur, & loquimur, & quomodo
etiam utrunque praestent; & quomodo
etiam de possibili praestare valeant, propo-
nimus. Igitur hic est locus, in quo de
invocatione Sanctorum est agendum,
transmittendo ad locum suum agere de
eorundem adoratione, quam hic supponi-
mus, & non probamus. More autem no-
stro, errores primo loco asserimus, contra
Sanctorum invocationem excitatos, eo-
rundemque Auctores, ac Patronos, re-
censemus; post quae ad impugnationem
deveniemus, ut catholica veritas, non
minus historica eruditione, quam dogma-
tica disceptatione, elucescat.

Duos, ait Cardinalis Bellarminus, hac in re
esse extremos errores, quorum unus
plusquam aequo Sanctis faver, alter vero
omnino detrahit. Primus est illorum, de
quibus loquitur Epiphanius haeres. 78. in
fin., & haeres. 79. per totam; isti enim
credebant, Sanctorum omnium Reginam,
Beatissimam Virginem Mariam, Dei ma-
trem, esse cum Deo aequali cultu colen-
dam, ac invocandam. Igitur, etsi non
extollerent Sanctos, ut eos cum Deo
aequarent, extollebant tamen Mariam,
praecipuam Sanctorum, ut dicere non
dubitaverint, eam esse invocandam, non
secus, ac Deus ipse invocatur. Infamia
ista impugnacione non indiget, statim
enim ac nata apparuit, extincta est; nec

P.A.R. I.

ullus postmodum fuit, nec modo est, quod
nos sciamus, qui eam sequi, non erube-
scar. Est quidem Dei Mater super omnes
Sanctos, sed semper infra Deum, cujus est
creatura; & quemadmodum cultus ei pec-
uliaris ab Ecclesia tribuitur, Sanctorum
cultum excedens, & Dei cultu inferior,
qui dicitur hyperdulia, quum Deo tri-
buatur latria, Sanctis dulia; pariter credi-
mus, peculiari fiducia invocandam, &
semper supra omnes alios Sanctos; at sem-
per quoque inferiori invocatione ad il-
lam, qua Deum ipsum invocamus.

I. Ab Alphonso a Castro, adversus haereticos
lib. 13. verbo *Sancti*, adnumeratur Eusta-
thius quidam, quem, ait, propter hunc er-
rorem, & multos alios, damnatum in Gan-
grensi Concilio fuisse. At Bellarminus pu-
tat, Eustathium hunc, ut ipse dicit, non
propter hunc errorem, sed propter alios,
nimirum, quia Martirum Basilicas con-
temnebat, & forte etiam reliquias, fuisse
in Concilio Gangrensi damnatum. Quod
etiam probat ex Socrate lib. 2. c. 33., & ex
ipsomet Concilio Gangrensi in quibus nec
verbum de Sanctorum invocatione, & de
Eustathio, quod eidem contrarium dogma
docuerit, inveniri, restatur.

II. Ab eodem Alphonso a Castro, a Bellarmi-
no, & a ceteris omnibus absque dubio col-
locatur Vigilantius, qui post Eustathium
vixit, & celebris est ex libro, quem S. Hier-
onymus contra ipsum scripsit. Hic Vigi-
lantius, quem S. Hieronymus aliquando
etiam Dormitantium vocat, dixit, post
mortem nullius orationem exaudiri pro al-
teho; ac proinde Sanctos mortuos pro vi-
ventibus non orare; ex quibus deinde in-
ferebat, frustra Sanctos invocari.

III. Fuerunt Henriciani, seu Petrobrusiani,
& Apostolici, qui, ut refert S. Bernardus
ser. 66. in Cantica, & auctor vitae S. Ber-
nardi lib. 3. c. 5., invocationem Sanctorum
manifestiori, ac obstinatori bello insequunt
sunt. Disti fuerunt Henriciani ab Henri-
co, qui prius Monachum induit, & postea
exiit, & hominem se dixit esse Apostoli-
cum; unde discipuli ejus in Galliis etiam
Apostolici sunt nominati. Petrobrusiani

Rr 2

au-

autem nomen acceperunt a Petro de Bruijs, qui in Arelatenſi provincia errores ſuos diſceminavit; & iſtiſus etiam Petri dictus nuper Henricus diſcipulus fuit, ac in virulenta infania ſuccellor. Uterque enim decoriabat, inanes eſſe preces noſtras, quibus Dei aures infirmamus; nec Sanctos illas audire, nec de nobis, rebusque noſtris, curare.

IV. Recenſentur Vvaldenſes; uiſi teſtis eſt S. Antoonius 4. par. tit. 11. c. 7. §. cap. apud Bellarminum, & Alphoſum a Caſtro, qui etiam reſert, conatos eſſe, ut ab Eccleſia auferrentur Sanctorum omnium feſſiuitates. Horum omniaum dux fuit Petrus Valdis, qui in Lugdunenſi territorio natus, per omnem ſere Galliam Sectam ſuam, dictam quoque Pauperum de Lugduno, propagauit. Inter alia impia dogmata, quæ proſtebantur, unum erat; Sanctos non eſſe alios in Eccleſia, quam Apoſtolos; illos autem invocari a nobis non eſſe licitum, quia hic invocationis honor non aliis, quam Deo, debetur.

V. Cathari adſignantur a Bellarmino ex Cardinali de Turrecremata lib. 4. par. 2. c. 35. Sic nominati ſunt, vel ut apud alios, Gazarri, a quadam Dalmatiz urbe, quæ etiamnum Catharum appellatur. Fuerunt contemporanei cum Patarenis, qui etiam a Patara, Dalmatiz urbe, ſunt appellati, & impia dogmata ſua viciffim inter ſe confeſebant.

VI. Joannes Vvicleſus aſſerebat, illicitum non eſſe Sanctos orare, eſſe tamen inutile, & ſuperfluum. Teſtatur hoc de Vvicleſo Thomas Vvaldecoſis tom. 3. tit. 12. col. 108. & ſeq. apud Bellarminum; Et quod Vvicleſus errorem huic a Vvaldecoſibus deſumpſerit, aſſerit Alphoſus a Caſtro loco citato, verbis hiſce: *Joannes Vvicleſ cum ſemper pro Vvaldenſium ſecta pugnaverit, noluit in hac parte ab illis deſicere, ut ſemper ſui ſimilis eſſet.*

VII. Taboritzæ, vel Taboritzæ, adduntur, quorum ſecta eadem eſt, ac Huſſitarum, qui Joannem Huſ ſequēbantur. Dicti ſunt Taboritzæ a quadam monte in regno Bohemiz, cujus nomen erat Tabor, & in quem ſe receperunt poſt mortem Joannis Ziſka, qui eos armis, & violentiis ſuo parrocino tuebatur. Videatur Æneas Syluius de origine Bohemorum cap. 35. Quemadmodum Vvicleſus manus dederat Vvaldenſibus, ira etiam Huſſitzæ, & inter eos Taboritzæ, Vvicleſo dederunt; unde ſimul cum ipſo has ſacrilegas voces edere non erubeſcebant; ſtultum eſſe ad Principis ſcurras

recurrere, quando ad ipſum Principem liberum, ac ſemper apertum, habemus acceſſum; ac pariter ridiculum, turbidos querere rivos, quando ſons perennis emanat. Unde per ipſos Sancti ſcurrarum, & turbidarum aquarum, nominibus iraducebantur.

VIII. Denum poſteriorum temporum No-
vatores hanc infaniam apertis brachiis amplexati ſunt. Siquidem Lutherus 10 libris ad Vvaldenſes; Melancthon in apolog. ar. 21. Confell. Auguſtanæ; Brentius cap. 24. Confellionis Vvitremberg., & Calvius lib. 1. c. 14. §. 12., & lib. 3. Inſtit. c. 20. §. 20., & ſeq., aſſerunt primo, ex Scripturis non haberi, quod Sancti mortui orent pro vivis; ſecundo, ſi orant, non orare, niſi in communi pro tota Eccleſia, non autem in particulari pro hoc, aut illo; tertio, inutile eſſe ſimul, & illicitum, invocare Sanctos, ſive Angelos, ſive homines; inutile, quia, ut ait Calvinus, non habent tam longas aures, ut nos audiant; illicitum, quia Chriſto fit injuria, qui ſolus eſt Mediator noſter.

Catholicum tamen dogma eſt, Sanctos eſſe invocandos; & quia plurimum valent in ecclis ad obtinendum illa, pro quibus orantur in terris; & quæ in Verbo, aut formaliter, aut cauſaliter, videant preces noſtras, ob diſtantiæ cæli a terra non impediuntur, quo minus illas audiant; & quia mediatores exorantur minus principales, quæ principalior ſit Chriſtus Dominus, & invocando, Chriſti Domini gloriæ non invidemus. Hæc autem omnia patēbunt, & probatioibus, & reſponſioibus noſtris, quas noſtra conſuecta methodo ſubjungere abſque cunſtatione aggredimur.

I. Probatur ex Scripturis. Geo. 48. 16. Jacob filiis Joſeph, nepotibus ſuis, benedicens, Angelum ſuum invocavit verbis illis: *Angelus, qui eruit me de cunſis malis, benedicat pueris iſtisin quibus verbis clarum eſt Angeli invocationem contineri; quemadmodum Dei invocatio in ſimilibus anteceden-
tibus verbis n. 15. continebatur: Deus, qui paſcit me ab adoleſcentia mea uſque in præſentem diem: Ubi intelligendum eſt quod ſequitur; benedicat pueris iſtis. Job 5. 1. Voca ſi quis eſt, qui tibi reſpondeat, & ad aliquem Sanctorum convertere; Auguſtinus Sanctorum nomine intelligit Angelos. Et c. 33. 23. Si fuerit Angelus loquens pro eo unus de millibus, miſerebitur ejus, & dicet, libera eum. Non eſt autem mirum, quod in libris veteris teſtamenti invocentur Angeli, non Sancti; quia tunc temporis Sancti non
erant*

erant in cœlo, sed in limbo sanctorum Patrum. Ex novo autem testamento assertur epistola II. S. Petri Apostoli c. 1. n. 15. ubi dicitur: *Dabo autem aperiā, & frequenter habere vos post obitum meum; ut horum memoriam faciatis. Quibus verbis promittit S. Apostolus, se oraturum post mortem pro illis, ad quos scribebat. Item ad Romanos 15. 30. Apostolus Paulus ait: Obsecro ergo vos Fratres per Dominum nostrum Jesum Christum, & per charitatem sancti Spiritus, ut adjuvetis me in orationibus vestris pro me ad Deum; & 1. ad Thesalonienenses c. 1. n. 25. Fratres orate pro nobis. Si ergo injuria non est Christo Mediatori, ut viventes Sancti invocentur a nobis, cur erit injuria, ut invocentur mortui, & in cœlo cum ipso regnantes? Denique Matth. 15. 23. Apostoli rogabant Christum pro Muliere Cananæ, quam Christus antea rejecerat: *Et accedentes discipuli ejus, rogabant eum, dicentes: dimitte eam, quia clamat post nos; & tamen ob hoc non indignatus est Christus, nec contra Cananæ, qui Apostolos invocaverat, nec contra Apostolos, qui pro Cananæ apud ipsum intercedebant.**

II. Probatur ex Conciliis. Concilium Chalcedonense a. 451. r. ubi Patres dicunt: *Flavianus post mortem vivit, martir pro nobis orat; & in epistola Episcoporum Europæ ad Leonem Imperatorem scripta: Sanctissimum vivo Procerum in Christo, & ordine tantum. ut martirum ponimus; & ejus intercessione misericordem, ac propitium Deum habere postulamus.* Concilium generale VI. cap. 7. ex canonibus ultimo loco editis, habet: *Solo Deo creatore adorato, invocet Christianus Sanctos, ut pro se intercedere apud majestatem divinam dignentur.* Concilium generale VIII. a. 680. in fine: *Cum timore omnia agamus; postulantes intercessionem incontaminata Deiparæ, item sanctissimæ Angelorum, omniumque Sanctorum.* Concilium Gerundense c. 31. Aurelianense I. c. 29. Moguntinum sub Carolo magno c. 33. Toletanum V. c. 1. & Toletanum VI. c. 2. Bracarense II. c. 9. Quæ quidem omnia Concilia celebrata sunt ante annos plusquam mille. Denique Concilium Tridentinum sess. 25. sub titulo de invocatione, & veneratione Sanctorum, hæc statuit: *Bonum, atque utile esse suppliciter Sanctos invocare; & ob beneficia impetrandæ a Deo per filianthias, &c. ad communem orationem, apem, anxietatemque confuzere; illos vero impie sentire, qui negant Sanctas invocandos esse; vel asserunt, eorum, ut pro nobis etiam singulis orant, invocationem esse*

idololatram, vel pugnare cum verbo Dei, ad versarique honori unius Mediatoris, &c. Asserre etiam juvat Synodos quasdam Græcorum Schismaticorum circa nostra tempora celebratas contra Sectariorum errores; ut refert P. Boucat. Etenim Cyrillus Lucaris, Constantinopolitanus Patriarcha, Confessioni Genevensi anno 1636. subscripserat, in cujus octavo articulo cultus, & invocatio Sanctorum rejiciebatur. Ob quod facinus Orientalium Ecclesiarum Prælati duas Synodos coegerunt; unam anno 1638., alteram 1642., & in eis concordii animo anathema contra Cyrillum dixerunt; ac declararunt constantem omnium Ecclesiarum traditionem, tam in Occidente, quam in Oriente, de Sanctorum cultu, & invocatione.

III. Probatur ex Patribus. Irenæus lib. 5. contra hæreses ultra medium, comparisonem faciens inter Mariam, Dei matrem, & Evam, ait: *Et sicut illa sedula est, ut effugeres Deum, sic hæc suasa est obedire Deo, ut virginis Eva virgo Maria fieret ad invocandum.* Eusebius lib. 13. præparationis evangelicæ c. 7. *Hæc nos quotidie sacrificamus, qui veram pietatis militem, ut Dei amicos honorantes, ad monumenta quoque illorum accedimus, votaque ipsis facimus, tanquam viris sanctis; quorum intercessione ad Deum non parum juvari profectumur.* Basilii orat. in quadraginta Martyres: *Qui aliquæ premittit angustia, ad hoc confugiat: qui rursus latetur, hoc orat: ille, ut a malis liberetur, hic, ut doret in rebus tatis.* Chrysostomus hom. 66. ad Populum in fine: *Nam & ipse qui puram induit; est, accedit illa complexus sepulera, & supra deposito stat Sanctis supplicatur, ut pro se ad Deum intercedant, & scelerum fabrum, & piscatorum, ut protectores, orat, qui diademate redimitus incedit.* S. Hilarius in psal. 129. *Intercessione Angelorum non natura Dei indiget, sed infirmitas nostra, missi enim sunt propter eos, qui bæretabant saltem, Deo nihil ex his, qua agimus, ignorante, sed infirmitate nostra ad rogandum, & promerendum, spirituali intercessione ministerio indigente.* S. Ambrosius lib. de Viduis, ultra medium: *Obsecranda sunt Angeli qui nobis ad præsidium dati sunt; Martires obsecrandi, quorum videmur nobis quoddam corporis pignori patrocinium vendicare; possunt pro peccatis rogare nostris, qui proprio sanguine etiam si habuerunt peccata laverunt.* Hieronymus in epitaphio Paulæ circa finem: *Vale, o Paula, & cultoris tui ultimam senectutem orationibus juva; fides, & opera tua Christo te faciant, præstare*

facilis, quod postulas, impetrabis. Augustinus tract. 84. in Joannem: *Ideo quippe ad ipsam mensam, non sic eos commemoramus, quemadmodum alios, qui in pace requiescent, ut etiam pro eis oremus, sed magis, ut ipsi pro nobis orent.* S. Leo ser. 5. de Epiphania: *Confirmate amicitias cum sanctis Angelis, & Patriarchis, Prophetis, Apostolis, Martiribusque sociamini, bonum dicitis concupiscite, & per bonam amulationem ipsorum ambite.* suffragia. S. Gregorius Papa lib. 2. Dialogor. c. ult. in fine: *Ubi in suis corporibus sancti Martires jacent, dubium, Petre, non est, quod multa valeant signa demonstrare, sicut & faciunt, & parva mente quarentibus innumera. miracula ostendunt: Sed quia ab infirmis potest mentibus dubitari, utrumne ad exandendum ibi praesentes sint, ubi constat, quia in suis corporibus non sint ibi necesse est, eos majora signa ostendere, ubi de eorum praesentia potest mens infirma dubitare; quorum vero mens in Deo fixa est, tanto majus habet fidei meritum, quanto illic eos novit, & non jace-re corpore, & tamen non desse ab exanditione.*

IV. Probatur Rationibus. I. Conveniens est exorare eos, qui nobis volunt, & possunt, praestare auxilium; sic sunt Sancti in caelo cum Christo regnantes: ergo conveniens est exorare illos. Probatur minor pro prima parte; volebant dum in hac vita peregrinabantur: ergo a fortiori volunt dum in patria regnant. Probatur consequentia. Perfectior est ibi charitas, quam hic: ergo si hic volebant, volunt & ibi. Probatur minor pro secunda parte. Poterant tunc hic: ergo multo magis modo ibi possunt. Probatur consequentia ex majori conjunctione, quam modo cum Deo habent, ac per consequens ex majori potestate apud ipsum. II. Invocantur Sancti quando vivunt: ergo invocantur pariter quando regnant. Antecedens probatur tum ex Scripturarum pervio testimonio, tum ex omnium nostrum continua experientia. Consequentia probatur etiam. Si non possent mortui, vel ideo esset, quia nescirent preces nostras, vel quia injuria fieret Christo medianti; at ex probatis preces nostras vident, sive formaliter, sive causaliter, in Verbo; & ulterius, si non sit injuria Christo eos exorando viventes, multo minus fit eos invocando regnantes. III. Non sunt liberaliores Principes viri cum inimicis suis, quam Deus cum servis suis, quos etiam amicos aliquando appellare dignatur; sed Principes viri exaudiunt preces servorum, qui illos rogant pro iis, &

quibus ipsi invocantur: ergo etiam Deus non dedignabitur exaudire fervos, & amicos suos, quando pro nobis, eos exorantibus, illum efficaciter deprecantur. IV. Sanctorum invocatio est honor Sanctis maxime conveniens, & Deo ipsi nullo modo repugnans: ergo credendum est, hoc honore Sanctos a Deo honestari. Sicut enim Asuerus fecit cum Mardocheo, Saul cum Davide; aliique Principes cum subditis suis bene merentibus de ipsis; ita pariter faciet Deus, qui intentioni amore Sanctos viros prosequitur, quam quilibet Princeps Ministros suos, etiam fidelissimos, ac amantissimos. V. Ex Scripturis habemus, Sanctos magnam in caelo habere potestatem; sed haec potestas nulla esset, si nobis auxilium ferre in necessitatibus nostris non valerent: ergo possunt. Major constat; quia regnant cum Christo in caelo; regnare potestatem importat; item psal. 70. 16. dicitur; *introibo in potentias Domini, &c.* Minor etiam patet; quia potestas magis ostenditur beneficiando, quam puniendo, vindicando, persequendo, &c. VI. Sancti in caelo cum Christo regnantes sunt haeredes bonorum Christi, sunt participes gloriae ipsius, sunt domestici, & commensales, in domo ipsius: ergo scit Deus vult, ut a nobis colantur, ita pariter vult, ut a nobis invocentur, & multo magis etiam. Probatur consequentia. Invocatio est confirmatio cultus, est exercitium beneficentiae illorum, est amoris Dei caracter atque signaculum.

Opponent Haeretici I. Injuriam Deo fieri per Sanctorum invocationem. Quod probant sic: Ex Apostolo ille invocatur, in quem creditur; dicitur enim ad Romanos 10. 14. *Quomodo ergo invocabunt, in quem non crediderunt?* Sed in Deum solum creditur: ergo solus Deus est invocandus. Unde Ambrosius scribens in epist. ad Rom. 1. ait: *Nam ideo ad Regem per tribunos, aut Comites, itur, quia homo nique est Rex, & nescit, quibus debeat Rempublicam credere; ad Deum autem, quem nique nihil latet, omnia enim merita novit, promerendum, suffragatore non opus est, sed mente devota.* Augustinus lib. 10. de civitate Dei c. 26. scribit; *Sanctos esse potius imitandos, quam invocandos.* Et lib. 22. c. 10. *Sanctos Martires apud altare nominari a Sacerdote, non autem invocari.* Et lib. de quantitate animae c. 34. restatur, quod omnis creatura, quavis sapientissima, & perfectissima, amanda tantum est, & imitanda. Denique Theodoretus lib. 8. ad Graecos scribit; *Suos mortuos Dominus*

Deus

Deus noster in templis pro Diis vestris induxit; ac illas quidem cassis gloria, & vanosque reddidit, suis autem Martiris bonorem illarum dedit. Quibus verbis ostendit, illicitum esse, Martires a nobis invocari, quum sic illis tribuatur honor, qui soli Deo debetur.

II. Injuriam fieri Christo Mediatori per Sanctorum invocationem. Injuria fit homini, qui solus est in dignitate, munere, vel dominio, dando illi socium; sed Christus est solus, & unus in intercedendo, & mediando, pro nobis: ergo injuria illi fit, dando Sanctos illi pro sociis, & Mediatoribus. Minor probatur ex Apostolo 1. ad Timoth. 2. 5. *Unus enim Deus, unus, & mediator Dei, & hominum, homo Christus Jesus.* Ex quo etiam fit argumentum, quod sicut Deo irrogat injuriam qui plures Deos adorat, ita & facit Christo, qui plures invocac mediatore. Additur, quod Apostolus ad Rom. 1., & ad Ephes. 2. Christo facit proprium hoc quod est, per ipsum habere accessum, ad Patrem. Augustinus lib. 2. contra epistol. Parmeniani c. 8. Parmenianum reprehendit, quod Episcopum faceret mediatorem inter Populum, & Deum, subdicens deinde: *Si esset mediator Paulus, esset atque & ceteri Coepiscopi ejus, ac sic multi mediatore essent, nec ipsius Pauli constaret ratio, quia dixerat: Unus Deus, unus mediator Dei, & hominum.* Idem Augustinus in psal. 108. Oratio, quæ non fit per Christum, non solum non potest delere peccatum, sed etiam ipsa fit peccatum. Theodoretus etiam in Colossi. 2. pro suppositione ponit Angelorum invocationem, & proferit Concilium Laodicenum in Phrygia ipsam prohibens; & testatur, in quibusdam Populis oratoria S. Michaelis, in signum veteris superstitionis, extare.

III. Esse supervacaneam invocationem Sanctorum, & importare dissensionem in invocantibus. Vel Christus potest superabundanter intercedere pro omnibus nobis, vel non potest? Si potest: ergo superfluum est recurrere ad alios, illosque invocare? Si non potest: ergo non est perfectissimus mediator Dei, & hominum. Ulterius; vel Deus vult, nobis auxilium ferri, & exorari pro nobis, vel non vult. Si vult: ergo ad alios accedendo, de Christo dissidimus: Si non vult: ergo hoc solum dicendo, vel cogitando, de Christo etiam dubitamus. Hinc idem Christus Joann. 16. 23. *Quicquid petieritis Patrem in nomine meo, dabit vobis.* Ex Apostolus ad Rom. 8. 32. *Qui etiam proprio filio sua non pepercit, sed pro nobis*

omnibus tradidit illum; Quomodo non etiam cum illo omnia nobis donavit? Tanto etiam magis, quod Christus tradens nobis orandi formulam in oratione dominica, ipsam, tanquam absolutum, & sufficiens instrumentum orandi dedit; in qua nihilominus ad Sanctos non remittitur.

IV. Sequentibus rationibus errorem suum Sectarii confirmare contendunt. I. Sancti non amplius mereri possunt: ergo nihil possunt nobis impetrare. II. Aut Sancti sunt certi, futurum esse, quod petunt, aut incerti? Si certi: ergo frustra petunt: Si incerti: ergo miseri sunt, quia orantes non exaudiuntur. III. Sancti preces nostras ignorant: ergo vane invocantur a nobis. Probant antecessens I. ex Scripturis. Eccl. 9. 5. *Viventes enim sciunt, ut esse morituros, mortui vera nihil noverant amplius.* Job 4. 21. *de homine mortuo dicitur. Si vobis fuerint filii ejus, sive ignobiles, non intelliget.* 1. ad Corinth. 2. 11. *Quis enim hominum scit quæ sunt hominis, nisi spiritus hominis, qui in ipso est?* II. ex Patribus. Hieronymo in epistaphio Nepotiani ad Heliodorum: *Quicquid dixerit, quia ille non audis, mutum videatur.* Et infra: *Felix Nepotianus, qui hac non videt; felix, qui hac non audit.* Augustino, qui de hoc dubitat libro de vera Religione c. 55. ubi habet: *Quisquis Angelorum, vel hominum, in Deo manet, & potest humani preces sentire, in ille me exaudiat.* Hugone Victorino q. 228. in epist. ad Romanos, ubi ait: *Quaritur, an Sancti, quorum patrocinia postulamus, pro nobis interpellent, & quomodo?* Et sic deinde respondet: *Sanctos pro nobis interpellare non est aliud, quam Deum, pro meritis eorum, bonas affectus, quos habemus in eos propter Deum, remunerare; & ideo nihil interest, sive nos audiant, sive non.* III. ex rationibus. I. Dum quis orat, & dicit: *Omnes Sancti orate pro me:* impossibile videtur, omnes Sanctos suam necessitatem cognoscere, & omnes pro illo Deum precari. II. incertum est, quomodo Sancti nostras preces cognoscant; ergo incertum est quoque, utrum eas cognoscant. III. Quia solus Deus scrutator est eorum: ergo saltem preces internas solus Deus cognoscit: Unde Tertullianus: *Voluntas humana facti solum indicat, quia voluntatis latebris par non est.* IV. Testimonium Litaniarum, quæ primis temporibus in Ecclesia cum cantu dicebantur, non est ad rem; quia temporibus illis ex solis Kyrie Eleison, & Christe Eleison, constabant; unde in illis non erat invocatio Sanctorum. V. Multi Sancti invocantur, qui vere Sancti non

non sunt, immo nec homines fuerunt; ut sunt Christophorus, Georgius, Catharina, &c. ergo frustra invocantur.

Respondemus ad I. Hæreticorum fundamentum: In loco Apostoli dici: *Quomodo invocabunt nomen Domini, in quem non crediderunt?* Et ante hæc verba Apostolus dixerat: *Quicumque invocaverit nomen Domini, salvus erit*; ergo ibi est sensus, nomen Domini invocari non posse ab eo, qui in ipsum non credit; quod verum est; non tamen dicitur, eum solummodo nos invocare debere, in quem credimus. Ad Ambrosium negatur illud opus Ambrosii esse, ut invictis rationibus Bellarminus probat, de Scripioribus Ecclesiasticis in sec. IV. in adnotationibus ad Opera S. Ambrosii. Verum dato, quod S. Ambrosii sit, vera est sententia illa, si in vero sensu accipitur. Dicitur enim ibi, non eodem modo eundem esse ad Deum, quo ad Reges per Suffragatores imus: Ex quo colligitur solum, Sanctos a nobis non sic invocandos esse, quemadmodum Regum Consiliarii invocantur, ut apud Reges pro nobis interpellent; quod verissimum est. Ad Augustinum dicitur, in dictis locis non quamovunque invocationem intelligere, sed solum illam, qua quis invocavit ut Deus, quam non debemus hominibus deferre. Ad Theodoretum dicimus, verum utique esse, pro Diis Gentium, seu Deorum Gentilium loco, Sanctos Marires in templis introductos esse; non autem, ut colantur, & invocentur eo modo, quo Di Genitilium colebantur, & invocabantur, sed alio ipsis convenienti; quod nos intendimus.

Ad II. fundamentum dicimus, sicut injuriam Christo non facit, qui viventes rogat, ut pro se orent, sic nec cum facere, qui pro eodem rogat Sanctos cum Christo regnantes. Ad Apostolum dicitur, ipsum loqui de Mediatore, qui per se ipsum gratus est Patri, qui utique Christus solus est: Cæteri vero sunt Mediatores, qui Patri grati sunt per Christum. Item loquitur de Mediatore illo, qui dedit in redemptionem semetipsum pro nobis, ut in sequentibus ait, qui etiam vere unicus est. Tandem de Mediatore loquitur, qui talis est ratione naturæ, qui scilicet humanæ naturæ divinam univit, ut Mediatoris munus obiret, qui pariter est unicus. Cæterum Mediatoris nomen aliis etiam tribuitur ab Apostolo ad Galatas 4., & a Moyse Deuteronomii 10. Ad illud vero Apostoli de accessu ad Deum dicitur, ipsum in illo loco agere contra Simonem, & Gnosticos,

qui volebant, non per Christum, sed per Angelos, tanquam per minores Deos, accedendum esse ad Deum Patrem. Sic hunc locum intellexere Chrysostomus, Occumenius, Theophilactus, & Haimo in Commentariis. Ad Augustinum responderetur eodem modo, quo ad primum Pauli locum responsum est. Ad Theodoretum dicitur, si exant illa Oratoria S. Michaelis, vere S. Michael est invocandus. Superstitio autem erat, Angelos haberi pro Diis: Sublata vero hac superstitione, & templis ablati Angelis pro Diis habitis, eisdem remanserunt, tanquam advocatis, & intercessoribus; sicque verus superstitio in rectum usum mutata est.

Ad III. fundamentum dicimus id, quod diximus ad secundum; quemadmodum scilicet supervacaneæ non sunt preces viventium, ita nec esse mortuorum; est propter illas dissidentie suspicio non oritur, pariter nec propter has importari. Vere tamen invocationes Sanctorum non adhibentur, ut suppleatur insufficientia Christi, qui sufficientissimus est; & superabundans; sed per ipsas suppleri dicendum est insufficientiam nostram, qua minus dispositi ad aliquod a Deo impetrandum invenimus. Sancti etiam in nomine Christi petunt, & nos etiam in nomine Christi dum Sanctos invocamus. Pater omnia per Christum nobis donat; sed quedam sine previa nostra dispositione, & oratione, ut primi motus fidei in infidelis, & primi motus penitentiae in homine peccatore; quedam vero non nisi per nostras, vel aliorum pro nobis orationes, ut peccatorum veniam, virtutum incrementum, perseverantiam, vitam æternam. Christus tandem in oratione dominica docuit nos ea, quæ petere debemus, non vero nobis indicavit eos, per quos petere deberemus. Alter nec per Christum possumus petere, quia in oratione illa nulla de Christo mentio habetur.

Ad IV. fundamentum occurrimus, respondendo ad primam rationem, ad hoc, ut aliquid oratio impetret, sufficere merita præcedentia cum amicitia præsentis; aliter nec Christus modo aliquid impetraret, quia nihil modo meretur. Ad II. dicitur, Sanctos esse certos de suarum orationum exauditione. Dicitur enim ab Innocentio III. in cap. cum Martine, Extravag. de celebratione missarum, quod *Sanctis omnia ad vota succedunt*; & ante illum S. Gregorius lib. 17. moralium c. 8. dixerat, quod celestes Spiritus, dum voluntatem Dei semper aspicunt, quod obtineat non valeat, nunquam

quam volunt. Videatur hac de re Supplementum 3. part. S. Thomæ q. 72. ar. 3., & Cajeranus super 2. 2. q. 83. ar. 4. Ex hoc autem non sequitur, Sanctos ipsos frustra orare; quia sicut certi sunt de eventu, ita & certi sunt, Deum id facturum per ipsorum orationes; sicut & alia multa, quæ non faceret, nisi rogatus. Certi etiam sunt Sancti de futura suorum corporum glorificatione, & pro ipsa tamen adduc Deum orant; ut testatur S. Thomas 2. 2. qu. 83. ar. 11. ad primum. Christus etiam, futurorum omnium præsciens, multa rogavit, & etiamnum Patrem rogat.

Respondemus modo ad argumenta, quæ gerunt Hæretici contra cognitionem nostrarum precum, quam Sancti habent. Sed prius scire oportet, cognitionem hanc tribui Sanctis ex Scripturarum auctoritatibus, ex Patrum testimoniis, & ex rationum momentis. Ex Scripturis Tobie 12. 12. habetur de Angelis, Deo nostras orationes offerre: *Ego obtuli orationem tuam Domino; Psal. 137. t. dicitur: In conspectu Angelorum psallam tibi: sit Lucæ 15. 10. legitur, Angelos gaudere de Peccatorum poenitentia: Gaudium erit coram Angelis Dei super uno peccatore poenitentem agente.* Ex Patribus, Ambrosius lib. de Viduis post medium testatur: *Martires esse speculatores viæ, ostiumque nostrorum.* Augustinus ser. 94. de diversis, loquens ad Stephanum, & Paulum, jam cælesti regno potitos, ait: *Ambo ibi vos videtis, ambo modo sermonem nostrum auditis, ambo pro nobis orate.* Hieronymus in epitaphio Lucinii inquit: *Ille jam securus, & visor te aspexit de excelso, & fovet laboranti, & juxta te locum præparat eodem amore, & eadem charitate, qua, &c.* Pro rationibus sufficiant illæ, quæ in superioribus adductæ sunt.

Ad Scripturas in contrarium modo dicimus, illas Ecclesiasticas, Job, & Apostoli, importare, mortuos naturaliter non cognoscere, quod agant vivi, sicut nec naturaliter vivi sciunt, quod faciunt mortui. Solus autem Deus est, qui naturaliter, & propria virtute cognoscit cogitationes omnium cordium; Sancti vero non cognoscunt, nisi vel revelationis, vel visionis, vi. Sicque responder etiam S. Gregorius ad illud Job lib. 12. moralium cap. 13.

II. Ad Patres responderetur, Hieronymum loqui de se ipso docente, non de se ipso orante; certum est enim, quod mortuo Nepotiano, hic non audiebat amplius Hieronymum docentem ipsum, sed exaudiebat Hieronymum orantem ad ipsum. In-

PAR. I.

altera auctoritate sensus est, quod mala hujus seculi non videret per experientiam. Augustinus naturali modo, non supernaturali, intelligendus est. Hugo ait, non tantum Deum exaudire orationem nostram propter Sanctorum merita, sed etiam per fidem nostram.

III. Ad Rationes. Ex ad I. responder Estius, quem ut plurimum hac in re sequuti sumus, non esse necesse, affirmare, quod semper omnes Sancti cum Christo regnantes cognoscat particulariter omnium, & singulorum preces, quomodocunque generaliter ad se directas; & forte ob hujusmodi dubitantunculas non fuit visum Patribus Tridentini Concilii questionem hanc, an Sancti preces viventium cognoscant, absolute definire. Ad II. Quavis sit in dubio modus, quo Sancti preces nostras exaudiunt, non tamen dicendum est, dubium esse, num ipsi exaudiant. De multis enim dubius est modus, certa tamen est substantia rei; & revera Patres diversimode multoties loquuti sunt de modo, quo Sancti preces nostras audiunt, & inter se ipsas videntur in hoc differre. Conveniunt nihilominus de rei substantia, docentes nimirum, quod vere Sancti preces nostras audiunt, licet de modo, quo audiunt, certo non constet. Ad III. dicitur, Deum naturaliter esse cordium scrutatorem, seu ex natura sua; Sanctus vero cordium secreta cognoscere, non ex natura, sed ex Dei gratia, & beneficio; per visionem nimirum, revelationem, aut alias vias. Sic intelligendus est Tertulliani locus. Ad IV. quavis ex Liturgiis, quæ sub nomine Basilii, & Chrysostomi, circumferuntur, litaniæ vocentur Kyrie eleison, & Christe eleison; in Conciliis tamen, in quibus de iisdem agitur, vocantur invocationes Dei, & Sanctorum, prout eas nos modo appellamus. Vvalfridus Strabo libro de rebus ecclesiasticis c. 28. declarat, quid veniat nomine litaniæ in Concilio I. Aurelianensi, & dicit, esse Sanctorum invocationem. Ad V. admissio, quod aliqua Sanctorum facta sint apocrypha, non proinde Sancti illi etiam apocryphi dicendi sunt. Multa commenticia de Apostolis primis quoque temporibus vulgata sunt; & tamen nemo fabulosos, & apocryphos Apostolos nominavit. Nos autem, quando Sanctos invocamus, non facta ipsorum, sed Sanctos ipsos rogamus. Utrique Gelasius Papa in can. sancta romana ecclesia dist. 15. historiam S. Georgii inter apocryphas consignat; attamen S. Georgium colendum voluit;

S s

luit;

luit; quod idem dicendum est de S. Christophoro, de S. Catharina, &c. Denique Philippus Melancthon, cujus est insulsum hoc argumentum, si ideo Sanctos hosce invocare dedignatur, quia apocryphos putat; quare saltem non dignatur invocare Sanctos illos, de quorum veritate dubi-

rare insania est? Invocet saltem sanctissimam Dei matrem, Mariam, semper virginem, invocet Apostolos, invocet Apostolicos viros, quos non vocabit profecto homicidas, monstra, bestias, ut Sanctos ceteros appellare non erubescit.

DISSERTATIO LXIX.

De Visionis æqualitate, & inæqualitate, & de erroribus Hæreticorum, atque Scholasticorum dissidiis, circa eandem.



Mnes, qui Deum intuitive vident, vident de facto æqualiter ea, quæ sunt formaliter in Deo; quia de facto secundum ea, quæ sunt formaliter in Deo, non datur præcisio; sicque illa eadem, quæ videntur ab uno Beatorum, ab aliis etiam Beatis conspiciuntur. Verum, quanvis omnia, quæ sunt in Deo formaliter, æqualiter secundum extensionem a Beatis videantur; inæqualiter nihilominus videntur secundum intensiorem; quia unus Beatus prædicata illa magis, quam alter, penetrat, & intensius intrinsetur. Ulterius adnotamus; quia Beati in Verbo vident etiam aliqua objecta secundaria, & hæc non eadem numero ab omnibus videntur; hinc est, quod secundum extensionem horum objectorum datur quoque inæqualitas quedam in Beatis, secundum ea, quæ formaliter in Verbo videntur. Distinguunt proinde Theologi æqualitatem, seu inæqualitatem visionis in formalem, seu specificam, & materialem, seu numericam. De formali, & specifica loquentes, omnes Beati de facto æqualiter Deum vident; quum hæc æqualitas respiciat prædicata, quæ formaliter in Deo sunt, & quæ æqualiter omnia a Beatis conspiciuntur. De possibili vero, quum dari possit visio præcisiva etiam secundum ea, quæ sunt formaliter in Deo, non videmus repugnantiam ad dicendum, in Beatis dari posse etiam inæqualitatem specificam, atque formalem visionis. Loquentes vero de materiali, seu numerica æqualitate, vel inæqualitate visionis, duplex est, subjectiva nimirum, seu intensiva, & objectiva, seu extensiva. Subjectiva, seu intensiva importat majorem, vel minorem penetrationem objecti; objecti-

va, seu extensiva majorem, vel minorem numerum objectorum secundariorum, quæ in Deo videntur. Igitur tenendum est, de facto dari in Beatis æqualitatem visionis formalem, & specificam; inæqualitatem vero materialem, seu numericam, tam intensivam, quam extensivam, tam subjectivam, quam objectivam: Hoc est, Beatos æqualiter videre Deum, loquendo de æqualitate formali, & specifica; inæqualiter vero loquendo de inæqualitate materiali, seu numerica, tam intensiva, & subjectiva, quam extensiva, & objectiva.

Præterea, observare juvat, de facto in Beatis dari etiam æqualitatem materialem, & numericam, rum intensivam, rum extensivam; sed non in omnibus, at in aliquibus tantum Beatis. Quod patet apertissime contra Paludanum; quia certum nobis est, plures modo deeedere absque ullo merito; & verisimile est etiam, aliquos obire cum merito æquali. Parvuli enim cum solo baptismo decedentes ante rationis usum, æqualiter sine ullo merito decedunt. Inter Adultos autem plane imperceptibile videtur, seu saltem impossibile non videtur, quod aliqui non reperiantur, qui, quum sint ejusdem rationis, instituti, vitæ, professionis, &c. idem etiam meritum non foriantur. His igitur positis, hujusmodi Beati æqualem gloriam habebunt; quum Parvuli nullum habentes meritum, nullum jus habeant ad gloriam; & si illis datur, ex meritis Christi, quæ eadem sunt apud illos, & pro illis, datur. Adulti vero idem habentes meritum, eandem procul dubio gloriam habebunt. Tum etiam in Parvulis, quia gloria, quæ illis confertur, correspondet præcise gratiæ baptismali, quæ in omnibus illis æqualis est; quia in ipsis non reperitur inæqualitas dispositionis, ratione

tione cujus duntaxat baptisumus, sicut & cætera sacramenta, gratiam conferunt inæqualem.

Verum quanvis hæc æqualitas materialis, & numerica inter aliquos Beatos detur, inter alios autem, numeri quidem majoris, & maximi, datur sane inæqualitas numerica, & materialis. Hoc quidem catholicum dogma est, quod I. Jovinianus, qui circa finem IV. seculi vixit, inficiatus est. Mediolanensis Diocesis incola fuit, & Monachus monasterii extra Mediolani mœnia. Quum inter alia portenta, quæ in medium attulit, fuisset cælibatus destructio, multi Monachi, malis ejus artibus delusi, uxoris se junxerunt. In cælo nullam esse inter Sanctos inæqualitatem, effutit; ac omnia præmia, quæ Deus elargitur Electis, æqualia esse. Fuit primo a Papa Syricio damnatus; & postmodum in quodam Mediolanensi Concilio a S. Ambrosio. Demum ab Honorio Imperatore in Insulam Dalmatiæ proscriptus, ibidem cibi, & vini violentia oppressus occubuit.

II. Origenes, etsi hanc æqualitatem ante Judicii diem non admisit, admisit tamen post Judicium. Etenim homilia in Matth. 13. 43. explicans verba illa Apostoli, *stellæ differt a stellâ in claritate*, & comparans cum illis aliis verbis, *tunc Justi fulgebunt sicut sol in regno Patris eorum*; asseruit, ut testatur Petavius, theologorum dogmatum lib. 7. c. 10. n. 2., initio beatitudinis justos inæquali splendore fulgere; post judicium vero in unicum solare lumen esse conflandos. Verba Origenis vero sunt: *Opinor equidem, quod in exordiis beatitudinum, quæ sunt in eis, qui salvati sunt, quoniam nondum purificati sunt, qui tales non sunt, differentia sit luminis eorum, qui salvati sunt. Cæterum ubi, quemadmodum diximus, collecta fuerint a toto Christi regno omnia scandala, & cogitationes, quæ genuerunt iniquitatem, concessa fuerint in cœlum ignis, consumptaque fuerint deteriora: Et dum hæc gerantur, ad se redierint qui receperant sermones, malis illis sibi, tunc Justi inicum solare lumen facti, fulgebunt in regno Patris sui.*

III. Lutherus commentus est, nullam in Cælis esse inæqualitatem in videndo Deum inter Beatos; at altera via ab illa Joviniani incedebat. Siquidem Jovinianus ideo dicebat, omnes Beatos esse æquales in gloria, quia omnia merita æqualia esse putabat, quemadmodum & peccata etiam omnia; hinc nullam in Electis in gloria, nullam in Reprobis in gehenna, diversitatem agnovit. Ex Hieronymo lib. 2. contra Jovinianum.

P. A. R. I.

num, ipsum dixisse, habemus, duos esse tentum ordines, *ovium, & bicornum, ultimum Johannis, alterum Peccatorum*; *abos sicut a dextris, alios a sinistris*; taliter ut inter Joannem, & ultimum Penitentem, nulla sit differentia. Lutherus autem, quia putavit, Justos nullam intrinsecam justitiam habere, sed justos tantum esse propter extrinsecam meritorum Christi, vel ejus justitiæ, imputationem; & quia merita Christi, & justitia Christi, eadem sunt pro omnibus, hinc omnes eadem justitia justos affirmavit, ac unum, idemque pro omnibus Christi meritum, & per consequens una, eademque pro omnibus gloria.

I. Probatur modo catholicum hoc dogma ex Scripturis. *Matth. 56. 5. Dabo eis in domo mea, & in muris meis locum, & nomen meum a filiis, & filiabus. Danielis 12. 2. Et multi de his, qui dormiunt in terra pulvere, evigilabunt; alii in vitam æternam, & alii in opprobrium, ut videant semper. Qui autem docti fuerint, fulgebunt quasi splendor firmamenti; & qui ad justitiam eruduit multos, quasi stellæ in perpetuas æternitates. Matth. 25. 15. Et uni dedit quinque talenta, alii autem duo, alii vero unum; nunciatum stendum propriam virtutem. Et n. 19. Venit Dominus Servorum illorum, & posuit rationem eorum eis. Et accedens qui quinque talenta acceperat, obtulit illi quinque talenta dicens: Domine, quinque talenta tradidisti mihi, ecce alia quinque superlucratus sum: At illi Dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium Domini tui. Accessit autem & qui duo talenta acceperat, & ait: Domine duo talenta tradidisti mihi, ecce alia duo lucratus sum. At illi Dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium Domini tui. Lucæ 19. 15. Justis vocari servos, quibus dedit pecuniam, ut sciret quantum quisque negotiatus esset. Venit autem primus dicens: Domine, mihi tua decem minas acquisivi. Et ait illi Euge bone serve, quia in modico fuisti fidelis, eris potestatem habens super decem civitates. Et alter venit, dicens: Domine, mihi tua fecit quinque minas. Et huic ait: Et tu esto super quinque civitates. Sancti Patres utramque parabola de diversis stipendiis meritorum, & de diversis per consequens gradibus gloriæ, interpretantur. Lucæ 7. 47. Remittuntur illi peccata multa, qui dilexit multum; cui autem minus dimittitur, minus diligit. Si ergo majori merito correspondet major remissio in tempore, major etiam gloria respondebit in æterni.*

S s 2 tate.

rate. Joannis 14.2. In domo Patris mei mansiones multe sunt. 1. ad Corinth. 3.8. Unusquisque autem propriam mercedem accipiet, secundum suum laborem. Et n. 12. Si quis autem superedificat super fundamentum hoc, aurum, argentum, lapides pretiosos, ligno, fenum, stipulam, nunquid sciet opus manifestum erit. II. ad Corinth. 9.6. Qui parce sminat, parce & metet; & qui sminat in benedictionibus, de benedictionibus & metet. Subdit Petavius; in benedictionibus, hoc est abunde. Et 1. ad Corinth. 15. 41. olia claritas solis, alia claritas lune, & alia claritas stellarum; stella enim differt a stella in claritate; sic & resurrectio mortuorum. Addit P. Boucat: „Stella non differt a stella in claritate specificæ; omnes enim stellæ sunt claræ; verum potius in eo, quod claritas est major, vel minor in una potius, quam in altera: Simili prope modo, teste Apostolo, gloria Sanctorum in omnibus eadem est specificæ; omnes enim vident Dei essentiam, vident Personas, & attributa; sed est major, vel minor, intensive, secundum maiorem, vel minorem, charitatem, & amorem. „

II. Probatur ex Conciliis. Concilium Mediolanense anno 389., cui S. Ambrosius præfedit, ut dictum est, damnans omnes Joviniani errores, damnavit etiam illum, quo dicebat, intuitivam Dei visionem ab omnibus Sanctis pro æquali omnino participari. Concilium generale Florentinum sess. ult. in literis sanctæ unionis, ubi de Beatissimis dicitur: Intueri clare ipsum Deum trinum, & unum, sicut est, meritum tamen diversitate, alium ab alio perfectius. Concilium generale Tridentinum sess. 6. c. 16. Bene operantibus usque in finem, & in Deo sperantibus, propouenda est vita æterna, & tanquam gratia Filii Dei per Christum Jesum misericorditer promissa, & tanquam merces est ipsius Dei promissione bonis ipsorum operibus, & meritis fideliter reddendo; hac enim corona illa iustitia, quam post sumum certamen, & cursum, repositam sibi esse asserbat Apostolus a iusto Iudæe sibi reddendam, non solum sibi, sed & omnibus, qui diligunt adventum ejus. Igaur si merces, reddenda est secundum qualitatem laboris, & meritum mensuram. Et in can. 32. ejusdem sessionis decernit, gloriæ augmentum per bona opera mereri, & contra negantes anathema profert: Si quis dixerit, hominis iustificati bona opera ita esse dona Dei, ut non sint etiam bona ipsius iustificati merita; aut, ipsum iustificatum bonis operibus, quæ ob eo, per Dei gratiam, & Jesu Christi meritum, ejus vitæ membrum esse, fuisse, non vere mereri augmentum gratiæ,

vitam æternam, & ipsius vitæ æternæ, si tamen in gratia decesserit, consecutionem, atque etiam gloriæ augmentum; anathema sit.

III. Probatur ex Patribus. Tertullianus in Scorpiaco c. 6. Nam quomodo multe mansiones apud Patrem, si non pro varietate meritum? Quomodo & stella a stella distabit in gloria, nisi pro diversitate radiorum? Hilarius in enarratione psalmi 64. Plures autem mansiones diversa dignitati habitantium præparantur. Chrysostomus hom. 41. in priorem ad Corinthios: Tametsi in regno celesti sint omnes, non omnes tamen eisdem potiri premiis. uti ut in guberna Peccatoris eisdem tormenta patitur. Augustinus tract. 66. in Joannem: Multæ mansiones diversæ meritum in una vita æterna significat dignitates. Alia est enim gloria solis, alio gloria lune, alia gloria stellarum. Stella enim o stella differt in gloria, sic & resurrectio mortuorum. Tancum stella Sancti diversas mansiones, diversæ claritates, tanquam in celo fortiuntur in regno. Hieronymus lib. 2. explicans versum 8. primæ ad Corinthios c. 3. Unusquisque propriam mercedem accipiet secundum suum laborem; & versum 13. unuscujusque opus manifestum erit, inquit: Si is, cujus opus oris, & perit, & ædificum sustinet laboris sui, perdat quidem laboris premium, sed ipse solvabitur, non tamen absque probatione ignis; ergo it, cujus opus manserit, quod superedificavit, sine ignis probatione salvabitur; & inter salvationem, & salvationem, utique erit diversitas aliqua. Irenæus lib. 1. c. 62. Si plus dilexerimus, clarior erimus opud Deum. Ambrosius lib. 5. in Lucam col. 86. Cum sis in regno caelorum, tunc processus est mansionum; est enim regnum, diversa tamen merita sunt in regno caelorum. S. Gregorius Papa lib. 4. moralium c. 31. Quia in hac vita nobis est discretio operum, erit in illa proculdubio discretio dignitatum, ut quo hic alius alium merito sperat, illic alius alium retributione transcendat; unde in Evangelio veritas dicit: In domo Patris mei mansiones multe sunt. Fulgentius lib. de Trinitate: Tantum omnes alio in illa vita Deum videbit, quantum amplius in hac vita cum dilexit, præceptisque ejus obediens fuit.

IV. Probatur rationibus. I. Consensus communis totius Ecclesiæ docet, peculiarem cultum Beatissimæ Virgini, & Dei genitrici Mariæ tribuendum esse, peculiarem. Apostolis, & aliis Sanctis, quos uti insigniores veneramus: ergo eos supponit in Beatitudine præcellentes. II. Angeli inæqualem habent beatitudinem; ut enim a Theologis communiter dicitur cum S. Tho-

ma r. p. q. 62. ar. 6. Angeli consequuti sunt gratiam, & gloriam, secundum quantitatem suorum naturalium, quæ procul dubio in Angelis fuerunt diversæ: ergo etiam homines. Probatur consequentia. Ex verbis Lucæ 2. 36. habemus, quod homines *æquales Angelis sunt*, & *filiis sunt Dei*, cum sint *filiis resurrectionis*. III. Ubi est maxime tale, ibi etiam est magis, & minus tale; quia ubi est maxime tale, ibi est major, & minor accessus ad ipsum, per quem magis, vel minus tale redditur; sed in visione Dei est maxime tale, scilicet Deus ipse: ergo datur de facto major, vel minor visio in cæteris. IV. Beatitudo confertur ut corona, ex illo Apostoli 1. ad Timotheum 4. 8. *Reposita est mihi corona justitiæ*: ergo est præmium; sed in dando præmio servanda est justitiæ distributiva, ut pro æqualibus meritis æquale præmium, & gratia, conferatur: ergo, &c. V. Inæqualiter Re-probi in inferno puniuntur; juxta illud Apocalypsis 18. 7. *Quantum glorificavit se, & in deliciis fuit, tantum date illi tormentum, & luctum*; sed Deus non minus servat justitiam distributivam in præmiis, quam in pœnis: ergo etiam inæqualiter Electi Deum in paradiso videbunt. VI. Non potest Deus esse nobis causa, vel occasio negligentiae, vel otiositatis; sed sic esset, si Deus non secundum inæqualitatem meritorum præmia distribueret: ergo Deus in celo inæqualiter se videndum præbet Electis. Probatur minor; quia possent plures dicere; ad quid vitam ducere perfectionem, quum sufficiat eam ducere bonam? Et cur servare debemus consilia, quum sufficiat servare mandata? Semper idem, est præmium; ergo inutilis erit nobis major, vel intensior labor. VII. Non est injustus Deus, ut obliviscatur laboris nostri; sed si secundum æqualitatem omnes eum viderent, oblivisceretur laboris nostri: ergo non omnes æqualiter eum vident. Minor patet, quia oblivisceretur laboris illius, qui plus aliis laboravit, quum eum non pro merito debito præmio prosequeretur: Major docetur a Concilio Tridentino sess. 6. c. 16. *Abundate in omni opere bono, scilicet quod labor vester non est inanis in Domino; non enim injustus est Deus, ut obliviscatur operis vestri, & distractionis, quam ostendistis in nomine ipsius*. VIII. Sive causa visionis sit gratia sanctificans, sive amor, sive labor, sive opus misericordiae, sive in tentatione fidelitas; quum hæc semper sint diversæ in justis, semper etiam in iisdem, visio debet inæqualis esse. Et sicur impos-

sibile est, ut omnes homines habeant eandem gratiam sanctificantem, amorem, laborem, opus misericordiae, fidelitatem, ita etiam est impossibile, ut eandem habeant visionem.

Arguunt Hæretici I. Et præcipue Jovinianus ex Scripturis; Parabola scilicet illa Matth. 20. ubi, licet Operarii inæqualiter in vinea laborassent, æqualem nihilominus mercedem receperunt; hoc est singuli singulos denarios: ergo pariter in celo æqualis dabitur visio inæqualiter quanvis laborantibus, & merentibus, in hac vita. Hoc eodem argumento utuntur recentiores Heterodoxi ad probandum, visionem Dei non dari ut mercedem justitiæ, sed pro voluntate Dei omnibus æqualiter dantia per merita Christi Domini. II. Ex illo Matth. 13., quod usurpabat Origenes: *Tunc Justi fulgebunt sicut sol in regno Patris eorum*: ergo saltem post Judicii diem æqualis erit Beatorum omnium felicitas, & eadem gloria. III. Si daretur hujusmodi inæqualitas, qui minus videret non esset sua sorte contentus, sed perfectiorem visionem desideraret; hoc non est dicendum: ergo nec illud, ex quo sequitur. IV. Ex Augustino lib. 83. quaestionum quæst. 83. Unam rem non potest unus alio plus intelligere; essentia autem divina est una, res, & summe simplex: ergo unus non potest essentiam divinam plus, aut melius intelligere, quam alius. V. Omnes Beati videbunt Deum sicuti est, juxta illud 1. Joannis 3. *Videbimus eum sicuti est*; Deus autem in se ipso simplex est, & invisibilis, adeoque uno modo est: ergo uno etiam modo videbitur, ac proinde non videbitur perfectius ab uno, quam ab altero. VI. ex eodem Augustino ser. 59. de verbis Domini c. 4. *Denarii ille vita æterna est, & in vita æterna omnes æquales erunt*; atqui visio Dei est vita æterna: ergo in visione Dei omnes æquales erunt. VII. Justitia Christi est eadem in omnibus Justis; sed visionis beatificæ Justorum est causa justitia Christi: ergo visio beatificæ Justorum, est æqualis in omnibus Justis. VIII. Si visio esset inæqualis in Beatis, non minus esset talis ob perfectius lumen, quam ob perfectiorem intellectum; sed hoc secundum dici non potest: ergo neque primum.

Respondemus ad I. cum S. Thoma 1. 2. q. 5. ar. 2. Unitatem denarii significare unitatem beatitudinis objectivæ, diversitatem autem mansionum significare diversitatem beatitudinis formalis. Sicque omnes accipiant unum denarium, quia accipient unum,

unum, & idem summum bonum; & accipient etiam diversas mansiones, & possessiones summi boni. Uterius, Chrysostomus, Nazianzenus, & alii Patres apud Petavium, & Vasquez, per parabolam illam intelligunt, quod multi breviori tempore laborantes, quia intensius laboraverunt, acquirunt æqualem mercedem cum aliis, qui longiori tempore, sed remissius, laborarunt; juxta illud Sapientiae 4. 13. *Consummatus in brevi, explevit tempora multa.* Adhuc, Lyranus, alique Interpretes, explicant parabolam per vocationem ad gratiam Evangelii, ooo de dispensatione gloriæ, & intelligunt respectu Judæorum, qui fuerunt primi, & Gentilium, qui fuerunt novissimi; & nihilominus deinde fuerunt primi novissimi, & novissimi primi. Denique, audiat S. Hieronymus lib. 2. contra Jovinianum col. 548. *Unus autem denarius non natus est premium, sed una vita, & una de gehenna liberatio. Et epist. 146. Et tu, qui hora sexta conductus es, novissimo invides, cur tecum denarium, id est æqualem consequatur salutem, licet saluti pro labore diversa sit gloria.*

Ad II. dicitur, fulgorem Beatorum esse tanquam solare lumen; sed ex hoc non inferitur, futurum idem Beatorum omnium lumen. Hic idem Origenes commentus est, ex Petavio loc. cit., post longissimi temporis purgationem, Dæmoones, ac Damnatos omnes, ad cæleste regnum pervenuros; & tunc omnium Beatorum etiam Dæmonibus, & Damnatīs, comprehensis, una, & eadem erit gloria, & beatitudo. Quod quidem est contra omnium Patrum mentem, contra totius Ecclesiæ traditionem, & contra omniom Ecclesiæ fidem. Videantur Patres a nobis adducti, præsertim qui verba illa explicant, quæ Origenes tam pessime interpretavit.

Ad III. Quilibet Beatus est sua forte contentus, nec plus eo, quod videt, videre desiderat, quia sufficientissime cum eo, quod videt, summum bonum possidet, possessione sibi proportionata, qua certissime satiatur. Exemplum adducunt, quod explicat simul, & suadet, rem, de qua loquimur. Pater quinque filiis, quos habet, eandem vestem fieri jubet; iisdem ornamentis, iisdem auro, & argeoto, eadem materia, omnino compactam; variam solummodo secundum variam pucrorum ætatem. Iovider ne puer minor majori vestem grandiore, quando sua, quanvis sit minor, est tamen æqualis in materia, in pretio, & in ornatu? Non invidet, quia

sua habet sibi proportionatam, & si grandior esset, non esset sibi respondens, & adæquata, adeoque ooo decorem, sed deformitatem potius sibi adderet. Sic pariter in Beatis diversum gloriæ gradum possidentibus discurrendum est.

Ad IV. dicitur, quod unam, eadēque rem potest unus alio plus intelligere inæqualitate se tenente ex parte intellectōis, licet nōo possit intelligi inæqualitate se tenente ex parte rei; in quo sensu intelligendus est Augustinus. Unde in casu non potest unus intelligere, Deum habere plus de esse, & perfectione, alius intelligere, Deum habere minus de esse, & perfectione; sed omnes debent intelligere, quod Deus habet idem infinitum esse, & eandem infinitam perfectionem. At hoc ipsum infinitum esse, & infinitam perfectionem Beatus unus videt perfectius, alius videt minus perfecte.

Ad V. eadem est responsio; videbimus Deum sicuti est, si To sicut se tenet ex parte objecti, ita ut significet, videbimus Deum esse eo modo, quo est, conceditur; si To sicut se tenet ex parte cognitionis, ita ut significet, quod ita in nobis erit perfectus modus cognoscendi, sicut in Deo est perfectus modus essendi, negatur. Deus enim, quum sit infinitus, finito tamen modo a Beatis videtur; sique finito modo perfectiori ab uno, & ab altero finito modo minus perfecte, videbitur.

Ad VI. Augustinus explicat se ipsum, verbis sequentibus ad locum, qui adductus est; & sunt ista: *Quantis enim meritum diversitate fulgebunt, alius magis, alius minus, quod tamen ad vitam æternam pertinet, æqualis erit omnibus; non enim alteri longius, alteri brevius, quod pariter sempiternum est, quod non habet finem, nec tibi habebit, nec mihi. Eadem habet tract. 67. in Joannem 1. Quo utique denario vita significatur æterna, ubi amplius nemo vivit, quoniam vivendi non est diversa in æternitate mensura; sed multe mansiones diversis meritum in una vita æterna significant dignitates.*

Ad VII. distinguitur minor; visionis beatificæ Iustorum est causa iustitia Christi; causa efficiens, conceditur; causa formalis, negatur. Etsi enim visio exigit concursum causæ primæ efficientis, exigit quoque concursum causæ secundæ, a qua specificatur actus; non secusmodum naturalia, sed secundum supernaturalia; ut apud P. Boucat legitur declarasse Sacram Facultatem Patistensem, in sequentis propositionis proscriptioe: *Causas meliora fuerint*

naturalia necessario major erit gratia, & gloria.

Ad VIII. responso habebitur ex dicendis. Etenim videndum superest, quoniam huiusplex inæqualitatis visionis sit causa? Duplex potest esse causa, moralis nimirum, & physica. De morali conveniunt omnes quasi Catholici, asserentes, esse inæqualitatem meritorum; præcipue loquendo de inæqualitate intensiva visionis; extensivæ enim inæqualitatis ut plurimum potest esse causa diversitas status Beatorum, ratione cujus unus Beatus majores creaturas videt, quam alter; quia majores ad se pertinent, quam ad alterum; ut in superioribus fuit dictum. Causam igitur moralem, seu radicalem, ut alii dicunt, inæqualitatis visionis, quæ de facto datur, meritorum dicitur inæqualitatem esse.

I. Probatur ex Scripturis. Matth. 5. 19. *Qui ergo solverit unum de mandatis istis minimis, & docuerit sic homines, minimus vocabitur in regno celorum: Qui autem fecerit, & docuerit, hic magnus vocabitur in regno celorum.* Igitur majoritas, vel minoritas præmii majoritati, vel minoritati operum respondet. Ad Romanos 2. 6. *Qui reddet unicuique secundum opera ejus.* 1. ad Corinthios 3. 8. *Unusquisque autem propriam mercedem accipiet secundum suum laborem.* 2. ad Corinthios 9. 6. *Qui parce seminat, parce & metet; & qui seminat in benedictionibus, de benedictionibus & metet.*

II. Probatur ex Patribus. Augustinus in libro de sancta virginitate: *Stella tamen a stella differt in gloria, sic & resurrectio mortuorum; hæc sunt merita diversa Sanctorum.* Theodoretus in priorem epistolam ad Corinthios: *Non omnes Iusti ejusdem præmii erunt participes, sed recte factis congruam habebunt retributionem.* Chrysostomus homil. 4. in 1. ad Corinthios: *Tametsi in regno celesti sint omnes, non omnes tamen lifdem potiri præmii, illa similitudine stellarum; nisi nec in gehenna peccatores omnes eadem tormenta patientur; sed peccatores diversa patientur tormenta secundum diversitatem suorum malorum operum; ergo iusti diversa consequentur præmia secundum suorum bonorum operum diversitatem.* Ambrosius in psal. 38. v. 6. *Homines a primo calo ad secundum, & deinceps a secundo ad tertium, & ab illo per distinctiones fere ad septimum calum, atque in ipsam apsidem, & summum calum, qui merentur, ascendant.* Prosper in sententia 160. *Multi mansiones in una vita varias meritorum significant dignitates; quod a S. Augustino accepisse, liquet.*

III. Probatur Rationibus. I. Inæqualitas pœnæ in gehenna habet pro causa inæqualitatem demeritorum; ergo etiam inæqualitas præmii in cælo habet pro causa meritorum inæqualitatem. Antecedens patet ex Lucæ 12. 47. *Ille autem servus, qui cognovit voluntatem Domini sui, & non præparavit, & non fecit secundum voluntatem ejus, vapulabit multis; qui autem non cognovit, & fecit digna plagis, vapulabit paucis;* item ex illo Apocalypsis 18. 7. *Quantum glorificavit se, & in deliciis fuit, tantum date illi tormentum, & luctum;* consequentia vi paritatis sequitur. II. Dei visio in patria correspondet gratiæ in via: ergo ex quo capere habetur major gratia in via, habebitur etiam major visio in patria; sed in via habetur major gratia ratione majoritatis meritorum, & bonorum operum: ergo ratione ejusdem habebitur etiam in patria major visio. III. Quia aliter non eluceret Dei iustitia remunerativa, & decrederet quoque hominum voluntas, si aliunde, quam a meritorum diversitate, visionis inæqualitas haberetur. IV. Deus dar gloriam in mercedem: ergo etiam dabit in mercedem quantitatem, & qualitatem, gloriæ; sed dare in mercedem est dare secundum proportionem laboris recipientis, non vero secundum liberalitatem dantis: ergo secundum hanc eandem proportionem & dabit gloriam, & dabit gloriæ diversitatem.

De causa physica hujusmodi inæqualitatis remanet modo major difficultas inter Scholasticos examinanda. Siquidem Scotiæ ab intellectuum inæqualitate illam defumunt; adeo, si duo fuerint intellectus cum æquali lumine, inæquales tamen in vi sua nativa, inæqualiter hoc ipso Deum videbunt. Thomistæ vero, & ex Neutricis quamplurimi, a sola reperiunt luminis inæqualitate; ita ut duo intellectus æquales cum lumine inæquali inæqualiter Deum videant; duo vero intellectus inæquales secundum nativam virtutem, cum lumine tamen æqualiter ipsum intueantur. P. Magnanus conformiter ad sua principia visionis inæqualitatem nec ex intellectu inæqualitate secundum naturalem perspicaciam perspectorum, nec ex inæqualitate luminum ut formaliter luminum consideratorum, defumit; sed ex sola speciei intelligibilis, qua talis inæqualitate petit. Etenim secundum ipsum, quem admodum nos etiam in superioribus adnotavimus, duo ad intuitivam Dei visionem requiruntur; unum cuilibet visioni, etiam

creaturæ naturali, commune, & hoc est determinativum indifferentiæ potentie, seu concursus objectivus, & species impressa; aliud est peculiare divinæ intuitionis, lumen scilicet, quo creata mens elevetur ad superiorem ordinem, ad quem nullis potest suis naturalibus viribus pervenire. Hæc autem duo, determinare scilicet potentiam, & ipsam elevare, quorum primum se tenet ex parte speciei impressæ, alterum ex parte luminis, essentialiter inter se distinguuntur. Et ratio est, quia determinare supponit elevationem, elevare autem nec supponit, nec imbibit, determinationem. Per hoc enim, quod potentia in eodem ordine ponatur, in quo est objectum, non intelligitur ab hoc determinata; ex opposito vero, quando ablata est indifferentia potentie circa objectum aliquod, præsupponitur in ea habitudo ad illud attingendum. Erit ergo determinare, & elevare possint in sensu identico idem esse; stat nihilominus, quod in sensu formali valde sint diversa.

His præmissis, probat P. Magnanus visionis inæqualitatem nec ex intellectu, nec ex luminum, inæqualitate provenire. Non quidem ex intellectu diversitate; quia non juvat major activitas intellectus ad actum producendam notitiam objectorum, nisi eorundem species recipiat; idem dicendum de minori intellectus activitate: ergo visionis inæqualitas non potest oriri ex inæqualitate intellectuum secundum naturalem virtutem spectatorum. Antecedens probatur. Si unus intellectus perfectus ut sex, alter vero perfectus ut quatuor, æquales species proportionatas ut duo perfectas recipere, uterque intellectus produceret notitiam perfectam ut duo: ergo nec major activitas juvat, nec minor obstat, si utrique derur species æqualis. Antecedens probatur. Quivis intellectus absque determinativo nullam potest actu notitiam producere, nisi intellectus ille sit sua visio per essentiam, de quo non est questio, cujusmodi est intellectus divinus: ergo quale erit determinativum, valem notitiam produceret: ergo si duo intellectus, quorum unus sit perfectus ut sex, alter ut quatuor, æquales species proportionatas, ut duo perfectas, reciperent, uterque notitiam perfectam ut duo produceret. Antecedens patet, consequentia, probatur. Si notitiam perfectam ut sex produceret potentia determinata ut quinque, jam sextus gradus notitiæ procederet a potentia nullo modo determinata ad ip-

sum: ergo a potentia nullo modo determinata posset procedere notitia saltem ut unum; sed hoc ex dictis implicat in intellectu capaci indifferentiæ: ergo, &c.

Probat modo P. Magnanus, quod nec etiam ex luminum inæqualitate inæqualitas visionis desumenda sit. Etenim lumen, ut formaliter tale, ex omnium Theologorum sententia, est elevativum intellectus inferioris ad illum superiorem ordinem, in quo est objectum visibile; seu est elevativum creaturæ mentis ex infimo naturæ statu ad ordinem Divinitatis; sed quælibet creata mens, ut Deum intueatur, ex sue infimæ naturalitatis ordine æque debet extrahi, & æque etiam in illa divini ordinis poni, æque scilicet debet elevari: ergo lumen est æquale in omnibus, nec potest esse inæquale, utpote in indivisibili positum: ergo ex inæqualitate luminum, quæ nulla est, sed supponitur falso, oriri nequit visionum inæqualitas. Omnia recte inferuntur, ex majori scilicet, quæ est certa, & ex minori, quæ probatur. Non est magis divinum supremi, ac eminentissimi ordinis objectum visionis inaurivæ ut unum, scilicet unus gradus omnipotentie, quam sit objectum maximum cognitionis etiam comprehensivæ, scilicet totus Deus; sed ratione Divinitatis, & hujus summæ excellentiæ objecti visibilibus, requiritur in potentia illud elevativum: ergo æque quælibet creata mens, ut Deum, sive magis, sive minus, intueatur, elevari debet. Hæc quidem in principiis P. Magnani procedunt, secundum quæ vere lumen in indivisibili consistit, adeoque intentionis, vel remissionis, est incapax. Cæterum in suppositione, quod lumen sit intrinsecum, & se habeat per modum habitus, tunc intensus quidem, atque remissus potest esse; & per consequens dari majus, vel minus lumen, & lumina tandem esse inæqualia, non repugnat. In hac ergo hypothesis dicimus nos cum Thomistis, visionis inæqualitatem, non ab intellectu, sed a luminum, inæqualitate petendam esse. Et probatur I. Virtuti proximæ, & immediate, non autem remotæ, & radicali, tribuenda est major, vel minor perfectio alicujus effectus; sed ex dictis a nobis causa proxima, & immediata visionis solum lumen est, intellectus vero est causa radicalis, & remota: ergo a sola luminum, non intellectu, inæqualitate desumenda est visionis inæqualitas. II. Ratio, secundum quam, causa non concurrat in effectum, non potest esse ratio diversifica-

ris effectus; sed perfectior vitalitas intellectus non elevata non concurret ad visionem: ergo non potest esse causa majoris perfectionis in visione. III. Intellectus remore concurret ad visionem ut elevabilis; sed omnes intellectus aequaliter sunt elevabiles: ergo aequaliter ad visionem concurrunt. Probatur minor: Perfectio naturalis intellectus ut elevabilis est in quolibet intellectu aequalis, nec intellectus naturaliter perfectior est obedientialiter elevabilior; ergo omnes intellectus aequaliter sunt elevabiles. IV. Si inaequalitatis visionis causa physica esset inaequalitas intellectuum, ejusdem inaequalitatis causa moralis non esset inaequalitas meritorum; sed hoc est falsum ex probatis paulo ante: ergo falsum est etiam illud, ex quo sequitur. Probatur major. Si habentes aequalia merita haberent inaequales intellectus, hujusmodi intellectus inaequalem visionem haberent; & tamen visio ista inaequalis non corresponderet meritis, quae omnia supponuntur aequalia: ergo inaequalitatis visionis causa moralis non esset inaequalitas meritorum. V. Si esset intellectus perfectus ut sex, & haberet lumen ut quinque, intellectus secundum searum gradum, vel concurreret ad visionem ut elevatus, vel non elevatus? Si ut elevatus: ergo lumen esset perfectum ut sex, & non ut quinque, ut supponitur: Si ut non elevatus: ergo intellectus secundum aliquid suae naturalis virtutis absque elevatione ad visionem concurreret. VI. Concedunt Thomistae inaequalitatem visionis beatæ ex eo provenire, quod divina essentia magis, vel minus perfecte intellectus creato in ratione speciei intelligibilis uniat; sed hoc nihilominus dicunt, provenire ex majori, vel minori luminis intensione, quum lumen sit ultima dispositio ad rationem unionem; ut docet S. Thomas hic ar. 5. Unde asserunt, visionem certe esse inaequalem, quia species est inaequalis; speciem autem esse inaequalem, quia lumen est inaequale; Et ex hoc deducunt, non ex intellectu, sed ex luminum, inaequalitate, inaequalitatem visionis esse desumendam; quum non propter intellectuum diversitatem, sed propter luminum duntaxat diversimode divini essentia in ratione speciei intelligibilis creatæ intellectui uniat.

Arguunt nihilominus Scotistae I. ex S. Thomae 3. p. q. 10. ar. 4. ad 2., ubi S. Doctor ait: *Gradus visionis attenduntur magis secundum ordinem gratiae, quam secundum ordinem natura-*

PAR. I.

tura: ergo si S. Thomas docet, magis secundum ordinem gratiae attendi, quam secundum ordinem naturae, signum est, quod saltem aliquo modo secundum ordinem naturae etiam attendantur. II. Quoties dicitur causae concurrunt ad eundem numero effectum, ex utriusque majori, vel minori perfectione, major, vel minor perfectio effectus perenda est; sed non minus lumen, quam intellectus, ad visionem concurret: ergo non minus a luminis, quam ab intellectu, inaequalitate perenda est visionis inaequalitas. III. Intellectus concurret ad visionem ut causa principalis secundum suam intrinsecam virtutem; sed secundum intrinsecam virtutem creati intellectus sunt diversi: ergo ab intellectu inaequalitate desumitur inaequalitas visionis. IV. Sicut potentia perfectior naturalis cum aequali principio naturali perfectius operatur; ita etiam potentia perfectior naturalis cum aequali principio supernaturali perfectius operabitur: ergo quavis lumen sit aequale, si tamen inaequales sint intellectus, visio etiam erit inaequalis. Probatur major. In intellectu, & specie videmus, quod si detur species aequalis intellectui perfectiori, & intellectui minus perfecto, ille perfectius operabitur, quam iste: ergo etiam si detur lumen aequale, intellectus perfectior perfectius videbit, quam intellectus minus perfectus. V. contra peculiarem P. Magnani sententiam. Si lumen consistit in indivisibili, in indivisibili consistit etiam species, quæ luminis correspondet; adeoque, si potentia ut quinque perfecta per lumen ut unum sufficientissime elevabitur, per speciem etiam ut unum sufficientissime determinabitur. VI. si visionum inaequalitas a specierum inaequalitate proveniret, sequeretur naturalem perspicaciam naturalis intellectus aliquatenus ad opera supernaturalia elevare; hoc est falsum: ergo etiam illud, ex quo inferitur.

Respondemus ad I. explicando auctoritatem S. Thomae: Gradus visionis attenduntur magis secundum ordinem gratiae, quam secundum ordinem naturae; & verbum illud magis accipitur adverbative, hoc est pro potius, & conceditur; & accipitur comparative, scilicet pro non minus, & negatur. Sic omnes Thomistae verba S. Doctoris intelligunt, si unus excipiat Cardinalis Cajetanus, qui proinde in contrariam sententiam inclinavit.

Ad II. Vera est major, quoties utraque causa ad effectum concurret ut inaequalis; in-

Telle-

Intellectus autem ad visionem concurrir non ut inæqualis, quum secundum se non præstet, nisi virtutem elevabilem, quæ in quovis intellectu est æqualis. Uterius dici etiam potest, veram esse majorem, quando utraque causa immediatæ, & proxime concurrir; intellectus autem non concurrir immediatæ, & proxime, sed mediatæ, radicaliter, & remote.

Ad III. distinguitur minor: Intellectus creati sunt diversi secundum virtutem intrinsicam naturaliter consideratam, conceditur; secundum virtutem intrinsicam consideratam obediencialiter, & elevabiliter, negatur. Virtus naturalis unius intellectus utique non est omnino eadem in omnibus intellectibus, quia unus est altero acutior, & perspicacior, in cognoscendo; atamen in omnibus intellectibus virtus intrinseca obediencialis est eadem, quia eandem habent & naturalitatem, & obediencialiam, ut elevari possint in ordinem supernaturalitatis, & ut eleventur.

Ad IV. assignatur disparitas secundum principia P. Magnani, dicentis, quod si potentia naturalis sit in exercitio perfectior, hoc est, si perfectiorem habuerit determinationem a speciebus agendi, verum est quod perfectius agat, alter autem est falsum. Effectus enim perfectior provenit ab exercitio potentie, seu a potentia in actu proximo ad operandum. Secundum vero alia principia dici potest, disparitatem esse, quod potentia cum principio naturali concurrir etiam proxime, non vero cum principio supernaturali; inde non mirum, quod cum principio naturali ingreditur rationem æqualitatis in effectu, non vero cum principio supernaturali.

Ad V. dicit P. Magnanus, in ratione ordinis non posse dari divisibilitatem, quia ordo est ad instar essentie, quæ non suscipit magis, & minus; bene vero dari posse in ratione entitatis. Lumen est in ratione ordinis, species vero in ratione entitatis; adeoque non mirum, si species suscipit magis, & minus, lumen vero non suscipit. Et revera lumen aut elevat, aut non elevat; & non potest elevare, hoc est transferre, ab ordine naturali ad ordinem supernaturalem ut duo, ut quatuor, ut sex; sed semper quod elevat, indivisibiliter transferre ab uno ad alium ordinem. Species vero, quæ consistit in representatione, potest representare ut duo, ut quatuor, ut sex, ut octo; & per consequens potest suscipere magis, & minus.

Ad VI. respondet idem Doctor profundissimus Magnus, remanere eandem vim activam intellectus in ratione entitatis, sed non eandem esse in ratione ordinis; quum supponatur mutata, seu translata, ab ordine naturali ad supernaturalem. Ratio est, quia antecedenter ad speciem supponitur intellectus elevatus per lumen; unde non est eadem virtus activa intellectus naturalis, hoc est in ratione entitatis. Et quavis secundum ipsum eadem Dei operatio sit lumen, & species; hoc tamen intelligit identice, non vero formaliter; quia eadem Dei actio, ut elevat intellectum, est lumen, ut Deus intellectui pandit, manifestat, ostendit, est species. Et quia pandere, manifestare, ostendere, potest magis, & minus; hinc est, quod diversitas visionis a diversitate speciei secundum ipsum desumitur: Non vero a diversitate luminis, quia, ut dictum est, secundum ejus principia, hoc quod est elevare stat in indivisibili; quum non deur major, vel minor, supernaturalitatis; adeoque non datur major, vel minor, elevatio.

Pro causa autem physica inæqualitatis extensivæ assignant etiam divinam essentiam unientem se intellectui, ut representativam plurium, vel pauciorum creaturarum. Quod est conforme ad ea, quæ diximus in alia Dissertatione, in qua probavimus, rationem, quare in divina essentia majores, vel minores creaturæ, hæc etiam, aut illæ, videantur, non a lumine, sed ab ipsamet divina essentia perendam esse. Hoc nihilominus non impedit, quin hæc etiam possit a lumine provenire, quomodo dari lumen heterogeneum, quod modo de facto non datur, quia omnia lumina sunt homogenea. Quemadmodum etiam de possibili intensivæ Dei visionis inæqualitas possit a divina essentia provenire, in eorum sententia, qui docent, lumen gloriæ intrinsecum suppleri posse per assistentiam extrinsecam divinæ omnipotentie; ut & nos in superioribus diximus. Tunc enim divina essentia munus luminis etiam quoad hoc exerceret. An vero saltem de possibili major intellectus perfectior possit ad majorem visionis perfectionem concurrere, & conferre, inquirunt aliqui. Verum nos ex probationibus adductis, quæ non solum de facto, sed de possibili etiam procedant, recte inferimus, non posse.

DISSERTATIO LXX.

*De Incomprehensibilitate Dei, Deque erroribus
contra illam, & circa illam Scholasti-
corum opinionibus.*



Uanvis certo sciamus, ipsam Dei incomprehensibilitatem maxime omnium, quæ in Deo sunt, incomprehensibilem esse, ut P. Magnanus ait; de ea nihilominus hic unum, vel

aliud verbum facere, tum instituti ratio, tum materię complementum, impellunt. Tria ergo hæc in Dissertatione videnda proponimus; primum, quid rei sit, Deum esse incomprehensibilem; Secundum, an de fide sit, Deum esse incomprehensibilem; Tertium, ex quo incomprehensibilitas Dei oriatur? Verum antequam secundum rem incomprehensibilitatem explicemus, volumus ipsam exponere secundum vocem. At hoc non melius fieri posse credimus, quam explicando comprehensionem, ex cujus deinde explanatione facilius incomprehensio, vel incomprehensibilitas ipsa redditur manifesta. Comprehensio igitur, si vis vocis attendatur, actio est ad corpus potius, quam ad intellectum spectans; siquidem est manu tractio, vel tensio rei, quam insequimur. Ad Spiritum nihilominus, seu ad intellectum, per analogiam transferitur, quatenus intellectus, intelligendo objectum, ipsum quodammodo consequitur, trahit, tenet. Et quia corporalis illa rei tensio, vel secundum parrem esse potest, vel secundum totum; hinc est etiam, quod spiritalis comprehensio, vel pro quacunque objecti intellectualiensione, possessione, & consequutione, accipitur; vel pro intentionaliensione, possessione, & assequutione, ita perfecta, ut objectum totum, & totaliter, ut dicitur, in ipsa contineatur.

De materiali comprehensione secundum partem intelliguntur ea, quæ habentur. Judic. 16. *Quem perferri comprehendimus.* Eccle. q. 12. *Aves laqueo comprehenduntur.* Lucæ 22. 54. *Comprehendentes autem Jesum.* De materiali comprehensione secundum totum intelliguntur alia, quæ habentur Daniel. 7. 1. *brevi sermone comprehendit.* 11. Macab. 2. 24. *Quinque libris comprehensa.* Item de intellectuali comprehensione secundum partem, seu de visione, accipiuntur.

PAR. I.

tur ea, quæ sunt ad Philippenfes 3. 12. *Sequitur autem, si quo modo comprehendam.* Ad Ephesios 3. 16. *ut possitis comprehendere cum omnibus Sanctis.* 1. ad Corinthios 9. 24. *Sic currite, ut comprehendatis.* Unde & Beati etiam Comprehensores dicuntur, & comprehensio inter animę gloriosę doctes enumeratur. Tandem intellectualis comprehensio secundum totum est illa, de qua in presenti nos loquimur; & de qua querimus, in quo ipsa vere theologicę consistat? At sit de fide, repugnare, ut de Deo a nobis habeatur? Et unde talis repugnantia oriatur?

A primo incipientes, supponimus, cognitionem comprehensivam etiam esse intuitivam; utraque enim est de objecto per species proprias prout de presenti immittas; & hoc supposito, queritur, quid ulterius comprehensiva supra intuitivam addat, vi cujus comprehensio non sit simplex intuitio, nec simplex intuitio sit comprehensio? Rem explicat Augustinus epist. 112. c. 9. *Aliud est videre, aliud totum videndo comprehendere; quandoquidem id videtur, quod præsens utrumque sentitur; totum autem comprehenditur videndo, quod ita videtur, ut nihil ejus lateat videntem, aut cujus fines circumspici possunt.* Hæc Augustinus, cujus admissa explicatio, immo ab omnibus recepta, pergunt Scholastici ad stabiliendum id, in quo proprie ipsa comprehensio consistat. I. Aliqui dicunt, consistere in cognitione perfectissimā, quæ de objecto haberi possit. Sed rejicitur hæc explicatio. Comprehensibilitas enim, vel incomprehensibilitas, est predicatum se tenens ex parte objecti; ergo male explicatur per cognitionem perfectissimā, quæ se tenet ex parte potentię. Ulterius, sequeretur, nullam creaturam posse aliam creaturam comprehendere, quia quavis perfecta cognitio creaturæ semper Dei cognitio esset perfectior; ergo cognitio illa creaturæ non esset perfectissima; ergo non esset comprehensiva. II. dicunt alii, comprehensionem consistere in cognitione adæquante extensivę cognoscibilitatem objecti tum secundum formalia, tum secundum

Tr 2 emi-

eminentialia. At hoc dicunt Thomistæ, ut defendant, non posse in Verbo videri omnia possibilia, quin Deus ipse comprehendarur. At hoc ipsum nos supra impugnauimus. III. alii putant, comprehensionem consistere in eo, quod non solum totum obiectum, sed etiam totaliter, videatur. In tantum autem huiusmodi Auctores sic loquuntur, in quantum volunt, visionem beatam non posse esse præcisivam ex parte obiecti, sed solum ex parte actus; adeoque quodlibet Dei videndo, totus Deus videtur, quatenus illud, quod videtur ex parte obiecti dicit totum illud, quod est ex parte Dei: Non autem videtur totaliter, quatenus est præcisio ex parte actus. Sed sic in contrarium argumentatur, & petimus, totum, quod videtur, vel videtur materialiter ut totum, vel formaliter? Si formaliter: ergo videtur totum, & totaliter: Si materialiter: ergo tantum denominative dicitur, videri totum. Totum autem videri formaliter est totum videri ut totum; totum videri ut totum est videri secundum omnimodam ejus totalitatem; sed hoc est videri omnimodam ejus totalitatem: ergo totum videri formaliter ut totum, est videri totum, & totaliter. IV. alii existimant, comprehensionem consistere in eo, quod tanta sit perfectio cognitionis in potentia, quanta est perfectio cognoscibilitatis in obiecto. Sed & hi etiam impugnantur; quia, ut ait Petavius lib. 7. theologicorum dogmatum c. 4. contra Ruiz de Scientia Dei disp. 6. sect. 2., si hoc esset, quælibet substantia a nullo alio, quam a Deo comprehendi posset, eo quod omnis cognitio, quantumcunque perfecta, accidens est, atque iccirco longo abest intervallo a substantia.

Expositis explicationibus hæc Scholasticorum, modo labore utcumque nostrum eo dirigimus, ut aliquatenus eas, si possibile est, conciliemus. Admittimus profecto æqualitatem in comprehensione inter cognoscibilitatem obiecti, & cognitionem potentie; sed negamus hanc æqualitatem esse entitativam, seu essentialem, vel in perfectione, bene vero obiectivam, intentionalem, & in representatione; sique in hunc sensum tracta admitti poterit quarta sententia impugnata. Ulterius, admittimus etiam in comprehensione debere videri obiectum totum, & totaliter, per totum accipiendo adæquatam extensionem, & quoad substantiam, per totum in intelligendo adæquatam intensivum, & quoad modum, ut infra; sicque conciliata

remanet tertia sententia. Insuper, cognitionem adæquatam solum extensionem obiecti dicimus constituere solum comprehensionem secundum partem; est tamen necessaria ad comprehensionem secundum totum, sed non est sufficiens; sicque sustineri potest secunda sententia hoc modo explicata. Tandem certum est, quod comprehensio est cognitio perfectissima, sed relate ad cognitionem intuitivam, & abstractivam; & sua perfectio in suo genere, in genere scilicet representationis tanta debet esse, quanta est perfectio cognoscibilitatis in proprio genere, in genere scilicet entis, & sic est perfectissima; quod si ab alia cognitione excedatur, parum refert, quatenus excessus, quum sit etiam respectu cognoscibilitatis obiecti, impertinenter hoc ipso se habet respectu perfectionis cognitionis. Igitur ex his constat, cognoscibilitatem cuiuscunque obiecti esse extensivam, & intensivam; extensiva, quæ & dicitur secundum substantiam, est quando obiectum est cognoscibile secundum omnia sua prædicata; secundum scilicet omnes suas proprietates, quas habet, secundum omnes perfectiones, quas continet, & sic dicitur cognitum totum obiectum. Intensiva vero est quoad modum, quatenus obiectum illud sic cognitum secundum omnia sua prædicata potest clarius, & minus clare cognosci. Quando autem cognoscitur ea claritate, quæ correspondet suæ obiectivæ claritati, tunc dicitur etiam cognitum totaliter.

Quod vero possit dari circa idem obiectum, cognitum secundum omnes proprietates, quas habet, & secundum omnes perfectiones, quas continet, cognitio altera cognitione clarior, & perfectior, absque eo, quod quæ est clarior sit supra exigentiam cognoscibilitatis obiecti, aut excedens perfectionem, secundum quam postulat ex natura sua cognosci, patet apertissime ex Angeli exemplo, quod subiungimus. Angelus enim clarius, perfectiusque cognoscitur a se ipso, quam ab altero inferiori; quum aliunde tam a se ipso, quam ab altero inferiori, secundum uniuersa sua prædicata, attingatur, & cognitio sui ipsius obiectivam cognoscibilitatem non possit excedere, alias esset magis cognitum, quam cognoscibilis, quod implicat. Patet etiam, quia una simplicissima, & indivisibilis formalitas potest clarius, vel minus clare cognosci; hæc autem maior, vel minor perfectio cognitionis non est extensiva, quatenus una est formalitas illa simplicissima, & in-

& indivisibilis, adeoque incapax majoris, vel minoris extensivæ cognoscibilitatis: Est igitur intensiva. Potest ergo dari cognitio adæquate extensiva, non autem adæquate intensiva; & per consequens in objecto datur etiam, præter cognoscibilitatem extensivam cognoscibilitas intensiva, quæ correspondet claritati cognitionis, & quæ appellatur claritas objectiva propter correspondentiam, quam habet ad cognitionis claritatem, quæ dici potest claritas formalis. Ipsi etiam intensiva cognoscibilitas sequitur rationem entis, & quo magis aliquid de ente habet, eo magis est intensive cognoscibile. His suppositis cum Cacherano, qui eadem subtilitate, & claritate pari animadvertit, cum eodem quoque sequentes ponimus conclusiones.

Dicimus I. Comprehensionem, seu cognitionem comprehensionem Dei, consistere formaliter in cognitione adæquate Dei cognoscibilitatem, non solum extensivam, verum etiam intensivam, non solum scilicet attingente omnia, quæ sunt in Deo formaliter, & eminenter, sed quoque huiusmodi omnia attingente secundum omnem perfectionem, secundum quam possunt ex natura sua cognosci.

I. Probat ab eodem Cacherano. Comprehensio consistit in cognitione, qua cognoscitur objectum, quantum omnino est cognoscibile, adeo ut nihil ulterius cognoscibile in ipso supersit, nec quoad substantiam, nec quoad modum; sed sic est sola cognitio adæquans cognoscibilitatem objecti non solum extensivam, verum etiam intensivam: ergo hæc est vera comprehensio: Sicque constat, Dei comprehensionem esse cognitionem adæquantem cognoscibilitatem Dei, non solum extensivam, verum etiam intensivam; non solum scilicet attingentem ea omnia, quæ formaliter, & eminenter in Deo sunt, verum quoque attingentem ea tanta claritatis perfectione, quanta in ipsomet Deo sunt.

II. Probat paritate amoris. Id enim efficit in cognitione claritas, quod facit in amore fervor. Potest autem amari omne, quod est amabile in objecto, sed magis, vel minus fervide; ita potest etiam cognosci totum, quod est cognoscibile in objecto, sed magis, vel minus clare. Et sicut ad hoc, ut objectum comprehensive, seu adæquate ametur, necesse est, ut non solum in ipso ametur quicquid est amabile, verum etiam quantum est amabile, unde habetur fervor in amore: ita etiam ad hoc, ut objectum comprehensive cognoscatur, non sufficit

cognoscere quicquid in ipso est cognoscibile, sed etiam quantum est cognoscibile; unde habetur claritas in cognitione.

Opponunt contra a nobis dicta I. Hæc claritas, & cognitionis intensio datur ad penetrandum magis objectum; sed objectum, sufficientissime est penetratum per hoc, quod est cognitum secundum omnia, quæ continentur formaliter, tum eminenter: ergo hæc cognitionis intensio, seu claritas, nihil addit supra ejusdem extensionem. II. Omnis cognitio adæquate intensiva est etiam adæquate extensiva: ergo etiam, omnis cognitio adæquate extensiva est adæquate intensiva. III. Cognitio adæquate extensiva nihil relinquit objecti non cognitum, quod sit cognoscibile: Illud ergo, quod cognoscit cognitio intensiva, vel est aliquid objecti, vel non? Si aliquid objecti: ergo aliquid objecti per cognitionem extensivam non fuit cognitum, quod est contra hypothesein: Si non est aliquid objecti: ergo nihil objecti relinquitur cognoscibile: ergo totum objectum per solum cognitionem extensivam sufficientissime comprehenditur. IV. Posita hac cognitione intensiva ultra extensivam, daretur diversa cognitio absque diversitate objecti, quod implicat; quemadmodum repugnat dari absolute cognitionem sine objecto. V. Sequeretur, aliquid objecti semper remanere non cognitum, quia semper a potentia intellectiva perfectiori poterit perfectiori, & clariori modo cognosci.

Respondemus ad I. Intensivam cognitionem dari ad objectum magis penetrandum quoad intensiorem; per extensivam enim est sufficientissime penetratum quoad extensionem. Aliud enim est dicere, in objecto cognosci omnia, quæ in ipso sunt; & in objecto non solum cognosci omnia, quæ in ipso sunt, verum quoque illa omnia, & singula cognosci secundum omnes cognoscibilitatis gradus, quos habent. Primum facit cognitionem extensivam; secundum vero facit etiam intensivam, & comprehensionem.

Ad II. conceditur antecedens, & negatur consequentia. Cognitio enim adæquate intensiva est includens; cognitio vero adæquate extensiva est inclusum. Inde non mirum, si includens non potest esse sine inclusu, bene vero inclusum absque includente. Et ratio est, quia intensiva comprehensio supponit extensivam; prius enim est attingi omnia, & postea omnia, & singula attingi omnibus, & quibuslibet modis,

dis, & gradibus, quibus sunt cognoscibilia. Non sic vero extensiva supponit intensivam; quia cognosci secundum gradus est posterius ad cognosci omnia prædicata, quod est prius.

Ad III. dicitur, cognitionem adæquate extensivam sub una ratione nihil objecti relinquere non cognitum; non cognitum, scilicet extensive. Sub aliqua vero ratione totum objectum relinquere non cognitum; non cognitum scilicet intensive. Unde respondetur in forma, illud, quod cognoscitur per intensivam comprehensionem esse aliquid objecti non cognitum per cognitionem extensivam, quia non cadit sub ipsa, quum non sit objectum proportionatum ipsius; sed cognoscibile per intensivam, quia cadit sub ipsa, & est objectum ipsius proprium, & proportionatum.

Ad IV. dicimus, ad diversitatem cognitionis non semper esse necessarium objectum diversum quoad entitatem, sed sufficere aliquando objectum diversum quoad claritatem. Potest enim esse cognitio diversa tum propter diversam formalitatem, tum propter eandem diverso modo cognitam; clarius scilicet, vel minus clare. Igitur quantum idem sit objectum in cognitione extensiva, & intensiva, est nihilominus idem secundum omnia sua prædicata; non vero est idem secundum omnes gradus cognoscibilitatis suorum omnium prædicatorum; quia secundum hos est tantum objectum cognitionis intensivæ. Hoc autem non importat nisi maiorem, vel minorem claritatem, ut dictum est.

Ad V. dicimus, ad hoc, ut objectum maneat non comprehensum, debere manere non cognitum sub aliqua ratione sibi debita, & proportionata, non vero sub aliqua ratione sibi indebita, & improporionata. Objecto enim non debetur alia claritas cognitionis, nisi illa, quam potest causare per speciem adæquatam sui. Si postea claritas augeatur, vel propter lumen superius, vel propter potentiam perfectiorem, hoc augmentum est objecto indebitum, & improporionatum; ac proinde ipsius comprehensionem non impedit. His scholasticè discussis, veniamus modo ad ea, quæ de fide sunt, defendenda, ac vindicanda.

Dicimus II. Deum esse incomprehensibilem esse de fide; & quidem eodem modo de fide est, esse incomprehensibilem a quocunque alio, ac esse comprehensibilem a se ipso; & hoc etiam secundum absolutam sui potentiam.

Primo contra catholicam hanc veritatem,

suos disseminavit errores Eunomius, a quo Eunomiani, vel Anomæi, ut alibi dictum est, descenderunt. Ex eo quod Deus summe sit simplex, deducebant Hæretici isti, non posse aliquatenus cognosci a nobis, nisi totus cognoscatur. Unde admittebant, non solum intuitivam Dei visionem naturaliter in nobis, verum quoque comprehensionem, adhuc in hac viâ; sicut pariter dicebant, ea, quæ in Deo sunt secundum entitatem omnino idem, ita pariter esse secundum rationem; unde omnem distinctionem, etiam per mentis opus, inter divinam essentiam, & attributa, rejiciebant; quæ nos suis in locis lato calamo retulimus, & impugnavimus.

Secundo fuerunt Armeni, de quibus etiam alibi loquuti fuimus, qui contra Dei incomprehensibilitatem errarunt. Ex eodem principio, quod scilicet est Deus omnimode simplex, deducebant isti, Deum non posse a creato intellectu videri; & quia, per ipsos ad comprehensionem sufficiebat, totum Deum, non quidem abstractivè, sed intuitivè, videri; & Deus quum summe sit simplex, non poterat in se ipso videri, quin totus videretur, adeoque comprehenderetur; & denique, quia impossibile putabant, uti revera est, Deum comprehendere; Inde inferrebant, nec posse etiam a nobis intuitivè videri. Igitur totum discrimen inter has hæreses hoc est, quod Anomæi, putantes nullam esse differentiam respectu Dei inter intuitionem, & comprehensionem, quia intuitio dabatur, etiam asseriebant, dari comprehensionem. Armeni vero ex eodem principio, deducebant, non dari intuitionem, quia non dabatur comprehensio. De Armenis loco etiam suo satis nos differuimus.

I. Probatur modo Conclusio catholica ex Scripturis, quæ Dei incomprehensibilitatem asserunt. Jeremix 32. 19. *Magnus consilio, & incomprehensibilis cogitatu.* Job. 11. 7. *Forstas vestigia Dei comprehendet?* Etiam Job. 9. 10. *Qui magna facit, & incomprehensibilia.* Ad Romanos 11. 33. *Quam incomprehensibilia sunt iudicia eius!* Ecclesiastici 43. 34. *Non laboretis, non enim comprehendetis.* Adducunt etiam Psal. 8. 2. *Magnificetia tua super caelos.* Ex Psal. 47. 1. *Magnus Dominus, & laudabilis nimis.* Et Psal. 146. 5. *Sapientia ejus non est numerus.* Unde inferunt, Deum nullo modo comprehendi posse, quia facit incomprehensibilia, quia vias tenet investigabiles, quia est magnus Dominus, & non potest satis laudari.

II. Pro-

II. Probatur ex Conciliis. Læranense IV. sub Innocentio III., & refertur in c. firmiter de Summa Trinitate, & Fide catholica; ubi dicitur: *Unus solus est verus Deus, æternus, immensus, incomprehensibilis*. Refertur etiam in c. damnatus, sub eodem titulo, in quo legitur: *Nos sacro approbante Concilio credimus, & confitemur, quod una quadam summa res est incomprehensibilis quidem, & ineffabilis, quæ veraciter est Pater, & Filius, & Spiritus Sanctus*. Concilium Basileense, quando non adhuc evaserat Conciliabulum, legitimus enim ei per suos Legatos præerat Pontifex anno 1435., & tunc damnavit propositionem Augullini de Roma, qui assererat, Humanitatem Christi Domini comprehendere divinam essentiam, verbis hæc: *Anima Christi videt Deum tam clare, & intense, quantum clare, & intense Deus ipse videt se ipsum*. Ex qua damnatione inferitur, improbabilem omnino esse sententiam Vasquez, Ariagæ, & aliorum, quanyis paucorum, asserentium, temerarium quidem esse, non autem contra fidem, dicere, Deum esse incomprehensibilem de potentia absoluta.

III. Probatur ex Patribus. Amphilios tract. in Symbolum Apostolorum c. 11. *Incomprehensibilis sunt iudicia Dei, quia quævis proficiat quis in scientia, & sapientia æternam rimetur, tamen creata natura increati subleantiam, ut talis est, nunquam potest ad plenum comprehendere*. Tertullianus in Apologetico c. 17. *Invisibilis est Deus, licet videatur; incomprehensibilis, licet per gratiam representetur*. Augustinus epist. 112. *Quis ergo oculus cordis comprehendit Deum? Siquis scit, ut attingas, si purus est oculus, & homo sit beatus, contingendo corde illud; quod semper beatum inuocat*. Gregorius 10. moralium c. 10. *Etsi habeat in claritate sua quodcumque conspicimus, non tamen ejus essentiam plene inuenimus*. Chrysostomus in Homiliis contra Anomæos, & præcipue in 4. *Postquam super ostendimus Deum incomprehensibilem, etiam ipsi Cherubim, & Seraphim, quid resist, ut ostendamus Dei exquisitam comprehensionem habere non posse Angelos, aut illam creaturam? Cyrillus Hierosolymitanus Catechesi 6. Quid igitur, dices aliquis, nonne scriptum est, quod Angeli celorum vident semper faciem Patris mei, qui in celis est? At vident Angeli, non sicut Deus est, sed quatenus ipsi capere possunt. Vident igitur Angeli quantum capaces sunt, & Archangeli possunt; Throni, & Dominationes plusquam illi primi, minus tamen, quam majestas illa mereatur*. Epiphanius hæresi

70. *Velut si quis per angulum foramen calum aspiciat, ac dicat: Video celum; non minus mentitur: Vides enim revera celum. Quod si quis prudenter ei dicat: Non vidisti enim; neque ille mentitur; tam enim quis ait, vidisse, non mentitur, quem qui ei dicit, non ipsum vidisse, vera loquitur: quippe non vidit illius exporrectionem, neque latitudinem*.

IV. Probatur Rationibus. I. est S. Thomæ 1. p. q. 12. ar. 7. Lumen gloriæ, quo Deum videmus intuitive, non est infinitum: ergo impossibile est, ut Deum possit quis comprehendere. Antecedens est certum; consequentia probatur. Intellectus videt Deum per lumen quantum ei lumen dat videre; sed lumen, quum sit finitum, dat videre finitè; ergo Deus per lumen finitum finire videtur. Sed ad hoc ut comprehendatur, debet videri infinuit; ergo si lumen gloriæ non est infinitum, impossibile est, ut Deus per auxilium ipsius comprehendatur. II. est etiam S. Thomæ in 4. sentent. dist. 49. q. 2. ar. 1. ad 2. Cognoscere rem secundum modum suæ cognoscibilitatis, est rem comprehendere; sed nequit creatus intellectus cognoscere Deum secundum modum suæ cognoscibilitatis: ergo nequit creatus intellectus Deum comprehendere. Probatur minor. Modus cognoscendi creati intellectus est finitus, modus cognoscibilitatis Dei est infinitus; sed nulla est proportio inter finitum, & infinitum: ergo nequit creatus intellectus cognoscere Deum secundum modum suæ cognoscibilitatis. III. Beati cognoscendo Deum, nequeunt Verbum de Deo elicere, ut elicir mens de eo, quod cognoscitur; ergo nequeunt Deum comprehendere: Consequentia sequitur. Quia concipere Verbum de Deo, est eundem circumscribere, & conceptu adæquare, adeoque ipsum comprehendere. Antecedens patet. Quia Verbum, in hypothese distinctum, deberet representare Deum ut in se est; sed hoc est impossibile: ergo Beati cognoscendo Deum, nequeunt Verbum de Deo elicere, ut elicir mens de eo, quod cognoscitur. IV. Potentia comprehendens obiectum, vel debet adæquare, vel superare obiectum, quod comprehendit; sed nulla mens nec adæquat, nec superat Deum; ergo nulla mens potest comprehendere Deum. Probatur minor. Nulla mens est tantæ cognoscitivitatis, quantæ cognoscibilitatis est Deus: ergo nulla mens, præter divinam, nec adæquat, nec superat Deum. Probatur antecedens. Deus est obiectum

jectum cognoscibile omnimode infinitum; atque nulla mens est potentia cognoscitiva omnimode infinita: ergo nulla mens est tantæ cognoscitivitatis, quæ cognoscibilitatis est Deus. V. Esi possint cognosci omnis attributa, quæ sunt in Deo, non possunt cognosci tamen omnes gradus cognoscibilitatis, qui sunt in omnibus, & singulis attributis: ergo non potest comprehendi Deus. Consequentia sequitur; sic enim explicata est comprehensio. Antecedens probatur. Si esset potentis, quæ hæc cognosceret, æquaretur Deo; hoc est impossibile: ergo & illud. Probatur minor. Cognosceret quantum cognosceret Deus: ergo æquaretur Deo. Non enim plus Deus in se ipso cognoscit. Et si æquaretur Deo in cognoscendo, æquaretur etiam in essendo.

Argument. I. Ex Scripturis. Ad Philippenfes 3. 13. *Sequitur autem, si quo modo comprehendimus: ergo Deus comprehenditur.* 1. ad Cor. 2. 10. *Spiritus enim omnia scrutatur, etiam profunda Dei: ergo comprehendit Deum.* Ad Ephes. 3. 18. *Ut possit comprehendere cum omnibus sanctis, quæ sit latitudo, & longitudo, & sublimitas, & profundum.* Et v. 19. *Et scire etiam supereminentem scientiam charitatem Christi, ut impleamini in omnem plenitudinem Dei: sed hoc est comprehendere Deum: ergo, &c.* II. ex Patribus. Clemens Alexandrinus lib. 8. Strom. 1. Origenes lib. 6. contra Celsum, Gregorius Nazianzenus or. 27. & 34., alique etiam affirmant, Deos comprehendere Deum. Augustinus etiam ep. 112. ait: *Illud comprehenditur, quod ita totum videtur, ut nihil ejus lateat videntem;* sed nihil Dei Deos latet: ergo Beati Deum comprehendunt. III. ex Rationibus I. Non subsistit ratio, quæ adducitur ad probandum, non posse creaturam mentem comprehendere Deum, quia potentia cognoscitiva non adæquatur cognoscibilitati objecti: ergo si ratio non subsistit, nec conclusio sustinetur. Probatur antecedens. Angelus inferior comprehendit fornicam, & tamca formica perfectiori modo comprehenditur ab Angelo superiore. Iterum Angelus superior comprehendit etiam muscam, & tamen perfectiori modo comprehenditur a Deo: ergo, vel non est verum, quod formica comprehendatur ab Angelo inferiori, & musca ab Angelo superiori; vel est falsum, quod ad comprehensionem requiratur adæquatio illa cognoscitivitatis potentie cum cognoscibilitate objecti. II. res indivisibilis omnimode, aut non videtur,

aut tota videtur; sed Deus est indivisibilis omnimode, & summe simplex: ergo, aut non videtur a Beatis intuitivo, aut comprehenditur. III. Beati videndo in Deo attributum infinitarum, vident hoc ipso modum essentiae divinæ, non solum essentiam divinam; sed videre rem secundum modum objecti est comprehendere ipsum: ergo Beati essentiam divinam comprehendunt. IV. In Concilio Lateranensi IV. eodem modo dicitur Deus ineffabilis, ac dicitur incomprehensibilis; sed quando dicitur ineffabilis, intelligitur, quod sit naturaliter ineffabilis, non vero supernaturaliter: ergo etiam quando dicitur incomprehensibilis, intelligendus est, quod sit naturaliter incomprehensibilis, non vero supernaturaliter. V. Scripturæ, & Patres, allati a nobis in probationes, possunt commode explicari, vel de incomprehensibilitate Dei naturali, vel in hac vita, vel de potentia Dei ordinaria: ergo saltem supernaturaliter, in altera vita, & de potentia Dei absoluta, poterit aliquis intellexisse Deum comprehendere: ergo Deus non est omnimode, & de potentia etiam absoluta, a quavis creata mente, incomprehensibilis. VI. Ex parte Dei nihil nos latet, quum possint omnia ejus formalia, & eminentialia videri; sed incomprehensio consistit in eo, quod aliquod objecti lateat: ergo Deus non est incomprehensibilis a nobis.

Respondemus ad I. Locum Apostoli ad Philippenfes intelligi de assuefactione, & possessione, non autem de cognitione comprehensiva Dei; vel si intelligitur comprehensio, est comprehensio late, non strictè, sumpta, & de qua non hic tractamus. De hac loquitur S. Thomas 1. p. q. 12. ar. 2. ad 1. *Alio modo comprehensio largius sumitur, secundum quod comprehensio inspectioni opponitur; qui enim attingit aliquem, quando tenet ipsum, comprehendere eum dicitur.* Locum ejusdem Apostoli ad Corinthios explicatur etiam, quod Spiritus per Sanctos omnia scrutatur, sed non adæquate penetrat; aliter idem Apostolus non dixisset ad Rom. 11. *O altitudo divitiarum sapientia, & scientia Dei! Quam incomprehensibilia sunt iudicia ejus, & investigabiles viæ ejus.* Vel dicitur, quod Sancti scrutantur omnia, hoc est vident intuitive omnia extensive, non autem intensive, hoc est omnibus modis; quod ad comprehensionem requiritur. Denique locus Apostoli ad Ephesios explicatur etiam a Patribus de fide, & revelatione Dominicæ Incarnationis.

nationis; quia fides docet, quoniam sit longitudo Crucis, quæ latitudo, & quod profundum. Vel si est comprehensio, inædquata est quidem, extensiva, non autem adæquata, intensiva, &c.

Ad II. dicitur, citatos Patres loqui de comprehensione late accepta, non autem strictè; quæ quidem comprehensio late sumpta idem est ac intuitio. Et hoc pacto ait S. Epiphanius hæret. 70., ut dictum est supra; ita Beati dicuntur comprehensores, & comprehendere Deum, tamen si finit tantum modo cum intuantur. Augustini autem propositio distinguitur; Illud enim comprehenditur, quod itam totum videtur, ut nihil ejus lateat videndum, nihil quoad entitatem tantum, negatur; nihil quoad existentiam, & virtutem, subdistinguitur; virtutem extensivam solum, negatur; virtutem sive extensivam, sive intensivam, conceditur. Distinctio patet ex dictis. Confirmatur responsio hæc ex S. Thoma cit. loc. ad 2. Dicendum, quod non propter hoc Deus incomprehensibilis dicitur, quasi aliquid ejus sit, quod non videatur, sed quia non ita perfecte videtur, sicut visibilis est. Unde Augustinus definiendo comprehensionem dicit, quod totum comprehenditur videndo, quod ita videtur, ut nihil ejus lateat videndum, aut ejus finis circumspici possunt; tunc enim finis allicuntur circumspiciuntur, quando ad finem in modo, cognoscendi illam non perveniunt.

Ad I. Rationem dicimus, quod uterque Angelus comprehendit surmicam; cum hæc tamen differentia, quod Angelus superior modo nobiliori comprehendit. Et hæc modus nobilior nun se tenet ex parte objecti, sed ex parte mediij; objectum enim ab utroque adæquate comprehenditur, sed quia medium in Angelo superiore est nobilius, quam in inferiore, inde est, quod Angelus superior nobiliori modo, quam inferior comprehendit. Eadem est responsio respectu comprehensionis Dei, & Angelij superioris cum multis.

Ad II. dicitur, quod res indivisibilis videtur tota entitative, non autem tota quantitative, quando non per comprehensionem, sed per intuitionem, cognoscitur. Affertur exemplum hominis videntis hominem præsentem & intuitivè; quem quidem totum videt, sed non totaliter, quia non videt secreta cordis, nec ipsius virtutem penetrat. Eodem modo Beati vident quidem totum Deum, qui indivisibilis est omnimode, ut non totaliter vident, quia non comprehendunt virtutem omnem, om-

P. R. I.

nemque perfectionem essentis, ac attributorum ejus; nec gradus omnes ejusdem cognoscibilitatis attingunt.

Ad III. dicimus, Beatos videre quidem modum objecti divini, nempe infinitatem, & ar non videre eam modo infinito, sed tantum finito. Vident profecto, infinitas esse divinas perfectiones, ar non per hoc eas comprehendunt; quia vel vident in genere perfectiones illas esse infinitas, vel non vident omnes gradus cognoscibilitatis ejuslibet illarum perfectionum S. Thomas cit. loc. in responsione ad 3. hæc habet; Dicendum, quod totaliter dicit modum objecti, non quidem ita quod totus modus objecti non cadat sub cognitione, sed quia modus objecti non est modus cognoscens; qui igitur videt Deum per essentiam, videt hoc in eo quod infinite existit, ut scilicet ipse infinite cognoscatur; sicut aliquis probabiliter scire potest, aliquam propositionem esse demonstrabilem, licet ipse eam demonstrare non cognoscat.

Ad IV. Deus dicitur ineffabilis relate ad suam invisibilitatem, & dicitur etiam ineffabilis relate ad suam incomprehensibilitatem; naturaliter tantum est ineffabilis primo modo, non vero supernaturaliter; quatenus naturaliter tantum, non vero supernaturaliter est invisibilis; quoniam possit de eo dici quantum præstet de ipso videri. Secundo vero modo naturaliter, & supernaturaliter est ineffabilis, quoniam naturaliter, & supernaturaliter sit incomprehensibilis; quia nunquam de eo dicere possumus secundum quod totus, & totaliter est; & hoc quia nunquam secundum quod totus, & totaliter in ipso est, cognoscere valeamus.

Ad V. dicimus, Scripturas non debere intelligi cum limitatione, nisi ubi necessitas cogit, sic ipsas interpretari. Dum Scripturæ dicunt, Deum esse invisibilem, vere necessitas cogit ipsas interpretari, ut loquantur. Deum esse invisibilem naturaliter, vel in hac vita, vel ab oculo corporeo, &c.; quia alias de fide est, intellectum creatum adjutum lumine gloriæ possit Deum videre. Quando autem dicitur Deus incomprehensibilis a Scripturis, nulla necessitas ad limitandum cogit; Hinc debent absolute intelligi, & explicari Scripturæ. Loca autem alia intelliguntur communiter a Patribus de quacunque objecti affectione, vel de comprehensione secundum partem, ut in Dissertationis exordio dictum est.

Ad VI. responderetur, ex parte objecti nihil

V u

nos

nos posse latere, quando objectum intuitivè videmus; debere tamen semper latere aliquid ex parte modi. Comprehensio autem est, ut nihil lateat, ne ea parte objecti, nec ex parte modi. Et hinc est, quod licet cognoscendo objectum intuitivè nihil lateat ea parte objecti, quia tamen lateat aliquid ex parte modi, objectum quamvis intuitivè videatur, non per hoc etiam comprehenditur.

Remanet modo, ut cum Scholasticis inquiremus, unde potissimum comprehensibilitatis Dei repugnantia oritur?

Dicimus tertio, ea cognoscibilitate intensiva Dei comprehensionis ipsius repugnantiam formaliter oriri. Quatenus scilicet, licet possit creata cognitione adæquari extensiva Dei cognoscibilitas, cognoscendo videlicet omnia, quæ in Deo sunt, tamen formaliter, quam eminenter, impossibile est autem, ut adæquetur intensiva ipsiusmet Dei cognoscibilitas, quam cognosci nullo

modo possit, quantum ex natura sua cognosci possunt; & hinc redditur Deus incomprehensibilis. Attingatur etiam pro repugnantia, sed non formaliter, bene vero consequenter, & illative, quod nequeat dari principium cognoscitivum creaturæ, ejusdem Dei, neque etiam æquivalentis perfectionis cum Deo.

Ratio Conclusionis est, quia ex dictis comprehensibilitas alicujus objecti consistit in eo, quod adæquabilis sit ejus cognoscibilitas, tam extensiva, quam intensiva; Et dicta etiam a nobis cognoscibilitas Dei adæquabilis a nobis est extensiva, non vero intensiva; ergo incomprehensibilitas Dei non ab ejus cognoscibilitate extensiva, quæ adæquari a nobis potest, sed ab ejus cognoscibilitate intensiva, quæ a nobis adæquari nullo modo potest, pendenda est. Et hæc est ratio præcipua, quæ Dei incomprehensibilitatem probat a nobis potest.

DISSERTATIO LXXI.

De Errore negantium Deo Scientiam.

I. Tribuitur error, de quo loquimur, Atheis a quibusdam; quatenus non possit esse Deus, si sciens non sit; qui ergo scientiam Deo denegat, denegat pariter existentiam. At si hic discurrendi modus concluderet, omnes omnino errores, qui contra Deum vel dicti sunt, vel dicuntur, Atheis etiam tribui deberent. Etenim nequit esse Deus, si omnipotens, si infinitus, si verax, &c. non sit; ergo simili etiam modo qui Deo denegat omnipotentiam, infinitatem, veracitatem, existentiam quoque denegat. Verum quis non videt, hæc absurda inferri, & contra attributa illa negantes ea eorundem negatione inferri ab impugnantibus errores illos; non autem expresse admitti a propugnantibus eosdem; quod sane necessarium esset, ut iidem errorum illorum vete dicerentur auctores.

Nec dicant, Dei nomen a scientia desumi; qui ergo Deum scientem nolunt, nolunt etiam Deum. Etenim hoc potius esset Dei nomen, non Dei existentiam, negare; Et qui nomen inficiatur alicujus, non per hoc solum ejusdem existere inficias ire probabitur. Verum quidem est, theos, græcam dictionem, Deum latine significantem, a

verbo theaste derivari, sed apud nos idem sonat, ac considerare, seu videre. Unde post Auctorem libri de divinis nominibus c. 12. Angelicus Doctor t. cont. Gentiles c. 44. in fine habet: *Tantum scientia Dei veritas apud homines invaluit, ut ab intelligendo Deo nomen impoherent; nam theos, quod secundum Græcos Deum significat, dicitur a theaste, quod est considerare, vel videre.* Ex quo sane convincuntur apertissime de mentis qui Deo nomen Dei, quod significat scientiam, negant, sed non ea prorsus amentia notandi sunt, quæ Athei notantur; quatenus, etsi inepte quidem, possent dicere, per hoc Dei nomen, non Dei existentiam denegare.

II. Hic idem error ascribitur iis omnibus heterodoxis, qui Deum corporeum esse finxerunt. Quam enim substantia materialis, & corporea incapax omnino sit cogitandi, vel intelligendi, hoc ipso quod illi Deum corporeum, & materiale admittere, Deum quoque incapacem cogitandi, & intelligendi admittere, ex illationis vi, cogebamur. At in primis non est certum, quod Hæretici illi Deum omnino materiale corporeum omni ex parte; & si admiserunt, neque est apud omnes indubitatum, quod intellectiva potentia non possit

possit esse materialis, & corpora. Ex quamvis S. Thomas ex immaterialitate vim intelligendi in Deo probet; non omnes tamen Theologi rationem illam demonstrativam esse concedunt; ut in sequentibus videbimus. Denique Hæreticorum illorum, qui Deum volebant materialem, & corporeum, fortassis hic alius etiam potuit esse error, quod materialem, & corpoream substantiam voluerint esse posse intellectivam. Quod sufficit, ne cum fundamento dicere possimus, illos omnes Deo denegasse scientiam, qui Deo spiritualitatem denegarunt; quod solummodo in præfatiarum est noster sensus.

III. S. Thomas quæst. 2. de veritate ar. 1. refert errorem quorundam dicentium, Deum dici scientem, non quod verus sciens sit, sed quia scientiam creaturis confert; unde in Deo volebant esse tantum scientiam causaliter, quatenus est causa scientiæ in rebus creatis, non vero formaliter, quum nulla in ipso scientia reperiatur. Non indicat tamen S. Doctor, quinam fuerint illi, qui errorem hunc docuerunt, sed eos dumtaxat suppresso nomine refert.

IV. Idem Angelicus Doctor, citato loco, aliorum recenset errorem, qui asseriebant, Deum esse scientem solummodo per quandam proportionis similitudinem; eo sane pacto, quo Deo tribuitur ira, vel alia similibus passio; adeoque scientem dici, quia effectum facit similem scientis effectui; sicut dicitur iratus, quia effectus facit similem iratorum effectibus: Unde secundum istos, non proprie, sed metaphorice tantum, scientia esset in Deo. Nec quoque Auctorum huiusmodi erroris nomina profert S. Thomas, sed illos pariter absque nomine refert.

V. Hoc in loco adduci possent Gnostici, qui, Irenæo teste lib. 1. c. 1. apud Coccium lib. 1. art. 1. putabant, Deum multa subterfugere, unde non omnia sciebat; quem admodum quoque Lollardi, qui teste Trithemio in Chronico Hirsaugiensi de anno 1315, apud eundem Cocco, citato loco, dicebant, Deum nec scire, nec punire mala, quæ in terra fiunt. Unde conveniebant in speluncis, cryptis, aliisque subterraneis locis, ut promiscuo concubitu operam darent, absque sexus, sanguinis, & ætatis discrimine; quum ut plurimum Pater cum filia, cum filio Mater, Sorores cum Fratribus, turpiter se commiserent. Verum hoc non est denegare Deo scien-

tiam omnem, sed scientiam perfectam; nec est dicere, Deum non esse scientem, sed Deum non esse omniscientem. Unde, quanvis tam Gnosticorum, quam Lollardorum, turpissimus sit error, non est tamen ille, de quo in præfati nos loquimur; ac proinde iidem non sunt huiusce erroris recensendi propriæ Auctores.

VI. Adnumerari potest Petrus Abailardus, de quo loquitur S. Bernardus epist. 190. Dicebat enim, Potentiam esse propriam Patris, Sapientiam Filii, benignitatem Spiritus Sancti: Unde non omnibus tribus divinis Personis sapientiam tribuebat: Et cum sapientiæ nomine veniat scientia, hoc ipso vincebatur, Deo illam denegare. Verum quum de Personis, non de essentia divina Abailardus loqueretur, alibi illius error, non hic refutandus est. Hic vero confutabitur communibus rationibus, quibus directè error, quem profligamus, impugnatur.

VII. Videtur adnumerandus Origenes, qui ignoratiam Filio, & Spiritui Sancto, ascribere non erubuit. Scribit enim S. Epiphanius in epist. ad Joannem Episcopum Hierosolymitanum, Origenem dixisse, Filium non posse videre Patrem, nec Spiritum Sanctum posse videre Filium; & Origenis verba ex libro Periarchon recitat, quæ sunt: *Sicut enim incongruum est dicere, quod possit Filius videre Patrem, sic inconsequens est opinari, quod Spiritus Sanctus possit videre Filium.* At hic error non omnem scientiam Filio, & Spiritui Sancto, denegat, sed illam tantum, quæ Patris, & Filii, visio est; unde non hic, sed de alio in loco, est impugnandus.

VIII. Scribuntur Albanenses, qui putarunt, Deum ex se non scire aliquod malum, sed per adversarium suum Dæmonem. Testis est Guido Carmelita. Damnati fuerunt in Concilio Lateranensi III. sub Alexandro III. anno 1179. At neque hic error est, quem hoc in loco profligamus; quum non omnem Deo deneger scientiam, sed illam tantum, quæ est præsentia futurorum malorum.

Interim nos contra Hæreticos præfatos pergitur ad probandum, in Deo esse veram scientiam, non quidem casualiter tantum, vel metaphorice, sed propriè, & formaliter, ex principiis Fidei, & ad demonstrandum quoque ex rationum momentis, & ex Philosophorum pariter Gentilium dictis.

DISSERTATIO LXXII.

De Scientia, in Deo probanda ex principiis Fidei, & ex rationum momentis pariter demonstranda.



Ides ergo docet, in Deo vere, & proprie scientiam esse; quod probabitur ex Scripturis, Conciliis, & Patribus. Ratio vero naturalis idem demonstrat; quod non solum ex Philosophorum Gentilium dictis, verum quoque ex demonstrationibus, tum a posteriori, tum a priori, ostendimus.

I. Probatur ex Scripturis. Job. 12. 13. *Apud ipsum est sapientia, & fortitudo, ipse habet consilium, & intelligentiam.* Esther 14. 14. *Domine, qui habes omnium scientiam.* Ecclesiastici 15. 19. *Quoniam multa sapientia Dei, & fortis potentia, videns omnes sine intermissione.* Psalm. 138. 6. *Mirabilis facta est scientia tua ex me, confortata est, & non potero ad eam.* Et num. 5. *Tu cognovisti omnia novissima, & antiqua.* Et Psalm. 146. 5. *Et sapientia ejus non est numerus.* I. Regum 2. 3. *Deus scientiarum, Dominus est; & ipsi preparantur cogitationes.* Ad Romanos 11. 33. *Oscuritudo arduiterum sapientia, & scientia Dei.* Ad Colossenses. 2. 3. *In quo sunt omnes thesauri sapientia, & scientia Dei.* Jacobi 1. 17. *Omne datum optimum, & omne donum perfectum, desorsum est, descendens a Patre luminum, apud quem non est transmutatio, nec vicissitudo obumbrata.*

Hæc sane Scripturarum loca, & alia, quæ afferri possent, pene innumera, casualiter intelligi non debent; quia quando voluit facer' l'ectus indicare, Deo etiam casualiter scientiam convenire, propriis, & expressis verbis manifestavit. Siquidem dicitur Ecclie. 1. 1. *Omnis sapientia a Domino Deo est;* & Psalm. 93. 10. *Qui docet hominem scientiam.* Nec quoque accipi debent metaphorice, & improprie. Quod enim metaphorice alicui convenit, cum aliqua imperfectiune ipsi tribuitur, vel saltem cum aliqua limitatione. Deo autem scientiam esse cum omni perfectione scripturæ testantur; præcipue allate ad Romanos 11., & ad Colossenses 2. Nequeunt ergo de sensu metaphorico, & improprio accipi. Præterea sensus casualis, & metaphoricus, sunt admodum improprie ad res explicandas. Non debent autem Scripturæ ad sensum improprium declinari, quando

nulla est necessitas eas sic explicandi. In casu vero multa est, & summa necessitas Scripturas in sensu proprio intelligendi, tum propter Conciliorum auctoritatem, & Patrum unanimum consensum, tum propter rationum pondera, & Gentilium Philosophorum testimonia; quæ omnia cogunt nos, ut dicamus, scientiam formaliter, & proprie Deo convenire.

II. Probatur ex Conciliis. Concilium Valentinum II. c. 2. ubi docetur; Præscientiam futurarum ætionum, tam bonarum, quam malarum, in Deo esse æternaliter. Refert Cardinalis de Lauræa in Epitome Canonum &c. verbo *Præscientia*. Concilium Lateranense III. sub Alexandro III., a quo damnantur Albavenses, asserentes, Deum ex se non præscire aliquod malum, sed per adversarium suum Dæmonem. Concilium Arausicum II. c. ult., aliæque omnia, quæ Dei Prædestinationem definiunt; nequit enim esse prædestinatio sine præscientia. Et quamvis præscientia non sit omnis scientia; sufficit tamen ex definitione ipsius ad inferendum in Deo esse scientiam. Qualis autem sit scientia, vel quanta, quæ in Deo est, videtur infra. Concilia omnia generalia, sive particularia, quæ definiunt Filium procedere per intellectum, hoc ipso supponunt in Deo esse intellectum, esse cognitionem, esse scientiam, quæ est perfectissima cognitio.

III. Probatur ex Patribus. Auctor libri de divinis nominibus. c. 7. *Divina mens omnia continet antecellente omnibus cognitione, rem illam, qua est causa omnium, scientiam in se etiam ante completam.* Synodus lib. de infomniis: *Deo sola ad cognoscendum natura satis est.* Nemesius lib. de Providentia. c. 44. *ignorantia, & imperitia profusus aliena est a beata illa substantia, scilicet Dei; ipsius enim est cognitio, & sapientia, & scientia.* Irenæus lib. 2. c. 47. *Deus cum sit totus mens, totus ratio, & totus spiritus operans, & totus lux, & semper idem, & simuliter existens.* Cyrillus Hierosolymitanus. lib. 2. Commentar. in Joan. *Dei esse omnia scire docuit anulo, ac pre oculis habere nuda, & aperta.* Et in Thelaur. lib. 32. *Divinitatis id esse proprium,*

primum, ut nihil ignoret. Ambrosius tract. in Symbol. c. 1. *Licet omnia celestia, & terrestria, ac minima quaque percipiat Deus, nihil tamen extra se intelligit, sed singula in se immersi dicitur.* Augustinus lib. 2. ad Simplicianum. *Scientia Dei longe distat ab humana scientia, itaque irridenda sit comparatio; utraque tamen scientia vocatur.* Et in lib. de Genes. ad liter. c. 5. *Non habes informem vitam Verbum Filium, cui non solum hoc est esse, quod vivere, sed hoc etiam est ei vivere quod est sapienter, & beate vivere.*

IV. Probatur ex Philosophis Gentilibus. Aristoteles lib. 10. ad Nicomachum c. 8. *Quamobrem Dei actio cum beatitudine praestet, contemplativa erit.* Et cap. 9. non diversimode loquitur. Homerus de Jove apud Synesium initio lib. de insomniis: *Natu sit major, plura qui noris:* Unde Synesius ipse subiungit: *Scientia ipsa, & universa cognoscendi facultate, Deum ab homine, & hominem a bellua, discrepare.* Plotinus Ennead. 5. lib. 9. *Deum mentem appellat.* Ammonius Gentilis in commentar. ad lib. Arist. de Interpret. *Omnino si prorsus est necesse eorum, quae sunt, omnium causas esse Deos saltem concurrentes, quinam convenit, aut ipsos ignorare proprios satus, aut fatuum propriorum effecta, vel quae ab illis quocumque modo facta fuerint.*

V. Probatur Rationibus. I. Deo summo enti sicut tribuitur perfectissimus essendi modus, ita tribuendus est perfectissimus modus operandi; atqui esse intellectivum est perfectissimus modus essendi, & perfectissimus etiam modus operandi: ergo Deo tribuendus est. II. Deus est seipso beatus: ergo est intellectivus. Sequitur consequentia; nulla enim beatitudo potest esse in eo, in quo ab intrinseco non potest esse notitia experimentalis quidditativa objecti beatitatis: ergo si Deus est se ipso beatus, hoc ipso est intellectivus. III. Deus est supremus orbis Gubernator in naturae ordine bene disponens, ac perfecte dirigens omnia: ergo intellectivus. Quomodo enim haec omnia praestaret, si non cognosceret? Unde Augustinus lib. 5. de Gen. ad lit. c. 15. *fuisse, ut quis noverit, vel deum esse credat, quod Deus haec omnia fecerit. Non enim opinor, aliquem ita esse exordem, ut Deum quae non noverat fecisse arbitretur.* IV. Perfectio intellectivi est perfectio simpliciter simplex: ergo formaliter in Deo est admittenda. Antecedens est certum; scientia enim in suo formalissimo conceptu, in quo praescinditur ab actu accidentali, vel substantiali, causato, vel incaus-

sato, discursivo, vel immediato, est perfectio simpliciter simplex; ut ex scientiae definitione, & ex definitione etiam perfectionis simpliciter simplicis, innotescit. Unde currit regula S. Augustini lib. 2. ad Simplicianum q. 2. *Quando deestis imperfectionibus creatis permanet ratio perfecti, ea convenit proprie Deo.*

Arguunt contra haec, quae diximus I. Deus in Scripturis dicitur irasci, & tamen non habet iram: ergo pariter quamvis Deus dicatur in Scripturis intelligere, non per hoc sequitur, quod habeat intellectum. II. Auctor libri de divinis nominibus c. 7. scribit: *Quomodo enim intelligit aliquid intelligibilem, non habens intellectuales operationes?* Ergo vere non est in Deo intellectus operatio. III. Deus non potest dici substantia intellectiva, quia aliter faceret compositionem cum actuali intelligentia; nec dici potest actualis intellectio, quia aliter haberet subjectam substantiam, in qua reciperetur intellectio: ergo nullo modo concipi potest, in Deo esse scientiam. Fundatur argumentum in verbis S. Maximi in cent. 1. c. 82., quae referuntur a S. Joanne Chrysostomo, & haec sunt: *Deus, sive substantiam dicamus, non habet potestatem intelligendi, quae naturaliter cum eo intelligatur, ne habeatur compositus; sive dicamus cognitionem, non habet substantiam, quae naturaliter recipiat cognitionem.* IV. Ad rationem scientiae proprie sumptae requiruntur transitus de uno objecto ad aliud, qui importatur per discursum, & transitus de minus noto ad notius, qui fit pariter per discursum; sed haec omnia Deo repugnant: ergo repugnat quoque in Deo esse scientiam proprie sumptam. V. Divina attributa non procedunt ab essentia tanquam à causa: ergo saltem respectu suorum attributorum, Deus non habet scientiam proprie sumptam. VI. Scientiam dicimus esse universalium, & particularium; sed cognitiones universalium, & particularium non sunt in Deo: ergo scientia non est in Deo. Probatur minor. Scientia universalium est ens rationis, & non est in Deo; scientia particularium supponit materialitatem, quia singulare dicitur immersum in materia. VII. Si esset in Deo scientia, non minus esset scientia directa, quam reflexa; sed reflexa imperfectionem involvit: ergo in Deo non est. Probatur minor. Scientia reflexa importat potentialitatem: ergo imperfectionem. Probatur antecedens. Importat remissionem: ergo potentialitatem.

liratem ; ergo imperfectionem . VIII. Neque Deus esse idem cum creatura ; sed nequit Deus intelligere creaturam , nisi sit idem cum creatura ; ergo Deus non habet scientiam creaturæ . Probatum minor . In Deo intelligere , intelligibile , & intellectum sunt unum , & idem ; ergo nequit Deus intelligere creaturam , nisi sit idem cum creatura .

Respondemus ad I. negando paritatem ; Et disparitas est , quia ira non est perfectio simpliciter simplex , sicut est intelligere ; & ideo asserimus , quando Scripturæ dicunt , Deum irasci , metaphorice intelligendum est , quod irascatur , non vero , quando docent , Deum intelligere .

Ad II. Verba illa intelligenda sunt de intellectu cum imperfectionibus , qualis est intellectio , qua intelligunt creaturæ ; non vero de intellectu perfectissima , & nullis imperfectionibus admixta . Unde certum est , quod Deus non intelligit eo modo , quo intelligunt creaturæ , scilicet , cum defectu ; intelligit tamen superi , & eminentiori modo ad creaturam , nempe sine defectu , & sine imperfectione . Sic explicatur a S. Thoma in I. dist. 35. q. 1. ar. 1. ad I. *Pro tanto ergo negatur nomen intellectus Deo proprie convenire , quia non per modum creatura intelligit , sed eminentius .*

Ad III. Dicitur , imperfectiones illas esse tantum in scientia creaturarum , quæ in hypothese Aristotelicorum importat quid superadditum , & realiter distinctum ; quod quidem non importatur a ratione scientiæ , ut scientia est , sed a ratione scientiæ , ut in creaturis est , hoc est , ut imperfecta est . Deus autem proprie loquendo non habet scientiam , sed ipse Deus scientia est ; unde sicut nullam dicit in Deo distinctionem nec potentiam intellectivam , nec actualis intellectio , ita pariter nullam in Deo dicit compositionem . Et hic est proprius sensus verborum S. Maximi , qui quidem ex aliis eisdem Sancti verbis clare legentibus innoscit . *Non habet substantiam substantiam , quæ naturaliter recipiat cognitionem ; sed id ipsum , quod secundum substantiam est , cognitio est Deus , & totus Deus , & solum , & ipsa cognitio substantia ; & totus substantia , & solum , & supra substantiam totus ; & supra cognitionem solus ; quia unitas est individua , expertis partibus , & simplex .*

Ad IV. Transitus de uno objecto ad alium , qui importatur per discursum , non est de

ratione scientiæ proprie sumptæ , sed de ratione scientiæ creaturarum , adeoque de ratione scientiæ imperfectæ ; & inde est , quod discursus est imperfectio , & defectus scientiæ , unde scientia proprie sumpta , qualis est perfecta , & qualis est scientia Dei , discursum non habet . Transitus vero de minus noto ad notius est de ratione scientiæ , sed ex parte rei cognitæ , non vero ex parte cognoscentis ; quatenus quamvis cognoscentis non minus clare cognoscat unum , quam aliud , res tamen cognita ex se ipsa una est notior altera , quum sit per se magis cognoscibilis a priori una , quæ est alterius causa , quam altera , quæ est ejusdem effectus . Et hanc majorem cognoscibilitatem cognoscitiam perfecte cognoscentis , unde quamvis utramque clare cognoscat , unam tamen videt esse altera notioem , quum videat unam esse alterius causam .

Ad V. Attributa Dei non dependent ab essentia divina , tanquam a causa physica , sed tanquam a causa metaphysica ; quatenus scilicet essentia divina non est causa physica , & realis attributorum Dei , est tamen ratio principalis in Deo , a qua cognoscitur a nobis attributa profuere , quod idem est , ac essentiam divinam esse causam metaphysicam attributorum Dei . Deus autem quamvis per discursum formalem , non inferat attributa ab essentia , videt tamen , in essentia contineri attributa , & ab ea per intellectum creatum inferri posse per discursum formalem ; & hoc ipsum , quod videt Deus , & per discursum formalem non videt , videt tamen per discursum virtuale ; unde vere etiam dici potest attributa Dei procedere ab essentia , non tanquam a causa formali , sed tanquam a causa virtuali .

Ad VI. dicitur , in Deo non esse universale formale , sed esse fundamentale reale ; scilicet Deum cognoscere non universale abstractum , nec ipsum universale abstrahere ; repugnat enim divinæ intellectioni præscindere , vel abstrahere , quod provenit ex imperfectione intellectus creati ; sed cognoscere universale fundamentale reale ; hoc est omnia particularia , quæ faciunt universale . Unde conceditur , non esse in Deo universale logicum , & particulare physicum ; negatur tamen de universali reali , & pleno , sicut de singulari etiam per plenitudinem ; & per hoc vere dicitur , Deum esse supra universale , & supra singulare ; ut docet P. Boucat . Cæterum S. Thomas ad hoc ipsum argumentum

sum docendo occurrat hic arg. 2. ad 3. ver-
ba hæc: Cum modus divina scientia sit al-
tior, quam modus, quo creatura sunt, scien-
tia divina non habet modum scientia creata; ut scilicet sit universalis, vel particularis, vel
in habitu; vel in potentia, vel secundum talem
modum disposita.

Ad VII. Scientia creata est directa, vel re-
flexa; scientia vero increata est semper di-
recta; ratio est, quia in creaturis scientia
mediata est illa, quæ dividitur in directam,
& reflexam; in Deo autem non est scien-
tia mediata, sed immediata, quæ est sim-
plex intelligentia. Unde in Deo non est
reminiscentia, quæ respicit scientiam re-
flexam, quæ est mediata. Augustinus lib.
2. ad Simplicianum quæst. 2. hæc docet:
Cum meminimus aliquid intellexisse nos, vel
sensisse, ut id eum volumus, revolvamus.
Quod si ita in Deo est, ut possit proprie dici,
intelligit, & intellexit, sentit, & sensit,
admisit tempus; & subrepsit nihilominus illa
mutabilitas, quæ longe a Dei substantia remo-
venda est. Ex tamen & scit Deus, & præ-
scit Deus ineffabili modo. Sic eum & punitur
ineffabili modo. Cum enim scientia Dei longe
distet ab humana scientia, ita ut irridenda sit
comparatio, utraque tamen scientia voca-
tur.

Ad VIII. Distinguitur major propositio pri-
mi argumenti; nequit Deus esse idem
cum creatura, cum creatura secundum
se, & ut est a parte rei, conceditur; ut
est in causa, negatur. Creatura enim hoc
secundo modo considerata est essentia Dei,
ut tali modo participata, vel participabi-
lis. Nec sequitur ex hoc, non esse diffu-
rentiam inter Deum; & creaturam ad in-
tra; quia essentia divina est objectum pri-
marius, & necessarium scientiæ diviniæ;
essentia vero ut participabilis ad extra, &
ut connatur creaturas futuras, vel ut par-
ticipata ad extra, & ut connotat creaturas

existentes, est objectum liberum, & se-
cundarium.

Ex his habetur, & de fide esse, dari scien-
tiam in Deo, & naturaliter esse etiam
demonstrabile, non tantum a posteriori,
verum etiam a priori. A posteriori quid-
em, ut in quibusdam rationibus a nobis
allatis; ibi enim ex rerum omnium in-
suum finem ordinatione, ex malorum pun-
itione, ex bonorum remuneratione, ex
universi ordine, pulcritudine, gubernio,
ex ratione Artificis, quam nemo, nisi
Atheus, in Deo denegar; quæ omnia
creaturas respiciunt, prout Dei effectus
sunt, ex quibus Dei scientia probatur; ac
proinde demonstratio ab ipsis petra a po-
steriori nuncupatur. A priori etiam, in
quo conveniunt Theologi omnes, quam-
vis discrepent deinde in tali, vel tali de-
monstratione assignanda. Nos in rationi-
bus supra adductis aliquas terigimus; ni-
mirum in illa, in qua probavimus ex Dei
essentia, quæ a nobis in ratione omnino-
de perfectissimi constituta fuit; in altera
ex beatitudine Dei; in alia ex qualitate
perfectiōis esse intellectivi. Addunt alia
rationes petitas, vel ex perfectione vite
intellectivæ in actu secundo, quæ con-
venire debet enti simpliciter bono, &
omnino perfecto; vel ex ipsa ratione en-
tis simpliciter boni, & infinite perfecti;
vel quia ens simpliciter bonum, & omni-
no perfectum, debet esse gratia sui, or-
dinari scilicet ad suam felicitatem; quas ra-
tiones Cacheranus persequitur. Hæc nihi-
lominus conveniunt cum rationibus alla-
tis a nobis; vel ad illas reducuntur. Insu-
per Thomistæ probant intellectivitatem
in Deo ex immaterialitate Dei, tanquam
a priori. Num autem talis probatio sit ef-
ficax, in sequenti Dissertatione videbi-
tur.



DISSERTATIO LXXIII.

De Ratione petita ex Immaterialitate Dei, ad probandum in Deo esse scientiam, secundum quam explicationem sit efficax, & secundum quam non sit.



ANGELICUS Doctor, probare intendens, Deum esse summe intellectivum, quia est summe immaterialis, hoc discursu utitur 1. par. q. 14. art. 1., quem nos, terminos ejus colligentes, hoc pacto efformamus, & ad hunc syllogismum reducimus. Immaterialitas alicujus rei est ratio, quod ipsa res sit cognoscitiva, & secundum modum immaterialitatis, est modus cognoscitivitatis; sed Deus est in summo immaterialitatis gradu; ergo est in summo gradu cognoscitivitatis. Hanc, quam Thomistæ demonstrationem, & a priori quidem, appellant, Scotistæ ex adverso inefficacem proferunt, & nihil penitus concludentem esse, proclamant. Illam proinde communi calculo rejiciunt; ut apud Mästrium, Poncium, Praslen, aliosque Scoti Asceles, videre quisquis poterit. Thomistæ autem defendunt acriter, demonstrationem esse, ut diximus. Attamen Thomistæ ipsi, dum inter se contendendo dissentiunt, & oppositis explicationibus se ipsos impugnant, rationem ipsam tantum abest, ut illustrent, & defendant, ut potius eam obsecurent, & enervent. Nobis hæc in re animus est asserere, & probare, quod ratio ista a S. Thoma adducta, prout a Thomistis exponitur, non est conveniens; in obsequium tamen Angelici Doctoris aliter eam explicamus, ut secundum S. Thomæ mentem, efficacem esse defendamus.

Totus igitur difficultatis cardo est, ut diversos Thomistarum explicandi modos, & immaterialitatem ipsam exponendi, proponamus, & ad veritatem revocemus. Primo sumitur ab ipsis immaterialitas præcise pro negatione, seu carentia materię quantæ, & habitudinis ad ipsam, & sic accipiunt plures Thomistæ, qui absolute defendunt, ex immaterialitate inferri intellectivitatem. Secundo accipitur pro immateriali receptione, prout dicitur recipere formas, non solum modo physico, & sensitivo, sed etiam modo intentio-

nali, & representativo. Tertio, quod est commune omnium Thomistarum, ubi quaeritur, quid sit ista immaterialitas, quæ ab ipsis dicitur virtus cognoscitiva, & qua crescenter crescit virtus cognoscitiva, & qua ratione exclusivum materię posse esse magis, vel minus exclusivum; redduntur ab ipsis explicationes diversæ non per principia evidentiæ, qualia desiderat argumentum demonstrativum, sed per principia incertæ, & diffusissime ab aliis impugnata. Et in hoc peccant Cajetanus, Joannes a S. Thoma, Godui, aliique Thomistæ communiter.

Ostendamus modo hujusmodi modorum explicandi inefficaciam. Contra primum modum sic argumentamur. Materialitas præcise considerata est aliqua perfectio; ergo immaterialitas præcise etiam considerata est aliqua imperfectio; sed nequit in Deo oriri summus perfectionis gradus, qualis est esse intellectivum, ex aliqua imperfectioe; ergo nequit ex immaterialitate sic explicata deduci. Non dicant, carentiam materialitatis semper cum majori perfectione conjungi, quam sit ipsa immaterialitas. Siquidem, dato etiam hoc, attamen in illo casu perfectio non esset ipsa præcise negatio materialitatis, sed alia cum negatione ipsa conjuncta; sicque si esset negatio materialitatis talis perfectio, non esset formaliter, sed identice solum; ut subtiliter Cacharanus discurtit. De eo autem, quod identice est, non loquimur, quando præcise loquimur. Uterius subdimus: Ideo posset esse verum, quod negatio materialitatis importaret intellectivitatem, quia secundum plures essentia spiritus, adeoque immaterialis, est, vel intelligere actualiter secundum Canesium, vel esse intellectivum, secundum alios; atqui hoc ipsum non admittitur ab aliis, & quidem in majori numero Philosophis; qui pro essentia spiritus admittunt, vel esse penetrativum ad libitum, ut docet P. Magnanus, vel esse penetrativum utcumque, & semper, ut alii sentiunt: ergo

non est in comperio apud omnes, immaterialitatem importare intellectivitatem; ac per consequens nequit dici demonstratio a priori ratio illa, quæ hanc ex illa deducit.

Contra secundum explicandi modum hoc pacto discurrimus pariter cum Cacherano. Immaterialitas explicata per modum recipiendi formas, inhypotesi Peripateticorum, in quantum scilicet res recipere potest formam non solum suam, sed rei etiam alterius, non solum modo entitativo, sed modo etiam representativo, etsi detur, & non concedatur, quod inferat esse cognoscitivum; non tamen hoc esse cognoscitivum magis inferri in re spirituali, quam in re materiali, nec etiam inferri in omni re spirituali, sicut pariter non inferri in omni re materiali; quod quidem necessarium omnino esset, ut ex ipso posset esse intellectivum demonstrative inferri. Et probatur pro utraque parte; primo, quia illa immaterialitas receptionis convenit quoque rebus quibusdam materialibus; ut videmus in Brutis, aliisque materialiter cognoscentibus. Secundo, nec convenit omni rei spirituali, quia plures sunt formæ spirituales, quæ recipiunt formas proprias, & in esse entitativo, non ut formas alienas, & in esse representativo; quod patet in substantiis spiritualibus, quæ recipiunt potentias, habitus, actiones &c. in illorum sententia, qui hæc omnia realiter a substantia distinguunt. Si igitur immaterialitas hoc modo explicata non inferat esse cognoscitivum in omni re spirituali, nec in re spirituali magis, quam materiali, non est certissime efficax ad probandam in Deo intellectivitatem.

Tertius tandem explicandi modus, qui est communis inter Thomistas, jam ex se ipso impugnatus remanet. Si enim, ut diximus, recutit ad principia dubia, & ab aliis negata, non potest ullo pacto ex principiis hisce demonstrationem constare. Quomodo enim potest esse demonstratio probabilibus principiis innixa? Erit potius probabilis argumentatio, non demonstrativa. Quia enim certitudine gaudet demonstratio, gaudere debent principia, quibus demonstratio ipsa innititur.

In obsequium autem S. Thomæ sic ad ipsius mentem redire possumus ad veram demonstrationem ab ipso allatam rationem. Nempe si pro immaterialitate intelligatur perfectio. Potest autem sic intelligi, quia immaterialitas est recessus a materia, quam S. Doctor ubique asserit imperfectissimam.

PAR. I.

Si ergo pro primo termino reponatur secundus, & major propositio sumatur particulariter, potest hic syllogismus fieri in modo Dyfamis tertie figuræ. Aliqua pura perfectio est ratio cognoscitiva; sed omnis pura perfectio est in Deo: ergo aliqua formaliter in Deo est ratio cognoscitiva; sed Deus est in summo perfectionis: ergo est in summo cognoscitiva, & cognitionis. Et ita dicendo accipimus immateriale pro perfectione; & cum dicimus: aliqua pura perfectio est ratio cognoscitiva; idem dicere intendimus, ac si dicamus; aliqua immaterialitas est ratio cognoscitiva. Et quando dicimus; sed omnis pura perfectio est in Deo; dicere; etiam volumus; sed omnis immaterialitas est in Deo. Remanet modo, ut occurramus ad ea, quæ contra hunc nostrum explicandi modum opponere possunt quicumque illi sint, quibus ipsæmet non arri-

Opponent I. Ex impugnatione primi modi, a nobis facta, non est verum, quod recessus a materia sit semper perfectio, quia materia est imperfectissima; & probatur; quia materia præcise dicitur perfectionem. Ulterius recessus a materia potest etiam verificari de nihilo, & tamen nihilo nulla perfectio convenit. II. ex Cacherano; illud, quod est immateriale, quia est supra materiale, idem debet esse intellectivum, quia quum dentur aliqua materialia cognoscitiva, opus est, ut ipsum, quod est superius, a fortiori sit intellectivum; atqui potest esse perfectius aliquid, quod non est cognoscitivum, illo, quod cognoscitivum supponitur: ergo &c. Probat minorem; licet cognoscitivum ex genere suo sit perfectius non cognoscitivum, nun ideo tamen necesse est, ut quilibet species rei cognoscitivæ sit perfectior qualibet specie rei non cognoscitivæ. Et hoc etiam probat; quia ut aliquod genus sit perfectius simpliciter alio, sufficit, quod perfectissima species illius generis sit perfectior perfectissima specie alterius generis. Species enim sunt sicut numeri; autem unus numerus sit simpliciter major alio, sufficit, quod ultima figura unius sit major ultima figura alterius; nec est necesse, ut quilibet figura numeri majoris superet quamlibet figuram numeri minoris. Probat etiam antecedens illud inductione, & exemplis. Vitale ex genere suo est perfectius non virale, nec tamen quodlibet accidens virale est perfectius quolibet non virale; aliter visio Dei esset perfectior lumine gloriæ, &

X x

qui-

quilibet actus peccati esset perfectior habitu quolibet virtutis. Item esse incorruptibile est perfectius in genere suo corruptibile; nec ramen quælibet substantia incorruptibilis est perfectior qualibet corruptibilis; alioquin Cælum esset perfectius Leone &c. Non per hoc ergo, quod aliquid est immateriale, debet omnem perfectionem dicere supra id, quod materiale est. Hætenus Cachéranus contra nos arguens. III. Nostra explicatio non videtur S. Thomæ doctrinæ conformis; & hoc ex eo potissimum patet, quia non afferuntur a nobis S. Doctoris verba, quibus conformitas ista probetur.

Respondemus ad I. quod aliud est negare materiam, vel præscindere a materia, aliud est recedere a materia. Negare materiam, vel præscindere ab ipsa, præcise per hoc non est perfectio, quia materia præcise est perfectio, adeoque præcise negare materiam est imperfectio; quod fuit dictum in impugnacione primi modi dicendi. Recedere vero a materia non est recedere per imperfectionem, quia non datur aliquid, quod sit materia imperfectius; sed est recedere per perfectionem; adeoque semper recedere a materia dicitur perfectionem, & quo magis aliquid a materia recedit, eo magis perfectum est; quia scilicet recedis ab imperfectione materię; recedere autem ab imperfectione est esse perfectum. Nihil non recedit a materia, quia quod non est, neque recedit, neque non recedit; & si recedit, non per perfectionem, sed per imperfectionem, recedit.


Ad II. negatur causalis majoris, & conceditur minor, quam Adversarius subtiliter probat. Causalitas illa potest esse vera in

sententia De Quiros, aliorumque, quos Cachéranus impugnatur; in nostro vero explicandi modo non procedit, quia nos aliam procedimus via. Nos enim accipimus immaterialitatem pro perfectione, non vero arguimus, immateriale debere habere omnem perfectionem, quam habet materiale, quia immateriale est supra materiale; quod est illud, quod explicat De Quiros, & quod Cachéranus directe & solide confutat. Aliud autem est, aliquid esse perfectionem, quia tale est, aliud continere perfectionem, & includere, quia tale est. Primum dicimus nos, scilicet immateriale esse perfectionem, quia recedit a materia, & recedere a materia est perfectio. Accipiendo igitur immateriale pro perfectione, sic arguemuramur: Aliqua pura perfectio est ratio cognoscitiva; quod idem est: ac dicere; aliqua immaterialitas est ratio cognoscitiva; sed omnis pura perfectio est in Deo; hoc est; sed omnis immaterialitas est in Deo: ergo &c. Sic sumpta a nobis immaterialitas non eodem modo sumitur, ac sumitur a De Quiros; unde Cachéranus impugnatio contra nos non currit.

Ad III. dicitur, quod nos immaterialitatem sic explicavimus in obsequium S. Thomæ; & hanc explicationem supponimus esse ipsius menti consonam, & rationem etiam adduximus, quia, ut supra diximus, S. Thomas semper asserit, materiam esse imperfectissimam, adeoque inferimus, semper per ipsum esse perfectionem a materia recedere. Cæterum sufficit nobis, ut S. Doctoris ratio in modo a nobis explicato, vim habeat suam, & exceptiones illas non patiasur, quas vere paritur in explicationibus aliorum.

DISSERTATIO LXXIV.

De essentia divinæ Scientiæ.

I. uælibet cognitio, in communia accepta, sive certa sit, sive non, sive evidens, sive obscura, scientia dicitur latissime tamen sumpta. II. dicitur scientia strictè; cognitio scilicet illa, quæ est certa, & evidens, sed est per causam; hoc est per discursum, qui importat plures actus, quorum duo, nempe præmissæ, sunt causæ conclusionis, quæ est scientia. III. dicitur scientia strictissime; cognitio nimirum illa,

quæ non solum est certa, & evidens, sed quæ pariter unico actu habetur, adeoque discursu non indiget. Hæc scientia ultimo modo dicta est in Deo formaliter; & de hac Theologi loquuntur, quando de Scientia Dei differunt. Scientia vero primo, & secundo modo accepta in Deo tantum reperitur virtualiter eminenter. Quia tamen scientia tertio modo sumpta reperitur etiam in creaturis, ut est habitus primorum principiorum, seu scientia immediata; hæc est, quod in Deo reperitur formaliter.

siter quidem, sed formaliter eminenter. Quid si autem in Deo reperiri formaliter, virtualiter, eminenter; ex dictis cognitum Legentibus satis superque supponimus.

Ex hoc fit, quod divina scientia perfectiones aliquas habere debeat, quas creata scientia non habet. Quamvis enim creata scientia sit aliquando etiam immediata, non per hoc perfectiones illas continet, quæ in scientia Dei, quæ immediata est etiam, reperiuntur. Et per perfectiones hasce, quæ in Deo sunt, & in creaturis non sunt, scientia immediata dicitur esse in Deo formaliter eminenter. In his autem perfectionibus, seu in scientia cum perfectionibus hisce, quæ propriæ sunt divinæ scientiæ, necesse est, ut divinæ scientiæ essentia consistat. Aduumerans perfectiones has P. Magnanus, eas quoque recenset, quæ creaturæ scientiæ conveniunt. Nos consultius putamus illas creaturæ scientiæ præterire, & solum eas recensere, quæ divinæ scientiæ sunt propriæ.

I. Perfectio est, ut sit objecto adæquata, ac toti ejus cognoscibilitati; objecto quidem, non uni tantum, aut alteri, sed omni prorsus, quantum latitudo objecti se extendit; seu, quod idem est, quantum se extendit latitudo veri, quod est, universale objectum intellectus. Et ratio est, quia perfectior est cognitio adæquata, quam inadæquata; quæ scilicet se extendit ad omne verum, quam quæ se extendit ad plura; sed non ad omne; in Deo autem admitrenda est sine dubio cognitio perfectior, nobilior, & posterior. Ulterius, secundum illam inadæquationem esset in Deo ignorantia, quæ non est admitrenda; esset quidem secundum rationem illam, secundum quam adæquatio non esset. Denique illa ratio, secundum quam esset in Deo inadæquatio, vel cognosceretur ab aliquo intellectu, vel non cognosceretur a quovis? Si ab aliquo ergo aliquis intellectus sciret, quod ignoraret intellectus divinus. Si a nemine; ergo non esset ratio cognoscibilis, quam a nemine prorsus esset cognoscibilis.

II. Perfectio in eo stat, quod Deus per unicum actum physicum cognitionis veritatem omnem, non solum artingat, intelligat, verum etiam penetret omnimode. Repugnat porro divinæ simplicitati pluribus actibus, sive multiplicatis ex æquo, sive successive positis, sive deductive illatis, veritates cognoscere, ut nos cognoscimus. Repugnat etiam infinitæ scientiæ Dei, quia aliter per primum actum, aut per unum actum, ignoraret, quod postea per subsequentes

actus cognosceret; Repugnat denique adæquationi scientiæ divinæ, quam nuper explicavimus; quia quilibet actus ejus non esset adæquatus toti cognoscibilitati objecti; ac per consequens ulteriori actu indigeret.

III. Perfectio consistit, ut Deus penetret omnia inime vi solius luminis intellectivi; ita quidem ut nihil, vel etiam minimum, eum lateat. Et ratio est, quia si aliquid, adhuc minimum, lateret eum, cognitio non esset adæquata. Insuper, quia, secundum illud, quod lateret, Deus esset ab aliquo extrinseco dependens, & sic Deus secundum aliquid esset ab alio, & secundum omnia non esset a se. Tandem, quia secundum illud, quod lateret, in Deo esset ignorantia; non minorem enim ignorantiam innuit nescire omnia, quam scire omnia, sed non omnimode per ipsum.

IV. Perfectio speciem omnem impressam respicit a scientia divina. Et recte quidem, quia intellectus divinus nequit egere specie impressa Dei, seu divini objecti, quia Deus, seu divinum objectum, est intellectui divino inime præsens; sique non egeret ob distantiam; neque egeret ob determinationem; quia nulla requiritur determinatio, ubi nulla est indifferentia; Deus autem, quia est sua actualitas per essentiam, nullam habet indifferentiam. Neque potest egere Deus specie impressa objecti extrinsece creaturarum; tum quia Deus neque in intelligendo potest a creaturis dependere, quia aliter non esset omnimode ens a se; tum etiam, quia aliter virtus creaturæ esset validior, & fortior, ut assurgeret, & ageret in Creatorem, quam Creatoris vis, ut sine illa illam intelligeret; tum denique, quia ab æterno creatura non erat, & tamen Deus ab æterno cognoscebat eam; & si cognoscit quando creatura est, jam ponitur in Deo cognitio, quæ ab æterno non erat; quod non est dicendum.

V. Perfectio est, quod Deus per scientiam suam cognoscat veritatem omnem, & omni prorsus modo, quo est cognoscibilis, vel secundum se immediate, vel mediate; & si mediate, vel ex adjunctis antecedentibus, vel ex consequentibus, vel ex quibuscumque aliis. Ratio habetur, quia cognoscere veritatem per evidentiam cognitionis immediate, dicitur quæ tantam potentiam habeat intellectus cognoscens, ut nullo egeat medio, quod ipsam suppleat; & hoc admittit in Deo debet respectu cognitionis immediate. Respectu vero cognitionis mediate Deus cognoscit res, & scit, prout media eas cognoscendi sunt varia; dum-

modo tamen imperfectiones excludantur, quæ consistere solent in actuum successione, in processu a nouo ad ignotum, & in ratione causalitatis, ad minus logicæ, respectu unius actus ad alterum.

- VI. Perfectio habetur, quod divina scientia sit infallibilis. Hæc infallibilitas provenit ex perfectione divini luminis infiniti, rum ex independentia & quocumque objecto, a quo nullo modo speciem mendicare debet. Si enim lumen est infinitum, omne, quod in re est, videntur patet; nec potest cum aliquid latere ex luminis defectu. Et si ab objecto non dependet, neque subiacet ambiguitatibus, fallaciis, & mutationibus rerum, a quibus omnino provenit fallibilitas cognitionum.

- VII. Perfectio est, quod sit pariter immutabilis. Immutabilitas hæc consistit, ut si divina cognitio sit affirmans, non possit reddi negans; & si est negans, non potest fieri affirmans; quæ enim semel affirmavit, semper debet affirmare; & quæ negavit, debet omni tempore negare. Et hæc perfectio provenit etiam ex perfectione divini luminis infiniti, & ex dependentia, quam habent creatura objecta ab intellectu divino, si enim mutaretur divina cognitio, mutarentur etiam objecta.

- VIII. Perfectio petit, ut sit simul divina cognitio directa, & reflexa, quamvis in se ipsa sit unica, & simplex. Est autem directa, quia Deus scit res ipsas; est vero reflexa, quia scit, se ipsum scire res ipsas. Hoc enim quod est, Deum res ipsas scire, est veritas; adeoque debet Deus scire ipsam, illo tamen præsupposito discrimine, quod hæc Dei est virtualis reflexio, quæ alium actum non requirit; illa vero intellectus creati est formalis reflexio, quæ alium importat actum.

- IX. Perfectio eximit divinam scientiam a legibus, quas Philosophi, & præcipue Aristoteles, ordinaverunt. Unde dici non potest nec a priori, nec a posteriori, nec propter quid, nec quia; & ratio est, quia Deus respectu sui ipsius non habet causam; & suos effectus non cognoscit ante se ipsum. Ulterius Deus non habet suam scientiam discursivam; & proinde subjectam non habet illam legibus, quibus subduntur demonstrationes illæ, quæ sunt discursus, & syllogismi demonstrativi.

- X. perfectio inducit evidentiam divinæ scientiæ, & claritatem. Hoc ipso enim, quod divina mens in assentiendo nullam sustinet difficultatis caliginem, & sine ambiguitate fruitur luce suæ cognitionis, absque

alio redditur perspicua, & evidens.

- XI. Perfectio connotat divinæ scientiæ certitudinem. Docet P. Magnanius, quod ex hoc ipso, quod est evidens, consequitur ut sit certa; & rationem addit, quia evidentia duo importat, & quod mens placide, & læte adhaereat, & quod firmiter & constanter adhaereat; per illud, quod placide, & læte adhaeret, habetur evidentia, quam antecedenti loco explicavimus; per hoc vero, quod firmiter, & constanter adhaeret, habetur certitudo, quam modo explicamus.

- XII. Perfectio est, ut Dei scientia sit vera. Et quidem posito, quod divina scientia sit evidens, & certa, hoc ipso etiam debet esse vera. Certitudo enim, quam habet, non solum est subjecti, verum quoque objecti; & hæc non est certitudo persuasa, qualis est illa subjecti, sed absoluta & realis. Uade posita reali certitudine, necessario fieri debet, quod scientia sit consonis objecto; in hac autem conformitate consistit veritas: ergo eo ipso, quod divina scientia est evidens, & certa, est pariter vera.

- XIII. Demum perfectio est, quod divina scientia contineat habitus quoscumque intellectuales. Est enim habitus primorum principiorum, quia clarissime cognoscit Deus prima principia, sicut & cætera. Est sapientia, quia est cognitio perfecta, atque supremæ causæ, scilicet ipsius Dei, atque effectuum ab ipso pendientium. Est nobilissima scientia, quia est certa, evidens, vera, infallibilis, immutabilis &c. Est demum ars, & prudentia; hoc est recta ratio factibilium, & agibilium; quia Deus novit, & modum, quo res qualibet fieri possit, & tempus, quod res fieri expediat. Atqui hæc omnes sunt quinque virtutes intellectuales; igitur patet, in Dei scientia habitus quoscumque intellectuales contineri.

- Ex adductis perfectionibus scientiæ Dei evidenter colligimus, ipsam Dei scientiam carere iis omnibus imperfectionibus, quibus creaturarum scientia necessaria est obnoxia. I. in creaturis scientia est accidentis, sive prædicamentale, sive prædicabile, in Deo est natura; etenim in ipso, ut scribebat S. Augustinus epist. 102. non aliud est esse, aliud intelligere. II. in creaturis scientia est habitus, qui potest quandoque esse sine suo actu; Deus autem, quem omnium potentialitatem excludat, tota sua scientia est ipsum suum actuale intelligere, quo nunquam carere potest. III. Scientia creaturarum est præcisiua, non sic scientia

ria Dei; quia, quum infinita sit, statim percipit id omne, quod quovis modo est cognoscibile. IV. Scientia creaturarum crescit, & decrescit, transit de præterito ad præsens, de præsentis ad futurum; scientia Dei est proorsus immutabilis, ut dictum est. V. Scientia creata versatur circa esse, quod creaturæ habent in se ipsis; scientia Dei habet præstantius objectum, quum versetur etiam, & quidem præcipue, circa esse, quod habent in Dei sapientia, quæ ipsarum est artifex. VI. Scientia creata est discursiva; scientia Dei est per unicum, & instantaneum, intuitum.

Verum quia diximus, dari etiam in Deo scientiam, quæ licet non sit discursiva, rem tamen per ejus causas cognoscit, adeoque dari in Deo scientiam etiam mediatam, non tamen formaliter, sed virtualiter eminenter; quareus in Deo datur discursus non formalis, sed virtualis eminentialis; & quia hoc ipsum a quibusdam Scholasticis negatur; congruum ducimus, aliqua modo subnectere in hujusmodi a nobis doctorum elucidationem, & probationem. Certum est, quod Deus perfecte cognoscat dependentiam, quam habent effectus a suis causis, & connexionem, quæ inter effectus, & causas reperitur; quum autem talem dependentiam, & connexionem cognoscat Deus, statim etiam cognoscit rem per causam, non tamen per discursum, sed unico intuitu.

Arguunt I. Sancti Patres communiter asserunt, Deum esse supra scientiam, supra misericordiam &c.; esse scilicet aliquid altius ipsa scientia, aliquid altius ipsa misericordia; ergo vere in Deo formaliter nec est scientia, nec misericordia. II. Discursus essentialiter requiritur ad rationem scientiæ proprie sumptæ; ergo si in divina scientia deficit discursus, destruitur ratio scientiæ. III. Progressus de novo ad ignotum est pariter essentialis ad scientiam; sed hic progressus admitti nequit in divina scientia, quia Deo nihil supponi debet ignotum: ergo &c.

Respondemus ad I. loquutiones illas Sanctorum Patrum non aliud importare, quam has perfectiones non esse in Deo, prout in creaturis reperiuntur, scilicet limitatas, imperfectas &c.; adeoque Deus est supra ipsas, quæ in creaturis sunt: Non per hoc tamen sit, quod formaliter in Deo non sint. Non per hoc enim, quod creatura aliqua est simplex, est actus, est spiritus, Deus nun erit simplex, non erit actus, non erit spi-

ritus: ergo neque per hoc, quod creata scientia datur, Deus formaliter non erit sciens.

Ad II. dicitur, quod ad rationem scientiæ immediatæ non requiritur discursus, ad rationem vero scientiæ mediatæ requiritur discursus sive formalis, sive virtualis. Aliqui dicunt, discursum esse potius defectum, seu imperfectionem scientiæ; sed intelligendi sunt de scientia immediata, non mediatâ.

Ad III. distinguitur major propositio: Progressus de novo ad ignotum ex parte rei cognitæ est essentialis ad scientiam, conceditur; ex parte cognoscentis, negatur. Semper enim stat, quod ex parte rei cognitæ unum sit altero notius; licet Deus, qui est cognoscentis, omnia neque elare cognoscat.

Ex dictis inferimus, scientiam Dei esse verum, & unicum, attributum Dei. Est verum quidem attributum, quia est formaliter in Deo, est perfectio simpliciter simplex &c. Et non solum scientia immediata est formaliter eminenter in Deo, sed etiam scientia per causam secundum rem significatam est adhuc formaliter eminenter, secundum vero modum significandi est virtualiter eminenter in Deo. Patet hoc, quia res significata per hanc scientiam, quæ est vere, & proprie dicta scientia, est eadem & evidens cognitio unius ex alio; in Deo autem est hæc cognitio formaliter, ut probatum est. Modus vero significandi est finitus, imperfectus, &c.; Quum autem in Deo nihil sit finitum, nihil imperfectum; hinc in ipso non est scientia secundum modum significandi nostrum; & ideo dicitur a Patribus supersciens, supersapiens &c.

Est etiam scientia in Deo unicum attributum, quia spectat ad eandem lineam; quæ vero ad eandem lineam pertinent, unicum attributum constituere debent. Et ratio est, quia quolibet attributum debet esse in sua linea infinitum; non esset autem infinitum in sua linea, nisi omnia hujusce lineæ complecteretur, sibi que identificaret. Et licet virtutes in Deo diversæ constituentur attributa; hoc tamen ideo est, quia virtutes ad diversas lineas spectant, & respiciunt diversa objecta formalia inter se opposita. Scientiæ vero divine unicum est objectum formale, quamvis unum sit primum, aliud secundarium. Sed hoc non officit; quia sicut hoc ipsum non diversificat habitum in creaturis, ita nec multiplicat attributa in divinis.

DISSERTATIO LXXV.

De actu primo intelligendi in Deo ; de errore illorum , qui ipsum ponebant in Deo realiter ab actu secundo distinctum ; & de Scholasticorum dissidio , an , & quomodo in Deo sit admittendus .



ACTUM primum intelligendi, ab actu secundo realiter distinctum, aut Gentiles quosdam, Philosophos, aut Heterodoxos obscuri nominis aliquos, in Deo admisisse, quorumdam est assertio. Catholica nihilominus veritas est, non dari in Deo actum primum intelligendi, qui realiter actu secundo caeat. Hoc etiam cognovere Gentiles, & præcipue Aristoteles, Plotinus, Maximus Tyrius, & Paeres ex perfectio docuerunt omnes; ut apud Petavium legitur lib. 4. theologic. dogmat. c. 1. Unde hanc catholicam veritatem hie suscipimus propugnandam primo loco, atque probandam ex Scipieuris, Conciliis, Patribus, Philosophis Gentilibus, & rationibus.

- I. Probat ex Scipieuris. Job. 12. *Sapientia ubi invenitur ? & quis est locus intelligentia ? Et post pauca subdit : Deus intelligit viam ejus , & ipse novit locum illius . Ipse enim fines mundi intrinset , & omnia , quæ sub calo sunt , respicit .* Ubi Deus non dicitur habens sapientiam, vel habens intelligentiam; sed dicitur sapientia ipsa, & ipsa intelligentia, hoc est actus, non tantum habitus. Psal. 146. 5. *Et Sapientia ejus non est numerus .* Non esset autem infinita, & sine numero, sapientia Dei, si ipse aliquando sine sapientie actu esset; majorem enim illo haberet, qui tunc sapientie actum haberet; vel major posset cogitari sapientia illa, quæ aliquando in exercitio non esset. Sapientie 7. 15. *Domus possedit me initio viarum suarum , antequam quidquam faceret a principio .* Si ergo ab æterno habuit Deus sapientiam, semper habuit; nunquam ergo caruit actu illius. Coloss. 2. 3. dicitur de Filio Dei: *in quo sunt omnes thesauri sapientie , & scientia Dei .* Non essent autem omnes thesauri, si aliquando Deus esse potuisset sine actu scientie. Et ad Romanos 11. 23. *o sciendum divinarum sapientie , & scientia Dei .* Neque esset altitudo, si posset, vel potuisset, actu scientie carere.

II. Probat ex Conciliis. Lateranense generale Concilium IV. sub Innocentio III., & refertur in cap. *firmiter*, & in cap. *damnamus de summi Trinitate*, & *Fide catholica*; ubi dicitur *Deus incommutabilis*; si autem actus scientie esset illi adventitius, incommutabilis non esset, quia de inscientie in scientem commutaretur. Rhemense sub Eugenio III. damnavit Gilbertum Poerefranum, qui realem distinctionem inter essentiam, & attributa divina adstruebat, & per consequens etiam inter attributa, & inter operationes.

- III. Probat ex Patribus. Augustinus ep. 102. docet, quod in Deo non est aliud esse, aliud intelligere. *Anima vero, quia est, etiam dum non intelligit, aliud est, quod est, aliud quod intelligit.* Et in lib. 1. de Genes. ad litteram c. 5. *Non habet informem vitam Verbum Filius; cui non solum hoc est esse, quod vivere; sed etiam hoc est ei vivere, quod est sapienter, & beate vivere.* Cyrillus in fin. lib. 31. Thesaurorem. *Simplex, & minimo compositus omnium predicatione celebratur Deus . Quamobrem absurdum esset ipsum de se talem habere cognitionem dicere, qualem nos habemus . Nam si ipse aliud quiddam est; alia vero, ac diversa est ab eo qua inest ipsi cognitio, compositus erit, & non simplex . Quum vero confessione omnium simplex sit; non est aliquid ab eo diversum illius cognitio .* Maximus p. 3. tit. 3. apud Euthymium in Panoopia; *Deus utique intelligens dicitur proprie, neque intellectus; ne compositus existimetur . Nam & quod intelligens est, secum una consideratam habet intelligendi facultatem; & quod intelligitur, ad hoc ipsum, ut intelligatur eandem habet facultatem. Sed neque intellectio dici potest. Nam intellectio natura sua subiectum habere capaxem sui substantiam . Nisi forte sic illum intellectum dicamus, ut sit ipsum intellectio secundum substantiam, ac totum intellectio, & solum intellectio, & intellectio supra intellectum .* Joannes Damascenus lib. 1. de Fide c. 18.

In nobis prudentia & sapientia, & consilium, tanquam habitus accidunt, & abscidunt. Non autem in Deo. In ipso enim nihil ardet, & definit. Est enim variationis, & mutationis expertus. Neque de ipso dici accidentis oportet. Porro bonum Deus habet cum substantia sua concurrens. Nemescius, Philosophus Christianus lib. de Providentia c. 44. Ignorantia, & imperitia prorsus aliena est a beata illa substantia. Ipsum enim est cognitio, & sapientia, & scientia. Synchius lib. de Insomniis. Deo sola ad cognoscendum natura satis est. Irenaeus lib. 2. c. 47. Deus cum sit totus mens, totus ratio, & totus spiritus operans, & totus lux, & semper idem, & similiter existens. Didymus in enarratione. epist. Canon. Joann. c. 3. in Bibl. PP. t. 9. Cum Deus mens sit, intellectus naturalis, & substantialis novit ea, quae novit. Creatura vero licet habeant, ut sint mens, attamen & scientiam habent, quae est factura, dum mens eorum sit facta.

IV. Probatur ex Philosophis Gentilibus. Aristoteles 12. metaphysicis c. 9. mentem supremam, ait, nunquam ab intelligendi actione cessare, & *seipsum* ipsius *veritas*; scilicet, ipsammet actionem, sive perceptionem. Insuper asserit, facultatem, & potentiam intelligendi, quam *Veritas* appellat, in suprema mente non esse; quia si haec inesset, esset illi laboriosa perpennitas intelligendi. Et denique scribit, supremam mentem, cum semetipsam intelligit, intelligentiam istam esse intelligentionis intelligentionem. Plotinus Ennead. 6. lib. 9. negat, divinam mentem esse intelligentem, sed potius esse ipsum actum intelligentem. Maximus Tyrius in Disert. 1. dicit, Deum esse mentem, quae & semper, & simul omnia cognoscit. Videretur Peravius cit. loc.

V. Probatur ex Rationibus. I. ex Dei simplicitate, quae destrueretur per adventientem actum secundum; quatenus hic diceret in Deo realem, & physicam compositionem. II. ex ratione actus puri, quae tolleretur etiam per potentialitatem; quatenus si in Deo esset actus primus intelligendi sine actu secundo, esset in Deo potentialitas. III. ex Dei immutabilitate, quae pariter non esset, si in Deo esset actus secundus adventitius; quia Deus mutaretur a non intelligente ad intelligentem. IV. ex divina perfectione, quae perit, ut Deus per suam essentiam edgnoscat, aut quomodo libet operetur, & non per aliud a se distinctum. V. ex ratione entis a se; quia si Deus non esset sua intellectio per essentiam, ab alio dependeret, quando intelli-

geret. VI. Hanc indistinctionem actus secundi a primo in Deo sic explicat simul, & suadet P. Magnanus. Cogitemus intellectum divinum esse expressionem actualis objecti cogniti, tum ratione sua formali, tum sua intrinseca necessitate, eo quidem modo, quo ipsa formalis actualis cognitio est actu, & se ipsa ejusdem objecti cogniti expressio. Cogitemus etiam, intellectum divinum esse se expressionem non unius modo, vel alterius objecti, sed cognoscibilem omnium, secundum omnes modos cognoscibilitatis eorum. Et sic statim intelligemus primo, divinum intellectum nulla prorsus actione egere ad actualiter intelligendum, sed esse ipsum suum actum, & suam actionem. Intelligemus secundo, non minus esse de conceptu divini intellectus, ut sit sua formalis intellectus actualis intellectus, quam de conceptu divinitus naturae, seu essentiae, ut sit sua formalis essentia, loquendo tamen semper de essentiali, non de notionali, intellectione. Intelligemus tertio, quomodo in creatis nec etiam actus secundus intelligendi sit accidentia potentia intellectiva distinctum, & non per hoc eodem passu eum divina simplicitate ambulet; & ratio est, quia absque illo actu secundo potest esse creatus intellectus, non sic autem divinus; & quamvis intelligere actualiter sit realiter a creato intellectu indistinctum, non tamen hic est suum intelligere per essentiam, ut est intellectus divinus.

Ex dictis ergo, atque etiam probatis, pro certo habemus, non dari in Deo actum primum intelligendi, a quo actus secundus realiter sit distinctus. Num autem in Deo detur idem actus primus realiter, qui quidem realiter etiam sit ab actu secundo indistinctus. Scholasticos inter Theologos controversit; quamvis si quae est inter eos dissensio, ex modo potius loquendi, ex explicandi diversitate, non provenire, existimemus. Ceterum dicimus nos, dari in Deo realiter actum primum intelligendi, sine tamen carentia actus secundi. Nobiscum sentiunt multi apud Arriagam, quamvis & aliqui discrepent.

Probatur hoc simul, & explicatur. I. Actus primus sumptus sine carentia actus secundi est perfectio simpliciter simplex, nullam dicens in suo conceptu formali imperfectionem; ergo realiter in Deo admitti debet. Antecedens probatur. Tota imperfectio actus primi est carentia actus secundi; ergo actus primus sumptus sine carentia actus secundi nullam dicit imperfectionem.

nem . II. Datur in Deo prædicata, quæ sunt propria actus primi intelligendi; nimirum esse intellectivum, esse principium, seu radicem actualis intellectus; æque enim Deus dicitur, quod si intellectivus, ac quod sit intelligens; habet etiam principium, quum habeat operationem, quæ nequit esse sine principio: ergo vere etiam in Deo datur actus primus intelligendi. Et quia huiusmodi prædicata actus primi non sunt in Deo sine prædicatis actus secundi; hinc in Deo datur actus primus intelligendi, sed sine carentia actus secundi.

Obstant Adversarii. Esse repugnantiam in terminis sumere actum primum sine carentia actus secundi; impossibile est enim imperfectio actus primi cum perfectione actus secundi; eo quia actus primus est potentia ad actum, & via ad terminum; impossibile autem est, ut idem respectu ejusdem sit in actu, & sit in potentia, sit in via, & sit in termino: ergo &c.

Respondemus, actum secundum non destrueret primum, sed perficeret; non enim aliquis est magis operativus, quam quando operatur. Actus primus ordiatur ad actus secundi positionem; si autem per positionem actus secundi actus primus destrueretur; ergo actus primus ad sui destructionem ordinaretur; hoc non est dicendum: ergo neque illud. Ex vi ejusdem perfectionis formaliter repugnat, esse in via, & esse in termino; esse in actu, & esse in potentia; non autem ex vi diversæ formaliter perfectionis.

Hinc patet, quid sit dicendum, quando quaeritur, an in Deo possit intellectus per modum actus primi concipi? Si enim est sensus, num possit in Deo concipi intellectus per modum actus primi distincti a secundo? Ex dictis est evidens, quod non potest. Si enim in Deo vere, & realiter non datur actus primus intelligendi ab actu secundo distinctus, revera nec etiam possumus illum in ipso concipere, nisi fingendo, & chimerizando, perinde ac si conciperemus Deum compositum, Deum non Deum. Si autem est sensus, an possumus Deum concipere per modum substantiæ intellectivæ, non concipiendo illam ad modum intellectus intellectus. Et in hoc sensu potest. Et ratio est, quia possumus nos habere cognitionem inadæquatam circa Deum, & proinde ipsum præcisive concipere, non concepta actuali intellectione. Non per hoc tamen fit, quod concipiatur actus primus ut distinctus ab actuali intellectione. Aliud enim est, con-

cipere in Deo actum primum ut distinctum ab actu secundo; aliud præcendere actum primum in Deo ab actu secundo; vel quod idem est, concipere prædicata, constituenta actum primum, non conceptis illis, quæ aliis in creaturis saltem actum secundum constituunt. Uterius potest esse sensus, an in Deo sit vere, & realiter prædicatum aliquod, quod sit proprium actus primi creati intellectus, & non conveniat actuali intellectui creaturæ? Non enim accipi debent actus primus, & secundus Dei, qui sunt unum, & idem, & modo dicitur primus, modo dicitur secundus; adeoque numquam in iisdem invenitur aliquid, quod sit realiter proprium unius, & non alterius; sed sumi debent actus primus, & secundus, prout sunt in nobis; & in ipsis debemus quaerere, quæ sint prædicata propria substantiæ intellectivæ, ut distinctæ ab actuali intellectione, & quæ sint prædicata propria actualis intellectus, ut distinctæ a substantia intellectiva. His cognitis, videndum deinde est, an aliquod ex prædicatis huiusmodi substantiæ intellectivæ sit in Deo formaliter; quod vidimus jam esse. Est enim ratio intellectivi ut *quod*, quæ ratio est in Deo formaliter eminenter; & hæc ratio reperitur in actu primo radicali intelligendi creaturæ, non vero in actuali intellectione, quæ dicitur intellectiva ut *quo*; quatenus est id, quo obiectum intelligitur. Uterius est ratio substantiæ intellectivæ, nam actus secundus creatus non est substantia, sed accidens, sive prædicamentale, sive prædicabile; substantia vero est actus primus radicaliter; sed Deus vere, & realiter est substantia intellectiva: ergo per hoc cum actu primo reali creato convenit, ut disjunctio ab actu secundo creato. Denique est ratio substantiæ personatæ; nam hoc est proprium actus primi radicalis intellectivi, qui natura sua potest terminari a personalitate; non autem convenit actuali intellectui creaturæ, quæ neque personata est, neque potest personare. Hæc autem omnia non sunt unum, sed plura prædicata propria actus primi, & non secundi, in creaturis, ut dicebamus.

Si vero ulterius quaeratur, an talis potentia, quæ in Deo admittitur, sit talis in sensu logico, an vero in sensu physico, an tandem in sensu metaphysico, atque formalis? Pro responsione dicimus, quod certum est primo, non esse in sensu logico, quatenus potentia pure logica est possibilitas intellectus, videlicet non repugnantia potentia

rentia autem intelligendi non est in Deo præcise possibilitas intellectiōis, quia potentia intelligendi in Deo est intellectus; intellectus autem non est pura possibilitas intellectiōis; aliter daretur in Deo duplex intellectus, potentia scilicet intellectiva, & possibilitas intellectiōis. Igitur non datur in Deo hæc potentia logica. In sensu autem physico potest fieri duplex sensus, vel ut scilicet talis potentia physice sit productiva essentialis intellectiōis distinctæ; & sic non datur, ut patet; vel ut talis potentia non sit potentia logica, adeoque dicatur physica per contradistinctionem a logica; & sic admitti potest; verum nimis improprie sic sumitur. In sensu tandem metaphysico admittitur; quatenus in Deo, ut dictum est, existit formalitas propria potentie intellectus ut contradistinctæ ratione nostra ab actuali intellectiōe; quod probatur quidem a S. Thoma 1. 2. dist. 7. q. 1. art. 1. ad 1. dicente: *In Deo sunt idem potentia, & operari, sed differunt ratione nostra; & rationibus etiam supra adductis confirmatur.*

Si quaeratur insuper, qua distinctione actus primus intelligendi ab actu secundo in Deo distingui possit? Respondemus, non distingui realiter, ut probavimus; neque realiter formaliter, vel ex natura rei; quatenus huiusmodi distinctio in omnibus fuit a vobis improbat; sed realiter virtualiter, & ratione ratiocinata. Suaderetur hoc. Actus primus, & secundus, sunt vere in Deo secundum proprias rationes formales, non sunt autem distincti, sed æquivalent distinctis illis actibus, qui in creatis reperiuntur. Uterius. Quamvis in Deo non sint distincti, non habent nihilominus inter se omnimodam identitatem; scilicet non tantam, quantum vel actus primus cum se ipso, vel cum se ipso actus secundus habet; quæ omnia distinctionem realem virtualem constituunt; ex qua potest intellectus fundamentum sumi præscindendi potius, quam distinguendi, ut dictum est, vel distinguendi inadæquate, ut dictum quoque supponimus.

Argumentum Adversarii I. De ratione essentiali actus primi est, ut præcedat actum secundum; quia est huius principium elicivum, de cuius ratione est prioritas. Vel igitur in Deo datur actus primus cum hac prioritate, & sic realiter ab actu secundo distinguitur; vel cum hac prioritate non datur, & sic non est in Deo formaliter, sed virtualiter eminenter; est enim sine sua prioritate essentiali, quemadmodum est

PAR. I.

etiam in Deo potentia accidentalis, & contraria. II. Actualis intellectus in Deo est virtus perceptiva objecti; tantummodo formalis perceptio est virtus perceptiva; ergo præter hanc non datur alia formalitas intellectivæ potentie, quæ sit ab ipsa distincta. III. Determinatio intelligendi ut quod provenit etiam ab ipsa intellectiōe actuali; ergo non est prædicatum, ab ipsa actuali intellectiōe distinctum. IV. Intellectio divina etiam ratione nostra est intellectiva summe ut quod; ergo actus primus intelligendi neque ratione nostra potest actum secundum antecedere; ergo nullo modo potest ab ipso distinguui.

Respondemus ad I. quod actus primus virtualiter elicit in Deo actum secundum, & actus secundus virtualiter elicitur a primo; hinc est, quod ille dicitur virtualiter prior hoc alio. In ea enim ratione est prioritas, in qua est productio; & in ea distinctio, in qua prioritas. Datur igitur in Deo actus primus cum virtuali prioritate ad actum secundum, sicut datur cum virtuali distinctione; sed ex hoc non bene inferitur: ergo actus primus est virtualiter in Deo. Etenim essentia in Deo etiam est virtualiter prior attributis, & tamen essentia non est in Deo virtualiter. Aliud namque est, rem esse virtualiter talem, aliud esse virtualiter priorem, virtualiter distinctam, ut satis patet.

Ad II. totum concedimus realiter, virtualiter vero negamus. Quamvis enim in Deo totum id, quod est actus primus, sit actus secundus, a parte rei, & realiter, prædicta nihilominus utriusque non confunduntur, ac per consequens non sunt eadem; & hoc sufficit, ut actus primus, & secundus, non sint idem virtualiter. Igitur actualis intellectus in Deo est virtus perceptiva objecti, realiter quidem, & a parte rei, non vero virtualiter, & a parte rationis; quia aliud est prædicatum actualis operationis, aliud est prædicatum virtutis perceptivæ objecti.

Ad III. dicitur, esse intellectivum ut quod duo importare, unum in recto, aliud in obliquo. In recto dicitur subjectum capax operationis intelligendi, in obliquo dicitur ipsam intellectiōem. Hæc capacitas, quæ dicitur in recto, non provenit formaliter ab ipsa actuali intellectiōe, sed subjectum eam habet a semetipso, seu ex suis intrinsicis. Unde communiter dicitur in schola Aristotelicorum, quod licet intellectus unatur lapidi, non facit tamen lapidem intel-

Y y h-

lignentem ut quod, quia in illo capacitatem non reperit. Deus autem: non solum habet intellectionem, sed vere ipse est capax; adeoque est intellectivus ut quod, non solum secundum id, quod dicitur in obliquo, sed etiam secundum id, quod importatur in recto.

Ad IV. potest negari antecedens; quum possum ego concipere intellectionem divinam præcise ut a se, etsi oullateous eam, concipiam in ordioe ad subiectum, aut naturam, vel ut subiectum intellectivum ut quod. Verum dato antecedente, adhuc fiat nostra assertio, quæ solum docet, dari

formaliter prædicari in Deo actus, primi creati prout distincti ab actu secundo creato; & licet ea includantur in intellectione divina, non tamen ideo non trunt in Deo. Præterea, quum hæc prædicata, possint concipi sine intellectione, licet hæc concipi non possit sine ipsis, datur nobis sufficiens fundamentum, ut ratione nostra possimus in Deo actum primum, præsciendando concipere. Ad hoc enim non est necessaria distinctio rationis mutua, sed satis est præcisio, ut dicebamus; vel, ut alii loquuntur, prioris a posteriori adequata distinctio.

DISSERTATIO LXXVI.

De Memoria, Habitu intellectionis, Specie intelligibili, & Motione, seu objecti formalis objectiva determinatione; an in Deo sint, & quomodo?

DROUT diversimode Philosophi memoriam explicant, diversimode etiam Theologi memoriam in Deo recognoscunt. Dicunt aliqui, memoriam intellectivam, de qua loquimur, ab intellectu possibili non distingui; sed eandem potentiam, quatenus speciem recipit, dici intellectum, quatenus vero speciem conservat, memoriam appellari. Sic S. Thomas I. par. quæst. 79. ar. 7. in corp. Uode per hoc memoria solum consistit in conservatione specierum præcise. Alii vero sentiunt, memoriam sumi prout est conservativa specierum ut præteritarum. Ita Scotus in I. dist. 3. quæst. 6. circa medium.

In hoc secundo sensu, certum est in Deo non esse memoriam. Et probatur hoc pacto. Non enim respectu Dei aliquis actus præterit, vel aliquod objectum præcedit; quod quidem requiritur, ut in Deo conserventur species ut præteritæ: Ergo in Deo non debet admitti memoria, si memoria consistit in conservatione specierum ut præteritarum. Probatur antecedens. Scientia Dei est invariabilis, & Deus ipse est æternus: Ergo respectu Dei nullus actus præterit, & nullum objectum præcedit. Probatur Consequentia. Quia scientia Dei est invariabilis, quicquid Deus aut scivit, aut sciet, scit: ergo nul-

lus actus præterit. Ulterior; Dei æternitas coexistit omnibus temporum differentis; ac per consequens anticipat futura, & retinet præterita: Ergo quia Deus est æternus, respectu Dei nullum objectum præcedit. Hinc S. Prosper in sententia 108. & oblivioem, & memoriam a Deo in hoc sensu eliminat; docens: *Neque oblivio cadit in Deum, quia nullo modo mutatur; neque recordatio, quia nihil obliviscitur.*

In primo vero sensu admitti potest in Deo memoria, sed eminenter; quatenus respectu divini intellectus non datur alia species, quam divina essentia, quæ sicut respectu rerum, præcipue creaturam, non est species; nisi eminentissime, ita non potest, nisi eminentissime, memoriam rationem divino intellectu conferre; & eodem modo dicitur, Deum habere memoriam, ac Deum habere sui ipsius, ac rerum omnium species; quæ est memoria in actu primo; & per sui, & rerum omnium species, seipsam, & res omnes in actu secundo intelligere; quæ est memoria in actu secundo; ut Cachernus explicat. Et in hoc sensu intelliguntur Patres, & præcipue Augustinus, qui lib. 10. de Trinit. cap. 11., & lib. 14. cap. 7., & aliis in locis, specialiter tribuit Patri Eterno memoriam secundam, quæ dicit esse principium generationis Filii. Memoriam scilicet

et nomine intelligendo principium intellectivum completum, ut ait citatus Auctor, secundum illud, quod requiritur non solum ex parte sui, verum etiam ex parte objecti; etiam si deinde huiusmodi complementum ex parte objecti habeatur per propriam essentiam, non per aliud, quod sit formaliter, & rigoroſe species; ut videtur requiri ad formalem, & rigoroſum memoriæ conceptum.

IIa vero Scripturarum loca, quæ tribuunt Deo, vel memoriæ, vel oblivioni; scilicet *Oſeæ 1. 6. Oblivione obliſcear eorum: Ezechiel. 18. 12. Omnium iniquitatum, quas operatus eſt, non recordabor: Pſal. 41. 10. Quare oblitus es mei? Pſal. 131. 1. Memento Domine David, & omnis manſuetudinis eius: non niſi improprie intelligenda sunt, & secundum noſtrum loquendi modum; ut Patres, & Expoſitores doceant.*

Quando vero quæritur, an Habitus intellectiſionis ſui in Deo? Senſus eſt, num in Deo per modum habitus agitur, aut ſcientia, aut virtus, aut quævis alia cognitio? Et aſſerimus, non dari. Et Ratio hæc eſſe poteſt. Habitus enim quilibet datur ut complementum potentie, quæ vel non habet ſufficientem activitatem, vel non habet facilitatem ad operandum. Primus eſt habitus inſuſus, qui dat ſimpliciter poſſe; ſecundus eſt habitus acquiſitus, qui dat ſcilicet poſſe. Impoſſibile autem eſt, ut intellectus divinus habeat, aut inſufficientiam, aut difficularem ad agendum; quemadmodum quoque repugnat, ut detur aliquid, vel activitatem illius complementis, vel triuens illi facilitatem. Ergo pariter implicat, ut in Deo habitus detur.

Arguunt Adverſarii cum Henrico Gandavensi I. Agere ex habitu eſt agere ſcilicet; ſed agere ſcilicet eſt perfectio ſine imperfectione: ergo in Deo datur. II. Dantur in Deo virtutes intellectuales; ſed virtutes ex Ariſtotele 2. Ethic. cap. 5. ſunt habitus: ergo dantur in Deo habitus. III. Habitus conſiſtit in proportionem objecti cum potentia, & in facilitate potentie cum objecto; ſed hæc proportio, & hæc facilitas, ſunt in Deo; quanvis ſint per divinam eſſentiam, quæ per ſe ipſam præſtat quicquid requiritur ex parte objecti, & per divinum intellectum, qui per ſe ipſum habet quicquid requiritur ex parte potentie: Ergo in Deo, ſaltem in hoc ſenſu admittendus eſt habitus.

Reſpondemus ad I. quod ſi adhuc præmiſſæ PAR. I.

concedantur, argumentum ad conſequentiam non cogit. Ratio eſt, quia ex ratione colligit particularem; quemadmodum ſi quis inferret, hominem eſſe equum, quia equus eſt animal, & homo eſt animal. Sic pariter in noſtro caſu. Agere ex habitu eſt agere ſcilicet; ſed non convertitur; agere ſcilicet eſt agere ex habitu. Unde negatur a nobis propoſitio illa, agere ex habitu eſt agere ſcilicet, ſi ſit ſenſus, agere ex habitu eſt præciſe agere ſcilicet. Si vero agere ſcilicet ſupponat in potentia carentiam facilitatis per defectum virtutis, non negatur, ſed conceditur.

Ad II. dicitur, quod virtutes ſunt habitus; ut accidentia, non ſecundum abſtractum earum conceptum. Conceduntur in Deo non primo modo, ſed ſecunduſ imperfectionibus; quibus ſeculſus habitus virtutis in virtutem reſolvitur. Unde Ariſtoteles ipſe 7. Ethic. cap. 10. dixit, non virtutem eſſe Dei, ſed quæ præſtantius virtute.

Ad III. reſponderetur dicendo, proportionem, & facilitatem non habere rationem habitus, niſi ſolum in eo ſenſu, in quo ſuppleant, & compleant potentiam, quæ vel non eſt proportionata, vel non eſt expedita. Quomodo ergo divinus intellectus a ſe ipſo habeat facilitatem, ut Adverſarii quoque in propoſito argumento fatentur, & proportionem habeat a ſua divina eſſentia; ut pariter aſſerunt; nulla eſt ratio, ut in Deo habitus ponamus.

Species intelligibilis tertio loco nobis ſe offert examinanda, an poſſit in Deo admitti? Pro qua S. Thomas 1. par. quæſt. 14. ar. 2., & 4. in corp. ar. 1. ad 1. aſſerere videtur, eſſentiam ipſam Dei eſſe ſpeciem intelligibilem. Unde plures cum ipſo docent, dati in Deo ſpeciem intelligibilem, & re vera admittendam eſſe. Quod pariter ratione probant. Nam in ſpecie creata, deſtractis imperfectionibus accidentis inhzrentis potentie, remanet pura perfectio ſpeciei intelligibilis; ſed hæc formalitas reſolvitur in Deo, ut attributum ipſius: ergo &c.

Cæterum nos, ut diſtingere procedamus, dicimus, quod reſpectu ſui datur in Deo ſpecies intelligibilis formaliter eminenter; quod reſpectu rerum creaturarum, non poſſet dari niſi virtualiter eminenter. Divina enim eſſentia, ſupplens ſpecies rerum creaturarum, non poſſet eſſe, niſi virtualiter ſpecies ipſarum.

Arguunt dicendo, ad rationem ſpeciei requiri, quod determinet potentiam; Deus.

Y y 2 autem,

autem semper est determinatus ad intelligendum; adeoque non habere speciem, a qua determinatur.

Respondemus, Deum esse semper determinatum ad intelligendum a sua essentia, hoc est a se ipso. Quum vero sua ipsius essentia speciei minus subear; quid incongruum sequitur, si dicatur, Deum determinari a specie, hoc est a sua essentia, speciei vicem habente, ac per consequens a se ipso? Implicat quidem, ut ab alio determinetur; non vero, ut semper sit a semetipso determinatus.

Tandem circa Motionem, sive objecti formalis objectivam determinationem, sentimus, hanc motionem, seu objectivam determinationem, physice motivam intellectus, aut etiam intentionaliter, repugnare Deo; non vero motionem pure objectivam. In eodem sensu repugnat, & non repugnat, objectum formale divinæ intellectus. Utrumque dictum coniungimus, quia secundum pendet a primo. Ratio est, quia objectum formale est propter quod, materiale vero quod attingitur, Quum ergo propter quod denominet objectivam motionem, sequitur, ut objectum formale repugnet, & non repugnet, quia ratione repugnat, & non repugnat objectiva motio. Sola igitur prima propositio probanda est.

Probatum autem pro utraque parte. Motio

physica motiva intellectus repugnat sine intellectione physice mobili: Pariter, motio objectiva intentionalis motiva potentie physice ad intellectum producendam repugnat sine physica potentia ad illam; sed neque divina intellectio est physice producibilis, neque Dei potentia est physica ad producendam intellectum suam: ergo tum motio physica, tum intentionaliter motiva Deo repugnat. Major partem enim repugnat motum sine mobili, quam movens sine moto. Rursus, tam implicat physice movens sine physice moto, quam produciens sine producto.

Probatum modo de motionem pure objectiva, quod non repugnet. Respectu intellectus divinæ datur motum pure objectivum; sed qua ratione datur motum, datur etiam motio: ergo datur motio pure objectiva.

Arguunt. Motum est in ordine ad mobile; sed in Deo non datur mobile: ergo neque datur motum.

Respondemus distinguendo minorem; non datur potentia mobilis in Deo ad actum a se realiter distinctum, conceditur ad actum realiter indistinctum, negatur minor, & consequentia. Sic Plato docet, Deum movere se; & Aristoteles lib. 2. de Caelo tex. 17. ait, motum sempiternum Deo inesse.

DISSERTATIO LXXVII.

De divinæ Scientiæ Objectis, ejusque divisionibus.



Objectum divinæ scientiæ adequatum est omne scibile, seu omne cognoscibile; completens nimirum entia non solum necessaria, cujusmodi est Deus ipse, & omnia etiam possibilis, verum quoque omnia entia contingentia, creaturas scilicet omnes, extra possibilitatis statum aliquatenus constitutas. Quum igitur divina scientia sit omnis scientia, quia omniscius est Deus; debet pariter omne scibile pro suo adequato objecto habere. In hoc autem adequato objecto distinguimus primum, & secundarium divinæ scientiæ objectum. Primum scilicet, quod primo, & ratione sui attingitur, ut est Deus ipse. Secundarium vero, quod posterius attingitur, & alterius etiam ratione; cujusmodi sunt alia a Deo. Alia a Deo vel

possibilia sunt, vel existentia. Existentiæ vel actualitatem respiciunt de præsentis, vel de præterito, vel de futuro. Futura, tandem, vel absolute sunt talia, vel conditionate. Absolute futura a nulla conditione dependent, ut suam aliquando actualitatem de præsentis fortantur. Conditionate vero futura ab aliqua conditione dependent.

His pro modo sic in communi, & in confuso, de divinæ scientiæ objectis præhabitis; alia, quæ fusius, & distinctius, de infirmis dicenda remanent, inferius pertractanda remittimus. Hæc autem, quæ hic explicavimus, congruum duximus præmittere, ut divinæ scientiæ divisiones, post eorum habitam cognitionem, clariori methodo perciperentur. Igitur modo ad divinæ scientiæ divisiones deveniamus.

Divi-

Divina Scientia, quamvis ex parte sui ipsius una simplex, & indivisibilis sit, quemadmodum est Deus ipse; & per consequens nec divisionem, nec multipliciter patiatur; ex parte tamen, vel objecti, vel modo tendendi ad objectum, possumus ratione nostra plures scientias in Deo distinguere. Sic communi voto Theologi omnes faciunt; ita tamen, ut intelligant, sicuti & nos cum ipsis quoque sentimus, membra dividentia scientiam Dei non esse realiter inter se distincta, sed virtualiter tantum; quum hanc solum distinctionem summam Dei simplicitas, ut alibi dictum supponimus, patiatur.

Primo Scientia Dei dividitur in scientiam approbationis, & scientiam reprobationis. Per scientiam approbationis Deus dicitur cognoscere bona; per scientiam vero reprobationis dicitur nescire mala. Hanc duplicem scientie rationem distinguit Augustinus lib. 2. questionum super Exodum quest. 52., & refertur a Glossa in cap. 33. Exodi, ad illa verba Dei ad Moysen, num. 12. *Novi te ex nomine*. Omnia enim objecta, ex propria etiam essendi conditione, vel sunt complacentia, vel sunt displicentia. Illa Deo placent, & a Deo approbantur; ipsorumque scientia approbationis dicitur. Hæc vero Deo displicent, & a Deo reprobantur; ipsorumque scientia reprobationis appellatur. Tandem scientia hæc reprobationis in Scripturis aliquando dicitur nescientia; ut Hab. c. 1. 23. *Mundi sunt oculi tui, ne videas malum; & respice re ad iniquitatem non poteris*; & Matth. 7. 23. *Quia nunquam novi eos*; Et Matth. 25. 12. *Amen dico vobis, nescio vos*.

II. Dividitur scientia Dei in speculativam, & practicam. Speculativa consistit in sola Dei contemplatione, absque eo quod ordinem dicat ad praxim. Practica vero fertur ad praxim, in quantum rationis dictamen est de sic, vel sic faciendo. De his loquemur fusius, quando de Dei scientia differemus, quæ est causativa rerum.

III. Dividitur scientia Dei in necessariam, seu naturalem, & liberam, seu non necessariam. Necessaria est divina cognitio, quæ terminatur ad necessaria objecta, scilicet ad essentiam Dei, & ad creaturatum non implicentiam. Libera est eadem Dei cognitio ad objecta contingentia terminata; quæ scilicet aliter se habere possunt, in quocunque statu reperiuntur.

IV. Tandem, omnis alius divisionibus, quæ fere cum dictis coincidunt, dividitur in scientiam simplicis intelligentiæ, & scientiam

visionis. Per scientiam simplicis intelligentiæ videt Deus possibilia, & impossibilia, seu videt objecta omnia abstracta ab existentia absoluta. Per scientiam visionis videt Deus seipsum, essentiam suam scilicet, & existentiam, immo objecta omnia existentia. Hæc divisio desumitur ex divisione objecti secundarii divinæ scientiæ potissimum. Hoc enim ex necessitate debet esse aut pure possibile, aut existens. Si existens; vel est actualiter tale, quatenus nimirum existit, adeoque præsens; vel fuit actualiter tale, quatenus existit, adeoque præteritum; vel erit actualiter tale, quatenus existet, adeoque futurum. Mere possibile respicitur a scientia simplicis intelligentiæ; existens vero sub sua triplici ratione a scientia visionis cognoscitur; quæ talis dicitur a similitudine, quam habet cum actu videndi nostro corporeo, qui præsentialem res intuetur.

Quia tamen futura, alia sunt absolute futura, alia futura conditionate; illa nimirum, quæ erunt; hæc vero, quæ essent, si conditio poneretur; Hinc alia esse debet scientia, qua Deus absolute futura videt; alia, qua videt conditionate futura. De priori non dubiatur apud Theologos Scholasticos, quod sit scientia visionis; de posteriori autem est questio inter eosdem admodum celebris. Siquidem illorum non pauci, inter quos eminent Patres Societatis Jesu, acriter defendunt, hanc scientiam qua Deus videt conditionate futura, esse ab illa simplicis intelligentiæ, & ab illa visionis, diversam; & proprio nomine eam vocant Scientiam mediam. Alii vero Theologi hoc nomen ut cum horrore audiunt, ita & rem, quæ per ipsum importatur, cum indignatione percipiunt. Etenim omnino negant hanc scientiam mediam, voluntque futura conditionate per eandem visionis scientiam a Deo videri, per quam absolute futura videntur.

Dicitur hæc scientia a suis Propugnatoribus media multis ob causas. Primo, quia media est inter scientiam necessariam, & liberam. Per liberam enim scientiam videt Deus objectum liberum, hoc est ut pendens a libertate divina; e.g. Anti-Christum futurum. Per necessariam vero videt necessaria objecta, sive increatum, sive creatura, immo etiam impossibilia. Per mediam autem inter liberam, & necessariam, videt quicquid eveniret sub quolibet conditione, conducente quidem, non tamen necessario connexa cum conditione, sed realiter compossibili cum illo, & illius.

illius carentia; e. g. Petrum poenitentem sub hypothese, quod a Christo respiceretur; Judam non fore conversum sub hypothese, quod a Christo amice de sua infidelitate admoneretur. Admittunt quidem Thomistae, qui scientiam mediam prae ceteris horrent, propositiones hasce a Deo cognosci; sed cognosci asserunt per scientiam liberam, quatenus praesupponunt decretum efficax existens absolute, & conditionare decernens, quod si hic audiat concionem converteretur, & quod ille si audiat non converteretur. At Patres Societatis, quia haec decreta efficaciter praedeterminantia conversionem, vel non conversionem, non minus horrent, quam Thomistae scientiam mediam, a via illa propterea discedunt, & ad scientiam mediam recurrunt; eamque asserunt non esse liberam Deo, quia eatenus libera, quatenus pendens a decreto existente, quod non supponitur; neque esse necessariam, quia scientia necessaria habet objectum, quod non possit aliter esse; haec autem habet objectum, quod aliter esse potuit. Unde colligunt, scientiam hanc dici mediam, & negative, & positive. Negative quidem, quia nec libera, nec necessaria. Positive etiam, quia ex utraque aliquid participat; ex necessaria nimirum participat independentiam a decreto Dei libere existente; ex libera vero habet contingentiam objecti.

Secundo, quia media est inter scientiam simplicis intelligentiae, & scientiam visionis; quatenus omnes concedunt scientiam simplicis intelligentiae esse de pure possibilibus ante quodcumque Dei decretum; omnes etiam concedunt, scientiam visionis esse de objectis simpliciter actualibus, aut praesentibus, aut praeteritis, aut futuris. Media vero scientia, quomodo sit contingentium conditionalium, non est de pure possibili, sed

de futuro sub conditione, & praesupponit aliquid actuale Dei decretum, sed conditionarum; neque est de simpliciter actuali, sed tantum de actuali conditionale futuro. Unde est media tam negative, quam positive, etiam inter scientiam simplicis intelligentiae, & scientiam visionis.

Tertio, quia futurum conditionate medium est inter inere possibile, & absolute futurum. Dicit enim aliquid supra mere possibile, quia dicit futuritionem, adimplendam quidem, si conditio adimpleretur. Demit vero aliquid ab absolute futuro, quia nunquam erit, ut erit absolute futurum. Unde neutiquam in hac controversia putandum est, quod futurum dividatur in absolutum, & conditionatum, quemadmodum genus in suas species dividitur. Quia si hoc esset, conditionate futurum haberet futurum id, quod dicitur per futurum, & aliquid aliud adderet. At conditionate futurum demit potius, quam addat, a futuro absoluto. Igitur non est species futuri, tanquam generis, vel univoci. Est potius dicens ordinem ad futurum, tanquam ad analogum; sicut est pes montis, & pes animalis; sanitas animalis, & sanitas pulsus, vel urinae &c. Ratio enim pedis proprie est in animali, improprie in monte, in sede &c. Sic pariter ratio sani proprio est in animali, improprie in pulsu, in urina, in medicina &c. Non potest igitur conditionare futurum reduci ad futurum absolute, & sub eo contineri, sicut species reducit ad genus, & sub eo continetur. Neque potest reduci ad mere possibile, & sub eo contineri. Et ratio est, quia conditionate futurum addit aliquid supra possibile, & demit aliquid ab absolute futuro. Unde medium est inter illa, & quidem medium tam negative, quam positive.

DISSERTATIO LXXVIII.

De Deo, ut est divinae scientiae objectum.



UAE de Deo dicenda sunt, ut est divinae scientiae objectum, vel ea reputamus, quae salvafide a nemine possunt in controversiam judicari, quaeque proinde dogmaticam partem respiciunt; vel ea, quae ut plurimum in schola disputantur, adeoque scholasticam sortem subire comperiuntur. Pro Dogmatica haec tria asserimus, & probamus; primum, quod Deus cognoscat

se ipsum; secundum, quod seipsum comprehendat; tertium, quod solus seipsum comprehendat. Pro Scholastica vero inquirimus, & statuimus, an objectum primarium intellectus divinae sit sola divina essentia, an etiam omnia divina praedicata, sive absoluta, sive relativa, attributa nimirum, & relationes? A dogmatica parte incipiamus.

Sunt qui constanter asserunt, Aristotelem lib. 2. mo-

2. moral. cap. 15. dixisse, Deum se ipsum non cognoscere. Ceteri vero, qui in eius verba jurant, mordicus eum defendunt; afferentes, quidem Aristotelem hoc, vel de aliorum sententia, vel dubitando, non affirmando, dixisse; quum tamen aliis in locis, & præcipue 2.2. metaphys. cap. 9. contrarium asseruerit. Certe Petavius theolog. dogmat. lib. 4. cap. 3. in suo Aristotele defendendo rotas est. Eius affert verba lib. 2. moral. cap. 15, quæ hæc sunt. *Est ammirum iactatus de Deo huiusmodi sermo: Nam quoniam bona cuncta obtinet Deus, ac sibi sufficiens est, quid facies? Non enim dormiet. Quid autem contemplabitur? inquit. Hoc enim præstantissimum est, & imprimis cognatum. Quidam ergo contemplabitur? Nam si quid aliud contemplabitur; melius aliquid seipso considerabit. Atqui est hoc absurdum, Deo esse melius aliquid. Igitur semetipsum ille considerabit. Atqui istud est etiam absurdum. Siquidem homo; qui seipsum contemplantur, tanquam stupidus arguitur. Est igitur absurdum, Deum semetipsum contemplari. Perum quid tandem contempletur Deus, omitamus. Quovis autem sensu Petavius Aristotelis verba interpretetur, vel ipse imperitorum verba approbat; & imperitissimum se ostendit. Vel non approbat; & quare non oppugnavit, sed omisit?*

Uult autem hoc fit, certe Deum seipsum cognoscere, & fides docet, & ratio naturalis ostendit. Et quanvis Origenes in libris Periarcho, ut testatur Epiphanius in quadam epistola ad Joannem Episcopum Hierosolymitanum, apud Alphonsum de Castro advers. hæres. verbo Deus, hæres. 9. dixerit, Filium non posse videre Patrem, nec Spiritum Sanctum posse videre Filium; hoc tamen dictum ut apertissimum errorem omnes Catholici damnant, ac profligantur. Certe Castrus miratur, Origenem, virum alioqui ductum, insipientiam hanc docere potuisse. *Ut verum fatear, miror virum tam doctum, qualis fuit Origenes, in tam apertum errorem fuisse lapsum, cum sit tam apertus locus Scripturæ, ita dicens: Nemo novit Filium, nisi Pater; neque Patrem qui novit, nisi Filius, & cui voluerit Filius revelare.* Sed si unus in Patre, Filio, & Spiritu Sancto, est intellectus, quomodo igitur Filius non cognoscat Patrem, qui seipsum cognoscit, & Spiritus Sanctus non videbit Filium, qui videt seipsum? An sit autem hæc hæresis catholice veritatis, quam hic propugnamus, directe opposita, parum curamus; sufficit

nobis, quod saltem ad errorem huic oppositum directe reduci possit. Catholicum, autem dogma certum est, quod de omni cognitione Dei respectu sui, sive essentiae, sive Personarum, omnino procedit; Quod sic probando prosequimur.

I. Probatur ex Scripturis. I. ad Corinth. cap. 2. 11. *Quæ Dei sunt, nemo cognovit, nisi Spiritus Dei.* Ethier 14. 14. *Domine, qui habes omnium secretum.* Si omnium: ergo & sui ipsius. *Math. 13. 27. Et nemo novit Filium, nisi Pater; neque Patrem qui novit, nisi Filius.* Quum autem Pater, & Filius unus sit intellectus, si Patrem novit Filius, novit & Pater; si Filium novit Pater, novit & Filius. Novit ergo seipsum Deus.

II. Probatur ex Rationibus. Audiat libri de divinis nominibus, cap. 7. *Deus sapiens seipsum cognoscens, omnia cognovit.* Augustinus lib. 15. de Trinitate cap. 14. *Novit omnia Deus Pater in se ipso; novit in Filio. Sed in seipso, tanquam seipsum in Patre, tanquam Verbum suum, quod est de his omnibus, quæ sunt in seipso. Omnia similiter novit & Filius; in se scilicet, tanquam ea, quæ nata sunt de iis, quæ Pater novit in seipso. In Patre autem, tanquam ea, de quibus nata sunt, quæ ipse Filius novit in seipso. Sciunt erga invicem Pater, & Filius, sed ille genendo, ille nascendo.* Cyrillus in fin. lib. 31. thesaurorum. *Quomobrem absurdum est, ipsum de se talem habere cognitionem dicere, qualem non habemus.*

III. Probatur ex Philosophis Gentilibus. Alcibiades cap. 10. *Quoniam autem prima mens præstantissima est, necesse est præstantissimum ei intelligibile propositum esse. Nihil autem seipsa præstantius habet. Quare semetipsum, notionesque suas semper intelliget.* Plotinus Enn. 5. lib. 3. cap. 13. *Hoc proprie esse intelligere, seipsum cognoscere.*

IV. Probatur Rationibus. Lex dictis evidenter constat, Deum habere scientiam; ergo evidenter constat etiam, Deum habere scientiam sui. Si enim scientiam sui non haberet, sua scientia esset potius nescientia, quam scientia. II. Scientia Dei est perfectissima: ergo debet habere perfectissimum objectum; sed non est objectum perfectissimum, nisi Deus: ergo Deus est objectum scientiæ Dei. III. Deus est cognoscibilis a nobis: ergo a fortiori est cognoscibilis a seipso. Probatur consequentia; tum ratione objecti, quod intimus est sibi, quam nobis; tum ratione potentiæ, quæ perfectior est in ipso, quam in nobis. IV. Deus cognoscit alia a se: ergo a fortiori cognoscit seipsum. Probatur consequentia; tum quia Deus est primum co-

gnoscibile, tum quia sibi intimus est present.

Arguunt I. Si Deus cognosceret seipsum, sequeretur, quod idem esset objectum intellectus, & intellectus objecti; hoc autem repugnat: ergo & illud, ex quo sequitur. Sequela patet: quia intelligeret intellectum suum secum identitatem. Minor etiam est manifesta; quia intellectus dicit relationem transcendentalem ad objectum; & relatio transcendentis est distincta ad distinctum. II. Si Deus se ipsum videret, sequeretur quoque, quod primum visibile esset primum videre, & visio esset visio sui, & intellectus esset intellectus sui, quod omnia repugnant. III. Si Deus esset objectum sui scientiæ, sequeretur pariter, quod scientia præsupponeret seipsum, quod probatur, quia seipsum respiceret ut objectum. Objectum enim prius est scientia prioritate independentia; quia non ideo existit objectum, quia intelligitur; sed ideo intelligitur, quia est.

Respondemus ad I. adhuc secundum Peripateticorum hypothesein, relationem transcendentalem posse esse sui ad se, vel non esse essentialiter omni intellectui. Stat ergo cognitio absque objecto distincto, non solum terminativo, ut patet esse etiam in creatis, verum etiam motivo, dummodo motivum sit virtualiter distinctum, et sic realiter non distinguatur.

Ad II. Dicitur, quod primum visibile sumptum realiter est primum videre; sumptum vero formaliter non est primum videre; hacque adhibita distinctione repugnantis omnes solvuntur, quæ in terminorum æquivocatione consistunt.

Ad III. Dicimus, quod scientia Dei non præsupponit se sub conceptu intellectus divini, quia cum illa identificatur. In sensu reali veræ sunt illæ causales, ideo sciri objectum, quia est; & ideo esse, quia scitur; at intellectus habet formaliter objectum a se distinctum, adeoque non realiter, sed formaliter præsupponit objectum. Non enim repugnat formalis una præsupponens alteram, & se in illa sub illius conceptu, & sic formaliter posterior se ipsa sub alio conceptu.

Diximus usque modo, Deum cognoscere seipsum, quod quidem intelligendum volumus, ut P. Magnanus cap. 10. Philof. sacre prop. 2. explicat, & probat; scilicet ut Deus sese cognoscat primum omnium, seu ante omnia; quia est primum ens, est primum verum, est primum cognoscibile; unde prima se offert cognoscendum tum

ratione ordinis essendi, tum ratione proximitatis. Ulterius, ut se cognoscat immediate; hoc est absque ullo medio cognoscendi; quia si cognosceret seipsum per medium, non cognosceretur ante omnia; ante ipsum enim medium illud cognoscere. Denique, quod se ipsum cognoscendo comprehendat; quod modo probandum suscipimus, & ab objectionibus, si quæ sunt, vindicandum.

I. Probatur ex Scripturis, Deum comprehendere seipsum. I. ad Corinth. 2. 10. *Spiritus enim omnia scrutatur, etiam profunda Dei*; Scutari profunda idem Expositores volunt, ac comprehendere. Joann. 1. *In principio erat Verbum, & Verbum erat apud Deum*. Verbum non solum est cognitio, & expressio Dei, sed æquata, & perfectissima expressio, adeoque comprehensio. Hæc autem expressio, & comprehensio est apud ipsum, & in ipso.

II. Probatur ex Patribus. Augustinus lib. 13. de Trinit. cap. 14. *Nesse, atque esse, illi unum esse*. Ubi cognoscivitatem Dei eiusdem entitati, & per consequens ejusdem cognoscibilitati, comparat, & adæquat; quod est formalissima comprehendere. Iheronimus lib. 3. de summo bono e. 3. *Sola sibi nota est Trinitas*. Quæ quidem verba intelligi nequeunt, nisi de comprehensione, aliter non vera essent, si de sola intuitiva visione intelligerentur.

III. Probatur Rationibus. I. Intellectus summus habet necessario summam intellectus nem summam intelligibilis; sed summus intellectus est Deus, summum intelligibile est Deus etiam, & summa intellectus est scientia comprehensiva sui; ergo Deus necessario habet scientiam comprehensivam sui. Major patet; alioquin non intelligeret summe intelligibilia omnia. Minor quoque patet; quia summum ens in omni linea perfectionis est quicquid summum est; est autem quid summum summus intellectus; comprehensiva etiam intellectus est perfectior non comprehensiva. Consequentia sequitur. II. Deus est æque intelligens, ac intelligibilis; ergo tantumdem est intelligens, ac est intelligibilis; sed non tantumdem esset intelligens, quantum est intelligibilis, nisi perfectissime intelligeret ac secundum totam intensiorem, & extensivam intellectus suam, quod est formalissime comprehendere; ergo &c. Antecedens patet; quia idem est quicquid est Deus intelligens, & Deus intelligibilis; sed repugnat eidem majus, & minus, quia ut majus non est idem cum minore, ut minus

non

non est idem cum majore : ergo Deus neque est intelligens, ac intelligibilis. III. Ex P. Magnano, loco nuper citato. Deus est sui cognitio per essentiam : ergo est omnibus modis in suo genere infinita ; sed non esset talis, nisi esset intensive, & extensive equalis perfectioni suæ essentia sumptæ in ratione intellectus, & acceptæ etiam in ratione intelligibilis : ergo talis omnino est ; atqui talis non esset, nisi comprehensiva esset : ergo vere est comprehensiva.

Arguunt I. ex Augustino lib. 83. qq. q. 14. dicente ; *quod comprehendit se, finitum est sibi* hoc repugnat Deo, ergo nequit Deus comprehendere seipsum. II. Si Deus seipsum comprehendere, darentur in Deo infinitæ reflexiones, quarum prima cognosceretur per secundam, secunda per tertiam. III. Sequeretur item, quod aliqua etiam intellectio esset Deo incognita, quia reflexibilis sine reflexa est incognita. Prima autem esset reflexibilis, & non reflexa, ultima esset reflexa, & non reflexibilis. IV. sequeretur pariter, per quamlibet scientiam Dei Deum cognoscere libera sua decreta ; quum hoc quoque requiratur ad sui comprehensionem : Hoc autem est falsum ; quum alias sit certissimum, per quamlibet scientiam sui Deum seipsum comprehendere. V. sequeretur, quod Deus deberet seipsum omni modo, quo cognoscibilis est, cognoscere ; adeoque ad comprehensionem sui requireretur, ut se ipsum in creaturis, & ex creaturis cognosceret. VI. tandem sequeretur, quod Deus cognoscendo seipsum, in se ipso deberet cognoscere unum divinum prædicatum in alio, & ex alio ; quod dici nullatenus potest.

Respondemus ad I. cum S. Thoma 1. par. q. 14. ar. 3. ad x. auctoritatem S. Augustini verbis sequentibus explicante. *Divinum, quod cum dicitur, Deus finitus est sibi, intelligendum est secundum quandam similitudinem proportionis, quia sic se habet in non excedendo intellectum suum, sicut se habet aliquid finitum in non excedendo aliquod finitum.* Hæc S. Thomas.

Ad II. Dicitur, Deum unica intellectione, intelligere se, & suam intellectiorem ; & intelligendo se intelligere suam intellectiorem. Non datur ergo nisi unica formalitas intellectiōis reflexæ supra formalitatem intellectiōis directæ ; quia formalitas reflexæ dicit summam perfectionem in ratione reflexæ, quam non diceret, si essent distinguibiles ratione nostræ aliæ, & aliæ intellectiōes divinæ ; quia prima reflexa non diceret summam perfe-

ctionem ; siquidem repugnat summo superaddi aliquid in eadem linea.

Ad III. ex responsione ad II. patet responsio ; quia si non sunt plures intellectiōes reflexæ, aut tantum unica, corrumpit omnino argumentum factum.

Ad IV. responderi Becanus dicens, Deum futura sua decreta in primo instanti per scientiam mere naturalem non cognoscere ; quia aliter per eandem scientiam cognosceret futura opera bona hominum, & etiam peccata, quæ cognosci non possunt, nisi per scientiam futurorum, quæ supponit decreta. In secundo vero instanti per scientiam mediam non cognoscere, primum suum futurum decretum ; quia, primum Dei decretum nequit esse conditionatum ; aliter si penderet ab aliqua conditione, deberet dari aliud decretum de illa conditione, siquæ illud decretum non esset primum. Per scientiam mediam cognoscuntur futura solum conditionata ; ergo primum decretum per scientiam mediam non cognoscitur. In tertio instanti supponuntur, & sunt decreta. Et in quarto demum per scientiam liberam cognoscuntur a Deo, non tanquam futura, sed tanquam jam facta in tertio instanti. Quod patet ; quia quum debeat sua decreta cognoscere Deus, & illa per scientiam naturalem non cognoscat, neque per mediam, sequitur hoc ipso, ut per liberam cognoscat. Ex his patet, Deum in primo instanti per scientiam naturalem non perfecte se comprehendere, nisi quoad naturalia, non autem quoad libera, ut citatur Becanus ait ; ac proinde perfectam comprehensionem non consistere in sola scientia naturali, sed complecti utramque, liberam scilicet, & naturalem.

Ad V. dicitur, quod non est necesse, ut Deus comprehendat seipsum, quod cognoscat se in creaturis, & ex creaturis ; ad summum hoc esset necessarium ad creaturæ comprehensionem. Cæterum dici etiam potest, quod Deus comprehendat seipsum in creaturis, & ex creaturis ; in creaturis quidem tanquam in medio cognito ; ex creaturis etiam cognitione virtuali, seu eminenter discursiva. Deus enim cognoscit creaturas in seipsis, & hoc ipso cognoscit creaturas, ut effectus proprios, ac proinde in illis, & ex illis se ipsum, ut illorum causam, cognoscit. Videatur Cachernas, qui diffuse, ut subtiliter, hoc agit.

Ad VI. pariter dicimus, quod Deus cognoscendo seipsum in se ipso cognoscit unum divinum prædicatum in alio, & ex alio ;

Z z sup-

supponentes etiam, quod Deus omnia sua prædicata simul in se ipsis cognoscat. Hæc pariter responsio a Cacherano amplificatur, ac roboratur.

Denique, quod solus Deus se ipsum comprehendat, ibi probatum supponimus, ubi egimus, & probavimus, nullam creaturam, nisi eximiam, posse Deum comprehendere. Hoc nihilominus ulteriori ratiocinio etiam probamus. Repugnat intellectio non divina habens omnes perfectiones in linea intellectiōis; sed intellectio comprehensiva est habens omnes perfectiones in linea intellectiōis: ergo repugnat intellectio non divina, quæ sit comprehensiva Dei, Minor, & consequentia probatione non indigent; major autem probatur. Repugnat intellectio non divina habens perfectiones omnes in eo gradu, in quo eas habet intellectio divina; sed intellectio divina habet omnes perfectiones in linea intellectiōis: ergo repugnat intellectio non divina habens omnes perfectiones in linea intellectiōis. Probatur major. Ille supremus gradus constituit intellectiōem divinam, ut divinam: ergo repugnat intellectio non divina habens perfectiones omnes in eo gradu, in quo eas habet intellectio divina. Denique si quæ sunt objectiones, quæ contra hanc catholicam assertionem, fieri possunt, ibidem solutas remittimus omnino legendas.

Ad Scholasticum modo partem devenimus; in qua statuendum proponimus, an objectum primum intellectiōis divinæ sit sola divina essentia, an etiam omnia divina prædicata, attributa nimirum, & relationes? Et quidem dubium hoc ab altero pendet, in quo quaeritur, an Deus cognoscendo seipsum habeat pro objecto motivo, & specificativo solam divinam essentiam, an etiam omnia divina prædicata? Thomistæ pro sola divina essentia divinum objectum coarctant; Recentiores vero Neoterici ad omnia quoque divina attributa dilatant. His postremis nos accedimus, illorumque rationibus ad commune assertum probandum utimur.

I. Probatur, Deum, cognoscendo se ipsum, habere pro objecto motivo, & specificativo divinam essentiam, & divina præter attributa. Ratio, per quam divina intellectio constituitur in propria sua formali ratione, & distinguitur consequenter ab omni creatura intellectiōe, desumitur per ordinem ad essentiam, & ad omnia divina prædicata: ergo non solum divinam essentiam habet Deus pro objecto motivo, &

specificativo, sed omnia pariter divina prædicata. Consequentia negari nun potest; antecedens probatur. Ratio illa desumi debet per ordinem ad verum, in quo reducitur ratio actus purissimi excludentis omnem materiam, & omnem potentialitatem; atqui per hanc intellectio divina distinguitur ab omni intellectiōe creatura, & hæc ulterius non in sola essentia, sed in omnibus etiam divinis prædicatis verificatur: ergo ratio, per quam divina intellectio in propria ratione formali constituitur, & distinguitur consequenter ab omni creatura intellectiōe, desumitur per ordinem ad essentiam, tum ad omnia divina prædicata. Major est patens; intellectio enim, ut sic habet pro objecto specificativo verum: ergo talis intellectio debet habere pro objecto specificativo tale verum. Prima pars minoris patet etiam; quia intellectio humana, animæ scilicet corpori unitæ, habet pro objecto verum dicens aliquam habitudinem ad materiam; intellectio angelica, & animæ separata, habet pro objecto verum independens a materia, sed involvens aliquam potentialitatem: ergo intellectio divina debet habere pro objecto verum omnimode independens a materia, & nullam involvens potentialitatem; & hoc ab omni intellectiōe creatura, distingui debet, quæ est secunda pars minoris.

II. Probatur. In tantum Thomistæ in sola essentia tale objectum constituunt, in quantum putant, per intellectiōem solum constitui divinam essentiam; adeoque illam ab hac nec etiam virtualiter distingui, quum alias a cæteris divinis prædicatis virtualiter distinguitur; objectum enim specificativum debet cum intellectiōe identificari, taliter ut etiam virtuale distinctionem excludat. At qui nos in superioribus contra hæc omnia probavimus, divinam essentiam in alio consistere; ergo quum constitutum divinæ essentia, quod statuunt Thomistæ, a nobis non admittatur, nec pariter conceditur, quod ex illo constitutivo admissio Thomistæ inferunt admittendum.

III. Probatur. In tantum per Thomistæ sola essentia est objectum specificativum, in quantum sola essentia est ipsius actus principium, & speciei munus exercet; atqui hoc falsum est: ergo & illud, quod ex hoc inferunt. Probatur minor. Quamvis essentia exerceat munus speciei universalissimæ, cætera nihilominus prædicata exercent etiam munus speciei particularis, &

præcise in ordine ad propriam representationem : ergo etiam ipsis ex hoc capite, convenit esse principium virtuale divinæ intellectiōnis quodammodo particularis, & ut præcise attingentis alia divinæ prædicata. Probat ur antecedens. Deus non solum cognoscit divinā suā prædicatā in essentia, sed etiam in seipsis : ergo non solum cognoscit prout ab essentia, sed etiam prout a seipsis representantur. Scit ergo, quod vel ratio illa principii actus, exercentis munus speciei, non valet pro essentia ; adeoque falsa est major illa propositio primi argumenti, ut dicebamus ; vel si valet pro essentia, pro cæteris etiam divinis prædicatis valere debet.

Opponunt Thomistæ, quod divinā prædicatā si sunt objectum motivum specificativum divinæ intellectiōnis, implicat, ut per divinā essentiam cognoscantur. Et probant. Quod enim per se ipsum est objectum intelligibile, cuiusmodi est objectum motivum specificativum, nequit fieri intelligibile per aliud.

Respondemus ad hoc argumentum I. distinguendo banc ultimam propositionem. Quod est per se ipsum necessario intelligibile, nequit fieri libere intelligibile per aliud, concedimus ; quia eadem intelligibilitas non potest esse libera, & necessaria. Nequit fieri necessario intelligibile per aliud, negamus. Sicut enim quod est per se libere intelligibile, potest fieri etiam libere intelligibile per aliud ; ita etiam, quod est per se necessario intelligibile, potest fieri necessario intelligibile per aliud.

Respondemus II. Distinguendo pariter eandem ultimam propositionem. Quod est per se necessario intelligibile, non potest fieri intelligibile per aliud, ex indigentia, concedimus ; ex infinitate intelligibilitatis, continentis omnem intelligibilitatis mo-

dum, & ex facultate intelligentis. omni modo intelligentis omne intelligibile, negamus.

Modo ad principalem Dissertationis partem devenientes, dicimus, non solum divinā essentiam, sed divinā etiam prædicatā, attributa nimirum, & relationes, esse primum divinæ intellectiōnis objectum.

Probat ur simul, & explicatur. Quod enim est motivum, & specificativum objectum, opus est, ut sit etiam primum respectu ejusdem actus ; sed divinā prædicatā ex nuper probatis sunt motivum, & specificativum objectum divinæ intellectiōnis ; ergo sunt ejusdem quoque primum ob-

jectum. Opponunt. Divina essentia a se præcise habet rationem objecti primarii, quemadmodum a se etiam habet rationem objecti motivum, & specificativum ; alia vero divinā prædicatā, quia virtutalem habent ab ipsa essentia, tanquam a prima radice, tum entitatem, tum intelligibilitatem ; per consequens etiam ab ipsa habere debent rationem objecti motivum, & specificativum, adeoque pariter primarii ; hoc autem obstat rationi ejusdem objecti, ut per se patet : ergo vere divinā prædicatā hanc rationem non habent.

Respondemus, hoc nihil obstat, quominus ratio primarii objecti cæteris prædicatis conveniat. Quod sic suadet. Sicut enim per Adversarios, qui volunt, attributa, & relationes, esse objectum secundarium, distinguitur objectum secundarium in magis principale, quod divinā prædicatā complectitur, & in minus principale, quod continet creaturas ; ita etiam per nos potest objectum primum distingui in magis principale, quod respicit solum divinā essentiam, & in primum minus principale, quod importat attributa, & relationes.

DISSERTATIO LXXIX.

De Possibilibus, ut sunt divinæ Scientiæ objectum.



Quatuor videtur esse Questio, quæ sub nostræ Dissertationis titulo a Theologis comprehenduntur ; quibus omnibus hoc pariter in loco respondendi provinciam sumimus ; & quæ, vel pro

P.A.R. I.

historia, vel pro dogmatica, vel pro scholastica, re faciunt, hic referre, ac disputare, præsto sumus. Primum est ; an Deus possibilia distincte, ac in particulari cognoscat, an vero confuse, & in communi ? Secundum ; num Deus in seipso, aut in

Z z 2

ali-

aliquo divino prædicato, possibilia cognoscat, an vero immediate in ipsismet possibilibus? Tertium; an possibilia habeant rationem objecti specificariivi, & formalis divinæ cognitionis? Quærum deniquejan, & quomodo, Deus impossibilia, & non entia cognoscat?

Antequam autem descendamus ad cujuslibet ex dictis quatuor Quæstis peculiarem responsionem, opus est, ut hic incommuni firmemus, absque eo quod in particulari loquamur, Deum alia a se cognoscere quovis modo; ad hoc, ut rectius deinde ad primum, in quo quæritur, de modo, quo Deus possibilia cognoscat, vel distincte, vel confuse, procedamus.

Dicimus ergo I. Deum cognoscere alia a se.

I. Probat ex Scripturis. Job. 28. 24. *Ipsæ enim finis mundi intuentur, & omnia, quæ sub celo sunt, respiciunt.* Psal. 138. 5. *Eccce Dominus, tu cognovisti omnia novissima, & antiqua.* Esther 14. 14. *Dominus, qui habes omnium scientiam.* Provcrb. 16. 2. *Omnes viæ hominis patent oculis ejus.* Ad Hebr. 4. 13. *Et non est ulla creatura invisibilis in conspectu ejus; omnia autem nuda, & aperta sunt oculis ejus, ad quem nobis sermo.*

II. Probat ex Patribus. Auctor libri de div. Nom. cap. 7. *Divina mens omnia continet, antecedente omnibus cognitione, ratione illa, quæ est causa omnium; scientiam omnium in se ante complectens, quæ & Angelos, priusquam essent, novaret.* Clemens Alexandrinus lib. 6. Stromat. *Deus omnia novit, non solum quæ sunt, sed etiam futura, & quemadmodum erit unumquodque.* Hilarius in psal. 137. *Superba, & insolentes cogitationes Deum non fallunt.* Cognoscit omnia, & nihil scientia ejus impenetrabile est. Augustinus lib. 6. de Trinit. cap. 10. *Cum succedant, & decedant tempora, non succedit, vel decedit aliquid scientia Dei; non enim hæc, quæ creata sunt, ideo sciuntur a Deo, quia facta sunt, ac non potius ideo facta sunt, quia immutabiliter a Deo sciuntur.*

III. Probat Rationibus. I. Creaturæ sunt scibiles: ergo a Deo sciuntur. Antecedens est certum; quælibet enim creatura est ens; ergo verum; ergo cognoscibile; ergo scibile. Consequentia sequitur; quia cum Deus sit omniscius, debet scire omne scibile. II. Deus potest facere creaturas, & aliquas etiam facit: ergo eas omnes cognoscit. Antecedens non negatur, quia Deus est omnipotens; consequentia bene inferitur, quia Deus non fortuito, & cœcò modo operatur; & per consequens nequit nescire quod potest facere, vel quod facit.

III. Deus cognoscit seipsum: ergo cognoscit alia omnia a se. De antecedente non dubitatur; consequentia probatur. Cætera omnia quæ sunt extra Deum, quum Deum habeant pro causa exemplari, pro causa efficiente, pro causa etiam finali, necesse est, ut videntur in Deo, quando Deus videtur. Et probatur; videns enim Deus suam essentiam, videt creaturas, quarum in sua essentia ideas continet; videns suam omnipotentiam, videt creaturas, a qua esse vel habuerunt, vel habebunt, vel habere possunt; videns suam beatitudinem, videt creaturas, ad quam creaturæ omnes in sui productione ordinatæ sunt: ergo verè sit, quod sit Deus cognoscit seipsum, cognoscit etiam alia a se.

Modo videndum superest, atque pariter probandum, Deum non cognoscere alia a se tantum sub communi ratione entis, quatenus seipsum, ut principium essendi rerum omnium, cognoscit. Verum antequam probemus, pro historica parte adimplenda, videamus si qui fuerint contra catholicum hoc dogma aliter sentientes.

Aristoteles primo loco dicitur, quod aliter senserit; siquidem lib. 12. metaph. tex. 51. loquens de divina mente, inquit: *Abjurdum est, ipsam de quibusdam intelligere; & post pauca interposita, subdit: Etenim non videre quadam dignum, quam videre.* Secundo loco adnumeratur Averroes, qui eodem metaphysices libro comm. 51. putans, se sequi Aristotelem, eadem scribere non dubitavit. De utroque refert Cacheranus trac. 1. de Deo uno lib. 3. cap. 2. §. 5. num. 30. affectique, quod in tali errore Aristoteli adscribendo, consentiunt Averrois plures, tum scholastici, tum celestastici Scriptores, relati a Valentia 1. p. disp. 1. q. 14. punct. 3. Subdit nihilominus ex eodem Valentia, tum Averroem, tum maxime Aristotelem, congrue posse ab eodem errore vindicari; quemadmodum de facto a plerisque, in eorundem verba jurantibus, vindicatur. Tertio loco ponitur Aureolus, qui in 1. dist. 35. par. 2. ar. 1. docuit, creaturam, nec per modum objecti primarii, nec per modum objecti secundarii, divino intellectui relucere. Attamen quia artic. 2. sequenti scriptis, divinum intuitum terminando ad essentiam, & ibi sistendo, eminenter, & plusquam æquipollenter attingere omnem creaturam; hinc est, quod plures cum Cacherano putant, cum solo loquentis modo errasse. Unde Arriaga 1. par. disp. 19. sect. 2. num. 9. improbat censuram illorum, qui Aureoli opinionem uti erroneam absolu-

re notant, & damnant.

Dicimus igitur II. Deum non cognoscere alia a se totum sub communi ratione entis, quatenus cognoscit seipsum ut principium essendi rerum omnium; sed cognoscere possibilia distincte, & in particulari.

I. Probatur ex Scripturis. Eccles. 23. 29. *Domino enim Deo, antequam crearentur, omnia sunt agnita. Sic & post perfectum respicit omnia.* Item Eccles. 42. 19. *Cognovit enim Dominus omnem scientiam, & inspexit in signum avi.* His Scripturarum testimoniis addi possunt, quæ nuper, pro prima assertionem Distinctionis hujusce, attulimus.

II. Probatur ex Patribus. Clemens Alexandrinus lib. 5. Stromatum, ante medietatem, de Gentilibus loquens, scribit. *Aures, & oculos, ex materia fabricantes presiosas, Diis consecrant; hoc utique tacite significant, quod Deus omnia videt, & audit.* Augustinus de Genesi ad litteram lib. 5. c. 21. ad illa verba Psalmi 18. *Laudate Dominum de terra, Dracones, & omnes abyssi; ignis, grando, nix, glacies, spiritus tempestatis, qui faciunt verbum ejus;* hæc habet: *Cum additur, qui faciunt verbum ejus, satis ostendit, eorum quoque rerum, quæ divino subsunt imperio, latere nos potius ordines, quam divina cognitioni deesse.* Oculis quidem, & auribus, ex Alexandrino, non in communi, sed in particulari, & distincte, res percipiuntur. Ex Augustino autem ex rebus nec modum, nec ordinem essendi, Deum latere posse; quid peculiaris, & distinctius?

III. Probatur Rationibus. I. Scientia Dei est infinita, non solum quia infinita objecta cognoscit, sed etiam quia infinitis modis eadem comprehendit; sed hoc non esset, si ea in particulari, & distincte non cognosceret; ergo ea non solum sub ratione communi entis, sed etiam distincte, & in particulari cognoscit. II. Si Deus creaturas non cognosceret in particulari, & distincte, non cognosceret creaturas. Ex probatur, quia cognosceret tantum suam essentiam; quia creaturæ prout sunt in Deo non sunt proprie creaturæ, sed ipsa creatrix essentia. Atqui Deus proprie cognoscit creaturas; ergo eas distincte, & in particulari cognoscit. III. Creaturæ cognoscendæ sunt a Deo secundum illud esse, secundum quod a Deo sunt creatæ; sed sunt a Deo creatæ secundum particulare, & distinctum esse; ergo secundum hoc particulare, & distinctum esse sunt a Deo cognoscendæ.

Arguunt I. ex Scripturis Habacuc 1. 13. *Mu-*

di sunt oculi tui, ne videas malum, & respicere ad iniquitatem non poteris. Matth. 25. 12. *Nescio vos.* 1. Corinth. 14. 38. *Si quis autem ignorat, ignorabitur.* Igitur Deus saltem mala non cognoscit in particulari, & distincte. II. ex Patribus. Hieronymus in cap. 1. Habacuc inquit *Abstrudum est ad hoc deducere Dei maiestatem, ut sciat per momenta singula, quot nascantur culices, quotve moriantur, quæ cimicum, & pulicem, & muscarum, sit in terra multitudo.* Igitur ex Hieronymo saltem vilium rerum non est in Deo scientia peculiaris, & distincta. III. Rationibus. I. intellectu creato distincta, & peculiaris cognitio vilium rerum imperfectionem dicit, ergo etiam intellectu divino; ac proinde ab eodem arcanda est.

Respondemus I. ad Scripturas, intelligendas esse, prout de facto Theologi omnes intelligunt, de scientia approbationis, non vero reprobationis; quatenus scilicet Deus non cognoscit illa approbando, sed reprobando; ut explicantes hujusmodi scientias communi calculo doceat.

Ad II. dicimus, verborum Hieronymi sensum hunc esse, ut scilicet istarum vilium rerum non eandem providentiam habeat Deus, ac nostrum habet; quo pacto Theologi communiter illa explicant. Verum Hieronymus Hieronymum opponimus in Comment. in Evangel. Matth. 10. 29. *Nonne duo passeris asse vaneant, &c. Et est sensus, ait Hieronymus, si parva animalia, & vilia absque Deo auctore non decidunt, & in omnibus est providentia, & quæ in his peritura sunt, sine Dei voluntate non perunt; vos, qui aeterni estis, non debetis timere, quod absque Dei voluntate providentis.* Similia his habent Chrysostomus, Augustinus, & Ambrosius; quavis ipsorum verba a Scholasticis quibusdam in contrarium, immerito sane, adducantur; ut videre est apud Thomasinum theologic. d. 8. m. lib. 7. cap. 3. Miramur denique, Hieronymi defensionem, quæ cæteris omnibus Theologis probatur, Vagatio non probari; unde merito ab Herinx disput. 6. quæst. 2. num. 17. nimis dicitur in maximi Ecclesiæ Doctoris censuram; quatenus, ut Cacheraous subdit, non toleranda libertate tantum virum de adeo absurdo errore suspectum reddat.

Ad III. responde mus, quod idem cognitio distincta, & particularis vilium rerum in creato intellectu imperfectioem dicit, quia creaturæ intellectus, quum sit dependens ab objectis in cognoscendo, si plura cognoscit, remissius cognoscit, & si ad vi-

lia attendit, ad majora cognoscenda impeditur. Hæc autem nequeunt in divino intellectu, qui ab objectis non est dependens, & qui unico actu omnia, & singula, perillustrat, verificat. Immerito igitur a limitatione creati intellectus arguunt Adversarii ad divinum, qui illimitatus est, infinitus, ac perfectissimus.

Disputant denique Scholastici, an hæc peculiaris, & distincta cognitio possibilium in Deo constet tantum supernaturali certitudine fidelis, an etiam naturali scientiæ evidentia? Nominales volunt, sola probabili ratione posse naturaliter suaderi; plures autem Scholastici docent, posse etiam naturali scientiæ evidentia demonstrari. Et in horum numero est Cacharanus, qui pro se asserti S. Thomam 1. p. q. 34. ar. 6. in t. dist. 35. q. 1. ar. 3. t. contra Gentem cap. 50. quest. 2. de verit. ar. 4. Sed ad alia graviora properantes, de his criticis parum, aut nihil curamus.

Dicimus III. secundum illorum principia, qui solam possibilitatem extrinsecam ponunt, Deum cognoscere possibilia in omnipotentia, aut in propria essentia, vel in omniscientia, vel adhuc in sua simplici complacentia. Suppositis vero illorum principis, qui possibilitatem intrinsecam ponunt, ab extrinseca distinctam, dicimus pariter, Deum etiam cognoscere possibilia immediate in se ipsis.

Prima Assertionis pars suadetur. Deum cognoscere possibilia in aliquo suo divino prædicato, nullam in Deo dicit imperfectionem; ergo non est hoc ei denegandum. Probat ut antecedens. Si aliquam in Deo diceret imperfectionem, Adversariorum erit illam adducere in medium.

Dicunt Adversarii I. Si Deus possibilia cognosceret in se ipso, tanquam in medio objectivo, seu in objecto cognito, sequeretur, Deum possibilia non comprehendere; hoc autem maximam dicit imperfectionem; ergo, &c.

Respondemus, hoc maximum absurdum sequi in principis illorum, qui possibilitatem intrinsecam, præter extrinsecam, agnoscunt. Secundum illos vero, qui solam extrinsecam ponunt, que in divina omnipotentia consistit, hoc ipso quod divina omnipotentia comprehenditur, possibilia etiam comprehenduntur. At nihilominus qui intrinsecam possibilitatem admittunt, ulterius respondent, per illam cognitionem Deum non comprehendere possibilia, sed comprehendere per aliam; per illam nimirum, qua Deus cognoscit possibilia in se

ipsis. Neque hoc mirum videri debet, quia etiam sine absurdo dici potest, quod Deus per hoc, quod se ipsum cognoscit, exciatur, & in creaturis, se ipsum non comprehendat; comprehendat tamen, quando se ipsum immediate cognoscit. Aliud enim est non comprehendere absolute, aliud non comprehendere per talem cognitionem, que aliam comprehensionem cognitionem non excludat. Unde si argumentum urget, illos urget solum, qui possibilitatem intrinsecam admittentes, docent postmodum Deum dumtaxat in se ipso possibilia cognoscere, non vero immediate in se ipsis, in quibus agnoscunt cognoscibilia esse.

Dicunt II. cum Becano, sequi nimirum, quod Deus diceret realem relationem, & ordinem ad creaturas possibles; hoc autem semel implicat; quia Deus est res plane absoluta.

Respondemus, nec pariter hoc absurdum sequi in principis illorum, qui solam extrinsecam possibilitatem admittunt. Hi enim extra Deum nihil in possibilibus cognoscunt, ad quod hujusmodi relatio dicitur. Attamen sunt quidem, qui modo illo, quo hujusmodi relationem explicant, Deo concedere non inconveniens arumant. Unde, instantiam non vim facere concludit contra Vasquez Cacharanus.

Quod autem prædicatum illud sit omnipotentia, vel divina essentia, vel omniscientia, vel simplex complacentia, patens quidem est; quia in omnipotentia, vel divina essentia, possibilitatem constituunt illi, tanquam in Deo consistentem prout in causa. Unde consequenter dicunt, in omnipotentia, vel divina essentia, vel omniscientia, vel simplici complacentia, Deum possibilia cognoscere.

Secunda Assertionis pars ab omnibus fere Scientiæ Mediæ propugnatoribus defenditur; immo ab aliis quoque scientiam mediam impugnantibus. Præ cæteris autem Cacharanus, acerrimus scientiæ mediæ hostis, sic tam suadet. Ex nullo capite repugnat, Deum immediate in se ipsis possibilia cognoscere; ergo illa hoc modo cognoscit. Antecedenti probatur. Primo non repugnat, Deum cognoscere possibilia immediate in se ipsis ex eo, quod eadem mediate in semetipso cognoscat, tanquam in objecto cognito; quia cognitio immediata ex genere suo non pugnat cum cognitione mediana ejusdem objecti, quatenus una alteram non excludit, sed includit aliquando, & præcipue in casu, de quo loquimur ut

ut patet etiam in Deo, qui se ipsum immediate in semetipso cognoscit, & mediate semetipsum cognoscit in creaturis. Secundum neque repugnat ex eo, quod cognoscere possibilia immediate imponet, ipsa esse objectum specificativum, & formale divinæ cognitionis; ut mox videbimus. Tertio neque repugnat ex eo, quod possibilia in se ipsis cognoscibilia non sint; quatenus quum non habeant in se ipsis entitatem, neque per consequens veritatem habere possunt. Etenim quanvis possibilia non habeant esse actuale, habent nihilominus esse potentiale; ut quando communiter dividitur ens a Metaphysicis in existens, & possibile. Quarto tandem non repugnat ex eo, quod daretur in Deo cognitio, quæ nullatenus gigneretur ab objecto, contra commune axioma, quod ex potentia, & objecto gignitur notitia: Revera enim hoc dictum procedit de objecto motivo, non vero de objecto terminativo, etiam immediato; ut vere patet in cognitionibus, quæ dependent a speciebus insulis eliciuntur.

Dicimus IV. Possibilia in se ipsis immediate a Deo cognita dici posse objectum formale, & specificativum divinæ cognitionis; seu clarius, absolute loquendo Deum in cognitione etiam immediata possibilibus habere pro objecto formali, & specificativo propriam essentiam, habentem, seu existentem eandem speciem.

Hoc etiam a Cachetano explicatur simul, & suaderetur. Vel enim objectum formale, & specificativum accipitur late, pro omni scilicet eo, quod terminative quodammodo, & extrinsece cognitionem specificat; & licet ipsius cognitio supponat aliud ob-

jectum motivum, a quo determinatur, non habet tamen aliud objectum terminativum, ad quod prius terminetur. Vel pro omni eo sumitur, quod habet connexionem cum cognitione, & quæ deficientie, cognitio deficit; & sic utroque modo dici potest, possibilia habere rationem objecti formali, & specificativi quodammodo. Vel denique intelligitur stricte, pro eo scilicet, quod est etiam motivum; & hoc pacto non sunt possibilia objectum formale, & specificativum. Quæ quidem omnia sese pertrahat, & discutit, Cachetanus lib. 3. cap. 2. §. 9.

Dicimus V. tandem, Deum cognoscere impossibilia, & non entia, non autem iudicio affirmativo, seu assensu, sed iudicio negativo, seu dissensu. Ratio est, quia hoc pacto impossibilia sunt cognoscibilia, & imperfectiorem non dicunt in cognoscente; cognoscuntur enim ut impossibilia, non vero ut possibilia. Et si plurimorum opinio admittenda est, nos scilicet cognoscere negationes, & privationes per hoc, quod positiva tantum cognoscamus; videlicet cognoscitur aer, & non lux, & sic tenebræ cognosci dicuntur: Hoc pariter de Deo dici posse non ambigimus; per hoc enim, quod possibilia cognoscit, cognoscit pariter impossibilia, quæ repugnant. Ceterum quia semper humanus intellectus fallitur in cognitione impossibilium ut possibilibus, quia nunquam pro altero fingit, & re vera impossibilia ut impossibilia non attingit; hinc est, quod in Deo, in quo nullus est admittendus in cognoscendo defectus, nulla prorsus admitti debet impossibilitas ut possibilibus cognitio.

DISSERTATIO LXXX.

De Erroribus Impiorum contra Scientiam Dei de objectis contingentibus absolutis.



Objecta omnia, quæ sunt extra Deum, & non sunt mere possibilia, comparata ad Deum, contingentia sunt, & non necessaria. Eadem nihilominus objecta inter se ipsa comparantes, alia invenimus contingentia per accidens, seu per aliud, & secundum quid, alia vero contingentia per se, & simpliciter. Illa prima relata ad hæc altera vocantur etiam

necessaria, & hæc altera dicuntur contingentia absolute; quatenus scilicet illa prima sunt effectus causarum naturalium; hæc altera vero sunt effectus causarum liberarum. Omnia autem, ut dicebatur, relata ad Deum, sunt contingentia; quia ita sunt, ut possint non esse. Contingentia vero per accidens sunt necessaria relata ad contingentia per se; quia ipsorum causæ non contingenter, sed necessario, operantur.

tur. Quia tamen ita operantur necessario, ut possint per aliud, & extrinsecus impediri; inde est, quod etiam contingentia dicuntur, sed per accidens, seu per aliud, ut clarum est. Contingentia vero per se sunt absolute contingentia, & nullo modo necessaria; quia ipsorum causae non necessariae operantur, sunt enim indifferentes; unde possunt a semetipsis impediri, ut non operentur; & ideo est, quod contingentia suorum effectuum dicitur contingentia per se.

Contingentia per accidens complectuntur effectus naturales; ortum scilicet solis diei, crastino, combustionem ignis supposita appproximatione materiae combullibilis, frigiditatem glaciæ, &c. Contingentia vero per se important effectus, seu actus liberos, peccatum scilicet Angelorum, hominum coconversionem, Peccatorum poenitentiam, &c. Hæc omnia a Theologia dicuntur futura, quia scientia Dei de creaturis excellentibus melius exponitur comparative ad ipsas ut futuras, quam ad easdem comparative ut præteritas, vel ut præsentis. Ulterius; illud omne, quod de futuris dicitur; de præsentibus, & de præteritis dici potest illico a fortiori. Denique, quia a statu possibilitatis immediate res transeunt ad statum futurationis. Uode post scientiam Dei circa objecta possibilis statim Theologi differunt de Scientia Dei circa objecta coingentia absoluta. Modo devenimus ad enumerandos Impiorum errores contra Scientiam Dei de objectis contingentibus absolutis.

I. Erravit Aristoteles, Deo quidem tribuens illorum futurorum cognitionem, quæ contingentia sunt per accideos, seu secundum quid, vel per aliud, a causa nimirum naturali procedentia; denegans vero cognitionem futurorum contingentium simpliciter, & per se, & a causa libera procedentium. Et quanvis ab hujusmodi errore vindicaret Aristoteles a Ruiz disp. 9. de Scientia Dei sec. 1., & disp. 33. sec. 5., sunt nihilominus non pauci, etiam ex illis, qui in ejus verba jurarunt, qui eundem errorem Aristoteli tribuunt.

II. Errant Stoici; immo, si credendum est Henno, omnes veteres Philosophi, qui non videntes, quomodo conciliarent humanam libertatem cum divina futurorum præscientia, hanc sustulerunt, ut illam astruerent. De Stoicis testatur nominatim Frassen, qui testimonio assert S. Augustini; quanvis paulo ante de omnibus Geophilosophis scripserit. Cacheranus

expresse asserit, in hunc errorem Stoicos incidisse. Hoc idem Scripores plurimi, sive historici, sive Theologi, suo calculo firmant. Solus Maurus negat, propugnans acerrime, catholicam veritatem de futurorum liberorum præscientia agnovisse Thaletem, Platonem, atque insuper cum Stoicis quoque Zenonem; quaovis Valquez 1. p. disp. 68. c. 1. aliter scripserit.

III. Erravit M. Tullius Cicero, qui lib. 2. de Divinatione, ademitt Deo notitiam fortitorum, quæ sunt futura; ea ratione motus, quia si Deus scit illa, illa quidem certo sunt eventura; si certo suo eventura, desinunt esse sortita. En sua verba. *Nihil enim est tam contrarium rationi, & constantia, quam fortuna, ut mihi ut in Deum quidem eadere videatur, ut scias quid casu, & sortitu futurum sit. Si enim scit, certo illud eveniet. Sin certe eveniet, nulla fortuna est. Est autem fortuna: rerum igitur fortuitarum nulla est præsentio.* De eo ita scribit Augustinus lib. 5. de civitate Dei c. 9. *Utrumque arbitratur esse non posse; sed si alterum confirmatur, alterum tolli. Si elegerimus præscientiam futurorum, tolli voluntatis arbitrium. Si elegerimus voluntatis arbitrium, tolli præscientiam futurorum. Ipse itaque, ut vir magnus, & doctus, & vita humana plurimum, ut persissimè consulens, ex his duobus elegit liberum voluntatis arbitrium. Quod ut confirmaretur, negavit præscientiam futurorum; atque ita dum vult facere liberum, fecit sacrilegum.* Errorem hunc Ciceroni adscribit Petavius, Frassen, Henno, Cacheranus, alique Theologi passim, sive Dogmatici, sive Scholastici.

IV. Erravit Marcio, quanvis altera processerit via a ouper recentis Philosophis, ut asserit Petavius, scribens, quod Deo conditori universitatis hujus, minimeque bono, præscientiam denegandam esse pugnabat impius Marcio. Asseritque verba Tertulliani lib. 2. con. Marcionem c. 5. *Si Deus bonus, & præscit futuri, & avvertendi mali potens, cur hominem, & quidem imaginem, & similitudinem suam, immo & substantiam suam, per anima scilicet censum, passus est labi de obsequio legis in mortem, circumventum a Diabolo? Si enim & bonus, qui eventus tale quid nollat; & præscit, qui eventurum non ignoraret; & potens, qui depellere valeret, nullo modo evenisset, quod sub his tribus conditionibus divina majestatis evenire non posset. Quod si evenit, absolutum est & contrario Deum neque bonum credendum, neque præscitum, neque potentem.* Testatur denique Petavius, quod hujus Marcionis erroris memi-

meminit Hieronymus lib. 3. contra Pelagianos. Pariter de Marcione testis est Hennus, alique Theologi de Schola. Ex principiorum connexionione Marcioni adnectuntur Manichæi à Frassen, Cacherano, aliisque passim.

V. Erraverunt Albanenses, qui, ut refert Alphenus de Castro in verb. *Præscientia*, inter multos errores, quos iisdem tribuit Guido Carmelita, hunc tuebantur; Deum scilicet non præscire ex se aliquod malum, sed per adversarium suum, Dæmonem, nempe. Subdit Castro; *de quo autem male intelligant, Guido non expressit*. Hoc idem asserit Richardus Arfdeckin par. 2. in notitia generali Dogmatum damnatorum, verb. *Præscientia*; ubi inquit, Albanenses fuisse damnatos in Concilio Lateranensi sub Alexandro III. anno 1179.

VI. Erravit Joannes Hus, cui errorem hunc adscripsisse Concilium Constantiense sess. 25. testatur Hennus; atque insuper Joannes Vviclefus cap. 27. ; ut testis est Frassen; qui subdit, Hæreticos hosce ut plurimum, non tam propter divinam præscientiam, quam propter divinæ voluntatis efficaciam, & immutabilitatem, errasse; credunt enim, & propugnant, omnia fato subiaci.

VII. Errarunt Lutherus, & Calvinus, relati a Vasquez 1. p. disp. 68. c. 1. & a Cacherano, & a Frassen, qui Lutheri articulum 36. citat; iisdemque addit Sectarios alios nostri temporis, de quibus illa, quæ modo diximus de Hus, & Vviclefo, vult pariter esse intelligenda.

VIII. Errarunt, & errant Sociniani, ut invenimus apud Hennum, qui ex Crellio lib. 1. cap. 24. asserit, Hæreticos hosce Deo quidem conjecturam futurorum contingentium attribuisse, non vero scientiam infallibilem.

Adnumeratis hisce Impiorum erroribus non equidem annectenda est piorum, & catholicorum quorundam assertio, quæ præscientiam in Deo voce tantum denegans, futurorum tamen scientiam minime inficiatur. Læ est de nomine iisdem, quatenus volunt scientiam esse appellandam, quam præscientiam omnes nominamus. Deo enim, ajunt, quia cuncta sunt præsentia, nullum est futurum; si nullum futurum, nulla est præscientia. Nos autem modo

nostro loquentes, scientiam Dei præscientiam vocamus, quia futura in Deo, ut in nobis, intelligimus. Hinc Augustinus lib. 2. *Questionum ad Simplicianum* t. 4. scribit. *Quid est præscientia, nisi scientia futurorum? Quid autem futurum est Deo, qui omnia supergreditur tempora? Si enim in scintilla res ipsas habet, non sunt ei futura, sed præsentia; ac per hoc non jam præscientia, sed scientia dici potest.*

His attamen Augustini dictis opponimus quæ scribit S. Gregorius magnus lib. 20. moral. c. 23. quibus clarum redditur, Dei cognitionem circa futura simul recte scientiam, & præscientiam, dici posse. *Præscire dicitur, qui unamquamque rem, antequam veniat, videt, & id quod futurum est, priusquam præsens fiat, prævidet, &c. Deus autem quomodo est præscius, dum nulla, nisi quæ futura sunt, præsciunt? Et scimus, quia Deo nihil futurum est, ante cujus oculos præterita nulla sunt, præterita non transiunt, futura non veniunt. Quippe quia omne, quod nobis fuit, & erit, in ejus prospectu præteritum est, & omne quod præsens est, scire potest potius, quam præscire. Post quæ subdit ad rem nostram propius. Et quia ea, quæ nobis futura sunt, videt, quæ tamen ipsi semper præterita sunt, præscius dicitur: quantis nequaquam futurum prævideat, quod præsens videt.*

Addimus Boetium hæc scribentem. *Est autem Deo semper æternus, ac præteritarius status. Scientia quoque ejus æterni temporis supergressa motionem, in sua manet simplicitate. præscientia; infinitaque præteriti, ac futuri spatia complectens, omnia, quasi jam gerantur, in sua simplici cognitione considerat. Itaque si præscientiam pensare velis, quæ evanida dignoscitur, non esse præscientiam quasi futuri, sed scientiam nunquam deficienti instantia rectius existimabis.* Unde Petavius concludit, hos omnes Scholasticos, qui rem hanc in controversiam vocant, de solo nomine controversiam facere. Tribuunt enim Deo rem ipsam, hoc est futuri cognitionem, quocunque nomine eam vocent; quæ quidem cognitio, juxta Augustinum, Deo sine scelere, & sine sacrilegio, eripi non potest. De cætero vero parum, aut nihil refert, si scientiam, aut præscientiam, dicant; dummodo nobiscum de re ipsa conveniant.

DISSERTATIO LXXXI.

De Scientia Dei circa objecta contingentia absoluta; & de modo conciliandi illam cum humana libertate.

DEum cognoscere futura contingentia absoluta omnia, siue sint contingentia secundum quid, siue simpliciter, siue per accidens, siue per se, siue necessaria, siue libera, catholicum dogma est, quod nemo ex Theologis, immo ex Orthodoxis, non proficitur. Quia tamen, ut in præterita Disquisitione vidimus, impii homines, siue Eshinici, siue Hæretici, illud inficiari ausi sunt; oportet modo modis omnibus ipsum probare contra quoslibet, qui impiis illis manus adungere non reformidant.

I. Probatur ex Scripturis. Psal. 138.1. *Domine probasti me, & cognovisti me: tu cognovisti passionem meam, & resurrectionem meam. Intellexisti cogitationes meas de longe, & semitam meam, & suculum meum investigasti. Et omnes vias meas previdisti, &c.* Sapientie 19.2. *Præsciebat enim & futura illorum.* Ecclic. 23. 29. *Domino cum Deo antequam crearentur, omnia sunt agnita; sic & post perfectum respicit omnia.* Et num. 28. *Oculi Domini multo plus lucidiores sunt super solem, circumspicientes omnes vias hominum, & profundum abyssi, & hominum carda intuentes in absconditis partibus.* Daniel. 13.42. *Deus æternæ, qui absconditorum eis cognitor, qui nosti omnia, ante quam fiant.*

II. Ex Conciliis. Concilium Valentinum Ilc.2. quod afficit Cardinalis Brancati de Lauræa in sua Epitome Canonum verb. *Præscientiæ* sub his verbis: *Præscientia futurarum ætionum, tam bonarum, quam malarum, est in Deo æternaliter. Præscit Deus, & præscivit, futuros bonos per gratiam suam, & per eandem gratiam premia accepturos. Deus præscit, & præscivit, malos per propriam malitiam, futuros malos, & per eam æternaliter damnandos. Præscientia Dei circa malos, vel bonos, non imponit eis necessitatem. Præscit Deus mala creatura, quæ ex propria voluntate ipsa est factura, ideo non imponit necessitatem.* Concilium Constantense sess. 25. apud Hennun tract. de Deo uno disp. 5. q. 3. concl. unic. Joannis Hus, & Joannis Vviclefi, errores damna. Synodus Parisiensis, in qua Stephanus Parisiensis Episcopus

plures damnavit articulos, inter quos adnumerantur qui sequuntur in tom.4. Bibl. PP.col.917.ar. 13. *Quod prima causa non habet cognitionem, aut scientiam futurorum contingentium. Primo, quia futura contingentia non sunt cutia. Secundo, quia futura contingentia sunt particularia. Deus autem cognoscit virtute intellectiva, quæ non potest cognoscere particularia. Tercio, propter ordinem, causa ad causatum. Præscientia enim divina est necessaria causa præcitorum. Concilium Lateranense III. sub Alexandro III. ann. 1179. apud Guidonem Carmelitæ damnans Albanenses: Concilium Tridentinum pariter damnat, Præscita a Deo necessitate absoluta evenire.*

III. Ex Patribus. Tertullianus lib. 2. con. Marcionem c. 5. *Præscientia Dei tot habet testes, quot fecit Prophetas.* Et in Apologetico c. 20. *Idaneum testimonium Divinitatis veritas divinationis.* Origenes lib. 3. contra Celsum. *Futurorum prædictio divinitatis nota est, & charaster.* Idem Origenes apud Eusebium lib.6. de præparatione. *Jam vero quidquid aliquando futurum est, id omne Deum multo ante futurum prænosce, ut Scriptura abesse auctoritas, vel ipsam ex Dei notionis is profecto demum intelligas, qui probe vim illam, & excellentiam divinæ mentis intelligit.* Si tamen sacrarum quoque literarum testimoniis tam in rem opus est, plena sunt exemplorum id genus Prophetarum voces. Cyrillus Alexandrinus lib.4. in Isai. orat. 2. *Deo natura convenit, omnem habere etiam præteritorum, & futurorum notitiam. Quod si nemo reperitur in falso nuncupatis Deus, qui hoc sit consecutus, qui cognitionem divinam prædicti non sunt, Dei itaque non erant.* Et post pauca. *Etiam tanquam natura Deus, & futura omnia, ac jam præterita cognoscens, præventiori vobis per sanctos Prophetas. Justinus Philosophus & Martir, vel quisquis alius Quæstionum ad Orthodoxos sit Auctor. Quorum Dei non sunt Dei, bonum neque Viter veritatis sunt Prophetæ. Nec illorum prædictiones inevitabiles sunt, aut verum habent exitum. Ut enim longe distat vera Divinitas, ita etiam a vera præscitione.* Ambrosius lib.1. de Fide c. 7. *De enim,*

que

qua sunt futura; praesentia sunt. Augustinus lib. 5. de Civit. Dei c. 9. *Qui non est praesens omnium futurorum, non est itaque Deus. Ibidem. Conferri esse Deum, & negare praesentium futurorum, aperissima insana est.*

- IV. Ex Philosophis Gentilibus, quos affert Petavius in caeterorum numero non comprehensos. Ammonius in Commentariis ad librum Aristotelis de Interpretatione. *Ignorare rem nullam possumus earum, quae sunt, cum omnes produxerint, & ordinentur.* Insuper addit. *Non enim fortuitum esse dicimus naturam illicum, quae sunt, vel ordinem: Neque rationi consentaneum est, Deos aut ignorare quae produeunt, aut delictorum more quorundam eorum fastidire notitiam, ac gubernationem.* Plotinus Enn. 4. lib. 4. c. 12. *Futurorum cognitio si ipsi adesse conceditur, non talis est, cuiusmodi inest Vatis; sed qualis est in iis, qui faciunt, & certo fore credunt. Id vero est omnia in potestate habentibus; quibus nihil dubium est, aut obscurum. Quamobrem quibus fixa sapientia est, qualis est & de praeteritis secundum stabilitatem.* Vergilius ex quodam Homeri versu. *Qua sunt, quae fuerunt, & quae ventura sequuntur.*

- V. Rationibus. I. Si Deus ab aeterno uniuscujusque merita non cognovit, vel demerita, non potuit ab aeterno unicuique praemia, vel supplicia decernere; atqui hoc dici non potest: ergo nec illud, ex quo sequitur. Sequela in promptu est; etenim providere supponit cognoscere. Minor non negatur ab iis omnibus, qui ab aeterno in Deo providentiam agnoscunt. II. Non habuit Deus ab aeterno hanc futurorum notitiam, ut Adversarii dicant; quærimus, vel habet in praesenti, vel non habet? Si habet; ergo est aliqua de novo in Deo scientia. Si non habet; ergo aliqua in Deo est admitenda ignorantia. III. Si Deus futura non cognosceret, vel esset, quia futura non essent cognoscibilia ab aeterno, vel quia Deus non esset potens ipsa ab aeterno cognoscere. Hoc secundum infinitati divinae scientiae repugnat; primum vero entitatis rerum ipsarum non cohaeret; ut praecipue offendemus quando loquemur de modo, quo haec Deus cognoscit. IV. Quodque a Deo interrogemus, absurdum est Deo respondere, quod nesciat; sed hoc ipsum eveniret, si futura contingentia libera non cognosceret: ergo vere cognoscit. V. Multa praedixerunt Prophetae, & evenerunt; ut non a seipsis: ergo a Deo. Si autem multa, cur non omnia? VI. Scire haec omnia est perfectio simpliciter simplex, nulli majori, vel

aequali repugnans: Cur ergo Deo deneganda? Sic P. Magnus Philos. sacr. cap. 10. prop. 5. num. 2.

Arguunt Adversarii I. cum Cicerone apud Augustinum lib. 5. de civitate Dei c. 9. Si Deus cognosceret futura libera ab aeterno, liberum hominis arbitrium tolleretur; atqui hoc non est dicendum: ergo nec illud, ex quo inferitur. Probatur antecedens. Nequirent homines in illo casu operari, nisi illud, quod Deus praevideret; sed hoc idem est, ac destrui liberum hominis arbitrium: ergo vere tolleretur. II. cum Marcione apud Tertullianum lib. 2. cont. eundem c. 5. Si Deus ab aeterno futura hominum mala praevидit, quare non impedit? Et si non impedit, quare hominibus imputantur, & non Deo? Dicendum est ergo, non praevideret; quia minus Deo deirahit, qui Deum malorum inficium facit, quam quivult facere auctorem. III. Si Deus dubitanter loquitur de futuris absolutis contingentibus, dubitanter etiam cognoscit illa; atqui non certo, & necessario; sed dubitanter loquitur; ut patet Jerem. 26. 2. & 3. *Noli subtrahere verbum, si forte audiant, & convertantur.* Et Luc. 20. 17; *forfitan, cum hunc viderint, verebuntur.* In quibus verba illa forte, & forfitan, indicant conjecturam, dubitationem, formidinem, & non scientiam: ergo &c. IV. Futura contingentia libera non habent determinatam veritatem: ergo nequeunt a Deo praesciri. Probatur antecedens. Sunt indifferentia ad esse, & non esse: ergo non habent determinatam veritatem. Probatur antecedens. Non habent causam determinatam, quae nondum supponitur posita; ergo sunt indifferentia ad esse, & non esse. V. Laborant homines, ut ponantur suo tempore futura contingentia; sed si infallibiliter deberent poni, frustra laborarent; infallibiliter autem debent poni, si a Deo praesciuntur: ergo ne dicamus, frustra homines laborare, dicere debemus, a Deo infallibiliter non praesciri. VI. Supposita Dei praescientia nulla datur contingentia, quia omnia absolute, & simpliciter sunt necessaria; certum enim habent ordinem causarum, in quo ordine consistit ratio fieri. Unde ait Cicero. *Si autem certus est ordo causarum, quo fit omne, quod fit, fato sunt omnia, quae sunt.*

Respondemus ad I. remittendo nos ad ea, quae mox dicturi sumus, modum seligentes, quo divinam praescientiam cum humana libertate conciliemus. In hoc casum fixa est tota argumenti vis; quod si clarum

reddemus, illico etiam tota vis illa evanesceat.

Ad II. dicimus, Deum mala illa non impedire, ne hominis liberum lædat arbitrium. Non autem ex hoc sequi, Deum mala illa committere, sed solum permittere; & permittere quidem mala, ut bona sequantur. Unde Augustinus in psal. 54. ad 1. ver. *Ne putetis gratis esse malos in hoc mundo, & nihil boni de illis agere Deum. Omnis malus aut ideo vivit, ut corrigatur, aut ideo vivit, ut per illum bonus exerceatur.*

Ad III. verba illa usurpantur a Deo, non, quod dubitet, sed quia intendit ostendere, homines liberos esse ad faciendum hoc, vel non faciendum, ad operandum bonum, vel malum. Unde Hieronymus in cap. 26. Jerem. *Verbum ambiguum (forsitan) majestati Domini non potest convenire, sed nostro loquitur affectu, ut liberam hominis salvetur arbitrium.* Ulterius, aliquando in Scripturis verbum forte idem valet, ac *utique*; ut Matth. 11. 23. dicitur; *forte mansissent*; & in Græca versione legitur, *utique*; quod Cardinalis Cajetanus advenit.

Ad IV. dicitur, futura contingentia libera esse indifferentia ad esse, & ad non esse, pro aliquo tantum tempore, hoc est pro presenti, non vero pro quolibet tempore, sunt enim determinata ad esse, aut ad non esse, pro tempore futuro, pro quo prævidetur a Deo, vel ut futura, vel ut non futura. Subditum quoque, futura libera habere causam determinatam pro eo tempore, quo erunt; & quanvis ipsum causam ab æterno non supponatur posita, supponitur tamen ponenda in illa temporis circumstantia, in qua futurum evadet præsens.

Ad V. Videns Deus effectus contingentes futuros, videt etiam media, quibus ponentur, & sine quibus non ponentur, tempore suo. Unde non minus requiritur, ut non fallatur Deus, quod ponantur effectus, sed etiam ut ponantur media, quibus ponendi sunt effectus. Et quum inter media adnumerentur labores hominum; hinc fit, quod labores hominum prævideantur a Deo, ac per consequens ab hominibus suo tempore ponantur.

Ad VI. dicimus cum Augustino lib. 5. de civ. Dei c. 9. *Non esse consequens, ut si Deus certus esset omnium ordo causarum, ideo nihil sit in nostra voluntatis arbitrio; & ipsa quippe voluntas in causarum ordine sunt, qui certus est Deus, cuiusque præscientia continetur.* Et lib. 3. de liber. arb. *Sicut tu memoria tua non cogis falsa esse, quæ præterierunt: Sic Deus præscientia sua non cogit facienda, quæ futura sunt.*

Devenientes modo ad conciliandum divinam Præscientiam cum humana libertate, nobis omnino arridet ratio illa, quæ a P. Magnano non minus perspicue, quantum rei patitur difficultas, quam rationabiliter, concordantur. Philosophiz sacræ cap. 10. propos. 16. supponit, Ciceronem, & Herodotum, sive veteres, sive recentiores, nequivisse præscientiam Dei cum libertate hominis conciliare; unde diversa incedentes via, Cicero, ut salvaret libertatem hominis, Deo negavit præscientiam; Herodotus vero, præter illos, quos in præterita Dissertatione recensimus, ut Deo adstruerent præscientiam, homini destruxerunt libertatem. Ac proinde, quum in omnibus hisce sit manifestissimus error, contra omnes nobis incumbit ostendere, & sine Dei præscientiz læsione, & sine hominis libertatis noxa, posse nos cum Catholicis omnibus utramque concordare.

De Aristotele autem asserit, ex quorundam Aristoteleorum sententia, voluisse quidem libertatem cum præscientia conciliare, & ut conciliaret, negasse propositionum singularium de futuro contingenti determinatam veritatem. Sed, ait ipse, revera id fuit potius negare præscientiam, quam conciliare. Quod hac ratione probat. Nequit esse præscientia, sicuti nec scientia, nisi alicujus determinatæ veritatis: ergo si in Deo non est præscientia determinatæ veritatis, non est præscientia. Probat antecedens. Quando veritas non est determinata, neque præscientia, seu scientia est certa; sed nequit esse scientia, seu præscientia, nisi sit certa: ergo nequit esse præscientia, sicuti nec scientia, nisi alicujus determinatæ veritatis: ergo Aristoteles negando in Deo propositionum singularium de futuro contingenti determinatam veritatem, negavit potius præscientiam, quam eam cum libertate conciliavit.

Deveniendo postmodum ad conciliationem ipsam, discurret hoc pacto. Divina præscientia ita se habet ad objectum de futuro, sicut se habet ad objectum de presenti, ob summam ejus immutabilitatem; sed ut se habet ad objectum de presenti, est solum speculativa, nude illud contemplant, sicuti est, & præsupponens esse, sicuti est, non vero faciens ita esse, & multo minus impediens ita esse: ergo etiam prout est ad objectum de futuro, est solum speculativa, & præsupponens esse, sicuti est, non autem faciens ita esse, neque impediens ita esse. Major propositio est indubitable, non enim minus est immutabilis scientia, vel

vel præscientia Dei de objecto præfenti, quam de futuro; quum immutabilitas a qualibet Dei scientia debeat esse inseparabilis. Minor etiam est certa; quia alioquin scientia vel præscientia Dei suum objectum destrueret; quod non est dicendum. Consequentiis sequitur.

Quia vero objectum divinæ præscientiæ supponitur liberum, & contingens, ut revera est; inde fit, quod divina præscientia contemplatur illud, sicuti est, & supponit esse, sicuti est. Et quum sit liberum, & contingens, finit patitur esse liberum, & contingens; quemadmodum scientia de objecto præfenti libero, & contingenti, finit quoque liberum, & contingens, sicuti est. Hoc enim, quod est speculari objectum, ipsum non immutat, non destruit; immo potius firmat, & astringit conditiones suas, ut sunt. Ex quo sequitur, quod divina præscientia non destruit libertatem, sed potius astringit; quemadmodum divina scientia de præfenti objecto affirmat, & firmat sua notitia, contingentiam, & libertatem, quam supponit in suo objectu libero, ac contingente.

Ut vero solvantur argumenta omnia, quæ contra hæc opponi possent ab Adversariis, quinque vult esse advertenda; quibus cognitis, facilis ad objectiones omnes redditur responsio. Primum est; scientiam visionis, & mediam, prout sunt de contingentibus, non esse necessarias, & per consequens secundum propriam rationem non esse practicas, & causas rerum, sed esse mere speculativas. Secundum; Deum scire necessario, ac præscire res omnes, quæ sunt futuræ, & secundum quod sunt futuræ; & ratio est, quia nihil ipsum latere potest. Tertium; legitimam, ac necessariam esse illationem hæc: Deus scit, & non potest nescire peccatum futurum; ergo peccatum est futurum; & ratio est, quia, si legitima, & necessaria non esset illatio illa, etiam supposita Dei præscientia de futuro peccato, peccatum ipsum posset non esse futurum; & hoc pacto falsa esset Dei præscientia. Quartum; Non per hoc peccatum, quod a Deo præsciatur, esse in se, ac secundum se necessarium; unde ex vi præscientiæ exeat contingentiam, & induat necessitatem; ratio redditur hæc, quia scientia, & præscientia est quid posterius

peccato, ratione quidem, & præsuppositione, & posterius etiam intrinsicè conditionibus peccati, inter quas est libertas. Unde illatio, seu consequentia illa est tantum a posteriori; & quum sit a posteriori, scilicet a præscientia peccati futuri ad futuritionem ipsius, potius astringit, & supponit, quam destruat peccati libertatem. Ulterius, hoc antecedens: Deus scit, & non potest nescire peccatum futurum: non est antecedens physicum, quod influat more physico, & ut causa physica in peccatum; quia non est scientia practica, ut dictum est; sed solum est antecedens logicum. Quamvis ergo actus divinæ scientiæ sit secundum se necessarius physice enervare, & terminative; sumptus tamen in ratione antecedentis, non influat nisi logice, & per consequens non influat nisi logicam necessitatem. Unde necessitas consequentiæ, ex eo deductæ, non est nisi logica; & ideo solum logicam necessitatem in suum consequens derivat. ergo peccatum est futurum, si autem consequentis huius necessitas non est alia, quam logica, peccatum non est dicendum physicè, sed ad summum logice tantum necessarium. Necessitas autem logica non opponitur libertati physicæ peccati. Unde dicendum est, necessitatem divinæ præscientiæ, ut immutabilis, &c. non auferre, sed potius firmare, libertatem, & contingentiam sui objecti. Quintum denique; Peccatum ita esse liberum, seu libere futurum, ut sit in potestate peccatoris efficere, ut non sit futurum; quod satis patet: Non autem ex hoc inferri potest: Ergo divina præscientia circa peccatum incerta est, vel falsa esse potest. Ratio est, quia si peccator faciat, ut peccatum non sit futurum, Deus hoc ipso præsciet peccatum non esse futurum. Deus enim necessario præscit res, ut sunt futuræ, vel non futuræ. Unde si sunt futuræ, Deus præscit ut futuræ; & si homo faciat, ut non sint futuræ, Deus præscit eas ut non futuras. Et quando dicitur, hominem facere, ut Deus præsciat, intelligendum est, ut faciat id, quod præscientiæ præsupponitur, & non potest eam effugere. Unde ex libertate, & contingentia objecti non inferitur falsibilitas, & incertitudo divinæ præscientiæ.

DISSERTATIO LXXXII.

*De Modo, quo Deus cognoscit futura
contingentia absoluta.*



UT A futura contingentia absoluta vel sunt per accidens, ut diximus, & secundum quid, vel sunt per se, & simpliciter; ideo de modo, quo Deus utraque cognoscit, hoc in loco tractandum superest. De illis per accidens, & secundum quid, paucis nos expediemus, dicentes, a Deo cognosci evidenter non in proxima ipsorum causa, solitarie spectata, sed in proxima ipsorum causa, simul cum cæteris omnibus, quæ possunt ad illam impediendam, concurrere. Ratio hæc ponitur; quia proxima ipsorum causa, quanvis quantum est de se necessario effectum producat, adhuc tamen potest extrinsecus impediri: ergo non potest Deus in ipsa causa proxima, per se spectata, certo, & evidenter cognoscere effectum futurum. Si vero simul cum causa proxima videat omnia, quæ eam possunt impedire, & videat pariter non impeditura, tunc evidenter abstractivè in causa, & cæteris omnibus, quæ extrinsecus eam non sunt impeditura, cognoscet futurum effectum. Et hæc de futuris per accidens, & secundum quid contingentibus.

Major autem, immo maxima est difficultas de futuris per se, & simpliciter contingentibus absolutis, seu de futuris liberis, quo modo a Deo cognoscantur. Et quia plures in hoc explicandi modo sunt Scholasticorum sententiæ; ideo hæc in Dissertatione singulas expendemus, & ultimo loco illam, quæ magis nobis probabitur, seligemus.

I. Sententia est Thomistarum Prædeterminantium, qui docent, Deum, quia ab æterno habuit voluntatem prædeterminandi omnes, & singulos actus liberi arbitrii creati; & quia posita tali voluntate, impossibile est, ut non sequantur actus prædeterminati; hoc ipso cognoscendo hanc suam voluntatem, determinari ad certo cognoscendum, quod sequantur omnes, & singuli actus prædeterminati. Exemplo res sit clarior. Deus cognoscendo voluntatem prædeterminandi liberum arbitrium Magdalenæ ad conversionem, certo præscivit Magdalenam converendam. Hoc pacto Tho-

mistarum sententiam explicat Maurus, a quo Thomistæ non dissentiunt; unde inquit Thomista Gonetius, Deum certo, & infallibiliter cognoscere futura contingentia in decreto prædeterminante eorum futuritionem.

II. Est sententia Scotistarum Prædefinientium, qui docent, Deum, quia per suum decretum extrinsecum omnino antecedens determinat omnes, & singulos actus liberi arbitrii; & quia posito huiusmodi decreto, impossibile est, ut non sequantur actus efficaciter a Deo prævisi, & intenti; hoc ipso cognoscendo, se habere tale decretum, determinari ad cognoscendum certo sequuturos actus decretos. Utraque hæc sententia, ait Maurus, supponit, physicam prædeterminationem ex parte Thomistarum, & decretum Dei efficax omnino antecedens, & inimpedibile a libero arbitrio ex parte Scotistarum, non auferre libertatem actibus prædeterminatis, & efficaciter decretis.

III. Sententia tribuitur S. Bonaventuræ, docenti in 1. dist. 25., & alibi, Deum cognoscere huiusmodi futura in suis Ideis. Eam quoque tribuit Cacheranus Ægydio, Henrico, Alensi, Cajerano, aliisque; qui insuper advertit, non omnes illius propugnatores expresse loqui antecedenter ad decretum, sed aliquos præcise docere, Deum cognoscere futura in Ideis.

IV. Sententia ascribitur Durando, asserenti, Deum cognoscere præfata futura in sua essentia, vel potentia; quod testatur Pargylus. Cacheranus autem pro essentia, secundum se præcise accepta, & independentem a decreto, eam tribuit iis omnibus, qui docent, futura contingentia independentem a decreto habere propriam veritatem objectivam, aliisque pluribus.

V. Sententia defenditur a Thomista Gonetio, qui quibusdam aliis Thomistis eam attribuit, asserentibus, Deum certo, & infallibiliter in decreto prædeterminante cognoscere futura hæc, sed abstractivè, non intuitivè; intuitive vero cognoscere in physica, & reali eorum præsentia in æternitate.

VI. Sententia est Molinæ, & Becani, putantium, Deum illa cognoscere antecedenter ad

ad suum decretum in causis liberis, & contingentibus, seu in peneratione, & perfectissima cognitione voluntatis humanæ, quam supercomprehensionem appellant, ad distinctionem cognitionis Angelicæ, quæ licet sit comprehensiva hominis, per eam tamen non cognoscit Angelus actus nostros liberos; ideo sua cognitio non dicitur supercomprehensiva, qualis est illa Dei.

VII. Sententia est Suarii, Fonsæ, & Fasoli, asserentium, Deum illa cognoscere in suo decreto, non quidem actuali, & exercito, ut docent Thomistæ, sed futuro, & ponendo in sequenti signo.

VIII. Tandem sententia est ioter Patres Societatis communissima, qui & pro ipsa citant pariter S. Thomam, & Scotum, docentes, futura contingentia absoluta a Deo cognosci in seipsis, seu in ipso divinitate obiectiva, independentem a divino decreto, seu antecedenter ad divinum decretum.

Medo quamlibet ex altaris sententiis examini subijcimus, quæ si non arripit, impugnabitur, & rejicietur; illam vero, quæ præ cæteris probabilior apparuerit, seligemus, ac propugnabimus.

I. Sententia impugnatur, & pariter II., utriusque enim par est ratio, & consimile fundamentum; I. Si Deus ideo cognoscit futura libera, quia eadem prædeterminat, vel prædefinit: ergo quum aliqua non prædeterminet, nec prædefinit, sequitur, quod eadem non cognoscat; Atqui hoc dici non potest, quum omnia futura libera a Deo cognoscantur: Ergo quum decreta illa prædeterminantia, vel prædefinitia, non sint medium apium cognoscendi omnia futura, sequitur absolute Deum futura in ipsis non cognoscere. Tota difficultas stat in supposito primi consequentis; supponitur enim, aliqua futura Deum non prædeterminare, nec prædefinire; sed probatur hoc suppositum. Deus absolute non prædeterminat, nec prædefinit, peccatum cum voluntate efficaci, & absoluta, quum peccatum velle non possit: Ergo aliqua futura Deus non prædeterminat, nec prædefinit.

Dices cum Gouero, Deum prædeterminare decreto positivo materiale peccati, scilicet eorumque, & bonitatem physicam actuum malorum; decreto vero permissivo formale peccati, & actuum malorum malitiam, & deformitatem; & ex hoc duplici decreto sequi infallibiliter peccatum.

Contra sic argumentatur. Decretum hoc permissivum vel est prædeterminans, vel

non? Si non: ergo Deus non omnia futura cognoscit in decretis prædeterminantibus; Si est prædeterminans: ergo jam Deus sicut prædeterminat ad bonitatem actus boni, ita prædeterminat ad malitiam actus mali; & sicut est auctor virtutis, ita erit etiam auctor peccati; quod non est dicendum.

Dices cum eodem, decretum esse prædeterminans permissive; adeoque non sequi, quæ a nobis opponuntur.

Contra etiam prosequimur. Quid sibi velit decretum hoc prædeterminans permissive tibi incumbit explicare; aliter non facile te intelligentem invenies. Ceterum non videtur assignabilis differentia inter hoc decretum prædeterminans permissive, & prædeterminans positive, nisi de nomine; & si aliqua excogitatur differentia, aut destruit naturam prædeterminationis, aut putæ permissionis substantiam non salvat.

Impugnatur utraque sententia II. Si in suis decretis futura libera Deus cognoscit, non cognoscit ipsa amplius ut libera: ergo nunquam verificabitur, Deum futura libera cognoscere. Probatur antecedens. Pussis decretis illis prædeterminantibus ad unum, & prædefinitibus unum, vel poterit alterum eligi, vel non? Si non: ergo futura illa non erunt amplius libera: Si sic: ergo decreta illa non erunt prædeterminantia, ad unum, sed ad utrumlibet; nec erunt efficacia, & inimpedibilia, ut Adversarii intendunt.

Dices, futura illa, suppositis decretis, esse libera in sensu diviso, quatenus præscindendo a decretis posuissent non esse; in sensu vero composito non esse libera, quatenus suppositis decretis non possunt ita non esse.

Contra sic occurrimus. Hoc enim facit solummodo, ut poverint esse libera, sed quod modo sint necessaria. Qui modo est servus, potest quidem dicere, quod si captivus non fuisset, fuisset liber; modo vero quia est captivus, liber non est, sed est servus. Verum de his singulatum, & uberius infra.

III. Sententia S. Bonaventuræ, & IV. Durandi, evelluntur. I. Idæ divinitus sunt Dei scientia simplicis intelligentiæ, cui proprium est Dei voluntatem ad operandum dirigere: ergo non possunt esse id, in quo res futuræ videantur. Consequentia sequitur; quia res futuræ per scientiam visionis cognoscuntur. II. Quavis huiusmodi Idæ essent scientia visionis, attamen neque hæc potest esse medium, in quo res futuræ videantur, contra quosdam asserentes, futura ejusdem scientiæ efficacitate videri.

Quod

Quod quidem assumptum sic probatur. Actus ad objectum non potest habere rationem medij sed scientia visionis est actus ergo acquirit esse medium. III. Cognitio de futuris supponit ipsa futura: ergo non potest esse medium, in quo futura cognoscantur.

Pro essentia vero, vel potentia, quæ est opinio Durandi, I. Divina essentia, quomodo cumque sumpta, non habet ex suis intrinsicis necessariam connexionem cum ulla creatura, prout existente: ergo non potest esse medium, in quo res futuræ contingentes cognoscantur. Antecedens probatur. Divina essentia, secundum se spectata, est antecedens ad omne decretum liberum, & per consequens est omnino indifferens ad existentiam, & non existentiam creaturarum: ergo, &c. II. Nihil est in divina essentia, quod non sit necessarium; nihil est in futuro libero, quod non sit contingens; atqui nullam habere potest connexionem necessariam cum contingente: ergo divina essentia non potest esse medium, in quo futura libera cognoscantur. III. Pro Omnipotentia. Omnipotentia Dei solum respicit res possibiles: ergo per se præcise sumpta nequit extendi ad res futuras. Consequentia sequitur; quia res futuræ aliquid aliud supra res mere possibiles important. IV. Res futuræ nullum dicunt ordinem ad Omnipotentiam, præcise quæ futuræ: ergo Omnipotentia non potest esse medium, in quo res futuræ cognoscantur. Antecedens probatur. Res futuræ non per hoc dicuntur futuræ, per quod Deus possit eas facere, sed per hoc, quod velit Deus eas facere: ergo res futuræ, præcise quæ futuræ, nullum dicunt ordinem ad Omnipotentiam.

V. Sententia Gonetii, aliorumque Thomistarum, impugnatur I. Futura contingentia nullo modo ab æterno sunt præsentia æternitati secundum suum esse præsens: ergo nullo modo ab æterno, sed tantum in tempore, cognoscuntur a Deo ut præsentia æternitati, secundum suum esse præsens. Probatur antecedens. Aliquid esse præsens æternitati secundum suum esse præsens, seu secundum suum esse actuale simpliciter dictum, non est aliud, quam secundum suum esse actuale coexistere æternitati; sed nihil potest coexistere, nisi prius existat: ergo res contingentes, si non fuerunt existentes de præsentia ab æterno, non poterunt esse coexistentes: Atqui est de fide, non fuisse existentes de præsentia ab æterno: ergo, &c. II. Res continen-

tes secundum suum esse futurum ab æterno fuerunt coexistentes, & præsentis divinæ æternitati: ergo secundum suum esse futurum fuerunt ab æterno cognoscibiles: ergo non fuerunt cognite a Deo ut præsentis, & coexistentes divinæ æternitati. Probatur hæc ultima consequentia.

Ab æterno, nullo intellectu fingente, verum fuit dicere, talem rem contingentem futuram esse præsentem pro tali tempore: ergo huius veritatis formalis dictionis ab æterno respondet objectiva veritas ipsius futuritionis: ergo talis vera futuritio, seu res ut futura, ab æterno coexistit, & fuit præsens divinæ æternitati: ergo ab æterno fuit cognoscibilis, atque adeo actu cognita a Deo, ut præsens æternitati. III. Res omnes contingentes absolute futuræ prius cognoscuntur a Deo ut futuræ in seipsis, seu ut actuales de futuro, quam cognoscantur ut præsentis æternitati secundum suam actualitatem ut futuram: ergo ipsarum præsentia in æternitate non est medium, in quo a Deo cognoscantur. Probatur antecedens. Actualitas, sive ut præsens, sive ut præterita, sive ut futura, non potest ut sic coexistere, & esse præsens æternitati, nisi prius ut sic sit in seipsis: ergo prius cognoscuntur a Deo ut futuræ in seipsis, quam cognoscantur ut præsentis æternitati. Probatur antecedens. Quicquid enim coexistit, prius existit. Hoc posito, inferimus: Ergo neque ut sic est cognoscibilis, atque adeo actu cognita a Deo ut coexistens & præsens æternitati, nisi prius sit cognita in se ipsa, sive ut præsens, sive ut præterita, sive ut futura.

Hinc quando Patres, & Scholastici Doctores, dicunt, res futuras fuisse ab æterno præsentis æternitati, & ut sic præsentis fuisse cognitæ a Deo, sensus non est, quod fuerint præsentis secundum esse actuale simpliciter dictum. Hoc enim, ut vidimus, est falsum; quoniam sit de fide, res creatas coexistere in tempore esse simpliciter actuales. Sed sensus est, quod fuerint præsentis secundum esse futurum, & ut sic præsentis fuisse a Deo cognitæ, quemadmodum nuper explicavimus. Quod maxime advertendum est, ut rationes pro hac sententia adducendæ, & responsiones ad argumenta, quibus nos eam usquemodo impugnavimus, faciliiori modo solvantur.

VI. Sententia Molinæ, & Becani, impugnatur I. Si posset certo, & infallibiliter effectus in causa libera cognosci, ultima, completa, & disposita, ex vi illius cognoscens non posset errare; atqui cognoscens effectum

etum in causa libera potest ex vi illuserari: ergo non potest effectus certo, & infallibiliter in causa libera cognosci. Probat minor. Voluntas creata est mutabilis, & quidem semper, & pro quovis signo anteriori ad actualem effectus productionem; adeoque potest disponi non minus ad hanc partem, quam ad aliam, pro eo tempore; ergo non est major ratio, cur hanc attingat, & non aliam: ergo potest errare; quia ubi est mutabilitas objecti, ibi potest esse error potentiae; sed error nequit esse in Deo: ergo &c. II. Causa dum est in actu primo, seu, quod idem est, dum non est in actu secundo, non magis est contra cum suo libero effectu, quam cum negatione ipsius aequae libera: ergo causa ut sic praecise sumpta non magis determinat inferre potest certitudinem, unius contingentis, quam ejus oppositi: ergo si Deus nil amplius in causa videt, quam ejus actum primum, quum in hoc sit semper indifferentia ad utrumlibet, non magis, aut non majori certitudine videbit contingentem ejus effectum, quam, ejusdem negationem. Antecedens constat; quia hoc exigit natura sumptis, quae consistit in indifferentia ad utrumlibet. III. ex S. Thoma apud Gonetum. Sicut in principio solum probabili, & opinativo non possunt conclusiones certo, & scientifice cognosci, sed opinative tantum, & probabiliter; ita nec in causa indifferenti, & indeterminata possunt effectus contingentes futuri certo, & determinate cognosci, sed conjecturaliter tantum; atqui causas liberae, & contingentes, ex se, & antecedenter, ad decret. a, seu determinationem divinam, sunt indifferentes, & indeterminatae ad producendum, vel non producendum, futura contingentia libera, & possunt vel ab extrinseco impediri, ne in actum exeant, vel se determinare in actum oppositum: ergo in illis sic consideratis non possunt certo, & infallibiliter, sed tantum conjecturaliter, futura contingentia libera cognosci. Hae Gonetus. His autem sententiis impugnatis, remanet, ut ad nostram stabilendam descendamus; unde.

Dicimus I. Deum evidenter abstractive cognoscere futura contingentia libera absoluta in suo decreto praedeterminativo. I. probatur. Decretum absolutum Dei de effectu futuro est plane infallibile: ergo videtur Deus suum decretum habere infallibilem, & necessariam connexionem cum effectu futuro, evidenter cognoscit effectum futurum ex vi sui decreti. Quod autem co-

gnoscat evidenter abstractive, & non intuitivè, patet; quia tunc futurum non cognoscitur in se, sed arguitur ex decreto, habente infallibilem, & necessariam connexionem cum illo. II. probatur ex S. Hilario lib. 9. de Trinitate ubi ait: *Omnia, quae Deus facere decrevit, in sua voluntate cognovit*. An autem recte Gonetus haec Hilarii verba pro suis decretis praedeterminantibus accipiat, qui legent, si fuerint a parvum studii expedit, facili negotio judicabunt. Ceterum quomodo Deus praedeterminat futura contingentia libera, seu liberos voluntatis creatae actus, salva omnino ipsorum libertate, in antecedenti Dissertatione vidimus, agentes de concordia praescientiae divinae cum libero hominis arbitrio quia scilicet nunquam praedefinit actum liberum, nisi post praescientiam de ipso ut absolute libere futuro ex vi voluntatis creatae. Et sic scientia futurorum liberorum in decreto praedeterminativo praesupponit aliam antecedentem scientiam ipsorum futurorum. Pro qua.

Dicimus II. Deum evidenter intuitivè cognoscere futura absoluta libera in seipsis. I. probatur. Absolute futura, ex suppositione, quod sint absolute futura, necessitate consequenti sunt necessario, ac determinate futura: ergo habent determinatam veritatem, & cognoscibilitatem, quae actu cognoscuntur a Deo perfectissimo cognoscente. II. Omne verum, secundum quod habet veritatem objectivam, a Deo cognoscitur; sed futura absoluta secundum quod sunt in se ipsis habent veritatem objectivam: ergo secundum quod sunt in seipsis a Deo cognoscuntur. Major est patens; quia seculo quocunque, accidente verum est, hoc esse futurum, licet potueris non esse futurum; sicuti quando est actu praesens verum est actu praesens, licet potueris non esse praesens. Minor etiam patet; futura enim secundum quod sunt in seipsis sunt verities: ergo veritatem habent objectivam; ergo &c. III. ex S. Thoma 1. p. q. 14. ar. 1. ubi docet: *Deum cognoscere omnia contingentia; non solum prout sunt in suis causis; (quandoquidem ut sic praecise cognoscere non est cognoscere, nisi secundum esse possibile) sed etiam prout sunt in seipsis*. IV. ex Scotto in 1. dist. 39. q. 1. eadem habente. Adversarii tandem coguntur hoc faceri; etenim futura praesciuntur a Deo ut praedeterminantur; sed praedeterminantur ut sunt in se ipsis: ergo ut sunt in seipsis praesciuntur.

Arguunt pro prima sententia cum Gonetio I.

Quod Deus facturus est in sua prædestinatione, cognoscit; Sed Deus omnes actiones nostras quantumvis liberas facturus est: ergo eas cognoscit in sua prædestinatione, idest in decreto, & in prædeterminatione sue voluntatis. Major est Augustini, de prædest. c. 10. docente; Deum cognoscere omnia, quæ facturus est in sua prædestinatione. Minor est secundum illud Isaïæ 26. 12. *omnia enim opera nostra operatus es nobis.*

II. Quod Deus promittit, promittit de sua prædestinatione, non de nostræ voluntatis potentia; sed Deus multoties nostras operationes liberas promittit: ergo illas promittit de sua prædestinatione, & eadem in sua prædeterminatione cognoscit. Minor est juxta illud Ezechielis 36. 27. *Faciām, ut in præceptis meis ambuletis, & iudicia mea custodiatis, & operemini.* Major negari non potest; non enim promittit Deus, quod nostrum est.

III. Ex Cacherano. Decretum divinum est prima, & infallibilis ratio cujusunque futuritionis: ergo in proprio decreto cognoscit Deus omnia futura. Antecedens probatur; primo decretum divinum est ratio cujusunque futuritionis, quia est id, per quod res transit de esse possibili ad esse futurum, & sine quo nulla haberetur futuritio: Est etiam ratio infallibilis cujusunque futuritionis, quia decretum divinum absolutum, & efficax infallibiliter effectum suum consequitur.

IV. Pro quinta sententia. Ex nostra impugnatione sequeretur, res contingentes ab æterno vere fuisse futuras respectu divinæ æternitatis; sed vere, & proprie dicitur aliquid futurum respectu alicujus durationis, quia, est posterius tali duratione, quæ ipsum antecedit; seu quæ realiter ante ipsum existat; atqui hoc est contra omnes Patres, communiter asserentes, nihil esse futurum, sed omnia esse præsentia respectu divinæ æternitatis: ergo &c.

V. Quicquid est præsens alicui durationi coexistit cum illa, & necessario antecedit omnes alias durationes, quæ præceduntur ab illa, cum qua coexistit: ergo omne futurum coexistens ab æterno divinæ æternitati necessario antecedit omnes alias durationes, quæ præceduntur ab æternitate: ergo omne futurum necessario est ab æterno realiter præsens æternitati, antequam sit præsens in propria duratione.

VI. Pro sexta sententia, & simul contra sententias a nobis positas. Futura contingen-

tia nullum habent esse actuale extra suas causas, sed tantum habent esse possibile: ergo non sunt cognoscibilia secundum ultimum esse actuale, sed tantum secundum esse possibile extra suas causas: ergo Deus non cognoscit ea extra suas causas ut actualia, sed tantum ut possibilia.

VII. Futurum contingens habet esse futurum ex vi suæ causæ: ergo cognosci non potest in seipso, sed tantum per ordinem ad suam causam, seu in sua causa.

VIII. Si Deus videret futura absoluta libera in seipsis, sequeretur primo, talia futura esse objectum motivum divini intellectus, quia determinarent divinum intellectum ad ipsa intelligenda; quod est absurdum: Sequeretur secundo prius habere suam veritatem futura contingentia, quam suam: habeat veritatem divina scientia; ideo enim Deus vere judicat, & cognoscit, ali-quod esse futurum, quia illud vere futurum est, & non e contra; hoc autem etiam est absurdum, quia sequeretur, ipsa futura esse causam divinæ cognitionis: ergo &c.

IX. Deus per suam infinitam, & supercomprehensivam scientiam videt, quid sit voluntas, creata futura posita in quibuscunque circumstantiis; sed hoc est cognoscere effectum in causam: ergo &c. Major patet; Deus enim clare cognoscit omnes actus voluntatis creatæ, aliter ipsam non comprehenderet. Minor probatur. Cognoscere aliquem effectum ex comprehensione causæ est cognoscere procul dubio effectum in causa: ergo &c.

X. Operationes liberæ ab æterno non habent veritatem determinatam in seipsis: ergo non sunt cognoscibiles in seipsis. Probatur antecedens. Operationes liberæ futuræ ab æterno non existunt; ergo non habent ab æterno veritatem determinatam in seipsis. Si dicatur, operationes liberas non existentes ab æterno esse futuras ab æterno; contra etiam dicitur; nam res futura de præsentis non aliud importat, quam illud instans, seu illam temporis differentiam, pro qua existit: ergo nihil dicit ante ipsum instans.

XI. Ex duabus propositionibus singularibus de futuris contingentibus una est determinare vera ab æterno, altera determinare falsa: ergo Deus ab æterno scivit, quænam sit determinate vera, & quænam sit determinate falsa; sed illa, quæ talis est, est talis vi suæ causæ: ergo in sua causa, & non in se ipsa, cognoscitur.

XII. Potest Deus ita excitare voluntatem circa-

creantem ad amorem; ut sit moraliter necessarium, & infallibile quod ipsa amet: ergo saltem in voluntate ita excitata, & ita disposita, poterunt cognosci effectus liberi.

XIII. Nominem decreti, in quo nos dicimus, cognosci futura, vel intelligitur decretum cognitum ut futurum, & donandum in sequenti signo, ut dicebat Suarez, & cum eo alii; & hoc non, quia divinum decretum, utpote æternum, non potest esse, nec potest concipi, futurum; repugnat enim æternitati, quæ est indivisibilis, & tota simul, habere præteritum, vel futurum; sed quicquid in ea est, nonnisi est, ut ait Augustinus super psal. 101. Vel intelligitur, quod hæc futura cognoscantur a Deo in tali decreto, quod jam est; & sic quæ prius cognoscantur ante hoc decretum, sequitur, quod futura libera absoluta cognoscantur simul, & scientiam visionis, quando nimirum cognoscuntur in decreto, & per scientiam mediam, quando scilicet cognoscuntur ante decretum; & sic non solum erit ponere scientiam mediam, pro conditionate futuris, sed etiam pro futuris absolute.

Respondemus ad I. Augustinum nunquam docuisse, prærequiri decretum de futuro ipso libero; hoc enim ipso huiusmodi futurum non esset liberum. Docet tantum Augustinus, prærequiri decretum Dei conditionatum, aut ex parte actus, aut ex parte objecti, de concurrente universali concursu indifferenti ad utrumlibet, & de danda gratia, non quidem prædeterminante, sed alliciente tantum, & sic relinquere voluntatem in sua indifferencia in ordine ad actus supernaturales.

Ad II. Promissio Dei est subsequens ad suam præscientiam, & pariter ad decretum suum conditionatum, modo dictum: Unde vere potest Deus promittere, & promittere, quod suum est.

Ad III. Distinguitur major: Decretum Dei absolutum, negatur; quia hoc ipso tale futurum non esset antecedenter liberum, & contingens, sed plane necessarium; decretum conditionatum de concurrendo universali concursu, & de danda gratia in ordine ad actus supernaturales, sive tale decretum sit conditionatum ex parte actus, sive ex parte objecti, & conceditur. Quare concedimus, prærequiri hoc decretum conditionatum de universali concursu, & de gratia, ad scientiam futurorum; & negamus, prærequiri decretum de ipso futuro.

PAR.I.

Ad IV. distinguimus sequelam. Dupliciter enim potest aliquid dici futurum respectu alicujus durationis; primo modo ita est futurum, ut dum actu existit talis duratio, nunquam actu existat id, quod dicitur futurum; sed adveniente actuali existentia ipsius futuri, cesset actualis existentia ipsius durationis, in qua dicitur futurum. Sic hodierna die dicitur futura dies crastina, quia dum est hodierna dies non est dies crastina; & adveniente die crastina, cessat hodierna dies, quæ pro crastina non erit præsens, sed præterita. Secundo potest dici aliquod futurum in aliqua duratione tantum, quatenus talis duratio actu existit, antecedenter ad ipsum, quod dicitur futurum, ita tamen, ut adveniente actuali existentia ipsius futuri, pergat etiam actu existere talis duratio, cui consequitur illud, quod erat futurum, & modo est præsens, & non futurum; seu respectu cujus id, quod nunc est futurum, deinde sit præsens. Patres negant Deum, & ejus æternitati, id, quod est futurum in primo sensu, non vero in secundo; quum certum sit nunc, quando actu existit Deus, & ejus æternitas, non actu existere, sed tantum esse futurum, e. g. Antichristum, ita tamen, ut idem Antichristus, quando actu erit, sit præsens divinæ æternitati, quæ semper eadem, & indefectibilis est. Et ideo Patres docent, Deo, & ejus æternitati, esse præsentia ea, quæ respectu nostri sunt futura; quia scilicet respectu nostræ præsentis durationis multa sunt simpliciter futura, quæ nunquam erunt præsentia; contra vero respectu divinæ æternitatis nihil est futurum pro ullo tempore, quod non sit præsens pro alio tempore.

Ad V. dicitur, ratiocinium illud bene explicatum esse bonum, & optime concludere pro nostra sententia. Distinguimus proinde ultimum consequens: Omne futurum secundum esse futurum est præsens æternitati, antequam secundum esse simpliciter actuale sit præsens in propria duratione, & conceditur; est præsens æternitati secundum esse simpliciter actuale, antequam secundum hoc ipsum esse sit præsens in propria duratione, & negatur. Certum enim est, omne futurum, secundum esse futurum, ab æterno realiter, & non tantum objective, ut nonnulli autumant, æternitatem coexistisse; quatenus, ut optime inquit Origenes lib. 7. in epist. ad Rom. ad verba illa cap. 8. *Quis præscivit, hos & prædestinavit* &c. fingamus, Deum non

Bbb 2 præ-

præscivisse aliquid futurum, atque adeo tale futurum non habuisse præsentiam objectivam in mente divina; adhuc tamen, sine dubio illud futurum erat, ac proinde secundum esse futurum ab æterno habuit realem præsentiam, & coexistentiam ad æternitatem, quum tamen secundum esse actuale omnisi in tempore coexistat æternitati.

Ad VI. distinguimus antecedens; futura contingentia nullum habent esse actuale extra suas causas, esse actuale præsens, aut præteritum, concedimus; futurum, negamus. Esse enim actuale præscindit a præterito, præsentis, & futuro; & contrahitur ad esse præsens, aut futurum, per diversam connotationem diversis temporis; semper tamen est idem esse actuale in se determinatum, non quidem antecedenter, sed consequenter; quareous sicut posito, quod pro tali tempore sit præsens, non potest non esse præsens; ita posito, quod pro tali tempore sit futurum, aut præteritum, non potest non esse futurum, aut præteritum. Sicut ergo habent determinatum esse non tantum possibile, sed etiam actuale extra suas causas, aut de præsentis, aut de præterito, aut de futuro, ita pariter habent determinatam cognoscibilitatem, extra suas causas; quare omnino consequentiam negamus.

Ad VII. negatur consequentia; quia hocipso quod futurum habet entitatem futuram, distinctam omnino ab entitate causæ, potest consequenter videri in seipso intuitive, quavis non intuitive videatur in sua causa; sicut pariter contingens actu præsens, quavis dependenter a sua causa sit actu præsens, adhuc tamen videri potest in se ipso, quavis non intuitive videatur ejus causa. Verum tamen est, quod eo ipso quod futurum liberum est actus productus a voluntate, dicens habitudinem ad ipsam voluntatem, consequenter ut sit, scilicet ut actus productus a voluntate, videri non potest intuitive, nisi saltem abstractivè cognoscatur voluntas, quæ est ejus causa.

Ad VIII. negatur prima sequela, quia objectum morivum divini intellectus non est nisi divina essentia, quæ loco speciei concurret, ac determinat divinum intellectum ad intelligenda omnia, quæ Deus intelligit; ipsa autem objecta extranea, ut sunt futura contingentia, sunt secundaria objecta pure terminativa divinæ cognitionis. Secunda sequela distinguitur: Prius habere suam veritatem futura contingen-

tia, quam eam habeat divina scientia, accepta quoad entitatem, negatur; quoad terminationem, & connotationem, seu quoad effectum connotatum, & conceditur; quia divina scientia quoad terminationem, & effectum connotatum est posterior, & causatur ab ipso secundario subiecto, ad quod terminatur; quum effectus connotatus non sit aliud, quam coexistentia, & terminatio divinæ scientiæ ad objectum; talis autem coexistentia præsupponit existentiam ipsius objecti, & causatur ab illa.

Ad IX. distinguitur minor. Sed hoc est cognoscere effectum in causa, quoad ordinem causæ ad effectum, conceditur; quoad existentiam, negatur. Nam ad hoc secundum requiritur, ut in causa taliter, vel taliter disposita sit ordo immutabilis, & infallibilis, qui esse nequit in causa libera, quavis proxima, expedita, ac disposita.

Ad X. conceditur, in eo instanti rem futuram, in quo est futura, non existere; & per consequens nec habere veritatem determinatam in seipso; cum hoc tamen stat, quod in seipsa veritatem habeat pro eo tempore, pro quo existit; quod est sufficiens ad hoc, ut possit a Deo in seipsa determinate cognosci.

Ad XI. distinguitur minor subsumpta. In actu signato, negatur; in actu exercicio, conceditur; & distinguitur ultimum consequens: ergo cognoscitur ex vi suæ causæ; sumptæ in actu primo, seu signato, negatur; in actu secundo, seu exercicio, & operantiæ pro illa temporis differentiæ, conceditur.

Ad XII. dicitur, quod duplex potest cognosci amor futurus in voluntate moraliter ad amandum necessitans; primo, ita ut intellectus ferat iudicium absolutum de existentia amoris; secundo, ita ut per propositionem modalem affirmet, amoris existentiam esse moraliter necessariam, seu infallibilem; in quo secundo iudicio non affirmatur existentia amoris, sed necessitas, & infallibilitas moralis de existentia amoris. Unde dicimus, Deum in causa videre secundum, & non primum.

Ad XIII. dicitur, intelligi, quod hæc futura cognoscantur a Deo in decreto illo, quando jam est; non tamen sequi, per hoc, quod etiam ante tale decretum cognoscantur in seipsis, quod cognoscantur pariter per scientiam mediam, non visionis. Præsupposito enim decreto conditionato universali concursus, & præsupposito etiam de-

decreto voluntatis creatæ, & dicente ordinem ad decretum absolutum particulare, unde habet, quod futura absoluta di-

cantur; inde fit, quod futura huiusmodi per scientiam visionis cognoscantur, & non per mediam,

DISSERTATIO LXXXIII.

De Scientia Dei circa objecta contingentia conditionata necessaria, & disparata.



FUTURA conditionata triplicis sunt generis, necessaria, scilicet, libera, & disparata. Quod quidem fit juxta triplex conditionum genus, quæ possunt ad ipsum futurum futuritionem

apponi. Quædam enim conditiones naturales, ac necessariam connexionem habent cum futuro effectui; ut si Petrus curret, moveretur; & hæc dicuntur futura conditionata necessaria. Quædam tantum moralem, ac liberam cum effectu connexionem habent; ut si Petrus studium Pauli suaderet, Paulus confitebatur; & hæc dicuntur futura conditionata libera. Quædam denique conditiones sunt omnino disparatæ, & nullo modo antecedenter, sed tantum contingenter, & concomitantur se habent ad ipsum futurum; ut si Petrus rideret, cælum coruscaret; & hæc dicuntur futura conditionata disparata.

De futuris conditionatis necessariis sere, apud omnes Theologos de schola constat, cognosci a Deo tum in seipsis, tum in eorum causis, seu conditionibus. Quod quidem probatur breviter pro prima parte. Huiusmodi futura habent in seipsis necessariam veritatem, & cognoscibilitatem: ergo evidenter cognoscuntur in seipsis a Deo perfectissimo cognoscente. Antecedens probatur; quia ab æterno verum est dicere; si Antichristus curret, movebitur: ergo huic formali veritati talis propositio ab æterno respondit veritas objectiva ipsius rei, quæ in ea affirmatur: ergo talis objectiva veritas ab æterno innouit Deo perfectissimo cognoscenti. Probatur etiam pro secunda parte; quia quum conditio apponatur sine causa necessaria, aut aliquid habens necessariam conditionem cum effectu contingenter; inde est, quod quisque perfecte penetrat naturam causæ, aut conditionis, videt illam habere necessariam connexionem cum effectu contingente: ergo arguitur ex causa, aut conditione, potest evidenter cognoscere, &

effectum contingentem inferre. Quod exemplo fiet clarius. Si ab hoc lapide fulmineorum subrahatur, in terram decideret posito quod contingenter subrahatur fulcimentum, est necesse, lapidem cadere: ergo Deus penetrando naturam causæ, aut conditionis, quæ posita, necessario ponitur effectus, evidenter deducit, quod illa contingenter posita, necessario ponitur effectus; quod est evidenter cognoscere ipsum effectum in causa, aut conditione.

De futuris vero conditionatis disparatis, communem sere calculo firmant Theologi, non cognosci a Deo per se loquendo ut formaliter conditionata, sed tantum ut concomitantia. Vasquez, & cum eo alii, communem hanc assertionem proclamant; quæ quidem ex terminis bene explicatis omnino constat. Nam conditionatum formaliter est illud, quod aliquo modo sequitur ad positam conditionem; sed ad conditionem disparatam, huc ipso quod disparata est, nullo modo sequitur ipsum futurum; ut e.g. in hac propositione; si Petrus rideret, cælum coruscaret; cæli coruscatio nullo modo sequitur ad Petri risum: ergo a Deo, qui non potest cognoscere res, nisi ut sunt, non possunt cognosci huiusmodi futura, ut formaliter conditionata. Præterea; posita conditione disparata, necesse est, ut, aut ponatur, aut non ponatur ipsum futurum; quum nullo possit dari medium, neque simul poni, & non poni: ergo id, quod determinare futurum esset, posita conditione, certo cognoscitur a Deo perfectissimo cognoscente, & non ut conditionatum formaliter: ergo ut formaliter concomitans ipsam conditionem, & tantum ut materialiter conditionatum; quatenus scilicet est quidem simul cum conditione, sicut etiam est formale, conditionatum; sed non est ullo modo ex vi conditionis, sicut esse debet proprium, & formale conditionatum; ad quod, ut diximus, non sufficit, quod sit simul cum conditione.

ditione, sed requiritur præterea, ut sequatur, & sit aliquo modo ex vi conditionis. Diximus per se loquendos quia an per accidens, seu per aliud, vel ex vi alicujus decreti divini præcedentis, videri possint in Deo hujusmodi conditionata disparata, ut formaliter conditionata, nullam habet connexionem cum eo, quod loquimur in præfenti.

An vero hæc scientia sit in Deo ante, vel post Decretum divinæ voluntatis, scire oportet, nullam quorumcumque conditionatorum scientiam esse in Deo post absolutum ejus decretum de tali futuro. Nam si daretur in Deo decretum absolutum de his futuris, jam talia futura non essent amplius conditionata, sed absoluta; atque adeo non cognoscerentur a Deo ut conditionate, sed ut absolute futura. Quicquid enim Deus absolute decernit, absolute, & infallibiliter futurum est. Igitur tota questio potest esse de decreto conditionato; quod quidem decretum conditionatum divinæ voluntatis dupliciter intelligi potest; primo ut sit conditionatum ex parte actus, secundo ut sit etiam conditionatum ex parte objecti. Conditionatum ex parte actus est, quando tale decretum non est actu in Deo, sed esset, si poneretur aliqua conditio. E.g. si Deus diceret absolute: Vellem Judæ dare gloriam, si esset mansurus in sua vocatione. Conditionatum vero ex parte objecti est quando in Deo actu est decretum de objecto, dummodo ponatur aliqua conditio; ut quando Deus actu decrevit, ut omnes homines essent immortales, si primus Parens permanisset in obedientia divini mandati.

Scire pariter oportet, quod quoque non semel in superioribus iunximus, ante omnem futuritionem, tum absolutam, tum conditionatam, entium creatorum, atque adeo ante omnem scientiam ipsius futuritionis, præsupponi in Deo universale decretum concurrendi per universalem concursum cum causis secundis, tum liberis, tum naturalibus; implicat enim, ut aliquid sit quomodolibet futurum ex vi causarum secundarum, nisi Deus per tale decretum sit paratus concurrere cum causis secundis. Hoc autem decretum non est absolutum, sed conditionatum, vel tantum ex parte objecti, si Deus absolute dicat; volo concurrere cum causis secundis, tum liberis, si ab intrinseco se determinent ad eliciendum actum, tum naturalibus, si ab extrinseco determinentur ad producendum effectum: Vel etiam ex parte actus, si Deus

dicat; vellem concurrere cum causis secundis, si ab intrinseco, aut extrinseco determinarentur ad producendos suos effectus. Quod a Scholasticis queritur non est de hoc decreto universali circa universalem concursum, sed tantum de particulari decreto de ipsomet objecto futuro.

Denique scire etiam necesse est, omne decretum conditionatum ex parte actus posse esse respectu diversorum absolutum ex parte actus, & cononizatum tantum ex parte objecti. Nam quando Deus dicit, vellem Judæ dare gloriam, si permaneret in sua vocatione; quavis *To vellem* respectu gloriæ sit decretum conditionatum, ex parte actus; tamen respectu voluntatis, seu decreti de danda gloria potest esse absolutum ex parte actus, & conditionatum tantum ex parte objecti; posset enim Deus absolute decernere suum decretum de danda gloria, si Judas maneret in sua vocatione; & tunc tale decretum de gloria, seu respectu gloriæ, esset conditionatum ex parte actus; at respectu decreti de danda gloria esset absolutum ex parte actus, & conditionatum tantum ex parte objecti. His præcisus.

Dicimus, scientiam de futuris conditionatis simpliciter necessariis metaphysice esse in Deo naturalem, ac necessariam, adeoque antecedentem omni ejus liberum decretum de ipso futuro conditionato; scientiam vero de futuris conditionatis non essentialiter, sed tantum naturaliter necessariis, esse post decretum Dei de ipso futuro; tandem futura conditionata disparata posse a Deo cognosci ut formaliter conditionata ex vi alicujus antecedentis decreti divini conditionati, aut ex parte actus, aut tantum ex parte objecti. Tres habet partes Conclusio; pro prima parte est communissima, & patet ex terminis; nam futura conditionata simpliciter necessaria metaphysice sunt illa, quæ essentiali necessitate metaphysice sequuntur ex antecedenti conditione posita; quæ autem ita sequuntur ad aliud possum, velit nolit Deus, sequuntur: ergo ex suppositione, quod poneretur conditio antecedens independentem ab omni alio Dei decreto poneretur id, quod sequeretur ad talem conditionem: ergo independentem ab omni alio etiam. Dei decreto est cognoscibile, atque adeo actu cognitum a Deo quod poneretur. Exemplo reddimus rem clariorem. Posito, quod Deus crearet aliquem hominem, talis homo essentiali necessitate, & independentem ab omni alio Dei decreto, esset

rationalis;

rivus; posito etiam, quod rivus essentia-
liter sequatur metaphysice ad hominem
actu possum, velit nolit Deus, sequitur
ad hominem actu possum. Diximus hic
autem primo de futuris conditionaris sim-
pliciter necessariis metaphysice; quatenus
non physice, seu per physicum influxum,
sed tantum metaphysice, & ratione, sequun-
tur ad conditionem antecedenter positam,
ut sunt omnes passionis metaphysice in-
corum sententia, qui eas ponunt a parte
rei identificatas, & sola ratione distinctas
ab essentia. Si autem loquimur de simpli-
citer, seu essentialiter necessariis physice,
quæ scilicet necessario, & essentialiter per
physicum influxum sequuntur ad condi-
tionem antecedentem; ut sunt eadem pas-
siones essentialiter in sententia eorum, qui eas
ponunt a parte rei distinctas, & per phy-
sicum influxum sequentes ab essentia; tunc
sicut non possunt physice sequi ab essen-
tia, nisi Deus decernat concurrere cum
essentia ad producendas ipsas passiones;
ita non potest Deus cognoscere tales pas-
siones, quæ sequuntur ab essentia, nisi
consequenter ad suum decretum de con-
currendo simul cum essentia ad producen-
das ipsas passiones; sive tale decretum sit
conditionatum ex parte actus; si scilicet
Deus dicat: Vellem concurrere cum essen-
tia, si poneretur essentia; sive sit condi-
tionatum ex parte objecti; si Deus dicat:
Volo concurrere cum essentia, si ponatur
essentia. Diximus secundo, rationem scien-
tiam Dei antecedere omne liberum ejus
decretum de ipso futuro conditionato;
quia non potest antecedere conditiona-
tum decretum ex parte actus hypothetice
positum circa ipsam conditionem anteceden-
tem. Non potest enim Deus cognosce-
re, quod si homo poneretur, esset rivus,
nisi consequenter ad suum conditionatum
decretum hypotheticum de ponendo homi-
nem. Nam autem dicitur, si poneretur
homo, perinde est ac dicere, si vellem po-
nere hominem, hoc ipso, quod non potest
homo poni, nisi Deus velit; cum ponis
quare *To vellem* ponere hominem omnino
antecedit scientiam, quo talis homo po-
situs esset rivus. Atque adeo quum *To
vellem*, quod importat decretum condi-
tionatum ex parte actus, non ponatur abso-
lute in Deo, sicut poneretur si absolute
diceret, vellem ponere hominem, quod
est decretum conditionatum ex parte
actus hypothetice positum circa condi-
tionem antecedentem ipsum futurum condi-
tionatum; scilicet *To* esset rivus.

Secunda etiam Conclusionis pars sequitur ex
prima; nam futurum conditionatum natu-
raliter tantum necessarium est quod natu-
raliter tantum sequitur ad conditionem
antecedenter positam; ut e. g. si produ-
ceretur ignis, esset calidus. Hoc autem esse,
atque adeo fieri, non potest, nisi Deus de-
creverit concurrere simul cum igne ad
producendum calorem ei naturaliter de-
bitum: ergo hæc scientia præsupponit di-
ctum decretum conditionatum, aut ex
parte actus, si Deus dicat: Vellem con-
currere cum igne ad producendum calorem,
si poneretur ignis; aut tantum ex parte ob-
jecti, si Deus dicat: Volo concurrere cum
igne ad producendum calorem, si ipse
ignis ponatur.

Tertia tandem Conclusionis pars probatur
etiam. Supradiximus, hujusmodi condi-
tionata disparata non posse, per se lo-
quendo, cognosci a Deo, ut formaliter
conditionata, sed ut formaliter concomi-
tantia, & ut materialiter conditionata;
modo dicimus, quod per accidens, & ex
vi alicujus decreti conditionati divini an-
tecedentis, cognosci possunt a Deo, ut
formaliter conditionata; & hoc probatur.
Formaliter conditionatum est, quod habet
aliquam connexionem cum posita,
conditione, ratione cujus connexionis
sequitur ad positam conditionem. Con-
ditionata autem disparata nullam habent per
se connexionem, & sequalem ad positam
conditionem. Posito vero divino decreto,
ut sequatur talis effectus, si ponatur talis
conditio disparata, jam talis effectus habet
connexionem, & sequalem ad rationem con-
ditionem, ut subordinatam divino decreto
ergo posito tali decreto potest tale futu-
rum conditionatum ex conditione dispa-
rata cognosci ut formaliter conditiona-
tum, non quidem per se, sed ex vi illius
decreti conditionati. Hoc ipsum confir-
matur, & explicatur ex illo 4. Reg. 2. ubi
Deus per Eliam promissit Eliseo, ut si vi-
deret Eliam, quum tolleretur ab eo, fieret
in eo duplex spiritus Eliæ; & in cap. 23.
ubi per Eliseum dixit Iox, Regi Israel,
quod si non tantum tribus vicibus, sed
quinque, aut sexies, aut septies, jæculo
percutisset terram, percutisset etiam Si-
riam usque ad consumptionem. Quæ qui-
dem promissiones, seu prædictiones con-
ditionatæ fuerunt vere & infallibiles, non
tamen propter connexionem, quam per
se haberent appositæ conditiones cum ef-
fectu futuro; quum appositæ conditiones
fuerint per se omnino disparatæ ad prædi-
ctos

Ans effectus; sed potuerunt habere antecedentem infallibilitatem propter divinum decretum, quoniam Deus antecedenter decreverit, ut Elifæus haberet duplicem spiritum Eliæ, si cum videret quando tolleretur in cælum; & ut Joas percuteret Siriam usque ad consumptionem, si quinquies, aut septies percussisset terram. Potuit autem tale decretum esse conditionatum, aut ex parte actus (quod decretum conditionatum ex parte actus dici etiam solet decretum objectivum, quatenus scilicet obijciatur quidem divinæ voluntatis, seu voluntati, sed non est actus, & formaliter in Deo) si scilicet Deus dixisset: Decernerem, ut Joas ad consumptionem percuteret Siriam, si &c. Aut conditionatum tantum ex parte objecti, si Deus dixisset: Decerno, ut Joas percutiat Siriam, si &c.

Arguunt nihilominus Adversarii contra hæc. I. Nequit intelligi decretum Dei liberum sine aliquo connotato ad extra; sed hoc decretum de futuro conditionato, quod nunquam est absolute futurum, nullam habet connotationem ad extra: ergo est plane implicans, & inintelligibile. II. Præciso quocunque particulari Decreto Dei, si poneretur conditio disparata determinate, poneretur, aut non poneretur effectus: ergo præciso quocunque tali decreto determinate cognoscit Deus id, quod esset futurum, aut non esset futurum, si poneretur conditio. III. Tale decretum conditionatum de effectu conditionato nunquam absolute futurum ex conditione nunquam ponenda, videtur plane superfluum, & otiosum: ponendum ergo non est in Deo.

Respondemus ad I. negando minorem; nam bene intelligitur hoc liberum decretum, per hæc, quod connotat effectum, non

quidem absolute, sed conditionate futurum ex vi ipsius decreti; ut magis patebit, quando de Dei libertate differemus.

Ad II. distinguitur consequens; cognoscere ut concomitanter conditionatum, conceditur; ut formaliter conditionatum, negatur; quia, ut probavimus, non potest cognoscere ut formaliter conditionatum, nisi ex vi antecedentis decreti conditionati de ipsius effectu.

Ad III. negatur antecedens; nam hujusmodi decreta deserviunt ad multos fines divinæ providentiæ, quavis nobis ignotos; & ita de facto sæpe Deus facit hujusmodi decreta. Constat ex illis Regum 4. cap. 13. jam dicto. Item ex illo Psalm. 80. 14. & 15. *Israel si in visis meis ambulasset, pro nihilo forsitan inimicos eorum humiliasset, & super tribulantes eos misisset manum meam.* Jeremiam 15. 19. *Si converteris, convertam te.* Isaiæ 45. 22. *Convertimini ad me, & salvi eritis omnes fines terræ; quia ego Deus, & non est alius.* Quæ conditionatæ promissiones infallibiles, fundatæ in conditionato Dei decreto, factæ sunt omnibus hominibus; quum tamen neque omnes essent convertendi, neque omnes salvandi. Unde colligimus, hujusmodi futura conditionata disparata, procedentia, ut formaliter conditionata, ex antecedenti Dei decreto, posse a Deo arguitive, seu abstractive, cognosci in vi decreti, tanquam in medio priusognito. Nam quum Dei decretum sit omnino infallibile, atque adeo habens infallibilem connexionem cum re decreta; consequenter Deus videns suum decretum, potest per ipsum, tanquam per medium cognitum infallibiliter deducere, & arguitive cognoscere rem decretam, scilicet ipsam futuram conditionem.

DISSERTATIO LXXXIV.

*De Erroribus contra Scientiam Dei circa objecta
contingentia conditionata libera.*



UTURA conditionata libera; vel a Deo nullatenus cognosci delirant quidam, vel alii senserunt, cognosci quidem a Deo, at non certo, & infallibiliter, sed tantum probabili-

liter, & per conjecturas, Utrunque dici-

mus fuisse errorem contra infinitam, & perfectissimam Dei scientiam, qua omnia divinus intellectus, & modis omnibus, cognoscit; ita ut nulla sit possibilis interrogatio de quacunque re futura, quæ fieri possit Deo, & de qua Deus respondere non valeat; dicens nimirum, se nescire; nulla

nulla insuper excogitetur cognoscendi ratio, & quæ in Deo non supponatur, ita ut divinam mentem fugiat, & Deus fieri cogatur, se illam non percipisse; nulla, decum cognoscibilitas in rebus habeatur, quæ Deum lateat, unde Deus, qui se ipsum perfectissime comprehendit, creaturas omnes, & singulas, non supercomprehendat.

Primo erroris hujusmodi accusatur Luterus. Testatur P. Boucat disert. 3. de medio, in quo cognoscit Deus futura libera conditionata, verbis hisce: „Luterus, & Calvinus contendunt, Deum cognoscere actus humanos quoscumque solum in decretis necessitatibus; adeoque præscientiam tollere libertatem, nec ulla esse futura contingentia conditionata.

Secundo hic idem error, qui adscribitur Lutero, tribuitur pariter ab Alphonso de Castro advers. hæres. verbo futurum contingens, Petro Abailardo, & Joanni Vviclef, atque etiam Lutero. At enim „De hac re unus est error, qui docetur, nihil contingens in rebus evenire, sed omnia, quæ sunt, necessitate absoluta fieri. Hujus hæresis auctor fuit Petrus Abailardus: Eum postea sequutus est Joannes Vviclef, dicens, potentiam Dei, & ætutalem, creationem ejusdem esse mensuram, ita ut non possit plures res creare, quâ creat, nec aliter res fieri, quam fecit. Eundem errorem tutatur nunc Luterus, dicens, omnia, quæ sunt, tam absoluta necessitate fieri, & impossibile sit aliter fieri, quam, sunt.

Tertio tribuitur Calvino; ut constat ex verbis P. Boucat, nuper relatis. Immo alii addunt, errorem hunc docuisse Calvinum in cap. 11. Matth., quod præ ceteris refert Siapletonius in idem cap. 11. Matth.

Quarto adscribitur Cornelio Jansenio, Iprensi Episcopo, in sua Concordia cap. 47.

Quinto pauci antiquiores Scholastici docuerunt, hujusmodi scientiam esse quidem in Deo, sed non certam, at solummodo conjecturalem, & probabilem. Explicat hoc ipsum P. Gabriel Filoramo in suo singulari libro de Præscientia, Prædestinatione, & Reprobatione, quest. 1. nu. 4. dicens, quod conjectura non se teneat ex modo cognoscendi, quasi Deus de illis conditionate futuris ferat judicium cum dubio de opposito; quia hoc modo potuisset esse subiecta falso divina cognitio; sed quod conjectura se teneat ex parte objecti, & rei judicatur, quatenus nimirum Deus iudicat solum de futuris conditionatis, quod

conjecturale sit, ea esse futura.

Sententiam hanc, ita ab ipso modificatam, & explicatam, tribuit idem P. Filoramo aliquibus veteribus Thomistis, scilicet Zumei, Nugnos, Ledesma, & Cabrera; quavis, ut ait, Joannes a S. Thoma p. par. qu. 14. disp. 20. ar. 1. a num. 7. eos ab hac nota omnino vindicet. Maurus tamen refert, Petrum de Medina in tomo de auxiliis disp. 2., aliosque Prædeterminantes, ab eo citatos, hujusmodi scientiam adinvisse in Deo, sed non certam, at tantum conjecturalem, & probabilem. Gonetus vero constanter defendit, Thomistas omnes, sive antiquos, sive modernos, hanc scientiam certam quidem, & non solummodo conjecturalem, in Deo agnovisse.

Subdit Cacharanus trac. 1. de Deo uno lib. 3. c. 4. num. 4. olim in hoc puncto nonnullos ex Thomistis, aut ambigue, aut obscure, mentem suam expressisse; contra quos pugnarunt plures ex Societate Theologica, qui proinde de reportata victoria gloriantur, & Thomistis exprobrant, quod in hac re per Societatis Magistros fuisse edocti; ut præ ceteris scribit de Quiros 1. par. disp. 51. sect. 2. num. 5., quem sequitur Erice disp. 7. cap. 7., & comitatur Alarcon, trac. de Scientia disp. 4. cap. 4. At contra hos omnes, ait Cacharanus, luculenter, & perspicue, ostendisse Joannem a S. Thoma loc. cit. male fuisse impostum Scholæ Thomisticæ, quod aliquando, aut omnino negaverit, aut conjecturalem solum, notitiam conditionatorum contingentium Deo concesserit. Et hoc efficere, tum referendo seriem disputationis habite de hac re curam Clementem VIII., tum examinando mentem antiquiorum Thomistarum circa eandem rem.

Sexto alii etiam pauciores de Schola Theologi putarunt, futura hæc conditionata cognosci a Deo virtuali, vel eminentiali quodam certo modo, & infallibiliter, sed non formaliter; ut explicat, & refert, cit. loc. P. Filoramo; qui subdit, sententiam hanc defendi a Navarette de Scientia Dei contro. 56. §. 2. Movetur autem ad hoc asserendum, quia ex una parte putant, Deo non posse convenire decretum actuale, & formale pro similibus futuris, suspensa conditione; ac proinde non posse a Deo cognosci formaliter in aliquo decreto; ex altera vero parte sustinent, neque posse in se ipsis cognosci: Et quia ex Scriptura habemus, quod certo a Deo cognoscantur; inferunt ipsi: ergo in aliquo decreto virtuali Dei debent cognosci; ac

Ccc

pro:

proinde concludunt: In motivo autem solum virtualiter habente esse, & consequenter virtualiter cognoscibili, quum cognoscibilitas sequatur ad esse, non possunt, nisi virtualiter cognosci.

Cæterum communis omnium Scholasticorum, tum Thomistarum, tum Scotistarum, tum Neutralium, sententia convenit in eo, ut asserant omnes, Deum certo, & formaliter cognoscere futura conditionata, quæ se vera talia sunt. Unde apud Cacheranum citatum ait Herinex disp. 6. quæst. 5. num. 30. periculosum esse in fide, non admittere in Deo certam potestiam contingentium conditionatorum; unde de hac re apud Theologos modo, nec dubitatur, nec dubitare fas est. Immo Amicus apud Platellum absolute pronunciat, propositionem hanc esse de fide.

Fraffen opinionem illam de conjecturali scientia futurorum conditionatorum liberorum tribuit cuidam quoque Societatis Theologo; unde etiam admissio, quod aliquis Thomistarum eam aliquando docuerit, non per hoc dicendum est, eam ex mente Thomistice Scholæ admisisse; sciri quia unus, aut alter ex Societate eandem amplexatus fuit, non bene dicitur, Socie-

tatis doctrinam esse.

Referimus verba Fraffen trac. 2. disp. 1. art. 1. sect. 3. quæst. 1. „Circa præsentis questionis resolutionem maxime triplicem Authorum esse sententiam: Curiei lib. 1. Controversiarum contr. 7. Cornejo hic art. 13. disp. 3. dub. 2. & Claudius Typhanus, novissimus Societatis Scriptor lib. de ordine, deque priori, & posteriori cap. 23. docent, futura contingentia conditionare non cognosci a Deo certe, sed tantum conjecturaliter. Aliam autem sententiam finxit Navaret. Controv. 56. §. 2. affirmat enim, non solum in Deo non esse scientiam conjecturalem talium conditionatorum, sed neque formalem, at tantum virtualem, & eminentialem, eo quod, inquit, nulum de talibus conditionate futuris in Deo sit decretum formale, & actuale, sed solum eminentiale, & virtuale „.

Cæteros vero Theologos, concludit, unanimi consensu docere, Deum certo, & actu huiusmodi conditionate futura cognoscere. Unde P. Boucat vocat dogma fidei doctrinam hanc; & cæteri Scholastici amplectentes eam, catholicam veritatem appellare non dubitant.

DISSERTATIO LXXXV.

De Scientia Dei circa objecta contingentia conditionata libera.

I. **P**ROBATUR ex Scripturis, Deum cognoscere objecta contingentia conditionata libera certo, & infallibiliter, I. ex 1. Reg. 23. ubi David, Ceilæ degens, consuluit Dominum, an Saul descensusurus esset ad eum impugnandum, & an Viri Ceilæ essent cum Saul tradituri? Dominus autem respondit ei, quod Saul descensusurus esset, & Viri Ceilæ essent eum tradituri. Hoc tamen postea non est factum, quia, David avertit fuga Saulis consilia, & Ceilitarum traditionem. Ergo talis revelatio Dei fuit vera tantum conditionate, scilicet de eventu non absolute, sed conditionate futuro; hoc pacto nimirum: Saul veniet, & Ceilæ tradent te, si Ceilæ permanseris, & fuga tibi non consulueris.

II. Matth. 11. 21. Christus Dominus dicebat: *Vae tibi Corozain, vae tibi Bethsaida: quia*

si in Tyro, & Sidone facta essent virtutes, quæ facta sunt in vobis, olim in cilicio, & cinere poenitentiam egissent. Verbis hisce certo, & infallibiliter enunciatur liber effectus conditionate futuri. Non enim futura erat poenitentia Tyriorum, & Sidoniorum, sed futura fuisset, si illis facta fuisset predicatio, quæ facta fuit Corozaitis, & Bethsaiditis. Deus autem illam prævidit, & certo prævidit, & certo revelavit.

III. Ex 3. Reg. 11. *Non ingrediemini ad illas; scilicet ad mulieres alienigenas; certissime enim avertent corda vestra, ut sequamini Deos earum. Quis ambigat, quod verbis huiusmodi enunciatur ex certa scientia futurum liberum conditionatum? Avertent, si ingrediemini. Quod satis exprimit verbum illud certissime avertent; unde procul fiat omnis probabilis conjectura.*

IV. Ex 1. ad Corinth. c. 2. *Si cognovissent,*

END-

nunquam Dominum gloria crucifixissent. Verbum illud *nunquam* nonne significat quodam certam scientiam, futuri liberi conditionati? ergo Deus certo, & infallibiliter cognoscit futura libera conditionata, non probabiliter tantum, & per conjecturas.

Adversarii ad hæc loca Scripturarum respondent, in iis non absolute prædicti effectum conditionis futurum, sed tantum conjecturaliter enunciari, ex vi scilicet dispositione causarum liberarum. Quia scilicet Saul erat dispositus ad David interficiendum, & Ceilicæ ad tradendum; quia Tyrii, & Sidonii erant dispositi ex visis miraculis ad poenitentiam agendam; quanvis enim Gentiles essent, erant nihilominus bene affecti erga Christum; quia corda Israelitarum erant disposita ad faciendum quicquid mulieres alienigenæ voluissent, propter amorem, quem erga illas habebant; & quia Judei erant pariter dispositi, ut illi, quem dominum, & Deum cognovissent, nullatenus insultarent.

Janfenius II. respondet, non poni absolutam prædictionem ex certa præscientia effectus conditionis futuri, sed tantum poni quandam exprobrationem juxta vulgarem loquendi modum hominum, qui ad arguendam aliorum ingratitudinem uti solent argumento a comparatis; ut e.g. si in inimicum beneficia, quæ in te contuli, contulisses, majorem ab eo gratitudinem expertus essem. Et hæc præcipue vult procedere de exprobratione a Christo facta, Tyriis, & Sidoniis.

Contra tamen argumentamur I. De certa scientia, & non de conjecturali, aut exprobratoria, exponuntur præfata loca a Sanctis Patribus, & præsertim ab Augustino lib. 2. de bono perseverantiae c. 9. & in Euchiridio c. 45. a Hieronymo in lib. de locis Hebr., in eo verbo, *tradunt te*; ab Abulensi in eodem loco q. 33., a Lyrano, & Glossa, ibidem. II. quia verba illa sunt absolute prolata: ergo absolute, & non tantum conjecturaliter vera; alioquin etiam dicere possemus, omnes similes prædictiones Sacre Scripturæ esse conjecturales, & non certas. III. quia David non petebat a Deo conjecturalem, illius evenus notitiam; hanc enim ex se etiam habebat; sed petebat notitiam certam, quam ex se habere non poterat; & hanc ei Deus dedit per revelationem ab ipso factam. IV. quia talis conjecturalis notitia non videtur Deo digna; quia indicaret, vere Deum ignorare certam veritatem illius eventus, & solummodo habere

P. A. R. I.

conjecturalem. V. quia in Deuteronomio c. 18. datur regula ad cognoscendam veram revelationem a falsa; ut scilicet si evenierit quod prædictum est, censendum veram; falsum vero, si non evenierit. Hæc autem regula bona non esset, si hujusmodi revelationes essent tantum conjecturales ex dispositione causarum liberarum; nam semper dici posset, revelationem fuisse veram conjecturaliter, & secundum præsentem dispositionem causarum liberarum; quanvis deinde non sequatur effectus revelatus ex libera mutatione ipsarum causarum. VI. quia, ut diximus, in illo loco 3. Reg. 11. verba illa, *cerebrissimè advertens*; & verba alia in epist. ad Cor. 2. *nunquam crucifixissent*, non exprimunt solam conjecturam ex dispositione causarum liberarum; neque significant ullo modo exprobrationem, aut combinationem; sed potius ostendunt eventus vere futuros, aut non futuros: ergo datur in Deo certa scientia horum liberorum contingentium conditionatorum.

Quæ adduximus sunt celebriora loca Sacrarum Scripturarum, quæ adduci solent ad probandum, in Deo esse certam, & infallibilem scientiam futurorum contingentium conditionatorum liberorum; multa alia sunt nihilominus, quæ tum ex novo, tum ex veteri testamento adduci possunt, & adducuntur; sed ea legenda relinquimus apud P. Filoramo, P. Boucat, P. Magnanum, ex nostris; ex Patribus vero Societatis Ruiz, Molina, Arriaga, aliosque.

II. Probatur ex Patribus. Augustinus est præcipuus, quem asserimus, cujus hac in re auctoritas est maxima. Is nanque discrete, & expresse asserit, Deum cognoscere evidenter hujusmodi futura conditionata libera. In Euchiridio c. 95. inquit: *In beatitudine Sanctorum erit manifestum id, quod nunc latet; cur scilicet Deus apud quosdam non fecerit miracula, quæ si fecisset, egissent illi poenitentiam.* Quibus verbis manifeste significat, scientiam horum futurorum non tantum esse in Deo, sed etiam in Beatis. Et in lib. de bono perseverantiae c. 9. ait: *Dici non potest, homines Tyri, & Sidonis, non fuisse credituros, si vidissent miracula; quum Dominus Matth. 11. aperte dixerit oppositum; scilicet si in Tyro, & Sidone, &c. Ergo ex sententia Augustini Christus aperte cognovit fidem, & poenitentiam Tyriorum conditione futuram, si vidisset miracula; & ex ejusdem sententia talem conditionatum eventum cognovit evidenter in se ipso; alio-*

Ccc 2 quin

quin etiam dici posset oppositum, si illam cognovisset tantum per conjecturam in-
causarum dispositione, ut Adversarii in-
tendunt; quia talis dispositio voluntatis
Tyriorum mutari potuisset, & sic dici po-
tuisset, quod fortasse poenitentiam non
egissent, quum tamen Augustinus asserat,
hoc dici non posse. Ita etiam lib. de cor-
reptione, & gratia cap. 8. ubi dicens, non
posse reddi ullam rationem, cur Deus
quosdam iustos priusquam alios morte
præveniat, ne gratiam amitterent; juxta
illud; *rapus est, ne malitia mutaret intel-
lectum ejus*, inquit: *Respondent Pelagiani,*
cur priusquam illi peccent non rapuit eos
Deus? An quia non potuit, vel quia eorum
mala nescivit? Nil horum, nisi perverissimum
dici potest. Quibus verbis aperte significat,
esse in Deo quandam scientiam horum
peccatorum, seu malorum, per quam, si
vellet, posset eam impedire. Hæc autem
non potest esse absoluta scientia visionis,
quum hæc non possit impedire suum ob-
jectum, scilicet absolute futurum; quod
hoc ipso, quod est absolute futurum, ex
suppositione, & necessitate consequentii,
est necessario absolute futurum; ergo lo-
quitur Augustinus de scientia conditiona-
ta horum futurorum peccatorum, & qua
Deus ea præsciens in statu conditionato,
quod scilicet futura essent, si Iustus diu-
tius viveret, potuisset impedire, ne abso-
luta futura essent, morte præveniendo ip-
sum Iustum. Et similia habet de bono per-
severantiae c. 9. dicens: *Certo poterat Deus,*
præsciens Iustos esse lapsuros, antequam id
fieret, auferre de hac vita: Ubi etiam lo-
quitur de præscientia, qua potuisset impe-
dire prædicta futura; quæ scientia, ut di-
ximus, non potest esse absoluta scientia
visionis, sed alia antecedens scientia, seu
præscientia conditionata. Et in eodem
libro c. 11. quum dixisset, Deum non om-
nibus, sed aliquibus Infantibus, qui ante
adultam ætatem moriuntur, conferre do-
num baptismi, sine ullis ipsorum meritis,
subdit deinde: *Isti quos prævidit, si apud*
eos facta essent, suis miraculis credituros,
quibus voluit subvenire, non subvenit; & ex
his, quos prævidit credituros, quibusdam
non voluit subvenire per gratiam, per quam
credere. Quibus verbis aperte docet,
Deum prævidere, quod Adulti, qui abso-
lute non sunt crediuri, credituri essent,
si viderent miracula, & si iis subveniret
Deus per gratiam. Denique lib. 1. ad Sim-
plicianum c. 2. loquens de illis, qui quan-
vis vocentur, non consentiunt Deo vo-

canti, ait: *Si vellet Deus eorum misereri,*
posset ita vocare, quomodo illi apertum est,
quod moverentur, & intelligerent. Et insi-
sius inquit: *Cujus miseretur, eum si vocat,*
quemodo scit ei congruere, ut vocatum non
respuat. Quibus verbis expresse etiam do-
cet, dari in Deo apertam, hoc est certam,
& non tantum conjecturalem, scientiam
consensus conditionate futuri.

Patres alii expressissime quoque scientiam
hanc in Deo agnoscunt: Nyssenus nimi-
rum in libro de iis, qui præmature mori-
untur, seu in Oratione de Infantibus, qui
acerba morte ex hac vita subtrahuntur, ait:
Divina esse providentia, eisque perfecta,
non solum contractos sanare morbos, sed
etiam, ne omnia quispum in illicitis verter-
etur, prospicere. Et rationem sui dicti red-
dens, subdit: *Est enim consentaneum, ab*
illo, qui peraque futurum novit, ac præteri-
tum, prohiberi parvuli progressionem ad per-
fectam ætatem; ne malum illud, quod præ-
sciens illa vis, & facilius cognoverit, in eo,
qui villurus esset ita, periclitari; atque ei,
qui ea voluntate, arbitria villurus fuisset,
materia nequitia vita fiat. Quibus verbis
perspicue declarat, certissime scire Deum,
quid futurum esset, si longius ætatem par-
vulus duceret. Cyrillus Alexandrinus lib. 3.
contra Julianum, laudans sententiam Por-
phyrii, qui eadem scilicet ipse, quæ docuerat
Nyssenus scribit: *Phosphyrus sic in libro ad*
Nemertium scribit: Deus autem, qui futura
novit, alias propter pietatem adhuc juvenes
et vita præcipit: alios ob detrimenta, quæ per
illos erant necessariis suis impartanda: alios
item ob ingentes, quæ futura erant, calamita-
tes. Chrysostomus lib. 1. ad Stagirium: *Idea*
e paradisi primum parentem initio statim
ejecit: quoniam banor iste tribuit illi deter-
riorem eum fecisset, si immotus, & stabilis
ille maneret violato precepto. Ergo certis-
simo prævidit Deus, quid esset facturus
mali Adam, si post peccatum suum in pa-
radiso permanisset. S. Prosper in Respon-
sione octava ad Excerpta Genuesium, ait:
Cum aliqui perirent, non dubitemus ipsorum
meritis deputari, quod pereunt; quos utique
posset Deus iuste damnare, si vellet. Et cum
aliqui liberantur, non audemus definire,
quod digni fuerint liberari; quos utique pos-
set Deus iuste damnare, si vellet. Et infra.
De Tyrillis autem, & Sidoniis quid aliud pos-
sumus dicere, quem non esse eis datum, ut
credere, quos etiam credituros fuisse, ipsi
Veritas dicit, sic talia, qualia apud non cre-
dentis facta sunt, signa viderent? Et deinde
subdit: *Non solum Tyrios, & Sidonios, sed*
etiam

etiam *Cerogain*, & *Bethsaida*, potuisse converti, & *fideles* ex infidelibus fieri, si hoc in eis Dominus voluisset operari. Veritas autem divina non cognoscitur per conjecturas, sed certo, & infallibiliter. Gregorius Magnus lib. 33. moralium cap. 17. *Quia mira potentia providet, quod si quieti, ac liberi in tranquillitate perseverantes, tentationes ferre adversarii non valentes, mentis prostrati vulneribus jacerent.* Si autem hæc prævisio esset dubia, probabilis, & ex conjectura, non esset digna summa Dei potentia; ut Gregorius ait.

III. probatur Rationibus. I. Quodvis scibile debet a Deo sciri; sed scibilia sunt futura conditionata libera: ergo debent a Deo sciri. Probatur minor. Scibilia fundatur supra veritatem, veritas est passio entis; sed futura conditionata sunt futura entia, licet sub conditione: ergo sunt vere scibilia. Neque dicantur: sunt entia sub conditione: ergo scibilia sub conditione: ergo vera sub conditione; adeoque quum non sint entia, neque erunt entia, licet essent entia: ergo etiam essent vera: ergo etiam essent scibilia. Ne dicant hoc; aperta est enim fallacia in hoc dicendi modo: Vere namque futurum conditionatum est ens futurum sub conditione; licet esset existens, non futurum, si conditio verificaretur. Unde quum modo vere sint futura, licet conditionata, etiam modo sunt entia, licet sub conditione; non conditione cadente supra ens, quod sit futurum conditionatum, sed cadente supra ens, quod sit existens. Futurum enim conditionatum est absolute futurum conditionatum, licet res, quæ dicitur futura, sit conditionate futura.

II. Ita est Deo inconveniens ad ea, de quibus interrogatur, respondere; dubito; ac est improprium respondere; nescio; Sed secundum sequitur, si Deus nullo modo futura conditionata cognoscit; primum vero, si ea non certo, sed tantum probabiliter, & conjecturaliter scire: ergo non minus Deo repugnat hæc futura nescire, quam non certo, sed fallibiliter scire. Major liquet; dubitare namque non minus infinitæ sapientiæ repugnat, quam nescire: ergo debet ea Deus cognoscere non minus, quam certo, & infallibiliter cognoscere.

III. Futura conditionata libera ab æterno habent determinatam veritatem objectivam: ergo ab æterno a Deo cognoscuntur perfectissimo cognoscente. Consequentia sequitur; antecedens probatur. Nam hæc

propositio; Si Paulus vocaretur, aut consentiret, aut non consentiret: Vel si vocetur, aut consentiret, aut non consentiret; non potest vera esse determinate secundum utramque partem disjunctionis, quum contradictoria non possint esse simul vera, nec simul falsa: ergo necessario secundum unam partem est determinate vera, & secundum aliam est determinate falsa: ergo secundum eam partem, quæ determinate vera est veritate formali, respondet ei determinate veritas objectiva; quæ proinde determinate cognoscitur a Deo perfectissimo cognoscente.

IV. Hæc scientia conditionata maxime pertinet ad complendam divinam Providentiam, ut scilicet suaver, & efficaciter disponat omnia, quæ certe præstare non posset, nisi per hanc scientiam certo cognosceret, quid in quavis circumstantia, & conditione posita libera voluntas creata factura esset: ut nimirum hæc ratione possit congrua media adhibere ad ipsum creatam voluntatem alliciendam. Unde etiam homines, qui non habent hanc determinatam scientiam, consulunt, & deliberant de mediis aptioribus ad fines intentos obtinendos: ergo Deus, qui in sui dispositione non fallitur, & omnino infallibiliter procedit, alioquin non haberet infallibilem, & perfectissimam providentiam, debet consequenter certo cognoscere, quid in quolibet medio, seu conditione, posita, futurum esset.

Arguunt Adversarii I. Sacra Scriptura sæpe sæpius in hujusmodi conditionatis prædictiuntibus adhibet particulam forte, vel forsitan, quæ est nota dubitationis, atque formidinis; ut Matth. 24. *Si in Sodimis facta fuissent virtutes, quæ facta sunt in te, forte mansissent.* Item Ezechiel. 2. Jerem. 26. & alibi. Ergo signum est, in Deo non dari certam, sed tantum conjecturalem scientiam horum futurorum. II. In illa propositione, si Paulus vocetur, aut consentiret, aut non consentiret, neutra est determinate vera, sed tantum vera tota propositio, quatenus utraque pars est vera sub disjunctione, quæ scilicet, aut erit, aut non erit; sicut in hac alia propositione: Ad videndum requiritur, aut oculus dexter, aut sinister, de neutro oculo determinate verificatur, quod requiritur, sed tantum sub disjunctione verificatur de utroque. III. Propositio de futuro libero conditionata non est simplex propositio, sed est illativa consequentia, quum significet illationem unius ex alio; ergo si consequentia non

est certa, neque erit certa ipsa propositio; sed in huiusmodi propositione consequentia non est certa, hoc ipso, quod futurus eventus colligitur ex antecedenti causa, seu condicione indifferenti, & non determinata: ergo neque ipsa propositio est certa, atque adeo neque est certo cognoscibilis a Deo. IV. Futura contingentia, absoluta cognosci tantum possunt in seipsis, & ut presentia eternitati, sed futura conditionata, quæ nunquam erunt, nullum habent esse in seipsis, atque adeo nullam presentiam in eternitate: ergo nullo modo cognosci possunt. V. Semi-Pelagiani fuerunt primi inventores scientiæ conditionatæ, eaque usi sunt ad conciliandam libertatem cum Gratia. Augustinus vero lib. 1. Prædestinatione Sanctorum c. 13., & Prosper in Epistola ad Augustinum, quam præmittit libris illis, hanc scientiam rejecerunt, ex eo quia Deus præscivisset ut futura, quæ nunquam sunt futura. VI. Ut Scientia conditionata esset vera, & infallibilis, deberet videre necessariam, & infallibilem connexionem conditionis cum conditionato; sed cognitio, qua Deus videt, e.g. quod si Judas vocatus fuisset ad poenitentiam tali vocatione, poenitentiam egisset, videt solum contingentem, & fallibilem connexionem vocationis, quæ est conditio, cum poenitentia, quæ est objectum conditionatum: ergo non est certa, sed solum conjecturalis. VII. Ad habendam scientiam conditionatam ita Deus est indifferens, ut neque a seipso, neque ab alio possit determinari: ergo implicat, ut in Deo reperitur. VIII. Repugnat Deum simul cognoscere aliquid ut conditionate, & ut absolute, futurum; sed Deus ab æterno simul cognovisset S. Petrum absolute vocandum, & convertendum, & quod si vocaretur, converteretur: ergo, &c.

Respondemus ad I. negando consequentiam; nam illud forte adjungitur a Vulgato Interprete, non ad significandam aliquam ambiguitatem in divina scientia; sed aut ad significandam libertatem, & contingentiam, qua res fieret, si conditio poneretur; ut explicant S. Hieronymus, & Theodoretus in illis locis, & Eusebius lib. 6. de præparat. evang. c. 9., aut ad significandam difficultatem, qua huiusmodi eventus a nobis cognosci possunt; ut explicat Ambrosius lib. 2. de Poenitentia c. 1. Chrysostomus homil. 8. in Matth., & Greg. hom. 9. in Matth. Quibus adde & fortius, quod in græco textu per particulam *forte*,

quam posuit Vulgatus Interpres, habetur græca particula *en*; ut inter cæteros expendit Maldonatus in hunc locum Matthæi, qui asserit, esse potius notam affirmantis, quam dubitantis; unde idem fit, ac utique.

Ad II. negatur paritas; & illarum duarum, propositionum apertissima disparitas assignatur. Etenim prima propositio; Paulus vocatus aut consentiet, aut non consentiet; supponit determinare; Secunda vero; ad videndum requiritur aut dexter, aut sinister oculus; supponit confuse: ergo quanvis in secunda neutra pars prædicati determinate verificetur, sed tantum utraque sit vera sub distinctione, adhuc tamen in prima debet necessario altera, pars prædicati determinate verificari, seu esse vera, & altera determinate falsa. Consequens est certum; quia, ut ex Philosophia Ratiocinti supponimus fecundum omnes, hoc est discrimen inter determinatam, & confusam suppositionem. Antecedens probatur. Prima propositio; Paulus si vocetur aut consentiet, aut non consentiet, æquivaleret huic; Paulus vocatus aliquid ex his duobus faciet, aut consentiet, aut non consentiet. Non potest autem hæc propositio tota, Paulus aliquid ex his duobus faciet, esse determinate vera, nisi de aliquo ex duobus determinate verificetur, quod hoc faciet. Sicut similis propositio; aliquis discipulus scribit; non potest esse determinate vera, nisi de certo discipulo verificetur, quod hic scribat; & inde est, quod prima illa propositio supponit determinare. Secunda vero; ad videndum requiritur aliquis oculus, aut dexter, aut sinister, supponit confuse, hoc ipso quod de nullo determinato debet verificari, quod requiratur ad videndum, sed satis est, quod de oculis disjunctive verificetur, quod requiratur, aut hic, aut ille.

Ad III. distinguitur major subsumpta; in propositione de futuro libero conditionato illario, seu consequentia, explicata, per particulam *si*, non est certa, antecedenter, conceditur; ex causa enim indifferenti non potest certo inferri eventus conditione antecedenti; non est certa, consequenter, negatur; nam posito quod ex causa indifferenti esset sequuturus effectus, certo, ac necessario certitudine, ac necessitate consequenti esset sequuturus. Quare negatur ultima consequentia; quia talia futura sunt certo cognoscibilia, ac actu cognita a Deo secundum hanc certitudinem objectivam consequentem, quam habent

habent in se, & in æternitate. Unde cum dicunt Dialectici, omnem propositionem conditionatam esse veram, & necessariam secundum necessitatem consequentiæ, explicandi sunt, quod loquantur de necessitate consequentiæ non tantum antecedentis, sed aut antecedentis, aut consequentis.

Ad IV. negatur minor, futura enim conditionata, quanvis nullum habeant absolutum esse, & absolutam præsentiam in æternitate, habent tamen in seipsis esse futurum conditionate, & secundum hoc habent suam veritatem objectivam respondente toti æternitati, secundum quam veritatem cognoscit possunt, & de facto a Deo cognoscuntur.

Ad V. dicimus, Semi-Pelagianos fuisse quidem primos inventores scientiæ conditionatæ, quia Deus conditionate videat actus faciendos ex viribus naturæ, qui actus absolute mereantur primam gratiam: Catholicos vero inventores fuisse scientiæ conditionatæ, quia Deus videat actus faciendos ex viribus gratiæ, ac non merentes primam gratiam, sed causandos a gratia, danda sine ullo merito. Illam negarunt Augustinus, Prosper, alique Patres. Hanc vero admittunt. Si quidem Semi-Pelagiani dicebant, primam gratiam dari ex meritis, ne alioquin, si Deus sine ullo merito uni daret gratiam primam, & alteri negaret, esset acceptator personarum. Augustinus, Prosper, alique, exitum Infantium opposuerunt; ex quibus unus moritur post acceptum baptismum, & salvatur, quia accepit primam gratiam sine ullo suo merito; alter sine baptismo decedit, & damnatur sine ullo proprio demerito, non habens primam gratiam; & tamen Deus non per hoc dicitur, aut dici potest, acceptator personarum: ergo idem dicendum est de Adultis. Semi-Pelagiani, ut Augustini argumentum evaderent, primo errori alium errorem addiderunt, & dixerunt: Ideo Infancem illum recepisse baptismum, antequam moreretur, & habuisse proinde primam gratiam, & consequutum fuisse, per consequens vitam æternam; quia prævidit Deus, quod si ipse vixisset, bene vixisset; adeoque in premium suorum bonorum operum conditionate futurorum, fuisse baptizatum, & salvum. Non sic vero Infans alius, qui sine baptismo mortuus, damnatus est; quia Deus prævidit, quod si vixisset, male vixisset; adeoque in penam suorum malorum operum conditionate futurorum fuisse mortuum sine baptismo, sine gratia, & sine gloria. Con-

tra illos Augustinus, alique Catholici, surrexerunt, & fortiter arguentes, dixerunt; quod si hoc esset, Deus absolute præmio coronaret merita, quæ non sunt merita, & supplicio afficeret demerita, quæ non sunt demerita. Actus enim, qui non sunt futuri, sed essent, non sunt meritorij, nec demeritorij, sed essent, si ponerentur. Adhærentes, quod aliter Deus præficeret futura, quæ non sunt futura; illa tamen sola merita coronat, & illa sola demerita punit, quæ præfuit esse absolute futura; sed coronat, & punit hæc, quæ non sunt absolute futura: ergo scire futura, quæ non sunt futura. Cæterum admittit S. Augustinus, Deum, præficeret ut conditionate futura, quæ non sunt absolute futura; sed negat, ex illorum præsentia regulari ad inferendum præmia, vel supplicia, quod Semi-Pelagiani errando dicebant.

Ad VI. distinguitur major; ut scientia conditionata esset certa, & infallibilis, infallibilitate fundata in ipsa natura conditionis, deberet videre necessariam, & infallibilem connexionem conditionis cum conditionato; conceditur; ut esset certa, & infallibilis, infallibilitate fundata non in natura conditionis, sed in aliquo alio; negatur; conceditur minor, & negatur consequentia. Infallibilitas scientiæ conditionatæ non fundatur in natura conditionis, sed in aliquo alio; ut in sequenti Dissertatione videbitur.

Ad VII. dicitur pariter, determinativum divini intellectus ad cognoscendum certo, & infallibiliter conditionata contingentia libera, in sequenti Dissertatione asserendum.

Ad VIII. distinguitur major; repugnat, ut intellectus habeat simul cognitionem conditionatam, & absolutam, ita ut cognitio conditionata ordine saltem virtuali nature præcedat electionem; cognitio absoluta, sequatur electionem; negatur major: Alio pacto; transeat. Distinguitur eodem modo minor, & negatur consequentia. Quando quis homo peccat, habet cognitionem conditionatam, qua cognoscit, quod si fecerit talem actionem, male faciet, & peccabit; & simul habet cognitionem absolutam, quod facit talem actionem, & male facit, & peccat. Neque hoc est absurdum; quia cognitio conditionata præcedit electionem, cognitio absoluta sequitur electionem: ergo ut Deus operetur ex perfecta providentia, ante electionem debet habere cognitionem conditionatam, post electionem debet habere cognitionem absolutam.

DIS.

DISSERTATIO LXXXVI.

*De modo, quo Deus cognoscit Futura contingentia
conditionata libera; & de Scientia,
qua eadem præscit.*



Nisi, quæ in præterita diximus, Theologi omnes de Schola, utpote fide orthodoxi, & religione catholici, absque discretione conveniunt; quod autem inter ipsos, salva fide, & illæsa religione, controversatur, est tantum de modo, quo Deus futura contingentia conditionata libera cognoscit; & de Scientia, qua eadem præscit. Nos mentem nostram hic de utroque aperientes, in aperto itidem ponemus rationes, quas ineunt Adversarii, ut utrunque, pro propria cujuslibet scholæ sententia, exponant, expliceant, atque defendant.

Dicimus ergo, ad esse futuri libri conditionati, atque adeo ad Dei scientiam de ipso, prærequirit divinum decretum de concurrendo cum causâ libera universalis concursu, si ponatur conditio antecedens; non vero prærequirit ullum peculiare decretum Dei de ipso futuro; sique hujusmodi scientiam antecedere omne peculiare decretum de ipso futuro; & hanc Scientiam non esse visionis, non esse simplicis intelligentiæ, sed esse Mediam inter utranque, quanvis magis ad scientiam simplicis intelligentiæ accedat, quam ad scientiam visionis. Tres habet partes Conclusio, & secundum quamlibet est probanda.

Pro prima parte est communis assertio. Ex dictis enim constat, quod hujusmodi futurum liberum conditionatum sciri non potest a Deo, nisi vere conditionate futurum sit; sed nullo modo sic esse potest, nisi Deus per suum decretum paratus sit concurrere universalis concursu cum causâ libera, si ponatur conditio antecedens; ergo nullo modo sciri potest, nisi præsupponatur hoc divinum decretum, per quod Deus concurrere sit paratus. Porro decretum hoc, ut supra diximus, potest esse conditionatum, aut ex parte actus, si Deus dicat: Vellem concurrere cum causâ liberâ, si poneretur conditio; aut tantum ex parte objecti, si Deus dicat: Volo concurrere cum causâ libera, si ponatur conditio.

Pro secunda veto parte assertio est contra-

Thomistas, Scotistas, Ægydianos, Gandavenses, Baconistas, aliosque; est tamen communis inter Partes Societatis, qui gloriantur Molinam, ex ipsis unum, hujusmodi sententiam, & scientiam, vel primo invenisse, vel potius restaurasse, vel quod verosimilius est, in meliorem usum revocasse; quem ceteri deinde sequuti sunt Suarez, Vasquez, Valentia, Fonseca, Bellarminus, alique innumeri. Ex nostris P. Joannes Durandus in *Dialecticorum* lib. 2. cap. 8. tit. aliqua argumenta, & alius sequentibus; P. Marinus Meisennus in cap. 1. *Genes. vers. 1. art. 5. object. 10 in fin.*, & object. 17. P. Claudius Rangonius in lib. 1. *Reg. cap. 13. vers. 14. tit. quomodo intelligendus sit*, & aliis; P. Emmanuel Magnanus, P. Gabriel Filoramo, P. Joannes Saguens, P. Antonius Ursula, alique in Editis; in M.S. vero omnes Professores primæ Ordinis Provinciæ, quæ est illa S. F. Francisci de Paula, quæ ut est in regulari Observantia, ita in scientiarum plenitudine, floruitissimæ; & ex aliis Italici Provinciæ, præsertim Melsanensi, Neapolitana, Apulensi, immo ex Galliæ Provinciis quoque, non pauci, in Cathedris eam docuerunt, & docent, & in libris pariter professi sunt, ac proficiunt.

Ut autem certa ab incertis segregentur, scire opus est, Thomistas dicere, Deum cognoscere conditionata contingentia per scientiam visionis in suis decretis absolute existentibus, per quæ vult conditionate, ut si liberum arbitrium constitueretur in hoc, vel illo actu primo proximo, physice prædeterminaretur ad faciendos certos actus. Scotistæ veto docent, Deum videre hæc in suis decretis conditionatis, quibus vult, ut si liberum arbitrium constitueretur in hoc, vel illo actu primo proximo, determinaretur ad certos actus, non quidem per physicam prædeterminationem libero arbitrio intrinsecam, quam ponunt Thomistæ, sed per decretum extrinsecum divinum omnino antecedens, & immedicabile, quemadmodum de futuris absolutis diximus. Unde secundum explicationes hæc patet, decretum, quod volunt Thomistæ,

sim, esse absolutum ex parte actus, conditionatum ex parte objecti; decretum, quod volumus Sconistæ, esse conditionatum tum ex parte actus, tum ex parte objecti; Omnes tamen isti ponunt decretum antecedentia, & impedibile, cui nihilominus Thomistæ adjungunt suam physicam prædeterminationem, quam Sconistæ negant. Nos vero asserimus, Deum antecedenter ad hæc decreta futura contingentia conditionata libera cognoscere, quemadmodum diximus de futuris etiam absolutis; cum hac tamen differentia, quod scientia, per quam cognoscuntur futura absoluta, est scientia visionis; scientia vero, per quam cognoscuntur futura conditionata, est scientia media.

I. Probatur Assensum ex Scripturis Ex Matth.

11. Superius adducto, *Va tibi Corozain, va tibi Bethsaida &c.* Non enim ibi Corozaitæ exprobantur absolute, quod poenitentiam non egerint factis signis; sed exprobantur comparative, & antepositione Tyrriorum, & Sidoniorum, eo quod egissent hi in cinere, & cilicio poenitentiam, si apud eos facta fuissent miracula, quæ apud illos fuerunt facta; sed suppositis decretis hujusmodi antecedentibus, & inevitabilibus male, & injuste Corozaitæ exprobantur; ergo &c. Probatur minor. Si enim ad opera prærequiruntur similia decreta, infallibiliter connexa ex secum eo, ad quod determinant infallibiliter, sequitur, quod si ab initio vitæ ad finem usque iisdem decretis, & aliis auxiliis præmunisset Deus Corozaitas, sicut Tyrrios, & Sidonios præmunierat, isti in nihilo potuissent illos anecellere; & contra, si præmunisset Tyrrios, & Sidonios, sicut præmunivit Corozaitas, & Corozaitas, sicut Tyrrios, illi præcessissent istos, & non e contra; ergo stantibus decretis hisce, non est in quo alii aliis ex hominibus ratione sui postponi possint; & comparative ad illos exprobari: Et si exprobantur, injuste exprobantur; quum possint respondere. Exprobanibus illos, non esse ipsorum defectum, sed Dei potius, qui decreta illa, pro ipsis non fecit, quemadmodum pro aliis fecit; quod dicendum omnino non est.

Nec juvat cum Gonetio dicere, fuisse Corozaitas exprobratos, & quia paræ Sidoniis fuerunt in auxiliis sufficientibus, quæ tantum dantur ad posse; & quia plura gratiæ efficacis, quæ dantur ad agere, impedimenta pararunt, ratione majoris in-durætionis, ingratiitudinis &c. Nun juvat

P.A.R.I.

fane; etenim sine decreta illa, & sine physica prædeterminatione, quid facturi erant cum solis auxiliis sufficientibus? Nihil sane, si ipsius Gonetii sententiæ stemus. Impedimenta autem, quæ præstiterunt, nullum potuerunt impedire consensum, ad quem ipsorum voluntates non fuerunt prædeterminatæ. Plura ex Scripturis fuso calamo prosequitur. P. Filoramo; sed omnia hoc prorsus sumo, quo præsens testimonium urdinavimus, possunt pariter dirigi, & ordinari.

II. Probatur ex Patribus. Augustinus lib. 2. de Genesi ad litteram c. 19., qui interrogantibus Manichæis, quare fecit Deus hominem, & Luciferum, quos peccaturos sciebat, responder his verbis: *Quia de peccante multa bona facere poterat, immo quare non faceret, quum per suum iustitiam, & providentiam multas de malitia Diaboli corrigeret?* Ex quibus sic arguit Haunoldus, Scripser Societatis, non inter mediocres, quanvis non ex insignioribus. Interrogatio Manichæorum supponebat peccatum hominis sub conditione futurum potuisse Deo esse motivum removens illum a creatione hominis; & hoc S. Augustinus non negat; sed potius assignat motivum alliciens, & præponderans; atqui si peccatum hominis sub conditione futurum acciperet hanc denominationem a decreto conditionato prædeterminandi, profecto nullo modo posset esse motivum removens Deum a productione hominis; Deus enim non ponit obstacula sibi aliquid faciendi per sua decreta conditionata, sed potius si hæc darentur, pararent viam ad decretum ulterius. Ergo supponit S. Augustinus, Deum vidisse lapsum Adami sub conditione futurum independentem ab hujusmodi decreto. Eadem habet S. Doctor lib. 2. de Nuptiis, & Concupiscentia cap. 16. lib. 11. de Genesi ad litteram c. 6. apud eundem Scripturam. Eadem quoque Hieronymus, Marcioni respondens. Marcionemque sic contra Dei providentiam arguebat: Aut scivit Deus hominem in paradiso positum prævaricaturum fore illius mandatum, aut nescivit; si scivit, non est in culpa is, qui præscientiam Dei vitare non potuit, sed ille, qui talem condidit, ut Dei non posset scientiam vitare: Si nescivit, cui præscientiam tollis, aufers divinitatem. Respondet Hieronymus lib. 3. collat. 5. adversus Pelagium: *Deus non condemnat ex prævisione, qua novit talem fore, qui sibi postea displiceat; sed tanta bonitatis est, & ineffabilis clementia, ut eligat eum, quem interim bonum,*

D d d

eternus,

servit, & scit malum futurum. Alludit ad electionem *Sabbis, & Jude.* Ceteri Patres videri possunt apud P. Filoramo, Haunoldum, Platellum, aliosque. Qui quidem positemus obicit, in omnibus fere Patribus nullam mentionem talis decreti particularis fieri; quod quidem plurimum juvasset ad revincendos Semi-Pelagianorum errores, dicendo, merita conditionata, quæ teste S. Prospero, in Epistola ad S. Augustinum, electionem Dei subiciebant, impurare gratiam actualem, gratuitum scilicet Dei decretum, illam sub conditione prædestinans. Uterius illud aperte excludunt, dum agnoscunt præscienciam divinam decretis prioræ, quæ scilicet Deus in rebus decernendis potuit dirigere, & moveri ad non decernenda quæ decrevit; e. g. ad non decernenda Diaboli creationem; de quo Augustinus cit. lib. 2. de Nuptiis, & Concupiscentia c. 16. Nec cum propterea, creare noluit, quia malum futurum esse, præcivit. Ex S. Thoma autem alii hoc ipsum probant, & præcipue P. Filoramo, & Haunoldus; ad quos Legentes remittuntur.

III. Probatur Rationibus. I. Ante hoc decretum particulare veritas conditionalium est per se intelligibilis: ergo ante hoc decretum debet a Deo intelligi. Probatur antecedens. Ponamus hanc conditionalem: Si Cajus ludet; vel blasphemabit, vel non: In qua verum est, quod Cajo unum ex his duobus debet necessario convenire. Hoc posito, sic arguimus: Facta illa hypothesi, unam ex illis duobus contradictoriis est determinate verum, alterum est determinate falsum, ante omne decretum Dei particulare; neque enim utrumque aut verum esse, aut falsum: ergo unum ex illis erit determinate scibile. Antecedens probatur paritate futuri contingentis absoluti, non enim est dispar ratio.

At I. dicunt, propositiones omnes conditionatas de futuro contingenti esse falsas; eo quia sunt propositiones illativæ, & propositiones hujusmodi veræ non sunt, nisi bona sit illarum illatio; propositiones vero, de quibus loquimur, bonam non habent illationem, quatenus eam non habent necessariam. II. propositiones conditionatas de futuro contingentis neque esse veras, neque falsas, sunt enim de subiecto non supponente, seu non supposito; & de eo, quod non est, nequit affirmari, quod taliter sit, aut non sit.

Sed contra primum addimus, propositiones illas non proponi a Deo in sensu illativo, sed nude; hoc est simpliciter ab ipso intelligitur ipsa res, prout de facto in se esset

sub tali conditione, seu hypothesi; sed in illa hypothesi res aut esset, aut non esset: ergo propositio id enuncians est determinata, & determinatæ etiam est vera, vel non. Contra Secundum pariter subdimus, subiectum, licet non sit, neque erit, esset tamen; adeoque universaliter propositiones illæ non essent de subiecto non supponente, seu non supposito.

II. Decretum Dei est infallibile metaphysice, & essentialiter; inaur posito Dei decreto, metaphysice repugnet, non poni rem decretam: ergo si tale decretum prærequiratur, atque adeo præsupponatur ad esse, & ad scientiam conditionati liberi, jam ipsum futurum conditionalium non erit liberum, sed absolute, & metaphysice necessarium; quociescunque enim ponitur antecedenter ad liberum actum voluntatis quid per se necessitas voluntatem, sive hoc necessitas sit aliquid intrinsecum voluntati, ut esset gratia prædeterminans, sive aliquid extrinsecum, ut esset Dei decretum, semper tollitur libertas ipsius voluntatis; hoc ipso namque, quod voluntas, ut componit cum tali antecedenti necessitate, non est amplius indifferens ad utrumlibet, in quo sita est ratio, & essentia libertatis.

At pariter dicunt Adversarii; creatam libertatem bene coherere cum tali decreto antecedenti de ipso actu futuro; quia quanvis talis actus posito decreto sit infallibiliter futurus, adhuc tamen non est inevitabiliter futurus; quia, inquirunt, voluntas creata, etiam ut componit, seu ut substat divino decreto, est intrinsece indifferens, & potens ad utrumlibet, quanvis sit infallibiliter productura actum; atque adeo subdunt, tale decretum non necessitare, neque tollere libertatem a voluntate, quia habet potestatem resistendi, si velit, etiam in sensu compositum cum decreto, quanvis infallibiliter non sit resitura.

Contra nihilominus arguamur. Hæc responsio est omnino inintelligibilis, ut susus videbitur quando de divina Gratia differemus. Nunc autem breviter dicimus, quod si voluntas, etiam cum divino decreto de consensu, potest non consentire, & resistere dicto decreto, jam posito decreto posset simpliciter non poni consensus, quanvis infallibiliter sit ponendus; ergo decretum de consensu non esset essentialiter, & metaphysice infallibile. Si enim potest voluntas, etiam posito decreto, non consentire; ergo tale decretum potest esse irritum: ergo hoc ipso est fallibile, & non metaphysice, & essentialiter infallibile, si-

cur esse dicitur, & esse debet, omne divinum decretum: ergo consensus decretus debet non tantum infallibiliter, sed etiam inevitabiliter, & necessario poni. Præterquamquod quicquid in sensu composito cum alio libere contingenter, & evitabiliter ponitur, fallibiliter etiam ponitur; quum nihil aliud sit, neque aliter explicari possit, To fallibiliter poni, quam ita poni, ut antecedenter poruerit non poni: ergo dicere, quod aliquid infallibiliter antecedenter ponatur, & tamen evitabiliter, ac libere ponatur; est dicere manifestam implicantiā in adjecto.

III. Si ad scientiam actus boni conditionare futuri prærequireretur Dei decretum de ipso actu, sequeretur, etiam ad scientiam actus mali conditionare futuri prærequiri decretum de ipso actu; sed consequens est absurdum: ergo &c. Minor constat; tum quia omnino est contra divinam bonitatem; neque enim Deus esset summe bonus, si posset per suum antecedens decretum particulare prædefinire, & sic causare actum malum, sive ut malum, sive quod videt esse malum, quatenus scilicet videret cum eo actu physico esse conjunctam malitiam moralem; sicut neque homines possunt velle physicum actum, cum quo est conjuncta moralis malitia: Tum etiam, quia sicut Deus non potest suadere actum malum, ita etiam multominus potest illum per particulare decretum prædefinire, quum infallibilis sequatur actus ad Dei decretum prædefinitivum, quam ad Dei suasionem: ergo est omnino absurdum. Sequela majoris probatione non indiget; quum ratio sit pro utraque parte. Quæ Adversarii respondent ad hanc rationem alibi, de futuris absolutis agētes, attulimus, & rejecimus.

II. Secunda vero Assertionis nostræ partes; scilicet, quod hæc scientia, per quam hujusmodi futura conditionata libera cognoscuntur, neque sit scientia simplicis intelligentiæ; neque visionis, sed media inter utranque, & magis ad illam, quam ad hanc accedens, pariter probamus Rationibus; I. Quia, ut supra diximus, & omnes concedunt, scientia simplicis intelligentiæ proprie dicta est de pure possibilibus ante quodcunque actuale Dei decretum; sed hæc scientia contingentium conditionalium non est de pure possibilibus, sed de futuris sub conditione, & præsupponit aliquod actuale Dei decretum conditionale, ut diximus: ergo non est proprie scientia simplicis intelligentiæ. Neque est scientia

visionis, quia scientia visionis proprie dicta, ut omnes etiam concedunt, est de objectis simpliciter actualibus, aut presentibus, aut præteritis, aut futuris; sed contingentia conditionata non sunt simpliciter actualia, sed tantum actualia conditionate futura: ergo scientia de ipsis non est proprie visionis. Est autem Media; tum quia, ex Aristotele 5. physic. tex. 6. medium habetur, esse quodammodo extrema; quatenus debet participare aliquid de utroque extremo, inter quæ dicitur esse medium; sed hæc scientia conditionalium participat de scientia simplicis intelligentiæ, quatenus est de absolute possibili, quanvis differat ab illa, quatenus non est de pure possibili, sed supra possibilitatem respicit etiam conditionatam futuritionem; & participat de scientia visionis, quatenus est de futuro, quanvis ab eadem differat, quatenus est non de absolute, sed de conditionate tantum futuro: ergo est media inter utranque. Tum quoque, quia neutra ipsarum est proprie, & absolute participans aliquid de ipsa in ea ratione, quæ ipsi propria, & essentialis est; nam scientia simplicis intelligentiæ non respicit quod esset, sed quod potest esse; scientia visionis respicit quod erit, non quod esset: ergo non solum est media negativa, sed etiam positiva. Quod vero magis accedat ad scientiam simplicis intelligentiæ patet etiam; quia hæc scientia media habet pro objecto totum id, quod habet scientia intelligentiæ, scilicet possibile, & supra illud addit aliquid aliud, scilicet futuritionem conditionatam, quam nullo modo repræsentat scientia intelligentiæ: Contra, vero non habet pro objecto totum id, quod habet scientia visionis, scilicet absolute futurum; tollit enim To absolute, & ponit conditionate futurum: ergo magis accedit ad scientiam simplicis intelligentiæ, quam ad scientiam visionis scientia media. Eodem modo neque est absolute naturalis, neque absolute libera, sed media inter utranque, & magis ad naturalem accedens. Etenim scientia absolute naturalis est de objecto absolute necessario; absolute vero libera est de objecto absolute contingentia; sed possibile conditionate futurum, quod est objectum scientiæ mediæ, non est absolute necessarium, quanvis etiam sit absolute necessarium ut possibile, adhuc tamen ut conditionate futurum non est absolute necessarium, sed tantum conditionate contingens, & liberum, per habitudinem eorum ad liberum Dei conditionatum decretum de con-

currendo per concursum ad utrumlibet, tum ad conditionatam liberam determinationem voluntatis creatæ ad determinationem actum. Neque est absolute contingens, quum ut possibile sit absolute necessarium, & ut conditionare futurum sit non absolute, sed tantum conditionare contingens: ergo scientia media neque est absolute naturalis, neque absolute libera; participat autem de naturali, quatenus est ad possibile; & de libera, quatenus est ad conditionare liberum, & contingens. Magis tandem ad illam accedit, quia habet totum objectum, quod habet naturalis, & non habet totum objectum, quod habet libera.

- II. Probatur. Magis differt futurum conditionatum a futuro absoluto, quam futurum absolutum a mere possibili; sed ob differentiam futuri absoluti a mere possibili datur differens in Deo scientia: ergo pariter ob maiorem, vel saltem æqualem, differentiam futuri conditionati a futuro absoluto debet dari diversa scientia in Deo; hæc non potest esse nisi media: ergo ponenda est in Deo scientia media. Sola difficultas est in majori propositione, quæ sic probatur. Tota differentia futuri absoluti a pure possibili stat in eo, quod futurum absolutum addit supra mere possibile; sed futurum conditionatum demit a futuro absoluto totum id, quod futurum absolutum addit supra mere possibile: ergo saltem in hoc est æqualis differentia; atqui maiorem constituit differentiam demere, quam addere: ergo etiam in hoc magis differt futurum conditionatum a futuro absoluto, quam futurum absolutum a mere possibili. Cetera est major; quia futurum absolutum addit erit supra id, quod potest esse; & per hoc differt: Minor etiam; quia futurum conditionatum demit erit, & facit esse, quod plus est, quam potest esse, & minus est, quam erit; consequentia sequitur. Minor autem subsumpta probatur. Addere est proprium univoci, demere est proprium analogi; sed major est differentia in analogis, quam in univocis: ergo major differentia importatur per demere, quam per addere. Explicatur hoc ultimum argumentum, & per explicationem simul probatur. Animal rationale addit supra animal To rationale; & hinc est, quod animal est univocum, seu genus, respectu animalis rationalis, quod constituit speciem. Pes rabulæ demit a pede animalis quod proprie habet pro suo constitutivo in ratione pedis animalis pes; & hic est,

quod pes respectu animalis, & rabulæ, seu monitis, seu ædificii &c. est analogum. nomen. Et hæc pro majori propositione. Pro minori vero dicimus, quod universorum convenientia est in nomine, & in re, licet sit etiam in re disconvenientia; sed analogorum sola convenientia, seu similitudo, est in nomine, & tota disconvenientia in re: ergo major est differentia in analogis, quam in univocis. Consequentia est legitime illata.

- III. probatur. Ni fallimur, rota Adversariorum præoccupatio stat in hoc, quod considerent divisionem futuri in absolutum, & conditionatum, tanquam divisionem generis in suas species; & inde fortassis intendunt, quod futurum conditionatum ad futurum sic reduci debeat; sed hoc est falsum: ergo falsum quoque quod ex illa præsuppositione deducunt. Probatur minor. Divisio futuri in absolutum, & conditionatum, non est tanquam generis in species, sed tanquam analogi in analogata; sed diversissimo modo se habent analogata ad analogum, ac species univocæ ad genus univocum: ergo falsum est, quod Adversarii præsupponunt. Probatur major. Supponamus divisionem, animalis in rationale, & irrationale, & divisionem hominis in hominem verum, & in hominem pictum. Posito hoc, dicant Adversarii, cui similis est divisio futuri in absolutum, & conditionatum, primæ, an secundæ divisioni, modo a nobis factæ, & cui ex illis omnino æquiparatur? Non quidem primæ, scilicet animalis in rationale, & irrationale, quia animalis ratio tam in rationali, quam in irrationali, habetur, & super illam communem rationem alia peculiaris superadditur, nempe rationalitatis in homine, rugitivitatis in leone, hinnitivitatis in equo, latrativitatis in cane, &c. Ratio autem futuritionis tantum permanet in futuro absoluto, sed detrahatur a futuro conditionato, quod non erit, sed esset: ergo divisio futuri in absolutum, & conditionatum, non æquiparatur divisioni animalis in rationale, & irrationale. Quod si hoc est æquiparanda est potius divisioni hominis in hominem verum, & in hominem pictum. Quod si hoc conceditur, ut est vere concedendum, quis non videt, futurum conditionatum, & futurum absolutum esse vera analogata respectu analogi, quod est futurum; & per consequens, nullam dari in ipsis rationem communem, in qua conveniant, sed solum nomen, quod

quod diversissime ab utroque participatur? Non ergo scientia futuri conditionari reducenda est ad scientiam futuri absoluti, a quo demit; neque ad scientiam mere possibilem, ad quod addit; sed debet fundare peculiarem scientiam, quæ quum inter utranque intercedat, media jure merito dicenda est.

Arguunt Adversarii I. In conditionate futuris scit Deus, num purificanda sit conditio, an non; num purificabitur, an non; & quidem determinate scit: ergo si scit, quod non purificabitur, videt futurum, conditionatum ut mere possibile: ergo per scientiam simplicis intelligentiæ: Et si scit, quod purificabitur, videt ut absolute futurum: ergo per scientiam visionis. **II.** Sicut datur conditionate futurum, & absolute futurum, ita datur conditionate possibile, & absolute possibile: ergo vel danda erit quarta scientia in Deo, vel non danda erit tertia, quæ est media. Probatur antecedens. Si quis dicat: Humanus intellectus potest videre Deum, si a Deo eleveretur, erit possibile conditionate: Si vero dicat: Potest alter mundus produci; erit absolute possibile: ergo datur possibile conditionatum, & absolute possibile. **III.** Admittitur Scientia media ad conciliandam humanam libertatem cum divinæ scientiæ infallibilitate; sed ad hoc non est necessaria: ergo superflua, & inutilis. Probat minor. Antecedenter ad omne decretum quum voluntas sit indifferens, etiam posita in quibuscunque circumstantiis, non potest haberi infallibilis assensus: ergo hujusmodi scientia ante omne decretum non potest inservire ad conciliandam humanam libertatem cum infallibilitate divinæ scientiæ. **IV.** Potest fieri hæc universalis divisio, videlicet: Omnis scientia vel est ante omne decretum, vel post. Si ante: ergo simplicis intelligentiæ. Si post: ergo visionis. Frustra igitur ponitur scientia media. **V.** Ens dividitur in possibile, & existens: sic ergo Dei scientia dividenda est. Nam vel cognoscit possibile, & est simplicis intelligentiæ; vel cognoscit existens, & est visionis. **VI.** Admittere scientiam mediam est cum Semi-Pelagianis, & cum Massiliensibus coincidere; & quidem etiam in illo, quod dicebant, electionem ad gratiam esse ex prævisis meritis; quod sic probatur: Quia stando in hypothese scientiæ mediæ Deus prævidens ex duobus contradictoriis de futuro contingenti conditionato; e. g. Pius coneretur, si talis gratia ei dabitur: sub il-

lo merito, seu conversione prævisa, eligi Pium ad hanc gratiam, quem non elegerit, si non prævidisset habiturum hoc meritum: ergo electio ad gratiam, admissa scientia mediæ, esset ex prævisis meritis. **VII.** Admittitur hæc scientia mediæ, quatenus ab ipsa dependere faciunt eam propugnantes divinam Prædestinationem; sed hoc admitti non debet: ergo nec admitenda est scientia mediæ. Probat minor. Si hoc admitteretur, sequeretur, Prædestinationem pendere, ut a conditione, a bono usu liberi arbitrii, præviso a scientia conditionariæ; sed hoc non est dicendum: ergo &c. **VIII.** Ad omne futurum contingens prærequiritur ejus causa; sed potissima causa cujuslibet futuri est decretum divinæ voluntatis: ergo hoc prærequiritur ad omne futurumque adeo ad scientiam ipsius futuri. **IX.** Dei scientia de actu libero, si absolute, si conditionate futuro, est naturalis, & antecedens omne liberum Dei decretum de ipso actu: ergo talis actus non est liber, sed necessarius. Probatur consequentia. Quia objectum divinæ scientiæ antecedentis liberum Dei decretum, non est liberum, & contingens, sed necessarium, & immutabile, sicut est ipsa scientia. **X.** Si Deus non se prius determinat ad concurrendum ad hunc determinatum effectum, potius quam ad alium, sed solum se determinat ad utrumlibet: ergo ad hoc ut deinde potius concurrat determinat ad hunc, quam ad alium, id habet a determinatione creaturæ: ergo ordine inverso causa secunda determinat primam; Deus ergo erit servus, & creatura Domina.

Respondemus ad I. scire Deum conditionem non verificandam, neque verificatam; scire etiam quid fuisset, si verificata esse conditio; & scire pariter quid futurum, si verificabitur conditio; licet aliunde sciat, nec fuisse, nec futurum aliquid absolute, quia nec verificata fuit, nec verificabitur conditio. Unde in Tyriss, & Sydoniis, scit, non fuisse poenitentiam absolute, eo quia scit, in ipsis non fuisse factas virtutes, quæ apud Corozaitas fuerunt factæ. Scit nihilominus ulterius, quod fuisset poenitentia, si fuisset purificata conditio. Et quidem quod hoc sciat, naturaliter, & usuali exemplo docemus. Conseruetur enim est dicere: Si ego Rex fuisset, quid egissem? Si hoc tibi accidisset, quid fecisses? Respondemus omnes communi voce: Deus scit. Et hoc quanvis sciat Deus, hoc, quod factum non est, non fuisse factum, quia

non

non fuit posita conditio. Scit nihilominus quid factum fuisset, si conditio fuisset posita.

Ad II. dicitur, non dari possibile sub conditione, sed omne possibile; hoc ipso quod est possibile, esse absolute possibile. Quod autem dicitur possibile sub conditione, ut in exemplo allato, conditio non respicit possibilitatem, sed respicit reductionem possibilitatis ad existentiam; quæ quidem conditio in omni possibili potest verificari; atque adeo omne possibile poterit esse conditionatum; quod non est dicendum.

Ad III. dicitur, quod licet antecedenter ad omne decretum voluntas sit indifferens, in sua tamen indifferentia una ex indifferentiæ partibus debet necessario esse vera, vel falsa; & hæc est, quæ a Deo cognoscitur antecedenter ad omne decretum in seipsa. Et sic per hanc scientiam conciliatur humana libertas cum divinæ scientiæ infallibilitate; quæ non conciliaretur, si esset scientia post decretum.

Ad IV. dicimus, divisionem scientiæ faciendam esse ex divisione objecti, vel ex divisione modi rendendi ad objectum; ut satis hoc ostendimus, & amplius etiam mox dicemus.

Ad V. dicimus, existentem subdividi in actualem existentem, & in futurum; futurum deinde in absolute futurum, & in futurum conditionare. Vel subdividi existens in illud, quod pro aliqua temporis differentia actualem habebit, vel habuit, vel habet, existentiam; & in illud, quod pro nulla temporis differentia habebit, nec habuit, nec habet; licet pro aliqua haberet, vel habuisset, si conditio aut fuisset verificata, aut esset verificanda.

Ad VI. dicitur per instantiam. Semi-Pelagiani admittunt scientiam visionis, & simplicis intelligentiæ; ergo has eandem scientias non debent Catholici admittere. Hæretici recipiunt quoddam divinæ Scripturæ libros: ergo hos eosdem non debent recipere Orthodoxi. Infulse, & ineptissimæ illationes! Cæterum paulo ante diximus differentiam, quæ intercedit inter scientiam mediam, quæ a nobis admittitur, & scientiam mediam, quæ a Semi-Pelagianis admittitur; & fusius in sequenti Dissertatione dicemus. Ad illud vero, quod dicitur de Gratia; scilicet electionem ad gratiam fieri ex prævisis meritis, si scientia media daretur, distinguitur propositio; fieri ex prævisis meritis habentibus rationem causæ meritorie, hinc in Pio fun-

dantis jus ad gratiam; inde in Deo debitum dandi Pio gratiam, negatur. Ex prævisis meritis, ut præcise habentibus rationem effectus, a Deo specialiter intenti, ut per eam gratiam consequendi, conceditur.

Ad VII. dicitur, Prædestinationem quoad substantiam non pendere a scientia conditionalium; quum Deos non moveatur a tali bono usu liberi arbitrii conditionare prævisi ad prædestinandum; sed pendere a tali scientia quoad media; quia non posset Prædestinatus infallibiliter duci ad finem, nisi Deus media prævideret, quæ perducerent ad talem finem. Sed de his fusius erit sermo in proprio loco.

Ad VIII. distinguitur minor. Est decretum de ipso futuro, & negatur; quia hoc ipso tale futurum non esset antecedenter liberum, & contingens, sed plane necessarium: Est decretum conditionatum de concurrentio universalis concursu, & de danda gratia in ordine ad actus supernaturales, sive tale decretum sit conditionalium ex parte actus, sive ex parte objecti, & conceditur. Quare concedimus, hoc decretum conditionatum universale prærequiri ad scientiam futurorum, & negamus prærequiri decretum de ipso futuro.

Ad IX. negatur consequentia; ad probationem distinguitur propositio illa: Obiectum ad extra divinæ scientiæ naturalis, & antecedentis liberum Dei decretum, est necessarium antecedenter ad liberum usum voluntatis creatæ, & negatur; consequenter, & conceditur. Quia sicut posito, quod actus, aut conditionare, aut absolute sit futurus, non potest non esse futurus; ita posito, quod sit futurus, non potest divina scientia non terminari ad illum; atque adeo tale obiectum est necessarium antecedenter ad liberum Dei decretum de ipso objecto, sed consequenter ad liberum usum voluntatis creatæ.

Ad X. dicitur, Deum determinare seipsum, non vero determinari a voluntate creatæ. Quum enim Deus ab æterno decreverit: Volo concurrere cum voluntate creatæ, Cæsaris ad actum amoris, si Cæsar talem actum eliceret: Elicet Cæsar hunc actum, Deus concurret; sed non a Cæsare determinatus, bene vero a seipso; hoc est a sua voluntate antecedenti, cui non potest contraire, hoc ipso quod conditio verificatur. Et hoc patet, quod Deus non esset pedisequs creaturæ, nutibus creaturæ voluntatis non obediret, ut Adversarii nobis opponunt. Et licet Dei decretum non sit

non fiat cœquativa suorum objectorum, nisi expectato consensu, & determinatione creaturæ; tamen hoc non habent ex necessitate, vel ex jure orto ex creatura, sed ex necessitate, & jure orto ex ipsa.

suppositione decreti; quemadmodum si vult dare aliquid ut præmium, vel ut penam, non potest hoc exequi, nisi merito, vel demerito, creaturæ expectato.

DISSERTATIO LXXXVII.

De Scientia mediæ reflexa.



Omnis scientiæ mediæ reflexæ venit scientia illa, quam Deus habet de suis decretis liberis conditionatis, seu de illis actibus, quos facturum esset liberum arbitrium divinum, si aliquæ conditiones adimplerentur; Et reflexa vocatur, ad illius differentiam, quam defendimus usque modo, quæque directa dicitur, quatenus est de futuris liberis conditionatis creaturarum, seu de actibus, quos liberum arbitrium creatum produceret, si conditiones aliquæ purificarentur. Hanc cognitionem suorum decretorum, conditionariorum Deo aliqui denegarunt; alii concesserunt; sed negarunt cognitionem illam ad scientiam mediæ pertinere, nemini prius scientiam visionis respicere.

Verum, antequam proponamus quid nobis dicendum videbitur, supponere oportet, Deum prius ratione cognoscere sua libera decreta conditionata futura, quam eadem cognoscat ut absolute futura. Et ratio est, quia prius ratione cognoscit Deus, quod si Franciscus pro Paulo infirmo oraret, Paulo decerneret salutem, quam absolute cognoscat, Franciscum esse oraturum, & se Paulo infirmo absolute salutem decreturum. Nam antequam Deus ex oratione Francisci absolute decerneret Paulo salutem, verum esset dicere, quod si Franciscus oraret, Deus decerneret; ergo ante absolute decretum, & ejus cognoscibilitatem, habuit suam veritatem, & cognoscibilitatem decretum conditionate futurum; atque adeo ante fuit actu cognitum a Deo. Et hinc patet falsitas sententiæ illorum, qui putant, hujusmodi decreta conditionata a Deo cognosci in suis decretis absolute; ut præ cæteris docent Maurus, & Haunoldus. Si enim prius ratione hæc decreta conditionata sunt, quam sint decreta absolute; ergo prius etiam cognoscuntur in seipsis. Hoc supposito.

Dicimus, hæc sua decreta conditionata I. Deum cognoscere certo, non conjectu-

raliter; II. scientiam, quam de illis habet, esse perfecte mediæ; atque adeo dari scientiam mediæ reflexam in Deo actuum suorum conditionate futurorum.

I. Probatum prima Conclusionis, quæ pure scholastica est, pars. Si Deus illa non cognosceret, aut certo non cognosceret, interrogantibus eum de illis, respondere deberet, aut nescio, aut dubito; sed utrumque indignum est scientiæ illi, quæ omnia comprehendit, ac supercomprehendit ergo vere cognoscit, & certo cognoscit. II. Decreta Dei conditionate futura/ in creaturæ voluntatis non minus habent veritatem suam, quam decreta Dei conditionate futura voluntatis creaturæ; ergo si hæc a Deo cognoscuntur, & certo cognoscuntur, ita pariter illa cognosci debent. III. Non repugnat, Deum habere hæc decreta conditionata ex parte actus; videlicet: Decernerem Cajo infirmo salutem, si quis iustus pro eo oraret: ergo neque repugnare debet, Deum hæc sua decreta cognoscere ergo ex hypothese, quod Deus hæc decreta de facto habeat, de facto etiam illa cognoscit. IV. De facto Deus revelavit nobis aliqua sua decreta conditionata, ut Gen. 18. 26. ubi dixit Deus Abraham: *Dirigique Dominus ad eum: Si invenero Sodomis quinquaginta iustos in medio civitatis, dimittam omni loco propter eos: & c. l. 14. & 15. Israel si in vitiis meis ambulasset; pro nihilo forsitan inimicos eorum humiliasset: & c. 1. Reg. 13. 13. ubi Samuel dixit Sauli, qui contra Dei mandatum sacrificium obtulerat: Quod si non fecisses, jam nunc præparasset Dominus regnum tuum super Israel in sempiternum; sed nequaquam regnum tuum ultra confurget, & c.* In omnibus his locis expresse est sermo de decreto Dei nunquam absolute futuro, quod tamen fuisset, si talis conditio fuisset posita.

I. Pariter probatur secunda Conclusionis pars. Ea est scientia mediæ, quæ cognoscitur objectum coniugens conditiona-

tum

tum absque decreto prædeterminante; sed scientia, qua cognoscit Deus sua decreta libera conditionata, est scientia, qua cognoscitur objectum contingens conditio-
narum absque decreto prædeterminante: ergo est scientia perfectæ media. Minor probatur. Objectum contingens conditio-
narum est decretum, quod non est, sed esset; ut decretum creandi tot millenaria Angelorum sub conditione alterius mundi; hoc decretum cognoscitur in illa cognitione, & non in decreto prædetermi-
nante; quia decretum hoc prædetermi-
nans, non est necessarium ut decretum illud de Angelis existeret, quando existeret: ergo neque ut sit conditionate cognoscibile; existentia enim includit cognoscibi-
litate, & ab illo est independens decreti cognoscibilitas, a quo est indepen-
dens decreti existentia. II. Quia illis argu-
mentis, quibus probatur, cognosci actum liberum creati voluntatis futurum condi-
tionate per scientiam mediam, probatur etiam, cognosci actum liberum divinæ vol-
untatis conditionate futurum; & probatur; quia tale decretum est scibile in se sine imperfectione scientis; secundo, quia decretum de Angelis conditionate futuro-
rum est in se ipso objectum decreti reflexi præcedentis; tertio, quia ratio verifica-
tiva convenit æque decreto, quod esset, ac decreto, quod est nunc; quinimmo non solum per scientiam mediam a Deo cognoscuntur sua decreta conditionata ex parte actus, & objecti, sed etiam per eandem scientiam cognoscuntur decreta sua conditionata tantum ex parte objecti, & absoluta ex parte actus; quia in iis quoque relucet veritas actus inter liberam, & necessariam, quæ cognoscibilis est per scientiam mediam.

Arguunt I. ex Molina, contrariæ opinionis patrono, in sua concordia, Antuerpiæ edita ann. 1505. q. 14. ar. 13. disp. 52. §. illud hoc loco est observandum. Ad cognoscendum decreta conditionalia alicujus voluntatis, debet talis voluntas supercomprehendi; sed Deus non potest supercomprehendere suam voluntatem; ut patet. Ergo, &c. II. Quia læderetur divina libertas, si Deus ante existentiam absolutam omoi decreto prænosceret quid esset ipse electurus; quia neque ante, neque post, eligere posset oppositum; non ante, quia illa scientia præcederet omne decretum; non post, quia si Deus oppositum eligeret, sua scientia falleretur. III. Quia Deus est liber ad eam scientiam reflexam;

ergo eam habet dependenter a decreto; adeoque media non est. IV. Si Dei scientia de decreto prædestinativo Petri præcederet omne decretum, ante omne decretum esset in Deo hæc scientia; scilicet, si viderem Petrum consensurum auxilio A; si illi daretur, haberem decretum prædestinativum Petri; Rursusque, si Petrus haberet a me auxilia, consentiret: ergo ante decretum Petrus esset discretus a Reprobo; nam ex scientia conditionalis, & ex purificatione conditionis, inferitur conditionatarum; sed prima illa scientia est scientia conditionalis, & secunda est purificatio conditionis: ergo ex utraque inferitur discretio Petri a Reprobo, quod est primæ scientiæ conditionatum. V. Sequeretur, quod omne futurum videretur ante decretum; quod probatur; quia ante decretum datur scientia media, & simul reflexæ media, qua videt, quod si haberet scientiam directam crearet ea omnia objecta; sed in collectione utriusque videtur futura absoluta: ergo sequeretur, quod omne futurum, etiam absolutum, videretur ante decretum. Probat minor. In ea collectione est propositio conditionalis, & purificatio conditionis, ex qua purificata sequitur absolutum; ergo in collectione utriusque videntur futura absoluta.

Respondemus ad I. negando majorem; quia ad cognoscenda omoi conditionalia decreta uniuscujusque voluntatis, satis est cognitio infinita comprehensiva cujuscumque voluntatis, & cæterorum omnium, cognoscibilem, inter quæ sunt ipsa conditionalia decreta. Angelus vero, licet comprehendat, non tamen habet infinitam cognitionem comprehensivam, qualem absque dubio habet Deus.

Ad II. dicitur, ante potuisse Deum eligere oppositum; sed non bene ex hoc inferitur, quod electio præcederet scientiam; bene autem, quod potestas electionis, seu potestas electiva, scientiam præcedat: Unde tale decretum, supposita scientia, esset necessarium consequenter, non vero antecedenter; sicque divina libertas non læderetur.

Ad III. distinguitur antecedens; Deus est liber ad eam scientiam reflexam, hoc est liber immediate, & respectu scientiæ, negatur; mediate, & respectu objecti, conceditur antecedens, & negatur consequentia. Distinctio patet ex terminis.

Ad IV. concedimus duplicem illam scientiam, de consensu unam, de decreto alteram; & ex

& ex utraque divisive ante decretum dicimus, inferri discretionem Petri a Reprobo, non vero collective; quia collective non existit independentem ab omni decreto; collective enim connectuntur reciproce scientia, & decretum.

Ad V. negatur major. Ante decretum non dantur, simul duæ scientiæ, illæ; conne-

ctuntur enim cum decreto creandi omnia illa objecta; quum una illarum sit conditionalis, & habeat pro conditione alteram, & pro conditionato decretum. Existere autem non potest conditionalis simul cum conditione purificata, nisi existat conditionatum.

DISSERTATIO LXXXVIII.

De Voluntate, quid sit in Deo, & quomodo? De erroribus contra eandem, & de illorum Auctoribus.



Voluntas, in quocunque reperitur, dicitur, quod sit appetitus boni cum ratione. Verum quia hoc de quacunque voluntate verificatur, quærimus hic differentialem.

Illud, quod contrahat voluntatem in genere ad essentiam divinam; quodque poterit dici specificum divinæ voluntatis; non quidem notionalis, de qua hic non loquimur, sed essentialis; prout scilicet eadem omnino est in tribus divinis Personis, & a creaturarum voluntate est omnino distincta.

Multæ sunt perfectiones, quæ in voluntate Dei, ut Dei est, reperiuntur; & quæ proinde in voluntate creaturarum non sunt. Istæ autem perfectiones habere possunt rationem differentialem; quaremus possunt concipi ut contrahentes voluntatem in genere ad voluntatem divinam. Prima perfectio est ratio divinæ essentia, ut a creaturis distinctæ. Hæc autem erit vel ratio æternitatis, vel infinitatis, vel perfectissimi, vel alia; ut suo loco diximus. Secundum principia nostra est ratio perfectissimi plena, simpliciter, & in omni genere; unde constitutivum essentialis voluntatis divinæ essentialis erit hæc eadem; & ex hac perfectiones, quæ sequuntur, dimanant. Secunda perfectio est amplissima latitudo, seu infinita extensio, talis nempe, ut nullum sit bonum, quod Deus sua voluntate non respiciat, modo debito tali bono. Patet hoc primum in ipso Deo, qui, quum infinitus sit bonus, & infinitæ sit pulchritudinis, seipsum comprehendendo, opus est, ut seipsum summe amet; naturale enim est, ut rationali voluntati, ut bonitas, & pulchritudo præstitum, clare cognoscatur, ut sum-

PAR. I.

me tales, & intime præsentis, summum affectum provocent, & amorem. Patet etiam in aliis extra Deum, quæ sunt quedam divinæ bonitatis participationes, divinæ pulchritudinis vestigia. Hæc autem consonum est, ut quemadmodum a Deo in seipso amantur, ita & seipsum in illis servata proportionem amet. Amat ergo Deus omne bonum, tam in se, quam extra se. Tertia perfectio est, ut non solum sit æterna divina volitio, sed etiam a divina voluntate inseparabilis; ratio est, quia voluntas divina est infinitè perfecta, & quidem per essentiam; ergo est actus purissimus, omnem excludens potentialitatem in quocunque genere: ergo æterna, tam a parte ante, quam a parte post. Et ex hoc habetur etiam inseparabilitas divinæ volitionis a voluntate; si enim identificata sunt, nec semel ab se invicem separari possunt. Quarta perfectio est, ut volitio divina sit ab objecto independens. Ratio est, quia bonum amabile non aliter consistit ad movendum appetitum; & contra, non aliter pender ab eo actus appetitus, quam prout potentia cognoscenti speciem insundit propriæ bonitatis; ut docet P. Magnanus Philos. sac. c. 11. prop. 1. n. 4., sed divinus intellectus ab objectis intelligibilibus non recipit speciem ergo neque voluntas accipit modum ab objectis amabilibus. Quinta perfectio est, volitionem Dei ab objectis amatis non specificari, sicut neque intellectio divina specificatur ab objectis cognitis. Sexta perfectio est, ut constitutur Deus actu formaliter volens, seu nolens, non per aliquid realiter, aut per intellectum, voluntati divinæ superadditum; ita ut divina voluntas se sola, & præcisa quavis modalitate actus volendi,

Ecc

di,

di, sit sola sua formalis actualis volitio; sicut intellectus est sua formalis actualis intellectio. Ratio est, quia quanvis nobis præcipientibus, vel imperfecte concipientibus res divinas, liceat per actus nostros inadæquatos actus volendi a voluntate divina distinguere, sicut intellectum a voluntate, & utrumque ab attributis, & ab essentia; non licet tamen cum fundamento in re, eo modo, quo est in nobis, vel in Angelis, actum volitionis in Deo a voluntate distinguere.

Hic explicatis, facile erit modo videre, quomodo in Deo sit voluntas. Et quidem dicimus, voluntatem esse in Deo formaliter; quia est perfectio simpliciter simplex; quatenus cum majori perfectione comparatur, & cum æquali etiam. Et quia in Deo nulum prædicatum esse potest per modum actus primi, qui carentiam actus secundi importet; ideo divina voluntas est per modum formalis actualis volitionis. Num autem, in Deo dari possit prædicatum aliquod, veluti actus primi volitivi, sicut de actu primo intellectivo diximus, affirmative respondemus; non vero quod sit cum negatione actus secundi, sed cum præcognitione illius; ut est prædicatum substantiæ volitivæ eo modo, quo de prædicato substantiæ intellectivæ loquuti fuimus. Insuper immutabilis est divina volitio, sicuti de divina scientia diximus; & quidem hoc verum, tam de immutabilitate physica, quam de metaphysica, ac de morali. Habetur enim Numer. 23. 19. *Non est Deus quasi homo, ut mentiat, nec ut filius hominis, ut mutetur*: Et Malach. 3. 6. *Ego tuum Dominus, & non mutor*. Quod si dicatur, Deum aliquando mutari, quia modo peccatores vult pœnis, modo vult præmiis, prosequi; modo eos amore, modo odio complectitur; ex quo moralis in divina voluntate mutatio inferri videretur. Occurrimus sane dicendo, quod quando Deus vult peccatores punire, non nisi peccatores vult punire. Unde si quis peccator deinde evadat iustus, non amplius vult eum punire, quia non amplius peccator est; ac proinde pro illo statu, in quo peccator est, semper vult eum punire. Pro illo vero statu, in quo est iustus, eum punire non vult; quia non verificatur, quod Deus velit eum punire ut peccatorem, quum pec-

cator non sit. Et ideo commune est Theologorum effatum, quod Deus vult homines, aut præmio, aut pœna, vel amore, vel indignatione, prosequi, secundum præsentem iustitiam.

Ad recensendum errores contra Dei voluntatem devenientes modo, & ad investigandum illos, qui eisdem, aut primo invenerunt, aut deinde amplectari sunt; Primo dicimus fuisse Atheos, qui, quum Deum negaverint, negaverunt quoque omne divinum; & quemadmodum eisdem inter illos adnumeravimus, qui Deo intellectum negabant, adnumeramus pariter inter eos, qui Deo denegant voluntatem. At quid mirum, si Deo non concedunt, sic, vel sic esse, qui absolute Deo denegant esse?


Secundo illos omnes scribere possumus divinum voluntatis inficiatores, qui intellectum Deo pariter inficiati sunt. Si enim nihil potest voluntas prosequi, quod prius intellectus assequutus non fuerit; sequitur, illum, qui sine intellectu est, non posse cum voluntate esse; ac proinde qui Deo intellectum denegarunt, dicendum est quoque, eisdem voluntatem Deo denegasse.

Tertio Albertus magnus apud Carthusianum in 1. dist. 45. q. 1. refert, Aristotelem, Averroem, Avicennam, Porphyrium, & Teophrastum, non posuisse in Deo voluntatem. Ex Alberto, & ex Carthusiano, refert Cachernas tract. t. de Deo uno lib. 4. de volunt. c. 1. §. 1. n. 2. qui insuper addit, Auctores illos fuisse loquutos de voluntate anxie, mobili, & imperfectæ; non vero de voluntate pacata, immobili, & ab imperfectionibus omnibus depurata.

Quarto enumerantur a quibusdam Monothelitis, qui unam voluntatem in Christo agnoverunt. At immerito enumerantur; non enim negarunt voluntatem Dei in Christo, sed voluntatem hominis; & voluntatem illam unam, quam admettebant, divinam fuisse, non humanam, omnes fateantur. Non ergo negarunt Monothelitæ voluntatem Deo, sed Christo negarunt; nec pariter a Christo voluntatem increatam, & divinam abstulerunt, sed voluntatem creatam, & humanam. Non sunt proinde inter Hæreticos, quos hic recensemus, adnumerandi.

DISSERTATIO LXXXIX.

De Fide, quæ docet; & de naturali Ratione, quæ demonstrat, in Deo esse Voluntatem.

I.  RGO probatur ex Scripturis veteris paginæ: Eccli. 39. 8. *Si enim Dominus magnus voluerit. Sapient. 11. 26. Quomodo posset aliquid permanere, nisi tu voluisses?*

Psal. 113. 3. *Omnia quæcumque voluit fecit.* 1. Macab. 3. 60. *Sicut autem fuerit voluntas in celo, sic fiat.* Ex aliis Scripturis novæ paginæ Matth. 6. 10. *Fiat voluntas tua sicut in celo, & in terra.* Ad Ephes. 1. 11. *Omnia operatur secundum consilium voluntatis suæ.* Ad Roman. 9. 18. *Cujus vult miseretur, & quem vult indurat.* Item 12. 2. *Ut probetur, quæ sit voluntas Dei bonæ.* 1. Cor. 12. 11. *Dividens singulis, prout vult.* 1. Thessal. 4. 3. *Hæc est enim voluntas Dei.* Jacob. 1. 18. *Voluntarie enim genuit nos verbo veritatis.*

II. Probatur ex Conciliis. Concilia omnia; quæ contra Hæreticos Monothelitas coacta sunt, in quibus definitum fuit, duas esse in Christo voluntates, divinam unam, humanam alteram, in probationem orthodoxi dogmatis hujus adduci possunt. Et quidem adnumerantur quatuor Romæ celebrata, ut ait P. Boucat, trac. 4. de Dei voluntate disp. 1. art. 1., & imprimis Lateranense sub S. Martino Pontifice, & Martire. Addit VI. Generale, a quo dogma declaratum fuit de fide. Et postremo VII., & VIII. Generale, a quibus decreta contra Monothelitas edita confirmata sunt. Infuper Toletanum adjungit.

III. Probatur ex Patribus. Epiphanius hæret. 70. *Deus potens est, ut quod vult faciat.* Ambrosius lib. 2. Hexameron. c. 2. *Quid enim difficile est, cui velle fecisse est?* Augustinus lib. de fide contra Manichæos c. 28. *Nullam necessitatem patitur, neque necessitate facit quæ facit, sed summa ineffabili voluntate ac potestate.* Damascenus lib. de duobus Christi voluntatibus, ubi divinam naturam voluntate prædram, arbitrioque esse libero, tradit.

IV. Probatur Rationibus. I. Appetere bonum appetit non pure innato, sed elicit, non mere sensitivo, sed rationali, est perfectio simpliciter simplex: ergo datur in Deo; sed voluntas appetit bonum mu-

do dislo: ergo datur pariter in Deo. II. Deus est summe beatus; ergo est in eo voluntas. Consequentia sequitur; ad summam enim beatitudinem spectat gaudium, quod est actus voluntatis. III. Deus est adæquata ratio totius boni: ergo debet Deus velle tale bonum. Consequentia sequitur; quia aliter Deus esset ratio boni per accidens, & non ex rationabili intentione. IV. Quod est perfectissimum Agens habere debet perfectissimum modum agendi, & causandi; sed perfectior est modus operandi, & causandi per voluntatem, quam per naturam: ergo hunc modum habere debet perfectissimum Agens. Probatur minor. Modus operandi, & causandi per naturam, non est operari, & causare cum dominio suorum actuum, nec dirigere seipsum ad finem, sed dirigi ab alio, sicut sagitta a sagittario dirigitur; modus vero operandi per voluntatem sicuti est liber, & voluntarius, ita dirigit se ipsum ad finem, & est cum dominio suorum actuum; atqui hic modus perfectior est quam alter, &c. V. Quicquid causatur libere causatur: ergo prima causa libere causat: ergo per voluntatem causat. Probatur prima consequentia. Causa secunda causat in quantum a prima movetur: ergo si libere causat, libere movetur. Secunda consequentia patet; quia non est principium operandi libere, nisi voluntas. VI. Primum agens debet habere intellectum, & voluntatem. Probatur major: Primum agens debet intendere finem, & eligere, & ordinare media ad illum; sed hoc præstare nequit, nisi sit intelligens, & volens: Ergo, &c. Major patet, quia omnis natura si tendit ad finem, per directionem primi, & superioris agentis tendit. Minor probatur. Primum agens tendit ad finem vel ex impetu nature, vel ex cognitione ipsius, & amore; non ex impetu nature, quia hic est imperfectus agendi modus; ergo tendit per cognitionem, & amorem: ergo quia est intelligens, & volens.

Thomistæ addunt aliam rationem, quam vocant a priori, & qua probare intendunt,

duat, in Deo esse voluntatem, quia in Deo est intellectus; eam autem hoc modo proponunt. Omne principium intellectivum est volitivum; sed Deus est principium intellectivum; ergo Deus est principium volitivum. Minor ex iis, quæ diximus de divino intellectu, constat; major vero ab ipsis Thomistis ut certa supponitur; adeoque hanc rationem demonstrationem a priori dicunt. Verum, Vasquez, Arriaga, alique recentiores, majorem illam propositionem negant, dicentes, non implicare principium intellectivum, quod non sit volitivum; & hoc stante asserunt, non bene inferri ex intellectivitate voluntatem. Alii vero, ut salvent demonstrationem illam, dicunt, non præcise ex intellectivitate inferri voluntatem, sed ex intellectivitate Dei, seu ex intellectivitate infinita. Hoc autem a nemine negari potest; quum intellectivitas Dei, hoc ipso quod Dei est, dicat omnem perfectionem, adeoque dicat etiam perfectionem volitivi. Verum hæc explicatio non salvat rationem Thomistarum, immo potius enervat; quum non præcise ex intellectivitate oriri faciat voluntatem, sed potius ex infinitate Dei, vel ex Dei perfectissima ratione plena, simpliciter, & in omni genere; quæ sane alia via est ad probandum, in Deo voluntatem esse, ab ea, quam ineunt Thomistæ, dum probare intendunt, in Deo esse voluntatem ex eo præcise, quia in Deo est intellectivitas.

Nos autem dicimus; quod si principium intellectivum sumatur præcise, & sine alio addito, ex ipso tanquam a priori inferri non potest principium volitivum in Deo. Verum si intellectivitas sumatur ut intellectivitas perfecta, præcendendo ab eo, quod sit finita, vel infinita, Dei, vel creaturæ, perfectissima, vel non perfectissima, dicimus, stare rationem Thomistarum, & ex intellectivitate perfecta optime inferri voluntatem. Explicamus hanc intellectivitatem perfectam, dicendo, quod Recentiores illi, qui docent, posse dari intellectivum non volitivum, dicunt etiam, intellectivum illud non esse intellectivum cuiuscunque veri, sed alicujus veri determinati, & præcipue veritatum speculativarum, non autem practicarum; unde intellectivum limitant ad certa objecta, extra quæ, dicunt, ipsum non posse extendi. In hoc sensu certum est, quod talis intellectivitas est imperfecta; & ex opposito quod intellectu-

vitatis, non habens hujusmodi limitationes, est perfecta. Ex hoc autem non sequitur, quod talis intellectivitas sit perfectissima, sit infinita, sit divina; quum intellectivitas nostra limitationes illas non habeat, & tamen non est neque perfectissima, neque infinita, neque divina, quavis in suo genere sit perfecta. Hoc explicatio juxta Recentiorum illorum loquendi modum, videtur, ex intellectivitate imperfecta inferri non posse voluntatem; ex intellectivitate autem perfecta inferri. Unde intellectivitas Dei quum sit intellectivitas perfecta, & talis non sit, quia Dei est, bene sequitur in hoc sensu, probari posse, Deum esse volitivum, quia est perfecte intellectivus.

Arguunt nihilominus si qui sunt Adversarii contra principalem conclusionem I. Voluntas est appetitus boni cum ratione; sed Deo nullius boni potest esse appetitus: ergo nec voluntas. Probat minor. Deus est omne bonum: ergo Deo nullius boni potest esse appetitus. Probat consequentia. Appetitus importat carentiam rei appetitæ; sed illi, qui est omne bonum, nulla est carentia boni: ergo nulla est carentia rei appetitæ: ergo nullius boni est appetitus. II. Voluntas dicitur potentia cæca ab Aristotele 2. de anima tex. 54. Implicat autem in Deo esse potentiam, quæ sit cæca: ergo, &c. III. Voluntas movetur a fine, trahitur ab objecto, & dirigitur ab intellectu; sed Deus est primum movens, immobile, & est prima, regula, adeoque directionem non patiens: ergo in Deo non est voluntas. IV. ex Augustino lib. de lib. arb. *Voluntas est rationalis motus sensui prædens, & appetitus*; & in lib. de duabus animabus; *Voluntas est animi motus ad aliquid prosequendum, vel fugiendum*; In Deo autem non est motus, non sensus, non appetitus, non prosequutio, non fuga: ergo non est voluntas. V. In Deo non est finis: ergo neque est voluntas. Consequentia sequitur; voluntas enim movetur propriæ finem. Antecedens probatur. Si in Deo esset finis, dependeret ab illis, ad quæ moveretur tanquam ad finem; hoc non est dicendum; ergo, &c. VI. In Deo non est voluntas ad opposita: ergo non est voluntas, quæ semper est ad opposita. Probat major. Voluntas ad opposita est contingens, & variabilis; hæc non potest esse in Deo: ergo, &c. Respondemus ad I. negando quodcunque probatur, & ad ultimum argumentum distinguimus majorem: Appeti-

petitus importat carentiam rei appetitæ; appetitus desiderii, conceditur; appetitus complacentiæ, negatur. Deo quidem nullius boni est appetitus desiderii; quum talis appetitus sit ad objectum absens, & nullum bonum absit a Deo, qui est omne bonum per essentiam. Appetitus autem complacentiæ est in Deo, quatenus hic appetitus dicitur gaudium, & oblectationem objecti presentis.

Ad II. distinguitur prima propositio. Voluntas est potentia cœca, quatenus abstrahit a voluntate creata, & increata, conceditur; quatenus appellat voluntatem increatam, negatur. Non enim est de essentia voluntatis ut sic, quod sit cœca; sed est proprium solummodo creatæ voluntati, quæ non est infinita, non est a se ipsa, non est perfectissima, &c. Cæterum essentia voluntatis ut voluntatis de utraque voluntate verificatur, ut vidimus; & hoc sufficit, ut divina voluntas vera voluntas dicatur; quod autem ei non conveniat proprietas, vel passio aliqua, quæ voluntati creatæ convenit, non per hoc fit, quod non sit voluntas, sed quod non sit voluntas creata.

Ad III. distinguitur pariter maior propositio. Voluntas movetur a fine, erahitur ab objecto, & dirigetur ab intellectu; voluntas, quæ prescindit ab increata, & creata, conceditur; voluntas, quæ est increata, negatur. Hæc enim movetur analogice a fine, & dirigetur analogice ab intellectu, non vero proprie. De ratione, enim voluntatis ut sic est, ut a fine, & ab objecto formali analogice moveatur; hoc est habere volendi actum; & de ratione, ejusdem ut sic est etiam, ut habeat suam rectitudinem ab intellectu, seu ab intelligentia, & hoc est analogice dirigi. Divi-

na tamen voluntas est adæquate a se ipsa, etque finis, & objectum formale sui ipsius, & identificatur cum intelligentia; unde nullum sequitur inconveniens, si in Deo voluntas ponitur.

Ad IV. dicitur, quod Augustinus intelligi debeat de voluntate creata, non vero increata; voluntas enim increata nullis subiacet imperfectionibus. Et ita intelligi cum Fransen.

Ad V. duplex distinguitur finis a Scholasticis, finis scilicet volutus, ut dicunt, & finis volitorum. In priorem theodis agens, ad posteriorem ordinat agens ea, quæ vult. Prior finis non habet locum in Deo, quia Deus, quum sit ipse omnium finis, nullum habens finem, non recedit io aliquem finem extra seipsum. Posterior vero intenditur a Deo, quia ordinat omnes creaturas, quæ sunt objecta, quæ vult, ad se ipsum, tanquam ad finem ultimum.

Ad VI. dicitur, quod in Deo nulla est voluntas contingens, & variabilis, in actu quidem, non autem in effectu. Et est distinctio Doctoris Seraphici, quam affert Fransen; & explicatur. Nulla est contingens in actu divini voluntatis; quia, quum hic sit idem realiter cum ipsa voluntate, & substantia Dei, nullo modo variari potest, si ipsa voluntas, & substantia Dei non varietur. Invariabilis autem fuit semper, est, & erit, usque in æternum, voluntas, & substantia Dei; hinc est, quod actus divini voluntatis semper est invariabilis. Tota vero varietas, & contingens est in effectu; & ratio est, quia multa facit Deus, quæ posset non facere, & velle; & multa non facit, quæ posset facere, & velle; illa & facit contingenter, & hæc contingenter non facit.

DISSERTATIO XC.

De duplici Divinæ Voluntatis objecto, ac de multiplici ejusdem Voluntatis divisione.



SCUT summa Dei veritas est primum divini intellectus objectum, ita summa Dei bonitas est primum objectum divini voluntatis. Secundarium vero sunt alia ab ipso Deo. Deus enim secundum propriam essentiam est primum bonum, non solum

dignitate primum, & magnitudine bonitatis, & consequenter amabilitatis, verum etiam cognitionis; adeoque ipsi Deo primum ordine conjunctionis, & eo modo necessarium, quo ei necessaria sunt proprium esse, & propria vita; ut docet P. Magnus Phil. sac. c. 12. prop. 2. num. 1. Debet igitur Deus seipsum amare ut summum,

num, & in omni genere primum bonum, ante omnia reliqua bona; ante quidem, non solum tempore, sed ordine rationis, quatenus sic debet se amare, quanvis cetera non amet; ordine etiam independentis amoris, quatenus Deus independentem ab aliis objectis se amat; & tandem ordine dignitatis secundum magnitudinem appreciationis; quandoquidem, quum bonum infinitum superet valore, & precio infinite cetera alia bona, consentaneum est, subdit citatus P. Magnanus, ut ejus amor superet amorem aliorum objectorum. Vidimus usque modo, Deum, tanquam primum objectum, amare seipsum, alia vero a seipso, tanquam secundarium; videamus modo, quomodo seipsum, & alia a seipso amet? Quod præstabitur per quæstia.

Quæritur I. Quomodo Deus seipsum amat? Respondemus, Deum amare se ipsum comprehensive, & necessario. Ita P. Magnanus cit. loc. num. 2. & seqq. Prima pars responsionis probatur. In Deo non minus est virtus amandi, quam intelligendi: ergo quantum hæc, tantum & illa potest assequi; una quidem intelligendo, altera amando; sed vis intelligendi est comprehensiva: ergo & vis amandi. Dicitur autem, comprehensive seipsum amare, quatenus suam bonitatem amat, quantum ipsa est amabilis; sicuti dicimus, comprehensive seipsum intelligere, quatenus suam veritatem intelligit, quantum ipsa intelligibilis est.

Secunda responsionis pars probatur etiam.

Et quidem I. a P. Magnano. Deus nequit jure propriis suis naturæ, & a fortiori nequit ex lege rationis, carere se ipso; bono scilicet, quod ipse est: ergo fieri non potest, ut in sui cognitione se attendat ut aliquid sibi indifferens; sic enim erraret in sui cognitione, & æstimatione; quod est impossibile: ergo sicuti est, ita cognoscit, & æstimat suum intrinsecum bonum, velut quid sibi necessarium absolute: ergo necessario quoque se amat. II. Spiritus Sanctus est ens simpliciter necessarium; sed si Deus libere se amaret, Spiritus Sanctus libere, non necessario spiraretur; quatenus per amorem procedit: ergo Deus necessario se ipsum amat. III. Deus est necessario beatus: ergo debet se necessario amare. Consequentia probatur. Si non necessario se amaret, non necessario se ipso frueretur, nec necessario de sua bonitate gauderet: ergo non esset necessarii beatus. IV. Si Deus vellet

a bono suo cessare, deberet in cessatione illa bonum aliud apprehendere; sed nullum potest esse bonum aliud, quod apprehendatur: ergo non potest a bono suo cessare. Probatur minor. In actu dilectionis, quo seipsum amat, nullum potest apprehendere malum; ergo in illa cessatione, nullum aliud potest apprehendere bonum. V. Summum bonum clare cognitum trahit ad se voluntatem, nullam et relinquendo indifferentiam, neque quoad exercitium: ergo illud voluntas necessario amat. Probatur antecedens. Tunc voluntas est active libera, quando in objecto est passiva indifferens; sed in summo bono clare cognito non est objectiva indifferens: ergo voluntas nullo modo est active indifferens circa ipsum.

Arguunt I. Si Deus amaret seipsum, daretur in ipso mutua causalitas; hæc dari non potest: ergo Deus seipsum non amat. Probatur sequela. Ideo Deus amaret seipsum, quia esset sanctus; & ideo esset sanctus, quia amaret seipsum; sed hæc est mutua causalitas: ergo &c. II. Ideo voluntas non esset libera in amore summi boni, quia a summo bono necessitaretur; sed voluntas ut libera non accipit quidditatem ab objecto: ergo ratio summi boni non accipit necessitatem ab objecto.

Respondemus ad I. distinguendo primam partem majoris ultimi argumenti: Ideo Deus amaret seipsum, quia esset sanctus, objective, conceditur; formaliter, negatur. Pariter & secundam partem: Ideo esset sanctus, quia amaret seipsum, ideo esset sanctus formaliter, conceditur; ideo esset sanctus objective, negatur. Sicque mutua causalitas non est, quum diversæ sint rationes, & formalitates. Nec dicant, sanctitatem Dei formaliter acceptam esse eandem, ac objective sumptam: Non dicant quidem, quia quanvis concedatur, esse eandem realiter, formaliter vero sic esse, negatur.

Ad II. distinguimus majorem: Ideo voluntas non esset libera in exercitio amoris deo summo bono, quia necessitaretur &c. conceditur; non esset libera in entitate, radicaliter, & in actu primo, negatur major. Sic pariter distinguitur minor: Voluntas ut libera in actu primo non accipit quidditatem ab objecto, conceditur; voluntas ut libera in operando, & in actu secundo, negatur minor, & consequentia.

Quæritur II. Quomodo Deus amet alia a se? Respondemus, amare secundario, & veluti per extensionem dilectionis suæ, & insu-

per

pet libere. Et probatur I. quod amet, tum ex Scripturis, tum ex ratione. Ex Scripturis quidem quia Joan. 3. 16. *Sic enim Deus dilexit mundum, ut filium suum unigenitum daret: Et Sapient. 11. 25. Diligit enim omnia, quæ sunt, & nihil odisti eorum, quæ fecisti.* Ratione etiam; quia in aliis a Deo ratio bonitatis Dei adinvenitur, quum sint ipsius participationes: ergo & amabilitatis. II. probatur, quod Deus eadem secundo amet, & veluti per extensionem dilectionis suæ. Prima notitia, quam Deus de creaturis habet, est extensio quædam ejus primariæ notitiæ, quæ seipsum novit: ergo pariter primarius amor, quo Deus ante omnia diligit seipsum, extenditur ad amandum creaturas. Probat antecedens. Deus intelligens suam essentiam, ac simul ejus participabilitatem in ratione exemplaris secundum omnes modos, quibus est imitabilis, huc ipso non potest necesse creaturas, notitia quidem, quæ primario est exemplaris, & secundo exemplariorum, quatenus ad ea extenditur: ergo prima notitia, quam Deus de creaturis habet, est extensio quædam ejus primariæ notitiæ, quæ seipsum novit. Probat etiam consequentia illa. Quia sicut Deus cognoscendo creaturas extendit suam cognitionem ad illas, ratione participabilitatis, & exemplaritatis suæ; ita pariter extendit suam participabilitatem, & imitabilitatem suam, ut secundo sit amor eorum, quæ bona sunt per participationem. III. probatur, quod eadem amet libere. Voluntas divina circa bonum sibi indifferens indifferenter se habet; sed bona, quæ sunt extra Deum, non sunt bona necessaria, sed indifferentia: ergo circa ipsa indifferenter se gerit Deus. Probat major. Repugnat evidenter naturæ, quæ sibi ex semetipsa sufficit, & nullo extra seipsum eger, cum necessitate inclinari, & abripi ab aliquo bono sibi per consequens indifferenti, & non necessario. Minor autem constat; quia Deus absque detrimento suæ perfectiæ felicitatis potest bonis omnibus necessariis carere; immo ab æterno ea non habuit; igitur non sunt ipsi necessaria, sed indifferentia. IV. tandem, quia Deus habet perfectissimam libertatem; ut inferius ostendemus; sed hæc libertas nequit esse in amore, quem erga seipsum habet: ergo debet esse in amore, quem habet erga alia a se.

Argument I. Ex una parte diximus nos, Deum eodem amore, veluti extenso creaturas

amare, quo seipsum amat; ex altera diximus quoque, amorem Dei erga creaturas esse liberum, quando amor suis ipsis est necessarius; quomodo igitur idem? II. Nequit Deus amare bonum extra seipsum, quatenus omnis vera, & amabilis bonitas in Deo est, & per consequens extra Deum erunt tantum apparentia, & ficticia bona. Unde Christus ad illum, qui vocaverat seipsum, *Magister bone*, respondit; *quid me interrogas de bono? Unus est bonus, Deus.* Matth. 19. 17. Atqui Deus nequit apparentia, & ficticia bona amore prosequi: ergo &c. III. Deus amat bona extra se: ergo necessario illa amat. Consequentia probatur. Deus non potest odio habere bonum, & amore prosequi malum, quodcumque sit malum, quodcumque sit bonum; ergo non potest non amare bonum, sicut non potest odio non habere malum: ergo & malum necessario odio habet, & bonum necessario amat.

Respondemus ad I. Amorem, quem Deus habet erga seipsum, & erga creaturas, esse eundem amorem in entitate, & in radice, non esse tamen sub eadem virtualitate, & formalitate; siquidem idem simplicissimus actus est, quo Deus seipsum, & quo creaturas, amat; sed non sub eadem formalitate, & virtualitate tam seipsum, quam creaturas amat. Item dicimus, amorem creaturarum esse liberum ex parte obliqui formaliter, ut ajunt, & virtualiter, non vero entitative; quatenus scilicet respicit obiectum, quod contingens est, liber est; quatenus vero a divina entitate provenit, quæ non contingens, sed necessaria est, necessarius etiam in hoc sensu dicitur potest.

Ad II. dicimus, bona secunda esse extra Deum, participata tamen a bonitate Dei; adeoque ut sic participata non possunt esse apparentia, & ficticia, licet sint extra Deum; alter fictitium etiam esset participabile. Ad id, quod dicitur, neminem esse bonum, nisi solum Deum; respondemus, intelligi de bono per essentiam, quatenus alia, quæ sunt bona extra Deum, non sunt per essentiam, sed per participationem bona.

Ad III. negatur consequentia, & ejusdem probatio, universaliter accepta; quandoquidem bonum delectabile, precise ut tale, non est a Deo amandum; & malum, juxta dictamen rationis, a Deo est amandum. Vel melius dicitur, bonum creatum, quia est bonum contingens, posse non esse bonum; sicut potest non esse eum; adeoque

que non necessario esse. Est autem, quando Deus ipsum vult, seu amat: ergo libere vult: ergo libere amat. Unde si est necessitas, consequens est, non antecedens.

Queritur III. An Deus amet pure Possibilia?

Respondemus, quod in illorum sententia, qui solam possibilitatem extrinsecam agnoscunt, & nullam admittunt intrinsecam; & extrinsecam constituunt, vel in Dei essentia, vel in Omnipotentia, vel in alio Dei attributo, certum est, quod Deus amet pure Possibilia, quia amat suam essentiam, suam Omnipotentiam, & quodlibet aliud attributum suum; quod a nemine potest negari: ergo pariter amat pure Possibilia, quæ in uno ex ipsis fundantur. In hypothesi autem, quod datur illud extra Deum, in quo possibilitas intrinseca consistit, præter extrinsecam, ut communiter affirmatur, licet in illo assignando magna sit inter Philosophos discrepantia; dicimus a Deo creaturas posibles non amari; seu Deum nullum, amorem erga pure Possibilia, pro statu mere possibilitatis, habere. Coelusus est contra quamplurimos; a P. Magnano ramen defenditur, & probatur I. Omnis amor vel supponit bonitatem in objecto, vel in objecto bonitatem ponit; nequit autem hoc de pure possibili bus verificari: ergo a Deo non amantur. Minor probatur. Non supponitur bonitas in possibili bus, quæ non sunt; neque ponitur; si enim poneretur, jam Possibilia essent existentia. Major autem præter; quia amor est motus amantis, quod est mobile, ad bonum, quod est terminus, ad quem; impossibile autem est motus absque termino. II. Si Deus Possibilia amaret, vel amaret necessario, vel libere; neutrum dici potest: ergo non amat. Probatur minor. Non necessario, quia seipsum solum necessario amat; neque libere, etenim, libertas est tantum circa creaturas existentes, sive actuales, sive futuras. Uterius, Possibilia non sunt contingenter Possibilia, sed necessario sunt Possibilia: ergo deberent a Deo amari necessario; sicque Deus non solum seipsum, sed alia pariter a se, necessario amaret; quod nobis est dicendum. III. Potest probari Coelusus discurrendo per singulas amoris species; & invenietur quidem, nullam ex ipsis de creaturis mere possibili bus verificari posse.

Arguunt I. Si intelligens perfecte potest tendere in omnia Possibilia, ita volens perfecte in omnia etiam Possibilia; sed intellectus divinus intelligit omnia Possibi-

bilia: ergo & voluens divina omnia pariter Possibilia amat. II. Debet Deus amare bonitatem propriæ essentia: ergo debet quoque Possibilia amare.

Respondemus ad I., quod est Scoti argumentum, negando paritatem; etenim, intellectus format sibi objectum, etiam si non addit; sicque si non adest, potest tamen ab intellectu concipi, quatenus ab ipso efformatur. Voluntas vero supponit objectum; unde quum Possibilia non supponantur, nequeunt a voluntate amari.

Ad II. dicitur, quod vel argumentum supponit possibilitatem consistere in Dei bonitate, vel Dei bonitatem esse causam possibilitatis. Si primum, utrique concedimus, Deum cognoscere Possibilia, quemadmodum diximus initio responsionis ad quæstum. Si secundum vero, quum sit ista causa non in actu, sed in potentia, non determinata, sed indeterminata, & indifferens, non ad unum, aut aliud, sed ad infinita, & infinita; non possunt in ea effectus amari, qui non sunt, quavis possint esse.

Pro altera vero Dissertationis parte, de divinæ scilicet Voluntatis divisione, certum omnino est, quod, quum actus divinæ voluntatis sit simplicissimus, & purissimus, nullam proinde veram pari potest divisionem. Nihilominus, quia ratione diversorum munerum, quæ exercet; vel ratione diversarum voluntatum humanarum, quibus illa divina volitio respondet; vel ratione nostrorum inadæquatorum conceptuum, per quos ipsam cognoscimus; Theologi omnes ipsam, sicut divinam pariter scientiam, multipliciter dividere consueverunt; hoc modo nos quoque præstamus.

Primo dividitur in Voluntatem beneplaciti, & in Voluntatem signi. Illa est voluntas propriæ, & vere dicta, seu secundum rem; quatenus re vera Deus per eam aliquid vult. Dicitur beneplaciti, quia est de re, quæ non solum secundum proprium effectum, vel secundum aliquid consequens sibi connexum, vel secundum aliquid atinens, sed etiam secundum se talis est, ut debeat, vel saltem non dedecet, Deum eam velle. Unde Deo secundum se placet, adeoque est objectum beneplaciti ipsius. Voluntas signi non est vere, & propriæ voluntas, sed metaphorice, & est potius signum aliquid volentis, quando scilicet esse in Deo volitionem aliquam per effectum, credimus. Dicitur signi,

signi, quia aliquando signum pro re significata accipitur, & ipse gerit nomen; ut quando in Oratione Dominicali dicitur: *Fiat Voluntas tua*. Ubi voluntas vocatur id, quod est solummodo signum ipse; puta præceptum, vel aliquid aliud a voluntate emanans, quod petimus adimpleri.

Verum advertere hic oportet, quod quando voluntas signi tribuitur Deo, non est in Deo proprie, vel saltem non est eo modo, quo est in nobis; & nihilominus dicitur voluntas signi præcise; alias esset voluntas beneplaciti. E.g. Quamvis in Deo non sit ira, scilicet defectus iustitiae, dum tamen Peccatores punit, hæc punitio nostro modo intellecta, quia videmus apud homines eam ex ira, & per vindictam exerceri, significat iram Dei, seu voluntatem Dei iram, & propterea dicitur ira Dei. Et quia in Deo non est proprie ea voluntas, ideo ira est voluntas, ut sit tantum signi. Nec dicatur, quod voluntas signi, eo quod in Deo non est sincera voluntas, sit proinde ficta, apparens, & simulata; ac per consequens nec congrua, aut conveniens divinæ bonitati, ac veritati. Non dicatur quidem, quod enim voluntas signi non est illa, quam Deus per aliquod signum significat, quamvis non habeat, ut supponit Instantia, & Hæretici dicunt, sic esse voluntatem illam, qua Deus vult omnes homines salvos fieri; adeoque voluntatem illam esse signi tantum voluntatem. Bene autem voluntas signi est ea supra explicata, qua scilicet non vult Deus rem aliquam, sed præcise signum illud, quo significat se velle. Ut dum Abraham præcepit, ut filium immolaret, voluit solum præceptum, non vero immolationem, quam præcebat. Sed ad hæc requirere evitanda, melius Dei voluntas dividitur in voluntatem rei significatæ, & in voluntatem signi, ut dividunt alii, & ex explicatis usque modo innotescunt.

Secundo dividitur in Voluntatem antecedentem, & consequentem. Antecedens dicitur illa, qua Deus vult aliquid solo suo actu, non respiciendo opera nostra. Ut quando Deus aliquem creat, vel quando mundum creavit. Consequens vero est, qua Deus vult aliquid attentis conditionibus ex parte creaturarum; ut quando vult punire, vel præmio aliquem afficere.

Tertio dividitur involuntariam absolutam, & conditionatam. Prima est illa, qua Deus vult rem aliquam, nude secundum se, & simpliciter spectatam. De hac intelligitur illud Esther 13. 9. *Non est, qui possit resistere voluntati tue*. Conditionata vero est illa, per quam vult aliquid dependens a conditione. Quod habetur in illo Matth. 19. 17. *Si autem vis ad vitam ingredi, serva mandata*. Non autem voluntas conditionata dicitur ex parte subiecti volentis, scilicet Dei; ita ut significet, in Deo esse voluntatem, quod homines salvi fiant, posita aliqua conditione. Ratio est, quia conditio ex parte subiecti supponit actum suspensum; sed circa salutem hominum Deus non habet actum suspensum; ergo conditio non se tenet ex parte subiecti volentis. Major patet; quandoquidem actus, qui inest posita conditione, de facto non inest, ex eo quia conditio nihil ponit in esse. Dicitur ergo voluntas conditionata ex parte objecti, seu rei volitæ a Deo; ita ut sit sensus, Deum velle actualiter hominum salutem, dependentem tamen a cooperatione ipsorum.

Quarto dividitur in voluntatem efficacem, & inefficacem. Efficax est illa, quæ habet effectum, seu quæ adimpletur. Inefficax vero, quæ effectui caret. Efficax alia est absoluta, a conditione scilicet soluta, in rei effectum tendens; alia est efficax conditionata, conditioni scilicet obstricta, nec non ea mediante in rei effectum tendens. Item alia est efficax absoluta antecedens, quæ a voluntate creata non dependet; alia vero est efficax absoluta consequens, quæ scilicet conditionem aliquam ex parte creature voluntatis, & ab ea pendente, supponit, veluti in prævisione scientiæ mediæ adimpletam. Voluntas efficacis absoluta consequens etiam dici solet prædestinans, & prædeterminans. Non autem ex his inferendum est, voluntatem divinam secundum se præcise inefficacem esse; aliter simulata esset, aut otiosa, voluntas, vel velleitatis potius, aut dimidiata volitio. Dicitur autem inefficax spectata secundum complexum ex Dei voluntate, & ex conditione adimplenda a creatura; ex parte cuius complexi, non vero ex parte Dei, aliquando caret fine. Itaque licet conditionata, est tamen efficax illa Dei voluntas, qua Deus vult, omnes homines salvos fieri.

DISSERTATIO XCI.

*De Deliriis contra Dei Libertatem,
& de asserentibus illa.*



Axima divinæ Voluntatis perfectio est Libertas, quæ per liberum divini velle arbitrium importatur. At nihilominus mysterium quoque est, & non minus, quam cætera

Divinitatis æterna, imperferibile redditur. Ex hinc est, quod, vel Infideles de ipsa male loquuti sunt, vel Hæretici sua quoque deliria in medium asserre non erubuerunt. Catholici autem Theologi adeo in ea explicanda dissentiunt, quanvis omnes in ea asserenda conveniant, ut possit pene dici, tot esse sententias, quor capita sentiunt. Hac in Dissertatione de Infidelium, seu Eshnicorum, & Hæreticorum deliriis loquimur, in sequenti deinde de Scholasticorum opinionibus dicturi.

Interim præmittimus, libertatis nomine venire dominium quoddam facultatis operantis, ita quod ex se possit velle, nullo habito extrinseco determinativo, & ex se ipsa possit nolle. Hoc dominium dicit intrinsecam facultatis indifferentiam, quæ domina sit sui ad utrumlibet contradictionis membrum, ad velle scilicet, & ad nolle, & specificationis etiam, ad velle nempe hoc, aut aliud, vel nolle hoc, aut aliud. Proinde facultas hæc dicitur arbitria suarum operationum, & hæc sua vis liberum arbitrium nominatur.

Primo contra Libertatem Dei erravit Aristoteles; opinans, ut non pauci scribunt, Deum in mundi productione ex naturæ necessitate operasse, ac proinde fuisse agens necessarium. Aristotelei autem non obscuri nominis plures Magistrum suum defendunt; alii per verbum nescio ab hoc se negotio expediunt. Certe Scotus in 1. dist. 8. q. 5. §. de intentione istorum, profutur, se nescire quid intenderint Aristoteles, & Avicenna. S. Thomas 2. cont. Gent. c. 23. asserit, nonnullos veteres Philosophos amplexatos hunc errorem fuisse, sed eos suppresso ipsorum nomine asserere. Alii dicunt, Aristotelem 8. phys. tex. 9. & 2. de Cælo c. 6. Deum fecisse necessario operantem; ac postmodum in lib. de mundo dixisse, Deum liberum esse, & in libro

illo hoc ipsum Alexandro tradidisse.

Secundo erravit Avicenna, ut dictum est, fortassis Aristotelis vestigiis in hærens, & ejus dicta ad superstitionem usque adorans. Testatur Franciscus Ferraricus, S. Thomæ Commemorator, qui scribit Philosophos illos, de quibus loquitur Angelicus, fuisse Aristotelem, & Avicennam. Testatur insuper Henricus, Scotus, & alii apud Bellarminum, tam de Aristotele, quam de Avicenna; de Grat. & lib. arb. lib. 3. c. 15. Quinam autem fuerint alii antiqui Philosophi, erroris hujusce auctores, quos Angelicus asserit, sed non nominat, nos omnino latet; ideo de illis loqui plura supercedemus.

Tertio adscribitur hic error inter Hæreticos Petro Abailardo; qui, ut testatur Thomas Vvaldensis lib. 1. doctrinalis fidei c. 10. voluit, Deum non posse facere, nisi ea, quæ facit. Eidem Abailardo tribuitur ab Alphonso de Castro adv. hæres. verb. futurum contingens; dicente: „Hujus hæresis auctor fuit Petrus Abailardus... dicens, potentiam Dei, & actualem creationem ejusdem esse mensuram, aut non possit plures res creare, quam creat, nec aliter res facere, quam fecit.“ Pariter a Bellarmino, loc. nuper cit. „In eodem, errore versatus est ex Christianis Petrus Abailardus, teste Thoma Vvaldensi lib. 1. doctrinal. fidei, c. 10. docuit enim prædictus Petrus, Deum non posse facere, nisi ea, quæ facit.“ Alique passim iradunt. Quarto erroris ejusdem accusatur Vviclefus. Quod constat ex ejus Trialogo c. 10. & t. 1. & asseritur a Thoma Vvaldensi, qui cum confutat lib. 1. doctrinal. fid. c. 10. & seq., a Bellarmino cit. loc., & ab Alphonso de Castro, aliisque pariter confirmatur.

Quinto Lutherus asseritioem art. 36. approbas Vviclefi errorem, asserens, veram esse Vviclefi sententiam, quæ habet, omnia ex necessitate absoluta venire. Quod refert Bellarminus; & Alphonsus de Castro scribit: „Eundem errorem tutatur nunc Lutherus, dicens, omnia, quæ fiunt, tam absoluta necessitate fieri, ut impossibile sit aliter fieri, quam fiunt.“

Sex-

Sexto Martinus Bucerus, turpissimus Defensor, & audacissimus Sestator, in lib. de concord. doctrinæ c. de libero arbitrio, manifeste asserit, Deum necessario agere quicquid agit, nec posse aliter facere. Tradit Bellarminus, & ex eo Cacheranus trac. 1. de Deo uno lib. 4. c. 1. §. 4. n. 20.

Septimo Calvinus lib. 1. Instit. c. 16. §. 3. aperte tradit, Deum non posse facere, nisi id, quod facit. „ Sane Omnipotentiam sibi vendicat, ac deferri a nobis vult Deus, non qualem Sophistæ fingunt, inanem, orio-

„ sam, & fere sopitam, sed vigilem, efficaci-
 „ cem, operosam, & quæ in continuo actu
 „ versetur. „ Et post pauca. „ Ideo cense-
 „ tur Omnipotens, non quod posset quidem
 „ facere, cesset autem, sed quia, &c. „ Ubi
 „ Bellarminus obferuat, a Calvino repre-
 „ hendi Theologos nostros, quos Sophistas
 „ vocare dignatur, quia asserunt, Deum
 „ multa posse facere, quæ non facit, & con-
 „ tra, posse multa non facere, quæ facit; &
 „ ob id vere, & proprie esse liberum.

DISSERTATIO XCII.

*De Libertate, quod sit in Deo, & in
 quo consistat.*



Libertatem esse in Deo dogma-
 ticè probamus contra prædi-
 ctos in præterita Dissertatio-
 ne Adversarios; & quidem
 non tantum Fidei momentis,
 verum quoque naturalis ra-
 tionis subsidii, contra Nominales, qui
 cum Ochamo, & Gabriele, hoc fieri posse,
 negant; Et hæc est prima Dissertationis
 hujus pars. In secunda autem scholasticè
 investigabimus, in quo divina libertas con-
 sistenda sit, quod quidem Scholasticos
 Theologos in tam diversas abire vias, ut
 illud ipsum invenirent, effecit.

I. Probatur ex Scripturis. Psal. 93. 1. *Deus
 ultionum libere egit.* Psal. 110. 2. *Magna
 opera Domini, exquisito in omnes voluntates
 ejus.* Osam 14. 15. *Diligam eos spontaneè.*
 Ad Ephes. 1. 11. *Qui operatur omnia secon-
 dum consilium voluntatis suæ* ubi consilium
 accipitur pro libero arbitrio; ut patet ex
 contextu Eccli. 15. 14. *Posuit hominem in
 manu consilii sui;* id est liberum arbitrium
 ei dedit; ut omnes Commentatores faterentur.
 Ad Ephes. 1. 4. *Elegit nos in ipso ante
 mundi constitutionem* Electio autem nequit
 sine libertate esse. Ad Roman. 9. 18. *Cujus
 vult, miseretur, & quem vult, indurat.* 1.
 Corint. 12. 11. *Hæc autem omnia operatur
 unus, & idem spiritus, dividens singulis prout
 vult.* Epist. Jacobi 1. 18. *Voluntarie genuit
 nos verbo veritatis.* Aliis etiam Scriptura-
 rum testimoniis ostenditur, Deum posse
 facere, quæ non facit, & non facere, quæ
 facit. Danielis 3. 17. *Deus noster potest nos
 eripere de camino ignis, & de manibus tuis
 liberare;* quod si noluisset, &c. Sapient. 11.

P. A. R. I.

18. *Non enim impossibilis erat omnipotens
 manus tua, qua creavit orbem terrarum ex
 materia invisâ, immittere illis multitudi-
 nem Urserum, aut audaces leones.* Matth. 3.
 9. *Potens est Deus de lapidibus istis suscitare
 filios Abræa.* Hæc, & similia loca expli-
 cantur a Bellarmino, Estio, aliisque, usque
 ad farietatem.

II. Probatur ex Conciliis. Concilium Con-
 stantienſe generale sess. 8. inter cæteros
 Vvicleſii errores, hunc etiam art. 27. dam-
 navit; refert Arisdekin p. 2. in notit. gen-
 ner. dogmat. verb. futurum contingens.
 Concilium Remense in Gallia, ann. 1148.
 celebratum, in quo omnes Abailardi erro-
 res damnati sunt. Concilium Mogunti-
 num IV. c. 2. in quo definitur, Deum
 non esse causam peccati; ergo aliarum
 rerum est causa, & quidem quia ipsas
 vult, & libere vult. Concilium Triden-
 tinum generale sess. 6. can. 6. in quo di-
 citur, Deum solum permissivè concurrere
 ad peccatum; ergo datur in Deo voluntas,
 qua vult, & illa, qua permittit; ergo datur
 libertas, per quam vult, & permittit. Con-
 cilium Toletanum XV., in quo habetur,
 Dei voluntatem, & naturam unam esse, &
 simplicem in tribus Personis; atqui hæc
 est voluntas essentialis, non notionalis;
 essentialis autem libera est.

III. Probatur ex Patribus. Ambrosius lib. 2.
 de fide c. 3. *Si possibile est, voluntatis interim
 libera Dominum fuisse docemus. In tantum
 processit impietatis, ut negetis, quod Filius
 Dei libera voluntatis sit. Ac certe soletis
 etiam Sancto Spiritui derogare, & negare
 non potestis, scriptum esse, Spiritus ubi vult
 spir-*

E f f 2

spirat: Ergo si Spiritus ubi vult spirat, Filius quod vult non agit? Deinde citat Apostolum 1. Cor. 12. *scribeniem; Omnia operatur unus, atque idem Spiritus dividens singulis prout vult; & subdit: hoc est, libera voluntatis arbitrio, non pro necessitatis obsequio.* Epiphanius hæres. 23. *Deus Pater bonum, & cetera omnia pro sua voluntate procreavit.* Macharius hom. 15. *Hominem eo ipso ad imaginem Dei esse factum, quod sit liber, ex sui iuris; quoniam, ut Deus, liber est arbitrii, & quod vult facit.* Hieronymus ep. ad Philemonem cap. r. explicans illa verba: *Sine consilio autem tuo nihil volui facere, ut non quasi ex necessitate bonum tuum esset, sed voluntarium;* scribit: *Hoc, quod a piersique queritur, & sapissime tractatur, quod Deus hominem faciens, non tum bonum, rectumque condiderit; de presenti loco solvi potest: Si enim Deus voluntarie, & non ex necessitate, bonus est, debuit hominem faciens, ad suam imaginem, & similitudinem facere, hoc est, ut ipse voluntarie, & non ex necessitate, bonus esset. Qui autem asserunt, ita eum debuisse fieri, ut malum recipere non posset, hoc dicant: talis fieri debuit, qui necessitate bonus esset, & non voluntate; quod si talis fuisset, qui bonum non voluntate, sed necessitate perficeret, non esset Deus similis, qui ideo bonus est, quia vult, non quia cogitur.* Augustinus lib. 22. de Civit. Dei c. ult. *Deus, quia peccare non potest, ideo liberum arbitrium habere negandum est?* Item in Enchiridion c. 95. *Tunc in clarissima luce sapientia videbitur, quam multa possit (Deus), & non velit; nihil autem velit, quod non possit.*

IV. Probatur Rationibus. I. Omnes nationes, in quacumque necessitate positæ, Deum precantur, & proprio Deo, etiam ficto, sacrificia offerunt, ut ipsum placeant, ac ab eo beneficia consequantur; gratias insuper agunt pro acceptis beneficiis; & similia alia exercent; sed hæc omnia frustanea essent, si Deus ex naturæ necessitate operaretur; ergo dicendum est, liberum in suis operationibus esse. Unde Boetius scripsit: *Nulla est Deus, qua non persuasum habeat, Deum esse liberum, a quo sperare omnia possit, si eum colat.* II. Si Deus non fuisset in suis operationibus liber, nulla posset assignari ratio, cur hæc creata creaverit, & non alia, quæ fuissent etiam creabilia; ergo vere fuit, & est liber in operando. III. Si Deus non fuit liber, cur potius ab initio, & non antea, & non postea, creavit mundum? Quam alias eum potuerit, vel antea, vel postea facere; ut ex Philosophicis probatum supponimus? IV. Li-

bertas in Deo est perfectio simpliciter simplex: ergo in Deo ponenda. Antecedens pater; tum quia ex illius carentia, sequitur carentia aliarum plurimum perfectionum in Deo; tum etiam, quia ex sua ratione formali nec importat posse mutari, nec posse malum velle. V. Libertas est perfectio præstantissima naturæ intellectualis, quæ pro sui libito potest hoc, vel illud, velle; per quam a natura irrationali distinguitur, quæ ad operandum necessitatur; ergo poni debet in eo, qui est per essentiam perfectissimus. Antecedens est S. Bernardus in Cant. Cant. dicentis: *Arbitrii libertas est plume quid divinam, præstans in anima, tanquam gemma in auro.* VI. Deus est causa efficiens cælorum, elementorum, intelligentiarum, &c. ergo libere, & non necessario operatur. Antecedens probatur. Si Deus non creavit intelligentias, non potest reddi ratio, cur sint tantæ, & non plures; cur ita inter se subordinatæ; cur tantæ virtutis, & omnino majoris, vel minoris? &c. Probatur modo consequentia. Quæ operantur ex necessitate naturæ, determinantur ad unum, & non possunt producere, nisi unum, & simile sibi: ergo si Deus est causa cælorum, &c. libere, & non necessario produxit illos.

Opponunt Adversarii I. Repugnat divinx libertati immutabilitas Dei: ergo aut Deus non est immutabilis, aut non est liber. Probatur antecedens. Libertas stat in posse velle, & non velle, velle hoc, & non illud; sed hoc dicit mutabilitatem, adeoque incompatibilis est cum divina immutabilitate: ergo, &c. II. Repugnat prius divina libertas cum sanctitate Dei: ergo aut Deus non est sanctus, aut non est liber. Probatur antecedens. Libertas consistit in velle bonum, & non bonum; sed hoc repugnat sanctitati, quæ semper vult bonum: ergo divina libertas repugnat cum sanctitate Dei: III. Si Deus posset facere quæ non facit, haberet potentiam passivam, & otiosam; sed hæc admittenda non est in Deo: ergo Deus non potest facere plura, quam facit. IV. Deus necessatio debet facere quod melius est: ergo non est liber ad illud faciendum, vel non faciendum. V. Si Deus haberet libertatem, maxime haberet circa efficacem amorem creaturarum suarum, & existentium; sed circa has non habet libertatem: ergo nullam habet. Probatur minor. Si circa efficacem hunc amorem libere inclinaret, posset ipsum cohibere; sed non potest: ergo, &c. Probatur minor. Deus non potest

est contra inclinationem summæ suæ bonitatis agere; sed nisi communicaret suam bonitatem creaturis, ageret contra suam naturalem inclinationem: ergo non potest cohibere se, ne ulli creaturæ communicetur. VI. Libertas est potentia indifferens ad ponendum actum, vel non ponendum, sed in Deo nulla est, vel esse potest, potentia indifferens: ergo neque libertas. Minor probatur. Actualis volitio, & id omne, quod se habet per modum actus secundi, est impossibile cum eo, quod se habet per modum potentie; sed in Deo omnis perfectio se habet per modum actus secundi: ergo nulla esse potest in Deo potentia indifferens. Probatur major. Id, quod est volitio actualis, est determinativum essentialiter ad volendum; sicut id omne, quod se habet per modum actus secundi est determinativum ad agendum; potentia vero indifferens est ipsum subiectum determinabile; sed determinativum est impossibile cum eo, quod est determinabile: ergo id, quod est actualis volitio, vel saltem se habet, per modum actualis volitionis, est impossibile cum actu potentie indifferens.

Respondemus ad I. Per velle, & non velle in Deo, non importari mutationem actus in potentia, sed terminationis in objectis: semper enim actus est idem in Deo, quāvis terminetur, vel non terminetur, ad tale, vel tale objectum. Unde mutatio non est in Deo, sed in creatura. Sicque per libertatem importatur mutabilitas non entitative, sed terminative; quod quidem nihil officit summæ immutabilitati Dei.

Ad II. dicitur cum S. Thoma q. 24. de verit. art. 3. quod non sit de ratione liberi arbitrii ut sic posse velle bonum, & malum; nam posse velle bonum, & malum, spectat ad liberum arbitrium, non simpliciter, sed ut est in natura creata, quæ quidem potest deficere, & peccare: Ad rationem autem liberi arbitrii ut sic sufficit, habere optionem diversarum rerum, & electionem fieri cum pleno, & perfecto rationis iudicio.

Ad III. dicitur, quod potentia passiva illa, est, quæ nondum reducta est ad actum. Potentia divina non distinguitur ab actu, quia est ipsa divina essentia, quæ est actus purus. Uterius semper est cum actu, quia semper operatur; & si non operatur omnia, quæ operari potest, non est ex defectu potentie, sed ex ratione voluntatis; & non deficit entitas actus, sed multiplicitas terminorum. Denique improprie

dicitur potentia in Deo, quum semper sit actus. Quod non est passivum, multominus erit otiosum.

Ad IV. dicimus, illud esse perfectius, quod a Deo eligitur, & ideo esse perfectius, quia a Deo eligitur, non autem a Deo eligitur, quia perfectius est. Unde non per hoc, quod Deus eligit, vult, aut facit, quod perfectius est, læditur divina libertas.

Ad V. negatur semper quod probatur usque ad ultimum argumentum, in quo distinguitur major: Deus non potest agere, &c. ex suppositione, quod detur talis inclinatio, conceditur; aliter, negatur. Ratio est, quia propensio Dei se communicandi ad extra est dependens ab arbitrio libertatis, ejus posito imperio, habetur opus. Si autem esset propensio fundata in sua excedente, & uberrima voluntate antecedenter ad usum libertatis, opus debuisset actuari ab æterno; quod est contra fidem. Ergo, quia Deus non ab æterno, sed in tempore, suam extra se communicavit bonitatem; & ex alia parte, quia ab æterno suam habuit communicandi se inclinationem; necesse est dicere, inclinationem a libertate pendere.

Ad VI. distinguimus majorem: Libertas est indifferens ad ponendum, vel non ponendum, cum præcisione illius actus, conceditur; cum negatione ejusdem, negatur. Sic pariter distinguitur minor: Sed in Deo nulla esse potest potentia indifferens; secundo modo, conceditur; primo modo, negatur minor, & consequentia. Eadem distinctio adhibetur in probatione minoris, loquendo in divinis; & in ultima probatione nihil contra nos concluditur. Insurgunt autem Adversarii, & sic arguunt.

Potentia aliqua, ut sit libera, debet esse ex suis intrinsicis indifferens ad actum, secundum; sed potentia cum sua præcisione actus secundi, non potest esse ex suis intrinsicis indifferens: ergo neque libera: Sed Deus habet omnem potentiam sine negatione actus secundi, & ad summum cum sola præcisione: ergo non potest esse liber. Probatur minor. Potentia cum intrinseca immutabilitate, quia nunquam potest esse sub aliqua indeterminatione, non potest esse ex suis intrinsicis indifferens; sed illa potentia, quæ ad summum habet præcisionem, non vero negationem actus secundi, habet illam perfectissimam immutabilitatem, quia nunquam potest esse sub aliqua indeterminatione: ergo non potest esse ex suis in-

intrinsecis indifferens potentia sine negatione actus secundi. Probatur major, Nisi præcedat in ipsa indifferencia, & indeterminatio ad actum secundum, non potest determinatio ex indifferencia, seu ex vi indifferencie haberi; & per consequens talis indifferencia non erit ex intrinsecis; sed potentia cum intrinseca immutabilitate, quia nunquam esse potest sub aliqua indeterminatione, non potest habere determinationem ex vi indifferencie; ergo, &c.

Respondemus, quod ad hoc, ut Agens ex propria ab intrinseco active sumpta determinatione agat, non requiritur, ut status meræ indifferencie præcedat aliquo tempore, vel aliquo reali instanti, eam determinationem; sed satis est, ut instanti aliquo rationis præcedat. In forma, igitur distinguimus maiorem: Ad hoc, ut potentia aliqua sit libera debet esse ex suis intrinsecis indifferens; hoc est non debet esse determinata ab intrinseco, sed ex se ipsa inferre, & inducere determinationem ad actum, concedimus; alio modo, negamus. Eodem modo distinguimus minorem: Potentia cum sola præcisione actus secundi, & sine negatione illius, non potest esse ex suis intrinsecis indifferens; ita ut fiat sensus, quod debeat præcedere indeterminatio, & indifferencia pro aliquo reali instanti, negamus; pro aliquo instanti rationis, concedimus.

Ad secundum modo devenimus Dissertationis partem, in qua investigare oportet, per quid constituitur, seu in quo formaliter consistat, velle liberum actuale Dei, ut liberum est. In quo quidem explicando Scholastici inter se non conveniunt; immo saliter discrepant, ut vere dicere possimus, tot sententias esse, quot sunt Doctores. Nos autem, antequam iudicium nostrum proferamus, duo prius stabilienda ducimus; quorum primum est, quod sicut actuale Dei necessarium velle, est quid Deo intrinsecum, ita etiam & liberum secundum quod liberum est; alterum vero, quod actuale Dei liberum, velle est perfectio in ipso Deo.

Primum ideo dicimus, quia fuerunt nonnulli, qui, ad evitandum mutabilitatem in Deo, dixerunt, actus liberos in Deo nil aliud dicere, præter extrinsecas denominationes; quia Deum velle aliquid extra se nihil aliud est, quam in re illa mutationem facere pro aliquo tempore; vel aliquid esse illi conferre, quod est in potestate Dei facere, & non facere; & quan-

do facit, dicitur velle; quando vero non facit, dicitur nolle; non quia aliter ipse se habet, sed quod res ipsa aliter se habeat. Contra hanc cogitationem dicimus nos, actuale velle Dei liberum Deo esse intrinsecum. Quod suadetur 1. juxta fidei principia, quibus certum est, Deum non metaphorice velle, & amare alia extrinseca. Sufficiat illud Psalmi 113. 3. *Deus omnia quacunq; voluit, fecit*; ubi satis distinguitur velle ab efficere, & utrumque Deo tribuitur. Cui concordat illud Sapient. 11. 26. *Quomodo posset aliquid permanere, nisi tu voluisses?* Ex quibus sic efformatur ratio. Ideo dicitur Deus aliquid agere, quia vult bona conferre, quia amat; juxta illud Joan. 3. 16. *Sic Deus dilexit mundum, ut filium suum unigenitum daret*; ergo velle aliquid, & aliud facere, non sunt idem formaliter, & secundum rationem in Deo; sed ipsum facere est quid extrinsecum Deo, & est effectus ipsius velle, & amoris ejus, aut saltem ad illud consequens: ergo, &c.

II. Probatur ratione a P. Magnano. Liberum arbitrium consistit in intrinseca facultate indifferente ad utrumlibet contradictionis, vel specificationis, membrum, prout determinate operativa ex vi propria, & ab intrinseco sumenda actualis determinationis: ergo consequens est, ut formalis determinatio libera sit prius in determinatione interna, quam externa. Probatur consequentia. In interna est activa tanquam in usu activo domini, & imperio formali; in externa vero est solum ut in subdita, dependente, & imperata; ergo est consequens, ut externa denominetur libera ab interna, non vero interna ab externa.

III. Probatur. Velle, & amare, quum sint operationes vitales, non possunt esse omnino extrinsecæ: ergo vel Deus non amat, vel amat per amorem, qui est in ipso.

IV. Facere cum indifferencia agendi, & nihilominus se determinare ad agendum proxime, & per ipsamque denominationem extrinsecam, est modus inintelligibilis, & impossibilis. Quod probatur. Quomodo enim Solem, intelligi potest, esse determinatum ad illuminandum per illuminationem in passio receptam, dum supponimus, Solem non esse naturaliter determinatum, sed se determinare postis omnibus requisitis ad illuminandum? Cur etiam determinatus est modo, & non antea, quum potestas libera non solum ve-

lit objectum, sed etiam actionem extrinsecam? Ergo quia libere vult externam actionem, per actionem internam vult.

Alterum modo, quod præmissimus, probandum est. Et per pariter probamus. Est perfectio in Deo, non solum, quod sit intellectivus, verum etiam quod actualiter intelligat; immo perfectio est, quod non tam sit intellectivus per scientiam visionis, sed quoque quod per eam actualiter intelligat, quanvis scientia visionis sit libera, & de objecto contingenti: ergo pari modo est perfectio in Deo, quod non tantum sit volitivus bonorum contingentium, verum etiam quod ea actualiter velit.

Dices I. In actu intellectus est necessitas videndi verum quodcumque proponitur tanquam existens: In actu vero voluntatis nulla potest esse necessitas ad bonum indifferens.

Contra arguemur. Sicut ex parte objectorum est in eo bono indifferentia amabilitatis, ita etiam in eo est contingentia cognoscibilitatis; quæ contingentia non minus remota est sui absoluta necessitate, quam sit illa indifferentia amabilitatis. II. ex parte facultatum. Sicut in voluntate est activa facultas volendi, & nolendi idem, ita in intellectu indifferentia passiva, ut habeat simplicem intelligentiam, aut visionem; immo in ratione visionis, ut habeat, vel affirmationem, vel negationem ejusdem: ergo saltem est, quod in actu intellectus sit necessitas videndi quodcumque proponitur.

Dices II. Indifferentia ista intellectus est solum antecedens; aliunde omni intellectui est necessitas consequens, ut scilicet videat id, quod obicitur, eo sane modo, quo ei obicitur, puta affirmative, vel negative; atqui hoc dici non potest de voluntate: ergo urget disparitas.

Contra etiam prosequimur. Et negamus minorem; quandoquidem etiam voluntas habet ex se indifferentiam antecedentem, nolendi, & volendi, & habet quoque consequentem necessitatem volendi ex hypothesi quod semel se ad volendum determinaverit: ergo quum necessitas illa consequens in intellectu sit solum ex hypothesi, & ea, quæ est in voluntate, sit ex hypothesi etiam, nullum est ex hoc capite discrimen.

Dices III. Magnum discrimen in illa eadem hypothesi est; quia hypothesis fundans necessitatem consequentem sic est in voluntate, ut ab ejus intrinseco emanet, sci-

licet ab ejus determinatione; at in intellectu sic est, ut proveniat ab extrinseco, scilicet ab eadem voluntatis determinatione, quatenus ex vi ejus decreti liberi sit, ut res existat, & ita intellectui cum summa indifferentia obicitur.

Contra pariter instamus. Hoc discrimen est nullum, quatenus in id resolvitur, ut intellectus ob suam passivam indifferentiam possit recipere ab extrinseco determinationem ad simpliciter intelligendum, aut ad videndum; voluntas vero ob suam activam indifferentiam possit ab intrinseco sumere determinationem ad volendum, vel ad non volendum. In hoc autem non apparet, cur sit perfectio intellectui videre actualiter, accepta ab extrinseco determinatione ad videndum potius, quam ad simpliciter intelligendum; & non sit voluntati perfectio actualiter velle, sumpta ab intrinseco determinatione ad nolendum, vel volendum. Immo ex hoc eodem capite est argumentum majoris perfectionis in hac, quam in illo; & sane eo majoris, quo majus, & nobilius est agere, seu se habere active, quam sit se habere, passive: ergo si est perfectio intellectus, quod actu videat per scientiam visionis, a fortiori erit perfectio voluntatis, quod actu velit libere.

II. Probatur alterum illud, quod proposuimus. Nemo dubitat, esse in Deo perfectionem, quod sit volitivus libere: ergo necesse est, ut ei sit perfectio velle actualiter libere. Probatur consequentia. Probavimus supra, voluntatem Deo non esse per modum nudæ potentie, sed per modum formalis actus purissimi; adeoque non esse per modum facultatis præse, & expedire ad se determinandum ad hanc, vel illam partem, at per modum actus determinati quidem ad primam partem, sed non nisi ab interno suo proprio dominio, ergo, &c.

III. Probatur a nobis fuit superius, liberum Dei velle esse Deo intrinsecum: ergo est perfectio in illo. Probatur consequentia. Aliter enim sequeretur, quod vel esset imperfectio, vel saltem non esset perfectio; quod non est dicendum.

His discussis, duo alia sunt pariter stabilienda, antequam ad principalem difficultatem discutendam deveniamus; quæ quidem per quæstia præstabitur.

Quæritur I. Quænam sit differentia divini velle actualis; num scilicet sit sola indifferentia rei volitæ de se indifferentis, aut judi-

judicii proponens ut eandem indifferenter ponendam?

Dixerunt quidam, non aliter esse Deum indifferenter ad volendum, & non volendum, adeoque liberum, nisi quod præcise volitio, aut nolitio illius est de rebus indifferenteribus cognitis cum indifferencia, cognitionis, scilicet per judicium indifferens, seu exprimens, rem esse indifferenter, non vero necessariam, quasi quod de se non exigat potius amari, quam non amari. Hæc opinio tribuitur Bannes 1. p. q. 19. ar. 10. dub. 1. in 3. document., qui postquam eam explicavit, duo ex ea collatim deduxit; primum scilicet, quod quotiescumque actus volitionis oritur ex prædicta radice judicii, semper sit liber; alterum vero, quod quicquid antecesserit, vel comitaverit, vel supervenerit ad actus voluntatis, si non tollat judicium illud circa medium finis, non destruet libertatem operationum.

Nos autem ad questum respondemus negative. Ex ratio est, quia licet prædicta opinio explicet, quomodo non sit voluntati Dei mutabilis, non tamen explicat, quomodo non sequatur in Deo, sicut in nobis sequitur, mutabilitas, ex eo, quod est præcise amare. Item licet radicem habeat, non tamen formalem arborem habet libertatis, quanvis totum hoc pro materiali libertatis præsupponatur; ulterius tamen requiritur de formalis voluntas de se cum indifferencia sua propria respiciat rem indifferenter indifferenter propositam. Quod probatur. Per solam propositionem rei indifferenteris a judicio factam vel voluntas adhuc est indifferens ad amandum, & non amandum, vel jam est determinata: Non potest dici secundum; etenim si judicium illud posset voluntati determinationem asserre, judicium indifferens non esset, sed in unam partem potius præponderans, atque determinans: si dicitur primum: ergo in alio opus est, ut sit libertas. Igitur præter objecti, & judicii indifferenciam; item præter passivam voluntatis indifferenciam, seu capacitatem ad habendum amorem, vel ejus oppositum; & tandem præter vim ejusdem voluntatis activam præcise ut elicivam, vel quasi elicivam oppositi, sequitur activa indifferencia facultatis amandi; idest potentis non solum amare, nec solum amare cum, sola indifferencia judicii, aut objecti judicati, sed etiam amare ex prædicta indifferencia, seu ita amare, ut ejus vi, tanquam proprie dicta dominij, determinationem

ad amandum actualiter sibi sumat: Quæ omnia fusiis a P. Magnano scribuntur c. 12. prop. 9.

Queritur II. An actuale liberum Dei velle sit quid Deo superadditum?

Negative pariter cum P. Magnano c. 12. prop. 10. respondemus, contra quosdam, qui putabant, actuale liberum Dei velle Deo quidem liberum esse, at nihilominus dixerunt, ei convenire ex vi formæ, intrinsecæ quidem, & inexistens Deo, ejusque voluntati, sed quæ secundum suam entitatem nec sit Deus, nec ejus voluntas, at quid distinctum, ac realiter superadditum; quod ratione sum contingentie constituat Deum formaliter, & intrinsece liberum. His verbis a P. Magnano hæc sententia refertur, & explicatur; quæ quidem Cajetano tribuitur, sed calumniose, ut Magnanus subdit; qui ulterius Cajetanum ab hac calumnia defendit.

Impugnatur tamen hæc sententia I. Quia, ut explicatur, est absurda, & hæretica; & probatur; quia destrueretur divina simplicitas, ratio actus puri, &c. si ipsa admitteretur; sed hoc hæreticum, & absurdum est: ergo, &c.

Alii autem, non audentes hoc asserere de Deo, putarunt, liberum Dei velle actuale esse ex parte actum ipsum necessarium, ex parte vero esse relationem non necessariam, & per consequens liberam, & contingentem, quæque constituat actum volendi liberum in ratione liberi; quam relationem dicunt esse rationis, non realem; ne dicere videantur, aliquid reale inesse Deo.

Impugnatur pariter hæc opinio a P. Magnano. I. Est enim impossibile, ut aliquod ens rationis, secundum se sumptum, sit de intrinseca quidditate perfectionis realis, præsertim divinæ. Deus enim nec operatione nostra, nec fictionibus nostris indiget, ut sit id, quod est. II. Hæc relatio vel est libera, quia libera a nobis fingitur, vel quia Deus ex parte sui dat nobis fundamentum ita libere fingendi? Si primum; quemadmodum quia quis potest fingere, Deum esse liberum, ideo Deus est liber; pariter quia alius poterit fingere, Deum esse lignum, Deus etiam erit lignum: Si secundum; assignetur hoc fundamentum; & nos dicemus, per hoc fundamentum Deum esse vere, & formaliter liberum. Ratio est; quia licet in eo casu non esset relatio, Deus tamen daret ex parte suæ hoc fundamentum, & quidem daret libere; adeoque esset formaliter liber in eo dan-

dando. Pater hoc; quia Deus ad hoc fundamentum dandum non indiget nostra relatione rationis, quæ est posterior suo fundamento.

Dices: Facultas volendi libere est sicut Omnipotentia; sed actus secundus Omnipotentia inest Deo virtualiter, non formaliter: ergo etiam actus secundus libertatis: ergo falsum est, quod formaliter inest Deo velle actualiter liberum.

Contra. Dispar est ratio; nam actus secundus Omnipotentia est aliquid transiens, actus secundus vero voluntatis, non minus liber, quam necessarius, est immanens: ergo formaliter dicitur inesse Deo.

Remanet modo, ut difficultatis culmen attingentes, explicemus divinam libertatem, & modum volendi libere Dei; adeo ut slet in Deo omnimoda physica immutabilitas cum indifferentia nolendi, & volendi. Hæc enim duo concilianda sunt in Deo, quorum unum respondere videtur alterum; primum scilicet immutabilitas ipsa, quæ Deus aliter se habere non potest; alterum vero ipsa immutabilitas necessitati opposita, quæ potest aliter se habere. Proinde inveniens est modus conciliandi, & componendi simul hæc duo; & quod actualis divina volitio absque necessitate sit volitio, & absque mutabilitate potuerit non esse volitio.

Duo P. Magnanus docet, ad propositum explicandum adjuvare; primum est, quod velle divinum includat omnem, & qualemcumque perfectionem, quæ in genere volendi est, vel intelligitur perfectio, in sua unitate, ac simplicitate; & huius ratione divinus actus volendi, absque sui mutatione intrinseca, aliter se potest habere. Secundum autem est, actum illum non specificari ab objectis, nec ab his ullo modo haberi; & huius pariter ratione habet divinus actus volendi, ut non ratione alicujus extrinseci, puta objecti, cogatur in se mutationem admittere, ad hoc, ut intrinsece aliter se habeat.

Agimus modo de primo, de altero mox acturi. Divinus itaque simplex, & unicus actus volendi includit in se non solum eminenter, & virtualiter, sed etiam formaliter, perfectionem omnem, quæ in genere volendi est, vel cogitari potest perfectio: ergo consequens est, ut includat etiam perfectionem formalem volitionis, prout hæc est inclinatio ad rem volitam, & etiam perfectionem formalem nolitionis, prout hæc est aversio a re nolita. Probatur Consequentia. Hæc enim sunt duæ differentia

P. A. L.

volendi, quasi specificæ, sub genere volentis simpliciter: ergo divinus actus ille continet formaliter perfectionem volendi, & nolendi; seu, quod idem est, divinus actus volendi continet omnem perfectionem volitionis, & nolitionis.

Uterius suadetur hoc idem. Divina voluntas continet formaliter indifferentiam activam, seu facultatem libere volendi, vel nolendi: ergo continet formaliter omnem perfectionem actualis formalis volitionis, & nolitionis. Probatur consequentia. Facultas libera volendi non est in Deo per modum actus primi, sed per modum actus secundi purissimi: ergo consequens est, ut divina voluntas contineat omnem perfectionem, tum formalis determinatæ volitionis, tum formalis determinatæ nolitionis, per modum actus purissimi; scilicet consequens est, ut divina voluntas sit formaliter determinata volitio, & formaliter determinata nolitio; (non quidem copulative, ac simul unius, & ejusdem objecti, quia sic sunt motus impossibiles; sed disjunctive, ita quod sit seorsim volitio determinata unius, & nolitio determinata alterius, prout Deo placuerit determinare.) Voluntas enim divina est vis indifferens determinativa libere sui ipsius, & etiam est vis non per modum nudæ potentia, sed per modum actus purissimi: ergo est vis libera, non solum determinativa sui ipsius, sed etiam libere actualiter determinans seipsam; immo pariter est actualis formalis libera sui ipsius, & vi sui ipsius, sumpta determinatio; sed determinatio non est nisi unius, scilicet volitionis, vel nolitionis seorsim: ergo consequens est, ut sit determinata volitio, vel contra, facultate fundata in intrinseca indifferentia activa, cui respondet passiva, etiam intrinseca; voluntas enim divina est facultas indifferens activa, ut seipsam determinet, & passiva, ut a se ipsa determinetur. Et hæc sere omnia ratiocinia, sunt, verbis quoque sere iisdem, a P. Magnano excipra, & mutata.

Ad alterum accedimus suadendum, quod modo ex eodem P. Magnano præmissimus; actualem scilicet divinum velle nec ab objectis specificari, nec ab iisdem, aut ab alio quocunque, dependere; quod probat idem c. 12. prop. 15. Per hoc enim fit, ut ipse ait, quod non eugatur Deus ulla ex parte subire physicam mutationem, immo nec moralem, volendo libere, aut nolendo. Subdiq; id ipsum Deo peculiare esse, & nulli creature communicabile.

G g g

Nul-

Nulla enim possibilis est libertas creaturae perfecta, ita dives, ut non possit, vel etiam egeat saltem, recipere a Deo adminicula volendi, aut nolendi; immo quae non recipiat semper ab objectis, a quibus movetur; verba sunt P. Magnani; ergo evidens est, nullam esse possibilem creaturam libertatem, quae non sit physice mutabilis: ergo proprium Dei est privilegium, ob eius independentiam volendi, atque nolendi ab objectis, a quibus etiam ejus volitio, aut nolitio, non specificatur, ut solus absque mutatione physica principii volendi, aut nolendi, possit velle, ac nolle, libere in tota latitudine objecti suae voluntatis.

Arguunt modo contra a nobis dicta I. Per vim activam debet aliquid produci in Deo, per vim passivam debet aliquid recipi; hoc autem nequit esse; ergo nec vis activa, nec vis passiva in Deo est. II. Deus re vera potuit intrinsicce se aliter habere, quam se habet, quavis secundum sola formalia, seu formaliter: ergo fuit intrinsicce mutabilis, saltem moraliter. Probatur consequentia. Ad mutabilitatem moralem sicut non requiritur aliter rem se habere secundum entitativam, ita sufficit aliter se habere secundum formalia ab intrinseco. III. Divinus actus volendi secundum intrinsecam aliter se habere potest, quam se habet, licet sit secundum formalia intrinseca: ergo potest aliter se habere secundum intrinsecam entitativam. Probatur consequentia. Haec intrinseca formalia sunt realia: ergo entitativa. IV. Libertas creata in eo mutatur, quod de novo recipit entitatem sui actus, scilicet volitionis, quam antea non habebat: ergo per hoc precise, quod actus secundus identificetur cum actu primo in Deo, salvatur ejus immutabilitas.

Respondemus ad I. quod tunc illud esset, quando esset per modum potentiae in actu primo, cujusmodi non est. Unde quando dicimus in Deo indifferentiam activam ad se determinandum, intelligitur actio vitalis per modum motus, saltem intentionalis, qui explicatur per modum tendentiae, & extensionis suae ad terminum intrinsecum, seu objectum. Ita, ait P. Magnanus, quemadmodum motus physicus nec est de se productivus novi entis, sic hic motus intentionalis volendi, aut nolendi, ob ipsam motus analogiam, non debet concipi ut productio alicujus entis, quae sit formalis determinatio. Item, quod in eo actu dicitur indifferentia passiva, ut sit deter-

minata volitio, aut nolitio, non est passio, aut quid physicum, nisi in sensu grammaticali, quatenus per verbum passivum exprimitur. Sed physice non est aliud, quam formalis additio, & ordo praedictae actionis vitalis; seu dicitur, esse illam actionem viralem formaliter, quae & sui ipsius, & a se ipsa est determinatio actualis ad volendum potius, quam nolendum, vel e contra. Hoc idem ab eodem P. Magnano explicatur ex Physicis. Actio loco motiva, seu motus physicus localis, non est aliqua entitas realis, distincta realiter a mobile, tam active, quam passive sumpto; idest a se movente, & a spatio locali, per quod se movet; sed est ipsummet mobile prout active sumptum in pluribus passive locis. Motus etiam accessus ad aliquem terminum, & motus recessus ab eodem, nunquam sunt aliquid a mobile, & spatio, per quod se movet, realiter distinctum; sed sunt ipsummet mobile, prout vi sua positum in pluribus locis, tum sola diversitate ordinis, quo nempe, quando accedit, loca remotiora deserit, & occupat viciniora termino ad quem; dum vero recedit, deserit viciniora termino, ad quem, & occupat remotiora. Ergo a pari ex vi analogiae, quae intelligitur esse inter motum physicum localem, & intentionalem, debemus concipere, motum localem intentionalem, quae est volitio divina extensa ab ipsomet Deo ad creaturas, non esse aliquid distinctum ante opus mentis a Deo se movente; & consequenter bene poterimus concipere, motum intentionalem hinc inclinationis, inde aversionis, seu volitionis, aut nolitiois, non esse aliquid physice distinctum a Deo, ut extendente suam volitionem, vel ut restringente.

Ad II. negatur consequentia, ejusque probatio. Ratio est, quia ad moralem mutabilitatem requiritur, ut Deus aliter deinceps se habeat secundum judicium, vel secundum volitiones, ac nunc se habet, vel quam antea se habuerit; sed ex eo, quod divinus actus volendi, qui nunc est inclinatio, seu volitio, potuerit esse nolitio, & aversio, non sequitur, Deum aliter se habere, quam se habuerit, vel quod aliter deinceps se habeat, quam modo se habet: ergo non sequitur debere mutari, neque moraliter. Minor evidenter constat, ut videre est apud P. Magnanum.

Ad III. negatur consequentia; nam haec formaliter non est, nisi solum intelligibilis cum dicto ordine, quia intelligibilis est divinus actus prout est volitio differt a seipso prout

prout est notitio . Nec aliud est in abstracto ille intelligibilitatis actus, quam in concreto; qui prout est extensus non est ut sic non extensus, sed differt a se ut non extensus, & secundum hæc sua discrimina est intelligibilis . Igitur sunt duæ ejus intelligibilitates, seu formalitates, una extensi, alia non extensi; quavis non propterea sint duæ res, vel entitates, una scilicet extensi, altera non extensi: Una tamen est res; sicut formalitas, per quam mobile prout accedens differt a seipso prout recedens; & quod non est aliud in sua ratione abstracta, quam id, quod est in concreto ipsum mobile prout accedit, & non recedit; & secundum hæc sui discrimina est intelligibile, suntque ejus intelligibilitates, seu formalitates, una accedens, altera recedens; sed una entitas non est aliud, quam sententia communissima in hac parte vocat terminationem actus divini in rem volitam; nam idem actus absque ulla sui mutatione secundum entitatem potest terminari, & non terminari; & terminatus solum differt a seipso formaliter ut non terminato . Hæc autem vox terminandi non est tam congrua, quam vox extendendi; nam per extendere significatur tum terminatio, tum intrinseca vis activa ad terminandum; & sic explicatur usus libertatis ab intrinseco .

Ad IV. distinguitur consequens . Salvatur

aliquis immutabilis per præcisam identificationem actus secundi cum primo in Deo, conceditur; salvatur illa immutabilitas, quæ salvanda est ex indifferentia libertatis intrinseca ad operandum libere, negatur .

Colligimus ex dictis I. Libertatem divinam consistere in ratione extensionis, & intentionis actus . Quid autem sint rationes hujusmodi, usque modo explicavimus; & in explicatione ista evidenter intelligitur, divinam libertatem cum Dei immutabilitate non pugnantem, sed optime conciliatam . II. Debemus nos concipere, Deum, absque ulla sui actus divini mutatione, secundum intrinsecam physicam entitatem, sic extendere erga creaturam suam actum volendi, quando tam diligenter possit non extendere, vel e contra . Itaque hoc, quod est inclinare, nihil secundum intrinsecam physicam entitativam divini velle importat diversum ab eo, quod importat hoc, quod est se avertere, quavis sint opposita . Ratio est, quia inter duos actus oppositos non est alia diversitas, nisi jam dicta solius ordinis directi, & retrogradi; quæ est solum formalitas quedam ordinatorum; ac proinde Deus si aliter se habet, se habet solum secundum formalitatem, non vero secundum entitatem . III. Nec accessus in particulari, nec recessus, important in Deo aliquid, quod sit realiter distinctum, & ratione cujus secundum intrinsecam entitatem physicam Deus aliter se habeat ut inclinatus, aliter ut averfus .

DISSERTATIO XCIII.

*De Voluntate suspensiva, an possit esse in Deo;
& de Libertate exercitii, & specificationis, quales sint in Deo?*



Voluntas tunc suspensiva dicitur, quando omnes actus volitionis, & notitionis, suspenduntur; vel, quod idem est, voluntas in illo statu negativæ posita, qui dicitur medius

inter positivam rei volitionem, & positivam ejusdem notitionem; unde actus ille neque sit positiva volitio, neque positiva notitio, sed mera utriusque præcisio. His positis

Dicimus, non posse dari hujusmodi suspensionem in divina voluntate .

PAR. I.

Probarur I. Ideo datur in nobis hæc suspensio, quia voluntas nostra, non satis respiciens rationes volendi, & nollendi, hoc ipso remanet anceps; vel etiam quia nullam habens de aliqua re notitiam, non habet quid circa eandem decernat; sed nulla scientia Deum præterit, & nullæ eum latent pro utraque parte rationes: ergo suspendendum non est, quod suum decretum suspendat . Probarur consequentia . Rationes illæ ex natura rei vel sufficiunt, ut in alterutram partem determinet Deus, vel non sufficiunt; si sufficiunt: ergo jam

Ggg 2

Deus

Deus est determinatus; adeoque non est suspensus: Si non sufficiunt; non sufficiunt quidem nobis, quia non omnes rationes percipimus, nec eas omnimode calclemus; sufficiunt autem Deo, qui omnes, & omni ex parte, comprehendit.

- II. Probatur. Si aliquis esset casus, in quo posset dari suspensio, esset quando rationes utriusque partis forent omnino pares, & æqualia ponderis; sed hæc ratio nulla est apud Deum: ergo nulla in Deo dari potest suspensio. Probatur minor. Admissa hypothesi illa in hominibus, Deus tamen posset eligere unum ex suo arbitrio, in quod se determinaret: ergo non esset par ratio inter homines, & Deum. Probatur antecedens. Non enim Deus dependet ex rationibus, quæcumque sint, sed rationes a Deo dependent; quum sit Deus prima ratio, & infallibilis veritas rationum omnium.

- III. Probatur. Scit Deus imprimis, suspensionem illam suam esse æternam, ex vi immutabilitatis saltem moralis; Secundo optime sibi conscius est, fore ut ex illa æterna, & invariabili suspensione sequatur id omne, quod ex nolitione positiva, sequeretur; scilicet ut sequatur æterna, & absoluta rei negatio; sed hoc ipso, quod id optime scit, & posset aliter facere, quia posset non suspendere, sequeretur, quod talis suspensio esset ita volente ipso Deo, vel saltem voluntarie finienter ergo, quod Deus sciens, ac volens omnem suum actum voluntarius suspendat circa rem aliquam, eo modo se gerit, ac si positive rem illam nollet: ergo suspensio nolitionis, volitionisque, æquipollet in Deo nolitioni positive, perindeque est saltem virtualiter nolitio rei, seu volitio negationis rei.

Opponunt I. Datur in nobis ommissio pure libera, inquit nullus interveniat formalis actus volendi, quo sive implicite, sive, explicite, sit volita ommissio: ergo non bene inferitur, suspensionem omnem actus in Dei voluntate esse formaliter actum positivum nolitionis, ex eo, quod æquivalenter, & virtualiter sit positivus actus volendi. Probatur antecedens. Ex eo quia voluntas perinde est libera ad simpliciter non eliciendum suum actum, atque ad eundem eliciendum: ergo evidens est, posse suum actum suspendere. II. ex Frassen. Suspensio ista nihil detrahie divinæ perfectioni, & actualitati; ergo in Deo admittenda. Probatur antecedens. Exercitium liberum volitionis divinæ non est perfectio Deo intrinseca, sed tantum ratione terminatio-

nis, & tendentiæ in aliquod extrinsecum: ergo suspensio illius exercitii nihil detrahit divinæ perfectioni, & actualitati.

Respondemus ad I. negando, dari posse hanc puram ommissionem liberam, quia hoc ipso daretur positivus actus omittendi, & per consequens non esset ommissio pura; esset nihilominus usus alicujus indifferentiæ libertatis: ergo actus positivus; pugnat namque in ommissione esse puram, & esse liberam. Si autem libera, haberetur exercitium libertatis: ergo non pura; & si pura: ergo non haberetur exercitium libertatis.

Ad II. negatur antecedens: ad cuius probationem negatur totum id, quod assumitur. In nostris enim principiis, quæ usque modo in hac Dissertatione statuimus, contrarium habetur; ut quisque facile observabit.

Ad secundam modo Dissertationia partem, devenientes, scire oportet, libertatem exercitii, quæ pariter vocatur libertas contradictionis, esse inter duos terminos negativæ, seu contradictorie oppositos; ut est velle, in quo est exercitium actus volendi, & non velle, in quo est negatio exercitii volendi: Unde quia sic voluit Deus mundum creare, v. g., ut potuisset non velle creare, suus liber, libertate scilicet contradictionis, seu exercitii. Libertas vero specificationis, quæ dicitur contrarietatis, vertitur inter duos terminos diversæ speciei, & contrariæ oppositionis, ut sunt velle, & nolle. Unde quia sic, v. g. ex misericordia voluit Deus a peccato redimere genus humanum, ut ex iustitia potuerit nolle redimere, hinc dicitur liber libertate contrarietatis, & specificationis. Unde patet, esse in Deo tam libertatem exercitii, quam specificationis. Constat nihilominus ex dicta explicatione, Deum non habere libertatem contradictionis, & exercitii, seorsim a libertate contrarietatis, & specificationis; sed solum conjunctim illam in ista inclusam, & ab hac proflus inseparabilem. Verum ne alia quæstio de nomine oriatur, scire etiam oportet, alteras libertates explicari posse; & quidem illam contrarietatis esse, quæ respicit terminos specie diversos, ac contrarios; & sic liber hac libertate dicitur ille, qui ex duobus objectis unum necessario tenetur amplecti; verum de suo arbitrio hoc potius, quam illud. Libertatem vero contradictionis, seu exercitii esse illam, quæ relinquit indifferentiam, ut unum possit esse volitum, vel nullum. Deus ergo utranque libertatem habet circa objecta secundaria, quia taliter ea omnia voluit, ut potuisset.

tuisset omnia nolle; & hæc, quæ voluit, ita voluit, ac elegit, ut potuisset alia, ac ista, velle, & eligere.

Arguunt I. Deus non potest amare, & velle possitive, nisi quod est honestum; nec potest odio habere bonitatem rerum possibilem, quia bonitas non est objectum odii; nec potest nolle creaturarum productionem; quia sic veller aliquid contra suam perfectionem, quæ est inclinatio ad se communicandum; ergo non datur in Deo libertas contrarietatis, quæ stare nequit cum opposita necessitate. II. Libertas contradictionis includit suspensionem actus; ergo, aut in Deo admittenda est suspensio, aut neganda libertas contradictionis. Probatur antecedens. Libertas contradictionis est, quæ voluntas potest agere, vel non agere, actum elicere, vel suspendere: ergo &c.

Respondemus ad I. nullam esse indifferentiam objecti ex parte mali turpis. Sicut enim objectum indifferens est illud, quo

quis carere potest, vel non carere; ita non est Deo indifferens illud, quo Deus nun potest non carere, scilicet quod non potest admittere; sed sic est malum turpe: ergo non est objectum indifferens; ergo necessarium. Pariter negatur suppositum ad aliud; supponit enim possibile habere bonitatem. Deus autem possibilea nec amat, nec odit; quia non sunt. Similiter ad aliud dicimus, quod nulla esset in Deo imperfectio si noluisse mundum creare; licet enim in Deo sit naturalis inclinatio ad se communicandum, hæc nihilominus non exigit habere effectum suum, nisi juxta dictamen divinæ sapientiæ, & liberum divinæ voluntatis decretum.

Ad II. negando antecedens; ad cujus probationem negatur pariter antecedens; & dicitur, quid sit libertas contradictionis ex his, quæ modo diximus; unde constet evidenter nullam includere posse actus suspensionem.

DISSERTATIO XCIV.

De Providentia, quid sit in Deo? In quo formaliter consistat? Quotuplex sit? Et quomodo ad Prædestinationem se habeat?



Providentia divina non est perfectio illa, qua Deus in futurum prospicit, vel etiam ab æterno prospexit, quæque Prævidentia etiam solita est appellari. Hæc siquidem

idem est, ac præscientia; adeoque eo sane modo, quo præscientia in vigore vocis Deo denegatur; quum Deus propriæ scientiam habeat, non præscientiam; non enim in ipso datur prius, & posterius; prævidentiam quoque dissonum non videbitur denegari. Providentia ergo, de qua loquimur, illa non est, per quam Deus attendit, quæ res, vel quando, futuræ sint; sed per quam Deus invigilat rerum futurarum commodis, aut necessitatibus, quantum est opus, ut ipsas suis beneficiis adjuvet, ad eos fines obtinendos, ad quos, tum ex propriæ naturæ conditione, tum ex Dei conditoris decreto, conditæ sunt. Ita explicat P. Magnus c. 14. prop. 1. Vel ut describit

Arriaga; Providentia dicitur quasi videntia pro aliquo, seu in alicujus favorem, ejus scilicet, qui ad finem tendit. Hinc non potest dici providus; qui solum noscens quæcunque rei commoda sint, vel necessaria, negligit postea eadem ei procurare, ut potest, & utrumque etiam debet.

Duo ergo significantur Providentiæ nomine, unum ex parte intellectus, alterum vero ex parte affectus, & bonæ voluntatis. Primum est peculiaris quædam notitia, seu, ut aliis placet, potius antecessio notitiæ, in quantum Deus, cognitione suæ mentis anticipata, & ante rerum existentiam, distincte novit, quid cuique rei sit suo tempore commodum, quidve necessarium. Secundum est ipsius Dei sic prævidentis, seu præscientis, cura, studium, & sollicitudo, ad procuranda cunctis illa bona, quibus quælibet eget, tum ad esse, tum ad suum bonum esse. Unde definitur Providentia a S. Thoma q. 22. ar. 1. in corp.

corp, quod sit ratio ordinandorum in finem, quod confirmat & explicat ad L. Hieron., providentia esse principem de ordinandis ad finem. Et est juxta illud Psal. 148.6. *Præceptum posuit, & non preteribit*; ut ait idem. S. Doctor; qui pariter adducit ex Boetio 4. de consolatione prola 6., quod Providentia sit ipsa divina ratio in summo omnium Principe constituta, qua cuncta disponit. Et tandem ex Lactantio habemus lib. de ira Dei c. 10. in fin., quod divina Providentia sit, cujus vi, ac potestate, omnia qua videmus, facta sunt, & reguntur. Hinc Providentia, de qua loquimur, includit Prævidentiam, sed non est formaliter illa; quum aliquid importet, quod sit prius illa. Hæc pro prima Dissertationis parte.

Pro secunda vero dicimus, Providentiam, formaliter nec in solo intellectu actu, nec in solo actu voluntatis consistere, sed in utroque. Prima pars assertionis est contra Cajetanum, Joannem a S. Thoma, aliosque Thomistas fere communiter; immo contra Lessium, Valentiam, aliosque. Secunda pars est contra Scotum, & Scotistas, & pariter contra Ariminensem, Vasquez, aliosque non paucos. Tertia pars defenditur ab Egidio, Arriaga, Molina, Becano, Cacherano, P. Magnano, aliisque plurimis.

Prima pars probatur. Providentia respicit existentiam finis, & consequentiam ejus per media; hoc autem per solos actus intellectus Deus non potest ordinare, nec finem extra se existentem potest respicere; ergo requiruntur actus voluntatis.

Secunda pars probatur etiam. Media illa debent eligi, & finis ille intendi, non cæco modo, sed cum directione, & regula: ergo antecedenter ad actus voluntatis actus etiam intellectus prærequiruntur.

Tertia pars probatur denique. Providentia Dei aliquando per actum intellectus, aliquando per actum voluntatis, explicatur. Per actum intellectus a S. Thoma 1. p. q. 23. ar. 2. in corp. *Providentia est quedam ratio in mente Provisoris.* Per actum voluntatis a Damasceno 2. de fide c. 29. *Providentia est voluntas Dei, per quam res omnes aperte, & congrue gubernantur.* Ulterius, munera Providentiæ non omnia intellectui, non omnia voluntati, conveniunt. Habere enim certitudinem dispositionis rerum in finem, quod Providentiæ munus est, ad voluntatem non spectat, sed ad intellectum; sic etiam dirigere, & ordinare. Eligere vero, & determinare, quæ sunt Providentiæ etiam munera, ad

intellectum non pertinere, sed ad voluntatem. Ergo clare constat, nec in solo intellectu, nec in sola voluntate, sed in utriusque actibus, formaliter Providentiam consistere.

Arguunt I. Ex prima nostra ratione evinci, actus voluntatis a Providentia exigi, vel præsuppositive, vel consequentive tantum, non autem formaliter; unde nec in illis formaliter consistit, sed in iis dumtaxat intellectus. II. Actus intellectus, & voluntatis, nequeunt esse simultanei, quum unus alterum præcedat; ergo nequit in ipsis duobus divina Providentia consistere formaliter. III. Providentia nequit habere unitatem per accidens, & aggregationis; sed ex actibus intellectus, & voluntatis, non confurgit, nisi unum per accidens, & aggregationis; ergo, &c. IV. Ex S. Th. hic q. 22. ar. 1. habetur, Providentiam per actus solius intellectus explicari: Et ab Augustino lib. 83. qq. q. 21. discimus, Providentiam dici partem Prudentiæ; partes autem Prudentiæ pertinent ad intellectum; unde ibidem inquit; Providentia est, qua aliquid videtur futurum, antequam factum sit.

Respondemus ad I. Providentiam formaliter in actu voluntatis consistere, quia alter ex suo conceptu formali non respiceret determinatam media, nec finem infallibiliter obineret; tum etiam quia aliter providentia non esset formaliter libera, quum actum voluntatis antecederet.

Ad II. dicitur, quanvis actus intellectus, & voluntatis, secundum se unus alterum, præcedat, in ordine tamen ad tertium, possunt simultanei supponi; ut patet in Peripateticorum hypothesi, in materia, & forma, secundum se, & in ordine ad totum.

Ad III. dicimus, in creatis Providentiam, dici quidem unum per accidens, non sic autem in Deo, propter identitatem, actuum; adeoque actus illi facient quid unum unitate identitatis, non unitate aggregationis.

Ad IV. subdimus, S. Thomam in eodem articulo ad 3. expresse requirere ad Providentiam, quæ est intellectus, voluntatem etiam finis. Unde S. Doctor, atque etiam S. Augustinus, solum voluere, actus intellectus esse de ratione essentiali Providentiæ, non per hoc tamen negarunt hoc idem de voluntate; quia non taxative de intellectu loquebantur, sed tantum inclusive, absque eo, quod actus voluntatis excluderent.

Pro tertia Disserationis parte, dividimus primo Providentiam in inefficacem; & efficacem; & explicatur pariter cum ordine ad voluntatem inefficacem, & efficacem. Secundo in physicam, & moralem; prima est dispositio rerum in finem per media physica; secunda per media moralia; leges nimirum, precepta, exempla, exhortationes, &c. Illa est universalior, & ad omnes potest extendi; hæc autem ad creaturas tantum rationales extenditur. Tercio in communem, & specialem; prima excipitur erga creaturas omnes, sive rationales, sive irrationales; secunda erga solas rationales. Potest etiam communis tum in ordine naturali, tum in ordine supernaturali, appellari, quæ excipitur erga omnes creaturas rationales, & spirituales; & specialis, quæ erga aliquam; immo & specialissima, quæ erga aliquam insigniorem personam, puta Beatam Virginem Mariam, Dei Matrem, dirigitur. Quarto in naturalem, & supernaturalem; prima est ordinatio creaturæ ad finem naturalem per media naturalia, & est communis creaturis rationalibus, & irrationalibus; secunda est ordinatio creaturæ ad finem supernaturalem per media supernaturalia; & creaturarum rationalium est propria. Subdit Cachéranus, quod si hæc supernaturalis providentia sit inefficax, retinet commune nomen supernaturalis providentiæ; si vero sit efficax, forsitur nomen proprium prædestinationis. Addi potest Providentia sumpta in actu signato, & in actu exercitio. Primo modo importat virtutem dirigendi, & discernendi dispositionem rerum omnium in finem. Secundo modo dicit actualem directionem, & determinationem. Primo modo

consistit potius Providentia in intellectu, & voluntate; secundo modo in actu intellectus, & voluntatis; ut idem Cachéranus observat.

Pro quarta Disserationis parte, dissidium est inter Scholasticos. Quidam volunt, Providentiam se habere ad Prædestinationem, tanquam genus ad speciem; Alii tuerentur, se habere tanquam totum ad partem. Citatus Cachéranus duplici conclusione rem elucidat, atque distinguit. In prima ait, proprie, & rigore loquendo, nec ut genus ad speciem, nec ut totum ad partem, Providentiam ad Prædestinationem se habere; quia in Deo, rigore loquendo, nec datur species, nec genus, nec totum, nec pars. In secunda dicit, minus proprie, & minus rigore loquendo, Providentiam ad Prædestinationem aliqua ratione se habere ut genus ad speciem, aliqua ratione ut totum ad partem. Ratio est, quia Providentia, vel sumitur ut est conceptus quidam abstractus ab omnibus ordinibus rerum in finem, seu a diversis actibus divinis virtualiter ab invicem distinctis, quibus diversæ res per diversa media in diversos fines ordinantur; & sic se habet ut genus ad speciem. Vel accipitur ut aggregatum quoddam, seu quedam collectiuè confluentem ex omnibus ordinibus rerum in finem, seu ex diversis actibus virtualiter ab invicem distinctis; & sic se habet ut totum ad partem.

Unde Prædestinatio diversimode considerata, vel se habet ut pars objectiva, vel ut pars subjectiva, Providentiæ, nec in hoc est repugnantia; est enim sit idem, non est tamen secundum idem; quum diversæ sint rationes, ut dictum est.

DISSERTATIO XCV.

De negantibus Deo Providentiam, & de Fide, quæ docet, & de naturali Ratione, quæ ostendit, in Deo Providentiam esse.

IN PRIMO loco inter divinarum Providentiam negantes ponuntur Athei; quorum Principes, ut suo loco diximus, fuerunt Protagoras, Diagoras, & Cyreneus Theodorus. Asserimus verba Lictantii, lib. de ira Dei c. 9. ad nostrum dictum probandum: *Quod cum sententia Philoso-*

phorum prioris temporis de Providentia consensissent, nec ulla esset dubitatio, quin vindex a Deo, & ratione esset instructus, & ratione regebat. Primus omnium Protagoras exitus temporibus Socratis, qui diceret, sibi non liquere, anrum esset aliqua Divinitas, nec ne? Quæ disputatio ejus adeo impia, & contra veritatem, & religionem, judicata.

est, ut & ipsum Athenienses expulerint suis finibus, & libros ejus in concione, quibus hac continebantur, excusserint. Et post pauca iterum subdit: *Vtrum sis potius temporibus, quibus jam Philosophia desoluerat, extiterit Athenis quidam Diagoras, qui nullum esse omnino Deum diceret, ob eoque sententiam nominatus Dyrus: Item Cyncerus Theodorus, ambo, quia nihil novi poterant reperire, omnibus jam dictis, & inventis, maluerunt contra veritatem id negare, in quo priores universi sine ambiguitate consenserant. Hi sunt, qui hoc seculis, tot ingenis assertam, atque defensam, Providentiam calumniati sunt.*

Secundo loco scribuntur Democritus, Heraclitus, Epicurus, qui Deo Providentiam, tam circa universa, quam circa singula, denegarunt. Testem habemus Nemesium lib. de facultatibus animæ c. 44. hæc scribentem: *Democritus, Heraclitus, Epicurus, qui neque universis, neque singulis, a Deo provideri volunt: Epicurus enim dicebat, quod beatum sit & immortale, nec ipsum habere negotia, nec alteri exhibere. Quare nec iratundia, nec gratia teneri. Quod pariter de eodem Epicuro testatur Lactantius cit. lib. de ira Dei c. 8. Immo ex Cicero lib. 2. de natura Deorum habemus, taliter Democritum, & Epicurum Deo Providentiam, non solum negasse, sed etiam derisisse, ut eam vocare Annu fatidicam non erubescerent.*

Tertio ponitur Aristoteles, qui 6. Ethicorum ad Nicomacum non obscure significat, a natura sola administrari singula; quod de illo pariter testatur Nemesius laudatus. Et c. 8. Ethicorum idem Aristoteles affirmare videtur aliquam curam de rebus creatis divine Providentiæ, nihilominus illam ad sublunaria coarctat; ut apud Frassen testantur Ambrosius lib. 1. Officiorum c. 17.; & Clemens Alexandrinus lib. 5. Stromatum. Hujus postremi verba sunt: *Epicuri mentem subit casus, eam hoc dictum non intellexisset: Vanitas vanitatum; & omnia vanitas. Aristoteli venit in mentem usque ad lunem deducere Providentiam ex hoc Psalmo 35. Domine in cælo misericordia tua, & veritas tua usque ad nubes.*

Quarto loco adiungimus celeberrimos Aristotelis interpretes, Averroem, Avicennam, & Algazelem, qui Deo negarunt distinctam, & peculiarem cognitionem, & curam creaturarum in singulari; ut videre est apud Frassen citatum.

Quinto loco additur Rabbi Moses, qui divinæ Providentiæ negativæque corruptibilia individua, excipiens homines,

qui propter rationem, qua præditi sunt, dignos Dei Providentia judicavit. Tribuitur pariter hic error a quibusdam Origene, Hieronymo, & quibusdam Sanctis Patribus, quos infra adducemus, explicabimus, ac defendemus.

Sexto assignandus est M. Tullius Cicero, qui Deo solum Providentiam futurorum contingentium liberorum, ac proinde Providentiam quoque circa hæc ipsa dicendum est, denegasse. Quod affirmat Cacharanus, præcipue etiam de iis, qui Deo libertatem non concesserunt; & in hoc etiam accusandus est ejusdem infamie Aristoteles; ut idem Cacharanus affirmat.

Sepimo a S. Thoma p. p. q. 22. ar. 3. in corp. scribitur Plato, qui voluit, Deo Providentiam solum attingere, saltem proxime, & immediate, spiritualia, & universalia, seu incorruptibilia.

Octavo ab eodem Angelico Doctore cit. q. ar. 2. in corp. ponitur alii nonnulli, qui senserunt illud idem, quod sensisse scribit Platonem. Et ex eorum persona notat, ipsos usurpasse illud Job. 22. 14. *Nubes latibulum ejus, nec nostra considerat, & circa eardies eam perambulat, ad errorem suum defendendum.*

Contra has omnes infanias catholica Fides docet, & naturalis etiam ratio demonstrat, in Deo Providentiam esse erga res creatas; non solum præstantissimas, sed etiam vilissimas; non tantum in communi, sed in particulari quoque.

I. Probatur ex Scripturis veteris paginæ. Judith 9. 5. *Tua judicia in tua Providentia posuisti.* Job. 34. 13. *Quem constituit alium super terram? Aut quem posuit super orbem, quem fabricatus est?* Eccl. 5. 5. *Neque dicas coram Angelo, non est Providentia. Sapient. 6. 17. In omni Providentia occurret illis.* Et 14. 3. *Tu autem Pater gubernas omnia Providentia.* Psal. 144. 16. *Imple omne animal benedictione.* Et Psal. 115. 11. *Dirige in conspectu tuo viam meam.* Et Psal. 72. 27. *Transiit manum dexteram meam, & in voluntate tua deduxisti me.* Et expressius, quod sit in Deo Providentia circa omnia, etiam minima, & vilissima. Sap. 6. 8. *Æqualiter illi cura est de omnibus.* It. 8. 1. *Attingit a fine usque ad finem fortiter, & disponit omnia suaviter.* Et novæ paginæ. Matth. 5. 6. *Respicite volatilia cæli, quoniam non serunt, neque metunt, neque congregant in horrea, & Pater vester cælestis pascit illa: Nonne vos magis pluris estis illis? Nolite ergo solliciti esse, dicentes: Quid manducabimus, aut quid bibemus, aut quo operiemur? ... Scit cæli.*

Pater

Pater vester, quia his omnibus indigetis. Quarite ergo primum regnum Dei, & iustitiam: cetera & haec omnia adjicientur vobis. Luc. 12. 6. *Nonne quinque pesseret venient dispendio, & unus ex illis non est in oblivione coram Deo? Sed & capilli capitis vestri omnes numerati sunt.* Hebr. 1. 3. *Portantque omnino verbo virtutis sua.* Et Matth. 6. 30. *Si autem frum agri, quod hodie est, & cros in cibum mittitur, Deus sic vestit; quanto magis vos modica fidei & c. nu. 28. Considerate lilia agri, quomodo crescunt; non laborant, neque neut.*

II. Probatur ex Conciliis. Concilium Valentinum II. c. 2. in quo dicitur: *Præscientia futurarum actionum, tam bonarum, quam malarum, est in Deo æternaliter; ergo æternaliter est in Deo Providentia.* Ad quid enim præscit, quibus providere, aut non vult, aut non potest, aut desistit? Concilium Arausicanum II. c. ult. Concilium Valentinum II. c. 3. Concilium Tridentinum generale sess. 6. can. 17., in quibus habetur: *Prædestinatio, seu prædeterminatio ad malum non fit a Deo: ergo ad bonum fit a Deo; sed Prædestinatio includit Providentiam: ergo, &c.*

III. Probatur ex Patribus. Clemens Alexandrinus Strom. 6. *Constat jam supplicium magis, quam constantiam, mereri illum omnem, qui Providentiam esse non potest, ac revero esse Atheum.* Tertullianus lib. 2. cont. Marcionem c. 24. *Nemo te sustinet improvidentiam ascribentem Deo, ei, quem Deum non negas, confiteris & providam. Hac enim illi proprii Divinitas constat.* Lactantius lib. de ira Dei c. 10. *Si est Deus, utique providus est.* Chrysostomus hom. in Joann. *Et si decies mille tales esse mundos oporteat, aut etiam infinitos, idem manet sufficiens omnibus, non tantum ad illos producendos, sed etiam ad conservandos, postquam fabricati sunt.* Cyrillus Alexandrinus, qui lib. 10. in Joann. *Deum vocat inspectorem universorum, & curatorem.* Fulgentius lib. de fide ad Petrum c. 3. *Nisi summe bonus esset, non se gubernandis rebus quoque infimis præstitisset.* Augustinus lib. 83. qq. q. 44. *Nihil casu fieri in mundo, quia Deus immutabile est illud bonum, cuius participatione sunt bono ceteri quacunque sunt; quod non per aliud, sed per seipsum bonum est. Quam divinitatem etiam Providentiam vocamus.* Ambrosius lib. de officiis c. 13. *Quis Operator negligit operis sui curam? Si injuria est regere, nonne est major injuria scire? Cum aliquid non fecisset nulli injuria fieri non curare autem quod feceris, summa inclementia est.* Salvia-

P.A.R. I.

nus initio lib. 1. de Gubernatione Dei. *Omnes religionis expertes tu ipsa, & quadam necessitate compulsi, & sentiri a Deo omnia, & moveri, & regi, dixerunt.* Hieronymus in c. 1. Habac. *Sicut igitur in hominibus etiam per singulos Dei currit providentia; sic in ceteris animalibus generalem quidem dispositionem, & ordinem, cursumque rerum, intelligere possumus; v. g. quomodo nascitur piscium multitudo, & c. P. Boueat traditio-ne probat, cujusvis seculi Patres, Auctoresve, adducens.*

IV. Probatur ex Philosophis Gentilibus. Mercurius Trismegistus in Pymandro. *Adverte mundi, & ordinis ejus ornamentum; adverte providentiam; ex his agnosce, percipisque Drum.* Hierennius Philosophus in Metaphysicis: *Si non factus sit mundus, nihil ei divina providentia opus est; si cum non factus est, neque corrumpi, neque pati quicquam poterit. Nam quod tutum ostendi nullum profus habuit, nullum quoque neque corrumpatur mo. & habebit inquam. Itaque nullius cura eget, ac præsidio.* Atticus etiam Platonicus, disputans contra Aristotelem apud Eusebium lib. 15. de præparat. quia Aristoteles dixerat, mundum a nullo esse productum, tanquam absurdum ex hoc inferebat, Providentiam tolli. Cum Plato ita ratiocinaretur: *Ei, quod non ortum habuit, neque fallere opus est, neque curatore ullo, ut bene habeat; ne mundo providentiam auferret, negavit ortum non fuisse.* Alexander Peripateticus Philosophus in lib. de Providentia apud Cyrill. lib. 3. contra Julianum: *Nihil eorum, quæ in mundo sunt, absque Providentia geritur. Nam omnia pleno sunt divino Numine, idque omnia, quæ sunt, pervadit. Iccirco quacunque sunt, ex Dei voluntate sunt. Quod omnium, quæ cernuntur in rebus, testimonio constare dicit. Et enim, verum, quæ sunt, ordo semper eodem modo se habens, ingens argumentum est, non illa sortito fieri. Et idem repetens argumentum, subdit: Nam eorum, quæ hic sunt, conservationem, & generationem, & in specie sua permanentionem, non absque divina constare providentia, auctor est Aristoteles. Quippe vis illa, quæ a Sole, ac ceteris facit illius Stellis emanat, ejusdem sententia, causa est omnibus, quæ constant natura, ortus, & incolumitatis.*

V. Probatur Rationibus, I. quæ est S. Thomæ 1. p. q. 22. ar. 1. in corp. *Convenit Deo causare per intellectum, & voluntatem ordinem rerum in finem: ergo convenit Deo Providentia. Consequentia sequitur; in illo enim Providentia consistit.*

H h h

An-

Antecedens probatur. Deus per intellectum, & voluntatem causas quæcunque bona in creaturis; sed ordo rerum in finem est bonum creaturarum: ergo convenit Deo causare per intellectum, & voluntatem ordinem rerum in finem. II. Deum non dedecet producere res minimas, easque vilissimas: ergo neque illum dedecet eas regere, & gubernare. Antecedens est certum; consequentia probatur. Si Deus eas non fecisset, nullus eum accusare potuisset; at quod fecerit, & non curet, accusandus non immerito videtur, aut negligentis, aut inclementis, aut etiam injustis: ergo majus est pondus curare, quam facere; sed Deus fecit, & ita fecit, ut non produci eum fecisse: ergo curat, & ita curat, ut non pudeat curare. III. Si Deus providus non esset, vel esset, quia non posset, vel quia nollet, vel quia providere nesciret? Si primum: ergo impotens esset Deus: Si tertium: ergo ignarus: Si secundum: ergo non bonus: ergo inclementis: ergo injustus. Unde Damascenus lib. 2. de fide c. 29. *Solus Deus natura bonus est, & sapiens: igitur quatenus est bonus, providet; qui enim non providet, non est bonus; nam & homines, & bestia proprietarum fatuum providentiam habent, naturali quodam instinctu; & qui non providet, vituperari solet; quatenus autem sapiens est, optime rebus prospicit.* IV. Deus omnia creavit: ergo omnia gubernat. Ad quid enim fecisse, si voluisset deinde negligere? Et ubi potestas in faciendo, si in gubernando potentia deficit? Hinc Nemestius, Philosophus Christianus lib. de natura hominis c. 42. *Necesse est, eundem & procreatorem, esse rerum omnium, & iis providentem. Non enim consentaneum est, nec decet, alium efficere, alium curare, quæ sunt effecta, curam agere. Eiusmodi enim prorsus imbecillitatis aliquid habet.* V. Quævis res, etsi minima, & vilis, est bona: ergo a Deo producta, & vilis, est bona: ergo a Deo conservata; & quia est producta secundum rationes omnes, sive genericas, sive specificas, sive numericas; secundum has etiam est conservata, conservatio enim est continuata productio. Atqui conservare idem est ac regere, & gubernare: ergo, &c. VI. Creatæ entia vel sunt casualia, vel sunt ad certum finem ordinata; non casualia, aliter non haberent Deum pro Auctore: ergo ad certum finem ordinata: Sed non possunt entia inferiora pervenire ad proprium cuique finem, nisi a superiori reducantur ad actum: ergo necesse est, ut eadem superior, &

prima causa, quæ illa creavit; unde non sunt casu nata, illa quoque gubernet, unde nec sint casu viventia, & a casu pariter gubernata.

Arguunt I. ex Scripturis. 1. Cor. 9. 9. *Nunquid de bobus cura est Deo?* ergo de bobus Deus providentiam non habet. Psal. 35. 6. *Veritas tua usque ad nubes:* ergo solo coelo divina Providentia circumscriptur, & terra nostra foris remanet. Job. 22. 14. *Nubes latibulum ejus, nec nostra considerat;* & circa cardines cæli perambulat; ergo de inferioribus, & sublanaribus non curat. II. Ex Patribus. S. Hieronymus explicans illud Habacuc 1. *Mundi sunt oculi tui, ne videant malum;* ait: *Abfurdum est ad hoc Dei deducere maiestatem, ut sciat per momenta, singula quot nascantur culices, quoties moriantur: quæ cinis, & pulvis, & mustarum sit in terra multitudo: quanti pisces in aqua natus, & qui de minoribus majorum præda cedere debeant.* Non finis tam fatui adulatorum Dei, ut dum potentiam ejus etiam ad ima detraximus, in nos metipsos injuriæ simus, eandem rationabilium, quam irrationalium, providentiam esse decentes. Ex quo liber ille apocryphus stultitia condemnandus est, in quo scriptum est, quendam Angulum nomine Tyri præse reptilibus: ergo ex Hieronymo Dei Providentia ad res vilissimas sigillatim non descendit. Origenes contra Celsum: *Mea quidem hæc sententia est, quemadmodum in civitatibus, qui annonæ, & macelli curam habent, nullius alterius causam laborare, quam hominum; ejus tamen providentia fructum ad canes, & alia bruta pervenire: ita divinam providentiam ratione præditis præcipue prospicere; ex consequenti autem etiam bruta animantia itis perfrui, quæ hominum gratia procreata sunt:* ergo brutorum non proprie, sed ex accidenti Deus curam habet ex Origene. Damascenus lib. 2. de fide c. 29. *Quæ enim in nobis ipsis sita sunt, ad providentiam non pertinent; sed libertatis sunt, arbitriique nostri:* ergo ex Damasceno, quæ sunt posita in libertate voluntatis humanæ a divinæ providentis finibus excluduntur. III. Rationibus. I. Multa eventa tribuimus fortunæ, casui, fato: ergo divinæ Providentiæ non tribuuntur. II. Monstra etiam, quæ naturaliter nascuntur, sunt naturæ defectus: ergo neque Providentiæ tribuenda sunt. III. Peccata melius esset, si in homine non essent: ergo in hominis Providentia non intendit Deus, quod melius erat. IV. Videmus pssim in mundo justos deprimi, impios exaltari: atqui hoc divinæ Pro-

Providentiæ tribui non debet; ergo, &c. Respondemus ad I. ex Scripturis, Apostolum negare Deo de bobus Providentiam specialem supernaturalem, quam Deus de creaturis rationalibus habet, non vero Providentiam generalem, quam habet de omnibus, de passeribus quoque, de capillis &c. Cæterum Apostolus docet, rationes textus vereris testamenti; non alligabis as bovi triuvanti, quod Deus præcipue non attendat ad bovem, sed ad Ecclesiæ Ministros, qui habent ius accipiendi necessaria ad victum ab illis, quibus administrant spiritalia. Et hoc habetur ab eodem Apostolo, qui ad allata verba hæc alia subdit: *An propter nos atque hoc dicit? Nam propter nos scripta sunt. Si vos vobis spiritualia seminavimus, magnum est, si nos carnalia vestra metemus?*

Ad illud Psalmi responderi Cyrillus catechesi 8. his verbis: *Quidam illa dicto abutentes veritates tue usque ad unbes, an si sunt Dei Providentiam omnibus, & celo circumscribere, & terram ab illa alienare. Verum, ait Cyrillus, sic loquentes non advertisse ad alia verba Psalmi, quæ sunt: Si ascenderis in celum, tu ille es; si descenderis in infernum, nihil. Si cum nihil sit celo excelsius, nihil inferno profundius, qui dominatur extremis, attingit & terram mediam. Eodem sermone exponit verba illa Valentia 1. p. disp. 1. q. 22. punct. 2.*

Ad verba Job dicimus, illa non fuisse a Job prolata ex propria mente, sed ex improborum sententia. Dixit enim: *An non cogitas, quod Deus excelsior celo sit, & super stellarum verticem sublimetur?* Et adiunxit: *Et dicis, quid enim novit Deus, & quasi per Naligum iudicat. Nobis latibulum ejus, &c.* Ex quibus constat, huiusmodi verba non dixisse Job ex suo iudicio, sed ex improborum hominum mente, eaque non approbasse, sed damnasæ.

Ad II. ex Patribus, variz sent explicationes verborum Hieronymi. Quidam volunt, ea intelligi debere comparative; quatenus sit sensus, non eandem esse Providentiam in Deo respectu rationalium creaturarum, ac irrationabilium. Alii dicunt, intellexisse, cognitionem Dei nec augeri, nec minui, nec rerum mutatione mutari; ita ut sit sensus, quod Deus novam notitiam sigillatim rerum nascentium per singula momenta acquirat; quum ab æterno habuerit simul, & unico actu simplicissimo rerum omnium scientiam. Alii subdunt, eum loquutum fuisse populariter, & ad vulgi captum, non autem ex proprio sen-

PAR. I.

su; quod constare, inquit, ex contextu libr. contra Rufinum, & ex commentariis supra Prophetas. Plures autem affirmant apud Frassen, Hieronymum distinguere duplicem scientiam, & curam divinam; unam particularem, quæ restringitur ad illas res, quas Deus per se ipsas diligit, & regit; aliam generalem, qua Deus rebus omnibus providet. Primam intendit S. Doctor, non intendere Deum erga irrationalia, quæ non diliguntur propter se, sed propter hominem. Hanc divinæ Providentiæ distinctionem memorat Hieronymus in cap. 38. Jeremix: *Sunt, qui Providentiam Creatoris usque ad rationalia conficiuntur; bruta autem servitutis casibus, afferunt, vel perire, vel vivere: Propheticaque sermo declarat, nihil esse, quod fugiat divinam Providentiam, & scientiam Dei, quia alia propter se, alia in usum hominum sunt creata.* Et post pauca: *Quia cura mea est omnia regere, universa disponere, & reddere singulis iuxta vias suas.* Idem Hieronymus in Comment. ad e. 10. Marti. exponens verba illa: *Nonne duo passeret esse venient: scribit: Si parva animalia absque Deo auctore non decidunt, & in omnibus semper est Providentia, & qua in his peritura sunt, sine Dei voluntate non percuti: Vos, qui æterni estis, non timere debetis, quod absque Dei voluntate providentia.*

Ad verba Origenis dicimus, intelligenda esse, quod primario Dei Providentia homines complectatur, secundario vero, & hominum gratia, ad cætera animalia extendatur. Sic pariter loquitur Clemens Alexandrinus lib. 6. Stromat. *Conferunt omnia, & singula una applicatione contineri; non tamen universa principali incubitu.* Hoc autem secundario complecti, non est complecti ex accidenti, & improprie; ut Aristoteles intelligebat, & cum ipso Alexander Aphrodisiensis, alique principales sui Sectatores, quos memoravimus supra. Quibus addit, quod attenda ex una parte hominis obligatione ad vivendum secundum rationem, & ex altera hominis imbecillitate propter peccatum, videtur, quod majori, & peculiari providentia indigeat homo, quam cætera irrationalia. Ad quod respexit Ambrosius scribens in Psal. 118. *Quia iustus est, ut opus manuum suarum tueatur, ac servet; ut quos nudos, indutata quidam natura sorte, in hanc projectis corporis infirmitatem, vigore animi, & misericordia sua dote, pauperes vestire dignetur.*

Ad Damascenum dicit Petavius theol. dogm. H h h 2 mat.

mat. lib. 8. c. 4. nu. 19. quod nisi eius verba commodè intelligantur, profecto sunt falsa. Ut autem ea commodè intelligat, hæc addit: „ Sed nimirum providentiam en-
 „ fu Damasceus usurpat, ut sit absoluta re-
 „ rum futurarum ordinatio, ac dispositio,
 „ qua quid omnino velit fieri, decenter
 „ Deus; nec voluntatis nostræ rationem ha-
 „ bet; ut sunt ea, quæ nos fortuita, & casu
 „ nata credimus. At tantum abest, ut, quæ
 „ libetis ex causis oriuntur, providentiæ
 „ subiecta non sint, ut Nennius neget ea,
 „ qua providentia geruntur, necessitati subesse.
 Ad III., quæ est prima ratio, dicitur, res-
 pectu causarum secundarum, & particu-
 larium multa esse fortuita, & casualia; ni-
 hil tamen sic esse respectu causæ univer-
 salis, & Dei. Ad II. rationem subdit S. Tho-
 mas contra gentes c. 71. Multa bona sunt in
 rebus, quæ, nisi mala essent, locum non ha-
 berent; sicut non esset patientia iustorum, si non
 esset malignitas persequentium; nec esset locus
 iustitiæ vindictriciæ, si delicta non essent. In
 rebus etiam naturalibus non esset unius gene-
 ratio, nisi esset alterius corruptio; si ergo ma-
 lum totaliter ab universitate rerum per divi-
 nam providentiam excluderetur, oporteret
 etiam bonorum multitudinem diminui. Res-
 pondeat pariter Ambrosius lib. 3. Examer.
 c. 9. ubi sibi objicit: Quid cum utribus, etiam
 letibalis, & perniciosa generantur? Cum tritico
 conium? Quid inter alimenta vitæ noxiarum
 reperitur? Et nisi provisorius fuerit, consuevit
 saluti nocere, inter alia quoque nutrimenta
 vitæ helleborum deprehenditur; aconita quo-
 que saltem frequenter, & decipiunt colligen-
 tem. Et sibi ipsi occurrit dicens: Singula-
 rum, quæ generantur in terris, specialem
 quandam rationem habent, quæ pro virili por-
 tione complens universi pulcritudinem creatu-

ra. Alia ergo esui, alia potui, alia alii na-
 sentur usui; nihil vocat, nihil inane germi-
 nat terra. Quod tibi putas inutile, aliis nullo
 est; quod esum non adjuvat, medicinum sug-
 gerit; & sape eadem, quæ tibi noxia sunt, avi-
 bus, aut feris, innoxium ministrant pabulum.
 Denique fluvius versantur cœni, nec fraudi est
 eis, quoniam aequalitate sui corporis venenum
 succi letibalis evadunt. . . . Helleborum au-
 tem peritis loquantur etiam esse & alimenta
 coturnicium, en quod naturali quodam tempe-
 ramento sui corporis vim pabuli nocentis evi-
 tent. Ad III. rationem respondet S. Augu-
 stinus in Enchiridio c. 70. & 11. Ex omnibus
 consiliis Universitatis admirabilis pulcritudo,
 in qua etiam illud, quod malum dicitur, bene
 ordinatum, & suo loco positum, eminentius
 commendat bona, ut magis placeant, & lau-
 dabiliora sint, dum comparantur malis. Nec
 enim Deus omnipotens, (quod etiam infideles
 fatentur, Rerum cui summa potestas) cum
 summe bonus sit, nullo modo sineret mali esse
 aliquid in operibus suis, nisi usque adeo esset
 omnipotens, & bonus, ut beneficeret etiam da-
 malo. Et S. Anselmus in Elucidario de ma-
 lis Angelis interrogat: Cum Deus præscir-
 ret eos tales futuros, quare creavit eos? Et
 respondet: Propter ornatum sui operis; ut
 enim pictor nigrum colorem subternit, ut
 albus, vel tubus, pretiosior sit; sic colla-
 tione malorum iusti clariores fiunt. Ad IV.
 rationem subjungimus, ex impiorum exalta-
 tione, & iustorum deprecatione in hac vi-
 ta, potius colligi divinam Providentiam,
 quam destrui; siquidem colligitur, eam esse
 ab umana longe diversam, quatenus non
 temporaria, cum creaturis ratione præditis,
 & ad supernaturalem finem ordinariis, sed
 æterna respicit, adque ad altiora se di-
 rigit.

DISSERTATIO XCVI.

De Prædestinatione ad salutem, de Hereticorum signentis contra illam.



Prædestinatio, quasi præce-
 dens destinatio, dicta, origi-
 nem ex vi vocis, a destina-
 tione ducit; quæ, vel signifi-
 cat deliberationem, vel desi-
 gnationem, vel missionem,
 quatenus per ipsam Deus creaturas ratio-
 nales designat, deputat, mittit; & sic mit-
 tere deliberat, & statuit, ad finem super-

naturalem, sive bonum, ut habet Dama-
 sceus lib. 2. de fide c. 30., sive malum, ut
 docet Concilium Valentium sub Luthario
 celebratum c. 3. ibi: *Fatemur Prædestinationem
 Electorum ad vitam, Prædestinationem
 impiorum ad mortem.* Nihilominus per an-
 ticonomiam pro Electis tantum Prædesti-
 nationi intelligi communiter a Theologis
 consuevit, quum pro impiis Reprobatio intel-

intelligatur. Illud autem *Præ* non importat præcedentiam dignitatis in Prædestinationis, ut vult Catherinus, nec præcedentiam ad merita, ne autem alii, qui prædestinationem ante meritum prævisionem asserunt, sed præcedentiam durationis inter prædestinationem, & prædestinatos; quatenus prius ipsa destinatio existit, quam destinati existant; quum illa sit ab æterno, hi autem tempore incipiant, ut ait Apostolus 1. Cor. 2. 7. *Quam prædestinationis Deus ante secula; & ad Ephesios 1. 4. Elegit nos in ipso ante mundi constitutionem.* Prædestinatio igitur, concludit Cachernas, ex vi nominis usurpatur ad significandam ordinationem creaturæ rationalis ad finem æternæ beatitudinis; quæ ordinatio, utpote ab æterno in Deo existens, antecedit existentiam creaturæ rationalis ad eandem gloriam ordinatæ.

Sic pro nomine explicata Prædestinatione, pro re, quæ sub hoc nomine continetur, suscipimus illam explicandam. Definitur igitur: Est actus æternus divinæ Providentiæ, quo statuit aliquas intellectuales creaturas perducere ad gloriam per infallibilia media gratiæ. Explicatur definitio. Dicitur, actus æternus divinæ Providentiæ, idest certa scientia, & immutabile decretum, quod appellatur ab Augustino præscientia, & prævisio; tota enim prædestinatio est salus, & bona vita, prout existens in decreto, & mente Dei. Dicitur, quo statuit aliquas creaturas intellectuales producere; per quas particulas differt a prædestinatione, in genere, quæ ad omnes rationales creaturas terminatur. Dicitur tandem, ad æternam beatitudinem per infallibilia media gratiæ; per quæ verba denotatur, quod terminus ad quem Prædestinatorum est æterna beatitudo; si vero sit finis intermedius, est gratia efficax. Unde quatuor in Prædestinatione habemus. Primum est subiectum prædestinans, scilicet Deus ipse ordinans &c. Secundum est homo, aut Angelus, ad ipsam beatitudinem ordinatus. Tertium est actus ipse, qui est Prædestinatio; & hic scientiam dicit, & decretum. Quartum est terminus ad quem ipsa prædestinatio dirigitur, estque gloria, & gratia. Brevius ab Augustino lib. de Prædestinat. Sanctior c. 10. definitur: est preparatio gratiæ finalis, quæ vocatur perseverantia. Licet enim perseverantia accepta ex parte principii sit decretum, dandi totam illam feriem gratiarum, quæ ab initio vitæ usque ad finem datur præ-

destinato, in hac tamen præparatione gratiæ finalis sita est prædestinatio, quia illi adiungitur etiam gratiæ conjunctio. Tandem ab eodem Augustino lib. de bono perseverantiæ c. 4. definitur: est preparatio beneficiorum Dei, quibus certissime liberantur quicumque liberantur.

Prædestinatio denique formaliter consistit in actibus intellectus, & voluntatis; quum enim sit pars divinæ Providentiæ, sive subiectiva, sive objectiva, ut dictum est, omnes illos actus formaliter includit, quos ipsa Providentia imbibit. Et quidem ex parte intellectus includit scientiam simplicis intelligentiæ, qua cognoscit Deus possibilitatem beatitudinis, & gratiarum. Secundo includit scientiam mediæ, qua cognoscit de facto beatitudinem obtinendam a tali homine, si ei talia auxilia conferantur. Tercio includit scientiam approbationis, qua Deus cognoscit, & approbat suæ voluntati decreta, quando statuit dare prædestinato talia media in ordine ad salutem. Ultimo includit scientiam visionis, qua cognoscit se daturum talia media Electis, & Electos ei consensuros, & adepturos salutem. Ex quibus quatuor actibus duo priores, scilicet simplices intelligentiæ, & mediæ, essentialiter prædestinationem constituunt; duo vero posteriores solum connotative includuntur. Ex parte voluntatis dicitur efficacem intentionem dandi Electis gloriam, & dandi media congrua, quibus opera bona infallibiliter habentur, & iustitia finalis. Dicitur etiam voluntate exequentem illud propositum; quæ intentio dandi Electis gloriam, & media congrua ingreditur intrinsicam prædestinationis constitutionem; voluntas vero exequens ad effectum prædestinationis pertinet.

Prædestinationem sic explicatam dari, supernaturali certitudine fidei Catholicis omnibus constat; & nos mox Scripturarum, Conciliorum, ac firma Patrum traditione, probabimus. Antecedenter autem placet asserere illos, qui eandem inficiari ausi sunt; eorundemque errores ita in medium afferre, ut quicumque legerint, ad eosdem confutandos judicent, sibi satis esse legisse.

Primo recensendi sunt ii omnes, qui Providentiam negarunt; Hoc enim ipso, quod Providentiam inficiari sunt, Prædestinationem quoque non agnoverunt. Hos omnes in præterita Dissertatione sigillatim adduximus.

Secundo adnumerandi sunt pariter omnes illi, qui animæ rationalis immortalitatem non

non admiserunt; non enim poterant ejusdem destinationem ad gloriam concedere, qui eam cum corpore perire, & post corporis mortem non remanere, delirabant. Tertio ponuntur Manichæi, qui libertatem humani arbitrii destruunt, omnia a fato, & a fatali necessitate dirigi, esse iubeant. Hoc ipso etiam Prædestinationem negant; quatenus quum hæc merita supponat, vel in intentione, vel saltem in executione; & merita esse non possint in creatura, quæ libertate caret; sequitur omnino, quod libertatem in homine negantes, Prædestinationem quoque hominis ad gloriam denegent.

Quarto compleximur Prædestinatos, sive antiquos, de quorum origine non est eadem apud historicos ecclesiasticos; professores sententia; sive recentiores, inter quos Lutherani, & Calviniani, adnumerantur. Hi enim omnes putarunt, efficaciam gratiæ consequens ad prædestinationem, cum libertate coherere non posse; adeoque, prædestinationis ratione, fatalem quandam necessitatem prædestinato importarunt; ita ut semel a Deo prædestinatus, sive bene, sive male operetur, semper sit prædestinatus; pari etiam modo de reprobo loquentes.

Quinto loco scribuntur Semi-Pelagiani, qui, Petavio teste, senserunt, qualicumque ordine constituto, de salute, id est de statu salvandorum, ad perditionem, hoc est ad reproborum sortem, posse homines transire; atque etiam de perditione, scilicet de reproborum sorte, ad salutem, ad statum videlicet salvandorum, posse pariter ascendere.

Sexto adduntur Valentiani, Basilidiani, & Manichæi etiam alio ex capite; quia scilicet duplicem in homine naturam, bonam unam, alteram malam admittebant; unde ex hominibus alius dicebant esse naturæ bonos, ac fideles, & proinde salvandos; alios vero naturæ malos, & infideles, ac reprobos consequenter esse, volebant.

Septimo additur Joannes Hufs, Bohemus, ab Alfonso de Castro, adversi hæres. lib. 12. verb. *Prædestinatus*; qui refert ex Sigerberto Monacho in suis chroniceis, oriam fuisse hæresim sub Honorio Imperatore, & Zosimo Papa, qua dicebatur, bene viventibus nihil bona opera prodesse, si a Deo fuissent ad mortem ordinati; & male viventibus nihil obesse vitia quæcumque, si Deus illos prædestinasset ad vitam. Hujus hæresis auctores Sigibertus vocat Prædestinatos; nomen scilicet a doctrina sua suscipientes;

de nomine vero Auctoris principalis omnino tacet. Meminit hujusce hæresis Bernardus de Lutemburgo 10 suo Hæreticorum catalogo. Et hunc errorem, subdit deinde Castro, Joannem de Hufs in Bohemia suscitasse; dicendo nimirum, illum, qui a Deo prædestinatus est ad vitam, etiam si mala opera agat, nunquam posse esse membrum Diaboli; & illum, qui a Deo ordinatus est ad mortem, quanvis bene vivat, nunquam posse esse membrum Dei. Quam deinde insaniam aliqui vulgares, & idiotæ homines in Hollandia amplexati sunt; ut idem de Castro testatur.

Octavo ponitur Jovinianorum error, qui & dicitur etiam Pelagianorum, quo docebatur, pie viventibus non prodesse bonorum operum laborem, nisi a Deo ad vitam æternam sint ordinati. Ita refert Richardus Arsdækin in notis general. dogmatum damnatorum verb. *Prædestinatio*; qui addit, errorem hunc fuisse deinde instauratum a Joanne Hufs; ac pariter fuisse damnatum cum aliis erroribus ejusdem Hufs in Concilio Constantiensi art. 5.

Nono iterum scribuntur Pelagiani docentes, homines prædestinari intuitu bonorum operum, quæ sunt solis naturæ virtutibus. Ita idem de Arsdækin, qui citat Augullinum, & Concilia omnia, in quibus damnati sunt Pelagiani.

Decimo denuo adduntur Semi-Pelagiani, qui asserbant, parvulos, qui post baptismum moriuntur, prædestinari propter bona opera facienda, si vixissent. Refert idem ipse de Arsdækin, qui pariter Concilia nuper dicta citat.

Undecimo poni potest error dicentium, hominem posse scire, se esse in gratia, & prædestinatum, sine speciali Dei auxilio. Et hic error est Lutheri, ut asserit etiam Alphonsus de Castro, & Arsdækin; & damnatus fuit in Tridentino Concilio sess. 6. cap. 12. & 13. & can. 16.

Duodecimo iterum scribitur Calvinus, qui voluit, homines prædestinari ab æterno independenter ab operibus, & loquitur de prædestinatione tam intenta, quam execut. Et hic pariter error fuit in Tridentino damnatus, ut Arsdækin aperte testatur.

I. Probatum modo catholica veritas ex Scripturis. Ad Rom. 8. 30. *Quos autem prædestinavit, hos & vocavit; & quos vocavit, hos & justificavit; quos autem justificavit, illos & glorificavit.* Ad Ephesios 1. 11. *In quo etiam & nos sorte vocati sumus, prædestinati secundum propositum ejus, qui operatur omnia*

omnia secundum consilium voluntatis suæ. Et num. 5. ejusdem cap. Qui prædestinavit nos in adoptionem filiorum per Jesum Christum in ipsum, secundum prædictum voluntatis suæ. Matth. 25. 34. Possidete paratum vobis regnum & constitutionem mundi. Act. 13. 48. Et crediderunt quotquot erant præordinati ad vitam æternam.

II. Probatur ex Conciliis. Concilium generale Constantiense, quod art. 5. & art. 21. damnavit errores Joannis Hufi, inter quos sunt illi, qui contra Prædestinationem, sentiunt, ut diximus. Concilium Arausicum II. cult., Concilium Valentinum II. c. 2. & 3., in quibus de Prædestinatione, expressæ definitiones habentur. In hoc autem can. 3. sic legitur: Fidenter fateamur prædestinationem Electorum ad vitam, & prædestinationem impiam ad mortem. Concilium Carisiacum can. 1. in quo dicitur: Unam prædestinationem Dei tantummodo dicimus, quæ aut ad donum pertinet gloria, aut ad retributionem justitiæ. Concilium generale Tridentinum sess. 6. c. 12., & can. 16. Aliaque Concilia plurima post Tridentinum celebrata.

III. Probatur ex Patribus. Fulgentius lib. 3. de veritate prædestinationis: Prædestinavit erga Deum Sanctus suus, & ad gratiam, & ad vitam bonam, & ad gratiam vitam æternam. Prosper lib. 1. responsionum ad capita Gallo- rum c. 1. Fides Prædestinationis est multarum sanctorum Scripturarum auctoritate munita. Et cap. 14. ejusdem libri: Prædestinatio igitur Dei semper in bona est, aut ad retributionem justitiæ, aut ad donationem pertinet gratiæ. Augustinus lib. 5. contra Julian. c. 3. Absit enim, ne prædestinatus ad vitam sine sacramento Mediatoris fuisse permittatur hanc vitam; lib. de Prædestinatione Sanctorum c. 17. Electi sunt ante mundi constitutionem ea prædestinatione, in qua Deus sua scilicet futura præsevit. Idem Augustinus hoc dogma sæpius docet aliis in locis ejusdem Operis de Prædestinatione Sanctorum; similiter in alio de dono Perseverantiæ; etiam in altero de Correctione, & Gratia, ac alibi passim. Gregorius magnus 1. Dialog. c. 8. Ipsa quoque pervenis regni prædestinatio ita est ab omnipotenti Deo disposita, ut ad hanc Electi pio labore perveniant. Gennadius episc. de Prædestinatione: Semperternus ordo perversionis hominis ad vitam beatam quævis a Deo in tempore, fuit, eo quod Deus ad destinatum terminum mittat illum; quemadmodum sagittarius ut scopum sagittam emittit, &c. Denique, ut alius vultamus, plures Græci Patres ad-

duci possent, qui prædestinationem contra Hæreticos prupugnaverunt; præsertim illos, qui homines volebant natura malos, & alios natura bonos. Et præcipue laudare possemus Irenæum, Clementem Alexandrinum, aliosque; sed præterire Origenem non possumus, qui lib. 3. Periarcon c. 1. scribit: Hæretici docere, non esse in nostra potestate, ut salvemur, sed naturæ esse animarum tales, quæ in omni genere vel pereant, vel salventur; nec ullo modo possit anima, quæ mala facta est, bona fieri; aut quæ bona fuerit, mala effici.

IV. Probatur Rationibus I. Datur in Deo Providentia erga omnes creaturas, & præcipue erga rationales, quæ inter omnes sunt nobilissimæ, ut probatum est: ergo datur etiam erga has in ordine ad finem excellentissimum, ad quem sunt ordinatæ; sed hoc prædestinationis nomine importatur: ergo datur in Deo prædestinatio. Prima consequentia patet; non enim conveniens est, ut nobilissimæ creaturæ ordinentur a Deo ad finem cæteris creaturis communem, & non ad finem nobilissimum, qui est isdem specialissimus. II. Creatura nullum potest habere jus ad bonum, quod est omnino supernaturale, nisi a Deo ad ipsum ordinetur; sed bonum omnino supernaturale est gratia, & gloria æterna; ergo nullum ad hoc bonum potest creatura habere jus, nisi a Deo ad ipsum ordinetur; atqui hoc importatur prædestinationis nomine: ergo datur prædestinatio. III. Non potest quis negare prædestinationem, nisi aliqua notissima fidei principia inficietur; scilicet providentiam Dei, animæ immortalitatem, coherentiæ humanæ libertatis cum prædestinatione, seu cum efficacia gratiæ consequentis ad illam; quæ omnia sine fidei errore, manifesto negari nullatenus possum. IV. Deus nihil operatur in tempore, quod non decreverit ab æterno; sed prædestinatio ex S. Augustino lib. de prædest. Sanctor. c. 17. est divina voluntas dandi gratiam, & gloriam, quas prædestinavit conferre in tempore: ergo Deus ab æterno decrevit dare aliquibus gratiam, & gloriam, quod est prædestinare. V. contra Cætherinum, qui docuit, B. Virginem, Apostolos, & alios quosdam sanctiores viros a Deo prædestinari; alios autem salvandos non per prædestinationem, at per solam generalem Dei providentiam supernaturalem, & voluntatem antecedentem salvandi omnes homines. Etenim, ut ait Augustinus lib. 2. de bono perseverant.

rant. c. 9. *Neminem salvandum, nisi fuerit prædestinatus; & ut scribit S. Fulgentius lib. de fide ad Petrum c. 35. Nullatenus dubites nec perire, posse aliquem eorum, quos Deus prædestinavit ad regnum calorum; nec quæpiam eorum, quos non prædestinavit ad vitam, nila posse ratione salvari.* Cum his autem loquendi formulis omnino generalibus, & absolutis nequit stare exceptio, quam Catherinus excogitavit.

Dari autem prædestinationem, etsi lumine supernaturali fidei constet, non tamen constare evidenter scientiæ, aut naturalis luminis evidentiæ; concludit Catherinus; immo neque etiam prædestinationem esse possibilem naturali evidentiæ positive constare, quanvis constet naturali evidentiæ negative. Et fundamentalis ratio ipsius hæc est, quia sicut de existentia, aut de possibilitate visionis, ad quam prædestinatio ordinatur, naturalis scientia non datur, ita nec de prædestinatione dari debet, quæ sine Dei visione haberi non potest. Nos autem quia in Dissert. 54. contrarium probavimus, inde est, quod fundamentum suæ assertionis in nostris principiis locum non habet. Hoc nihilominus non obstante, amplectimur quidem suam conclusionem, quæ communis est, etsi conclusionis fundamentum, ab ipso positum, respiciamus; asserentes, naturali scientia prædestinationem non constare. Et ratio nobis est, quia quanvis naturaliter visionis possibilitas constare possit, nequit nihilominus constare modus ordinatus ad visionem ipsam; quum talis modus ex una parte sit omnimode supernaturalis, & ex altera omnino sit extrinsecus, & ex Dei mera voluntate, atque beneplacito ad visionem ordinatus, non autem ex intrinsicis suis. Ita prorsus est prædestinatio; ut cuilibet consideranti pareat: ergo, &c. Lamine tamen naturæ, ut subiungit citatus Auctor, vel excitato, vel adjuto, a lumine fidei, constat tum probabiliter, tum scientifice, prædestinationem dari posse, immo de facto dari; ut apud ipsum videre quisque poterit.

Arguunt I. Qui cum æqualitate in omnes suam bonitatem diffundit non potest dici, quod quosdam prædestinet, alios vero reprobet; sed Deus cum æqualitate in omnes suam bonitatem diffundit: ergo non prædestinat. Minor probatur verbis Dionysii, quem credunt Auctorem libri de divinis nominibus; ibi n. 4. dicitur: *Sicut sol corporeus non eligendo omnibus corporibus lumen immittit; ita & Deus suam boni-*

tatem. II. Deus non prædestinat, nec ordinat per se creaturas, quæ sunt rationis expertes, ad suum finem naturalem: ergo neque prædestinat, & ordinat creaturas, quæ sunt ratione præditæ, ad finem supernaturalem. III. Sicut creaturæ rationales habent suum finem adequatum, quietativum, ac satiativum, ita pariter suo modo habent bruta animalia, ac aliz creaturæ irrationales; sed hæc ad suum finem tendunt nullo divinitus habito auxilio, sed illum consequuntur ex se, & per se; ergo pariter creaturæ rationales ordinantur ad gloriam æternam, quæ est finis earum, adequatus, quietativus, ac satiativus, ex se, & per se; & per consequens abique ulla Dei ordinatione, & prædestinatione.

IV. Dicitur 1. ad Timotheum. 2. 4. *quod vult Deus omnes homines salvos fieri*; ergo non est verum, quod alios prædestinat ad gloriam, alios vero reprobatur ad gehennam. V. Ex Augustino prædestinatio est propositum educendi aliquem e miseria: ergo saltem B. Virgo, & Angeli, non fuerunt prædestinati; quia nunquam fuerunt in miseria, ac per consequens nunquam e miseriaeducti. VI. Damascenus lib. 2. c. 3. negat prædestinationem: ergo vere prædestinatio non datur; probatur antecedens Damasceni verbis: *Oportet cognoscere, quod omnia quidem præcognoscit Deus, non autem omnia prædeterminat; præcognoscit enim ea, quæ in nobis sunt, non autem prædeterminat ea.*

Respondemus ad I. quod solis comparatio verificatur pro generali concursu, quo Deus facit, ut creaturæ omnes conserventur, & operentur; non vero de concursu speciali, quo quibusdam concedit gratias, quas aliis denegat. Sic responder 2. I. homines 1. p. q. 23. ar. 4. ad I. Sique verba illa allata ex Auctore libri de divinis nominibus explicantur. Vel dicitur, quod æqualitas non est arithmetica, sed geometrica; pro qualitate scilicet personarum; alias sequeretur, quod eandem curam haberet de eulicæ, ac de homine; quod est impium, & ridiculum dicere.

Ad II. negatur paritas, & disparitas est, quia creaturæ rationis expertes, in naturali ordine constitutæ, ex sua naturali constitutione habent quicquid ipsis est necessarium, ut propriis viribus finem suum naturalem assequantur; creaturæ vero ratione præditæ non habent, nec habere possunt, ex vi suæ naturæ, quicquid ipsis est necessarium in ordine ad finem suum supernaturalem; scilicet ad gloriam, & beatitudinem.

ritudinem æternam. Hæc enim quum longe superet naturalem virtutem operandi earum, non possunt ad eam dirigi, nec possunt eam assequi, absque supernaturali auxilio. Et hinc est, quod opus habent, ut a Deo dirigantur, ordinentur, prædestinentur, &c.

Ad III. negatur etiam paritas. Ratio est, quia creature rationales duplicem finem habent; naturalem unum, supernaturalem alterum. Primus vel est corporeus, & consistit in recta sensuum operatione; vel est spiritualis, & stat in veritatis contemplatione, & in optimi dilectione. Secundus vero est ipsa æterna, & felix Dei possessio. Comparatio potest admitti pro primo fine, non autem pro secundo; quia ad hunc naturales vires non sufficiunt, quum sit ordinis omnino supernaturalis.

Ad IV. distinguitur propositio fundata in verbis Apolloli. Deus vult omnes salvos fieri, voluntate antecedenti, conceditur; voluntate consequenti, negatur. Prædestinatione non desumitur a voluntate antecedenti, sed a consequenti; quia importat præparationem mediorum, quibus certissime liberantur quicumque liberantur. Sic S. Thomas cit. loc. ar. 4. Dicendum, quod sicut supra dictum est, Deus vult omnes homines salvos fieri antecedenter..., non autem

consequenter, quod est simpliciter velle.

Ad V. dicitur, quod B. Virgo, & Angeli, fuerunt præservati a miseria, & per consequens etiam liberati, non quidem a miseria contracta, sed a miseria, vel contrahenda, vel contrahibili. Vel dicitur, quod prædestinatione est propositum educendi e miseria negativa, vel positiva, conceditur; e miseria absolute positiva, negatur. Nominis miserie negativæ est carentia aliquo bono alias indebito; positivæ vero carentia bono naturæ, aut dato, aut debito. Gloria nulli creaturæ erat debita, igitur quilibet creatura fuit e miseria negativa liberata.

Ad VI. ex Damasceni verbis eruitur, quod non detur prædestinatione necessitans, non vero sequitur, non dari prædestinationem liberam, & que intactam creaturæ libertatem relinquit. Damascenus enim argumentabatur contra eos, qui fatum admirabantur; adeoque ejus erat intentum necessitantem, non liberam, prædestinationem persequi. Sic respondet S. Thomas hic art. 1. ad 1. Damascenus nominat prædestinationem impositionem necessitatis; sicut est in rebus naturalibus, quæ sunt prædeterminata ad unum. Quod patet ex eo, quod subdit, non enim vult malitiam, neque compellit virtutem. Unde prædestinatio non excluditur.

DISSERTATIO XCVII.

De vera Dei voluntate antecedenti dandi omnibus hominibus salutem; & de A catholicorum insaniis contra catholicam veritatem.



Diximus jam in Dissertatione 90. Inter alias divinæ voluntatis divisiones illam esse, qua eadem dividitur in voluntatem beneplaciti, & voluntatem signi. Hanc alteram adnotavimus improprie esse dictam, quum ea sit, per quam Deus voluntatem suam signo aliquo, consilio scilicet, vel præcepto, manifestat. Primam vero affirmavimus proprie dictam esse, & quod illa sit, qua Deus sincere aliquid vult. Hæc pariter duplex distinguitur, antecedens una, consequens altera. Illa vult rem aliquam secundum se consideratam, & a circumstantiis abstractam; hæc vero vult rem

consideratis circumstantiis, quæ sunt cum illa. Per antecedentem Judex e. g. vult omnes vivere; per consequentem ramen, idem Judex, qui vult omnes vivere, attendens ad delicta male viventium, vult hos mori, & non vivere. Voluntas Dei, de qua in hac Dissertatione loquimur, est beneplaciti, & non signi; est antecedens, & non consequens; & hac voluntate dicimus Deum velle omnes homines salvos fieri.

Diximus ulterius in Dissertationis titulo, hanc voluntatem in Deo esse veram; & hoc ideo diximus, quia asseruerunt quidam, voluntatem salvandi omnes esse tantum in Deo metaphorice. Nos vero ex adverso intendimus, esse veram voluntatem, non meta-

phoricam, nec simplicem ex parte Dei, sed efficacem. A catholici sunt, qui contra catholicam hanc veritatem primo opponuntur, directe quidem, & ex proposito; in explicandi modo deinde inter se Catholici Scholastici digladiantur. Contra primos rem faciendam fuscipimus nos quoque directe, & ex proposito; inter alios vero per transitum, & ex accidenti.

Lutherani, & Calviniani, communi calculo adnumerantur ab omnibus ut hujus orthodoxe veritatis hostes. Horum enim, testatur P. Magnanus Philosoph. sac. c. 14. prap. 9. nu. 27. *solemnis dogma est, Deum non omnes, sed solos predestinator, salvos velle; quos nimirum antecedente sua, & absolute efficaci voluntate sic predestinat, ut eis excidendi libertatem non relinquat.*

Jansenius pariter vult, non omnes, sed multos, velle Deum salvos fieri; ac proinde intelligens omnes pro multis, concedit Deo voluntatem dandi salutem multis quidem hominibus, sed non omnibus. Ut autem ab auctoritate Apostoli se expediat, varias exhibet explicationes verbis illis, quibus Apostolus expresse dicit, quod Deus vult omnes homines salvos fieri.

Theologi denique plures certant de eorundem verborum Apostoli intelligentia, sic ea explicantes, ut catholicæ veritati non adversentur. Horum omnium explicationes P. Magnanus cit. loc. affert, & impugnat; & nos pariter in hujusce Dissertationis decursu asseremus, & examinabimus. Interim ad probandam catholicam veritatem accedimus; subministrantibus arma, ut plurimum, nobis, ex nostri Ordinis Theologis, laudato P. Magnano, P. Filoramo, P. Saguens, P. Boucat, P. Ursaja, P. Lallemand; ex Exteris vero quamplurimis aliis, quos inter eminet vere eminentissimus Cardinalis Cælestinus Sfrondato, in suo Opere, cui titulus: *Nodus Prædestinationis*, &c.

1. Probatur ex Scripturis. Ezechielis 18. 23. *Non quid voluntatis mea est mors impij, dicit Dominus Deus, & non ut convertatur a viis suis; & vivat.* Sap. 6. 8. *Pusillum, & magnum ipse fecit, & aequaliter cura est illi de omnibus.* Matth. 11. 28. *Venite ad me omnes, qui laboratis, & onerati estis, & ego reficiam vos.* Ad Romanos 3. 29. *An Judæum Deus tantum? non & Gentium? imo & Gentium.* Et c. 10. 12. *Non enim est distinctio Judæi, & Græci; nam idem Dominus omnium, & dives in omnes, qui invocant illum.* Et n. 34. *Non est personarum acceptor Deus.* 1. Timoth. 2. 4. *Qui omnes homines*

vult salvos fieri, & ad agnitionem veritatis venire; Et nu. 5. *Unus enim Deus, unus & mediator Dei, & hominum homo Christus Jesus.* Et n. 6. *Qui dedit redemptionem semetipsum pro omnibus.* 1. Cor. 5. 14. *Si unus pro omnibus mortuus est; ergo omnes mortui sunt.* Et nu. 15. *Et pro omnibus mortuus est Christus.* 1. Petri 3. 9. *Nolens aliquos perire, sed omnes ad penitentiam reverti. Quibus utriusque fœderis verbis aperte evincitur, in Deo negari non posse voluntatem antecedentem salvandi omnes, & quidem veram, atque sinceram, non vero metaphoricam, ut ajunt.*

II. Probatur ex Conciliis. Concilium Arausicum 11. can. 25. hæc docet: *Hoc etiam secundum fidem catholicam credimus, quod accepta per baptismum gratia, omnes baptizati in Christo auxiliante, & cooperante, quæ ad salutem pertinent, possint, & debeant, si fideliter laborare voluerint, adimplere. Aliques vero ad malum divina potestate predestinator esse, non solum non credimus; sed etiam, si sunt, qui tantum malum credere velint, eum omni detestatione, illis anathema dicimus.* Ex quo canone inferit P. Magnanus: „Ergo, quia ex dicto canone constat, omnes baptizatos posse, Christo auxiliante, & cooperante, adimplere quæ ad salutem pertinent; constat etiam consequenter, Christum revera non ita esse comparatum de se, ut alicui nolet, in his quæ ad salutem pertinent, auxiliari, & cooperari; proindeque nullum esse, quem suo solo nutu, vel propter solum originale peccatum, a redemptione, aut a salute, Christus, Deus, ve excluderet. „Concilium Moguntinum, habitum ann. 848. sub Rabano, damnat Gothescalcum asserentem, quod prædestinationi necessitas ad mortem. Hoc est idem, ac dicere, Deum nolle omnes homines, sed solum aliquos salvari. Hoc autem damnatur: ergo contraria assertio definitur. Concilium Tridentinum sess. 6. cap. 2. habet. *Hunc (Christum scilicet filium suum) proposuit Deus propitiorem, per fidem in sanguine ipsius pro peccatis nostris: non solum autem pro nostris, sed etiam pro totius mundi.* Ad quæ citatus Doctor observat, Christum fuisse propitiorem, non solum pro peccatis nostris, id est pro peccatis salvandorum, sed etiam pro peccatis totius mundi, id est illorum, qui non sunt de facto salvandi. „At si pro aliquorum: ergo a pari etiam pro omnino omnino hominum; ut de fidelibus quidem, solis intelligatur, quod dicitur pro nostris; de infidelibus vero, quorum longe major

„ mult-

„ multitudo est, id, quod additur, sed etiam
 „ pro totius mundi. „ Idem Tridentinum
 cit. sess. initio capitis 3. *Verum etsi ille pro*
omnibus mortuus sit, non omnes tamen mortis
eius beneficium recipiunt, sed ii damtaxat,
quibus meritum passionis eius communicatur.
Ex quibus habetur, Christum etiam esse
mortuum pro iis omnibus, qui mortis eius
beneficium non recipiunt: ergo pariter
voluit salutem illorum omnium, qui salu-
tem non consequuntur. Idem Tridentinum
eadem sess. can. 17. Si quis justificationis
gratiam non nisi predestinatis ad vitam
contingere dixerit, reliquos vero omnes, qui
vocantur, vocari quidem, sed gratiam non
accipere, utpote divina potestate predestinatos
ad malum; anathema sit. Et cap. 27. ubi de
perseverantia agit: In Dei auxilio firmissi-
mam spem collocare, & reponere omnes de-
betis Deus enim (nisi ipsi illius gratia deserv-
erint) sicut caput operi bonum, ita perficiet ope-
ranti velle, & perficere. Et cap. 21. ubi lo-
quitur de preceptorum possibili obser-
vantia: Deus namque sua gratia semel iusti-
ficatos non deserit, nisi ab eis prius deserv-
erit. Denique habetur in Symbolo Nicæni
Concili, & pariter in Constantinopolita-
nano Concilio adducto: Qui propter nos
homines, & propter nostram salutem disce-
ndit de caelis, &c. Crucifixus etiam pro nobis,
&c. ubi P. Magnanus multa subtiliter ob-
servat.

III. Probatur ex Patribus Græcis. Auctor
 Operis de Eccl. hierarc. qui exiit S. Dionysius
 Areopagita, c. 2. docet, Deum salutem
 omnium desiderare, immo & velle.
 omnes ad agnitionem veritatis venire. S. Ignatius
 martir ep. 6. ad Philadelph. Amato-
 rem hominum esse Deum nostrum, & velle
 omnes salvos fieri, & ad agnitionem veritatis
 venire; propter quod & Solem errari facit su-
 per bonos, & malos, & plus super iustos, &
 iniustos. Iustinus martir, & philosophus,
 in apologiis, apud Damascenum tit. 92.
Quæ est illa discretio? . . . An invidiam fac-
iat Deus, qui bonus est, & salvari vult
omnes? Clemens Alexandrinus 7. Stromat.
Ad universi salutem Deus, utpote universorum
Domini, ordinat omnia tum generationem, tum
periculationem. Et fol. 300. probat, Deum
velle omnes salvari, quia est Salvator om-
nium. Origenes lib. 4. contra Celsum, &
hoc idem a redemptione omnium probat
vocatque Jesum Nodrem universorum,
quantum in ipso est; Salvator enim venit om-
nibus hominibus. Basilus in psal. 29. expli-
cans verba: Quoniam ira in indignatione
eius, & vita in voluntate ejus hæc scribitur

PAR. I.

Quid ergo dicit, nempe hoc ipsum esse, quod
vult Deus omnes fieri vita participes; quæ
etiam calamitates accidunt, eas non de ipsius
voluntate fieri. Nazianzenus orat. 25. Om-
nia omnibus esse communiter proposita. Solem,
Stellas, terram, rationem, legem, Prophetas,
ipsas etiam Christi passionibus, per quas om-
nes reformati sumus, nullo penitus exceptis;
qui Adamo participamus. Christostomus
hom. 2. in epist. ad Hebræos: Quotum in
Deo est, omnes salvos esse vult. Cyrillus
Alexandrinus lib. 2. ad Imperatrices: Qu-
antum ad voluntatem Dei pertinet, & ad
infinitam ejus naturæ benignitatem, evoc-
emus filii. Hi omnes sunt Patres Græci,
quos ad traditionem quinque priorum se-
culorum probandam, pro hoc catholico
dogmate, quod propugnamus, P. Rucæus
concessit, & retulit.

IV. Probatur ex Patribus Latinis. Auctor
 epistolæ primæ ad Corinth. quæ tribuitur
 Clementi Romano, n. 7. *Fixis oculis respi-*
ciamus in sanguinem Christi, qui propter salu-
tem nostram effusus, totum mundo penitentia
gratiam obtulit. Cyprianus ep. 52. Scriptum
est, Deus mortem non facit, nec latuit in
perditione vivorum; quæ neminem vult pecca-
re, impt peccatores penitentiam agere, & per
penitentiam deus ad vitam æternam redire.
 Hieronymus in c. 1. epist. ad Ephes. docet,
 Deum velle omnes homines salvos fieri,
 Ambros. lib. de paradiso c. 18. *Venerat Do-*
minus Jesus omnes salvos facere peccatores,
 & etiam circa impios ostendere suam debui
 voluntatem, & ideo nec proditorum debuit
 præterire, quod in Deo fuit, ostendit omnibus,
 quod omnes vult liberare. Prosper in resp.
 ad 2. object. Vincentii 1. *Sine ulla ere-*
dendum, atque profitendum est, Deum velle,
ut omnes homines salvi fiant. Et in resp. ad
object. Gallorum sent. 8. Qui dicit, quod
non omnes homines vult Deus salvos fieri,
sed certum numerum predestinatorum, datus
loquitur, quam loquendum est de altitudine
infernabilis gratia Dei, qui & omnes vult
salvos fieri, atque ad agnitionem veritatis ve-
nire. Augustinus lib. de spir. & liter. c. 72.
nu. 52. Vult autem Deus omnes homines sal-
vos fieri, & in agnitionem veritatis venire;
non sic tamen, ut eis ordinat liberum arbi-
trium, quæ, vel bene, vel male merentes, ju-
stissime judicentur. Quod cum sit, infideles
quidem contra voluntatem Dei faciunt, cum
eius Evangelio non credunt; non ideo tamen
eam vincunt, veram seipsos fraudant magno,
& summo bono, multisque penatibus impli-
cant, experturi in supplicii potestatem ejus,
cujus in donis misericordiam contempnunt.

III 2

Idem

Idem Augustinus lib. de Catech. rud. c. 26. nu. 32. *A pœnis sempiternis Deus misericors volens homines liberare, si sibi ipsi non sint immitti, & non resistant misericordia Creatoris sui, misit unigenitum filium suum, hoc est Verbum suum aequale sibi, per quod condidit omnia . . . ut quemadmodum per unum hominem, qui primus factus est . . . mors intravit in genus humanum . . . sic per unum hominem Jesum Christum, qui etiam Deus est Dei filius, delictis omnibus peccatis prateritis, credentes in eum omnes in vitam æternam ingrederentur.*

V. Probatur ex antiquorum Theologorum consensu, qui optime faciit ad probandum in re proposita. Hi omnes citantur a P. Boucat; suntque sequentes. I. S. Thomas 1. p. q. 13. ar. 6. ad 1. & in e. 1. ep. 1. ad Tim. Et 1. p. q. 23. ar. 2. & 3. docet, Deum velle omnes salvos fieri. II. Guillelmus Antihodorensis l. 10. c. 17. III. Alexander Aletius 1. p. q. 6. membro 6. IV. S. Bonaventura in 1. dist. 46. q. 1. V. Scotus in 1. dist. 46. VI. Richardus de mediavilla in 1. dist. 46. q. 1. VII. Durandus in 1. dist. 47. q. 1. VIII. Harucus in 1. dist. 46. q. 2. ar. 1. IX. Egidius Columna in 1. q. 46. X. Okamus in 1. dist. 46. q. 1. XI. Guillelmus de Subione in 1. dist. 47. Hi omnes, aliique permulti, aperte docent, sustinent, tuentur, Deum velle voluntate beneplaciti, & sincere, omnes, & singulos homines salvos fieri.

VI. Probatur Rationibus. I. Illorum vulg Deum salutem, pro quorum salute Christus Redemptoris munus exercevit; sed Christus pro salute omnium Redemptoris munus exercevit: ergo Deus omnium vult salutem. Major est certa; si enim Deus noluisse, Christus non redemisset. Minor probatur ex Apostolo loc. cit. ad Timotheum, ubi reddens causam, cur Deus velit, omnes homines salvos fieri, docet: *Unus est Deus, unus est mediator Dei, & hominum, Christus homo Deus, & Jesus, qui dedit semetipsum redemptionem pro multis.* II. Si Christus pro omnibus, & singulis mortuus est, Deus omnium, & singulorum voluit salutem; sed Christus pro omnibus, & singulis mortuus est: ergo Deus omnium, & singulorum voluit salutem. Major negari non potest; minor probatur ex illo ad Rom. 8. 32. *Proprio filio non pepercit; sed pro nobis omnibus tradidit illum;* ex illo Joannis 1. ep. 2. 2. *ipse est enim propitiatio, non solum pro nostris, sed pro totius mundi delictis.* Hinc Augustinus lib. 2. de symbol. ad Cathec. c. 8. *Videte vulnera, qua infl-*

xistis, agnosceite id latius, quod propugistis; quoniam & per vos, & propter vos, apertum est; nec tamen intrare voluistis. III. Dei præcepta diriguntur omnibus, & singulis hominibus, Dei gratiæ omnibus, & singulis hominibus a Deo dantur; exhortamenta, minæ, supplicia, præmia, omnibus, & singulis hominibus a Deo proponuntur, ut malum fugiant, ut bonum amplectantur, & ita vitam æternam consequantur: ergo vere Deus vult omnium, & singulorum hominum salutem. IV. Si Deus nollet hominum salutem esset auctor peccati; hoc dici non potest: ergo, &c. Probatur sequela. Qui vult finem, vult etiam media, sine quibus nequit haberi finis; sed media, quibus infallibiliter habetur damnatio, sunt ipsa peccata, & præcipue finalia, sine quibus infallibiliter habetur æterna salus: ergo Deus nolendo omnium hominum salutem, aliorum vellet perditionem, ac proinde peccata. V. Deus alio amore vult hominum salutem, ac Dæmonum; sed Dæmonum salutem vult solo amore complacentiæ; ergo hominum salutem vult amore effectivo, & non meræ complacentiæ. Minor est certa; placuisset enim Deo, si Dæmones non peccassent, & fuissent iusti, & sancti; & hic est amor complacentiæ. De majori non dubitatur; at modo reasumimus; hæc autem differentia, inter Dæmonum, & hominum salutem, æque locum habet pro omnibus, ac pro singulis hominibus: ergo Deus prout distinxit volens hominum, ac Dæmonum salutem, non solum amore effectivo, & non simplicis complacentiæ, vult salutem omnium hominum, ac singulorum. VI. Deus iuste judicat, & condemnat Reprobos: ergo Reprobos etiam voluit antecedente voluntate salutem. Probatur consequentia. Quia si noluisse Reprobos salutem antecedenter, potuissent Reprobi se excusare, dicentes, quod Reprobi sunt, quia ipse voluit, non quia ipsimet voluerunt. Ad quod inconueniens præcavendum dixit Dominus Ezechiel. 18. 23. *Non quid voluntatis mea est mors impiis, dicit Dominus Deus, & non ut convertatur a viis suis, & vivat.*

Arguunt I. Calvinus, & Baza, & cum ipse patris Jansenius, lærensis Episcopus. Verba, quæ nos adduximus ex Augustino nihil pro nobis probant, quia illa non scribit Augustinus in sua propria sententia, sed in sententia Pelagianorum. II. Deus non omnes peccatores audit: ergo non omnes vult salvare. Consequentia sequitur quia

quia si salvere veller, audiret, exaudiret, parceret. Major probatur ex illo a. Machab. 9. 13. ubi dicitur de Antiocho; *Ora-
bet autem hic scilicet Dominum, & qua non
est misericordiam confecturus*. III. Quis
Consultarius Dei fuit, aut quis novit sen-
sum Domini? Ergo quom nostra Conclu-
sio sit de decretis divinis, standum est Scri-
pturarum, & SS. Patrum auctoritatibus;
sed neque Scripturæ, neque SS. Patres no-
bis favent: ergo temere, & sine ratione
loquimur. Minor subsumpta probatur.
Tota nostra Conclusio fundatur in illis
Apostoli verbis, superius jam recitatis:
Fuit omnes homines salvos fieri; sed hoc non
debet universaliter intelligi: ergo, &c.
Probatur minor ex S. Augustino; nam per
ipsum verificatur pro generibus singulo-
rum, non vero pro singulis generum: er-
go Deus non vult omnes homines salvos
fieri, sed aliquos tantum ex quolibet ge-
nere. IV. Possunt etiam verba illa intelli-
gi de illis, qui salvantur; quasi dicat Apo-
stolus; *neminem salvati, nisi quem Deus
voluerit salvari*. V. Probatur ex eodem
Apostolo ad Romanos 9. 18. ubi dicitur:
*Curas vult, miseretur; & quem non vult,
indurat*: ergo non omnes vult. VI. Probatur
ex ipso ore Christi verbis; *quis aut Joan.
17. 9. Ego pro eis rogo, non pro mundo rogo,
sed pro his, quos dedisti mihi*: ergo si pro
omnibus non rogat, non omnium vult sa-
lutem. VII. De fide est, Paucos, qui abor-
tivi moriuntur, & sine baptismo, non sal-
vari; sed pueri isti non ideo non salvan-
tur, quia eorum Parentes volunt: ergo
præcise quia Deus non vult. Probatur con-
sequentiâ. Deus relinquit illos absque ne-
cessariis mediis ad salutem æternam: ergo
præcise non salvatur, quia Deus non
vult. VIII. Intidelæ, qui in temeris insu-
lis degunt, nullum pro æternâ salute rei
medium habent: ergo ideo non salvantur;
quia eis Deus remedium denegat. IX. Pro
multis peccatoribus Deus non vult, ut oretur
e: ergo non vult, ut salvati. Probatur
antececedens. Jer. 7. prohibet, ne pro Judæis
orent: 1. Reg. 16. Samueli præcipit, *ne
oret pro Saule*. Et 1. Joann. ult. dicitur:
*Et peccatum ad mortem, non pro illo dico, ut ro-
get quis*. X. Deus non recipit pro omnibus
sacrificia: ergo non vult omnium salutem.
Probatur antececedens. Hebr. 10. 26. *Volun-
tarie enim peccantibus nobis, post acceptam
notitiam veritatis, jam non relinquitur pro
peccatis hostia*.

Respondemus ad I. Augustinum loc. cit. ex
propria sententiâ loqui, quod ex ejusdem

verbis sit manifestum. Hæc est difficultas,
quam sibi proponit ibi: *Vel fides; qua in
Deum credimus, est a natura, vel a gratia; si
primum; cur non omnes credunt, cum sit idem
Deus omnium creator? Si secundum; cur etiam
fides non datur omnibus, cum Deus velit, om-
nes salvos fieri?* Et difficultati respondet his
alnis verbis: *Non omnes habere credendi vo-
luntatem, quia licet vocatio Dei sit communis
omnibus, cum Deus velit omnes salvare, ni-
hilominus non ademit liberum arbitrium, quo
bemo, vel bene, vel male, uti potest*.

Ad II. dicimus, Deum non audire peccato-
res, qui solo ore, non autem corde; sunt
pœnientes; quemadmodum erant Antio-
chus, & erant pariter Judæi, de quibus
dicebat Christus Matth. 23. 8. *Populus hic
labiis me honorat, & cor autem eorum longe est
a me*. Cæterum aliquando Deus denegat
in pœnam præcedentium peccatorum;
aliquando, quia differre vult, & interim
desiderat periclerantiam in deprecandis;
aliquando quia non bene deprecamur; unde,
ut dicitur psal. 108. *oratio ejus fiat in
peccatum*: Audiat Angelus 1. 2. q. 28. art.
15. *Quidam non arguntur, sed, ut congruat
dentur tempore, differunt*; ut Augustinus
dicit super Joannem: *Quod tamen potest imo
pediri, si in prelo non perseveras. Et propter
hoc dicit: Ego pro eis rogo; ideo quandoque petis, &
non accipis, quia peccata posuisti, vel in-
fideliter, vel leviter, vel non confertentia tibi*.

Ad III. dicimus, Deum voluntate consequen-
ti nosse omnes salvari, velle tamen volun-
tate antecedenti. Ratio est, quia in volun-
tate consequenti includitur nostra opera-
tio, saltem in Dei præscientia prævisa,
quæ tamen multâcenus in antecedenti in-
volvitur: Et sic de voluntate consequenti
intelliguntur auctoritates, siue Scriptura-
rum, siue Patrum; quæ in contrarium ad-
ducuntur. Negatur autem id, quod dicitur,
Augustinum intelligere verba illa de ge-
neribus singulorum; non vero de singulis
generibus; ut vertes intellectus Jansenius.
Cæterum non sic esse intelligenda P. Ma-
gistanus hac ratione ostendit: Paulus præ-
cipit, ut pro omnibus oretur; quia Deus
vult omnes homines salvos fieri; sed non
satisfit huic præcepto, si oretur pro gene-
ribus singulorum, non vero pro singulis
generum: ergo verba illa, quod Deus velit
omnes homines salvos fieri, non intelli-
guntur pro generibus singulorum, sed pro
singulis generum.

Ad IV. dicimus, quod si vera est explicatio
illa, Deus vult omnes salvos fieri, quia
vult salvos fieri eos omnes, qui salvi sunt
pa-

pariter erit vera hæc altera, Deus vult omnes perire; quia eodem modo vult perire eos omnes, qui pereunt. Quis autem dicat, Deum velle omnes perire? Quod si respondeant, differentiam in eo esse, quod illorum, qui pereunt, causa perditio- nis non sit Dei voluntas, sed propria eorum culpa, causa vero salvationis illorum, qui salvantur, sit Dei voluntas; tunc, subdit P. Magnanus, cuius est discursus; habemus interitum. Hoc enim solum nunc ego dico, non esse voluntatis Dei, ut pereat ullus. At si non est voluntatis Dei, ut pereat ullus; voluntatis Dei est, ut omnes fiant salvi: cum neque sit status medius ullus possibilis; neque Deus abstrahere possit, quasi neutrum determinare velit.

Ad V. Verba Apostoli intelliguntur de voluntate consequenti, non vero antecedenti. Vel dicitur, quod Deus indurat corda permissive, non positive. Deus enim postquam a Peccatore rejicitur, ab eo recedit; & ab eo recedendo, finit cum in graviora scelera prolabi; & sic indurari cor ejus. Sic S. Th. Com. in c. 6. Isaiæ: *Primo patitur sententia obdurationis; non obdurat autem immutendo malitiam, sed non impartiendo gratiam; & quia non vult ad gratiam convertere.*

Ad VI. Verba pariter Christi Domini intelliguntur de voluntate consequenti, non vero antecedenti. Vel dicitur, quod tunc Christus non oravit pro mundo, & infidelibus, modo speciali, quo oravit pro Apostolis; sed alibi oravit pro mundo, & pro infidelibus. Oravit enim, quis nescit? pro ipsismet tortoribus suis; immo pro ipsismet Judæis; ut Lucæ 23. *Pater dimitte illis, non enim sciunt, quid faciunt.* Et Isaiæ 54. 12. *Ipsæ peccata multarum tulit, & pro transgressoribus oravit.* In illo vero loco peculiari modo orabat pro Apostolis, verbis illis: *Pater sancte, serva eos, in nomine tuo, quos dedisti mihi;* orabat pariter pro fidelibus credituris in eum, verbis aliis: *Non pro eis autem tantum, sed & pro illis, qui credituri sunt per verbum eorum in me, ut omnes nomen fiant, sicut in Pater in me, & ego in te.* Igitur in eo loco, non rogavit pro mundo, sed rogavit in alio loco; & hoc ad in-

tentum sufficit.

Ad VII. distinguitur propositio illa: Parentes nolunt, voluntate directa, seu absoluta, puerorum damnationem, concedimus; nolunt per accidens, negamus. Pariter distinguitur consequens: Ergo ideo damnationem sortiuntur, quia Deus vult, voluntate antecedenti negamus; consequenti, concedimus consequentiam. Difficultatem hanc de Parvulorum æterna pœna, aliter solvunt Cardinalis Sfondrato, in suo libro, *Nodus Prædestinationis* &c. & aliter P. Ursaja, in suo libro *de duplici statu Vita humane* &c. Nobis autem absque eo quod ad alia ulteriorem gressum faciamus; quæ diximus ex communi sententia Theologorum, sufficiens esse, putamus.

Ad VIII. Pariter infideles, ut Pueri, habent, remedium ex voluntate antecedenti. Nec possunt infideles ad ignorantiam invincibilem recurrere; quum unaqueque natio teneatur scire ex rationis destamine ea, quæ naturæ conformia sunt; & præcipue Dei existentiam; quia Deus facienti quantum in se est, non denegat gratiam suam.

Ad IX. dicimus, Deum aliquando prohibere, ne pro quibusdam oratio fiat, eo quod illos videat incorrigibiles, & in malo obstinatos; non vero, quod eos nolit salvos fieri. Sic erat profectio Saul, sic erant Judæi. Unde Jerem. 7. ubi versu 16. dicitur: *Tu ergo noli orare pro populo hoc;* versu 17. subjungitur: *Nonne vides, quod isti faciunt in civitatibus Juda, & in plateis Jerusalem?*

Ad X. respondemus, quod pro quibusdam peccatoribus non relinquitur hostia, quia non prodest illis ad conversionem, quia pœnitentia polunt; quia autem non facit, quod pro illis nullum medium sit ad salutem. Audiatur S. Thomas in c. 10. ep. ad Hebr. lect. 3. *Jam non relinquitur hostia pro peccatis, id est hostia, quam Christus obtulit, pro remissione peccatorum, non est nobis inutilis, quis illis dimittuntur peccata, quas de ipsis pœnitentia.* Matth. 26. *Hic est sanguis novi testamenti, qui pro multis effundetur, sed etiam efficitur sed de malis dicitur Isai. 49. In vacuum laboravi, sine causa, & vane fortitudinæ meæ consumpsi.*

DISSERTATIO XCVIII.

De Prædestinatione efficaci ad Gloriam, an antecedenter, an consequenter, ad merita fiat? Et de Causis, atque Signis Prædestinationis.



SCIRE hic prius oportet I. in Deo esse voluntatem specialem salvandi Electos; Decretum scilicet, quod habet Deus circa Electos de gloria illis danda, esse omnino speciale;

adeoque distinctum a decreto illo generali dandi omnibus hominibus salutem. Ratio est, quia ad hoc, ut specialiter conferat æternam beatitudinem potius uni, quam alteri, debet dari specialis voluntas dandi gloriam huic potius, quam illi; quandoquidem Deus nihil facit in tempore, quod ab æterno facere non decreverit; sed in tempore dat gloriam Electis, quam non omnibus confert: ergo ab æterno habuit specialem voluntatem circa Electos dandi illis gloriam. Et hoc decretum terminatur ad salutem Electorum; an autem præsupponat prævisionem meritum, & præparationem mediorum efficacium, an vero præcedat, hoc est, quod in præfenti Dissertatione inter Theologos disputatur, Certum est apud omnes assertores scientiæ mediæ ipsum decretum efficax de danda gloria Electis præsupponere scientiam mediam conditionarum meritum; alii autem volunt, præsupponere quoque scientiam absolutam.

Scire etiam oportet II. celebrem esse questionem hanc inter Catholicos Scholasticos; quam tamen salva fide pro sua opinione quisque potest libere dirimere, ac defendere. Thomistæ, & Scotistæ, alii, quæ multi, propugnant, de facto fuisse prædestinationem ante merita prævisa; licet ex variis principiis discurrant. Sed quicquid sit de hoc, omnes in unam conspirant sententiam, qua dicunt, prædestinationem ante prævisa merita fuisse factam. Sunt qui asserunt, hoc de fide esse, quasi ex Scriptura, vel ex Conciliis, vel ex Pontificibus, ex cathedra loquuntibus, evidenter habetur; & contrarium dici omnino non possit. Atamen majori moderatione discurrunt alii dicendo contrarium, quod amplectuntur, & tuerentur. Siqui-

dem Arriaga affirmat, potuisse esse prædestinationem ad gloriam ante merita; quanvis de facto sic esse, dici non possit, nisi ex Scriptura evidenter colligatur. Per hoc vero, quod potuerit esse, non bene inferitur, de facto sic esse, nisi ex Scriptura habeatur. Quanvis in fine fateatur Arriaga, probabilis esse sic fuisse de facto; prædestinationem scilicet fuisse ante prævisa merita absoluta; Atamen P. Filotamo primo docet, questionem hanc esse inter Catholicos; secundo, potuisse esse post merita absolute prævisa; tertio, per Scripturam probari, de facto ante meritum, prævisionem fuisse. Non intendit tamen, quod clare, & evidenter in Scripturis contineatur; sed loquitur scholastico modo, quo scilicet vult, ex Scripturis sufficienter colligi. Unde redargendi sunt illi, qui vel unam, vel aliam, questionis partem, de fide esse fidenter, constanterque pronunciant. P. Magnanus autem defendit acerrime, post prævisa merita esse prædestinationem ad gloriam; quam sententiam plures Neuterici amplexati sunt ante Magnanum; immo ex Thomistis præter Thomam Campanellam defendit Faber, ex Scotistis Poncius, ex Nominalibus Gabriel. Novissime vero post S. Franciscum Salesum, Lessium, & Magnanum, quos in Operis fronte citat, propugnavit Cælestinus Sfrondrato, Cardinalis doctissimus, & hunc ab adversantium technis invictissimo vindicavit Joannes Maria Gabriellus, Cardinalis etiam amplissimus.

Scire oportet III. Questionis statum sic proponi. An de facto Deus prædestinaverit Sanctos ad merita, & gratias, & sine dandi illis gloriam; an potius prædestinaverit Sanctos ad gloriam, post merita prævisa finalia, & gratiam finalem. Adhuc illi, qui primum asserunt de facto, asserunt etiam secundum de possibili. Inter hos est P. Filotamo, qui clare hanc possibilitatem probat, licet de facto oppositum tueretur. Unde patet, inter illos, qui dicunt prædestinationem ad gloriam factam fuisse ante

re merita praevisa; esse quoque scientiae medicae assertores; & unus ex illis est P. Fioramo; dicendo nimirum, quod quanvis praedestinatio ad gloriam sit post scientiam mediam, est tamen ante scientiam absolutam. Alii vero, qui scientiam mediam non admittunt, dicunt praedestinationem ad gloriam esse ante merita praevisa; etiam per scientiam mediam, id illorum sententia, qui eam defendunt. Contra hos ultimos egimus jam, quando impugnavimus decreta Dei antecedentia, tanquam liberatae creaturae destructiva. Igitur non erit nobis hic probandum, praedestinationem ad gloriam de facto non esse ante scientiam mediam. Solum ergo contra assertores scientiae mediae probabimus etiam, praedestinationem non fuisse ante, sed post scientiam absolutam de sursum meritorum; adeoque praedestinationem non fuisse, ut ipsi ajunt, post merita conditionate futura, sed etiam post merita absolute futura; ut P. Magnanus docet.

Scire tandem oportet, oos hic loqui de praedestinatione ad gloriam, non vero ad gratiam; haec enim gratis omnino est, & ante praevisionem quamlibet meritorum; quod est indubitanter de fide. Pariter nec loquitur de praedestinatione gloriae Animae Christi; de qua certum est, quod fuerit praedestinata ante omnem omnino meriti praevisionem. Quoniam enim nunquam fuerit futura non unita Verbo, nullum meritum futurum fuit in ea praevisum, nisi ex suppositione Deitatis, & antecedenter ad omnem meriti praevisionem fuit Christi humanitas producta deificanda; ratione autem Deitatis, & unionis hypostaticae debetur ipsi, tanquam filio naturali Dei, omne donum, cujus est capax; ergo fuit illi praedestinata gloria, non vi meritorum ejus, sed ut ipsi debita ratione uniois hypostaticae. Insuper nec loqui de salvandis per baptismum; parvulis enim ante usum rationis cum baptismo decedentibus, confertur praecise gloria ex Dei gratia, & voluntate, & nullo modo ut corona, & merces, quia nulla merita unquam habebunt. Difficultas ergo est de folis Adultis, quibus confertur gloria ut corona, ut premium, ut merces. His praescitis.

Dicimus, Praedestinationem ad gloriam esse in Deo post praevisionem meritorum absolute futurorum.

I. probatur ex Scripturis veteris testamenti, Psal. 30. 20. *Quam magna multitudo dulcedinis tua Domine, quam abscondisti timentibus te* | Psal. 17. 28. *Populum bonitatem saluum*

facies. Psal. 14. 1. & 2. *Domine, quis habitabit in tabernaculo tuo? quis requiescet in monte sancto tuo?* Qui ingreditur sine macula, & operatur iustitiam. Ilii. 33. 15. *Qui ambulat in iustitiis, & loquitur veritatem, qui projicit avaritiam ex salernia, & excutit manus suas ab omni munere; ille in extelsis habitabit*. Ezech. 18. 1. *Si autem impius egerit paenitentiam ab omnibus peccatis suis, qua operatus est, & custodierit omnia praecepta mea, & fecerit iudicium, & iustitiam, vita vivet, & non morietur*. Et ex novi testamenti paginis, Ad Rom. 11. 22. *Fide erga bonitatem, & severitatem Dei in eos quidem, qui ceciderunt, severitatem; in te autem bonitatem, si permanseris in bonitate; alioquin & tu excideris*. Ad Philipp. 2. 12. *Cum metu, & tremore vestram salutem operamini*. Apoc. 3. 11. *Tene quod habes, ne alius accipias rationem tuam*. 1. Cor. 9. 24. *Nescitis, quod ii, qui in studio currunt, omnes finem currunt, sed unus accipit brevium: sic currite, ut comprehendatis*. 1. Tim. 4. 7. *Bonum certamen certavi, cursum consummavi, fidem servavi; in reliquo reposita est mihi corona iustitiae, quam reddet mihi Dominus in illa die iustus Iudex; non solum autem mihi, sed & his, qui diligunt adventum ejus*. Explicationes, quas Adversarij haece auctoritatibus exhibent, infra expendemus, & confutabimus.

II. probatur ex Conciliis. Concilium Tridentinum sess. 6. can. 20. *Si quis dixerit &c, quasi vero Evangelium sit nuda, & absoluta promissa vitae aeternae, sine conditione observationis mandatorum*. Ad haec verba subdit P. Magnanus c. 14. prop. 15. num. 9. *Quod sine dubio fundatur tum in aliis, tum in eo, quod ait Christus Matth. 19. Si vis ad vitam ingredi, serva mandata*. Ergo voluntas, qua ad vitam Deus vult inducere, vel admittere, non est independens ab ea conditione. Ergo implicat, hoc ipso esse absolutam ante eam conditionem, ut impletam saltem in praevisione. Synodus Doradracena sess. 31. f. 159. & sess. 36. f. 340. & 491. quam refert P. Bucar, & statuisse, ait, contra Arminium doctrinam, cui magis accedit opinio statuens praedestinationem ad gloriam post praevisa merita. Concilium Carisiacum can. 1. *Deus autem bonus, & iustus elegit ex eadem massa perditionis, secundum praescientiam suam, quos per gratiam praedestinavit, & vitam illis praestitit aeternam*. Subdit P. Boucat, *Secundum praescientiam scilicet honorum operum*, S. Franciscus de Sales in opusculo de amore Dei lib. 3. cap. 5. probat hanc opinionem quasi ex Ecclesiae mente; asserens enim

enim verba Orationis cujusdam, in qua Ecclesia Deum alloquens dicit; illum misereri omnium, quos *sua fide*, & opere futuros esse cognoscit; verbis hæc, ait Salesius, facietur Ecclesia, gloriam ita esse destinam, quos divina sapientia prævidit, gratiæ suæ vocationi obtemperaturos, & per illam ad fidem, quæ per charitatem operatur, esse perventuros; ut sciebat Ludovicus Abelly in medulla theologica pæ. 1. tract. 2. c. 7. sect. 4. Verba autem S. Francisci de Sales sunt quæ sequuntur. Voluit ab æterno Deus vero, & sincero voluntatis affectu, etiam post prævium Adæ peccatum, ut omnes homines salvarentur, idque mediis, illorum natura, libero arbitrio prædita, convenientibus. Hoc est, quod omnium illorum salutem voluit, qui auxiliis, & gratiis, quas ipsis ad hunc finem prepararet, offerret, & conferret, consensum voluntatis suæ præbere vellet. Inter illas autem gratias voluit vocationem primum locum tenere, talemque illam, & ita esse nostræ libertati contemptam, ut liberam illam, vel acceptare, vel abicere possemus. His vero, quos gratiam illam vocationis acceptaturos prævidit, motus internus paenitentia conferre voluit; & rursus his, qui interni illis motibus assentirentur, charitatis donum tribueret; & illis, qui charitate præditi essent, auxilia ad perseverandum necessaria conferret; & demum istis, qui auxiliis illis fideliter coopererentur, ipsam finalem perseverantiam, ac tandem beatam æterni amoris gloriam largiri decrevit.

- III. probatur ex Patribus Græcis. Origenes hom. 14. in Num. In magna hac mundi hujus domo non sunt tantummodo vasa aurea, & argentea, sed & lignea, & fictilia... Peram, quoniam vasa hæc, quæ dicimus, rationabilia intelligenda sunt, & liberi arbitrii, non casu, neque fortuito, unusquisque aut vas honoris efficitur, aut vas contumelia: sed qui se talem præbuerit, ut electus esse mereatur, vas electum, & vas honoris efficitur. Qui vero indignus, & deterrimis sensibus vivit, iste formatur vas contumelia, non a Cauditore, sed a semetipso, causis contumelia suæ datis. Chrysostomus hom. 10. in Epist. ad Rom. Unde igitur alii quidam vasa ira, alii vasa misericordiae? Ex propria voluntate. Theophylactus in c. 8. Ep. ad Rom. Præcognoscit, ac præscit Deus eos, qui vocatione digni sunt, deinde sic prædestinat: prior itaque est præscientia, postea sequitur prædestinatio. Basilus hom. in psal. 29. explicans verba: Quoniam ira in indignatione ejus, & ira in voluntate ejus; dicit. Quid ergo dicit? Nimirum hoc ipsum esse, quod vult Deus omnes vita fieri pat-

P.A.R. I.

ticipes; quæ autem calamitates accidunt, est non de ipsis voluntate fieri, sed pro eorum, qui peccaverunt, merito decerni. Damascenus lib. contr. Manichæos f. 552. Prævidet Deus ea, quæ nos sponte facituri sumus, ea scilicet, quæ sunt in nostra potestate, nimirum opera bona, & mala, etiam ea, quæ non sunt in nostra potestate, nempe præmia, & supplicia, prædestinavit.

- IV. probatur ex Patribus Latinis Hieronymus Epist. ad Hedibiam q. 10. Vasa misericordiae, quæ præparavit in gloriam suam, non irrationaliter servat, & absque veritate, sed causis præcedentibus: Quia alii non susceperunt filium Dei, alii autem recipere sua sponte voluerunt: Ex quo ostenditur, non gentes eligi, sed hominum voluntates. Idem in t. 1. ad verba illa: Si volueritis, bona terra comedetis; ait: Liberum servat arbitrium, ut in utranque partem, non ex præjudicio Dei, sed ex meritis singulorum, pœna, vel præmium sit. Ambrosius in c. 8. ep. ad Rom. Deus eos, quos præscivit devotos, elegit ad promissa præmia capessenda. Idem de fid. ad Gratian. lib. 5. ad illud Matth. Non est meum dare vobis; sciebat: Non dicit non est meum dare, sed non est meum dare vobis non sibi potestatem deesse assensum, sed meritum creaturis... Non est meum, quia iustitiam servo, non gratiam. Et lib. 50. de fide: Quorum merita præscivit, bonum præmia prædestinavit. Augustinus lib. 1. ad Simplicianum q. 2. Non tamen electio præcedit justificationem, sed electionem justificationem...

Quod dictum est, quia elegit nos Deus ante mundi constitutionem, non video quomodo sic dictum, nisi præscientia. Idem sec. 2. 3. Audi o homo, hunc dignum habet pro bonis operibus suis, illum habet indignum pro operibus suis malis. Idem in Joan. 26. Si non traheris, ora, ne traharis. Fulgentius lib. 1. ad Monimum c. 24. Deus prædestinavit ad regnum quos ad se præscivit, misericordia præveniens auxilio, redituros. Propter ad respon. Gall. c. 7. Quia ipse ruituros propria voluntate præscivit, ob hoc a filius perditionis nulla eos prædestinatione diserevit. Idem cit. loc. c. 12. Quia præsciti sunt casuri, non sunt prædestinati; essent autem prædestinati, si essent reversuri. S. Anselmus, aliique multi, apud P. Magnanum, P. Boucar, aliosque, legi possunt.

- V. probatur Rationibus. I. quæ est P. Magnani. Deus ab æterno prædestinans, seu volens efficaciter a se intentum finem illum, qui est v. g. Paulo conferre vitam æternam, eadem lege, eodem modo, atque secundum eandem circumstantias ex parte

K k k

rei

rei volitæ, vult per modum intentionis, qua lege, quo modo, & secundum quas circumstantias, pariter ex parte rei volitæ, vult per modum executionis; & e contra; sed Deus, in executione temporali prædestinationis, Paulo vitam æternam non tribuit, immo nec tribuere vult, secundum factæ Scripturæ, & Conciliorum doctrinam, non posito finali statu in bono Pauli; ergo Deus in decreto, seu in intentione prædestinationis Pauli in vitam æternam, sic ab æterno vult ex parte rei volitæ, secundum doctrinam Scripturæ, & Conciliorum, Paulo vitam æternam tribuere, ut id intendens, non abstrahat a lege, atque conditione convenientiæ, bonique usus gratiæ. Tota difficultas est in maiori propositione, quæ sic probatur. Nequit enim fieri, ut agens naturaliter intendat efficaciter aliquid, cuius non simul implicite, vel explicite velit ea adjuncta, cum quibus illud idem efficaciter vult, & fine quibus efficaciter nolet, in executione; puta ut nihil cogitans de Pauli obedientia futura, sed pure independentem ab ea; & mox tamen, cum de intentionis executione decrevit, restringat vagam prioris decreti latitudinem, seu generalitatem, nolique in facto dare, nisi posita obedientia. Non potest quidem hoc fieri; quia si sic fieret, non modo indicaret imprudentiam intendentis generaliter, & vage, ubi novit postea esse restrictionem adhibendam; sed etiam importaret duarum voluntatum efficaciam eunsistulum mutuum, ut patet. De minori principalis argumenti Adversarii ipsi non dubitant, Consequentia sequitur.

Respondet tamen ad hanc P. Magnani rationem P. Filoramus, instando, quod Magnanus reflexionem non fecit, quod si Deus velit offensionem suorum attributorum, facere, & ex hoc sine creaturas rationales creare, illisque plura bona communicare, non ex eo quia vult in priori suorum attributorum offensionem, debet etiam eandem in posteriori velle. Nec etiam qui vult per scissionem recuperare suam salutem, & propterea vult scissionem venæ, ut perseveranter velit, necesse sit prius recuperare salutem, & postea venam scindere; immo potius, quia perseverat in voluntate salutem recuperandi, ideo prius venam scindit, & deinde salutem acquirit.

Sed in contrarium pro Magnani ratione sic potest argumentari. Non enim negatur, aliquando ex intentione finis, quod ponenda sunt media, & per consequens, quod

finis moveat eum, qui agit, ad media ponenda; hoc nihilominus non obstante, quamplurima sunt media, quæ præsupponuntur ad intentionem finis, & consequenter non sunt ponenda ex fine. Unde certum est, nos aliquando ponendo finem, etiam propter eum media ponere. E. G. dum volumus salutem, inde volumus scissionem venæ, & ponimus scissionem venæ. Aliquando vero ex intentione finis non ponitur medium, sed est, & supponitur medium. E. G. dum quis vult petere Romam, & propter hoc ad eundem equum assumit. In hoc casu medium supponitur in intentione, & physice est, & supponitur aliunde equus amarus. Sic pariter si ego amarem salutem per scissionem venæ, ita ut non amarem per alia medicinalia, sed per scissionem venæ tantum, necesse est, ut prius amaretur scissio venæ, quam salus, seu necesse est, ut consequenter ad scissionem venæ amaretur salus. Demum si ego intendo scribere per calamum, & non nisi per calamum; ego ipse sicut non exequor scripturam, nisi post calamum, habitum, ita non intendo scripturam, nisi per calamum prævisum; quia si esset impossibile, aut non esset calamus, ego non possem, aut nollem scribere. Ergo ratio volendi eo tunc in intentione scribere esset post intentionem calami; sicuti post executionem calami exequeretur scripturam. Ex his habetur, quod in casu nostro media non sunt ponenda ex intentione, gloriæ, sed jam sunt, & physice supponuntur in intentione efficaci gloriæ. Nam si Deus, ut habemus per Scripturas, non vult exequi gloriam, nisi per merita; ergo nec voluit ab æterno efficaciter ipsum finem, nisi ex meritis. Sicuti si Petrus non vult exequi salutem, nisi per scissionem venæ, ita ut per alia medicamina nollet exequi, signum est, Petrum intendisse scissionem venæ, dum salutem intendebar; quia si amasset salutem antecederet ad scissionem venæ, non esset verum, quod nollet exequi salutem, nisi per scissionem venæ. Ergo si Deus non vult exequi gloriam, dandam Electis, nisi ex meritis, quæ sint finaliter, sequitur, quod nec pariter intendit dare gloriam Electis ab æterno, nisi ex meritis, quæ sint absolute posita.

Respondet denuo P. Filoramus in forma ad rationem P. Magnani adductam, distinguendo majorem propositionem: Deus intendens aliquid ab æterno, &c. eodem ordine, modo, circumstantiis, &c. illud in tempore exequitur; quoad rationem causæ,

se, & effectus, negat majorem; quia intentio est causa movens, & agens, non exquens; item, quod movet ad aliud, est deinde causandum ab ipso, non causaturum ipsum; Eodem ordine, lege, &c. illud caequitur in tempore, hoc est per eadem inæquatione causat, quæ fuerunt in intentione volita, & non per quid nolum, & additum, concedit majorem; unde ait, concessa minori propositione, negandam esse consequentiam.

In contrarium quoque argumentamur. Membrum distinctionis, quod concedit Adversarius, non verificatur in casu nostro; Et hoc a Magnano insinuat, dum in suo argumento pluries ait, ex parte rei volita; quia per easdem circumstantias est caequitioni mandanda gloria, atque causanda, quibus fuit intentio, & volita, & non per quid additum; fuit autem gloria volita efficaciter ante merita, & non ex meritis, per Adversarius; & non exequitioni mandanda, nisi post merita, & ex meritis; ergo est aliquid additum, & volitum noviter; quia in exequitione sunt volita, media meritorum, quæ non fuerunt volita in intentione. Neque dicas, quod volens finem, non sit dubium, quod per media, & ea mediis, velit finem; sic Deus volens gloriam, ea meritis, seu per merita, vult; ergo responso non probat, electionem efficacem ad gloriam non fuisse per merita, nam vult etiam, ut merita sint futura. Ne dicas hoc; quia in materia, de qua agimus, bene sunt aliqua verba pensanda. Ille tamen confunduntur *To ex meritis*, & *To per merita*; quum alias sint distinguenda; nam primum denotat causalityatem, antecessionem, &c., secundum vero potius posterioritatem. Dum quis e. g. vult digestionem vini per dormitionem; in isto casu antecedit digestio dormitionem; aut saltem indifferenter se habet; quia postquam agit digestionem tanquam finem, dormitionem tanquam medium assumit. At vero si quis velit digestionem ea dormitione, in hoc casu voluntas de dormitione antecedit digestionem; quia unius digestionem prævisa ut futura, ordinanda propter consequendam digestionem: ergo non debent confundi, & pro eodem accipi, loquutiones istæ, *ex meritis*, & *per merita*. Utcriusque unus loquendi modus amplior est altero; quia primus potest stare pro mediis, quæ sint, & supponantur in cognitione, & pro mediis, quæ sint ponenda ab agente: Secundus vero loquendi modus stat pro mediis, quæ

PAR. I.

sint: ergo non potest dici ab Adversariis, gloriam fuisse prædestinationem per merita, si illi duo modi pro eodem ab ipsis accipiantur. Nam argumentum a nobis supra factum probat, fuisse per merita, quæ sint, & supponantur: ergo ex meritis, & dependenter ab eis. Non bene ergo dicitur, gloriam fuisse prædestinationem ea meritis, si fuit ante prævisa merita; quia prædestinationem esse ea meritis idem est, ac esse ea prævisione meritorum.

II. Probatur quoque ratione P. Magnani, cap. 14. prop. 15. Si ante omnem prævisionem meritorum absoluta fuit voluntas æterna, qua Deus voluit dare gloriam iis omnibus, quibus de facto in tempore daturus erat; Scriptura Sacra non tam nobis proponeret ut suspensam, & velut non habituram efficacem effectum, nisi post impletam ea parte nostra conditionem bonorum operum; sed passim Scriptura voluntatem illam divinam proponit nobis ut suspensam, &c. ergo, &c. Majorem putamus certam ex eo, quod nulla potest esse ratio, cur Scriptura, vel Spiritus Sanctus, prædicet, sive significet, & velit, non credere ordinem, & motum divini hujus decreti, quod est prædestinatio, aliter quam se habeat rei veritas. Minorem probamus ex illis sacrae Scripturae locis, quæ in prima hujus Dissertationis probatione adduximus. Ibi enim relata sunt & verba Apoc. 3. *Tene quod habes, ne alius accipiat coronam tuam*; & verba ad Philippens. 2. *cum metu, & tremore vestram salutem operamini*; & verba ad Rom. 11. *Vide ergo bonitatem, & severitatem Dei, in eos quidem, qui residerunt, severitatem; in te autem bonitatem, si permanferis in bonitate, alioquin & tu excideris*; idest, si non permanferis, seu si non perseveraveris: ergo stat quæ prædestinatione periculum; ne prædestinatus scilicet non permaneat, ne cadat, ne teneat, quod habet, &c. Certe si non esset periculum, non prædicaretur metus, & timor operanti. Non esset autem periculum, si esset absoluta prædestinatio ante prævisionem meritorum: ergo, &c.

III. Probatur & explicatur conclusio ratione simul, & verbis ipsis P. Magnani. „ Cum enim jam ea aliis Scripturae locis, & aliis passim constet, vitam æternam „ proponi nobis sub ratione coronæ, præ „ mii, mercedis; evidenter Deus non eam „ voluit dare mere gratis; nempe velut do „ num mere gratuitum, ac mere liberale; „ quanvis enim ea mera liberalitate factum „ fuerit, quod Deus gloriam proposuit ho „

Kkk 2

mi-

„minibus per merita comparandam; quem-
 „admodum ubi bravium quis proponit eur-
 „rentibus in stadio; non merito curren-
 „tium, quale non est, sed propria liberali-
 „tate provocatus, ludos, legesque, instituit
 „currendi, & præmium, quod victori de-
 „tur, constituit. Tamen non statuit dare,
 „immo statuit non dare, nisi digno, & me-
 „ritum victoriæ habenti. Et ita remitte-
 „quidem, atque in radice gratis est, quod
 „voluit dare; sed proxime non vult, ut ul-
 „lus habeat gratis, ac sine labore. Et quia,
 „ut dixi, id ita est; evidens est, voluntatem
 „illam primam, qua Deus non ex meritis
 „hominum, sed sua propria bonitate, ac li-
 „beralitate permotus, vitam æternam dare
 „voluit, non esse absolutam, seu solutam,
 „& independentem ab omni conditione;
 „sed esse conditionatam, & in absolutam,
 „non transire, nisi meriti, atque victoriæ
 „conditione implera. Si enim de se foret
 „absoluta, impleteretur, etiam non posita ea
 „conditio; quia Deus omnipotens non
 „frustra velle potest. „

IV. Probatur. Prædestinatio ante prævisa
 merita vel est efficax, vel inefficax? Si ef-
 ficax: ergo etiam absque meritorum posi-
 tione foretietur effectum suum. Si ineffi-
 cax: erit ergo voluntas illa generalis dandi
 gloriam omnibus, & alia deinde specia-
 lis ponenda est, quæ sit efficax, quæ sit
 consequens, & quæ sit proinde post meri-
 torum prævisionem. Adversarij ergo ne
 dicant primum, quod sane dicere non
 possunt; secundum amplecti debent.

V. Probatur. In ordine executionis præ-
 destinatio est post prævisa merita: ergo
 etiam in ordine intentionis. Antecedens
 ab Adversariis admittitur; consequentia
 probatur. Quicquid Deus in tempore facit,
 eo modo, & ratione facit, quibus ab
 æterno ordinavit; ergo si Deus in tempo-
 re, & in executionis ordine post merita
 prædestinationem exequitur, pagiset ab
 æterno post merita illam ordinavit. Hæc
 ratio videtur coincidere cum prima rati-
 one P. Magnani, sed in aliquo est ab illa
 diversa, ut consideranti patet.

VI. Deus reprobatur impios post prævisa de-
 merita: ergo prædestinat pariter electos
 post prævisa merita. Antecedens a nemi-
 ne Catholico negatur; consequentia pro-
 batur. Deus ab æterno prævidit Cajum,
 & in Cajo non prævidit demerita, ac per
 consequens ipsum non reprobavit. Que-
 rimus; vel illum prædestinavit, vel non?
 Si non: ergo daretur status medius, illor-
 um scilicet, qui non sint neque prædesti-

nari, neque reprobati, quem Augustinus
 contra Pelagianos acerrime impugnavit.
 Si prædestinavit: ergo post merita prædes-
 tinavit; meritum etiam in eo erat non
 habere peccatum, quod sane per gratiam
 divinam obtrivit. Si ad peccatum origi-
 nale recurratur, jam supponimus Deum
 habuisse voluntatem generalem salvandi
 omnes antecedenter; adeoque jam cum
 peccato originale prævisi, per voluntatem
 illam antecedentem salvandi erant.

Arguunt modo Adversarij I. ex Scripturis.

Act. 13. 48. *Et crediderunt quotquot erant
 præordinati ad vitam æternam.* II. ad Tim.
 2. 19. *Sed firmum fundamentum Dei stat,
 habens signaculum hoc: Cognovit Dominus,
 qui sunt ejus.* Verbis hæc indicatur firmi-
 tas, & immobilitas divinæ prædestinatio-
 nis; firmata scilicet, & munitæ signacu-
 lu hoc, quo Deus agnoscat suos, hoc est
 eos, quos ipse prædestinans fecit immobi-
 liter suos; quibus, ut ait S. Thomas ibi,
 datur gratia immobiliter standi; sed non
 esset ita firma prædestinatio, si quoquo
 modo initteretur operibus liberi arbitrii
 instabilis, adeoque si esset solum conse-
 quenter ad merita: ergo, &c. Item Lucæ
 12. 32. *Nolite timere pusillus grex, quia
 complacuit Patri vestro dare vobis regnum.*
 Pusillus grex Electos significat; juxta illud
 Matth. 20. 16. *Pauci vero electi.* Viribus
 placuit videtur denotare Dei electi-
 onem, & quidem antecedentem; quandoquidem
 ea redditur ut causa ad contemnenda tem-
 poralia. Adhuc Joannis 15. 16. *Non vos
 me elegistis, sed ego elegi vos, & posui vos,
 ut estis.* Tandem Joann. 17. 9. *Non pro
 mundo rogo, sed pro his, quos dedisti mihi;
 quia tui sunt.* II. ex Patribus. Augustinus
 lib. de prædest. Sanctorum c. 18. *Elegit nos
 ante mundi constitutionem, ut essemus sancti;
 non ergo quia futuri eramus, sed ut essemus;*
 quibus quidem verbis loquitur S. Doctor
 de electione ad gloriam; quia contra Se-
 mi-Pelagianos loquebatur, qui, teste S. Pro-
 spero; electionem ad vitam ex prævisione
 meritorum defendebant. Idem Augusti-
 nus eodem libro c. 19. *Cum ergo vos prædes-
 tinavit, opus suum præstitit, quo vos sanctos,
 & immaculatos facit:* ergo secundum ipsum
 prædestinatio est ante prævisa merita.
 Idem pariter eod. libro c. 17. asserit, præ-
 destinationem esse secundum propositum; sed
 prædestinatio secundum propositum est
 ante prævisa merita: ergo, &c.

Respondemus ad I. Scripturæ auctoritatem,
 cum P. Magnano, non posse ex illo loco
 Adversariorum intentum probari; etenim

ver-

verbum illud *præordinati* non est idem, ac *prædestinati*, sed est idem, ac *prædispositi*; prædispositi quidem per gratiam, sed tamen libere susceptam, &que consentient in hoc, quod ex desiderio suæ salutis, & ex sincero veritatis studio, apostolicæ prædicationi attendent, illamque perpequerent ut oraculis Prophetarum consonam. Quotquot ergo erant ita prædispositi, & quod idem est, præordinati ad credendum, sive ad fidem, quæ est via ad vitam æternam, crediderunt. Confirmatur hoc; ibi scilicet non loqui de prædestinatione, præsertim absoluta, est alioquin consequenti, quia non est verisimile, quod S. Lucas, qui ibi de fide agit, atque salutis initio, voluerit illis hominibus ipsorum per se veritatem in fide, & finalem salutem, revelare. Ulterius, quod voluerit pariter dicere, neminem ex ea civitate salvandum præter eos, qui jam crediderunt; siquidem alii multi deinde crediderunt; juxta illud; *disseminebatur verbum Domini*, &c. Nec facit satis P. Filoramo responsio, qui asserit, textum loqui non de omnibus hominibus civitatis, sed tantum de iis, qui prædicationi Pauli aderant. Certe non facit satis, quia pariter diffonium puramus dicere, ex iis, qui aderant Pauli prædicationi, neminem salvandum fore, præter eos, qui jam crediderunt.

Ad auctoritatem desumptam ex Epistola Pauli ad Timotheum responderet etiam P. Magnanus negando minorem. Et quidem ex Angelico Doctore cit. loc. humanum firmitas dependet primo ex divina prædestinatione, secundo ex libero arbitrio nostrorum; immo addit, esse duo signacula, vel unum habens duas partes. *Et hæc est, inquit, prima pars signaculi, ex divina scilicet prædestinatione, quia novit Deus, qui sunt ejus, & hæc est voluntas divina prædestinationis.* Et infra: *Sed quantum ad secundum, discedat ab iniquitate omnis, qui invocat nomen Domini.* Sunt igitur fundamenta hujus firmitatis, seu prædestinationis, certe partialia saltem, signacula duo ex Apostolo, hinc præsciencia Dei, hinc fuga peccati; estque sensus Apostoli; Deus suum hoc prædestinationis fundamentum firmiter obfirmavit, seu firmum, & certum fecit, duobus sigillis, quorum unum in ipso est, alterum in quovis prædestinato; primum est, quod prædestinati sunt præcogniti, atque præcogniti, tanquam qui sint Dei, veluti permansuri in fide, & gratia; unde secundum est signaculum ex parte ipsorum, fuga peccati.

Ad verba Christi Domini Lucæ 12. 32. dicitur, non esse illa efficacia ad probandum, quod Adversarii intendunt; quia Theophilatus, Euthimius, alique, videntur eadem verba ad omnes fideles, etiam non electos, extendere. Quod quidem probabile sit, quia tunc etiam inter Apostolos aderat Judas. Quam quidem responsionem sustineri posse, facietur etiam ex Adversarius Arriaga.

Ad verba etiam Christi Joannis 15. 16. dicimus, intelligenda esse de electione ad Apostolatam; ut patet ex vi contextus, & ex vi eligendi. Dicitur enim: *Elegi vos, ut eatis, & fructum afferatis.* Hic ergo est finis proximus, ad quem electi sunt Apostoli ad Apostolatam; non autem potest esse finis eligendi ad vitam æternam: Nam bona opera Apostolorum non sunt finis, sed sunt media ad vitam æternam.

Denique ad verba Joannis 17. 9. responderet P. Magnanus, quod oratio Christi non fuit pro solis prædestinatis, sed etiam pro aliis; specialiter vero pro iis, qui præsentibus aderant post exitum Judæ; quia, ut habetur Joann. 13. 30. *Cum ergo accepisset ille buccellam, exivit continuo; & tunc sermo Christi incipit esse ad residuos, & pro residuis.* Nec pro his solis rogat, ut non roget pro omnibus. Ibi enim eodem capite Joann. 17. num. 20. dicitur: *Non pro eis tantum rogo tantum, sed & pro eis, qui credituri sunt per verbum eorum in me; ut omnes unum sint, sicut tu Pater in me, & ego in te, ut & ipsi in nobis unum sint; ut credat mundus, quia tu me misisti.* Ergo oratio illa non fuit pro solis prædestinatis, quia fuit, & pro illis undecim, & pro iis etiam, qui in eorum prædicationem erant credituri, quos quidem omnes prædestinatos fuisse, quis affirmabit? Immo fuit pro omnibus, & pro toto mundo; ut credat mundus, quia tu me misisti. Igitur in hisce Scripturarum auctoritatibus minime probata invenitur, seu prædestinatio, seu reprobatio antecedens absoluta.

Ad primam Augustini auctoritatem dicimus, ipsum loqui de prædestinatione ad gratiam, non vero ad gloriam. Et ratio est, quia loquitur de gratia, solum in sensu opposito illocum, qui illam impugnant; cum illis autem, qui illam impugnant, non habuit Augustinus questionem circa prædestinationem, an esset ante, vel post prævisa merita; ergo cum illis non poterat de prædestinatione ad gloriam loqui. Ut autem hæc exactius habeantur, & ad hæc & similia ex Augustinus objecta, facilius,

eilior, promprieque dari possit respon-
sio, scire oportet; Augustinum divinam
gratiam defendisse acriter, ut par erat, &
contra Judæos, & contra Pelagianos, &
contra Semi-Pelagianos. Judæi sibi illam
debitam credebant, quia filii erant Abra-
hæ, & promissionis; & contra hos scrip-
sit in expositione epistolæ Pauli ad Ro-
manos, & præcipue in commentario ad
cap. 9. Pelagiani respuebant gratiam, &
recedebant a libero arbitrio, & a lege; &
contra illos scripsit libros de correptione,
& gratia, de gratia, & libero arbitrio,
sex alios contra Julianum, quatuor contra
eorundem epistolas; in quibus omnibus
conatus est ostendere, & de facto ostendit,
necessitatem gratiæ, ipsiusque gratuitatem.
Semi-Pelagiani legem quoque admodum
commendabant, ipsam naturam etiam,
cui dicebant inesse virtutum feminam,
immo eidem initium fidei adscribere non
dubitabant; & contra illos scripsit libros de
prædestinatione Sanctorum, & de bono
perseverantie; in quibus probavit, fidem
esse donum Dei; Deum nihil debere na-
turæ; & naturam adeo esse infirmam, &
corruptam, ut non solum non possit sine
gratia perseverare in bono, sed nec etiam
illud inchoare. Ex his patet, quod quan-
documque Augustinus probat, vocationem
ad fidem secundum propositum, largi-
tionem gratiæ, justificationem, & glori-
ficationem, contra Adversarios prædi-
ctos, in sensu ab Adversariis ipsis intento
probat; scilicet, quod illa meritis natu-
ræ non debeantur. Cæterum Augustinus
eadem phrase loquitur de justificatione,
& de glorificatione; sed ad justificationem
concurrunt bona opera: ergo pariter ad
glorificationem. Igitur ex Augustini men-
te est post prævisa merita, quia secundum
illum est secundum mensuram meritum.
Si enim esset ante prævisa merita, foret
solum secundum mensuram beneplaciti;
ut ait P. Boucat. Ex his habetur, quod,
quum principalis controversia inter Au-
gustinum, & Pelagianos, & Semi-Pelagia-
nos fuerit de præparatione, & de electio-
ne, seu prædestinatione ad gratiam, nul-
lam habuit questionem, nisi in genere,
& secundario, de prædestinatione ad glori-
am; & si eam aliquando dixit esse ante
prævisa merita, loquutus fuit in radice,
seu ratione primæ gratiæ, a qua incipit
prædestinatio; quod a nemine ex Catho-
licis negatur.

Ex his patet responso ad alias Augustini au-
ctoritates. Responderetur enim ad illam.

lib. de prædestin. Sanctor. c. 19., quod
præscit Deus, quæ ipse facturus est quoad
gratiam, quæ incipit in nobis opus bonum,
illudque, humana voluntate cooperante,
consumat, & hoc a nemine negatur. Si
vero intelligatur quoad prædestinatio-
nem, distinguitur, quæ facturus est nobis
cooperantibus, conceditur; non coope-
rantibus, negatur. In eo enim capite Au-
gustinus resciluit Pelagianos dicentes, ho-
mines promoveri ad charitatem, & sancti-
tatem, ex prævisione meritum naturæ;
nos autem, qui prædestinationem asseri-
mus post prævisa merita, dicimus quidem
bona opera esse a gratia, & a libero arbi-
trio; a gratia incobante contra Semi-Pel-
agianos; a gratia incobante, & perficien-
te, contra Pelagianos; a libero arbitrio
agente, & cooperante, contra Luthera-
nos, & Calvinianos. Ad ultimum Augu-
stini auctoritatem, distinguitur dictum;
illud; prædestinatio ad gratiam est secun-
dum propositum, conceditur, quia est
gratuita; prædestinatio ad gloriam, subdi-
stinguitur, adæquate sumpta, conceditur;
inadæquate sumpta, negatur. Prædestina-
tio adæquate sumpta, ut diximus, inclu-
dit etiam prædestinationem ad gratiam; &
hujus ratione gratuita est; inadæquate
vero accepta dicit solum prædestinationem
ad gloriam; & quum sit ut talis post
prævisa merita, non est gratuita. Respon-
siones istæ si aliis Augustini auctoritatibus
applicabuntur, omnes inveniuntur profe-
cto nihil contra nos probare.

Arguunt modo Rationibus I. Quicumque or-
dinate volens, prius vult finem, quam
media conducentia ad finem; sed quum
gloria detur ut præmium, & corona me-
ritorum, gloria habere debet rationem fin-
is, & merita habent rationem mediæ: ergo
quum Deus non possit inordinate velle,
nec potuit velle gloriam ut præmium, &
coronam, nisi voluntate antecedenti ad
voluntatem mediorum. II. Si prædestina-
ret Deus post prævisa merita, haberet pro
prædestinationis motivo bonum homi-
num, non bonitatem sui ipsius; hoc non
est dicendum: ergo neque illud. Minor
patet; quia Deus in omnibus suis operatio-
nibus, præcipue ad extra, motivum habet
a propria sua bonitate. Major probatur.
Moveretur Deus a meritis creaturarum ad
potius prædestinandum has, quam illas
creaturas: ergo haberet pro motivo bonum
hominum, non propriam suam bonitatem.
III. Prædestinatio est effectus amoris Dei;
sed si esset post merita prævisa esset effe-
ctus

Aus iustitiæ Dei: ergo non esset vera prædestinationis. Major propositio docetur ab Augustino, & S. Thoma, aliisque passim. Doctoribus, & Theologis. Minor patet, quia Deus prædestinando gloriam post merita prævisa, faceret iustitiam meritis: ergo esset prædestinationis effectus iustitiæ. IV. Pueruli post baptismum decedentes prædestinantur a Deo ad gloriam, & non post prævisa merita: ergo sic pariter adulti. Probatur consequentia; sicut est opus misericordiæ Dei prædestinatio adulterorum, ita est prædestinatio infantum: ergo quomodo prædestinantur isti, ita & illi prædestinari debent; sed isti prædestinantur non post prævisa merita: ergo & illi. V. Si prædestinationis esset post prævisa merita, prædestinati ad gloriam possent sibi tribuere electionem ad gloriam; atqui hoc est contra Scripturas: ergo non prædestinantur post prævisionem meritorum. Probatur major. Possent enim dicere, quod ideo ipsi prædestinati fuerunt, quia fuerunt prævisi propriis meritis onuli, cuiusmodi prævisi non fuerunt reprobi, qui propterea prædestinati non fuerunt; ergo possent sibi ipsis ascribere electionem ad gloriam. Minor prioris argumenti patet ex verbis Apostoli 1. Cor. 4. 7. *Quis enim te discernit? Quod autem habes, quod non accepisti? Si autem accepisti, quid gloriaris, quasi non acceperis?* VI. Prius in intentione est posterius in executione; sed in executione priora sunt merita, & posterior est gloria: ergo in intentione debet prior esse gloria, & posteriora merita. VII. Divisio, seu discretio Electorum a Reprobis incipit a prima gratia; sed prima gratia est omnino ante prævisa merita: ergo pariter prædestinationis. VIII. Prædestinatio importat perseverantiam finalem; sed finalis perseverantia non cadit sub meritum; ergo neque prædestinationis. IX. Prædestinationis est præparatio mediorum infallibilium; sed media infallibilia sunt tantum gratiæ efficaces, & istæ præcedunt merita: ergo, &c. X. Si prædestinationis esset post prævisa merita, dependeret a libero arbitrio, & non a gratia; hoc dici non potest: ergo neque illud. Probatur major. Gratia esset efficax, si liberum arbitrium consentiret: ergo si gratiæ efficacia ab illo dependeret, etiam ab illo dependeret prædestinationis. Respondemus ad 1., quod est argumentum, quo valde gloriantur Scotistæ, cum P. Filoramo, quem etsi non admittentem prædestinationem de facto post meritum,

prævisionem, quia tamen admittit de possibili, etiam urget, sicut alios urget, qui de facto admittunt; maiorem propositionem tunc esse veram, quando medium non est expensibile, nisi propter aliud, nec propter alium finem. In hoc enim casu medium apperi non potest, nisi ex talis specialis finis amore. Quando vero medium ratione sui est bonum, potest etiam ratione sui terminare amorem, absque ullo ordine ad alium finem; quanvis absque alio actu possit ordinari ad illum. Similiter quando idem medium potest conducere ad plures fines, potest prima intentione esse volitum propter unum, & deinde ordinari ad alium finem, supposito quod iam est. Et hinc apparet, inquit ipse, quam sit frivolum hoc argumentum ad probandum, de facto prædestinationem ad gloriam meritorum prævisionem præcessisse. Quum enim gratia, & merita, potuerint esse volita a Deo ex alio fine, unde probabunt Scotistæ modum, quo de facto voluerit Deus ex duobus modis, quibus pro sua summa libertate poterat velle Electos prædestinare? Sed valeat quantum valere potest hæc P. Filoramo responsio, nos alio modo respondemus; nimirum, supposita divina liberali libertate de salute omnium hominum conditionate, scilicet si voluerint; & suppositis ex hac voluntate auxiliis ad operandum supernaturaliter, dicimus, quod isti, ut sint electi efficaciter absolute ad gloriam, debent prius prædestinari merita finalia saltem, & inde dicuntur electi, & prædestinati. Nec est necesse, ut Deus per scientiam mediam det illis gratias efficaces indefectibiles, & prædestinat opera meritoria finalia illis; sed asserimus, ex vi voluntatis efficacia conditionate de salute hominum conferri gratias, defectibiles tamen, & repudiabiles; & ex suppositione, quod aliqui istis gratiis fuerint bene usi, saltem finaliter, hoc ipso Deus illos absolute prædestinavit; seu illud decretum efficaciarum conditionarum transivit in absolutum. Nec est opus, quod assignetur aliud speciale decretum, nec antecedens merita, nec consequens, dummodo præcedat speciale decretum conferendi gratias efficaces per scientiam mediam prædictas indefectibiles, & congruas. Hoc etiam modo daretur pro Electis speciale decretum, licet non antecedens in ordine ad gloriam, sed consequens; tamen esset consequens ad prædestinationem operum, & antecederet decretum prædestinans opera per gratias positas efficaces indefectibiles.

les per scientiam mediam; & sic per consequens antecederet decretum speciale de conferendis gratis per Electis; quod decretum non haberet pro omnibus, sed solum pro electis, & prædestinatis. Concludimus ergo, Deum non habere decretum de gratis, & de gloria, quando prædestinantur opera meritoria, quocunque modo hoc faciat, sive ex fine dandi gloriam, & postea ordinet ea merita ad gloriam.

Opponent nihilominus Adversarii forsitan: Prædestinatio, & præparatio gratiæ efficacis præsupponit efficacem voluntatem finis, a qua debet causari; nec potest efficaciter meritum exequutivum esse volitum ex sola efficaci voluntate finis; tunc enim voluntas esset medium in ordine ad finem: ergo debet præsupponi decretum efficax de gloria ad hoc, ut fiat præparatio efficacium gratiarum.

Refellitur instantia in omnibus suis partibus. Et primo concedimus, prædestinationem gratiæ efficacis præsupponere voluntatem efficacem finis; nec posse efficaciter medium exequutivum finis esse volitum ex sola voluntate efficaci finis; sed negamus suppositum; in Deo scilicet voluntatem illam antecedentem conditionatam non esse efficacem. Si enim, quia conditionata dicitur, ab Adversariis vocatur pariter inefficax; ipsorum pace, non recte loquuntur. Non enim potest dici inefficax, scilicet non efficax, sed potius efficax non absolute, quatenus est efficax antecedens conditionate. Quapropter dicimus, medium exequutivum finis ex hac voluntate efficaciter esse volitum, licet non indefectibiliter, sed defectibiliter ex humana resistencia. Et secundum hunc sensum concedimus consequentiam; at vero in sensu Adversariorum distinguimus consequens; ergo debet præsupponi decretum efficax absolute de gloria, ut fiat prædestinatio gratiarum efficacium indefectibilium, concedimus; defectibilium, negamus. Aut alio modo: debet præsupponi decretum efficax conditionatum, concedimus; absolute, negamus. Hoc enim est consequenter tale, quia ad hoc ut foret tale, non deberet esse antecedens, sed consequens.

Ad II. dicimus, Deum non posse habere in prædestinatione electorum aliud motivum ultimum, & finale, quam seipsum; posse tamen habere ratiocinativum motivum intermedium bonitatem suam relucens in creaturis, quanvis non habeat bonitatem suam secundum se, & consideratam ad intra. Quam enim Deus agit ad extra in præde-

stinationis negotio; quis prohibet, quod præter motivum, quod semper Deus habet pro principali fine, scilicet gloriam suam, habeat etiam nostrum vel cogitandum, vel loquendi modo pro fine intermedio, seu proximo motivo, bonitatem suam, quam in iustorum meritis relucet; immo pariter misericordiam suam, quia gratis datur; gratiam suam, quia ipsa est principium meriti totius; & iustitiam demum; quia gloriam dar ut præmium, ut mercedem, ut coronam?

Ad III. negatur minor, ad cuius probationem dicitur, quod prædestinatio, vel consideratur in communi, & adequate, & est gratia specialissima; quia initium ducit a prima gratia, quæ est in nobis sine nobis, & continuatur deinde per gratiarum seriem, & denuo terminatur per perseverantiam finalem, quæ etiam est donum Dei; igitur sic spectata prædestinatio est omnino effectus amoris Dei: Vel consideratur inadequate, & est etiam gratia, quatenus importat terminum salutis negotium claudentem; quia ad hoc multitudine gratiarum Dei requiritur; & quia etiam opus est specialis providentiæ, per quam series rerum ita disponitur, ut prædestinato omnia cedant ad salutem. Quod autem in ea locum habeat iustitia, etiam est effectus amoris Dei; quia creatura hoc nec de se presumere, immo nec sperare, poterat; Deus autem fuit, qui dignatus est sua gratia ita creature opera elevare, ut habeant meritum ad gloriam pro iustitia impetrandam.

Ad IV. negatur paritas; & disparitas est, quod pueruli post baptismum, & ante rationis usum, morientes, ingrediuntur in gloriam, quam hereditario jure acquirunt; unde non mirum, si ante suorum meritorum provisionem prædestinantur. Adultri vero acquirunt gloriam jure hereditatis, & acquisitionis; unde propter jure hereditatis ex Dei gratia omnino recognoscant æternam vitam; propter jure vero acquisitionis, & ex Dei gratia habent, & ex proprio labore a Dei gratia adjuto. Unde bene per hoc post præviâ merita prædestinantur ad gloriam. Cæterum si paritas curreret, parvuli etiam in exequatione gloriam acquirant sine meritis; ergo dicimus, quod sic pariter adulti consequuntur? Non est sane dicendum.

Ad V. dicitur, quod Deus ab æterno decrevit quidem conferre electis gloriam ob merita præviâ; sed electi nihil possunt mereri ex seipsis, quam ne quidem sint sufficientes cogitare aliquid boni ex seipsis tan-

tanquam ex seipſis. Quum ergo nihil poſſint homines operari meritorium æternæ vitæ ſine gratia, & gratia ſit illis omnino indebita, & illam habeant ex mera Dei miſericordia; conſequens eſt, ut omnia merita ſua, & gloriæ etiam præmia, agnoſcere debeant ut Dei munera, & ut dona miſericordiæ, & amoris ipſius Dei. Quod vero Deus gratiam ſuam non omnibus, & ſingulis æqualiter præſtet, hoc facit, ut homo ex una parte gloriari non poſſit, ſi illi præſtetur, nec conqueri, ſi non præſtetur; ſed cum Apoſtolo continuo clamer: *O altitudo divitiarum ſapientiæ, & ſcientiæ Dei, quam incomprehenſibilia ſunt iudicia eius, & inſeſtigabiles viæ eius!* Ad Rom. 11. 33. Nunquid dicit ſigmentum ei, qui ſe ſinxit, quid me feciſti? *An non habes poteſtatem ſingulis luti ex eadem maſſa facere aliud quidem vas in honorem, aliud vero in contumeliam?* Ad Rom. 9. 21.

Ad VI. Quando prius in intentione vult quis aſſequi ſine medio ordinato ad illud, & abſolute, non cum conditione vult aſſequi, certum eſt, quod eſt prius in intentione, & poſterius in executione. Quando vero illud vult aſſequi cum medio, & ita aſſequi, ut ſine medio noli aſſequi; tunc convenit, ut prius cogitet de medio, per quod vult ipſum conſequi. Cæterum illud prius ſufficienter verificatur de voluntate generali efficaci antecedenti, per quam Deus omnibus hominibus vult dare ſalutem; & non officiſſe prioritati ſuæ, quod poſtea per ſpecialem voluntatem illi vellet dare abſolute, qui præviſi fuerunt conſenſuri ſuis gratis, & cum hiſce acquiſituri præmia, illa, quibus gloriari vult dare ut præmium, & ut coronam.

Ad VII. diſtinguitur maior & diſtinctio, ſeu diſcretio Electorum incipit a prima gratia, quæ connotat merita, quorum eſt principium, conceditur; quæ non connotat, negatur. Certe diſcretio electorum inſitum ſumit a prima gratia, non ſpectata ſecundum ſe, ſed ut connotat cooperationem, meritum, juſtificationem, gratiam ſanctificantem, & finalem; & ratio eſt, quia prima gratia datur etiam reprobis, & tamen in reprobis non eſt principium prædeſtinationis; quia reprobis datur ut eſt ſecundum ſe, non vero ut connotat cooperationem, meritum, juſtificationem, gratiam ſanctificantem, & finalem.

Ad VIII. reſponder P. Boucat, perfeverantiam virtutem, qui quæ in bono perfeverat, cadere ſub meritum; & rationem adducit, quia qui opus bonum facit meretur

P. A. I.

novam gratiam; hac nova gratia aliud bonum operatur, & novam, atque maiorem gratiam meretur; & aſque dum perveniat ad perfeverantiam. Sed, ſua pace, hoc verum eſt de perfeverantia ordinata, non vero de perfeverantia finali, de qua loquitur argumentum; & hanc diſtinctionem omnes Theologi agnoſcunt. Subdit pariter, non deſſe, qui aſſerant, perfeverantiam etiam finalem poſſe cadere ſub meritum etiam de condigno, ſi ſumatur pro gratis tantum interioribus conducentibus ad eam; & Thomiſtas cum S. Thoma propugnare, quod cadat ſub meritum dumtaxat de congruo, & hoc quoad gratias interiores, & etiam exteriores, quæ producunt illam. Verum reſponder melius ſecundo loco diſtinguendo maiorem; prædeſtinatione adæquate ſumpta importat perfeverantiam finalem, concedit; inadæquate ſumpta, negat. Inadæquate ſumpta dicit ſolum electionem ad gloriæ, quæ abſque dubio cadit ſub meritum.

Ad IX. dicitur, quod media, quæ dat Deus, ſunt quidem efficaciæ, & inſallibilia, ſi creatura non ponat obicem; ſunt enim media, quæ componi debent cum cooperatione creature, & creatura eſt libera ad cooperandum, & non cooperandum. Igitur ſemper includitur meritum creature, quæ conſiſtit in ſua cooperatione.

Ad X. dicimus, omnes Theologos catholicos, ſive illos, qui admittunt gratiam inſiſſe, & per ſe efficaciæ, ſive illos, qui propugnant gratiam extrinſe, & per bonum uſum liberi arbitrii, efficaciæ, admittere, & defendere liberi arbitrii cooperationem. Primi quidem ponunt, ſicut æctus bonus procedat a gratia, & a libero arbitrio prius per gratiam moto, tanquam a cauſa adæquata. Secundi vero volunt liberum arbitrium ab ipſa gratia adjuvari. Unde in utraque Theologorum opinione, ſalvatur neceſſitas gratiæ, & cooperatio liberi arbitrii. Quod ſi hoc eſt, nullum videtur inconveniens, prædeſtinationem dependere a gratia ſimul, & a liberi arbitrii cooperatione; ab hoc tamen dici ulterius poteſt, quod dependat in communi, & in particulari etiam, ut a cauſa cooperante, non vero ut gratia ab ipſo habeat virtutem ad agendum.

Quæritur I. Quæ ſint Prædeſtinationis cauſæ?

Reſpondemus, quod quando quæritur de Prædeſtinationis cauſis, non intelligitur

L. I.

tur

ur questum, nec de efficientibus, nec de formalibus, nec de materialibus causis ejusdem. Quum enim prædestinatio, ut dictum est, sit actus divini intellectus, & divinæ voluntatis, nullam ex his causam a Deo distinctam habere potest. Sermo igitur est solummodo de causis veluti morivis, & finalibus Prædestinatorum; quare scilicet Deus moveatur ad hunc, & non alium prædestinandum? Et quidem primo potest questum intelligi de adæquata prædestinatione, quæ scilicet etiam primam gratiam complectatur. Et in hoc fuit Mathiænsium error, qui dicebant, Deum ex operibus bonis naturæ viribus elicitis ad primam gratiam dandam moveri. Contra hoc Fides docet, primam gratiam esse tantummodo a Deo; ideoque nullam dari causam, aut movivum, respectu prædestinationis adæquate; & per consequens in ordine ad primam gratiam non posse nos assignare rationem aliquam ex parte nostræ Deum moventem ad illam nobismetipsis impartiendam. Secundo potest intelligi questum de prædestinatione inadæquate acceptæ; quatenus nimirum ejus nomine venias præfisse voluntas dandi gloriam; & aliqui dicunt, merita esse causam prædestinationis in executione, non vero in intentione. Nos vero, quia diximus prædestinationem esse post merita absolute futura, adhuc in intentione merita prædestinationis causam esse sentimus. Tertio questum intelligimus quidam etiam de libero arbitrio, volentes liberum nostrum arbitrium esse causam sine qua non prædestinationis nostræ; quatenus effectus prædestinationis sine nostro libero arbitrio compleri non possit. Verum isti, si qui vere sunt, ad rem non loquuntur; in præfenti enim inquirimus tantum, an detur aliqua causa antecedens, & movens Deum, ut prædestinet. Neque dubitatur, prædestinationem adimpleri non posse sine libero arbitrio; quia non potest impleri, nisi cum meritis, quæ quidem a libero arbitrio cum gratia promanant.

Igitur dicimus nos, nullam posse esse causam totius divinæ prædestinationis. Sic communiter Theologi contra Pelagianos, & Semi-Pelagianos, sit probatur. Nam prædestinatio, quæ incipit a voluntate prima dandi beneficium efficax, est etiam præparatio beneficiorum Dei, in quorum numero primum locum occupat primum auxilium efficax; sed non potest esse ante hoc nullum bonum opus, quod ipsum au-

xilium præcedat, quia ipsum auxilium est causa prima boni operis: ergo non potest cadere sub meritum, non solum efficax, sed etiam inefficax primum, quia etiam hoc est antecedens omne opus bonum, & quoad hoc idem est dicendum de utroque.

Quæritur II. Quinam sint Prædestinationis effectus?

Effectus Prædestinationis illi sunt, qui ex salutis voluntate tribuuntur, ex affectu scilicet erga prædestinatum, a Prædestinante, & ad salutem sunt conducentes. Ex his pender questio, a qua Scholasticorum torquentur ingenia, inquirendo nimirum, num æque gratia, & gloria, sine prædestinationis effectus? Durandus tantum pro gratia, non pro gloria, stat: Gabriel, cæterique Nominales passim, stant pro sola gloria: S. Bonaventura pro gloria, & gratia, sed nun quacunq; at pro justificante sola, non pro vocante: Thomistæ tandem, & Neuterici, immo & communiter fere omnes, pro gloria, & pro gratia quacunq; pugnant. His ultimis nos subscribimus, supposita tamen intermediariorum, & mediatorum effectuum divisione, & distinctione. Gloria enim effectus utriusque prædestinationis est: at mediator; gratia autem est effectus immediatus. Probatum hæc sententia ex Apostolo ad Rom. 8. 30. *Quos autem prædestinavit, hos & vocavit; & quos vocavit, hos & justificavit; quos autem justificavit, illos & glorificavit.* Probatum etiam ratione. Prædestinatio etenim est præparatio mediatorum conducentium efficaciter ad finis consequutionem: ergo media illa causantur ab ea. Hæc autem media æque censentur vocatio, & justificatio non interrupta, quatenus hæc ad glorificationem maxime conducunt; ergo, &c.

Opponunt. Vocatio, & justificatio sunt communes etiam Reprobis: ergo non possunt esse prædestinationis effectus.

Respondemus, vocationem, & justificationem non esse eodem modo in Reprobis, ac sunt in Prædestinatis. In illis enim sunt cum intentione inefficaci, cum interruptione peccati mortalis, adeoque sine perseverantia usque ad vitæ finem, & gloriæ consequutionem; in istis vero & cum intentione efficaci, & cum perseverantia usque in finem. Si autem dicant, quod gloria sit finis prædestinationis, adeoque hequeat esse effectus ipsius; dicitur a nobis, quod ex hoc sequitur, gloriam prædestinationis.

nationis effectum immediatum non esse, bene verò mediatum.

Quæritur III. An peccati permissio in Electis aliquando possit esse prædestinationis effectus?

DE fide est, peccatum non posse esse prædestinationis effectum. I. quia per se ad gloriam non conducit. II. quia aliter a Deo causaretur. III. quia aliter gloria obtineretur per culpam; & similia. Nihilominus quia Eccli. 11. 14. habetur: *bona & mala; vita, & mors; paupertas, & bonestas, a Deo sunt*: Item Amos 3. 6. *Si erit malum in civitate, quod Dominus non fecerit?* Ex verbis hæc oriri potuit difficultas, an peccatum a Deo sit? Sed evanescit illico, quod sciaur, Sacra Scriptura auctoritates de malo pœnæ, non de malo culpæ, intelligendas esse. Hæc de peccato. Peccati vero permissio, quia etiam in Electis habetur, ideo pariter insurgit dubium, an in his possit esse prædestinationis effectus, quanvis in reprobis nec sit, nec esse possit. Et quanvis Thomistæ affirmant, putamus nihilominus nos, dicendum esse cum Vasquez, aliisque pluribus, peccati permissionem, secundum se spectatam, prædestinationis effectum in prædestinatis esse non posse. Probatur. Peccati permissio, secundum se spectata, non est gratia, nec beneficium, sed gratiæ, & beneficii Dei negatio: ergo secundum se non est prædestinationis effectus. Uterius. Peccati permissio ex se, & per se, ad gloriam consequendam non conducit: ergo non est prædestinationis effectus. Et licet per accidens aliquando habeatur, hoc nihilominus ad rem non atinet. Igitur, quum non sit effectus prædestinationis peccati permissio in prædestinatis, erit secundum se communis providentiæ effectus, non quidem positivus, aut negativus, quum sit gratiæ negatio.

Quæritur IV. Quanam sint Prædestinationis signa?

DEus aliquibus a se specialiter electis ipsorum prædestinationem manifestavit; & hi quidem certo se prædestinatos esse

ex Dei revelatione agnoverunt. Et hoc solo modo possumus de nostra prædestinatione certitudinem habere; contra errorem Lutheri, dicentis; hominem posse scire, se esse in gratia, & prædestinatum, sine speciali Dei auxilio; qui damnatus est in Tridentino Concilio sess. 6. cap. 12. & 13. & can. 6. Hoc nihilominus non officit, quod quibusdam mediantibus signis, licet non certo, & infallibiliter, sed conjecturaliter, & verosimiliter, prædestinationis possit aliquatenus indicari; quæ quidem signa, seu potius congruentias, conjecturas, & pias Patrum, ac Theologorum investigationes, hic etiam referre animus est.

Ad duodecim fere reducuntur; & sunt, I. peccati timor; juxta illud psalm. 33. 10. *timete Dominum omnes Sancti ejus*. Hinc ab opposito, reprobationis signum est peccandi facilitas, & peccati gloriatio. II. poenitentia; sollicitudo; statim ac quis peccat, si se peccasse cognoscit, & peccati poenitet, indicium prædestinationis habet; ex opposito poenitentia; procrastinatio, & peccatoris durities, reprobationem indicant. III. poenitentia cum fructu; cum emendatione scilicet; huic pro reprobatione responderet poenitentia infructuosa. IV. ærumnæ vitæ hujus, miseræ, & pœnæ; ex parte autem reprobationis hujus mundi felicitas, deliciae, divitiæ, & gloria. V. humilitas; ex reprobatione opponitur superbia. VI. misericordia in pauperes; cui avaritia & contrario responderet. VII. inimicorum dilectio; cui vindicta est opposita. VIII. continentia, & castitas; cui ex adverso stat luxuria, & fragilitas. IX. frequens passionis dominicæ recordatio; oblivio autem est in reprobis. X. religio, & devotio erga Deum, & Sanctos, & præcipue erga Sanctissimam Virginem, Dei Matrem; inde votio in reprobis. XI. inclinatio ad Dei verbum audiendum; pigritia ad illud idem est reprobationis indicium. XII. frequens, & continuus conscientia; stimulus, qui aliquando etiam sentitur in ipsomet peccati actu, in ipsomet peccandi solatio; ex adverso in reprobis conscientia; silentium, & sindereis obmutescens; a qua nos avertat Deus per infinitam suam misericordiam.

DISSERTATIO XCIX.

*De Reprobatione, contra Sectarios dogmatice
asserta, & inter Theologos schola-
stice disputata.*

Reprobatio ex vi nominis idem sonat, ac rejectio; ex vi rei importat exclusionem a gloria celesti, & dampnationem ad æternam mortem. Unde Reprobi, vel reprobat, dicuntur, qui non sunt ad æternam vitam prædestinati, & sunt ad mortem prædestinati; ut loquitur Concilium Valentinum. Dicuntur etiam ignoti; quia Christus dicit ad illos; *nescitis vos*; Despecti, maledicti, hædi, vasa iræ, vasa contumeliæ, apta in interitum, quodque dicuntur; ut in pluribus Scripturæ locis legitur. Magis communiter appellantur præficti; quia, ut ait Cardinalis Bellarminus de grat. & lib. arb. lib. 2. c. 16., „Reprobos autem Theologi præfictos vocare solent, non quod hoc nomen non sit commune cum electis, cum Apostolus dicat: *Quos præficti, & prædestinavit*, &c. ad Rom. 8. sed reliquerunt eis nomen commune, ut illos ab iis distinguerent, qui proprie prædestinati dici meruerunt. Est certum de fide sit, Reprobationem dari, & quoad Angelos, & quoad homines, ut haberetur in multis Scripturæ locis; nobis tamen omnino constar, Deum, priusquam in peccatoribus futurum peccatum prævidisset, & statum gratiæ, elevationisque ad gloriam supposuisset, habuisse decretum conditionatum ad eos salvandos, si permansissent in rectitudine, in qua creati fuerant, non ita si cecidissent. Cum aliqui tamen differentia, quod decretum, istud fuit indispensabile in ordine ad Angelos, nullius scilicet conditionis miscendi; relate vero ad homines servata fuit alia conditio, puta, nisi misericordia voluerit illos, qui sibi placuerint, liberare; atque ita relate ad omnes post prævisum originale, in quo omnes homines peccaverunt, & debuit contraxerunt damnationis, & exclusionis a gloria, qui ab hoc debito sunt liberati, hi sunt misericorditer prædestinati, non alio novo decreto efficaci, nisi de adventu Christi Redemptoris, volens per Christum reparatorum suam ostendere misericordiam. Taliter ut non possit dici, quod aliquorum non sit

miserus, sed omnium miseriam post lapsum curavit sublevare per Christum. His quibus patet, quod per nos non differt reprobatio malorum Angelorum, & reprobatio malorum hominum, nisi in hoc, quod est noluisse misereri illorum post lapsum, voluisse tamen misereri hominum post originale peccatum, in quo omnes homines peccaverunt, & fuerunt a vita æterna exclusi. Igitur habetur, quod reprobatio sumitur pro decreto a gloria excludente, aut etiam pro decreto ad æternas poenas destinante; unde P. Floramo eam definit: *Est retributio peccato mortali non remissa*. Ponitur etiam a Theologis ad hujus reprobationis, quæ positiva dicitur, differentiam, altera etiam, quæ negativa appellatur; & quæ in eadem consistit Dei voluntate permissiva peccatorum, & finalis impenitentem, ut explicat P. Magnanus. Verum alii diversimode explicant; dicentes nimirum, per negativam importari exclusionem a gloria; per positivam vero damnationem ad poenam; quod S. Thomas in 1. ad Hannibaldum dist. 47. q. unic. ar. 3. docuit: *Voluntatem de contradistinctio, secundum quam vult aliquem non salvare; voluntatem de contrario, secundum quam vult aliquem damnare*.

Reprobatio in executionis ordine, quod tota pendeat a peccato, sive originali, ut in parvulis, qui sine baptismo decedunt, sive actuali, ut in adultis, omnes sine discrepantia conveniunt. De reprobatione vero spectata secundum intentionis ordinem, & secundum Dei ordinationem, Sectarii errant, & in aliquo pariter Scholastici digladiantur. Erravit siquidem Calvinus volens, Deum positivo decreto, independenti a prævisione cuiuscumque peccati, aliquos ad poenam prædestinasse. In quo errore tres hæreses comprehenduntur; nimirum prima, quæ vult, unicam, & adequatam causam reprobationis tum negativæ, tum positivæ, esse solam Dei voluntatem; quod idem est, ac Deum independentem a prævisione peccati, sive originalis, sive actualis, quosdam angelos, & quosdam homines, ab æterno regno exclusisse, & ad

& ad poenam, tum damni, tum sensus delinasc: Secunda, qua dicit, nec angelos, nec homines reprobos fuisse a Deo creatos ad coelestem beatitudinem, sed ad meretricem damnationem: Tertia, qua delirant, Deum, ut exequatur decretum a se factum, imponere necessitatem reprobis, ut peccent, immo eos p. sive impellere, ut peccent. Hinc sunt Calvini verba lib. 3. instit. c. 22. §. 6. *Deum consilio, necque sua ita ordinasse, ut inter homines nascerentur ab initio certa meriti devoti, qui suo exitio ipsius nomen glorificent.* Et in cap. 1. Ep. ad Rom. *Non faciundo tantum, & convivendo Deum, permittente homines prolabi, sed iudicio id ordinare, ut tum a propria conscientia, tum a Diabolo in huiusmodi, & alia agantur.*

Inter Scholasticos vero sunt, qui asserunt, Deum reprobasse multos negative ante prævisa merita; hoc est, ut explicat P. Boucar, voluisse illos in regnum suum, non admittit, eo quod regnum suum sit cuique indebitum, & Deus non teneatur ulli bona sua retribuere; & Theologi isti ab eodem P. Boucar vocantur rigidiores. Ceteri tamen Scholastici fere communiter, & paucis exceptis, tenent, quod quavis Deus non teneatur, nec necessitetur, dare alicui gloriam, neminem tamen voluerit a gloria excludere, nisi propter peccatum. Unde non quoque his ultimis subscriberent, contra Calvinum, Zuinglium, & Bezam, qui eodem Calvinio, in errore hoc propugnando, suppetias ferunt; & contra rigidiores Scholasticos illos, quos indicavimus, sequentem firmamus conclusionem.

Dicimus ergo, causam omnem reprobationis creaturæ ex parte sua esse, sive suorum demeritorum, scientia visionis prævisorum; & consequenter omnem reprobationem esse post peccata prævisa. Est contra Sectarios ex una parte, ut nuper diximus; & ex alia contra rigidiores Scholasticos illos, quos modo pariter citavimus.

I. probatur ex Scripturis. Marth. 25. 42. *Esurivi enim, & non dedistis mihi manducare; sitiivi, & non dedistis mihi potum.* Si ergo Christus excludit homines a regno propter peccatum, vere peccatum dici debet reprobationis causa. Similiter ex Apostolo 1. Cor. 6. 9. *Ad nescitis, quia iniqui regnum Dei non possidebunt;* ergo pariter peccatum est causa reprobationis eorum. Uterius Marth. 23. 37. *Quoties volui congregare filios tuos, quemadmodum gallina congregat pullos suos sub alas; & noluisti? Ecce reliquetur domus vestra deserta.* Ergo causa

Peccatorum poenæ est, quia ipsi noluerunt. Deus enim pluribus aliis Scripturæ locis manifestat, se nec voluisse, nec velle, in æteritum eorum, nec damnationem. Ezech. 18. 23. *Nunquid voluntatis mea est mors impij, & non ut convertatur a viis suis, & vivat? Ezech. etiam 33. 11. Nolo mortem impij, sed ut convertatur impius a via sua, & vivat.* Denique propter suam benignitatem Deus iudicium nostrum advocat, ut nos ipsi iudicemus, si propter illum, an propter seipso Peccatores damnetur. Mat. 5. 3. *Iudicate inter me, & vineam meam. Quid est, quod debui ultra facere vineam meam, & non fieri?*

II. probatur ex Conciliis. Arausicanum II. ait: *Aliquos vero ad malum divina potestate prædestinatos esse, non solum non credimus, sed etiam, si sunt, qui tantum malum credere velint, cum omni distinatione illis anathema dicimus.* Concilium Valentinum H. P. Boucar dicit tertium, c. 3. inquit: *Fidenter fateamur prædestinationem Eleutherum ad vitam, & prædestinationem impiorum ad mortem: in electione tamen salvandorum, misericordiam Dei præstare meritum bonum, in damnationem autem peccatorum, meritum malum præcedere iustum Dei iudicium.* Concilium Tridentinum sess. 6. can. 17. *Si quis dixerit, reliquos omnes, qui volunt, vocari quidem, sed gratiam non accipere, ut pote divina potestate prædestinatos ad malum, anathema sit.* Et cap. 11. ejusdem Sessionis: *Deus sua gratia semel iustificatus non destruit, nisi prius ab eis destratur.* Quæ sunt verba Augustini lib. de natura, & gratia c. 26.

III. probatur ex Patribus. Tertullianus lib. 2. cont. Marcionem c. 11. *Deus ex seipso bonus est, ex nobis iustus... Ita prior bonitas Dei secundum naturam; severitas posterior secundum causam; illa ingnita, hæc aredunt: illa propria, hæc accommodata; illa edita, hæc adhibita; nec natura enim inoperatam debuit continuisse bonitatem, nec causa disimulatam evasisse severitatem: alteram sibi, alteram reus Deus præstitit.* Chrysostomus hom. 46. in Marth. oper. imperf. col. 1070. *Quemadmodum in nobis contra naturam est bene facere, sic ex Deo contra naturam est male facere, aut damnare.* Augustinus lib. cont. Iulianum c. 18. *Bonus est Deus, iustus est Deus: potest aliquos sine bonis meritis, liberare, quia bonus est; non potest quonquam sine malis meritis damnare, quia iustus est.* Item lib. 2. ad Bonifacium c. 7. num. 13. *Bonum quidem in merito, & gratis datur, quia ex eodem massa est, cui datur: Malum vero merito, & de-*

Et debitum redditur, quia in massa perditionis malum malo non male redditur. Item lib. de continent. c.6. Deus condemnat eos, quos damnatque iudicis dignus. S. Prosper resp. 12. ad responf. Vincent. Quia praefciti sunt cafuri, non sunt praedeflinati. Fulgentius lib. 1. ad Monimum c.24. 1. Praedeflinavit illos ad fupplieum, quos a re praefervit voluntatis mala ratio difeffures.

IV. probatur Rationibus. I. Injultum est, quod poena praecedat culpam: ergo pariter injultum est, quod praeparatio poenae praecedat praevifionem culpae. Antecedens negari non potest; confequentia probatur. Injultitia non minus est dare, quod non est jultum dari, quam velle dare, quod non est jultum dari: ergo fi injultum est poenam praecedere culpam, pariter injultum est, praeparationem poenae praecedere praevifionem culpae. II. Deus est providus, & jultus; fed non efllet, fi Calvini error fubfifteret: ergo omnino falvus Calvini error. Minor probatur ex Auguftini verbis; & quidem de providentia, ait lib. 19. de civit. Dei c. 13. *Quia providentia fummi Dei, non fortuita temeritate regitur mundus, nunquam efllet iftorum (fcilicet Angelorum) aeterna miferia, nifi efllet magna malitia. De jultitia etiam lib. 2. operis imperfecti contra Julianum: Nullum peccatum parvulis imputandum: injultum facitis Deum, qui eis grave jugum a die exitus de ventre matris impofuit. Quod Gfi Scriptura non diceret, quis tam caecus efllet mente, qui non videat, miferiam generis humani a flitibus incipere parvulorum? Et lib. 3. de libero arbitrio c. 18. Omnis autem poena fi jultia eflt, peccati poena eflt, & fupplieum nominatur. III. contra Calvinianos fimul, & contra rigidiores Scholafticos illos fic arguit P. Boucet. Non datur fecundum Catholicos reprobatio pofitiva ante meritum praevifionem: ergo neque datur negativa. Confequentia probatur; primo, quia omnis reprobatio, etiam incentiva, efl actus pofitivus: quum non detur in Deo actus indifferens, aut fufpenfivus, & confequenter neque mere negativus; fecundo, quia quaecumque fit reprobatio incentiva, femper efl ejuldem fpeciei cum exequentiva; quatenus actus interior efl ejuldem naturae cum exteriori; tertio, quia reprobatio negativa, etiam prout dicit regnum indebitum, efl privatio Dei, adeoque efl poena damni, quae efl omnium maxima: omnes autem Catholicos conveniunt, praeter Haeeticos, quod reprobatio ut poena fit pofl praevifionem meritum; quar-*

to tandem, quia reprobatio negativa, quaecumque fit, nequit praefcindi a reprobatione pofitiva, faltem ex parte reprobantis. IV. quaecumque reprobatio procedat a voluntate confequente, non antecedente: ergo efl pofl praevifionem meritum. Probatur antecedens. Si efllet antecedens, efllet generalis, non particularis; efllet conditionata, non absoluta: Si autem efllet conditionata, vel poffet tranfire in absolutam, vel non: fi non; nihil ad rem: Si poffet; tranfiret in illis, qui perfeverarent in peccato: ergo femper praefupponeret peccatum. V. Deus elevavit hominem ad gloriam ex mifericordia: ergo ante praevifa merita nulla datur reprobatio, etiam negativa, etiam incentiva. Probatur confequentia. Si reprobatio illa foret ante praevifa merita, futilis efllet elevatio illa; hoc non efl dicendum: ergo &c. Probatur fequela. Quia elevatio illa non verificaretur in illo cafu de reprobis, qui fine ulla caufa, & efficaci decreto, excluderentur a gloria. VI. Si daretur reprobatio negativa in fenfu intento a rigidioribus Scholafticis, daretur in Deo contradictio; fed dari non potest: ergo &c. Probatur fequela. Deus ex una parte vellel fneere omnes homines falvos fieri voluntate antecedente; & Deus eadem voluntate antecedente nollel etiam omnes homines falvos fieri; fed in hoc efl contradictio: ergo &c. Probatur major. Prima pars majoris fupponitur; fecunda pars patet, quia antecedenter, & ante omne peccatum praevifum, excluderet omnes reprobos a regno, ut indebito illis, adeoque illos poena damni damnaver.

Arguunt I. Ad Rom. 9. 11. & feqq. Cum enim nondum nati fuiffent, aut aliquid boni egiffent, aut mali (ut fecundum electionem propofitum Dei maneret) non ex operibus, fed ex vocante dictum efl ei: *Quia major ferviet minori, ficut fcriptum efl: Jacob dilexi, Efau autem odio habui*: ergo Reprobi ante ipforum demerita a Deo damnanur. II. Ad Rom. 9. 21. *An non habes poteflatem fignulus luti, ex eadem massa, facere aliud quidem vas in honorem, aliud vero in contumeliam*: ergo ex fua voluntate, & ante cujuscumque merita, facit & vafa in honorem, & vafa in contumeliam. III. Sapientiae 12. 14. *Neque rex, neque tyrannus, in confpectu tuo inquirent, de his, quos perdidifti*: ergo vere Deus vult perdere, quos perdit, abfque eo quod teneatur aliis reddere rationem: unde num. 15. fubditur: *Cum ergo fis jultus, julte omnia difponi: ipfum quoque, qui non debet*

debet puniri, condemnare, exterum affimas a tua virtute. IV. Ad Romanos 9. 17. de Pharaone dicit Apostolus: *Dixit enim Scriptura Pharaoni Quia in hoc ipsum excitavi te, ut ostendam in te virtutem meam, & ut annuntiatur nomen meum in universa terra. Ergo cuius vult, misceatur, & quem vult indurat: ergo a Deo est obduratio peccatoris: ergo a Deo est peccatoris reprobatio.* V. Deus reliquit aliquos parvulos sine remedio ad salutem æternam; quales sunt illi, qui moriuntur, vel in matris utero, vel apud Gentiles, Turcas &c. ergo voluit Deus saltem istos ante demerita a regno excludere. VI. Apostolus rationem reddens, cur unus trahatur, & alius non, non recurrit ad demerita pro eo, qui non trahitur, sed ad inscrutabilia iudicia Dei: ergo vere Deus illum non trahit, quia sic ei placet, non quia demeritum habet, ut non trahatur: ergo saltem reprobatio negativa est ante meritum provisionem. VII. Nequit idem esse causa, & effectus; atqui peccata sunt reprobationis effectus: ergo nequeunt esse ejusdem causa. VIII. Angeli mali reprobiati fuerunt ante merita prævisa: ergo pariter homines mali. IX. Augustinus lib. de gratia, & libero arbitrio c. 20. docet, Deum inclinare ad peccatum malorum hominum voluntates; quod confirmat exemplis Pharaonis, Absalonis, & aliorum: ergo &c. X. Actorum 2. 23. Petrus sic loquebatur: *Hinc definitio conflictu, & presentia Dei traditum, per manus iniquorum affligentes interemisit.* Quæ quidem Petrus Judæis dicebat: Ergo Deus impulit Judæos ad Deicidium.

Respondemus ad I. verba illa *edixi* non accipi pro reprobatione, sed pro dilectione minori, qua Deus persequutus fuit Esau respectu Jacob, quem majori dilectione dilexit. Unde sensus est verborum illorum: Jacob dilexi, Esau autem non ira dilexi, ut Jacob, sed minus; quum Jacob dederim auxilia efficacia, Esau vero sufficientia. Unde interpretantur non pauci eadem verba de prædestinatione ad gratiam; & exemplum Jacob, & Esau respicit Populum Judaicum, & Gentilem. Et quanvis ibidem videatur, loqui Apostolum de reprobatione, quatenus dicit, *aut aliquid boni egissent, aut mali*; vere tamen loquitur de reprobatione Populi Judaici a fide propter peccata, & non scilicet peccatis. Hinc Augustinus lib. 1. ad Simplicianum q. 2. *Non igitur odit Deus Esau hominem, sed Esau peccatorem.*

Ad II. dicimus, intelligi pariter verba illa de prædestinatione ad gratiam, quæ gratis omnino datur uni, & alteri sine injuria negatur. Prædestinatio igitur, sive sit ad gratiam, sive ad fidem, est pure gratuita; reprobatio vero est ex prævisis meritis, si sit ad gloriam; & si sit ad gratiam, quum hanc non teneatur dare Deus, gratis eam donat, & sine injustitia negat.

Ad III. dicitur, verba illa libri Sapientie esse potius pro nobis, quam contra nos. In codice enim emendato a Sixto V., & a Clemente VIII. sic legitur: *Ipsum, qui non debet puniri, exterum affimas a tua virtute*; quæ verba potius declarant, Deum neminem voluisse punire, antequam id mereretur. Et ideo dixit Sapientie libri Auctor per ea verba, neque regem, neque tyrannum posse a Deo quærere de his, quos perdidit; quia scilicet perditii sunt per opprobria, idest peccata, quum nissivideat Deus, neminem puniri.

Ad IV. Deus excitavit Pharaonem, ut in eo potentiam ostenderet. Offensio autem hæc non debet intelligi, nisi de signis, quæ Deus fecit in præsentia illius coram toto mundo, ut suam omnibus virtutem manifestaret. Cæterum verbum indurare intelligitur etiam de gratia, quæ negatur; scilicet, quum gratia sit indebita, Deus eam dat, cui vult, & cui non vult denegat; unde sequitur: *cuius vult misceatur, & quem vult indurat*; hoc est permissive, & denegando gratiam indebitam. Hinc Augustinus tract. 57. in Joann. *Sic excæcat, & obdurat Deus, deferendo, & non adiuvando, quod occulto iudicio facere potest, iniquo non potest. Hinc excæcantur, & indurantur, quia negando divinum adiutorium non adiuvantur.* Et lib. ad Simplicianum q. 2. *Ut hoc dicatur obdurare peccatores quosdam, quia non eorum misceatur, non quia impellit, ut peccent.*

Ad V. dicitur, Infantes illos, non nisi peccato originali prævisi, & impossibilitate remedii, ac morte in eo peccato, præcognitis, fuisse exelufos. Aliiter rem explicat Vasquez, alio modo Cardinalis Cœlestinus Sfrondato, alia via P. Ursinus; suo loco de his omnibus explicandi modis differetur.

Ad VI. Loquitur Apostolus de vocatione ad gratiam; & in hæc vere dici potest: *O altitudo iudiciorum Dei!* Vocatio enim ad gratiam, quum sit mere gratuita, ut diximus, uni datur a Deo, & alteri non datur; non per hoc tamen Deus cuiquam negat auxilia, quæ sint sufficientia ad salutem.

Ad

Ad VII. Peccata sub uno respectu sunt reprobationis effectus, sub altero sunt causa; non est autem implicancia, ut sub diverso respectu idem sit simul causa, & effectus. Sunt effectus quodammodo reprobationis permixti, sed non positivi, cujus potius sunt causa. Sunt effectus ibi, quia Deus permittit aliquem peccare, in quo peccatum est motivum, ut illum puniat. Sunt causa, quia propter peccatum reprobatur ad mortem æternam.

Ad VIII. Hoc argumentum urget illos, qui non eodem modo de reprobatione Angelorum, ac Hominum, discunt; nos vero minime tangit, quia eodem modo de utraque loquuti fuimus. Ex revera reprobationem Angelorum malorum multi ex præviso inobedientiæ peccato assignant; quod confirmant verbis epistolæ Judæ Apostoli nu. 6. *Angelos, qui non servaverunt suam principatum, sed dereliquerunt suum domicilium, in iudicium magni dicit, vinculis æternis sub caligine reservavit.* Et pariter probant verbis Apostoli Pauli 1. Cor. 6. 3. *Nescitis, quoniam iudicabimus Angelos, quando magis secularia?* Si ergo Angeli sunt iudicandi, reprobatii propter peccatum fuerunt. In contraria autem sententia negatur paritas; quia Angeli, quum non habuerint peccatum originale, non fuerunt in massa perditionis; non sic vero homines; & vere Augustinus reprobationem hominum maxime applicat ad peccatum originale; ut legitur in lib. 1. ad Simplicianum q. 2., & epistol. 109.

Ad IX. Augustinus intelligendus est non efficienter, sed occasionaliter; scilicet non per se, sed per accidens; quatenus proponit homini, vel interius, vel exterius, aliquid, quod, quantum est de se, est inductivum ad bonum, sed eo utitur homo ad malum. Responsio est S. Thomæ, qui explicans verba illa epistolæ ad Romanos; in hoc ipsum excitati te, inquit Lect. 3. In-

finem quodam interiori moventur homines a Deo ad bonum, & ad malum: aliter tamen ad bona, aliter ad mala; nam ad bona inclinatur hominum voluntates directe, & per se, tanquam author bonorum; ad malum vero dicitur inclinare, vel suscitare homines occasionaliter, in quantum suscitatur Deus homini aliquid proponit, vel exterius, vel interius, quod, quantum est de se, est inductivum ad bonum, sed homo propter suam malitiam perverte, utitur ad malum. Denique S. Augustinus est interpret sui ipsius lib. 1. ad Simplicianum q. 2.

Ad X. dicitur, quod verbum illud traditum non est referendum ad Judæos, quasi Judæi desinito Dei consilio Christum interemissent; sed referendum est ad Deum. Patrem, qui desinito consilio tradidit filium suum pro redemptione nostra; & ut exequeretur decretum de filii morte usus est Judæorum iniquitate. Quæ explicatio ex græco textu clarior evadit.

Ex his colligitur, peccatum quodcumque non esse reprobationis effectum, quum nequeat a Deo causari; & quia Deus peccatum, permittit, permixtiæ tantum reprobationis, dici potest effectus; ut diximus in responsione ad tertium argumentum. Penam tamen æterna est effectus positivæ reprobationis; item carentia auxiliorum efficacium, seu peccatorum permixti, est negativæ reprobationis effectus; admissa explicatione positivæ, & negativæ reprobationis, quam adhibet P. Magnanus, ut in Dissertationis hujusce exordio diximus. Tandem regulariter in hac vita excecatio, & induratio cordis, necnon mala mors temporalis, sunt reprobationis effectus; conducunt enim ad finem reprobationis, scilicet ad æternam damnationem. Consulto diximus regulariter; nam non semper Deus dat mortem temporalem ob hunc finem, sed ob alios nobis incognitos fines.



DISSERTATIO C.

De Reprobatione Parvulorum post egressum e Matris utero morientium sine baptismo; Et de Parvulorum sorte, qui in utero Matris moriuntur. Hæreticorum error de primis proscribitur; Scholasticorum commentum de postremis confoditur.



N Dissertatione KCVIII. diximus, Prædeterminationem parvulorum, qui post baptismum susceptum decedunt, esse in Deo ante meritum prævisionem; videndum superest de Reprobatione eorumdem, qui sine baptismo decedunt. Iterum in Dissertatione XCVII. affirmavimus, Parvulos, qui in Matris utero moriuntur, comprehendere in voluntate Dei vera antecedente salvandi omnes homines; videndum pariter restat, quomodo comprehendantur? An pro eis scilicet aliquod sit auxilium, quo adhibito æternam damnationem vitent, & beatitudinem consequantur?

Pro primis Parvulis erravit turpiter Calvinus, & cum eo postmodum Arminius, Professor Leydanus, a quo Arminiani Sæctarii progeniti sunt. Putarunt enim, infantes ex fidelibus parentibus natos, sine respectu ad baptismum infallibiliter salvari; adeoque nullam pro iis reprobationem esse. Ratio ipsorum est, quia etiam parvuli huiusmodi filii sunt Abraham, & in ejus fide comprehendantur; hoc autem ipsis sufficere, ut prædestinati dicantur. Alii vero, qui fidelium parentum non sunt filii, ob originale peccatum, dicunt, quod sint reprobi. Unde Arminiani quavis dicant, Adulorum prædeterminationem esse post prævisionem meritum, & in hoc a Calvinianis differant; de parvulorum tamen prædeterminatione, & reprobatione conveniunt; quatenus utrique volunt, illos nec esse prædestinatos, necque reprobos, ex meritis ipsorum, sed parentum; quia soli filii parentum fidelium prædestinati sunt, & filii parentum infidelium sunt reprobi.

Pro postremis vero parvulis Scholastici quidam antiquiores remedium excogitarunt, ut pro iisdem verificaretur voluntas Dei vera, etiam antecedens, etiam salvandi il-

PARI.

los. Votum scilicet baptismi a parentibus conceptum, aut ab aliis, deficiente opportunitate, sufficienter prodesse parvulis in utero matris existentibus ad salutem, adhibitum præferim cum aliquo exteriori signo; ut ex ipsorum mente loquitur Gonetius. Joannes Gerson, Cancellarius Parisiensis, dicitur primus opinionis hujusce auctor tom. 3. ser. de nativ. B. Virginis habito in Concilio Constantiensi sess. 2. Verba Gersonis apud Petavium t. 1. theol. dogm. de Prædest. lib. 9. c. 12. n. 4. hæc sunt: *Drum misericordiam salvationis sua non ita legibus committimus, ac sacramentis alligasse, quin obsequio præiudicio legis ejusdem possit pueros non dum natos extrahere, utrum sanctificare gratia sua baptismo, vel virtute Spiritus Sancti.* Post quæ mulieres prægnantes hortatur, ut diligenter orent Deum, & Angelos, ac Sanctos, & Sanctas, quatenus infans nondum natus, si forte moriturus est, priusquam ad baptismum finimine gratiam pervenire valeat, dignetur ipsum. Dominus Iesus summus Pontifex baptismo Spiritus Sancti præveniendo misericorditer conservare. *Quis enim scit, si furto exaudiat Deus? Immo quis non devotius sperare valeat, quod orationum humilitas, & in se sperantium nequaquam despicit?*

Post Gersonem eandem opinionem amplectus est Gabriel Biel in IV. dist. 4. q. 2. ar. 3. dub. 2., hoc altero argumento ductus, ut ait Petavius, quod divinae misericordie consentaneum sit remedio aliquo consulere nulla propria culpa perituris infantibus. Deinde tutati sunt eam Cardinalis Cajetanus III. p. q. 68. ar. 2., Thomas Campanella, Caramuel, alique recentiores eam probabilem existimant; quod ex testimonio Serræ refert Gonetius. Julius Syrenius, Brixiensis, eam quoque defendere aperte conatus est. Denique P. Antonius Ursaja toris viribus propugnat eandem integro libro, cui titulus; *de duplici*

Al m m fin

Aut vita humana; præcipue contendens pro parvula, qui in matris utero morientes, nullum habere videntur remedium, quo salutem assequantur; adeoque pro illis generalem Dei voluntatem salvandi omnes, & singulos, veram quidem, atque sinceram contra Calvinum, non verificari. Totus est quidem Ursin, ut Augustinum præsertim diligenter expendat, & loca ejus omnia contra se objecta ad trutinam revocet; unde novum opus, quod de hac præcipue questione contexuit, scholasticis speculationibus, atque Patrum sententiis, novis etiam observationibus suis, quod ante ac nemo fecerat, illustravit.

Pro prima Dissertationis parte I. impugnantur Hæretici. Si filii fidelium prædestinati essent ad gloriam præcis quia parentes fideles habuerunt, non esset ipsa necessarius baptismus, quia sufficeret ad salutem eorum fides parentum; sed hoc est falsum: ergo & illud. Probatum minor, Baptismus est necessarius omnino omnibus hominibus, sive parvulis, sive adultis, necessitate mediis; adultis vero etiam necessitate præcepti: ergo falsum est, quod baptismus non sit necessarius ad salutem parvuli, qui parentum fidelium sunt filii. Probatum antecedens. Joannis 3. habetur: *Nisi quis renatus fuerit ex aqua & Spiritu Sancto non potest intrare in regnum Dei*; verba sunt, quæ omnibus baptismi necessitatem imponunt: ergo baptismus omnibus est necessarius omnino, etiam parentum fidelium infantibus.

II. impugnantur ex traditione, qua docemur, Ecclesiam semper credidisse, perire infantes, si sine baptismo ex hac vita migrassent, etiam si infantes illi ex parentibus fidelibus orti fuissent; quod clarius ex Patrum testimoniis apparebit.

III. impugnantur ex Romanis Pontificibus; Siricio ep. 1. ad Himericum c.2. *Sicut sacram ergo posthalem reverentiam in nullo dicimus omittendam, ita infans, qui necesse loqui poterat per atatem, vel his, quibus in qualibet necessitate opus fuerit sacri unde baptismatis, omni volumus celeritate succurri.* Innocentio I. ep. 26. ad Concilium Milevitanum; ubi docet, *parvulos omnino perire, si absque baptismo moriantur.* Leone I. ep. 80. alias 78. ad Episcopos Campanie, in qua astringit, homines esse baptizandos quocunque tempore, vel vitæ periculo, ne necessaria liberatione careant: ergo etiam infantes, etiam si

lii parentum fidelium sint:

IV. impugnantur ex Conciliis; Concilium Carthaginense, & ejus nomine Cyprianus iussit Fido, ut ante octavum diem infantes baptizaret, ne aliter æternæ perditionis periculo exponerentur. Concilium Milevitanum, cui Augustinus interfuit, can. 2. *Placuit, ut quicumque parvulus recenter ab matris matrum baptizandus negat, anathema sit.* Concilia omnia tum in Occidente, tum in Oriente contra Pelagium habita, hoc idem ostendunt. Concilium Tridentinum sess. 7. can. 2. de baptismo: *Nisi quis dixerit, aquam veram, & naturalem non esse de necessitate baptismi, atque ideo verba illa Domini nostri Jesu Christi: Nisi quis renatus fuerit ex aqua, & Spiritu Sancto, ad metaphoram aliquam detorsit; anathema sit.*

V. impugnantur ex Patribus. Augustinus ep. 90. de Pelagianis hæc scribit: *Per violos etiam propter salutem, qua per Salvatorem Christum datur, baptizandos negant; ac sic eos mortifera ista doctrina in æternum necant.* Idem docuerunt Irenæus lib. 3. c. 19., Origenes in cap. 6. ad Romanos; Nazianzenus or. 8. in S. Lavacrum; Basilus or. 13. de exhortatione baptismi; Ambrosius, Hieronymus, & multis aliis in locis Augustinus; ut apud Bellarminum videre quisquis poterit.

Obstant Adversarii I. Judæorum filii ante octavum diem mortui, adeoque non circumcisi, non peribant, sed salvabantur, euntes in sinum Abraham; & hoc non nisi quia filii fidelium erant; sed sicut erat circumcisio apud Judæos, ita apud Christianos est baptismus: ergo filii, quia fidelium parentum filii, sine circumcissione salvabantur, ita & hi, quia sunt etiam fidelium parentum filii, potuerunt sine baptismo salvari. II. Apostolus I. ad Cor. c. 7. fidelium infantes puros, ac mundos nominat. Dicit enim ibi: *Filii vestri immundi essent, nunc autem sancti sunt.* Quæ verba sic explicant: Quia vos Parentes sancti estis, ideo quos genuistis, filii, sancti etiam sunt: ergo ad ipsorum sanctitatem, & mundiciem non est necessarius baptismus, sed fides parentum sufficit.

Respondemus ad I. non eodem prorsus modo de baptismo, ac de circumcissione, loquendum esse; quia circumcisio ex opere operantis gratiam conferebat, baptismus vero ex opere operato conferre. Præterea, ante octavum diem erat aliud remedium pro moribus, si decessissent, quod traditione

tione habebatur, & modo nos latet; sicut latet nos remedium datum pro mulieribus, quod etiam traditione docebant. Nec tamen credibile est, aut mares pro illis diebus, aut mulieres, nullum habuisse remedium, quo salutem consequerentur, & ab originali culpa liberati ad patriæ cœlestis possessionem disponderentur. Remedium vero baptismi, a Christo Domino datum, tale est, ut possit quovis tempore, & cuilibet personæ, omni facilitate adhiberi: non est ergo cur ad alia remedia recurramus.

Ad II. dicimus, sanctitatem, de qua loquitur Apostolus, non esse sanctitatem, & mundiciem internam, & interne sanctificantem, sed civilem, & politicam. Si enim Apostolus intelligendus esset de interna sanctitate, inferre legitime possemus, Esau iustum fuisse, quia fuit a fidelibus parentibus progenitus. Igitur intelligitur de munditiæ civili, & politica; quatenus nati ex parentibus, quorum unus est christianus, alter vero infidelis, non spurii, sed legitimi sunt; quod dubium apud Corinthios ortum, ab Apostolo explicari petierant. Possunt etiam intelligi præfata verba de sanctitate futura; supponendo nimirum, ut alter ex conjugibus procuret, quod filii per baptismum regenerentur, & sic sancti fiant. Quod sane beneficium non esset, si mulier fidelis a viro infideli quidem, ac sine Salvatoris contumelia, cohabitante, discederet; quem discessum eo loci multis rationibus Apostolus impedire conabatur.

Pro altera vero Dissertationis parte, I. confutatur Scholasticorum commentum illud censuris plurimis, quibus iidem Scriptores magni nominis incurrere non dubitarunt. Dominicus Sotus in 4. dist. 5. q. unic. ar. 2. opinionem vocat hæreticam. Ledesma, in 1. p. q. 9. ar. 11. dub. 1. temerariam appellat, & erroneam: sed quum asserat contrariam opinionem esse de fide, videtur hæreticam quoque hanc recognoscere; ut Vasquez observat. Alphonsus a Castro in verbo *Baptismus* hæreticam dicit; ac deinde in impugnationibus, non ut hæreticam, sed ut temerariam, & erroneam, refellit. Ve ga lib. 5. sup. Conc. c. 5. errorem aperte nominat. Catharinus novam, & inauditam dicit, adeoque temerariam. Vasquez 3. p. q. 68. ar. 3. disp. 151. c. 2. non profert hæreticam, quia nihil contra ipsam continetur expresse in Scriptura, nec aperte ab Ecclesia est definitum; vocat autem erroneam, quia ex Scriptura, & ex

P. A. R. I.

Patribus, erroris convinci potest. Petavius cit. loc. num. 5. appellat commentum temere, & periculose dictum, verbis hæc: *Ac multum quidem ambo isti* (Gerson, & Gabriel), *& si qui alii suffragatores sunt ejusdem commenti, ab Pelagianis distant hæresi. Nam parvulis nominis per Christi gratiam illam ipsam qualemcumque, beatitatem destinant. Sed nihilominus temere mihi, ac periculose divinare videntur, & adversus ratam, ac tot Synodorum decretis constitutam auctoritatem Ecclesia vaticinari; ut de Augustino, ceterisque Patribus, sileam.* Præterire tamen non possumus, inter commenti hujusce propugnatores a Petavio adnumerari Catharinum; quem nihilominus nuper vidimus, ejusdem potius fuisse censorem. Et re vera Catharinus in annotationibus in Commentaria Cajetani lib. 5. pag. 390. hæc scribit: „Quamquam, quod exsistentes in maternis uteris non, sine sacramenti hujus capaces, doceat omnis schola, contra hoc tamen Cajetanus ipse disputans, sic ait; non esse credibile, ullum statum relictum esse a Deo sine remedio contra peccatum Adæ. Unde putat per filium parentum, & aliquam benedictionem cum invocatione sanctæ Trinitatis, & oblatione pueri, sacramentum conferri. Si enim, inquit, sunt capaces baptismi sanguinis, cur non etiam hujusmodi benedictionis, & oblationis? Quod commentum tamen ipsum, ac plausible quibusdam facile videri possit, non tamen secundum veram rationem probatur recte cogitantibus. „ Post quæ Cajetani opinionem prosequitur multis rationibus impugnare. Non bene igitur a Petavio inter hujusce commenti propugnatores adnumeratur Catharinus.

II. confutatur ex quibusdam factis observatione dignis. Primum complectitur mandatum S. Pii V., qui iussit, opinionem hanc ab Operibus Cajetani expungi; & re vera in editionibus post Pium apud Cajetanum hæc opinio non invenitur. Volumina, quæ terminos, ann. 1579. impressa sunt Romæ, ubi etiam Pii V. gentilitium stagma in fronte cernitur, nec illam ipsam legentibus exhibent. Expunctio autem hæc, ex Pontificis mandato, gravis est contra hanc opinionem censura. Alterum est, quod refert Cardinalis Sforza Pallavicinus in historia Concilii Tridentini par. 1. lib. 9. c. 8. num. 2., nimirum, apud Concilii Theologos actum fuisse de hujusce opinionis damnatione; quam tamen non perfecerunt, quia tunc temporis de

M m m 2 baptis-

baptismo non agebatur; ac nihilominus declararunt, non per hoc, quod de tali opinione silentio eo loci, silentium illud reddere opinionem tolerabilem. Cardinalis Scripandus multa attulit in justificationem ejusdem opinionis: sed illa neutquam fuisse a Theologia approbata, Historicis testatur. Unde postmodum & Catharinus, & Sotus, ambo ex Prædicatorum Ordine, qui Tridentino Concilio interfuerunt, nuper dictis censuris opinionem hanc inceserunt. Hæc eadem nos P. Ursinæ opposuimus; & ipse respondere iisdem aggressus est in epistola nobis data, & ad calcem impressa Operis sui. At num re vera objecta solverit, nec ne, Legentes judicabunt; nobis profecto molestum est iterum contra hominem insurgere, quem, dum viveret peculiari amore prosequi fuimus; sat est, si contra ejus opinionem pugnemus, persona intacta.

III. Consideratur. Remedium hoc pro parvulis hujusmodi excogitatum vel illis gratiam confert ex opere operato, vel ex opere operantis: Non ex opere operantis; quia quum remedium pro expellendo originali peccato fuerit a Christo institutum per sacramentum, quod gratiam confert ex opere operato, non potest illud supplere per remedium, quod sit ex opere operantis. Effert proinde insufficientis, & quia non esset sacramentum, & quia non esset opus ipsius recipientis, sed alterius; per cuius operationem sacramenti efficacia suppleri minime potest. Nec ex opere operato; quia jam patet esse ex opere applicantis.

IV. Quum sit regula generalis, quod nemo possit salvari, nisi regeneratus fuerit ex aqua, & Spiritu Sancto; pro parvulis in matris utero decentibus, vel staret eadem generalis regula, vel altera esset regula generalis etiam, vel esset exceptio ab illa prima. Non eadem; quia aliter Scripturæ verba in alienum sensum detorquerentur: Nec alia regula generalis est ponenda, quæ ex Scriptura non consistit: Nec demum exceptio ab illa prima; quia quum regula generalis expressæ in Scripturis continetur, exceptio a tali regula deberet etiam expressæ contineri aut in Scripturis, aut in Patribus. Quum autem Theologi isti nulla aut Scripturarum, aut Patrum afferant testimonia pro exceptione illa firmanda, & tantum privati speculationibus ipsorum eadem innixa videatur, sequitur, ut admitti nullatenus debeat.

V. Propositio illa: Nisi quis renatus fuerit

ex aqua, & Spiritu Sancto; non potest intrare in regnum cælorum: ex Scripturarum contextu, & ex communi Patrum consensu, est propositio absoluta, & nullatenus conditionata; sed stante opinione, quæ impugnatur, esset conditionata, non absoluta: ergo perverteretur propositio contra mentem Scripturarum, & Sanctorum Patrum, quod non est faciendum. Probatur minor. Propositio illa, admisa opinione hac, facit hunc sensum: Nisi quis renatus fuerit ex aqua, & Spiritu Sancto, non potest introire in regnum Dei, si fuerit possibile tali modo renasci: En conditio; si fuerit possibile. Propositio autem, quæ absolute continetur in Scripturis, saltem absque Patrum auctoritate, nequit conditionate explicari; ut Suarez docet.

VI. Si non esset hoc remedium, Adversarii dicunt, quod non esse ipsum remedium, esset contra misericordiam Dei: Nus ex adversariis intendimus probare, eisdem potius contra misericordiam Dei, si hoc remedium esset. Et probamus sic: Deus in tali casu dedisset hoc remedium parvulis, & remedium ipsum Ecclesiæ non revelasset; sed potius esset contra misericordiam Dei dare remedium, & illud non revelare, quam non dare: ergo Adversariorum opinio misericordiae Dei potius repugnat, quam favet. Major argumenti constat; quia de tali remedio nullam habemus Ecclesiæ definitionem, nullam inter fideles praxim experimus, quæ sane deberet esse, ne tot infantes misere perirent. Minor etiam patet; quia Deus nunquam Ecclesiam suam derelinquit, ut ipsi non manifestet, quæcunque cognoscit pro quocumque hominum salute necessaria esse. Si ergo hoc remedium non revelavit, signum est, quod non dedit. Hoc autem, quod est non dedisse, non potest Deum immisericordiae arguere, quum alia dederit remedia, quæ nobis constant. Dedit autem, & occultasse; & propter occultationem suam facere, ut tot infantium animæ pereant, absque dubio argueret Deum immisericordiae, & inclementiæ; quod omnino non est asserendum.

VII. Hoc idem argumentum alia via profectus Ambrosius Catharinus loc. cit. verbis hæc, quæ placet ad litteram asserre. „Et primum quidem, ex hoc jam dicto, quod „ait, non esse credibile, hunc statum carere „remedio contra peccatum, male sequitur, „ergo hoc est remedium, quod ipse Cajeta- „nus tandem invenit. Quod si excipias: „atqui nullum aliud apparet, quam hoc: „Re-

Respondeo; imo potius id apparet, quod hoc non sit. Nam cum nobis huiusmodi remedia per Ecclesiam innotescere oporteat, Ecclesiae autem hoc tale nunquam cognitum fuerit, neque unquam ipsa tradiderit, inopinabile prorsus redditur; quod sit verum, & non vanum potius. Quum enim jam sine mille quingenti anni postquam est christiana, & evangelica lex, mirandum est profecto, quod permisisset Deus, atque adeo permitteret, si esset remedium tale, non innotuisse tamen Ecclesiae unquam, ut illo uteretur; non per Apostolos, non per tot sacros Pontifices, & tot Concilia; non per tot egregios Doctores, qui etiam contradixerunt, sed solummodo tandem per Cajetanum. Et interim perierint tot pueri in maternis uteris, per ignorancem remedii huius.

VIII. Hoc remedium omnino fuit incognitum Augustino, qui alias de parvulorum salute multa, & luculentissime scripsit. Et quanvis P. Ursaja plura Augustini loca subtiliter expendat, argumentum tamen, quod nos modo proponimus, ex Augustini principis, non ex verbis petitur, non advertit. Hæc fuit præcipua questio inter Augustinum, & Semi-Pelagianos, quod Semi-Pelagiani dicerent, ex duobus parvulis ideo unum baptismi gratiam recipere, & cum baptismo decedere, & salvari; alium vero minime, & sine baptismo mori, & perire; quia Deus prævidet, quod si ille vixisset, bene vixisset, & ideo in præmium bonæ vitæ, conditionate futuræ, facit, ut baptizetur, & salvetur: alius vero, quia prævidet Deus, quod si vixisset, male vixisset, in poenam malæ vitæ, conditionate futuræ, facit Deus, ut non baptizetur, & pereat. Et hic est abusus scientiæ mediæ, quem Semi-Pelagiani faciebant, & quem Scholastici, qui huiusmodi scientiam modo propugnant, minime faciunt; ut in hoc primo tomo vidimus. Augustinus autem in casu proposito duorum parvulorum, quorum unus baptizatus moritur, & salvatur, alius vero non baptizatus moritur, & non salvatur, non aliam reddit rationem, quam imperscrutabilitatem iudiciorum Dei. Si vero Augustino hoc remedium innotuisset, posuisset facillime a Semi-Pelagianis se expedire, dicendo, quod Deus nec uni ex illis parvulis dat baptismi gratiam ob bona opera conditionate futura, nec alteri denegat ob mala opera pariter futura sub conditione; sed utrique dat remedium ad salutem; uni quidem per baptismum,

alteri vero per remedium hoc, quod vicem supplet baptismi; & hoc pacto omnes Semi-Pelagianorum cavillationes elosisset. Attamen Augustinus hanc responcionem non dedit; at semper perstiterit dicendo, imperscrutabilia esse iudicia Dei. Evidens ergo redditur, Augustino remedium hoc non innotuisse; nec aliud remedium pro salute parvulorum, præter baptismum, agnovisse. Damus Augustini verba in lib. 6. con. Pelagianos: *Novimus etiam parvulos, quibus usus liberi arbitrii non est, ut de bonis, aut malis eorum meritis iudicemus, parentum manibus ad gratiam sacri baptismatis deportatos, & cum in uno eorum per manus Sacerdotis mysterium fidei adimpletetur, aliquoties alterum in parentum manibus factum eximemus, fructumque gratiæ Salvatoris. Quis sapiens, & intelligens hæc? Aut quis idoneus erit horum reddere rationem? Dicamus cum David: Iustus Dominus in omnibus visis suis, & sanctus in omnibus operibus suis. Et quem magnificata sunt opera tua Domine, nimis profunda facta sunt cogitationes tuæ. Dicamus etiam cum Apostolo Paulo: O altitudo divitiarum sapientiæ, & scientiæ Dei, quam incomprehensibilia sunt iudicia tuæ, & investigabiles viæ tuæ!*

IX. Confutatur a Petavio loc. cit. nu. 5. Patrum omnium, & præcipue Augustini, in eo conspirant sententiæ, nullam esse parvulis spem consequendæ salutis, præter baptismi sacramentum, vel martirium. Et probat ex canonibus multis, quos editos ait in pluribus Conciliis; & præsertim in Africano plenario, quod vulgo dicitur Milevitano, can. 2., in Carthaginensi, & Milevitano altero, quorum canones, & synodice epistolæ, referuntur ab Augustino ep. 91., & 92. Siricius Papa epist. 1. c. 2. docet *Parvulos sine baptismis morientes & regnum perdere, & vitam*. Nullam facit distinctionem inter illos, qui intra matris uterum, & illos, qui extra moriuntur. Alia etiam addit Petavius ex Augustino, Prospero &c.

X. Confutatur ex mente pariter Augustini. Adeo fuit rigidus Augustinus in defendendo, pueros in matris utero decedentes nullo remedio salutis posse, ut videatur, ab hac generali lege Jeremiam, & S. Ioannem Baptistam, neutiquam exclusisse. Audatur Petavius cit. loc. num. 6., De iisdem parvulis per baptismi sacramentum expandis, & alioqui perituris, memorabilis est Augustini locus in ep. 53. ad Candidum, in qua parvulos ante baptismum nequaquam in utero sanctificari docet, nec sine

5, sine baptismo salvari, hoc est non renasci, antequam nati sint. Nasci porro non nisi cum de utero matris crediuntur; unde nec renasci, nisi cum indidem effusi sunt. Sed nec in veteri lege quenkum renatum, aut sanctificatum sine sacramento aliquo regenerationis, sive circumcisi fuerit, sive aliud quodpiam occultum. Ideo neque Jeremiam, neque Joannem Baptistam, in matrum utero sanctificatos, idest iustificatos esse, videtur asserere. Ut enim aliquo sanctificationis modo donati fuerint; tamen illa, inquit ep. 57. p. 108., sanctificatio, qua efficiuntur & singuli templi Dei, & in unum omnes templum Dei, non est nisi renatorum; quod nisi nati homines esse non possunt. Nullus autem vitam, in qua natus est, bene finit, nisi renatus antequam finiat. Quare ne ipsum quidem Joannem ita, sanctificatum in utero credidit, ut vitam, si tunc moreretur, bene finiturus esset. Nam de Jeremia posse, ait, interpretari, predestinatione cum esse sanctificatum. In quo sane, quod ad Joannem precipue Baptista attinet, nimium rigidus videtur; & huic communis fidelium contraria est opinio. Immo contraria est Ecclesie solemnitas festiva, quam quotannis in Joannis Baptiste natiuitatis honorem celebrat; ex qua sanctificatio ejusdem in utero plane liquet. Subdit Petavius ad rem nostram. Ex hac tamen illius sententia licet animadvertere, quantum abhorret ab nupta illa haereticorum, praesertim Calvini, & similium insania, qui parvulos asserunt in matrum sanctificari utero. Et quantum etiam alienus fuerit Augustinus, licet pariter inferre, a Scholasticorum commento de remedio illo, quo docent, parvulos in Matrum utero decedentes posse pariter iustificari.

XI. Ex mente pariter Augustini. Expendens enim Augustinus verba illa Joan. 3. Nisi quis renatus fuerit ex aqua, & Spiritu Sancto, non potest intrare in regnum Dei; hanc habet in lib. de bapt. c. 13. Oportet ergo nasci prius quam quis renascatur. Etiam in eodem libro: Parvuli etiam baptizati inter credentes reputantur per Sacramenti viam, & offerentium responsionem. Qui vero non sunt baptizati, inter non credentes iudicantur, ex Evangelio Joannis: Nisi quis renatus fuerit ex aqua, & Spiritu Sancto, non potest intrare in regnum Dei. Igitur ex Augustino praecedere debet vera natiuitas in parvulis, ut regenerationis beneficium consequantur. Quando autem sunt

in utero, quicquid ab Adversariis dicatur, non sunt vere nati; ergo ibi nullo modo possunt regenerationis beneficium consequi. Uterius; Per Augustinum tunc parvuli adnumerantur inter credentes, quando recipiunt sacramentum baptismi; sed in utero existentes sacramentum recipere non possunt; ergo non reputantur inter credentes; ergo, quum non sint baptizati, inter non credentes iudicantur.

XII. Ex Alphonso de Castro cit. loc. Extra Ecclesiam non est salus; quod docet Concilium Lateranense sub Innocentio III. c. 1. & refertur c. firmiter de sum. Trinit. & fid. cath., sed si parvuli sine baptismo salvarentur, extra Ecclesiam esset salus; ergo &c. Probat minor a Castro his verbis. Parvuli, quos dicit (Cajetanus) sine baptismo esse salvos, sunt extra Ecclesiam; quia non pertinent ad gregem Domini, cum non sint caractere illius signati. Et cum baptismus si iuxta, per quam intratur in Ecclesiam; qui ad baptismum nondum pervenerunt, non habent portam, per quam potuerint ad illam intrare. Praeterea & quod remedium non vim habet a baptismo, quum hoc ab Ecclesia non declaratur, quod illud non proponit, & quum Ecclesia remedium hoc non proponat, non est hoc remedium ab Ecclesia; ergo extra Ecclesiam; hoc est extra remedia proposita ab Ecclesia.

XIII. Hoc remedium ab ipsius defensoribus vocatur baptismus in voto; atqui votum debet esse suscipientis, non ministrantis Sacramentum; ergo remedium huiusmodi est fictitium, & inane. Major est doctrina Adversariorum; & praecipue Cajetani dicentis in Com. in III. p. S. Th. q. 68. ar. 11. Parvulos in maternis uteris periclitantes posse salvari, sicut superius diximus de infantibus, qui non possunt baptizari. Posse autem salvari dico per Sacramentum baptismi non in re, sed in voto potentium suscipi, cum aliqua benedictione prolis, seu oblatione ipsius ad Deum cum invocatione Trinitatis. Minor est doctrina omnium Scholasticorum, quam Suarez a Sanctis Patribus descendisse profiteretur: Nullus Sanctorum agnovit votum baptismi, nisi in adultis; ergo non habet locum votum hoc in parvulis. Unde Augustinus docet lib. 1. de pecc. mer. & rem. c. 25. Parvulos non salvandos per votum, sed solummodo per Sacramentum; Proinde Parvuli, si per Sacramentum, quod ad hoc divinitus institutum est, in credentium numerum non transiant, pro.

profecito in his tenebris remaneant.

XIV. Quærimus ad Adversarii, quo tempore remedium applicandum esset? Videtur enim, quod vel semper applicari deberet, vel nunquam posset opportunum tempore prudenter applicari. Ratio est; quia si applicandum est quando periculum imminet, & alias applicatio esset irrita; quum imminetia periculi non possit prudenter cognosci, neque prudenter applicatio adhiberi potest. Si autem semper applicandum esset: ergo non pro periculo; ut Adversarii concludant.

XV. Zozimus Papa in confirmatione Concilii Milevitani, quam refert Augustinus ep. 157., quæ est ad Optatum, hæc habet: *Per filium Dei renascimur spiritum sanctum, per ipsum cruciagimur mundo; ipsius morte mortis ab Adam omnibus nobis introducta universa anima illud propagationis contractum ebriographum rumpitur, in quo nullus omnino naturæ, antequam per baptismum liberetur, non tenetur obnoxius.* Ad quæ subdit cit. loc. Augustinus: *In his verbis Apostolica sedes tam antiqua, atque fundata certa, & elera est catholice fides, ut nefas sit de illa dubitare Christiano.* Insuper; c. non ut opponeres extra de baptismo; Pontifex respondet, non esse baptizatum puerum, qui non in materno utero, sed extra, in proximo mortis periculo constitutus, spuro fuerat in fronte, pectore, & inter scapulas linisus, quia in promptu non habebatur aqua. Ex quibus inferitur, non nisi per baptismum in se susceptum parvulos salutem consequi posse.

Arguunt I. Adhibere hoc remedium nil nocet, & multum juvat: ergo non est negandum; quum præcipue possint per ipsum tot animæ salvari, saltem probabiliter, quæ alias certissime perirent. II. Sicut in lege veteri parvuli salvabantur per fidem parentum, ita absurdum non videri debet, si dicatur, parvulos, in lege evangelica, quando eis aliud omnino remedium deest, posse per fidem parentum pariter salvari. III. Remedium hoc non est aliud a baptismo, sed spiritaliter collatio; hoc est, ut ait P. Ursaja, collatio merito Christi Redemptoris in vi baptismi per voluntatem; seu quod idem est, baptismus in voto; ergo non est remedium, quod sit a sensu Ecclesiæ alienum. IV. Quando impossibilis est baptismus fidei debet supplere fides; non fides ipsius parvuli, qui est incapax ad credendum; ergo fides parentum; sed existentibus parvulis in utero impossibilia est ba-

ptismus; ergo &c. V. Incredibile est, quod nullum pro parvulis hisce sit remedium, aliter Deus non voluisset omnes homines salvos fieri; non potest esse remedium baptismus ipse: ergo hoc solum debet esse, quod Adversarii propugnant. VI. Verba illa Joannis 3. Adversarii elidunt dicendo, quod intelligantur de iis, qui sunt nati, non vero de illis, qui non sunt nati; uti sunt parvuli in utero decedentes. VII. Elidunt quoque addentes, quod nati intelligantur geniti; pueri autem illi sunt geniti ergo nati. VIII. P. Ursaja in pluribus Operis locis citat nos ipsos, asserens, nos sententiam suam approbasse non semel, ac insuper laudasse: Cur igitur modo sic acriter eandem confutamus?

Respondemus ad I. cum Cartharino dicente:

„Quod si dixeris, quid nocebit id fecisse? „Valeat ut valere potest. Respondet, in „hujusmodi, quæ cum Deo aguntur, quia „non solum non falsum, sed nec fictum, „aut vanum quicquam fieri debet, superstitiosum omnino censeretur, quod non „sit regulariter exploratæ, ac certæ efficacitæ.”

Ad II. discrimen est, quod in lege veteri remedium illud erat a Deo institutum; in evangelica vero lege non aliud remedium est institutum præter baptismum, vel in re, vel in voto, quando scilicet suscipiens capax est volendi, ac desiderandi illum. Unde non solum non currit paritas ab una lege ad aliam, sed potius sic contra. Adversarios efformatur argumentum, Ideo in veteri lege valebat remedium fidei parentum, quia remedium illud erat in lege illa institutum; at in evangelica institutum non est: ergo non valet. Paret minor; quia non est ab Ecclesia propositum.

Ad III. baptismus in voto intelligitur in voto suscipientis, non vero in voto alicuius a suscipiente; ut dictum est in confutatione 13. Et ideo habet vim baptismi votum suscipientis, quia est actus ipsius, & quique per actum proprium iustificari potest in casu necessitatis, non vero per alienum votum, quia est actus alterius, & per actum alterius nemo consequi potest gratiam, quum talis sit purus homo.

Ad IV. Ideo supplet fides, quia est actus ipsius, qui vult suscipere baptismum; per fidem autem alienam nemo consequitur baptismi gratiam, ut dictum est. Impossibilitas quidem facit, ut suppleat fides, sed propria; non autem facere potest, ut sup.

suppleat fides aliena, quæ nemini potest prodesse ad salutem, præter habentem illam.

Ad V. ex Augustino responderet Alphonsus a Castro: „Dicunt enim, hoc spectare ad misericordiam Dei, & congruum esse illi, „ut parvulis non baptizatis aliquod remedium daret, quasi Deus crudelis esset dicendus, si nullum illis ad salutem remedium reliquisset. Sed istis responderet humiliter Augustinus, suam fatendo ignorantiam, & istarum rerum occultarum sententiam iudicio Dei relinquendo, credens semper, quicquid Deus fecerit, iuste factum fuisse, neque propter hoc, aut quodvis aliud, Deum esse dicendum erudilem. „Cæterum Deus dedit remedium pro omnibus, & singulis, hoc est baptismum; & hoc sufficit ad salvandam ejus voluntatem salvandi omnes, & singulos. Quod si non sortitur effectum, vel culpa est parentum, vel conditio status, & non personæ; ratione ejus status personæ remedium non applicatur.

Ad VI. Distinctio Ursajæ est illusio verborum, & non distinctio. Verba illa Christi Domini sunt intelligenda, ut intelligunt Patres; nemo horum intellexit, ut expli-

cat Ursaja. Igitur pro illis, qui non sunt nati, aliam expectamus a Christo regulam, quia illa data est tantum pro iis, qui sunt nati; quam quum non dederit ulquemodo, nec dabit.

Ad VII. Non dixisset Nicodemus Christo, quando Christus protulit verba illa: *Nisi quis renatus fuerit &c.*; non dixisset Joann. 3. n. 4. *Quomodo potest homo nasci, cum sis senex?* Nunquid potest in ventrem matris sue iterato introire, & renasci; si natus idem esset ac genitus; genitus enim non egit e ventre, nec in ventrem intrat. Igitur intelliguntur de vera natiuitate extra ventrem, non vero de generatione sola.

Ad VIII. Fateamur, nos aliquando laudasse ingenium P. Ursajæ; sed negamus, unquam probasse Sententiam. Quod vel ex eo liquet, quod in appendice sua respondet ipse censuris, quas nos eidem ex Theologorum mente scripseramus. Si nos sententiam ejus probavissimus, nostrum fuisset proponere illi favorabilia, non contraria argumenta, pro illa. Cæterum & nos, ipso etiam vivente, Romæ Theologiam docentes sententiam ejus scripto impugnatae Auditoribus nostris tradidimus.

F I N I S.



I N D E X

V E R B O R U M , E T R E R U M .

A

A Etius, & illius error circa distinctionem divinarum attributorum. 68. contra Dei ineffabilitatem erravit. 108. contra Dei invisibilitatem erravit. 213. erravit contra Dei incomprehensibilitatem. 334.
Abaelardus Petrus contra Dei omnipotentiam erravit. 194. contra Dei visibilitatem erravit. 219. erravit contra Dei scientiam. 339. Deo negavit libertatem. 410.
Abraham in hac vita non vidit Deum intuitivo. 246.
Acrotheia Athei dicuntur a Porphyrio. 2.
Ademes antiquus Tritheista. 108.
Aequivocatio nunquam licita moraliter. 147. ab Innocentio XI. damnata. ibid.
Aeternitas ex Philosophicis quid? 172.
Agrippa Cornelius erravit contra beatificam visionem. 232.
Aguirre Cardinalis, & sua explicatio praefationis obsequiae Thomistarum. 101.
Albigenses ponebant Deum bonum, & malum. 108.
Albanenses posuerunt mundum ab aeterno. 172. contra Dei scientiam errant. 339. errant Deo negantes praescientiam futurorum. 369.
Albertus magnus quid de Dei infinitate senserit. 200.
Alexandri VII. damnatio propositionis admittentis peccatum philosophicum. 47.
Algezels Deo Providentiam negavit. 424.
Alliatus Cardinalis negavit Dei existentiam posse demonstrari. 9.
Almariens contra Dei visibilitatem erravit. 219.
Ambrosii assertio contra Dei visibilitatem explicatur. 222.
Ammonius Gentilis Philosophus agnovit Dei scientiam. 341.
Anaxagoras Philosophus de Dei infinitate bene sensit. 203.
Anaximenes Philosophus de Dei infinitate non erravit. 203.
Andreas Arctinus in Italia Atheus. 2.
S. Anselmus non faves Nominalium distinctioni inter attributa. 24.
Anastasiu Sinaita ab errore contra Dei visibilitatem defenditur. 226.
S. Antoninus offereit, B. Virginem Mariam Dei Matrem vidisse Deum intuitivo in hac vita. 250.
PAR. I.

Antropomorphita errantes in corporea Dei visione. 252.
Angeli sunt invocandi, sed non sunt pro Diis habendi. 220.
Apelles Atheus nominatur. 2.
Apelles alter duos sibi Deos finxit. 107.
Apollinares duo Haeretici, Pater & Filius. 166.
Apollinarista Haeretici quid docuerint? 166.
Appetitus innatus non distinguitur ab Appetente. 228.
Apostolici qui haeretici fuerint? 315.
Archontici haeretici quinam fuerint? 160.
Ariani contra Dei omnipotentiam errant. 194.
Aristoteles dicitur quod cognoverit Dei scientiam. 341. quod non deus in Deo actus primus intelligendi sine actu secundo. 351. an negaverit, Deum cognoscere seipsum? 359. an admiserit in Deo cognitionem creaturarum? 464. erravit negans Deo cognitionem futurorum contingentium simpliciter & per se, & a causa libera procedentium. 368. Dei Providentiam negavit. 424. erravit circa libertatem Dei. 410. Atheus a pluribus dicitur ex conversione doctrinae. 2. posuit mundum ab aeterno. 172. male de Dei immensitate sensit. 182. contra Dei infinitatem erravit. 200.
Armeni, & illorum error contra Dei veracitatem. 145. Plures fuerunt Armeni Haeretici, & diversis temporibus. 146. contra Dei visibilitatem errant. 219. errant contra visionem beatificam Sanctorum. 232. errant contra incomprehensibilitatem Dei. 334.
Arminiani, illorumque errores contra Particularium reprobationem, qui moriuntur post egressum e Matrem utero sine baptismo. 457.
Arnaldus de Brizia contra Dei visibilitatem erravit. 219.
Affyrios initium dedisse Idololatriae plures afferunt. 106.
S. Athanasius quomodo intelligendus, quando scribit, bonitatem in Deo esse qualitatem, & accedens? 76.
Athei Scliam non considerant. 1. Quae ratione dici possit, quod eam considerent? ibid. plurimi sunt Gentiles, ac alii in locis. 3. an sint in mundo praestiti, vel speculativi? 4.
Atheismus non est error communis alicui nationi hominum, vel orbis regioni. 4. error est potius, quam haeresis. 5. est potius voluntatis corruptio. 6. quae illius causa? 7.
Atheorum error cunctis deterrimus. 1. liporum.
N B B argu-

I N D E X

argumenta soluta. 32.
S. Atalys Martir de Dei sui nomine interroga-
tus, & sua responsio. 3.
Attributa Dei quid 65. an sint infinita 66. an
sint de essentia Dei 67. quomodo inter se in-
vicem, & de essentia pradicentur ibid.
Audius Deum corporeum commentus est. 117.
vindictatur. 119.
S. Augustinus quomodo in Deo misericordiam
admisit 159. ejus testimonium contra
Dei omnipotentiam explicatur. 198. defendit-
tur ab errore *Millenariorum*, ut etiam *Am-
brosius*. 235. etiam ab errore, qui ipsi impin-
gitur circa corpoream Dei visionem. 252. ex-
plicatur circa intuitivum Dei visionem in
hac vita. 249.
Augustinus *Triumphus* de Roma quid de Dei in-
finitate senserit 108.
Averroes negavit Deo scientiam creaturarum.
464. Dei providentiam negavit. 424.
Avicenna Dei providentiam negavit. 424.
Aureolus an negaverit Deo scientiam creatura-
rum 464.

B

B *Agonatus* fuit auctor *Beguardorum*. 277.
Barlaamus, *Episcopus Hieracensis*, *Pala-*
mitarum impugnator. 80. *Calaber natione*
fuit. *ibid.* ex Petavio non unus fuit, sed duo.
81.
Basilius an contra Dei invisibilitatem errave-
rit 213.
S. Basilius amplissime confutavit *Eunomium*. 72.
vindictatur ab errore, qui ipsi tribuitur contra
Dei visibilitatem. 235.
S. Basilius *Seleuciensis* defenditur ab errore contra
Dei visibilitatem. 236.
Beatitudo conferitur ut corona. 325.
Becani opinio de modo, quo Deus cognoscit futu-
ra contingentia absoluta. 374.
Becens, *Patriarcha Constantinopolitanus*, ejusque
bellum contra *Gregorium Palamam*. 80.
Beguardi, & *Begunae*, & illorum heresi. 277.
an erraverint contra Dei invisibilitatem. 208.
S. Bernardi *studia*, scripta, & labores contra *Gil-*
bertum Porretanum. 74. defenditur ab errore
Millenariorum. 235.
Beza *Theodorus* facit Deum peccati autorem.
139.
Bessarion *Cardinalis* confutat *Gregorium Pala-*
mam. 80.
Benedictus XII. ejusque *Bulla* pro visione Dei
ante *Judicii* diem. 239.
Biel Gabriel, ejusque opinio circa *Infantes*, qui
in *Matrum* utero moriuntur. 457.
Bion Boristhenes *Athenis* dicitur a *Laertio*. 2.

S. Bonaventura sententia de modo, quo Deus co-
gnoscit futura contingentia absoluta. 374.
Bonitas quid, & quomplex 138.
Bonac Antonius *Epicurum* atheismi accusat;
impugnatur. 2.
Brenius contra *Sanctorum* invocationem erra-
vit. 316.
Bucerus *Martinus* facit Deum peccati autorem.
139. contra Dei omnipotentiam erravit. 194.
Deo negavit libertatem. 411.
Bulla canonizationis *Sanctorum* edita a *Joanne*
XXII. probant ejus catholicam sententiam de
visione Dei ante *Judicii* diem. 238.
Buridanus negavit Deo justitiam proprie dilecti-
onis impugnatur. 161.

C

C *Acberanus* & sua explicatio praeconis ob-
jectiva *Thomistarum*. 101.
Cain & ejus posterii usque ad *Noë* non fuerunt
Idolatrae. 106.
Cajani, seu *Cainani*, *Haeretici*, qui fuerint 160.
Calvyniani facillime ad *Atheismum* transierunt,
& quare 3. sunt *Prædestinationi*. 430.
Calvynus facit Deum peccati autorem. 138.
contra Dei omnipotentiam erravit. 194. er-
ravit contra beatissimam visionem *Sanctorum*,
232. contra *Sanctorum* invocationem. 316.
contra Dei cognitionem de futuris conditiona-
tis liberis. 385. Deo negavit libertatem. 411.
Callimachus, *Philosophus* *Gentilis*, de Dei om-
nipotentia bene sensit. 196.
Campanella *Thomas* propugnat *Prædestinationem*
post meritum praeconem. 439. ejus opinio
circa *infantes*, qui in *Matrum* utero moriuntur,
457.
Cajetanus *Cardinalis*, ejusque opinio circa *infan-*
tes, qui in *Matrum* utero moriuntur. 457.
Caramuel, ejusque opinio circa *infantes* eosdem.
457.
Cartesius, & ejus demonstratio quasi a priori pro
Dei existentia. 27. ejus opinio de mundi inde-
finitate sigillatur. 200.
Caryssus, antiquus *Trithemita*. 108.
Cathari *Haeretici*, & ipsorum errores. 316.
Catharinus confutatur *Cajetani* opinionem de infan-
tium salute, qui in *Matrum* utero moriuntur.
459.
Cavvini, & sua explicatio praeconis objective
Thomistarum. 101.
Celsus, ejusque error circa corpoream Dei visio-
nem. 252.
Cerdon fuit *Polyleucus*. 107.
Cdam quidam putant dedisse originem *Idolola-*
triae. 106.
Chiliasse iidem ac *Millenarii*; qui dupliciter fue-
runt generis. 231.

S. Chry-

VERBORUM, ET RERUM.

3. Chrysostomi testimonium de Dei omnipotentia explicatur. 199. ejusdem assertio de Dei infirmitate pariter explicatur. 212. vindicatur ab errore contra Dei visibilitatem, qui ipsi tribuitur. 223. Et ab errore Millenariorum. 234.
- Cerintus Millenarius. 231.
- Christiani a Gentilibus dicebantur Athei, & quare? 2.
- Cicero Deos corporeos putavit. 116. erravit Deo denegans praesentiam futurorum. 168. Deo Providentiam denegavit. 424.
- Clemens Alexandrinus adducitur contra Dei immensitatem, & vindicatur. 182. quomodo intelligitur, quando dicit, Beatos comprehendere Deum? 336.
- Clemens V. in Concilio Viennensi damnavit Begardos, & Beguinas. 278.
- Clericus in Gallis Tridista. 108.
- Colobarsii haereticus contra Dei omnipotentiam erravit. 193.
- Commutativa iustitia in Deo non datur. 163.
- Compositio in quolibet subjecto quatuorplex? 113.
- Comprehensio Dei, ejusque explicatio. 334.
- Concilium Viennense generale damnavit Begardos, & Beguinas. 278.
- Coppinus Libertinorum Coriphaeus. 138.
- Critias Atheus. 2.
- Cyrellus Hierosolymitanus defenditur quod nihil senserit contra Dei supernaturalem visibilitatem. 225.
- Cyrellus Alexandrinus ab eodem errore vindicatur. 226.

D

- Damaseni testimonium de Omnipotentia Dei explicatur. 199. ejus assertio de Dei Providentia. 427.
- Dei existentia demonstrabilis est. 9. non concipitur primo in Deo ab intellectu nostro contra Gandavensem. 10. est etiam credibilis. 12.
- Dei sanctitas ab Angelis conclamatur. 137. Pulcritudo asseritur. 136.
- Dei ambulator quomodo intelligatur? 187.
- Deista qui sunt? 7.
- Demonstrationes a posteriori de Dei existentia. 15. responsiones ad illas impugnantur. 15.
- Demonstrationes quasi a priori pro Dei existentia Magnani, Curtesii, Perez, Martinez &c. 26.
- Democritus Dei existentiam negavit. 424. de Dei infinitate bene sensit. 203.
- Damones eisi extra inferos luant tamen penas damni & sensus. 245.
- Dei est auctor mali parva, non mali culpa. 115. non creavit Evam malam. 114. est alius purissimus ex Patribus & Rationibus. 124. ab P.A.R.L.

- possit de potentia absoluta mentiri? vel falsum dicere? 147. non constituitur formaliter in loco per solam operationem ad extra. 189. Est in spatiis imaginariis. 190. est ubique praesent, non circumscriptive, non definitivae, sed repletivae. 192. est omni substantia eminenter, non formaliter. 205. consideratur simul cum creaturis non est extensus perfectior se ipso solitarius spectato. 207. quomodo dicatur invisibilis in Scripturis? 221. cognoscit alia a se. 264. non tantum cognoscit sub communi ratione entis, sed cognoscit possibilia distincte, & in particulari. 265.
- Denarii parabola in Evangelio explicata. 225.
- Diagoras Milesius Atheus. 1.
- Diogenes Phrygius Atheus diffus ab Aeliano. 2.
- Distinctio inter divinam essentiam, & divinam naturam. 63.
- Distinctio Scotica inter essentiam & attributa, & inter ipsam attributa, explicatur, & impugnatur. 85. an dicenda sit media? 86. Ex Magnano id est chimerica, quia mediabilis.
- Distinctio Durandi inter attributa, & essentiam, & inter eadem attributa, an diversa a Scotica? 87.
- Distinctio Nominalium inter essentiam, & attributa, & inter ipsa attributa, explicatur. 92. consutatur. 94.
- Distinctio Thomistarum inter essentiam & attributa, & inter attributa quoque, explicatur. 99.
- Distinctio formalis obiectiva inter essentiam, & attributa, & inter attributa ipsa admittitur. 102.
- Distributiva iustitia in Deo non datur. 163.
- Divina essentia constitutivum quid? & quale? 55.
- Divina natura constitutivum quid? & quale? 63.
- Dupinus furellanus S. Hieronymum rejicitur. 146.
- Durandus quid de Dei perfectione sensit? 207. ejus opinio circa lumen gloria censura affertur. 278. ejus sententia de modo, quo Deus cognoscit futura contingentia absoluta. 374.

E

- Elymas magus contra Dei omnipotentiam erravit. 191.
- Empedocles quid senserit contra Dei bonitatem? 129.
- Enos an fuerit Atheus? 4. ejus tempore incepisse Idololatriam dixerunt quidam. 105.
- Epicurus Atheus dicitur a quibusdam. 2. defenditur. 104.
- Epiphanius quid de Dei simplicitate senserit? 117. vindicatur a pluribus. 119.
- Epistola veterum Pontificum usque ad Stricium, & eorum genuinitas; vel suppositio. 251.
- Erasmus contra Dei immensitatem erravit. 182.

Epicharmum de Dei omnipotentia bene sensit.

196.

Epiphanius Martinus, & ejus demonstratio quasi a priori pro existentia Dei.

27.

Efficientia Dei an sit cognoscibilis, & quomodo.

51. non constituitur per causalem attributorum.

55. non per afeitatem, 56. non per infinitatem radicalem. 58. non per alicalem intellectionem. 59. sed per rationem perfectissimi omnimodum plenam & absolutam. ibid.

Efficientia divina an possit videri creaturis non attalis.

211.

S. Eucherius Lugdunensis defenditur ab errore.

contra Dei invisibilitatem.

227.

Euhemerus Thegeates Aithens.

2.

Eudoxius sutor, Anomii.

68.

Euborum differentia in Diis coeendis.

107.

Anomins, & ejus error circa distinctionem duntaxat attributorum.

68. contra Dei invisibilitatem erravit. 208. erravit quoque contra Dei invisibilitatem. 212. erravit insuper contra Dei incomprehensibilitatem.

334.

Enripides Aithens dicitur ab Eusebio.

2.

Enstachius, vel Enstachius, an erraverit contra invocationem Sanctorum.

215.

Eusebius Presbyter, & Archimandrita; Haresis.

167.

Eurychioni Haresi mutationem in Deo ponere.

167.

Exsecratio mentis panna peccati.

141.

F

F*aber ex Thomisistis defendit Prædestinationem post prævisionem meritum.*

439.

Facere aliquando idem est ac permittere.

144.

Falsi sententia de modo, quo Deus cognoscit futura contingentia absoluta.

374.

Ferrariensis Franciscus testatur, Philosophos illos, quos S. Thomas asserit negasse Deo libertatem, fuisse Aristotelem, & Avicennam.

410.

Fidei Professiones, quas Joannes XXII. mittebat, probant ejus fidem orthodoxam de visione Dei ante Judicii diem.

238.

Floramus asserit, veteres Thomistas negasse Deo certam cognitionem futurorum conditionatorum liberorum.

385. insuper asserit, Prædestinationem potuisse esse post prævisionem meritum, de falso tamen fuisse ante.

422.

Flavianus, Patriarcha Constantinopolitanus, primus omnium Eurychetem damnavit.

167.

Florientinum Concilium definit, inaequalitatem visionis beatifica.

224.

Florinus Deum peccati autorem fecit.

38. fuit Montani discipulus.

Fonseca opinio de modo, quo Deus cognoscit futura contingentia absoluta.

374.

S. Francisci de Paula canonizationis Bulla con-

tinet verbum Definimus, quod prius in aliis canonizationis Sanctorum Bullis usurpatum non fuerat.

241. an in corpore existens intuitivam habuerit Dei visionem?

246.

S. Franciscus Salcius approbat Prædestinationem post prævisionem meritum.

439.

Futura cognoscuntur a Deo per scientiam visionis.

337. alia sunt absoluta, alia conditionate futura. ibid. Conditionate futura an cognoscantur per scientiam mediam?

ibid.

Futura contingentia absoluta quomodo a Deo cognoscantur.

374.

Futura conditionate triplicis sunt generis.

381.

Futura conditionate necessaria cognoscuntur in seipsis.

281. Quid de conditionatis disparatis?

ibid.

Futuri divisio in absolutum, & conditionatum, non est tanquam generis in species, sed est tanquam analogi in analogata.

396.

G

G*abriell ex Nominalibus defendit Prædestinationem post prævisionem meritum.*

439. Gabriellus, Joannes Maria, Cardinalis, landotus.

439.

Gaufridus, Monachus Clavallensis, refert errores Gilberti Porretani.

75.

Gualies Philosophi contra Dei omnipotentiam errant.

193. errant pariter contra Dei infinitatem.

200.

Guardus, ejusque impossura contra Joannem XXII.

236.

Gersonius contra Joannem XXII. confutatur.

238. ejus opinio circa Infantes, qui in Matrem vivo moriuntur.

457.

Gilbertus Porretanus, & ejus error circa distinctionem Attributorum Dei.

74. alii ejus errores.

75.

Gualies Haresi quinam fuerint? Unde sic distit & quinam ipsorum errores?

108. contra Dei scientiam errant.

339. quidam dixerunt, originem duxisse a Nicolaitis; alii vero a Simone Mago, a Menandro alii, alii autem a Carpocrate.

120.

Gonesi sententia de modo, quo futura contingentia absoluta a Deo cognoscuntur.

374.

Græca Ecclesia amplexata est errores Palamitarum.

81.

Græci contra Dei visibilitatem errant.

219. Grammaticus, hoc est Joannes Philipponus, Trinitarius.

108.

Gregorii Nazianzeni de Actio narratio.

68. Aristotelem fuisse asserit. ibid. vindicatur ab errore contra Dei visibilitatem.

235. Gregorii Nysseni vindicia ab errore contra Dei visibilitatem.

225.

Gregorius Palama, ejusque errores.

80.

S. Gre-

VERBORUM, ET RERUM.

*S. Gregorius VII. Rom. Pont. dicebat, mendacium
dilectum a Papa esse sacrilegium.* 148.
*Guilelmus posuit realem distinctionem inter at-
tributa Dei.* 76.
*Guillelmus Parisiensis contra Dei omnipotentiam
erravit.* 124.
*Guillelmus Nangius vindicat Joannem XXII. ab
errore contra visionem Sanctorum ante Judici-
dium.* 239.

H

Habitualitas luminis gloria non inferior
ex Concilio Viennensi. 281.
Habitus intellectus an datur in Deo? 355.
*Haderianus VI. ejusque testimonium contra Joannem
XXII. 232. explicatur opportuna respon-
sione.* 277.
Heraclitus Dei Providentiam negavit. 424.
Heresicorum consuetudo Atheismi causa. 8.
*Heresis fuit, qua dicebatur, B. Mariam Virginem,
Dei Matrem, colendam esse aequali cum Deo
cultu.* 315.
*Hennus circa explicationem Atheorum impugna-
tur. 5. circa credibilitatem existentia Dei
impugnatur.* 14.
*Henricus Gandavensis docuit, Deum ab intelle-
ctu nostro primo concipi. 10. testatur, Aristote-
lem negasse Deo libertatem.* 410.
Heraclitus fuit magister Cerdonis. 107.
*Hermias Deum corporeum voluit. 117. posuit
materiam ab aeterno.* 172.
Hermiani faciunt Deum peccati auctorem. 138.
Hermogenes posuit materiam aeternam. 172.
*Hermogeniani contra Dei omnipotentiam erra-
runt.* 193.
Herviciani haeretici qui fuerint? 315.
Hermannus Riffaich posuit mundum ab aeterno.
172.
*Hieronymus Philosophus Gentilis agnovit Dei
Providentiam.* 425.
Hieronymus Monachi qui fuerint? 80.
*Hieracensis Ecclesia olim unita unione aque,
principali Ecclesia Oppidensi.* 81.
Hieronymi assertio de Omnipotentia explicatur.
129. ejusdem auctoritas contra Dei visibili-
tatem exponitur. 222.
*Hilarius, Pictavensis Episcopus, quid de Dei
simplicitate senserit? 117. vindicatur a plu-
ribus, qua tribuuntur ipsi. 120. defenditur ab
errore Millenarorum.* 233.
Homerus agnovit Dei scientiam. 341.
*Hobbes Thomas a quibusdam dicitur Atheus, ab
aliis dicitur Deista. 7. ejus errores enumera-
ntur.* 117.
Homines antediluviani non fuerint idololatrae.
106.
Homine peccabilis est indifferens ad bonum, &

malum. 114.
*Honorius Imperator in insulam Dalmatia pro-
scripsit Iuvenianum haereticum.* 323.
*Humanitas Christi non comprehendit divinam
essentiam.* 335.
*Huius Joannes Hussorum auctor. 316. erravit
Deo denegans futurum praescientiam. 359.
Prædestinationem negavit.* 420.
Hussa contra Sanctorum invocationem erravit.
316.
*Hyperdulia, non latria, colitur B. Virgo Maria
Dei Mater.* 315.
Hyppo dicitur Atheus ab Æliano. 2.

I

Iacob Patriarcha in hac vita non vidit Deum
intuitive. 246. ejusdem allocutio de Dei
immutabilitate explicatur. 187. Filius Joseph be-
nedicens Angelos invocavit. 316.
*Jacobus iidem fuerunt ac Armeni, haeretici
quinti seculi.* 146.
*Jacobus, dilectus iustus, auctor Beguardorum, &
& Beguinarum.* 277.
*Jansenius Cornelius, Ipsensis Episcopus, erravit
contra cognitionem Dei de futuris conditio-
ne liberit. 385. asseruit, non omnes, sed mul-
tos, Deum velle salvos fieri.* 424.
*Javellus negavit in Deo iustitiam proprie di-
ctam; impugnatur.* 161.
Idololatra an idem ac Polythei? 105.
Idololatria quando incipiat? 105.
*Ignita haeretici mutationem in Deo admira-
bant.* 167.
*Ignorantia est una ex Atheismi causis. 7. vinci-
bilis, vel invincibilis existentia Dei. 44. in-
vincibilis nec datur, nec dari potest.* 45.
Imaginaria spatia quid? 188.
*Immaterialitas an sit medium ad probandam in-
Deo scientiam?* 344.
Illyricus demisse loquitur de Dei existentia. 2.
Immensitas quid importet ex vi vocis? 181.
Immutabilitas in Deo probatur ex simplicitate.
169.
*Impossibilia non faciunt, quod Dei potentia non
sit infinita.* 205.
Incredulitas, & impatientia, atheismi causa. 8.
Ineffabilitas Dei quid importet? 208.
*Innocentius XI. damnavit equivocationes, am-
phibologias, & restrictiones mentales.* 147.
Infiniti notio quatenus sit? 200.
Injuria non fit Deo per Sanctorum invocationem.
200. neque fit Christo ne Mediatori. ibid.
*Intellectus cum lumine gloria est naturale videre
Deum.* 168.
*Intellectus, cui sit connaturalis Dei visio, repu-
gnat.* 269.
Immutabilis est divina scientia. 348.
Ina-

Inaqualitas visionis Dei a quo proveniat 127.
Incomprehensibilitas Dei est de fide. 132.
Infalibilis est divina scientia. 148.
Infantes, qui in Matrem utero moriuntur, po-
tenent. 458.
Interdictio Sanctorum non est idem dogma ac ado-
ratio Sanctorum. 115.
Joannes XXII. ejusque mentis circa beatificationem San-
ctorum visionem ante iudicii diem, exponitur,
& probatur. 232.
Joannes Villanus vindicat Joannem XXII. 239.
Invisibilitas est Dei attributum. 217.
Joannes Philoponus Trinitarius. 108.
Job in hac vita non vidit Deum intuitivo. 246.
Jovinianus Haresiarcha erravit contra visionis
descripta aequalitatem. 223. *Prædeterminationem*
quoque negavit. 470.
S. Irenæus an fuerit millenarius? 232.
Isanci, & Ismaelis ludus dicitur a quibusdam
quod fuerit idololatria. 106.
Ismael dicitur ab iisdem idololatria auctor. 106.
Judæi rudes, eorumque errores contra Dei im-
mensitatem. 181. *errant quoque contra Dei*
visibilitatem. 218.
Judicium universale, & Judicium particulare,
illorumque differentia. 244.
Julianus Apostata sanctorum Eusebii. 68. *Christia-*
nos dicebat calumniatores. 116.
S. Justinus Martyr & Philosophus, ejusque asser-
tio contra Dei immensitatem vindicatur. 182.
an fuerit Millenarius? 232.
Justitia diversimode accipitur ac consideratur.
160. datur in Deo, non solum metaphorice,
sed proprie. 161.

L

L *Atlantius Firmianus ex Aguirre Cardinali*
Palama errorem præformavit. 82. *quid de*
Dei simplicitate senserit? 120. *asseritio ejus contra Dei im-*
mensitatem explicatur. 182. *an fuerit Millena-*
rius? 232.
Leo X. primus omnium usus est voce illa Des-
tinimus in canonizatione S. Francisci de Pau-
la. 241.
Lessius defendit Prædeterminationem post prævisio-
nem meritum. 479.
Liberi actus in Deo non sunt extrinseca denomi-
nationes. 414.
Libertas exercitii & specificationis quales sint
in Deo? 419.
Libertini qui sunt? 17. *Sunt quoque Hæretici ex*
Lutheri, & Calvinii seculis orti. 129.
Libertatem Dei velle non est quid Deo superaddi-
tum. 416.
Litania quid significet? 381.

Liturgia Basilii, & Chrysostomi an legitima, vel
supposita? 121.
Logica compositio Deo non est inconveniens. 122.
Lollardi contra Dei scientiam errant. 139.
Lucanista hæresis quinam fuerint? 169.
Lucanus vel Lucianus, Cerdonis discipulus,
Lucanistarum magister. 166.
Lucianus Atheniensis. 2.
Lucius Vaninus in Gallia dictus est Atheniensis. 2.
Lucaris Cyrillus, Patriarcha Constantinopolita-
nus, Genevesi Confessioni adhaesit. 147.
Lucretius dicitur Atheniensis a Prateolo. 2.
Lumen gloria quid sit? 272. *an fuerit Patribus*
notum ejus nomen? 272. *an sit intrinsecum,*
an vero extrinsecum? 272. *an suppleat men-*
tis speciem? 272. *non deservit intellectui ad*
ornatum, nec præcise ad disponendum, & ele-
vandum. 274. *an sit tota ratio egredi respectu*
visionis Dei? 290. *an sit principalis causa*
visionis? 292. *an active concurrens cum in-*
tellectu ad visionem? 293. *an sit potentia,*
vel habitus? 293.
Lutberus demisse loquitur de Dei existentia. 9.
erravit contra beatificationem visionem Sancto-
rum. 232. *pariter contra Sanctorum invo-*
cationem. 216. *insuper contra descripta visionis*
aqualitatem. 223. *Etiā contra scientiam*
Dei de futuris conditione liberis. 384.
Deo negavit libertatem. 410.
Lutherani facillime sunt Athei. 3.
Lux, quam posuit in Deo Gregorius Palama,
quid? 82.

M

M *Achiavellinus dicitur Atheniensis a Lessio.* 2.
Macri impugnatur in explicatione vocis
Athei. 8.
Magnani rationes pro demonstrabilitate existen-
tia Dei. 10. *ejus demonstratio quasi a priori*
pro Dei existentia. 27. *oppositiones contra*
ipsum soluta. 30. *quid intelligat per æterni-*
tatem adequatam, & inadæquatam? 181.
ejus peculiaris sententia de oculo corpore ele-
vabili ad videndum Deum explicatur. 255.
inaequalitatem visionis provenire facit ex ina-
qualitate speciei impressa. 228. *defendit Præ-*
determinationem post prævisionem meritum.
479.
Manes Manichæorum auctor. 107.
Manichæi admettebant Deum bonum, & malum.
107. *contra Dei immensitatem errant.* 182.
pariter errant contra Dei omnipotentiam.
193. *Prædeterminationem negant.* 479.
Malitia tribuitur Deo non ut auctori, sed ut ju-
dici. 135.
Marcio ejusque errores contra Dei unitatem.
108.

VERBORUM, ET RERUM.

Marcossii contra Dei omnipotentiam errant. 121.

Maximus Tyrius docuit, in Deo non dari actum primum intelligendi, qui careat actu secundo. 150.

Melissus de Dei infinitate bene sensit. 203.

Melanchthon contra Sanctorum invocationem erravit. 216.

Mediatoris nomen esse laudum. 220.

Media quare dicitur Scientia, per quam futura conditionata cognoscuntur. 257.

Memoria an detur in Deo, & quo sensu. 254.

Melito Deum corporeum esse fuit. 117.

Mendacium dictum a Papa esse sacrilegium, dicebat S. Gregorius VII. 148. humilitatis causa non est licitum. 152. est intrinsece malum, & est malum ex genere suo. ibid.

Mersennus, & rationes ejus mathematica pro Dei existentia probanda. 19.

Metaphysica rationes pro probanda existentia Dei. 15.

Metaphysica Heretici quinam fuerint. 108.

Millenarii quinam fuerint. 211.

Minimi Religiosi Patres scientiam mediam teneant, & precipue in editis P. Duvellans, P. Mersennus, P. Rangolius, P. Magnus, P. Floramo, P. Saguens, P. Ursini, alique plurimi in MS. 250.

Misericordia est in Deo secundum affectum, & secundum effectum. 154. explicatur auctoritate Augustini. 158.

Molina sententia de modo, quo Deus cognoscit futura contingentia absoluta. 274.

Morales rationes pro Dei existentia probanda. 22.

Motio, seu objecti formalis objectiva determinatio an detur in Deo. 256.

Motus tribuitur Deo non proprie, sed metaphorice. 170.

Moyser in hac vita non vidit Deum intuitivo. 246.

Mutatio quid in ra importet.

N

Nasci in Scripturis non est idem ac generari. 464.

Navarette, ejusque sententia de cognitione Dei de futuris conditionatis liberis. 285.

Naxianzeus quomodo intelligatur, quando dicitur; Sanctos comprehendere Deum. 226.

Nembrod dicitur a quibusdam Idololatria auctori. 106.

Nepotianus mortuus non audiebat Hieronymum docentem, sed exaudiebat Hieronymum orantem. 221.

Nepos Millenarius. 222.

Nicolaita vere heretici. 130.

Nicolaus Diaconus an vere Haresarcha. 130.

Nilus ab Aegyptiis adoratur ut Numen. 107.

Ninus dicitur a pluribus Idololatria inventori. 106.

Nicolaus Gillus vindicat Joannem XXII. 239.

Nomina Dei idem ac Attributa. 65.

Nominalium distinctio inter attributa, & essentiam divinam, & inter attributa ipsa. 92. varie explicatur a Scholasticis. 93. censuris accititur. ibid. impugnatur. 94.

Novatiani heretici, & quae ipsorum haeresis contra Dei invisibilitatem errant. 214.

Novatus, & Novatianus quinam fuerint. 155.

Nyssen amplissime confutavit Eunomium. 72.

O

Objectiva praefatio Thomistarum quid. 100.

Objectum primum intuitivo Dei visionis quale. 290. Secundarium quale. 206.

Divina scientia adequatum est omne scibile. 256. Primum intellectus divina an sit sola divina essentia, an etiam omnia divina attributa, & relationes. 262.

Objecta vel sunt Deo placencia, vel displicencia. 257.

Ochamus scribens contra Joannem XXII. nullam meretur fidem. 238. offerit libertatem Dei non posse naturalibus rationibus probari. 417.

Odio habere aliquando in divinis Scripturis idem est ac minus diligere. 455.

Oecumenius defenditur ab errore contra Dei invisibilitatem. 226.

Omissio parte libera an detur. 420.

Omnipotentia nomine quid veniat. 193. Graci quomodo omnipotentiam nominant. ibid. explicatio ejus secundum varios Theologos. ibid.

Operariorum parabola in Evangelio explicata. 225.

Oppidensis Ecclesia olim unita unione aequae principali Ecclesia Hieracensi. 81.

Oppositiones contra demonstrationes quasi a priori pro existentia Dei soluta. 27.

Origenes posuit mundum ab aeterno. 172. contra Dei omnipotentiam erravit. 194. contra visionis de se aequalitatem erravit. 222. ejus commentum circa futuram gloriam Damascenorum. 226. quomodo intelligendus sit, quando dicitur, Beatos comprehendere Deum. 226. contra Dei scientiam erravit. 239. offerit Filium non videre Patrem, nec Spiritum Sanctum posse videre Filium. 259.

Orthosa non est in Deo omnipotentia, & quare. 99.

Otonis Frisigenis testimonium de Gilberto Porretano. 74.

P

Palama Gregorius contra Dei invisibilitatem erravit. 219. Ejus error contra Attributorum

I N D E X

torum Dei, ejusque operationum distinctionem. 80.
 Pallavicinus Sfortia Cardinalis, ejusque testimonium de sensu Patrum Concilii Tridentini erga opinionem tuentem salutem parvulorum in matrum utero morientium. 459.
 Papias Millesarius. 231.
 Parvuli, qui in Matrum utero moriuntur, quam habent sortem. 457.
 S. Paulus Apostolus non vidit in hac vita Deum intuitivum. 247.
 Parmenides de Dei infinitate bene sensit. 203.
 Pauliciani heretici idem ac Aeterni moderniores. 146.
 Peccata sunt causa Atheismi. 7.
 Peccatum Philosophicum quid. 47.
 Perata heretici quid. 108.
 Peratius Expirates antiquus Trabeata. 108.
 Perfecti nomine quid tenent. 205.
 Perfectiores in quos genera dividantur. 205.
 Peccati permissio an possit esse aliquando Prædeterminationis effectus. 451.
 Perfectiores divina scientia a Magnano enumerata. 347.
 Petrobosani heretici qui fuerint. 315.
 Petrus de Brinis hereticus, & qui ipsius errores. 315.
 Perez Antonius, ejusque demonstratio quasi a priori pro existentia Dei. 27.
 S. Pius V. Rom. Pont. iussit à Cajetani libris expungi opinionem, qua dicitur, Parvulos, qui in Matrum utero moriuntur, non perire. 459.
 Plato dicitur à S. Thoma, quod erraverit circa Dei Providentiam, non tamen eam negavit. 424.
 de Dei invisibilitate bene sensit. 215.
 an male senserit de Dei bonitate. 139.
 Platonici de Dei ineffabilitate bene senserunt. 210.
 male de Dei immensitate senserunt. 182.
 quidam ex ipsis contra Dei omnipotentiam errarunt. 195.
 Physica rationes pro Dei existentia. 38.
 Plinius Aethens. 2.
 Plotinus de Dei infinitate bene sensit. 203.
 agnovit Dei scientiam. 341.
 Politici an idem ac Idololatri. 105.
 Pontius ex Scotis defensio Prædeterminationem post prævisionem meritorum. 439.
 Porphyrius Deo voluntatem denegavit ex Alberto magno. 402.
 Possibilia in quo Deus cognoscit. 366.
 Possibilitas intuitiva Dei visionis an sit demonstrabilis. 227.
 Prædeterminatio pro nomine, & pro re quid dicat. 429.
 qua sunt ipsius causa. 442.
 Qui ipsius effectus. 450.
 quantum sunt signa. 451.
 Prædeterminantiani heretici qui. 430.
 Primasius defenditur ab errore contra Dei visibilitatem. 227.

Pristillianista Deum voluerunt esse auctorem mendacii. 146.
 Præfisso objectiva Thomistarum quid. 100.
 Prodicus Cens Aethens. 2.
 Protogoras Abderita Aethens. 2.
 Propositio Deus est an sit per se nota, & quid importet esse per se notum. 38.
 Providentia in Deo quid. 421.
 num dicit ex parte intellectus, alterum ex parte voluntatis. ibid.
 Ptolomæus Lucensis vindicat Joannem XXII. 39.
 Pythagoras quid senserit de Dei bonitate. 139.

Q

Q. Questio est inter Thomistas, & Scotistas, an ex intellectu inferatur volitum in Deo. 404.
 Questio an Deus amet possibilia dependet ab alia, in qua quaritur, in quo possibilitas consistat. 408.
 Quidditativa Dei cognitio quid. 51.
 Quintinus Libertinorum Coripheus. 138.
 Quomodo Deus seipsum amet. 406.
 Quomodo sit habeat Providentia ad Prædeterminationem. 423.

R

R. Abbi Moyses Deo Providentiam negavit. 424.
 Rachel, qua furata est Idola Patris sui, supponit originem Idololatriæ in mundo ante ipsam fuisse. 106.
 Rainaldus, ejusque defensor pro Joanne XXII. 236.
 Raphael Angelus Tobiam alloquens an usus sit restrictione mentali. 150.
 Rationes plures pro Joanne XXII. vindicando ab errore eidem adscripto. 239.
 Reges Gallia, & Sicilia errore facti decepti sunt scribentes ad Joannem XXII. 217.
 Remedium pro parvulis, qui in Matrum utero moriuntur, nullum est præter voluntatem salvandi omnes, & baptismum. 460.
 Renasti in Evangelio quid significet. 460.
 Reprobi in gehenna ex Lucifero nullam habent inæqualitatem puniarum. 323.
 Ex Scripturis inæqualiter in inferno puniuntur. 325.
 vocantur Præciti, & quare. 452.
 Reprobatio quid significet ex vi nominis, & ex vi rei. 452.
 est positiva, & negativa. 453.
 est Parvulorum, qui post egressum à Matrum utero absque baptismo moriuntur. 457.
 Rationibus naturalibus probatur Dei libertas contra Ochamum. 411.
 Responsio Augustini ad seipsum circa inæqualitatem visionis beatifica in Electis. 126.

Repu-

VERBORUM, ET RERUM.

Repugnans comprehensibilitatis Dei unde oritur
138.
Resurrectio prima in Apocalypsi quomodo intelligatur
144.
Resurrectiones mentales damnata ab Innocentio XI.
147. sunt vere mendacia. 153. iidem non
usus est Christus, quando dixit Discipulis, se
nolle ad festum ascendere. 151.
Richardus Randalphus testatur, Gracos contra
Dei visibilitatem errasse. 119.
Robertus Abbas asserit, B. Virginem Mariam,
Dei Genitricem, habuisse Dei visionem intuitivam
in hac vita. 150.
Rufinus attribuit Origeni errorem contra Dei vi-
sibilitatem. 126.

S

Sacramentarii contra Dei omnipotentiam errant.
194.
Sadducei quemcumque Spiritum negabant. 116.
errabant in corpore Dei visione. 152.
Sagens Joannes contra indistinctionem constituti-
vi divine essentia, & divina natura, impu-
gnatur. 63.
Sanctitas est bonitas moralis, & quid essentiali-
ter dicat 127.
Sataniani contra Dei omnipotentiam errant.
193.
Sancti quare in lege veteri non invocabantur
116.
Scientia est in Deo non metaphorice, sed proprie.
140. increata est semper directa, nunquam
reflexa. 143. approbationis, & reprobationis
quid in Deo 137. quid speculativa, & pra-
ctica 1 ibid. quid naturalis, & libera 1 ibid.
quid simpliciter intelligentia, & visionis 1 ibid.
Scientia media directa, & reflexa; quid sit hac 2
& an in Deo ponenda 139.
Scholasticorum quorundam opinio fuit, quod uni-
tas Dei demonstrari non possit, at tantum pro-
bari. 109.
Scotus an docuerit distinctionem inter attributa
& essentiam, & inter attributa ipsa, quam
Scotisti defendunt 86.
Scriptura non fuit intelligenda cum limitatione
sine necessitate. 117.
Seleucus Deum corporeum voluit. 117.
Seleuciani faciunt Deum peccati autorem. 138.
contra Dei omnipotentiam errant. 194.
Selinus dicitur Athenis a Martiale. 2.
Semi-Pelagiani, & illorum abusus circa Scien-
tiam mediam. 191. Prædestinationem nega-
bant. 130.
Sfondratus Calesinus Cardinalis propugnat præ-
destinationem post prævisionem meritum. 439.
Serpens anem quare elevatus a Moyse Dei
P.A.R.I.

justu 1
Severita hæretici quinam fuerint 142.
Sextus Senecius defendit Melitonem ab hæresi
a Petavio impugnatur. 117.
Simon Magnus Hæreticorum antesignanus. 138.
Deum fecit peccati autorem. 115.
Simplicitas in Deo quid 1
Sociniani contra Dei infinitatem errant. 201.
Deo præscientiam futurorum denegant. 168.
Socrates de Dei omnipotentia bene sensit. 196.
Species impressa & expressa Dei quid 192. im-
pressa an distincta 194. intelligibilis an de-
tur in Deo 1355.
Spinosa dicitur Aithens a quibusdam. 2. a pluri-
bus dicitur Deista. 7.
Stenus Augustinus Eugubinus, ejusque error
circa aternitatem verum. 173. contra Dei im-
mensitatem erravit. 182.
Stoici male de Dei immensitate senserunt. 182.
errantantes Deo præscientiam futuro-
rum. 168.
Substantia supernaturalis an repugnet 1
Superbia est una ex Atheismi causis. 8.
Suarii opinio de modo, quo Deus cognoscit futu-
ra contingentia absoluta. 374.
Syrenius Julius, ejusque opinio circa Infantem
sortem, qui in Matrum utero moritur. 457.

T

Taborita, vel Taborista, & ipsorum erro-
res. 116.
Tationis, ejusque errores contra Dei unitatem.
108. erravit quoque contra Dei immensita-
tem. 182.
Teophrastus Deo voluntatem negavit ex Alberto
magno. 402.
Tertullianus accusatur quod Deum corporeum
admisit. 117. defenditur a pluribus. 118.
ejusdem assertio de Dei aternitate explicatur.
179. an fuerit Millennarius 132.
Thare, Pater Abrahæ, fuit Idololatra. 106.
Titus Eostrensis defenditur ab errore contra Dei
visibilitatem. 126.
Theodorus Cyrenæicus Aithens. 2.
Theodorus Mopsuestenus posuit inter divina
attributa realem distinctionem. 76. Palama er-
rorem præformavit. 82. defenditur ab errore
contra Dei visibilitatem. 126.
Theodoretus vindicatur ab errore contra Dei vi-
sibilitatem. 126.
Theodosiani hæretici qui fuerint 108.
Theos Aithi dicuntur a Porphyrio. 2.
S. Thomas, ejusque mens circa Dei visionem in-
tuitivam in hac vita. 149.
Thomista, eorumque distinctio inter essentiam di-
vinam & attributa, & inter attributa ipsa. 99.
Thomas Hobbes, ejusque errores. 117.

INDEX VERBORUM, ET RERUM.

Transvāsantes haretici qui?
Tritheita Polisthei censetur.

108.
 108.

V

Valentinus Prebonita Hæresiarcha, ejusque errores. 108. contra Dei inviolabilitatem erravit. 213.
 Valentinus Gentilis nuperus Tritheita. 108. Non fuit Consentinus, nec Calaber. ibid.
 Valentiniani contra Dei immensitatem errabant. 182.
 Valletta Joseph, ejusque Nepos, laudati. 108.
 Verbum Forte quid aliquando significet in divinis Scripturis? 390.
 Vigilantius negavit invocationem Sanctorum. 315. ejus error de beatifica visione Dei. 232.
 Visibilitas in Deo est perfectio. 215.
 Visio Dei intuitiva & præcursiva an possibilis? 300.
 Visionis beatificæ inequalities an proveniat ex intellectu, an ex luminis, an ex speciei, inæqualitate? 327.
 Vindicativa iustitiæ an in Deo detur? 164.
 Unitas Dei auctoritatibus & rationibus probatur. 109. argumenta contra ipsam proponuntur, & solvantur. 112.
 Ursinus Calvinianus, ejusque errores. 117. Deum non voluit in voluntate immutabilem. 167. contra Dei immensitatem erravit. 182. erravit contra Dei omnipotentiam. 194. contra Dei infinitatem. 200. ejus hæresim vocat novum Atheismum Cardinalis de Aguirre. 201. ejus error circa corporalem Dei visionem. 252.
 Voluntas suspensiva an sit in Deo? 419.
 Voluntas Dei dicitur multiplex, & quomodo? 408.
 Voluminis divina perfectiones numerantur. 401.
 Ursula, ejusque opinio de Infantum sorte, qui in Matrum utero moriuntur. 457.

Vvaldus Petrus Vvaldensium auctor. 316.
 Vvaldenses, & ipsorum errores. 316.
 Vvalterius, Abbas S. Vitoris ad muros Parisienses, impugnavit Gilbertum Porretanum. 75.
 Vviclephus Joannes, ejusque error circa aternitatem creaturarum. 172. contra Dei omnipotentiam erravit. 194. erravit contra invocationem Sanctorum. 316. Deo negavit libertatem. 410.
 Uxor fornicaria apud Oseam quid? 142.

X

Xenophanes de Dei infinitate bene sensit, quavis Gentilis fuerit Philosophus. 203.

Z

Zisca Joannes, Tabulatorum Hæreticorum, professor. 316.
 Zozimus Papa in confirmatione Concilii Milevitani, nullum remedium pro salute parvulorum asseruit esse, præter baptismum. 463.
 Zuingliani facillime sunt Athei. 3.
 Zuinglius fecit Deum peccati auctorem. 138. erravit contra Reprobationem Impiorum. 453.

ERRATA.

Auctoris absentia, Correctoris infirmitas, Typorum fatalitas, inevitabilia reddiderunt.

CORRECTA.

Lectorum humanitas, discretio, sapientia, omnino reddent.

FINIS.

EMINENTISSIMO SIGNORE

Gennaro Muzio, pubblico Padrone di stampa in questa fedelissima Città, supplicando espone a V. Em. come desidera stampare in quattro Tomi *La Teologia Scolastica di Monsignor Giuseppe-Maria Perrimezzi Vescovo di Oppido*. In tanto la supplica a volerla commettere alla solita revisione, che l'averà a grazia ut Deus.

Rev. D. Thomas Faenza Praelector S. Theologiae in Seminario Archiepiscopali, & Examiner Synodalis, revidet, & referat. Neap. 3. Januarii 1730.

D. ANTONIUS CASTELL. VIC. GEN.

D. Petr. Marc. Gypsiua Can. Dep.

EMINENTISSIME AC REVERENDISSIME DOMINE

Uffu Em. Tum legi Theologicas commentationes ab Illustrissimo ac Reverendissimo Domino Fr. Joseph-Maria Perrimezzi ex Ord. Minim. S. Francisci de Paula, Episcopo Sanctae Oppidentis Ecclesiae quam diligentissime elucubratas, quibus titulus inscriptus est in Sacram de Deo Sententiam Dissertationes Selectae Historicae, Dogmaticae, Scholasticae Pars Prima tom. I. in hisque omnia ad orthodoxae Fidei Christianorumque morum normam exactissima deprehendi; sed & scholasticae, ac Dogmaticae Theologiae egregiam operam locasse auctorem sum demiratus: itaut non tyronibus modo theologis, verum etiam provec-tioribus ipsis optime consultum censeam, si typis edantur, nisi tamen aliter Em. Tum. videbitur. Neap. ex aedibus Seminarii Archiep. postridie nonas Septem. an. MDCCXXX.

Em. Tum

Humillimus & obsequentissimus servus
Thomas Faenza.

Attenta supradicta relatione, Imprimatur. Neap. 7. Septembris 1730.

D. ANTONIUS CASTELL. VIC. GEN.

D. Petr. Marc. Gypsius Can. Dep.

ECCELLENTISSIMO SIGNORE

Gennaro Muzio, pubblico Padrone di stampa in questa fedelissima Città, supplicando espone a V. Ecc. come desidera stampare in quattro Tomi *La Teologia Scolastica di Monsignor Giuseppe-Maria Perrimezzi Vescovo di Oppido*. In tanto la supplica a volerla commettere alla solita revisione, che l'averà a grazia ut Deus.

Rev. Doctor D. Caetanus Mari videat, & in scriptis referat.

MAZZACCARA REG.

PISACANE REG.

THOMAS REG.

VENTURA REG.

CASTELLI REG.

PEYRI REG.

Spectabilis Regens Miro absens. Illustris Dux Lauriae non interfuit.

Provisum per S. Excellentiam Neap. die 26. Nov. 1728.

Petrillus.

EXCELLENTISSIME PRINCEPS

Imperio Tuo, quo par est obsequio parens, Theologicas legi Dissertationes, quas dignitate iuxta, ac sacra praesertim eruditione Illustrissimus Joseph Maria Perrimezzi Episcopus Oppidentis methodo prosequitur perspicua simul, atque uberrimae referta, adeo doctrinae, ut unum quidem, sed ordine ceteroquin suo, ac tripartitis ea completatur, quae & literis, ac memoriae ecclesiastica commendavit historia, & catholica semper docuerunt fidei dogmata, & subtilius saepe discutienda sibi scholasticae proponunt argutiae: rem autem omnem clarissimus Author cum ita conficiat, ut Regni nihil omnino detrahat juri, literariis mandari posse censeo typis, si Exc. Tum accedat auctoritas, Neap. die VIII. Sept. ann. MDCCXXX.

Obsequentiss. & addidiss. Famulus
Cajetanus Mari.

Attenta supradicta relatione, imprimatur, & in publicatione servetur Reg. Pragm.

MAZZACCARA REG.

PISACANE REG.

THOMAS REG.

VENTURA REG.

CASTELLI REG.

PEYRI REG.

Spectabilis Regens Miro absens. Illustris Dux Lauriae non interfuit.

Provisum per S. Excellentiam Neap. die 12. Sept. 1730.

Petrillus.



